


Cohamacu Yare Yahari
Tjuel



New Testament in Guanano

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 21 Feb 2024 from source files dated 29 Jan 2022
1f3a4366-edba-553b-a17f-bc47c9049c98

Contents

| | |
|----------------------------|-----|
| SAN MATEO | 1 |
| SAN MARCOS | 64 |
| SAN LUCAS | 102 |
| SAN JUAN | 167 |
| HECHOS | 214 |
| ROMANOS | 272 |
| 1 CORINTIOS | 301 |
| 2 CORINTIOS | 328 |
| GÁLATAS | 346 |
| EFESIOS | 356 |
| FILIPENSES | 366 |
| COLOSENSES | 372 |
| 1 TESALONICENSES | 379 |
| 2 TESALONICENSES | 384 |
| 1 TIMOTEO | 387 |
| 2 TIMOTEO | 395 |
| TITO | 400 |
| FILEMÓN | 403 |
| HEBREOS | 405 |
| SANTIAGO | 428 |
| 1 SAN PEDRO | 435 |
| 2 SAN PEDRO | 443 |
| 1 SAN JUAN | 448 |
| 2 SAN JUAN | 454 |
| 3 SAN JUAN | 455 |
| SAN JUDAS | 456 |
| APOCALIPSIS | 459 |

San Mateo

*Jesucristo Cohamac̃ mac̃no to
coyea panop̃ macaina jira
(Lc 3.23-38)*

¹ Jesucristo coyeare panop̃ macainare õ sehe ni yahuihtja ỹh̃. Jesucristo ñ̃ch̃no cjiro panop̃ macariro Davi wama tiriro jia tiha. To jihto pano ti ñ̃ch̃no cjiro Abrahã wama tiriro jia tiha.

² Abrahã Isaa p̃c̃ro jiha. Isaa Jacobo p̃c̃ro jiha.

Jacobo Juda c̃h̃ p̃c̃ro jiha.

³ Juda pohna p̃c̃ro jiha. Fares, Zara jiha. Ti pocoro Tamar wama tiricoro jiha.

Fares Esrom p̃c̃ro jiha.

Esrom Aram p̃c̃ro jiha.

⁴ Aram Aminadab p̃c̃ro jiha.

Aminadab Naasón p̃c̃ro jiha.

Naasón Salmón p̃c̃ro jiha.

⁵ Salmón Booz p̃c̃ro jiha. Booz pocoro Rahab jiha.

Booz Obed p̃c̃ro jiha. To pocoro Rut jiha.

Obed Jesé p̃c̃ro jiha.

⁶ Jesé Davi p̃c̃ro jiha.

Davi sehe Israe masa bui p̃c̃ro jiha. Tiro Uria wama tiriro cjiro namonore to ñoari baharo Salomo wama tirirore pohna tiha.

⁷ Salomo Roboã p̃c̃ro jiha.

Roboã Abías p̃c̃ro jiha.

Abías Asa p̃c̃ro jiha.

⁸ Asa Josafat p̃c̃ro jiha.

Josafat Joram p̃c̃ro jiha.

Joram Uzías p̃c̃ro jiha.

⁹ Uzías Jotam p̃c̃ro jiha.

Jotam Acaz p̃c̃ro jiha.

Acaz Ezequia p̃c̃ro jiha.

¹⁰ Ezequia Manase p̃c̃ro jiha.

Manase Amón p̃c̃ro jiha.

Amón Josia p̃c̃ro jiha.

¹¹ Josia Jeconia c̃h̃ p̃c̃ro jiha. Tina ti jiri pjare Israe yahpa macainare Babilonia macaina sehe ñ̃aha wahc̃ha ti ya yahp̃.

¹² ã yoa Babilonia yahpai ti s̃ri baharo,

Jeconia Salatire pohna tiha.

Salatie Zorobabe p̃c̃ro jiha.

¹³ Zorobabe Abiud p̃c̃ro jiha.

Abiud Eliaquim p̃c̃ro jiha.

Eliaquim Azor p̃c̃ro jiha.

¹⁴ Azor Zadoc p̃c̃ro jiha.

Zadoc Aquim p̃c̃ro jiha.

Aquim Eliud p̃c̃ro jiha.

¹⁵ Eliud Eleazar p̃c̃ro jiha.

Eleazar Matán p̃c̃ro jiha.

Matán Jacobo p̃c̃ro jiha.

¹⁶ Jacobo José p̃c̃ro jiha. José

María mañno jiha. María

sehe Jesu pocoro jire. Jesu sehe

masare ỹh̃dohtiro jiro Cristo

ti ni pisuriro jire.

¹⁷ Tó sehe jiro Abrahãre mari

quihõ m̃htach̃, p̃ Davip̃re mari

quihõ batoach̃ ahrina jipihtina ti

panamana ji turiaina mehne jia,

catorce curuari waro jiha. Pari turi

Davire mari quihõ m̃htach̃, p̃

Babiloniap̃ Israe masare ti naahto

pano mari quihõ batoach̃ jipihtina

ti panamana ji turiana mehne jia,

catorce curuari waro pari turi jiha. ã

yoa tuhs̃ Babiloniap̃ ti s̃ri baharo

mari quihõ m̃htach̃, p̃ Cristo

to masa bajuach̃p̃ mari quihõ

batoach̃ jipihtina ti panamana ji

turiaina mehne jia, catorce curuari

waro jiha tjoa.

*Jesucristo to masa bajarire
yahuha*

(Lc 2.1-7)

¹⁸ ã yoa õ sehe Jesucristo masa

bajuari jire. To pocoro María sehe

José namono cjihto jiri jire. Wiho

mejeta ti p̃c̃ro ji d̃cahto pano

Espíritu Santo to tuua mehne wahma

nijnocãre bocaro masiha ticoro to

basi. ¹⁹ ã yoa José to mañno cjihto

quihõno yoariro jiro, tíre masino,

ticorore cohãno taro nimaha. Masa

ti ñ̃arocaroi ticorore buhiri tich̃ yoa

duaeraro, masa ti t̃hoerasinich̃ta

yaroca ticorore cohãno taro nimaha.

²⁰ Tíre to t̃hoturo watoi Cohamac̃

anjo sehe cahãnopu Josére bajuaro, õ sehe niha:

—José, Davi cjiro panamino, Mariáre buo tiro marieno namo tiga. Ticoro Espíritu Santo to yoadohoro mehne wahma nijinocãre bocaricoro jira. ã jicu buo tiro marieno namo tiga ticorore. ²¹ Ticoro pohna tirohca. Tirota to macunota to masare, pichacapu wahaborinare yuhdohtiro jirohca. To ã yuhdohtiro jichu ñuchu, Jesu ni wama pisuihca mahu —niha anjo Josére.

²² Panopu macariro Cohamacu yare yahu mahtariro cjiro “ã waharohca”, to ni joariro seheta ahri jipihitia ã wahaa tiha. Ahri ã wahahtore õ sehe ni joa dutia tiha Cohamacu tirore:

²³ “Cãcoro nuhmino, ne muno mehne jieraricoro, nijinocãre bocaro pohna tirohca to macunocãre.

Tirocã Emanuel wama tirohca”, ni joaa tiha Cohamacu yare. (Emanuel nino: “Cohamacu mari mehmeta jira”, nino nica.)

²⁴ Cohamacu anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca duhtehe. ²⁵ To macunocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sã muja taro macaina Jesucãre ñua suha

¹ Herode Judea yahpa macaina ti bui puhtoro to jiri pja tí yahpai jiri macai Belëi Jesu masa bajuaha. To ã masa bajuari baharo ñahpichohare buheina ñahpichohare noano masiina sã muja taro macaina ta, Jerusalëpu wihia. ² ã wihia, masare tó macainare sinituha:

—¿Judio masa ti bui puhtoro jihtiro cjihto mipure nohopu masa bajuacari tiro? Sã muja taropu jina, ñahpichohaca to wahma bajua wahã suchu ñuna, “Puhtoro masa bajuaro nica”, ni masihi sã. ã to

bajuachu ñuna, sã cãno mehne tirore ño payona tana tahi õpu —ni yahuha buheina masare.

³ ã yoa paina Herodere tíre yahua tiha. Ti ã yahuchu tuhoro Herode sehe soro tuhotuha. ã jia jipihitia Jerusalë macaina cãhu to yoaro seheta soro tuhotuha tina cãhu. ⁴ ã jiro Herode sehe jipihitia sacerdotea puhtoare, mari judio masare buheina cãhure to pjirocari baharo ti cahmachu pihitichu ñuno, tinare sinituha tiro:

—¿Nohopu masa bajuarohcari Cristo sehe masa tuhotuchu? —ni sinitu ñua tiro.

⁵ Õ sehe ni yahuha tirore:

—Belëi, Judea yahpai jiri macai Cristo masa bajuarohca. Õ sehe ni joaa tiha Cohamacu yare yahu mahtariro cjiro:

⁶ “Belëi yu yainare Israe masare dutihtiro tarohca.

ã jiro paye macari Judea yahpai jia macari yuhdoro jira Belë”, ni joaa tiha Cohamacu yare —ni yahuha tina Herodere.

⁷ Ti ã ni yahuri baharo Herode masa ti marieno watoi sã muja taropu tarinare pjirocaha. To cahapu tina ti suchu ñuno, tinare sinitu ñua. To ã sinitu ñuchu tuhoa, ñahpichohacare ti ñuri dachore yahuha tina. ⁸ Ti ã yahuri baharo Herode sehe tinare Belëpu warocarõ sehe niha tinare:

—Tirocãre noano macaga. Tirocãre bocana tjuahna yuhure yahu tjuahga. Yuhu cãhu tirocãre ño payoi wahai tai nija —nimaha tinare Herode.

⁹ To ã niri baharo, tina wahaa wahaha. Ti ã wahachu sã muja taroi ti ñuria ñahpichohaca sehe m tãrucuha. ã yoa wihãrirocã to jiro bui waroi tjua wahã suha tia sehe.

¹⁰ ã jia ñahpichohacare ñua, tuaro wahcheha tina. ¹¹ Wihãrirocã to jiri wuhupu su, sãa wahaha tina. ã sã sua, wihãrirocãre to pocoro mehne jirocãre ñua tina. ã ñua tina na tuhcuca caha su, tirocãre ño payoha. Ño payo tuhsu ti caa pocare naroca pjõroca, urure, inciensore,

mirra wama tia me sitia cãhure na wio, tíre tirocãre wapa marieno waa tiha. ¹² Tíre wa tuhsu carĩa wahaha tina. Ti ã carĩchu cahãnopu Cohamacu yahuha tinare: “Herode cahai tjuaena tjiga”, ni yahuha Cohamacu tinare cahãnopure. To ã ni yahuri baharo, tina sehe wahcãha. Ti ã wahcãri baharo pa mahapu ti ya dihtapu tjuaa wahaa tiha.

José cãhu Jesucãre Egiptopu na duhti wahcãa wahaha

¹³ Ti ã wahari baharo Cohamacu anjo cahãnopu Josére bajuaro, õ sehe niha:

—Wahcãga. Herode sehe maharirocãre wajãno taro, macano nina mipure. ã yoa maharirocãre, to pocoro cãhure Egiptopu cjero na duhti wahcãa wahaga. Tópure yu niriro purota jiga —ni yahuha anjo Josére.

¹⁴ To ã nichu tãhoro, José sehe ñamihta wahcã, maharirocãre to pocoro cãhure Egiptopu na duhti wahcãa wahaha. ¹⁵ Egiptopu sua, Herode to catiro puro tãpore jiha tina. ã yoaha panopu macariro Cohamacu yare yahu mãhtariro cjiro to ni joariro seheta. Tíre tirore Cohamacu joa dutia tiha. Õ sehe ni joaa tiha Cohamacu yare: “Egiptopu jirirore yu macure pjirocãhi”, ni joaa tiha Cohamacu yare.

Herode macanacãre wajã dutiri jire

¹⁶ ã yoa ñahpichohare buheina ti duhti yãhdãchã tãhoro Herode sehe sua yãhdãaha. ã suaro, Belẽ macainare, tí maca dũhtu caha macaina cãhure ti pohnare mã pohnare puã cãhma cjuainacãre wajã batoa dutiha tiro. Wahmanore ñahpichoha buheina ñahpichohacare ti ñuri dachore yahuha Herodere. Ti ã nichu tãhoro tiro to wajã duarirocã to masa bajuari dachore masino, “Õpe cãhmari cjuara” nino, puã cãhma cjuainare wajã batoa dutiha. ¹⁷ Panopu macariro Jeremía Cohamacu yare yahu mãhtariro cjiro

to ni joariro seheta ã wahaha. Õ sehe ni joaa tiha tiro:

¹⁸ “Ramá wama tiropu bisiro coa tarohca.

Tuaro cahyaa mehne tiro coa tarohca.

Raquel panamana numia ji turia numiapu Israe masa namosãnumia ti pohnare tuaro tiaha.

Ti pohnare ti wajãchã ñã, ne cahya duhusi”,

ni joaa tiha panopu.

¹⁹ ã yoa Herode to yariari baharo Egiptoi jirirore Josére Cohamacu yairo anjo cahãnopu bajuaha. ã bajuaro õ sehe niha Josére:

²⁰ —Maharirocãre wajã duaina cjiri yariaa wahahre. ã jicu tirocãre to pocoro mehne Israe yahpapu na tjuaa wahaga mãhu —ni yahuha anjo Josére.

²¹ To ã niri baharo tiro wahcã, maharirocãre to pocoro mehmeta Israe yahpapu na tjuaa wahaha.

²² Wiho mejeta Arquelao Herode macano sehe to puãro cohtotariro to jichã tãhoro José sehe Judea yahpai cuiro, tjuaeraha. ã jiro pari turita cahãnopu tirore yahu namoha tjoa. Tirore pari turi Judea yahpare ji dutieraha. To ã ni yahuri baharo, tina Galilea yahpapu wahaa wahaha.

²³ Tí yahpapure Nazare wama tiri macai jiha tina. ã yoaha tina Cohamacu yare yahu mãhtaina cjiri ti joariro seheta. Õ sehe ni joaa tiha: “ ‘Cristo Nazare macariro tjira’, niahca masa”, ni joaa tiha Cohamacu yare yahu mãhtaina panopu macaina.

3

João masare bautisariro masare yahuha

(Mr 1.1-8; Lc 3.1-9, 15-17; Jn 1.19-28)

¹ ã yoa baharopu João masare bautisariro jiha. Judea yahpai masa marienopu tiro Cohamacu yare yahu dũcaha masare. ² Õ sehe ni yahuha tinare:

—Musa macariro Cohamacu musa pãhtoro to sũho jihto mahanocã duhsara. ã jina “Ñano yoaeraja”, musa ni tãhotumari cjirire duhuga. Musa ñaa buhirire cahya, Cohamacu sehere cahmaga musa —ni yahuha tiro tinare.

³ Panopũ macariro Isaia Cohamacu yare yahu mãhtariro cjiro João to buhehtore õ sehe ni joaa tiha:

“Masa marienopũ cãiro sañurucu, õ sehe ni buherohca:

‘Mari pãhtoro to tahto pano tirore cahmaeraina cjiri musa tãhotuare cohtota, tirore cahmaina jiga musa’, ni sañurucu buherohca”

ni joaa tiha Isaia cjiro João cjihtore.

⁴ Tiro João camello pjoari suhtirore sãariro, wahiquiro cahsaroreta tãã dihoriro jiha. Poreroare, macaroca macaina miquina mi cãhure chãa tiha. ⁵ Jerusalẽ macaina, jipihtiro Judea yahpai jiina, Jordão wama tiri ma cahai jiina cãhũ tirore tãhoa taha. ⁶ Wihi, tirore tãho, ti ñaa yoarire Cohamacure yahuha tina. Ti ã ni yahuchũ tãhoro Jordão wama tiri mai João tinare bautisaha.

⁷ ã jiro payũ fariseo curua macaina, saduceo curua macaina cãhũ Joãore ti bautisa dutia tachũ ñũno tiro tinare õ sehe ni yahuha:

—¿Musa cãhũ agãa ñima tiina yoaro sehe musa mahña buhea mehne masare dojomehneina jina, Cohamacu musare to buhiri dahrehto pano tirore cui, duhti masierara musa? ⁸ ã jina potocãta musa ñaa buhirire bujũa witi, Cohamacure cahmana jiihna, noaa yoa ñoga.

⁹ ‘Õ sehe ni tãhotuena tjiga: “Panopũ macariro Abrahã mari ñũchũ cjiro jia tiha. ã jina to panamana jina mari Cohamacu yaina jija”, ni tãhotuena tjiga musa. Musare niita nija. Abrahã panamana jiina jimana musa. Musa ã jipachũta tí musa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea musa jia wiho waro jira tãa ti wiho

waro jiro seheta. ¹⁰ Õ sehe jira: Masa yucũri yoaro seheta jira. Cohamacu sehe coma mehne yucũrre cãã cohãriro yoaro sehe jira. ã jiro noaa dica maria yucũre nãhcõri mehnepũta cãã cohãnohca tiro. Tíre to cãã cohãri baharo, pichacapũ jã cohãnohca tiro. ãta yoaro taro nina masa cãhure tirore cahmaerainare. ¹¹ Yũ baharo yũ bui tuariro tarohca. Noa yãhdũariro jira tiro. Tiro yoaro sehe jieraja yũhũ sehe. ã jicũ tirore tãhotucũ, “Wiho jiriro jija yũhũ”, ni tãhotuja yũhũ. Yũhũ sehe musa ñaare tãhotumari cjirire tãhotu cohtotainare diapũ bautisacũ, co mehne yoamahi. Tiro sehe yũ yãhdoro yoarohca. Espĩritu Santore masa mehne ã jirucuchũ yoarohca tiro. Wiho mejeta paina sehere ñaare ti tãhotumari cjirire duhu duaeraina sehere tiro pichaca mehne buhiri dahrerohca. ¹² Yũ baharo tariro cahsari cohãriro yoaro sehe jira. Cahsari cohãriro to batiro mehne jipihtia to trigo yapari cahsarire putiwera. To ã putiwera baharo trigo sehere to wihbori wũhũ wihborohca. Tó seheta yoarohca tirore cahmainare yũ baharo tariro. To putiwea cahsari sehere tiro jũnohca. Tí pichaca ne yatisi. ãta yoarohca tiro yũ baharo tariro tirore cahmaerainare —ni yahuha João.

João Jesure bautisaha (Mr 1.9-11; Lc 3.21-22)

¹³ Baharo Jesu Galileapũ jiriro cjiro waha, Jordão wama tiri mapũ buhu sũha Joãore bautisa dutiro. ¹⁴ Wahmanore João tirore bautisa duaeramaha.

—Neho, mãhũ sehe yũ yãhdoro tuariro yũhũ sehere mã bautisachũ noaboa. Mãhũre bautisaboriro jieraja yũhũ —ni yũhtimaha João Jesure.

¹⁵ Jesu sehe õ sehe ni yũhtiha tirore: —Yũhũre bautisasiniga. Õ sehe yoana, Cohamacu to dutiriro seheta sohtori tina nija mari —niha Jesu.

To ã nichũ tãhoro:

—Jai —ni yũhtiha João.

¹⁶ Æ ni tuhsu, Jesure bautisaha. To bautisa tuhsuchu Jesu diaru ducuriro maja surucu suha. To maja surucu suchata, manano pari manaha. Cohamacu to Espiritu buja yoaro sehe tiro bui to duji tachu naha. ¹⁷ To Æ duji tachu manopu durucuro coa taha:

—Ahriro yu macu yu cahiro jira. Tiro mehne tuaro wahcheja —nino coa taha manopu.

4

Watino naare yoa dutimaha Jesure (Mr 1.12-13; Lc 4.1-13)

¹ Æ yoa Espiritu Santo sehe Jesure masa marienopu naaha, toru watino tirore naare to yoa duti naho sehe.

² Toru saro cuarenta dachori waro chero marieno jira Jesu. Æ jiro jaca baaha. ³ Jaca to baachu nuno watino sehe tiro cahapu saro, o sehe niha:

—Mahu Cohamacu macno jicu, ahri ta pocare chu dojomehnega —nimaha tiro Jesure.

⁴ Jesu o sehe ni yuhtiha:

—Yoeraja. Cohamacu yare ti joari pu o sehe nina: “Masare chu mehne dihta catieraro cahmana. Jipihtia Cohamacu to ya yahua mehne jiro cahmana”, nina Cohamacu —ni yuhtiha Jesu watinore.

⁵ To Æ ni yuhtiha baharo watino sehe Jerusalēpu “Cohamacu ya maca”, ti niri macapu Jesure naaha. Toru na saro, Cohamacu ya wahu bui Jesure na suha tiro. ⁶ Na su tuhsu, tirore o sehe nimaha:

—Cohamacu yare ti joari pu o sehe nina:

“Cohamacu to anjoare mahure nu wihbo dutirohca. Æ jia tina sehe mahure nu wihboahca,

“Tācapu puha tu mari’ nia”, nina ti joari pu. To Æ niri potocā jichu mahu Cohamacu macno jicu yahrapu pju bora noñjuta yuhure. Mahure tina ti yoadohochu noñjuta yuhure —nimaha watino.

⁷ Jesu pju bora no duaeraro o sehe ni yuhtiha:

—Cohamacu yare ti joari pu o sehe nina: “Musa puhtoro Cohamacu

to niri cjirire ‘¿Potocā tjjari?’ ni masi duana Cohamacure yoa no duti macaena tjiga”, nina Cohamacu yare ti joari pu —niha Jesu.

⁸ To Æ ni yuhtiha baharo mahu yuhduhu tucapu Jesure na mujaha watino tjoa. Tu buipu maha pja su, jipihtia macarine noroca boroha Jesure. Ti cjuua chure noha. ⁹ Æ noho Jesure o sehe nimaha:

—Yuhure na tuhcu caha su, no payoga mahu. Mu Æ yoachu jipihtia ahri macarine mahure waihtja —ni yahumaha watino.

¹⁰ To Æ nichu Jesu o sehe ni yuhtiha:

—Satana, wahaga mahu. O sehe nina Cohamacu yare ti joari pu: “Mu puhtoro Cohamacu dihtare no payoga. To ya dutia dihtare yoaga”, nina Cohamacu yare ti joari pu —niha Jesu watinore.

¹¹ To Æ nichu tuhoro watino wahaa wahaha. To wahari baharo anjoa sehe wihi, Jesure yoadohoa tirore chu waha.

Galilea yahpai Jesu buhe ducaha (Mr 1.14-15; Lc 4.14-15)

¹² Æ yoa Joāore peresu ti yoachu tuhoro, wahaa wahaha Jesu. Waha, Galilea yahrapu suha. ¹³ Tōi jiri macapu Nazarepu waha, yuhdu wahcā, Capernau wama tiri macapu suha. Galilea wama tiri bucupariro duhtu cahai jira Capernau. Tī maca Zebulō yahpa cahai, Neftalí yahpa cahai jira Capernau. Toru su, jira Jesu.

¹⁴ Æta yoaha Jesu panopu macariro Cohamacu yare yahu muhtariro Isaia cjiro to ni joariro seheta. O sehe ni joa tiha:

¹⁵ “Zebulō yahpa cahai, Neftalí yahpa cahai, bucupariropu waharoi, Jordāo pa buhusehe coapu Galilea yahpa jira.

Tī yahpa judio masa jieraina ya yahpa jira.

¹⁶ Tō macaina Cohamacu yare noare masierara.

Æ masierapahta noarirore nuapu masiahca.

Tina sehe Cohamacure ne masierara.

Ã jia pichacap_u wahaborina jimaha. Ã jiro cãiro tinare Cohamac_u yare masich_u yoarohca”, ni joaha Isaia cjiro.

¹⁷ Tóp_u jiro, Cohamac_u yare yahu d_ucaha Jesu:

–M_usa ñaare t_uhotumari cji_urire duhu, noaa sehere t_uhotu cohtota, Cohamac_ureta macaga m_usa. M_uano macariro Cohamac_u jipihtina bui p_uhtoro to s_uho jihto mahanocã d_uhsara –ni yahu d_ucaha tiro.

Pititiaro wahi wajãinare tiro mehne macaina cjihtire pjiha Jesu

(Mr 1.16-20; Lc 5.1-11)

¹⁸ Ã yoa Galilea wama tiri b_uc_upariro d_uht_u cahap_u Jesu sito wahcãmahno ñ_uha Simore, to bah_uro Andre mehne. Simota Pedro ti ni pisuriro jiha. Tina sehe wahi wajãina jia, ti wañ_uyuc_urire doca ño m_ujaa niha b_uc_uparirop_u.

¹⁹ –Y_uh_u mehne macaina cjihti taga m_usa. Y_uh_u mehne m_usa tach_u, m_usa wahire ñaha cahmachuina m_usa jiro sehetã, Cohamac_u yaina cjihtire masare pji cahmachuina cjihtire yoaihtja m_usare. Y_uh_u mehne m_usa tach_u ã yoah_utina cjihtire c_uihtja m_usare –niha tiro tinare.

²⁰ To ã nich_u t_uhoata ti wañ_uyuc_urire c_unocã, tiro mehne wahaa wahaha.

²¹ Ã yoa Jesu tina mehne y_uhd_u wahcã, Santiagore to bah_uro João mehne boca s_uha tjoa. Tina Zebedeo pohna jiha. Ti yaria dohoriai ti p_uc_uro mehne tina c_uh_u ti wañ_uyuc_urire cahnoa niha. Tina p_uarore tiro pjirocã. ²² To ã pjirocach_u t_uhoa, tina sehe dóihta ti p_uc_urore, dohoria c_uh_ure c_u, Jesu mehne wahaha.

Pay_u masare buheha Jesu

(Lc 6.17-19)

²³ Ã yoa jipihtiro Galilea yahpare Jesu buhe tiniha. Judio masa mari buhea w_uh_usep_u noaa buheare, m_uano macariro p_uhtoro to s_uho jia tiare buheha. Tinare buhe, dohatiinare noaina wahach_u yoaro jipihtia dohatiare cohãha tiro. ²⁴ To

ã yoaare t_uhoa Siria yahpa macaina jipihtiro p_u tí yahpai jiina tirore masi d_ucaha. ã masia, soro jia dohatia c_uh_uainare, tuaro puri_uare c_uh_uainare, wafã ti sãanohrinare, ñama yaria m_unare dohatiinare, tini masieraina c_uh_ure na s_uha. Ti ã na s_uch_u ñ_uno jipihtina tinare noaina wahach_u yoaha Jesu. ²⁵ To ã yoach_u ñ_uha, Galilea yahpa macaina, Decapoli wama tirop_u jia macari macaina, Jerusalẽ macaina, Judea yahpa macaina, Jordão pa b_uh_usehe coa macaina pay_u masa tiro mehne wahaha.

5

T_uc_up_u m_uja, tói buheha Jesu masare

¹ Masa pay_u to cahai ti s_uch_u ñ_uno Jesu t_uc_up_u m_ujaha. M_uja s_u, tói dujiha. Tói to dujich_u to buheina sehe tiro cahap_u s_uha. ² Ti s_uch_u ñ_uno õ sehe ni buhe d_ucaha:

Õ sehe jiina jira wahcheina
(Lc 6.20-23)

³ –Ti ñaa t_uhotumari cji_urire duhu, noaa sehere t_uhotu cohtotaina Cohamac_ure cahmaina wahcheina jira. M_uano macariro p_uhtoro to s_uho jiro p_ure wahaahca tina. M_uano macaa ti ya jira.

⁴ 'Yahco tiina c_uh_u wahcheina jira. Tinare wahch_u yoarohca mari P_uc_u.

⁵ 'Painare y_uhd_ur_uca duaeraina ã jica nieraina wahcheina jira. Cohamac_u "Waihtja", tinare to nirire c_uh_uahca tina.

⁶ 'Cohamac_u to dutiro sehe yoa duaina, noaare yoa duaina wahcheina jira. Cohamac_u to yoadohoch_u tina noaare yoa sohtori tiahca.

⁷ 'Painare pja ñ_uina wahcheina jira. Ti ã pja ñ_uch_u Cohamac_u tina c_uh_ure pja ñ_unohca.

⁸ 'Ti ñaa buhirire cosanohrina wahcheina jira. Cohamac_ure ñ_uahca tina.

9 'Masare bosaina wahcheina jira. Tinare "Y_u pohna jira", nino-hca Cohamac_u.

10 'Cohamac_u dutiare ti yoari buhiri ti ñano yoanohrina sehe wahcheina jira. M_uano macariro p_uhtoro to s_uho jirop_u to yare c_uaa hca tina.

11 'Y_u yare m_usa yoari buhiri paina m_usare ti tuhtipach_uta wahcheina jira m_usa. M_usare ti ñano yoapach_uta wahcheina jira m_usa. Y_u yaina m_usa jiri buhiri m_usare jipihtia ñaa ti q_uiti dojomehnepach_uta ti mah_uñopach_uta wahcheina jira m_usa. 12 Cohamac_u yare yahu m_uhtainare m_usa pano jinare tinap_ureta ñano yoa m_uhtaha. M_usa c_uh_ure ti yoariro sehe ti yoach_u wahchega. Noano yajeripohna tiga. Ñ jiro m_uanop_u m_usa s_uch_u p_uj_uro noano yoarohca m_usare Cohamac_u – ni yahuha Jesu.

Moa yoaro sehe, buhriaro yoaro sehe jira Jesu yaina

(Mr 9.50; Lc 14.34-35)

13 Ñ yoa Jesu ñ sehe ni buhe namoha:

–Moa wahiquiro dihire to ñano wa-haerach_u yoaro seheta m_usa sehe y_u yaina sehe jipihtina painare ñaare ti yoa duaerach_u yoara. Wiho mejeta moa sehe ti ñaa wahach_u pari turi noaa yoahto basioerara. Tí moa ne noaerara. Ti ñ wahach_u tí moare coh_uño cahmana. Ti ñ coh_uñi baharo tí bui masa t_u c_una. Ne yaba c_ujihti jierara tí moa ti coh_uña. (Ti yaba c_ujihti jieraro seheta jiena t_ujiga m_usa. Cohamac_u ya sehere coh_uña t_ujiga) –ni yahuha Jesu.

14 Ñ yoa tiro ñ sehe ni buhe namoha:

–Buhriaro marine to ñ_uch_u yoaro seheta m_usa sehe y_u yaina sehe ahri yahpa macainare Cohamac_ure masich_u yoara. T_uc_u bui jiri macare n_uohto basioerara. 15 Ñ yoa sih_uñiare masa sih_uña, biato docap_u n_uoerara. Tiare sih_uñiare m_uanoi duhu payora tí w_uh_u macaina jipihtina ti ñ_uhtiare.

16 Ñ seheta m_usa c_uh_u buhriaro yoaro sehe jiina jina, noaare yoaga.

M_usa ñ yoach_u ñ_uña masa mari P_uc_u m_uano macarirore ño payo, "Tuariro, noariro jira", niahca –ni yahuha Jesu.

Cohamac_u to dutiare to joari cjirire yahuha Jesu

17 Ñ ni tuhs_u, tinare ñ sehe ni yahu namoha:

–Ahrire m_usa masich_u cahmaja y_uh_u. Cohamac_u to dutiare Moise cjirire to c_uñire, to yare yahu m_uhtaina cjiri ti joari cjiri c_uh_ure coh_uñi tai nierahi. Tí dutiare m_usare noano yahu potoi tai nii. Tí dutiare ti quih_uño jich_u ñoi tai. Ti niriro seheta yoa sohtori tii tai nii. 18 Potoc_u m_usare nii nija. Pih_utiri dacho pano jisinch_u Cohamac_u dutia Moise cjirire to c_uñire ne mahanoc_u baro coh_uñi mari. Ahri yahpa, m_uano c_uh_u ti jisino puro to dutia c_uh_u jirucuahca. Ñ jirucua ti niriro seheta sohtori tirohca. 19 Ñ jia tí dutiare c_uñi y_uhd_ur_ucaa, painare tó sehe y_uhd_ur_uca dutia, m_uano macariro p_uhtoro to s_uho jirop_u cahamaca yoaro sehe jahca. C_uño dutiac_u to jipach_uta tina y_uhd_ur_ucaa, cahamaca yoaro sehe jahca tina. Paina tí dutiare noano yoaa, painare tí yoaro sehe yoa dutia, m_uano macariro p_uhtoro to s_uho jirop_u p_uhtoa yoaro sehe jahca tina sehe. 20 M_usare niita nija y_uh_u. Judio masare buheina, fariseo curua macaina c_uh_u Cohamac_u cahmaare quih_uño yoaerara. Tina ti yoariro y_uh_uoro Cohamac_u cahmaare yoaga m_usa sehe. M_usa ñ yoaerana, p_uhtoro Cohamac_u to s_uho jirop_ure ne s_usi m_usa –ni yahuha Jesu.

Susiniare yahuha Jesu

(Lc 12.57-59)

21 Ñ ni tuhs_u, tinare ñ sehe ni yahu namoha:

–Panop_u macaina ñ sehe ni ti yahuri cjirire t_uh_uori jimare m_usa: "Masare waj_uña t_ujiga. Masare waj_uñi ti buhiri dahrehtiro jira", ti niri cjirire t_uh_uori jimare m_usa.

22 Ahri ti yahuri y_uh_udo curero m_usare

ahri sehere yahu namoihtja. To coyeiro mehne susiniriro sehe ti buhiri dahrehtiro jira masunore wajãriro yoaro seheta. To coyeirore tuhtiriro, “Ne tũho masia maerariro jira mũhũ”, niriro buhiri dahre dutiina cahai ti naahitiro jira. “Tũho masierariro jira mũhũ”, to coyeirore nirirore pichacapũ wahahto cua yũhdũara tirore.

23 Mũsa coyeiro mũsare to ñũ tuhtichũ õ sehe yoaga. Cohamacũ wũhũrũ Cohamacũre mũsa ño payohto pano, wahiquire jũ mũo, mũsa wahto pano õ sehe yoaga. 24 Mũsa wahtire duhu cũ, mũsa coyeiro cahapũ waha, “Pari turi cahmachena tjijihna. Tó purota duhujihna tíre”, niga tirore. Mũsa ã niri baharo Cohamacũre wa, ño payona wahaga to wũhũrũ.

25 Pairo mũhũre to yahusã duachũ, pũhtoro masare beseriro cahapũ mũhũre to naa duachũ, tiro mehne suaro marieno wahaga. Masare beseriro cahapũ to na sũhto pano tiro mehne noano jiga. Mũ ã yoachũ ñũno tiro mũhũre yahusãeraboca. Mũ ã yoerachũ tóprũre mũsa sũchũ tiro sehe mũhũre masare beserirore yahusãnohca. To ã yahusãchũ, beseriro sehe peresu yoainapũre mũhũre warohca. ã jia tina mũhũre peresu yoahca. 26 Potocã nii nija mũhũre. Tóprũ jisiniihca mũhũ. Pũ ti wapa dutirire mũhũ wapa pahũoirũ wijaaihca mũhũ –ni yahuha Jesu.

Pairo namono mehne ñano yoare yahuha Jesu

27 Õ sehe ni yahu namoha Jesu:

–Panopũ macainare õ sehe ti ni yahuri cjirire tũhori jimare mũsa: “Pairo namono mehne ñano yoarena tjiga”, ti niri cjirire tũhori jimare mũsa. 28 Ahri ti yahuri yũhdo curero mũsare ahri sehere yahu namoihtja. Numinore ñahaeraparota, cãiro ticorore ñano goa pjaro, ñano wacũ tũhoturo ñano yoa tuhsũha ticoro mehne.

29 ã jicũ mũ capariaca potu buhũsehei jiriacã mehne ñano yoacũ, tiare orewe na mũ cohãboriro seheta ti ñaa yoare duhuga. Tíre duhueracũ pichacapũ wahaihca. Mũ capariacare mũ cohãchũ tia capariaca dihta butira. Mũhũ sehere pichacapũ mũ wahachũ ña yũhdũara. ã jicũ tí ñaa yoare duhuga. 30 ã jicũ mũ wamomaca potu buhũsehei jiri wamomaca mehne ñano yoacũ, tí wamomacare mũ dũte cohãboriro seheta tí ñaa yoare duhuga. Tíre duhueracũ pichacapũ wahaihca. Mũ wamomacare mũ cohãchũ tí wamomaca dihta butira. Mũhũ sehere pichacapũ mũ wahachũ ña yũhdũara. ã jicũ tí ñaa yoare duhuga –ni yahuha Jesu.

To namonore cohãare yahuha Jesu (Mt 19.9; Mr 10.11-12; Lc 16.18)

31 Õ sehe ni yahu namoha Jesu:

–Panopũ ahri cũhũre niha: “To namonore cohã duariro to cohãhtore yahuri pũ mehne ticorore cohã masina”, nimaha panopũ. 32 Ahri ti yahuri yũhdo curero mũsare ahri sehere yahu namoihtja. To namono pairo mehne ñano yoeraricoro to jipachũta to manũno ticorore cohãboca. To ã cohã daporicoro paiore manũ tiro ñano yoaro nica ticoro paiore mehne jiro. To manũno ticorore ã cohãno ticorore paiore mehne ñano yoachũ yoara. To baharo namo tiriro cũhũ ticoro mehne ñano yoaro nina –ni yahuha Jesu.

Wama payo niare yahuha Jesu

33 Õ sehe ni yahu namoha Jesu:

–Panopũ macaina õ sehe ti ni yahuri cjirire tũhori jimare mũsa: “Mũsa niriro seheta yoaga. ‘Cohamacũ mehne potocã ã yoaihtja’, mũsa niriro seheta yoaga”, ti ni yahuri cjirire tũhori jimare mũsa. 34 Ahri ti yahuri yũhdo curero mũsare ahri sehere yahu namoihtja. “Mũano mehne potocã nii nija”, ni mũano mehne wama payo niena tjiga. Mũano sehe Cohamacũ mari pũhtoro to sũho jiro jira. Wiho jiro jierara.

To ã jichu ñuna muano mehne ã niena tjiga. ³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacu ya yahpa jira. To ã jichu ñuna ã niena tjiga. “Jerusalẽ mehne potocã nii nija”, ne wama payo niena tjiga. Tuariro mari puhtoro ya maca jira Jerusalẽ. Wiho jiri maca jierara. To ã jichu ñuna ã niena tjiga. ³⁶ “Yu dapu mehne potocã nii nija”, ni wama payo niena tjiga. MUSA pjoari ti yehsea wahachu yoa masierara MUSA. Ti ñia wahachu cãhure yoa masierara MUSA. ã yoa masieraina jina “Yu dapu mehne potocã nii nija”, ni wama payo niena tjiga. ³⁷ “Yoanahtja”, nina wama payoro marieno õ sehe dihta tíre nirucuga. “Yoasi”, nina cãhu wama payoro marieno nirucuga. MUSA wama payo nina, watíno ñariro to dutiriro seheta yoana nica MUSA –ni yahuha Jesu.

*Ti cahma suaare yahuha Jesu
(Lc 6.29-30)*

³⁸ Õ sehe ni yahu namoha Jesu:

–Panopu õ sehe ti ni yahuri cjirire tuhori jimare MUSA. “Muhure pairo mu capariacare to cã tihãriro seheta muhu cãhu tirore cã tihã cahmaga. Mu piriacare to cã nuhariro seheta muhu cãhu cã nuha cahmaga”, ti niri cjirire tuhori jimare MUSA. ³⁹ Ti yahuri yuhdo curero ahri sehere yahu namoihtja MUSA. Muhure ñano yoarirore ã ñunocahga. Cã buhusehe mu wahsupure to cãch, pa buhusehe cãhure cã dutiga tirore. ⁴⁰ Pairo buhiri dahre dutirirore muhure to yahusãch, dutiriro sehe mu camisare muhure yahusãrirore wa dutiboca. To ã wa dutich, tirore waga. Mu bui macari suhtiro cãhure wa namoga tirore. ⁴¹ Pairo surara paye barore cã kilómetro muhure to naabasa dutich, pa kilómetrore waha namoga tjoa. ⁴² Muhure sinirirore waga. Tuhsu, pairo muhure to waso dutich wasoga tirore –ni yahuha Jesu.

*Musare ñu tuhtiinare cahãga
(Lc 6.27-28, 32-36)*

⁴³ Õ sehe ni yahu namoha Jesu:

–Masa õ sehe nina: “MUSA mehne macainare cahãga. ã yoa musare ñu tuhtiinare ñu tuhti cahmaga tjoa”, ti niri cjirire tãho muhtari jimare MUSA. ⁴⁴ Ti yahuri cjiri yuhdo curero ahri sehere yahu namoihtja MUSA: MUSA ñu tuhtiinare cahãga. ã cahina tinare noano yoaga. MUSA ñano yoainare ti ya cjihtire Cohamacu sine payoga. ⁴⁵ MUSA ã yoana mari Pucu muano macariro pohna jira MUSA. Cohamacu sehe cãno potori yoara masare. Ñaina cãhure, noaina cãhure sã sichu yoara tiro. Tuhsu, Cohamacu dutiare yoaina cãhure, yoeraina cãhure coro tachu yoara tiro. Masare cãno potori to yoariro seheta MUSA cãhu yoaga. ⁴⁶ MUSA cahina dihtare MUSA cahichu tí ne yaba cjihti jierara paina sehere MUSA caherach. Puhtoa ya cjihtire wapa na cohtaina cãhu tó seheta yoara. ã jina jipihtinare cahãga. ⁴⁷ MUSA coyey dihtare MUSA noano piti bocachu tí cãhu ne yaba cjihti jierara paina sehere MUSA noano piti bocaerach. Cohamacu masieraina cãhu tó seheta yoara. ã jina jipihtinare noano piti bocaga. ⁴⁸ Ñaa marieina jiga MUSA. MUSA Pucu muano macariro to ñaa marieriro to jiriro seheta MUSA cãhu ñaa marieina jiga –ni yahuha Jesu.

6

Noaa yoaare yahuha Jesu

¹ Pari turi tiro õ sehe ni yahu namoha:

–Cohamacu ya cjihtire noaare yoana, “Cohamacu yare yoa pahñoina jija sã”, ni yahuena tjiga painare. MUSA ã ni yahuri buhiri noaare MUSA yoari cjiri ne yaba cjihti jierara. ã jiro Cohamacu muano macariro noaare MUSA yoari wapa MUSA ne wasi. ² ã jina pjacuinare yoadohona, tíre masare yoa ñoena tjiga. Masa ti ñenoi yoadohoga tinare. Cãina noaa

ti yoaare yoa ñohna mahapũ jiinare, judio masa mari buhea wũhũsepũ jiina cũhũre. Tina mari baharo bũhũsehei ñano yoa cohtaina jira. Æ yoa ñohna tina, “Noaina jira”, masare ni ñũ dutia. Ti ã ni ñũchũ ã yoa ñoina sehe wahche tuhsũre. “Noaina jira” ni, masa ti ño payochũ wahche tuhsũre tina. Æ jiro Cohamacũ sehe ne wahche namochũ yoasi tinare. ³ Æ jina pjacũoinare yoadohona, masa ti ñũenoi yoadohoga tinare. Mũsa mehne macaina mehne jina ti ñũenoi pjacũoinare yoadohoga. ⁴ Masa ti ñũeraropũ mũsa yoadohopachũta Cohamacũ sehe ñũna. Æ ñũno mũsa ã yoari wapa warohca mũsare –ni yahuha Jesu.

*Cohamacũre siniare yahuha Jesu
(Lc 11.2-4)*

⁵ Pari turi tiro õ sehe ni yahu namoha:

–Cohamacũre sinina, mari baharo bũhũsehei ñano yoa cohtaina yoaro sehe yoaena tjiga mũsa. Judio masa mari buhea wũhũsepũ ducu, mahapũ cũhũre ducu, Cohamacũre sini ñohna tina masare. Æ sini ñoa potocã masa tinare ti ño payochũ tí mehne tina wahche tuhsũre. ⁶ Cohamacũre sinicũ tacũ, mũ ya tahtiapũ biha sãaga. Biha sãa, mũsa Pũcũ ñũmahnoerarirore siniga. Mũsa ã yoachũ masa marienoi mũsa sinipachũta mũsa Pũcũ mũsare tũhorohca. Æ tũhoro mũsare noano yoarohca tiro.

⁷ Æ jina Cohamacũre sinina, tũhoturo marieno mũsa sinirireta pari turi sini majare tjua mũjaena tjiga. Æ sehta yoara Cohamacũre masieraina. “Payũ durucua mehne Cohamacũre sã sinichũ tiro sãre tũhorohca”, ni tũhotumana tina. ⁸ Tina yoaro sehe yoaena tjiga. Mũsa sinihto pano mũsa Pũcũ mũsa cahmaare masi tuhsũra. ⁹ Æ jina õ sehe ni sininahca Cohamacũre:

“Sã Pũcũ, mũano macariro mũhũ ñaa marieriro ã jirucura.

¹⁰ Mipũre jipihtina bui pũhtoro jiga.

Mũanopũ mũ dutiro sehta ti yoariro sehta ahri yahpa macaina cũhũ yoajaro.

¹¹ Æ jicũ dachoripe sã chũhtire warucuga sãre.

¹² Paina sãre ti ñano yoarire sã boja.

Æ jicũ mũhũ cũhũ sã ñano yoarire boga.

¹³ Æ jicũ sã ñaare yoa duana sã goa pjachũ ñũcũ tíre yoa dutii tjiga.

Æ jicũ sãre ñaare yoaerachũ yoaga.

[Mũhũ sã pũhtoro tuariro ã jirucuihca. Jipihtina mũhũre ã ño payorucuahca],

ni siniga Cohamacũre.

¹⁴ Æ Paina mũsare ti ñaa yoarire mũsa bochũ ñũno, mũsa Pũcũ mũano macariro cũhũ mũsa ñaa yoarire borohca.

¹⁵ Wiho mejeta paina mũsare ti ñaa yoarire mũsa boaerachũ mũsa Pũcũ cũhũ mũsa ñaa yoarire ne bosì –ni yahuha Jesu.

Chũ duhuare buheha Jesu

¹⁶ Æ jiro tiro tinare õ sehe ni yahu namoha:

–Cohamacũre ño payona tana chũ duhuna bũjũa witiina yoaro sehe yoa ñoena tjiga. Tó sehe yoara mari baharo bũhũsehei ñano yoa cohtaina. Tina ti wũhdũa poca cahyaina yoaro sehe jira. Ti ã jiina jichũ ti chũ duhuchũ ñũ masina masa. Potocãta mũsare nii nija. Tinare masa ño payochũ cahmana tina. Æ jia tinare ti ño payochũ ñũna tina wahche tuhsũre. (Cohamacũ sehe tirore ti ño payori wapa tinare wahchechũ yoasi. Æ jina tina yoaro sehe yoa ñoena tjiga mũsa.) ¹⁷ Mũsa chũ duhuna, mũsa pjoarire co mehne wa payo wũha majare payoga. Æ jina mũsa wũhdũa pocare cosaga. ¹⁸ Mũsa ã yoachũ mũsa chũ duhuchũ ñũ masisi masa. Mari ñũ mahnoerariro Cohamacũ dihta mũsa chũ duhuare ñũ masinohca. Mũsa sahsero mũsa jichũ tiro mũsa mehne ã jirucura. Æ ñũno tiro mũsare noano yoarohca tirore mũsa ño payori wapa –ni yahuha Jesu.

*Mũano macaare cjũa dutiha Jesu
(Lc 12.33-34)*

19 Ñ jiro tiro õ sehe ni yahu namoha:

–Ahri yahpa macaare na cah-machuena tjiga. Õ macaa baa wahaboca. Ti baaerach_u yacariro naboca tíre. To yacaerach_u mach_u tuaboca. Ñ jia ahri yahpa macaa nu butihto cuara. Ñ jina ahri yahpa macaare tuaro cahmaena tjiga. 20 M_uano macaa sehere cahmaga m_usa. M_uano macaare mach_u tua masierara. Тóр_u m_usa c_uaa ne baaerara. Тóр_ure yacariro na masierara. Ñ jina m_uano macaare cahmaga m_usa. 21 Тóр_u m_usa c_uaa ti jich_u, m_uano macaare Cohamac_u yare tuaro wac_una m_usa –ni yahuha Jesu.

*Masa ti t_uhoturo seheta yoara
(Lc 11.34-36)*

22 Ñ jiro õ sehe ni yahu namoha tinare:

–Sihãria to noano buhriach_u mari ñ_u masino seheta Cohamac_u yare t_uhotuna to yare noano yoa masinahca m_usa. M_usa t_uhoturo seheta yoara m_usa. Cohamac_u yare t_uhotuna noaare yoara m_usa. 23 To yare t_uhotuerana ñaare yoara m_usa. M_usa ñaa dihtare m_usa t_uhoturucuch_u tí ñaa sehe ñabíaa jira –ni yahuha Jesu.

*Niñerure cahña, Cohamac_u sehere
cahñerara
(Lc 16.13)*

24 Ñ jiro tiro õ sehe ni yahu namoha tinare:

–Cũiro Cohamac_u sehere wac_uno, tuabiaro niñeru sehere wac_uerara. Niñeru sehere tuabiaro wac_uno Cohamac_u sehere wac_uerara. Niñeru dihtare cahmariro jiro Cohamac_ure wahchech_u yoerara. Cohamac_u c_uhare, niñeru c_uhare p_uarore cahma y_uhd_ucahto basioerara m_usare –ni yahuha Jesu.

*Cohamac_u to pohñare ñ_u wihbora
(Lc 12.22-31)*

25 Ñ jiro tinare õ sehe ni yahu namoha:

–Ñ jic_u m_usare nii nija: M_usa ch_uare, sihniare, suhti c_uhare pjíro

cahya t_uhotuena tjiga. M_usare bajuamehneno ch_uare ch_uhtina c_uhti dihtare suhti sãhtina c_uhti dihtare Cohamac_u yoeraha m_usare.

26 Minichahca perire Cohamac_u to ñ_u wihboare masiga m_usa. Tina weseri maeraina jira. Ñ yoa ch_uare ti wihboa w_uh_use tinare mariaha. M_usa P_uc_u m_uano macariro sehe tinare ti ch_uhtire wara. Minichahca y_uhdoro m_usa sehere cahña Cohamac_u. Ñ jiro m_usa c_uhare ñ_u wihborohca tiro. 27 Pjíro m_usa t_uhotua mehne cã hora m_usare cati namoch_u yoa masierara m_usa. Ñ jiro m_usa pjíro t_uhotua yaba c_uhti jierara.

28 Ñ jina m_usa suhti sãhtire pjíro cahya t_uhotuena tjiga. Macaroca macaa cohorí ti cohoare t_uhotuga. Tí cohorí ti basi suhtire yoerara. Wiho mejeta tí cohorí noaa suhti yoaro sehe noaa cohorí bajura. 29 Salomo c_ujiro noaa suhtire sãaríro to jipach_uta tí cohorí sehe tiro y_uhdoro noabia cohorí waro jira. 30 Cohoríre noaa cohorí yoara Cohamac_u sehe. Tí cohorí sehe mahaa dachoricã jirucuma ñai boraahara. Mahanocã ji, pa dachoi pichacap_u j_uaa wahara. Tí ã jipach_uta cohoríre noaa cohorí jich_u yoara Cohamac_u. Ñ jiro Cohamac_u cohoríre to noaa cohorí to yoaríro y_uhdoro m_usa c_uhare noano yoarohca. Suhtire warohca. Cohamac_ure mahanocã wac_u tuara m_usa. 31 Ñ jina m_usa ch_uhtire, m_usa sihnihtire, m_usa suhti sãhtire pjíro cahya t_uhotuena tjiga. 32 Cohamac_ure cahmaeraina sehe tíre ã macarucua nina. M_usa P_uc_u m_uano macariro jipihtia m_usa cahmaare masina. To ã masich_u pjíro cahya t_uhotuena tjiga. 33 Cohamac_u m_usa p_uhtoro to jihto c_uhtore cahma m_uhtaga m_usa. Jipihtia paye baro y_uhdoro tirore cahmaga m_usa. Noaare to yoa dutia c_uhare cahmaga. M_usa ã yoari baharo Cohamac_u sehe m_usa cahmaa d_uhsach_u warohca. 34 Ñ jina ñamichacap_ure m_usa dohse wahahtore pjíro cahya t_uhotuena tjiga. M_usa ã pjíro cahya t_uhotuna pay_ubiaa jahca m_usa t_uhotuhto

sehe. Micha macaa dihtare m̄sa t̄hotuch̄a tó purota m̄ s̄rohca —ni yahuha Jesu.

7

*Painare “Ñaina jira”, niena tjiga
(Lc 6.37-38, 41-42)*

¹ ã jiro tiro tinare õ sehe ni yahu namoha:

—Painare “Ñaina jira”, niena tjiga m̄sa. M̄sa ã nierach̄u Cohamac̄u m̄sare “Ñaina jira”, nisi. ² Painare “Noano yoaerara”, m̄sa ni ñ̄riro seheta Cohamac̄u sehe m̄sa c̄h̄ure ãta ni ñ̄nohca. ³ Mari p̄iti dahre buhech̄u õ sehe yoaina jira m̄sa. M̄sa coyeiro to capariac̄u mahari pohcaroc̄a to s̄ach̄u tí pohcaroc̄are noano ñ̄na m̄sa. M̄sa ya capariaca sehene p̄jiri p̄j̄i to jipach̄uta tí p̄j̄ine ne ñ̄erara m̄sa. Mahari pohcaroc̄are m̄sa ñ̄no seheta m̄sa coyeiro to ñ̄ano yoaa sehene noano ñ̄na m̄sa. M̄sa basi m̄sa ñ̄aare tuaro yoapanah̄ta tíre masierara m̄sa, p̄jiri p̄j̄ine m̄sa ñ̄eraro seheta. ¿Dohse jiro baro ã j̄ijari m̄sa? ⁴ Õ sehe niina jira m̄sa: “Coyeiro, ñ̄aare yoai nica m̄h̄u. ã j̄icu tíre duhuga”, niina jira m̄sa. ã niina jipanahta p̄j̄iro ñ̄aare yoara m̄sa sehe. ¿Dohseana m̄sa ñ̄aare yoapanah̄ta tíre masierajari m̄sa? ⁵ Masa ti baharo b̄h̄usehei ñ̄ano yoac̄ohtaina jira m̄sa ã yoaina. P̄jiri p̄j̄ine m̄sa capariac̄a j̄iri p̄j̄ine m̄sa na m̄htabor̄iro seheta m̄sa ñ̄ano yoaa sehene duhu m̄htaga. M̄sa ã yoari baharo m̄sa coyeiro to ñ̄ano yoaa duhuch̄u yoaa masiboca, mahari pohcaroc̄are m̄sa naboro seheta.

⁶ Dieya yoaro sehe j̄iina, yesea yoaro sehe j̄iina c̄h̄u ñ̄abiainare Cohamac̄u ya noa ȳhd̄are ti ñ̄o payoeraare yahuena tjiga tinare. “T̄inap̄u b̄j̄ure, ñ̄ano ni, m̄sare ñ̄abiaro yoari”, nina yahuena tjiga tinare —ni yahuha Jesu.

*Cohamac̄u mari siniare yahuha
Jesu
(Lc 11.9-13; 6.31)*

⁷ ã jiro tiro tinare õ sehe ni yahu namoha:

—Cohamac̄u siniga m̄sa. M̄sa sinina m̄sa sinirire ñ̄ahanahca. M̄sa sinirire bocanahca. Tirore ã sinirucuga m̄sa. M̄sa ã yoach̄u tiro m̄sare warohca. ⁸ Jipihtina Cohamac̄u siniina naahca. ã yoa ti sinirire bocaahca. Jipihtina Cohamac̄u ã sinirucuinare tiro tinare warohca.

⁹ ¿M̄sa pohna p̄ao curire m̄sare ti sinich̄u t̄aca sehene wabocari m̄sa tinare? Ne wasi m̄sa. ¹⁰ ¿M̄sa pohna wahire m̄sare ti sinich̄u aḡa sehene wabocari m̄sa tinare? Ne wasi. ¹¹ M̄sa ñ̄aina jipanahta m̄sa poh̄nare noaare waa tíre m̄sa. ã jiro Cohamac̄u sehe m̄sa ȳhd̄oro noaare wara m̄sare to poh̄nare tirore siniinare. M̄sa poh̄nare m̄sa wariro ȳhd̄oro Cohamac̄u sehe to poh̄nare wara.

¹² P̄aina m̄sare ti noano yoach̄u cahmana m̄sa. Tinare m̄sa noano yoach̄u cahmano seheta m̄sa c̄h̄u noano yoaga tinare. Ti noano yoaerapach̄uta m̄sa sehe tinare noano yoaga. ãta yoa dutira Cohamac̄u dutia Moise c̄j̄irore to c̄rīp̄u Cohamac̄u yare yahu m̄htaina c̄j̄iri ti joari c̄j̄iri c̄h̄u —ni yahuha Jesu.

*Mahari sopacac̄a quitire yahuha
Jesu
(Lc 13.24)*

¹³ ã jiro tiro õ sehe ni yahu namoha tinare:

—M̄hanop̄u Cohamac̄u cahap̄u waha duana to yare yoaro cahmana m̄sare. ã jina to yare ã yoamacanocaeraro cahmana. Mahari sopacac̄ap̄u m̄sa s̄aa duach̄u mijo curera. Tó seheta mijo nina Cohamac̄u cahap̄u m̄sa waha duach̄u. Pichac̄ap̄u masa ti wahach̄u mijoerara. P̄jiri sopac̄ap̄u mari s̄ach̄u mijoerara. Tí sopac̄ap̄u masa ti s̄aboro seheta pichac̄ap̄u masa ti wahach̄u mijoerara. ã jia payu masa tó̄p̄u waha nina. ¹⁴ Cohamac̄u cahap̄u m̄sa waha duach̄u mijo nina. Mahainac̄a masa tó̄p̄u wahaahca.

Tóꝛꝝ wahaina jipihtia dachoripe Cohamacꝝ mehne jirucuahca —ni yahuha Jesu.

Masa ti yoarire ñꝝna ti jia tiare masija mari

(Lc 6.43-44)

¹⁵ ã jiro tiro õ sehe ni yahu namoha tinare:

—Noano yoaga. “Cohamacꝝ yare yahu mꝝhtaina jija”, ni mahñoinare tꝝhoena tjiga mꝝsa. Tina oveja yoaro sehe suaeraina sehe bajumana. Ti tꝝhotuapꝝ ñaina jira tina. ¹⁶ Ti ñano yoachꝝ ñꝝna, ñaina ti jichꝝ masinahca mꝝsa. Ti noano yoachꝝ ñꝝna noaina ti jichꝝ masinahca mꝝsa. Agã potacꝝ se tꝝhorine dicha tierara. Potã tidꝝ cãhꝝ higuera pocare dicha tierara. ¹⁷ Noadꝝ yucꝝcꝝ noaare dicha tira. Ñadꝝ sehe ñaare dicha tira. ¹⁸ Noadꝝ yucꝝcꝝ ñaare ne dicha tierara. ã yoa ñadꝝ noaare dicha tierara. ¹⁹ Noaare dicha tierã yucꝝre dꝝte cohãnocã, pichacapꝝ jãnohca. ãta yoarohca Cohamacꝝ to cahmaare yoaerainare. ²⁰ ã jina “Cohamacꝝ yare yahu mꝝhtaina jija”, ni mahñoinare õ sehe masinahca. Ti yoarire ñꝝna, mahñoina ti jiare masinahca —ni yahuha Jesu.

“Mꝝsare ne masieraja”, ninohca Cohamacꝝ payꝝ masare

(Lc 13.25-27)

²¹ ã jiro tiro õ sehe ni yahu namoha tinare:

—Payꝝ yꝝhꝝre “Pꝝhtoro”, niina jipahta mꝝano macariro pꝝhtoro Cohamacꝝ to sꝝho jiropꝝre wahasi tina. Yꝝ Pꝝcꝝ mꝝano macariro to cahmaare yoaina dihta pꝝhtoro to sꝝho jiropꝝre wahaahca. ²² Pihtiri dachõ jichꝝ payꝝ masa õ sehe niahca yꝝhꝝre: “Pꝝhtoro, mꝝ yare sã buhehi. Mꝝ wama mehne watĩare cohã wiohi. ã yoa mꝝ tuaa mehne payꝝ yoa ñohi sã”, yꝝhꝝre niina jahca. ²³ Õ sehe ni yꝝhtiihca tinare: “Mꝝsare ne masieraja. Ñaa buhiri tiina jira mꝝsa. ã jina yꝝ cahai taena tjiga”, ni yꝝhtiihca tinare.

Pꝝa wꝝhꝝ yoaina quitire yahuha Jesu

(Lc 6.47-49; Mr 1.22)

²⁴ ã yoa jipihtina ahri yꝝ buherire tꝝhorina yꝝ dutiare yoaina, noano tꝝho masiro wꝝhꝝ dahreriro yoaro sehe jira tina. Tiro sehe cꝝãa copari tãa wapapꝝ saha, wꝝhꝝre noano dapo dꝝcaha. ²⁵ Tĩ wꝝhꝝre to tuhsꝝri baharo coro tuaro ta, dia mini yꝝhdꝝa waha, tuaro wihnono wãha. ã to tuaro wãpachꝝta tĩ wꝝhꝝ cꝝãno tãa wapa bui to dapori wꝝhꝝ jiro ne waha sꝝ caherara. ²⁶ ã jia jipihtina yꝝ buherire tꝝhopahta yꝝ dutiare yoaeraina, tꝝho masierariro wꝝhꝝ dahreriro yoaro sehe jira. Tiro sehe to wꝝhꝝre padꝝro buicã dapo, noano yoa dꝝcaeraha. ²⁷ Tĩ wꝝhꝝre to tuhsꝝri baharo, coro tuaro ta, dia mini yꝝhdꝝa waha, wihnono tuaro wãha. ã tuaro wãno tĩ wꝝhꝝ sehere wãroca cꝝnocaha. ã jiro tĩ wꝝhꝝ tuaro bora sꝝ cahaa wahaha —ni yahuha Jesu.

²⁸ To ã ni buhechꝝ tꝝhoa, cꝝaa wahaha masa. ²⁹ “Tiro potocãta pꝝhtoro jira. ã jiro noano masi pahñoriro marine buhera tiro. Mari judio masare buheina yoaro sehe buherara”, ni tꝝhotuha tina.

8

Jesu camĩ baarirore noariro wahachꝝ yoaha

(Mr 1.40-45; Lc 5.12-16)

¹ Jesu tãcꝝpꝝ buhe dujiriro cjiro dujia wahaha. To ã dujiachꝝ ñꝝa masa payꝝ tiro baharo wahaha. ² To ã wahachꝝ cꝝiro camĩ bucꝝ baariro tirore piti boca, na tuhcuã caha sꝝ, tirore siniha:

—Pꝝhtoro, mꝝhꝝ yꝝhꝝre noariro yoa duacꝝ yoaga —niha.

³ To ã nichꝝ tꝝhoro to wamomaca mehne Jesu tirore ña payoha.

—Jai, mꝝhꝝre noariro wahachꝝ yoaja —niha Jesu tirore.

To ã nichꝝta tĩ to camĩ baari cjiro yati mꝝa wahaha. ⁴ ã ni tuhsꝝ Jesu tirore õ sehe niha tjõa:

—Yꝝ mꝝhꝝre õ sehe yoarire ne painare yahui tjia. Mꝝ pjacꝝre noari

pjacu to waharire sacerdotere ñoi wahaga. Moiseri Cohamacu to cūriro seheta sacerdotere minichahcare waga mu yuhdurire ti noano masihtu sehe –niha Jesu.

Surara puhtoro to mano to dohatichu Jesu noariro wahachu yoaha tirore

(Lc 7.1-10)

⁵ Tó baharo Jesu Capernau wama tiri macapu to sachu cien surara puhtoro to cahai su, tirore tuaro õ sehe ni siniha:

⁶ –Puhtoro, yuhare dahra cohtariro pjacu buhariro jiro waha masier-atjiãhno tirore tuaro purichu yu wuhupu coãhre tiro –niha tiro Jesure.

⁷ To ã nichu, Jesu “Jai”, ni yuhtiha:

–Tirore to dohatiare yuhduchu yoai wahaihtja –niha Jesu.

⁸⁻⁹ To ã nichu õ sehe niha surara puhtoro:

–Puhtoro, noanohca. Tai tjia. Yu yuhdoro noa yuhduriro jira muhu. Ya wuhai muhare sãa ta dutiboriro jieraja yuhu. Mu masia mehne noariro wahachu yoaga tirore. Mu ã yoachu yu yuhare dahra cohtariro noariro waharohca. Yuhare yu bui jiina paina puhtoa dutira. Yuhu cãhu surarare dutija. Cãirore “Wahaga”, yu nichu tiro wahara. Pairore “Taga”, yu nichu tiro tara. Yuhare dahra cohtariroro “Ahriri yoaga”, yu nichu tíre yoara. (Muhu cãhu dutirirota jira. ã jiro mu dutiro seheta tiro dohatiriro yuhdurohca) –niha tiro.

¹⁰ To ã nichu tãho cuua waharo payu masa tiro mehne jiinare õ sehe niha Jesu:

–Potocãta musare niita nija. Ahriri surara puhtoro Israe masano jierariro Cohamacure tuaro wacũ tuara. Tirore dahra cohtariroro yu noariro wahachu yoahitire masi tuhsu. Ne Israe masare ahriri yoaro sehe jiinare ñerasinija.

¹¹ Musare niita nija. Payu ahriri yoaro sehe Cohamacure wacũ tuaina jipihtiro macaina mano macariro puhtoro to sãho jiropu sua, tópu jiina mehne chuahca. Abrahã, Isaa,

Jacobo mehne chuahca tina. ¹² Masa paina sehe puhtoro Cohamacu to sãho jiropu wahaborina ti jipachata ñanopu nahitianopu cohãnocanohca tinare. Tópu to cohãrina tuaro tii, cahyaa mehne bahca dihoahca –ni yahuha Jesu.

¹³ Tíre ã ni tuhsu, surara puhtorore õ sehe niha:

–Tjuahga mu ya wuhupu. Muhare dahra cohtariro yuhdurohca. “Potocãta yuhdurohca”, ni mu tãhoturiro seheta yuhdurohca –niha Jesu.

To ã nino watoihita tirore dahra cohtariro sehe noa tuhsu.

Pedro marechonore dohatiricorore yuhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wuhupu su, Pedro marechono dohatichu ñuha tiro. Juaro tichu cama bui coãha ticoro. ¹⁵ To ã jichu ñutjiãhno to wamomacare ña payoha. To ã ña payochata juaro surua wahaha. Suruchu tãhoturo ticoro sehe wahcãruca, tinare chãare payoha.

Jesu payu dohatiinare yuhdoha

(Mr 1.32-34; Lc 4.40-41)

¹⁶ ã yoa ñamichapupu payu watã ti sãanohrinare masa na wihia Jesu cahapu. Ti ã na wihichu ñuno cã tahata to waha dutichu watã wahaa wahaha. Tuhsu, jipihtina dohatiina ti na surinare ti dohatiare cohã pahãoha Jesu. ã jia noaa wahaha tina. ¹⁷ ãta yoaha tiro panopu macariro Cohamacu yare yahu mãhtariro Isaia cjiro to niriro seheta.

Õ sehe ni joaa tiha: “Mari dohatiare yuhdonocanohca tiro. Mari duti tiare cohãnocanohca”, ni joaa tiha Isaia cjiro Jesure.

Cãina Jesu mehne waha duamaha

(Lc 9.57-62)

¹⁸ Jesu payu masa to cahai ti jichu ñuno:

–Sie coapu basa pahãjihna –niha.

¹⁹ Ti pahãhto pano judio masare buheriro Jesu cahapu su, õ sehe niha:

–Buheriro, muhu mehne waha duaja nohoi mu waharoi –niha.

²⁰ Jesu õ sehe ni yuhtiha:

—Cãina macaroca macaina wahiquina ti copari cjuara. Minichahca cãhu ti suhti cjuara. Yũhu masũno Cohamacu warocariro sehe yũ carĩri wãhu maeraja. (Ã jina yũhu mehne tana ñano yũhdũnahca mũsa) —ni yũhtiha Jesu.

²¹ Æ yoa paio Jesu buheriro õ sehe niha:

—Pũhtoro, yũ pũcu to yariachũ yasinii wahaihtja. Æ ya tuhsũ pinihta mũhu mehne wahaihtja —niha tiro Jesure.

²² Jesu õ sehe ni yũhtiha:

—Yũhũre cahmaeraina yariaina yoaro seheta jira. Tina sehe yariainare yajaro. Æ jicũ mũhu sehe yũhu mehne macariro cjihto taga —niha tiro.

Jesu wihnonore yũsu dutiha
(Mr 4.35-41; Lc 8.22-25)

²³ Æ ni tuhsũ Jesu to jiriapũ dohoriapũ samuha. Æ jia to buheina cãhu tiro mehne waha, samuha. ²⁴ Tĩ bũcũpariropũ ti pahãchũ waro wihnono tuaro taha. Æ jia pahcõri dohoriare mionocamaha. Æ wihnono wãpachũta Jesu sehe carĩno niha. ²⁵ To Æ wahachũ ñũa tina tirore wahcõha. Wahcõ õ sehe niha:

—Pũhtoro, yũhdoga. Mari mini yariana tana nija —niha tina.

²⁶ Ti Æ nichũ Jesu õ sehe ni yũhtiha:

—¿Dohse jiro baro cuimacanocana nijari mũsa? Yũhũre wacũ tuaeraina jira mũsa —niha Jesu tinare. Æ ninota wahcãrũcu sũ, wihnonore pahcõri cãhũre “Yũsua wahaga”, niha. To Æ nichũ wihnono yũhdũna wahaha. Æ jia pahcõri cãhu yũsu boraahahaha. ²⁷ To Æ yoachũ ñũ cũaa, õ sehe niha tina:

—¿Cue, dohse jiro baro masũno jijari ahriro? Ahri wihnono, pahcõri cãhu to dutichũ yũhdũrũcaerara tirore —niha tina.

Watĩare cohã wioha Jesu
(Mr 5.1-20; Lc 8.26-39)

²⁸ Tinare Æ wahari baharo pahã sũ, Gadara macaina ya yahparyũ sũha.

Tõpũ ti sũchũ pũaro mũa masa copari watopũ jiina Jesure piti boca. Tina watĩa ti sãanohorina cuaina jiha. Æ jiro tõpũ masa ti wahamahnoeno jiha. ²⁹ Tirore piti boca, õ sehe ni sañurucuha:

—¿Mũhu Cohamacu macũno dohse yoai tai tajari mũhu sã cahapũre? ¿Sãre Cohamacu to buhiri dahrehti pja to jierapachũta sãre buhiri dahrei tai nijari mũhu? —ni sañurucuha tina.

³⁰ Tõ cahai payũ yesea maca chũa niha. ³¹ Tinare ñũa, watĩa õ sehe niha Jesure:

—Sãre cohã wiochũ sina yesea cahapũ yeseare sãa dutiga sãre —ni siniha watĩa Jesure.

³² —Jai, wahaga —niha Jesu.

To Æ nichũ watĩa pũaro masa mehne jirina cjiri waha, yesea ti pjacũripũ sãaha. Æ yoa tinare ti sãari baharo, yesea pari cũpũrũ mũroca buha, bũcũpariropũ bora ñoja, mini yaria pihtia wahaha.

³³ Ti Æ wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahñoha. Watĩa ti sãanohrinare Jesu to cohã wiori cãhũre yahu pahñoha tina. ³⁴ Æ ti yahu siteri baharo tí maca macaina jipihtina Jesure ñũa taha. Æ jia tirore ñũa, tuaro mehne waha dutiha tirore.

9

Pjacũ bũharirore noariro wahachũ yoaha Jesu

(Mr 2.1-12; Lc 5.17-26)

¹ Æ ti waha dutiri baharo Jesu dohoriapũ samu, bũcũpariropũ pahã, to bũcũari macapũ sũha. ² Tõpũ paina pjacũ bũharirore to coãri cahsaro mehne yo wãa wihaha Jesu cahai: “Jesu ahrirore to dohatiare yũhdũchũ yoarohca”, ni tũhotuha tina. Ti Æ ni tũhotuchũ masino dohatirirore õ sehe ni yahuha Jesu:

—Macũ, wahchega mũhu. Ñano mũ buhiri tiare cohã tuhsũja yũhu —niha tiro.

³ To Æ nichũ tũhoa cãina mari judio masare buheina õ sehe ni

tuhotumaha: “Ahriro wiho jiriro ā nino, ‘Cohamacu jija’, nino nina. Ā nino Cohamacure ñano nino nina”, ni tuhotumaha tina. ⁴ Ti ā ni tuhotuchu masino, ō sehe niha Jesu:

—¿Dohseana ā ñano tuhotujari musa? ⁵ “Ñano mu buhiri tiare cohā tuhsuja”, yu nichu, “Mahñoriro jira”, nina musa noano masierapanahca. “Wahcāruca, wahaga”, yu nichu yu niri potocā jia jichu dóihta musa masinahca. ⁶ Yuhu masano Cohamacu warocariro ahri yahpai masa ti ñano buhiri tiare cohā masija yuhu. Masa ti ñano buhiri tiare cohāhtiro cjihtore cūre Cohamacu yuhure. Yu ā cohārire musa masihtō sehe ō seheta yoa ñoihtja musa ñhti cjihtire —niha Jesu.

Tinare ā ninota, pjacu buharirore ō sehe niha:

—Wahcārucaga. Mu coāri cahsarore na wahcāga mu ya wuhuru —niha tirore.

⁷ To ā nichu tuhoro pjacu buhariro wahcārucu su, to ya wuhuru tjuaa waha. ⁸ Masa to ā wahachu ñua cuiha. Ā yoa Jesure Cohamacu to tare to wachu ñua masa Cohamacure ño payo, noano durucuha.

Jesu Mateore pjija

(Mr 2.13-17; Lc 5.27-32)

⁹ Ti ā yoari baharo Jesu tópu jiriro ta, yuhure Mateore boca wihire. Puhto ya cjihtire masare wapa na cohtariro jimai. Ā jicu tí pjare yu dahrari tahtiaru duji. Tó yu dujichu ñano ō sehe nire yuhure:

—Yuhu mehne macariro cjihto taga muhu —nire Jesu yuhure.

To ā nichu tuhocu wahcāruca tiro mehne wahi.

¹⁰ Baharo ya wuhuru Jesu cūhu chūa tare. Payu puhto ya cjihtire wapa na cohtaina, “Ñano yoaina”, ti niina cūhu sā mehneta chure. ¹¹ Tina mehne sā chuchu ñua, fariseo curua macaina sāre Jesu buheinare ō sehe nire:

—¿Dohsearo musare buheriro wapa na cohtaina mehne, ñano yoaina mehne chujari? —nire tina sāre to buheinare.

¹²⁻¹³ Ti ā nichu tuhoro Jesu sehe piti dahre buhea mehne yuhure:

—Dohatieraina duhturure macaerara. Dohatijina dihta duhturure macana. Ñaare yoaina dohatiina yoaro sehe jira. Ā jicu ñaare yoaina dihtare ti ñaare ti tuhotumari cjihtire duhu, noaa sehere ti tuhotu cohtotachu yoai tai nii yuhu. Ti basi “Noaina jija sā”, ni tuhotuina barore yahui tai nierahi. Cohamacu to nirire ti joarire masiga musa. “Wahiquinare musa wajā, jū muoa mehne yuhure musa ño payochu cahmaeraja. Painare musa pja ñuchu sehere cahmaja”, ni joaha. Ahri to joari to dohse niare masiga musa. Tíre noano buhe namona wahaga —nire Jesu fariseo curua macainare.

Chu duhuare sinituha João buheina Jesure

(Mr 2.18-22; Lc 5.33-39)

¹⁴ Baharo João masare bautisariro to buheina Jesu caharu su, ō sehe ni siniture:

—Sā João buheina sehe Cohamacure ño payona tana, chu duhuja. Fariseo curua macaina cūhu āta chu duhura. ¿Dohse yoaa mu buheina sehe chu duhuerajari? —nire tina Jesure.

¹⁵ Jesu to tuhota mehne piti dahre buhero taro tinare ō sehe ni yuhure:

—Ō sehe jira tí: Wamomaca duhteroru ti pjirocaina wamomaca duhteriro mehne jia, chu duhu masierara. Tó seheta yu buheina cūhu yuhu mehne jia, chu duhu masierara. Yuhu wamomaca duhteriro yoaro sehe jija. Wamomaca duhteriro bose numu to yoachu tiro mehne macaina cahyaa mehne jierara. Ā jia chu duhuina jierara. Yu Pucu Cohamacu yuhure to naari baharo pinihtare yu buheina mehne jisi yuhu. Ā jia tí pjarata yu buheina cūhu chu duhuahca —ni yuhure Jesu.

¹⁶ Panoru macaa buhea wahma buhea mehne ti buhe more duachu ñano ō sehe ni namore Jesu tinare piti dahre buhero:

—Ne wahma cahsaro suhtiro cahsaro mehne munaño suhtirore sere òno cahmaerara. Á yoachũ wahma cahsaro mari cosari baharo munaño suhtirore waja cahmachu, pjibiario tuhũchũ yoara. (Ahri yoaro sehe ni, muna buhea wahma buhea mehne piti dahre buheraro cahmana.)¹⁷ Á jina ne se co bisia core wahiquire cahsaro wajuru mehne muna wajuru mehne posaeraro cahmana. Á yoachũ se co bisia pahmoapũ muna wajurure tuhũnocahna. To tuhũchũ se co cãhũ, wajuru cãhũ cohõa wahara. Á jina se co wahma core wahma wajurupũ posaro cahmana. Á yoachũ se co cohõeraa, wajuru cãhũ cohõerara. (Tó sehta wahma buhea muna buhea mehne buhe moreraro cahmana) —ni yahure Jesu tinare.

Jairo maconore noaricoro yoa, cahã ñũricoro cãhũre noaricoro yoaha Jesu

(Mr 5.21-43; Lc 8.40-56)

¹⁸ To ã ni yahuro watoĩ judio masa mari buheri wũhũ puhtoro Jesu cahapũ wihire. Wihi, na tuhcuca caha sũ, ò sehe nire:

—Yũ maco yoatapũ yariaa wahahre. Ticorore mũ wamomacare duhu payoi taga. Mũ ã yoachũ masanõhca —nire tiro Jesure.

¹⁹ To ã nichũ tuhoro Jesu wahcãrũca tiro mehne wahare. Sã to buheina cãhũ wahai. ²⁰ Sã mahai waharucũhũ tõi numino ã cahã ñũrucuricoro Jesu baharo buhũseheĩ ta, to suhtiro sohtoare ñaha ñũha. Doce cãhmari waro dachoripe cahã ñũrucuricoro jiha. ²¹ Ò sehe ni tuhõtuha ticoro ã yoaro: “To suhtirore ñaha ñũco, noaricoro wahacõhca”, ni tuhõtuha ticoro. ²² To ã yoachũ masino Jesu majarerũcũ sũ, ticorore ò sehe nire:

—Maco, wahchega mũhũ. Mũ yũhũre wacũ tuua mehne noaricoro tjuara mũhũ mipũre —nire tiro.

To ã nichũta noaa wahare ticoro.

²³ Á yoa tuhsũ Jesu puhtoro ya wũhũpũ sũre. Sã sũro, ñahacaha tinare teneniaca yoaro sehe jiriare putiinare ñũre. Payũ masa ti ñano

bisichũ cãhũre tuhore tiro. ²⁴ Ti ã nichũ tuhoro masare ò sehe nire:

—Wijaahga mũsa. Yariaerari jira ticoro. Carĩno nina —nire tinare.

To ã nichũ tuhõa, “Á nimacanocano nina ahriro”, nia masa bujũre tirore.

²⁵ Á jiro wũhũ puhichapũre masare to wio pahõori baharo yariaricoro cahapũ sũ, to wamomacare ñahaha. To ã ñahachũ masa caha sũ, wahcãrũcũ sũha ticoro. ²⁶ To ã yoarire tuhõa, tõi macaina masa jipihtina yahu sitere.

Pũaro capari bajuerainare ñũchũ yoaha Jesu

²⁷ Á yoaro Jesu tõi jiriro to wahachũ, puaro capari bajueraina tirore pisu nũnũ tire:

—Davi panamino masare yũhõhtiro, sãre pja ñũga mũhũ —ni sañurucure tina.

²⁸ Ti ã nichũta Jesu pa wũhũpũ sãare. To ã sãachũ masia capari bajueraina to cahapũ sãa wahare. Ti ã sãa sũchũ ñũno tiro sehe siniture tinare:

—“Marine ñũchũ yoarõhca tiro”, ¿ni tuhõtujari masa yũhũre? —nire tiro.

—Puhtoro, ãta ni tuhõtujã sã —ni yũhtire tina.

²⁹ Ti ã nichũta ti caparire ñã payore. Á ñã payorota ò sehe nire:

—Yũhũre “Á yoarõhca”, mũsa ni tuhõturiro sehta ã yoaja —nire Jesu.

³⁰ To ã nichũta ti capari sehe noaa wahare. Á yoa Jesu ò sehe nire tinare:

—Ahri yũ ò sehe yoarire painare ne yahuena tjiga —nire.

³¹ To ã nipachũta waha, tõi jiiinare yahu sitere tina to ã yoarire.

Durucuerarirore durucũhũ yoaha Jesu

³² Tĩ wũhũre ti wijaachũ waro cãiro durucuerarirore na tare masa. Watĩno tiro mehne jiriro tirore durucuerachũ yoaha. ³³ Ti na sũchũ ñũno watĩnore Jesu cohã wiore. To ã cohã wiochũ watĩno to sãanõhriro cjiro sehe durucua wahare. To ã yoachũ ñũa jipihtina cãa pihtiare.

—Ne, ahri yahpa Israe yahpapũre ò sehe yoare ñũera tihĩ mari —ni durucure tina ti basi.

³⁴ Fariseo curua macaina sehe soro ni durucure:

—Watia pūhtoro to tuaa mehne watiare cohāna ahriro —ni durucure tina.

Masare pja ñaha Jesu

³⁵ Æ yoa jipihtia macari tói jia macaricāre, bñjua macari cūhure buhe tinino wahare Jesu. Noaa buheare judio masa mari buhea wñhusepñ buhero wahare tiro. Æ jiro pūhtoro Cohamacñ to sñho jiltore yahure. Jipihtia dohatia cūhure tó macainare yñhdore tiro. ³⁶ Masa payñ ñano yñhdñina, pñacñoro wahaina ti jichñ ñño Jesu tinare pja ññre. Tina oveja pñā marieina yoaro sehe ti jichñ ñño Jesu tuaro pja ññre tinare. ³⁷ Æ jiro õ sehe nire tiro sñre to buheinare, piti dahre buhero:

—Yo payñ ti bñcñā tuhsñchñ payñ jichñ dahraa pñiro jira. Wiho mejeta dahraina sehe mahainacñ jira. (Tó seheta noaa buheare tñhohtina payñ jichñ pñiro jira mari dahraa. To ã jipachñta mahainacñ dahrari masa yoaro seheta noaa buheare buhehtina cñhñ mahainacñ jira.) ³⁸ Æ jina noaa buheare buhehtinare painare to warocahtore siniga Cohamacñre — nire Jesu.

10

Jesu doce waro bese dapoha to warocahtinare

(Mr 3.13-19; Lc 6.12-16)

¹ Baharo doce sñre to buheinare Jesu pñiroca, tuaare cñre sñre. Watiare sñ cohñ masihtti cñhtire jipihtia dohatiare sñ cohñ masihtti cñhtire cñre sñre.

² Õ sehe wama tii sñ Jesu to bese cñrina: Simo jire. Tiroreta Pedro ni pisure Jesu. Simo bahuro Andre cñhñ jire. Santiago cñhñ to bahuro João mehne jire. Tina Santiago cñhñ pñcñoro Zebedeo wama tire. ³ Felipe, Bartolomé, Toma, yñhñ Mateo jii sñ. Yñhñ sehe pñtoa ya cñhtire masare wapa na cohtariro jimai. Sñ mehne pairo Santiago jire. Tiro sehe Alfeo macñno jire. Æ jiro Tadeo cñhñ jire.

⁴ Simo cananeo ya curua macariro cñiro, Juda Iscariote cñhñ jire. Juda sehe Jesure ññ tuhtiinare ññhtiro jire.

Jesu to buheinare buhe dutiro warocaha

(Mr 6.7-13; Lc 9.1-6)

⁵ Æ yoa sñre doce to buheinare warocaró, “Õ sehe mñsa yoanahca”, ni yahu quihñre sñre Jesu:

—Judio masa jieraina cahapñre wahaena tjiga. Ne Samaria yahpai jia macaripñ cñhñre wahaena tjiga.

⁶ Israe yahpa macaina cahapñ sehere wahaga. Tina oveja peri wisia wahaina yoaro sehe Cohamacñre masieraina jira. ⁷ “Mñano macariro to sñho jñto mahanocñ dñhsara”, ni buhega tinare. ⁸ Æ jina cami bñcñ baainare, paye payñ soro jia dohatiare cññina cñhñre noaina yoaga. Yariainare masoga. Watia masare ti sñanohorinare cohñ wioga tinare. Mñsare ã wanocai nija ahri tuaare. Æ jina mñsa cñhñ yñ ã wanocariro seheta masare noaina ã yoanocahga.

⁹ Mñsa wahana niñerure ne naaena tjiga. ¹⁰ Ne mñsa wajure, pñaro camisare, pñā wahpa dahpo suhtire, mñsa tjua yucñ cñhñre naaena tjiga. Mñsa sñano dihtare sñā wahcñga. Paye suhtire naaena tjiga. Mñsa buhena waharopñ jñina tina sehe mñsare mñsa puhñ cñhtire waahca. Æta waro cahmana tinare.

¹¹ Tí macaripñ sñna, ji coaro mehne carñnore warirore macaga. Æ jina tí wñhñihta tjuasiniga. Pñ, coñ wahanapñ wijaahga tí wñhñre. ¹² Æ jina wñhñpñ sñahna, “¿Jimajari mñsa?” niga tí wñhñ macainare. ¹³ Mñsare noano ti cahmachñ “Cohamacñ mehne noano jiga mñsa”, niga tinare. Mñsare ti cahmaerachñ, mñsa ã niborire niena tjiga. ¹⁴ Æ jina mñsare ti cahmaerachñ, ti tñho duaerachñ tí wñhñre wijaahga. Wijaana, dahpo suhti macaa dihta pohcarire wajñ site cñga mñsa tinare ti ya buhirire masichñ yoana. Tí maca macaina mñsare ti cahmaerachñ ãta yoaga

tina cūhure. ¹⁵ Potocã m̄sare ni ita nija. Ahri dacho pihtichup̄ure Sodoma macaina, Gomorra macaina cūh̄u tuaro buhiri tihtinata jira. Ti ã jipach̄uta tina yūhdoro m̄sare cahmaeraina buhiri tihtina jiahca – ni yahure Jesu.

Jesu yainare paina ti ñano yoahore yahuha Jesu

¹⁶ ã ni tuhs̄u õ sehe ni namore:

–Yūh̄ure tūhoga m̄sa. Oveja yoaro sehe j̄inare m̄sare ñaina watoi warocai nija. Tina ñaina macaroca macaina yaya suaina yoaro sehe jira. ã jina m̄sa sehe paina wahiquina wacū masiina yoaro sehe jiga. ã j̄ina jipanahta buja yoaro sehe ne suaeraina jiga m̄sa. ¹⁷ Noano yoaga m̄sa. Masa m̄sare p̄htoare waahca. Tuhs̄u Judio masa mari buhea wūh̄usep̄u cjāpeahca m̄sare. ¹⁸ ã jia yū yaina m̄sa jiri buhiri macari macaina p̄htoa cahap̄u ti bui j̄ina p̄htoa cahap̄u cūh̄ure naahca m̄sare. ã jina m̄sare t̄op̄u ti naach̄u tinare judio masa jieraina p̄htoa cūh̄ure noaa buheare buhenahca m̄sa. ¹⁹⁻²⁰ M̄sare p̄htoare ti wach̄u tinare m̄sa nihtire “Cue, masieraboca”, ni tūhotuena tjiga. M̄sare ti s̄inituch̄uta m̄sa nihtire masinahca. ã masina tinare yahuna m̄sa tíre m̄sa m̄ s̄uro durucuna nisi. Cohamac̄u sehe m̄sa P̄c̄u to Esp̄iritu mehne m̄sare durucuch̄u yoarohca.

²¹ “Tí pjare ti wahmis̄uma ti bahanare wajã dutia waahca p̄htoare yū yaina ti jiri buhiri. Ti p̄c̄us̄uma ti pohnare wajã dutia waahca p̄htoare. Ti pohna sehe ti p̄c̄us̄umare wajã dutia waahca p̄htoare. ²² Jipihtina masa sehe yū yaina m̄sa jiri buhiri m̄sare ñ̄u tuhtiahca. Ti ã yoapach̄uta ahri yahpai m̄sa catisinino puro m̄sare ti ñano yoarire cāno p̄jana yūh̄ure, yū buhea cūh̄ure duhuerana, yūhd̄unahca m̄sa. ²³ C̄umacai m̄sare ti ñano yoach̄u pa macap̄u duhti wahcāga. Potocã m̄sare niita nija. Israe yahpai jia macarine jipihtia tí macarip̄u

m̄sa duhti wahcāhto pano, yūh̄u mas̄no Cohamac̄u warocariro ahri yahpap̄u tjua taihtja.

²⁴ ‘Ne cāiro buheriro tirore yahuriro buip̄u jierara. Cahamac̄uno cūh̄u to p̄htoro bui cure jierara. ²⁵ ã jiro õ sehe tūhoturo cahmana buherirore: “Yūh̄ure buheriro yoaro seheta j̄ihtja”, ni tūhoturo cahmana. Cahamac̄uno cūh̄ure ãta ni tūhoturo cahmana. “Yū p̄htoro yoaro seheta j̄ihtja”, ni tūhoturo cahmana. (“To bui j̄ihtja. ã jic̄u yū p̄htoro to ñano yūhd̄uriro seheta ñano yūhd̄usi yūh̄u sehe”, ni tūhotueraro cahmana.) Yūh̄u sehe wūh̄u p̄uro yoaro sehe jija. M̄sa sehe tí wūh̄u dahraina yoaro sehe jira. ã jia masa yūh̄ure “Beelzebú jira”, ni yahusã, m̄sa cūh̄ure yū yainare ñano ni durucuahca tina –ni yahure Jesu.

“¿Diro barore cuich̄u noajari?” ni yahuha Jesu

(Lc 12.2-7)

²⁶ ã ni tuhs̄u õ sehe ni namore:

–ã jina m̄sare ñano yoainare cuiena tjiga. Masa ti ya s̄ari cjirire baharo paina masiahca. ã jia ti n̄ori cjiri cūh̄ure paina masiahca. ²⁷ M̄sare yaroça yū yahuri cjirire paȳu masa watoi buhe turiaga m̄sa. ²⁸ Mas̄n̄ore wajãina to pjac̄u dihtare wajãna. To yajeripohna yariaerara. ã jina m̄sare wajã duainare cuiena tjiga. Cohamac̄u sehere cuiga. Tiro m̄sa pjac̄urire, m̄sa yajeripohnari cūh̄ure pichacap̄u cohã masina. ã jina tiro sehere cui, yūhtiga m̄sa.

²⁹ ‘P̄uaro siripia wapa mariahna. Ti ã wapa mariapach̄uta cūirocāre Cohamac̄u ne boerara. Cohamac̄u to dutierach̄u ne yarierara tirocã.

³⁰ ã jiro m̄sa p̄joarire ne cū p̄joada d̄hs̄aro marieno masi pahñona Cohamac̄u. Tó seheta m̄sa jia tia cūh̄ure masi pahñona Cohamac̄u. ã masino m̄sare ñ̄u wihborucura. ³¹ Siripiare to cah̄ino yūhdoro, m̄sa sehere cah̄ina Cohamac̄u. ã jina pj̄iro tūhotuena tjiga m̄sa –ni yahure Jesu.

Jesure m̄sa wacũ tuari cjirire yahuga masare

(Lc 12.8-9)

³² ã jiro tinare õ sehe ni yahu namore:

—Cũiro “Jesu yairo jija”, masare to ni yahuch̄ ȳh̄ c̄h̄ tirore “Ȳ yairo jira”, ni yahuihtja ȳ P̄c̄are m̄ano macarirore. ³³ Wiho mejeta c̄iro “Jesu yairo jieraja”, masare to nich̄ ȳh̄ c̄h̄ “Ȳ yairo jierara tiro”, ni yahuihtja ȳ P̄c̄are —ni yahure Jesu.

Jesu masare tju wach̄ yoara

(Lc 12.51-53; 14.26-27)

³⁴ ã ni tuhs̄ õ sehe ni yahu namore:

—¿Dohse ni t̄hotujari m̄sa ȳh̄are? “Tiro masare to buheri baharo paina tinare ñ̄ tuhtisi”, ¿ni t̄hotujari m̄sa? ã jierara. Masare ȳ buheri baharo c̄ina ȳ yare t̄hoahca. Paina sehe tinare ñ̄ tuhtiahca. C̄no potori waro jisi masa. ³⁵ B̄c̄na ȳ buheare ti t̄hori buhiri ti pohna ȳ buheare cahmaeraa, tinare ñ̄ tuhtiahca. B̄c̄ numia ȳ buheare ti t̄hori buhiri ti pohna numia ȳ buheare cahmaeraa, tinare ñ̄ tuhtiahca. Ti marechosanumia ȳ buheare ti t̄hori buhiri ti mac̄ namos̄anumia ȳ buheare cahmaeraa, tinare ñ̄ tuhtiahca. ³⁶ ã jia masa ti coyeare ñ̄ tuhtiina jiahca.

³⁷ Ȳh̄are ti cah̄boriro ȳhdoro ti p̄c̄s̄ma sehere cah̄ ȳhd̄ca ȳ yaina jisi tina. Ȳh̄are ti cah̄boriro ȳhdoro ti pohna sehere cah̄ ȳhd̄ca ȳ yaina jisi tina. ³⁸ ã jia paina crusap̄ ȳ yariahto seheta ȳ yaina ti jiri buhiri ñ̄ano ȳhd̄hca tina c̄h̄. Tó sehe ñ̄ano ȳhd̄ duaeraina ȳ yaina jisi tina. ³⁹ Masa ȳh̄are wacũno marieno ti m̄ s̄ro yoaa, pichacap̄ wahaahca tina. ã jia ȳ yare ã yoarucua jipihtia dachoripe ȳh̄ mehne jirucuahca tina —ni yahure Jesu.

Mari wapatahtore yahuha Jesu

(Mr 9.41)

⁴⁰ ã ni tuhs̄ õ sehe ni yahu namore:

—M̄sare ȳ yainare c̄iro noano cahmano, ȳh̄ c̄h̄re cahmano nina tiro. ã yoa tiro ȳh̄are noano cahmariro ȳh̄are warocariro c̄h̄re cahmano nina. ⁴¹ ã jiro Cohamac̄ yare yahuriro wapatarohca. Tirore noano yoarohca Cohamac̄. ã jiro to yare yahuriro to jich̄ ñ̄no paio tirore noano cahmano, yahuriro yoaro seheta wapatarohca tiro c̄h̄. ã yoa paio noano yoariro wapatarohca. Tuhs̄, noano yoariro to jich̄ ñ̄no paio sehe tirore noano cahmano noano yoariro yoaro sehe wapatarohca tiro c̄h̄. ⁴² Ȳ yairo c̄iro to jich̄ ñ̄a, wiho jiriro to jipach̄ta dohse jina tirore core ti sih̄ch̄ mahanoc̄a ti wapach̄ta potoc̄a tinare noano yoarohca Cohamac̄ —ni yahure Jesu.

11

João masare bautisariro to buheinare Jesure sinitu ñ̄ dutiro warocaha

(Lc 7.18-35)

¹ S̄are to buheinare to ã ni yahuri baharo tó cahai jia macarip̄ buhero wahare Jesu.

² ã yoa to yoarire João peresui jiriro t̄horocaha. ã t̄horo João to buheinare Jesure sinitu ñ̄ dutiro warocaha. ³ ã jia Jesu cahap̄ s̄, sinitu ñ̄re tina João buheina.

—¿João “Ȳ baharo paio tarohca”, to niriro tjijari m̄h̄? ¿To niriro m̄ jierach̄ paioire cohtanahcari s̄? —ni sinitu ñ̄re tina sehe Jesure.

⁴ Ti ã nich̄ t̄horo Jesu õ sehe ni ȳhtire:

—Mip̄re m̄sa t̄horire, m̄sa ñ̄r̄re Joãoire yahuna wahaga: ⁵ “Capari bajueraina ñ̄na. Tini masieraina tinina. Cami b̄c̄ baina noaina wahara. T̄ho bo-caeraina t̄hoa wahara. Yariaina masaa wahara. Tina jipihtinare noaina wahach̄ yoahi ȳh̄. Tuhs̄, p̄jac̄oinare noaa buheare yahuja. ⁶ Ȳh̄are t̄horo ‘Potoc̄a tjira’, niriro

tiro wahcheriro jira” ni, Joãore yahuna wahaga –nire Jesu.

⁷ João buheina ti wahari baharo, Jesu sehe João to jia tiare yahu ducare payu masare:

–Masa marienopu João cahapu suna, tjare wihnono to wãroca cohtotachu yoariro seheta to buheare cohtota mujarirore ñuna snerare musa. ⁸ “Noaa suhti tirirore ñuna wahajihna”, nierare musa João cahapu masa marienopu wahana. Noaa suhti tiina wapa bujare cjuaina puhto ya wuhusepu jira. ⁹ Masa marienopu suna Cohamacu yare yahu mahtarirore ñuna sure musa. Potocã tjira. João Cohamacu yare yahu mahtariro jira. Paina Cohamacu yare yahu mahtaina yuhdoro jiriro jira tiro. ¹⁰ Panopu Cohamacu yare ti joari pui Joãore õ sehe ni yahu joaa tiha:

“Cohamacu to macanore õ sehe niha: ‘Mu pano mure yahuyuhtirore warocai nija’, niha”,

ni joaa tiha panopure Joãore. ¹¹ Musare potocã niita nija. Paina jipihntina bui jira João bautisariro. Ahri turupure to ã jipachuta manano macariro puhtoro to suho jiropure jipihntina docapu jiriro pinihta João bui jira.

¹² João masare bautisariro to buhe, bautisa ducachu payu masa manano macariro puhtoro to suho jirore pihtichu yoa duaa, ti mure sũro cahmache, tũre yoa duamana.

¹³ Cohamacu yare yahu mahtaina ti joari cjirire, Cohamacu Moise cjirore to cũri cjiripu cũhure buhena puhtoro Cohamacu to suho jihntore masija mari. João cũhũ tũreta yahure. ¹⁴ “Elia tarohca”, panopu ti niriro cjirota jira João sehe. Panopu macaina ti nirire “Potocã tjira”, ni duana João ti ã niriro cjiro to jichu masinahca musa.

¹⁵ Noano tuhoga musa ahrire.

¹⁶ ‘¿Mipu macaina masa yabaina yoaro sehe jijari tina, musa tuhotchũ? Tina macanacã yoaro sehe jira. Paina ti cahmano sehe

ti yoerachu tũ wahaerara tinacãre. Pache duaropu pape dujia, õ sehe ni pisurucura tinacã ti basi: ¹⁷ “Musa basahti cjihtire sã putipemahi. ¿Dohseana musa basaerari sã tũre putipechu? Sã tuaro ñahacaha tiipe, sañurucumahi. ¿Musa sehe dohseana sã mehne tiiperari?” nirucuina yoaro seheta jira mipu macaina cũhũ. Mipu macaina ti cahmano seheta sã yoerachu ñua tũ wahaerara tinare.

¹⁸ Tina yoaro sehe yoana õ sehe yoara musa mipu macaina. João bautisariro Cohamacu ño payoro taro chu duhuro vinore sihnierare. To ã sihnierachu ñuna “Watũno to sãanohriro, tuhũ masierariro jira”, nimare musa tiro sehere. ¹⁹ Yuhũ masũno Cohamacu warocariro jicu yuhũ chu, sihnija. Yu ã yoachu ñuna õ sehe nina musa yuhũ sehere: “Ñũga. Ahriro pjũro chũriro, cahariro jira. Wapa na cohtaina, ñano yoaina cũhũ ti piti tiriro jira ahriro”, nina musa yuhũre. (Ã nina macanacã yoaro sehe durucuina jira musa. Musa cahmano sehe sã yoerachu tũ wahaerara musare. Ne sahsaerara musa.) Ã masierapanahca sã yoarire ñuna, Cohamacu masiare sã cjuachu masinahca musa –nire Jesu tinare.

Ti ñaare cahyaeraina ya macari macainare tuhtiha Jesu (Lc 10.13-15)

²⁰ Baharo macari macainare tuhtire Jesu. Tũ macarine paye macari yuhdoro Cohamacu tuua mehne yoa ñomare tiro. To ã yoa ñopachuta ti ñaare tuhhotumarire duhuerasinire tina. Ã jiro õ sehe ni tuhtire tinare tiro:

²¹ –Corazũ macaina, musa ñano yuhdũnahca. Betsaida macaina, musa cũhũ ñano yuhdũnahca. Musa ya macaripure Cohamacu tuua mehne yoa ñomahi. Tiro wama tiri macare, Sidũ wama tiri maca cũhure to tuua mehne yu yoa ñochu ñua panopu tũ macaina sehe ti ñaare cahyaboa. Ã yoaa ti ñaare tuhhotumari cjirire tuhotu cohtotaboa. Cahyaa suhtire sã, niti pohcare tina bui dahra

site payoboa ti ñaa cahyaare ñoa.
²² Músare niita nija. Buhiri dahrehti dacho jichu Cohamacu Tiro macaina, Sidō macaina yuhdoro ñaina musa jiri buhiri musare ñano waro buhiri dahrerohca tiro. ²³ Capernau macaina, musa mu suro muanopu waha duamana. Músare Cohamacu pichacapu cohānohca. MUSA ya macapu Cohamacu tuaa mehne yoa ñomahi. MUSA yuhure tūhoerare. Sodoma wama tiri macare Cohamacu tuaa mehne yu yoa ñochu tí maca sehe mipu jisinihoa. ²⁴ Músare niita nija. Buhiri dahrehti dacho jichu Cohamacu Sodoma macainare to yoiriro yuhdoro, mUSA sehere mUSA ñaa buhiri ñabiaro buhiri dahrerohca –nire Jesu tí macari macainare.

“Yu cahapu sona taga”, niha Jesu (Lc 10.21-22)

²⁵ Tí pjare ō sehe nire Jesu to Pucuro mehne durucuro:

–Yu Pucu, muhu muano macaina bui puhtoro, ahri yahpa macaina bui puhtoro jira. Ahri mu buheare “Noano masiina jija sā”, niinare masichu yoerare muhu. Buhe pahnoeraina sehere mu yare masichu yoare muhu. Mu ā yoachu, “Noana”, nija yuhu muhure. ²⁶ Ā tjira. Tina sehere ti masichu cahmare muhu –nire Jesu to Pucurore.

²⁷ Ā ni tuhsu, masare ō sehe ni yahu namore:

–Yu Pucu jipihtiare yuhure ware. Tiro dihta yuhure noano masina. Ā jina sā dihta yuhu yu masi dutiina mehne yu Pucure masija sā. ²⁸ MUSA ñano buhiri tia nucuā yoaro sehe jira. Nucure muña mUSA tahrīno se-heta ñano buhiri tiare pumea wahara mUSA. Ā pumeina jina yuhure cahmaga mUSA. Músare sochu yoaihtja. MUSA ñaa yoare duhuchu yoaihtja. ²⁹ Yu dutiare yoaga. Yu yare noano masiga. Yuhu niji siaro yoiriro jija. Yu ā jiriro jichu yu yare noano masiga mUSA. Ā yoa yuhu mehne soga mUSA. Ā sona noano yajeripohna tinahca mUSA. ³⁰ Yu yare mUSA yoachu mi-joerara. Ā yoa mUSA muri cjiri ti

nucueraro seheta yuhu sehe mUSA bi-horo purota yoa dutija musare –nire Jesu.

12

Judio masa ti sori dachoi trigo parorire pahaha Jesu buheina (Mr 2.23-28; Lc 6.1-5)

¹ Mahanocā to ā ni buheri baharo Sabado jichu sā Jesu mehne trigo wesepe sui. Sā to buheina juca baana, trigo parorire paha, chu tuhsu yuhdu wahcāi sā. ² Sā ā yoachu ñua, fariseo curua macaina Jesure ō sehe nire:

–Tuhosiniga sare. ¿Dohse yoa tina Sabado mari sori namu to jipachata dahrajari, trigo parorire ā pahaa? Mari dutiare yuhduhca nina –nire tina.

³⁻⁴ Jesu yuhtire. “Yu buheina yuhduhca nierare”, ni yahuro taro ō sehe ni yuhtire:

–Davi cjiro tiro mehne macaina mehne juca baaro Cohamacu wuhupu sāa, Cohamacu ya pāore chaha. Tí pāore sacerdotea dihtare chu dutira. Cohamacu dutiare ti joari pū painare tí pāore chu dutierara. ¿Davi cūhu tíre ti yoari cjirire Cohamacu joari pūpu buherari mUSA? (Tí pāore churo Cohacure yuhduhcaro nieraha. Michare ahri yaparire chha yu buheina cūhu Cohacure yuhduhca nierara.) ⁵ Ā yoa Cohamacu wuhūi dahraina sacerdotea ne soerara mari soa numurine. Ā soerapahta Cohamacu dutiare yuhduhcaina jierara. ¿Tíre buherari mUSA Cohamacu Moise cjirore to cūri pūi? ⁶ Músare niita nija. Cohamacu wuhure ño payona tí wuhūi dahraina ti soerachu ñapanahca “Noanohca”, nina mUSA. Tí wuhūi yuhdoro yuhu sehere ño payoro cahmana. ⁷ Cohamacu yare ti joari pū ō sehe nina: “Wahiquinare wajā, jā muoa mehne yuhure mUSA ño payochu cahmaeraja. Painare mUSA pja ñuchu sehere cahmaja yuhu”, nina to yare ti joari pū. To ā nirire mUSA noano tuhona yu buheinare tuhtieraboa mUSA. Tina tíre chha

yuhdurucua nierare. Æ jina tinare tuhtieraboa m̄usa. ⁸ Yuh̄u mas̄no Cohamac̄u warocariro ahri dacho Sabado dachore masa ti yohtire yahurirota jic̄u p̄htoro tjija –nire Jesu fariseo curua macainare.

Wamomaca buhariro quiti jira
(Mr 3.1-6; Lc 6.6-11)

⁹ To ã niri baharo waha, judio masa mari buheri wuh̄u s̄i s̄ã Jesu meh̄ne. ¹⁰ Tóí wamomaca buhariro jire. Æ jia fariseo curua macaina sehe Jesure yahus̄ã taa, tirore õ sehe ni siniture:

–Sabado dachoi mari sori dachoi mas̄nore noariro yoa dutierara Cohamac̄u. ¿Æ tjijari m̄u t̄hotuch̄u? –ni siniture tina.

¹¹ Jesu õ sehe ni yuh̄tire tinare:

–¿M̄usa yairo oveja Sabado jich̄u copap̄u to bora s̄ãach̄u tirore na wioerabocari m̄usa? Na wionahca m̄usa. ¹² Oveja yuh̄doro jira mas̄no sehe, Cohamac̄u to ñ̄uch̄u. Æ jiro Sabado jich̄u mas̄nore yuh̄doch̄u noa nina –ni yuh̄tire Jesu tinare.

¹³ Æ ni tuhs̄u, wamomaca buharirore õ sehe nire:

–M̄u wamomacare siõrocaga –nire tiro.

To ã nich̄u buhariro sehe siõroca, noari wamomaca wahare. ¹⁴ Ti sori n̄m̄i to ã yoach̄u ñ̄ã, fariseo curua macaina waha, ti basi õ sehe niha:

–¿Dohse yoa Jesure waj̄ãhacari mari? –niha tina ti basi.

Cohamac̄u yare yahu m̄htariro panop̄u macariro Jesure yahuha

¹⁵ Jesu ti ã nire masino, wahaa wahare. To ã wahach̄u paȳu masa tirore n̄n̄u tire. Ti ã n̄n̄u tich̄u ñ̄no tiro sehe jipihtina tina mehne macainare dohatiinare noaina wahach̄u yoare. ¹⁶ Æ yoaro dohatiina cjirire tinare to yuh̄dorire painare yahu dutierare tiro. ¹⁷ Æ dohatiinare noaina wahach̄u yoaro Cohamac̄u yare yahu m̄htariro Isaia cjiro panop̄u to ni joariro seheta yoaro nire Jesu. Õ sehe ni joaa tiha Isaia:

¹⁸ “Õ sehe nina Cohamac̄u: ‘Ahr̄iro ȳu cahamac̄u no jira.

Tiro ȳu beseriro jira.

Tirore cah̄ija.

Æ jic̄u tiro mehne wahcheja.

Ȳu Esp̄iriture tirore waihtja.

Æ jiro ȳu tuaa mehne jipihtina masare ȳu buheare yahurohca tiro.

¹⁹ Æ yahuro tiro ne pur̄no mehne yahusi.

Æ yoa nihi siaroca yahuriro jiro sañurucusi.

Tuhs̄u, maca macari mahai paȳu masa watoi tiro tuaro sañurucu yahusi.

²⁰ W̄uj̄uc̄u o muquearuc̄u s̄uch̄u to nuhnuerach̄u yoaro seheta masa c̄h̄are nihi siaro dero yoarohca tiro.

Pjiroca j̄ari pichacare to yaeraro seheta masa c̄h̄are noano yoarohca tiro.

Æta yoarucurohca tiro wat̄nore to yuh̄dur̄ucahto pano.

²¹ Æ jia paȳu masa tirore wac̄u tu-aahca’, nina Cohamac̄u”, ni joaa tiha Isaia.

“Jesu wat̄no tuaare cj̄ara”, ni yahus̄ãha masa

(Mr 3.19-30; Lc 11.14-23; 12.10)

²² C̄ã dachoi wat̄no to cohtotarirore masa na tare Jesu cahap̄u. Tiro sehe wat̄no cj̄aro durucu masierare. Tuhs̄u, capari ne ñ̄erare. Ti ã na wihich̄u ñ̄u, noariro wahach̄u yoare Jesu tirore. To ã yoach̄u wat̄no to cohtotariro cjiro ñ̄u, durucure. ²³ To ã wahach̄u ñ̄ã, masa ñ̄u c̄ãã wahare.

–¿Ahr̄iro Davi cjiro panamino masare yuh̄dohtiro jijari? –nire tina ti basi.

²⁴ Jesu wat̄are to coh̄ãr̄ire t̄hoã fariseo curua macaina õ sehe ni t̄hoture:

–Beelzebú wat̄ã p̄htoro to tuaa mehne wat̄are coh̄ãna Jesu –ni t̄hoture tina.

²⁵ Ti ã ni t̄hotuch̄u masino, Jesu quiti mehne piti dahre yahure tinare:

–Wat̄no ya tuaa mehne wat̄are coh̄ã nieraja. C̄ã yahpa macaina ti basi cahma waj̄ã, tí yahpa macaina yaria pihtia wahaboa. C̄ã maca

macaina ti basi cahmachea tí maca macaina waha pihtia wahaboa. Cũ wũhũ macaina cũhũ ãta wahaboa. ²⁶ Æ jia Beelzebú watĩa puhtoro sehe watĩare cohãno, tina watĩa ti basi cahmachea niboa. Æ jia tina cũhũ waha pihtia wahaboa. ²⁷ Õ sehe ni yahusãna mũsa yũhũre: “Tiro Beelzebú yoadohoa mehne watĩare cohãna”, ni yahusãna mũsa. Mũsa mehne macaina cũhũ watĩare cohãna. ¿Watĩno to tuaa mehne watĩare cohãjari tina cũhũ, mũsa ñũchũ? Æ cohãerara. Tĩre masina mũsa. Yũhũ cũhũ watĩno tuaa mehne watĩare cohãeraja. ²⁸ Æ jicũ yũhũ sehe watĩare cohãcũ Cohamacũ to Espĩritu tuaa mehne tinare cohãja. Yũ ã cohãchũ ñũna ò sehe masiga mũsa: Cohamacũ masa bui puhtoro ahri yahpapũre ji tuhsũra mipũre.

²⁹ Õ seheta jira mari piti dahre buhechũ: Tuariro ya wũhũpũ paio sãa sũ yaca masierara. Tuarirore dũhteraro to ya wũhũpũ sãa sũ yaca masierara. Tirore to dũhteri baharo sãa sũ yaca masina —ni yahure Jesu. (Æ ni yahure watĩnore to yũhdũrucarire yahuro. Watĩno tuariro to jipachũta Jesu tirore yũhdũrucara watĩare cohãno.)

Æ ni tuhsũ ò sehe ni yahu namore Jesu:

³⁰ —Cãiro yũhũre cahmaeraro, yũhũre ñũ tuhtiro jira. Cãiro yũhũre yoadohoeraro, yũhũre wapũ tichũ yoaro nina.

³¹ Æ jicũ mũsare potocã niita nija yũhũ. Jipihtia ñaare masa ti yoachũ ti durucuchũ cũhũre Cohamacũ bo masina. Æ boparota Espĩritu Santore ti ñano ni durucuchũ tí pinine ne bosì.

³² Yũhũre masũno Cohamacũ warocarirore yũhũre ti ñano ni durucurire bo masina Cohamacũ. Espĩritu Santo sehere ti ñano ni durucurire ne bosì Cohamacũ. Mipũre, pihtiri dacho baharopũ cũhũre ti ã niri cjirire bosì tiro —ni buhere Jesu tinare.

Masa ti durucuarẽ tũhona ti jia tiare masija mari
(Lc 6.43-45)

³³ Æ ni buhe tuhsũ, piti dahre buhero ò sehe ni yahu namore tinare:

—Noadũ yucũcũ noaare dicha tira. Ñaadũ yucũcũ ñaare dicha tira. Yucũcũ dichare masina “Tũ dichata jira”, ni masija mari. (Mari ã masino seheta masa ti durucuarẽ tũhona ti jia tiare masija mari.) ³⁴ Agãa ñima tiina yoaro sehe ñaina jira mũsa. Mũsa ñaina jina, noaare ni masierara mũsa. Mari wacũapũ mari tũhoturiro seheta mari dũseroi wijara. ³⁵ Noariro noaare tũhotura. Æ jiro noaare durucura. Ñariro ñaare tũhotura. Æ jiro ñaare durucura. ³⁶ Mũsare niita nija. Noano tũhotu durucuina jiga mũsa. Noano durucuerana, buhiri dahrehti dacho jichũ mũsa ã nimacanocarire Cohamacũre yahu yũhdũnahca. ³⁷ Quihõno mũsa durucurire masino “Noaina jira”, ninohca Cohamacũ. Tuhsũ, ñano mũsa durucurire masino “Ñaina jira”, ninohca tiro —nire Jesu tinare.

Masa ñaina Jesure Cohamacũ tuaa mehne yoa ño dutiha

(Mr 8.12; Lc 11.29-32)

³⁸ To ã niri baharo mari judio masare buheina, fariseo curua macaina cũhũ tirore ò sehe nire:

—Buheriro, Cohamacũ warocariro jicũ Cohamacũ tuaa mehne yoa ñoga sãre —nimare tina.

³⁹ Jesu ò sehe ni yũhtire:

—Mipũ macaina ñaina, Cohamacũre cahmaeraina Cohamacũ tuaa mehne yũ yoa ñochũ ñũ duamana. Ti ã ñũ duapachũta Cohamacũ yare yahu mũhtarirore Jona cjiro panopũ macarirore Cohamacũ to tuaa mehne to yari dihtare yoa ñonohca masare.

⁴⁰ Jona tia dacho waro pjiriro wahi pjaro puhichapũ jiha. To ã wahariro seheta yũhũ cũhũ masũno Cohamacũ warocariro tia dacho waro masa copapũ jiihca. ⁴¹ Ninive macaina sehe Jona Cohamacũ yare to yahurire tũhoa ti ñaa yoirire cahya, Cohamacũ mehne macaina tjuaha. Æ tjuaina jia buhiri dahrehti dacho jichũ tina mipũ macainare ti ñaare

tuhotumari cjiire duhuerainare “Ñaina jira”, ni yahusãahca. Jona cjiro tinare Cohamacu yare to yahuchu tuhoa noaare cahmaha tina sehe. Ñ cahmaa noano yoaa niha mipu macaina yuhdoro. Ñ jia tina mipu macainare “Ñaina jira”, ni yahusãahca. Musare niita nija. Mipu musare yu buhea Jona cjiro to buheri yuhdoro jira. ⁴² Ñ yoa buhiri dahrehti dacho jichu puhtorocoro sur macaricoro panopu macaricoro ducu, mipu macainare “Ñaina jira”, ni yahusãanohca ticoro cãhu. Ticoro Salomo panopu macariro to masiare tuho duaro yoaropu ahri yahpa pa buhusehepu jiricoro Salomoro tuhoro taha. Ñ yoaro noano yoaro niha mipu macaina yuhdoro. Ñ jiro ticoro “Ñaina jira”, ni yahusãanohca mipu macainare. Musare niita nija. Mipu musare yu buhea to buheri yuhdoro jira —nire Jesu tinare.

Watino pari turi masunore to sãari quitire yahuha Jesu
(Lc 11.24-26)

⁴³ Ñ ni tuhsu, pari turi Jesu to tuhotua mehne õ sehe ni piti dahre buhere tinare:

—Watino masunore cohtotariro cjiro waha, tiro co marieni yahpai tini, to jihto cjihtore macamaha. ⁴⁴ Ñ bocaeraro, õ sehe ni tuhotuha tiro. “Masuno yu cohãriro cjiro mehmeta pari turi jii wahihtja”, ni tuhotuha tiro. Ñ ni tuhoturo tiro tjuaa waha, to cohãriro cjiroreta boca. Ñ to bocachu masuno sehe noariro jimaha. ⁴⁵ Ñ jiro watino paina siete watãre to yuhdoro ñainare pjiro wahaha. To ñ pjichu tina jipihtina tiro mehne jiha. Masuno sehe tó pano cãiro watino to cohtotariro jiro, ñariro jimaha. Mipu sehere payu watã ti cohtotariro jiro, tó pano to jiriro yuhdoro ña yuhduariro jiha. Mipu macaina Cohamacure masimarina tireore cohãa, tina cãhu ñaa yuhduina warota wahaahca —nire Jesu tinare.

Jesu coyea tiro mehne sãhudu duaha

(Mr 3.31-35; Lc 8.19-21)

⁴⁶ Masare to ñ ni durucuro wato to pocoro to bahana mehne sopacai ducu, tiro mehne sãhudu duare. ⁴⁷ Ñ jiro cãiro Jesure õ sehe ni yahure:

—Mu poco mu bahana mehne sopacai ducura, mũhure sãhudu duaa —nire.

⁴⁸ To ñ nichu tuhoro tireore yahurire õ sehe nire Jesu tinare buhero taro:

—¿Noa jijari yu poco, yu bahana cãhu, musa ñuchu? —nire.

⁴⁹ Ñ nino, sãre to buheinare ñuipuro, õ sehe nire:

—Ahrina jira yu poco yu bahana yoaro sehe jiina. ⁵⁰ Tina yu Pucu mũano macariro to cahmaare yoara. Tó sehe yoaina yu bahu, yu baho, yu poco yoaro sehetã jira —nire Jesu tinare.

13

Jesu wesere toari masuno quitire yahuha

(Mr 4.1-9; Lc 8.4-8)

¹ Tí dachoihta Jesu wãhu jiriro wi-jaare. Wijaa, bucãpariropu waha, bucãpariro duhtu cahai dujire. ² To ñ dujichu ñua payu masa tiro cahapu cahmachu wahpata yuhduu, bihsaro yoare Jesure. Ñ bihsachu ñuno dohoriai samu, tiap dujire tiro. Masa sehe paduroi ducure. ³ Ñ jiro payu to tuhotua mehne piti dahre yahure tinare buhero taro. Ñ sehe nire tiro:

—Toari masuno toaro, to toaa yaparire doca site cũno wahaha. ⁴ To ñ doca site cũ wahcãchu paye yapari maha duhtu cahai bora caha sãha. Ñ bora caha sãare tí yaparire minichahca duji ta, chãnocaha.

⁵ Ñ yoa paye yapari sehe tãa wapa buicã bora caha sãha. Tãa wapa buicã dihta mariea cureroi dóihta dumaha. ⁶ Ñ duri jipahta, sã to tuaro sichu, nuhcori mariaa, ñaia wahaha. ⁷ Paye yapari sehe tja wato bora caha sãha. Tja sehe dia yuhduu waha, toaa sehere wajãnocaha. ⁸ Paye

yapari sehe noari yahpai bora caha sũha. Noano dua jia noano dicha tiha. Paye yucũ cien yapari, paye yucũ sesenta yapari, paye yucũ treinta yapari dicha tiha. ⁹ Ahrire tũho duaina noano tũhoga mũsa –nire Jesu.

Jesu quitu mehne to buherire yahuha

(Mr 4.10-12; Lc 8.9-10)

¹⁰ To ã niri baharo sã to buheina tiro cahai sũ, sinitui sã tirore:

–¿Ne, dohseacũ masare quitu mehne piti dahre buhejari mũhũ? – ni sinitui sã.

¹¹ Jesu õ sehe ni yũhtire:

–Mũano macariro masa bui pũhtoro masare to noano sũho jiare panopũ macaina ti masierari cjirire mũsare yũ buheinare masichũ yoara Cohamacũ. Paina sehere ã yoerara tiro. ¹² ã jiro masiinare masi namochũ yoarohca tiro. ã jia tina sehe noano masiahca. Masieraina sehe mahanocã ti masipachũta tina sehere masierachũ yoarohca tiro.

¹³ ã jicũ quitu mehne buheja. Õ sehe jira. Mipũ macaina ñũpahta, ñũeraina cjiri yoaro sehe tjuara. ã jia tũhopahta masierara. Tĩre tũhoeraina yoaro sehe jira tina. ¹⁴ ã jiina jia Isaia cjiro panopũ macariro to ni joariro seheta yoara tina. Õ sehe ni joaa tiha:

“Õ sehe nina Cohamacũ: ‘Yũ yare tũhonahca mũsa.

ã tũhopanahta, ne masisi mũsa.

¹⁵ Mũsa dapu bũtiina tjuara.

Tuhsũ, mũsa cahmo coparire bihara mũsa, “Tũhori”, nina.

Mũsa caparire wihmitjiahna mũsa, “Ñũri”, nina.

ã yoerana noano ñũna masiboa mũsa.

ã yoa tũhona, masiboa mũsa.

Mũsa wacũapũ noano masiboa.

ã masiina baro jina, mũsa tũhotumari cjirire tũhotu cohtota, yũhũre macaboa.

Mũsa ã macachũ ñũno, yũhũ sehe mũsa buhiri tiare cohãboa’, nina Cohamacũ”,

ni joaha Isaia cjiro.

¹⁶ Mũsa sehe mũsa capari mehne ñũna, masina. Mũsa cahmo mehne tũhona, masina. ã jina wahcheina jira mũsa. ¹⁷ Mũsare niita nija. Mipũ mũsa ñũare mũsa tũhoare panopũ macaina Cohamacũ yaina cjiri tuaro ñũ duamaha. Cohamacũ yare yahu mũhtaina cjiri cãhũ tĩre tuaro ñũ duamaha. Wiho mejeta ne ñũeraha. Mipũ mũsa tũhoa cãhũre tuaro tũho duamaha tina. ã masi duapahta tĩre masieraha –ni yahure Jesu sãre to buheinare.

Jesu wesere toari masũno quitire yahu pahũoha

(Mr 4.13-20; Lc 8.11-15)

¹⁸ Baharo Jesu sãre õ sehe ni yahu namore:

–Tũhoga mũsa. Wesere toari masũno quitire mũsare yahuihtja. Yũhũre tũhona, noano masiga.

¹⁹ Doca site cũa yapari noaa buhea yoaro sehe jira. ã jia maha dũhtũ cahai bora yapari noaa buhea yoaro sehe jira. Masa noaa buheare tũhopahta ne masierara. Noaa buheare masa ti tũhochũ ñũno watĩno sehe ta, tí buheare noaa buheare masi dutierara masare. Minichahca tí yaparire ti dota nariro seheta yoara watĩno. ²⁰ ã yoa tãa wapa buicã bora yapari noaa buhea yoaro sehe jira. ã jia masa noaa buheare tũho, wahchea mehne dóihta tĩre tũho nana. ²¹ ã tũho napahta tãa wapa buicã jia yucũ nũhcori mariea yucũ yoaro seheta ahriina masa cãhũ tuaerara. ã tuaeraa ñãno yũhdũa, yũ yaina ti jiri buhiri paina tinare ti ñãno yoachũ ñũa yũ ya sehere duhunocahna. Paina tinare ti ñãno yoachũ tĩre cãno pjaeraa, yũ yare duhunocahna. ²² ã yoa tja watoi bora yapari noaa buhea yoaro sehe jira. ã jia masa noaa buheare tũho, ahri yahpa macaare pjĩro cahya tũhotua, niñerure cahĩna. Ti ã yoachũ tí sehe noaa buheare dũcatara. Ti ã dũcatachũ masa noaa sehere yoerara. ²³ ã yoa noari yahpai bora yapari noaa buhea yoaro sehe jira.

Masa noaa buheare tuhoa, tíre noano masina. ã masiina jia, Cohamacu to cahmano seheta noaare yoara tina. Cãina pjíro noaare yoara cien yapari dicha tiro seheta. Paina doca curero noaare yoara sesenta yapari dicha tiro seheta. Paina mahanocã noaare yoara treinta yapari dicha tiro seheta –ni yahure Jesu sãre.

Trigo watoi tja diari quitire yahuha

²⁴ ã yoa pari turi to tuhotua mehne piti dahre buhere Jesu:

–Mũano macariro masa bui puhtoro to suho jiro õ sehe jira. Wese puero to wesepu noaa yaparire to toariro seheta jira mũano macariro masa bui puhtoro to suho jiro.

²⁵ Wese puero jipihtina tiro mehne macaina cãhu ti carĩno watoi tirore ñu tuhtiriro tara. ã taro trigore ti toariroi tjare toaha. Toa tuhsu wahaa wahaha. ²⁶ Baharo trigo duha. ã jiro ti dicha tia cahachu waro diaa wahaha. ²⁷ ã jia wese puore dahra cohtaina tiro cahapu su, yahua:

“¿Puhtoro, noaa yapari dihtare mu wesere mu toapachata, dohse yoa tja cãhu diajari tí wesere?”, niha tina. ²⁸ “Yuhure ñu tuhtiriro jia tí tjare toaro”, niha wese puero. “¿Tjare sã curechu cahmajari mũhu?” nimaha tirore dahra cohtaina. ²⁹ “Tjare curena tjiga, tjare curemahna “Trigo sehere cureri”, nina. ³⁰ Trigo tja mehmeta bucuawahnosinijaro. Dicha ñaini pja jichu, trigo dicha nainare õ sehe nihtja: “Tjare cure mũhtaga. Tuhsu masa curerire jũga. Baharo trigore pahaga. Paha pahno, tíre yu wihbori wãhupu cũga”, nihtja tinare”, niha wese puero –nire Jesu, quitu mehne yahuro.

Mostaza yapa quitire yahuha Jesu (Mr 4.30-32; Lc 13.18-19)

³¹ ã yoa paye quitu mehne sãre õ sehe ni buhere tjoa:

–Mũano macariro masa bui puhtoro to suho jiro mostaza yapacã yoaro sehe jira. Tí yapacã mahabiari yapacã jira. ³² Tí yapacãre wesepu

to toari baharo, noano dura. ã jiro pji curedu wahara. ã wahachu minichahca peri tu duparipu suhti suhara. (Tó seheta mũano macarirore mari puhtoro masina mahainacã ti ji mũhtapachata baharopu tina payu wahaahca) –ni yahure Jesu.

Pão bucuaro quitire yahuha Jesu (Lc 13.20-21)

³³ ã yoa paye quitu mehne sãre õ sehe ni buhere tjoa:

–Mũano macariro masa bui puhtoro to suho jiro pão bucuaro yoaro sehe jira. Tíre numino cã wajuuru trigo pohcare co mehne noano tíre dahra morena pão bucuahatore. To ã yoachu pão bucuaro sehe trigore noano sahserucu sãra. (Tó seheta pão bucuaro to sahserucu sãro seheta mũano macarirore mari puhtoro payu masa jipihtiro macaina masi-ahca) –nire Jesu.

Quitu mehne Jesu to buherire yahuha

(Mr 4.33-34)

³⁴ Ahri jipihtiare buhero, quitu mehne yahure Jesu. Quitu marieno yahuerare tiro tinare. ³⁵ ãta yoare tiro Cohamacu yare yahu mũhtariro cjiro to ni joariro seheta. Õ sehe ni joaa tiha panopu:

“Quitu mehne yahuihtja.

Cohamacu ahri yahpare to ba-juamehneri baharo ne masare to yahuerari cjirire yahuihtja”, ni joaa tiha Cohamacu yare yahu mũhtariro cjiro.

Trigo watoi tja diari quitire yahu pahnoha

³⁶ ã yoa masare coha siti, wãhupu sãa wahare Jesu. ã jina sã to buheina tiro cahapu su, sinitui sã:

–Trigo watoi tja diari quitire yahu pahnoha sãre –nii sã tirore.

³⁷ Jesu õ sehe ni yũhtire sãre:

–Wese puero noaa yaparire toariro yoaro sehe jija yũhu. Yũhu masũno Cohamacu warocariro jija. ³⁸ Wese sehe ahri yahpa yoaro sehe jira.

Noaa yapari dua m̄ano macariro p̄h̄toro to s̄ho jiro p̄u j̄htina c̄j̄hti yoaro sehe jira. Tja sehe wat̄no yaina yoaro sehe jira. ³⁹ Wese p̄rore ñu tuhtiriro tjare toariro wat̄no yoaro sehe jira. Tí ñaini p̄a sehe pihtiri dacho yoaro sehe jira. Ñ jia trigore naina anjoa yoaro sehe jira. ⁴⁰ Tjare ti cure j̄riro seheta pihtiri dacho jich̄ wat̄no yainare, pichacap̄u j̄ coh̄ahca tinare. ⁴¹ Yuh̄u mas̄no Cohamac̄u warocariro ȳu anjoare warocaihtja. Ȳu ã warocach̄u anjoa sehe ñaare yoa dutiinare, ñaare yoainare p̄h̄toro ȳu s̄ho jiro p̄u j̄marinare na wioahca. ⁴² Na wio tuhs̄u pichacap̄u coh̄ahca tinare. Tó p̄u tina tuaro tii, cahyaa mehne bahca dihoahca. ⁴³ Ñ jia Cohamac̄u yaina ti P̄h̄s̄cro p̄h̄toro to s̄ho jiro p̄u j̄ahca. Tói jia, s̄u dacho macariro yoaro sehe noano buhriaahca tina. Ahrire noano t̄h̄oga m̄sa –ni yahure Jesu.

Noa ȳhd̄uare to n̄orire to bocari quitire yahuha

⁴⁴ Ñ yoa paye quiti mehne ñ sehe ni yahure tjoa:

–M̄ano macariro masa bui p̄h̄toro to s̄ho jiro niñeru to n̄ori yoaro sehe jira. Mas̄no tíre wesep̄u wac̄ueno boca, pari turi tíre n̄o namona. Ñ yoaro tuaro wahcheha tiro. Ñ jiro to bocari c̄j̄irire nano taro, tí wesere nuch̄u duaha. Ñ nuch̄u duaro to yare dua pah̄no, tí wesere nuch̄aha. M̄ano macariro p̄h̄toro to s̄ho jiro to bocari c̄j̄iri yoaro sehe jia. (To bocarire to cahma ȳhd̄uare sehet̄a m̄ano macarirore masa bui p̄h̄torore noano ti masini baharo masa tuaro cahmana tirore) –ni yahure Jesu.

Wapa buj̄uri yapa quitire yahuha

⁴⁵ Ñ yoa paye quiti mehne ñ sehe ni yahure tjoa:

–M̄ano macariro masa bui p̄h̄toro to s̄ho jiro wapa buj̄ua yaparire perla wama tia yaparire nuch̄uriro yoaro sehe jira. ⁴⁶ Tí yaparire macano noa ȳhd̄uri yapare boca. Ñ bocaro, tí yapare nuch̄u

duaro, j̄pihtia to yare dua pah̄no wahaha. Ñ dua tuhs̄u tí yapare wapa buj̄uri yapare nuch̄ura. (Tí yapare tuaro to cahmariro sehet̄a m̄ano macarirore masa bui p̄h̄torore noano ti masini baharo masa tuaro cahmana tirore) –nire Jesu.

Wañ̄no quitire yahuha

⁴⁷ Ñ yoa paye quiti mehne Jesu ñ sehe ni yahure tjoa:

–M̄ano macariro masa bui p̄h̄toro to s̄ho jiro wañ̄no ti docañ̄odu yoaro sehe jira. T̄u wañ̄no mehne paȳu wahi soro j̄inare ñahana. ⁴⁸ T̄u to wahpaa wahach̄u wahi waj̄ina sehe t̄ure pad̄rop̄u waja maja, noaina wahire besera. Noainare ti p̄h̄sep̄u bese s̄ana. Ñaina wahire coh̄anocahna. ⁴⁹ Pihtiri dacho jich̄u ñ sehe jirohca. Anjoa sehe masare beseahca. Ñainare na wioahca noaina cahap̄u j̄marinare. ⁵⁰ Na wio, tinare pichacap̄u coh̄ahca. Tói tina tii, tuaro cahyaa mehne bahca dihoahca ñaina sehe –ni yahure Jesu.

M̄na buheare, wahma buhea c̄h̄ure yahuha

⁵¹ To ã ni yahuri baharo tiro ñ sehe ni siniture s̄are:

–¿Ahri j̄pihtiare t̄h̄ojari m̄sa? –ni siniture tiro.

–T̄h̄oja s̄a –ni ȳhtii s̄a.

⁵² S̄a ã nich̄u tiro yahure s̄are:

–Judio masare buheina m̄ano macariro masa bui p̄h̄toro to s̄ho jirore buhea, p̄aro buheare yahura. (Panop̄u ti buhea c̄h̄ure mip̄u ti buhea c̄h̄ure yahura.) Tina, Judio masare buheina w̄h̄u p̄aro yoaro sehe jira. Tiro to w̄h̄u j̄iare noare na wioro, wahmaare, m̄naa c̄h̄ure na wiora tiro –nire Jesu s̄are.

Jesu Nazarep̄u wahaha

(Mr 6.1-6; Lc 4.16-30)

⁵³ Tí quitire to buheri baharo, wahai s̄a tiro mehne. ⁵⁴ Waha, to buc̄uari macap̄u s̄hi. Tó p̄u s̄u, judio masa mari buhea w̄h̄usep̄u buhere tiro. To ã buhech̄u t̄h̄oa, t̄h̄o c̄uaa wahare tina.

—Cuenah, ¿ahriro nohopu tūhoari ahri buheare? ¿Dohsearo noano masi pahñojari ahriro? Cohamacu tuaa mehne yoa ñona tiro to basi. ⁵⁵ Ahriro taboa dahrari masuno macuno jimanaro. Ñ yoa to pocoro María jimanaro. Ñ yoa Santiago, José, Simo, Juda, to bahana jimanabu. ⁵⁶ Mipure to bahana numia ahri macai jira. Ñ jiro tiro mari yoaro sehe jiro tjira. ¿Ñ jiparota nohopu tūhoari tiro ahri buheare? —ni durucure tina ti basi.

⁵⁷ Ñ jia tina tirore cahmaerare. Ti ñ cahmaerachu ñuno ñ sehe nire Jesu tinare:

—Cohamacu yare yahu mūhtarirore paina ño payora. Ti ñ ño payopachuta to ya maca macaina, to coyera tirore ño payoerara. Ñ jina yuhure ño payoerara musa ñi yu bucuariro jichu —nire tiro tinare.

⁵⁸ Ñ jiro tirore ti wacū tuaerachu ñuno “Cohamacu macuno jira”, ti ni duaerachu ñuno, tí macai Cohamacu tuaa mehne payu tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro pūhtoro Jesu to yoarire tūhorocaha.

² Ñ tūhoro ñ sehe nimaha:

—João masare bautisariro yariariro cjiro pari turi bajuaro nica. Ñ jiro mipure to bajuari baharo ahri tuaare cjūara tiro bajuamehn-eare yoaro —nimaha Herode to cahamacare. (Jesure “Joãota jira”, ni tūhotumaha tiro Joãore ti wajāri baharo.)

³⁻⁵ Joãore to wajā dutihtō pano Herode to bahuro Felipe namonore namo tiha. To ñ yoachū ñuno João bautisariro Herode sehere ñ sehe nia timaha:

—Mu bahū namonore namo ticu Cohamacu dutiare yūhdurūcai nina mūhu —nia timaha João.

To ñ niri buhiri Herode tirore wajā duamaha. “João Cohamacu yare

yahu mūhtariro jira’, ni tūhotura judio masa” nino, tina sehere cuiha Herode. “Joãore yu wajāchu tina suaboca” nino, tinare cuiha. Ñ cuiro Joãore wajā duaeramaha. Ñ wajā duaeraparota Herode tirore ñaha duhte duti, peresu yoaha. To namono Herodia to dutiro mehne ñ yoaha. ⁶ Ñ yoa Herode to masa bajuari dacho jichū bose numū yoaha tiro. Tóí Herodia macono bose numū wihiina ti ñurocaroi basa ñoha. To ñ basa ñochū ñuno Herode wahcheha. Ñ wahchero ticorore ñ sehe niha:

⁷ —Cohamacu mehne potocā niita nija. Yuhure mu sinino purota waihtja yuhū mūhure —niha juna Herode sehe Herodia maconore.

⁸ To ñ nichū tūhoro Herodia to maconore to sinihtore yahuha ticorore. To ñ yahuchū to macono sehe ñ sehe ni siniha Herodere:

—João masare bautisariro dapure cjā ta dutiga. Ñ yoacu waparo mehne tí dapure waga yuhure —niha ticoro.

⁹ To ñ nichū tūhoro Herode tuaro cahyaha. Masa ti ñurocaroi “Waihtja mūhure”, niha tiro. Ñ jiro tiro buo tiro “Mūhure to dapure waeraja”, ni masieraha ticorore. Ñ jiro ticoro to dutiriro sehetā Herode sehe to cahamacare Joãore wajā dutiha. ¹⁰ João dapure cjā taroca dutiha juna. ¹¹ Ñ cjā ta tuhsū, waparo mehne to dapure na taha tina. Herodia maconore to dapure ti wachū, ticoro sehe to pocorore yūhdoha tjoa.

¹² Ti ñ yoari baharo João buheina ta, to pjacure masa coparū na cūha. Ñ cū tuhsū, tina tíre Jesure yahua tare.

Cinco mil bui masare chūa waha Jesu

(Mr 6.30-44; Lc 9.10-17; Jn 6.1-14)

¹³ Ti ñ ni yahuchū tūhoro, Jesu sã mehne dohoriai samu, masa marienopū sūho wahare. Jesu tōpū to wahachū tūhoa, masa ti ya macaripū jirina ta, mahapū tirore nunū ti wahcāre. ¹⁴ Tuhsū, sã wahā sūri baharo tiro payū masare ñuno, pja ñure tinare. Ñ pja ñuno tina mehne macaina dohatiinare noaina

wahachu yoare. ¹⁵ Ñamichahapũ sã to buheina tirore õ sehe nii:

—Ñamichahapũ jira. Õ masa marienopũ jira. ã jicu macaripũ masare ti chũhtire nuchũ dutiga ti puhititi cjihtire —nimai sã tirore.

¹⁶ Jesu yũhtire sãre:

—Wahaea tjiaro tina. Mũsa basita chũare waga tinare —nire sãre.

¹⁷ —Cũ wamomaca pihtia pão curi, pũaro wahi mehne jira sãre. Tí dihtare cjuaja sã —ni yũhtii sã.

¹⁸ —Tíre yũhure na tahga mũsa —nire sãre.

¹⁹ To ã nichũ tũhona na wahcãhi sã to cahai. Sã na sũri baharo tja bui masare tiro duji dutire jũna. Ti dujichũ cinco pão curire, pũaro wahire na, mũanopũ ñũ mũo, Cohamacũre “Noana”, nire. ã ninota pão curire nuha, sãre to buheinare ware. To ã wachũ sã sehe tíre masare witii. ²⁰ ã jia jipihtina noano chũ, yapi yũhdũa wahare. Ti yapi wahyorire doce pũhuse waro na cahmachu, wahpo dapoi sã to buheina. ²¹ Tóí tíre chũrina mũa dihtare mari quihõchũ cinco mil mũa jire. Numia, macanacã cãhũ jire.

Jesu co bui ducu wahcãha
(Mr 6.45-52; Jn 6.16-21)

²² Baharo sãre to buheinare Jesu bũcũpariro pa bũhũsehe coapu pahãyu dutire masare to coha sitirowatoí. ²³ Coha siti tuhsũ, tũcũpũ mũja, Cohamacũre sinino wahaha. Ñamine tóí tiro cũirota jiha. ²⁴ Tí pjihta bũcũpariro dacho macai dohorio mehne pahãrucuna nimai sã. Wihnono tuaro ta, pahcõri bũjũa wahcã, dohoriare cjã sãare. ²⁵ Wihnono tuaro to wãchũ bohrea mũja tahto pano Jesu co bui ducu tare sã cahapũ jũna. ²⁶ Sã cahapũ to tachũ ñũna cui nii sã. ã cuina sañurucumai sã:

—Yariariro cjiro pjacu jira —ni sañurucumai sã.

²⁷ Sã ã cuichũ ñũno Jesu õ sehe nire:

—Ne yũhure ñũ cũaena tjiga. Yũhũta jija —nire sãre.

²⁸ To ã nichũ tũhoro Pedro õ sehe nire tirore:

—Pũhtoro, potocãta mũhũta jicu, co bui yũhure mũ cahapũ ducu wahcã dutiga —nire tiro.

²⁹ —Taga —ni yũhtire tiro sehe.

To ã nichũ Pedro dohoriapũ jiroiro co bui ducu sũ Jesu cahapũ ducu wahcãmare. ³⁰ Wihnono tuaro to tachũ ñũno cuire tiro. ã cuiro diha boraa wahamare.

—Yũhure yoadohoga pũhtoro —ni sañurucure tiro Jesure.

³¹ To ã nichũta to wamomacare ñaha:

—Mahanocã wacũ tuara mũhũ yũhure. ¿Dohseacu yũhure wacũ tuaerajari mũhũ? —nire tiro Pedroro.

³² To ã niri baharo dohoriapũ samu tare tina. Ti ã samu tari baharo wihnono yũsũ borare. ³³ ã jina sã to buheina dohoriapũ jiina na tuhucua caha sũ, Jesure ño payoi:

—Potocãta mũhũ Cohamacũ macũnota jira —nii sã tirore.

Genesare macaina dohatiinare yũhdoha Jesu
(Mr 6.53-56)

³⁴ ã yoarina cjiri pahã, Genesare wama tiri yahpapũ sũ. ³⁵ Tó macaina Jesure ñũ masire. ã masia tó cahai jiinare Jesu to wihirire yahu site pahõre. ã ti yahu sitechũ tũhoina payũ dohatiinare tiro cahapũ na tare.

³⁶ —Mũ suhtiro dũhtũ caha dihtare sãre ñaha ñũ dutiga —ni sinire tina Jesure. ã jia to suhtirore ñaha ñũinape tópeinata noaina wahare.

15

Masa ñaina wahachũ yoaare yahuha Jesu
(Mr 7.1-23)

¹ ã yoa Jerusalẽ macaina, fariseo curua macaina, marine judio masare buheina mehne Jesu cahapũ wihia, õ sehe ni siniture tirore:

² —¿Dohse yoa mari ñũchũsuma cjiripũ ti yoa dutiroro seheta yoaerajari mũ buheina sehe? Tina ti chũhto pano ti dutiroro seheta wamo cosaerara —nire tina Jesure.

³ Jesu ò sehe ni yuhtire tinare:

—¿Musa sehe dohse yoana Cohamacu dutia sehere yoaerajari musa? ¿Dohse yoana mari ñuchusuma cjiri panopu macaina ya dutia dihtare yojari musa sehe? ⁴ Ò sehe nina Cohamacu: “Musa pucsumare ño payoga”, nina. “Cãiro to pucsumare ñaare quti dahreriro jiro tí buhiri paina ti wajãhtiro cjihto jirohca”, nina Cohamacu.

⁵ To ã nipachuta ò sehe ni dutira musa sehe ti pucsumare yoadoho dutierana: Tí pucsumare ti waborire Cohamacu sehere wa dutira musa. Æ ni buhemana musa. ⁶ Æ buhena ti pucsumare ño payochu yoaerara musa. Musa ã yoana Cohamacu dutiare yuhdurucana nina musa, mari ñuchusuma cjiri panopu macaina ya dutia dihtare yoana. ⁷ Masa ti baharo buhusehei ñano yoa cohtaina jira musa. Cohamacu yare yahu muhtariro Isaia cjiro musare potocãta yahu joaa tiha panopure:

⁸ “Ahrina masa yuhure noano durucupahta ti tãhotuare yuhure ne ño payoerara.

⁹ Æ jia yuhure ti ño payoa ne yaba cjihti jierara.

‘Cohamacu ya dutia jira ahri’, ni mahño buhera ti ya buhea sehere”,

ni joaa tiha Isaia cjiro —nire Jesu fariseo curua macainare, mari coyea judio masare buheina cãhure.

¹⁰ Æ ni tuhsu to cahapu paina cãhure pjiroca, ò sehe nire:

¹¹ —Yuhure tãhona taga. Tuhsu, yu niare noano tãho ñahaga musa. Musa duserihi sãa sehe musa chãa sehe musare buhiri tichu yoaerara. Musa ñaa durucua sehe musa duseri wijaa sehe musare buhiri tichu yoara —nire Jesu.

¹² To ã ni buheri baharo sã to buheina sehe tirore yahui:

—Mu ã nichu tãhoa fariseo curua macaina suaa nire —ni yahui sã tirore.

¹³ Tíre tãhoro, ò sehe ni yuhtire sãre:

—Tina fariseo curua macaina toaa yucu yoaro sehe jira. Yu Pucu muano macariro jipihtia toaa yucure to toaerari cjirire nuhcori mehneta cure, cohãnohca. Æta yoaerohca tinare.

¹⁴ Tinare ã ñunocahga musa. Tina capari ñueraina ti ñu masieraro seheta ne Cohamacu yare masierara. Æ jia pichacapu wahaahca. Æ masierapahta paina masierainare buhe duamana. Æ jia tina, ti buheina cãhu soro jia buheare cahmaahca, capari ñueraina painare tãã wahcã, jipihtina copapu ti borariro seheta —nire Jesu.

¹⁵ To ã nichu tãhoro Pedro ò sehe nire:

—Ahri quitire masa ti duseri wijaa quitire yahu namoga sãre tjoa —nire tiro Jesure.

¹⁶ Jesu ò sehe ni yuhtire:

—¿Ne, tãhoerasinijari musa?

¹⁷ Masa ti chãare chuchu tí ti duseroi sãahna. Æ jia ti pjaropu sãa su, yuhdu wijaa wahara. Wiho waro jira. Mari chãa marine buhiri tichu yoaerara, Cohamacu to ñuchu. ¿Ahrire masierajari musa? ¹⁸ Masa ti duseroi wijaa, ti durucua sehe ti tãhotuapã tara. Ti durucua sehe ñaa jia masare buhiri tichu yoara. ¹⁹ Ñaa tãhotua, masare wajãa, paio namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quti dahrea masa ti tãhotuapã tara. ²⁰ Tí ñaa sehe masare buhiri tichu yoara. Wiho mejeta mari ñuchusuma cjiri ti yoaa tiro cjiro seheta masa wamo cosaerapahta ti chuchu tí masare buhiri tichu yoaerara —nire Jesu.

Judio masono jieraricoro Jesure wacũ tuaha
(Mr 7.24-30)

²¹ Æ ni buhe tuhsu, sãre suho wahare tjoa. Tiro wama tiri maca cahapu Sidõ wama tiri maca cahapu sui sã. ²² Sã tãpã sũchu Canaa yahpa macaricoro tõi jiricoro Jesu cahapu wihiro, sañurucure:

—Puhtoro, Davi panamino masare yuhduchu yoahiro, yuhure pja

ñuga mahu. Yu macore yuhdachu yoabasaga mahu. Yu maco watino to cohtotaricoro, ñabiaro yuhdara ticoro –ni sañurucure to pocoro.

²³ To ã nipachata Jesu ticorore yuhtierare. To ã yoachu ñuna sã to buheina sehe tirore õ sehe nimai:

–Waha dutiga ticorore. Nu cariboro bisica –nimai sã.

²⁴ Sã ã nichu tuhoro Jesu õ sehe ni yuhtire ticorore:

–Israe masare Cohamacure masieraina dihtare yoadoho dutiro warocare yu Pucu yuhare –nire tiro.

²⁵ To ã nipachata Jesu dahpori cahai na tuhcuca caha sare ticoro tirore ño payoro.

–Puhtoro, yoadohoga yuhare –nire ticoro.

²⁶ Jesu õ sehe ni yuhtire ticorore:

–Õ sehe jira ahri: Wahmanore wuhu puro pohna ya chure dieyacãre yu wa mahtachu to wahaerara. (Israe masa yare pa yahpa macainare yu wa mahtachu to wahaerara) –nire Jesu ticorore piti dahre yahuro.

²⁷ –Ã tjira puhtoro. ã jipachata dieyacã cãhu wuhu puro mesa docai ti chu site boroare chu cohtara tinacã cãhu. (Pa yahpa macaricoro yu jipachata yuhu cãhure yoadoho masina mahu) –ni yuhtire ticoro.

²⁸ To ã nichu tiro õ sehe ni yuhtire:

–Ne numino, muhu yuhare tuaro wacũ tuara. Mũ cahmano seheta ã waharohca –nire Jesu ticorore.

To ã nichuta dóihta noaricoro wahare to macono.

Payu dohatiinare noaina wahachu yoaha Jesu

²⁹ ã ni tuhsu sare suho waha, Galilea wama tiri bucupariro duhtu cahapu suho sare tjoa. Su, mahaducã tãcure mija, tu buipũ dujire. ³⁰ Tói to jichu payu masa tini masierainare, capari ñerainare, cã buhusehe ñano dahporo tiinare, durucu masierainare, payu paina dohatiinare tiro cahapu na wihire masa. Na wihi tuhsu Jesu dahpori cahai duhu cãre tina. Ti ã duhu cãri baharo noaina wahachu yoare Jesu tinare. ³¹ To ã yoachu ñna masa ñn

cuaa wahare. Durucu masieraina ti durucuchu ñna, cã buhusehe ñano dahporo tiina noaina ti wahachu ñna, tini masieraina ti tinichu ñna, capari ñeraina ti ñuchu ñna, cuaa wahare tina. ã jia õ sehe nire:

–Israe masa mari puhtoro, Cohamacu tuariro, noariro jira –ni ño payore tina Cohamacure.

Cuatro mil masare chure waha Jesu

(Mr 8.1-10)

³² To ã yoari baharo Jesu sare to buheinare to cahapu pjiroca, õ sehe nire:

–Ahrina masa yuhu mehne tia dacho waro ji tuhsura. ã yoa tinare ti puhu mariahna. Ti puhu mariachu ñucu tinare pja ñuja. “Tinapu juca baaina, mahai borari”, nicu tinare chura marieno ti wuhusepu waha duti duaeraja. ã jicu tinare puhu wa duaja –nire tiro.

³³ To ã nichu sã to buheina tirore sinitu ñni:

–¿Dohse yoa mari õre masa marienopure pãore boca wabocari mari? –nii sã tirore.

³⁴ –¿Nohope curi pão curire cjuajari masa? –nire Jesu.

–Siete curi, wahi cãhure mahainacã cjuaja –ni yuhtii sã.

³⁵ Sã ã nichu tiro masare yahpai duji dutire. ³⁶ Tuhsu siete pão curire, wahicã cãhure na, Cohamacure “Noana”, nire. ã ninota pão curire nuha, sare to buheinare ware. ã jina sã sehe tí chure masare witii. ³⁷ ã jia masa tíre chu, yapi yuhduu wahare. Ti yapi wahyorire siete puhuse waro wahpo dapoi sã. ³⁸ Tói churinare mua dihtare mari quihõchu cuatro mil waro mua jire. Numia, macanacã cãhu jire. ³⁹ Ti ã chu tuhsuchu Jesu masare waha dutire. ã ni tuhsu dohoriapu samu, Magadán wama tiri yahpapu sare suho sare.

16

Fariseo curua macaina, saduceo curua macaina cãhũ Cohamacũ tuaa mehne Jesu to yoa ñochũ ñũ duamaha (Mr 8.11-13; Lc 12.54-56)

¹ ã yoa fariseo curua macaina, saduceo curua macaina mehne Jesu cahapũ wihire. To ñano yoachũ ñũ duamare tirore yahusã duaa. ã jia tina tirore Cohamacũ tuaa mehne yoa ño dutimare to masierachũ ñũ duaa, “Cohamacũ warocariro jierara”, nia taa. ² Ti ã yoa dutichũ Jesu õ sehe ni yũhtire tinare:

—Ñamichahapũ sũ sãachũ to noano sohãchũ ñũna “Noari ñami jirohca”, nina mũsa. ³ Tuhsũ, bohrearo ñichuri dacho to jichũ ñũna “Coro tarohca”, nina mũsa. ã noano masiina jipanahta Cohamacũ tuaa mehne mũsare yũ yoa ñochũ ñũpanahta ne tíre noano masierara mũsa. ⁴ Mipũ macaina ña yũhdũina Cohamacũre cahmaeraina Cohamacũ tuaa mehne yũ yoa ñochũ ñũ duamana. Yoa ñosi yũhũ. Cohamacũ yare yahu mũhtariro cjiro Jona cjiro to dohse waharirore masi tuhsũre mũsa. Tí dihtare ñoihtja mũsare —ni yũhtire Jesu.

ã ni yahu tuhsũ sũho wahaa wahare tjoa.

Fariseo curua macaina, saduceo curua macaina ti ñaa buheare yahuha Jesu

(Mr 8.14-21)

⁵ Bũcũparirore sã pahãna, pãore bo pahã tari jihti sã. ⁶ ã jiro Jesu sãre õ sehe ni yahure:

—Noano yoanohbũ. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure.

⁷ To ã nichũ tũhona tũho wisia wahana, sã basi tíre õ sehe ni durucui:

—Mari pãore mari na taerachũ ñũno ã nipũcũ tiro —nimai sã, sã basi.

⁸ Sã ã nirire masino, sãre õ sehe ni siniture:

—¿Dohse yoana pão sehere wacũjari mũsa? Mahanocã waro yũhũre wacũ tuara mũsa. ⁹ ¿Masierasinjari mũsa?

¿Cinco mil mũare cinco pão curire yũ nuha warire numia cũhũre yũ warire wacũerajari mũsa? ¿Ti yapi wahyorire doce pũhũse waro mũsa wahpo daporire wacũerajari mũsa? ¹⁰ ¿ã jicũ siete pão curire nuha, cuatro mil mũare yũ warire numia cũhũre yũ warire wacũerajari mũsa? ¿Nohope pũhũse waro mũsa wahpo daporire wacũerajari mũsa? ¹¹ ¿ã jina pão bũcũarore yũ yahuchũ dohse yoana noano tũhoerari mũsa? ã nicũ pão warore nicũ nieraja. Fariseo curua macaina, saduceo curua macaina ti pão bũcũarore ñũna noano yoaga. Cua nina tí —ni yahure sãre tiro.

¹² To ã ni yahuchapũ sã masii. “Pão bũcũaro” nino, pão warore nino nierare. ã nino fariseo curua macaina, saduceo curua macaina ti buheare nino niri jimare sãre. “Ti ya buheare tũhoena tjiga”, nino nire.

Jesu potocã Cristo to jiare Cohamacũ warocariro to jiare yahuha Pedro

(Mr 8.27-30; Lc 9.18-21)

¹³ ã yoa Jesu mehne wahana, Cesarea Filipino wama tiri maca cahai jia macaripũ sũi sã. Tuhsũ, macapũ sã sũri baharo Jesu sãre to buheinare siniture:

—¿Diro baro jicari yũhũ masa yũhũre ti tũhotuchũ? —ni siniture tiro.

¹⁴ —“João masare bautisariro jira”, nina mũhũre. Paina “Elia jira”, nina. ã yoa paina sehe tjoa, “Jeremía jiboca o paio Cohamacũ yare yahu mũhtariro cjiro jiboca”, nina —ni yũhtii sã tirore.

¹⁵ —¿Mũsa sehe mũsa tũhotuchũ diro baro jicari yũhũ? —ni sinitu ñũre tjoa.

¹⁶ Simo Pedro õ sehe ni yũhtire:

—Mũhũ Cristo Cohamacũ warocariro jira. Cohamacũ catiriro waro macũnota jira mũhũ —ni yũhtire Simo Pedro.

¹⁷ To ã nichũ tũhoro Jesu tirore õ sehe nire:

—Simo Jona macũno mũhũ wahcheriro jira. Õ sehe ni yũhũre

m_u y_uhtich_u masa ti ni yahuri jierara. Y_u P_uc_u m_uano macariro sehe t_ure m_uh_ure masich_u yoare. ¹⁸ M_uh_ure niita nija. M_uh_u Pedro wama tiriro jira. (Pedro nino, “t_uca”, nino nina.) Ahri t_ua wapa bui p_ujiri w_uh_ure y_u yoaboriro seheta y_u yaina sehere p_ujiri curua jich_u yoaihca y_uh_u. ¹⁹ ¹⁸ ¹⁹ ²⁰ ²¹ ²² ²³ ²⁴ ²⁵ ²⁶ ²⁷ ²⁸ ²⁹ ³⁰ ³¹ ³² ³³ ³⁴ ³⁵ ³⁶ ³⁷ ³⁸ ³⁹ ⁴⁰ ⁴¹ ⁴² ⁴³ ⁴⁴ ⁴⁵ ⁴⁶ ⁴⁷ ⁴⁸ ⁴⁹ ⁵⁰ ⁵¹ ⁵² ⁵³ ⁵⁴ ⁵⁵ ⁵⁶ ⁵⁷ ⁵⁸ ⁵⁹ ⁶⁰ ⁶¹ ⁶² ⁶³ ⁶⁴ ⁶⁵ ⁶⁶ ⁶⁷ ⁶⁸ ⁶⁹ ⁷⁰ ⁷¹ ⁷² ⁷³ ⁷⁴ ⁷⁵ ⁷⁶ ⁷⁷ ⁷⁸ ⁷⁹ ⁸⁰ ⁸¹ ⁸² ⁸³ ⁸⁴ ⁸⁵ ⁸⁶ ⁸⁷ ⁸⁸ ⁸⁹ ⁹⁰ ⁹¹ ⁹² ⁹³ ⁹⁴ ⁹⁵ ⁹⁶ ⁹⁷ ⁹⁸ ⁹⁹ ¹⁰⁰ ¹⁰¹ ¹⁰² ¹⁰³ ¹⁰⁴ ¹⁰⁵ ¹⁰⁶ ¹⁰⁷ ¹⁰⁸ ¹⁰⁹ ¹¹⁰ ¹¹¹ ¹¹² ¹¹³ ¹¹⁴ ¹¹⁵ ¹¹⁶ ¹¹⁷ ¹¹⁸ ¹¹⁹ ¹²⁰ ¹²¹ ¹²² ¹²³ ¹²⁴ ¹²⁵ ¹²⁶ ¹²⁷ ¹²⁸ ¹²⁹ ¹³⁰ ¹³¹ ¹³² ¹³³ ¹³⁴ ¹³⁵ ¹³⁶ ¹³⁷ ¹³⁸ ¹³⁹ ¹⁴⁰ ¹⁴¹ ¹⁴² ¹⁴³ ¹⁴⁴ ¹⁴⁵ ¹⁴⁶ ¹⁴⁷ ¹⁴⁸ ¹⁴⁹ ¹⁵⁰ ¹⁵¹ ¹⁵² ¹⁵³ ¹⁵⁴ ¹⁵⁵ ¹⁵⁶ ¹⁵⁷ ¹⁵⁸ ¹⁵⁹ ¹⁶⁰ ¹⁶¹ ¹⁶² ¹⁶³ ¹⁶⁴ ¹⁶⁵ ¹⁶⁶ ¹⁶⁷ ¹⁶⁸ ¹⁶⁹ ¹⁷⁰ ¹⁷¹ ¹⁷² ¹⁷³ ¹⁷⁴ ¹⁷⁵ ¹⁷⁶ ¹⁷⁷ ¹⁷⁸ ¹⁷⁹ ¹⁸⁰ ¹⁸¹ ¹⁸² ¹⁸³ ¹⁸⁴ ¹⁸⁵ ¹⁸⁶ ¹⁸⁷ ¹⁸⁸ ¹⁸⁹ ¹⁹⁰ ¹⁹¹ ¹⁹² ¹⁹³ ¹⁹⁴ ¹⁹⁵ ¹⁹⁶ ¹⁹⁷ ¹⁹⁸ ¹⁹⁹ ²⁰⁰ ²⁰¹ ²⁰² ²⁰³ ²⁰⁴ ²⁰⁵ ²⁰⁶ ²⁰⁷ ²⁰⁸ ²⁰⁹ ²¹⁰ ²¹¹ ²¹² ²¹³ ²¹⁴ ²¹⁵ ²¹⁶ ²¹⁷ ²¹⁸ ²¹⁹ ²²⁰ ²²¹ ²²² ²²³ ²²⁴ ²²⁵ ²²⁶ ²²⁷ ²²⁸ ²²⁹ ²³⁰ ²³¹ ²³² ²³³ ²³⁴ ²³⁵ ²³⁶ ²³⁷ ²³⁸ ²³⁹ ²⁴⁰ ²⁴¹ ²⁴² ²⁴³ ²⁴⁴ ²⁴⁵ ²⁴⁶ ²⁴⁷ ²⁴⁸ ²⁴⁹ ²⁵⁰ ²⁵¹ ²⁵² ²⁵³ ²⁵⁴ ²⁵⁵ ²⁵⁶ ²⁵⁷ ²⁵⁸ ²⁵⁹ ²⁶⁰ ²⁶¹ ²⁶² ²⁶³ ²⁶⁴ ²⁶⁵ ²⁶⁶ ²⁶⁷ ²⁶⁸ ²⁶⁹ ²⁷⁰ ²⁷¹ ²⁷² ²⁷³ ²⁷⁴ ²⁷⁵ ²⁷⁶ ²⁷⁷ ²⁷⁸ ²⁷⁹ ²⁸⁰ ²⁸¹ ²⁸² ²⁸³ ²⁸⁴ ²⁸⁵ ²⁸⁶ ²⁸⁷ ²⁸⁸ ²⁸⁹ ²⁹⁰ ²⁹¹ ²⁹² ²⁹³ ²⁹⁴ ²⁹⁵ ²⁹⁶ ²⁹⁷ ²⁹⁸ ²⁹⁹ ³⁰⁰ ³⁰¹ ³⁰² ³⁰³ ³⁰⁴ ³⁰⁵ ³⁰⁶ ³⁰⁷ ³⁰⁸ ³⁰⁹ ³¹⁰ ³¹¹ ³¹² ³¹³ ³¹⁴ ³¹⁵ ³¹⁶ ³¹⁷ ³¹⁸ ³¹⁹ ³²⁰ ³²¹ ³²² ³²³ ³²⁴ ³²⁵ ³²⁶ ³²⁷ ³²⁸ ³²⁹ ³³⁰ ³³¹ ³³² ³³³ ³³⁴ ³³⁵ ³³⁶ ³³⁷ ³³⁸ ³³⁹ ³⁴⁰ ³⁴¹ ³⁴² ³⁴³ ³⁴⁴ ³⁴⁵ ³⁴⁶ ³⁴⁷ ³⁴⁸ ³⁴⁹ ³⁵⁰ ³⁵¹ ³⁵² ³⁵³ ³⁵⁴ ³⁵⁵ ³⁵⁶ ³⁵⁷ ³⁵⁸ ³⁵⁹ ³⁶⁰ ³⁶¹ ³⁶² ³⁶³ ³⁶⁴ ³⁶⁵ ³⁶⁶ ³⁶⁷ ³⁶⁸ ³⁶⁹ ³⁷⁰ ³⁷¹ ³⁷² ³⁷³ ³⁷⁴ ³⁷⁵ ³⁷⁶ ³⁷⁷ ³⁷⁸ ³⁷⁹ ³⁸⁰ ³⁸¹ ³⁸² ³⁸³ ³⁸⁴ ³⁸⁵ ³⁸⁶ ³⁸⁷ ³⁸⁸ ³⁸⁹ ³⁹⁰ ³⁹¹ ³⁹² ³⁹³ ³⁹⁴ ³⁹⁵ ³⁹⁶ ³⁹⁷ ³⁹⁸ ³⁹⁹ ⁴⁰⁰ ⁴⁰¹ ⁴⁰² ⁴⁰³ ⁴⁰⁴ ⁴⁰⁵ ⁴⁰⁶ ⁴⁰⁷ ⁴⁰⁸ ⁴⁰⁹ ⁴¹⁰ ⁴¹¹ ⁴¹² ⁴¹³ ⁴¹⁴ ⁴¹⁵ ⁴¹⁶ ⁴¹⁷ ⁴¹⁸ ⁴¹⁹ ⁴²⁰ ⁴²¹ ⁴²² ⁴²³ ⁴²⁴ ⁴²⁵ ⁴²⁶ ⁴²⁷ ⁴²⁸ ⁴²⁹ ⁴³⁰ ⁴³¹ ⁴³² ⁴³³ ⁴³⁴ ⁴³⁵ ⁴³⁶ ⁴³⁷ ⁴³⁸ ⁴³⁹ ⁴⁴⁰ ⁴⁴¹ ⁴⁴² ⁴⁴³ ⁴⁴⁴ ⁴⁴⁵ ⁴⁴⁶ ⁴⁴⁷ ⁴⁴⁸ ⁴⁴⁹ ⁴⁵⁰ ⁴⁵¹ ⁴⁵² ⁴⁵³ ⁴⁵⁴ ⁴⁵⁵ ⁴⁵⁶ ⁴⁵⁷ ⁴⁵⁸ ⁴⁵⁹ ⁴⁶⁰ ⁴⁶¹ ⁴⁶² ⁴⁶³ ⁴⁶⁴ ⁴⁶⁵ ⁴⁶⁶ ⁴⁶⁷ ⁴⁶⁸ ⁴⁶⁹ ⁴⁷⁰ ⁴⁷¹ ⁴⁷² ⁴⁷³ ⁴⁷⁴ ⁴⁷⁵ ⁴⁷⁶ ⁴⁷⁷ ⁴⁷⁸ ⁴⁷⁹ ⁴⁸⁰ ⁴⁸¹ ⁴⁸² ⁴⁸³ ⁴⁸⁴ ⁴⁸⁵ ⁴⁸⁶ ⁴⁸⁷ ⁴⁸⁸ ⁴⁸⁹ ⁴⁹⁰ ⁴⁹¹ ⁴⁹² ⁴⁹³ ⁴⁹⁴ ⁴⁹⁵ ⁴⁹⁶ ⁴⁹⁷ ⁴⁹⁸ ⁴⁹⁹ ⁵⁰⁰ ⁵⁰¹ ⁵⁰² ⁵⁰³ ⁵⁰⁴ ⁵⁰⁵ ⁵⁰⁶ ⁵⁰⁷ ⁵⁰⁸ ⁵⁰⁹ ⁵¹⁰ ⁵¹¹ ⁵¹² ⁵¹³ ⁵¹⁴ ⁵¹⁵ ⁵¹⁶ ⁵¹⁷ ⁵¹⁸ ⁵¹⁹ ⁵²⁰ ⁵²¹ ⁵²² ⁵²³ ⁵²⁴ ⁵²⁵ ⁵²⁶ ⁵²⁷ ⁵²⁸ ⁵²⁹ ⁵³⁰ ⁵³¹ ⁵³² ⁵³³ ⁵³⁴ ⁵³⁵ ⁵³⁶ ⁵³⁷ ⁵³⁸ ⁵³⁹ ⁵⁴⁰ ⁵⁴¹ ⁵⁴² ⁵⁴³ ⁵⁴⁴ ⁵⁴⁵ ⁵⁴⁶ ⁵⁴⁷ ⁵⁴⁸ ⁵⁴⁹ ⁵⁵⁰ ⁵⁵¹ ⁵⁵² ⁵⁵³ ⁵⁵⁴ ⁵⁵⁵ ⁵⁵⁶ ⁵⁵⁷ ⁵⁵⁸ ⁵⁵⁹ ⁵⁶⁰ ⁵⁶¹ ⁵⁶² ⁵⁶³ ⁵⁶⁴ ⁵⁶⁵ ⁵⁶⁶ ⁵⁶⁷ ⁵⁶⁸ ⁵⁶⁹ ⁵⁷⁰ ⁵⁷¹ ⁵⁷² ⁵⁷³ ⁵⁷⁴ ⁵⁷⁵ ⁵⁷⁶ ⁵⁷⁷ ⁵⁷⁸ ⁵⁷⁹ ⁵⁸⁰ ⁵⁸¹ ⁵⁸² ⁵⁸³ ⁵⁸⁴ ⁵⁸⁵ ⁵⁸⁶ ⁵⁸⁷ ⁵⁸⁸ ⁵⁸⁹ ⁵⁹⁰ ⁵⁹¹ ⁵⁹² ⁵⁹³ ⁵⁹⁴ ⁵⁹⁵ ⁵⁹⁶ ⁵⁹⁷ ⁵⁹⁸ ⁵⁹⁹ ⁶⁰⁰ ⁶⁰¹ ⁶⁰² ⁶⁰³ ⁶⁰⁴ ⁶⁰⁵ ⁶⁰⁶ ⁶⁰⁷ ⁶⁰⁸ ⁶⁰⁹ ⁶¹⁰ ⁶¹¹ ⁶¹² ⁶¹³ ⁶¹⁴ ⁶¹⁵ ⁶¹⁶ ⁶¹⁷ ⁶¹⁸ ⁶¹⁹ ⁶²⁰ ⁶²¹ ⁶²² ⁶²³ ⁶²⁴ ⁶²⁵ ⁶²⁶ ⁶²⁷ ⁶²⁸ ⁶²⁹ ⁶³⁰ ⁶³¹ ⁶³² ⁶³³ ⁶³⁴ ⁶³⁵ ⁶³⁶ ⁶³⁷ ⁶³⁸ ⁶³⁹ ⁶⁴⁰ ⁶⁴¹ ⁶⁴² ⁶⁴³ ⁶⁴⁴ ⁶⁴⁵ ⁶⁴⁶ ⁶⁴⁷ ⁶⁴⁸ ⁶⁴⁹ ⁶⁵⁰ ⁶⁵¹ ⁶⁵² ⁶⁵³ ⁶⁵⁴ ⁶⁵⁵ ⁶⁵⁶ ⁶⁵⁷ ⁶⁵⁸ ⁶⁵⁹ ⁶⁶⁰ ⁶⁶¹ ⁶⁶² ⁶⁶³ ⁶⁶⁴ ⁶⁶⁵ ⁶⁶⁶ ⁶⁶⁷ ⁶⁶⁸ ⁶⁶⁹ ⁶⁷⁰ ⁶⁷¹ ⁶⁷² ⁶⁷³ ⁶⁷⁴ ⁶⁷⁵ ⁶⁷⁶ ⁶⁷⁷ ⁶⁷⁸ ⁶⁷⁹ ⁶⁸⁰ ⁶⁸¹ ⁶⁸² ⁶⁸³ ⁶⁸⁴ ⁶⁸⁵ ⁶⁸⁶ ⁶⁸⁷ ⁶⁸⁸ ⁶⁸⁹ ⁶⁹⁰ ⁶⁹¹ ⁶⁹² ⁶⁹³ ⁶⁹⁴ ⁶⁹⁵ ⁶⁹⁶ ⁶⁹⁷ ⁶⁹⁸ ⁶⁹⁹ ⁷⁰⁰ ⁷⁰¹ ⁷⁰² ⁷⁰³ ⁷⁰⁴ ⁷⁰⁵ ⁷⁰⁶ ⁷⁰⁷ ⁷⁰⁸ ⁷⁰⁹ ⁷¹⁰ ⁷¹¹ ⁷¹² ⁷¹³ ⁷¹⁴ ⁷¹⁵ ⁷¹⁶ ⁷¹⁷ ⁷¹⁸ ⁷¹⁹ ⁷²⁰ ⁷²¹ ⁷²² ⁷²³ ⁷²⁴ ⁷²⁵ ⁷²⁶ ⁷²⁷ ⁷²⁸ ⁷²⁹ ⁷³⁰ ⁷³¹ ⁷³² ⁷³³ ⁷³⁴ ⁷³⁵ ⁷³⁶ ⁷³⁷ ⁷³⁸ ⁷³⁹ ⁷⁴⁰ ⁷⁴¹ ⁷⁴² ⁷⁴³ ⁷⁴⁴ ⁷⁴⁵ ⁷⁴⁶ ⁷⁴⁷ ⁷⁴⁸ ⁷⁴⁹ ⁷⁵⁰ ⁷⁵¹ ⁷⁵² ⁷⁵³ ⁷⁵⁴ ⁷⁵⁵ ⁷⁵⁶ ⁷⁵⁷ ⁷⁵⁸ ⁷⁵⁹ ⁷⁶⁰ ⁷⁶¹ ⁷⁶² ⁷⁶³ ⁷⁶⁴ ⁷⁶⁵ ⁷⁶⁶ ⁷⁶⁷ ⁷⁶⁸ ⁷⁶⁹ ⁷⁷⁰ ⁷⁷¹ ⁷⁷² ⁷⁷³ ⁷⁷⁴ ⁷⁷⁵ ⁷⁷⁶ ⁷⁷⁷ ⁷⁷⁸ ⁷⁷⁹ ⁷⁸⁰ ⁷⁸¹ ⁷⁸² ⁷⁸³ ⁷⁸⁴ ⁷⁸⁵ ⁷⁸⁶ ⁷⁸⁷ ⁷⁸⁸ ⁷⁸⁹ ⁷⁹⁰ ⁷⁹¹ ⁷⁹² ⁷⁹³ ⁷⁹⁴ ⁷⁹⁵ ⁷⁹⁶ ⁷⁹⁷ ⁷⁹⁸ ⁷⁹⁹ ⁸⁰⁰ ⁸⁰¹ ⁸⁰² ⁸⁰³ ⁸⁰⁴ ⁸⁰⁵ ⁸⁰⁶ ⁸⁰⁷ ⁸⁰⁸ ⁸⁰⁹ ⁸¹⁰ ⁸¹¹ ⁸¹² ⁸¹³ ⁸¹⁴ ⁸¹⁵ ⁸¹⁶ ⁸¹⁷ ⁸¹⁸ ⁸¹⁹ ⁸²⁰ ⁸²¹ ⁸²² ⁸²³ ⁸²⁴ ⁸²⁵ ⁸²⁶ ⁸²⁷ ⁸²⁸ ⁸²⁹ ⁸³⁰ ⁸³¹ ⁸³² ⁸³³ ⁸³⁴ ⁸³⁵ ⁸³⁶ ⁸³⁷ ⁸³⁸ ⁸³⁹ ⁸⁴⁰ ⁸⁴¹ ⁸⁴² ⁸⁴³ ⁸⁴⁴ ⁸⁴⁵ ⁸⁴⁶ ⁸⁴⁷ ⁸⁴⁸ ⁸⁴⁹ ⁸⁵⁰ ⁸⁵¹ ⁸⁵² ⁸⁵³ ⁸⁵⁴ ⁸⁵⁵ ⁸⁵⁶ ⁸⁵⁷ ⁸⁵⁸ ⁸⁵⁹ ⁸⁶⁰ ⁸⁶¹ ⁸⁶² ⁸⁶³ ⁸⁶⁴ ⁸⁶⁵ ⁸⁶⁶ ⁸⁶⁷ ⁸⁶⁸ ⁸⁶⁹ ⁸⁷⁰ ⁸⁷¹ ⁸⁷² ⁸⁷³ ⁸⁷⁴ ⁸⁷⁵ ⁸⁷⁶ ⁸⁷⁷ ⁸⁷⁸ ⁸⁷⁹ ⁸⁸⁰ ⁸⁸¹ ⁸⁸² ⁸⁸³ ⁸⁸⁴ ⁸⁸⁵ ⁸⁸⁶ ⁸⁸⁷ ⁸⁸⁸ ⁸⁸⁹ ⁸⁹⁰ ⁸⁹¹ ⁸⁹² ⁸⁹³ ⁸⁹⁴ ⁸⁹⁵ ⁸⁹⁶ ⁸⁹⁷ ⁸⁹⁸ ⁸⁹⁹ ⁹⁰⁰ ⁹⁰¹ ⁹⁰² ⁹⁰³ ⁹⁰⁴ ⁹⁰⁵ ⁹⁰⁶ ⁹⁰⁷ ⁹⁰⁸ ⁹⁰⁹ ⁹¹⁰ ⁹¹¹ ⁹¹² ⁹¹³ ⁹¹⁴ ⁹¹⁵ ⁹¹⁶ ⁹¹⁷ ⁹¹⁸ ⁹¹⁹ ⁹²⁰ ⁹²¹ ⁹²² ⁹²³ ⁹²⁴ ⁹²⁵ ⁹²⁶ ⁹²⁷ ⁹²⁸ ⁹²⁹ ⁹³⁰ ⁹³¹ ⁹³² ⁹³³ ⁹³⁴ ⁹³⁵ ⁹³⁶ ⁹³⁷ ⁹³⁸ ⁹³⁹ ⁹⁴⁰ ⁹⁴¹ ⁹⁴² ⁹⁴³ ⁹⁴⁴ ⁹⁴⁵ ⁹⁴⁶ ⁹⁴⁷ ⁹⁴⁸ ⁹⁴⁹ ⁹⁵⁰ ⁹⁵¹ ⁹⁵² ⁹⁵³ ⁹⁵⁴ ⁹⁵⁵ ⁹⁵⁶ ⁹⁵⁷ ⁹⁵⁸ ⁹⁵⁹ ⁹⁶⁰ ⁹⁶¹ ⁹⁶² ⁹⁶³ ⁹⁶⁴ ⁹⁶⁵ ⁹⁶⁶ ⁹⁶⁷ ⁹⁶⁸ ⁹⁶⁹ ⁹⁷⁰ ⁹⁷¹ ⁹⁷² ⁹⁷³ ⁹⁷⁴ ⁹⁷⁵ ⁹⁷⁶ ⁹⁷⁷ ⁹⁷⁸ ⁹⁷⁹ ⁹⁸⁰ ⁹⁸¹ ⁹⁸² ⁹⁸³ ⁹⁸⁴ ⁹⁸⁵ ⁹⁸⁶ ⁹⁸⁷ ⁹⁸⁸ ⁹⁸⁹ ⁹⁹⁰ ⁹⁹¹ ⁹⁹² ⁹⁹³ ⁹⁹⁴ ⁹⁹⁵ ⁹⁹⁶ ⁹⁹⁷ ⁹⁹⁸ ⁹⁹⁹ ¹⁰⁰⁰ ¹⁰⁰¹ ¹⁰⁰² ¹⁰⁰³ ¹⁰⁰⁴ ¹⁰⁰⁵ ¹⁰⁰⁶ ¹⁰⁰⁷ ¹⁰⁰⁸ ¹⁰⁰⁹ ¹⁰¹⁰ ¹⁰¹¹ ¹⁰¹² ¹⁰¹³ ¹⁰¹⁴ ¹⁰¹⁵ ¹⁰¹⁶ ¹⁰¹⁷ ¹⁰¹⁸ ¹⁰¹⁹ ¹⁰²⁰ ¹⁰²¹ ¹⁰²² ¹⁰²³ ¹⁰²⁴ ¹⁰²⁵ ¹⁰²⁶ ¹⁰²⁷ ¹⁰²⁸ ¹⁰²⁹ ¹⁰³⁰ ¹⁰³¹ ¹⁰³² ¹⁰³³ ¹⁰³⁴ ¹⁰³⁵ ¹⁰³⁶ ¹⁰³⁷ ¹⁰³⁸ ¹⁰³⁹ ¹⁰⁴⁰ ¹⁰⁴¹ ¹⁰⁴² ¹⁰⁴³ ¹⁰⁴⁴ ¹⁰⁴⁵ ¹⁰⁴⁶ ¹⁰⁴⁷ ¹⁰⁴⁸ ¹⁰⁴⁹ ¹⁰⁵⁰ ¹⁰⁵¹ ¹⁰⁵² ¹⁰⁵³ ¹⁰⁵⁴ ¹⁰⁵⁵ ¹⁰⁵⁶ ¹⁰⁵⁷ ¹⁰⁵⁸ ¹⁰⁵⁹ ¹⁰⁶⁰ ¹⁰⁶¹ ¹⁰⁶² ¹⁰⁶³ ¹⁰⁶⁴ ¹⁰⁶⁵ ¹⁰⁶⁶ ¹⁰⁶⁷ ¹⁰⁶⁸ ¹⁰⁶⁹ ¹⁰⁷⁰ ¹⁰⁷¹ ¹⁰⁷² ¹⁰⁷³ ¹⁰⁷⁴ ¹⁰⁷⁵ ¹⁰⁷⁶ ¹⁰⁷⁷ ¹⁰⁷⁸ ¹⁰⁷⁹ ¹⁰⁸⁰ ¹⁰⁸¹ ¹⁰⁸² ¹⁰⁸³ ¹⁰⁸⁴ ¹⁰⁸⁵ ¹⁰⁸⁶ ¹⁰⁸⁷ ¹⁰⁸⁸ ¹⁰⁸⁹ ¹⁰⁹⁰ ¹⁰⁹¹ ¹⁰⁹² ¹⁰⁹³ ¹⁰⁹⁴ ¹⁰⁹⁵ ¹⁰⁹⁶ ¹⁰⁹⁷ ¹⁰⁹⁸ ¹⁰⁹⁹ ¹¹⁰⁰ ¹¹⁰¹ ¹¹⁰² ¹¹⁰³ ¹¹⁰⁴ ¹¹⁰⁵ ¹¹⁰⁶ ¹¹⁰⁷ ¹¹⁰⁸ ¹¹⁰⁹ ¹¹¹⁰ ¹¹¹¹ ¹¹¹² ¹¹¹³ ¹¹¹⁴ ¹¹¹⁵ ¹¹¹⁶ ¹¹¹⁷ ¹¹¹⁸ ¹¹¹⁹ ¹¹²⁰ ¹¹²¹ ¹¹²² ¹¹²³ ¹¹²⁴ ¹¹²⁵ ¹¹²⁶ ¹¹²⁷ ¹¹²⁸ ¹¹²⁹ ¹¹³⁰ ¹¹³¹ ¹¹³² ¹¹³³ ¹¹³⁴ ¹¹³⁵ ¹¹³⁶ ¹¹³⁷ ¹¹³⁸ ¹¹³⁹ ¹¹⁴⁰ ¹¹⁴¹ ¹¹⁴² ¹¹⁴³ ¹¹⁴⁴ ¹¹⁴⁵ ¹¹⁴⁶ ¹¹⁴⁷ ¹¹⁴⁸ ¹¹⁴⁹ ¹¹⁵⁰ ¹¹⁵¹ ¹¹⁵² ¹¹⁵³ ¹¹⁵⁴ ¹¹⁵⁵ ¹¹⁵⁶ ¹¹⁵⁷ ¹¹⁵⁸ ¹¹⁵⁹ ¹¹⁶⁰ ¹¹⁶¹ ¹¹⁶² ¹¹⁶³ ¹¹⁶⁴ ¹¹⁶⁵ ¹¹⁶⁶ ¹¹⁶⁷ ¹¹⁶⁸ ¹¹⁶⁹ ¹¹⁷⁰ ¹¹⁷¹ ¹¹⁷² ¹¹⁷³ ¹¹⁷⁴ ¹¹⁷⁵ ¹¹⁷⁶ ¹¹⁷⁷ ¹¹⁷⁸ ¹¹⁷⁹ ¹¹⁸⁰ ¹¹⁸¹ ¹¹⁸² ¹¹⁸³ ¹¹⁸⁴ ¹¹⁸⁵ ¹¹⁸⁶ ¹¹⁸⁷ ¹¹⁸⁸ ¹¹⁸⁹ ¹¹⁹⁰ ¹¹⁹¹ ¹¹⁹² ¹¹⁹³ ¹¹⁹⁴ ¹¹⁹⁵ ¹¹⁹⁶ ¹¹⁹⁷ ¹¹⁹⁸ ¹¹⁹⁹ ¹²⁰⁰ ¹²⁰¹ ¹²⁰² ¹²⁰³ ¹²⁰⁴ ¹²⁰⁵ ¹²⁰⁶ ¹²⁰⁷ ¹²⁰⁸ ¹²⁰⁹ ¹²¹⁰ ¹²¹¹ ¹²¹² ¹²¹³ ¹²¹⁴ ¹²¹⁵ ¹²¹⁶ ¹²¹⁷ ¹²¹⁸ ¹²¹⁹ ¹²²⁰ ¹²²¹ ¹²²² ¹²²³ ¹²²⁴ ¹²²⁵ ¹²²⁶ ¹²²⁷ ¹²²⁸ ¹²²⁹ ¹²³⁰ ¹²³¹ ¹²³² ¹²³³ ¹²³⁴ ¹²³⁵ ¹²³⁶ ¹²³⁷ ¹²³⁸ ¹²³⁹ ¹²⁴⁰ ¹²⁴¹ ¹²⁴² ¹²⁴³ ¹²⁴⁴ ¹²⁴⁵ ¹²⁴⁶ ¹²⁴⁷ ¹²⁴⁸ ¹²⁴⁹ ¹²⁵⁰ ¹²⁵¹ ¹²⁵² ¹²⁵³ ¹²⁵⁴ ¹²⁵⁵ ¹²⁵⁶ ¹²⁵⁷ ¹²⁵⁸ ¹²⁵⁹ ¹²⁶⁰ ¹²⁶¹ ¹²⁶² ¹²⁶³ ¹²⁶⁴ ¹²⁶⁵ ¹²⁶⁶ ¹²⁶⁷ ¹²⁶⁸ ¹²⁶⁹ ¹²⁷⁰ ¹²⁷¹ ¹²⁷² ¹²⁷³ ¹²⁷⁴ ¹²⁷⁵ ¹²⁷⁶ ¹²⁷⁷ ¹²⁷⁸ ¹²⁷⁹ ¹²⁸⁰ ¹²⁸¹ ¹²⁸² ¹²⁸³ ¹²⁸⁴ ¹²⁸⁵ ¹²⁸⁶ ¹²⁸⁷ ¹²⁸⁸ ¹²⁸⁹ ¹²⁹⁰ ¹²⁹¹ ¹²⁹² ¹²⁹³ ¹²⁹⁴ ¹²⁹⁵ ¹²⁹⁶ ¹²⁹⁷ ¹²⁹⁸ ¹²⁹⁹ ¹³⁰⁰ ¹³⁰¹ ¹³⁰² ¹³⁰³ ¹³⁰⁴ ¹³⁰⁵ ¹³⁰⁶ ¹³⁰⁷ ¹³⁰⁸ ¹³⁰⁹ ¹³¹⁰ ¹³¹¹ ¹³¹² ¹³¹³ ¹³¹⁴ ¹³¹⁵ ¹³¹⁶ ¹³¹⁷ ¹³

—Ahriro yu macu yu cahĩriro jira. Tiro mehne wahcheja. Tirore tuhoga —nino coa taha.

⁶ Ā nino coa tachu tuhoga to buheina cuaa waha, yahpai doca caha sũha.

⁷ Ti ā wahari baharo Jesu tina cahapu su, tinare bua carerota, ō sehe niha:

—Wahcãrucaga musa. Mipure musa ñũrire, musa tuhori cũhure cuiena tjiga —niha tiro tinare.

⁸ To ā nichu tina ñũroca, Jesu dihtare ñũha. Ti ñũrina cjiri sehe mari-eraha jũna.

⁹ Ā jia tãcupu ti duji tachu Jesu tinare tuaro mehne ō sehe niha:

—Michapucacã yu ā waharire painare yahuenta tjiga. Yuhu masũno Cohamacu warocariro yu yaria masa wijaari baharo tíre painare yahuga musa —niha Jesu.

¹⁰ To ā niri baharo Pedro cãhu tirore ō sehe ni sinituha:

—“Cristo masare yũdohitiro to tahto pano Eliare ta mũhtano cahmana”, nina marine judio masa buheina. ¿Dohse jiro baro ā nijari tina? —ni sinituha tina tirore.

¹¹ Jesu ō sehe ni yũhtiha:

—Potocã tjira. Eliare ta mũhta dutire Cohamacu, jipihtiare cahno mũhtahtirore. ¹² Ō sehe nicu musare nii nija. Elia wihi tuhsure. To ā wihpachuta tina tirore ne ñũ masierare. Ā jia ti dohse yoa duaro ñano yoari jire tirore. Āta yoaahca yuhu cãhure. Yuhu masũno Cohamacu warocariro jija. Ti ā yoachu ñano yũhdũihca yuhu —niha Jesu.

¹³ To ā ni yahuchu tina noano tuhoha. “Elia” nino, João bautisarirore nino niha. Tíre masiha tina.

Jesu ñama yaria mũnare dohatirore yũhdoha

(Mr 9.14-29; Lc 9.37-43)

¹⁴ Ā yoa payu masa cahapu ti duji tachu ñũno cãiro mũno Jesu cahapu su, na tuhcuca caha sure.

¹⁵ —Puhtoro, yu macucãre pja ñũga. Tiro ñama yaria mũnare dohatirore jira. Ā jiro tiro ñabiaro yũhdũra. Payu tahari pichacapu bora su caha mũjana tiro. Cãa tahari diapũ bora

ñoja mũjana. ¹⁶ Ā jicu mũ buheina cahapu tirore na sumahi. Tina tirore noariro wahachu yoa masierare —nire tiro Jesure.

¹⁷ Jesu ō sehe ni yũhtire:

—Mipu macaina, musa ñaa buhiri tiina jira. Yũhure ne wacũ tuaerara. Yoabiari pja musare buhemaja yuhu. ¿Noho puro yoari pja yũhure musa caribobocari? Tirore na tahga yũhure —nire Jesu.

¹⁸ Ā jiro watĩnore to tuhtichuta watĩno sehe masũnocãre sãariro cjiro wahaa wahare. To ā wahari baharocãta noariro wahare tiro.

¹⁹ Baharo sã to buheina sã sahsero jina Jesure ō sehe ni sinitui:

—¿Dohse yoana sã sehe ahriro sehere watĩnore cohã masierari, mũ tuhohuchu? —ni sinitui sã.

²⁰ Jesu ō sehe ni yũhtire:

—Yũhure mahanocã wacũ tuara musa. Potocã musare yahuita nija. Mostaza yapacã mahari yapacã jiparota duropu pjidũ wahara. To ā wahariro seheta Cohamacure wacũ tuana ō sehe wahachu yoa masinahca musa. Ahdũ tũcure “Sohõpu wahaga”, musa nichu, waharohca. Cohamacure tó seheta wacũ tuana, jipihtiare yoa masina musa. ²¹ [Wiho mejeta ahriro baro watĩnore musa cohã duana Cohamacure tuaro sinino cahmana musare. Ā yoa duana chu duhuro cahmana musare Cohamacure sinina tana] —nire Jesu sãre.

Pari turi Jesu to yariahtore, to masahtore yahuha

(Mr 9.30-32; Lc 9.43-45)

²² Ā yoa Galilea yahrapu sã tinichu, Jesu sãre ō sehe ni yahure:

—Yuhu masũno Cohamacu warocariro jija. Masa yũhure ñaha, painapure yũhure waahca. ²³ Ā ti wari baharo yũhure wajãahca tina. Ā ti wajãricũ tia dacho wahaboroi masa wijaaihca —ni yahure tiro sãre.

To ā ni yahuchu tuhona tuaro cahyai sã.

Cohamacu wũhu macaa wapa cjihtire sinituha paina

²⁴ Ñ jina Capernaup_u sã sũch_u, Cohamac_u wũh_u macaa cjihtire wapa na cohtaina Pedro cahap_u sũ, tirore õ sehe ni sinitu ñũre:

—¿Mũsare buheriro Cohamac_u wũh_u macaa wapa cjihtire wapajari tiro? —ni siniture tina.

²⁵ —Wapara tiro —ni yũhtire Pedro.

To ã niri baharo wũhũp_u to sãach_u Jesu õ sehe ni sinitu mũhtare Pedre:

—¿Simo, dohse ni tũhotujari mũhũ? ¿Ahri yahpa macaina pũhtoa yabaina sehere wapa cahmajari, mũ tũhotuch_u? ¿Tina mehne macainare wapa cahmajari? ¿O pa yahpa macaina sehere wapa cahmajari, mũ tũhotuch_u? —ni siniture tiro Pedre.

²⁶ —Pa yahpa macaina sehere wapa cahmana —ni yũhtire Pedro.

To ã nich_u Jesu õ sehe ni yahure:

—Ñ jiro pũhtoro to ya yahpa macainare wapa cahmaerara. ²⁷ Ñ jipachũta wapa na cohtainare suach_u yoa duaeraja mari. Ñ jina wapanahca tinare. Вѣсупариropũ wahaga. Тóрũ sũ, yohgari canore doca ñoga. Ñ yoac_u wahi mũhũre chũrirore tuãga. To dũseropũ niñeru tũre bocaihca mũhũ. Тí tũ quihõno wapa tiri tũ jirohca. Yũhũre, mũhũ cũhũre Cohamac_u wũhũ macaina ti wapa cahmach_u noano quihõno mũ sũrohca tí tũ. Тí tũre bocac_u mari wapamonore wapai wahaga —nire Jesu Pedre.

18

Jesubuheina tina mehne macarirore pũhtoro sõ dua nimaha

(Mr 9.33-37; Lc 9.46-48)

¹ Тí pjare sã to buheina Jesu cahap_u sũ, õ sehe ni sinitui tirore:

—¿Mũano macariro pũhtoro to sũho jiropũre sã mehne macariro diro baro sehe wahabocari pũhtoro? —ni sinitui sã.

² Sã ã nich_u Jesu nijinocãre pjiroca, tirocãre sã panoi duhu dapore. Duhu dapo tuhs_u, sãre õ sehe nire:

³ —Potocã mũsare yahu bahrañoihtja. Ahrina macanacã Cohamac_ure ti

pũhtoro waro tũhotura. Ñ jina mũsa cũhũ pano mũsa tũhotumari cjihtire cohtotaerana, tinacã yoaro sehe tũhotuerana mũano macariro pũhtoro to sũho jiropũre wahasi mũsa. ⁴ Ñ jiro mũano macariro pũhtoro to sũho jiropũre niji siaroca yoariro painare yũhdũrũca duaerariro ahriro nijinocã yoaro sehe tũhoturirota paina bui pũhtoro wahara. ⁵ Ñ jina yũ yare yoana tana õ sehe jĩnacãre cahmana, yũhũ cũhũre cahmana mũsa —ni yahure Jesu.

Ñaare yoach_u cua nina
(Mr 9.42-48; Lc 17.1-2)

⁶ Ñ ni yahu tuhs_u, tinare õ sehe ni yahu namore:

—Ahrirocã sehe jirore yũhũre wacũ tuarirocãre yahuihtja mũsare. Pairo ahrirocã sehe jirore ñaare yoa dutiro tiro ñabiaro yũhdũrohca. Cũirore to wamũare pjiria tãcare duhte yo, pjiri map_u tirore ti cohãch_u ñano wahaboa tiro. Ñ jiro ahrirocã sehe jirore ñaare yoa dutiro tiro sehe pjiri map_u ti cohãriro yũhdoro ñano yũhdũrohca. ⁷ Masare ñaare yoach_u yoaa jira. Тíre yoaa ahri yahpa macaina ñano yũhdũra. Ñaare yoarucura masa. Тí ã yoach_u tinare ñaare yoach_u yoaina sehe ñabiaro yũhdũahca.

⁸ 'Mũ wamomaca mehne ñano yoac_u tí wamomacare mũ dũte cohãboro seheta tí mũ ñaa yoaa sehere duhuga. Тíre duhuerac_u pichacap_u wahaihca. Тópũre ne pichaca yatierara. Мũ wamomacare mũ cohãch_u tí si dihta butiboa. Tuhs_u, mũhũ sehe ã si jipaihta baharo Cohamac_u mehne jũhca. Pũa wamomaca mehne pichacap_u wahac_u mũ ã wahach_u ñaa yũhdũaboa mũhũre. Ñ jic_u tí mũ ñaa yoaa sehere duhuga.

'Mũ dahporo mehne ñano yoac_u tí dahporo cũhũre mũ dũte cohãboro seheta tí mũ ñaa yoaa sehere duhuga. Тíre duhuerac_u pichacap_u wahaihca. Тópũre ne pichaca yatierara. Мũ dahporore mũ cohãch_u tí si dihta butiboa. Tuhs_u, ã si jipaihta baharo Cohamac_u

mehne jiihca. Pua dahporo mehne pichacapu wahacu mu ã wahachu ñaa yuhduaboa mure. ã jicu tí mu ñaa yoaa sehere duhuga.

⁹ Mu capariaca mehne ñano yoacu tiare orewe mu cohãboro seheta tí mu ñaa yoaa sehere duhuga. Tíre duhueracu pichacapu wahaihca. Tópre ne pichaca yatierara. Tiare mu cohãchu tia dihta butiboa. Cũ bũhusehe capariaca mariapaihta baharo Cohamacu mehne jiihca. Pua capariaca mehne pichacapu wahacu mu ã wahachu ñaa yuhduaboa mure. ã jicu tí mu ñaa yoaa sehere duhuga —ni yahure Jesu.

*Oveja butiriro quitire yahuha Jesu
(Lc 15.3-7)*

¹⁰ ã ni tuhsu, tinare õ sehe ni yahu namore:

—Ne, ahrinacãre macanacãre ñu yabiena tjiga. Musare niita nija yuhũ. Tinacãre ñu wihboina anjoa manopu jiina sehe yu Pucu cahapu ã jirucura. ¹¹ [Yuhũ masũno Cohamacu warocariro ahri yahrapu pichacapu wahaborinare yuhduchu yoai tai nii yuhũ] —ni yahure Jesu.

¹² ã ni tuhsu to tũhotua mehne õ sehe ni quiti dahre buhere sãre:

—Ovejare ñu wihboriro cien ovejare cmariro cãiro oveja butia wahachu õ sehe yoarohca tinare ñu wihboriro sehe. Paina ovejare noventa y nueve ovejare ti churi campopu duhu dapo, butirirore macano waharohca.

¹³ Potocã niita nija musare. Tirore bocaro wahcherohca tiro. Paina noventa y nueve dũhsaina mehne wahchera tiro. Tinare to wahcheriro yuhdoro butiriro sehere bocaro tuaro wahcherohca. ¹⁴ Tó seheta ñu wihboriro oveja to butichu cahmaeraro seheta musa Pucu manano macariro ahri na wiho jiina cãhure pichacapu ti wahachu cahmaerara —ni yahure Jesu.

*Mu coyeiro mure ñano to yoachu õ sehe yoa dutiha Jesu
(Lc 17.3)*

¹⁵ ã ni tuhsu õ sehe ni yahu namore:

—Mu coyeiro mure ñano to yoachu tiro mehne sũhũdui wahaga. Musa sahsero tíre sũhũduga. Mu ã yoachu tiro mure tũhoboca. To tũhochu “Mure ne pari turi õ sehe yoasi yuhũ”, to nichu mu coyeirore pari turi piti tii nica mure. ¹⁶ Mure to tũho duaerachu pinihta cãiro mehne waha duacu o puaro mehne waha duacu tinare piti ti wahcã, pari turi tirore sũhũduna wahaga. Musa ã yoachu musare puaro o tiarore to tũhoeraputiachu ñuna paina Jesu yainare tirore yahusãga, Cohamacu yare ti joari pũ to niriro seheta. ¹⁷ ã jina musa mehne macaina cãhure to tũho duaerachu jipihtina Jesu yaina cahmachuinare yahusãna wahaga. ã jina Jesu yaina cahmachuinare to tũho duaerasinichu ñuna Cohamacure cahmaerarirore musa yoaboriro sehe yoaga tirore. Wapa na cohtarirore musa yoaboriro sehe yoaga tirore.

¹⁸ Potocã musare niita nija. Ahri yahpai musa Jesu yaina ñaare musa yoa dutierachu manopu cãhure yoa dutisi. Ahri yahpai musa noaare yoa dutichu manopu cãhure yoa dutia jiahca.

¹⁹ Pari turi musare yahuihtja ahrire: Musa puaro Cohamacure sinichu, musa puaro musa sinirire cãno potori musa tũhotuchu yu Pucu manano macariro tíre yoarohca.

²⁰ Puaro o tiaro yu yaina yu yare yoahina cjihti ti cahmachuchu yuhũ tina mehne jija —ni yahure Jesu.

Cahamacũno paio to wapa-monore to bo duaerari quitire yahuha Jesu

²¹ Baharo Pedro Jesu cahapu su, õ sehe ni siniture:

—¿Puhtoro, yu coyeiro mu yairo payu tahari yuhure ñano to yoachu ñucũ nohope tahari tíre boihcari yuhũ? ¿Siete tahari boihcari yuhũ? —ni siniture Pedro.

²² Jesu õ sehe ni yũhtire:

—Siete tahari dihta mure paio to ñano yoarire mu bochu tó wahaerara.

Payu tahari mūhure ñano to yoachu cāhure boga.

²³ Mūano macariro masa bui pūhtoro to sūho jiro ahri quiti yoaro sehe jira. Jipihtina masa bui pūhtoro jiro tirore dahra cohtainare tirore wapamoinare wapa pahño duti dutimaha. ²⁴ Ti wapamori cjirire to quihō dūcachu, tirore dahra cohtaina sehe pjíro wapamorirore tiro caharu na taha. Wapamoriro pjibiario wapamoha to pūhtoro. ²⁵ Ā jiro tiro to wapa masierachu ñano to pūhtoro tirore, to namonore, to pohñare cahamaca sō, tinare painare dua dutimaha. Ā yoa jipihtia to cūaa cāhure dua duamaha, to wapamonore wapa dutiro. ²⁶ To ā dua dutichu pjíro wapamoriro sehe na tuhcu caha su, to pūhtoro tuaro siniha: “Pūhtoro, yūhure pja ñūcu cohtasiniga. Mūhure wapa pahñoihca”, niha tiro to pūhtoro. ²⁷ To ā nichu tūhoro, tirore pja ñano to wapamorirore āta bonocaha.

²⁸ To ā yoari baharo pjíro wapamoriro cjiro sehe waha, paio dahra cohtarirore tirore mahanocā wapamorirore boca sūha. Ā boca sūro wamūa ñahaha tirore. “Yūhure mu wapamonore wapa bahrañoga”, niha tiro tó mehne macarirore to yoaro sehe dahra cohtarirore. ²⁹ To ā nichu paio dahra cohtariro sehe na tuhcu caha su, tirore tuaro sinimaha. “Yūhure pja ñūcu mahanocā cohtasiniga. Mūhure wapa pahñoihca”, nimaha paio dahra cohtariro tirore. ³⁰ To ā ni sinipachuta tó mehne macariro tirore yūhtieraha. Tuhsu, tiro paio dahra cohtarirore peresu yoa dutiha. Pu to wapa pahñoichupu wiorohca tirore. ³¹ Pjíro wapamoriro cjiro mahanocā wapamorirore to ñano yoachu ñu, susini, paina dahra cohtaina sehe ti pūhtoro yahusāa wahaha. ³² Ti ā ni yahusāchu tūhoro ti pūhtoro ti yahusārirore pjiroca, ō sehe niha: “Mūhure ñabiariro jira. Mu yūhure tuaro sinichu mu wapamorirore bo pahñomahi yūhu. ³³ Mūhure yu

ā yoapachuta mūhu sehe mūhure wapamorirore boerayuhti. Mu wapamoriro sehere yu boriro seheta tiro mūhure to wapamoriro cāhure mu bochu noabiaboa. ¿Dohseacu tirore pja ñūerari mūhu ā yoacu?” niha to pūhtoro tirore. ³⁴ Ā nino tuaro sua, peresu yoaha tirore dahra cohtarirore. Pu to wapa pahñoichupu wiorohca –ni yahure Jesu.

³⁵ Ā ni tuhsu, ō sehe ni ahri quitire yahu batoare:

–Tó seheta yoarohca yu Pu cu mūano macariro mū sare. Mūsa jipihtina mūsa coyca mū sare ti ñano yoarire noano mūsa bo pahñoerachu tiro mū sare buhiri dahrerohca –nire Jesu.

19

Ti namosānumiare cohāare yahuha Jesu

(Mr 10.1-12; Lc 16.18)

¹ Tíre to ā ni yahuri baharo tiro Galileai jiro Judea yahparu sāre sūho wahare. Jordāo pa buhusehe coaru sui sā. ² Tóru sā wahachu payu masa sāre nūnu ti wahcāre. Tina mehne macainare dohatiinare noaina wahachu yoare tiro.

³ Ā yoa cāina fariseo curua macaina Jesure yahusā duaa, ñano to durucuchu tūho duaa, tirore ō sehe ni sinitu ñure:

–¿Mari cahmano seheta mari namore cohāchu noabocari? ¿Mari dutia sehe tó seheta yoa dutijari, mu tūhotuchu? –ni sinitu ñure tina.

⁴ Jesu ō sehe ni yūhtire:

–¿Cohamacu yare ti joari pūi ne ahrire buherasiniri mūsa? Ō sehe ni joa tiha: “Wahmanopure ahri yahpare bajuamehneriro mūno, numino cāhure yoaha”, ni joaha. ⁵ Tuhsu ō sehe ni joa namoha: “Mūno to pūcusumare cohā wija, to namono mehne jirohca. Ā jia tina puaro jipahta cū pjacu yoaro seheta jira”, ni joa namoa tiha. ⁶ Ā jia tina puaro yoaro sehe jierara. Cū pjacu yoaro sehe jia nina. Cohamacu to wamomaca dūhte dutiina jira. Ā

jia tinare duhueraro cahmana —nire Jesu tinare.

⁷ To ã nichu fariseo curua macaina ò sehe ni siniture tjoa:

—Mh ã ni yahupachuta ò sehe ni joaa tiha Moise cjiro sehe: “Mh namore cohã duacu papera pui tìre joaga. ã joacu tí pùre mh namore mh wari baharo ticorore cohã masina mahu”, ni joaa tiha Moise cjiro. ¿Mh nino sehe jipachuta Moise cjiro sehe dohsearo ò sehe ni joari? —ni sinitu namore tina tirore.

⁸ Jesu ò sehe ni yuhtire tinare:

—Cohamacure msa ñchusuma ti taho duaerachu ñno ti namosãnumiare ti cohãchu, “Àta yoawahnojarò”, ninocaa tiha Moise. To ã nipachuta wahmanopure ahri yahpare ã jierare. ⁹ Msare niita nija. Masno to namono to ñano yoerapachuta ticorore cohãno, pacorore namo tiro, tiro pacoro mehne ñano yoaro nina. [Tuhsu, ahriro to cohãricorore namo tiriro cãhu ticoro mehne ñano yoariro jira] —nire Jesu.

¹⁰ To ã nichu tuhona, sã to buheina sehe tìrore ò sehe nii:

—Tó sehe mhno to namono mehne ti cahma cohãerachu mari sehere mari namo tierachu noaboca —nii sã.

¹¹ Jesu ò sehe ni yuhtire:

—Msa nino seheta jira. ã jiro cãinare namo ti dutierara Cohamacu. ¹² Mhare namo ti dutieraa cãa jira. Cãina mha numiare cahmaeraina masa bajuara. Paina mha masa ti wapãri tãhoca ti warina sehe namo ti masierara. Paina mha mhano macariro ti puhtoro yare yoadoho duaa, namo tierara. ã jia ahriina namo ti duaeraina ãta tuhutonocaina, tó seheta ti ji sohtori tichu noana —nire Jesu sãre.

Macanacã ya cjihtire Cohamacure sini payoha Jesu

(Mr 10.13-16; Lc 18.15-17)

¹³ ã yoa masa macanacãre Jesu cahapu na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamacure sini payo duti duamare Jesure. Ti ã yoachu ñna sã to

buheina tinare tuhtimahi. ¹⁴ Sã ã tuhtichu ñno, sãre Jesu ò sehe nire:

—Macanacã yu cahapu tajaro. “To cahai wahaena tjiga”, niena tjiga tinacãre. Tinacã Cohamacure ti puhtoro tuhutura. puhtoro Cohamacu to sãho jiina ahriinacã yoaro sehe tuhutuina baro dihta jira —nire Jesu sãre.

¹⁵ ã ninota to wamomacare tinacã bui ña payo tuhsu, wahaa wahare.

Pache puero Jesure sinitu ñaha

(Mr 10.17-31; Lc 18.18-30)

¹⁶ To ã yoari baharo cãiro masno Jesu cahapu wihi, siniture tirore:

—¿Ne, buheriro, jipihtia dachoripe Cohamacu mehne ã jirucu duacu, noare yoa duacu di baro sehere yoabocari yuhu? —nire tiro.

¹⁷ —¿Dohse jiro baro yuhure noa barore ni sinitujari mahu? Cohamacu dihta noariro jira. Jipihtia dachoripe Cohamacu mehne ã jirucu duacu to dutiare yoaga —nire Jesu.

¹⁸ —¿Di baro dutia sehere nii nijari? —ni sinitu namore tiro.

Jesu ò sehe ni yuhtire:

—Masare wajãecu tjiga. Namu tiriropu paye numia manu tia numia mehne jiecã tjiga. Yacaecu tjiga. Mahãoa mehne painare yahusãecu tjiga. ¹⁹ Mh puhsũmare ño payoga. Mh basi mh cahãno seheta mh cahai jiro cãhure cahãga. Ahri dutiare yoaihca mahu —nire Jesu.

²⁰ —Ahri dutiare ne yuhducaera tih yuhu. ¿Dohse yoa namoihcari yuhu jipihtia dachoripe Cohamacu mehne jirucu duacu? —nire tiro Jesure.

²¹ To ã nichu tuhoro Jesu ò sehe ni yahu namore:

—Mhu ñaa buhiri marieriro ji duacu mh ya jipihtiare duai wahaga. ã duacu jipihtia mh wapatariniñerure pjacuinare waga. Mh ã yoachu payu mh wapataa manopu, Cohamacu cahapu jiyuahca. Mh ã yoari baharo yuhu mehne macariro cjihto taga —ni yahure Jesu.

²² To ã nichu tuhoro tuaro cahyare. Tiro payu pache cjariro jiro,

tíre pjacuoinare wa duaeraro, cahya, wahaa wahare.

²³ To ã wahari baharo Jesu sãre to buheinare õ sehe ni yahu namore:

—Potocã musare niita nija. Pache p̄ro p̄htoro Cohamacu to s̄ho jirop̄re to waha duachu mijobiara.

²⁴ Musare yahu namoihtja: Camello sehe awicã copapu to sãa nuhri wijaa duachu basioerara tirore. To ã jiro yãdoro pache p̄ro p̄htoro Cohamacu to s̄ho jihtop̄u to waha duachu mijobiara —nire tiro.

²⁵ To ã nichu t̄hona sã c̄aa waha, sã basi õ sehe nii:

—Cue, to nino seheta jichu, ne c̄airo mas̄no Cohamacu cahapu waha masieraboca —nii sã basi.

²⁶ Sã ã nichu Jesu sãre ñuroca õ, õ sehe ni yahure:

—Masa ti basi ti mu s̄uro yãd̄u masierara. Wiho mejeta Cohamacu sehe masare pichacap̄u waha borinare yãd̄o masina. Tiro jipih-tiare noano yoa masi pahñoriro jira —nire tiro sãre.

²⁷ To ã nichu Pedro tirore õ sehe nire:

—T̄hosiniga. Sã sehe sã ya jipih-tiare c̄nocaa tii mah̄u mehne wahana tana. ¿Sã õ sehe yoana, dohse jiare wapatanahcari sã? —nire tiro.

²⁸ To ã nichu t̄horo õ sehe nire Jesu:

—Musare niita nija: Pihtiri dacho jichu jipih-tia wahma dihta cohtotaahca. Tí p̄ap̄re ȳhu mas̄no Cohamacu warocariro ȳhu p̄htoro ȳu dujiroi si siteroi dujiihca ȳhu. Tóí ȳu dujichu musa c̄hu doce dujia pahtarihi p̄htoa ti dujia pahtarihi dujinahca. ã jina Israe masare doce curuari macainare besenahca musa noaina, ñainare. ²⁹ ã yoa ȳu yare yoana tana musa wãh̄sere, musa bahanare, musa p̄c̄s̄mare, musa pohnare, musa weserire c̄nocarina jina, p̄j̄ro wapatanahca. Tuhs̄u, jipih-tia dachoripe Cohamacu mehne jirucunahca. ³⁰ Wiho mejeta mip̄re payu p̄htoa jirina cjiri tí p̄ap̄re wiho jiina tjuanocaahca. Tuhs̄u, mip̄re payu wiho jiina jirina cjiri tí

p̄ap̄re p̄htoa cohtotaahca tjoa —ni yahure Jesu sãre to buheinare.

20

Se wesere dahraina quitire yahuha Jesu

¹ ã yoa Jesu pari turi to t̄hotua mehne piti dahre õ sehe ni yahu namore tjoa:

—Musano macariro masa bui p̄htoro jira. Wese p̄ro quit̄i mehne p̄htoro Cohamacu to s̄ho jirore yahuihtja musare. Tiro wese p̄ro bohrea par̄caroi to wesere dahrahtinare p̄j̄ro wahaha. ² “C̄u t̄u niñeru t̄u wapaihtja c̄u dachore”, niha tinare. “Jai”, niha dahrahtina. Ti ã nichu wesep̄u dahra dutiro warocaha tiro tinare. ³ ã yoa dachop̄u nueve hora jichu pache duarop̄u wahaha tiro. Tóru s̄uro, paina dahraerainare ñ̄ha. ⁴ ã ñ̄no tinare õ sehe niha: “Mus̄a c̄hu ȳu wesere dahrana wahaga. Noano wapaihtja”, niha tiro tinare. ⁵ To ã nichu t̄hoa, tina c̄hu wesep̄u dahraa wahaha. ã yoa wese p̄ro cohari p̄ja jichu, ñ̄amichahap̄u tres hora jichu c̄hure painare dahra dutiha. ⁶ ã yoa ñ̄amichahap̄u cinco hora jichu pache duarop̄u tiro wahaha tjoa. Tóru s̄u, paina dahraerainare ñ̄no, tinare õ sehe niha: “¿Ne yaba barore yoaerapanahta c̄u dacho ñ̄rucu nahñ̄oajari musa?” ni sinitu ñ̄ha tinare. ⁷ “Ne, sãre dahraa mariahna”, ni yãhtiha tina. “Mus̄a c̄hu ȳu wesere dahrana wahaga”, niha tinare. ã jia to niriro seheta to wesere dahraa wahaha. ⁸ ã yoa ñ̄amichahap̄u dahra duhuri p̄ja jichu wese p̄ro to yaina dahrainare cohtarirore õ sehe niha: “Dahrainare p̄j̄ga. Ti wihihu tinare wapaga. Ti baharop̄u ȳu dahra dutirinare wapa m̄htaga. Tinare wapa tuhs̄u, paina c̄hure wapa tuhs̄u, ȳu dahra duti m̄htainare wapa batoaga j̄na”, niha tiro. ⁹ ã yoa cinco hora jichu dahra d̄cainare c̄u t̄u niñeru t̄u wapaha. ¹⁰ To ã wapachu ñ̄ha, “Sãre bui curero waparohca”,

ni tuhutumaha to duti mǎhtaina cjiri sehe. Tina cǎhure cǎno potori wapanocaha. ¹¹ Ā jia niñerure to wapachǎ ti pǎhtoro mehne susinia ti basi ō sehe cahma niha: ¹² “Ahrina sǎ baharopǎ to dahra dutirina sehe cǎ horata dahrahe. Sǎ sehe cǎ dacho noano dahra nahñoamahi. Nǎno sǎ sihre sǎre. Sǎ Ā yoari pja dahrapachǎta sǎ baharopǎ dahra dǎcaina cǎhure cǎno potorita wapanocahre tiro”, ni suaha tina ti basi. ¹³ Cǎiro tina mehne macariro to Ā nichǎ tuhoro, wese pǎro yǎhtiha tirore: “Ne coyeiro, ‘Cǎ tǎ niñeru tǎre wapaihtja’, nimahicǎ mǎsare. Yǎ Ā nichǎ yǎhtihre mǎsa. Ā jicǎ yǎ niriro seheta mǎsare wapahi yǎhǎ. Quihōno wapahi mǎsare. Ne yacaerahi mǎsare. ¹⁴ Ā jicǎ yǎ waparire na, mǎ wǎhǎpǎ tjuahga. Ahrirore baharo yǎ dahra dutiriro cǎhure mǎsare yǎ wapariro purota wapaihtja. ¹⁵ Yǎ ya niñeru jira ahri. Ā jicǎ yǎ cahmano seheta ahri mehne wapaihtja. ¿Painare yǎ noano wapachǎ ñǎ tuhtijari mǎhǎ?” niha tiro wese pǎro –ni yahure tí quitire Jesu.

¹⁶ Ā nino, ō sehe ni yahu namore tiro:

–Ahri quiti ti nino seheta baharo macari curua wiho jiina yoaro sehe ya curua ji mǎhtari curua pǎhtoa ya curua jirohca mǎanopǎ. Ā yoa ji mǎhtari curua pǎhtoa ya curua cjiro sehe ti baharopǎ macari curua wiho jiina ya curua tjuarohca mǎanopǎ –ni yahure Jesu.

Pari turi Jesu to yariahtore, to masa wijahtore yahuha
(Mr 10.32-34; Lc 18.31-34)

¹⁷ Ā yoa Jerusalǎpǎ wahana cǎnoihta waharucuma, sǎre doce to buheinare pjiroca tuhsǎ, pa sehǎpǎ sǎ dihtare naahre Jesu. Sǎ sahsero sǎ jichǎ sǎre ō sehe ni yahure:

¹⁸ –Tǎhoga yǎhǎre. Mipǎre Jerusalǎpǎ wahana nija mari. Tǎpǎ yǎhǎre masǎnore Cohamacǎ warocarirore ñaha, painapǎre yǎhǎre

waahca. Sacerdotea pǎhtoare, mari coyea judio masare buheina cǎhure yǎhǎre waahca. Ā jia yǎhǎre wajǎ dutiahca tina. ¹⁹ Ā wajǎ dutia, judio masa jieraina sehere yǎhǎre waahca. Ti Ā wari baharo tina sehe yǎhǎre bǎjǎpe, tjana, crusapǎ cǎ puhaahca yǎhǎre. Ā jii yǎ yariari baharo tia nǎmǎ wahaboroi masa wijaaahca –ni yahure Jesu sǎre.

Santiago, João mehne ti pocoro tinare sinibasaha Jesure

(Mr 10.35-45)

²⁰ Ā yoa Zebedeo namono pǎro to pohna mehne Jesu cahapǎ sǎ, na tuhcuca caha sǎha tirore sinino taro:

²¹ –¿Dohse yǎ yoachǎ cahmajari mǎhǎ? –niha Jesu ticorore.

–Mǎhǎ pǎhtoro sǎacǎ yǎ pohnare dutiina sōga. Ā yoacǎ mǎ pǎ bǎhǎseheri batoi dapoga tinare –ni siniha ticoro.

²² Jesu ō sehe ni yǎhtiha:

–Mǎsa ñano yǎhdǎhtore masierapanahta Ā sinina mǎsa. ¿Mipǎre yǎ ñano yǎhdǎhto seheta mǎsa cǎhǎ ñano yǎhdǎna cǎno pjabocari mǎsa? –niha Jesu ticoro pohnare.

–Cǎno pjanahca –ni yǎhtiha Santiago, João mehne.

²³ –Potocǎ tjira. Yǎ ñano yǎhdǎhto seheta ñano yǎhdǎnahca mǎsa cǎhǎ. Wiho mejeta yǎhǎ mehne dutihtinare, yǎhǎ mehne dujihtinare bese masieraja yǎhǎ. Yǎ Pǎcǎ sehe cahno tuhsǎre tíre. Ā jia to beshatina dihta yǎ poto bǎhǎsehei yǎ cǎ bǎhǎsehei dǎjiahca –niha Jesu tinare.

²⁴ Ā jina sǎ paina diez to buheina sehe Santiago, João ahrina pǎro mehne susinii sǎ. Jesure ti pocoro to sinibasarire tǎhona susinii tina mehne. ²⁵ Sǎ Ā susinichǎ ñǎno, Jesu sǎre jipihtina to buheinare pji cahmachu, ō sehe ni yahure sǎre:

–Cohamacǎre masieraina pǎhtoa sehe ti masare dutia, purǎno mehne dutira. ²⁶ Mǎsa sehe ne Ā yoasi mǎsa basi. Mǎsa mehne macariro pǎhtoro ji duaro, jipihtina tiro mehne

macaina cahamacuno jiro cahmana tirore. ²⁷ ã yoa jipihtinare dutiriro ji duariro paina cahamacuno jiro cahmana tirore. ²⁸ Tó seheta jiriro jija yũhũ cãhũ. Yũhũ masuno Cohamacũ warocariro ahri yahpapure masare yoadohocũ tacũ tai. Tuhsũ, payũ masa ya buhirire yariai tai nii. ã yoa masare pichacapũ wahaborinare yũhdũchũ yoai tai nii –nire Jesu sãre.

Pũaro capari bajuerainare ñũchũ yoaha Jesu

(Mr 10.46-52; Lc 18.35-43)

²⁹ ã yoa Jericóru jirina sã wahachũ payũ masa Jesure nũnũ tire. ³⁰ Ti ã nũnũ tichũ Jesu to yũhdũchũ pũaro capari ñũeraina maha dũhtũ cahai dujiina tũhore. ã tũhoa, õ sehe ni sañurucure:

–Sã pũhtoro, Davi cjiro panamino masare yũhdohtiro, sãre pja ñũga –ni sañurucure.

³¹ Ti ã ni sañurucuchũ masa sehe tinare tuhtire:

–Dihta mariaha –nire masa tinare.

Ti ã tuhtichũ tũhoa, ti pano sañurucuriro yũhdo curero sañurucu namore tjoa:

–Sã pũhtoro, Davi cjiro panamino, sãre pja ñũga –ni sañurucure.

³² Ti ã nichũ tũhoro Jesu sũrũca, tinare pjiroca, õ sehe ni sinitu ñũre:

–¿Dohse mũsare yũ yoachũ cahmajari mũsa? –ni sinitu ñũre.

³³ –Sã pũhtoro, sãre ñũchũ yoaga –ni yũhtire tina.

³⁴ Ti ã nichũ Jesu tinare pja ñũre. ã pja ñũno ti caparire ña payore. To ã ña payochũta tina sehe ñũa wahare. ã ñũa, tirore nũnũ ti wahcãre.

21

Jerusalẽru sũha Jesu

(Mr 11.1-11; Lc 19.28-40; Jn 12.12-19)

¹ ã yoa Jerusalẽru sã sũhto pano Betfagẽ wama tiri macapũ sũ mũhtasinii sã Jesu mehne. Betfagẽ tũcũ Olivo wama tidũ cahai jire. Tóru sũro, sã mehne macainare pũaro

to buheinare Jesu to pano waroca mũhtare. ² Õ sehe ni yahure tinare:

–Sĩ macapũ burroare nana wahaga. Tóru sũna, dóihta burrore to macũnocã mehne ti dũhte daporicorore boca sũnahca. Tinare boca, yuta dare pjã, na tabasaga yũhũre.

³ Mũsa pjãchũ ñũno, cãiro dohse jiriro, “¿Dohseana tana burroare pjãjari mũsa?” to nichũ tũhona õ sehe ni yũhtiga: “Mari pũhtoro burroare cahmarocasinire. Michapucã tinare wiarohca tiro”, ni yũhtiga tirore –ni duti warocare Jesu to buheina pũarore.

⁴ ã yoare Cohamacũ yare yahu mũhtariro cjiro to ni joariro seheta. Õ seheta ni joaa tiha panopũ:

⁵ “Jerusalẽ macainare õ sehe ni yahuga: ‘Ñũga mũsa.

Mũsa pũhtoro mũsa cahapũ tara.

Tiro masa noariro jira.

Burro macũnocã bui pisariro tarohca’, ni yahuga Jerusalẽ macainare”, ni joaa tiha panopũ.

⁶ Jesu to dutirocaina pũaro tí macapũ sũ, to dutiriro seheta yoaha tina. ⁷ Burrore, to macũnocã cãhũre na ta, ti bui sãa suhtire tjuwe na, burrocã bui pjũpaha payore tina. Ti ã yoari baharo Jesu tirocã bui mũja pjare waharo taro. ⁸ Mũja pja tuhsũ, tirocã bui Jerusalẽru wahare. To tachũ ñũa masa payũ ti bui macaa suhtire tjuwe na, saño cũ mũhtare to wahahti mahai, Jesure ño payoa. Paina sehe pũri tia dũpurire mahai duhu cũ mũhta wahcãre tirore ño payoa. ⁹ ã yoa to pano wahaina, to baharo nũnũ tiina mehne õ sehe ni sañurucure:

–Davi cjiro panaminore marine yũhdohtirore wahche payojihna. Ahriro Cohamacũ to warocariro noano jijaro. Mũano macarirore “Tuariro jira”, ni wahche payojihna –ni sañurucure masa.

¹⁰ ã jia Jerusalẽru ti sũchũ tó macaina sehe ñũ cũaa wahare.

–¿Cue, diro baro jijari ahriro? –ni cahma siniture tina.

¹¹ Paina masa õ sehe ni yũhtire:

—Ahriri Cohamacu yare yahu muhtariro Nazare Galilea yahpai jiri maca macariro Jesu wama tiri jira —ni yahure tina masare.

Cohamacu wuhupru saha Jesu
(Mr 11.15-19; Lc 19.45-48; Jn 2.13-22)

¹² Baharo Cohamacu wuhupru sure Jesu. Ti wuhupru su, sa wahare. Ti wuhupru duainare, nuchaina cuhure cohã wiore tiro. ã yoaro niñeru cohtotaa mesarire na majareroca doca cū mujare. Bujaare duaina ti dujia pahtari cuhure ãta yoare. ¹³ ã yoaro tinare õ sehe nire:

—Cohamacu yare ti joari pui õ sehe nina: “Yu wuhu Cohamacu mehne durucuri wuhu wama tirohca”, nimare to joari pui. MUSA sehe ahri wuhui duana MUSA basi cahma yacara MUSA —nire tiro tinare.

¹⁴ To ã yoari baharo capari ñeraina, tini masieraina cuhu Cohamacu wuhupru tiro caharu wihire. Ti ã wihichu tinare noaina wahachu yoare tiro. ¹⁵ ã noaare to yoachu ñu, sacerdotea puhto, marine judio masare buheina cuhu suare tiro mehne. ã yoa macanacã Jesure “Davi cjiro panamino masare yuhdohtiro, tuariro jira mahu”, ti ni ño payochu tuhoja tó cuhure tina suare. ¹⁶ ã suaa õ sehe nire Jesure:

—¿Ti ã nichu tuhoerajari mahu? ã niea tjiaro —ni tuhtire tina Jesure.

Ti ã tuhtichu tuhoru Jesu tinare õ sehe ni yuhtire:

—Tina ti ã nichu tuhoja. ¿Cohamacu yare ti joari pui ahrire ne buherari MUSA?

“Macanacãre, wihãinacãre Cohamacure noano ño payochu yoare mahu”,

nina Cohamacu yare ti joari pui —nire Jesu (“Macanacã yuhure ti ño payochu noana”, nino).

¹⁷ ã ni tuhsu tinare cohã wahcã, Betania wama tiri macaru su, ti ñamine tói jire.

Jesu higuercare yaria dutiha
(Mr 11.12-14, 20-26)

¹⁸ Pa dachoi bohrearopu Jerusalēpu tjuaro, juca baare Jesu. ¹⁹ ã juca baaro, maha duhtu cahai jidu higuercu wama tidure ñuno, tu dichare macano wahamare. Dicha mariahe tu sehe. Puri dihta jire. Tu ã jichu ñuno Jesu tare õ sehe nire:

—Ahdu ne pari turi dicha tisi —nire tiro.

To ã nichuta dóihta tu sehe ñaia wahare. ²⁰ Tu ã wahachu ñuna sa to buheina ñu cua wahai.

—Cue, ¿dohsearo ahdu dóihta ñaia wahajari? —ni sinitui sa.

²¹ Jesu õ sehe ni yuhtire:

—Potocã nii nija musare. Cohamacure noano wacu tuaga. “Potocã ã yoarohca tiro”, nina ahdure yu yoariro seheta yoa masinahca MUSA cuhu. Tuhsu, ahdure yu yaria dutiriro yuhdoro yoa masinahca MUSA. Ahdu tucure “Duha na, pjiri mapu cohãdu jijaro”, MUSA nichu duha cohãdu jirohca. ²² Cohamacure MUSA wacu tuachu, “Yu siniriro seheta ã waharohca”, MUSA ni wacuchu MUSA siniriro seheta ã waharohca —nire Jesu sare.

Jesure dutirirore sinituha paina
(Mr 11.27-33; Lc 20.1-8)

²³ ã yoa Cohamacu wuhupru tju su, buhere tiro. To ã buhechu sacerdotea puhto, mari coyea judio masa bucuna mehne tiro caharu wihi, õ sehe ni siniture:

—¿Dohseacu canure ã yoari mahu? ¿Noa mahure ture ã yoa dutiri? —ni siniture tina.

²⁴ Ti ã nichu Jesu õ sehe ni yuhtire:

—MUSA sehere sinitu muhtaihtja. Noano yuhure MUSA quihono yuhtichu musare yahuhtja yuhu cuhu. ²⁵ ¿João masare to bautisachu diro baro sehe tirore bautisa dutia tiari, MUSA tuhotuchu? ¿O Cohamacu dutiera tiari? ¿O masa sehe dutia tiari, MUSA tuhotuchu? —ni siniture Jesu tinare.

To ã nichu tina sehe ti basi õ sehe nire:

—¿Dohse ni yuhtinahcari mari? “Cohamacu João dutia tiri jire”, mari nichu, “¿Dohseana Cohamacu João to dutipachuta tirore tuho duaerari

musa?” niboca Jesu marine. ã jina “Cohamacu Joãore dutia tiri jire”, ni yuhti masieraja mari. ²⁶ Ahrina masa sehe “Potocãta João Cohamacu yare yahu muhtariro jire”, ni tuhotura tina. ã ni tuhotua “João to bautisachu Cohamacu sehe tirore dutierari jire”, mari nichu tuhoa masa suaboca mari mehne. ã jina tí cãhure yahu masieraja mari –nire tina ti basi.

²⁷ Ti ã niri baharo Jesure õ sehe ni yuhtire tina:

–Joãore bautisa dutirirore sã masieraja –nire tina.

Ti ã nichu tuhorõ õ sehe nire Jesu:

–Tí pja pinihta yuhu cãhu musa sinitu muhtarire yahueraja musare. Yu yoarire dutirirore yahueraja musare –nire tiro tinare.

Puaro puaro quitire yahuha Jesu

²⁸ To ã niri baharo Jesu to tuhotua mehne paye quitu mehne piti dahre buhe namore tinare:

–¿Ne, dohse ni tuhotujari musa ahri quitire? Puaro puaro jiha. Wahmino sehere õ sehe niha to puaro: “Macu, wesepu dahrai wahaga”, niha. ²⁹ “Wahaeraja”, ni yuhtimaha to macano wahmanore. ã niparota baharopure wesepu waha duaro jiha tirore. ã jiro wahaha tiro. ³⁰ Tuhsu, ti puaro to macano dãsariro cahapu su, to wahminore to dutiriro seheta wesepu waha dutimaha. “Jai”, nimaha dãsariro sehe. ã niparota wahaeraha tiro. ³¹ ¿Diro sehe to puaro to dutiriro seheta yoari? –ni siniture Jesu.

–To wahmino sehe yoaha –ni yuhtire tina.

Ti ã nichu Jesu õ sehe ni yahure:

–Musare niita nija. Wapa na cohtaina, mua mehne ñano yoarucua numia ti buipu waro musa sehe ñabiaina jira. ã jia puhtoro Cohamacu to suho jiropure musa suborirore tina sehe musare mu cõ su muhtaahca. ³² João bautisariro buhero musare “Noano yoaga”, ni yahumare. ã to yahuchu dãsariro to puarore to yuhtierariro seheta tirore tuhoerare

musa. ã yoa tirore yuhtierare. Wapa na cohtaina sehe, mua mehne ñano yoarucua numia cãhu tirore tuhore. Ti ã tuhochu ñure musa. Musã ã ñupanahta tirore ne tuho duaerare musa. Tuhsu, tuhoerare musa –nire Jesu sacerdotia puhtoare, mari coyeya judio masa bucuna cãhure.

Ñaina dahra cohtaina quitire yahuha Jesu

(Mr 12.1-12; Lc 20.9-19)

³³ ã yoa Jesu pari turi to tuhotua mehne õ sehe ni piti dahre tinare buhe namore:

–Ahri quitire tuhoga musa. Yahpa puaro jiha. Tiro to ya yahpai se dari cijhtire toaha. Toa tuhsu, sahrĩnore dapo, sere ti tu muhtoti copare saha, muari wãhucã dahreha.

ã jiro tí wesere painare cã buhusehe coa pahma cãha. ã pahma cãno tí wesere tinare ñu wihbo duti, pa yahpapu wahaha tiro. ³⁴ ã yoa se ñiri pja jichu wese puaro tirore dahra cohtainare wesere ñu wihboina cahapu warocaha. Wese macaa to toaa dichare to ya coa macaa dichare na dutiro warocamaha. ³⁵ To ã warocachu wesere ñu wihboina sehe tirore dahra cohtainare ñano yoaha. Cãirore tuaro cã, paire wãjã, paire tãa mehne docaha. ³⁶ Baharo wese puaro pari turi tirore dahra cohtainare to waroca muhtarina bui curero puhtoa jiri curuare warocaha tjoa. To ã warocachu wesere ñu wihboina tina cãhure mananota yoaha tjoa.

³⁷ ã yoa to waroca batariro to macano jiha. “Yu macu sehere ño payoahca”, nino tirore warocamaha.

³⁸ To ã ni tuhotupachuta wesere ñu wihboina to macano to tachu ñua, õ sehe niha: “Wese puaro macano jira ahriro. Tirore wãjãjhna mari. Mari ã wãjãchu ahri wese mari ya wese tjuarohca”, nimaha tina ti basi. ³⁹ ã niata tirore ñaha, wese dũtu cahai na wahcã, wãjãha tina tirore.

⁴⁰ ¿Ne, wese puaro taro dohse yoarohcari tiro wesere ñu wihboinare,

musa tūhotuchū? –ni siniture Jesu sacerdote pūhtoare, bŭcuna cūhure.

⁴¹ To ā nichū tina ō sehe ni yūhtire:

–Tiro painare wesere űū wihbohtinare cohtotarohca ji māhtainare űābiainare wajāno taro. Tirore quihōno dichare tju wahtina sehere űū wihbo dutirohca –ni yūhtire tina.

⁴² Ti ā nichūta Jesu yahu namore tinare:

–¿Cohamacū yare ti joari pūi ahrire yūhure to ni joari cjirire ne buherari musa?

“Ahriri Cristo tāca yoaro seheta jira. Tācare wūhū dahreina ti cohāno seheta masa tirore cohāhca.

Ti ā yoapachūta mipūre wūhū dahreina wūhure yoaa ti cū māhtari tācare ti cūno seheta Cohamacū tirore pūhto sōre.

Cohamacū sehe ahrire yoare.

To ā yoachū űūna, ‘Noa yūhdūara’, ni tūhotuja mari”,

ni joaa tiha panopū. ¿Tíre ne buherari musa? ⁴³ Musare niita nija yūhū. pūhtoro Cohamacū to sūho jiro musa jihto cjihto jiboa. To pūhtoro jirore paina sehere musa jiborirore warohca Cohamacū. Paina masa sehe to dutiro seheta yoahca. ⁴⁴ [Jipihtina tia tāca bui bora pjainare payū dihicā peri yihsorohca tia tāca. Tuhsū, tia tāca sehe masūno bui bora pjaro tahānocanohca tirore. To pjacū cjirore daa manaricā wahachū yoarohca. (Tó seheta yūhure cahmaeraina yū buhiri dahrehtina űāno yūhdūahca) –nire Jesu sacerdotea pūhtoare, mari coyea judio masa bŭcuna cūhure.]

⁴⁵ Tí quitire to ā nichū tūhoa, “Sohō to yahu māhtari quiti wesere űū wihboina quiti mehne marine nino nica tiro”, ni tūhoture tina. ⁴⁶ Ā ni tūhotua, tirore űāha duamare. Masa sehe Jesure űō payo “Cohamacū yare yahu māhtariro jira tiro”, niina jia tiha tina. Tíre masia, sacerdotēa pūhtoa, bŭcuna mehne masare cuia, Jesure űāhaerare.

22

Pjiri bōse nūmū macaa quitire yahuha Jesu

¹ Ā yoa pari turi to tūhotua mehne paye quiti mehne tinare buhe dūcare Jesu:

² –Mūano macariro pūhtoro to sūho jiro ahri quiti yoaro sehe jira. Cū yahpa macaina bui pūhtoro jiha.

Ā yoa to macūno ya nūmū bōse nūmū yoaha. To wamomaca dūhteri bōse nūmū jiha. ³ Ā yoa pūhtoro tirore

dahra cohtainare bōse nūmūre űūa tahtinare pji dutiro warocamaha. Tina sehe ta duaeraha. ⁴ Ā jiro

painare pji dutiro warocamaha tjoa tirore dahra cohtainare. “Yū pjirocainare ō sehe ni yahuga. ‘Mari chūhtire dahre tuhsūre. Wachūare,

wachūacā dihi tiinacā cūhure wajā tuhsūre. Ā yoa jipihtiro bōse nūmū

macaa cjihtire cahno tuhsūre. Ā jina bōse nūmū macaare chūna taga’, ni yahuga tinare”, ni warocamaha

pūhtoro tirore dahra cohtainare. ⁵ Dahra cohtaina ti ā yahuri baharo to pjirocarina cjiri ā tūhotunocaha.

Bōse nūmūre űūa wahaeraha. Cūiro to wesepū waha waha. Pairo to dahraare űūno waha. ⁶ Paina

sehe tirore dahra cohtainare űāha, tinare űāno yoa, wajānocaha jūna. ⁷ Ti ā yoachū tūhoro, pūhtoro sehe

suaha. Sua, ti ā wajāri buhiri buhiri dahre dutiro to surarare warocaha. Ā jia surara tinare wajā pahūno, ti ya

macare jūnocaha. ⁸ Ti ā yoari baharo, pūhtoro tirore dahra cohtainare ō sehe niha: “Bōse nūmū macaa cjihtire

cahno tuhsūmahre. Wiho mejeta yū pjiroca māhtarina cjiri yū bōse nūmūre űūborina jierara. űāina jira

tina. ⁹ Ā jina macare jia maharipū dohse jiina musa boca sūinare bōse nūmūre űūhtinare pjiga”, niha tirore

dahra cohtainare. ¹⁰ To ā nichū tirore dahra cohtaina maharipū waha, jipihtinare ti boca sūinare, űāina,

noaina cūhure yahuha. Ti ā pjiri baharo to cahapū sūha tina peri. Noano tí bōse nūmū ti yoari tahtiare

masa wahpata yūhdūa waha.

¹¹ Tóti ti dujichū pūhtoro sehe cūirore wamomaca dūhteri nūmū macari suhtirore sūaerarirore űūha.

12 “¿Ne coyero, dohse yoacɩ wamomaca duhteri nɩmɩ macari suhtirore sãerapaihta sã tari mɩhɩ?” ni sinituha puhtoro. To ã sinituchɩ masɩno sehe yuhtieraha. 13 To ã yuhtierachɩ ñɩno tirore dahra cohtainare õ sehe niha: “Ahriroro to wamomacarine duhtega. To dahpori cãhure duhtega. Duhte tuhsɩ na wijaa, sopacapɩ cohãga tirore nahitianopɩ. Tõpɩ tiro tuaro tii, cahyaro mehne bahca dihorohca”, niha puhtoro –ni yahure Jesu.

14 To ã niri baharo õ sehe ni batoare tiro:

–Ahri quiti jiro seheta Cohamacɩ payɩ masa to pjirocarina ti jipachuta mahainacã tiro mehne tjuaahca –ni yahu batoare Jesu.

Puhtoa ya wapare paina sinituha Jesure

(Mr 12.13-17; Lc 20.20-26)

15 To ã niri baharo fariseo curua macaina waha, Jesure ti yahusãhtore ti basi durucuha tina. To ñano yuhtichɩ tuho duaa nimaha tirore yahusãa taa. 16 ã durucua tina mehne macainare, Herode ya curua macaina cãhure Jesure sinitu dutia warocaha. Tina sehe Jesu cahapɩ wihɩ, tirore mahño cũ sinitu ñɩmare:

–Buheriro, potocã durucuriro mahñoa marieriro mɩ jichɩ masija sã. Cohamacɩ yare quihõno mɩ yahuchɩ cãhure sã masija. ã jicɩ cãiro puhtoro waro to jipachuta tiro cãhure dórero marieno potota yahura mɩhɩ. 17 ã jicɩ sãre yahuga. ¿Roma macariro jipihtina bui puhtoro jirirore gobierno macaare marine waparo cahmajari, mɩ tuhotuchɩ? ¿Mari dutia tirore wapa dutijari? –ni siniture tina Jesure.

18 Ti ã nichɩ tuhororo tirore ti yahusã duaare masino õ sehe nire:

–Mahñopeina jira mɩsa. ¿Dohseana yɩ ñano durucuchɩ tuho duajari mɩsa? 19 Mipure niñeru ture puhtoare wapahti ture na tahga. Tí ture ñɩjihna –nire tiro.

To ã nichɩ tuho niñeru ture na tare tina.

20 Ti ã na tachɩ õ sehe ni siniture tiro tinare:

–¿Diro baro masɩ wahãjari ahri ture? ¿Diro baro wama wahãjari? –ni siniture.

21 –César, masa bui puhtoro masɩ, to wama cãhɩ wahãna –ni yuhtire tina.

Ti ã nichɩ tuhororo Jesu õ sehe ni yahure:

–Tí pja pini masa bui puhtoro yare tiro sehere waga. Cohamacɩ yare Cohamacɩ sehere waga –nire Jesu.

22 To ã nichɩ tuho, tuho curua waha, waha wahare Herode ya curua macaina.

Saduceo curua macaina Cohamacɩ to masoare sinituha Jesure

(Mr 12.18-27; Lc 20.27-40)

23 ã yoa tí dachoihta cãina saduceo curua macaina Jesu cahapɩ wihire. Saduceo curua macaina sehe “Cohamacɩ yariainare masosi”, ni tuhotuina jire. ã jia õ sehe nire tirore tina:

24 –Buheriro, õ sehe ni buhea tiha Moise cjiro: “Cãiro to wahmino namo tiriro pohna mariaparota to yariachɩ to bahurore to wahmino namono cjirore nɩoano cahmana. ã yoaro to wahmino mɩnɩno to pohna tiboro seheta pohna tiro cahmana to bahurore. ã jia to pohna to wahmino mɩnɩno pohna yoaro sehe jahca”, ni joaa tiha Moise cjiro –nire tina saduceo curua macaina.

25 Tíre ã ni yahu tuhsɩ ahri quitire yahu namore tina Jesure:

–Cãiro masɩno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsɩ, paio to bahuro cãhɩ to wahmino namono cjirore nɩoaha. 26 To ã nɩoari baharo to wahmino yoaro seheta pohna mariaparota yariaa wahaha tjoa. ã yoa ahriro bahuro to wahmino mɩnɩno yoaro seheta pohna mariaparota yariaa wahaha. ã dihta wahaha cãiro pohna waro. Ne pohna mariapahta yaria pihtia wahaha tina. 27 Ti namono cjiro cãhɩ ti baharota yariaa wahaha juna.

28 ¿Ne, Cohamacu jipihtinare yari-
aina cjirire to masochu diro baro na-
monono jibocari ticoro? Tina jipihtina
ticorore namo tirina cjiri jiha. ¿Ã
yoa diro namono sehe jibocari ticoro
pototi? –ni siniture tina.

29 Jesu õ sehe ni yuhtire tinare:

–Cohamacu yare ti joari pũre, to
masia cãhure ne masierara m̄usa. Ã
yoa m̄usa tuhotua sehe ne potocã jier-
ara. 30 Yariarina cjiri ti masa m̄ajari
baharo tina anjoa yoaro sehe jira.
Tina namo marieina, man̄u mariea
numia jira tóphure. 31 Yariarina cjiri ti
masa wijahto sehere m̄usare yahui-
htja. ¿Cohamacu m̄usare to niri cjirire
ne buherari m̄usa? Õ sehe niha
tiro: 32 “Yuh̄u Abrahã, Isaa, Jacobo
ti puhtoro tjija’, nina Cohamacu”, ni
joaa tiha panopure. Ti yariari ba-
haro “Ti puhtoro tjija”, ni yahuha
Cohamacu. Ã niparota yariarina
cjiri puhtoro jierara Cohamacu. “Ti
puhtoro tjija”, to nia mehne catiina
ti jichu masija mari. Tiro catiina
puhtoro jira –ni yahure Jesu tinare.

33 To ã ni buhechu tuhoa payu masa
tuho cuaa wahare.

*Cãno noa yuhtaro to dutiare
yahuha Jesu*

(Mr 12.28-34)

34 Ã yoa saduceo curua macaina
Jesure ti yuhti masierachu tuhoa,
fariseo curua macaina sehe tiro
cahapu cahmachure. 35 Cahmachu,
tina mehne macariro marine judio
masare buheriro sehe Jesu to ñano
nichu tuho duaro mahño cũ sinitu
ñamare tirore.

36 –¿Buheriro Cohamacu ya dutia
noa yuhtaro di baro sehe jijari, m̄
tuhotuchu? –ni siniture tiro.

37 Jesu tirore õ sehe ni yuhtire:

–“Tuaro m̄usa yajeripohna mehne,
m̄usa tuaa mehne, noano m̄usa
wacũa mehne Cohamacure cahĩga”,
nina Cohamacu. 38 Ahri dutiata
paye dutia yuhtoro noa yuhtara.
39 Ahri dutia baharo paye dutia noa
yuhtara: “M̄u basi m̄u cahĩno seheta
m̄u cahai jiina cãhure cahĩga”, nina
Cohamacu. 40 Ahri puhtaro dutiare

yoana, jipihtia paye dutiare yoa
pahõna nija mari. Cohamacu yare
yahu m̄uhtaina cjiri panopu ti joari
cãhure yoa pahõna nija mari –ni
yahure Jesu.

¿Diro baro coyero jijari Cristo?

(Mr 12.35-37; Lc 20.41-44)

41 Ã yoa fariseo curua macaina tói
cahmachuina ti jichu 42 Jesu tinare õ
sehe ni siniture:

–“Cristo, Mesia mari ni pisuriro
Cohamacu to warocahtiro jira”,
nina m̄usa. ¿Diro baro jijari Cristo
ñuchano cjiro panopu macariro,
m̄usa tuhotuchu? –nire tiro.

–Cristo Davi cjiro panamino jiro-
hca –ni yuhtire tina.

43 Jesu õ sehe ni yahure tinare:

–¿Cristo Davi cjiro panamino to
jichu dohsearo Davi sehe puhtoro
tiari Cristore? ¿Dohsearo ã puhtoro ti
dutiri Espiritu Santo tirore? Õ sehe
niha Davi cjiro:

44 “Cohamacu yu puhtorore õ sehe
nire:

‘Õi yu poto buhusehei dujiga.

Ã jicu m̄uhure ñu tuhtiinare m̄uhure
yuhtarucabasaihca yuh̄u’, nire
Cohamacu yu puhtorore”,

ni joaha Davi cjiro. 45 Ã ni joarota
Davi cjiro puhtoro tiha Cristore.
¿Davi cjiro Cristo ñuchano cjiro jiro
dohsearo tiro puhtoro tiari Cristore?
(Cristo Davi cjiro puhtoro tjira) –ni
yahure Jesu.

46 To ã ni yahuchu tina tirore ne
yuhti masierare. Ã jia tó purota sinitu
duhuncare tina tirore. Tuhsu tirore
cuia pari turi sinitu ñuerare tirore
juna.

23

*Judio masare buheina, fariseo
curua macaina cãhu ti ñano yoaare
yahuha Jesu*

*(Mr 12.38-40; Lc 11.37-54; 20.45-
47)*

1 Ã yoa payu masare sã cãhure Jesu
õ sehe ni yahure tjoa:

2 –Marine judio masare buheina fariseo curua macaina cãhũ Cohamacũ dutia Moise cjirore to cãri cjirore yahuina jira tina. 3 Ti ã yahuina jichũ mäsare ti yahuriro seheta tíre yoa pahãoga mäsã. Æ yoapanahã tinare ñũ cãena tjiga mäsã. Ti buheriro seheta yoaerara tina. 4 Masare payũ dutira tina. Æ dutipahta ti dutiro sehe masa ti yoaerachũ ñũã tinare yoadohoerara. 5 Masa ti ñũrocaro dihta noano yoa ñõmana tina. Cohamacũ yare ti joari pũre ti duhu sãã caa pocacãre, bũjũ curea caa pocacãre ti wãhdũã poca bui dãhte yohre tina masare ñũ dutia. Ti yachãri cãhũre dãhte yohre. Æ yoa ti suhtipũ ti duhu yoaã bocari bũjũbia bocari jira. Cohamacũre ti ñõ payorire masa sehẽre yoa ñõã nimanã tina. 6 Tuhsũ, bõse nãmũri jichũ pũhtoã ti dujiapũ duji duara. Judio masa mari buhea wãhũsepũ cãhũre noãã dujia pahtari dihtare jicoara tina. 7 Æ yoa mahapũ ñõ payoa mehne painã tinare ti noano piti bocasinichũ cahmana tina. Tinare “Buheriro”, masa ti ni pisuchũ cahmana.

8 'Painã mäsare pisua “Buheriro”, nieãã tjijaro. Mäsã jipihtina cãno potori jina nina. Æ yoa mäsare buheriro cãirota jija yũhũ Cristo. 9 Ahri yahpa macainare “Mari pũcũ”, nina tinare ñõ payona nica. Ne ã niena tjiga. Mãno macariro dihta mari Pũcũ jira. Tiro dihtare ñõ payoro cahmana marine. 10 Æ yoa masũnore “Pũhtoro”, niena tjiga. Mäsã pũhtoro yũhũ Cristo sehe cãirota jija. 11 Cahamacũno yoaro sehe mäsare yoadohoriro tiro tjica mäsã pũhtoro jihtiro. 12 Cãiro pũhtoro ji duaro tirore wiho jiriro yoaro sehe jiro cahmana. “Wiho jiriro jija yũhũ”, ni tũhoturiro painare yũhdũãca duaerariro tiro sehe pũhtoro jirohca –ni yahure Jesu.

Judio masare buheina, fariseo curua macaina mehne ti mahãõpeare yahuã Jesu

13 To ã niri baharo tinare õ sehe ni yahu namore:

–Mäsã judio masare buheina, fariseo curua macaina cãhũ ñãno yũhdũãhca. Mahãõpeina jira mäsã. Soro mäsã buhechũ tũhoã mäsare tũhorina sehe pũhtoro Cohamacũ to sũho jiropũre wahasi. Mäsã cãhũ tórpũre wahasi. Æ buhena tórpũre waha duainare dãcatana nina mäsã.

14 [Mäsã judio masare buheina, fariseo curua macaina cãhũ ñãno yũhdũãhca. Mahãõpeina jira mäsã. Wapewahya numia ya wãhũsere manocahna mäsã tí numiare. Tuhsũ, yoari pja masa ti ñũrocaroi Cohamacũre sini ñõmana mäsã masare. Mäsã ã yoari buhiri painã bui curero Cohamacũ pjíro buhiri dahrerohca mäsare.]

15 'Mäsã judio masare buheina, fariseo curua macaina cãhũ ñãno yũhdũãhca. Mahãõpeina jira mäsã. Pjiri mapũ pahã, yoaro macãã yahparipũ wahara mäsã, mäsã dutiare yoahãtirore macana tana. Mäsã dutiare yoahãtirore boca, tirore buherã. Mäsã ã yoachũ tiro sehe mäsã yãhdoro pichacãpũ wahãhtiro jirohca.

16 'Mäsã ñãno yũhdũãhca. Capari ñũeraina ti ñũ masieraro seheta masieraina jira mäsã. Æ jipanahta painare buhemana mäsã. Õ sehe ni buhemana mäsã: “ ‘Cohamacũ wãhũ mehne yũ nino seheta yoaihtja’, niriro to niriro sehe to yoaerapachũta noãnohca”, ni buhemana mäsã. “ ‘Cohamacũ ya wãhũ macãã uru mehne yũ nino seheta yoaihtja’, niriro tiro sehẽre to niriro seheta yoa sohtori tiro cahmana” ni, tí cãhũre buhemana mäsã. 17 Capari ñũeraina ti ñũ masieraro seheta masieraina jira mäsã. Tũho masieraina jira. ¿Di baro sehẽre ñõ payoro cahmajari? Urure ñõ payoeraro cahmana. Cohamacũ sehe tí uru to wãhũã jichũ noãã jichũ yoara tíre. Æ jina to wãhũ sehẽre ñõ payoro cahmana mäsare. Æ jia mäsã buhea sehe tó wahaerara. 18 Ahri cãhũre buhemana mäsã: “ ‘Cohamacũ wãhũ macari mesa mehne yũ nino seheta yoaihtja’, niriro to niriro seheta to yoaerachũ noãnohca”, ni

buhemana m̄sa. “ ‘Tí mesa bui jia mehne Cohamac̄re ño payoa ti wari mehne ȳ nino seheta yoaihtja’, niriro tiro sehere to niriro seheta yoa sohtori tiro cahmana”, ni buhemana m̄sa. ¹⁹ Capari ñ̄eraina ti ñ̄ masieraro seheta masieraina jira m̄sa. ¿Di sehe tí waro jijari, m̄sa t̄hotuch̄? Cohamac̄re mas̄no to ño payoro to wari cjiri tí waro jiera curera. Tí mesa bui Cohamac̄re to wach̄, noaa wahara tí mesa bui jia. Ñ̄ jiro tí mesa sehe wiho jiri mesa jierara. Cohamac̄re ño payoa ti wari bui curero noari mesa jira. ²⁰ Ñ̄ jiro “Cohamac̄ w̄h̄ macari mesa mehne ȳ nino seheta yoaihtja”, c̄īro nino, tí mesa bui macaa to wari mehne tiro ã nino nica. Ñ̄ jia m̄sa buhea sehe tó wahaerara. ²¹ “Cohamac̄ w̄h̄ mehne ȳ nino seheta yoaihtja”, c̄īro nino, potoc̄ta Cohamac̄ mehneta ã ninota nica. Cohamac̄ tí w̄h̄ macariro jira. ²² Ñ̄ jiro “M̄ano mehne ȳ nino seheta yoaihtja”, c̄īro nino, Cohamac̄ to jiro p̄ mehneta ã nino nica. Ñ̄ jiro Cohamac̄ mehneta ã nino nica. Tiro sehe tó macariro jira. Ñ̄ jia m̄sa buhea sehe tó wahaerara.

²³ ‘M̄sa judio masare buheina, fariseo curua macaina c̄h̄ ñ̄ano ȳhd̄nahca. Mah̄nopeina jira m̄sa. Moa yoaro sehe jiare ch̄are coach̄ yoare c̄jana mahanoc̄a wamana m̄sa. Cohamac̄re ño payona tana sacerdoteare wamana m̄sa. Mahanoc̄a wamana m̄sa. Menta, anis, comina wama tia coach̄ yoare wamana m̄sa. Ñ̄ wapanah̄ta noare yoerara m̄sa. Tuhs̄, masare p̄ja ñ̄erara m̄sa. Ñ̄ yoa Cohamac̄re wac̄ tuaerara m̄sa. Toaa dichare m̄sa narire mahanoc̄a sacerdoteare m̄sa wach̄ noa nina. Ñ̄ wana õ sehe yoa namoga: Noare yoaga. Ñ̄ yoa p̄ja ñ̄ga masare. Tuhs̄, Cohamac̄re wac̄ tuaga. ²⁴ Capari ñ̄eraina ti capari ñ̄eraro seheta masieraina jira m̄sa. Õ sehe yoara m̄sa: M̄sa ya dutiare yoa dutina, wiho jia waro dutiare yoara m̄sa. Ñ̄ yoapanahta Cohamac̄ to pototi to dutia warore

yoerara m̄sa.

²⁵ ‘M̄sa judio masare buheina, fariseo curua macaina c̄h̄ ñ̄ano ȳhd̄nahca m̄sa. Mah̄nopeina jira m̄sa. M̄sa waparire, m̄sa sihnia wahwarire bui m̄sa cosaro seheta noare yoa ñ̄omana m̄sa buic̄a warohna. Ñ̄ yoapanahta Cohamac̄ yare quih̄no yoerara m̄sa. Paina yare maina, m̄sa basi dihta buj̄are na duaina jina, ã dihta t̄hotura m̄sa. ²⁶ Capari ñ̄eraina ti ñ̄ masieraro seheta masieraina jira m̄sa fariseo curua macaina. Ñ̄aare m̄sa t̄hotuare cohtotaga. M̄sa ã yoana masa ti ñ̄rocaroi noaina jinahca m̄sa.

²⁷ ‘M̄sa judio masare buheina, fariseo curua macaina c̄h̄ ñ̄ano ȳhd̄nahca. Mah̄nopeina jira m̄sa. Masa copa, yehsea mehne ti wis̄ori copa yoaro sehe jira m̄sa. Masa tí copare ti ñ̄uch̄ noari copa bajura. To ã bajupach̄ta, puhicha macariro baarirore, to coh̄arine, ñ̄aare ñ̄erara tina. ²⁸ Tó seheta m̄sa c̄h̄ masa ti ñ̄rocaroi noaina sehe bajumana m̄sa. Ñ̄ noaina sehe bajuina m̄sa jipach̄ta m̄sa t̄hotuap̄ ñ̄aa, mah̄noa ji ȳhd̄ara yariaina yoaro seheta — ni yahure Jesu.

Judio masare buheina, fariseo curua macaina c̄h̄re to buhiri dahretore yahuha Jesu

²⁹ Ñ̄ ni tuhs̄ õ sehe ni namore tinare:

—M̄sa judio masare buheina, fariseo curua macaina c̄h̄ ñ̄ano ȳhd̄nahca. Mah̄nopeina jira m̄sa. Cohamac̄ yare yahu m̄htaina cjiri panop̄ macaina ti masa coparire noano cahnomana m̄sa. Tuhs̄, noano yoaina cjiri ti masa coparire noano cahnomana m̄sa. ³⁰ Ñ̄ yoana õ sehe nirucumana m̄sa: “Panop̄re s̄ ñ̄uch̄suma cjiri ti yoariro sehe s̄ sehe yoeraboa. Tí p̄jap̄ j̄inare Cohamac̄ yare yahu m̄htaina cjirire s̄ waj̄eraboa”, nirucumana m̄sa. ³¹ Ñ̄ nina m̄sa ñ̄uch̄suma cjiri Cohamac̄ yare yahu m̄htainare waj̄arina cjiri ti jiri cjirire bajuro

wana nica. Tinare wajārina cjiri panamana ji turiaina m_{usa} jia cāhure bajuro wana nica m_{usa}. ³² M_{usa} ñ_hch_suma cjiri ti yoariro seheta yoa sohtori tiwahnoga.

³³ 'Agāa ñ_ima tiina yoaro sehe ñ_{abi}aina jira m_{usa}. M_{usa} ñ_{aa} t_hhotumari cjirire cohtota duaerana Cohamac_u m_{usa} ñ_{aa} buhirire pichacap_u m_sare to cohāhto pano duhti masierara m_{usa}. ³⁴ Ā jii m_sare niita nija. Cohamac_u yare yahu m_htainare, paina noano masiinare, paina m_sare buhehtinare m_{usa} cahai warocaihtja. Y_u ã warocach_u m_{usa} sehe cāina tinare wajānahca. Painare crusap_u c_jā puhanahca. Painare m_{usa} buhea w_husep_u tjananahca. Ā yoana macaripep_u tinare ñ_{ano} yoa, m_uroca n_un_u tinahca m_{usa}. ³⁵ M_{usa} ã yoana jipihtina ñ_{aa} marieinare m_{usa} wajāri buhiri buhiri tinahca. Noariro Abe cjiroro Caī to wajāri buhiri jipihtina m_{usa} cāh_u buhiri tinahca. Jipihtina to baharo jiiinare noinare ti wajāri buhiri cāhure buhiri tinahca m_{usa} cāh_u. Ā yoa Cohamac_u w_hu cahai wahiquinare ti wari mesa cahai Zacariare wajāre tina. Tiro sehe Berequias mac_uno jire. Ā jina Zacaria cāhure ti wajāri buhiri buhiri tinahca m_{usa} cāh_u. ³⁶ Potocā m_sare yahuita nija. Tina jipihtinare ti wajāri buhiri mip_u macaina cāh_u m_{usa} buhiri tinahca –ni yahure Jesu.

Jerusalē macainare tuaro cahīha Jesu

(Lc 13.34-35)

³⁷ Ā ni tuhs_u ò sehe ni namore:

–Cue, Jerusalē macaina, Cohamac_u yare yahu m_htaina cjirire wajārina jira m_{usa}. M_{usa} coyea panop_u macaina cjiri cāh_u āta yorina cjiri jiha. Ā yoa m_{usa} cahai to warocaina cjirire tāa mehne doca wajārina jira m_{usa}. Caracacoro to pohnare to c_jā m_ua d_up_uri mehne to moha coāno seheta pay_u tahari cahīrucumahi m_sare. M_sare cahmamahi. M_{usa} sehe yahure ne

cahmaerare. ³⁸ Mip_ure m_{usa} ya maca cohāri maca cjiro jirohca. ³⁹ Potocā m_sare niita nija. Baharop_u taihtja y_uh_u. Ā y_u tach_u ñ_una m_{usa} y_uhure “Cohamac_u tuaa mehne tariro noano tajaro”, ninahca. Y_uhure m_{usa} tíre nihto pano y_u tjua tahto pano pari turi y_uhure ñ_usi m_{usa} –nire Jesu tinare.

24

“Cohamac_u w_hh_u cohāri w_hh_u jirohca”, niha Jesu

(Mr 13.1-2; Lc 21.5-6)

¹ Ā yoa Cohamac_u w_hh_u jiriro Jesu to wijaa wihich_u sã to buheina tí w_hhure tí w_hh_u cahai jia w_hhuse cāhure ñ_una:

–Ahri w_hhuse jira. Ñ_uga m_hh_u cāh_u –nii sã tirore.

² Jesu ò sehe ni y_uhtire:

–Ahri w_hh_usere mip_ure ñ_umana m_{usa}. M_sare yahuita nija. Ahri w_hh_usere jipihtia m_{usa} ñ_uri cjiri ahri w_hhuse macaa tāa cāh_u cohō pihtia wahaahca. Ne cūria tāca tjuasi –nire tiro säre.

Pihtiri dacho cjihtore yahuha Jesu

(Mr 13.3-23; Lc 21.7-24; 17.22-24)

³ Baharo Olivo wama tid_u t_uc_up_u s_u, tóp_u dujire Jesu. Tóti to dujich_u sã to buheina sã sahsero tiro cahap_u s_u, ò sehe ni sinitu ñ_uhi:

–Yahuga säre. ¿Dohse jich_u ã waharohcari m_u niriro sehe waharo? ¿Pihtiri dacho panocāre to jich_u cāhure, m_u tjua tahto cāhure dohse to waha d_ucach_u ñ_unahcari sã? –ni sinitu ñ_uhi sã.

⁴ Jesu ò sehe ni y_uhtire:

–Noano yoaga m_{usa}. M_sare paina ti mahñoare t_hhoena tjiga.

⁵ Pay_u masa “Cristo jija y_uh_u”, ni mahñoina taahca. Ti ã mahñoch_u t_hhoa pay_u masa Cohamac_u yare duhuahca. ⁶ M_{usa} cahacāi masa paina ti cahma wajāch_u t_hhonahca m_{usa}. Tuhs_u, yoarop_u cāhure ti cahma wajāch_u t_hhorocanahca m_{usa}.

Ā t_hhopanahta ne tíre pjíro t_hhotuena tjiga. Ā waharohca. Ti ã yoach_u pihtiri dacho cjihto d_uhsasininohca

mini. ⁷ Tí pjare cū yahpa macaina pa yahpa macaina mehne cahma wajāahca. Ā yoa cūiro puhtoro yaina paio puhtoro yaina mehne cahma wajāahca. Tuhsu, payu masa juca mehne yariaahca. Ā yoa dohatia payu jiahca. Tuhsu, pjaró yahpa űuhminohca. ⁸ To ā wahachu ahri yahpa macainare ti űano yuhdu namohto duhsasinina mini. űano yuhdusiniahca.

⁹ Tí pjare paina musare űaha, űano yoa dutia waahcu musare paina puhtoapure. Ti ā wachu musare wajāahca. Yu yaina musa jiri buhiri jipihtina musare űu tuhtiahca. ¹⁰ Tí pjare payu yu yaina jimarina cjiri yuhure cohāahca. Ā jia tina mehne macainare tina űu tuhtiahca. Ā yoaa tina mehne macaina ti jipachuta tinare űano yoahtinare waahca tina. ¹¹ Tí pjare payu “Cohamacu yare yahu muhtaina jija”, ni mahűoina jiahca. Ā jia payu masa ti mahűoare tuhoahca. ¹² Tí pjare űabiaro yoaaahca masa. Ā yoaa tina mehne macainare cahĩ namosi. ¹³ Ā jina musa tuaina jina, ahri yahpai musa catisinino puro cūno pjarucuna, yuhduahca musa. ¹⁴ Tuhsu, ahri noaa buhea jipihtiropu ahri yahpapure ti yahua buhea jiahca. Puhtoro Cohamacu to suho jiare yahuri buheare ti yahu siteri jiahca, jipihtina tí buheare ti masihto sehe. Ti ā yahuri baharo pihtiri dacho ducarohca.

¹⁵ Cohamacu yare yahu muhtariro Daniel cjiro panopu macariro űabiarore Cohamacu yare űano yoarore yahua tiha panopure. Tí pjare tiro űariro sehe Cohamacu wuhuru to ducuchu űunahca musa. Ahri yu nirire noano masiga musa. ¹⁶ Tóí to ducuchu űua, Judea yahpapu jiina sehe tuycu cahapu maroca duhtijaro. ¹⁷ Soaro mehne maroca duhtijaro. Tí pjare ti wuhuseri bui macaa waparipu jiina wuhu puhichapu jiare ti yare na wahaea tjjaro ti waha bahrañohto sehe. ¹⁸ Tuhsu, tí pjare paina ti weseripu

jiina ti bui macaa suhti wuhuru jia suhtire na wahaea tjjaro ti waha bahrañohto sehe. ¹⁹ Tí pjare nijipocosanumia, ti pohnare pu numia cūhu pjacuro wahaahca. ²⁰ Ā jina Cohamacu o sehe ni siniga: “Puhiro jichu judio masa sã soa numuri jichu cūhure sã muroca duhtihiti dacho jiero tjjaro”, ni siniga musa Cohamacu. ²¹ Tí dachorire masa nu űano wahaahca. Ahri yahpare to bajuamehneri baharo masa űano ti yuhdu jisia tiha. Ti ā jipachuta jipihtia tí puria yuhdoro pihtiri dacho panocã űabiaro yuhduahca masa. Ā űano ti yuhdu baharo pari turi tó sehe űabiaro yuhdu si ahri yahpai juna. ²² Cohamacu tí dachorire mahaa dachoricã jisnichu yoarohca. To ā yoerachu ne cūiro masno yuhdueraboca. Ā jiro to beserina ti yuhduhti cjihtire mahaa dachoricã ā cūsininohca Cohamacu.

²³ Tí pjare paina musare “űuga. Ōi jira Cristo”, ti nichu tinare tuhoena tjiga. “Tóí jira Cristo”, ti nichu tinare tuhoena tjiga. ²⁴ “Cristo jija”, ni mahűoina, “Cohamacu yare yahu muhtaina jija”, ni mahűoina jiahca tí pjare. Ā jia Cohamacu to beserinare mahűoa, tina bajuamehneare yoa űoahca. Ti ā yoa űochu űua, Cohamacu yaina caina tinare tuhoa “Potocã tjira” nia, Cohamacu yare pa tehe nia duhuboca. ²⁵ Ahri jipihtiare musare yahuyuja musare to ā wahahto pano. Ā jina tuhoga musa. ²⁶ Paina masa musare “űuga. Masa marienopu jira Cristo”, ti nichu tópre űuna wahaena tjiga. Ā yoa tina “Ōi ahri tahti pocai jira tiro”, ti nichu tinare tuhoena tjiga. ²⁷ Yuhu masno Cohamacu warocariro wacūenoca tjua taihtja. Oroca sitero manore sũ mja taropu, sũ sanopu wacūenoca to oroca siterocaró seheta wacūenoca tjua taihtja yuhu. ²⁸ Yucaare mari űuna, yariariro to pjacu cjiro jichu mari noano masinahca. (Tó seheta ahri musare yu yahuyurire musa űuna noano masinahca ahri yahpapu

y_u tjua tahto mahanocã to d_uhsach_u cãh_ure) —ni yahure Jesu.

Cristo ahri yahpap_u to tjua tahtore yahuha tiro

(Mr 13.24-37; Lc 21.25-33; 17.26-30, 34-36)

²⁹ Æ yahu tuhs_uro tinare õ sehe ni yahu namore:

—Tí dachori masa ti ñano y_uhd_ua dachori baharo s_u dacho macariro, ñami macariro cãh_u buhria duhua wahaahca. Ti ã wahach_u ñahpichoha poca m_uanop_u jia poca boraahca. Tuhs_u, m_uano macaa yahpari tuaro ñuhmiahca. ³⁰ Tí pjata y_uh_u mas_uno Cohamac_u warocariro m_uanop_u y_u bajuamehnenore y_u ñoch_u ñahca masa. Æ ñ_ua jipihtia curuari macaina tiiahca. Tuhs_u, y_u tuaa mehne, y_u si sitea mehne m_uano macaa me bui ahri yahpap_ure y_u tjua tach_u ñahca tina. ³¹ Corneta bisiro coa tarohca. To ã coa tach_u y_u yaina anjoare jipihtirop_u ahri yahpap_u warocaihtja. Tuhs_u, jipihtirop_u y_u yaina y_u beserinare tina naahca.

³² Mip_ure higueraç_ure t_uhotuga m_usa. T_u q_uiti mehne m_usare piti dahre buheihtja. T_u yuc_uç_u p_uri tich_u ñ_una, cãhma mahanocã to d_uhsach_u masina m_usa. ³³ Tó seheta ahri jipih-tia y_u niri cjirire ti ã wahach_u ñ_una, y_u tjua tahto mahanocã to d_uhsach_u masinahca m_usa. ³⁴ Potocã niita nija m_usare. Tí pja macaina ti yariahto pano jipihtia y_u niriro seheta ã waharohca. M_uano, ahri yahpa cãh_u pihtia wahaahca. ³⁵ M_uano cãh_u ahri yahpa cãh_u pihtia wahaahca. Y_u durucua sehe ne cohtotasi. Jipihtia y_u niriro seheta ã waha sohtori tiarohca.

³⁶ Tí dachore y_u tjua tahti dachore, tí ora cãh_ure masieraja y_uh_u. Anjoa cãh_u tíre masierara. Masa cãh_u masierara. Y_u P_uç_u dihta tíre masina.

³⁷ Noé to jiri pja macaina ti jiriro seheta ahri yahpap_u y_u tjua tahto panocãre tó seheta jiahca masa.

³⁸ Yahpa to minihto pano masa ch_u, sihni, yoaha. Tuhs_u, m_ua, numiare namo tiha. Noé cãh_u ti

dohoriap_u ti samuhto pano ã yoaa timaha masa. ³⁹ Dóih_uta tuaro corota, wac_uenoca yahpa minia wahaha. Masa cãh_u mini pihtia wahaha. Wac_uenoca to miniriro seheta y_uh_u mas_uno Cohamac_u warocariro ahri yahpap_ure wac_uenoca tjua taihtja. ⁴⁰ Tí pjare wesep_u p_uaro dahraina ti jich_u cãiro y_uh_ure cahmarirore naaihca. Æ yoaa y_uh_ure cahmaerariro tóitjuarohca. ⁴¹ Tí pjare p_uaro numia cãnoi ti yore ar_uea numia jich_u cãcoro y_uh_ure cahmaricorore naaihca. Æ yoaa y_uh_ure cahmaeraricoro tóih_uta tjuarohca.

⁴² Noano wac_u masi cohtaga. Y_uh_u m_usa p_uhtoro, y_u tjua tahti dachore ne masierara m_usa. ⁴³ Ahrire wac_uga m_usa. Yacariro to w_uh_up_u to sãa yacahto panore w_uh_u p_uro masino, tí ñamine tiro car_ueraboa, yacarirore cohtaro taro. Æ yoaa yacarirore to w_uh_up_u sãa dutieraboa. Y_uh_u yacariro to wac_uenoca to tariro seheta wac_uenoca taihtja. ⁴⁴ Æ jina y_u yare ã yoarucuna y_uh_ure cohtaga. Y_uh_u mas_uno Cohamac_u warocariro ahri yahpap_u tjua tai wac_uenoca taihtja —nire Jesu.

Dahra cohtariro to p_uhtoro ño payorirore, ño payoerariro cãh_ure yahuha

(Lc 12.41-48)

⁴⁵ Æ yoaa Jesu to t_uhotua mehne õ sehe ni piti dahre buhe namore tjoo:

—Dahra cohtariro to p_uhtoro ño payoriro t_uho masiriro jira. To ã jich_u ñ_uno paina dahra cohtaina bui c_una tirore to p_uhtoro sehe waharo taro. Æ tirore c_u tuhs_u wahaahca wahara p_uhtoro. To ã wahach_u ñ_uno, ch_uri pja jich_u dahra cohtariro painare ch_uare witira. ⁴⁶ Baharo p_uhtoro to ya w_uh_ui tju wihira. To tju wihich_u ñ_uno dahra cohtariro sehe to p_uhtoro to dutiriro seheta yoaa pah_uñoriro jiro, wahcheriro jirohca. ⁴⁷ Potocã m_usare niita nija. To ã noano dahrach_u ñ_uno to p_uhtoro jipih-tia to yare ñ_u wihbohtiro c_unohca tirore. ⁴⁸⁻⁴⁹ Wiho mejeta ñariro

dahra cohtariro sehe “Yu puhtoro so bajuerara” nino, paina dahra cohtainare cjãpe, pjíro chu, sihni, cahaina mehne caharohca. ⁵⁰ Baharo to puhtoro wacũenoca tjua tarohca. Tí dachore ne masierara dahra cohtariro. ⁵¹ Puhtoro sehe tjua taro ñariro to yoarire tuhoro, tireore tuaro buhiri dahrerohca. Ñ buhiri dahrero, masa ti baharo buhusehei ñano yoa cohtaina ti waharopu cohãnohca tireore. Tópure tiro tuaro tii, cahyaro mehne bahca dihorohca –ni yahure Jesu.

25

Diez nuhmia quti mehne buheha Jesu

¹ Ñ yoa Jesu pari turi to tuhotua mehne õ sehe ni piti dahre buhe namore tjoa:

–Mũano macariro masa bui puhtoro to suho jia ahri quti yoaro sehe jira: Diez nuhmia jiha. Cũ ñami tina ti sihãa poca mehne wamomaca duhtehtirore piti bocaahahaha. ² Tina mehne macaa numia cinco numia tuho masiera numia jiha. Paye numia sehe cinco numia tuho masia numia jiha. ³ Tuho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtichu ti pioborire naaeraha. ⁴ Tuho masia numia sehe ti sihãa poca se posa tia pocare naaha. Paye se poca cãhure naaha. ⁵ Ñ jia wamomaca duhtehtiro to bajuerachu tí numiare wajo purichu carãwahahaha. ⁶ Ñ ti carĩni baharo ñami dacho macai sañurucuro coa taha: “Tuhoga. Wamomaca duhtehtiro taro coa tara. Tireore piti bocanataga”, ni sañurucuro coa taha. ⁷ To ñ nino coa tachu tuhoa tí numia wahcã, ti sihãa pocare cahnoha. ⁸ Ñ yoa tuho masiera numia sehe paye numia tuho masia numiare õ sehe niha: “Sã sihãa poca yatia nina. Ñ jina mahanocã masa ya sere waga sãre”, ni sinimaha tí numia. ⁹ Tí ñ sinipachuta tuho masia numia õ sehe ni yuhtiha: “Sã ya se mari

jipihtinare mu sãeraboca. Ñ jina se cjuainare masa basi nuchuna wahaga”, ni yuhtiha tuho masia numia sehe. ¹⁰ Tí ñ nichu tuhoa, tuho masiera numia sere nuchua wahaha. Tí ñ wahari baharo wamomaca duhtehtiro wihaha. Ñ to wihichu ñua ti yare cahno tuhsuri numia tuho masia numia tireore piti bocaahahaha. Piti boca, to wamomaca duhteri bose numupu tiro mehne ñua wahahaha. Tuhsu, bose numure ti yoari wãhupũ paina mehne tí numia ti sãari baharo, sopacare bihanocaha. ¹¹ Baharopu tuho masiera numia sehe wihimaha. “Puhtoro, sãre pjõohga”, nimaha tí numia. ¹² “Potocã masare niita nija. Masare masieraja yãhũ”, niha tiro tí numiare.

¹³ Ñ jina tuho masia numia ti yare ti noano cahno tuhsu ti cohtariro seheta yu tahtore noano cohtaga masa cãhu. Yu tjua tahti dachore tí hora cãhure ne masierara masa –ni yahure Jesu.

Niñeru turi uru turi quitire yahuha Jesu

¹⁴ Ñ ni yahu tuhsu to tuhotua mehne õ sehe ni piti dahre buhe namore tjoa:

–Tí pja yu tjua tahti pja ahri quti yoaro sehe jirohca. Wãhu puro jiha. Tiro pa sehẽpu tinino waharo taro, tireore dahra cohtainare pjirocaha. Ñ yoaro tinare to yare cohta dutiha.

¹⁵ Ñ cohta dutiro ti wihbo masino puro tinare niñeru turire waha. Cũirore cinco turi wapa bujua turi uru turire waha. Pairore puã tu waha. Pairore cã tu waha. Tinare wa tuhsu, wahaahahaha. ¹⁶ Ñ yoa cinco turi to wariro dóihta to wahari baharota tí turi mehne paye barore nuchaha. To nuchãrere painare duaha. To duari wapa diez turi waro wapataha tiro. Ñ jiro diez turi cjuaha. ¹⁷ Ñ yoa puã tu to wariro dóihta to wahari baharota tí turi mehne paye barore nuchaha. To nuchãrere painare duaha. To duari wapa pititia turi waro wapataha tiro. Ñ jiro pititia turi cjuaha. ¹⁸ Cũ tũre to

wariro sehe copa saha, tí tare yaha, tí coparɯ nɯono.

19 Yoari pja baharo ti pɯhtoro wihiha. Ā wihiro to niñeru tɯri mehne ti ñaha namorire quihõno taro tirore dahra cohtainare pjirocaha. 20 Ā to pirocachɯ cinco tɯri to wariro cjiro to pɯhtoro caharɯ sɯ, diez tɯri wiaha tirore. “Cinco tɯri yɯhɯre ware mɯhɯ. Ñɯjɯta. Tí tɯri mehne paye cinco tɯrire ñaha namohi”, niha tirore. 21 “Noano yoari jire mɯhɯ. Mɯhɯ noariro, yɯ dutiriro seheta yoariro jira. Mahanocã mehne noano yoare mɯhɯ. Ā jicɯ mipɯre mɯhɯre pjiro mɯ dahrahtore cɯihtja. Ā jicɯ yɯhɯ mehne wahchega mɯhɯ”, niha to pɯhtoro. 22 Ā yoa pɯa tare nariro cjiro to pɯhtoro caharɯ sɯ, yahuha tirore: “Pɯa tɯ yɯhɯre ware mɯhɯ. Ñɯjɯta. Tí tɯri mehne paye tɯri pɯa tɯ ñaha namohi”, niha tiro. 23 “Noano yoari jire mɯhɯ. Mɯhɯ noariro, yɯ dutiriro sehe yoariro jira. Mahanocãre noano yoare mɯhɯ. Ā jicɯ mipɯre pjiro mɯ dahrahtore cɯihtja. Ā jicɯ yɯhɯ mehne wahchega mɯhɯ”, niha to pɯhtoro. 24 Ā yoa cɯ tare nariro cjiro to pɯhtoro caharɯ sɯ, yahuha tirore: “Pɯhtoro, mɯhɯ paina sehere tuaro dahra dutiriro jira. Ā tuaro dahra dutiriro jicɯ toaa maerariro jipaihta tí dichare mɯhɯ nana. 25 Mɯ ã jiriro jichɯ mɯhɯre cuihi. Ā cuicɯ copa saha, tí coparɯ mɯ niñeru tare nɯohi. Ñɯjɯta. Ōi jira mɯ niñeru tɯ”, niha tiro. 26 To pɯhtoro to ã nichɯ tɯhoro tirore õ sehe niha: “Mɯhɯ ñariro, capa bɯjɯriro jira. Yɯ toaa maerariro jipaihta tí dichare yɯ nariro jichɯ masina mɯhɯ. 27 Yɯ ã jiriro jichɯ ñɯcɯ ya tare niñeru wihbori wɯhɯpɯ wihboboa mɯhɯ. Mɯ ã wihbochɯ tina tí tare wiaarɯ paye niñeru wa namoboa tina”, niha pɯhtoro tirore. 28 Ā nino paina tirore dahra cohtainare dutiha tiro: “Niñeru tare maga tirore. Diez tɯrire cɯariro sehere waga. 29 Cɯainare wa namoihtja. Ā jia

pjiro cɯaaahca. Cɯaeraina sehere mahanocã ti cɯapachɯta tíre maihtja. 30 Ahriro dahra cohtariro yaba cjihti jierara. Nahitianopɯ ñanopɯ cohãnocahga tirore. Tópɯ tiro tuaro tii, cahyaro mehne bahca dihorohca”, niha pɯhtoro –ni yahure Jesu.

Buhiri dahrehtore yahuha Jesu

31 Ā yoa Jesu õ sehe ni yahu namore:

–Yɯhɯ masɯno Cohamacɯ waro-cariro jipihtina anjoa mehne pɯhtoro jicɯ tacɯ, yɯ pɯhtoro dujiropɯ yɯ si sitea mehne dujiicɯ. 32 Ā yɯ dujichɯ, ahri yahpa macaina jipihtina yɯ cahai cahmachuahca. Ti ã cahmachuri baharo pɯa curua tinare tju waihtja. Ovejare ñɯ wihboriro to ovejare, to cabra cɯhɯre to tju wariro seheta masare tju wa dapoihtja. 33 Ā tju wacɯ oveja yoaro sehe jiina noainare yɯ poto bɯhɯsehei bese dapoihtja. Ā yoa cabra yoaro sehe jiinare ñainare yɯ cõ bɯhɯsehei bese dapoihtja. 34 Yɯ ã yoari baharo yɯhɯ jipihtina bui pɯhtoro sehe yɯ poto bɯhɯsehei yɯ bese dapoinare õ sehe ni yahuihtja: “Yɯ Pɯcɯ mɯsare noano yoare. Ahri yahpare bajuamehnenopɯ mɯsa ya cjihtire pɯhtoro to sɯho jirore cahno basayu tuhsɯre Cohamacɯ. Ā jina mipɯre to cahnorirɯre jina taga. 35 Yɯ jɯca baachɯ mɯsa sehe yɯhɯre chɯare ware. Yɯ ñahma yapiochɯ yɯhɯre mɯsa sihõre. Mɯsa cahai yɯ tinichɯ yɯhɯre ñɯ masierapanahta yɯhɯre noano piti bocare mɯsa. 36 Suhti maerariro yɯ jichɯ ñɯna mɯsa sehe yɯhɯre suhti sãare. Dohatiriro yɯ jichɯ mɯsa yɯhɯre ñɯna tare. Peresui yɯ jichɯ cɯhɯre yɯhɯre ñɯna tare mɯsa”, nihtja noainare. 37 Yɯ ã nichɯ tɯhoa tina yɯhɯre sinituahca: “¿Pɯhtoro dohse jichɯ mɯ jɯca baachɯ mɯhɯre chɯare wari sã? ¿Dohse jichɯ mɯ ñahma yapiochɯ mɯhɯre sihõri sã? 38 ¿Dohse jichɯ mɯhɯre ñɯ masierapanahta mɯhɯre noano piti bocari sã? ¿Dohse jichɯ suhti maerariro mɯ jichɯ mɯhɯre suhti sãari sã? 39 ¿Dohse jichɯ mɯ

dohatichu o peresui mu jichu cãhure muhure ñuna sari sã?” niahca yuhure. ⁴⁰ Ti ã ni sinituchu tuhochu yuhu puhtoro tinare yahuihtja. “Potocã musare niita nija. Ahrina yu yaina mehne macariro wiho jiriro to jipachuta, tirore musa tó sehetã yoare. ã jirirore ã yoana, yuhure yoaro sehetã yoana nire musa tinare”, ni yahuihtja.

⁴¹ Noainare yu ã ni yahuri baharo yu cõ buhusehei ducuinare yuhu jipihtina bui puhtoro õ sehe ni yahuihtja: “Cohamacu to buhiri dahrehtina jira musa. Yuhu mehne tjuæna tjiga. Pichacaru wahaga musa. Tí pichaca ne yatierara. Watino, to yaina anjoa cãhu ti jihtore tí pichacare yoare Cohamacu. ⁴² Yu juca baachu musa sehe yuhure chure waerare. Yu ñahma yapiochu musa yuhure sihõerare. ⁴³ Yuhure masierana musa yuhure piti bocaerare. ã ñnocaboare. Suhti maerariro yu jipachuta, yuhure suhti sãerare musa. Dohatiriro yu jichu peresui yu jichu cãhure ã ñnocare musa yuhure”, ni yahuihtja tinare ñainare. ⁴⁴ Yu ã nichu tuhõa tina yuhure sinituahca: “¿Puhtoro, mu juca baachu, mu ñahma yapiochu, sã masierariro mu jichu, suhti maerariro mu jichu, dohatiriro mu jichu, peresuru mu jichu dohse jichu sã sehe muhure yoadohoerari?” ni sinituahca yuhure. ⁴⁵ Ti ã ni sinituchu yuhu tinare õ sehe ni yahuihtja: “Potocã musare niita nija. Ahrina yu yaina mehne macariro wiho jirirore musa ne yoadohoerare. ã jirirore musa yoadohoerana, yuhureta ã yoana nire musa”, ni yahuihtja tinare. ⁴⁶ ã jiro tinare ã buhiri dahrerucurohca Cohamacu. Tí buhiri dahrea ne pihtisi. ã yoa, noaina sehe jipihtia dachoripe noano jirucuahca —ni yahure Jesu.

26

Sacerdotea puhtoa, judio masa bucuana mehne Jesure wajã duaha (Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sãre to buheinare õ sehe ni yahure:

² —Pu dacho baharo pascua jirohca. Tíre musa masina. Tí pjare yuhu masunore Cohamacu warocarirore ñahaahca. Ñaha tuhsu, yuhure crusaru wajãahca —nire tiro sãre.

³ ã yoa sacerdotea puhtoa, judio masa bucuana cãhu cahmachuha. Caifa sacerdotea bui puhtoro ya wuhui cahmachuha tina. ⁴ Tói cahmachu, ti mahõoa mehne Jesure ñaha ti wajãhtore cahma sãhãdua niha:

⁵ —Bose numu jichu tirore ñahaena tjijihna, “Masa suari”, nina —niha tina ti basi.

Numino me sitia se mehne Jesure pio payoha (Mr 14.3-9; Jn 12.1-8)

⁶ Tí pjare Simo cami bucu baariro cjiro ya wuhui jire Jesu. To jiri maca Betania wama tiri maca jire. ⁷ Tí wuhui to churo watoi cãcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bujua co jire. ⁸ To ã pio payochu ñuna sã Jesu buheina suahi.

—¿Dohsearo ahricoro ahri me sitia co wapa bujua ã yoa sitejari? ⁹ Tí me sitiare duaboa. ã duaro pjiro wapa naboa. ã nano tí niñerure pjacoinare waboa ahricoro —nii sã to buheina.

¹⁰ Sã ã ni suachu ñno, Jesu õ sehe ni yahure sãre:

—ã niena tjiga ticorore. Yuhure noano yoaro nina. ¹¹ Pjacoina sehe musa mehne ã jirucuahca. ã jina tina sehere musa wa masina. Yuhu sehe ahri yahpare musa mehne ã jirucusi. ¹² Yuhure ti yahto pano yu pjacure cahnoyuro, ticoro yuhure pio payore. ¹³ Potocã musare niita nija. Jipihtiro ahri yahparu noaa buheare ti yahuropu ahricoro mipare to yoirire yahuahca. Ti ã yahuchu tuhõa ticorore masa payu wacũahca —ni yahure Jesu sãre.

Juda Iscariote Jesure ñu tuhtiinare to ñohtore yahuha sacerdotea puhtoare (Mr 14.10-11; Lc 22.3-6)

¹⁴ Tí pjare cáiro sã mehne macariro Juda Iscariote sacerdotea puhtoahapũ sũha. ¹⁵ Sũ, tinare õ sehe ni sinituha:

—¿Jesure musare yũ ñochũ noho puro wapanahcari musa? —ni sinituha tinare.

To ã nichũ tina tirore treinta tũri plata tũrire waha. ¹⁶ Ti ã wari baharo Juda sehe Jesure to ñohti ñamine cohtasiniha.

Jesu to buheina mehne to chu ba-toari namũ jiha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ Bucuaerari pãore ti chuã namũri dũcari namũi sã to buheina sehe õ sehe ni sinitu ñũhi Jesure:

—¿Mari pascua macaa chuhtire noho baroi cahnoyu dutirocaijari mũhu sãre? —ni sinitu ñũhi tirore.

¹⁸ Sã ã nichũ tiro õ sehe ni yahure sãre:

—Jerusalẽpu wahaga. Tói jirirore õ sehe ni yahuga: “Marine buheriro to ñano yũhũti pja mahanocã dũhsatjiãyuhti. Pascua jichũ mũ ya wũhũi Jesu sãre to buheinare sũho chuhto jiyuhti”, ni yahuga tí wũhũ purore —ni warocare Jesu sãre.

¹⁹ To ã ni warocachũ sãre to dutirore seheta yoana, pascua jichũ sã chuhtore cahnoyui sã.

²⁰ Æ yoa tí ñamine sã mehne doce to buheina mehne chũro nire Jesu.

²¹ Sã chũro watoi tiro sãre õ sehe ni yahure:

—Potocã musare niita nija. Cáiro musa mehne macariro yũhũre ñu tuhtiinare ñonohca yũhũre —ni yahure tiro sãre.

²² To ã nichũ tuhona tuaro cahyana, tirore sinitu ñu dũcai sã cãina jipihina:

—¿Puhtoro, yũhũta jijari mũhũre ñohtiro? —ni sinitui.

²³ Sã ã ni sinituchũ tiro õ sehe ni yũhtire:

—Yũ chũri wapai yũhũ mehne soha chũrirota jira yũhũre ñu tuhtiinare

ñohtiro. ²⁴ Panopũ yũhũre ti joariro seheta yũhũ masũno Cohamacũ warocariro yariaihca. Æ jiro yũhũre ñu tuhtiinare ñoriro ñano yũhũrohca. Tiro sehe to masa bajuerachũ noa yũhũaboa. Ñano yũhũeraboa —nire Jesu.

²⁵ To ã nichũta tirore ñohtiro Juda õ sehe ni siniture:

—Buheriro, ¿mũhũre ñohtiro tjijari yũhũ? —ni siniture tiro.

Jesu õ sehe ni yũhtire:

—Ëjũ. Mũhũta jira —nire.

²⁶ Æ ni yahu tuhsũ sã to buheina mehne chũro taro nire. Æ yoa Jesu pãore na, Cohamacũre “Noana”, nire. Æ ni tuhsũ tíre nuha, sãre to buheinare witire.

—Ahrire na, chuãga. Ahri yũ pjacu jira —nire tiro.

²⁷ Æ ni tuhsũ tiro sihniri wahware na, Cohamacũre “Noana” ni, sãre ware.

—Mũsa jipihtina ahrire sihniga.

²⁸ Ahri yũ di jira. Payũ masa ti ñaa yoari buhirire cohãcũ tacũ yariaihca. Æ yariacũ yũ dire cohãihca. Cohamacũ “Mũsare yũhdoihtja”, to ni cũriro mũ sũchũ yũ ã yũ yariaro mehne to niriro sohtori tiihca. ²⁹ Mũsare niita nija. Yũ Pũcũ puhtoro to sũho jiropũ mũanopũ musa mehne wahma co vinore sihniihtja. Mari ã sihniihto pano ahri co vinore sihni namosi yũhũ —nire Jesu sãre.

³⁰ Æ jina Cohamacũre ño payo basana cũnore basa tuhsũna tũcũ Olivo wama tidũpu sui sã.

Pedro Jesure to cohãhtore yahuha Jesu

(Mr 14.26-31; Lc 22.31-34; Jn 13.36-38)

³¹ Tópu sã sũchũ Jesu sehe sãre õ sehe ni yahure:

—Micha ñami yũhũre cohã wahcãnahca musa. Æ seheta nina Cohamacũ to yare ti joari pũi yũhũre yahuro: “Ovejare ñu wihboriro yoaro sehe jirirore yũhũ Cohamacũ cohãihtja. Yũ ã cohãchũ to yaina oveja yoaro sehe jiina duhti site wahcãa wahaahca”, nina Cohamacũ to yare

ti joari p̄i. ³² Ñ yoa Cohamacu yuhare to masori baharo m̄sa pano Galileap̄u wahayuihca yuh̄u –nire tiro.

³³ To ã nichu tuhoro ò sehe nimare Pedro:

–Yuh̄u mehne macaina jipihtina m̄hure ti cohã wahcãpachuta yuh̄u sehe m̄hure ne cohãsi –nimare Pedro tirore.

³⁴ Jesu ò sehe ni yuh̄tire:

–Potocã niita nija m̄hure. Micha ñami caraca to duhto pano “Yuh̄u Jesure masieraja”, niihca m̄h̄u. Tia taha ã niihca m̄h̄u –nire tiro Pedrore.

³⁵ To ã nipachuta Pedro ò sehe ni yuh̄tire:

–M̄h̄u mehne yuh̄ure ti wajã dupachuta “Jesure masieraja”, ne nisi yuh̄u –ni yuh̄timare Pedro.

Ñ jina sã c̄hu paina to buheina Pedro to niriro seheta nimai sã Jesure.

Getsemaní wama tirop̄u Cohamacure siniha Jesu

(Mr 14.32-42; Lc 22.39-46)

³⁶ Ñ yoa Getsemaní wama tirop̄u Jesu sã to buheina mehne waha, t̄op̄u s̄u, sãre ò sehe nire:

–Õi dujiyusiniga. M̄sa õi dujiro wato soh̄o curerop̄u Cohamacure sinii wahai nija –nire tiro sãre.

³⁷ Ñ ni tuhs̄u, Pedrore, p̄aro Zebedeo pohnare tina tiarore pji wahcãre. Pji wahcã tuhs̄u, tiro tuaro cahya, ñano yajeripohna tiha. ³⁸ Ñ cahyaro tó mehne macainare to pji wahcãrinare ò sehe niha:

–Tuaru ñano yajeripohna tija yuh̄u. Yuh̄ure tuaro pur̄ino seheta tuh̄otui nija michapucacã yu yariaboro seheta. Soh̄o curero wahasinii nija. Õi tjuasiniga. Ñ yoa yu c̄no potori catiga m̄sa c̄hu –niha tiro tinare.

³⁹ Ñ ni tuhs̄u mahanocã waha namo, yahpai na tuhcuca caha s̄u, Cohamacure ò sehe niha:

–Mai, yu ñano yuh̄d̄htire yoa duac̄u yoai tja. Yu ã nipachuta yu cahmano sehe yoai tja. M̄h̄u sehe masina. M̄u cahmano seheta yoaga yuh̄ure –ni siniha tiro Cohamacure.

⁴⁰ Ñ ni tuhs̄u, tiaro to buheina cahap̄u wihimahno, car̄inare boca wihaha tiro. Ñ boca wihiro Pedrore ò sehe niha:

–¿C̄u hora waro yu c̄no potori cati masierari m̄h̄u? ⁴¹ Noano yoaga m̄sa. M̄sa m̄u s̄uro quih̄no yoa duamana m̄sa. Wiho mejeta m̄sa basi tíre bihoerara. Ñ jina Cohamacure siniga ñano m̄sa yoaer-ahto sehe –ni yahuha Jesu.

⁴² Ñ ni yahu tuhs̄u, pari turi waha, Cohamacure ò sehe ni siniha:

–Mai, yu ñano yuh̄d̄htire yoa duacu yoaga yuh̄ure. M̄u cahmano seheta yoaga –ni siniha tiro.

⁴³ Ñ ni tuhs̄u, to buheina tiaro buheina cahap̄u pari turi wihaha tjoa. Ñ wihiro car̄inaretã boca wihaha tjoa. Wujo caha yuh̄d̄aha tina. ⁴⁴ Ñ jiro tinare c̄noca, pari turi waha, Cohamacure siniha. Tó pano to niriro seheta niha tjoa. ⁴⁵ Ñ ni tuhs̄u to buheina cahap̄u wihi, tinare ò sehe niha:

–¿Car̄i, sosinina nijari m̄sa? Tó purota car̄iga m̄sa –niha tiro.

Ñ ni tuhs̄u, ò sehe ni namoha Jesu:

–Tuhosiniga. Michapucacã yuh̄u masunore Cohamacu warocaritore ñainare waahca yuh̄ure. ⁴⁶ Wahcãga. Basa wahana. Ñuga. Yuh̄ure ñu tuhtinare ñohtiro òi tara –niha tiro.

Jesure ñu tuhtiina tirore peresu yoaha

(Mr 14.43-50; Lc 22.47-53; Jn 18.2-11)

⁴⁷ To ã ñino watoi sã mehne macariro cjiro Juda sehe wihire. Tiro mehne masa payu wihire. Tina sacerdotia p̄htoa, judio masa buc̄na c̄hu ti warocarina jire. Ñosaa p̄j̄nine, yucu siri c̄hure c̄j̄are. ⁴⁸ Wahmanore Jesure ñu tuhtinare ñohtiro masare ò sehe ni yahu quih̄o tuhs̄u:

–Yu wahsupu wihmirirota jirohca m̄sa ñahahtiro. Tirore yu wihmiri baharo ñahaga tirore –niha Juda tinare.

⁴⁹ To ã ni tuhs̄u baharo wihiro, Jesu cahap̄u dói waha bahrañore.

—Buheriro, ¿jimajari m̄h̄u? —ni tirore wahsupu wihmire.

⁵⁰ To ã wihmich̄u Jesu õ sehe nire:

—Coyeiro, ¿michapucacã m̄u yoa duarire yoaga? —nire tiro.

To ã ni tuhs̄uch̄u tina Jesure ñahare.

⁵¹ Ti ã yoach̄u ñ̄no Jesu mehne macariro to ñosari pj̄ine t̄ãwe na, sacerdotea bui p̄h̄toro cahamac̄unore to cahmonore d̄ute pahr̄enocare. ⁵² To ã yoach̄u ñ̄no Jesu tirore õ sehe ni yahure:

—M̄u ñosari pj̄ine wihboga. Painare m̄u ñosach̄u ti ñosa cahmach̄u yari-aihca m̄h̄u. ⁵³ Ȳu P̄uc̄ure ȳuh̄ure ȳu yoadoho dutich̄u tiro sehe paȳu anjoare doce curuarire ȳu cahai warocaboia tiro. ¿T̄ire masierajari m̄h̄u? ⁵⁴ ã yoadohoboriro to jipach̄uta tirore ȳuh̄ure yoadoho dutisi ȳuh̄u. Ȳu ã dutierach̄u Cohamac̄u yare ti joari p̄ũ to niriro seheta ã waharohca —nire tiro.

⁵⁵ ã ni tuhs̄u masare õ sehe ni yahure tiro:

—¿Dohse jiro baro m̄usa ñosaa pj̄ini mehne, yuc̄u tiri mehne yacarirore ti yoariro seheta m̄usa ȳuh̄ure ñahana tajari? Dachoripe Cohamac̄u w̄uh̄up̄u m̄usare ȳu buhe dujich̄u, m̄usa ȳuh̄ure ne ñahaerare. ⁵⁶ ã jipach̄uta ahri jip-ih̄tia ã waharo cahmana Cohamac̄u yare yahu m̄h̄taina cjiri ti ni joariro seheta —nire Jesu.

Tirore ti ã ñahach̄u ñ̄na sã to buheina tirore cohã m̄uroca wahcãa wahai sã.

Judio masa p̄h̄toa Jesure sinituha
(Mr 14.53-65; Lc 22.54-55, 63-71; Jn 18.12-14, 19-24)

⁵⁷ ã yoa tirore ñaharina cjiri sacerdotea bui p̄h̄toro Caifa wama tirore ya w̄uh̄up̄u na s̄uha tirore. Tí w̄uh̄ihta marine judio masare buheina, b̄uc̄na c̄h̄u cahmachuha.

⁵⁸ Tó̄p̄u Jesure ti naach̄u Pedro yoarop̄u tinare ñ̄u n̄n̄u tiha. ã n̄n̄u tiro Caifa ya w̄uh̄ure d̄ucatarisahr̄ĩnore s̄u, tí sahr̄ĩno puhichap̄u sãa wahaha. Sãa s̄u, tí w̄uh̄ure cohtaina surara mehne dujiha. Jesure ti dohse yoach̄u ñ̄no taro niha.

⁵⁹ ã jia sacerdotea p̄h̄toa, mari coyea judio masa b̄uc̄na, paina p̄h̄toa mehne Jesure wajã duti duaa, tiro to quihõno yoarerare ti yahusãhtire wac̄u macamaha.

⁶⁰ Wiho mejeta t̄ire bocaeraha. To quihõno yoerari mariapach̄uta, paȳu masa tirore ti cahmano yahusãmacanocaha. ã jia p̄aro ti baharo macaina tirore ⁶¹ õ sehe ni yahusãha tjoa:

—Ahr̄iro õ sehe nire: “Cohamac̄u w̄uh̄ure cohã masija. ã cohãc̄u tia n̄m̄u wahaboroi tí w̄uh̄ure pari turi yoaihtja”, to nich̄u t̄uhohi sã —ni yahusãmacanocaha Jesure.

⁶² Ti ã niri baharo sacerdotea bui p̄h̄toro wahc̄ar̄uc̄u s̄u, Jesure õ sehe ni sinituha:

—¿Ahr̄ina m̄uh̄ure ti yahusãpach̄uta tinare ȳhti cahmaerajari m̄h̄u? ¿M̄uh̄ure ti yahusãr̄ire dohse ni ȳhti cahmajari m̄h̄u? —niha p̄h̄toro.

⁶³ To ã nich̄u t̄uhoparota Jesu ãta t̄uhotunocaha. To ã ȳhtierach̄u ñ̄no sacerdotea bui p̄h̄toro pari turi sinituha tjoa:

—Cohamac̄u catiriro wama mehne potocã niga m̄h̄u. M̄u ã nierach̄u tiro m̄uh̄ure buhiri dahrerohca. Yahuga sãre. ¿Cristo Cohamac̄u mac̄nota jijiari m̄h̄u? —ni sinituha tjoa.

⁶⁴ To ã nich̄up̄uta Jesu õ sehe ni ȳhtiha:

—Tirota jija. M̄usare potocã yahuita nija. Baharo ȳh̄u mas̄no Cohamac̄u warocariro ȳu P̄uc̄u jip-ih̄tina bui tuariro cahap̄u to poto b̄uh̄usehep̄u ȳu dujich̄u ñ̄nahca m̄usa. ã yoa m̄ano macaa me bui ȳu tach̄u c̄h̄ure ñ̄nahca m̄usa —ni ȳhtiha Jesu.

⁶⁵ To ã nich̄u t̄uhoro sacerdotea bui p̄h̄toro, to basi to sãari suhtirore t̄uhr̄enocaha painare “Sua ȳh̄duara”, ni ñ̄u masi dutiro. ã t̄uhr̄enocahno õ sehe niha:

—Cohamac̄ure pj̄iro ñ̄ano durucuro nina ahr̄iro. ã jina to ñ̄ano durucuarẽ t̄uhõ tuhs̄uja mari. ã jia tó peinata yahusãjaro ahr̄irore. Õihta to ñ̄ano durucuch̄u t̄uhõja mari. ⁶⁶ ¿Dohse

yoanahcari mari mipure ahriroro? – ni sinituha tiro paina puhtoare.

–To ñari buhiri wajānocano cahmana tirore –ni yuhtiha tina.

⁶⁷ Ti ã niri baharo to wuhdure chahcho puti sihō mija, tirore cjāpe, dota mujaha tina. ⁶⁸ Tirore cjāpe tuhsu, ò sehe nipeha tirore:

–¿Diro sehe mahure cjājari? Cristo jicu ñerapaihta yahuga säre –ni cjāpe dota mujaha tina.

“Tirore masieraja”, niha Pedro Jesure

(Mr 14.66-72; Lc 22.56-62; Jn 18.15-18, 25-27)

⁶⁹ Æ yoa tí wuhu cahai jiri wapai noari wapai Pedro sehe dujiha. To ã dujichu ñano sacerdotia bui puhtoro cahamacono tiro cahapu saro, ò sehe niha:

–Muhu cahu Jesu Galilea macariro mehne jire –niha ticoro.

⁷⁰ To ã nichu turo, Pedro ò sehe niha:

–¿Dohse nimacanocaco nijari muhu? Mu nirirore ne masieraja yuhu –niha Pedro ticorore jipihtina ti tuhorocaroi.

⁷¹ To ã niri baharo tí wapa macari sahrño sopaca cahapu wahaha Pedro. Tói to jichu pacoro cahamacono tirore ñano, tói jinare ò sehe niha:

–Jesu Nazare macariro mehne jire ahriro cahu –niha ticoro Pedroro tjoa.

⁷² To ã nichu turo Pedro ò sehe ni yuhtiha:

–Cohamacu mehne potocã nii nija. Tiro mu nirirore ne masieraja yuhu –ni yuhtiha Pedro.

⁷³ Æ yoa mahanocã baharota tói ducuina Pedro cahapu waha, tirore ò sehe niha tjoa:

–Potocã tjira. Jesu yaina mehne macariro jira muhu cahu. Tina yoaro sehetu durucura muhu –niha tina Pedroro.

⁷⁴ Ti ã nichu Pedro ò sehe ni yuhtiha:

–Potocã Cohamacu mehne nii nija musare. Yuhu potocã yu nierachu Cohamacu yuhure buhiri dahrejaro.

Tirore musa nirirore ne masieraja yuhu –ni yuhtiha tiro tinare.

To ã nichuta caraca duha. ⁷⁵ To duchu turo Jesu tirore to nirire wacuha. “Caraca to duhto pano ‘Jesure masieraja’, niha muhu. Tia taha ã niha muhu”, Jesu to niri cjirire wacuha Pedro. Æ wacuno, tí sahrño sopacare wijaa, tuaro tiha.

27

Pilato cahapu Jesure naaha (Mr 15.1; Lc 23.1-2; Jn 18.28-32)

¹ Æ yoa bohrearopu sacerdotia puhtoa, mari judio masa bucuna cahu Jesure ti wajã dutihtore cahma sarduha. ² Ti ã yoari baharo tirore duhte, Pilato cahapu naa, tirore waha Pilatoro. Pilato sehe tí yahpa macaina puhtoro jire.

Juda Iscariote yariaa wahaha

³ Æ yoa Jesure ti wajã dutichu ñano Juda sehe Jesure ñoriro tirore to ñori cjirire tuaro wacū cahyaha. Æ cahyaro treinta turo to ñahari niñeru turire wiaro waharo, sacerdotia puhtoa cahapu, bucuna cahapu su, ò sehe niha:

⁴ –Jesu musare yu ñoriro ñaa marieriro to jipachuta tina wajã dutire tirore. Æ jicu musare tirore ñocu ñano yoai nihti yuhu –ni yahua Juda tinare.

To ã ni yahuri baharo tina ò sehe ni yuhtiha:

–Æta yoawahnojaro. Säre yaba cjhiti jierara tí mu ã nia. Muhu dihta ã ni tuhotura ture –ni yuhtiha tina tirore.

⁵ Ti ã ni yuhtiri baharo Cohamacu ya wahu Juda to niñeru turire doca site cunocaha. Doca site cunoca, wahaa wahaha. Waha, yuta dare duhte yo, to basi wamhai tju suha, puroca yoja su, yariaa wahaha juna.

⁶ Æ jia sacerdotia puhtoa niñeru turire naa, ò sehe niha:

–Ahri niñerure Cohamacu wahu macari caropu niñeru wihbori caropu mari cū masieraja. Ahri niñeru mehnetu masunore wajã dutire. Æ jia

mari dutia marine tó sehe jia niñerure wihbo dutierara —niha tina ti basi.

⁷Ti ã niri baharo “Õ sehe yoajihna”, ti ni sũhduri baharo dihi biatorire yoariro ya yahpare nuchũha. Tí tũri mehne nuchũha. Pa sehe macaina ti wihi ti yariachũ ti yahti yahpa cjihtore tí yahpare nuchũha. ⁸Ã jia tí yahpare “Di yahpa” wamoare masa. Mipũ cũhũre ãta wama tira. ⁹Ahri jipihtia ã wahari jire Jeremía cjiro panopũ “Ã waharohca”, to ni joariro seheta. Tiro Cohamacũ yare yahu mũhtariro cjiro jiha. Õ sehe ni joaa tiha tiro: “Treinta niñeru tũrire plata tũrire ‘Tó purota wapanahca tirore sã ñahahtore’, niahca Israe masa. ¹⁰Ã jia tí tũri mehne dihi biatorire yoariro ya yahpare nuchũahca tina. Õ seheta yũhũre yoa dutire Cohamacũ”, ni joaa tiha Jeremía panopũ.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹Ã yoa Pilatore ti wari baharo tiro sehe Jesure õ sehe ni sinituha:

—¿Potocãta judio masa ti pũhtorota jijari mũhũ? —ni sinituha Jesure.

—Mũ nino seheta tiro tjija —ni yũhtiha Jesu.

¹²Ã ni yũhtiparota, sacerdotea pũhto, bucũna cũhũ ti yahusãchũ yũhtieraha tiro. ¹³To ã yũhtierachũ ñũno Pilato õ sehe ni sinituha:

—¿Ahri jipihtia mũhũre ti yahusãrire tũhoerajari mũhũ? —ni sinituha tiro Jesure.

¹⁴To ã ni sinitupachũta Jesu ne cũ dũsero yũhtieraha. To ã yũhtierachũ ñũno Pilato cũaa wahaha.

Jesure wajã dutiha

(Mr 15.6-20; Lc 23.13-25; Jn 18.38-19.16)

¹⁵Cũhmaripe pascuaripe masa yairo cjihtore cãiro peresupũ jirirore Pilato ã wiobasa mũjaa tiha. Masa ti wio dutirirore wiobasa mũjaa tiha. ¹⁶Tí pjare Barrabá wama tiriro peresupũ jiha. Tirore masia tiha payũ masa. ¹⁷Ã yoa ti ã cahmachuchũ Pilato sehe õ sehe ni sinituha tinare:

—¿Diro sehere mũsare wiobasabocari yũhũ? ¿O Barrabá sehere o Jesure Cristo ti nirirore wiobasabocari yũhũ? —ni sinituha tiro.

¹⁸Jesure masa ti cahĩchũ ñũa judio masa mari pũhto tirore ñũ tuhtiha. ã ñũ tuhtia tirore waha Pilatore. ã jiro masa ti cahĩri buhiri judio masa mari pũhto ti ñũ tuhtirire masino Pilato Jesure wio duamaha.

¹⁹Ã yoa Pilato masare soro sehe yoainare to beseri pahtai to dujichũ to namono tirore quiti warocaha: “Micha ñamine Jesure cahãco, tuaro ñano yũhdũhi. ã jicũ tirore ñaa marierirore ne jiape yoai tjiga mũhũ”, ni yahurocaha to namono Pilatore.

²⁰Ã jia wahmanopũre sacerdotea pũhto, bucũna cũhũ masare õ sehe ni duti tuhsũha. “Barrabá sehere wio duti, Jesu sehere wajã dutiga”, ni dutiha masare. ²¹Ã yoa Pilato masare õ sehe ni sinituha:

—¿Ahrina pũarore diro sehere mũsare wiobasabocari yũhũ? —ni sinituha.

—Barrabá sehere wiobasaga sãre —ni yũhtiha.

²²—¿Ahriro Jesu Cristo ti niriro sehere dohse yoaihcaro yũhũ mũsa ã ni sañurucuchũ? —ni sinituha tiro.

—Crusapũ cjã puha wajãga tirore —ni yũhtiha masa jipihtina.

²³—¿Yaba barore ñaare yoari ahriro mũsa ã nichũ? —ni sinitu namoha tiro. To ã nichũ tũhoa tina tuaro mehne sañurucuha:

—Crusapũ cjã puha wajãga tirore —ni sañurucuha masa tirore.

²⁴Ti ã ni sañurucuchũ tũhoro, tirore ti tũho duaerachũ ñũno “Masa sua, cahmacheboca” nino, yũhtirota õ sehe yoaha Pilato. Masa ti ñũrocaroi tiro wamo cosaha. ã wamo cosaro õ sehe niha:

—Ahrirore ñaa marierirore wajãri buhiri ya buhiri jierara. Mũsa ya buhiri jira —nino wamo cosaha.

²⁵To ã nichũ tũhoa jipihtina masa õ sehe niha:

—Ahrirore wajãri buhiri sã, sã pohna cũhũ sã ya buhiri jijaro —niha masa.

26 Ti ã nichu tuhoru Pilato Barrabáre peresupu jiriore wio dutiha masa ti cahmarirore. Æ yoa tuhsu Jesu sehere yuta dari mehne tjana duti, tirore crusapu wajã dutiro wiaha surarare.

27 To ã wiachu Pilato ya wuhapu to surara Jesure na suha. Æ yoa tina surara jipihtina Jesu cahapu cahmachuha. 28 Æ cahmachua to suhtire tjuwe na, puhtoro ya suhtiro sehe bajuri suhtirore tirore sãaha. 29 Æ sãa tuhsu, pota sorore yoa tuhsu, to dapu bui duhu payoha. Æ duhu payo tuhsu, wujucare poto buhusehe sehe dahra suhaha. Dahra suha tuhsu, na tuhcuca caha su, bujupaha tirore:

—Noano tagã. Judio masa puhtoro noano tagã —ni bujupaha tirore.

30 Æ niata tirore chahcho puti sihõ mija, ti dahra suhadu cjiore tirore tuãwe na, to dapure cjãha tu mehneta. 31 Ti ã bujuperi baharo ti sãari suhtirore tjuwe na, to ya suhti sehere sãaha tjoa. Sãa tuhsu, crusapu wajãa taa tirore na wijaaaha.

Tina Jesure crusapu cjã puha, wajãha

(Mr 15.21-32; Lc 23.26-43; Jn 19.17-27)

32 Tirore na wahcã, Simo wama tiriore Cirene macarirore piti boca, tirore Jesu to wuari crusare wua wahcã dutire.

33 Wua wahcã, Gólgota wama tiropu sure. Gólgota nino, “Dapu cohã”, nino nina. 34 Tuhsu, vinore suãa co ñimaca macaa co mehne ti morea core Jesure wamare tina. Tí core sihni ñu, sihnierare tiro.

35 Æ yoa to suhtire ti tjuwe nari baharo tirore crusapu cjã puhare tina. Æ cjã puha tuhsu, to sãa suhti cjiore ti basi cahma witia taa, “¿Noa yaro jirohcari õ?” ni masia taa, docapea poca mehne docape mājaha tina. [Æ yoa Cohamacu yare yahu muhtariro cjiro to ni joariro seheta yoa nire tina. Æ sehe ni joaa tiha tiro: “Yu suhtire ti basi naa taa, ¿Noa yaro jirohcari õ?” ni, docapea poca mehne

docape mājaha tina”, ni joaa tiha panopu.]

36 Docape tuhsu tirore ñu dujirucure tina. 37 Æ yoa Jesure “¿Yaba buhiri mehne variabocari tiro?” ti ni masihtosehe, õ sehe ni ti joa õri pjine crusapu duhu õha tina. “Ahroro Jesu judio masa bui puhtoro jiriore jira”, ni joa õre tina tí pjiru. 38 Baharo puaro yaca bucuna cãhure Jesu cahai paye crusari pjiru cjã puha dapore tina. Cãiro to poto buhusehei, paio to cõ buhusehei cjã puha dapore tina. 39 Crusari cahai yuhdu wahcãina Jesure ñu, ti dapu pocare yureroca, tirore ñano durucure:

40 —¿Cohamacu wuhure cohã, tia dacho wahaboroi pari turi tí wuhure dahrehtiro jijari muhu? Cohamacu macuno jicu mu basi dujia taga. Æ yoa mu basi yoadohoga. Æ jii yuhdu witiuhca muhu —nire masa.

41 Æta ni bujupere tirore. Sacerdotea puhtoã cãhu, marine judio masare buheina cãhu bucuna cãhu tirore ã ni bujupere:

42 —Tiro painare yuhdoriro jiparota to basi yuhdo masierara. “Israe masa puhtoro jija”, nimana tiro. Æ jina to basi to duji tachu ñuna tirore wacũ tuanhca. 43 Tiro sehe Cohamacure wacũ tuamana. Tuhsu, “Cohamacu macuno jija”, nimana tiro. To ã jiriore jichu Cohamacu sehe tirore yoadohojaro —ni bujupere tina.

44 Yaca bucuna tiro cahai ti cjã puharina cjiri cãhu tó seheta tirore bujupere, ñano ni durucure tina cãhu.

Jesu yariaa wahaha

(Mr 15.33-41; Lc 23.44-49; Jn 19.28-30)

45 Æ yoa cohari pja jichu tia hora waro jipihtiropu nahitiano jire. 46 To nahitia duhuchu waro Jesu tuaro sañurucure:

—Elí, Elí ¿lama sabactani? —nire tiro. Æ nino õ sehe nino nire: “Yu Cohamacu, yu Cohamacu, ¿dohseacu yuhure cohãri muhu?” nino nire.

47 To ã nichu tuhoa cãina tói ducuina õ sehe nimare:

—Cohamacu yare yahu mũhtariro Elia cjirore pjirocaro niboca — nimare tina.

⁴⁸ Ti ã ni tuhsu chu cãiro tina mehne macariro wihmi nari suhteru vino suẽa core soha tuhsu, na mũroca, yucucu sohtoai duhte õ, Jesure wihmi dutimare. ⁴⁹ To ã yoachu ñua paina wihmi dutirirore õ sehe nimare:

—Depusinia. Elia wihi, ahriroro to na borochu ñusinijihna mari — nimare paina.

⁵⁰ Ti ã niri baharo pari turi sañurucu, Jesu sehe yariaa wahare.

⁵¹ To ã yariachuta Cohamacu wuhu macari suhtiro, ti ducataro suhtiro dacho macai bui sehe tuhnu bora ta, tuhnu roca yoja sua wahaha. Tuhsu, yahpa cãhu ñuhmire. To ã ñuhmichu tãa bujua poca wahtia wahare. ⁵² Æ yoa masa coparire pjõochu, payu Cohamacu yaina cjiri panoru yariarina cjiri masa wijaaha. ⁵³ Masa wijaa, Jesu sehe to masa wijaari baharo tí coparire cohãnoca, noari macaru Jerusalẽru wahare tina. Tõru ti wahachu payu masa ñua tiha tinare.

⁵⁴ Æ jia yahpa to ñuhmichu ñua, payu paye ti ã wahachu ñua surara puhtoro to surara mehne cãaa wahare. Tina Jesure crusaru jirirore cohtaina jire. Cãaa waha, õ sehe nire:

—Potocã tjiri jimana. Ahriro Cohamacu macunota jiri jimana — nire tina.

⁵⁵ Æ yoa Galilearu Jesu mehne tari numia cjiri tirore yoadohori numia cjiri yoaroru tirore crusaru jirirore ñurocarucua nire. ⁵⁶ Tí numia mehne María Magdalena jire. Pacoro María wama tiricoro cãhu jire. Ticoro sehe Santiago, José cãhu pocoro jire. Pacoro Zebedeo namono jire.

Jesu pjacure masa coparu cãha José (Mr 15.42-47; Lc 23.50-56; Jn 19.38-42)

⁵⁷ Æ yoa ñamichaharu José Arimatea macariro pache puero tõi sua tiha. Tiro Jesu buheriro jire. ⁵⁸ Æ yoa Pilato caharu su, Jesu pjacure siniha. To ã sinichu tuhoro Jesu pjacure tirore wa dutiha Pilato. ⁵⁹ To ã dutiri baharo

José sehe Jesu pjacure na boro, noari suhtiro wete marieni suhtiro mehne to pjacure wahmaha. ⁶⁰ Wahma tuhsu, José to ya masa coparu siõ payoha to pjacure. Tí copa ti tãcai sahari copa wahma copa jire. Tí coparu yo sãa duhu payo tuhsu, pjiria tãcare tju turẽ wahcãha tia mehne bihoro taro. Biha tuhsu, wahaa wahaha. ⁶¹ Æ jia María Magdalena, pacoro María mehne tí copare ñu dujirucuha.

Jesure ti cãri copare surara cohtaha

⁶² Æ yoa pa dachoi, Pascua cjihtoro ti cahnorro dacho baharo, sabado jichu sacerdotea puhtoa fariseo curua macaina cãhu Pilato cahai cahmachuha. ⁶³ Cahmachu tuhsu õ sehe niha tina Pilatore:

—Puhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaa ihca yuhu”, niha tiro. ⁶⁴ To ã niriro jichu to buheina sehe to pjacure yacaboca. Æ yaca masare õ sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina jiahca tina. Æ jiro Jesu to mahñoriro yuhdoro ti ya mahñoa sehe ñaa yuhduarohca. “Æ yacari” nicu, tia dacho waro to masa copare mu surarare cohta dutiga — niha tina Pilatore.

⁶⁵ Pilato õ sehe ni yuhtiha:

—Jai. Yu yaina surara cohtajaro. Æ yoa masa cãhu masa bihoro puro tí copare noano cohtaga — niha tiro tinare.

⁶⁶ To ã nichu tina waha, tí coparu bihari tãca mehneputa ñahachuputa wihtã ñahaha masa ti sãachu ñu masia taa. Æ yoa tuhsu, surarare tí copare cohta dutiha.

28

Jesu masa wijaaha

(Mr 16.1-8; Lc 24.1-12; Jn 20.1-10)

¹ Æ yoa judio masa mari sori dacho sabado dacho sehe to yuhduri baharo domingo jichu ñami curero jichu María Magdalena, pacoro María

mehne Jesu masa copare ñua wahaha. ² Tí pjare dóihta yahpa tuaro ñuhmi bahrañoa. To ã ñuhmichu mari puhtoro to yairo anjo manopu jiriro duji ta, masa copare bihari tácare tju turēroca, tia bui dujiha. ³ Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. ⁴ To ã bajuchu tí copare cohtaina surara cui yuhduu, tetere, bui warohna yaria yuhduu wahaha. ⁵ Æ yoa tuhsu anjo sehe tí numiare õ sehe niha:

—Yuhure cuiena tjiga. Crusapu ti cã puhariro, Jesure masa macachu masija yuh. ⁶ Wiho mejeta tiro sehe mipure õre mariaha. To niriro seheteta tiro masa wijaa wahare. To pjacure ti duhu payoriro cjirore ñana taga. ⁷ Æ ñu tuhsuna to buheina cahapu ño duaro waha, õ sehe ni yahuna wahaga: “Jesu masa wijaaare. Æ jiro masa pano Galileapu tiro wahayurohca. Tõpu tirore ñunahca masa”, ni yahuna wahaga masa. Ahri yu nirire wacũga masa —niha anjo tí numiare.

⁸ To ã niri baharo tí numia masa copapu jia numia soaro mehne wijaa, tirore cuipahta wahche yuhduu mehne Jesu buheinare yahua wahaa, murocaha. ⁹ Æ wahaa numiare Jesu piti boca, õ sehe niha:

—¿Noano jimajari masa? —niha tiro.

To ã niri baharo, tina sehe tiro cahapu su, to dahporire ñaha, tirore ño payoha.

¹⁰ —Cuiena tjiga masa. Yu buheinare “Galileapu wahaga”, ni yahuna wahaga. Tõpu yuhure ñunahca tina —niha Jesu tinare.

Masa copare cohtaina surara ti ñurire yahuha

¹¹ To ã niri baharo tí numia ti waharo watoi cãina masa copare cohtaina mehne macaina surara, Jerusalẽpu sacerdotia puhtoare yahu pahñoa wahaha. Jesu to masa copapu wijaarire yahu pahñonocaha. ¹² Ti ã ni yahuchu sacerdotia puhtoa, judio masa mari bucuna mehne cahmachuha. Cahmachu, sũhduha.

Æ jia surarare mahño dutia payu niñerure wapaha.

¹³ —Õ sehe niga masa masare: “Ñami sã carĩno watoi to buheina sehe masa copapu wihi, to pjacure nanocari jire”, ni yahuga masare. ¹⁴ Mũsa ã ni yahuchu Pilato sehe masa carĩ yuhduarire tuhrocaboca. To ã tuhochu, “Mũsare tuhtiri”, nina masare yahubasanahca sã tirore —niha tina surarare.

¹⁵ Ti ã niri baharo surara sehe niñerure ñaha, tinare ti mahño dutiro seheteta masare yahua wahaha tina. Æ jia tó sehe Jesu to masa copare wijaarire yahurucura judio masa. Mipu cũhure ãta ni yahura tina.

Jesu buhe dutiro to cũrinare dutiha (Mr 16.14-18; Lc 24.36-49; Jn 20.19-23)

¹⁶ Æ yoa sã Jesu buheina once buheina tũcupu Galileai jidupu Jesu to waha dutidupu wahai sã. ¹⁷ Tõpu su, Jesure ñana, ño payoi tirore. Æ ño payoina jipanahta, sã cãina “Ahriro Cohamacu macano jieraboca”, ni tuhutumai. ¹⁸ Sã ã ño payochu tiro sehe sã cahapu wihi, õ sehe nire:

—Ahri yahpapure, manano cũhure Cohamacu jipihtinare dutiro waro jichu yoare yuhure. ¹⁹ To ã yoachu õ sehe dutija masare: Jipihtiro macainare yu yare buhena wahaga. Yu yaina ti wahahto sehe buhena wahaga. Æ yoana yu Pũcu to wama mehne, yu wama mehne, Espĩritu Santo to wama mehne tinare bautisaga. ²⁰ Æ jina masare yu dutirire ti yoa pahñohti cjihtire buhega tinare masa. Æ yoana ahri yu nihtire wacũga: Jipihtia dachoripe ahri yahpa to jiro puro masa mehne ã jirucuihca. Masa mehne yu ã jirucuhore wacũga masa —ni yahure sãre Jesu.

San Marcos

João masare bautisariro buhe dꞩcaha

(Mt 3.1-12; Lc 3.1-9, 15-17; Jn 1.19-28)

¹ Ahri tjuí Jesucristo Cohamacu macano to yoare noaa buheare yahu dꞩcaja.

² Cohamacu yare yahu mahtariro cjiro Isaia to joariro seheta ahri yahua jira. Õ sehe ni joaha tiro:

“Cohamacu to macanore õ sehe niha: ‘Mu pano mahure yahuyuhitirore warocai nija.

³ ã jiro tiro masa marienopu waharohca.

Tirote tuhoinare yahuro sañurucurohca:

“Mari puhtoro to tahto pano musa ñaa tuhutare cohtota, cahno mahtaga musa”, ni sañurucurohca’, niha Cohamacu”,

ni joaa tiha Isaia cjiro João cjihtore.

⁴ João masare bautisariro masa marienopu masare buhea tiha:

—“Sã noaina jija”, ni musa tuhutumari cjirire duhu, musa ñaa buhirire cahya, Cohamacu sehere cahmaga musa. ã jina bautisarina jiga. Musa ã yoachu ñuno Cohamacu musa ñaa buhirire borohca —ni buhea tiha tiro.

⁵ ã yoa jipihtina Judea yahpa macari macaina, Jerusalẽ macaina mehne tiro cahapu ti suchu ñuno João sehe Jordão wama tiri mapu bautisaha tinare. Tinare to bautisahto pano tina sehe ti ñaa yoarire yahu yuhduha Cohamacure.

⁶ Tiro João sehe camello pjoari suhtirore saariro wahiquiro cahsaroreta tã dihoriro jiha. Poreroare, macaroca macaina miquina mi cahure chaa tiha. ⁷ ã yoa õ sehe ni buhea tiha:

—Yu baharo yu yuhdoro tuariro tarohca. Noa yuhduariro jira tiro. Tiro yoaro sehe jieraja yuhu sehe. ã jicu tirote tuhotuch, “Wiho jiro jija

yuhu”, ni tuhotuja yuhu. ⁸ Musare bautisacu co mehne yoamahi. Tiro sehe yu yuhdoro yoarohca. Espiritu Santore musa mehne jirucuchu yoarohca —ni buhea tiha João.

João Jesure bautisaha

(Mt 3.13-17; Lc 3.21-22)

⁹ ã yoa tí pjare Jesu Nazarepu Galilea yahpai jiri macapu jiro Jordão wama tiri mapu sãha. Tõpu to suchu João bautisaha tirote. ¹⁰ To ã bautisa tuhsuchu Jesu diapu ducuriro surucu saro manano to parĩ maa wahachu ñaha tiro. To parĩ machata Espiritu Santo buja yoaro sehe Jesu bui duji pja sãha.

¹¹ To ã duji pja suchu manopu durucuro coa taha:

—Muhu yu macu yu cahiro jira. Muhu mehne tuaro wahcheja —nino coa taha manopu.

Satana ñaare yoa dutimaha Jesure

(Mt 4.1-11; Lc 4.1-13)

¹² Tí pjare Jesure masa marienopu Espiritu Santo naaha. ¹³ Tõpore saro cuarenta dachori waro jiha. Watino sehe Jesu to ñaare yoachu ñu duaro, ñaare yoa dutimaha tirote. Tuhsu, Jesu wahiquina nucu macaina mehne jiha. Tói to jichu ñaa anjoa sehe tirote yoadohoa, chure waha.

Jesu Galilea yahpai buhe dꞩcaha

(Mt 4.12-17; Lc 4.14-15)

¹⁴ ã yoa Joãoire peresupu ti biha daporu baharo Jesu sehe Galilea yahpapu noaa buheare puhtoro Cohamacu to sãho jiare yahuro wahaha.

¹⁵ Õ sehe ni yahuha:

—Mipure õ sehe jira. Puhtoro Cohamacu musare to noano sãho jihto mahanocã dũsara. ã jina “Sã noaina jija”, musa ni tuhutumari cjirire duhuga. Musa ñaa buhirire cahya, Cohamacu sehere cahmaga. Ahri noa buheare “Quihõnota jira”, ni tuhoga musa —ni buhea tiha Jesu tinare.

Jesu pititiarore wahi wajāinare
“Yuhū mehne macaina cjihti taga”,
niha

(Mt 4.18-22; Lc 5.1-11)

¹⁶ Tíre yahu tuhsū, Galilea wama tiri bucupariro duhtū cahapū sito wahcāmahno ñūha Simore, to bahuro Andre mehne. Tina wahi wajāina jiha. Ā jia ti wañuyucurire bucupariropū doca ñoa niha. ¹⁷ Ā yoa Jesu tinare ō sehe niha:

—Yuhū mehne macaina cjihti taga mūsa. Yuhū mehne mūsa tachū mūsa wahire ñaha cahmachuina mūsa jiro seheta, Cohamacū yaina cjihtire masare pji cahmachuina cjihtire mū sare wahachū yoaihtja. Yuhū mehne mūsa tachū ā yoahina cjihtire cūihtja mū sare —niha Jesu tinare.

¹⁸ To ā nichū tūhoa ti wañuyucurire cūnocaa, tiro mehne wahaa wahaha.

¹⁹ Ā yoa tina mahanocā yūhdū wahcā, Santiagore, to bahuro João mehne boca sūha tjoa. Tina sehe Zebedeo pohna jiha. Ti yaria dohoriapū wañuyucurire cahnoa niha.

²⁰ Ā yoa tiro to pjirocachū tina sehe ti pūcurore, tiro mehne dahra cohtaina mehne dohoriapū cūnocaa, Jesu mehne wahaa wahaha.

Watīa ti cohtotariro Jesure piti boc-
aha

(Lc 4.31-37)

²¹ Ā yoa tina Capernau wama tiri macapū sūha. Tórupū sūro Sabado jichū judio masa sā buheri wūhupū buhero sāaha tiro. ²² Sā judio masare buheina yoaro sehe jieraha tiro. Noano masi pahñoriro ji, noano waro buheha. To ā buhechū tí maca macaina tūho cūaa wahaha. ²³ Tí pjare cūiro tí wūhūi jiriro watīa ti cohtotariro jiha. Tóji jiro ō sehe niha Jesure:

²⁴ —Mūhū Jesu Nazare macariro cariboi tjiga sāre. ¿Dohse yoai tai nijari sāre? ¿Mūhū sāre butichū yoai tai nijari? Cohamacū macūno buhiri tia marieriro mū jichū masija yūhū —ni sañurucuha tiro Jesure.

²⁵ To ā nichū tūhoro Jesu tuhtiha watīare:

—Dihta mariahga. Wijaahga tirore —niha Jesu.

²⁶ Ā jia watīa tirore yahpapū doca caha sū tunuchū yoa, to tuaro sañurucuro watoihita wijaaha tirore.

²⁷ Ā jia jipihtina tí wūhūi dujiina ñū cūaa yūhdūa wahaha.

—Cue, ¿wahma buhea jijari ahri? Tiro pūhtoro yoaro seheta dutira watīare. To dutichū tina watīa sehe yūhdurūcaerara tirore —ni durucuha tí wūhūi dujiina ti basi.

²⁸ Ā jia mahaa dachoricā baharoihta dóihita jipihtina Galilea yahpa macaina tíre to yoarire tūho sahsea wahaha.

Jesu Simo Pedro marechonore
noaricoro wahachū yoaha

(Mt 8.14-15; Lc 4.38-39)

²⁹ Ā yoa Jesu cūhū judio masa mari buheri wūhupū jiina wijaaha. Ti ā wijaari baharo Jesu, Santiago, João, paina tina mehne macaina cūhare Simo to bahuro Andre mehne ti ya wūhupū sūho sāa sūha. ³⁰ Tí pjare Simo marechono juaro mehne to dohaticū cama bui to coāchū yahuha Jesure. ³¹ Ti ā yahuchū tūhoro tiro sehe ticoro cahapū sūro, to wamomacare ñaha, ticorore waja wahcō dapoha. To ā waja wahcō dapochūta ticorore juaro surua wahaha. To ā sururi baharo ticorota tinare chūare payoha.

Jesu payū dohatiinare noaina wa-
hachū yoaha

(Mt 8.16-17; Lc 4.40-41)

³² Ā yoa sū sāari baharo nahi borachupū masa payū dohatiinare, watīa ti cohtotarinare Jesu cahapū na sūha. ³³ Ā jia jipihtina tí maca macaina cahmachurūcū sūha tí wūhū sopacai. ³⁴ Ā jiro Jesu payū dohatiinare, payū soro jia dohatia cūainare noaina wahachū yoaha. Watīa cūhare, masare sāamarinare payū cohā wioha. Ā jiro watīa Jesure tí masichū ñūno Jesu sehe tinare durucu dutieraha.

Jesu buhe tinino wahaha
(Lc 4.42-44)

³⁵ Ñ yoa ñami curerocã wahcã, nahitia curechuta masa marienopu Cohamacure sinino wahaha Jesu. ³⁶ To ã wahari baharo Simo cãhu tirore macaa wahaha. ³⁷ Tina tirore boca su, õ sehe niha:

—Masa jipihtina mũhure macaa nihre —niha tina.

³⁸ Ti ã nichu tũhoro õ sehe niha Jesu tinare:

—Tinare buhe tuhsuhi. Pa sehẽpu õ cahacã macaa macaripu wahajihna mari. Ahri yahpa macainare yahu site pahñoi tahi. Ñ jicu yũhu paye macari macaina cãhure buheihtja —niha Jesu.

³⁹ Ñ ni tuhsu, jipihtia Galileai jia macaripu judio masa mari buhea wũhusepu buhero, watfare masare sãamarinare cohã wioha.

Jesu cami barirore noariro wahachũ yoaha

(Mt 8.1-4; Lc 5.12-16)

⁴⁰ Ñ yoa paio dohatiriro cami bariro Jesure piti bocaro, na tuhcuca caha su õ sehe ni siniha:

—Mũhu yũhure noariro wahachũ yoa duacu yoaga —niha cami bariro.

⁴¹ To ã nichu tũhoro Jesu tirore pja ñũha. Ñ jiro to wamomacare siõroca, tirore ña payoha. Ñ ña payoro õ sehe niha:

—Tĩre yoa duaja. Noariro jiga mũhu —ni yahuha Jesu.

⁴² To ã nichuta dohatiriro to cami bari cjiri yati mũaa wahaha. Noariro wahaha tiro. ⁴³ To ã wahachũ ñũno Jesu tirore tuaro mehne õ sehe ni yahuha:

⁴⁴ —Painare ahrire yahuecu tjiga. Ñ yahuerapaihta mũ pjacure sacerdotere ñoga. Cohamacu dutia Moise cjirore to cũriro seheta yoaga. Ñ yoacu minichahcare waga sacerdotere noariro mũ waharire mũ ñohti cjihtire —niha Jesu. Ñ ni tuhsu “Wahaga”, niha tirore.

⁴⁵ To ã yahu dutierapachuta tiro waha, jipihtia macari macainare Jesu to yoirire yahuha. To ã yahuri baharo Jesu masa payu ti jiropure

waha masieraha. Ñ jiro tiro mahainacã ti jiropu jiha. Tõpu to jichu payu macari macaina tiro cahapu suha.

2

Jesu pjacu bũharirore ducuchũ yoaha

(Mt 9.1-8; Lc 5.17-26)

¹ Mahaa dachori baharo Jesu Capernaupu tjuaa wahaha. Wũhu to jichu masa tũhoha. ² Ñ jia tõi masa payu cahmachu tí wũhure wahpata wijaa surucaha. Ñ jiro Jesu tinare noaa buheare yahuha. ³ To ã yahuro wato, pititiaro mũa jipihtiri pjacu bũharirore na wihaha. ⁴ Ti masa payu jichu ñũa Jesu cahapu sãa masieraha. Ñ jia tina wũhu buipu Jesu bui waroi mahanocã muji pahmare nawe, pjacu bũharirore to coãri cahsaro mehne duhu boroha Jesu cahai. “Jesu ahrirore to dohatiare yũdũchũ yoarohca”, ni tũhotuha tina. ⁵ Ti ã ni tũhotuchũ masino Jesu sehe dohatirirore õ sehe ni yahuha:

—Macu, mũ ñaa yoari buhiri tiare cohã tuhsuja —niha Jesu pjacu bũharirore.

⁶ To ã nichu tũhoa sã coyera judio masare buheina tõpũre dujiina ti basi õ sehe ni tũhotumaha: ⁷ “Ahriro ã ni durucuero tjijaro. Cohamacure ñano durucuro nina tiro. Tiro masũno mari yoaro seheta jiriro jira tiro cãhu. Ñ jiro to ñaa yoari buhiri tiare cohã masierara. Cohamacu dihta masa ti ñaa yoari buhiri tiare cohã masina”, ni tũhotumaha tina. ⁸ Ti ã ni tũhotuchũ ñũno Jesu ti tũhotuare masino õ sehe niha:

—¿Dohse yoana mũsa ã ni tũhotujari? ⁹ “Mũ ñaa yoari buhiri tiare cohã tuhsuja”, yu nichu “Mahñoriro jira”, yũhure nina mũsa masierapanahta. “Wahcãruca, wahaga”, yu nichu to tinichu ñũna yu niri potocã jia jichu dóihita masinahca mũsa. ¹⁰ Yũhu masũno Cohamacu warocariro ahri yahpũre masa ti ñaa yoari buhiri tiare cohã masija yũhu. Ahrire mũsa masihto sehe õ

seheta to wahach_u yoaihtja –niha Jesu judio masare buheinare.

Tinare ã ninota pjac_u buharirore õ sehe niha:

¹¹ –M_uh_ure niita nija. Wahcãr_ucaga. M_u coãri cahsarore na wahcãga m_u ya w_uh_up_u –niha Jesu tirore.

¹² To ã nich_uta pjac_u buhariro cjiro wahcãr_uc_u s_u to coãri cahsarore na, jipihtina ti ñ_urocaroi wijaa wahaha. To ã yoach_u ñ_ua tina jipihtina ñ_u c_ua wahaha. “Cohamac_u tuariro jira” ni, “Ne, mari õ sehe yoaare ñ_uera tih_i”, niha tina ti basi.

Jesu Levíre Mateo ti ni pisurirore “Y_uh_u mehne macariro cjihto taga”, niha

(Mt 9.9-13; Lc 5.27-32)

¹³ ã yoa pari turi Jesu bu_uc_upariro d_uht_u cahap_u wahaha tjoa. Tó_up_u s_uro masa pay_u tiro cahai ti cahmachuch_u ñ_uno tiro buheha tinare. ¹⁴ ã yoa tuhs_u tó_up_u jiro wahamahno Levíre Alfeo mac_unore to dahrari tahtiap_u boca s_uha. Paina mehne p_uhtoa ya cjihtire wapa na cohtaina jiha Leví c_uh_u. Tirore boca s_uro õ sehe niha:

–Y_uh_u mehne macariro cjihto taga m_uh_u –niha Jesu Levíre.

To ã nich_uta Leví sehe wahcã s_ur_uca, Jesu mehne wahaa wahaha.

¹⁵ ã yoa baharo Jesu sehe to buheina mehne Leví ya w_uh_up_u ch_uro niha. Jesu mehne wahaina sehe pay_u jiha. Cãina p_uhtoa ya cjihtire wapa na cohtaina, ã jich_u paina masa “Ñ_ua dihtare yoara”, ti niina mehne pay_u mesa cahai duji, tina c_uh_u tiro mehne cãnoi s_uho ch_ua niha. ¹⁶ Tó_up_u ti dujiri baharo paina sã coyea judio masare buheina, fariseo masa ya curua macaina mehne Jesu to ch_u dujich_u ñ_uha tina. ã ñ_ua õ sehe ni sinituha:

–¿Dohsearo ñ_uno yoaina, p_uhtoa ya cjihtire wapa na cohtaina mehne ch_ujari Jesu? –ni sinituha judio masare buheina Jesu buheinare.

¹⁷ Ti ã nich_u t_uhoro piti dahre buhea mehne õ sehe ni y_uhtih_u Jesu:

–Dohatieraina duhturure macaerara. Dohatiina dihta duhturure

macana. Ñ_uno yoaina dohatiina yoaro sehe jira. ã jic_u ñ_uno yoainare yahui tai nihi y_uh_u. Ti basi “Noaina jija sã”, ni t_uhotuinare yahui tai nierahi y_uh_u –niha tiro tinare.

Ch_u duhuare Jesure sinituha paina (Mt 9.14-17; Lc 5.33-39)

¹⁸ Tí pjare João buheina, fariseo curua macaina c_uh_u Cohamac_ure ñ_uo payoa taa, ch_uera tiha. ã jia masa Jesure õ sehe ni sinituha:

–João buheina, fariseo buheina c_uh_u Cohamac_ure ñ_uo payoa taa ch_uerara. ¿Dohse yoa m_u buheina sehe ch_u duhuerajari? –niha tina Jesure.

¹⁹ Jesu to t_uhotua mehne quitidahre buhero tinare õ sehe ni y_uhtih_u:

–Õ sehe jira tí: Wamomaca d_uhteriro bose n_um_ui to jich_u tiro mehne macaina cahyaro mehne jierara. Tuhs_u, ch_ueraina jierara. Tó seheta y_u buheina c_uh_u y_uh_u mehne jia, ch_u duhu masierara. ²⁰ Y_u P_uc_u Cohamac_u y_uh_ure to naari baharo pinihtare y_u buheina mehne jisi y_uh_u. ã jia tí pjar_uta y_u buheina c_uh_u ch_u duhuahca –niha Jesu.

²¹ Panop_u macaa buhea wahma buhea mehne ti buhe more duach_u ñ_uno õ sehe ni namoha Jesu tinare piti dahre buhero:

–Ne, wahma cahsaro suhtiro cahsaro mehne m_unano suhtirore sere õno cahmaerara. Mari ã yoach_u wahma cahsaro mari cosari baharo m_unano suhtirore waja cahmachu, pjibiaro t_uhn_uch_u yoara. ²² ã yoa ne se co bisia core wahiquiro cahsaro wajuru mehne m_una wajuru mehne posaeraro cahmana. Mari ã yoach_u se co bisia pahmoap_u m_una wajurure t_uhr_unocahna. To t_uhn_uch_u se co c_uh_u, wajuru c_uh_u cohõa wahara. ã yoa se co wahma core wahma wajurup_u posaro cahmana. Mari ã yoach_u se co cohõera, wajuru c_uh_u cohõerara. (Tó seheta wahma buhea m_una buhea mehne buhe moreraro cahmana) –ni buheha Jesu tinare.

Sabado jichu Jesu buheina trigo parorire pahaha

(Mt 12.1-8; Lc 6.1-5)

²³ Pa dacho Sabado jichu Jesu cahu trigo wesepu wahaha. To buheina sehe trigo parorire paha yahu wahcaha. ²⁴ Ti a yoachu nua o sehe ni tuhtiha fariseo curua macaina Jesure:

—Tuhosiniga sare. ¿Dohse yoa tina Sabado mari sori numu to jipachata dahrajari? Marine dutiare yuhdurucaca nina —niha tina Jesure.

²⁵⁻²⁶ Ti a nichu tuhoro Jesu tinare yuhtiha. “Yu buheina yuhdurucaca nierara”, nino taro o sehe niha:

—Davi cjiro tiro mehne macaina mehne juca baaro, Cohamacu wuhuru sa, Cohamacu ya paore chaha. A churo tiro mehne macaina cahure ti paore waha. Ti paore sacerdotea dihtare chu dutira. Cohamacu dutia ti joari tjuu painare ti paore chu dutierara. Ti pjare Abiata wama tiriro sacerdotea puhtoro jiha. ¿Davi cahu tije ti yoi cjiro Cohamacu yare ti joari tjuu buherari musa? (Ti paore churo Cohamacu yuhdurucaro nieraha. Michare ahri yaparire chu yu buheina cahu Cohamacu yuhdurucaca nierara) —niha Jesu tinare.

²⁷ A ni tuhsu o sehe ni namoha:

—A yoa Cohamacu Sabado dachore ti sori numu cino masa ya dacho cjihto cino nire dahra wahyarinare so dutiro. Ti dachore no payohtina cjihtire cino nierare masare Cohamacu. ²⁸ A jicu yuhu masuno Cohamacu warocariro ahri dacho Sabado dachore masa ti yoahtere yahurirota jicu puhtorota jija —niha Jesu tinare.

3

Wamomaca buhariro quti jira
(Mt 12.9-14; Lc 6.6-11)

¹ A yoa Jesu sa judio masa buheri wuhuru soro saaha tjoo. Ti wuhu cairo wamomaca buhariro dujiha. ² Sabado jichu Jesu wamomaca buharirore to noariro yoachu nua duaha caina ti wuhu dujiina. To a

yoachu nua tirore yahusa duamaha. “Mari sori numu Jesu dahraro nina”, ni yahusa duamaha tina. A jia Jesu to sa tachu nua, tirore yahusa duaina sehe tiro dihtare nuroca oha. ³ Tirore ti a nuroca opachata Jesu sehe wamomaca buharirore o sehe niha:

—Wahca surucaga jipihtina ti nurocaroi —niha.

⁴ A ni tuhsu ti wuhu dujiinare o sehe ni yahuha:

—¿Sabado jichu noaare yoachu noerajari? ¿O naare yoachu sehere noajari, musa tuhochu? Sabado jichu masunore masochu noa nina. Masunore wajachu sehere noerara —ni yahuha Jesu tinare.

To a nipachata tina yuhtieraha. ⁵ Ti a yuhtierachu nuno Jesu tina mehne suaha. Ti tuho duaerachu nuno Jesu cahyaha.

—Mu wamomacare siorocaga —niha tiro wamomaca buharirore.

To a nichu tuhoro tiro to wamomacare siorocaha. To a yoachata noari wamomaca wahaha. ⁶ To a noari wamomaca wahachu nua, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajannahcari mari?” niha tina ti basi.

Masa payu bucupariro duhtu cahapujiha

⁷⁻⁸ A yoa pari turi Jesu to buheina mehne bucupariro cahapu wahaha tjoo. Ti a wahachu nua Galilea macaina masa payu to baharo suha. A jia Judea yahpa macaina, Jerusalē macaina, Idumea yahpa macaina, Jordao wama tiri ma sie coa macaina, Tiro wama tiri maca macaina, to cahai jiina, Sidō wama tiri maca macaina, to cahai jiina mehne masa payu jipihtina to yoiro tuhoa, tiro cahapu suha. ⁹⁻¹⁰ Toru su, payu masa jiha. Payu dohatiinare noaina to yoachu tuhoa, paina dohatiina cahu Jesure piha dua, tju bihsarucu suha. Ti a tju bihsarucu suchu nuno, Jesu busocare cahnopohobasa dutiha to

buheinare. ¹¹ ã yoa paina watĩa ti cohtotarina sehe Jesure ñua tiro cahai na tuhcuca caha sũha.

—Mũhũ Cohamacũ macũno jira —ni sañurucuha tina tirore.

¹² Ti ã sañurucuchũ tũhoro tinare Cohamacũ macũno to jiare tuaro mehne ni dutieraha Jesu.

Jesu to buheinare doce to warocahinane bese dapoha

(Mt 10.1-4; Lc 6.12-16)

¹³ ã yoa Jesu tũcũpũ mũja, to cahmainare pjirocacha. To pjirocachũ tũhoa, tiro cahapũ mũja sũha tina.

¹⁴ Ti mũja sũri baharo doce mũare tiro mehne macaina cjihtire, paye macaripũre to yare buhe duti to warocahinane, bese dapoha Jesu.

¹⁵ ã yoaro dohatiinare ti yũdohti cjihtire, watĩare ti cohã wiohti cjihti cũhũre cũha tinare. ¹⁶⁻¹⁹ Ahrinare doce mũare Jesu bese dapoha: Simo, Santiago Zebedeo macũno, João to bahũro, Andre, Felipe, Bartolomé, Mateo, Toma, Santiago Alfeo macũno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “Wũpo yoaro sehe jiina tuaro bisiina jira”, nino nina. Juda Iscariote Jesure ñũ tuhtiinare ñohtiro jiha. Tinare bese dapo tuhsũ, dujiaa, Jesu to buheina mehne wũhũpũ sãa wahaha.

“Jesu watĩno tuaare cjũara”, ni yahusãha masa

(Mt 12.22-32; Lc 11.14-23; 12.10)

²⁰ ã yoa tói pari turi masa payũ cahmachua bihsa niha. Ti ã bihsachũ ñũno Jesu chũ masieraha. Tuhsũ, to buheina cũhũ chũ masieraha. ²¹ ã jia paina Jesu coyeyã tíre tũhoa, tiro cahapũ sũa, tirore ñahamaha.

—Tiro tũho masierariro waharo nina —nimaha tina.

²² Paina õ sehe niha:

—Beelzebú tirore ã wahachũ yoaro nica. Tiro watĩare cohãno Beelzebú watĩa pũhoro to tuaa mehne tinare

cohãna —niha Jerusalẽpũ tarina sã judio masare buheina.

²³ Ti ã nichũ tũhoro Jesu sehe tinare pjiroca, to tũhotua quiti mehne piti dahre yahuha tinare:

²⁴ —Watĩno ya tuaa mehne watĩare cohãi nieraja. Watĩa ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa. ²⁵ Cũ wũhũ macaina ti basi cahmachea tí wũhũ macaina waha pihtia wahaboa. ²⁶ Tuhsũ, Satana watĩa pũhoro sehe watĩare cohãno ti basita cahmachea niboã. ã jia tina waha pihtia wahaboa.

²⁷ ’Õ sehetã jira mari piti dahre buhechũ. Tuariro ya wũhũpũ paio sãa sũ yaca masierara. Tuariroro dũhteraro to ya wũhũpũ sãa sũ yaca masierara. Tuariroro to dũhterũ baharo sãa sũ yaca masina —ni yahuha Jesu. (Õ sehe ni yahuha watĩnore to yũhdũrũcarire yahuro. Watĩno tuariro to jipachũta Jesu tirore yũhdũrũcara watĩare cohãno.)

²⁸ ã ni tuhsũ õ sehe ni yahu namoha Jesu:

—Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. ²⁹ ã boparota Espĩritu Santore ti ñano durucuchũ tí pinine ne bosĩ. Ti ã niri buhiri ã buhiri tirucuina jiahca —niha Jesu tinare.

³⁰ Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Ti ã nichũ tũhoro tí quiti Espĩritu Santo quiti yahuha Jesu tinare.

Jesu coyeyã tirore pjiha

(Mt 12.46-50; Lc 8.19-21)

³¹ ã yoa Jesu bahana to pocoro mehne wihia. ã wihia sopacapũ jia, painare pji dutiha tirore. ³² ã jia masa tiro cahapũ dujiina yahuha tirore:

—Mũ poco, mũ bahana mehne sopacapũ pjiã nina mũhũre —niha tina.

³³ Ti ã nichũ tũhoro õ sehe niha Jesu tinare buhero taro:

—¿Noa jijari yu poco, yu bahana cãhu, mûsa ñuchu? —niha tiro tinare buhero taro.

³⁴ ã nino to cahai dujiinare ñuno õ sehe niha:

—Ahrina jira yu poco yu bahana yoaro sehe jiina. Cohamacu cahmaare yoara ahrina. ³⁵ Tô seheta yoaina yu bahu, yu baho, yu poco yoaro seheta jira —ni buheha Jesu tinare.

4

Jesu wesere toari masuno quitire buheha

(Mt 13.1-9; Lc 8.4-8)

¹ ã yoa pari turi bucûpariro duhtu cahapu Jesu masare buhe ducaha tjoa. ã tóprare buhe ducaro masa payu tiro cahapu ti cahmachuchu ñuno Jesu sehe dohoriapu samu wijaa, pahsaha. ã jia masa sehe bucûpariro duhtu cahai ducuha. ² ã jiro Jesu payu to tûhotua mehne quitu dahre yahuha tinare buhero taro:

³ —Ahri quitire tûhoga mûsa —niha tiro tinare.

—Toari masuno toaro, to toaa yaparire doca site cûno wahara. ⁴ To ã doca site cû wahcãchu paye yapari mahai bora caha sãha. ã bora caha sãare tí yaparire minichahca duji ta, chunocaha. ⁵ ã yoa paye yapari sehe tãa wapa bui dihta se mininocã bui bora caha sãha. Tãa wapa buicã dihta mariea curoi bora caha sã, dói dumaha. ⁶ ã dói duri jipahta, nuhcori mariaa, sũ to tuaro sichu, ñaia wahaha. ⁷ Paye yapari sehe tja watoi bora caha sãha. Tja sehe dia yuhduha waha, toaa sehere wajãnocaha. ã jia tja watoi jiare dicha mariachu yoaha. ⁸ Paye yapari sehe noari yahpai bora caha sãha. Noano du, noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha. ⁹ Ahrire tûho duaina noano tûhoga mûsa —niha Jesu.

Jesu quitu mehne to buherire yahuha

(Mt 13.10-17; Lc 8.9-10)

¹⁰ ã yoa ti sahsero jia doce to buheina, paina Jesu mehne jiina cãhu tí quitire masi duaa, Jesure sinitu ñuha. ¹¹ Ti ã sinitu ñuri baharo Jesu õ sehe ni yahuha:

—Cohamacu masa bui puhtoro masare to noano sũho jiare, panopu paina ti masierari cjirire mûsare masichu yoara Cohamacu. Paina sehere ã yoaerara tiro. ã jicu tinare quitu mehne dihta buhehtja. ¹² ã jia tina ñupahta ñeraina cjiri yoaro sehe tjuara. ã jia tûhopahta tûho ñaha masisi. Tina tûho ñahaina jia, ti ñaa yoarire cahya, Cohamacure macaboa. Ti ã macachu ñuno, tiro sehe ti ñaa yoari buhirire bonocaboa. ã jipachuta tina sehe ne tûho duaerara —niha Jesu.

Jesu wesere toari masuno quitire yahu pahñoa

(Mt 13.18-23; Lc 8.11-15)

¹³ To ã niri baharo õ sehe ni yahu namoha tinare:

—¿Ahri quitire tûhoerasinijari mûsa? ¿Mûsa ahri quitire tûhoerana, dohse paye quitire tûhonahcari mûsa? —niha Jesu tinare.

ã ni tuhsu tiro õ sehe ni yahuha tinare:

¹⁴ —Toari masuno toaro, to doca site cûa yapari noaa buhea yoaro sehe jira. ¹⁵ ã yoa mahai bora yapari noaa buhea yoaro sehe jira. Cãina noaa buheare ti tûhochu ñuno Satana sehe ta, tí buhea noaa buheare ti tûho ñahamarire bochu yoara tinare, minichahca tí yaparire ti churo seheta yoaro. ¹⁶ ã yoa tãa wapa bui dihta se mininocã bui bora yapari noaa buhea yoaro sehe jira. ã jia paina noaa buheare tûho, wahchea mehne dóihta tíre tûho nunu wahcãna. ¹⁷ ã tûho nunu wahcãpahta tãa wapa buicã jia yucu nuhcori mariea yucu yoaro sehe ahrina masa cãhu yoari pja cãno pjaerara. ã cãno pjaeraa, yu yare ti cahmari buhiri paina tinare ti ñano yoachu, ñano yuhduha, yu yare duhunocahna. Paina tinare ti ñano yoachu tíre cãno pjaeraa, yu yare

duhunocahna. ¹⁸ Ñ yoa tja watoi boraa yapari noaa buhea yoaro sehe jira. ¹⁹ Ñ jia paina sehe noaa buheare tũhoa, ahri yahpa macaare wacũ nũnũ yũhdũara. Niñerure bujũa cahma, paye baro cũhũre payũ cahma, tíre goa pja yũhdũara tina. Ti ã tũhtotuchũ tí sehe noaa buheare dũcatara. Ti ã dũcatachũ masa noaa sehere yoaerara. Dicha maria yucũ yoaro sehetã jira. ²⁰ Ñ yoa noari yahpai boraa yapari noaa buhea yoaro sehe jira. Ñ jia paina sehe noaa buheare tũhoa tíre cahmana. Tíre masiina jia, Cohamacũ to cahmano sehetã noaare yoara tina. Cãina mahanocã noaare yoara treinta yapari dicha tiro sehetã. Paina bui curero noaare yoara sesenta yapari dicha tiro sehetã. Paina pjíro noaare yoara cien yapari dicha tiro sehetã —ni yahuha Jesu tinare.

Jesu sihãria quitire buheha
(Lc 8.16-18)

²¹ Ñ ni tuhsũ õ sehe ni yahu namoha Jesu:

—Ne, sihãriare ti sihãri baharo tiare dihi biato docapũ cũerara. Ñ jia tiare coãri casario docapũ cũerara. Mũanopũ duhu payora noano buhria dutia. ²² Jipihti ti masierari cjirire baharo masa masiahca. Sihãria to buhriachũ mari ñũ masino sehetã panopũre ti masierari cjirire masiahca masa. ²³ Ahrire noano tũhoga mũsa. ²⁴ Mahanocã masi duana mahanocã masinahca. Pjíro masi duana pjíro masinahca. Ñ jina mũsa tũhona noano tũho nũnũga. ²⁵ Noano tũho nũnũriro noano masinohca. Tũho nũnũerariro “Mahanocã tũhoja”, to nipachũta tí sehe butia waharohca —niha Jesu tinare.

Jesu trigore toariro quitire buheha

²⁶ Ñ ni tuhsũ õ sehe ni yahu namoha:

—Cohamacũ masa bui pũhtoro to sũho jia trigore toariro yoaro sehe jira. ²⁷ Toa tuhsũ bohrearo to toari duare ñũna tiro. “¿Dohse du wijaa ta bũcũajari tí?” ni ñũ masierara toariro

to basi. ²⁸ Tí toari ti basi dicha tira. Pari pũca ji mũhtana. Baharo pari paro wijaa bũcũara. ²⁹ Tí parori bũcũa tuhsũchũ ñũno pahara. Pahari pja jira. (To toaa ti bũcũarire to masieraro sehetã Cohamacũ yaina masa ti wahachũ cũhũre yahu pahño masierara masa) —ni buheha Jesu.

Mostaza yapa quitire yahuha Jesu
(Mt 13.31-32; Lc 13.18-19)

³⁰ Ñ ni tuhsũ õ sehe ni buhe namoha Jesu piti dahre buhero:

—¿Ne Cohamacũ masa bui pũhtoro to sũho jia yaba baro yoaro sehe jijari, mũsa tũhotuchũ? ¿Di quiti mehne tíre yahunahcari? ³¹ Mostaza yapacã yoaro sehe jira pũhtoro Cohamacũ to sũho jia. Tí yapacã to toachũ mahabiari yapacã jira. ³² Ñ jiparota tí yapacã noano dura. Ñ jiro pjibiadu wahara. Ñ jia tũ dũpũri bujũa dũpũri bũcũachũ ñũa minichahca peri tũ dũpũripũ suhti suhara. (Pjibiadu to wahariro sehetã mũano macarirore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

Quiti mehne to buherire yahuha Jesu

(Mt 13.34-35)

³³ Ñ ni tuhsũ, tí quiti ti niriro sehetã payũ quitire tũho ti cãno pjaro puro noaa buheare buheha tinare. ³⁴ Quiti marieno yahueraha tinare. Tuhsũ, ti sahsero jĩinare Jesu noano yahu pahñoaha to buheinare.

Jesu wihnonore yũsũ dutiha
(Mt 8.23-27; Lc 8.22-25)

³⁵ Ñ yoa tí dachoreta nahi borachũpũ Jesu to buheinare õ sehe niha:

—Basa, sie coapũ pahãjihna —niha tinare.

³⁶ To ã nichũ tũhoa Jesu to jiriapũ dohoriapũ samu, masare yahpapũ ducuinare tóihta cũ, to buheina dihta Jesure na pahãa wahaha. Ñ yoa paye bũso mehne paina cũhũ tinare piti ti pahãa wahaha. ³⁷ Ti ã pahãchũ wihnono tuaro taħa. Ñ taro dohoriare pahcõri tuaro cjã sãaha. Mahanocã

duhsamaha ti miniboro. ³⁸ To ã waharo watoi Jesu sehe dohorio oturopu suhti puti mehne to dapu ño tu tjiãhno carĩno niha. ã jia tina tirore wahcõha.

–Buheriro, mari mini yariana tana nija. ¿Ã jica niera putiajari mũhũ? – niha tina tirore.

³⁹ Ti ã nichũta Jesu sehe wahcã, wihnonore:

–Tó purota wã duhuga –niha. ã ninota pahcõri cãhũre:

–Yũsua wahaga –niha bucuparirore.

To ã nichũta wihnono yũhdũa wahaha. ã jia pahcõri cãhũ yũsũ bora wahaha.

⁴⁰ –¿Dohse ni cuimacanocana nijari mũsa? ¿Mũsa yũhũre wacũ tu-aerasinijari? –niha Jesu.

⁴¹ To ã yoachũ ñũa tina cũa yũhdũa wahaha.

–Cue, ¿dohse jiri baro masũno jijari ahriro? Ahri wihnono, pahcõri cãhũ to dutichũ yũhdũũcaerara tirore –niha tina ti basi.

5

Watĩa ti cohtotarirore noariro wahachũ yoaha Jesu

(Mt 8.28-34; Lc 8.26-39)

¹⁻² ã yoa tina sie coapu Gerasa macaina ya yahpapũ pahã sũha. Pahã sũ, Jesu sehe dohoriapu sãariro maja sũũcaha. To ã maja sũũcari baharocãta, watĩa ti cohtotariro tãa copari, masa copari watoi jiri wija ta, tiro cahapu taha. ³ Tiro watĩa ti cohtotariro masa copari watoi jiri jia tiha. Tirore ne cãiro coma da pjiri da mehne ñaha dũhte cũno bihoeraha. ⁴ Payũ tahari masa tirore dahpori wũpõa sorori mehne comaa dari mehne dũhte timaha. To wamomacari cãhũre dũhte timaha. Wiho mejeta tiro sehe comaa darire nuha, dahpori wũpõa sorori cãhũre nuha site mũjaha. ã jia tiro tuariro to jichũ ñũa masa sehe tirore cjũaa bihoeraa tiha. ⁵ Ñamine, dachore tũ yucũripũ jia copari tãa copari watoi ã sañurucua tiha tiro. ã yoa tãa mehne to basi to pjacũre cjãye mũjaa tiha tiro. ⁶ ã yoa Jesu to maja sũũcachũ

yoaropũ Jesure ñũroca, tiro cahapu mũroca ta, na tuhcuca caha sũha, tirore ño payoro taro.

⁷⁻⁸ –Watĩa wijaahga tirore –niha Jesu.

To ã nichũ tũhoro watĩa ti cohtotariro õ sehe ni sañurucua:

–Jesu, Cohamacũ Jipihtina Bui Jiri macũno, ¿yabare yoai tai nijari mũhũ yũhũre? Cohamacũ to ñũrocaroi sinija yũhũ mũhũre. Yũhũre ñano yoai tjiga –ni sañurucua watĩa ti cohtotariro Jesure.

⁹ –¿Yabariro wama tijari mũhũ? –niha Jesu tirore.

–Sã payũ jija. ã jina “Payũ watĩa”, wama tija. ¹⁰ Ahri dihtapu jĩnare sãre pa yahpapũ waha dutiecũ tjiga –ni payũ tahari siniha watĩa ti cohtotariro.

¹¹ Tĩ pjare ti cahacã tũcũ dahpotoi yesea nuina payũ chũa niha. ¹² Tõi ti chũrucuchũ ñũa õ sehe ni siniha watĩa:

–Sina yesea cahapu warocaga sãre ti pjacũripũ sã sãahto sehe –ni siniha watĩa tirore.

¹³ Ti ã nichũ tũhoro “Jai. Wahaga”, niha Jesu. To ã dutichũ, watĩa masũnopũ jirina cjiri sehe wija, yesea pjacũripũ sãaha. Tina yesea sehe payũ waro jiha, dos mil. ã yoa tinare ti sãari baharo, yesea jipihtina bucupariro dũhtũ cahapu pari cũũpu mũroca buha, tĩ taropũ bora ñoja, mini yaria pihtia wahaha.

¹⁴ Ti ã mini yariachũ ñũa yeseare ñũ wihboina sehe mũroca wahcã, pjiri macapũ cãhũre, daa macaricãpũ cãhũre tíre yahu sitea wahaha. Ti ã yahuchũ tũhoa, masa sehe payũ ti ã waharire ñũa wahaha. ¹⁵ ã jia Jesu cahapu wihia, payũ watĩa ti cohtotariro cjiro to suhti tiriro, tũho masiriro to dujichũ ñũa, cui niha. ¹⁶ Watĩa ti cohtotariro cjirore, yesea cãhũre ti ã waharire ñũina sehe paina masa ti cahai wihiinare noano yahu pahũoha. ¹⁷ Ti ã yahu pahũochũ tũhoa, Jesure tuaro mehne pa sehepũ waha dutiha.

¹⁸ Æ yoa dohoriapũ Jesu to samuchũ ñũno, “Mũhũ mehne waha duaja” ni, tuaro sinimaha watĩa ti cohtotariro cjiro sehe Jesure. ¹⁹ To ã nichũta Jesu tirore õ sehe ni yahuha:

—Yũhũ mehne taecu tjiga. Mũ ya wũhũpũ mũ coyea cahapũ yũhũ mũ pũhũto mũhũre yũ yoarire yahui wahaga. Mũhũre yũ pja ñũrire yahuga tinare —niha tirore.

²⁰ To ã nichũ watĩa ti sãanoriro cjiro sehe Decapoli wama tiropũ jia macaripũ Jesu tirore to yoari cjirore yahu dũcaha. To ã ni yahuchũ tũhoa jipihtina masa cũaa wahaha.

Jairo maconore yũhdũchũ yoa, cahã ñũricoro cũhũre yũhdũchũ yoaha Jesu

(Mt 9.18-26; Lc 8.40-56)

²¹ Æ yoa pari turi Jesu to majare pahã sũchũ masa payũ tiro cahapũ bucũpariro dũhtũ cahapũ cahmachuha. ²² Ti ã cahmachuchũ sã judio masa buheri wũhũre ñũ wihboriro Jairo wama tiriro wihi, Jesure ñũ, to dahpori cahapũ na tuhcuca caha sũro, ²³ õ sehe niha:

—Yũ macocã yariaro nihre. Æ jicũ ticorore mũ wamomaca mehne ña payo, noaricoro yoai taga. Mũ ã yoachũ ticoro masanohca —niha tiro Jesure.

²⁴ To ã nichũ Jesu cũhũ sehe tiro mehne wahaha. Mahai to wahachũ payũ masa tirore nũnũ ti wahcã bihsaro sũrucũ sũha tirore. ²⁵ To ã bihsaro wahachũ numino doce cũhmari waro dachoripe cahã ñũrucuricoro tõi jiha. Tõ pano payũ duhturuu ticorore ñano yũhdũchũ yoaha. ²⁶ Æ yoa duhturuare jipihtia to niñeru mehne wapamaha ticoro co tiro. Ti ã yoapachũta ticoro mũnanota jirucuha. Æ jiro ticoro tõi pano to jiriro yũhdoro ñano wahaha. ²⁷ To ã ñano yũhdũricoro to jichũ masia Jesu to yoarire tũhoa paina tíre yahuha ticorore. Æ ti yahuchũ tũhoru ticoro Jesu baharo masa payũ watoi wihi, Jesu suhtirore ñaha ñũha. ²⁸ “Yũhũ to suhtiro dihtare ñaha ñũco noaricoro wahacohca”, ni tũhotuha. ²⁹ Æ jiro

ticoro to ñaha ñũri baharo to cahã ñũare duhuro to pjacũre noari pjacũ tũhotuha. ³⁰ Æ jiro Jesu to tuua mehne dohatiare to cohãrire masino, masa watoi majare ñũha.

—¿Noa yũ suhtirore ñaha ñũri? — niha tiro.

³¹ To ã nichũ tũhoa to buheina õ sehe niha:

—Bihsa nina. Æ jia masa payũ mũhũre pihanocahna. “¿Noa yũhũre ñaha ñũri?” nicũ, ¿dohseacu ã nijari mũhũ? —niha tina sehe tirore.

³² Æ jiro Jesu tirore ñaha ñũricorore macaha. ³³ To ã macano watoi ticoro sehe to pjacũ noano wahachũ tũhoturo cui, tetera na tuhcuca caha sũha to panoi tirore ño payoro. ³⁴ Æ jiro ticoro poto yahu pahũoha tirore. To ã ni yahuri baharo Jesu ticorore õ sehe ni yahuha:

—Maco, yũhũre mũ wacũ tuua mehne noaricoro tjuara mipũre. Wahchea mehne wahaga. Dohatia marienicoro jiga —niha Jesu ticorore.

³⁵ To ã ni durucuro watoi judio masare buheri wũhũre ñũ wihboriro ya wũhũ macaina yahua wihiha:

—Mũ maco yariaa wahahre. Æ jicũ buherirore pji tai tjiga —niha tina.

³⁶ Ti ã nipachũta ã tũhotunocahno, Jesu ñũ wihborirore õ sehe ni yahuha:

—Cahya tũhotui tjiga. Yũhũre wacũ tuaga. Tí dihtare yoaga —niha ñũ wihborirore.

³⁷ Æ ni tuhsũ Santiago, to bahũro João, Pedro tina dihtare “Yũhũ mehne taga”, niha Jesu. ³⁸ Æ pji wahcãno sã judio masa buheri wũhũre ñũ wihboriro ya wũhũpũ sũha tina. Tí wũhũpũ masa payũ ñano bisi, ñahacaha tiia ti sañurucuchũ ñũha Jesu.

³⁹ —Ñano ni, ñahacaha tiiena tjiga mũsa. Maharicorocã mũsa ã ni tiichũ yariaerara. Carĩno nina —niha Jesu tinare.

⁴⁰ To ã nichũ tũhoa “Æ ni macanocano nina ahriro”, ni bujũha tina sehe tirore. Ti ã yoachũ tiro tinare sopacapũ wio pahũonocaha. Æ wio tuhsũro maharicorocã

pucsumare, tiro mehne macaina cãhare ticorocã cahapũ naaha Jesu.

41 ã naa tuhsũro Jesu ticorocãre to wamomacare ñaha:

–Talita cumi –niha tiro. (“Talita cumi” nino, “Maharicorocã wahcãga’, nija yũhũ”, nino nina.)

42 To ã nichũta ticorocã wahcãrucũ sũ, tiniha. Doce cahmari cjuaricoro jiha ticoro. Ticorore to ã yoachũ ñha tina cãa yũhdũa wahaha. 43 Ti ã yoachũ ñũno, Jesu tuaro mehne tíre to yoarire yahu site dutieraha. ã yoa tuhsũ ticorore chũa wa dutiha.

6

Nazare macaina Jesure cahmaeraha

(Mt 13.53-58; Lc 4.16-30)

1 ã yoa tópu jiriho waha, Jesu to buheina mehne to ya dihtapũ tju sũha. 2 ã tju sũro Sabado jichũ sã judio masa buheri wũhũi buhe dũcaha Jesu. To ã buhechũ masa payũ tireore tũhoa, cãaa wahaha.

–Cue, ¿ahriro nohopũ tũhoari ahri buheare? ¿Dohsearo noano masi pahñonocajari ahriro? Cohamacũ tuaa mehne yoa ñona tiro to basi. 3 Ahriro taboa dahrari masũno María macũno, Santiago, José, Juda, Simo ti wahmino jimanaro. ã yoa to bahana numia mari ya macai jisanimanabũ. ã jiro tiro mari yoaro sehe jiriho tjira –niha tina Jesure tũhomařina.

ã jia Jesure ñũ tuhtia, tireore cahmaeraha. 4 Ti ã cahmaerachũ ñũno õ sehe niha Jesu:

–Cohamacũ yare yahu mãhtarirore paina ño payora. Ti ã ño payopachũta to ya maca macaina, to coyera, to ya wũhũi jiina ño payoerara tireore. ã jina yũhũre ño payoerara mãsa õi yũ bũcũariho jichũ –niha Jesu tinare.

5 ã jiro tí macai jiro Jesu Cohamacũ tuaa mehne yoa ño masieraha. ã yoeraparota cãina dohatiina bui to wamomacare duhu payo, noaina wahachũ yoaha tiro. 6 ã jiro tó macaina Jesure ti quihõno tũhoerachũ ñũno cãaa wahaha tiro. ã jiro Jesu tó cahai jia macaripũ buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

7 ã yoa Jesu doce to buheinare pjiroca, pũaro dihta warocaha tinare macaripũre buhe dutiro. ã jiro to tu-aare waha tinare watĩare ti cohã wiohto sehe. 8 ã warocaro pãore, wajure, niñerure tiro naa dutieraha tinare. Ti tjuayucũ dihtare naa dutiha. 9 ã ni tuhsũ, dahpori tũ cãa cahsarire sãa dutiha tinare. Cũnota suhtirore sãa dutiha tinare. Pũaro sãa dutieraha. 10 ã jiro õ sehe ni yahuha tinare:

–Jipihtia macaripũ mãsare ti carĩno wachũ tí wũhũihta tjuasiniga. Coã wahanapũ wijaaħga tí wũhũre.

11 ã jina pa maca macaina mãsare ti cahmaerachũ, ti tũho duaerachũ tí macare yũhdũana dahpori macaa dihta pohcari mene wajã site cũga mãsa tinare ti ya buhirire masichũ yoana –ni yahuha Jesu tinare.

12 ã jia tina doce buheina masare ti ñaa tũhotumari cjirire tũhotu cohtota duti, Cohamacũre maca duti, buhea wahaha. 13 ã wahaa payũ watĩare cohã wio, dohatiinare se mehne wisõa, noaina wahachũ yoaha.

João masare bautisarirore paina wajãha

(Mt 14.1-12; Lc 9.7-9)

14 ã yoa Jesure masa payũ masiha. ã jiro to yoarire pũhtoro Herode tũhorocaha. ã tũhorocarõ õ sehe ni tũhotumaha tiro paina mehne:

–João masare bautisariro yariariro cjiro pari turi bajuaro nica. ã bajuariho jiro to tuaa mehne tíre yoaro nica –ni durucumaha Herode paina mehne. (“Jesu Joãota jira”, ni tũhotumaha.) 15 Paina sehe õ sehe ni tũhotumaha:

–Elia jira –ni tũhotumaha.

Paina sehe:

–Cohamacũ yare yahu mãhtariro panopũ macaina cjiri yoaro sehe jira tiro –ni tũhotumaha Jesure.

16 Ti ã ni tũhotupachũta Herode sehe Jesu to yoarire tũhorõ õ sehe ni tũhotumaha:

—João dapure y_u cjã ta dutiriro cjiro bajuaro nica —ni t_uhotumaha.

17-18 João ti wajãhto pano Herode tirore ñaha duti, peresu yoa dutiha. Tó pano Herode to bahuro Felipe namonore Herodiare namo tiha.

—M_u bah_u namonore namo tic_u Cohamac_u dutiare y_uhd_ur_uca_i nica m_uh_u —ni yahumaha João Herodere.

To ã niri buhiri to namono Herodia João tirore peresu ti yoach_u cahmaha.

19 ã jiro ticoro sehe João tirore ñ_u tuhtiro, tirore wajã duti duamaha. ã yoa duaparota ticoro tirore wajã duti masieraha. 20 Herode João tirore cu_uro, “João noaare yoariro, ñaa buhiri marieriro jira”, ni t_uhotuha. ã jiro Herodere cariboro yoaha João sehe tirore yahuro. ã to caribopach_uta tiro wahchea mehne t_uhomaha João tirore. 21 To ã wahchea mehne t_uhopach_uta Herodia tirore to wajã dutihti dacho m_u s_uha. Tí pjare Herode to masa bajuari dacho jich_u tiro bose n_um_u dahreha. ã jia to gobierno macaina, to surara p_uhtoa, Galilea macaina p_uhtoa cãh_u to ya bose n_um_ure ñ_ua wihaha. 22 Ti ã wihiri baharo Herodia macono bose n_um_u ñ_uno wihiro ti ñ_urocaroi basa ñoha. To ã basa ñoch_u ñ_ua Herode to pjirocaina mehne wahcheha. ã jiro ò sehe niha Herode ticorore:

—M_u cahmaare siniga y_uh_ure. ã jic_u waihtja m_uh_ure m_u cahmaare. 23 Cohamac_u mehne potocã nii nija m_uh_ure. M_u sinino puro y_u yare dacho macai waihtja m_uh_ure —niha tiro ticorore.

24 To ã nich_u t_uhoro ticoro Herodia macono sehe to pocoro cahap_u waha, ò sehe ni sinituha:

—¿Yabare sinicohcari y_uh_u? —ni sinituha ticoro to pocorore.

—João masare bautisariro dapure siniga —niha to pocoro.

25 To ã nich_uta ticoro Herodia macono ño duaro mehne p_uhtoro Herode cahap_u waha, siniha:

—João masare bautisariro dapure waparo mehne waga y_uh_ure —niha ticoro.

26 To ã nich_u t_uhoro p_uhtoro Herode sehe tuaro cahyaha. Masa ti ñ_urocaroi “Waihtja m_uh_ure”, ni tuhs_uha tiro. ã jiro buo tiro “M_uh_ure waeraja”, ni masieraha ticorore. 27 ã jiro dóihta surarare peresup_u jiiinare cohtarirore João dapure cjã ta, na ta dutiha. 28 To ã dutich_u t_uhoro surara sehe waha, to dapure cjã ta, waparo mehne na taha. Na ta tuhs_u, nuhminore Herodia maconore waha. To ã wach_u ticoro to dapure ñaha, to pocorore y_uhdoha.

29 ã jia João buheina sehe tíre t_uhoa tó_ure waha, to pjac_u cjirore na wahcã, tâcap_u ti sahari copap_u na sãa duhu payoha.

Jesu cinco mil bui masare ch_ua waha

(Mt 14.13-21; Lc 9.10-17; Jn 6.1-14)

30 ã yoa Jesu to warocarina to cahap_u tju s_ua, ti yoarire ti buherire yahuha tirore. 31 Tí pjare masa pay_u ã majarerucua, tinare ch_uro waeraha. ã jiro ò sehe niha Jesu tinare:

—Masa marienop_u mari sahsero sosinina wahajihna —niha tinare.

32 ã jia tina ti sahsero dohoria mehne masa marienop_u wahaha.

33 Ti ã wahach_u ñ_ua masa pay_u tinare masiha. ã masia pay_u macari macaina mahap_u waha, Jesu to s_uhtop_u tina masa sehe m_uroca wahcã s_u m_uhtaha. 34 Ti ã s_uch_u Jesu wahã s_u, busocap_u sãariro majano, tiro masa pay_u jiiinare ñ_ua. Oveja p_ua marieina yoaro sehe jia tina masa, to ñ_uch_u. ã jiro Jesu tinare pja ñ_uno, pay_u noaare buhea tiha tinare. 35 ñamichahap_u doce buheina Jesu cahap_u s_u ò sehe niha:

—Ò masa marienop_u jira. ñamichahap_u jira. 36 Ò cahacã jia macarip_u daa macaricãp_u, buj_ua macarip_u ti ch_uhtire nuch_u dutiga masare ti puhitihti cjihtire —niha tina Jesure.

37 —Ch_uare waga tinare —nimaha Jesu to buheinare.

To ã nich_u ò sehe ni y_uhtiha:

—¿Dos cientos dachori dahrari wapa niñeru mehne ti chuhti pãore nuchubocari sã? —niha tina Jesure.

³⁸ —¿Nohope curiri pão curiri jijari? Ñna wahaga —niha tiro.

To ã nichu tina sehe chure boca õ sehe niha:

—Cũ wamomaca pihtia curiri pão curiri, pãaro wahi jira —niha tina.

³⁹ Ti ã nichu tãhoro Jesu sehe pja curuari tja bui duji dutiha masare.

⁴⁰ To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha.

⁴¹ Ti ã duji tuhsuchu ñno Jesu sehe cũ wamomaca pihtia curiri pão curirire, pãaro wahi mehne na, manopu ñha. ã ñno Cohamacure “Noana”, niha. To ã niri baharo pão curirire nuha, to buheinare masare witi dutiro waha. ã yoa tuhsu, pãaro wahire witi dutiha jipihtinare.

⁴² ã jia jipihtina chu, yapi yãhdã wahaha. ⁴³ Ti yapi wahyorire doce pãhuse waro pãore, wahi cãhure na cahmachu wahpo dapoha tina.

⁴⁴ ã yoa pãore chãina mua dihtare ti quihõchu cinco mil mua jiha. (Numia cãhu, macanacã cãhu tõi chãina jiha.)

Jesu co bui ducu wahcãha
(Mt 14.22-27; Jn 6.16-21)

⁴⁵ Tí pjata Jesu to buheinare dohoriapu samu duti, sie coapu Betsaidapu to pano pahãyu dutiha. ã jiro ti pahãri baharo Jesu sehe masare coha sitiha. ⁴⁶ Coha siti tuhsu tãcupu Cohamacure sinino wahaha. ⁴⁷ Baharo ñamipu dohoriai bãcupariro dacho macai ti pahãrucuchu Jesu cãirota ti pahã tariropu jiha. ⁴⁸ Tõpu jiro, tina ñano yãhdã ti wajachu ti panoi wihnono tachu ñarocaha tiro. ã jiro bohrea mãja tahto pano tina cahapu waharo co bui ducu wahcãha. Tinare tiro yãhdã wahcã duamaha. ⁴⁹ To yãhdã wahcã duapachata tirore co bui to tachu ña, “Yariariro cjiro jiboca”, ni tãhotumaha tina. ã ni tãhotua tina sañurucuha. ⁵⁰ Jipihtina tirore ña, ña cãa waha, sañurucuha.

Ti ã ñu cãachu ñno Jesu tinare õ sehe ni yahuha:

—Ne, yãhure cuiena tjiga. Yãhata jija —niha tinare.

⁵¹ ã ni tuhsu tiro tina mehne dohoriapu samua wahaha. To samuri baharocãta wihnono yãhdã wahaha. To ã wahachu tina sehe cãa yãhdã wahaha. ⁵² To pão payu yoarire wacũeraha tina. Tua yãhdãariro to jiare noano tãho ñahaeraha.

Jesu Genesare macainare, dohatiinare noaina wahachu yoa

(Mt 14.34-36)

⁵³ ã yoa tina pahã su, Genesare dihtapu wahã su, tia dohoriare dãhte poho, dãhtu cahapu pahsaha. ⁵⁴ ã yoa tina dohoriapu jiina ti majachata masa sehe Jesure ñu masiha. ⁵⁵ ã ñu masia jipihtiro ti ya yahpapu mãroca maja, dohatiinare ti coãa cahsari mehne yo wahcã, suha Jesu cahapu. “Jesu tõpu jihre”, masa ti nichu tãhoa to cahapu suha tina. ⁵⁶ ã jia jipihtia macari to sua macaripu, bujã macaripu, daa macaricãpu, pache duaina cahapu, masa dohatiinare ti cãnopu Jesure to suhtiro dãhtu cahare ñaha ñu dua tuaro siniha tina:

—Mũ suhtiro dãhtu caha dihtare sãre ñaha ñu dutiga —ni siniha.

ã jia to suhtirore ñaha ñinape tõpeinata noaina wahaa tiha.

7

Masa ñaina wahachu yoaare yahuha Jesu

(Mt 15.1-20)

¹ ã yoa Jerusalẽpu tarina sã coyey judio masare buheina, fariseo curua macaina cãhu Jesu cahapu cahmachuha. ²⁻⁴ Fariseo curua macaina jipihtina paina judio masa cãhu ti ñuchusuma cjihipu ti yoa dutiro sehetã wãmo cosaro marieno chãera tiha. ã jia pache duaina cahapu waha, su, majare tju wihiina cãhu ti yoa dutiro sehetã wãmo cosaro marieno chãera tiha. Payu paye dutia cãhure ti ñuchusuma cjihipu ti yoa dutiare yoa tiha. Tasa wãparire cosaa,

dihi biatorire cosaa, comaa biatorire cosaa, yoaa tiha tina judio masa, “Cohamacu ã cahmana”, nia. Ñ jia sã coyee judio masare buheina, fariseo curua macaina cãhu Jesu cahapu cahmachua, Jesu buheina wamo cosaro marieno ti chuchũ ñaha. ⁵ Ñ ñu tuhsua Jesure õ sehe ni sinituha:

—Mũ buheina chua, mari ñuchusuma cjiri ti yoa dutiro cjiro seheta ti wamomacarine wamo cosaerara. ¿Dohse yoa mari dutiare yoerajari? —niha tina Jesure.

⁶ Ti ã nichu tãhoro Jesu õ sehe ni yahuha tinare:

—Masa ti baharo buhusehei ñano yoa cohtaina jira masa. Panopure Cohamacu yare yahu mũhtariro cjiro Isaia potocãta yahuro niri jira masa yoaro sehe tãhoerainare. Õ sehe ni yahu, joaa tiha tiro:

“Ahrina masa yũhure noano durucupahta ti tãhotuapu yũhure ne ño payoerara.

⁷ Ñ jia yũhure ti ño payoa yaba cjihti jierara. ‘Cohamacu ya dutia jira ahri’, ni mahño buhera ti ya buhea sehere”,

ni joaha Isaia cjiro. ⁸ Tí potocã tjira. Cohamacu ya dutia sehere duhu, masa ti yoa dutia sehere cohtota yoa yũhdurucu sua tira masa.

⁹ Cohamacu ya dutiare cohãna, masa coyee ya dutia sehere yoara masa.

¹⁰ Õ sehe yoana Cohamacu ya sehere yũhdurucana nina masa: Panopure õ sehe niha Cohamacu Moise cjiro to joariro seheta: “Musa pũcusumare ño payoga. Cãiro to pũcusumare ñano quitu dahreriro jiro tí buhiri ti wajãhtiro cjihto jirohca”, niha Cohamacu Moise cjirore to cãri dutiai. ¹¹ To ã nipachuta õ sehe yoa dutira masa ti pũcusumare yoadoho dutierana: Tí pũcusumare ti waborire Cohamacu sehere wa dutira masa. Ñ ni buhemana masa. ¹² Ñ buhena ti pũcusumare ño payochu yoerara masa tinare. ¹³ Ñ yoana Cohamacu dutiare yũhdurucana nina masa mari ñuchusuma cjiri ya dutia sehere yoana. Painare masa buhea

dihtare tãho dutira masa. Payu tó sehe jiare yoara masa —niha Jesu tinare.

¹⁴ Ñ ni tuhsuro paina cãhure pjirocaha tiro. Õ sehe niha tinare:

—Musa jipihtina yũhure tãhona taga. Tuhsu yu niare noano tãho ñahaga masa. ¹⁵ Musa dũserire sãa sehe masa chua sehe mũsare buhiri tichu yoerara. Ñaare masa tãhotua sehe mũsare ñaina jichu yoara. ¹⁶ [Yũhure noano tãhoga masa] —niha Jesu.

¹⁷ Tinare ã ni yahu tuhsu Jesu masa cahapu jirore cjiro waha, wũhuru sãa wahaha. Ñ to sãa suchu ñua to buheina sehe to buherire sinitu ñaha. Tí ã sinitu ñuchu tãhoro õ sehe niha tiro:

¹⁸ —¿Musa cãhu ne tãho ñahaerasinijari tíre? Musa dũserire sãa sehe masa chua sehe mũsare ñaina jichu yoerara, Cohamacu to ñuchu. ¹⁹ Tí masa tãhotuapure sãaerara. Musa pjaropu sãa su, yũhdu wijaa wahara —niha Jesu.

Ñ nino “Jipihtia chua noaa jira”, nino niha. ²⁰ Ñ yoã õ sehe ni namoha tjoa:

—Musa ñaa durucua sehe masa dũseri wijaa sehe mũsare ñaina jichu yoara, Cohamacu to ñuchu. ²¹⁻²² Ñano tãhotua, numia mehne ñano yoarucua, yacaa, masare wajãa, namo tiriropu jiparota pacorore manũ tiricorore wũana tia, paio yare tuaro cjoa, ñano yoaa, mahñoa, buo tiro marieno ñaa yoaa, paina ti cãaare ñu yabia, ñano quitu dahrea, “Painare yũhdurucaja”, ni tãhotua, tãho masieraina jia, tí jipihtia mũsare masa tãhotuapu tara. ²³ Jipihtia ahri ñaa masa tãhotuapu taa, mũsare ñaina jichu yoara, Cohamacu to ñuchu —niha Jesu.

Judio masono jieraricoro Jesure wacũ tuaha
(Mt 15.21-28)

²⁴ Ñ ni tuhsuro Tiro wama tiri maca cahapu, Sidõ wama tiri maca cahapu sũro tó macari wũhuru sãa wahaha. Ñ sãhno painare to jiri wũhure yahu

dutieraha. Æ yahu dutieraparota tinare tiro duhti masieraha. ²⁵ Tí pjareta numino to macono watĩno to cohtotaricoro to cahai jiha. Æ jia Jesu yoarire ñha paina to pocorore yahuha. Ti ã yahuri baharo to pocoro sehe waha, Jesu dahpori cahapũ na tuhcuca caha sũha tirore ño payoro. ²⁶ Ticoro Sirofenicia wama tiri yahpa macaricoro jiha.

–Watĩnore cohã wiosiniga yũ macore –ni siniha ticoro Jesure.

²⁷ To ã sinichũ tuhoro õ sehe niha Jesu:

–Wahmanore wũhũ pũro pohna ya chũare dieyacãre yũ wa mũhtachũ tó wahaerara. Israe masa yare pa yahpa macainare yũ wa mũhtachũ tó wahaerara –niha Jesu ticorore piti dahre yahuro.

²⁸ –Æ tjira pũhtoro. Æ jipachũta dieyacã cũhũ mesa docai ti pohna ti chũ site boroare chũ cohtara tinacã cũhũ. (Pa yahpa macaricoro yũ jipachũta yũhũ cũhũre yoadoho masina mũhũ) –ni yũhtiha ticoro.

²⁹ –Mũ ã ni yũhtichũ mũ macore watĩno wijaa tuhsũhre. Ñũco wahaga –niha Jesu ticorore.

³⁰ To ã nichũ tuhoro majare tjuaa, to wũhũpũ tju sũro, to maconore watĩno marienitorore camapũ jiricorore ñha.

Cahmono tũhoeraritore, durucu masieraritore noariro wahachũ yoaha Jesu

³¹ Tí pjare Jesu Tiro wama tiri maca cahapũ jiro waha, Sidõ wama tiri macare sũ yũhdũ wahcã, Decapoli wama tiropũ jia macarine sũ yũhdũ wahcã, Galilea wama tiri bũcupariropũ sũha jũna. ³² Æ jia cahmono tũhoeraritore, noano durucu masieraritore Jesu cahapũ na wihiha paina.

–Mũ wamomaca mehne ña payoga tirore –ni siniha tina tirore.

³³ Ti ã nichũta Jesu sehe tũhoeraritore na wahcã, masa marienopũ sũho sũha. Ti sahsero jiha. Tuhsũ, Jesu to wamo picari mehne tũhoerariro cahmo coparire be sõha. Æ yoa

tuhsũ, chahcho puti, to ñahmanore ña payoha.

³⁴ Æ yoa tuhsũ mũanopũ ñũ mũo, yajeri na, õ sehe niha:

–Efata –niha Jesu. (“Efata” nino, “Pjõohga”, nino nina. Æ nino tirore tũho dutiro niha. Æ nino noano durucu dutiro niha.)

³⁵ To ã nichũta tiro sehe tũho boca, to ñahmano bidaro wahachũ tũhoturo noano durucuha. ³⁶ Æ jiro Jesu tinare tíre painare yahu site dutieraha. To ã yahu site dutierachũ tũhopahta tina sehe painare yahu site namoha. ³⁷ Æ jia masa tũho cũa yũhdũ waha, õ sehe niha:

–Jipihtiare tiro noano yoara. Tũhoerainare noano tũhochũ yoara. Durucu masieraina cũhũre noano durucuchũ yoara Jesu –niha masa.

8

Cuatro mil bui masare chũare waha Jesu

(Mt 15.32-39)

¹ Tí pjare pari turi masa payũ ti cahmachuri baharo chũa maeraina ti jichũ ñũno Jesu to buheinare pjirocaha:

² –Ahrina masa tia dacho waro yũhũ mehne ji tuhsũra. Æ yoa tinare puhĩ mariahna. Ti puhĩ maerachũ ñũcũ tinare pja ñũja yũhũ.

³ Paina tina mehne macaina yoaropũ tahre. “Tinapũ jũca baaina mahai borari”, nicũ tinare chũa marieno ti wũhũsepũ waha duti duaeraja. Æ jicũ tinare puhĩ wa duaja –niha Jesu to buheinare.

⁴ –¿Dohse yoa mari õre masa marienopũre pãore boca wabocari mari? –niha to buheina sehe Jesure.

⁵ –¿Nohope curiri pão curirire cjuajari mũsa? –ni sinituha Jesu.

–Siete curiri jira –niha tina.

⁶ Ti ã ni yũhtichũ tuhoro, tiro masare yahpai duji duti, siete curirire pão curirire na, Cohamacũre “Noana”, niha. Æ ni tuhsũ, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha. ⁷ Æ jia wahi

cãhure mahainacã cjuaha tina. ã jiro tinare Cohamacure “Noana” ni, wahi cãhure witi dutiha. ⁸ Ti witi tuhsuchu tina chuã, yapi yãhdũã wahaha. Ti yapi wahyorire siete pãhuse waro wahpo dapoha tina. Tina cuatro mil bui masa jiha. ⁹⁻¹⁰ ã yoa tuhsu Jesu masare coha sitiha. Coha siti tuhsu to buheina mehne dohoriapũ samuha. Samu tuhsu Dalmanuta wama tiro cahapũ wahaha.

Fariseo curua macaina Jesure Cohamacũ tuãa mehne yoa ño dutiha (Mt 16.1-4; Lc 12.54-56)

¹¹ ã yoa fariseo curua macaina wihi, Jesu mehne cahma sayoha. Tina Jesure Cohamacũ tuãa mehne yoa ño dutia, to yoa ño masierachũ ñũ duamaha. ¹² Ti ã dutichũ tũhoro Jesu cahyaro mehne yajeri sãano, õ sehe niha:

—¿Mũsa mipũ macaina dohse yoana mũsa Cohamacũ tuãa mehne yoa ñoare ñũ duajari? Potocã niita nija mũsare. Mipũ macainare mũsare Cohamacũ tuãa mehne ne yoa ñosi yũhũ —niha Jesu.

¹³ ã ni tuhsu waha, pari turi dohoriapũ samu, sie coapũ pahãa wahaha.

Fariseo curua macaina, Herode mehne macaina cãhure ñaare ti buheare yahuha Jesu (Mt 16.5-12)

¹⁴ ã wahaa, pãore boa waha, dohoriã cã curita pãore cjuaha tina. ¹⁵ ã yoa Jesu cuaro mehne yahuha tinare:

—Noano yoanohbũ. Fariseo curua macaina, Herode mehne macaina cãhũ ti pão bucuarore ñũna noano yoaga. Cua nina tí —ni yahuha.

¹⁶ To ã nichũ tũhoa tina to buheina sehe tĩre ti basi õ sehe ni durucuha:

—Mari pãore mari na taerachũ ñũno ã nĩno nica ahriro —nimaha tina ti basi.

¹⁷ Ti ã nirire masino tinare õ sehe ni sinituha Jesu:

—¿Dohse yoana mũsa pão borire wacũjari mũsa? ¿Mũsa masierasini-jari? ¿Tũho ñahaerasinijari? ¿Tũho duaerajari mũsa? ¹⁸ ¿Capari tiina jipanahta ñerajari mũsa? ¿ã jina

cahmori tiina jipanahta tũhoerajari mũsa? ¿Mũsa ahrire wacũerajari? ¹⁹ ¿Yũhũ cã wamomaca pihtia pão curirire nuha, cinco mil bui masare yũ warire wacũerajari mũsa? ¿Ti yapi wahyorire nohope pãhũsere pão curirire wahpo dapori mũsa? —niha Jesu tinare.

—Doce pãhuse —ni yũhtiha tina tirore.

²⁰ —¿ã yoa yũhũ siete curirire pão curirire cuatro mil bui masare yũ wari baharo nohope pãhũsere pão curiri wahpo dapori mũsa? —niha Jesu.

—Siete pãhuse —ni yũhtiha tina tirore.

²¹ —¿ã ñũpanahta noano tũho ñahaerasinijari mũsa? —niha Jesu tinare.

Jesu capari ñerarirore ñũchũ yoaha

²² ã yoa tina Betsaidapũ ti sachũ ñũã, masa sehe capari ñerarirore na wihiha.

—Tirore ñã payoga —ni, tuaro siniha tina Jesure.

²³ Ti ã sinichũ tũhoro, Jesu capari ñerariro wamomacare ñaha, tí maca dũhtũ cahapũ tirore tũã wahcãha. Tõpũ na sũ, to caparire chahcho puti, to wamomacari mehne tirore ñã payoha.

—¿Mũ ñũchũ bajujari? —ni sinituha Jesu.

²⁴ To ã nichũ tiro sehe ñũno, õ sehe niha:

—Mũare ñũja. Yũ ã ñũpachũta tina yucũri tinia yucũ yoaro sehe bajura —niha capari ñerariro cjiro.

²⁵ To ã nichũ tũhoro Jesu sehe to wamomacari mehne to caparire ñã payoha tjoa. To ã ñã payori baharo capari ñerariro cjiro tuaro to ñũchũ to capari noano bajuha. ã yoaro jipihitiare noano ñũha tiro. ²⁶ To ã ñũ masichũ ñũno, Jesu tirore to wũhũpũ warocaha.

—Macapũ pinihtare wahai tjiga —niha Jesu tirore.

“Jesu potocã Cristo, Cohamacu to warocariro jira”, ni yahuha Pedro (Mt 16.13-20; Lc 9.18-21)

²⁷ Æ yoa Jesu to buheina mehne Cesarea Filipino wama tiri maca cahai jia macaripu waha namoha. Tópu ti waharo wato, Jesu ò sehe ni sinitu ñuha to buheinare:

—¿Diro baro jicari yuhu masa yuhare ti tãhotuchu? —ni sinitu ñuha tiro tinare.

²⁸ To ã sinitu ñuchu tãhoa ò sehe ni yãhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu mãhtaina cjiri mehne macariro jira”, nina mãhare —ni yãhtiha to buheina tirore.

²⁹ Ti ã ni yãhtiri baharo Jesu ò sehe ni sinitu namoha tinare:

—¿Musa sehe musa tãhotuchu diro baro jicari yuhu? —ni sinitu ñuha tjoa.

—Mahu Cristo Cohamacu masare yãhdo duti to warocariro jira —ni yãhtiha Pedro.

³⁰ To ã nichu tãhoro Jesu ò sehe niha:

—Yuhare “Cristo jira tiro”, ni yahu sitesiniena tjiga painare —niha tinare.

Jesu to yariahtore, to masa wi-jaahto cãhare yahuha

(Mt 16.21-28; Lc 9.22-27)

³¹ Tinare to ã ni sinitu ñuri baharo, ò sehe ni buhe dũcaha tiro:

—Yuhu masano Cohamacu warocariro jija. Æ jicu tuaro ñano yãhdũcũhca. Æta waharo cahmana yuhare. Mari coyea judio masa, bũcũna, sacerdotia puhto, mari judio masare buheina yuhare cahmaeraa, yuhare wajã dutiahca. Ti ã wajãchu tia dacho wahaboroi masa wijaaichca —niha Jesu tinare.

³² Æ nino ne tãho wisiachu yoaro marieno yahuro niha tinare. To ã nichu tãhoro Pedro sehe pa sehe curerocã Jesure narũcu su, tirore ã ni dutieraha. ³³ To ã ni dutierachu tãhoro Jesu to buheinare majare ñu, tuhtiha Pedre:

—Satana yoaro sehe durucui nina mahu. Æ nii tjiga. Mũ tãhotua masa ya jira. Cohamacu ya jierara —niha tiro Pedre.

³⁴ Æ ni tuhsu masare to buheina mehne tiro cahapu pjiroca, ò sehe niha:

—Cãiro yu yairo ji duaro, to cahmano yoa duamarire duhuno-canohca. Æ jiro crusapu yu ñano yãhdũhtiro seheta tiro yu yairo to jiri buhiri ñano yãhdũparota yuhare duhusi. Æ jiro yu yare yoarucuriro jirohca. ³⁵ Masano to mũ sũro to cahmano seheta yoariro pichacapu tiro waharohca. Æ yoa masano yu yare ã yoarucuro, noaa buheare ã yoarucuro, jipihtia dachoripe yuhu mehne mãanopu jirucurohca.

³⁶ ¿Cãiro masano ahri yahpa macaare jipihtiare cjuariro pichacapu waharo yabare wapatajari tiro? Æ jiro ne wapataerara. ³⁷ Pichacapu to wahachu ne dohse wapa wiohto basioerara. Masano to jia tia wiho waro jierara. ³⁸ Mipure ñaina, Cohamacu cahmaeraina ti mũ sũro ti yoari dacho jiro nina. Cãina yu wamare, yu buheare ni dua bũo tiboca. Ti ã yoachu ñũcu yuhu masano Cohamacu warocariro noaina anjoa mehne yu Pũcu to si sitero mehne tjua tacu yu wamare ni duapahta bũo tiinare bũo tisãaihca yuhu cãhu —ni yahuha Jesu.

9

¹ Æ ni tuhsu ò sehe ni namoha Jesu:

—Potocãta niita nija musare. Cãina musa õpũre jiina musa yariahto pano puhtoro Cohamacu to sãho jiropũre yu sãachu yuhare ñũnahca —niha Jesu tinare.

Jesu to pjacũre cohtotaha

(Mt 17.1-13; Lc 9.28-36)

² Æ yoa seis dachori baharo Jesu Pedre, Santiagore, ã yoa Santiago baharo João cãhare mũadu tũcũpu tina dihtare pji mũjaha. Mũanopu ti mũja sũri baharo ti ñũrocaroi to pjacũre cohtotaha. ³ To suhtiro noano si sitero, noano yehseri

suhtiro wahaha. Ahri yahpa macaa numia suhti cosaa numia ã yehsechũ yoa masierara. ⁴ Æ jia Elia cjiro, ã jichũ Moise cjiro mehne Jesu mehne ti suhũdũchũ ñũha tina tiaro Jesu buheina. ⁵⁻⁶ Æ jia tina tuaro cuiha. Æ cuiro dohse ni masieramahno õ sehe nimaha Pedro:

—Puhtoro, mari õi jichũ noa duara. Tia wũhũcã yoanahtja sã. Mũ ya wũhũcã, Moise ya wũhũcã, Elia ya wũhũcã yoanahtja —nimaha tiro Jesure.

⁷ To ã niri baharocãta, me curua ti bui duji pja sũha. To ã duji pja sũchũta, me curua watoi õ sehe nino coa taha:

—Ahrĩro yũ macũ yũ cahĩriro jira. Tũhoga tirore —nino coa taha.

⁸ Æ nino coa tachũta Pedro cãhũ ñũrocamaha. Jesu dihtare ñũha. Ti ñũrina cjiri sehe mariaha jũna. ⁹ Æ jiro tũcũpũ ti duji tachũ Jesu tinare õ sehe ni yahuha:

—Michapucacã yũhũre ã waharire painare yahuena tjiga. Yũhũ masũno Cohamacũ warocarĩro yũ yaria masa wijaari baharo tĩre painare yahuga mũsa —ni yahuha tiro.

¹⁰ Æ jia to dutĩriro seheta tina ti ñũrire yahueraha painare. Æ jia tina ti basi õ sehe ni sinitu durucuha:

—“Yũ yaria masa wijaari baharo” nino, ¿dohsearo ã niri tiro? —ni durucuha tina.

Æ jia Jesure õ sehe ni sinituha:

¹¹ —“Cristo to tahto pano Eliare ta mũhtano cahmana”, nina mari coyera judio masare buheina. ¿Dohse jiro baro ã nijari tina? —ni sinituha tina tirore.

¹²⁻¹³ Jesu õ sehe ni yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhũ masũno Cohamacũ warocarĩro payũ tahari ñano yũhdũihca. Paina yũhũre cahmaeraa, ñano yoaahca. ¿Tĩ cãhũre masijari mũsa? Æ jicũ ahriire nihtja mũsare: Elia wihi tuhsũre. To ã wihipachũta tina ti cahmarĩro seheta

tirore ñano yoaha. Æta ni joaha tirore —niha Jesu tinare.

Jesu wahma wahmũa tarĩrore noarĩro wahachũ yoaha

(Mt 17.14-21; Lc 9.37-43)

¹⁴ Æ yoa duji ta, paina buheina cahapũ sũ, payũ masare ñũha Jesu. To buheina sehe judio masare buheina mehne cahma sayoa niha. ¹⁵ Æ jia Jesu cãhũ ti duji tachũ ñũha, jipihũtina masa cũaa waha, tiro cahapũ mũrocaa wahaha. Tiro cahapũ sũa:

—¿Tamajari? —niha tirore.

¹⁶ —Tamaja —ni tuhsũ—, ¿dohse ni cahma sayona niri mũsa tina mehne? —ni sinituha Jesu to buheinare.

¹⁷ To ã ni sinituchũ tũhoro, masa watoi ducurĩro õ sehe ni yahuha tirore:

—Buherĩro, yũ macũre watĩno to cohtotarĩrore mũhũre na tamahi. Watĩno sehe tirore durucu dutierara. ¹⁸ Yũ macũre to ñahachũ yahpapũ bora, bahca diho, bũhaa wahaa tire tiro. Æ waharo sahpo tua tire. Æ jicũ mũ buheinare watĩnore cohã wio dutimahi. Yũ ã dutipachũta tina sehe cohã wio masierare watĩnore —ni yahuha Jesure.

¹⁹ To ã nichũ tũhoro Jesu õ sehe niha tinare:

—Ne, yũhũre wacũ tuaerara mũsa. Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? Tirore na tahga yũhũre —niha Jesu.

²⁰ To ã nichũ tũhoa watĩno to cohtotarĩrore Jesu cahai na taha. Ti na wihichũ ñũno watĩno sehe wahma wahmũa tarĩrore yahpapũ doca caha sũ, tunu teterechũ yoaha. Æ yoa sahpo tua wahaha.

²¹ —¿Noho puro yoari pja watĩno to cohtotarĩrore jijari ahriro? —ni sinituha Jesu sehe to pũcũrore.

—Wihãrirocã jiroputa tiro watĩno to cohtotarĩrore jira. ²² Æ cohtotaro payũ tahari watĩno sehe tirore pichacapũ, copũ cãhũre cohã wajãmaha. Æ jicũ mũhũ yoa masicũ sãre pja ñũ, yoadohoga —niha to pũcũro Jesure.

23 To ã nichu tuhoro õ sehe niha Jesu:

—¿Dohsea jiro baro “Muhu yoa masicu”, nijari muhu yuhure? Yuhure mu wacu tuachu ñno, Cohamacu jipihitiare yoa pahño masina muhure yoadohobasaro —niha Jesu.

24 To ã nichuta wahma wahma tariro pucuro õ sehe ni sañurucuha:

—Muhure wacu tuaja. Yu wacu tuaerachu ñcu yuhure yoadohoga muhure yu noano wacu tuahto sehe —niha tiro.

25 Æ jiro masa payu tina cahapu muroca ta, ti cahmachuch ñno, Jesu watĩnore õ sehe ni tuhtiha:

—Muhu durucu dutierariro, tuho dutierariro ahrirore cohtotariro wijaahga. Æ wijaacu tirore pari turi cariboi tjiga —niha Jesu.

26 To ã nichu tuhoro watĩno sañurucu, wahma wahma tarirore yahpamu doca caha su tunu teterechu yoa, wijaaha. To ã wijaachu wahma wahma tariro yariariro yoaro sehe wahaha.

27 —Tiro yariaa wahara —nimaha masa payu.

Ti ã nipachuta Jesu sehe to wamomacare ñaha, tirore wahcõha. To ã wahcõchu wahcõha tiro sehe. 28 Baharo Jesu cõhu wuhupu ti sãa sũchu to buheina tirore õ sehe ni sinitu ñaha:

—¿Dohseana sã sehe watĩnore cohã wio masierari, mu tuhouchu? —ni sinitu ñaha tina.

29 —Ahriro baro watĩnore cohã wio duana Cohamacure tuaro sinino cahmana musare. [Æ yoa duana chu duhuro cahmana musare Cohamacure sinina tana] —ni yuhtiha Jesu tinare.

Pari turi Jesu to yariahtore, to masa wijahtore yahuha

(Mt 17.22-23; Lc 9.43-45)

30 Æ yoa tõpu jiina waha, Galilea yahpamu su, yuhdaha. Tõpu ti waharire paina ti masichu cahmaeraha Jesu to buheinare buhe duaro.

31 Tõpu sũro to buheinare buhe tiha. Õ sehe ni buheha:

—Yuhu masũno Cohamacu warocariro jija. Masa yuhure ñaha,

painapure yuhure waahca. Ti ã wari baharo yuhure wajãahca tina. Ti ã wajãricu tia dacho wahaboroi masa wijaahca —niha tinare.

32 To ã nichu tuhoa tina noano tuhoeraha. Æ jia cuia tirore tĩre sinitu ñu namoeraha.

Jesu buheina tina mehne macarirore puhtoro sõ duaa nimaha

(Mt 18.1-5; Lc 9.46-48)

33 Æ yoa tina Capernaupu ti sũri baharo wuhupu ti jichu Jesu sehe õ sehe ni sinitu tinare:

—¿Mahapure tana, dohse ni durucu tana niri musa? —ni sinitu tinare.

34 To ã nichu tina yuhtieraha. Mahapure taa, cahma õ sehe ni durucu taa niha:

—¿Mari mehne macarirore diro sehere mari puhtoro sõnahcari mari? —ni durucua niha mahai tarucua.

35 Æ jia ti ã nirire buo tia Jesure yuhtieraha. Ti ã yuhtierachu ñno Jesu nuju su, to buheinare doce buheinare pjiroca õ sehe niha:

—Musa puhto ji duana jipihtina masa ti cahamaca jiro cahmana musare. Tuhsu, wiho jiina jipihtina docai jinahca musa —niha Jesu tinare.

36 Æ nino nijinocãre tina watoi duhu dapoha. Duhu dapo tuhsu tirocãre na wua, õ sehe ni yahuha:

37 —Yu yare yoa duana ahrirocãre musa cahmana, yuhu cõhure cahmana musa. Æ yoa yuhure cahmana, yuhure warocariro mari pucõ cõhure cahmana musa —niha Jesu tinare.

Marine ñu tuhtiriro jieraro, mari mehne macariro jira

(Mt 10.42; Lc 9.49-50)

38 Baharo João õ sehe niha Jesure:

—Buheriro, mu wama mehne mu tuaa mehne watĩare cohã wiorirore sã ñahi. Tiro mari mehne macariro to jierachu ñana tĩre tirore yoa dutiera tihi sã —niha tina.

39 Ti ã nichu tuhoro Jesu tinare õ sehe ni yahuha:

—Æ niena tjiga musa tirore. Cũiro yu wama mehne Cohamacu tuaa mehne yoaro, baharo yuhure ñano

ni durucu masierara. ⁴⁰ Marine ñu tuhtiro jieraro, tiro mari mehne macariro jira. ⁴¹ Musare potocãta nii nija. Yu yaina musa jichu ñua paina musare ti yoadohochu ñuno Cohamacu tinare noano yoarohca. Core musare ti sihõchu mahanocã ti wapachata tinare noano yoarohca Cohamacu ti ã yoari wapa –niha Jesu tinare.

*Ñaare yoachu cua nina
(Mt 18.6-9; Lc 17.1-2)*

⁴² Ñ yoa Jesu õ sehe ni yahu namoha:

–Ahrirocã sehe jiriore yuhure wacũ tua ducaritore yahuihtja musare. Pairo ahrirocã sehe jiriore ñaare yoa dutiro tiro ñabiaro yuhdũrohca. Cũirore to wamapũ pjiria tãcare dũhte yo, pjiri mapũ tiore ti cohãchu ñano wahaboa tiro. Ñ jiro ahrirocã sehe jiriore ñaare yoa dutiro tiro sehe pjiri mapũ ti cohãiro yuhdoro ñano yuhdũrohca.

⁴³⁻⁴⁴ 'Mu wamomaca mehne ñano yoacu tí wamomacare mu dũte cohãboro seheta tí mu ñaa yoaa sehere duhuga. Tíre duhueracu pichacaru wahaihca. Tópre ne pichaca yatierara. [Ñ yoa dachoa ne yarierara.] Mu wamomacare mu cohãchu tí si dihta butiboa. Tuhsu, muhu sehe ã si jipaihta baharo Cohamacu mehne jiihca. Pua wamomaca mehne pichacaru wahacu mu ã wahachu ñaa yuhdũaboa muhure. Ñ jicu tí mu ñaa yoaa sehere duhuga.

⁴⁵⁻⁴⁶ 'Mu dahporo mehne ñano yoacu tí dahporo cũhure mu dũte cohãboro seheta tí mu ñaa yoaa sehere duhuga. Tíre duhueracu pichacaru wahaihca. [Tópre ne pichaca yatierara. Ñ yoa dachoa ne yarierara.] Mu dahporore mu cohãchu tí si dihta butiboa. Tuhsu, ã si jipaihta baharo Cohamacu mehne jiihca. Pua dahporo mehne pichacaru wahacu mu ã wahachu ñaa yuhdũaboa muhure. Ñ jicu tí mu ñaa yoaa sehere duhuga.

⁴⁷⁻⁴⁸ 'Mu capariaca mehne ñano yoacu tiare orewe mu cohãboro seheta tí mu ñaa yoaa sehere duhuga.

Tíre duhueracu pichacaru wahaihca. Tópre ne pichaca yatierara. Ñ yoa dachoa ne yarierara. Tiare mu cohãchu tia dihta butiboa. Cũ bũhusehe capariaca mariapaihta baharo Cohamacu mehne jiihca. Pua capariaca mehne pichacaru wahacu mu ã wahachu ñaa yuhdũaboa muhure. Ñ jicu tí mu ñaa yoaa sehere duhuga.

⁴⁹ 'Ahri yahpai jina ñano yuhdũnahca musa. Pichacaru mari jũchu marine purĩno seheta ñano yuhdũnahca musa. ⁵⁰ Moa noano coara. Moa coerachu, coa yoaho basioerara. Moa coeraro tí moa ne noaerara. Tí moare dohsehto basioerara. Moa noano to coaro seheta musa cãhu ji coaina jiga. Tuhsu, paina mehne noano mehne jiga –ni yahuha Jesu tinare.

10

Ti namosãnumiare cohãare yahuha Jesu

(Mt 19.1-12; Lc 16.18)

¹ Ñ yoa tiro tópre jiro waha, Judea yahpa caharu su, Jordão wama tiri ma pa bũhusehe coaru suha. Tópre to suchu ñua masa payu tiro caharu cahmachuha tjoa. Ti ã cahmachuchu ñano tó pano to buheriro seheta pari turi buheha tjoa. ² To ã buhero watoi fariseo curua macaina wihaha. Jesure ñano to durucuchu tuho duamaha tina tiore yahuã duaa. Ñ tuho duaa tina Jesure õ sehe ni sinitu ñaha:

–¿Mari namore cohãchu noabocari? ¿Mari dutia sehe tó seheta yoa dutijari, mu tuhotuchu? –ni sinitu ñaha tina.

³ –¿Dohse yoa dutiri Moise cjiro musare? –ni yuhtiha Jesu.

⁴ –“Mu namore cohã duacu papera pũi tíre joaga. Ñ joacu tí pũre mu namore mu wari baharo ticorore cohã masina muhu”, ni joaa tiha Moise cjiro –ni yuhtiha fariseo curua macaina sehe.

⁵ Ti ã nichu tuhorõ õ sehe ni yahuha Jesu:

—Cohamacu dutiare musa yoa duerachu ñuno ã ni joaa tiha Moise cjiro. ⁶ To ã ni joariro jipachuta ahri yahpare bajuamehneriro muno, numino cãhure yoaha. ⁷ Æ jiro muno to pucsumare cohã wijaa, to namono mehne jirohca. ⁸ Æ jia tina pãaro jipahta cã pjacu yoaro sehe jira. Tina pãaro yoaro seheta jierara. Cã pjacu yoaro sehe jia nina. ⁹ Cohamacu to wamomaca dũhte dutiina jira. Æ jia tinare duhueraro cahmana —niha Jesu tinare.

¹⁰ Æ ni tuhsu tiro to buheina mehne wuhuru sãa wahaha. Wuhuru sãa sãa, ti namosãnumiare cohãare to buheina sinitu ñaha tjoa tirore. ¹¹ Ti ã sinitu ñachu tiro õ sehe ni yũhtiha:

—To namonore cohãriro pacorore namo tiro, pacoro mehne ñano yoariro jira. Æ jiro to cohãricorore ñano wahachu yoaro nina. ¹² Æ yoa numino sehe to manũnore cohãno, pairore manũ tiro, tiro mehne ñano yoaricoro jira —niha Jesu tinare.

Macanacã ya cjihtire Cohamacure sini payoha Jesu
(Mt 19.13-15; Lc 18.15-17)

¹³ Æ yoa macanacãre Jesure ña payo dutia taa tinacãre Jesu caharu na taa tiha. Ti ã na tachu ñaha to buheina sehe tinacãre na tainare tuhtiha. ¹⁴ Ti ã tuhtichu ñano Jesu suaha tina mehne. Æ suaro õ sehe niha tinare:

—Macanacã yu caharu tajaro. “To cahai wahaena tjiga”, niena tjiga tinacãre. Tinacã Cohamacure ti pũhtoro tũhotura. Pũhtoro Cohamacu to sũho jiina ahrinacã yoaro sehe tũhotuina baro dihta jira. ¹⁵ Potocã niita nija musare. Ahrinacã Cohamacu ti pũhtoro cjihtore cahmana. Ti yoaro seheta musa cãhu Cohamacu musa pũhtoro cjihtore cahmaerana, pũhtoro Cohamacu to sũho jihtina ne jisi musa —niha Jesu.

¹⁶ Æ ni tuhsu Jesu macanacãre na wua tjiãhno, tinacãre ña payoro, õ sehe niha:

—Ahrinacã noainacã wahajaro —ni sini payoha Cohamacure.

Pache pãro Jesure sinitu ñaha
(Mt 19.16-30; Lc 18.18-30)

¹⁷ Æ yoa Jesu mahai to waharucuchu paio sehe mũroca wihi, to dahpori caharu na tuhcu caha sũha tirore ño payoro.

—¿Ne, noariro buheriro, yũhu jipihitia dachoripe Cohamacu mehne ã jirucu duacu dohse yoacũhcaru yũhu? —niha tiro Jesure.

¹⁸ To ã nichu Jesu õ sehe ni yũhtiha:

—¿‘Noariro’ ni pisujari mũhu yũhure? Noariro sehe Cohamacu dihta jira. ¹⁹ Ahri Cohamacu dutiare masina mũhu: Masare wajãena tjiga. Namu tiroropũ paye numia mehne jiena tjiga. Yacaena tjiga. Mahũoa mehne pairore yahusãena tjiga. Paina yare mahũo naena tjiga. Musa pucsumare ño payoga. Ahri dutiare yoaihca mũhu —ni yahuha Jesu tirore.

²⁰ —Buheriro, yũhu tí jipihtiare wahma wahmua tariro jipũta yũdũrucaera tihi yũhu —niha tiro Jesure.

²¹ To ã nichu tũhoro Jesu sehe tirore cahãa mehne ñũroca õre. Æ ñũroca õno, õ sehe niha:

—Mahanocã dũhsara mũhure mu yoa pahũohto. Jipihtiare mu yare duai wahaga. Æ yoacu jipihtia mu wapatari niũerure pjacũoinare waga. Mu ã yoachu payu mu ya noaa mũanopũ, Cohamacu caharu jiyuahca. Mu ã yoari baharo yũhu mehne macariro cjihto taga —niha Jesu tirore.

²² To ã nichu tũhoro tiro sehe payu pache cjuariro jiro tíre pjacũoinare wa duaeraro, cahya, jicoaeraa, waha wahaha.

²³ To ã cahyachu ñuno Jesu majarercu sũro, to buheinare ñũroca õ, õ sehe niha:

—Pache pua pũhtoro Cohamacu to sũho jiropare ti waha duachu mijobiara —niha tinare.

²⁴ To ã nichu tũhoã tina sehe tíre tũho cãaa wahaha. Æ ni tuhsu Jesu

pari turi õ sehe ni yahu namoha tinare:

–Coyea, jipihtina [Cohamacure wacũno marieno “Mari m̄ s̄uro mari c̄uaa mehneta noano ȳhd̄nahca”, ni t̄hotuina pache p̄ua] p̄htoro Cohamacu to s̄ho jirop̄are ti waha duach̄u mijobiara. ²⁵ Camello sehe awicã copacãre to s̄ãa nuhri wijaa duach̄u basioerara. To ã jiro ȳh̄doro pache p̄uro p̄htoro Cohamacu to s̄ho jirop̄are to waha duach̄u nu mijobiara –ni yahuha Jesu tinare.

²⁶ To ã nich̄u t̄hoa tina sehe t̄ho c̄ua ȳhd̄na waha, ti basi õ sehe niha:

–Cue, to nino seheta potocã jich̄u ne c̄uro mas̄nore ȳh̄doeraboca Cohamacu –niha tina ti basi.

²⁷ Ti ã nich̄u t̄horo Jesu tinare ñ̄roca õ, õ sehe niha:

–Masa ti basi ti m̄ s̄uro ȳhd̄u masierara. Wiho mejeta Cohamacu sehe masare pichac̄u waha-borinare ȳh̄do masina. Tiro jipih-tiare noano yoa masi pah̄ñiro jira –niha Jesu tinare.

²⁸ To ã nich̄u Pedro tirore õ sehe niha:

–T̄hosiniga. Sã sehe jipihtia sã yare c̄nocaa tii m̄h̄u mehne tana –niha tiro Jesure.

²⁹ To ã nich̄uta Jesu õ sehe niha:

–Potocã niita nija m̄sare. Noaa buheare, ȳ yare yoana tana ȳh̄re ñ̄o payona tana m̄sa w̄h̄sere, m̄sa bahanare, m̄sa p̄oc̄s̄anumiare, m̄sa poh̄nare, m̄sa weserire c̄nocarina jina, p̄j̄ro wapatanahca m̄sa mip̄are. ³⁰ ã yoana m̄sa w̄h̄serire, m̄sa bahanare, m̄sa p̄oc̄sanumiare, m̄sa poh̄nare, m̄sa weserire, tó pano m̄sa c̄j̄ariro ȳh̄doro mip̄are paȳu c̄janahca m̄sa. ã yoa paina m̄sare ñ̄ano yoaahca. ã jina baharop̄are pa turup̄u jipihtia dachoripe Cohamacu mehne jinahca. ³¹ Mip̄are paȳu p̄htoa jirina cjiri tí p̄j̄are wiho jiina tjuanocaahca. ã yoa mip̄are paȳu wiho jiina jirina cjiri tí p̄j̄are p̄htoa cohtotaahca tjoa –ni yahuha Jesu tinare.

Pari turi Jesu to yariahtore, to masa wijaahtore yahuha

(Mt 20.17-19; Lc 18.31-34)

³² ã yoa tina mahap̄u maja, Jerusal̄p̄u m̄j̄aa niha. Jesu ti panocã m̄ t̄aha. ã to m̄ t̄ach̄u ñ̄ua to buheina ñ̄u c̄uaa wahaha. ã yoa ti baharo n̄n̄u t̄ina sehe cuiro mehne n̄n̄u tiha. ã yoa Jesu doce to buheinare ti sahsero naaha tjoa. ã naa tuhs̄u, masa tirore ti dohse yoahtire Jesu yahu d̄caha tinare:

³³ –T̄hoga ȳh̄re. Mip̄are Jerusal̄p̄u wahana nija mari. Tóru masa ȳh̄re mas̄nore Cohamacu warocarirore ñ̄aha, painap̄are ȳh̄re waahca. Sacerdotea p̄htoare, mari coyea judio masare buheina c̄h̄re ȳh̄re waahca. ã jia ȳh̄re wajã dutiahca tina. ã wajã dutia judio masa jieraina sehene ȳh̄re waahca.

³⁴ Ti ã wari baharo tina sehe ȳh̄re buj̄ape, chahcho puti sihõ, tjana, wajãahca. ã yoa ȳ yariari baharo tia n̄m̄u wahaboroi masa wijaaahca –ni yahuha Jesu tinare.

Santiago João mehne Jesure siniha
(Mt 20.20-28)

³⁵ ã yoa Santiago, João mehne Jesu cahap̄u s̄ua, siniha tirore. Tina Zebedeo poh̄na jiha. ã jia õ sehe ni siniha:

–Buheriro, sã sinino seheta sãre yoaga m̄h̄u –niha tina Jesure.

³⁶ –¿Dohse ȳ yoach̄u cahmajari m̄sa? –niha Jesu tinare.

³⁷ –Jipihtina bui p̄htoro jic̄u sãre m̄h̄u mehne duji dutiga. C̄uro m̄ poto buh̄sehei paio m̄ cõ buh̄sehei duji dutiga sãre, m̄h̄u mehne p̄htoa sã jihto sehe –niha tina Jesure.

³⁸ Ti ã nich̄u t̄horo õ sehe ni yahuha Jesu tinare:

–M̄sa ñ̄ano ȳhd̄htore masiera-panahta ã sinina ȳh̄re. ¿Mip̄are ȳ ñ̄ano ȳhd̄htõ seheta ñ̄ano ȳhd̄na c̄no p̄jabocari m̄sa c̄h̄u? –ni sini-tuha tinare.

³⁹ To ã sinituch̄u t̄hoa tina õ sehe ni ȳhtiha:

–C̄no p̄janahca –ni ȳhtiha tina.

Ti ã nichu Jesu õ sehe ni yahuha:

–Yu ñano yuhduhto seheta ñano yuhdunahca musa cãhu. ⁴⁰ Musa ã yuhduhtina musa jipachuta, yuhu mehne dutihtinare, yuhu mehne dujhtinare bese masieraja yuhu. Ahrire yu Pucu sehe cahno tuhsure. ã jia to besehtina dihta yu poto buhusehei yu cõ buhusehei dujiahca –niha Jesu tinare.

⁴¹ ã jia paina diez buheina Santiago, João ahrina puaro mehne susiniha ti ã sinirire tuhoa. ⁴² Ti ã susinichu ñano Jesu to buheinare pjiroca, õ sehe niha:

–Cohamacure masieraina puhtoã sehe ti masare dutia, purino mehne dutira. ⁴³ Musa sehe ne ã yoasi musa basi. Diro musa mehne macariro musa bui puhtoro ji duaro, jipihtina tiro mehne macaina cahamacuno yoaro sehe jia tiro cahmana tirore.

⁴⁴ ã yoa diro musa mehne macariro musare dutiro ji duariro musa cahamacuno yoaro sehe jia tiro cahmana tirore. ⁴⁵ Tõ seheta jiriõ jia yuhu cãhu. Yuhu masuno Cohamacu warocariro jipacuta ahri yahpapure yuhure musa yoadohohtire musare sinii tai nierahi. Musa sehere yoadohoi tai nii. ã yoacu payu masa ya buhirire yaria, wapabasai tai nii. Yu ã yariaro mehne payu masare pichacaru wahaborinare yuhduchu yoai tai nii –niha Jesu tinare.

Bartimeore, capari ñerarirore ñichu yoaha Jesu
(Mt 20.29-34; Lc 18.35-43)

⁴⁶ ã yoa baharo tina Jericõru sãha. Jesu to buheina mehne, ã jichu paina masa payu mehne tí macai jiina ti wahachu tí macare ti yuhdu wahcãchu waro, Bartimeo sehe ti wahari maha duhtu cahai dujiha. Tiro Timeo macuno capari ñerariro jiro, masare niñerucãre ã sinirucuriro jiha. ⁴⁷ Ti wahari maha duhtu cahai dujiro, “Jesu Nazare macariro tara”, ti nichu tuhoro, Bartimeo sehe õ sehe ni sañurucuha:

–Jesu, Davi cjiro panamino masare yuhdohtiro, pja ñuga yuhure –ni sañurucuha Jesure.

⁴⁸ To ã nichu tuhoa masa payu Bartimeore “Dihta mariaha”, ni tuhtiha tina tirore. Ti ã ni tuhtichu tuhoro Bartimeo tõ pano to sañurucuriro yuhdo curero sañurucu namoha tjõa:

–Jesu, Davi cjiro panamino masare yuhdohtiro, pja ñuga yuhure –ni sañurucuha tiro.

⁴⁹ To ã ni sañurucuchu tuhoro Jesu sehe tjuarucu su, “Pjirocaga tirore”, niha. To ã nichu tuhoa tina sehe capari ñerarirore õ sehe ni yahuha:

–Wahchega. Wahcãrucaga. Tiro muhure pjira –niha tina Bartimeore.

⁵⁰ Ti ã nichu tuhoro to bui macari suhtirore tjuwe cõ, pu wahcãrucu su, Jesu caharu sãrucu sãha. ⁵¹ ã jiro, Jesu sehe õ sehe ni sinituha tirore:

–¿Dohse yu yoachu cahmajari muhu? –niha Jesu tirore.

–Yu puhtoro, yuhure ñichu yoaga –niha capari ñerariro Jesure.

⁵² –Wahaga muhu. Muhu yuhure wacõ tuacu noariro wahara –niha Jesu tirore.

To ã nichuta capari ñerariro ñha wahaha. ã noariro waharo Jesu mehne maharu wahaa wahaha.

11

Jerusalõru sãha Jesu
(Mt 21.1-11; Lc 19.28-40; Jn 12.12-19)

¹ ã yoa tina Jerusalõru ti suhto panocã tãcu Olivo wama tidu duhtu cahai jiri maca Betfagã wama tiri maca cahai, ã jichu Betania wama tiri maca cahai su muhtaha. Tí macari puã maca cahai Jesu sãro, to buheina puarore warocarõ taro, õ sehe ni yahu quihõha:

² –Sí macaru wahaga. Tõru sãna dõhta burrocãre ti duhte daporrocãre boca sãnahca. Tiro ne cãiro ti pisamahnoerarrocã jica. Tirocãre bocana, yuta dare pjã, na tabasaga yuhure. ³ Musa tirocãre pjãchu ñano cãiro dohse jiriõ, “¿Dohse yoana tana burrocãre duhte daporõ dare

pjājari mūsa?”, to nichu tūhona, ō sehe ni yuhtiga tirore: “Mari puhtoro burrocāre cahmarocasinire. Michapucacāta wiarohca tiro”, ni yahuga tirore —ni yahu duti warocaha to buheina puarore.

⁴ To ā nichu waha, tí wuhu sopaca cahai burrocāre ti dūhte dapor-irocāre bocaha. Boca, tirocāre pjāha. ⁵ Tirocāre yuta dare ti pjāchu űna tói ducuina ō sehe ni sinituha tinare:

—¿Dohse yoana tana burrocāre dūhte dapor-irocāre pjājari mūsa? —ni sinituha tina.

⁶ Ti ā nichu tūhoa, tina sehe Jesu to niriro seheta yahuha tói ducuinare. Ti ā ni yahuchu tūhoa tói ducuina sehe “Naahga”, niha tinare. ⁷ Ā jia tina burrocāre Jesu cahapu na sūha. Ti na sūri baharo tirocā bui ti bui sūa suhtire ti pjūpaha payo tuhsuchu űno, Jesu sehe tirocā bui mūja pja, wahaha. ⁸ Tirocā bui to wahachu űna, masa payu ti bui sūa suhtire tjuwe na, to wahahti mahai saño cū mūhtaha, Jesure űno payoa. Paina sehe campopu pūri tia dūparire yucu dūparire dūte na ta, to wahahti mahai duhu cūha.

⁹ Ā jia to pano wahaina, to baharo nūnu tiina mehne ō sehe ni sañurucuha:

—Ahrirore wahche payojihna. Ahriro Cohamacu to warocariro noano jijaro. ¹⁰ Mari űuchu Davi cjiro puhtoro to noano sūho jiriro seheta, ahriro marine to sūho jihto cūhu noano jijaro. Mūano macariro Cohamacu, mūhu tuariro waro jira —ni sañurucuha tina.

¹¹ Ti ā yoari baharo Jesu sehe Jerusalēpu sūha. Sū, Cohamacu ya wuhupu sūa sūro, tí wuhū jiare jipihtiare űn pahñonocaha. űn tuhsu “űnamichahapu waro jira marine” nia, Jesu to buheina doce buheina mehne Betaniapu wahaa wahaha.

Jesu higueraçare yaria dutiha
(Mt 21.18-19)

¹² Ā yoa pa dachoi tina Betaniapu jiina wahaa wahaha. Ā jiro Jesu sehe jūca baa, yoaropu higuera wama tidare noano pūri tidare űno tu

dichare macano wahamaha. ¹³ Dicha mariaha. Dicha tiri pja jieraro pūri dihta jiha. ¹⁴ Ā jiro dicha mariaçu űno ō sehe niha:

—Ahdū dichare masa ne pari turi chūea tjijaro. Ne dicha tiero tjijaro —niha Jesu.

To ā nichu to buheina sehe tūhoha.

Jesu Cohamacu wuhure Cohamacu mehne durucuri wuhure yoa dutiha

(Mt 21.12-17; Lc 19.45-48; Jn 2.13-22)

¹⁵ To ā yoari baharo tina Jerusalēpu sūha. Tópu sūro, Jesu Cohamacu ya wuhupu sūa sūro pache duainare, nuchūina cūhure cohā wioha. Ā yoaro niñeru cohtotaa mesarire yo wahcō na majare cū mūjaa tiha. Bujaare duaina ti dujia pahtari cūhure āta yoaha. ¹⁶ Ā yoaro paye barore na sūa dutieraha masare. ¹⁷ Tó sehe yoa tuhsu, Jesu ō sehe ni buheha tinare:

—Ō sehe nina Cohamacu yare ti joari pūi: “Yū wuhū Cohamacu mehne durucuri wuhū wama tirohca. Ā jiro jipihtiro macaina ya wuhū cjihto jirohca”, ni joaa tiha Cohamacu yare ti joari pūi. To ā nipachuta mūsa sehe ahri wuhū duana, mūsa basi cahma yacara mūsa —ni buheha tinare.

¹⁸ To ā ni buhechu jipihtina masa sehe tūho cūaa wahaha. Ā jia sacerdotea puhtoa, sū judio masare buheina mehne tirore cui niha. Ā jia tina tirore ti wajāhti cjihtire wacū macamaha. ¹⁹ Ti ā yoachu űnamichahapu Jesu to buheina mehne tí macapu jirina cjiri wahaa wahaha.

Higueraçu űaia wahaha
(Mt 21.20-22)

²⁰ Ā jia bohrearo mahapu maja taa, higueraçare űna. Tu nūhcoripu űai dūca, űaia wahaha tu. ²¹ Tūre űno Pedro sehe wacūno ō sehe niha:

—Buheriro, űuga. Higueraçu mū yaria dutidū yaria wahari jira —niha Pedro.

²² To ā nichuta Jesu ō sehe ni yahuha tinare:

—Cohamacaçare wacū tuaga mūsa.

²³ Potocā niita nija mūsaçare. Ahdū

tūcure pjiri mapu musa cohã dutichu musa niriro seheta ã waharohca. Cohamacure noano musa wacũ tuachu “Yu siniriro seheta ã waharohca”, musa ni tūhotuchu musa niriro seheta ã waharohca. ²⁴ Æ jicū ahrire yahuihtja musare. Cohamacu mehne durucuna, tirore sinina, “Yu siniriro seheta warohca yuhure”, ni tūhotuga. Musa ã ni tūhotuchu ñano Cohamacu musa siniare warohca. ²⁵ Æ yoana Cohamacu mehne musa durucuhto pano musare paina ti ñano yoachu musa suari cjirire duhuga. Musa ã yoachu ñano Cohamacu mñano macariro musa ñaa buhirire tiro cāhu sua duhurohca. ²⁶ [Musare ñano yoainare musa sua duhuerachu mari Pucū cāhu mñano macariro musa ñaa buhiri sehere bosì tiro cāhu] –niha Jesu.

Sacerdotea pūhtoā, judio masare buheina, bñcñna mehne Jesu mehne cahma sayoha

(Mt 21.23-27; Lc 20.1-8)

²⁷ To ã niri baharo tina Jerusalēpu wahaha tjoa. Æ jia Jesu Cohamacu wūhūi to tinichū ñaa sacerdotea pūhtoā, sã judio masare buheina, bñcñna mehne tiro cahapū sua tirore ò sehe ni sinitu ñūha:

²⁸ –¿Dohseacu canūre ã yoari mūhū? ¿Noa mūhūre tíre ã yoa dutiri? –ni sinitu ñūha tina Jesure.

²⁹ Ti ã nichū Jesu ò sehe ni yūhtiha: –Musa sehere sinitu mūhtaihtja. Noano yūhūre musa yūhtichū musare yahuihtja yūhū cāhū. ³⁰ ¿Joāo masare to bautisachū diro baro sehe tirore bautisa dutia tiari, musa tūhotuchū? ¿O Cohamacu dutiera tiari? ¿O masa sehe tirore dutia tiari, musa tūhotuchū? –ni sinituha tinare.

³¹ To ã nichū tina sehe ti basi ò sehe niha: “¿Dohse ni yūhtinahcari mari? ‘Cohamacu Joāore dutia tiri jire’, mari nichū, ‘¿Dohseana Cohamacu Joāore to dutipachūta tirore tūhoerari musa?’ niboca Jesu marine. ³² Æ yoa, ‘Joāo to bautisachū Cohamacu sehe tirore dutierari jire’, mari nichū masa sehe suaahca mari mehne”, niha tina ti basi. “Potocāta Joāo Cohamacu yare yahu mūhtariro jira”, ni tūhotua tiha

masa sehe. Ti ã ni tūhotuchū masia, Joāore doca dahre duaeraha sacerdotea pūhtoā cāhū, “Masa suari”, nia.

³³ Æ jia tina Jesure ò sehe ni yūhtiha:

–Joāore bautisa dutirirore sã masieraja –niha tina Jesure.

–Tí pja pinihta yūhū cāhū ahrire yū yoare dutirirore yahueraja musare –niha Jesu tinare.

12

Ñaina dahra cohtaina quitire yahuha Jesu

(Mt 21.33-46; Lc 20.9-19)

¹ Æ yoa Jesu to tūhotua mehne ò sehe ni piti dahre buhe dūcaha tinare:

–Wese pūro se dari cjihtire toaha. Toa tuhsū, sahrīnore dapo, sere ti tū mūtohti copare saha, mūari wūhūcā dahreha tiro. Tuhsū, tí wesere painare cū bñhūsehe coa pahma cūno, tí wesere ñū wihbo dutiha. Ñū wihbo duti tuhsū, pa yahpapū wahaha tiro. ² Baharo se ñiri pja jichū wese pūro tirore dahra cohtarirore wese macaa to ya coa macaa dichare na dutiro warocamaha. ³ Æ jia tí wesere ñū wihboina sehe tirore dahra cohtarirore ñaha, cjāha. Æ yoa tuhsū tirore dahra cohtarirore se tōhorine waerapahta tjuaa dutiha tirore. ⁴ Æ jiro wese pūro pairo tirore dahra cohtarirore warocamaha tjoa. Æ jia wesere ñū wihboina sehe tirore dahra cohtarirore dapure cami dahre, ñano yoaha tina tirore. ⁵ Tuhsū, pairo sehere to warocachū ñū wihboina tirore wajāha. Payū paina cāhūre ã dihta yoa mūjaha. Paina sehere cjā, paina sehere wajāha tina.

⁶ Æ jiro wese pūro macūno dihta dūhsaha. Tiro to cahīriro jiha. Æ jiro to macūnore warocaha jūna, “Yu macū sehere ño payoahca”, nino. ⁷ To ã ni tūhotupachūta tina ñū wihboina ti basi ò sehe ni durucuha: “Wese pūro macūno baharo ahri wesere cjūhtiro jira ahriro. Tirore wajājihna mari. Æ jiro ahri wese mari ya wese tjuarohca”, nimaha tina ti basi. ⁸ Æ

nia tirore ñaha, wajã, wese duhtu cahapu na wahcã, cohãnocahna tina tirore.

⁹ ¿Ne wese puro taro dohse yoarohcari tiro wesere ñu wihboinare? Õ sehe yoarohca tinare: Tiro tinare wajãno, paina sehere wesere ñu wihbo dutirohca. ¹⁰⁻¹¹ ¿Cohamacu yare ti joari pure ahrire buherari musa? Õ sehe ni joaa tiha:

“Ahriro Cristo tãca yoaro seheta jira. Tãcare wahu dahreina ti cohãno seheta masa tirore cohãahca.

Ti ã yoapachata mipure wahu dahreina wuhure yoaa ti cū mūhtari tãcare ti cūno seheta Cohamacu tirore puhto sōre.

Cohamacu sehe ahrire yoare.

To ã yoachu ñuna, ‘Noa yuhduara’, ni tuhotuja mari”,

ni joaa tiha panopu. ¿Tíre ne buherari musa? —niha Jesu tinare.

¹² To ã nichu tuhoa sacerdotea puhto, sã coyca judio masare buheina, bucuna mehne ò sehe ni tuhotuha: “Jesu wesere ñu wihboina quiti mehne marine tuhtiro nina”, ni tuhotuha. ã ni tuhotua Jesure ñaha duamaha. ã ñaha duapahta masare cui niha. ã cuia tirore cohã wahcã wahaha.

Fariseo curua macaina, Herode ya curua macaina mehne gobierno macaa wapare sinituha Jesure (Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cūhure Jesure sinitu dutia warocaha tjoa. Jesu ñano to yuhtichu yoa duamaha tina, tirore yahusã taa. ¹⁴ ã jia Jesu cahapu sua, tirore mahño cū sinitu ñumaha:

—Buheriro, potocã durucuriro, mahñoa marieriro mu jichu masija sã. Cohamacu yare quihõno mu yahuchu cūhure masija sã. ã yoa cãiro puhtoro waro to jipachata tiro cūhure dõrero marieno potota yahura muhu. ã jicu sãre yahuga. ¿Roma macariro jipihtina bui puhtoro jirirore gobierno macaare marine waparo cahmajari, mu tuhotuchu?

¿Mari dutia tirore wapa dutijari, mu tuhotuchu? —ni sinitumaha tina Jesure.

¹⁵ Ti ã sinituchu tuhoru ti yahusã duaare masino ò sehe ni sinituha tinare:

—¿Dohseana yu ñano durucuchu tuho duajari musa? Mipure niñeru tare na tahga. Tí tare ñujihna —niha Jesu tinare.

¹⁶ To ã nichu tuhoa tina sehe cū tare na taha. Ti na wihichu Jesu ò sehe ni sinituha tinare:

—¿Diro baro masu wahãjari ahri tare? ¿Diro baro wama wahãjari? —ni sinituha tiro.

—Cesar, masa bui puhtoro masu, to wama cūhu wahãna —ni yuhtiha tina.

¹⁷ Ti ã nichu Jesu ò sehe ni yahuha tinare:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —ni yahuha Jesu.

To ã nichu tuhoa, tuho cuaa wahaha.

Saduceo curua macaina Cohamacu to masoare sinituha Jesure (Mt 22.23-33; Lc 20.27-40)

¹⁸ ã yoa cãina Saduceo curua macaina Jesu cahapu wihiha. Saduceo curua macaina sehe “Cohamacu yariainare masosi”, ni tuhotuina jimaha. ¹⁹ ã jia tina ò sehe niha tirore:

—Buheriro, ò sehe ni buhea tiha Moise cjiro: “Cãiro to wahmino namo tiro pohna mariaparota to yariachu ñuno to bahurore to wahmino namono cjirore nuoano cahmana. ã yoaro to wahmino manano to pohna tiboro seheta pohna tiro cahmana to bahurore. ã jia to pohna to wahmino manano pohna yoaro sehe jahca”, ni joaa tiha Moise cjiro —niha tina Jesure.

²⁰ Tíre ni tuhsu, ahri quitireta yahu namoha Jesure:

—Cãiro masuno jiha. Seis to bahana jiha. Ti wahmino sehe namo ti, pohna mariaparota yariaa wahaha.

²¹ Tuhsu, paio to bahuro cūhu to wahmino namono cjirore cjamaha. To ã

n̄oari baharo to wahmino yoaro seheta pohna mariaparota yariaa wahaha tjoa. ã jiro ahriro baharo to wahmino m̄nano yoaro seheta pohna mariaparota yariaa wahaha tjoa. ²² ã dihta wahaha cãiro pohna waro. Ne pohna mariapahta yaria pihtia wahaha tina. Ti namono cjiro c̄h̄u ti baharota yariaa wahaha. ²³ ¿Ne, Cohamac̄u jipihtinare yariaina cjiro to masoch̄u diro namono sehe jirohcari ticoro? Tina jipihtina ticorore namo tirina cjiri jiha. ¿ã jiro diro namono sehe jibocari ticoro pototi? –ni sinituha tina.

²⁴ Jesu õ sehe ni yãhtiha tinare:

–Cohamac̄u yare ti joari p̄re, to masia c̄h̄ure ne masierara m̄sa. ã jia m̄sa t̄hotua sehe ne quihõno jierara. ²⁵ Yariarina cjiri ti masa m̄jari baharo tina anjoa yoaro sehe jira. Tina m̄sa namo tierara t̄p̄re. ²⁶ Yariarina cjiri ti masa wijaah̄to sehere m̄sare yahuihtja: Tíre Moise cjiro noano yahu pah̄oha. To mahad̄cã j̄ari quitire õ sehe ni yahuha tiro: “ ‘Ȳh̄u Abrahã, Isaa, Jacobo ti p̄h̄toro tjija’, ni yahure Cohamac̄u ȳh̄ure”, ni joaa tiha Moise cjiro to joari tjui. ²⁷ Ti yariari baharo “Ti p̄h̄toro tjija”, ni yahuha Cohamac̄u. ã niparota yariarina cjiri p̄h̄toro jierara Cohamac̄u. “Ti p̄h̄toro tjija”, to nia mehne catiina ti jich̄u masija mari. Tiro catiina p̄h̄toro jira. ã jina “Yariaina masasi”, ni t̄hotuna quihõno t̄hotuerara m̄sa –niha Jesu tinare.

Cãno noa ȳhd̄ro to dutiare yahuha Jesu
(Mt 22.34-40)

²⁸ ã yoa cãiro sã coyeya judio masare buheina mehne macariro tina cahap̄u wihi, ti cahma durucuch̄u t̄h̄oha. Jesu to noano yãhtiare t̄horo õ sehe ni sinituha tirore:

–¿Cohamac̄u ya dutia noa ȳhd̄aro di baro sehe jijari, m̄ t̄hotuch̄u? –ni sinituha tiro Jesure.

²⁹ Jesu tirore õ sehe ni yahuha:

–Ahri dutiata paye dutia ȳhd̄oro noa ȳhd̄ara: “Israe masa t̄hoga. Cohamac̄u m̄sa p̄h̄toro ȳh̄u cãirota jija. ³⁰ Tuaro m̄sa yajeripohnari mehne, noano m̄sa wac̄ua mehne, m̄sa tuaa mehne ȳh̄ure cah̄iga”, nina Cohamac̄u. ³¹ Ahri dutia baharo paye dutia noa ȳhd̄ara: “M̄ basi m̄ cah̄ino seheta m̄ cahai jina c̄h̄ure cah̄iga”, nina Cohamac̄u. Ahri p̄aro dutia jipihtia paye dutia ȳhd̄oro jira –ni yahuha Jesu tirore.

³² To ã nich̄u t̄horo judio masare buheriro õ sehe niha:

–ã tjira. Buheriro, potocã nina m̄h̄u. Cohamac̄u cãirota jira. Pairo tiro yoaro sehe jiriro mariaha. M̄ nia potocã tjira. ³³ Cohamac̄ure tuaro mari yajeripohnari mehne, mari wac̄ua mehne, mari tuaa mehne tirore cah̄ino cahmana marine. Ȳ cahai j̄inare ȳ basi ȳ cah̄ino seheta tina c̄h̄ure cah̄ino cahmana ȳh̄ure. Wahiquinare wajã j̄ m̄o mari wari mehne mari ño payoch̄u noa nimana. Ahri ȳhd̄oro Cohamac̄ure masa c̄h̄ure mari cah̄ia noa ȳhd̄ara. M̄ ã nia potocã tjira –niha judio masare buheriro Jesure.

³⁴ To ã noano yãhtich̄u t̄horo Jesu õ sehe ni yahuha tirore:

–Mahanocã dahsara m̄h̄ure Cohamac̄ure m̄ noano masihto –niha tirore.

To ã nich̄u t̄hoa paina cuia, ne sinitu ñ̄eraha tirore.

¿Diro baro coyeyo jijari Cristo?
(Mt 22.41-46; Lc 20.41-44)

³⁵ ã yoa Cohamac̄u w̄h̄i buhero õ sehe niha Jesu:

–“Cristo Davi cjiro panamino jira”, ni buhera mari coyeya judio masare buheina. ¿Dohse yoa ã ni buhejari tina? ³⁶ Davi cjiro to basi Esp̄ritu Santo to dutiro sehta õ sehe ni yahuha tiha:

“Cohamac̄u ȳ p̄h̄torore õ sehe nire: ‘Õi ȳ poto b̄h̄usehei dujiga.

ã jic̄u m̄h̄ure ñ̄u tuhtiinare m̄h̄ure ȳhd̄ar̄cabasaihca ȳh̄u’, nire Cohamac̄u ȳ p̄h̄torore”,

ni joaa tiha Davi cjiro. ³⁷ ã ni joaro Davi cjiro puhtoro tia tiha Cristore. ¿Davi cjiro Cristo ñuchuno cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira —ni yahuha Jesu.

To ã ni buhechu payu masa wahchea mehne tuhoha tirore.

Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

³⁸ ã yoa tiro buhe namono õ sehe niha:

—Mari coyea judio masare buheina ti ñaa yoare noano ñuga. ã jina ti yoaro sehe yoarena tjiga. Tina yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. ³⁹ ã cahmaina jia, mari judio masa buhea wuhusei noaa dujia dihtare duji duara. Tuhsu, bose namu jichu tó cãhure noaa dujia dihtare cahmana tina. ⁴⁰ Tina wapewahya numia ya wuhusere ti ya cãhure mana tí numiare. ã yoaina jia, tina masa ti ñurocaroi yoari pja Cohamacu mehne durucumana masare ñu dutia. Ti ã yoari buhiri paina bui curero tinare Cohamacu pjíro buhiri dahrerohca —niha Jesu tinare.

Wapewahyoro to warire yahuha Jesu

(Lc 21.1-4)

⁴¹ ã yoa Jesu niñeru wihbori caro cahapu dujiha. Tí caropu masa ti niñeru duhu sãachu ñu dujiro niha. (Tí niñeru Cohamacu wuhure ti cahnochuhu ti wapahti jiha.) ã jia pache puha tí caropu pjíro duhu sãaha. ⁴² ã yoa wapewahyoro pjacuricoro tí caropu ta, puha tucãre duhu sãaha. Puha tu cã centavo posa jira. ⁴³ Tí tarire to duhu sãachuhu ñuno to buheinare pjirocaha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. ⁴⁴ Paina pache puha pjíro ti wapachuta ti ya pjíro duhsara.

Ahricoro sehe pjacuricoro jiparota jipihtia to chuhtire to nuchaboacãre wa pahñohre —ni yahuha Jesu.

13

“Cohamacu wuhuh cohãri wuhuh jirohca”, niha Jesu

(Mt 24.1-2; Lc 21.5-6)

¹ ã yoa Cohamacu wuhupure ti wijaachuhu cãiro buheina mehne macariro õ sehe niha:

—Buheriro, ñuga. Ahri wuhuse noaa tãa mehne ti yoaa wuhuse noacaa wuhuse jijari —niha tiro.

² To ã nichuhu Jesu õ sehe ni yahuha tinare:

—Ahri jipihtia mari ñari wuhuse cjiri, ahri tãa cãhuh cohõ pihtia wahahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

³ ã yoa Jesu Olivo wama tiduh tãcupu Cohamacu wuhuh potoi jidupuh saha. Tu bui dujiha. Tói Pedro, Santiago, João, Andre mehne ti sahsero jia, tina tirore õ sehe ni sinituha:

⁴ —Yahuga sãre. ¿Dohse jichuhu ã waharohcari mu niriro sehe waharo? ¿Pihtiri dacho panocã to jichuhu dohse to waha ducachuhu ñunahcari sã? —ni sinituha tina Jesure.

⁵ Jesu õ sehe ni yuhtiha:

—Noano yoaga musa. Tuhsu, paina ti mahñoare tuhona tjiga musa.

⁶ Payu masa “Cristo jija yuhuh”, ni mahñoina taahca. Ti ã mahñochuhu tuhoha payu masa Cohamacu yare duhuahca.

⁷ Musa cahacãi masa paina ti cahma wajãchuhu tuhonahca musa. Tuhsu, yoaropu cãhure ti cahma wajãchuhu tuhorocanahca musa. ã tuhorocapanahca ne tíre pjíro tuhotuena tjiga. ã waharohca. Ti ã yoachuhu pihtiri dacho cjihto duhsasininohca mini. ⁸ Tí pjare cã yahpa macaina pa yahpa macaina mehne cahma wajãahca. ã yoa cãiro puhtoro yaina paio puhtoro yaina mehne cahma wajãahca. Tuhsu, pjaró yahpa ñuhminohca. ã yoa payu masa

jũca mehne yariaahca. To ã wahachũ ahri yahpa macainare ti ñano yũhdũ namohto dũhsasinina mini. Ñano yũhdũsiniahca.

⁹ To ã wahachũ ñũna mũsa basi noano yoaga. Paina mũsare ñaha, ñano yoa dutia waahca paina pũhtoapũre. Æ yoa judio masa mari buhea wũhũsei mũsare cjãahca. Ti ã yoachũ bũjũa macari macaina pũhtoa, ti bui pũhtoa cũhũ mũsare buhiri dahrea taa sinituahca mũsare. Yũ yaina mũsa jiri buhirire paina mũsare yahusãhca. Æ jina yare yahunahca mũsa tinare. ¹⁰ Æ jia pihtiri dacho pano noaa buheare jipihtiro yahpari macainare yahua buhea jahca. ¹¹ Æ jina mũsare buhiri dahre dutia, buhiri dahre dutiriro cahapũ ti naachũ tirore mũsa nihtire “Yahu masieraboca”, ni tũhotuena tjiga mũsa. Tí pjare mũsa nihtire mũsare Espĩritu Santo yahurohca. To ã yahurire yahuga mũsa. Mũsa mũsũro durucusi mũsa. Espĩritu Santo sehe mũsare durucubasarohca. ¹² Tí pjare cũiro to bahũrore wajã dutiro warohca. Pairo sehe to wahminore wajã dutiro warohca. Ti pũcũro to pohñare wajã dutiro warohca. Æ yoa ti pohña sehe ti pũcũsmare wajã dutia waahca. ¹³ Yũ yaina mũsa jiri buhiri mũsare masa jipihtina ñũ tuhtiahca. Æ ñano yũhdũpanahta yũ yare mũsa ne cohãerachũ pihtiri dacho jichũ mũsare yũhdũoihca.

¹⁴ Æ yoa ñabiarire Cohamacũ yare ñano yoarire ñũnahca mũsa. Cohamacũ ya wũhũi to ducuchũ ñũnahca. Tóti tirore jieraro cahmana. [Panopũ Cohamacũ yare yahu mũhtariro Daniel cjiro tirore yahuro joaa tiha.] Tóti to ducuchũ ñũa Judea yahpapũ jiina tũyucapũ duhti mũroca mũjaa wahajaro. Ahri yũ nirire noano masiga mũsa. ¹⁵ Soaro mehne mũroca duhtijaro. Tí pjare ti wũhũseri bui macaa waparipũ jiina wũhũ puhichapũ jiare ti yare na wahaea tjijaro ti waha bahrañohto sehe. ¹⁶ Æ jia tí pjare paina ti weseripũ

jiina ti bui macaa suhtire wũhũpũ jia suhtire na wahaea tjijaro ti waha bahrañohto sehe. ¹⁷ Tí pjare niji pocosanumia, ti pohñare pũa numia cũhũ pjacũoro wahaahca. ¹⁸ Æ jina õ sehe ni siniga Cohamacũre: “Puhiro jichũ ã wahaero tjijaro”, ni siniga tirore. ¹⁹ Tí dachorire masa nu ñano wahaahca. Ahri yahpare to bajuamehneri baharo masa ñano ti yũhdũa jia tiha. Ti ã jipachũta jipihtia tí purĩa yũhdũoro pihtiri dacho jichũ masa ñabiaro yũhdũahca. Æ ñano ti yũhdũri baharo pari turi tó sehe ñabiaro yũhdũsi ahri yahpai jũna. ²⁰ Æ jiro Cohamacũ tí dachorire mahaa dachoricã ti jichũ yoarohca. To ã yoerachũ ne cũiro masũno yũhdũeraboa. Æ jiro to beserina ti yũhdũhti cjihũre mahaa dachoricã ã cũsininohca Cohamacũ.

²¹ Tí pjare paina mũsare “Ñũga. Õi jira Cristo”, ti nichũ tinare tũhoena tjiga. “Tóti jira Cristo”, ti nichũ cũhũre tũhoena tjiga. ²² “Cristo jija”, ni mahñoina, “Cohamacũ yare yahu mũhtaina jija”, ni mahñoina jahca tí pjareta. Æ jia Cohamacũ to beserinare mahñoa, tina bajuamehneare yoa ñoahca. Ti ã yoa ñochũ ñũa, Cohamacũ yaina cãina tinare tũhoa “Potocã tjira” nia, Cohamacũ yare pa tehe nia duhuboca. ²³ Ahrire yahuyuja mũsare to ã wahahto pano. Æ jina noano yoaga mũsa —ni yahuha Jesu.

Jesu yahpapũre to tjua tahtore yahuha

(Mt 24.29-35, 42-44; Lc 21.25-36)

²⁴ Æ ni tuhsũ õ sehe ni yahu namoha Jesu:

—Tí dachori ti ñano yũhdũri baharo sũ dacho macariro, ñami macariro cũhũ buhria duhua wahaahca. ²⁵ Ti ã wahachũta ñahpichoha poca mũanopũ jia poca boraahca. Æ jia mũano macaa yahpari tuaro ñũhmiahca. ²⁶ Tí pjata yũhũ masũno Cohamacũ warocariro taihtja. Yũ ã tachũ mũanopũ yũ tuua mehne yũ si sitea mehne mũano macaa me

bui ahri yahpapure yu tjua tachu ñahca masa. ²⁷ Ñ jicu yu yaina anjoare jipihtiropu ahri yahpapu warocaihtja. Ñ jia jipihtiropu yu yaina yu beserinare tina naahca.

²⁸ Mipure higueraçure tuhotuga musa. Tu quti mehne musare piti dahre buheihntja. Tu yucucu pûri tichu ñuna, cûhma mahanocã duhsachu masina musa. ²⁹ Tô seheta ahri jipihntia yu niri cjirore ti ã wahachu ñuna, yu tjua tahto mahanocã duhsachu masinahca musa. ³⁰ Potocã niita nija musare. Tí pja macaina ti yariahto panore jipihntia yu niriro seheta ã waharohca. ³¹ Mûano, ahri yahpa cûhu pihntia wahaahca. Yu durucua sehe ne cohtotasi. Jipihntia yu niriro seheta ã waha sohtori tiarohca.

³² Tí dachore yu tjua tahti dachore, tí hora cûhure masieraja yuhu. Anjoa cûhu tíre masierara. Masa cûhu ne masierara. Yu Pucu dihta tíre masina.

³³ Mûsa cûhu tí dachore masierara. Ñ jina noano yoaga. Noano cohtaga. (Cohamacure siniga musa.)

³⁴ Ô sehe cohtaga musa. Ahri quti mehne musare piti dahre buheihntja. Wuhu puero yoaropu to tinino seheta jira ahri. Tiro to wahahto pano to cahamacare wuhure cohta dutiha. Cãinare ti dahrahtire cûha. Ñ jiro wuhure ñu wihborirore tirore to tjua tahtore cohta dutiha. ³⁵ Ñ jina musa cûhu noano wacû masi cohtaga. Wuhu puero to tjua tahtore tina ti masieraro seheta yuhu musa puhtoro yu tjua tahti dachore masierara musa cûhu. Ñamichahapu, ñami dacho macapu, caraca to duri pja jichu, bohrearopu taboca. ³⁶ Yu ã wacûenoca yu wihhtore masina, yu yare ã yoarucuina jiga musa. Ñ yoa yuhure noano cohtaga. ³⁷ Ñ jicu musare yu nino seheta jipihntiare ã nija musare: Noano wacû masi cohtaga —niha Jesu tinare.

14

Sacerdotea puhtoa, judio masare

buheina mehne Jesure wajã duaha
(Mt 26.1-5; Lc 22.1-2; Jn 11.45-53)

¹ Ñ yoa tí pjare pascua wama tiri bose numu cjihto bucuaerari pãore ti chuhti numari cjihto pu dacho duhsasiniha. Tí pjare sacerdotea puhtoa, ã jichu sã coyera judio masare buheina mehne dohse yoa ti mahñoa mehne Jesure ñaha ti wajãhtore cahma suhãdua niha:

² —Mari bose numari yuhdoro puro tirore ñahasiniena tjijihna, “Masa sua sañurucuri”, nina —niha tina ti basi.

Numino me sitia se mehne Jesure pio payoha

(Mt 26.6-13; Jn 12.1-8)

³ Ñ yoa Jesu cûhu Betaniapu, Simo cami bucu baariro cjiro ya wuhupu jiha. Tôpu ti churo watoi numino sehe alabastro mehne ti yoariare me sitia nardo wama tia sere posa tiriare na wihaha. Tí se sehe wapa buju niha. Ñ na wihiro, ticoro tiare poharoca, Jesu dapu bui pio payoha. ⁴ Tô ã yoachu ñua paina suaa waha, ti basi õ sehe niha:

—¿Dohse yoaro ahricoro ahri me sitia co wapa bujuare ã yoa sitejari?

⁵ Tíre ticoro duaboa. Tíre duaro tres cientos niñeru pûrine wapataboa. Ñ wapataro, tí niñerure pjacuoinare waboa ticoro —ni cohtaha paina sehe ticoro to ã yoachu ñua.

Ñ jia tina ticorore tuhtiha.

⁶ Ti ã nichu tuhoro Jesu tinare õ sehe ni yahuha:

—Ñ niena tjiga ticorore. Yuhure ticoro noano yoaro nina. ⁷ Pjacuoina sehe musa mehne ã jirucuahca. Ñ jina musa cahmari pja tinare wa masina. Yuhu sehe ahri yahpare musa mehne ã jirucusi. ⁸ Tô cjuaro puro mehne ticoro yuhure ã yoahre. Yuhure ti yahto pano yu pjacure cahnoyuro, me sitiare pio payohre ticoro. ⁹ Ñ jicu potocã niita nija musare. Jipihntiro ahri yahpapu noaa buheare ti yahuropu ahricoro mipure to yoarure yahuahca. Ti ã yahuchu tuhoa ticorore masa payu wacûahca —ni yahuha Jesu.

Juda Iscariote Jesure ñu tuhtiinare to ñohtore yahuha sacerdotea puhtoare (Mt 26.14-16; Lc 22.3-6)

¹⁰ Tí pjareta Juda Iscariote wama tiro doce to buheina mehne macariro Jesure to ñohtire yahuro wahaha tirore ñu tuhtiinare, sacerdotea puhtoare. ¹¹ To ã ni yahuchu tũhoa, sacerdotea puhto tũre tũhoa wahcheha.

—Mũhure niñerure wanahtja —niha tina Judare.

Ti ã nichu tũhoro, tiro Jesure ñu tuhtiinare to dohse yoa ñohto cjihtore wacũ macaha.

Jesu to buheina mehne to chu ba-toari numu jiha

(Mt 26.17-29; Lc 22.7-23; Jn 13.21-30; 1Co 11.23-26)

¹² Bũcũaerari pãore ti chũa numuri dũcari numu sehe oveja pascua macaina cjihtire ti wajãhti numu jiha. Tí numu to buheina sehe õ sehe ni sinitu ñũha Jesure:

—¿Mari pascua macaa chuhtire noho baroi cahnoyu dutirocaijari mũhu sãre? —niha tina tirore.

¹³ Ti ã nichuta Jesu sehe puaro to buheinare õ sehe ni yahu warocaha:

—Jerusalẽpu wahaga. Tõpu mũsa sũchu co situ wũariro mũsare piti bocarohca. To piti bocachu tiro mehne wahaga. ¹⁴ ã wahana tiro to sũho sãari wũhũpu suna, tí wũhu puore õ sehe niga: “¿Dí tahtiai yũhu yũ buheina mehne pascua macaa chũare chũnahcari?” ni sinitu dutirocahre buheriro”, niga tí wũhu puore. ¹⁵ Mũsa ã nichu tũhoro, tõpu mũano macari tahtiare pjiri tahtiare, noano ti cahnoyuri tahtiapure mũsare ñonohca wũhu puaro. Tõi mari chuhti cjihtire dahrega mũsa —niha Jesu tinare.

¹⁶ To ã nichu tũhoa tina to buheina tí macapu wahaha. Tõpu ti sũchu tũnare to niriro seheta ã wahaha. ã jia tina pascua macaa chũare dahreha.

¹⁷ ã yoa nahitia bora tachu Jesu doce to buheina mehne tí wũhũpũre sũha. ¹⁸ Tí wũhũpu ti sũri baharo, tina

mehne mesapu chũro Jesu tinare õ sehe ni yahuha:

—Potocã niita nija mũsare. Cũiro mũsa mehne macariro yũhu mehne chũrirota yũhũre ñu tuhtiinare ñonohca yũhũre —ni yahuha Jesu tinare.

¹⁹ To ã nichu tũhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

²⁰ —Mũsa mehne macarirota jira tiro. Yũ chũri wapai yũhu mehne soha chũriro tjira yũhũre ñu tuhtiinare ñohtiro. ²¹ Panopũ yũhũre ti yahu joariro seheta yũhu masũno Cohamacũ warocariro yariaihca. Yũhũre ñu tuhtiinare ñoriro pjacũoro yũhdũrohca. Tiro to masa bajuerachu noaboa —niha Jesu tinare.

²² ã ni yahu tuhsũ, to buheinare sũho chũro, Jesu pãore na, Cohamacũre “Noana”, niha. ã ninota, tí curire nuha, witiha tinare.

—Ahrire na chũga. Ahri yũ pjacu jira —niha tiro tinare.

²³ ã ni tuhsũ tiro sihnia posa tiri wahware na, Cohamacũre “Noana” ni tuhsũ, waha tinare. To wachu tina jipihtina tũre sihni pihtiaha.

²⁴ —Ahri yũ di jira. Payũ masa ti ñaa yoari buhirire cohãcu tacũ yariaihca. ã yariacu yũ dire cohãihca. Cohamacũ “Mũsare yũhdoihtja”, to ni cũriro mũ sũchu yũ ã yariaro mehne to niriro sohtori tirohca. ²⁵ Potocã niita nija mũsare. Mipũre ahri co, se core ne sihni namosi yũhu. Pu puhtoro Cohamacũ mũsare to sũho jichũpu ahrire coã pari turi sihniihca tjoa —niha Jesu tinare.

Pedro Jesure to cohãhtore yahuha Jesu

(Mt 26.30-35; Lc 22.31-34; Jn 13.36-38)

²⁶ To ã ni tuhsũchu tina Cohamacũre ño payoa cũno basaare basaha. Ti basa pahñori baharo, tũcu Olivo wama tidũpu tina wahaa wahaha. ²⁷ Tõpu sũho sũro Jesu tinare õ sehe ni yahuha:

—Mipure musa jipihtina yuhure cohānahca. Ō seheta nina Cohamacu yare ti joari pūi yuhure yahuro: “Ovejare ñu wihboriro yoaro sehe jirirore Cohamacu cohānohca. Ā to cohāchu to yaina oveja yoaro sehe jiina duhti site wahcāa wahaahca”, nina Cohamacu yare ti joari pūi. ²⁸ Ā yoa Cohamacu yuhure to masori baharo musa pano Galileapu wahayuihca yuhu —niha Jesu tinare.

²⁹ To ā nichu Pedro sehe ō sehe niha:

—Yuhu mehne macaina jipihtina ti cohā wahcāpachuta yuhu sehe mūhure ne cohāsi —nimaha Pedro tirore.

³⁰ Jesu ō sehe ni yuhtiha:

—Potocā niita nija mūhure. Micha ñami pinihtare caraca puha taha to duhto pano “Yuhu Jesure masieraja”, niihca mūhu. Tia taha ā niihca mūhu —niha Jesu Pedrore.

³¹ To ā nipachuta Pedro ō sehe ni tuaro bisiro yuhtiha:

—Mūhu mehne yuhure ti wajā duapachuta “Jesure masieraja”, ne nisi yuhu —ni yuhtimaha tiro Jesure.

Pedro to ā nichu tuhoa tiro mehne macaina cūhu ā dihta ni yuhtiha.

Getsemaní wama tiropu Jesu Cohamacure siniha

(Mt 26.36-46; Lc 22.39-46)

³² Ā yoa tina Getsemaní wama tiropu wahaha. Tópu sūro, ō sehe niha Jesu:

—Cohamacure yu sinino watoi ōi dujiyusiniga musa —niha to buheinare.

³³ Ā ni tuhsu Pedrore, Santiagore, Joāore tina tiarore pji wahcāha. Tinare ā pji wahcāno, pjíro tuhotu dūcaha tiro. Ā yoa ñano yajeripohna tiha.

³⁴ Ā cahyaro tó mehne macainare to pji wahcāinare ō sehe niha:

—Yuhu ñano yajeripohna tii nija. Ñano purínore tuhotui nija. Tí mehne yariahto cua yuhduaro coa taca yuhure. Ōi tjuaga. Yu cāno poterita catiga musa cūhu —niha Jesu tinare.

³⁵⁻³⁶ Ā ni tuhsu tiro tópu mahanocā waha namo, yahpai caha sūro, Cohamacure ō sehe niha:

—Mai, mūhu jipihtiare yoa masina. Ā jicu yu ñano yuhduhtire yoa du-aeracu yoi tja. Yu ā nipachuta yu cahmano sehe yoi tja. Mūhu sehe masina. Mu cahmano seheta yoaga yuhure —ni siniha tiro Cohamacure.

³⁷ Ā ni tuhsu, tiaro to buheina cahapu wihiro, carīnare boca wihaha tiro. Tinare ñano Pedrore ō sehe niha:

—Simo, ¿carīi nijari mūhu? ¿Cū hora waro yu cāno potori cati masierari mūhu? ³⁸ Noano yoaga musa. Musa mu sūro quihōno yoa duamana musa. Wiho mejeta musa basi tíre bihoerara. Ā jina Cohamacure siniga ñano musa yoaerahto sehe —niha Jesu Pedrore.

³⁹ Ā ni yahu tuhsu pari turi waha, Cohamacure siniha. Tó pano to sinirore seheta siniha tjoa. ⁴⁰ Ā sini tuhsuro pari turi tina cahapu wihaha tjoa. Ā wihiro carīnare boca wihaha tjoa. Wujo caha yuhduaha tina. Ā jia tina Jesure dohse ni masieraha. ⁴¹ Ā yoa pari turi Cohamacu mehne to durucuro sūri baharo tina cahapu wihi, tinare ō sehe niha:

—¿Carīi, sosinina nijari musa? Tó puro carīga musa. Michapucacā yuhure Cohamacu warocarirore ñano yoinare ti wahti pja mu su tuhsura. ⁴² Wahcāga. Basa wahana. Ñuga. Yuhure ñu tuhtiinare ñohtiro ōi tara —niha Jesu tinare.

Jesure ñu tuhtiina tirore peresu yoaha

(Mt 26.47-56; Lc 22.47-53; Jn 18.2-11)

⁴³ To ā nino watoihta Juda, doce buheina mehne macariro cjiro wihiha. Tiro mehne masa payu ñosaa pjīni, yucu siri cjuaina cūhu wihaha. Sacerdotea puhto, sā judio masare buheina, ā jichu bucuna, ti warocarina jiha masa sehe. ⁴⁴ Wahmanore Jesure ñu tuhtiinare ñohtiro sehe

tiro mehne tahtinare õ sehe ni yahu quihõ tuhsaha:

—Y_u wahsupu wihmiriro tirota jirohca m_{usa} ñahahtiro. Tirore y_u wihmiri baharo ñahaga tirore. Æ yoana tirore noano ñahaga to duhtierahto sehe —ni yahu quihõ tuhsaha Juda sehe.

⁴⁵ Æ yahu quihõ tuhsaro wihirota Jesu cahap_u dóihta waha bahrañoha.

—Y_u puhtoro —ninota wahsupu wihmiha tirore.

⁴⁶ To ã yoach_u ñ_ua tina Jesure ñahaha.

⁴⁷ Ti ã yoach_u ñ_uno cãiro Jesu cahap_u ducuína mehne macariro to ñosari pjine tuãwe naroca, sacerdotea bui puhtoro cahamac_uno to cahmonore d_{ate} pahrēnocaha.

⁴⁸ To ã yoach_u Jesu õ sehe niha:

—¿Dohse jiro baro m_{usa} ñosaa pjini mehne, yuc_u tiri mehne tajari? ¿Yaca buc_urore m_{usa} ñahano seheta y_uh_u cãhure ñahana tana nijari?

⁴⁹ Dachoripe Cohamac_u w_uh_up_u m_{us}are y_u buhe dujich_u, m_{usa} y_uh_ure ñe ñahaerare. M_{usa} ã ñahach_u ahri jipihtia ã waharo nina Cohamac_u yare ti ni joariro seheta —niha Jesu masare.

⁵⁰ To ã ni tuhs_uch_u, Jesu buheina tirore cohã wahcã, jipihtina m_uroca site wahcãa wahaha.

⁵¹ Æ yoã cãiro wahm_uno suhti marieriro cãno coma yosaro dihta comariro Jesu baharo ñ_u n_un_u timaha. To ã ñ_u n_un_u tich_u ñ_ua tirore ñahamaha. ⁵² Tirore ti ñahach_u ñ_uno to coma yosarore cohãnocã, suhti marieriro m_urocaa wahaha.

Puhtoa cahap_u naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Æ yoã sacerdotea bui puhtoro cahap_u Jesure na wahcãha. Ti na s_uri baharo sacerdotea puhtoa, buc_una, sã coyea judio masare buheina cãh_u jipihtina cahmachuha. ⁵⁴ Tiro Pedro sehe Jesu baharo yoarop_u n_un_u tiha. Æ n_un_u tiro sacerdotea bui puhtoa ya w_uh_u cahap_u s_uha. Æ s_uro tiro tí w_uh_ure cohtaina surara mehne pichaca duht_u cahai sohma dujiha.

⁵⁵ Sacerdotea puhtoa, jipihtina paina puhtoa cãh_u Jesure wajã dutia taa, Jesu to quihõno yoerarire ti yahusãhtire wacũ macamaha. Wiho mejeta tíre bocaeraha.

⁵⁶ Æ wacũ bocaerapahta pay_u masa tirore ã yahusãmacanocaha. Ti ã yahusãa potocã jieraha. Pairo soro ni, paio soro niha. ⁵⁷ Æ yoã paina wahcãr_uc_u s_u, Jesure õ sehe ni yahusãha tjoa:

⁵⁸ —Ahriro õ sehe nire: “Y_uh_u ahri w_uh_ure Cohamac_u w_uh_ure masa ti dahreri w_uh_ure cohãihtja. Æ cohãc_u tia n_um_u wahaboroi tí w_uh_ure pari turi yoaihtja. Tí w_uh_u masa ti dahreri w_uh_u jisi”, to nich_u sã tãhohi —niha tirore yahusãina.

⁵⁹ Ti ã ni yahusãpach_uta ti yahusãa cãh_u potocã jieraha. Pairo soro ni, paio soro niha tjoa.

⁶⁰ Ti ã nich_u tãhoro sacerdotea puhtoro ti watoi ducuriro wahcãr_uc_u s_u, Jesure õ sehe ni sinituha:

—¿Ahrina m_uh_ure ti yahusãpach_uta tinare y_uhti cahmaerajari m_uh_u? ¿M_uh_ure ti yahusãr_ure dohse ni y_uhti cahmajari m_uh_u? —niha tiro Jesure.

⁶¹ To ã nich_u tãhoparota Jesu ãta tãhotunocaha. To ã y_uhtierach_u ñ_uno sacerdotea bui puhtoro tirore sinituha tjoa:

—Cristo, ¿Cohamac_u warocarirota jijari m_uh_u? ¿Noariro Cohamac_u mac_uno warota jijari m_uh_u? —niha tiro Jesure.

⁶² —Tiro tjija. Æ jina y_uh_ure mas_uno Cohamac_u warocarirore y_u P_uc_u jipihtina bui J_iriro to poto buh_usehei y_u dujich_u ñ_unahca m_{usa}. Æ yoã m_uano macaa me watoi y_u tach_u cãh_ure ñ_unahca m_{usa} —niha Jesu tirore.

⁶³⁻⁶⁴ To ã nich_uta sacerdotea bui puhtoro sehe to sãari suhtirore to basi tãhrēnocaha painare “Sua y_uhd_uara”, ni ñ_u masi dutiro.

—Cohamac_ure ñ_uno durucuro nina ahriro. To ñ_uno durucure tãho tuhs_uja mari. Æ jia tópeinata yahusãjaro ahrirore. ¿Æ jina dohse

yoanahcari mari mipure ahrirore? – niha sacerdotea bui puhtoro paina puhtoare.

–Cohamacure to ñano durucuri buhiri wajānocano cahmana tirore – ni yahtiha paina puhtoa.

⁶⁵ Æ ni yahti tuhsu, cāaina tina mehne macaina Jesure chahcho puti sihō mūja, to caparire duhte ducata, tirore cĵā, dota mūjaha. Cĵā tuhsu ō sehe ni bujūpeha:

–¿Noa jĵari mūhure dotaro? Ñūerapaihta yahuga sāre –ni bujūpeha tina.

Ti ā cĵā dotari baharo puhtoro yaina surara sehe tirore na wahcā, tina cūhu tirore ti wamomacari mehne ñano cĵā namoha.

“Tirore masieraja”, niha Pedro Jesure

(Mt 26.69-75; Lc 22.56-62; Jn 18.15-18, 25-29)

⁶⁶ Æ yoa wūhu cahai jiri wapai noari wapai Pedro to jichu sacerdotea bui puhtoro cahamacono wihiha. ⁶⁷ Ticoro Pedro to sohmachu ñūno tiro dihtare ñūrucuha.

–Nazare macariro mehne, Jesu mehne mūhu cūhu jihre –niha ticoro Pedrore.

⁶⁸ To ā nichu tuhoru tiro ō sehe niha:

–¿Dohse nimacanocaco nijari mūhu? Mū nirirore ne masieraja yūhu –niha Pedro ticorore.

To ā niri baharo Pedro sahrīno sopaca macari mahapu wahaha. Tói to ducuhu caraca duha. ⁶⁹ Tói to jichu ñūno cahamacono sehe ticoro cahapu ducuinare yahurocaha tjoa.

–Ahriru cūhu Jesu buheina mehne macariro jira –niha ticoro.

⁷⁰ To ā nichu tuhoru Pedro pari turi ō sehe niha tjoa:

–Tirore masieraja yūhu –niha tjoa.

Baharo curero tói ducuína Pedrore ō sehe niha:

–Potocā tjira. Mūhu Galilea macariro jira. Æ jicu tina mehne macarirota jira mūhu –niha tina tirore.

⁷¹ Ti ā nichu tuhoru tiro ō sehe ni yahtiha:

–Potocāta Cohamacu mehne nii nija mūsure. Potocāta yū nierachu Cohamacu yūhure buhiri dahrejaro. Tirore mūsa nirirore ne masieraja yūhu –ni yahtiha Pedro tinare.

⁷² To ā nichu tuhoru caraca duha tjoa. To ā duchu tuhoru Jesu tirore to nirire wacūha: “Caraca puā taha to duhto pano mūhu yūhure ‘Jesure masieraja’, niihca mūhu. Tia taha ā niihca mūhu”, Jesu to nirire wacūha Pedro sehe. To ā nirire wacūno, tuaro tiirucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Æ yoa bohrearopu sacerdotea puhtoa, bucuna, sā judio masare buheina, jipihtina paina puhtoa mehne cahmachu, durucuha Jesure ti yohtire masia taa. Tirore ti wajāhtore durucu cahno tuhsu, Jesure duhte, na wahcā, Pilatore waha tirore. ² Tirore ti na su wachu ñūno Pilato tirore ō sehe ni sinituha Jesure:

–¿Potocāta judio masa ti puhtoro tjĵari mūhu? –ni sinitu ñūha tiro Jesure.

–Āja. Mū nino seheta tirota jĵa –ni yahtiha Jesu.

³ Æ yoa sacerdotea puhtoa payu ni yahusāha tirore. ⁴ Ti ā ni yahusāchu tuhoru Pilato tirore ō sehe ni sinituha tjoa:

–Ahrina mūhure payu yahusāa nina. ¿Ti ā yahusāpachuta dohse yoacu ne yahtierajari mūhu tinare? –niha tiro.

⁵ To ā nipachuta Jesu ne pari turi yahti namoeraha. Ā jiro Pilato cuāa wahaha.

Jesure wajā dutiha

(Mt 27.15-31; Lc 23.13-25; Jn 18.38-19.16)

⁶ Cūhmaripe pascuaripe masa yairo cĵihtore cūiro peresupu jirirore, masa ti wio dutirirore Pilato ā wiobasa mūjaa tiha. ⁷ Tí pjare Barrabá wama tiriro peresupu jiha.

Tiro puhtoare cohã duaina, masare wajãina mehne macariro jiha. ⁸ ã jia masa payu Pilato cahapu sua, tirore õ sehe ni siniha:

—Cuhmaripe sãre mu yoarucuriro seheta yoaga sãre. Cãiro peresupu jirirore sãre wiobasaga —niha tina.

⁹ Ti ã nichuta Pilato tinare õ sehe ni sinitu ñaha:

—¿Ahriri Jesure musa judio masa puhtoro yu wiobasachu cahmajari musa? —ni sinitu ñaha masare Jesure wio duaro.

¹⁰ Jesure masa ti cahĩchu ñaha sacerdotea puhto cãhu tirore ñu tuhtiha. ã ñu tuhtia tirore waha Pilatopure. ã jiro masa ti cahĩri buhiri sacerdotea puhto ti ñu tuhtirire ti peresu yoa dutichu masino Jesure wio duamaha Pilato. ¹¹ To ã wio duapachuta sacerdotea puhto masare Jesu mehne suachu yoaha. Õ sehe ni dutiha tinare: “Jesu wijaachu cahmaeraja. Barrabá sehere wioga”, ni dutiha masare. ¹² ã jiro Pilatore Barrabáre ti wio dutiri baharo Pilato sehe tinare õ sehe ni sinituha tjoa:

—¿Ahriri judio masa ti puhtoro musa niriro sehere dohse yoaihcaru yuhu musa ã nichu? —ni sinituha tiro.

¹³ —Crusapu cã puha wajãga tirore —ni sañurucuha masa.

¹⁴ —¿Yaba barore ñaare yoari ahriri musa ã ni sañurucuchu? —ni sinitu namoha tinare.

To ã nichu tãhoa tina sañurucu namoha tjoa:

—Crusapu cã puha wajãga tirore —ni sañurucuha tina.

¹⁵ Ti ã ni sañurucuchu tãhoro Pilato sehe masare wahchechu yoa duaro Barrabáre peresupu jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore ti tjanayeri baharo, tirore surarare wiaha, crusapu cã puha wajã dutiro.

¹⁶ ã yoa surara Pilato ya wãhu puhichapu pretorio wama tiri wãhu puhichapu tirore na sãa suha. Na sãa su tuhsu, tina mehne macaina surarare pjiroca, cãnoi cahmachu dutiha. ¹⁷ Cahmachu tuhsu, tina

puhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. ¹⁸ ã yoa tuhsu õ sehe ni bujupaha tina tirore:

—Noano tagã. Judio masa puhtoro noano tagã —ni bujupaha.

¹⁹ ã niata yuchucu mehne to dapure cã muja, tirore chahcho puti sihõ mujaha tina. Tuhsu, cua pisaro yoaina yoaro seheta tirore na tuhcuca caha su, ño payoro sehe yoaa, bujupaha tirore. ²⁰ ã yoa bujupahu tuhsu ti sãari suhtirore tjuwe naroca, to ya suhti sehere tirore sãa, tirore crusapu cã puha wajãa waha, naa wahaha tina.

Tina Jesure crusapu cã puha, wajãha

(Mt 27.32-44; Lc 23.26-43; Jn 19.17-27)

²¹ Jesure ti ã naano watoi, tói wahariro Simo Cirene macariro campopu sãriro, tina cahapu to wihichu ñaha surara sehe tirore Jesu to wãari crusare wãa wahcã dutiha. Alejandro, Rufo puaro puaro jiha Simo sehe.

²² Baharo, Gólgota wama tiropu Jesure na suha. Gólgota nino, “Dapu cohã”, nino nina. ²³ Tópu tirore ti na sãri baharo, se core, mirra wama tidu co mehne ti morea core Jesure wamaha. Wiho mejeta tiro sehe tí core sihni duaeraha. ²⁴ Baharo tina Jesure crusapu cã puha dapoha. Cã puha dapu tuhsu, to sãa suhti cjrيره ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina.

²⁵ Jesure crusapu ti cã puhachu tia hora waro duhsasiniha cohari pja to suhto. ²⁶ ã yoa crusapu õ sehe ni joari pjine duhu õha tina tirore ti yahusãrire yahu duaa. “Ahriri judio masa bui puhtoro jiriro jira”, ni joaha tina tí pjine. ²⁷ ã yoa puaro yaca bucuna Jesu cahai paye pjnipu crusaripu ti cã puha daporina jiha tina. Cãiro to poto buhusehei, paio to cõ buhusehei cã puha dapoha tina cãhure. ²⁸ [Ti ã yoachu panopu

Cohamacu yare ti yahu joariro seheta ã waharo niha. Õ sehe ni joaa tiha: “ ‘Dutiare yuhdurucaina mehne macariro jira’, ni tãhoture masa tirore”, ni joaa tiha panopu.]

²⁹ Æ yoa crusari cahai yuhdu wahcãina Jesure ñu, ti dapu pocare yureruca, tirore ñano ni durucuha:

—Noana. Noana. ¿Cohamacu wuhure cohã, tia dacho wahaboroi pari turi tí wuhure dahrehtiro jijari mahu? ³⁰ Æ jiriro jicu, mu basi dujiaga. Æ jicu mu basi yoadohoga. Æ jii yuhdu witiuhca mahu —ni bujupaha tina.

³¹ Ti yoaro seheta sacerdotea puhtoã cãhu sã judio masare buheina cãhu tirore ã ni bujupaha. Æ ni bujupaha ò sehe niha ti basi:

—Tiro painare yuhdoriro jiparota to basi yuhdo masierara: ³² “Cristo, Cohamacu warocariro Israe masa puhtoro jija”, nimana tiro. Æ jina to basi to duji tachu ñuna tirore wacũ tuanhca —ni bujupaha tina.

Æ yoa yaca bucuna tiro cahai ti cjã puha òrina cjiri cãhu tó seheta tirore ñano ni bujupaha tina cãhu.

Jesu yariaa wahaha

(Mt 27.45-56; Lc 23.44-49; Jn 19.28-30)

³³ Æ yoa cohari pja jichu tia hora waro jipihitropu nahitiano wahaha.

³⁴ To nahitia duhuchu waro Jesu tuaro sañurucuha:

—Eloi, Eloi, ¿lama sabactani? —niha tiro.

Æ nino ò sehe nino niha. “Yu Cohamacu, yu Cohamacu, ¿dohseacu yuhure cohãri mahu?”, nino niha.

³⁵ To ã nichu tuhoa cãina tói ducuina ò sehe nimaha:

—Tuhoga musa. Cohamacu yare yahu mahtarirore Elia cjirore pjirocaro nina —nimaha tina.

³⁶ Æ jiro cãiro tina mehne macariro wihmi nari suhtere vino suẽa core to sohari suhtere na muroca, yucucu sohtoapu dũhte ò, Jesure wihmi dutiha. Æ wihmi dutiro, ò sehe nimaha:

—Depusinia. Elia cjiro wihi ahrirore to na bororo tachu

ñusinijihna mari —nimaha tiro painare.

³⁷ To ã niri baharo Jesu sehe tuaro sañurucu, yariaa wahaha. ³⁸ To yariachuta Cohamacu wuhu macari suhtiro tóre to jiri tahtia waropu ti ducataru suhtiro dacho macai bui sehe tuhnu bora ta, puã cahsaro tuhnuroca yoja sua wahaha. ³⁹ To ã yariachu ñano surara puhtoro Jesu to wahãno potoi ducuriro ò sehe niha:

—Potocã tjiri jimana. Ahriro Cohamacu macunota jiri jira —niha tiro.

⁴⁰ Æ yoa yoaropu ducua numia cãhu Jesure ñurocarucua niha. Tí numia mehne María Magdalena jiha. Pacoro María wama tiricoro cãhu jiha. Ticoro sehe José, to baharo Santiago ti pocoro jiha. Pacoro Salomé jiha.

⁴¹ Tí numia Jesu yahuare quihõno tuhoa numia jia, Galilea yahpai to jisnichu tirore piti ti, yoadohoa tiha. Tí numia mehne payu paye numia cãhu Jerusalẽpu Jesu to saho tarina numia jiha.

Jesu pjacure masa copapu cãhu

(Mt 27.57-61; Lc 23.50-56; Jn 19.38-42)

⁴²⁻⁴³ Æ yoa tí dacho to yariari dacho Sabado pano judio masa sã sori namu pano jiri dacho jiha. Æ yoa Pascua macaa cjihtire ti cahnoru dacho jiha. Tí ñamihta José Arimatea macariro cuuro marieno Pilato cahapu saha Jesu pjacure sinino suro. José judio masa sã puhtoã mehne macariro, puhtoã ti cua pisaro ñuriro waro jiha. Tiro puhtoro Cohamacu masare to saho jhtore cohtaro niha. ⁴⁴ Æ yoa José Pilatore to ã sinichu tuhoru, tuho cuaa wahaha Pilato sehe. “¿Jesu yaria tuhsuari?” ni tãhoturo, cuaa wahaha. Æ jiro surara puhtoro pjiroca ò sehe niha tirore:

—¿Potocãta Jesu yariaa wahari? —ni sinituha tirore.

⁴⁵ To ã nichu surara puhtoro ò sehe ni yuhtiha:

—Åja. Yariaa wahahre —niha.

To ã nichu tuhoru, Pilato Jesu pjacure wa dutiha Josére. ⁴⁶ To ã wa

dutiri baharo José noari suhtirore nuchabasaha. Nuchabasa tuhsu, Jesu pjacu cjirore na boro, suhtiro mehne wahma, masa copapu tâcai ti sahari copapu to pjacure siõ sãa payoha. Siõ sãa payo tuhsu, tí copa cahai jiria tâcare pjiria tâcare tju turẽ wahcã, tí copare biha dapoha. ⁴⁷ María Magdalena, ã jichu María José pocoro Jesure ti na sãa duhu payorirore ñuha.

16

Jesu masa wijaaha

(Mt 28.1-10; Lc 24.1-12; Jn 20.1-10)

¹ ã yoa Sabado dacho yuhdari baharo, sũ sãari baharo, María Magdalena, Salomé, ã jichu María Santiago pocoro, tina tiaro numia wisõa me sitia core nuchaha Jesu pjacure wisõa taa. ² ã jia domingo bohrea mija tachu Jesure ti duhu payori copapu ñua wahaha tina. ³ Tí copa cahapu waharucua, õ sehe niha tina ti basi:

—¿Tí copare bihari tâcare noa marine pjõobasarohcari na? —niha tí numia ti basi.

⁴ Baharo tí copa cahapu sũ, tí copare bihari tâcare, pjiria tâcare ti nawe cõriare ñuha tina. ⁵ ã ñua tí copapu sãa wahaha. Tõpu sũ, cãiro wahmõnore ti poto bũhusehei dujirirore, yehseri suhtiro sãarirore ñua, cõaa wahaha tina. ⁶ Ti ã cuachu ñuno, tiro sehe õ sehe niha tí numiare:

—Yuhure ñu cõaena tjiga. Jesu Nazare macariro, crusapu ti cã puha wajãriro cjirore msa macana nimana. Wiho mejeta tiro sehe masa wijaa tuhsure. Õre mariahna. Tirore ti duhu payoro cjirore ñuga. ⁷ “Tiro msa pano Galileapu wahayuhto jiyuhti. Tói to niriro seheta msa tirore ñuhtina jiyuhti”, ni yahuna wahaga to buheinare, Pedro cõhure —ni yahu dutiha wahmõno tí numiare.

⁸ To ã nichu tuhoa tina cui, tetere, masa copa cahai jirina mrocaa wahaha. ã cuia painare yahueraha.

Jesu María Magdalenare bajuaha (Jn 20.11-18)

⁹ [ã yoa Jesu sehe domingo ñamicunucã to masa wijaari baharo, María Magdalenare to siete watia to cohãnohricorore tiro bajua mũhtaha. ¹⁰ Jesu mehne macaina cjiri sehe to yariachu ñua, tuaro cahya, tiia niha. ã ti tiiro watoi, María Magdalena sehe Jesure to ñurire tinare yahuro samaha. ¹¹ “Jesu catihre. Ñahi yuhũ”, ni yahumaha ticoro. To ã ni yahupachuta, tina sehe ticorore ne tuho duaeraha.

Jesu to buheinare bajuaha (Lc 24.13-35)

¹² Baharo puaro tina mehne macaina masa marienopu ti tinichu Jesu soro bajuriro tina cõhure bajuaha tjoa. ¹³ To ã bajuachu ñua tina tjua waha, paina Jesu yainare tíre yahua. Ti ã ni yahupachuta tina cõhure tuho duaeraha.

Jesu to yare buhe dutiro warocaha to buheinare (Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapu ti chu dujiro wato, tinare bajuaha tjoa Jesu. Tirore ñurinare ti yahuchu ti tuho duaerari buhiri, tirore ti noano wacũ tuaerari buhirire masino, tiro tuhtiha tinare. ¹⁵ ã tuhti tuhsu, tinare õ sehe niha:

—Ahri yahpa jipihtiropure ahri yu ya quiti noaa buheare jipihtina ahri dacho macainare noano yahu site pahõna wahaga. ¹⁶ Yuhure wacũ tuainare ti bautisarinare pichacapu wahaborinare yuhdorohca Cohamacu. Tuhsu, yuhure wacũ tuaeraina Cohamacu to buhiri dahrehtina pichacapu wahahtina jiahca. ¹⁷ ã jia yuhure wacũ tuaina yu tuua mehne õ sehe yoaahca: Yu tuua mehne, yu wama mehne watiare cohã wioahca. Tuhsu, wahmaa duserire durucuahca. ¹⁸ ã yoa agãare ti ñahachu, jipihtia ñima dohse jia ñimare ti sihnichu, tinare ne purisi. ã yoa dohatiina bui ti wamomacarine ti ña

payochu tina noaina wahaahca —ni yahuha Jesu to buheinare.

*Jesu muanopu mujaa wahaha
(Lc 24.50-53)*

¹⁹ ã ni yahu tuhsu mari puhtoro Jesu muanopu mujaa wahaha. Tópu suro Cohamacu poto buhusehei dujiha tiro mehne puhtoro jiro. ²⁰ ã jia tina jipihtiorpu noaa buheare Cohamacu masare to yuhduchu yohti buheare buhea wahaha. Ti ã buhechu mari puhtoro tinare yoadohoha. To tuaa mehne yoa ño masichu yoaha tinare, masare to ya buheare tuho dutiro. Tó puro tjira.]

San Lucas

1-3 Puhthoro Teófilo, ahrire mu buhehti cjihtire muhare joarocai nija. Jesu sā mehne jisinino to yoari cjiire payu paina joa dūca tuhsure. Wahmanopure Jesure ñhina cjiri, to yare buheina cjiri ti ni yahuriro seheta paina tíre joa dūca tuhsure. Ā jicu ahri jipihtiare noano masi pahño duacu buhei. Ā jicu yuhū cāhū tíre noano joa duaja mu buhehti cjihtire yoacu tacu. 4 Jesu yare yahuina muhare buhe tuhsure. Tíre noano mu masi namohto sehe ahri tjure muhare joarocai nija.

João masare bautisahtiro to masa bajuahtire anjo yahuha

5 Herode Judea yahpa macaina puhthoro to jichū cāiro sacerdote Zacaria wama tiriro jia tiha. Ā jiro Zacaria to ya curua macaina sehe sacerdotea curua Abías cjiro ya curua jiha. Zacaria namono cūhū sacerdote Aarō cjiro panamañono ji turiaricoropū jiha. Ticoro Elisabe wama tiricoro jiha. 6 Tina puaro Cohamacu dutiare noano yoa pahñoina ti jichū ñhūno, “Ahrina yu cahmano seheta ā jia tirucura”, ni ñhū Cohamacu tinare. 7 Ticoro Elisabe ne pohna marienicoro jiha. Ā jia tina puaro ne pohna marieina ji, būcūna waro jiha.

8 Ā yoa sacerdotea ti dahraare dahraa taa, ō sehe yoaa tiha: Dahra muhtari curua cjiro pa curua mehne cahma cohtota mujaa tiha. Ā jia Zacaria ya curua macaina dahrahti dachori jichū, tina dachoripe sacerdotea ti dahraa tirucuriro seheta Cohamacu ya wuhupū dahraa taa niha. 9 Sacerdotea Cohamacure ti ño payori mesapū inciensore me sitia pohcare jūhtiro cjihtore besea taa, docapea mehne besea tiha. Ā yoa ti quihōri dacho jichū Zacaria ya curua macaina me sitiare jūhtirore besea taa docapeha. Ā docapea Zacariare beseha. Ā jiro tiro puhthoro Cohamacu

ya wuhupū sāa wahaha me sitiare jūno waharo. 10 Tí wuhupū tíre to jūno watoi jipihtina masa sehe sopacapū Cohamacure sinia tiha. 11 Tí pjare Cohamacu yairo anjo Cohamacure ño payori mesa poto buhusehei bajuarucu sūha Zacariare. 12 To ā bajuachū ñhūno Zacaria tirore ñhū cūa yuhdūa wahaha. 13 To ā cūachū ñhūno anjo tirore ō sehe ni yahuha:

—Zacaria, cuii tjiga. Cohamacu mu sinirire tūhore. Ā jina mipure mūsa pohna tinahca. Mūsa macu cjihto masa bajuarohca. To bajuachū “João” ni wama pisuga tirocāre. 14-17 “Tiro yu tuua mehne payu noare yoarucuriro jira”, ni ñhūnohca Cohamacu mu macure. Tiro to masa bajuari baharo vinore, sihbiori cūhūre sihnisi. Ā jiro tiro to masa bajuahto pano Espiritu Santo to niriro sehe yoariro jirohca tiro. Espiritu Santo tiropure sārūcu sū tuhsū ā baju yoarucurohca tiro mehne. Ā yoa payu Israe masare Cohamacu mari puhthoro cahmaeraina cjiire noano cahmachū yoarohca mu macu. Mari puhthoro to tahto pano Elia cjiro Cohamacu yare yahu muhtariro to buheriro seheta Espiritu Santo to yoadohoro mehne Cohamacu to tuua mehne mu macu cūhū buherohca. Ā buhero ti pūcūsuma ti pohna mehne ñhūno jimarinare ti noano cahma cahī jichū yoarohca. Ā yoa Cohamacure yuhdūrucaina cjiri cūhūre noano ño payoa mehne yūhtichū yoarohca. Ā buhero mari puhthoro Cohamacu yaina cjihtire yoarohca tiro. Ā jicu to masa bajuari baharo muhū wahcheihca. Payu paina cūhū wahcheahca —niha anjo Zacariare.

18 To ā nichū tūhoro Zacaria sehe ō sehe ni sinituha anjore:

—Sā būcūna jija. Ā jicu mu niri potocā jichū dohse masicūhcarī yuhū? —niha tiro.

19 To ā nichū anjo sehe tirore ō sehe ni yahuha:

—Yuhū Gabriele wama tiriro jija. Cohamacu cahamacūno to cahai

ducuro jija yuhũ. Cohamacũ ahri noaa quitire yahu dutiro, mũ cahai yuhũre warocare. ²⁰ Yũ yahuriro seheta potocãta waharohca. Yũ ã nipachũta yuhũre mũhũ potocã tũhoerare. ã jicũ mipũre mũhũ durucu masierariro wahaihca. Mũ macũ to bajuari baharo durucuihca tjoa –niha anjo Zacariare.

²¹ Sopacapũ jiina masa Zacariare cohtaa niha. “¿Dohse jiro baro tiro Cohamacũ wuhũpũ jiro, so wijaa taerajari?” ni, cohtaa niha masa tirore. ²² Tuhũ, tiro wuhũpũ jiriro wijaa wihi, tina mehne durucu masieraha. “Tiro Cohamacũ wuhũi bajuare ñũno niboca”, ni tũhotu masiha tina. ã jiro tiro durucu masierariro jiro to wamomacari mehne yoa cayoha masa ti masihtosehe.

²³ Cohamacũ wuhũi to dahraa pihtichũ, tiro to namono mehne tjuaa wahaha ti wuhũpũ. ²⁴ Ti ã tju sũri baharo to namono Elisabe niji pocoro jiha. ã jiro ticoro cinco sũri waro masa cahai wahaeraha. ²⁵ Õ sehe ni tũhotuha ticoro: “Mipũre yuhũre Cohamacũ yoadohore jũna. Pohna marienicoro jico bũobiario yuhũdũhi yuhũ. Cohamacũ to yoadohoro mehne mipũre nijinocãre boca ja yuhũ”, ni tũhotuha ticoro.

Jesu to masa bajuahtore yahuha anjo

²⁶⁻²⁷ Elisabe cinco sũri niji pocoro to ji wahcãchũ waro Cohamacũ sehe anjore Gabriele wama tirirore nuhmino, ne mũa mehne jieraricoro cahapũ warocaha. Ticoro María wama tiricoro Nazarei Galilea yahpai jiri macai jia tiha. José wama tiriro jiha to manũno cjihto. Tiro panopũ macariro Davi cjiro panamino ji turariropũ jiha. ²⁸ ã to warocachũ María cahapũ sũro, anjo ã sehe ni yahuha:

–María, ¿jimajari mũhũ? Cohamacũ mũhũre yoadohoro nina. Mũhũre noano yoaro nina –niha anjo ticorore.

²⁹ To ã nichũ tũhoro, ticoro tuaro wacũ tũhotuha. Anjo to yahurire tũhoturo “¿Dohse nino baro yuhũre ã

nicari?” ni wacũha ticoro. ³⁰ To ã ni tũhotuchũ masino anjo ã sehe ni yahu namoha ticorore:

–María, Cohamacũ mũhũre tuaro cahĩna. ã jico mũhũre yũ yahuhũtũre tũho cãaeco tjiga. ³¹ Noano tũhoga. Cũiro nijinocãre pohna ticohca mũhũ. Tirocã to masa bajuari baharo, “Jesu” ni wama pisucohca mũhũ tirocãre. ³²⁻³³ Tiro tua yuhũdũariro jirohca. ã jia tirore “Cohamacũ Jipihtina Bui Jiriro macũnota jira”, ni masiahca masa. Mũ macũ ñũchũno mũnanopũ Davi cjiro Israe masa ti pũhtoro to jia tiriro cjiro seheta mũ macũ cjihto cãhũre cũnohca Cohamacũ. ã jiro jipihtia dachoripe tiro Israe masare dutirohca. Pũhtoro to jihto ne pihtisi –niha anjo.

³⁴ To ã nichũ tũhoro María sehe ã sehe ni sinituha:

–¿Dohse yuhũ manũ mariapacohta pohna tibocari yuhũ? –niha ticoro.

³⁵ To ã nichũ tũhoro anjo ã sehe ni yuhũtiha:

–Espíritu Santo to tuua mehne mũhũre nijinocãre bocachũ yoarohca. ã jiro Cohamacũ Jipihtina Bui Jiriro to tuua mũhũre to masũrũca caharo seheta bajuaeraparota tarohca mũhũre. ã jia “Cohamacũ macũno, ñaa buhiri tia marieriro jira”, niahca masa mũ macũre. ³⁶⁻³⁷ Cohamacũ jipihtiare yoa masina. ã jiro mũ coyeacoro Elisabe cãhũ bũcoro waro jiparota mipũre niji pocoro jira ticoro. Ticoro pohna tirohca mũnocãre. Masa ticorore “Nijinocã boca masienicoro jira”, ti niricoro cjiro mipũre nijinocãre to bocari baharo seis sũri waro wahara –niha anjo Marĩare.

³⁸ To ã nichũ María ã sehe ni yuhũtiha:

–Yuhũre tũhoga. Mari pũhtoro to cahamacono jija yuhũ. Mũ niriro seheta yuhũre ã wahajaro –niha ticoro.

To ã niri baharo anjo wahaa wahaha.

María Elisabere ñũno wahaha

³⁹ To ã niri baharo María tũyucũri jiri yahpũpũ Judea yahpai jiri macapũ ño duaro wahaa wahaha. ⁴⁰ Tõpũ

suro, Zacaria ya wuhuru sãano, “¿Jimajari?”, niha ticoro Elisabere.

⁴¹ To ã nichu Elisabe to tuhochuta, to macano sehe niji suhtiropu jirocã ñuhmiha. Elisabe Espiritu Santo to dutiro sehta yoa pahñoricoro jiro, to tuaare cjaricoro jiha. ⁴² ã jiro tuaro wahchea mehne ticoro bisiro durucuha:

—Jipihtia numia yuhdoro mähure noano yoahre Cohamacu. Mu macu cãhure noano yoahre Cohamacu.

⁴³ Cue, yu puhtoro pocoro yu cahai mu tachu noano yoara yuhure Cohamacu.

⁴⁴ Mu yuhure “¿Jimajari?” mu nichu yu macu sehe niji suhtiropu jirocã wahchea mehne ñuhmihti yuhure.

⁴⁵ Cohamacu to niriro sehta yoaroha. ã jico to yahurire tuhoricoro jico wahchericoro jira mähü —niha Elisabe Mariäre.

⁴⁶ To ã nichu María õ sehe ni yuhtiha:

“ ‘Cohamacu noariro, tuariro jira’, nija. Yuhu noano yajeripohna tija.

⁴⁷ Cohamacu yuhure pichacaru wahaboricorore yoadohoriro jira.

ã jiro mipure yuhure noano wahchea mehne jichu yoara.

⁴⁸⁻⁴⁹ Tiro yuhure to cahamaconore wacuri jira. Cohamacu tua yuhdhariro noaa dihtare yuhure yoadohohre.

ã jia mipure “Ticorore Cohamacu noano yoahre”, jipihtina masa ã ni, durucuahca yuhure.

Cohamacu ñaa marieriro jira.

⁵⁰ Jipihtia dachoripe jipihtina tirore ño payoinare tiro pja ñuriro jira.

⁵¹ Cohamacu to tuaa mehne yoaha. ‘Painare yuhdharucaja’, niinare yuhdharucaha tiro.

⁵² Puhtoare cohãha tiro. ã jiro cahamaca sehere tiro puhto yoaro sehta cãha tinare.

⁵³ Juca baaina cjirire tiro noaa chure waha. Tuhsu, payu cjuaina cjirire paye baro cjueraina yoaha tiro.

⁵⁴⁻⁵⁵ Mari ñuchusuma cjirire to yahu cãriro sehta yoa pahñoha Cohamacu.

To cahamaca Israe masare tiro yoadohoha.

Abrahã cjirire mari ñuchusuma cjirire jipihtina to coyea to baharo jiina cãhure Cohamacu jipihtia dachoripe ã pja ñurucuriro jia tiha.

Tinare to yahu cãriro boeraha Cohamacu”,

niha María.

⁵⁶ Tia sã waro Elisabe mehne jiha ticoro. Tõ puro to jiri baharo to ya macaru tjuaa wahaha María.

João masa bajuaha

⁵⁷ Elisabe to niji wahcõri baharo to macano masa bajuaha. ⁵⁸ ã jia Cohamacu ticorore to ã noano yoachu to ya maca macaina to coyea cãhu ticoro mehne wahcheha.

⁵⁹ Ocho dachori to masa bajuari baharo, to pucsuma tirocãre mahanocã to pjacu cahsarocãre yihso dutia taa niha. ã jia tina mehne macaina ti caharu saha ti yihsochu ñua taa. Tina mehne macaina Zacaria to pucuro wamare tirocãre wamoa duamaha. ⁶⁰ Ti ã wamoa duapachuta to pocoro õ sehe niha:

—To pucuro wamare wamoeraja. João wamoanahca tirocãre —niha ticoro.

⁶¹ —Mu coyea ne cãiro João wama tiriro mariahna —niha tina ticorore.

⁶² ã jia ti wamomacari mehne yoa ño, Zacariare õ sehe ni sinitu ñua tina:

—¿Muhu waro dohse wamoa duajari mu macure? —ni sinitu ñua tirore.

⁶³ Ti ã nichu tiro sehe johti pjine siniroca, ñaha, joaha: “Yu macu João wama tirohca”, ni joaha Zacaria. To ã ni joachu tina sehe cãaa wahaha.

⁶⁴ To ã ni joari baharo tirore durucuhu yoaha Cohamacu. ã jiro tiro durucua wahaha juna:

—Cohamacu tuariro, noariro jira —niha tiro.

⁶⁵ To ã ni durucuhu tuhoa tõ macaina cãaa wahaha. ã jia ahri

jipihtiare Judea yahpa macainare t̄yuc̄ watoi jinare masa yahu siteha. ã jia masa tó macaina noano masi pihtia wahaha. ⁶⁶ Jipihtina t̄ire t̄uhoa wac̄ūha. “Cohamac̄ tuaare ahriroc̄a cj̄ara. ã jiro wiho jiriro jierara ahriroc̄a”, ni t̄hotuha masa.

Zacaria Cohamac̄re ño payoha

⁶⁷ ã yoa to p̄uc̄ro Zacaria sehe Esp̄ritu Santo to dutiriro sehet̄a yoa pah̄oriro jiro to tuaare cj̄ariro jiro Cohamac̄ yare ò sehe ni yahuha:

⁶⁸ “Mari Israe masa Cohamac̄re, mari p̄htorore wahche payojihna mari. To yaina jija mari.

ã jiro tiro mari cahap̄ wihiro, marine yoadoho, noano ȳhd̄ch̄ yoaro taro nina.

⁶⁹ Cohamac̄ marine, pichacap̄ wahaborinare ȳhd̄ch̄ yoah̄t̄ore, tua ȳhd̄ar̄ore warocara.

Ahriro marine ȳhd̄ch̄ yoah̄t̄o c̄j̄ht̄o sehe Cohamac̄re dahra cohtar̄iro Davi c̄j̄iro panamino j̄i tur̄iar̄iro jira.

⁷⁰ Panop̄re to yaina waro, to yare yahu m̄ht̄aina c̄j̄ir̄ire ahri ò sehe wahahto c̄j̄ht̄ore yahu c̄ m̄ht̄a tuhs̄a tiha.

⁷¹ ‘M̄sare ñ̄ tuhtiinare, jipih̄tina m̄sare ñ̄ano yoainare d̄c̄ataiht̄a’, ni c̄ūha Cohamac̄ marine.

⁷² Mari ñ̄ch̄s̄ma c̄j̄ir̄ip̄re ‘M̄sare p̄ja ñ̄i, yoadohoiht̄a.

M̄sare ȳ yahu c̄ir̄ire wac̄ūiht̄a’, niha Cohamac̄.

Tí p̄jap̄re to ni c̄ir̄iro sehet̄a mip̄re marine sohtori tiro taro nina.

⁷³⁻⁷⁵ Panop̄re ò sehe ni c̄ūa tiha Cohamac̄ Abrah̄are: ‘Potoc̄a ni ita nija m̄h̄are.

M̄ coyea baharop̄ j̄i n̄n̄ht̄inare paina tinare ti ñ̄ tuhtich̄, ȳh̄ sehe tinare d̄c̄ataiht̄a.

ã jia m̄ coyea sehe ne cuiro marieno ȳ dutiare yoa, ȳh̄re ñ̄o payoahca.

Tina ti catiro puro ȳ ñ̄rocaroi buhiri marieno, quih̄no jia tiina jirucuahca’, ni yahu c̄ūa

tiha Cohamac̄ mari coyeiro Abrah̄a c̄j̄irore”,

niha Zacaria. ã ni tuhs̄ tiro to mac̄no c̄h̄re ò sehe niha t̄joa:

⁷⁶⁻⁷⁷ “Mac̄, m̄h̄re ò sehe niahca masa: ‘Cohamac̄ Jipih̄tina Bui Jiriro yare yahu m̄ht̄ar̄irota jira’, ni masiahca m̄h̄re.

M̄h̄ mari p̄htoro Cristo to tahto panore masare yahuyui wah̄h̄ca.

ã yahuyui wahac̄, ò sehe ni yahuyuihca tinare: ‘Mari p̄htoro tarohca.

Tiro m̄sa ñ̄aa yoari buhiri tiare coh̄, pichacap̄ wahaborinare ȳhd̄rohca m̄sare’, ni yahuihca m̄h̄.

ã ni yahuc̄, mari p̄htoro to tahtore cahnoyu dutii ni hca m̄h̄ tinare.

⁷⁸ Cohamac̄ sehe marine tuaro p̄ja ñ̄ir̄iro j̄i, marine noano yoar̄iro j̄it̄j̄ãno, tiro marine pichacap̄ wahaborinare ȳhd̄ch̄ yoa duara.

ã jiro tiro Cristore buhriaro yoaro sehe jir̄irore mari cahap̄ warocara.

⁷⁹ Tiro mari cahai wihiro marine pichacap̄ wahaborinare nahitiano warop̄ j̄imarinare buhriaro marine to noano ñ̄ bocach̄ yoaro sehet̄a Cohamac̄ ya potoc̄a ni yahuaire masich̄ yoarohca tiro.

ã yoa mari tiro mehne c̄ano mehne mari noano j̄i masihto c̄j̄ht̄o c̄h̄re yahurohca marine”,

niha Zacaria.

⁸⁰ ã yoa Zacaria mac̄no noano p̄jac̄ t̄ir̄iro b̄ch̄aha. ã b̄ch̄aro, Cohamac̄re tuaro ñ̄o payor̄iro j̄iha. Tuhs̄, yoari p̄ja masa marienop̄ j̄ia tiha. Israe masare buhe d̄caro t̄op̄ta to jiriro c̄j̄iroi jia tiha.

2

Jesu masa bajuaha (Mt 1.18-25)

¹ Tí p̄jare jipih̄tia yahpari macaina bui p̄htoro Augusto jia tiha. ã jiro

jipihtinare quihõ dutiha. ² Ahrina masare ti coã quihõ ducachũ Siria yahpa macaina puhtoro Cirenio wama tiriho jiha. ³ ã jia jipihtina ti ñuchũsuma panopũ macaina ya macaripũ ti wamare joa õa wahaha. ⁴ José cũhũ Nazarepũ Galilea yahpai jiri macapũ jiina waha, Judea yahparũ Belẽ wama tiri macapũ sũha. Puhtoro Davi cjiro panopũ macariro to masa bajuaro jiha Belẽ. José Davi cjiro panamino jituariro jiro puhtoa masare to quihõ dutichũ tuhoro Belẽpũ to wamare joa õ dutiro wahaha. ⁵ ã jiro tiro María to namono cjihto mehne tórpũ to wamare joa õ dutiro sũha. Ticoro sehe wihãrirocãre cjuaro caharicoro jiha. ⁶ ã jiro Belẽpũ sũro ticoro niji wahcõha. ⁷ Tórpũre masa ti carĩri wũhũ ne mũ sũeraha tinare. ã jiro ticoro pohna ti tuhsũ, tirocãre suhtiro mehne coma, wachũa ti chũri wahwai, tja bui tirocãre duhu payoha. Tirocã wahma to pohna ti mũhtarirocã jiha.

Anjo ovejare ñũ wihboinare bajuaha

⁸ Tí ñamine campopũ ovejare ñũ wihboina ti yaina ovejare ñũ wihboina niha. ⁹ Tórpũ ti jichũ Cohamacũ warocariro anjo tinare bajuaha. To ã bajuachũ Cohamacũ to si sitea tinare buhriaha. To ã si sitechũ ñũa, ovejare ñũ wihboina cuia wahaha. ¹⁰ Ti ã wahachũ anjo tinare õ sehe ni yahuha:

—Noaa quitire mũsare yahui taja. Jipihtinare masare wahchechũ yorohca ahri quiti. ã jina yũhũre cuiena tjiga mũsa. ¹¹ Micha ñamine puhtoro cjiro Davi ya macapũ mũsare pichacapũ wahaborinare yũhdohtiro, Cristo Cohamacũ warocariro mari puhtoro masa bajua tuhsũhre. ¹² Suhtiro mehne comariro wachũa chũri wahwa bui ti duhu payoriro mũsa ñũhtiro tiro tjirohca —ni yahuha anjo tinare.

¹³ To ã nichũta payũ mũano macaina ji mũhtariro anjo mehne

Cohamacũre wahche payoha. Õ sehe ni wahche payoha tina:

¹⁴ “Cohamacũre mũano macarirore ño payojihna.

ã jia Cohamacũ to cahĩina cuiro marieno cahmacheno marieno noano jijaro”,

ni wahche payoha anjo peri.

¹⁵ ã ni wahche payo tuhsũ mũanopũ ti mũjari baharo ovejare ñũ wihboina sehe ti basi cahma durucuha:

—Ahrire Cohamacũ marine to yahurire Belẽpũ basa ñũjihna —niha tina ti basi.

¹⁶ ã nia ño duaro wahaa wahaha tina. Mariare, Josére boca sũ, wihãrirocãre wachũa chũri wahwai ti duhu payorirocãre ñũha tina.

¹⁷ Ovejare ñũ wihboina tirocãre ñũ tuhsũ anjo wihãrirocãre to yahurire yahu turiaha painare. ¹⁸ Ti ã ni yahu turiachũ jipihtina tinare tuho cũaa wahaha. ¹⁹ Ahri jipihtiare María wacũ tuhoturucuha. ²⁰ ã yoa ovejare ñũ wihboina sehe anjo to yahuriro seheta jichũ ñũa, “Cohamacũ tuariro jira”, ni wahcheha. ã ni wahche,

majare tjuua wahaha.

Cohamacũ wũhũpũ Jesu pũcũsuma tirocãre naaha

²¹ Cũ somana baharo wihãrirocã to pjacũre mahanocã cahsarocãre yihso na tuhsũ tirocãre tina Jesu wamoaha. Jesure wahma to bocahto pano anjo sehe “‘Jesu’ ni wama pisuga tirocãre”, ni yahu tuhsũha. ã jia tirocãre “Jesu” ni wama pisuha.

²² Cohamacũ dutia Moise to yahuriro seheta yoaa taa José, María mehne Jerusalẽpũ wahaha. Tórpũ wahaha María to pohna tiri baharo to noaricoro to wahari baharo to ã waharire ñono taro. ã wahaa, tina Jesucãre naa wahaha. Tirocãre Cohamacũre “Ahrirocã mũ yairo cjihto jira”, ni ñoa wahaha. ²³ Õ sehe yoaha Cohamacũ yare ti joari pũi to yoa dutiriro seheta. “Jipihtina mũsa pohna wahma bajua mũhtainacãre Cohamacũre ñoga. ‘Ahrirocã mũ yairo cjihto jira’, ni ñoga”, ni dutia

tiha Cohamacu. ²⁴ ã ño tuhsu Cohamacu to yoa dutiriro seheta tina minichahcare waa wahaha Cohamacure ño payoa. Õ sehe dutia tiha Cohamacu: “Bujaa puaro waga yuhure. O tina mariachu urítua wihãinacã puaro waga yuhure ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

²⁵ Jerusalēi Simeo wama tiro jaha. Tiro quihõno yoiriro, Cohamacure ño payoriro jiro, Cohamacu Israe masare to yoadohotire cohtariro jaha. Tiro Espíritu Santo to nino sehe yoiriro jaha. ²⁶ ã jiro tiro to yariahto pano Cohamacu to warocahitirore Cristore to ñuhti cjihtire tó pano yahu tuhsaha Espíritu Santo tirore Simeore. ²⁷ ã jiro Espíritu Santo tirore to dutichu Cohamacu wuhuru sãa wahaha. To sãa suri baharo Jesu pucsuma ti macunocãre na sãaha. Cohamacu to dutiriro seheta yoaa niha.

²⁸ Simeo sehe tirocãre wua na, Cohamacure ño payo, “Noana” ni, tiro mehne durucuha.

Õ sehe niha tiro Cohamacure:
²⁹⁻³² “Mipu pinihtare puhtoro, mu niriro seheta jipihtina masare pichacapu wahaborinare yuhduchu yoahitiro cjihtore warocahre muhu.

Tiro judio masa jierainare buhero muhure noano masichu yoarohca tinare.

Masare yuhdohtiro Israe masunore muhu cãha.

Sã coyeirore Israe masunore mu cãchu jipihtina masia, ‘Israe masare noano yoara Cohamacu’, niahca masa.

Ahrirocã sãre yuhduchu yoahitiro jira. ã jicu ahrirocãre ñu tuhsucu, mipure noano wahcheriro yariaihca”, niha Simeo.

³³ Simeo tirocãre to ã nichu Jesu pucsuma sehe tuho cãaa wahaha.

³⁴ ã jiro Simeo tinare “Noano jiga musa” nino, tiro María Jesu pocorore õ sehe ni yahuha:

—Cohamacu ahrirocãre beseha. To ã beseriro to jipachata judio

masa payu tirore yuhducaahca. ã yoaa tina pichacapu wahaahca. Judio masare payu yuhdohtirore Cohamacu beseha tirocãre. Tiro Cohamacu yare yahiriro to jipachata masa payu tirore ñano ni yahu wajaahca. ³⁵ Ti ã yoachu paina ti ñano wacũare masiahca. ã jico muhu tuaro cahyacohca —niha Simeo Maríare.

³⁶ Tói Cohamacu yare yahu muhtaricoro Ana wama tiricoro jaha. Ticoro Fanuel macono jiro, Aser cjiro ya curua macaricoro jaha. Bucoro waro jaha. Ticoro nuhmino jiro manu tiha. ã yoa siete cãhmari to manuno mehne jaha. Tó puro to jiri baharo to manuno yariaha.

³⁷ ã jiro ochenta y cuatro cãhmari waro wapewahyoro jia tiha ticoro. ã jiro ticoro dachoru cãhure ñamipu cãhure Cohamacu yare yoaro taro chuæraro, Cohamacu mehne durucu, Cohamacu wuhure ne wijaaera tiha. ³⁸ Simeo to durucuro watoi ticoro tina cahai wihiro, wahchero Cohamacure “Noana”, niha. ã jiro Jerusalē macainare pichacapu wahaborinare yuhdohtirore cohtainare ticoro Jesucãre yahuha tina jipitinare.

José, María, Jesu mehne Nazarepu tjuaa wahaha tjoa

³⁹ Cohamacu to dutiriro seheta yoa tuhsua, tina ti ya macapu Nazarepu tjuaa wahaha. Galilea yahpai jia tí maca Nazare. ⁴⁰ Jesu sehe noano bucuha, tuariro wahaha. ã jiro tiro noano tuho masiriro bucuaha. Cohamacu tirore noano yoaha.

Jesu wahma wahmu tariro jiro, Cohamacu ya wuhui judio masare buheina mehne sãhduro niha

⁴¹ Cãhmaripe Jesu pucsuma Jerusalēpu pascua numarine bose numarine yuhdoa wahaa tiha. ⁴² ã jia Jesu doce cãhmari to chuachu waro ti yoarucuriro seheta tina jipihtina Jerusalēpu bose numarine yuhdoa wahaha tjoa. ⁴³ Tí macapu su, tí bose numarine yuhdo tuhsu tina ti ya macapu majare tjuaa wahaha

tjoa. Wiho mejeta Jesu sehe ti ã majare tjuaapachuta, Jerusalēpu tjuanocaha. To p̄c̄s̄ma sehe t̄re to tjuarire masieraha. ⁴⁴ “Paina mari mehne macaina mehne taca mari macu”, ni t̄hotumaha tina. ã jia tina cã dacho waro noano Jesu marieno waharucumaha. Tí dacho pihtichu waro tina Jesure ti coyeya watoi ã jichu ti ñu masiina watoi cãhure macamaha. ⁴⁵ Wiho mejeta ne bocaeraha. ã jia tina pari turi Jerusalēpu majare tjuaa wahaha tjoa, tirore macaa wahaa.

⁴⁶ Tia dacho baharo Cohamacu wuhu wijaroi tirore boca suha. Tói Jesu judio masare buheina watopu duji, tinare t̄ho, tinare sinituro niha. ⁴⁷ Tina jipihtina Jesure to quihõno yuhtichu t̄hoa noano masirocã to jichu ñu, tina cãaa wahaha. ⁴⁸ Jesu p̄c̄s̄ma cãhu tirore ñu, tina cãhu cãaa wahaha. ã jiro to pocoro tirore õ sehe niha:

—Macu, ¿dohseacu ã yoari mahu sare? Sã mu p̄c̄s̄ma pjíro t̄hotu, cahya, macana nihi mahure —niha ticoro to macunore.

⁴⁹ To ã nichu t̄horo tiro to p̄c̄s̄mare õ sehe ni yuhtihã:

—¿Dohseana yuhure macari musa? Yu Pucu waro ya wuhui ji to dutiro seheta yoai nija. ¿Tíre masierajari musa? —niha tiro tinare to p̄c̄s̄mare.

⁵⁰ To ã ni yahupachuta tina to yahuaire t̄ho ñahaeraha.

⁵¹ ã yoari baharo, Jesu to p̄c̄s̄ma mehne Nazarepu tjuaa wahaha. Tju su, to p̄c̄s̄mare ne yuhdurucaerariro jia tiha tiro. Ahri jipihtia to yoarire ñuno María noano t̄hotu, wacũrucua tiha. ⁵² ã yoa Jesu bucua, noano t̄ho masiroro wahaha. Tó sehe jiro to ji bucuchu ñuno, Cohamacu sehe tirore noano ñu ji coa, tuaro cahã tiha. Masa cãhu tirore tó seheta noano ñu ji coa, tuaro cahã tiha.

3

João masare bautisariro masare Cohamacu yare yahuha

(Mt 3.1-12; Mr 1.1-8; Jn 1.19-28)

¹ Tí pjare ti bui p̄htoro jiro Tiberio wama tiro to p̄htoro jiri baharo quince cãhmari wahaha. Tuhsu, Poncio Pilato wama tiro sehe Judea yahpa macaina p̄htoro jiha. ã yoa Herode wama tiro sehe Galilea yahpa macaina p̄htoro jiha. To baharo Felipe sehe Iturea yahpa macaina, Traconite yahpa macaina cãhu ti p̄htoro jiha. Tuhsu, Lisania wama tiro Abilina yahpa macaina p̄htoro jiha. ² Tí pjare Ana, Caifa mehne jipihtina sacerdotia bui p̄htoa jiha. Ahri jipihtina ti jiro pjare João Zacaria macuno masa marienopu jirore Cohamacu sehe tirore to yare buhe dutiha. ³ ã jiro Jordão wama tiri ma duhtu cahai jiro yahpai jipihtiropu João buhero wahaha:

—“Noaina jija sã”, ni musa t̄hotumari cjirire t̄hotu cohtota, Cohamacu cahmaga musa. ã yoana t̄re musa yoarire ñona tana, bautisaina jiga. Musã ã cohtotachu ñuno Cohamacu musã ñaa buhirire borohca —ni buhea tiha tiro.

⁴ Isaia cjiro panopu macariro Cohamacu yare yahu muhtariro to joariro seheta ahriro Joã yoaro niha. Õ sehe ni joaa tiha Isaia cjiro Joã to buhehtore:

“Masa marienopu durucu sañurucuriro õ sehe ni buherohca: ‘Mari p̄htoro to tahto pano “Noaina jija sã”, ni musa t̄hotumari cjirire t̄hotu cohtota, Cohamacu cahmaga musa.

⁵ Pja wuhtari, pja buri cãhure noari wapa mari yoariro seheta, tuhcu maharine potoa mahari mari yoariro seheta, ñaa maharine noaa maharine mari yoariro seheta, wetere musa cosariro seheta musa ñaa t̄hotuare cohtota, cahno muhtaga musa.

6 MUSA ã yoachu Cohamacu musare pichacapu wahaborinare to yuhduchu yoachu ñahca jip-
ihti ahri yahpa macaina', ni-
nohca tiro sañurucu yahuriro
sehe",

ni joaa tiha Isaia cjiro panopure.

7 Masa payu João cahai wihia tiro
tinare bautisachu cahmaha tina. ã
jiro tiro tinare õ sehe ni yahuha:

—Agãa ñima tiina yoaro seheta
masare dojomehneina, cui duhti
duaina jira musa. MUSA ñaa yoirire
musa cahya, duhu duaerari buhiri
Cohamacu to buhiri dahrehto pano
duhti masierara musa. 8 Potocãta
musa ñaa tuhohumarine cohtotaina
jina, Cohamacure cahmaina jina,
tíre musa yoaa mehne ñoga. Õ sehe
ni tuhohu wisiena tjiga. “Panopu
macariro Abrahã mari ñichu cjiro
jia tiha. ã jina to panamana jina
mari Cohamacu yaina jija”, ni tuhohu
wisiena tjiga musa. Musare niita nija.
Abrahã panamana musa jiina jimana
musa. MUSA ã jipachuta tí musa ã
jia yaba cjihti jierara. Cohamacu
sehe ahri tãa mehne Abrahã coyeare
dahre masina. ã jiro Abrahã coyea
musa jia wiho waro jira tãa ti wiho
waro jiro seheta. 9 Õ sehe jira:
Masa yucari yoaro seheta jira. Co-
hamacu sehe coma mehne yucarire
cjã cohãriro yoaro sehe jira. ã jiro
noaa dicha maria yucure nuhcõri
mehneputa cjã cohãnohca tiro. Tíre
to cjã cohãri baharo, pichacapu jã
cohãnohca tiro. (ãta yoaro taro nina
masa cãhure tirore cahmaerainare)
—ni yahuha João masare.

10 To ã nichu tuhohu masa sehe tirore
õ sehe ni sinitu ñaha:

—¿Dohse yoanahcari sã? —niha tina
Joãore.

11 —Pua suhtiro cjaririro suhti mari-
erirore cãno waga. ã yoa musa
chua cjana paina cãhure waga —
niha João.

12 Mahainacã puhto ya cjihtire
wapa na cohtaina cãhu tinare to
bautisachu cahmaha. ã jia João cahai
wihia, tirore õ sehe ni sinituha:

—¿Buheriro, sã sehe dohse yoanah-
cari sã? —niha tina tirore.

13 —Musa puhto ti wapa na dutiro
purota masare wapa naga. Mahño
na namoena tjiga —ni yahuha João
tinare.

14 Paina surara tirore õ sehe ni sini-
tuha tjoa:

—¿Sã sehe dohse yoanahcari? —
niha tina tirore tjoa.

—Masa ti niñerure maena tjiga. ã
yoana mahñoa mehne ti niñerure
naena tjiga. Musare ti waparo purota
wahchega —ni yahuha João.

15 Masa Cristore Cohamacu to
warocahtirore cohtaa niha. ã jia õ
sehe ni tuhohu dachaha tina Joãore.
“Ahriro João sehe Cristo jiboca”, ni
tuhohumaha tina. 16 Ti ã nichu tuhohu
João jipihtinare õ sehe ni yahuha:

—Yu baharo yu yuhdoro tuariro
tarohca. Noa yuhduariro jira
tiro. Tiro yoaro sehe jieraja yuhu
sehe. ã jicu tirore tuhohucu, “Wiho
jiriro jija yuhu”, ni tuhohuja yuhu.
Yuhu sehe musare bautisacu co
mehne yoamahi. Tiro sehe yu
yuhdoro yoarohca. Espiritu Santore
masa mehne ã jirucuchu yoaro-
hca. Wiho mejeta paina sehere ti
ñaare tuhohumari cjiire tuhohu co-
htota duaeraina sehere tiro pichaca
mehne buhiri dahrerohca. 17 Yu
baharo tariro cahsarire cohãriro
yoaro sehe jira. Cahsarire cohãriro
to batiro mehne jipihtia to trigo
yapari cahsarire putiwera. ã yoa
tuhsu trigo sehere to wihbori wuhui
cãnohca. Tó seheta yoarohca ti tirore
cahmainare yu baharo tariro. To
putiwea cahsari sehere tiro jãnohca.
Tí cahsarire to jãri pichaca ne yatisi.
(ãta yoarohca tiro yu baharo tariro
tirore cahmaerainare) —ni yahuha
João.

18 Payu to ã ni yahua mehne masare
noaa buheare yahuha João. 19 Tuhsu,
puhtoro Herode sehe to baharo Fe-
lipe namonore to namo tiri buhiri,
pjíro ñaare to yoari buhiri cãhure
João tirore yahumaha. 20 To ã ni

yahuri buhiri Herode sehe ñaare yoa namoha, Joãoore peresu yoaro.

João Jesure bautisaha
(Mt 3.13-17; Mr 1.9-11)

²¹ Joãoore ti peresu yoahito pano paina masare João sehe bautisaro niha. Tinare bautisaro Jesu cãhure bautisaha. To ã bautisachũ, Jesu diapũ ducuriro Cohamacũre to sinino watoi mũano parĩ mũa wahaha. ²² To parĩ mũari baharo Espiritu Santo buja yoaro sehe Jesu buipũ duji taha. To ã duji tachũ mũanopũ durucuro coa taha:

—Mũhũ yũ macũ yũ cahĩriro jira. Mũhũ mehne wahcheja —nino coa taha mũanopũ.

Jesu coyeya panopũ macainare yahua jira ahri
(Mt 1.1-17)

²³ Jesu to buhe dũcari cãhmare treinta cãhmari cjũaha tiro. “Tiro José macũno jira”, ni tũhotumaha masa. José sehe Elí macũno jiha. ²⁴ Elí Matat macũno jiha. Matat Leví macũno jiha. Leví Melqui macũno jiha. Melqui Jana macũno jiha. Jana José macũno jiha. ²⁵ José Matatías macũno jiha. Matatías Amós macũno jiha. Amós Nahum macũno jiha. Nahum Esli macũno jiha. Esli Nagai macũno jiha. ²⁶ Nagai Maat macũno jiha. Maat Matatías macũno jiha. Matatías Semei macũno jiha. Semei Josec macũno jiha. Josec Joiadá macũno jiha. ²⁷ Joiadá Johanán macũno jiha. Johanán Resa macũno jiha. Resa Zorobabe macũno jiha. Zorobabe Salatíe macũno jiha. Salatíe Neri macũno jiha. ²⁸ Neri Melqui macũno jiha. Melqui Adi macũno jiha. Adi Cosam macũno jiha. Cosam Elmodam macũno jiha. Elmodam Er macũno jiha. ²⁹ Er Josué macũno jiha. Josué Eliezer macũno jiha. Eliezer Jorim macũno jiha. Jorim Matat macũno jiha. ³⁰ Matat Leví macũno jiha. Leví Simeo macũno jiha. Simeo Juda macũno jiha. Juda José macũno jiha. José Jonan macũno jiha. Jonan

Eliaquim macũno jiha. ³¹ Eliaquim Melea macũno jiha. Melea Mená macũno jiha. Mená Matatá macũno jiha. Matatá Natán macũno jiha. ³² Natán Davi macũno jiha. Davi Jesé macũno jiha. Jesé Obed macũno jiha. Obed Booz macũno jiha. Booz Sélah macũno jiha. Sélah Nahasón macũno jiha. ³³ Nahasón Aminadab macũno jiha. Aminadab Admín macũno jiha. Admín Arní macũno jiha. Arní Esrom macũno jiha. Esrom Fares macũno jiha. Fares Juda macũno jiha. ³⁴ Juda Jacobo macũno jiha. Jacobo Isaa macũno jiha. Isaa Abrahã macũno jiha. Abrahã Taré macũno jiha. Taré Nahor macũno jiha. ³⁵ Nahor Serug macũno jiha. Serug Ragau macũno jiha. Ragau Péleg macũno jiha. Péleg Éber macũno jiha. Éber Sélah macũno jiha. ³⁶ Sélah Cainán macũno jiha. Cainán Arfaxad macũno jiha. Arfaxad Sê macũno jiha. Sê Noé macũno jiha. Noé Lame macũno jiha. ³⁷ Lame Matusalê macũno jiha. Matusalê Enoco macũno jiha. Enoco Jared macũno jiha. Jared Mahalaleel macũno jiha. Mahalaleel Caina macũno jiha. ³⁸ Caina Eno macũno jiha. Eno Sete macũno jiha. Sete Adão macũno jiha. Adão Cohamacũ to yoariro jiha.

4

Watĩno ñaare yoa dutimaha Jesure
(Mt 4.1-11; Mr 1.12-13)

¹ Jesu Espiritu Santo to dutiro se-heta yoa pahĩriro jiro, tiro Jordão wama tiri mapũ jiro tjuaa wahaha. To ã tjuaa wahachũ Espiritu Santo sehe tirore masa marienopũ naaha. ² Tópũ sũro cuarenta dachori waro jiha. Tópũ to jiro wato watĩno sehe Jesure ñaare yoachũ cahmamaha. ã jiro ñaare yoa dutimaha tirore. Tí dachorire Jesu chũeraha. ã jiro tí dachori pihtichũ waro tiro jũca baaha.

³ To ã jũca baachũ ñũno watĩno õ sehe nimaha Jesure:

–Muhu Cohamacu macuno jicu, ahria tãcare chua dojomehnega – nimaha Jesure.

⁴ Jesu õ sehe ni yuhtiha:

–Yoaeraja. Cohamacu yare ti joari pui õ sehe nina: “Masare chua mehne dihta catieraro cahmana. [Jipihtia Cohamacu ya yahua mehne jiro cahmana]”, nina Cohamacu –ni yuhtiha Jesu watĩnore.

⁵ To ã niri baharo watĩno sehe tirore tãcu muadu buipru na mija sũrota jipihtia macari perire ño bahrañoaha Jesure. ⁶ ã ñono Jesure õ sehe ni yahuha:

–Jipihtia ahri macari yuhure to wari cjiri jira. ã jicu yu cahmarirore wa masija. ã jicu ahri macarine, ti cjuua mehne muhure waittja. (Yu ã wachu ahri macari macainare muhu dutiuhca.) ⁷ Yuhure mu ño payochu ahri macari jipihtia macarine muhure waittja –niha watĩno Jesure.

⁸ Jesu õ sehe ni yuhtiha tirore:

–Muhure ño payoeraja. Õ sehe nina Cohamacu yare ti joari pui: “Mu puhtoro Cohamacu dihtare ño payoga. To ya dutia dihtare yoaga”, ni joaa tiha Cohamacu yare –niha Jesu watĩnore.

⁹⁻¹¹ To ã niri baharo Jerusalẽpu watĩno sehe tirore na wahcã, Cohamacu wuhu bui na sũha tirore. Na su tuhsu tirore õ sehe nimaha:

–Cohamacu yare ti joari pu õ sehe nina:

“Cohamacu yaina anjoare muhure ñu wihbo dutirohca. ã jia tina sehe muhure ñu wihboahca, ‘Muhuru tãcaru ruha tu mũari’ nia”,

ni joaa tiha Cohamacu yare ti joari pui. To ã niri quihõno jichu muhu Cohamacu macuno jicu, yahparu pju bora ño ñajuta yuhure. Muhure yoadohochu ño ñajuta yuhure –niha watĩno Jesure.

¹² Jesu pju bora ño duaeraro õ sehe ni yuhtiha tirore:

–Cohamacu yare ti joari pui õ sehe nina: “Musa puhtoro Cohamacu to niri cjirire ‘¿Potocã tjjari?’ ni

masi duana, Cohamacure yoa ño duti macaena tjiga”, nina Cohamacu yare ti joari pui –niha Jesu watĩnore.

¹³ ã jiro watĩno jipihtia ñaare Jesure yoa dutimaha. ã duti tuhsuro mahancã duhu wahcãsinia.

Galilea yahpai Jesu buhe dũcaha
(Mt 4.12-17; Mr 1.14-15)

¹⁴ Baharo Jesu Galilearu tjuaa wahaha. ã jiro, tiro Espĩritu Santo tuua mehne yoaha. Tõi jipihtiropru masa tirore quiti tiha. ¹⁵ Judio masa buhea wuhusei tiro buhea tiha. ã jia jipihtina masa tirore noano durucuha.

Nazare macaina Jesure ne cahmaeraha
(Mt 13.53-58; Mr 6.1-6)

¹⁶⁻¹⁷ Baharo Nazarepu Jesu to bucariroputa tju sũha. Tõru tju sũro, Sabado jichu to ã yoarucuriro seheta tiro judio masa ti buheri wuhuru sãa sũha. Tõi tiro Cohamacu yare ti joari pũre buhero taro ducuha. To ã ducuchu ñua tõ macaina sehe Cohamacu yare yahu muhtariro Isaia cjiro to joari pũre tirore waha. Tõ pui Jesu ahri yahuare bocaro buheha:

¹⁸ “Cohamacu to Espĩritu yuhu mehne jiro, yuhure dutira.

Tiro pjacũoinare noaa buheare yahu dutiro warocare yuhure.

ã yoa peresuru jiina cãhure tinare to yuhdohtore yahu dutiro warocare yuhure.

Capari ñueraina ti noano ñuhto cjihtore, painare ti ñano ti yoapeinare wiohtiro cjihtore yuhure warocare.

¹⁹ Mari puhtoro Cohamacu to yainare pichacaru wahaborinare to yuhdohtore yuhure yahu dutiro warocare”,

ni buheha Jesu.

²⁰ ã ni buhe tuhsu Jesu ti pũre noaria turẽnoca, wuhu macarirore wia tuhsu, dujiha. To dujichu ñua tõi jina jipihtina tiro dihtare ñua. ²¹ Tõ ã yoachu tiro tinare õ sehe ni yahu dũcaha:

—Ahri michapucacã yu buheriro seheta Cohamacu to niriro mu suro nina —niha Jesu.

²² To ã nichu tũhoa “Ahriro noariro jira”, ni tũhotuha tina. Æ jia tina to noano buhechu tũhoa, cuaa wahaha. Æ cuaa waha, õ sehe niha tina ti basi:

—Cuenah, ¿José macuno jierajari ahriro? —niha tina ti basi.

²³ Ti ã nichu masino Jesu õ sehe ni yahuha tinare:

—Yu buheare tũho duaerana, õ sehe ni tũhotura musa yũhure: “Duh-turu dohatiro to basi co ti masina duhturu waro to jiare ñono. Mũhu cũhu duhturu to yoa ñono seheta mu niriro sehe jiriro jicu Cohamacu tuua mehne yoa ñoga sãre. Capernaupure Cohamacu tuua mehne yoa ñoyuhti mũhu. Sã cũhure ã yoa ñoga, mu buheare ‘Potocã tjira’, sã ni masihto sehe”, ni duara musa yũhure.

²⁴ ‘Ahrire yahuhtja musare. Cohamacu yare yahu mũhtarirore to ya maca macaina cahmaerara. Æ jina yũhure cahmaerara musa õi yu bũsuariro jichu. ²⁵ Yũhure tũhoga mipure. Panopu Elia to jiri pjapure tia cãhma noano pa cãhma dacho maca waroi ne coro taeraha. Æ jiro jipihtiroputa ne chũa mariaha. Tĩ pjare payu wapewahya Israe yahpamu ti jipachuta Cohamacu Elia cjirore tinare yoadoho dutiro warocaeraha. (Eliare, Cohamacu ya cũhure ti cahmaerachu ñũno tinare yoadoho dutiro warocaeraha.)

²⁶ To ya macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cjirore warocaha Cohamacu.

²⁷ Baharo Cohamacu yare yahu mũhtariro Eliseo cjiro to jiri pjapure Israe yahpamu payu cami baina ti jipachuta cãiro Israe masunore ne noariro wahachu yoaeraha Eliseo cjiro. To ya yahpa macainare yoaeraparota Naaman wama tirirore Siria yahpa macariro dihtare noariro wahachu yoaha tiro. Æ yoaro Israe masare yoadohoeraro, Israe

masuno jierariro sehere yoadohoha Cohamacu —niha Jesu tinare.

²⁸ To ã nichu tũhoa jipihtina tí wũhũi jiina sua yũhdũa wahaha. ²⁹ Æ jia tina wahcãruca, Jesure na wijaa, tí maca duhtu cahai jiri cunupu tirore tjuroca boro duamaha. ³⁰ Ti ã yoa duapachuta Jesu ti watoihita wahaa wahaha.

Watĩno to cohtotariro Jesure piti bocaha

(Mr 1.21-28)

³¹ Baharo Jesu Galilea yahpai jiri macapmu Capernau wama tiri macapmu su, Sabado jichu masare buheha. ³² Tiro noano masi pahñoriro to buhechu tũhoa masa tũho cuaa wahaha. ³³ Tĩ wũhũi watĩno to cohtotariro jiro, õ sehe ni tuaro sañurucuha:

³⁴ —Mũhu Jesu Nazare macariro sãre cariboi tjia mũhu. ¿Dohse yoai tai nijari sãre? ¿Mũhu sãre butichu yoai tai nijari? Yũhu masija Cohamacu macuno, ñaa marieriro mu jiare —ni sañurucuha Jesure.

³⁵ To ã nichu tũhoro Jesu tuhtiha watĩnore:

—Dihta mariahga. Wijaahga tirore —niha Jesu.

To ã niri baharo masunore watĩno sehe yahpamu doca caha su tunuchu yoaro, tirore wijaaha. To ã yoari baharo tiro sehe noariro tjuaha. ³⁶ Tõi jiina jipihtina to ã wahachu ñũ cuaa wahaha. Æ jia ti basi õ sehe ni durucuha:

—¿Yaba baro buhea jijari ahri ã wahachu yoaa? Cuenah. Tuaru mehne puhtoro yoaro seheta ahriro watĩare dutira. Æ jia to dutiro seheta tina masare wijaara —ni durucuha tina ti basi.

³⁷ To ã yoachu ñũa tí yahpamu jipihtiropmu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

³⁸ Judio masa ti buheri wũhure wijaa, Simo ya wũhupmu sãa sũha Jesu. Tõi Simo marechono dohati, tuaro

juaro tiha. Æ jia tina ticoro to dohatichu yahuha Jesure. ³⁹ Ti ã yahuri baharo tiro ticoro cahai su, juarore suru dutiha. To ã suru dutiri baharo ticorore juaro surua waha, dóihta noaricoro wahaha. Ticoro ã waharo wahcã nuju su, tinare chũare payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

⁴⁰ Sã sãari baharo jipihtina masa tó cahai jiina dohatiinare Jesu cahapu na suha. Dohatiina payu soro jia dohatiare cjuaha. Æ jiro Jesu to wamomacari mehne tina bui ña payo, jipihinare ti dohatiare noano yuhduchu yoaha. ⁴¹ Watã cãhure Jesu to wijaa dutichu tina wijaa wahaa, õ sehe ni sañurucuha:

—Mũhũ potocãta Cohamacũ macũno jira —niha tina Jesure.

Jesu Cohamacũ warocariro to Cristo to jichũ watã masiha. Æ jiro Jesu tinare durucu dutieraha, “Cristo jira”, ni yahu siteri”, nino.

Galilea yahpai buheha Jesu

(Mr 1.35-39)

⁴² Bohrea mũja tachũ Jesu tí macai jiriro waha, masa marienopũ suha. To ã sũri baharo masa tirore maca, boca suã õ sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti ã nipachũta tiro sehe õ sehe ni yũhtiha:

—Cohamacũ masare pũhtoro to noano sũho jiare noaa buheare paye macaripũ cãhure buhero cahmana yũhure. Cohamacũ yũhure warocare tíre yahuhtirore —niha Jesu tinare.

⁴⁴ Æ ni tuhsũro judio masa ya yahpa macaa wũhũsei, judio masa ti buhea wũhũsei tiro buhe tiniha.

5

Jesu to buheinare payu wahire bocachũ yoaha

(Mt 4.18-22; Mr 1.16-20)

¹ Pa nũmũ Jesu Genesare wama tiri bũcũpariro dũhtũ cahapu suha. Tóti to jichũ ñũa payu masa Cohamacũ

yare tũho duaa tirore nũnũ ti suha. Noano wahpa tarũcu suha masa peri. ² Pũaria bũso padũroi pahsaa bũsore Jesu ñũha. Tí bũso macaina wahi wajãina maja sũrũca, ti wañũyucũre cosaa niha. ³ Æ jiro Jesu Simo yariapu samua wahaha. Samu tuhsũ tia dohoriare dia dũhtũ cahai coãriare siõ buhu dutiha. Tuhsũ, dohoriapu duji, masare buheha. ⁴ Buhe tuhsũ, Jesu Simore õ sehe niha:

—Dacho maca cureroi siõ wioga. Æ jina mũhũ mehne macaina mehne mũsa wañũyucũre doca ñoga wahi ñahana —niha Jesu.

⁵ To ã nichũ tũhoro Simo Jesure õ sehe ni yũhtiha:

—Pũhtoro, wahi maca bohreamahi sã micha ñamine. Bohreapanahane cãirocã wajãerahti sã. Æ wajãerapanahata mũ dutiro seheta doca ño ñũnahtja —ni yũhtiha Simo.

⁶ Æ ni tuhsũ tina doca ñoha. Æ ti doca ñochũ ti wañũyucũre payu wahi sãaha. Payu ti sãachũ wañũyucũ tũhũna wahamaha. ⁷ Æ wahachũ ñũa tina paria macainare tina mehne macainare pjirocaha:

—Mũsa cũhũ yoadohona tagã sãre —ni pjirocaha Simo cũhũ.

Tina ti ã yoadohori baharo pũria bũso noano minipahro boca wa hire. ⁸ Simo Pedro ã wahi payu ti sãachũ ñũno, Jesu panoi na tuhcuca caha su, tirore õ sehe ni yahuha:

—Yũ pũhtoro, mũhũ mehne jiboriro jieraja yũhũ. Ñariro jija yũhũ. Æ jicu mũ cahai ji masieraja —niha Simo Pedro Jesure.

⁹ Tiro, jipihtina tiro mehne macaina cũhũ payu wahi sãachũ ñũa, cũaa wahaha tina cũhũ. ¹⁰ Pũaro Simo Pedro mehne macaina Zebedeo pohna Santiago to bahũro João mehne, tina cũhũ ñũ cũaa wahaha. Tí ã cũachũ ñũno Jesu Pedre õ sehe ni yahuha:

—Cũaecũ tjiga. Mipũre mũhũ wahire ñaha cahmachuriro mũ jiro seheta Cohamacũ yaina cjihtire pji cahmachuriro jiihca mũhũ —niha Jesu Simo Pedre.

11 To ã niri baharo tina ti busore busupariro duhtu cahapu waja mo cunoca, ti ya jipihtiare toihta cunoca, Jesu mehne wahaa wahaha.

Jesu cami barirore noariro wahachu yoaha

(Mt 8.1-4; Mr 1.40-45)

12 Æ yoa Jesu pa macai to jichu cami bariro tirore piti boca. Æ piti bocaro tiro Jesure ñu, na tuhcuca caha su, õ sehe ni tuaro siniha:

—Puhtoro, muhu yoa duacu yuhure noariro yoa masina muhu —ni siniha.

13 To ã niri baharo Jesu tirore ña payoro õ sehe niha:

—Tire yoa duaja. Mipure noariro jiga muhu —niha.

To ã nichuta to cami bari cjiri yati mua wahaha. 14 Æ jiro Jesu tirore õ sehe ni dutiha:

—Ahri yu õ sehe yoirere painare yahui tjiga. Sacerdote cahai wahaga mipure. Æ jichu mu pjacure noari pjacu to waharire ñoga tirore. Cohamacu dutia Mojsere to cõri to niriro seheta yoaga. Æ yoacu sacerdotere puaro minichahcare waga noariro mu waharire sacerdotere ñoi tai —niha cami bariro cjirore.

15 “Yahui tjia”, to nipachuta jipihitropu masa tirore yahu site namoha. Ti ã yahu sitechu tãhoa masa payu tiro cahapu suha. Dohatina noaina waha duaa, tina cãhu tiro cahapu suha. 16 Ti ã supachuta Jesu masa marienopu Cohamacure sinino wahaha.

Jesu pjacu bharirore noariro wahachu yoaha

(Mt 9.1-8; Mr 2.1-12)

17 Pa dachoi Jesu to buhechu fariseo curua macaina, judio masare buheina cãhu toi dujiha. Tina jipihitina Galilea yahpai jia macari macaina, Judea yahpai jia macari macaina, Jerusalẽ macaina jiha. Ti ã jichu ñano Jesu Cohamacu tuua mehne dohatiinare noaina wahachu yoaha. 18 Mahainacã mua pjacu bharirore to coãri cahsaro mehne yo wua wihiha. Æ jia tirore Jesu cahai cõ duaa, wãhuru yo sãa duamaha

tina tirore. 19 Æ sãa duapahta masa payu jichu tina tirore yo sãa masieraha. Æ jia tirore wãhu buipuru yo mujaha. Yo muja su, mahanocã muji pahmare nawe, ti copai pjacu bharirore to coãri cahsaro mehmeta duhu boroha Jesu cahai jiina wato. 20 “Jesu ahrirore to dohatiare yuhduchu yoarohca”, ni tãhotuha tina. Ti ã ni tãhotuchu masino Jesu pjacu bharirore õ sehe ni yahuha:

—Coyeiro, mu ñaare yoari buhiri tiare yuhu cohã tuhsuja —niha Jesu tirore.

21 To ã nichu tãhoa fariseo curua macaina, judio masare buheina cãhu ti basi õ sehe ni tãhotumaha: “Ahriro ã ni durucuero tjiaro. Tiro masano mari yoaro sehe jiro, ñaare to yoari buhiri tiare cohã masierara. Cohamacu dihta masa ti ñaare yoari buhiri tiare cohã masina”, ni tãhotumaha tina.

22 Jesu ti ã ni tãhotuare masino, õ sehe niha:

—¿Dohse yoana ã ni tãhotujari musa? 23 “Mu ñaa yoari buhiri tiare yuhu cohã tuhsuja”, yu nichu,

“Mahñoriro jira”, yuhure nina musa noano masierapanahca. “Wahcãruca wahaga”, yu nichu yu niri potocã jia jichu doihca masinahca. 24 Yuhu masano Cohamacu warocariro ahri yahpai ti ñaare yoari buhiri tiare cohã masija yuhu. Masa ti ñaare yoari buhiri tiare cohãhtiro cjihtore cõre Cohamacu yuhure. Yu ã cohãrine musa masihtõ sehe õ seheta yoa ñoihtja musa ñuhti cjihtire —niha Jesu.

Æ ni tuhsu pjacu bharirore õ sehe niha:

—Muhure niita nija. Wahcãrucaga. Mu coãri cahsarore na wahcãga mu ya wãhuru —niha tirore.

25 To ã nichu tãhorota jipihitina ti ñurocaroi wahcãruca, to coãri cahsarore na, to ya wãhuru tjuaa wahaha. Æ waharo tiro Cohamacure ño payoro, wahchea mehne noano durucuha. 26 To ã yoachu ñua masa sehe jipihitina cãaa wahaha. Tina cãaa waha, Cohamacure ño payoa, wahchea mehne noano durucuha:

—Michare soro jiare ñuhi sã —niha tina.

Jesu Levíre piha
(Mt 9.9-13; Mr 2.13-17)

²⁷ ã yoa tuhsu waha, Leví wama tiriore to dahrari tahtiapu jirirore boca suha Jesu. Leví sehe puhto ya cjihtire masare wapa na cohtariro jiha. ã boca saro tiore õ sehe niha:

—Yuhu mehne macariro cjihto taga muhu —niha tiro Levíre.

²⁸ To ã nichu Leví sehe jipihtia to dahraare duhunoca, Jesu mehne waha wahaha.

²⁹ Baharo Leví ya wahuí bese numu Jesure yoa payoro niha. Tói payu wapa na cohtaina, paina cãhu Leví mehne dujiha. ³⁰ Tina mehne Jesu cãhu ti dujichu ñua mahainacã fariseo curua macaina, judio masare buheina mehne sua, Jesu buheinare õ sehe ni sinitu ñua:

—¿Dohseana ñano yoaina, wapa na cohtaina mehne chuajari musa? —ni tuhtiha tina.

³¹ Ti ã nichu tuhoro Jesu yuhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. ³² ã jicu ñaare yoainare yahui tai nihi yuhu Cohamacure cahma duticu. Ti basi “Noaina jija sã”, ni tuhoinare yahui tai nierahi yuhu —niha Jesu.

Chu duhuare Jesure sinituha paina
(Mt 9.14-17; Mr 2.18-22)

³³ ã yoa mahainacã masa Jesure õ sehe ni sinitu ñua:

—João buheina payu tahari Cohamacure ño payoa taa chu duhura. ã yoa, tina payu tahari Cohamacure sinina. Fariseo buheina cãhu ti yoaro seheta yoara. Ti ã yoapachuta mu buheina sehe Cohamacure ño payoa taa chu duhuerara. ¿Dohse yoa ã yoerajari tina? —niha tina Jesure.

³⁴ Ti ã nichu Jesu to tuhota mehne quitu dahre buhero taro tinare õ sehe ni yuhtiha:

—Õ sehe jira ti: Wamomaca duhteropu ti pjirocaina wamomaca duhteriro mehne jia, chu duhu masierara. Tó seheta yu buheina cãhu yuhu mehne jia, chu duhu masierara. Yuhu wamomaca duhteriro yoaro sehe jija. Wamomaca duhteriro bese numu to yoachu tiro mehne macaina chueraina jierara. ³⁵ Yu Pucu Cohamacu yuhure to naari baharo pinihtare yu buheina mehne jisi yuhu. ã jia tí pjaruta yu buheina cãhu chu duhuahca —niha Jesu.

³⁶ Panopu macaa buhea wahma buhea mehne ti buhe more duachu ñuno õ sehe ni namoha Jesu tinare piti dahre buhero:

—Ne wahma suhtirore mahari cahsarocã tuhrẽ na, munano suhtirore sere õno cahmaerara. Mari ã sere õna wahma cahsarore tuhrẽ cohãna nija. ã yoa wahma cahsaro munano suhtiro mehne cãno potori bajuerara. (Tó seheta mana buhea wahma buhea mehne piti dahre buheraro cahmana.)

³⁷ ã yoa ne se co bisia core wahiquiro cahsaro wajuru mehne mana wajuru mehne posaeraro cahmana. Mari ã yoachu se co bisia pahmoapu mana wajurure tuhrẽnocahna. To tuhnuchu se co cãhu, wajuru cãhu cohõa wahara. ³⁸ ã yoa se co wahma core wahma wajurupu posaro cahmana. Mari ã yoachu se co cohõera, wajuru cãhu cohõerara. (Tó seheta wahma buhea mana buhea mehne buhe moreraro cahmana.)

³⁹ Mana core masa ti sihniri baharo, wahma core cahmaerara tina. Õ sehe nia tire masa: “Mana co wahma co bui curero noaa jira”, nia tire masa —niha Jesu tinare.

6

Sabado jichu Jesu buheina trigo parorire paha yuhdu wahcãha
(Mt 12.1-8; Mr 2.23-28)

¹ Pa dacho Sabado jichu Jesu cãhu trigo wesepu suha. Tópu su, to buheina sehe trigo parorire paha, tí pohcarire sahca site boro, tí yaparire

ch_u wahcãa niha. ² Ti ã yoach_u ñ_ua mahainacã fariseo curua macaina tinare õ sehe ni sinituha:

—¿Dohse yoana m_usa Sabado mari sori n_um_u to jipach_uta dahrajari? Marine dutiare y_uhd_ur_ucana nina m_usa —niha fariseo curua macaina Jesure.

³⁻⁴ Ti ã nich_u t_uhoro Jesu tinare y_uht_uha, (“Y_u buheina y_uhd_ur_ucaa nierara”), nino taro:

—Davi cjiro tiro mehne macaina mehne j_uca baaro, Cohamac_u w_uh_ur_u sãa, Cohamac_u ya pãore ch_uha. ã ch_uro tó mehne macaina c_uh_ure tí pãore ch_u dutiro waha. Tí pãore sacerdotia dihtare ch_u dutira. Cohamac_u dutia tí pãore painare ch_u dutierara. ¿Davi cjiro tíre to yoari cjiro buherari m_usa? (Tí pãore ch_uro Cohamac_ure y_uhd_ur_ucaro nieraha. Michare ahri yaparire ch_ua y_u buheina c_uh_u Cohamac_ure y_uhd_ur_ucaa nierara.) ⁵ Y_uh_u mas_uno Cohamac_u warocariro ahri dacho Sabado dachore masa ti yoah_utire yahurirota jic_u p_uhtorota jija —niha Jesu.

*Wamomaca b_uhariro q_uiti jira
(Mt 12.9-14; Mr 3.1-6)*

⁶ Pa dacho Sabado jich_u Jesu judio masa ti buheri w_uh_ur_u sãa s_uro, buheha masare. Tóí wamomaca potó b_uh_usehe b_uhariro jiha. ⁷ Mahainacã judio masare buheina, fariseo curua macaina c_uh_u Jesure yahusã duamaha. “Sabado dachoi mas_uno noariro wahach_u yoaboca Jesu” ni, ñ_u n_un_u yahusã duamaha tina Jesure. ⁸ Jesu ti t_uhotuare masino, b_uharirore õ sehe niha:

—Wahcã s_ur_ucaga jipihtina ti ñ_urocaroi —niha tirore.

To ã niri baharo b_uhariro sehe wahcãr_uc_u s_u, tóí ducuha. ⁹ ã jiro Jesu tinare õ sehe ni sinituha:

—M_usare sinituihtja: ¿Sabado jich_u yabare yoa dutijari Cohamac_u dutia? ¿Noaare yoach_u noajerari? ¿O ñ_uaare yoach_u sehere noajari, m_usa t_uhotuch_u? Sabado jich_u mas_uno masoch_u noa nina. Sabado jich_u

mas_unoare wajãch_u sehere noerara —niha Jesu tinare.

¹⁰ ã nino Jesu tinare ñ_uroca õ pah_uño, b_uharirore õ sehe niha tjoa:

—M_u wamomacare siõrocaha —niha tiro.

To ã nich_uta b_uhariro sehe siõroca, noari wamomaca wahaha. ¹¹ To ã yoach_u ñ_ua tina Jesu mehne tuaro suaha. ã suaa õ sehe niha:

—¿Dohse yoanahcari mari ahrirore? —niha tina ti basi.

*Jesu to buheinare doce to waroc-
ah_utinare bese dapoha
(Mt 10.1-4; Mr 3.13-19)*

¹² Tí dachore Jesu t_uc_ur_u Cohamac_ure sinino m_ujaa wahaha. Tóru jiro, ñ_uamine Cohamac_u mehne durucu bohreaaha. ¹³ Bohrearop_u to buheinare to cahap_u pjirocaha. Pjiroca tuhs_u, tina mehne macainare doce waro to warocah_utinare bese dapoha. ¹⁴⁻¹⁵ Ahri jia Jesu to bese daporina: Simo jia. Simore Pedro ni pisuha Jesu sehe. Simo bah_uro Andre, Santiago, João, Felipe, Bartolomé, Mateo, Toma, Santiago jia. Santiago sehe Alfeo mac_uno jia. ã jia Simo cananista ya curua macariro cjiro, ¹⁶ Juda Santiago mac_uno, Juda Iscariote tina jia to bese daporina. Juda Iscariote sehe Jesure ñ_u tuhtiinare ñ_uhtiro jia.

*Jesu pay_u masare buheha
(Mt 4.23-25)*

¹⁷ ã yoa Jesu to buheina mehne t_uc_u buip_u jirina duji taa, pay_u paina to buheina mehne duji wihir_uca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma d_uht_u cahai jia macari macaina masa pay_u tiro cahap_u wih_uha. ¹⁸ Tina Jesu buheare t_uhoa taa, ti dohatiare cohãch_u cahmaha tina. Watã ti cohtotarina c_uh_u tiro cahap_u wih_u, noaina wahaha. ¹⁹ Jesu to tuua mehne noaina wahach_u yoaha tinare. ã jia tina jipihtina tirore dahra ñ_ua taha.

Jesu wahcheare, cahyaa cãhure buheha

(Mt 5.1-12)

²⁰ Baharo Jesu to buheinare ñu, õ sehe ni yahuha:

—Musa pjacuoina, puhtoro Cohamacu to suho jiropu wahanahca musa. ã jina musa wahchenahca.

²¹ 'Mipure musa juca baaina yapiina jinahca. ã jina wahchenahca.

'Mipu tiina jina, baharo musa bujunaahca. ã yoa musa wahchenahca.

²² 'Yuhu masuno Cohamacu to warocariro jija. ã jina yu yare yoaina musa jiri buhiri paina musare ti ñu tuhtipachuta wahcheina jira musa. Musare ti cohãpachuta wahchenahca. Musare ti ñano durucupachuta "Ñaina jira", musare ti nipachuta musa sehe wahchenahca. ²³ Musare ti ã yoachu ñuno manopu musa suchu pjiro noano yoarohca Cohamacu musare. ã jina tuaro wahcheina jiga. Noano yajeripohna tiina jiga. Musare ñu tuhtiina ti coyea ranopu macaina to sehetã ñano yoaha Cohamacu yare yahu mahtaina cjiri cãhure.

²⁴ ã yoa musa mipu payu cjuaina ahri yahrapu musa noano jinoca tuhsure. ã jina ñano yuhduina jinahca musa.

²⁵ 'Mipu yapiina musa juca bahahca. Musa ã jina ñano yuhduinahca.

'Mipure musa bujuina jina baharopu musa cahya, tiinahca. ã jina musa ñano yuhduinahca.

²⁶ "Cohamacu yare yahu mahtaina jija", ni mahñoinare "Noaina jira", nimaha payu ranopu macaina. ã nimarina ti coyea mipu macaina cãhu ãta "Noaina jira", niboca cãina musa mehne macainare. Ti ã nimarina musa jina ñano yuhduinahca musa cãhu —ni buheha Jesu.

Musare ñu tuhtiina ti jipachuta tina cãhure cahiga

(Mt 5.38-48; 7.12)

²⁷ ã yoa õ sehe ni buhe namoha Jesu:

—Yuhure tuho duainare, musareta nii nija. Musare ñu tuhtiina ti

jipachuta tina cãhure cahiga. Musare ñu tuhtiinare noano yoaga. ²⁸ Musare "Ñano yuhdujaro", niina ti jipachuta noa dutiga tinare. Musare ñano yoaina ti jipachuta "Tina cãhu noano jijaro", ni sini payoga Cohamacure. ²⁹ Cãiro musa wahsupure to cjãchu, pa buhusehe cãhure cjã dutiga tirore. Musa bui macari suhtirore to machu musa camisa cãhure ã wanocahga tirore. ³⁰ Musare sinirirore to sinino purota waga tirore. Musa yare to nachu tirore sinituena tjia pari turi tire. ³¹ Paina musare ti noano yoachu cahmana musa. Tinare musa noano yoachu cahmano sehetã musa cãhu noano yoaga tinare. Musare ti noano yoerapachuta musa sehe tinare noano yoaga.

³² 'Musare cahina dihtare musa cahichu ti ne yaba cjihti jierara paina sehere musa cahierachu. Ñaina cãhu tinare cahina dihtare cahina. ³³ ã jina musare noano yoaina dihtare musa noano yoachu ti cãhu ne yaba cjihti jierara paina sehere musa noano yoerachu. Tíre ñaina cãhu yoaa tire. ³⁴ ã yoa "Yuhure wiaa tire", musa niina dihtare musa wasochu ne ti yaba cjihti jierara. Ñaina cãhu painare "Yuhure wiaa tire", ti niinare wasoa tire. ³⁵ ã jina musa sehe musare ñu tuhtiina cãhure cahiga. ã yoa, tinare noano yoaga. Pairore wasona "Yuhure ne wiasi ahriro", ni tuhotuenata tirore wasoga. Cohamacu sehe tirore ji coeraina cãhure, ñaina cãhure noano yoara. To yoaro sehetã yoaga musa cãhu. Musa ã yoachu Cohamacu pjiro noano yoarohca musare. Musa ã yoana Cohamacu tua yuhduariro manano macariro pohna jinahca. ³⁶ Mari Pucu manano macariro to pja ñariro sehetã musa cãhu masare pja ñuga —ni yahuha Jesu.

Paina cãhure "Ñaina jira", niina tjiga

(Mt 7.1-5)

³⁷ ã yoa tinare õ sehe ni yahu namoha:

—Painare “Ñaina jira”, niena tjiga m_{usa}. M_{usa} ã nierach_u Cohamac_u m_{usa} c_uh_ure “Ñaina jira”, nisi. Paina m_{us}are ti ñano yoarire ti ñano niri c_uh_ure boga m_{usa}. M_{usa} ã boch_u ñ_uno Cohamac_u m_{usa} c_uh_ure m_{usa} ñaa yoari buhirire borohca. ³⁸ Paye barore c_uana painare waga. M_{usa} ã wach_u Cohamac_u m_{us}are warohca. Æ waro noano quih_ono m_{us}are pj_iro warohca. Wahpa y_uhd_uaro warohca. Painare m_{usa} wariro purota Cohamac_u m_{usa} c_uh_ure warohca —niha Jesu tinare.

³⁹ Æ ni tuhs_u Jesu quit_i mehne piti dahre buhero ò sehe ni yahu namoha:

—Capari ñ_ueraina sahsero ti basi noano t_uã wahcã masierara. Æ t_uã wahcãa, tina p_uaro doca wahã s_u bora sãa wahaahca copap_u. (Tó sehet_a Cohamac_u yare masieraina painare buhe masierara. Æ jia tina jipihtina pichacap_u wahaahca.) ⁴⁰ Buheina tinare buherirore masi y_uhd_urucaerara. Æ jipahta jipihtina buheina ti noano buhe pah_uori baharo tinare buheriro yoaro sehet_a jahca —niha Jesu.

⁴¹ Æ ni tuhs_u paye quit_i mehne yahu namoha:

—Mari piti dahre buhech_u ò sehe yoaina jira m_{usa}: M_{usa} coyeiro to capariacap_u mahari pohcarocã to sãach_u tí pohcarocãre noano ñ_una m_{usa}. M_{usa} ya capariacare pjiri pj_i to jipach_uta tí pj_ine ne ñ_uerara m_{usa}. (Mahari pohcarocãre m_{usa} ñ_uno sehet_a m_{usa} coyeiro to ñano yoaa sehere noano ñ_una m_{usa}. M_{usa} basi m_{usa} ñaare tuaro yoapanah_uta tíre masierara m_{usa} pjiri pj_ine m_{usa} ñ_ueraro sehet_a.) ¿Dohse jiro baro ã jijari m_{usa}? ⁴² Ò sehe niina yoaro sehe jira m_{usa}: “Coyeiro, m_uh_u ñaare yoai nica m_uh_u. Æ jic_u tíre duhuga”, niina yoaro sehe jira m_{usa}. Æ niina jipanahta pj_iro ñaare yoara m_{usa} sehe. ¿Dohseana m_{usa} ñaare yoapanah_uta tíre masierajari m_{usa}? Masa ti baharo b_uh_usehei ñano yoaa cohtaina jira m_{usa} ã yoaina. Pjiri

pj_ine m_{usa} capariacai jiri pj_ine m_{usa} na m_uhtaboriro sehet_a m_{usa} ñaa yoaa sehere duhu m_uhtaga. M_{usa} ã yoari baharo m_{usa} coyeiro to ñano yoaaare duhuch_u yoaa masiboca mahari pohcarocãre m_{usa} naboro sehet_a —ni buheha Jesu.

Masa ti durucuar_e t_uhona ti jia tiare masija mari

(Mt 7.17-20; 12.34-35)

⁴³ Æ yoaa piti dahre buhero ò sehe ni yahu namoha tinare:

—Noad_u yuc_uc_u ñaare dicha tierara. Æ yoaa ñad_u noaare dicha tierara. ⁴⁴ Yuc_uc_u dichare masina t_ure masina. Pota tid_u higuera pocare dicha tierara. Æ yoaa agã potac_u se t_ohorine dicha tierara. ⁴⁵ Tó sehet_a jira masa c_uh_u. Noariro to t_uhotuap_u noaa jira. Æ jiro tiro noaare yoaa noad_u to noano dicha tiro sehet_a. Ñariro to t_uhotuap_u ñaa jira. Æ jiro tiro ñaare yoaa ñad_u ñaare to dicha tiro sehet_a. Mari t_uhotuap_u marine ti jiro sehet_a durucuja mari —ni yahuha Jesu.

P_ua w_uh_u yoaina quitire yahuha Jesu

(Mt 7.24-27)

⁴⁶ Æ yoaa tinare ò sehe ni yahu namoha:

—M_{usa} y_uh_ure “P_uhtoro”, nina. Æ nipanahta y_u dutia sehere yoaerara m_{usa}. ¿Dohse jiro baro ã yoajari? ⁴⁷ Jipihtina y_uh_ure cahmaina y_u yahuare t_uhora. Æ jia y_u dutiare y_uhd_urucaerara. Ò sehet_a jira y_uh_ure y_uhd_urucaeraina: ⁴⁸ W_uh_u dahreriro yoaro sehe jira tina. Tiro c_uãa coparire tãa wapai to s_uch_up_u saha, w_uh_ure noano dapo d_ucaha. Tí w_uh_u noano to yoari w_uh_u jiro dia to minich_u tuaro to cotiãpach_uta tí w_uh_u noano tjuaha. ⁴⁹ Æ jia y_u dutiare t_uhopahta y_uhd_urucaina sehe w_uh_ure noano yoaerariro yoaro sehe jira. Tí w_uh_ure buicã dapo, noano dahre d_ucaeraha. To ã c_uri w_uh_u jiro dia minino to cotiãch_u dóihta tí w_uh_u b_ur_ua wahaha. Æ jiro tí w_uh_u tuaro bora s_u cahaa wahaha —niha Jesu.

7

Surara puhtoro cahamacunore to dohatichu Jesu noariro wahachu yoaha tirore
(Mt 8.5-13)

¹ Tí quitire masare yahu tuhsu Jesu cãhu Capernaupu sãha. ² Tóí jiriro cien surara puhtoro to cahamacunore tuaro cahãha. To cahamacuno sehe dohatiriro jiro, yariaro cahariro jimaha. ³ ã jiro Jesu to yoare tuhoro, judio masa bucunare Jesu cahapu warocaha puhtoro sehe.

—Dohatirirore noariro wahachu yoai taga —ni yahu dutiro warocaha puhtoro bucunare.

⁴ Tina Jesu cahapu sãa, õ sehe ni tuaro mehne yahuha tirore:

—Surara puhtoro sãre warocahre. To cahamacunore dohatirirore to yuhduchu cahmahre tiro. Tiro puhtoro sehe noariro jira. To ã jichu yoadohoga tirore. ⁵ Mari ya maca macainare tiro cahãna. ã jiro tiro sã buheri wuhure ti yoari wapa wapare —niha bucuna Jesure.

⁶ Ti ã ni yahuchu tuhoro Jesu sehe tina mehne wahaha. Surara puhtoro ya wuhu cahacãi to saro cahachu puhtoro sehe tiro mehne macainare Jesure õ sehe ni yahu dutiro warocaha:

—Puhtoro, noanohca. Tai tjiga. Noariro jieraja yuhu. Ya wuhui mũhure sãa ta dutiboriro jieraja yuhu. ⁷ ã jicu mu cahai wahaeraja. Yu ã jipachuta mu masia mehne noariro wahachu yoaga mũhu tirore. Mu ã yoachu yu cahamacuno noariro waharohca. ⁸ Yuhure yu bui jina paina puhtoa dutira. ã jicu yuhu cãhu surarare dutija. Cũirore “Wahaga”, yu nichu tiro wahara. Pairore “Taga”, yu nichu tiro tara. Yu cahamacunore “Ahrire yoaga”, yu nichu tire tiro yoara. (Mũhu cãhu dutirirota jira. ã jiro mu dutiriro seheta tiro dohatiriro yuhdurohca) —ni yahu dutiha surara puhtoro.

⁹ To ã nichu tuho cuaa waharo, payu masa tiro mehne jiinare majarerucu su, õ sehe ni yahuha:

—Musare niita nija. Tiro surara puhtoro Israe masuno jierariro Cohamacure tuaro wacũ tuara. To cahamacunore yu noariro wahachu yoahure masi tuhsara. Israe masare ne ahriro yoaro sehe jiinare ñuerasinija —niha Jesu.

¹⁰ To ã niri baharo surara puhtoro Jesu cahai to warocarina sehe ti puhtoro ya wuhupu tjuaa wahaha. Tju su dohatiriro to noariro jichu ñuha tina.

Jesu wapewahyoro macunore masoha

¹¹ To ã yoari baharocã Nai wama tiri macapu Jesu to buheina mehne payu masa mehne wahaha. ¹² Tí macare sãari sopaca cahai to sũchu yariarirore masa na wijaa taa niha. Yariariro pocoro wapewahyoro jiha. Cũirota jiriro yariaha. ã jia tó macaina masa payu ticoro mehne wahaha. ¹³ To ã wahachu ñuno Jesu ticorore pja ñuha.

—Tiieco tjiga —niha Jesu ticorore.

¹⁴ ã nino yariariro to masa putihi ña payoha. To ã ña payochu ñha tí putire wũaina sehe sũrucaha.

—Macu, yuhu mũhure õ sehe nija. Wahcã nuju sũga —niha Jesu.

¹⁵ To ã niri baharo yariariro cjiro wahcã nuju su, durucuha. ã jiro Jesu tirore to pocorore waha. ¹⁶ To ã yoachu ñha tina jipihtina cuia wahaha. ã jia tina Cohamacure ño payoa, õ sehe niha:

—Cohamacu yare yahu mũhtariro masi yuhduariro mipu pinihtare mari watoí jira —niha tina.

—Cohamacu marine to yainare yoadohoro wihi tuhsuhre —niha paina.

¹⁷ ã jia jipihtina Judea yahpa macainare tó duhtu cahai jia macari macainare Jesu to yoirire masa yahu site pahõha.

João masare bautisariro to buheinare Jesure sinitu dutiha

(Mt 11.2-19)

¹⁸⁻¹⁹ ã yoa Jesu to yoarire ñña Joãore yahuha to buheina. ã ti yahuchu tũhoro pũarore tiro cahai pjiroca, Jesure sinitu dutiro warocaha João. Õ sehe ni sinitu dutiha:

—¿João “Yũ baharo paio tarohca”, to niriro tjiari mũhũ? ¿To niriro mũ jierachũ paioire cohtanahcari sã? —ni sinitu dutiha João pũaro to buheinare.

²⁰ ã yoa tina Jesu cahai sũ, sinituha tirore:

—João masare bautisariro mũhũre sinitu dutiro warocahre sãre. ¿João “Yũ baharo paio tarohca”, to niriro tjiari mũhũ? ¿To niriro mũ jierachũ paioire cohtanahcari sã? —ni sinitu tina Jesure.

²¹ Tí pjata payũ dohatiinare, wafĩa ti cohtotainare, capari ñũerainare noaina wahachũ yoaha Jesu. ²² ã jiro João warocainare Jesu ò sehe ni yũhtiha:

—Mipũre mũsa ñũrire mũsa tũhorire Joãore yahuna wahaga: Õ sehe niga: “Capari ñũeraina ñña. Tini masieraina tinina. Cami bũcũ baaina noaina wahara. Tũho bo-caeraina tũhoa wahara. Yariaina masaa wahara. Tina jipihtinare noaina wahachũ yoahi yũhũ. ã yoa pjacũoinare noaa buheare yahuja. ²³ Yũhũre tũhoriro ‘Potocã tjira’, niriro tiro wahcheriro jira”, Joãore ni yahuna wahaga —niha Jesu.

²⁴ João buheina ti wahari baharo Jesu sehe João to jia tiare yahu dũcaha payũ masare:

—Masa marienopũ sũna tjare wi-hnono to wãroca cohtotachũ yoariro seheta to buheare cohtota mũjarirore ñña sũerare mũsa. ã yoariro jierare João. ²⁵ “Noa suhti tirirore ñña wahajihna”, nierare mũsa masa marienopũ wahana. Noaa suhti tiina wapa bũjũare cjuaina pũtoa ya wũhũsepũ jira. Masa marienopũ jierara. ²⁶ Masa marienopũ sũna Cohamacũ yare yahu mũhtarirore

ñña sũhre mũsa. Potocã tjira. João Cohamacũ yare yahu mũhtariro jira. Paina Cohamacũ yare yahu mũhtaina yũhoro jiriro jira tiro. ²⁷ Panopũ Cohamacũ yare ti joari pũi Joãore ò sehe ni yahu joaa tiha:

“Mari Pũcũ to macũnore ò sehe niha: ‘Mũ pano mũhũre yahuyũtirore warocai nija’, niha Cohamacũ”,

ni yahu joaa tiha panopũre Joãore. ²⁸ Mũsare potocã niita nija. Paina jipihtina bui jira João. Ahri turupũre to ã jipachũta mũanopũre Cohamacũ masare pũhtoro to noano sũho jiropũre jipihtina docapũ jiriro pinihta João bui jira —niha Jesu masare.

²⁹ To ã nichũ tũhoa jipihtina masa, pũhtoa ya cjihtire wapa na cohtaina mehne João to bautisarina jia ò sehe ni tũhotuha Cohamacũre. “Cohamacũ quihõno yoariro jira”, ni tũhotuha tina. ³⁰ Fariseo curũa macaina sehe judio masare buheina cũhũ João to bautisanohrina ji duaeraha. ã jia tinare Cohamacũ to yaina to yoa duachũ cahmaeraha.

³¹ ã yoa Jesu pari turi ò sehe ni yahuha:

—¿Mipũ macaina masa yabaina yoaro sehe jjiari tina, mũsa tũhotuchũ? ³² Tina macanacã yoaro sehe jira. Paina ti cahmano sehe ti yoerachũ tó wahaerara tinacãre. Pache duaropũ pape dujia, ò sehe ni pisurucura tinacã ti basi: “Mũsa basahti cjihtire sã putipemahi. ¿Dohseana mũsa basaerari sã tíre putipechũ? Sã tuaro ñahacaha tiipe, sañurucumahi. ¿Mũsa sehe dohseana sã mehne tiiperari?” nirucuina yoaro seheta jira mipũ macaina cũhũ. (Mipũ macaina ti cahmano seheta sã yoerachũ ñña tó wahaerara tina cũhũre.) ³³ João bautisariro Cohamacũre ño payoro taro ne chũeraro, vinore sihnierare. To ã sihnierachũ ñña “Wafĩno to cohtotariro jira”, nimahre mũsa tirore. ³⁴ Yũhũ masũno Cohamacũ warocariro jicũ, yũhũ chũ sihnija. Yũ ã yoachũ ñña ò

sehe nina m̄sa yūh̄u sehere. “Ñ̄uga. Ahriro p̄j̄iro ch̄ūriro, cahariro jira. Pūh̄toa ya c̄j̄ihtire wapa na cohtaina, ñ̄ano yoaina c̄h̄ū ti piti tiriro jira ahriro”, nina m̄sa yūh̄u. Æ nina macanac̄a yoaro sehe durucuina jira m̄sa. (M̄sa cahmano sehe s̄a yoerach̄u t̄o wahaerara m̄sare. Ne wahcherara m̄sa.) ³⁵ Æ masierapanahta s̄a yoa ñ̄orire ñ̄ana, Cohamac̄u yare s̄a masich̄u masinahca m̄sa –ni yahuha Jesu.

Simo wama tiriro fariseo curua macariro ya w̄h̄ūi jiha Jesu

³⁶ Fariseo curua macariro to w̄h̄ūp̄u ch̄u dutiro p̄jiha Jesure. To ã p̄j̄ich̄u Jesu to ya w̄h̄ūp̄u s̄u, ti ch̄ūri mesa cahai nuju s̄aha. ³⁷⁻³⁸ Tí macap̄are ñ̄aare ñ̄aare yoarucuricoro c̄j̄iro jiha. Jesu fariseo curua macariro ya w̄h̄ūp̄u to dujich̄u ticoro t̄uhoha. Æ t̄uh̄o tuhs̄u alabastro mehne yoariare me sitia posa tiriare na ta, Jesu baharo b̄h̄h̄usehei wihi tar̄uca, tiha. Æ tiro Jesu dahporire to yahco co mehne wayo, to p̄joari mehne pah̄ã coh̄ãha. To dahpori w̄h̄ach̄u ñ̄u ticoro to dahporire wihi, me sitia mehne pio payoha. ³⁹ To ã yoach̄u ñ̄uno fariseo curua macariro Jesure p̄j̄iro to basi ò sehe ni t̄uh̄otumaha: “Ahricoro tirore ñ̄aha ñ̄uricoro ñ̄aare yoarucuricoro jira. Ahriro Jesu Cohamac̄u yare yahu m̄h̄tariro jiro t̄ire masiboa”, ni t̄uh̄otumaha. ⁴⁰ To ã ni t̄uh̄otumaha masino Jesu ò sehe ni yahuha tirore:

–Simo mip̄u pinihtare m̄h̄are yahu duaja –niha Jesu.

–Buheriro, ¿yūh̄are dohse ni yahu duajari m̄h̄u? –ni yūhtiha Simo.

⁴¹ To ã nich̄u Jesu ò sehe ni piti dahre buhe yūhtiha:

–Pūhtorore pūaro wapamoina jiha. C̄ūiro wapamoriro quinientos niñeru t̄urire wapamoha. Pairo sehe cincuenta niñeru t̄urire wapamoha.

⁴² Æ jia tina ti wapamoare ti wapa bihoerach̄u ñ̄uno pūhtoro ti wapamoare wapa dutieraha. ¿Mip̄u pinihtare diro sehe wapamoriro sehe

to pūhtorore cah̄i yūhd̄urohcari? –ni sinituha Jesu.

⁴³ Simo ò sehe ni yūhtiha:

–Buah, p̄j̄iro wapamoriro mahanoc̄a wapamoriro yūhdoro to pūhtorore cah̄i yūhd̄uboca –niha Simo.

–Potoc̄a ni yūhtihre m̄h̄u yūh̄are –niha Jesu.

⁴⁴ Æ ni tuhs̄u tirore pio payoricorore majare ñ̄u, Jesu Simore ò sehe ni yahu namoha:

–Ahricorore ñ̄uga m̄h̄u. M̄u ya w̄h̄ūp̄u yu s̄a wihi baharo yu dahporire cosahti core yūh̄are waerare m̄h̄u. Ahricoro sehe to yahco co mehne yu dahporire wayo, to p̄joari mehne pah̄ã coh̄ãre yūh̄are. ⁴⁵ M̄h̄u sehe yūh̄are piti boca wihi. Ahricoro sehe òi yu dujiro puro yu dahporire wihi. ⁴⁶ M̄h̄u sehe yu dapure se mehne pio payoerare. Ticoro sehe yu dahporire me sitia mehne pio payohre. ⁴⁷ Æ nic̄u m̄h̄ureta yahui nija. Ahricoro to ñ̄aa yoari c̄j̄iro payubia jira. Æ jiricoro jiparota ticoro tuaro cah̄ihre yūh̄are. Æ jic̄u ñ̄aare to yoari buhirire coh̄ãhi. Æ jia ñ̄aare ti yoari buhirire mahanoc̄a yu coh̄ãnohrina mahanoc̄a cah̄ina yūh̄are –niha Jesu Simore.

⁴⁸ Æ ni tuhs̄u tirore ticoro ò sehe ni yahuha:

–Mip̄u pinihtare ñ̄aare m̄u yoari buhirire boja –niha Jesu.

⁴⁹ To ã nich̄u t̄uh̄o Jesu mehne dujiina ti basi ò sehe ni durucuha:

–¿Dohse jiriro baro j̄j̄ari ahriro ñ̄aa buhirire boriro? –niha tina ti basi.

⁵⁰ Æ ni tuhs̄u, Jesu numinore ò sehe ni yahuha:

–Yūh̄are m̄u wac̄u tuach̄u m̄h̄are pichacap̄u wahaboricorore yūh̄o. Cuiro marieno m̄u w̄h̄ūp̄u t̄juaa wahaga –niha Jesu ticoro.

8

Numia Jesure yoadohoha

¹ Baharo b̄j̄ua macarip̄u daa macaric̄ap̄u c̄h̄ūre s̄u, Cohamac̄u masare pūhtoro to noano s̄uh̄o jiare

noaa buheare yahuha Jesu. Doce to buheina sehe tiro mehne jiha. ² Ñ yoa numia cãhũ watĩa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watĩare Jesu cohã wioha tó pano. Ñ jiro ticoro cãhũ Jesu mehne tiniha. ³ Cuza wama tiriro Herodere dahra cohtaina pãhtoro cjiro namono Juana cãhũ Jesu mehne tiniha. Susana wama tiricoro cãhũ paye numia mehne payũ ti cjũaa mehne tirore yoadohoha.

Jesu wesere toari masũno quitire yahuha

(Mt 13.1-9; Mr 4.1-9)

⁴ Ñ yoa payũ macari macaina Jesu cahapũ cahmachuha. Ti ã cahmachuri baharo Jesu to tãhotua mehne quitu dahre tinare õ sehe ni yahuha buhero taro:

⁵ —Toari masũno toaro, to toaa yaparire doca site cũno wahaha. To ã doca site cũ wahcãchũ paye yapari mahai bora caha sũha. Ti ã bora caha sũchũ paye yaparire masa tã diho cũha. Ñ jia paye yaparire minichahca duji ta, chũnocaha. ⁶ Ñ yoa paye yapari sehe tãa wapa bui dihta se mininocã bui bora caha sũha. Tí yahpapũ co mariaha. Ñ jia tí yapari du wija tarucuma ñaia wahaha. ⁷ Paye yapari sehe tja watoi bora caha sũha. Tja sehe tí toaa mehne duha. Tja sehe dia yũhdũa waha, toaare wajãnocaha. ⁸ Paye yapari noari yahpai bora caha sũha. Noano dua jia noano dicha tiha. Ñ jia payũ dicha tiha —niha Jesu.

Ñ ni tuhsũ õ sehe tuaro ni namoha:
—Ahrire tũho duaina noano tũhoga mũsa —niha tiro.

Jesu quitu mehne to buherire yahuha

(Mt 13.10-17; Mr 4.10-12)

⁹ Baharo to buheina tí quitire masi duaa, Jesure õ sehe ni sinituha:

—¿Ahrì quitu mehne dohse ni yahui nijari mũhũ? —ni sinituha tina.

¹⁰ Ti ã nichũ Jesu õ sehe ni yũhtiha:

—Cohamacũ masa bui pãhtoro to noano sũho jiare panopũ paina ti masierari cjirire mũsare masichũ yoarohca Cohamacũ. Paina sehere ã yoerara tiro. Tinare quitu mehnetu buheihitja. Yũ ã yoachũ tina yũ buheare tũhopahta masisi —niha Jesu to buheinare.

Jesu wesere toari masũno quitire yahu pahũoha

(Mt 13.18-23; Mr 4.13-20)

¹¹ Ñ ni tuhsũ tinare õ sehe ni yahu namoha:

—Õ sehe ni yahura ahri quitu: Toaa yapari noaa buhea yoaro sehe jira. ¹² Ñ yoa maha dũhtũ cahai bora yapari sehe noaa buhea yoaro sehe jira. Cãina masa noaa buheare ti tũhochũ ñũno watĩno sehe ta, tí buheare masi dutierara masare, minichahca tí yaparire ti chũ cohãno seheta yoaro. To ã yoerachũ tina Cohamacũre wacũ tuaboa. Ti ã wacũ tuachũ ñũno Cohamacũ sehe tinare pichacapũ wahaborinare yũhdoboa.

¹³ Ñ yoa tãa wapa bui dihta se mininocã bui bora yapari noaa buhea yoaro sehe jira. Ñ jia masa noaa buheare tũho, wahchea mehne tíre tũho nũnũ wahcãna. Ñ tũho nũnũpahta tãa wapa buicã jia yucũ nũhcori mariea yucũ yoaro seheta ahriina masa cãhũ yoari pja cãno pjaerara. Ñ cãno pjaeraa yũ yare ti cahmari buhiri paina tinare ti ñano yoachũ ñũa yũ yare duhunocahna.

¹⁴ Ñ yoa tja watoi bora yapari noaa buhea yoaro sehe jira. Ñ jia masa noaa buheare tũhopahta, ahri yahpa macaare wacũ nũnũ yũhdũara. Niñerure bujũa cahma, paye baro cãhũre payũ cahma, tíre goa pja yũhdũara tina. Ti ã yoachũ tí sehe noaa buheare dũcatara. Ti ã dũcatachũ masa noaa sehere yoerara. Dicha maria yucũ yoaro seheta jira. ¹⁵ Ñ yoa noari yahpai bora yapari noaa buhea yoaro sehe jira. Ñ jia masa noaa buheare tũhoa, noano mehne tí buheare yũhdũrũcaerara. Ñ jia yucũcũ dicha tiro seheta noaa

buheare tũhoina sehe Cohamacũ to cahmano seheta noare yoara –niha Jesu.

Jesu sihãria quitire buheha

(Mr 4.21-25)

¹⁶ ã ni tuhsũ paye quti mehne piti dahre buheha tiro:

–Ne sihãriare ti sihãri baharo tiare dihi biato docai cũerara masa. ã yoa tiare coãri casario docai cũerara. Mũanopũ tiare duhu payora wũhũpũ sãa taina ti noano ñũ sãahto sehe. ¹⁷ Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũ ti masierari cjirire masiahca masa.

¹⁸ ã jina mũsa tũhona noano tũho nũnũga. Noano tũho nũnũriro, noano masinohca. Tũho nũnũerariro “Mahano cã tũhoja”, to nipachũta tí sehere boa waharohca –niha Jesu.

Jesu coyeya tirore pjiha

(Mt 12.46-50; Mr 3.31-35)

¹⁹ Baharo Jesu bahana ti pocoro mehne tiro cahapũ wahaa nimaha. Masa payũ jichũ to cahapũ sũeraha.

²⁰ ã jiro cãiro Jesure õ sehe ni yahuha: –Mũ poco mũ bahana mehne sopacapũ ducuhre. Mũhũre ñũa taa niyuhti –niha tiro Jesure.

²¹ To ã nichũ Jesu õ sehe ni yahuha jipihtinare:

–Cohamacũ ya buheare tũhoina, tíre yũhdũrũcaeraina tinata yũ poco yũ bahana yoaro sehe jira –niha Jesu tinare.

Jesu wihnonore yũsũ dutiha

(Mt 8.23-27; Mr 4.35-41)

²² Pa dachoi Jesu to buheina mehne dohoriapũ samu:

–Basa, pahãjihna –ni, tina jipihtina tia mehne bũcũpariropũ pahãa wahaha.

²³ ã pahãno carĩa wahaha Jesu. Ti ã pahãrucuchũ waro tuaro wihnono taha. Wihnono to tachũ bũjũa pahcõri wahcã, tinare mionocamaha. ã to wahachũ minihto cua yũhdũhaha tinare. ²⁴ ã wahachũ ñũa Jesu cahai waha, tirore wahcõha.

–Buheriro, mari mini yariana tana nijã –niha tina.

Ti ã nichũ Jesu sehe wahcã, wihnonore “Tó purota wã duhuga”, niha. ã ninota pahcõri cũhũre “Yũsũa wahaga”, niha. To ã nichũta wihnono yũhdũa wahaha. ã yoa pahcõri cũhũ yũsũ boraa wahaha. ²⁵ ã wahari baharo Jesu tinare õ sehe niha:

–¿Mũsa yũhũre wacũ tuaerasini-jari? –niha tiro.

To ã nichũ tina sehe cui, cũaa waha, ti basi õ sehe ni durucuha:

–Cue, ¿dohse jiro baro masũno jijari ahriro? Ahri wihnono, pahcõri cũhũ to dutichũ yũhdũrũcaerara tirore –niha tina ti basi.

Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

²⁶ ã yoa tina sie copũ Gerasa macaina ya yahpũ pahã sũha. Tí yahpa Galilea yahpa potoihta jaha. ²⁷ Tóí Jesu to maja sũrũcũ sũchũ waro tó macariro watĩa ti cohtotariro tiro cahapũ taha. Tiro yoari pja suhti marieriro jiro, to wũhũpũre ne jieraha. ã yoa masa copari tãa copari watoi jia tiha tiro.

²⁸⁻²⁹ ã jia payũ tahari watĩa tirore ñahaha. ã jiro tiro peresui to jichũ to wamomacarine dahporire comaa dari mehne dũhteriro jiparota, tiro tí darire nuha mũjaha. ã yoa watĩa sehe tirore masa marienopũ na wahcãa tiha. ã yoa tiro Jesure ñũroca õ tuaro sañurucu, Jesu panoi na tuhcuca caha sũha. To ã yoachũ ñũno Jesu sehe tirore õ sehe ni dutiha:

–Watĩa, duhuga ahrirore –niha Jesu.

To ã nichũ tũhoro watĩa ti cohtotariro tuaro sañurucu, õ sehe ni sinituha Jesure:

–Jesu, ¿Cohamacũ jipihtina Bui Jiro macũno yabare yoai tai nijari mũhũ yũhũre? Yũhũre, ñano yoai tjiga –niha watĩa ti cohtotariro.

³⁰ To ã nichũ Jesu sehe õ sehe ni sinituha tirore:

–¿Yabariro wama tijari mũhũ? –niha.

Payu watia tiro mehne jiha. A jiro o sehe niha watia ti cohtotariro:

—Watia payu wama tija sa —ni yuhtiha watia ti cohtotariro tiro.

³¹ —Cuari copapu sare waha dutiecu tjiga —ni, tuaro siniha watia sehe.

³² Ti pjare toi tucu dahpotoi yesea payu chua niha. Ti toi chuchu nua watia o sehe ni siniha Jesure:

—Sina yesea cahapu warocaga sare ti pjacuripu sa sahto sehe —ni siniha watia.

Ti a sinichu tuhoro “Jai. Wahaga”, niha Jesu. ³³ To a dutichu, watia masuno mehne jirina cjiri sehe waha, yesea pjacuripu sa waha. A yoa tinare ti saari baharo, yesea jipihina bucpariro duhtu cahapu pari canupu muroca buha, ti taropu bora noja, mini yaria pihtia waha.

³⁴ Yeseare nu wihboina yesea ti a minichu nua, cui, muroca waha. A muroca wahca pjiri macapu chure, daa macaricapu chure tice ti nure yahu sitea waha. ³⁵ Ti a yahuchu tuhoa, masa sehe payu ti a waharire nua waha. A jia Jesu cahai su, watia ti cohtotariro cjirore to suhti tiro, tuho masiriro to dujichu nuha tina. Ti jipihitiare nu, tina cui niha. ³⁶ Watia ti cohtotariro cjiro noariro to waharire nuina, ti nure painare noano yahu pahnoha. ³⁷ Ti pjata Gerasa yahpa macaina payu Jesure tuaro cuia, tirore pa sehepu waha dutiha. Ti a waha dutichu Jesu dohoriapu samu, waharo taro niha. ³⁸ Watia ti cohtotariro cjiro Jesu to wahahto pano tuaro siniha tirore:

—Mahu mehne waha duaja —ni sinimaha.

³⁹ To a nichuta Jesu tirore o sehe ni yuhtiha:

—Ma ya macapu wahaga. A wahacu Cohamacu mahure to yoirire yahuga painare —niha Jesu.

To a niri baharo waha to ya macapu suro watia ti cohtotariro cjiro sehe Jesu tirore to yoirire jipihina to ya maca macainare yahuha.

Jairo maconore yuhdichu yoa, cahã ñuricoro cahure yuhdichu yoaha Jesu

(Mt 9.18-26; Mr 5.21-43)

⁴⁰ Pari turi Jesu ti bucpariropu pahaa waha tjoa. To pahã tariroputa masa payu tirore cohta niha. A cohta, tirore piti bocasiniha wahchea mehne. ⁴¹⁻⁴² Toi judio masa buheri wuhu puhtoro Jairo wama tirore Jesu cahai su, to dahpori cahai na tuhcu caha suha tirore no payoro. To macono yariaro niha. Ticoro cacorota jiricoro doce cahmari cjuricoro jiha. A jiro tiro to ya wuhupu Jesure pji wahcaha. “Jai” ni, tiro mehne waha Jesu chu.

Mahai ti a wahachu payubia masa tirore nua ti wahca, bihsaro sarucu suha tirore. ⁴³ To a bihsaro wahachu numino doce cahmari waro a cahã ñurucuricoro toi jiha. To pano duhturuare jipihiti to niñeru mehne wapamaha ticoro co wa dutiro. Ti a co wapachuta mananta jirucunocaha ticoro. ⁴⁴ A jiro ticoro Jesu baharo masa payu watoi wihi, Jesu suhtirore to naha nuhuta to cahã nua pihtia waha. ⁴⁵ To a naha nuhutu tuhuro Jesu o sehe ni sinituha:

—¿Noa yu suhtirore naha ñuri? —niha tiro.

Jipihiti “Yoaerahi”, niha. A jia Pedro chu o sehe niha:

—Buheriro, bihsa nina. A jia masa payu mahure pihanocahna. ¿Dohseacu a ni sinitujari mahu? —niha tina Jesure.

⁴⁶ Ti a nichu Jesu o sehe ni yuhtiha:

—Michapucacã yuhu noaricoro wahachu yoahi cacorore. A jicu yuhure to naha nuhutu masija —niha tiro.

⁴⁷ To a nichu tuhoro ticoro duhti masieraro, teterericoro Jesu cahai na tuhcu caha suha tirore no payoro. A jiro jipihiti masa ti tuhoro to dohitiare, Jesure to naha nure to noaricoro to waharire yahuha ticoro. ⁴⁸ To a ni yahu tuhsuchu Jesu ticorore o sehe ni yahuha:

—Maco, yuhure mu wacu tuaa mehne noaricoro tjuara mipure.

Wahchea mehne wahaga –niha ticorore.

⁴⁹ To ã nino watoi Jairo ya wuhui jiro yahu wihaha:

–Mu macocã yariaa wahahre. ã jicu buherirore pji tai tjiga –niha tiro.

⁵⁰ To ã nichu tuhoro, Jairore õ sehe ni yahuha Jesu:

–Cahya tuhutu tjiga. Yuhure wacũ tuaga. Tí dihtare yoaga. Mu ã yoachu ticorocã masaa waharohca –niha Jesu.

⁵¹ ã ni tuhsu to wuhuru su, Pedro, João, Santiago, dohatiricoro pucsuma tópeinata na sãaha. Paina sehere Jesu sãa dutieraha. ⁵² Tói jipihtina masa ti ñahacaha tiro watoi sãa suha Jesu.

–Tiiena tjiga. Ticorocã yariaerare. Carĩno nica –niha tiro.

⁵³ To ã nichu tuhoha tina sehe ticoro yariaricoro to jichu masia, Jesure bujaha. “ã nimacanocano nina”, ni bujaha. ⁵⁴ ã yoa Jesu ticorocã wamomacare ñaha, õ sehe ni pisuha:

–Maharicorocã wahcãga –niha.

⁵⁵ To ã nichuta yariaricoro masaa waha, tí pjata wahcãruca suha ticorocã. To wahcãri baharo Jesu ticorore chure wa dutiha. ⁵⁶ To ã masachu ñaha to pucsuma ñu cãaa wahaha. ã jiro Jesu tíre painare yahu dutieraha.

9

Jesu doce to buheinare buhe dutiro warocaha

(Mt 10.5-15; Mr 6.7-13)

¹ ã yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatinare noaina ti yohti cjihtire to tuaare waha tinare. ² ã yoa tuhsu tinare Cohamacu masare puhtoro to noano suho jiare buhe dutiro, dohatinare noaina wahachu yoa dutiro warocaha tinare. ³ Õ sehe ni dutiha Jesu tinare:

–Musa wahana paye barore naaena tjiga. Tjuadure, wajure, chure, niñerure naaena tjiga. Musa sãano dihtare sãa wahcãga. Paye

suhtire naaena tjiga. ⁴ Jipihtia macaripu musare ti carĩno wachu tí wuhuihta jinocasiniga. Coã wahanapu wijaahga tí wuhure. ⁵ Paye macari macaina musare ti cahmaerachu ñuna ti macarine yuhdu wahcãa wahaga. ã wahana musa dahpori macaa dihta pohcari mene wajã site cũga musa tinare ti ya buhirire masichu yoana –niha Jesu.

⁶ To ã niri baharo to buheina sehe waha, jipihtia macaripetu noaa buheare yahu tinia tiha. ã yoa dohatinare noaina wahachu yoaa tiha.

Jesu to yarire Herode tuhoha
(Mt 14.1-12; Mr 6.14-29)

⁷ ã yoa Herode Galilea yahpa macaina puhtoro Jesu yarire tuhorocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. ã jiro ‘Jesu’, ti niriro tiro tjira”, nimaha cãina. Ti ã nichu tuhoro Herode Jesure dohse ni masieraha. ⁸ Paina “Tiro Elia cjiro mipu bajuaro nina”, nimaha. Paina sehe “Cohamacu yare yahu muhtaina panopu macaina mehne macariro cjiro mipu bajuaro nica”, nimaha Jesure. ⁹ Tí ã ni durucupachuta õ sehe ni tuhutu Herode sehe: “João dapure dute ta duti tuhsuhi yahu. ¿Mipare jiro masa ti yahuro diro baro jibocari tiro sehe?” ni tuhuro tiro Jesure ñu duamaha.

Jesu cinco mil bui masare chaha waha

(Mt 14.13-21; Mr 6.30-44; Jn 6.1-14)

¹⁰ ã yoa Jesu to warocarina tiro cahapu tju suha, ti yarire yahuha Jesure. Ti yahu tuhsachu Jesu tina dihtare Betsaida wama tiri macapu suho wahamaha. ¹¹ Ti waharire masia, masa payu tinare ñanu ti wahcãha. Jesure ti mu sachu ñuno piti bocasiniha Jesu tinare. ã jiro tiro Cohamacu masare puhtoro to noano suho jiare tinare yahu, dohatinare noaina wahachu yoaha.

¹² Ñamichahapꝰ doce to buheina tiro cahapꝰ sꝰ, Jesure õ sehe ni yahuha:

—Õ masa marienopꝰ jira. Õ majano macaa macaripꝰ, daa macaricãpꝰ cãhꝰre ahrina masare warocaga. Carĩa ti chãhti cjihtire maca dutiga tinare —niha tina Jesure.

¹³⁻¹⁴ Ti ã nichꝰ Jesu õ sehe ni yãhtiha tinare:

—Ã nienata chãare waga tinare —niha.

To ã nichꝰ tãhoa tina õ sehe ni yãhtiha:

—Cã wamomaca pihtia pão curiri, pꝰaro wahi tó purocãta cãaja mari. ¿Ahrina payꝰ masa ti chãhti cjihtire nuchãbocari sã? —niha to buheina.

Payꝰ masa ti jichꝰ ñãã ã niha to buheina. Tóprẽ cinco mil mꝰã jiha. (Numia, macanacã cãhꝰ jiha.) ã jiro Jesu õ sehe ni yahuha to buheinare:

—Cincuenta masare cã curuai duji dutiga. Paye curuari cãhꝰre tópeinata duji dutiga —niha Jesu to buheinare.

¹⁵ To ã nichꝰ to buheina to dutiro seheta yoa, jipihtina masare duji dutiha. ¹⁶ Duji duti tuhsꝰ Jesu cã wamomaca pihtia pão curirire pꝰaro wahi mehne na, mꝰanopꝰ ñãã. ã ñãno Cohamacꝰre “Noana”, niha. To ã niri baharo pão curirire nuha, to buheinare masare witi dutiro waha. ¹⁷ Ti ã witi tuhsꝰchꝰ, tina jipihtina masa chꝰ, yapi yãhdꝰã wahaha. Ti yapi wahyorire doce pãhꝰse waro wahpo dapoha to buheina.

Jesu potocã Cristo to jiare Cohamacꝰ warocariro to jiare yahuha Pedro

(Mt 16.13-19; Mr 8.27-29)

¹⁸ Cã dacho Jesu cãirota jiro, Cohamacꝰre sinino niha. To ã sinino watoi to buheina tiro cahapꝰ sꝰha. ã jiro Jesu õ sehe ni sinitu ñãã tinare:

—¿Diro baro jicari yãhꝰ masa yãhꝰre ti tãhotuchꝰ? —ni sinitu ñãã.

¹⁹ To ã sinituchꝰ tãhoa to buheina õ sehe ni yãhtiha:

—“João masare bautisariro jira”, nina mãhꝰre. Paina “Elia cjiro jira”, nina. Paina “Panopꝰ macariro Cohamacꝰ yare yahu mãhtariro

cjiro masa wijariro cjiro jira”, nina mãhꝰre —ni yãhtiha to buheina sehe tirore.

²⁰ Ti ã niri baharo Jesu tinare õ sehe ni sinitu ñãã tjoa:

—¿Musa sehe musa tãhotuchꝰ diro baro jicari yãhꝰ? —ni sinitu ñãã tjoa.

—Mãhꝰ Cristo Cohamacꝰ warocariro jira —ni yãhtiha Pedro.

Jesu to yariahto cjihtore yahuha
(Mt 16.20-28; Mr 8.30-9.1)

²¹ ã yoa Pedro “Cristo jira mãhꝰ”, to nirire painare Jesu yahu site dutieraha to buheinare. ²² ã ni yahu site dutiera tuhsꝰ õ sehe ni namoha:

—Yãhꝰ masꝰno Cohamacꝰ warocariro tuaro ñãno yãhdꝰãihca. ãta yãhdꝰro cahmana yãhꝰre. ã jia mari coyea judio masare buheina, bꝰcꝰna, sacerdotea pãhtoa mehne yãhꝰre cahmaeraa, yãhꝰre wajãahca. Ti ã wajãri baharo tia dacho wahaboroi masa mãjaihca —niha Jesu tinare.

²³ Baharo jipihtinare õ sehe ni yahuha Jesu:

—Cãiro yꝰ yairo ji duaro, to cahmano yoa duamarine duhuncanohca. ã yoa crusapꝰ yꝰ ñãno yãhdãhtiro seheta yꝰ yairo to jiri buhiri ñãno yãhdãparota yãhꝰre duhusi. ã jiro yꝰ yare yoarucuriro jirohca. ²⁴ Masꝰno yãhꝰre wacũno marieno to mꝰ sꝰro to cahmano seheta yoariro pichacapꝰ tiro waharohca. ã jiro yꝰ yare ã yoarucuriro jipihcia dachoripe yãhꝰ mehne mꝰanopꝰ jirucurohca. ²⁵ ¿Cãiro masꝰno ahri yahpa macaare jipihtiare cãariro Cohamacꝰre cahmaeraro pichacapꝰ waharo yabare wapatajari tiro? ã jiro ne wapataerara. ²⁶ Cãina yãhꝰre, yꝰ buheare bꝰo tiboca. Ti ã yoachꝰ ñãcꝰ yãhꝰ cãhꝰ yãhꝰre ã yoinare bꝰo tisãaihca. Yãhꝰ masꝰno Cohamacꝰ warocariro noaina anjoa ti si sitea mehne, yꝰ si sitea mehne, yꝰ Pꝰcꝰ to si sitea mehne tjua tacu tinare bꝰo tisãaihca. ²⁷ Potocã niita nija mꝰsare. Mipꝰre cãina mꝰsa õprẽ jina mꝰsa yariahto pano Cohamacꝰ

jipihtina bui puhtoro noano to suho jiducachu ñanahca —niha Jesu tinare.

Jesu pjacu cohtotaha
(Mt 17.1-8; Mr 9.2-8)

²⁸ Ñ yoa ocho dachori tíre to yahuri baharo Jesu Pedrore, Joãoire, Santiagore tina dihtare pjiha. Ñ yoa waha, Cohamacure sinia waha, tucupumujaa wahaha tina. ²⁹ Cohamacure to sinino watoi Jesu wuhduha cohtotaha. To ñ cohtotachu to suhtiro minoari suhtiro noano yehseri suhtiro wahaha. ³⁰ To ñ waharo watoi puaro mua tiro mehne durucua niha. Durucuina sehe Elia cjiro, Moise cjiro jiha. ³¹ Tina manano macaa si sitea mehne bajuaha. Jesu baharocata Jerusalēpu to yariahtore tina Jesu mehne durucua niha. ³² Pedro cahu wujo caha yuhduaha. Ñ caripahta cua wahcã wihi Jesu to si siteare ñha, puaro tiro mehne ducuina cãhure ñha. ³³ Moise cjiro cahu ti wahahto panocã Pedro Jesure õ sehe nimaha:

—Puhtoro, mari õre jichu noa duara. Tia wuhcã yoanahtja. Mu ya wuhcã, Moise ya wuhcã, Elia ya wuhcã yoanahtja —nimaha Pedro. Ñ niparota to nirire ne masieraha. ³⁴ To ñ ni durucuro watoi tinare me curua duji boro pja suha. To ñ duji boro pja suchu ñha tina cuia wahaha. ³⁵ Tuhsu, me curua puhichapu õ sehe ni durucuro coa taha:

—Ahriri yu macu, yu beseriro jira. Noano tuhoga tirore —nino coa taha me curua puhichapu. ³⁶ To ñ nino coa tari baharo Jesu dihtare ñha tina. Baharo ti ñurire painare yahueraha. Ne cãirore yahueraha.

Jesu watino to cohtotarirocãre noariro wahachu yoaha
(Mt 17.14-21; Mr 9.14-29)

³⁷ Pa dachoi tina tucupu ti duji tachupayu masa Jesure piti boca. ³⁸ Ñ jiro tina mehne macariro Jesure õ sehe ni pisuha:

—Buheriro, mahuare tuaro ahrire sini duaja yuhu. Yu macu cãirota jira. Ñ jicu tirore ñbasaga mahu.

³⁹ Watino tirore ñaha, sañurucuhu yoa, tunu teterechu yoa, sahpo tua wahachu yoaa tihre. Ñ yoaro watino yu macure ñano yuhduchu yoa, ne duhu duaerara. ⁴⁰ Mu buheinare watinore cohã wio duticu tuaro sinimahi. Yu ñ sinipachata tina sehe tirore cohã wio masierare —niha tiro Jesure.

⁴¹ To ñ nichu Jesu sehe õ sehe niha: —Mipu macaina musa ñaina jira. ¿Yuhure ne wacu tuaeraputiajari? Yoabiari pja musare buhemaja yuhu. ¿Noho puro yoari pja yuhure musa caribobocari? —ni tuhtiha Jesu.

Ñ ni tuhsu watino ti cohtotariro puarore õ sehe niha:

—Mu macure na tahga —niha.

⁴² To ñ niri baharo to macuno Jesu cahapu to taro watoi watino sehe tirore yahpapu doca caha su, tunu teterechu yoaha. To ñ yoachu Jesu watinore wijaa dutiha. To ñ wijaa dutichu watino sãarirocã noariro wahaha. Ñ jiro Jesu sehe tirocãre wiaha to puarore. ⁴³ Cohamacu tuua mehne noariro to wahachu ñha, jipihtina masa cua wahaha.

Pari turi Jesu to yariahtore, to masahtore yahuha

(Mt 17.22-23; Mr 9.30-32)

Masa Jesu to yoarire ti ñha, cua wahachu Jesu sehe to buheinare õ sehe ni yahuha:

⁴⁴ —Michapucacã yu yahuhtire boena tjiga musa. Yuhure Cohamacu to warocarirore paio yuhure ñaha dutiro warohca masare —niha Jesu.

⁴⁵ To ñ nipachata tina sehe to yahuare noano tuho ñahaeraha. To yahurire tinare masihto basioeraha. Tí pjata Cohamacu tinare tíre tuho ñaha dutierasiniha. Ñ jia tina cuia, tíre tirore sinitu ñeraha.

Jesu buheina tina mehne macarirore puhtoro sã duamaha

(Mt 18.1-5; Mr 9.33-37)

⁴⁶ Baharo Jesu buheina durucu sayoa niha:

—¿Mari mehne macariro diro sehe puhtoro ti cohtotacari? —ni sayoa niha tina ti basi.

⁴⁷ Ti ã nichu Jesu sehe ti tuhotuare masino, nijinocãre to cahai duhu dapo, to buheinare õ sehe ni yahuha:

⁴⁸ –Yu yare yoana tana ahrirocãre cahmana yuhu cãhure cahmana musa. ã yoa yuhure cahmana, yuhure warocariro cãhure cahmana musa. Musa mehne macariro musa cahamacano jiro tiro cãhu puhtoro tjirohca –niha Jesu.

Marine ñu tuhtiriro jieraro, mari mehne macariro jira
(Mr 9.38-40)

⁴⁹ Baharo João Jesure õ sehe ni yahuha:

–Buheriro, mu wama mehne watãare cohãrironore sã ñuhi. Tiro mari mehne macariro to jierachu ñuna tíre tirore yoa dutiera tihi sã –niha João Jesure.

⁵⁰ To ã nichu Jesu Joãore paina buheina cãhure õ sehe ni yahuha:

–Ã niena tjiga musa tirore. Marine ñu tuhtiriro jieraro, tiro mari mehne macariro jira –niha Jesu to buheinare.

Jesu Santiagore, João cãhure tuhtiha

⁵¹ Tí pjare Jesu manopu to wahahto panocã, “Jerusalẽpu wahahtja”, niha tiro. ã nino tõpu waharo niha. ⁵² ã jia Jesu to panoi warocaina waha, Samaria yahpa macari macapu su, tõi Jesu to jãhtore cahno duamaha. ⁵³ Jesu Jerusalẽpu waharo taro niha. Tõpu wahahtiro to jichu tuhoa, tó macaina tirore cahmaeraha. ⁵⁴ Tíre tuhoa Santiago, João mehne õ sehe ni yahuha Jesure:

–Puhtoro, mu cahmachu mano macari pichaca mehne tinare wajã dutinahca –niha tina tirore.

⁵⁵ Ti ã nichu Jesu majare ñu, tuhtiha tina puarore.

[–Espíritu Santo yaina jira musa. Mipu musa tuhoturo seheta tiro sehe tuhotuerara. Yuhu masano Cohamacu warocariro ahri yahpapu tacu pichacapu wahaborinare yoadohtiro tai. Masare butichu yoacu tacu nierahi –ni yahuha Jesu.]

⁵⁶ ã tuhti tuhsu, pa macapu Jesu cãhu wahaa wahaha.

Paina Jesu mehne wahamaha
(Mt 8.19-22)

⁵⁷ Tina mahai ti wahachu, masano Jesure õ sehe ni yahuha:

–Muhu mehne waha duaja nohoi mu waharoi –niha tiro.

⁵⁸ To ã ni tuhsachu Jesu õ sehe ni yuhtiha:

–Cãina macaroca macaina wahiquina ti copari cãhara. Minichahca cãhu ti suhti cãhara. Yuhu masano Cohamacu warocariro sehe yu cariri wuhu maeraja –niha Jesu.

⁵⁹ Baharo paiore Jesu pjaha:

–Yuhu mehne macariro cijhto taga –niha.

To ã nichu tiro õ sehe ni yuhtiha Jesure:

–Puhtoro, yu puca to yariachu yasinii wahahtja. ã ya tuhsacu pinihta muhu mehne wahahtja –niha tiro.

⁶⁰ To ã nichu Jesu õ sehe ni yahuha:

–Yuhure cahmaeraina yariaina yoaro seheta jira. Tina sehe yariainare yajaro. ã jicu muhu sehe Cohamacu masare puhtoro to noano suho jiare noaa buheare buhei taga –niha Jesu tirore.

⁶¹ ã yoa paiore Jesure õ sehe niha:

–Puhtoro, muhu mehne wahahtja. Wahmanore yu coyeare coha sitisinii wahahtja –niha tiro Jesure.

⁶² To ã nichu Jesu õ sehe ni yahuha tirore:

–Wachu sahari pjãne tuã puriro mehne dahrariro noari dare saha duara. ã dahrariro to baharo buhusehere majare ñuno, noano potori da saha masierara. (Tó seheta Cohamacu yare yoaro taro, dahrariro tó pano to jia tiare tuaro wacuboca tíre duhu duaeraro, dahrariro to majare ñuno seheta.) ã wacũriro Cohamacu mari puhtoro yare dahraboriro jierara –niha Jesu.

10

Jesu setenta y dos buheinare buhe dutiro warocaha

1 Baharo Jesu paina buheinare setenta y dos buheinare bese, macaripep̄u to wahahto pano warocayuha. Cãa macarip̄ure p̄uaro dihta warocaha tiro. 2 ã warocarõ õ sehe ni yahuha tinare piti dahre buhero:

—Trigo payu ti bucuu tuhsuchu payu jichu dahraa pjíro jira. Wiho mejeta dahraina sehe mahainacã jira. Tó seheta noaa buheare tũhohtina payu jichu pjíro jira mari dahraa. To ã jipachuta mahainacã dahrari masa yoaro seheta noaa buheare buhehtina cãhu mahainacã jira. ã jina noaa buheare buhehtinare painare to warocahtore siniga Cohamacure musa. 3 Wahaga musa. Musare yu warocachu musa oveja pohna yaya watoi ti jiro seheta musa cãhu ñaina suaina watoi jinahca. 4 Niñeru wajure, bujawacũa waju cãhure, dahpo suhtire naaena tjiga. Musa mahai tinina painare boca su durucuena tjiga. Poto wahaga. 5 Jipihtia musa sãa wuhusepu sãahna “Ahri wuhu macaina noano jijaro”, ni muhtaga. 6 Tí wuhu macaina noano mehne jiina cahmachea marieina ti jichu, tíre niga tinare. Noano mehne ti jierachu ñuna tí wuhu macainare ã niena tjiga. 7 Cũ wuhui sãa surucana ti noaina jichu tí wuhuihta tjuaga. Tóti ti duhu payorire chu, sihni-tuga. Dahrainare ti wapataare nano cahmana. ã jina ti wapataare ti nano seheta ti duhu payorire naga musa cãhu. ã jina cũ wuhuihta musa suri wuhuihta jina, tí maca macaa wuhusepu ji tiniena tjiga. 8 Macapure musa suna tó macaina sehe musare ti cahmaina jichu ti chu ti duhu payorire chuga. 9 Tó macaina dohatiinare noaina wahachu yoaga. ã jina õ sehe niga tinare: “Cohamacu mipure mari puhtoro noano to suho jihtore yahuna nija musare”, niga tinare. 10 Pa macapu musa suchu tina sehe musare cahmaeraboca. Ti ã cahmaerachu ñuna tí maca dacho macapu waha, õ sehe niga tinare. 11 “Ahri maca macaa dihta pohcari mene wajã site cuna nija

sãre musa cahmaerari buhiri ñona. ã jina ahrire wacũga. Cohamacu mari puhtoro mipure to noano suho jihtore yahuna nija musare”, niga tinare. 12 Musare potocã niita nija. Sodoma macaina ñabiaina jiha. Ti ã jipachuta pihtiri dacho jichu Cohamacu to buhiri dahreri dacho jichu Sodoma macaina yuhdoro musare cahmaeraina sehere buhiri dahrerohca —niha Jesu.

Paye macari macaina Cohamacure yuhdurucaina jira
(Mt 11.20-24)

13 Baharo Jesu õ sehe niha macari macainare:

—Corazĩ macaina, musa ñano yuhdunahca. Betsaida macaina, musa cãhu ñano yuhdunahca. Musaya macaripure Cohamacu tuua mehne yoa ñomahi. Tiro wama tiri macare, Sidõ wama tiri maca cãhure to tuua mehne yu yoa ñochu ñua tó macaina sehe ti ñaare cahyaboa. ã yoaa “Noaina jija”, ni ti tũhotumari cjirire tũhotu cohtotaboa. Dóihita tina duji, cahyaa suhtire sãa, ti basi niti pohcare ti bui dahra site payoboa ti ñaare cahyaare ñoa. 14 Cohamacu to buhiri dahreri dacho jichu Tiro macaina, Sidõ macaina yuhdoro ñaa buhiri tiina musa jiri buhiri musare ñano waro buhiri dahrerohca tiro. 15 Capernau macaina, musa mu saro manopu waha duamana. Musa ã waha duapachuta musa ñaa buhiri tiina musa jiri buhiri musare Cohamacu pichacapu cohãnohca — niha Jesu.

16 ã ni tuhsu Jesu to buheinare õ sehe ni yahuha:

—Musare tũhoina yuhu cãhure tũhora. Musare cahmaeraina, yuhu cãhure cahmaerara. ã jia yuhure cahmaeraina, tina yuhure warocariro cãhure cahmaerara —niha Jesu tinare.

Setenta y dos buheina tju wihia

17 Baharo setenta y dos buheina wahchea mehne tju wihia:

—Puhtoro, mu wama mehne mu tuua mehne watĩare sã dutichu tina

sehe sãre yãhdurũcaerare –niha tina Jesure.

¹⁸ Ti ã nichũ Jesu õ sehe ni yãhtiha tinare:

–Mũanopũ to oroca site bora taro seheta, watĩno to bora tachũ ñũhi. ¹⁹ Noano tũhoga. Mũsare yũ tuaare wahi yũhũ. ã jina agãare, pichõno soroare, watĩnore marine ñũ tuhtirirore mũsa yãhdurũcahtire wahi yũhũ. ã jia tina mũsare ñano yoa masierara. ²⁰ Yũ ã wapachũta watĩa mũsare ti yãhdurũcaerachũ ñũna tí dihtare wahchena tjiga. Ahri sehene wahchega. Mũanopũ Cohamacũ yaina ti wamare to joa õri tjuĩ mũsa wamare to joa õchũ ñũna, tí sehene wahchega mũsa –niha Jesu tinare.

Jesu wahcheha

(Mt 11.25-27; 13.16-17)

²¹ Tĩ pjare Espĩritu Santo Jesure taro wahchechũ yoaha. ã jiro Jesu õ sehe niha:

–Mai, mũhũ mũanopũ cãhũre yahparũ cãhũre pũhtoro jira. Masi yãhdurũcũ sũinare mũ yahuerari cjirire wiho jiina sehene yahure mũhũ. Mũ ã yoachũ ñũcũ “Noa yãhdũara”, nija. ã tjira, Mai. Mũ yoa duariro seheta, mũ cahmariro seheta tinare mũ yare yahure –niha Jesu.

ã ni tuhsũ painare õ sehe niha:

²² –Yũ Pũcũ jipihtiare yãhũre ware. Yũ Pũcũ dihta yãhũre masina. Yũhũ cãhũ tirore masija. Yũ beserina cãhũ tirore masina, yũ masi dutiina jia. Tõpeinata yũ Pũcũre masija sã –niha Jesu.

²³ To ã niri baharo ti sahsero ti jichũ Jesu to buheinare õ sehe niha:

–Ahri jipihtiare mũsa ñũna wahcheina jira. ²⁴ Potocã tjira. Payũ Cohamacũ yare yahu mũhtaina cjiri, yahpari macaina pũhtoa cãhũ mipũ mũsa ñũrire ñũ duamaha tina cãhũ. ã jia mũsa tũhori cãhũre tũho duamaha –niha Jesu.

Noariro Samaria macariro quitire yahuha Jesu

²⁵ Tĩ pjata judio masare buheriro Jesu cahai wihi, Jesure ñano to durucuchũ yoa duamaha tirore yahusã duaro:

–¿Buheriro, yãhũ jipihtia dachoripe Cohamacũ mehne ji duacũ dohse yoaihcarĩ yũhũ? –ni sinituha tiro Jesure.

²⁶ To ã nichũ Jesu õ sehe ni yãhtiha tirore:

–¿Dohse ni yahujari Cohamacũ yare ti joari pũi? ¿Cohamacũ to ni joari cjirire dohse ni tũhotujarita mũhũ? –niha Jesu tirore.

²⁷ To ã nichũ tiro õ sehe ni yãhtiha:

–Õ sehe niha Cohamacũ: “Tuaro mũsa yajeripohnari mehne, noano mũsa tuaa mehne, mũsa wacũa mehne Cohamacũre cahĩga. ã yoa mũ basi mũ cahĩno seheta mũ cahai jiina cãhũre cahĩga” –niha tiro Jesure.

²⁸ To ã nichũ Jesu õ sehe ni yahuha:

–Quihõno nire mũhũ. Tĩre yoaga. ã yoacũ jipihtia dachoripe Cohamacũ mehne jiihca mũhũ –niha tirore.

²⁹ “Ahriro Cohamacũ dutiare yoa pahñoriro jira”, masa tirore ti ni tũhotuchũ cahmaha judio masare buheriro. ã cahmano tiro Jesure õ sehe ni sinituha:

–¿Yabariro baro jicari yãhũre mũ cahĩ dutiriro? –niha tiro.

³⁰ To ã nichũ Jesu õ sehe ni piti dahre quitĩ mehne yãhtiha:

–Cũ dacho Jerusalẽpũ tariro Jericõpũ wahariro mahai to tinichũ yacaina tirore ñahaha. ã ñahaa, to suhtirore tjuwe na, tirore taro cjãha. ã tuaro cjãa, mahano to yariaro cahachũ waro duhuha tina tirore. ³¹ Tĩ pjata sacerdote tí mahapũ taha. ã taro ti cjãriro cjiroro ñũparota maha pa bũhũsehe dũhtũ cahai do yãhdũ wahcã, yãhdũa wahaha. ³² ã yoa Cohamacũ wãhũi dahrariro cãhũ pjacũoriro cahai sũ, tirore ñũ, maha pa bũhũsehe coai do yãhdũ wahcãa wahaha. ³³ ã yoa Samaria macariro sehe tõi waha, yoa cureropũ pjacũorirore ñũ, tirore pja ñũha. ³⁴ ã pja ñũno, tiro pjacũoriro

cahai su, se, vino mehne morea core to camine pio sihõha. Pio sihõ tuhsu suhtiro cahsaro mehne dũteha to camine. Tuhsu, pjacũrorirore to burro bui duhu payo, carĩni wũhũpũ na sũha tirore. Tõi jiro, Samaria macariro noano ñũ wihboha tirore. ³⁵ Pa dachoi tiro carĩni wũhũ pũrore pũa tũ niñeru tũrire wa, õ sehe niha: “Ahriroro ñũ wihboga. Ahri mũ sũerachũ pari turi tjua tacũ wapa pahũoihtja”, niha Samaria macariro wũhũ pũrore –niha Jesu.

³⁶ ã ni tuhsu judio masare buherirore õ sehe ni sinituha Jesu:

–¿Ahrina tiaro mũa diro sehe jĩjari pjacũrorirore cahĩro? –niha Jesu.

³⁷ To ã nichũ tũhoro buheriro sehe Jesure õ sehe ni yũhtiha:

–Pjacũrorirore yoadohoriro jica tirore cahĩro –niha tiro Jesure.

–Wahaga. Mũhũ cũhũ masare tõ sehetã yoai wahaga –niha Jesu buherirore.

Marta, María cũhũ cahai Jesu tiniha

³⁸ ã yoa Jesu to buheina mehne ti wahachũ, pa macapũ ti tinichũ, Marta wama tiricoro tinare to wũhũi sãa ta dutiha. ³⁹ To bahoro María to dahpori cahai duji, to buheare tũhoha. ⁴⁰ To ã yoachũ ñũno Marta to dahraa pjĩro jichũ suaha. ã jiro ticoro Jesure õ sehe ni sinituha:

–Pũhtoro, ¿yũhũ cũcoro yũ dahrachũ yũhũre yũ baho to yoadohochachũ mũhũre noajari, mũ ñũchũ? Ticorore yũhũre yoadoho dutiga –niha Marta Jesure.

⁴¹ To ã nichũ Jesu õ sehe ni yũhtiha:

–Marta, dahraa pjĩro cũaco pjĩro tũhotura mũhũ. ⁴² Cohamacũ to yare tũho dutira. María noaare yoaro taro tíre cahmahre. ã jicũ yũhũre to tũhochũ “Dahradohoco wahaga”, nieraja ticorore –niha Jesu Martare.

11

Jesu Cohamacũre siniare buheha (Mt 6.9-15; 7.7-11)

¹ Cũ dacho Jesu Cohamacũre sinino niha. To sini tuhsũchũ, cũiro to

buheina mehne macariro tirore õ sehe niha:

–Pũhtoro, João to buheinare to buheriro sehetã Cohamacũre siniare sã cũhũre buhega mũhũ –niha tiro Jesure.

² To ã nichũ tũhoro Jesu tinare õ sehe ni yahua:

–Õ sehe ni Cohamacũre siniga: “Sã Pũcũ, mũhũ ñãa marieriro ã jirucura.

Mipũre jipihtina bui pũhtoro jiga.

³ ã yoa dachoripe sã chũhtire warucuga sãre.

⁴ Paina sãre ti ñãno yoarire sã boja.

ã jicũ mũhũ cũhũ sã ñãa yoarire boga. Tuhsũ, sã ñãare yoa duana sã goa pjachũ ñũcũ tíre sãre yoa duaerachũ yoaga”,

ni siniga Cohamacũre –niha Jesu tinare.

⁵ Baharo Jesu quti mehne to buheinare õ sehe ni buheha:

–Cũiro ñãmi dacho macai to coyeiro ya wũhũpũ waha, tirore õ sehe ni siniha: “Coyeiro tia curi pão curi waga yũhũre. ⁶ Pairo yũ

coyeiro tinino tariro michapucacãta ya wũhũi wihihre. ã yoa tirore yũ

chũa waboa mariaha”, niha tiro to coyeirore. ⁷ To ã nichũ to coyeiro

wũhũ puhichapũ jiro yũhtiha: “Yũhũre cariboi tjiga. Sopa pahma

bihariro jira. Yũhũ yũ pohna mehne carĩna nija. Wahcãno pjaeraca

yũhũre. Mũhũre chũare waboricũ jieraja”, niha to coyeiro. ⁸ ¿Dohse

waharohcari sinirirore? Potocã niita nija mũsare. To coyeiro jiparota,

chũa waboriro wahcã duaeraha. Wahcã duaeraparota chũa siniriro

sehe bũo tiro marieno to yoari pja sinirucuchũ tũhoro jipihtia to siniriro

sehetã warohca. ⁹ ã jicũ ahrire mũsare ni yahui nija: Cohamacũre

siniga. ã sinina mũsa sinirire ñahanahca. Mũsa sinirire bocanahca.

Tirore ã sinirucuga. Mũsa ã yoachũ tiro mũsare warohca. ¹⁰ Jipihtina Co-

hamacũre siniina ti sinirire naahca. ã yoa ti sinirire bocaahca. ã jiro jip-

ihhtina Cohamacũre ã sinirucuinare tiro tinare warohca.

11 ¿Musa pohna musare wahire ti sinichu agã sehere wabocari musa tinare? 12 ¿Musa pohna caraca diecare ti sinichu pichõno soro sehere wabocari musa tinare? Ne wasi. 13 Musa ñaina jipanahta musa pohñare noaare wa masina musa. Ñ yoa Cohamacu sehe musa wari yuhdoro noaare wara musare. Tiro mari Puc̃u m̃ano macariro to Espiritu Santore warohca tirore siniinare –niha Jesu to buheinare.

“Jesu watĩno tuaare cj̃ara”, ni yahusãha masa

(Mt 12.22-30; Mr 3.19-27)

14 Tí pjare Jesu watĩnore cohã wioro niha. Watĩno sehe durucu masierariro jichu yoaha masunore. Ñ jiro watĩno masunore to duhuri baharo masuno sehe durucu d̃caha. To durucuch̃u t̃hoã masa payu c̃aa wahaha. 15 Tí ã c̃apach̃uta paina sehe õ sehe niha:

–Ahr̃iro Jesu watĩare to cohã wioch̃u Beelzebú wama tiriro watĩa p̃h̃toro sehe tirore yoadohora –niha paina.

16 Paina “¿Jesu Cohamacu to warocariro j̃jari?” ni masi duaa tirore Cohamacu tuaa mehne yoa ño dutimaha. 17 Tí ã dutich̃u t̃horõ “Watĩno tuaa mehne watĩare cohã wiora”, ni ti t̃hotuare masino, tinare õ sehe ni yahuha Jesu:

–Watĩno ya tuaa mehne watĩare cohã wioi nieraja. C̃u maca macaina ti basi cahma wajãa, tí maca macaina yaria pihtia wahara. Ñ jia c̃u w̃h̃u macaina ti basi cahmachea, tí w̃h̃u macaina waha pihtia wahara. 18 Ñ yoa watĩno yaina watĩa ti basi cahmachea, tina watĩa c̃h̃u waha pihtia wahaboa. C̃u curua ji masieraboa. Musa yuh̃are õ sehe nina. “Tiro watĩno tuaa mehne watĩare cohã wiora”, musa yuh̃are nina nica. 19 ¿Yuh̃are musa niri potocã jichu musa mehne macaina watĩare cohã wioa, watĩno tuaa mehnetã cohã wiojari tina c̃h̃u, musa ñuch̃u? Musa mehne macaina watĩare cohã wioa, watĩno tuaa mehne cohã wioa nierara. Ahr̃ire masina watĩno to tuaa

mehne watĩare yu cohã wioerachu masinahca musa. 20 Ñ jicu yuh̃u sehe watĩare cohã wioch̃u Cohamacu tuaa mehne cohã wioja. Ahr̃ire masina, Cohamacu musa p̃h̃toro to noano s̃ho ji d̃caare masinahca musa.

21 Tuar̃iro to wamoa mehne to wuh̃are to ñu wihboch̃u to yare paina na masierara. 22 To ã ñu wihbopach̃uta paio tua yuhd̃ar̃iro tiro mehne cahmache, tirore yuhd̃ar̃uca, to wamoare manoca, to yare manocahna. (Õ sehetã yoa yuhd̃ar̃ucaro cahmana watĩare.) 23 C̃ũiro yuh̃are cahmaeraro, yuh̃are ñu tuhtiriro jira. C̃ũiro yuh̃are yoadohoeraro yuh̃are ñano yoaro nina –ni buheha Jesu.

Watĩno pari turi masunore to sãari quitire yahuha Jesu

(Mt 12.43-45)

24 Ñ yoa to t̃hotua mehne õ sehe ni piti dahre buheha tinare:

–Watĩno masunore duhuro tiro co marieni yahpai tinino, to sohto cj̃h̃tore macamaha. Bocaeraro, õ sehe ni t̃hotuha: “Masuno yu duhuriro mehne pari turi j̃i wahaihtja”, ni t̃hotuha tiro. 25 Ñ nino tiro t̃jua waha, masunore bocaha. Ñ to bocach̃u masuno sehe noariro jimaha. 26 Tuhsu, watĩno paina siete watĩare tiro bui ñaa yuhd̃ainare nano wahaha. Na wihi, tina j̃ipihtina watĩa masuno mehne jiha. Ñ jiro masuno sehe tó pano c̃ũiro watĩnore cj̃aro, ñar̃iro jimaha. Mip̃u sehere payu watĩa ti cohtotariro jiro, tó pano to j̃iriro yuhdoro ña yuhd̃ar̃iro jiha –niha Jesu.

Jesu wahcheare yahuha

27 Tíre to ã nich̃u masa watoj̃iricoro numino Jesure õ sehe ni yahuha:

–Muh̃are pohna tiricoro, muh̃are p̃uricoro wahchericoro jira –niha Jesure.

28 To ã ni tuhsuch̃u t̃horõ Jesu ticorore õ sehe ni yuhtia:

–Cohamacu durucuare t̃hoina to dutiare yoaina tina t̃jica wahcheina –niha Jesu ticorore.

Masa ñaina Jesure Cohamacu tuaa mehne yoa ño dutiha

(Mt 12.38-42; Mr 8.12)

²⁹ Ñ yoa payu masa Jesu cahai ti wihichu, tiro tinare õ sehe ni yahu namoha:

—Mipú macaina nu ñaina jira. Cohamacu tuaa mehne yu yoa ñochu ñu duamana. Ti ã ñu duapachuta Jona panopu macariro Cohamacu tuaa mehne to yoari dihtare ñonohca Cohamacu tinare. ³⁰ Jona Cohamacu yare yahu muhtariro jiro, tiro Nínive macainare Cohamacu yare to masichu yoariro seheta yuhu masuno Cohamacu warocariro masichu yoaja mipu macainare. ³¹ Buhiri dahrehti dacho jichu puhtorocoro sur macaricoro panopu macaricoro ducu, mipu macainare “Ñaina jira”, ni yahusãnohca ticoro. Ticoro Salomo panopu macariro to masiare tũho duaro yoaropu ahri yahpa pa shepú jiricoro Salomore tũhoro taha. Ñ yoaro noano yoaro niha mipu macaina yũdoro. Ñ jiro ticoro yahusãnohca mipu macainare. Ñ nicu musare potocã niita nija. Mipú musare yu buhea Salomo to buheri yũdoro jira. ³² Buhiri dahrehti dacho jichu Nínive macaina cãhu ducu, mipu macainare “Ñaina jira”, ni yahusãahca tina. Jona tinare Cohamacu yare to yahuchu tũhoa, ti ñaare tũhotumarire tũhotu cohtota Cohamacure cahmaha tina sehe. Ñ cahmaa noano yoaa niha mipu macaina yũdoro. Ñ jia tina cãhu mipu macainare “Ñaina jira”, ni yahusãahca. Musare potocã niita nija. Mipú musare yu buhea Jona to buheri yũdoro jira —ni yahuha Jesu.

Masa ti tũhoturo seheta yoara

(Mt 5.15; 6.22-23)

³³ Ñ ni yahu tuhsu, piti dahre buhero õ sehe ni yahu namoha tinare:

—Masa sihãriare sihãa nuoerara. Tiare sihãa dihi biato docapu duhu dapoerara. Tiare mũanoi duhu payora wũhupu sãa taina ti noano

ñu sãahto sehe. ³⁴ Sihãria to noano buhriachu mari noano ñu masino seheta noaare tũhotua mehne noaare yoa masinahca mũsa. Mũsa tũhoturo seheta yoara mũsa. Noaare tũhotuna noaare yoara mũsa. Noaare tũhotuerana ñaare yoara mũsa. ³⁵ Ñ jina noano yoaga. Mũsa tũhotuapu ñaa jiero tjijaro. Ñaare goa pjaena tjiga. ³⁶ Tuhsu mũsa tũhotuapu noaa jichu, ñaa ne mariachu noaa dihtare tũhotunahca —ni buheha Jesu.

Fariseo curua macaina, judio masare buheina cãhare Jesu tuhtiha

(Mt 23.1-36; Mr 12.38-40; Lc 20.45-47)

³⁷ Jesu to buhe tuhsuchu ñu fariseo curua macariro tirore to ya wũhupu chu dutiro pjiha. Ñ jiro Jesu tiro ya wũhupu sãa su, ti churoi tina mehne nuju sũha. ³⁸ To ã nuju sũchu fariseo curua macariro sehe Jesure ñu mũnũno judio masa ti wamo cosarucuro seheta to wamo cosaerachu ñũno õ sehe ni tũhotuha: “Cue nah. ¿Ahriro dohsearo wamo cosaerajari mari yoaro sehe?” ni tũhotuha. ³⁹ To ã ni tũhotuchu masino Jesu tirore õ sehe ni yahuha:

—Mũsa fariseo curua macaina sihnia wahwarire, wapari cãhare bui sehe dihtare mũsa cosaro seheta noaare yoa ñona mũsa buicã warohna. Ñ yoapanahca Cohamacu yare quihõno yoerara. Paina yare maina jina, ñaa dihtare tũhotura mũsa. ⁴⁰ Tũho masieraina jira mũsa. Cohamacu mũsa pjacũre yoariro mũsa tũhotuhti cãhare yoaha. ¿Tĩre masierajari mũsa? ⁴¹ Ñ jina mũsa yare pjacũoinare waga mũsa. Mũsa ã yoana noaare tũhotuina jinahca.

⁴² Mũsa fariseo curua macaina ñano yũhdũnahca. Moa yoaro sehe jiare chũare coachu yoare cũana mahanocã wamana mũsa. Cohamacure ño payona tana sacerdoteara wamana mũsa. Ñ wapanahta noaare yoerara mũsa. Ñ jina masare pja ñũerara mũsa. Ñ yoa Cohamacure ño payoerara mũsa. Toaa dichacãre mũsa narire mahanocã Cohamacure

musa wachu noa nina. ã wana õ sehe yoa namoga: Noaare yoaga. ã yoa pja ñuga musa masare. Tuhsu, Cohamacu ño payoga musa.

⁴³ 'Musa fariseo curua macaina ñano yuhduhca. Buheri wuhupu jina, noaa dujia dihtare duji duara musa. Pache duaropu masa musare puhtoare noano ño payo ti sinino sehe ti piti bocasinichu cahmana musa.

⁴⁴ 'Ñano yuhduhca musa. Masa copa nuori copa yoaro sehetã jira musa. Tí copa cahai masa jia, puhicha macariro baarirore ñuerara tina. Tó sehetã masa musa cahai jia, musa tuhotuapu ñaa jiare masierara tina –niha Jesu tinare.

⁴⁵ To ã nichu tuhoro judio masare buheina mehne macariro Jesure õ sehe ni yahuha:

–Buheriro, tíre nicu sã cãhure ñano nii nica mahu –niha tiro Jesure.

⁴⁶ To ã nichu Jesu õ sehe ni yuhtiha:

–Potocã tjira. Judio masare buheina musa cãhu ñano yuhduhca. Musa painare ti bihoeraare yoa dutira tinare. ã dutipanahta musa sehe tinare ne mahanocã yoadoherara tí dutiare ti yoahito sehe.

⁴⁷ 'ã jina musa ñano yuhduhca. Cohamacu yare yahu muhtaina panopu macaina tí masa coparire noano cahnomana musa tinare ño payoro sehe yoana. Musa ã yoapachuta panopu macaina musa coyea sehe tinare wajãha. ⁴⁸ Tina sehe Cohamacu yare yahu muhtaina cjirire tí wajãriro sehetã musa cãhu yoaboa. ã jina mipure tí masa coparire cahnomana musa. ã cahnona musa coyea tinare tí wajãri cjirire wacũ bajuro wana nica musa. ã tí wajãrire wacũna “Noa nina”, nina nica musa.

⁴⁹ 'Cohamacu to masia mehne õ sehe ni yahuha: “Yu yare yahu muhtaina cãhure yu buhe duti cãrina cãhure warocaihtja tinare. ã jia tina yu warocainare painare wajã,

painare ñano yoahca”, niha Cohamacu. ⁵⁰⁻⁵¹ Ahri yahpare Cohamacu to bajuamehneri baharo Caí sehe Abere wajãha. Tuhsu, Cohamacu yare yahu muhtaina cjirire Abe baharo jiina cãhure ñaina wajãha. Baharo Zacariare Cohamacu wuhui Cohamacu ño payori mesa cahai musa coyeata wajãha. Jipihtina tinare tí wajãri buhiri mipu macainare Cohamacu buhiri dahrerohca. ã tjira. Musareta nii nija. Jipihtina tinare tí wajãri buhirire mipu macainare Cohamacu buhiri dahrerohca.

⁵² 'Musa judio masare buheina, ñano yuhduhca. Cohamacu masiare tí joaa pãrine cãpanahta painare yahuerara musa. Musa basi Cohamacu yare tuhoerara. Tuhsu, paina to yare tí tuho duapachuta tíre musa tinare tuho dutierara –niha Jesu tinare.

⁵³⁻⁵⁴ To ã nichu tuhoa judio masare buheina fariseo curua macaina cãhu tiro mehne sua tirore ñano ni durucuha. ã jia Jesu to ñano ni yuhtichu tuho duaa, tina payu mahño cã sinitu ñumaha tirore, tirore yahusã duaa.

12

Fariseo curua macaina tí ã mahñorucurire Jesu yahuha

¹ ã yoa Jesu cahai masa payu cahmachua, bihsa yuhduhca. Tóí Jesu to buheinare õ sehe ni yahu dũcaha:

–Noano wacũ masiga musa. Fariseo curua macaina tí pão bucuarore ñuna noano wacũ masiga. Tí mahñorucurire nii nija “Pão bucuaro”, nicu. ² Jipihtia ñaare paina tí masierari cjirire baharo masiahca. ³ ã yoa ñamipure tí pjiroca durucuri cjirire buhriaroi to bajuro waro sehetã masiahca jipihtina. Bihari tahtiapu pairore yaroca tí nimari cjirire masa payu masiahca –ni yahuha Jesu.

Masa tí cuihtirore yahuha Jesu (Mt 10.28-31)

⁴ ã ní tuhsu Jesu õ sehe ní yahu namoha tinare:

—Potocã niita nija m̄sare. Masa wajãina wajã tuhs̄u pari turi ti wajãrina cjirire ñano yoa namo masierara. ã jina m̄sare wajã duainare cuiena tjiga. ⁵ Mip̄ure m̄sa cuihtirore m̄sa ño payohtirore yahuihtja. Cohamac̄u sehere cui, ño payoga. Tiro m̄sa yariari baharo pichacap̄u cohã masina m̄sare. ã tjira. Potocã nii nija. Cohamac̄u sehere cui, ño payoga.

⁶ 'Cinco siripia wapa mariaha. Ti ã wapa mariapach̄uta cãirocãre Cohamac̄u ne boerara. ⁷ ã yoa m̄sa pjoarire ne cã pjoa da d̄hsaro marieno masi pah̄õna Cohamac̄u. Tó sehetã m̄sa jia tia c̄h̄ure masi pah̄õna Cohamac̄u. ã masino m̄sare ñ̄u wihborucura. Siripiare to cah̄õno ȳhdoro m̄sa sehere cah̄õna Cohamac̄u. ã jina tirore ño payona cuiena tjiga m̄sa —niha Jesu.

Jesu yaina m̄sa jiare yahuga masare
(Mt 10.32-33; 12.32; 10.19-20)

⁸ ã yoa Jesu õ sehe ni yahu namoha: —M̄sare niita nija. Cãiro “Jesu yairo jija”, masare to nich̄u ñ̄uch̄u, ȳh̄u mas̄no Cohamac̄u warocariro “Tiro ȳu yairo jira”, ni yahuihtja Cohamac̄u yaina anjoare. ⁹ Cãiro “Jesu yairo jija”, masare nierariro sehere ȳh̄u “Tiro ȳu yairo jierara”, ni yahuihtja Cohamac̄u yaina anjoare.

¹⁰ 'Cãiro ȳh̄ure ñano to ni durucuch̄u tí ñ̄aa buhirire Cohamac̄u bo masina. ã boparota cãiro Esp̄iritu Santo sehere to ñano ni durucuch̄u tí ñ̄aa buhirire ne Cohamac̄u bosi.

¹¹ 'Mari judio masa buheri w̄h̄up̄u p̄h̄toa cahai paina m̄sare na sãa yahusãahca. Ti ã yahusãch̄u m̄sa ni d̄catahti cjihtire “Cue, masieraboca”, ni t̄hotuena tjiga. ¹² Tí pjaihta Esp̄iritu Santo m̄sa yahuihtja cjihtire yahurohca —niha Jesu.

Pache p̄uro quitire yahuha Jesu

¹³ ã yoa masa mehne macariro Jesure õ sehe ni yahuha:

—Buheriro, sã p̄uc̄u to yariari baharo to ya cjiri sãre tjuara. ã jic̄u

ȳu wahmine tíre ȳh̄u c̄h̄ure quih̄õno tju wa dutiga —niha tiro Jesure.

¹⁴ To ã nich̄u Jesu õ sehe ni ȳh̄uhtia:

—Ne tí barore tju waboric̄u jieraja ȳh̄u —niha Jesu tirore.

¹⁵ ã ni tuhs̄u Jesu jipih̄tinare õ sehe ni yahuha:

—Noano yoaga m̄sa. Pachere, paye baro c̄h̄ure cah̄õna tjiga. Paȳu c̄h̄apanah̄ta tí mehnetã wahche tuhs̄eraja mari —niha Jesu.

¹⁶ ã ni tuhs̄u Jesu q̄uiti mehne õ sehe ni yahuha tinare:

—Pache p̄uro noari yahpare c̄h̄aha.

ã jia tí yahpap̄u to toaa noano dichã tiha. ¹⁷ ã jiro tiro to basi õ sehe ni t̄hotumaha: “Dichã wihboa w̄h̄use ne m̄ s̄erara. ¹⁸ Mip̄ure õ sehe yoaihtja: Mip̄u ȳu wihboa w̄h̄usere cohãnocã, m̄na w̄h̄use cjiri ȳhdoro wahma w̄h̄use yoaihtja. Tí w̄h̄usei ȳu toaa dichare, jipih̄tiare ȳu yare wihboihtja. ¹⁹ Ȳu ã yoari baharo, õ sehe ni t̄hotuihtja ȳu basi: ‘Ȳh̄u jiap̄e c̄h̄ariro jija. Noano soihtja. ã jic̄u ch̄u, sihni, wahcheihtja’, ni t̄hotuihtja ȳu basi”, ni t̄hotumaha tiro. ²⁰ To ã ni t̄hotuch̄u Cohamac̄u tirore õ sehe ni yahuha: “M̄h̄u ne t̄ho masierariro jira. Michã ñamihta m̄h̄u yariaihca. M̄ ã wahach̄u m̄ ya m̄ cah̄õri butia wahaahca”, niha Cohamac̄u tirore —niha Jesu masare.

²¹ Tíre nino, masare õ sehe ni yahuha Jesu:

—ãta wahaahca pache p̄ua Cohamac̄ure wac̄eraina. Paȳu pachere, niñerure to ya cjihti dihtare wihboriro, Cohamac̄ure wac̄eraro tiro pjac̄oriro jirohca, Cohamac̄u to ñ̄uch̄u. ã jiro Cohamac̄u tirore ñ̄u jicoerara —niha Jesu.

Cohamac̄u to poh̄nare ñ̄u wihbora
(Mt 6.25-34)

²² ã yoa Jesu to buheinare õ sehe ni yahuha:

—Ahr̄ire m̄sare nii nija: M̄sa ch̄uht̄i cjihtire, m̄sa suht̄i sãaht̄ire pj̄iro cahya t̄hotuena tjiga. ²³ Cohamac̄u m̄sare bajuameh̄neno, ch̄uht̄ina cjihti dihtare yoeraha m̄sare.

Tuhsu, suhti sãahtina cjihti dihtare yoeraha tiro musare. ²⁴ Minichahca perire Cohamacu to ñu wihboare masiga. Tina weseri maeraina jira. Å jia chũare ti wihboa wũhũse tinare mariahna. Ti å jiina jichu ñũno tinare Cohamacu ti chũhtire wara. Minichahca yũdoro musa sehere cahĩna Cohamacu. ²⁵ Pjĩro musa tũhotua mehne cũ hora waro musare cati namochu yoa masierara musa. Å jiro musa pjĩro tũhotua yaba cjihti jierara. ²⁶ Å yoa pjĩro musa tũhotua ti yaba cjihti jierapachũta dohse yoana musa chũhtire, musa sihnihtire, musa sãahtire pjĩro cahya tũhotujari?

²⁷ Macaroca macaa cohore tũhotuga. Ti cohoru ti basi suhtire yoerara. Å yoerapahta noaa suhti tiina yoaro sehe noaa bajura tí cohoru. Salomo cjiro noaa suhtire sãariro to jipachũta tí cohoru sehe tiro yũdoro noabaa cohoru waro jira. ²⁸ Cohore noaa cohoru yoara Cohamacu sehe. To å yoapachũta cohoru sehe mahaa dachoricã jirucuma ñai boraa wahara. Mahanocã ji, pa dachoi pichacapũ jũa wahara. Ti å jipachũta cohore noaa cohoru jichu yoara Cohamacu. Å jiro Cohamacu cohore to noaa cohoru to yoariro yũdoro musa cũhũre noano yoarohca. Suhtire warohca. Mahanocã Cohamacũre wacũ tuara musa. ²⁹ Å jina musa chũhtire, musa sihnihtire pjĩro cahya tũhotuena tjiga. ³⁰ Cohamacũre cahmaeraina sehe ahri yahpa macaina sehe tíre å macarucua nina. Mari Pũcu mũano macariro jipihtia musa cahmaare masina. To å masichu pjĩro cahya tũhotuena tjiga. ³¹ Cohamacu musa pũhtoro to jihto cjihtore cahma mũhtaga. Jipihtia paye baro yũdoro tirore cahmaga musa. Mũsa å yoari baharo Cohamacu sehe musa cahmaa dũhsachu warohca –ni yahu namoha Jesu.

*Mũanopũ mari payũ cjuũ masija
(Mt 6.19-21)*

³² Å ni tuhsu, tinare õ sehe ni yahu namoha:

–Yũ cahĩina, mahainacã jipanahta, cuiena tjiga musa. Cohamacu musa pũhtoro to noano sũho jiropũre tiro mehne musa jichu cahmana tiro. ³³ Å jina musa yare dua pahũoga. Tíre duanoca tí niñerure na, pjacũoinare waga. Tó sehe musa yoachu mũano macaa musa wapataa ne pihtisi. Mũanopũ musa ya jia ne pihtierara. Tópũre musa yare na masierara yacariro. Å yoa machu cũhũ tíre tũa masierara. ³⁴ Mũanopũ musa ya jichu mũano macaa dihtare tũhotunahca musa –niha Jesu.

Jesu to tjua tahtore cohta dutiha to yainare

³⁵⁻³⁶ Å ni tuhsu tinare õ sehe ni yahu namoha:

–Mũsa yare cahnoyu tuhsuina yoaro sehe yũ yare å yoarucuina jina cohtaga yũhũre. Dahra cohtaina ti pũhtoro wamomaca dũhteri bese nũmũpũ to wahachu to tjua tahtore tina cohtara. Tina ti å cohtariro seheta yũ tjua tahtore cohtaga musa cũhũ. Pũhtoro to wũhũpũ wihi, sopacare to dotachu tũhoa tina dóihta pjõo sõhna tirore. ³⁷ Dahra cohtaina ti pũhtoro to wihichu to cahmano seheta yoarucuina jia, wahcheina jahca. Ti å yoachu ñũno pũhtoro sehe dahra cohtariro yoaro sehe cohtotarohca. Å yoaro dahra cohtainare duji dutiro, tiro ti chũare duhu payorohca. ³⁸ Tiro to wihihiti pja ñami dacho macapũ, o bohrearopũ to jipachũta dahra cohtaina sehe to wihihiti pjare tirore noano cohtaina jia, wahcheina jahca tina. ³⁹ Ahrire wacũga musa. Yacariro wũhũpũ to wihihito pano tí wũhũ pũro masierara. Wũhũ pũro yacariro to wihihitore masino, tiro yacarirore sãa dutieraboa. Å jiro wacũenoca tara yacariro. ⁴⁰ Å jina musa cũhũ cohtaga. Yũhũ masũno Cohamacu warocariro wacũenoca taihca. Å jina yũ yare å yoarucuina jina cohtaga musa –niha Jesu tinare.

Dahra cohtariro to p̄htorore ño payorirore, ño payoerariro c̄hure yahuha

(Mt 24.45-51)

⁴¹ To ã nich̄ Pedro sehe ò sehe ni sinituha Jesure:

—¿Ahri quitire yahuc̄ sãre nii nijari? ¿O jipihtinare ã nii nijari? —niha Pedro.

⁴² To ã nich̄ Jesu to t̄hotua mehne ò sehe ni piti dahre buheha tinare:

—Dahra cohtariro to p̄htorore ño payoriro t̄ho masiriro ò sehta jira. P̄htoro tinino waharo, dahra cohtarirore to w̄hure c̄na. To c̄n̄iro sehe dutiriro jirohca. ã jiro tiro ch̄ri p̄ja jich̄ paina dahra cohtainare ch̄are witira. ⁴³ Baharo p̄htoro to wihich̄ dahra cohtariro sehe to p̄htoro to dutiriro sehta yoa pah̄n̄oriro jiro, tiro wahcheriro jirohca. ⁴⁴ Potocã niita nija m̄sare. To ã yoach̄ to p̄htoro jipihtia to yare ñ̄ wihboriro c̄nohca tirore.

⁴⁵ To ã c̄pach̄ta dahra cohtariro “Ȳ p̄htoro yoari p̄ja bajuerara”, niboca. ã nino paina dahra cohtainare m̄are, numia c̄hure c̄jãpe, paȳ ch̄, sihni, cahaboca. ⁴⁶ To ã yoari baharo wac̄enoca to p̄htoro wihrohca. ã wihiro tirore ñano buhiri dahrerohca. ã jiro Cohamac̄ure ȳhd̄m̄cainare to coh̄rirop̄ tirore coh̄nohca.

⁴⁷ ã yoa dahra cohtariro to p̄htoro cahmaare masiriro jiparota tíre to yoerach̄, tiro to noano dahraerach̄ to p̄htoro sehe tirore yuta da mehne tuaro tjananohca. ⁴⁸ Pairo sehe dahra cohtariro to p̄htoro cahmaare masierariro jiro to noano yoerach̄ ñ̄no to p̄htoro sehe p̄jiroca dero tirore tjananohca. Cohamac̄ to cahmaare masich̄ yoara masare. ã jiro masirirore ȳhtiro cahmana. Tuhs̄, noano masirirore noano ȳhtiro cahmana —niha Jesu.

Jesu masare cahma tju wach̄ yoara

(Mt 10.34-36)

⁴⁹ ã ni tuhs̄ Jesu tinare ò sehe ni yahuha tjoa:

—Pichaca to j̄wero sehta ȳh̄ ahri yahpap̄are Cohamac̄ tirore cahmaerainare to buhiri dahrehtore tinare masich̄ yoai tai nii. Mip̄ pinihta tíre ti masich̄ tuaro cahmaja ȳh̄. ⁵⁰ Ȳh̄ ñano ȳhd̄h̄ca. Ȳ ã ñano ȳhd̄htire cohtac̄, ñano yajeripohna tija ȳh̄. ⁵¹ ¿Dohse ni t̄hotujari m̄sa ȳh̄ure? “Tiro masare to buheri baharo paina tinare ñ̄ tuhtisi”, ¿ni t̄hotujari m̄sa ȳh̄ure? ã jierara. Masare ȳ buheri baharo c̄ina ȳ yare t̄hoahca. Paina sehe tinare ñ̄ tuhtiahca. C̄no potori waro jisi masa. M̄sare nii nija. Masa ȳ buheare t̄hoa, p̄a curua cahma tju waahca. ⁵² Mip̄re c̄ w̄h̄ macaina cinco masa ȳ buheare t̄hoa, p̄a curua ti basi cahma tju waahca. C̄ curua tiaro, pa curua p̄aro jiahca. ⁵³ To p̄c̄ro to mac̄nore ñ̄ tuhtirohca ȳ yairo to jiri buhiri. Tuhs̄, paio mac̄no c̄h̄ to p̄c̄rore ñ̄ tuhtirohca to p̄c̄ro ȳ yairo to jiri buhiri. ã yoa to pocoro to maconore ñ̄ tuhtirohca ȳ yacoro to jiri buhiri. Tuhs̄, pacoro macono c̄h̄ to pocorore ñ̄ tuhtirohca to pocoro ȳ yacoro to jiri buhiri. ã yoa to marechono to mac̄ namonore ñ̄ tuhtirohca ȳ yacoro to jiri buhiri. Tuhs̄, pacoro mac̄ namono c̄h̄ to marechonore ñ̄ tuhtirohca ȳ yacoro to jiri buhiri. ãta waharohca, ȳ buheare ti t̄hoch̄ —niha Jesu.

Noari dacho c̄ihtore, ñari dacho c̄ihtore masa ti masiare yahuha Jesu
(Mt 16.1-4; Mr 8.11-13)

⁵⁴ ã yoa Jesu masare ò sehe ni yahuha tjoa:

—Ahrie seh̄p̄ coro siterire ñ̄na, dóihta “Coro tarohca”, nina m̄sa. M̄sa ã niri baharo coro tara. ⁵⁵ ã yoa surp̄ wihnono tach̄ “Siri dacho jirohca”, nina m̄sa ahri yahpai jiina. M̄sa ã niri baharo dacho sira. ⁵⁶ M̄sa mah̄operucuina jira. M̄sa ahri yahpare m̄ano c̄h̄re ñ̄na, noari dacho c̄ihtore, ñari dacho c̄ihtore c̄h̄re masina m̄sa. ¿ã jina mip̄ mac̄a dachorire

masipanahta dohseana ahri yahpa macaina mipure musa dohse wahah-tore masierajari musa? —niha Jesu.

Musare ñu tuhtiro mehne musa cahmacherire cahma pjãga

(Mt 5.25-26)

⁵⁷ Ñ ni tuhsu õ sehe ni yahu namoha:

—¿Muhu quihõno mu yoah-tire masierajari muhu mipu? ⁵⁸ Pairo muhare yahusãno waharo buhiri dahre dutiri wuhupu waha dutiboca. Tõpu wahana “Pari turi muhare ã yoasi”, nicu cahma pjãga. Mu ã cahma pjãerachu tiro buhiri dahre dutiriro cahapu naaboca muhare. Tuhsu, buhiri dahre dutiriro sehe muhare surarare to wachu, muhare surara peresu yoahca. ⁵⁹ Muhare nii nija. Tõpu jisinihca muhu. Pu ti wapa dutirire mu wapa pahõoipuwijaaihca muhu —niha Jesu.

13

“Noainajija”, ni musa tuhhotumarine tuhohu cohtota, Cohamacure cahmaga

¹ Tí pjare mahainacã masa Jesure õ sehe ni yahu tiha:

—Galilea macaina wahiquirore wajã jã muo Cohamacure ti ño payoro watoí Pilato sehe tinare wajãha. To ã wajãchu wahiquiro di mehne masa di moreha —ni yahuha tina Jesure.

² Ti ã ni yahu tuhsuchu Jesu õ sehe ni yahuha:

—¿Galilea macaina Pilato to wajãrina cjirire dohse ni tuhohujari musa? ¿Ti ã yariachu paina Galilea macaina yuhdoro ñaina ti jiri buhiri ã yoa dutiri Cohamacu tinare, musa tuhohuchu? ³ Jierara. Musare niita nija. MUSA sehe “Noainajija” ni, mUSA tuhohumari cjirire tuhohu cohtotaerana, Cohamacure cahmaerana, mUSA cãhu yariana pichacapuwahanahca. ⁴ Ñ yoa sohõ jirina diez y ocho masa Siloé wama tiri wuhu muari wuhu ti bui bora pja wajã pahõoha. ¿Ñ waha yariaa, paina Jerusalẽ macaina yuhdoro ñaina jiri tina, mUSA tuhohuchu? ⁵ Jierara. Musare niita nija. MUSA ñaa tuhohumari cjirire

tuhohu cohtotaerana, Cohamacure macaerana, mUSA cãhu yarianahca. Ñ jina pichacapuwahanahca —niha Jesu tinare.

Higueracu dicha mariedu quitire yahuha Jesu

⁶ Ñ ni tuhsu quiti mehne piti dahre yahuha tinare:

—Wese puro to wesepu higueracure cjaha. Ñ jiro tiro tu dichare macano wahamaha. Bocaeraha. ⁷ Bocaeraro tiro wese dahrarirore yahuha. “Tuhoga yuhare. Tia cãma waro higueracu dichare macamaja. Dicha mariahna. Tu dicha mariachu tare cã cohãnocahga. Tu yu wesei jichu padure yuhu toa masieraja. Yu wesei jiri yahpa macaare wiho waro nana tu”, niha wese puro tirore dahra cohtarirore. ⁸ To ã nichu tuhoro dahra cohtariro õ sehe niha: “Puhtoro, ahdu cã cãma waro ducusinijaro. Tu dahpotoi yuhu sahaihtja. Tuhsu, wahiquiro tu mehne tí copare yaihtja. ⁹ Yu ã yoari baharo tu pa cãmai dicha tiboca. Tu dicha tierachu muhu cã cohã dutiuhca”, niha dahra cohtariro wese purore —ni yahuha Jesu.

Sabado dachoi Jesu dohatiricorore noaricoro wahachu yoaha

¹⁰ Tí pjare Sabado dachoi Jesu judio masa buheri wuhu buhero niha. ¹¹ Tóí watino to cohtotaricoro jiha. Watino sehe diez y ocho cãmari waro dohatichu yoaha ticorore. Ñ jiro pari muti ducuricoro jiro, potu ducu masieraha. ¹² To ã jichu ñuno Jesu ticorore ñu, õ sehe ni pisuha:

—Numino, mu dohatia pihtia wahahre —ni pisuha Jesu.

¹³ To ã pisuri baharo ticorore to ña payochu dóihita ticoro noano potu ducuricoro wahaha. Ñ waharo “Cohamacu tuariro, noariro jira”, ni ño payoha ticoro. ¹⁴ Jesu ticorore Sabado dachoi to noaricoro yoachu ñuno judio masa buheri wuhu puhtoro sehe tiro mehne suaha. Ñ suaro tiro masare õ sehe niha:

–Seis dachori jira mari dahraa dachori. Ñ jina m̄sa dohatiinare noaina wahach̄u yoa duana, tí dachore tíre yoaga. Sabado dachore mari sori dachore tíre yoaena tjiga – niha w̄h̄u p̄h̄toro.

¹⁵ To ã nich̄u Jesu õ sehe ni ȳh̄tiha:

–M̄sa ã mah̄ñorucuina jira. M̄sa wach̄ure, burro c̄h̄ure c̄jana Sabado dachoi ti d̄h̄teri dare pjã, tinare na buha, sihni dutiboa. ¹⁶ Mip̄u ahricorore Abrahã c̄joro coyeacorore wat̄no diez y ocho c̄h̄mari waro ticorore dohatich̄u yoahre. ¿Sabado dachoi ticorore noaricoro wahach̄u yoa dutierajari m̄sa? –niha Jesu.

¹⁷ To ã nich̄u t̄h̄oa, tina b̄oro waha. Ñ jia paina sehe jipihtina Jesu yoarire ñ̄na, wahcheha.

*Mostaza yapa quitire yahuha Jesu
(Mt 13.31-32; Mr 4.30-32)*

¹⁸ Ñ yoa Jesu quiti mehne piti dahre buheha masare:

–¿Ne Cohamac̄u masa bui p̄h̄toro to noano s̄ho jia yaba baro yoaro sehe jijari, m̄sa t̄hotuch̄u? Ahri quiti mehne tíre p̄h̄toro to s̄ho jiare yahuihtja ȳh̄u. ¹⁹ Mostaza yapacã yoaro sehe jira. Tí yapacãre toari mas̄no to wesei toaha. To toari baharo tí yapacã duha. Ñ jia t̄u b̄uc̄h̄ach̄u minichahca peri t̄u d̄p̄rip̄u suhti suhaha. (Tó seheta m̄ano macarirore mari p̄h̄torore masiina mahainacã ti ji m̄h̄tapach̄uta baharop̄u tina payu wahaahca) –niha Jesu.

*Pão b̄uc̄h̄aro quitire yahuha Jesu
(Mt 13.33)*

²⁰ Ñ ni tuhs̄u, pari turi Jesu õ sehe ni piti dahre buheha:

–¿Ne Cohamac̄u masa bui p̄h̄toro to noano s̄ho jia yaba baro yoaro sehe jijari, m̄sa t̄hotuch̄u? ²¹ Pão b̄uc̄h̄aro yoaro sehe jira. Tíre numino cã wajuru trigore co mehne noano tíre dahra morena pão b̄uc̄h̄ahtore. To ã yoach̄u pão b̄uc̄h̄aro sehe trigore noano sahser̄uc̄u s̄ra. (To sahser̄uc̄u s̄ro seheta m̄ano macarirore mari

p̄h̄torore payu masa masiahca) – niha Jesu.

Mahari sopacacã quitire yahuha Jesu

(Mt 7.13-14, 21-23)

²² Ñ yoa Jesu b̄uj̄ua macarip̄u, daa macaricãp̄u c̄h̄ure buhe wahcã, Jerusalẽp̄u s̄ro taro niha. ²³ To ã waharo watoi c̄uro Jesure õ sehe ni sinituha:

–P̄h̄toro, ¿mahainacã masare pichacap̄u wahaborinare ȳhdorohcari Cohamac̄u? –ni sinituha tiro Jesure.

To ã nich̄u Jesu piti dahre buhero õ sehe ni yahuha:

²⁴ –Payu masa Cohamac̄u cahap̄u waha duaa, sãa duamana. Mahari sopacacãre m̄sa sãa duach̄u mijo curera. Tó seheta Cohamac̄u cahap̄u m̄sa waha duach̄u mijo nina. Masa ã sãa duapahta sãa masierara. Ñ jina m̄sa sehe mahari sopacacãre m̄sa tuaro sãa duaboro seheta Cohamac̄u sehene tuaro masiga.

²⁵ Ñ sehe yoarohca Cohamac̄u payu masare. Tiro w̄h̄u p̄ro yoaro sehe jira. W̄h̄u p̄ro wahcã, sopacacãre biharohca. To ã yoach̄u sopacacãp̄u ducuna, sopa pahmare dotanahca. Ñ dotana õ sehe ninahca: “P̄h̄toro, sopa pahmare pjõhga”, m̄sa nich̄u w̄h̄u p̄ro sehe õ sehe ni ȳh̄tirohca. “M̄sare ne masieraja ȳh̄u. Nohoi m̄sa tariro c̄h̄ure masieraja”, ni ȳh̄tirohca. ²⁶ To ã nich̄u m̄sa õ sehe ni ȳh̄tinahca: “M̄h̄u mehne sã ch̄u, sihnihi. Sã ya macai buhere m̄h̄u”, ninahca m̄sa. ²⁷ M̄sa ã nich̄u tiro sehe õ sehe ni ȳh̄tirohca: “M̄sare ne masieraja. Nohoi m̄sa tariro c̄h̄ure masieraja. Jipihtina m̄sa ñ̄aa buhiri tiina yu cahai taena tjiga”, ninohca w̄h̄u p̄ro. ²⁸ Ñ yoa Abrahã c̄joro, Isaa c̄joro, Jacobo c̄joro, jipihtina Cohamac̄u yare yahu m̄h̄taina c̄jirire Cohamac̄u masare p̄h̄toro to noano s̄ho jirore ti jich̄u ñ̄na, m̄sa sehe sopacap̄u cohãrina jina tuaro tiinahca. Ñ tiina jina, m̄sa tuaro cahyaro mehne piri bahca dihonahca. ²⁹ Tí pjare

jipihtiro macaina puhtoro Cohamacu to noano suho jiropure su, tiro mehne chu dujiahca. ³⁰ Mipure wiho jiina jirina cjiri ti pjare puhtoa jiahca. A jia mipure puhtoa jirina cjiri ti pjare wiho jiina jiahca —niha Jesu.

Jerusalē macainare tuaro cahīha Jesu

(Mt 23.37-39)

³¹ Ti pjare mahainacā fariseo curua macaina Jesu cahapru sa, tirore o sehe ni yahuha:

—Herode mure waja duara. A jicu pa seheru wahaga muru —niha tina tirore.

³² Ti a nichu Jesu sehe o sehe ni yuhtuha:

—Herode mahnoa payuri jira tiro. O sehe ni yahuga tirore: “Jesu watiare cohā wioro nina. Tuhsu, dohatiinare noaina wahachu yoaro nina. Tire michare, namichaca chure yoarohca. Namichaca bohrearo dahra batoarohca”, ni yahuga Herodere.

³³ A jicu michare waha, namichaca chure waha, namichaca bohrearo chure waha, Jerusalēru suhca. Cohamacu yare yahu muhtaritore yuhare wajaahca masa. Cohamacu yare yahu muhtainare ti waja chu Jerusalēru jiro cahmana tinare. A jicu yuhu chure Jerusalēru jiro cahmana.

³⁴ Cue Jerusalē macaina. Mura Cohamacu yare yahu muhtaina cjirire waja, mura cahai to warocainare taa mehne doca waja mura. Mura coyea panoru macaina chu ata yorina cjiri jiha. Caracacoro to pohnare to cjaru duri mehne to moha coano sehetā payu tahari musare cahrucumahi. Musare cahmamahi. Mura sehe yuhare ne cahmaerare.

³⁵ Mipure mura jiro cohāri maca jirohca. Potocā niita nija musare. Cohamacu mari puhtoro to tuua mehne taihca yuhu. Yu a tachu nuna mura yuhare “Cohamacu tuua mehne tariro noajaro”, ninahca. Yuhare mura tire nihto pano pari turi yuhare nusi mura —niha Jesu tinare.

14

Dohatiritore noariro wahachu yoaha Jesu

¹ Pa dacho Sabado dacho jichu fariseo curua macaina puhtoa mehne macariro ya wuhuru Jesu churo wahaha. Ti wuhu jiina tiro dihtare nuroca oha. ² Ti a nuroca ono watoi yachuri wipiriro, nuchua wipiriro tiro caharu suha. ³ A jiro Jesu judio masare buheinare, fariseo curua macaina chure o sehe ni sinituha:

—¿Sabado dachore dohatiritore noariro wahachu yoa dutijari Cohamacu yare ti joari puhi? —ni sinituha Jesu.

⁴ To a ni sinitupachuta tina yuhtieraha. Ti yuhtierachu nuno Jesu dohatiritore noariro wahachu yoa, “Wahaga”, niha tirore. ⁵ A yoa tuhsuro, tinare o sehe ni sinituha tjoa:

—“¿Curo mura mehne macariro to macano Sabado dachoi mari sori dachoi coparu to bora saachu na wioerabocari?” mura a nina. “¿To wachu chure na wioerabocari?” mura a nina —niha Jesu.

⁶ To a nipachuta tina to sinituare yuhti masieraha tjoa.

Wamomaca duhteroru pjirocainare yahuha Jesu

⁷ Fariseo curua macariro ya wuhu jiro ti wuhu macariro to pjirocaina noaa dujiare ti besechu nuna Jesu. A nu tuhsu o sehe ni yahuha jipihinare:

⁸ —Wamomaca duhteri bose nuni musare to pjirocachu, noaa dujiare bese dujiena tjiga. Mura yuhdoro cua pisainare pjirocaboca ahri wuhu ruo. ⁹ To a yoachu mura noaa dujai dujichu, “Ahrina cua pisainare mura dujiare waga”, niboca wuhu ruo musare. To a nichu mura sehe buo tina, naa dujai dujiboca. ¹⁰ A jina wuhu ruo musare to pjirocachu, naa dujai duji muhtaga. Mura a yoachu wuhu ruo musare “Noaa dujia sehere dujina taga”, ninohca musare tiro. Mura a wahachu paina to pjirocaina sehe musare no payoa mehne

ñahca. ¹¹ Cãiro to basi “Pũhtoro tjija”, ni tũhoturiro cahamacũno jirohca. Pairo “Cahamacũno jija”, ni tũhoturiro painare yũhdũrũca duaerariro tiro sehe pũhtoro jirohca –niha Jesu tinare.

¹² ã ni tuhsũ Jesu wũhũ pũrore õ sehe ni yahuha:

–Mũhũ bose nũmũ dahrecũ mũ cahai jĩinare, mũ bahanare, mũ coyeare, pache pũare pjiecũ tjiga. Mũ tinare pjichũ mũhũ cũhũre tina cũhũ pji cahmaahca tjoa. ã pji cahmaa mũhũre ti wapamoare wapaahca. ¹³ Mũhũ bose nũmũ dahrecũ pjacũoinare, tini masierainare, cũ bũhũsehe dahporo dojori tiinare, capari ñũerainare pjirocaga. ¹⁴ Mũ ã yoachũ ñũno Cohamacũ mũhũre noano yoarohca. Tina sehe mũhũre ti wapamoare wapa masierara. ã jiro noaina yariaina ti masa mũjari pja jichũ Cohamacũ sehe noare mũ yoari wapa mũhũre noano yoarohca –niha Jesu wũhũ pũrore.

Pjiri bose nũmũ quitire yahuha Jesu

¹⁵ To ã nichũ tũhoro paio chũri mesa cahai dujiri, Jesure õ sehe ni yahuha:

–Cohamacũ masare pũhtoro to noano sũho jiroi to chũri mesa cahai dujiina tuaro wahcheina jiahca –niha tiro Jesure.

¹⁶ To ã nichũ Jesu ahri quitire yahuha tirore:

–Pjiri bose nũmũ dahreriro payũ masare pjirocaha. ¹⁷ To pjirocari baharo bose nũmũ dachoi to cahamacũnore to pjirocainare yahu dutiro warocaha. “Ma, jipihtiare bose nũmũ macaa cjihtire cahno tuhsũhre. ã jiro mũsare pjirocahre”, ni yahu dutiha to cahamacũnore. ¹⁸ To cahamacũno to ã ni yahupachũta, to pjirocaina sehe “Waha masieraja”, niha tina. To pjiroca mũhtariro õ sehe ni yahuha to cahamacũnore: “Michapucacã yahpare nuchũhi. ã jicũ tí yahpare ñũi wahi tai nija. ã yoacũ waha masieraja. Ño payo curea yũhũre. Yũhũre basioerahca”,

niha to pjiroca mũhtariro sehe to cahamacũnore. ¹⁹ Pairo sehe õ sehe niha: “Wachũare pũa wamomaca pihtiinare michapucacãta nuchũhi. ã jicũ wachũare buhe cayõ ñũi wahi tai nija ti waja wahcãhtore. ã yoai wahaeraja. Yũhũre basioerahca”, niha tiro cũhũ. ²⁰ Pairo sehe õ sehe niha: “Yũhũ michapucacã wamomaca dũhtehi. ã jicũ bose nũmũpũ waha masieraja”, niha tiro to cahamacũnore. ²¹ To ã nichũ to cahamacũno sehe tjua waha, to pũhtoropũre ti niri cjirire yahu pahũoha. To ã ni yahuchũ to pũhtoro tuaro susini, õ sehe niha to cahamacũnore. “Macari macaa maharipũ pjacũoina ti ducua maharipũ wahaga. ã jicũ pjacũoinare, tini masierainare, capari ñũerainare, cũ bũhũsehe dahporo dojori tiinare cjero na tahga tinare”, niha pũhtoro. ²² Baharo curero to cahamacũno yahuha to pũhtoro: “Pũhtoro, mũ dutiriro seheta yoahi. Yũ ã yoapachũta paina cũhũ mũ sũahca”, niha to cahamacũno. ²³ To ã nichũ pũhtoro tirore õ sehe ni dutiha: “Campopũ wahaga. Tõi bũjũa maharipũ jĩinare, daa maharicãpũ jiina cũhũre masare yũ wũhũpũ ta dutiga, ya wũhũ to noano wahpahto cjihto sehe. ²⁴ Potocã nii nija mũhũre. Ahrina yũ pjiroca mũhtarina yũ chũare ne mahanocã chũsi”, niha pũhtoro –ni yahuha Jesu.

Jesu mehne wahachũ mijo nina

²⁵ Tí pjare payũ masa Jesu mehne wahaha. ã jiro Jesu tinare majare ñũ, õ sehe ni yahuha:

²⁶ –Cãiro yũ buheriro ji duaro painare to cahĩriro yũhdoro yũhũ sehere cahĩno cahmana. To pũcũrore, to pocoro, to namonore, to pohnare, to bahanare, to pjacũ cũhũre to cahĩriro yũhdoro yũhũ sehere cahĩno cahmana. ã yoeraro yũ buheriro ji masierara. ²⁷ Cãiro yũ buheriro ji duaro yũ yare ã yoarucuriro jirohca. ã yoa crusapũ yũ ñũno yũhdũhtiro seheta yũ yairo to jiri

buhiri ñano yuhdu duaeraro yu buheriro ji masierara. ²⁸ Ahrire masiyuro cahmana musare. Õ sehe jira tí: Wuhu dahreriro to mvari wuhure yoahito pano wuhu wapa tihtire quihõ cū mhtana. Æ yoaro to wuhure to pahñohore masina tiro. ²⁹ Wapa tihtire quihõeraro to wuhure yoaro pahñoeraboa. Æ jia tirore ñaina bujipeboa. ³⁰ “Ahriro to wuhure yoaro bihoerare”, ni bujipeboa. ³¹ Puhoro paio puhoro yaina mehne ti cahma wajãhto pano, to yaina surarare to cahma wajã dutihtito pano, to surarare quihõnohca. “¿Yuh diez mil surara mehne paio veinte mil surara cjuariro mehne cahma wajãcu bihobocari yuh?” ni tuhuturo quihõnohca tiro. ³² Æ quihõno, to bihoeratore masinohca. Æ masino paio puhoro to surara mehne cahma wajãno tariro yoaropu to jichuta, bihoerariro sehe “Cahma wajãena tjijihna”, ni dutiro warocaboa dahra cohtaritore. ³³ Æ jina yu buheina ji duana, musa yoahitire musare masino cahmana. Musa yoa duari sehere cohã duaerana, yu buheina ji masierara –ni yahuha Jesu.

*Moa coaerarore yahuha Jesu
(Mt 5.13; Mr 9.50)*

³⁴ Æ ni tuhsu tinare õ sehe ni yahu namoha:

–Moa noano coara. To coerachu coa yoahito basioerara. ³⁵ Moa coerachu tí moa ne noaerara. Tí moare dohseahito basioerara. Tí Æ jichu tí moare cohãno cahmana. Ne yaba cjihti jierara ti cohõa. (Ti yaba cjihti jieraro seheta jiena tjiga musa. Moa noano to coaro seheta musa cūhu ji coaina jiga. Tuhsu, paina mehne noano mehne jiga.) Ahrire noano tuhoga musa –niha Jesu.

15

*Oveja butiro quitire yahuha Jesu
(Mt 18.10-14)*

¹ Æ yoa pa dachoi payu puhoto yare wapa na cohtaina paina “Ñaare

yoaina”, ti niina mehne Jesure tuhoo taha. ² Ti Æ yoachu ñua fariseo curua macaina, judio masare buheina cūhu Jesure ñu tuhtia, õ sehe niha ti basi:

–Ahriro ñainare piti tira. Æ jiro jirota tina mehne chura –ni durucuha tina ti basi.

³ Ti Æ ni durucuchu Jesu to tuhutua mehne õ sehe ni piti dahre buheha tinare:

⁴ –¿Cien oveja puro cãiro oveja butichu ñano dohse yoarohcari tiro? Õ sehe yoarohca. Tiro noventa y nueve ovejare ti churi campopu cū, butirirore macano waharohca. Ovejare bocaropu duhurohca. ⁵ Tirore bocaro wahcherohca. Æ jiro to comapariaca buipu tirore cã payo, to wuhupu na tjuaa waharohca. ⁶ Na tju su, to cahai jinarare, to coyeare pji cahmachunohca. “Yu oveja butirirore boca tuhsuhi. Æ jina yuh mehne wahchega”, ninohca tiro tinare. ⁷ Potocã niita nija musare. Noventa y nueve oveja payu ti jiro seheta, payu masa õ sehe ni tuhutura: “Ñano yoaeraja. Æ jicu yu ñaare cahya, yu tuhutumari cjirire tuhutu cohtotasi yuh”, ni tuhutura payu masa. Ti Æ ni tuhutchu ñua muano macaina Cohamacu cahai jiina wahcherara. Pairo sehere wahchera. Butiro oveja cãirota to butiro seheta to puro tirore to bocariro seheta cãiro ñariro to ñaare cahyachu, “Ñano yoaeraja”, ni to tuhutumari cjirire tuhutu to cohtotachu, Cohamacure to cahmachu ñua, Cohamacu cahai jiina tuaro wahchera –niha Jesu.

Niñeru tu butiri quitire yahuha Jesu

⁸ Æ ni yahu tuhsu, paye quitimehne piti dahre yahu namoha tjoa:

–¿Diez niñeru tari cjuaricoro cū tu butichu ñano dohse yoarohcari ticoro? Õ sehe yoarohca ticoro. Sihãriare sihã, wuhure coha, noano maca pahñonohca. Tí tare bocaropu duhurohca. ⁹ Tí tare boca tuhsu, to cahai jinarare, to coyeare pji cahmachunohca. “Niñeru tu ya tu wuhure butiri tare bocahi. Æ jina yuh

mehne wahchega”, ninohca ticoro. ¹⁰ Potocã niita nija musare. Tó seheta cãiro ñariro to ñaare cahyachũ, “Ñano yoaeraja”, ni to tũhotumari cjirire tũhotu to cohtotachũ Cohamacũre to cahmachũ Cohamacũ yaina anjoa sehe tuaro wahcheahca –niha Jesu.

To macũno butiri quitire yahuha Jesu

¹¹ Æ ni yahu tuhsũ Jesu paye quitire mehne piti dahre yahu namoha tjoa: –Bũcũro pohna pũaro mũa jiha. ¹² Dũhsariro sehe õ sehe niha to pũcũrore: “Mai, mũ yariari baharo yũhũre mũ wahtire yũhũre wa bahrañoga”, niha tiro to pũcũrore. To Æ nichũ ti pũcũro pũaropũreta to pohnaare witira to cjuari cjirire. ¹³ Mahaa dachoricã baharo dũhsariro to yare jipihtiare na, yoaropũ pa yahpapũ wahaa wahaha. Tõpũ sũro tũho masierariro seheta yoa, to niñerure to yare yoa site pahñonocaha. ¹⁴ To yoa site pahñori baharo tí yahpapũre ne chũa marieni pja ji dũcaha. Æ jiro tiro jũca baaha. ¹⁵ Æ jiro tí yahpa macaa dahraare macaha. To bocachũ to pũhtoro yesea cohtariro sõha tirore. ¹⁶ Æ jiro tiro yeseare nu, ti chũare chũ duamaha. To Æ chũ duapachũta tí chũare tó macaina waeraha tirore. ¹⁷ Æ yoa tirore tói wacũa taha jũna. “Yũ pũcũre dahra cohtaina sehe bũjũa chũare chũca. Ti chũ dũhaa cũhũ bũjũa dũhsaca. Ti Æ noano yũhdũro watoi yũhũ sehe õi jicũ, jũca yariai nija. ¹⁸ Mipũre yũ pũcũ cahapũ tjuaihtja. Yũ pũcũ cahapũ sũcũ õ sehe nihtja tirore: ‘Mai, Cohamacũre ñano yoahi. Mũhũ cũhũre ñano yoahi. ¹⁹ Ñariro jija. Mũ macũ jiboriro jieraja yũhũ. Mũhũre dahra cohtaina seheta yoaga yũhũre’, nihtja yũ pũcũre”, ni tũhotuha tiro. ²⁰ Æ ni tũhoturota wahcãrũca, to pũcũro cahapũ tjuaa wahaha. Tõpũ to sũriro tjuu tachũ to pũcũro sehe yoaropũta to macũnore ñũha.

To Æ wihichũ ñũno to macũnore pja ñũha. Æ pja ñũno to cahai

mũroca wahcã tirore cjã suhsu mũa, to wahsupui wihmiha to pũcũro to macũnore. ²¹ “Mai, Cohamacũre ñano yoahi. Mũhũ cũhũre ñano yoahi. Ñariro jija yũhũ. Mũ macũ jiboriro jieraja yũhũ”, niha tiro to pũcũrore. ²² To Æ nichũ tũhoru to pũcũro sehe dahra cohtainare pjiha: “Cjero, noa yũhdũri suhtirore na tahga. Æ jina yũ macũre sõaga. Sõa tuhsũ, to wamomaca sõari sorore sõa, to dahporire dahpo suhti cũhũre sõaga. ²³ Sõa tuhsũ, dihi tiriocã wachũcãre wajãga. Bose nũmũ yoajihna. ²⁴ Ahriro yũ macũ yariariro seheta wahare. Æ wahaparota mipũre catira tiro. To butiboriro seheta jirirore mipũre bocahi. Æ jina bõse nũmũ yoajihna”, niha to pũcũro. To Æ niri baharo bõse nũmũ dahre dũcaha tina.

²⁵ Tí pjare to wahmino sehe wesepũ jiha. Wesepũ jiriro coha tjuu taro wũhũ cahai sũro, ti basaare tũhorocaha tiro. ²⁶ Æ tũhorocaro, cãiro dahra cohtarirore pjiroca, tirore sinitu ñũha tiro: “¿Dohse yoa basaa niri?” ni sinitu ñũha tiro dahra cohtarirore. ²⁷ “Mũ bahũ tju wihihre. Tiro noariro, catiriro to tju wihichũ mũ pũcũ dihi tiriro wachũcãre wajã dutihre”, ni yũhtiha dahra cohtariro. ²⁸ To Æ ni yahuchũ to wahmino sehe tuaro suaro, wũhũpũ sõa taeraha. To sõa taerachũ ñũno to pũcũro sopacapũ wijaa ta, “Sõa taga” ni, tuaro pjimaha to macũnore. ²⁹ “Tũhoga, Mai. Yoari pja mũhũre dahra cohtariro seheta mũhũre yoadohomahi. Æ jicũ mũ dutiare ne cũ taha yũhdũrũcaera tihi. Yũ mũhũre dahra cohtapachũta yũhũre ne waerare mũhũ. Ne cãiro wahiquirocãre ne waera tire mũhũ yũhũre yũ piti tiina mehne yũ bõse nũmũ dahrehti cjihtire. ³⁰ Wiho mejeta ahriro mũ macũ sehe ñaina numia mehne mũ yare yoa site pahñoyuhti. Tíre yoa site pahñõ tuhsũ, tiro wũhũpũ to tju wihichũ dihi tiriocãre wachũcãre wajã dutiyuhti mũhũ to chũhtiro cjihtore”, niha to

wahmino to pucurore. ³¹ “Macu, yahu mehne jipihtia dachoripe mu jichu jipihtia ya mu ya cahu jira. ³² Mu bahu sehe yariariro sehetu wahare marine. A yoa mipure tiro catiriro jira. Tiro butiboriro sehetu jire. To a wahari baharo mipure tirore bocahi. A jina to tju wihichu mari bose numu yoa wahchechu noana”, niha tiro to macunore —niha Jesu tinare.

16

Niñeru ñu wihbo cohtariro taho masiro quitire Jesu yahuha

¹ A yoa ahri quitire to buheinare o sehe ni yahuha Jesu:

—Pache puro ya niñerure ñu wihbo cohtariro niñerure noano to ñu wihboerachu ñu noano paio sehe yahusaha pache purore: “Tiro mu niñerure yoa sitero nina”, ni yahusaha tirore.

² To yahusa tuhsari baharo niñeru ñu wihbo cohtarirore pjirocaha. A pji tuhsu, to wihichu ñu noano, tirore phtoro o sehe niha: “Paio yu niñerure mu yoa siterire yuhare yahure. A jicu mipure yu yare ñu wihboriro jisi mahu. A jicu yu yare mu yoari cjirire yahu pahno joaga. Mhure cohai nija”, niha to phtoro tirore. ³ To a niri baharo o sehe ni tshotuha ñu wihboriro to basi: “Yu phtoro yuhare cohano taro nica. Yuhu tuaeraja. A jicu tuaro dahraare bihoeraja. Tuhsu, painare yuhu niñerure sinicu buobiario yuhdu boca yuhu. ¿Dohse yoahcari yuhu? ⁴ Mipure pinihtare yu yoahcure masija yuhu juna. O sehe yu yoachu yu dahraa maerachu yu phtoro wapamoina yuhare cahaha. A jia ti wuhusepu saa dutiahca yuhare”, ni tshotuha tiro. ⁵ A ni tshoturo tiro jipihtina to phtoro wapamoinare pjirocaha. Pjiroca tuhsu, cohtaha. A cohtaro wihi mhtarirore o sehe ni sinituha tiro: “¿Yu phtoro noho puro wapamojari mahu?” niha tiro.

⁶ To a nichu wapamoro sehe o sehe ni yuhtiha: “Cien tambores sere olivo dicha mehne ti yoari

sere wapamoja tirore”, ni yuhtiha tiro. To a ni yahuchu niñeru ñu wihboriro sehe o sehe ni yahuha: “Oi jira mu wapamonore joa ori pu. Dujiga. A jicu mu wapamonore dacho macai na, dacho macai joa cahnoga”, niha ñu wihboriro wapamorirore. ⁷ A ni tuhsu paio wapamorirore sinituha tiro: “¿Mahu waro, noho puro wapamojari?” niha tjoa. “Cien waju trigo yapari wajure wapamoja yuhu”, niha wapamoro niñerure ñu wihborirore. “Oi jira mu wapamonore joa ori pu. Mu wapamonore ochenta joa cahnoga”, niha ñu wihboriro. ⁸ To a noano mahno mihnichu ñu noano “Ahri mahnoriro noano masiro jica”, ni tshotuha to phtoro niñerure ñu wihborirore. Ahri dacho macaina, Cohamacure cahmaeraina ti yare cahnore ti niñeru ti ñu wihborire Cohamacu yaina yuhdoro masica tina —niha Jesu.

⁹ A ni tuhsu Jesu o sehe ni yahu namoha:

—Ahri quitire a ni yahuchu, musare o sehe niita nija. Musa cjaare, pjacoinare musa wachu, tina sehe musare cahaha. Musa a yoachu musa cjaa pihtari baharo musa manoru sachu musare cahaha ture.

¹⁰ Wiho jiina ya dahraare quihno yoana, phtoa ya dahraa cahu quihno yoanaha. Wiho jiina ya dahraare quihno yoerana, phtoa ya dahraa cahu quihno yoasi musa. ¹¹ A jina ahri yahpai musa cjaa mehne musa noano yoerana Cohamacu musare to yoa dutia cahu noano yoasi musa. ¹² A jiro paio yare musa noano yoabasaerachu ñu noano musa ya cjihcure wasi musare.

¹³ Curo Cohamacu sehere wacuno, tuabiaro niñeru sehere wacurara. Niñeru sehere tuabiaro wacuno Cohamacu sehere wacurara. Niñeru dihtare cahmariro jiro Cohamacure wahchechu yoerara. Cohamacu cahu, niñeru cahu purore cahma yuhducahto basioerara musare.

Niñerure cahma yuhduariro Cohamacure noano ño payo masierara –niha Jesu.

¹⁴ To ã nichu tũhoa fariseo curua macaina sehe tirore bujũpeha. Tina sehe niñerure cahĩha. ã jia bujũpeha. ¹⁵ Ti bujũpechu tũhoro Jesu tinare õ sehe ni yahuha:

–Masa ti ñurocaroi m̄sa noano yoamana. M̄sa ã yoachu “Noaina, quihõno yoaina jira”, nimana masa m̄sare. Cohamacu sehe m̄sa tũhotuare masina. Masa “Noa yuhduara”, ti nirire Cohamacu sehe soro ni tũhotu, tíre ñu yabira –niha Jesu.

Cohamacu to dutiare, pũhtoro to sũho jiare yahuha Jesu

¹⁶ ã ni tuhsu õ sehe ni namoha Jesu: –João masare bautisariro to jihto pano Moiserre to cũri dutia mehne Cohamacu marine dutire. Cohamacu yare yahu m̄htaina cjiri ti joari cjiri mehne cũhure marine dutire. Mipũ sehere João to buhe dũcari baharo noaa buheare, Cohamacu masare pũhtoro to noano sũho jia cũhure masi dũcara masa. ã masia masa ti m̄ sũro ti tuua mehne Cohamacu masare pũhtoro to noano sũho jirore sãa duamana.

¹⁷ Moiserre to cũri dutiai Cohamacu to niriro seheta yoa pahñonohca tiro. Cohamacu yare yahu m̄htaina cjiri ti joari cjiripũ cũhure to niriro seheta yoa pahñonohca tiro. M̄ano cũhu ahri yahpa cũhu ti pihtia waha-pachuta Cohamacu to niriro seheta yoa pahñonohca –niha Jesu.

Namonore cohãare yahuha Jesu (Mt 19.1-12; Mr 10.1-12)

¹⁸ ã ni tuhsu õ sehe ni namoha Jesu: –Masũno to namonore cohãno, pacorore namo tiro, tiro ticoro mehne ñano yoaro nina. Tuhsu, masũno pairo to cohãricorore namo tiro, tiro cũhu ticoro mehne ñano yoaro nina –niha Jesu.

Pache pũro cũhure, Lázaro cũhure to yahuri quitire buheha Jesu

¹⁹ ã yoa paye quititi mehne piti dahre yahuha Jesu:

–Tí pjarũre pache pũro jiha. To suhti sehe wapa bujubiaha. Tuhsu, dachoripe tiro noaa dihtare chũro, payu cjuaha tiro. ²⁰ ã yoa tí pjare pairo pjacũoriro, Lázaro wama tiriro jia tiha. Tiro to pjacu payu cami tiriro jiha. To ã jiriro jichu paina sehe tirore pache pũro ya wũhũpũ na sũha.

²¹ ã jiro pjacũoriro sehe pache pũro to chũri mesa docai yahpai dujiro to chu site boroare chũmaha. “To chu site boroare chũcu yapicũhca yũhu”, ni tũhotumaha tiro. ã jia dieya to camine nehnea taa tiha.

²² Baharo pjacũoriro to yariaa wahachu, Abrahã cahapũ paraíso wama tiropũ anjoa tirore naa mũjaha. Pache pũro cũhu to baharocãta yariaa wahaha. To yariachu tirore yaha.

²³ ã yoa pache pũrore tuaro pichaca jũha. To ã tuaro jũchu, pichacapũ jiro m̄anopũ jirirore Abrahãre ñaha.

Lázaro cũhure ñaha. ²⁴ Ñu tuhsu, tiro Abrahãre pisurocaha: “Coyeiro Abrahã, pja ñũga yũhure. Pichacapũ yũhu ñano yuhdui nica. Yu ã wahachu Lázarore yũhure warocaga. Tiro core to wamo picapũ soha, yũ ñahmanore co mehne nehjaro. Tóre yũsũojaro tiro”, niha pache pũro. ²⁵ To ã nichu Abrahã tirore õ sehe ni yahuha:

“Coyeiro, catiriro jicu jipihtiare m̄hu noaare cjũahre. Lázaro sehe dachoripe ñano yuhduhre. Mipũ sehere m̄hu ñano yuhduchu tiro sehe õpũre wahchea mehne jinocahno nina. ²⁶ ã yoa mari watoi cũãri copa jira. ã jia õre jiina tópũre waha masierara. Tuhsu tóre jiina õpũ ta duaina ta masierara”, niha Abrahã pache pũrore. ²⁷ To ã nichu pache pũro õ sehe ni namoha: “Coyeiro, tuaro sinija m̄hure. Lázarore yũ pũcu ya wũhũpũ warocaga. ²⁸ Yũhu cũ wamomaca pihtina bahana tija. Lázaro tinare yahujaro. Tina õre ñano yuhduropũre taea tjijaro”, niha tiro.

²⁹ To ã nichu Abrahã sehe õ sehe ni yũhtiha: “Cohamacu dutiare Moise marine to cũri cjirire, Cohamacu yare yahu m̄htaina ti joari cjirire cjũara

m_u bahana. ã jia m_u bahana tíreta t_uhojaro”, niha Abrahã. ³⁰ To ã nich_u pache p_uro sehe y_uhtiha: “Coyeiro Abrahã, tíre c_uapahta noano t_uhosi. Lázaro yariariro masariro tina cahap_u to s_uch_u ñ_ua tina sehe ti ñ_uaare cahya, noaare cohtotaahca. ã jia noaare yoahca y_u bahana sehe”, niha pache p_uro cjiro. ³¹ To ã nich_u Abrahã sehe ò sehe ni yahuha: “M_u bahana Moise to c_uri p_u to yahuare, Cohamac_u yare yahu m_uhtaina cjiri ti yahuare t_uhoeraina jira. ã jia Lázaro yariariro cjiro masariro to jipach_uta tina Cohamac_ure t_uho duasi”, niha Abrahã –ni yahuha Jesu.

17

*Ñ_uaare yoach_u cua nina
(Mt 18.6-7, 21-22; Mr 9.42)*

¹ ã yoa Jesu ò sehe ni yahuha to buheinare:

–Masare ñ_uano yoach_u yoaa pay_u jira. ã jia masa ñ_uaare yoara. Ti ã jipach_uta mas_uno_ure ñ_uaare yoach_u yoariro sehe ñ_uabiaro y_uhd_urohca. ² Mas_uno_ure to wam_uai pjiria tãca d_uhte yo, pjiri map_u tirore ti cohãch_u ñ_uano wahaboa tiro. Pairo sehe ahrinacã mehne macarirocãre ñ_uaare yoach_u yoaro pjiri map_u ti cohãriro y_uhdoro ñ_uano y_uhd_urohca. Tirore tuaro buhiri dahrero cahmana. ³ Noano yoaga m_usa. M_usa coyeiro ñ_uano to yoach_u ñ_uana “Yoai tjiga”, niga tirore. ã jina tiro to ñ_uaare cahyach_u, noaare to cohtotach_u m_usa sehe to ñ_ua yoare boga. ⁴ ã yoa m_usa coyeiro cã dachoihta siete tahari m_usare ñ_uano to yoach_u tópe tahari m_usare, “Y_u ñ_uaare cahyaja. Pari turi ã yoasi”, to nich_u tópe taharita to ñ_ua yoare boga –niha Jesu.

*Cohamac_ure wac_u tuaare yahuha
Jesu*

⁵ ã yoa Jesu buhe duti to c_uina tirore ò sehe niha:

–Cohamac_ure sãre noano wac_u tua namoch_u yoaga –niha tina Jesure.

⁶ Ti ã nich_u Jesu ò sehe ni y_uhtiha:
–Mostaza yapacã mahari yapacã jiparota duróp_u pjid_u wahara. To

ã wahariro seheta Cohamac_ure pjíro wac_u tuana, ò sehe wahach_u yoa masinahca m_usa. Ahd_u sicómore wama tidare ò sehe ni masina: “M_uh_u yuc_uc_u m_u basi duhtu wahcã, pjiri map_u bora ñ_uojaga”, ni masina m_usa. M_usa ã nich_u t_u yuc_uc_u sehe m_usa dutiro seheta waharohca –niha Jesu.

*Dahra cohtariro to dahraare
yahuha Jesu*

⁷ Baharo ò sehe ni buheha Jesu:

–M_usare dahra cohtariro jiro wesep_u tjana, ovejare ñ_u wihbora. ¿Dahra cohtariro to tju wihich_u dohse nibocari m_usa tirore? “Cjero taga. M_u ch_ua òi jira”, ¿nibocari m_usa? ⁸ ã nierara m_usa. Tirore ò sehe nina m_usa: “Y_u ch_uare doha cahnoga. ã jic_u y_u ch_u sihnich_u y_uh_ure cohtaga. Y_u baharo m_uh_u cãh_u ch_u sih-niga”, nina m_usa dahra cohtarirore. ⁹ Dahra cohtariro m_usa dutiare to yoach_u tirore “Noana”, nierara m_usa. To dahraa dihtare yoaro nica tiro. ¹⁰ M_usa cãh_u tiro yoaro sehe tjira. Cohamac_u to dutiriro seheta yoa pahñona ò sehe ni t_uhotuga m_usa: “Sã cãh_u dahra cohtaina dihta jija. Wiho jiina jija sã. Sã dahraa dihtare yoaja sã”, ni t_uhotuga m_usa –niha Jesu to buheinare.

*Diez cami baainare noaina wa-
hach_u yoaha Jesu*

¹¹ Pa dacho Jerusalēp_u Jesu waharo niha. Tóp_u waharo Samaria yahpa, Galilea yahpa dacho macai y_uhd_u wahcãha. ¹²⁻¹³ Pa macap_u wahari mahap_u to tinich_u diez cami baaina sehe tirore piti bocaha. ã jia tina yoa cureróp_u ducuata pisuha:

–Jesu, p_uhtoro, sãre pja ñ_uga –niha tina.

¹⁴ Ti ã nich_u tinare ñ_u, ò sehe ni yahuha Jesu:

–Sacerdotere m_usa pjac_urire noaa pjac_uri ti waharire ñ_uona wahaga –niha tinare.

To ã niri baharo ti waharo wa-toi tina ti pjac_uri noaina wahaha.

¹⁵ ã jiro cãiro tina mehne macariro noano to pjac_u wahach_u ñ_uno, Jesu cahap_u majare tjuaha. ã tjuaro tuaro

mehne Cohamacure ño payoha. “Cohamacu tuariro, noariro jira”, tuaro ni, ño payoha tiro. ¹⁶ Ñ nino tiro Jesu dahpori cahai na tuhcuca cahacu, “Noana”, niha tiro. Tiro sehe Samaria macariro jiha. ¹⁷ To ã yoari baharo Jesu õ sehe ni yahuha:

—Diez jihre masa noaina waihaina. ¿Paina nueve dũhsaina sehe nohopũ jicari tina? ¹⁸ Ahriro pa yahpa macariro dihta Cohamacure “Noana”, nino taro tjua tahre. ¿Dohse yoa paina taerari? —niha Jesu.

¹⁹ Ñ ni tuhsu Jesu õ sehe ni yahuha na tuhcuca cahacu surirore:

—Wahcãrucaga. Wahaga. Mũhu Cohamacure wacũ tuacu, noariro waihahre mũhu —niha Jesu tireore.

Cohamacu masare puhtoro to noano sũho jihtore yahuha Jesu (Mt 24.23-28, 36-41)

²⁰ Tí pjare mahainacã fariseo curua macaina Jesure õ sehe ni sinituha:

—¿Dohse jichu puhtoro Cohamacu masare sũho ji dũcarohcari? —niha tina.

Ti ã nichu Jesu õ sehe ni yuhtiha:

—Cohamacu masare puhtoro to noano sũho ji dũcachu masa ñũ masierara. ²¹ “Cohamacu masare puhtoro to noano sũho jia õi jira”, ni masierara. “Sohõpu jira”, ni masierara. Cohamacu masare puhtoro to noano sũho jia masa ti tuhutuapũ jira —niha Jesu fariseo curua macainare.

²² Ñ ni tuhsu Jesu to buheinare õ sehe ni yahuha:

—Baharo yũhu masũno Cohamacu warocariro ahri yahpau yũ tjua tahtore tuaro cahmanahca mũsa. Cũ dachoihta yũhure ñũ duapanahta yũhure ñũsi mũsa. Mũsa yũhure ã ñũ duapachuta tí pjare tasi yũhu. ²³ Paina mũsare õ sehe niahca: “Tirore ñũga. Tiro Cristo jira. Ahrirore ñũga. Ahriro Cristo jira”, niahca mũsare. Ti ã nipachuta tinare tuhoena tjiga. ²⁴ Oroca sitero wacũenoca to oroca sitero seheta yũhu cũhu masũno Cohamacu warocariro wacũenoca tjua taihca.

²⁵ Ñ yũ tjua tahto pano yũhu tuaro

ñũno yũhdũihca. Ñ jia yũhure mipũ macaina cahmasi. ²⁶ Noé to jiri

pja macaina ti jiriro seheta yũhu masũno Cohamacu warocariro yũ tjua tachũ tó seheta jiahca masa.

²⁷ Noé to jiri pjare jipihtina masa ã chũrucua tiha. Ñ yoa sihnirucua tiha.

Ñ jia mũa numiare namo tia tiha. Noé pjiria dohoriapũ to samuhto pano Cohamacu tinare to miohto pano tí jipihtiare masa yoarucua tiha. Tó seheta jirohca pari turi yũ

tjua tachũ cãhure. ²⁸ Lote to jia tiri pja macaina ti jiriro seheta yũ tjua tachũ jiahca masa. Lote to jia tiri

pjare masa chu, sihni, nuchũ, dua, weserire toaa, wãhũse yoaha. ²⁹ Ti ã

yoaro watoi Sodoma wama tiri macai jiriro Lote to wahari dachoi mũano

macaa pichaca, picha sohãa poca tãa peri cãhu coro taro seheta tina bui bora ta, tinare wajã pahñonocaa

tiha. ³⁰ Yũhu masũno Cohamacu warocariro wacũenoca yũ tjua tachũ tina yoaro seheta yoaina jiahca masa tí pjare.

³¹ Tí pjare cãiro to wãhu bui macari wapapũ jiriro wãhu puhichapũ to ya jichũ tíre nano sãaeno tjiaro to

waha bahrañohto sehe. Tuhsũ, wesepũ jiriro cãhu tí pjare to wãhũpu piha taero tjiaro to waha bahrañohto

sehe. ³² Lote namono to waharire wacũga mũsa. ³³ Masũno yũhure wacũno marieno to mũ sũro to cah-

mano seheta yoaro pichacapũ waha-

harohca. Yũ yare ã yoarucuriro sehe jipihtia dachoripe yũhu mehne mũanopũ jirucurohca.

³⁴ Tí ñamine puaro cã casario bui carĩinare cãiro yũhure cahmarirore naaihca. Tuhsũ, yũhure cahmaer-

ariro tói tjuarohca. ³⁵ Tí pjare puaro numia cãnoi ti trigore arẽa numiare cãcoro yũhure cahmaricorore naai-

hca. Tuhsũ, yũhure cahmaeraricoro tóihta tjuarohca. ³⁶ [Ñ yoa wesepũ puaro dahraina ti jichũ cãirota nai-

hca. Cãiro tói tjuarohca] —niha Jesu.

³⁷ To ã nichu to buheina sehe õ sehe ni sinituha tireore:

—¿Nohorũ ã waharohcari? —ni sini-tuha tina.

Ti ã nichũ Jesu õ sehe ni yũhtiha:

—Yucaare mari ñũna, yariariro to pjacũ cjiro jichũ mari noano masinahca. (Tó sehetã ahri mũsare yũ yahuyurire mũsa ñũna noano masinahca ahri yahpapũ yũ tjua tahto mahanoã to dũhsachũ cũhũre) —niha Jesu.

18

Wapewahyoro to buhiri dahre dutia quitire yahuha Jesu

¹ Æ yoa Jesu tinare Cohamacũre siniare yahuro õ sehe niha:

—Mũsa Cohamacũre sinina, cohtaga to yũhtihtore. Yoari pja cohtapanahca cahyaena tjiga. Tirore sinina duhuena tjiga —niha Jesu.

² To ã nirire buhero taro ahri quiti mehne piti dahre yahuha tinare:

—Pa macapũ ti buhiri dahre dutiro jija. Tiro Cohamacũre ño payoeraha. Æ yoa masa cũhũre ño payoeraha. ³ Wapewahyoro cũhũ tórupũ jija. Ticoro tiro cahapũ saroca majareno õ sehe niha: “Yũhũre ñũ tuhtirirore buhiri dahre dutiga mũhũ. Yũhũre ni dũcataga”, ni sinirucuha ticoro tirore. ⁴ To ã nichũ payũ tahari tiro “Yoasi yũhũ”, nimaha ticorore. To ã nipachũta ticoro payũ tahari ã sinirucuro tirore caribobiaro yoaha. To ã caribochũ, tiro õ sehe niha to basi: “Yũhũ Cohamacũre, masa cũhũre ño payoeraha. ⁵ Yũ ã ño payoerariro yũ jipachũta ahricoro sehe yũhũre caribobiara. Yũhũre ã cariboro yũhũre pomea wahachũ yoarohca ticoro. To ã ni yahusũrucuchũ ticorore ñũ tuhtirirore buhiri dahre dutiitja”, niha buhiri dahre dutiro —niha Jesu.

⁶ Æ nino Jesu tinare õ sehe ni yahu namoha:

—Æ niha tiro ñariro buhiri dahre dutiro. To niri cjirore wacũga mũsa.

⁷ Tiro yũhoro Cohamacũ sehe to yainare to beseinare ñamipũ cũhũre, dachopũ cũhũre tirore sinirucuinare

yũhtiro, yoadohorohca. ⁸ Mũsare niita nija. Cohamacũre ti siniriro sehetã dõicãta tinare yoadohorohca. ¿To ã yũhtiriro to jipachũta yũhũ masũno Cohamacũ warocariro ahri yahpapũ tjua tacũ Cohamacũre wacũ tuainare bocabocari yũhũ? —niha Jesu.

Pũaro Cohamacũre ti sinia quitire yahuha Jesu

⁹ Æ yoa pari turi piti dahre buhero õ sehe ni yahuha Jesu: “Sã sehe noaina jija. Paina sehe ñano yoaina jira”, ni tuhotuina barore Jesu õ sehe ni yahuha:

¹⁰ —Cohamacũ ya wũhũpũ pũaro mũsa Cohamacũre sinia wahaha. Cũiro fariseo curua macariro jija. Pairo pũhtoã yare wapa na cohtariro jija. ¹¹ Æ yoa fariseo curua macariro sehe wahcãrucũ sũ, õ sehe ni yahuha Cohamacũre: “Cohamacũ, yũhũ paina yare mahũõpeã mehne nariro, ñano yoariro, paina namosãnumia mehne wũana tirore ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja yũhũ. Æ jicũ mũhũre ‘Noana’, nija Cohamacũ. ¹² Yũhũ somanaripe pũã dachore ne chũeraja, mũã yare yoacũ tacũ. Tuhsũ jipihũtia dohse jiãpe yũ wãpataã cũhũre mahano (diezmo) wa mũjaja yũhũ mũhũre ño payocũ”, niha fariseo curua macariro Cohamacũre. ¹³ Æ yoa wapa na cohtariro sehe yoa cureropũ muhri yo dũcũ sũ, mũãnopũre ñũ mũõeraha. Æ ñũ mũõeraro, to pẽbuhũ cããroca õ, õ sehe ni siniha Cohamacũre: “Cohamacũ, yũhũ ñaare yoariro jija. Æ jicũ mũhũ pja ñũga yũhũre”, niha tiro Cohamacũre. ¹⁴ Mũsare niita nija. Ahriro wapa na cohtariro sehe Cohamacũ to ñũchũ buhiri marieriro to ya wũhũpũ tjuaã wahaha. Wiho mejeta paio fariseo curua macarirore “Mũ ñaa buhirire cohãhi”, nieraha Cohamacũ. “Yũhũ noariro waro jija”, ni tuhoturirore Cohamacũ bũoro dahrerohca. Wiho mejeta “Yũhũ ñaare yoariro jija. Æ

jicu tíre tuaro cahyaja” nirirore Cohamacu wahchechu yoarohca tiro sehere —niha Jesu.

Macanacã ya cjihtire Cohamacure sini payoha Jesu
(Mt 19.13-15; Mr 10.13-16)

¹⁵ Æ yoa masa ti pohnare wihãinacãre Jesure ña payo dutia ta, to cahapu na wihimaha. Ti ã yoachu ñua Jesu buheina tinacãre na wihinare tuhtiha. ¹⁶ Ti ã tuhtichu ñuno Jesu wihãinacãre pjirocaha to cahapu. Pjiroca tuhsu õ sehe niha tiro to buheinare:

—Macanacã yu cahapu tajaro. “To cahai wahaena tjiga”, niena tjiga tinacãre. Tinacã Cohamacure ti puhtoro tuhotura. Puhtoro Cohamacu to suho jiina ahrinacã yoaro sehe tuhotuina baro dihta jira. ¹⁷ Potocã niita nija musare. Ahrinacã Cohamacu ti puhtoro cjihtore cahmana. Ti yoaro seheta musa cõhu Cohamacu musa puhtoro cjihtore cahmaerana, puhtoro Cohamacu to noano suho jihtina ne jisi musa —niha Jesu.

Pache puero Jesure sinitu ñuha
(Mt 19.16-30; Mr 10.17-31)

¹⁸ To ã niri baharo judio masa puhto mehne macariro Jesure õ sehe ni sinitu ñuha:

—¿Ne noariro, buheriro, jipihtia dachoripe Cohamacu mehne ji duacu, dohse yoahcari yuhu? —niha tiro.

¹⁹ To ã nichu Jesu õ sehe ni yuhtiha:
—¿“Noariro”, ni pisujari mahu yuhure? Noariro sehe Cohamacu dihta jira. ²⁰ Ahri Cohamacu dutiare masina mahu. “Numia mehne ñano yoacẽu tjiga. Masare wajãẽu tjiga. Yacaẽu tjiga. Mahõoa mehne paire yahuãẽu tjiga. Mu puẽsumare ño payoga”, ni dutira Cohamacu —niha Jesu.

²¹ To ã nichu tiro Jesure õ sehe ni yuhtiha:

—Tíre jipihtiare yu wahma wahmu tariro jiputa yuhducaera tihi yuhu —niha tiro.

²² To ã nichu tuhoro, Jesu tirore õ sehe ni yahuha:

—Mahanocã duhsara mahu mahu yoa pahõohto. Jipihtiare mu yare duai wahaga. Æ yoacu jipihtia mu wapatariniñerure pjacõinare waga. Mu ã yoachu pjíro mu wapataa manopu, Cohamacu cahapu jiyuahca. Mu ã yoari baharo yuhu mehne macariro cjihto taga —niha Jesu tirore.

²³ To ã nichu tuhoro tiro sehe payu pache cuariro jiro tíre pjacõinare wa duaeraro, tuaro cahya, wahaa wahaha. ²⁴ To ã cahyachu ñuno Jesu õ sehe ni yahuha painare:

—Pache pu Cohamacu masare puhtoro to noano suho jiropuere ti wahachu basioera curera. ²⁵ Camello sehe awicã copacãre to sãa nuhri wijaa duachu basioerara. To ã jiro yuhdoro pache puero puhtoro Cohamacu noano to suho jiropuere to waha duachu nu mijobiara —niha Jesu.

²⁶ To ã nichu tirore tuhoina õ sehe niha:

—Cue, mu nino seheta potocã jichu, ne cuero masuno Cohamacu cahapu waha masieraboca —niha tina Jesure.

²⁷ Ti ã nichu Jesu õ sehe ni yuhtiha:

—Masa ti basi ti mu suro yuhdu masierara. Wiho mejeta Cohamacu sehe masare pichacapu waha borinare yuhdo masina. Tiro jipihtiare noano yoa masi pahõoriro jira —niha Jesu tinare.

²⁸ To ã nichu Pedro tirore õ sehe niha:

—Tuhosiniga. Sã sehe jipihtia sã yare cõnoca tii mahu mehne wahana —niha tiro Jesure.

²⁹ To ã nichu Jesu õ sehe niha:

—Potocã musare niita nija. Musã Cohamacu yare yoana tana musã wuhusere, musã namosãnumiare, musã bahanare, musã puẽsumare, musã pohnare cõnocarina jina, pjíro wapatanahca musã mipure. ³⁰ Musã cuero yuhdoro wapatanahca. Æ jina musã yariari baharo jipihtia dachoripe Cohamacu mehne jirucunahca musã —niha Jesu tinare.

Pari turi Jesu to variahtore, to masa wijaahore yahuha

(Mt 20.17-19; Mr 10.32-34)

³¹ Æ yoa Jesu doce to buheinare ti sahsero naaha. Æ naano tinare õ sehe ni yahuha:

–Tuhoga yuhure. Mipure mari Jerusalēru wahana nija. Tõru yuhure masunore Cohamacu warocarirore Cohamacu yare yahu mæhtaina cjiri panoru ti yahuriro cjiro seheta paina Æ yoaahca yuhure. ³² Tõru masa yuhure ñahaa, judio masa jieraina sehene waahca yuhure. Yuhure ti wari baharo tina yuhure bujupere, ñano ni, yuhure chahcho puti sihõahca. ³³ Tuhsu, yuta dari mehne tjana tuhsu wajãahca yuhure. Ti Æ wajãari baharo tia dacho wahaboroi masa wijaaihca yuhure –niha Jesu tinare.

³⁴ To Æ nichu to buheina to yahuare noano tũho ñahaeraha. Cohamacu tĩre tinare noano tũho ñahachu yoerasiniha.

Capari ñærarirore ñuchu yoaha Jesu

(Mt 20.29-34; Mr 10.46-52)

³⁵ Æ yoa Jesu cũhu Jericó wama tiri maca cahacãru sũha. Tói capari ñærarirore maha dæhtu cahai duji, niñerure sinino niha. ³⁶ Æ jiro masa payu to cahai ti yuhduachu tũhoro tiro sinituha tinare:

–¿Dohse yoaa payu masa yuhdujari? –ni sinituha tiro.

³⁷ –Jesu Nazare macariro waharo nina –ni yahuha paina tirore.

³⁸ Ti Æ ni yahuchu tũhoro tiro õ sehe ni sañurucuha:

–Jesu, Davi cjiro panamino masare yuhdohtiro, yuhure pja ñuga –ni sañurucuha Jesure.

³⁹ To Æ nichu to pano waha mæhtaina sehe, “Dihta mariaha”, ni tuhtiha tirore. Ti Æ ni tuhtipachuta tó pano to sañurucuriro yuhdo curero sañurucu namoha tjoa:

–Davi cjiro panamino masare yuhdohtiro, yuhure pja ñuga –ni sañurucuha tiro.

⁴⁰ To Æ ni sañurucuchu tũhoro, Jesu sehe tjuarucu sũ, “Pjirocaga tirore”,

niha. To Æ nichu tina sehe capari ñærarirore pji wahcãha. Ti Æ pji wahcãchu tiro Jesu caharu to sũchu Jesu sehe tirore õ sehe ni sinituha:

⁴¹ –¿Dohse yu yoachu cahmajari mæhu? –niha Jesu tirore.

–Yu puhtoro, yuhure ñuchu yoaga –ni yuhtiha capari ñærariro.

⁴² –Ñuga. Yuhure wacũ tuacu, noariro wahara mæhu –niha Jesu tirore.

⁴³ To Æ nichuta capari ñærariro ñua wahaha. Æ noariro waharo, tiro Jesu mehne waha, “Cohamacu tuariro jira”, niha tiro. Æ jia masa payu capari ñærariro to ñuchu ñua “Cohamacu noariro, tuariro jira”, niha tina cũhu.

19

Zaqueo Jesure piti boca

¹ Æ yoa Jesu Jericóru sũ, tí macaru yuhdu wahcãno taro niha. ² Pache puero Zaqueo wama tiriro puhto ya cjihtire wapa na cohtaina puhtoro tói jiha. ³ Æ jiro tiro Jesure “¿Diro baro jicari?” ni ñu masino taro Jesure ñu duamaha. Æ to ñu duapachuta yahparirocã to jichu masa payu tirocãre ducataha. ⁴ Æ jiro tiro masare mæroca yuhdu waha, sicómoro wama tidu yucucuru mæjaha Jesure ñano taro. Baharo curero tu cahai Jesu yuhduaro taro niha. Æ jiro Zaqueo tui cohtaro niha. ⁵ To Æ cohta pisaro watoi Jesu sehe tu dahpotoi saruca, Zaqueore ñuroca mæo, tirore õ sehe niha:

–Zaqueo mipure mu wæhui tjuasinihtja yuh. Æ jicu cjero duji taga –niha Jesu tirore.

⁶ To Æ nichu Zaqueo sehe soaro mehne duji ta, tuaro wahchea mehne to wæhuru pji wahcãha Jesure. ⁷ To Æ ni piti bocachu ñua, jipihtina masa ti basi õ sehe ni durucuha:

–Ahroro Jesu ñaare yoariro ya wæhuru tinino waha duara –ni durucuha jipihtina ti basi.

⁸ Zaqueo sehe piti boca tuhsu tói ducu, Jesure õ sehe ni yahuha:

–Pũhtoro tũhoga yũhare. Jipihtia yũ yare dacho macai pjacũoinare waihtja. Ā jicũ yũhũ pairore cien niñeru tũrire mahũo mariro jicũ, cuatro cientos niñeru tũrire wapa bui payoihtja tirore –niha Zaqueo Jesure.

⁹ To Ā nichũ Jesu sehe õ sehe ni yahuha tirore:

–Michare mũhare mũ wũhũi jiina cũhare pichacapũ wahaborinare Cohamacũ yũhdo tuhsũra. Mũhũ cũhũ Abrahã cjiro coyero jira. ¹⁰ Yũhũ masũno Cohamacũ warocariro pichacapũ wahaborinare macai tai nii. Tũpũ wahaborinare noano yũhdoi tai nii –niha Jesu Zaqueore.

Niñeru tũri uru tũri quitire yahuha Jesu

(Mt 25.14-30)

¹¹ Ā yoa tirore tũhoinare Jesu paye quiti mehne piti dahre yahuha. Mahanocã dũhsaha Jerusalẽpũ to sũhto. Ā jia tirore tũhoina õ sehe ni tũhotuha: “Pũhtoro Cohamacũ mipũre sũho ji dũcaro taro nina”, ni tũhotuha tina. ¹² Ti Ā ni tũhotuchũ Jesu õ sehe ni yahuha tinare:

–Cũiro pũhtoro sãhtiro to ya yahpa macaina bui pũhtoro jihtiro yoaropũ waharo taro niha. Tũpũre to sũchũ ñũno ti bui pũhtoro tirore pũhtoro sũno taro niha. Pũhtoro sãhtiro ya maca macaina bui pũhtoro sũno taro niha tirore. Baharo to ya wũhũpũ tju wihiro taro niha. ¹³ Wahmanore to wahahto pano pũhtoro diez dahra cohtainare pjirocaha. Ā pjirocaro, tiro tinare cãinare típe tũri niñeru tũri wapa bũjũa tũri uru tũrire waha. Wa tuhsũ, õ sehe ni yahuha tinare: “Yũhũ yũ mariachũ ahri niñeru mehne mũsa wapata namohtire macaga”, niha tiro dahra cohtainare. ¹⁴ Pũhtoro sãhtiro to jipachũta to ya maca macainata tirore cahmaeraha. Ā cahmaeraa, ti warocahtinare tirore pũhtoro sũhtirore yahu dutia warocaha. “Ahriro sã pũhtoro jichũ cahmaeraja sã”, niha tina ti yahu duti warocaina sehe. ¹⁵ Ā ti cahmaerapachũta baharo ti pũhtoro

sãaha tiro. Ā pũhtoro sãa tuhsũro tiro to wũhũpũ tju taha. Ā tju wihiro tiro dahra cohtainare to niñeru mehne ti wapata namoare masino taro, tinare pjirocaha. ¹⁶ To pjirocari baharo, wihi mũhtariro tirore yahuha: “Pũhtoro mũ niñeru tũ, yũhare mũ wari tũ mehne diez tũri wapata namohi yũhũ”, niha dahra cohtariro to pũhtorore. ¹⁷ “Noano yoari jire mũhũ. Mũhũ noariro dahra cohtariro jira. Mũhũ mahanocã mehne yũ dutiriro seheta yoa pahũoriro jicũ mipũ diez macari macaina ti pũhtoro cjihto wahaihca mũhũ”, niha pũhtoro dahra cohtarirore. ¹⁸ To baharo wihiro tiro mehne macariro õ sehe niha: “Pũhtoro, mũ niñeru tũ, yũhare mũ wari tũ mehne cinco tũri wapata namohi yũhũ cũhũ”, ni yahuha to pũhtorore. ¹⁹ “Cinco macari macaina pũhtoro cjihto wahaihca mũhũ”, niha pũhtoro tirore. ²⁰ To Ā niri baharo paio dahra cohtariro wihi, õ sehe ni yahuha: “Pũhtoro, mũ niñeru tũ õi jira. Suhtiro cahsaro mehne coma, tí tũre wihbohi. ²¹ Mũhũ tuaro dahra dutiriro jira. Paina yare mana mũhũ. Tuhsũ, tuaro dahra dutiriro jicũ dahraerariro jipacũta mũhũ paina ya dahrari wapare nana. Ā yoa toerariro jipaihta dichare nariro jira mũhũ. Ā jicũ mũhare cui nihi”, niha to pũhtorore “Wapataerahi yũhũ”, ni yahuro. ²² “Mũhũ Ā nicũ ñũno yoariro jira mũhũ. Yũhare mũ Ā niri buhiri mũhare buhiri dahrehtja yũhũ. Yũhũ mũhare tuaro dahra dutiriro yũ jichũ masina mũhũ. Paina yare yũ nachũ toerariro jipai dichare nariro yũ jichũ masina mũhũ. ²³ Yũ Ā jiriro jichũ ñũpacũta ya tũre niñeru wihbori wũhũpũ cũerare mũhũ. Tĩre ti wasori wapa wapata namoboa mũhũ. ¿Dohseacũ Ā yoerari mũhũ? Tĩre mũ yoachũ tju wihicũ wapata namoboa yũhũ”, niha ti pũhtoro. ²⁴ Ā ni tuhsũ tiro cahai ducuinare dutiha: “Niñeru tũre maga tirore. Diez tũrire cjuarirore waga”, niha pũhtoro. ²⁵ To Ā nichũ tina sehe õ sehe ni yahuha tirore: “Pũhtoro, diez

turi cjuariro payu cjuu tuhsura”, niha tina. ²⁶ Ti ã nichu puhtoro õ sehe ni yuhtiha: “Musare niita nija. Jipihtina cjuainare wa namoihtja. Cjuerariro sehere mahanocã to cjuapachuta tire maihtja. ²⁷ Mipru pinihta yuhure ñu tuhtiinare yuhure ti puhtoro ji dutierinare yu cahai na tahga. Æ yoana yu ñurocaroi wajãga tinare”, niha puhtoro dahra cohtainare –ni buheha Jesu.

Jerusalẽpu sũha Jesu

(Mt 21.1-11; Mr 11.1-11; Jn 12.12-19)

²⁸ Æ ni tuhsu Jesu paina pano Jerusalẽpu wahaha. ²⁹ Æ yoa tina Jerusalẽpu ti suhto panocã tũcu Olivo wama tidu duhtu cahai jiri maca Betfagẽ wama tiri maca cahai, ã jichu Betania wama tiri maca cahai su muhtaha. Tĩ macari puu maca cahai Jesu sũro, to buheina puarore warocaro taro, õ sehe ni yahu quihõha:

³⁰ –Sĩ macapu burrocãre nana wahaga. Tõpu suna, burrocãre ti duhte daporirocãre boca sunahca. Tiro ne cãiro ti pisamahnoerarirocã jica. Tirocãre bocana, yuta dare pjã, na tabasaga yuhure. ³¹ Tirocãre musa pjãchu ñano, cãiro dohse jiri “¿Dohse yoana tana burrocãre duhte daporĩ dare pjãjari musa?” to nichu tuhona õ sehe ni yuhtiga tirore: “Mari puhtoro burrocãre cahmarocasinire”, ni yahuga tirore –ni yahu duti warocaha to buheina puarore.

³² To ã nichu tina puaro sehe to niriropu sũha. Ti ã suchu jipihtia Jesu to niriro sehetã wahaha. ³³ Æ jia tina tirocãre ti pjãchu ñua tirocã puu tinare õ sehe ni sinituha:

–¿Dohse yoana tana burrocãre duhte daporĩ dare pjãjari musa? –ni sinituha tina.

³⁴ –Mari puhtoro burrocãre cahmarocasinire –ni yuhtiha tina.

³⁵ Æ ni yahu tuhsu tirocãre Jesu cahapu na sũha. Na su tuhsu ti bui sãa suhtire tirocã bui pjũpaha payo tuhsuchu ñu, Jesu sehe tirocã bui to muja pjachu yoadohoha tina. ³⁶ Jesu

tirocã bui to pisachu to wahahto pano masa ti bui sãa suhtire tjuwe na, to wahahti mahai saño cũ muhtaha, Jesure ño payoa. ³⁷ Tina Jerusalẽ cahacãpu su, Olivo wama tidu dujiari mahapu sũha. Tõpu Jesu to buhechu tuhoina payu jipihtia Cohamacu tuua mehne to yoa ñorire, noaa to yoarire ti ñuri cjirire wacũa, Cohamacure “Noariro, tuariro jira”, ni sañurucuha. Æ yoa Cohamacure ño payoa, õ sehe ni sañurucuha:

³⁸ –Ahriro Cohamacu to warocariro, mari puhtoro noano jijaro. Muano macaina noano jijaro. Muano macariro Cohamacu, muhu tuariro waro jira –ni ño payoha tina.

³⁹ Ti ã nichu tuhoa fariseo curua macaina mahainacã ti watoi jiina Jesure õ sehe ni yahuha:

–Buheriro, mu buheinare dihta mariea dutiga –niha tina.

⁴⁰ –Musare niita nija. Tina ti sañurucuerachu tãa peri sehe sañurucuboa –niha Jesu fariseo curua macainare.

⁴¹ Æ ni tuhsu Jesu Jerusalẽ cahacãpu su, tĩ macare ñurocaro, tiha. ⁴² Õ sehe niha tiro:

–Jerusalẽ macaina mipu pinihtare musare pichacapu wahaborinare Cohamacu to yuhdohtore musa masichu noa yuhduaboa. Æ jipachuta mipure musa tire ne tuho duaerare. Æ jiro Cohamacu tire musare masi dutierare. ⁴³ Musare ñu tuhtiina musa jiri macare soroahca. Æ yoaa musare tina wijaaro wasi. ⁴⁴ Tĩ pjata tina musa ya macare cohã pahñoahca. Musã cũhure wajãhca. Musare ñu tuhtiina noano cohã pahñoahca musa ya macare. Cohamacu pichacapu wahaborinare musare to yuhdohtore musa masi duaerare. Musã masi duaerari buhiri musare ñu tuhtiinare Cohamacu musare cohã dutirohca –niha Jesu Jerusalẽ macainare.

Cohamacu wuhupru Jesu sũha

(Mt 21.12-17; Mr 11.15-19; Jn 2.13-22)

⁴⁵ Æ yoa Jerusalẽpu sũro, Jesu Cohamacu wuhupu sãa wahaha. Æ yoaro

pache duainare tí wuhupɛ jiiinare boca saro, tinare cohã wionocaha.

⁴⁶ Õ sehe niha tiro tinare:

—Õ sehe nina Cohamacɛ yare ti joari pũi: “Yɛ wuhɛ Cohamacɛ mehne durucuri wuhɛ wama tirohca”, niha to yare ti joari pũi. To ã nipachɛta mɛsa sehe ahri wuhɛi duana, mɛsa basi cahma yacara mɛsa —niha Jesu.

⁴⁷ ã yoa dachoripe Cohamacɛ wuhupɛ Jesu buheha. ã jia sacerdotea pũtoa, judio masare buheina, masa pũtoa cũhɛ tirore ti wajãhti cjihtire wacũ macaha. ⁴⁸ Masa jipihtina tirore ã tãhorucua, to buheare noano tãho nũnũina jiha. Ti ã noano tãho nũnũchɛ ñɛa, Jesure wajã duaina sehe tirore ti wajãhtire bocaerasiniha.

20

Sacerdotea pũtoa, judio masare buheina, bɛcɛna mehne Jesure sinitu ñɛha

(Mt 21.23-27; Mr 11.27-33)

¹ Pa dachoi Cohamacɛ wuhɛi Jesu masare noaa buheare buhero niha. To ã buhechɛ sacerdotea pũtoa, judio masare buheina, bɛcɛna mehne tiro cahapɛ wihia, tirore õ sehe ni sinitu ñɛha:

² —Yahuga sãre. ¿Dohseacɛ canɛre ã yoari mũhɛ? ¿Noa mũhɛre tíre ã yoa dutiri? —niha tina Jesure.

³ Ti ã nichɛ Jesu õ sehe ni yũhtiha tinare:

—Mɛsa sehere sinitu mũhtaihtja. Yahuga yũhɛre. ⁴ ¿João masare to bautisachɛ diro baro sehe tirore bautisa dutia tiari, mɛsa tãhotuchɛ? ¿O Cohamacɛ dutiera tiari? ¿O masa sehe dutia tiari, mɛsa tãhotuchɛ? —ni sinituha Jesu tinare.

⁵ To ã nichɛ tina sehe ti basi õ sehe niha:

—¿Dohse ni yũhtinahcari mari? “Cohamacɛ Joãore dutia tiri jire”, mari nichɛ, “¿Dohseana Cohamacɛ Joãore to dutipachɛta tirore tãho duaerari mɛsa?” niboca Jesu marine. ã jina “Cohamacɛ Joãore dutia tiri jire”, ni yũhti masieraja mari. ⁶ Ahrina masa sehe “Potocãta João Cohamacɛ yare

yahu mũhtariro jira”, ni tãhotura tina. ã ni tãhotua “João to bautisachɛ Cohamacɛ tirore dutierari jire”, mari nichɛ tãhoa marine tãa mehne docaboca masa. ã jina tí cãhɛre yahu masieraja mari —ni durucuha tina ti basi.

⁷ ã ni durucu tuhsɛa tina Jesure õ sehe ni yũhtiha:

—Joãore bautisa dutirirore sã masieraja —niha tina.

⁸ Ti ã nichɛ Jesu õ sehe ni yũhtiha:

—Tí pja pinihta yũhɛ cãhɛ mɛsa sinitu mũhtarire yahueraja mɛsare. Ahrire yɛ yoarire dutirirore yahueraja mɛsare —niha tiro tinare.

Ñaina dahra cohtaina quitire yahuha Jesu

(Mt 21.33-44; Mr 12.1-11)

⁹ ã yoa Jesu to tãhotua mehne piti dahre õ sehe ni buhe dɛcacha masare:

—Wese pɛro se dari cjihtire toaha. Toa tuhsɛ, tí wesere painare cã bũhɛsehe coa pahma cũha. Pahma cũno tí wesere tinare ñɛ wihbo dutiha. ã duti tuhsɛ pa yahpapɛ waha, yoari pja bajueraha. ¹⁰ Tuhsɛ, se ñiri pja jichɛ wese pɛro to cahamacɛnore wesere ñɛ wihboina cahapɛ warocaha. Wese macaa to toaa dichare to ya coa macaare na dutiro warocamaha. ã jia ñɛ wihboina sehe to cahamacɛnore wiho piti boca cãnocaha tirore. ã cãnocaa, tina tirore dichare waerapahta tjuaa dutiha tirore. ¹¹ ã jiro wese pɛro paio to cahamacɛnore tí wese macaa toaa dichare na dutiro warocamaha tjua. ã jia wesere ñɛ wihboina tiro cãhɛre cã, ñano yoaha. ã yoa tuhsɛ tirore tí dichare waerapahta tjuaa dutiha tjua. ¹² Tirore ti ã yoari baharo wese pɛro paio cahamacɛnore warocamaha tjua. To ã warocachɛ ñɛa, wesere ñɛ wihboina sehe tiro cãhɛre cami dahre, tí wese dũhtɛ cahai cohãnocaha tirore.

¹³ Ti ã yoari baharo wese pɛro õ sehe ni tãhotumaha: “¿Dohse yoaihcaru yũhɛ? Õ sehe yoaihtja.

Yuh_u y_u mac_ure y_u cahĩrĩrore waro-caihtja. Tina tirore ño payoboca”, ni t_uhotumaha wese p_uro sehe. ¹⁴ ã jia to mac_uno_{re} to warocarĩrore to s_uch_u ñ_ua ñ_u wihboina sehe ti basi õ sehe ni durucuha: “Ahrĩro wese p_uro mac_uno jira. Baharo ahri wesere c_uahĩtiro jira. Tirore wajãjihna. Mari ã yoach_u ahri wese mari ya wese tjuarohca”, nimaha tina ti basi. ¹⁵ ã ni tuhs_ua wese p_uro mac_uno_{re} wese d_uht_u cahai cohã, wajãnocaha tirore. ¿Ti ã yoach_u ñ_uno dohse yoarohcari wese p_uro wesere ñ_u wihboinare? – niha Jesu.

¹⁶ –Tiro wesere ñ_u wihboinare wajãno taro, paina sehere wesere ñ_u wihbo dutirohca –ni y_uhtiha Jesu to basi.

To ã nich_u t_uhoa masa sehe õ sehe niha:

–Marine ã wahaero tjijaro –niha tina.

¹⁷ Ti ã nich_u Jesu sehe tinare õ sehe ni sinituha:

–¿Cohamac_u yare ti joari p_ure õ sehe ni durucua, dohse nino nijari, m_usa t_uhotuch_u?:

“Ahrĩro Cristo tãca yoaro seheta jira. Tãcare w_uh_u dahreina ti cohãno seheta masa tirore cohãahca.

Ti ã yoapachata mip_ure w_uh_u dahreina w_uh_ure yoaa ti c_u m_uhtari tãcare ti c_uno seheta Cohamac_u tirore p_uhto s_uh_ure”,

ni joaha. ¹⁸ Jipihtina tia tãca bui bora pjainare pay_u dihicã peri yihsohca tia tãca. Tuhs_u, tia tãca mas_uno bui bora pjaro, tahãnocanohca tirore. ã tahãno to pjac_u cjirore daa manaricã wahach_u yoarohca. (Tó seheta y_uh_ure cahmaeraina, y_u buhiri dahrehtina ñano y_uhd_uahca) –niha Jesu.

P_uhtoa ya wapare paina sinituha Jesure

(Mt 21.45-46; 22.15-22; Mr 12.13-17)

¹⁹ To ã nich_u t_uhoa judio masare buheina sacerdotea p_uhtoa c_uh_u, “Jesu wesere ñ_u wihboina quiti mehne marine tuhtiro nina”, ni t_uhotuha tina. ã ni t_uhotua tina

Jesure ñaha duamaha. ã ñaha dua-pahta tina masare cui niha. ²⁰ ã cuia, Jesure ti ñahahtĩ pjare cohtasiniha tina. ã jia tina quihõno yoaina yoaro sehe ji mahño dutiha painare. To ñano ni y_uhtich_u yoaa dua nimaha tirore yahusã dua. ã jia Jesure sinitu dutia warocaha mahñoinare, Jesu ñano to ni durucuch_u t_uhoa tí yahpa macaina bui p_uhtoro_{re} peresu yoaa dutia taa nimaha. ²¹ ã jia tina Jesure mahño c_u õ sehe ni sinitu ñ_umaha:

–Buheriro, potocã durucuriro, mahñoa marieriro m_u jich_u sã masija. ã jic_u wiho jĩinare, p_uhtoa cãh_ure cãno potori yoara m_uh_u. M_uh_u Cohamac_u yare potocã m_u buhech_u cãh_ure sã masija. ²² Yahuga sãre. ¿Ne, Roma macarirore jipihtina bui p_uhtoro_{re} gobierno macaare marine waparo cahmajari, m_u t_uhotuch_u? ¿Mari dutia wapa dutijari, m_u t_uhotuch_u? –ni sinituha tina Jesure.

²³ Ti ã nich_u t_uhoro Jesu ti ñano yoaa duaare masino, tinare õ sehe ni y_uhtiha:

²⁴ –Mip_ure niñeru t_ure na tahga. Tí t_ure ñ_ujihna –niha.

Tí t_ure ti na wihich_u ñ_uno õ sehe niha Jesu:

–¿Diro baro mas_u wahãjari ahri t_ure? ¿Diro baro wama wahãjari? –niha Jesu tinare.

–César, masa bui p_uhtoro jiriro ya mas_u, to wama c_uh_u wahãna –ni y_uhtiha tina.

²⁵ Ti ã nich_u Jesu õ sehe ni yahuha:

–Tí pja pinihta masa bui p_uhtoro yare tiro sehere waga. Cohamac_u yare Cohamac_u sehere waga –niha Jesu tinare.

²⁶ ã to noano y_uhtich_u, masa ti ñ_urocaroi Jesure ñano ni durucuch_u yoaa masieraha tina. ã jia Jesu y_uhtiare t_uhoa, tina c_uaa waha, dihta mariea wahaha.

Saduceo curua macaina Cohamac_u to masoare sinituha Jesure
(Mt 22.23-33; Mr 12.18-27)

27 Æ yoa mahainacã saduceo curua macaina Jesu cahapũ wihaha. “Cohamacũ yariainare masosi”, ni tãhotuina jiha saduceo curua macaina. Æ jia tina õ sehe niha tirore:

28 –Buheriro, õ sehe ni buhea tiha Moise cjiro: “Cãiro to wahmino namo tiri pohna mariaparota to yariachũ ñũno to bahũrore to wahmino namono cjirore nũoano cahmana. Æ yoaro to wahmino munano to pohna tiboro seheta pohna tiro cahmana to bahũrore. Æ jia to pohna to wahmino munano pohna yoaro sehe jiahca”, ni joaa tiha Moise cjiro –niha tina.

29 Tíre ni tuhsũ ahri quitire yahu namoha tjoa Jesure:

–Cũiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. 30 Æ jiro pairo to bahũro cũhũ to wahmino namono cjirore nũoaha. To ã nũoari baharo to wahmino yoaro seheta pohna mariaparota tiro cũhũ yariaa wahaha. 31 Æ jiro ahriro bahũro cũhũ to wahmino munano yoaro seheta pohna mariaparota yariaa wahaa. Æ dihta wahaha cũiro pohna waro. Ne pohna mariapahta yaria pihtia wahaha. 32 Ti namono cjiro cũhũ ti baharota yariaa wahaha. 33 ¿Ne Cohamacũ jipihtinare yariaina cjirore to masochũ diro namono sehe jibocari ticoro pototi? Tina jipihtina ticorore namo tirina cjiro jiha. ¿Æ jiro diro baro namono jirohcari? –ni sinituha tina.

34 Ti ã nichũ Jesu õ sehe ni yãhtiha:

–Mipũ macaina wamomaca dũhtera. 35 Ti ã dũhtepachũta paina sehe pa turu macaina sehe ã jierara. Paina mũare, numia cũhũre to yainare Cohamacũ ñaa marieina jichũ yoarohca. Tina ti yariari baharo masa mũjaahca. Æ yoa tina tóprũ wamomaca dũhterara. 36 Æ jia tina anjoa yoaro seheta ne yariasi. Tina Cohamacũ to masorina jia, Cohamacũ pohna jira. 37 Mipũre yariarina cjiro ti masa wijaahca sehere mũsare yahuihtja. Tíre Moise

cjiro noano yahu pahũoa tiha. To mahadũcã jãri quitire õ sehe ni yahua tiha tiro: “Yũhũ Abrahã, Isaa, Jacobo ti pũhtoro tjija’, ni yahure Cohamacũ yũhũre”, ni joaa tiha Moise cjiro. 38 Ti yariari baharo “Ti pũhtoro tjija”, ni yahua tiha Cohamacũ. Æ niparota yariarina cjiro pũhtoro jierara Cohamacũ. “Ti pũhtoro tjija”, to nia mehne catiina ti jichũ masija mari. Tiro catiina pũhtoro jira. Jipihtina masa catira Cohamacũ to ñũchũ –niha Jesu tinare.

39-40 To ã nichũ tina sehe pari turi Jesure sinitu duaeraha. Æ jia mahainacã judio masare buheina õ sehe niha:

–Buheriro, mũhũ noano yãhtihre –niha tina Jesure.

*¿Diro baro coyeiro jijari Cristo?
(Mt 22.41-46; Mr 12.35-37)*

41 Baharo Jesu õ sehe ni yahuha tinare:

–“Cristo Davi cjiro panamino jirohca”, ni buhera paina. ¿Dohse yoa tina ã ni buhejari? 42 Davi cjiro to basi Salmopũ to joari tjupũ õ sehe ni joaa tiha:

“Cohamacũ yũ pũhtorore õ sehe nire: ‘Õi yũ poto bũhũsehei dujiga.

43 Æ jicũ mũhũre ñũ tuhtiinare mũhũre yũhdũrucabasaihca yũhũ’, nire Cohamacũ yũ pũhtorore”,

ni joaa tiha Davi cjiro. 44 Æ ni joaro Davi cjiro pũhtoro tiha Cristore. Davi cjiro Cristo ñũchũno cjiro jiparota Cristore pũhtoro tiha. ¿Davi cjiro Cristo ñũchũno cjiro jiparota dohse jiro baro tiro pũhtoro tiari Cristore? –ni yahuha Jesu. (Cristo sehe Davi cjiro pũhtoro jira.)

Judio masare buheina ti ñaa yoaare yahuha Jesu

(Mt 23.1-36; Mr 12.38-40; Lc 11.37-54)

45 Masa payũ Jesure ti tãhoro watoi Jesu sehe to buheinare õ sehe ni yahuha:

46 –Mari judio masare buheina ti ñaa yoaare ñũna noano wacũ masiga. Æ jina ti yoaro sehe yoaena tjiga. Tina

yoaa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. Ñ cahmaina jia, tina mari judio masa buhea wuhusei noaa dujia dihtare bese duji duara. Tuhsu, bese numu jichu tó cãhure noaa dujia dihtare cahmana. ⁴⁷ Tina wapewahya numia ya wuhusere ti ya cãhure mana tí numiare. Ñ yoaina jia, tina masa ti ñurocaroi yoari pja Cohamacure sinimana masare ñu dutia. Ti ã yoachu tinare Cohamacu pjíro buhiri dahrerohca —niha Jesu tinare.

21

Wapewahyoro Cohamacu wuhui to warire yahuha Jesu
(Mr 12.41-44)

¹ Ñ ni yahu tuhsu niñeru wihbori caroi pache puu ti niñerure ti duhu sãachu ñu dujiro niha Jesu. Tí niñeru Cohamacu wuhure ti cahnochu ti wapahti jiha. ² Ñ ñano wapewahyoro pjacuricoro to puu tucãre to duhu sãachu cãhure ñuha. ³ Tíre ñu tuhsu ò sehe ni yahuha:

—Potocã niita nija musare. Ahricoro wapewahyoro pjacuricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. ⁴ Paina pache puu pjíro ti wapachuta ti ya pjíro duhsara. Ahricoro sehe pjacuricoro jiparota jipihtia to chãhtire to nuchaboacãre wa pahñohre —ni yahuha Jesu.

“Cohamacu wuhu cohãri wuhu jirohca”, niha Jesu
(Mt 24.1-2; Mr 13.1-2)

⁵ Ñ yoa paina Cohamacu wuhure ò sehe ni ñua niha:

—Noaa tãa mehne yoari wuhu, noacari wuhu jijari. Masa Cohamacu ya wuhu cjihtire ti wari cjiri cãhu tí wuhupure noaca cãri jira —ni durucua niha.

Ti ã nichu Jesu ò sehe ni yahuha tinare:

⁶ —Ahri jipihtia mari ñuri cjiri wuhuse, ahri tãa cãhu cohõ pihtia

wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu
(Mt 24.3-28; Mr 13.3-23)

⁷ To ã nichu tuhoa tina sehe ò sehe ni sinituha tirore:

—Buheriro, ¿dohse jichu mu niriro sehe waharo ã waharohcari? ¿Pihtiri dacho panocã jichu dohse to waha ducachu ñunahcari sã? —ni sinituha tina Jesure.

⁸ Jesu ò sehe ni yuhtiha tinare:

—Noano yoaga musa. Ñ jina musare paina ti mahñoare tuhoena tjiga. Payu masa “Cristo jija yahu”, niina taahca. Ñ nia, “Mipure pihtiri dacho cjihto mahanocã duhsara”, niahca. Ti ã nichu tinare tuhoena tjiga. ⁹ Ñ yoa paina “Cahma wajãa nina”, musare niahca. “Mipure puhtoare masa cohãa nina”, niahca. Musa tíre tuhona cuiena tjiga. Pihtiri dacho pano ò sehe waha muhtanohca. To ã wahachu pihtiri dacho cjihto duhsasininohca mini —niha Jesu.

¹⁰ Ñ ni tuhsu ò sehe ni yahu namoha:

—Cã yahpa macaina pa yahpa macaina mehne cahma wajãahca. ¹¹ Tuhsu, tuaro yahpa ñuhmi, masa payu juca mehne yaria, jipihtiro macaina dohatiahca. Ñ yoa musano macaa bajuamehneare masa ñua, ñu cuua wahaahca.

¹² Ahri jipihtia ti ã wahahto pano, paina musare ñaha, ñano yoaahca. Tuhsu, mari judio masa buhea wuhusei tina musare yahusã, peresu yoaahca musare. Ti ã yoachu yahpari macaina puhto panoi, macari macaina puhto panoi ducunahca musa ti yahusãhtina. Yu yaina musa jiri buhiri ã yoaahca. ¹³ Ti ã yahusãchu musa sehe noaa buheare tinare yahunahca. ¹⁴ Tí pjare musare ti yahusãchu puhtoro musa yuhtihtore “Yahu masieraboca”, ni tuhotuena tjiga musa. ¹⁵ Yuhu musare yahubasaihtja. Musare ã yoadohocu tuho masiare, noaa durucua cãhure musare yahuchu yoaihtja. Musa ã yoachu musare ñu tuhtiina sehe musa

durucuaire tũho, “Tí potocã jierara”, ni yũhti masisi. ¹⁶ Tí pjare mũsa pũcũsũma, mũsa bahana, mũsa coyea, mũsa mehne macaina cũhũ mũsare ñũ tuhtiinare waahca mũsare yũ yaina mũsa jiri buhiri. Ti ã yoachũ mũsare ñũ tuhtiina mũsa mehne macainare painare wajãahca. ¹⁷ Æ yoa yũ yaina mũsa jichũ ñũ, jipihtina mũsare ñũ tuhtiahca. ¹⁸ Mũsare ã ñũ tuhtipahta ne mahanocã mũsare ñano yoasi. ¹⁹ Æ jina Cohamacũre wacũ tuaina jiga mũsa. Mũsa ã yoana, Cohamacũ mehne ã jirucunahca.

²⁰ Æ yoa payũ surara Jerusalẽpũ ti soroachũ ñũna, Jerusalẽne ti cohãhto to mahanocã dũhsachũ masinahca mũsa. ²¹ Ti ã yoachũ ñũna Judea yahpai jiina tãyucũ cahapũ mũroca duhtijaro. Æ yoa Jerusalẽi jiina wahajaro. Æ yoa campoi jiina Jerusalẽpũ wahaea tjijaro ti waha bahrañohto sehe. ²² Tí dachorihi buhiri dahrea dachorihi jipihtia Cohamacũ yare ti joari pũ to niriro cjiro seheta ã waharohca. ²³ Jipihtiropũ ahri yahpai ñano yũhdũahca. To ã wahachũ, niji wahcõa numia, ti pohmare pũina numia cũhũ pjacũoro wahaahca. ²⁴ Paina ahri maca Jerusalẽ macaina mehne cahma wajãahca. Æ cahma wajãa, paina ahri maca macainare jipihtia yahparipũ na wahcã, peresu yoahca. Æ jia judio masa jieraina Jerusalẽne ñano yoa, tinare yũhdũrũcaahca. Judio masa jieraina ya dacho to pihtichũpũ Jerusalẽ macainare ñano yoa duhuahca –ni yahuha Jesu.

Jesu yahpapũ to tjua tahtore yahuha

(Mt 24.29-35, 42-44; Mr 13.24-37)

²⁵ Æ ni yahu tãhsũ, tinare õ sehe ni yahu namoha:

–Tí pjare sũ dacho macariro, ñami macariro, ñahpichoha cũhũ cohto-taahca. Jipihtina ahri yahpa macaina “Cue, yarianahca”, ni tãhotuina pjiri ma maca pahcõri cuaro choro ti bisiro coa tachũ tũhoa tuaro cuiahca. ²⁶ Tí pjare mũano maca yahpari,

ñahpichoha cũhũ tuaro ñũhmiahca. Ti ã wahachũ ñũna, masa sehe ahri yahpa to pihtihore cohtaa, tuaro cuiahca. ²⁷ Tí pjata yũhũ masũno Cohamacũ warocariro Cohamacũ tuaa mehne to si sitea mehne yũ tachũ ñũahca masa. ²⁸ Ahri ti ã waha dũcachũ ñũna, wacũ tuaina jiga. Æ jina mũanopũ ñũga. Tí pjare Cohamacũ mũsare pichacapũ wahaborinare to yũdhohto mahanocã dũhsarohca – niha Jesu.

²⁹ Æ ni tuhsũ ahri quitu mehne piti dahre buheha Jesu:

–Higueracũre, paye yucũ cũhũre tũhotuga mũsa. ³⁰ Tí yucũri pũri tichũ ñũna, cãhma cjihto to mahanocã dũhsachũ masina mũsa. ³¹ Tó seheta ahri jipihtia yũ niri cjiire ti ã wahachũ ñũna, Cohamacũ masare pũhtoro to noano sũho jihti pja mahanocã dũhsachũ masinahca mũsa.

³² Mũsare potocã niita nija. Tí pja macaina ti yariahto pano jipihtia yũ niriro seheta ã waharohca. ³³ Mũano, ahri yahpa cũhũ pihtia wahaahca. Yũ durucua sehe ne cohtotasi. Jipihtia yũ niriro seheta ã waha sohtori tiarohca.

³⁴ Yũ tjua tahti dachore ne masierara mũsa. Æ jina noano yoaga. Bose nũmũrine bũjũna yoarucuena tjiga. Æ jina cahaena tjiga. Ahri yahpa macaare pjĩro tũhotuena tjiga. Mũsa yũ niriro seheta yoana, wacũenoca ahri yahpapũ yũ tachũ mũsa ne cũasi. ³⁵ Wahiquirore yurida wahiquirore wacũenoca to tũã suharo seheta wacũenoca taihca yũhũ. Jipihtina ahri yahpa macaina ti masieraro watoj tí dachoi wacũenoca ã waharohca. ³⁶ Noano wacũ masi cohtaga. Æ jina Cohamacũre ahrire ã sinirucuga: “Ahri pihtiri dachore ã wahachũ yũhũre yoadohoga. Tu-aare waga yũhũre ahrire noano yũ yũhdũhti cjihtire. Tuhsũ, Cristore mũ warocarirore cuiro marieno yũhũre piti bocachũ yoaga”, ni siniga Cohamacũre –niha Jesu.

³⁷ Æ yoa tí dachorire Cohamacũ wũhũi Jesu buhea tiha. Ñaminipe

buhe tuhsuro Olivo wama tidu tucupu waha, tópu ji bohrea tiha. ³⁸ Bohrea taharipe jipihtina masa Cohamacu wuhupu tirore tahoah waha tiha.

22

Sacerdotea puhto, judio masare buheina mehne wajã duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Æ yoa tí pjare bucaerari pãore ti chuhti bose numari mahanocã dũsaha. Tí bose numari pascua wama tiha. ² Æ jia sacerdotea puhto, judio masare buheina mehne Jesure wajã duaa, ti wajãhtore wacũ macaha. Jesure wajã duapahta, masa sehere cuiha, “Suari”, nia.

³ Æ yoa watino Juda Iscariotere ñano to yoa dutichu Juda sehe yuhtiha tirore. Juda doce buheina mehne macariro jimaha. ⁴ Æ yoa tiro sacerdotea puhtoare, Cohamacu wuhu macaina surara puhto mehne cãhure sũhũduro wahaha. Ti cahapu su, tinare Jesure to ñohtore sũhũduha tina mehne. ⁵ To Æ nichu tãhoa, tina wahche, “Mũhure niñerure wapanahtja”, niha tina Judare. ⁶ Ti Æ nichu Juda “Jai, tirore musare ñoihtja”, ni masa ti ñueraro watoi Jesure ñu tuhtiinare to ñohti ñamine cohtasiniha.

Jesu buheina mehne to chu batoari numu jiha

(Mt 26.17-29; Mr 14.12-25; Jn 13.21-30; 1Co 11.23-26)

⁷ Bucaerari pão bose numari ti ji ducari dacho jiha. Æ jiro pascua macaina cjihtire ovejare ti chuhtinare ti wajãhti numu jiha. ⁸ Tí pjata Pedrore, João cãhure Jesu õ sehe ni yahuha:

—Bose numu mari chuhtire cahnoyuna wahaga —niha Jesu tinare.

⁹ —¿Mari pascua macaa chuhtire noho baroi cahnoyu dutirocaijari muhu sare? —ni sinituha tina tirore.

¹⁰ Tí Æ nichu Jesu õ sehe ni yuhtiha: —Jerusalẽpu musa sũchu co situ wuariro musare piti bocarohca. To

piti bocachu tiro mehne wahaga. ¹¹ Æ wahana tiro to sũho sãari wuhupu sana tí wuhu purore õ sehe ni yahuga. “¿Dí tahtiai yuhu yu buheina mehne pascua macaa chũare chũnahcari?” ni sinitu dutirocahre buheriro”, niga tí wuhu purore. ¹² Musa Æ nichu tũhoro, tópu muano macari tahtiare pjiri tahtiare, noano ti cahnoyuri tahtiapure musare ñonohca wuhu puru. Tóti mari chuhti cjihtire dahrega musa —niha Jesu tinare.

¹³ To Æ nichu tina tí macapu wahaha. Tópu ti sũchu tinare to niriro seheta wahaha. Æ jia tina pascua macaa chũare dahreha.

¹⁴ Tí chũri pja jichu Jesu doce to buheina mehne chu dujiha. ¹⁵⁻¹⁶ Tópu ti chũropu dujiro Jesu tinare õ sehe ni yahuha:

—Musare niita nija. Ahri pascua bose numurine mari dahreja Cohamacu to yainare to yũdohtore wacũna. Baharo Cohamacu masare puhtoro to noano sũho jiropu to yainare yũdo tuhsurohca. To Æ yũdohto pano ahri numari baro macaare pari turi chũeraja yuhu. Æ jicu mipure ñano yũdu, yu yariahto pano ahri pascua macaa chũare musa mehne tuaro chu duaa tihí —niha Jesu.

¹⁷⁻¹⁸ Æ ninota Jesu sihniri wahware na, Cohamacure “Noana”, ni sini, tinare õ sehe ni yahuha:

—Musare niita nija. Cohamacu jipihtina bui puhtoro to noano sũho jihto pano ahri vinore ne pari turi sihnisi yuhu. Æ jina ahri vinore na, musa basi witi, sihniga —niha Jesu.

¹⁹ Æ ni tuhsu pão curire na, Cohamacure “Noana”, niha. Æ ninota, tí curire nuha, witiha tinare. Tí curire witirota, tinare õ sehe ni yahuha:

—Ahri yu pjacu jira. Yu pjacu yũhure ñu tuhtiinare ti wari pjacu jirohca. Musa ñaa yoari buhirire cohãcu tacu yariaihca yuhu. Æ jina yũhure musa wacũhti cjihtire ahrire chũga —niha Jesu.

²⁰ Æ ch_u tuhs_u tó seheta tiro tinare sihniri wahwa cãh_ure waha. Æ waro, tinare õ sehe ni yahuha:

—M_usa ñ_ãa buhirire cohãc_u tac_u yariaihca. Æ yoac_u y_u dire cohãihca. Cohamac_u “M_usare y_uhdoihtja”, to niriro m_u s_uch_u ã y_u yariaro mehne to niriro sohtori tirohca.

²¹ Mip_ure tãhoga m_usa. Y_uh_ure ñ_u tuhtiinare y_uh_ure ñohtiro mip_ure y_uh_u mehne õi dujira. ²² Cohamac_u to dutiriro seheta y_uh_u mas_uno Cohamac_u warocariro yariaihca. To ã yaria dutipach_uta y_uh_ure ñ_u tuhtiinare ñoriro pinihta ñabiaro y_uh_urohca —niha Jesu tinare.

²³ To ã nich_u tina sehe ti basi õ sehe ni sinituha:

—¿Jesure ñ_u tuhtiinare ñohtiro mari mehne macariro diro baro jicari na? —ni durucuha tina ti basi.

“¿Mari mehne macariro diro sehe jicari na pãhtoro?” ni durucuha Jesu buheina ti basi

²⁴ Baharo Jesu buheina õ sehe ni durucuha:

—¿Mari mehne macariro diro sehe jicari na pãhtoro? —ni durucuha ti basi.

²⁵ Ti ã ni durucuch_u tãhoro Jesu tinare õ sehe ni yahuha:

—Cohamac_ure cahmaeraina pãhto sehe ti masare dutia, puri_uno mehne dutira. Æ jia pãhtoare “Tina masare yoadohoina jira”, nimana paina masa tinare. ²⁶ M_usa sehe tó sehe yoasi m_usa basi. M_usa mehne macariro m_usa wahmi sehere to baharo yoaro sehe jiro cahmana. M_usa mehne macariro pãhtoro ji duaro cahamac_uno yoaro sehe jiro cahmana tirore. ²⁷ ¿Diro jijari pãhtoro? ¿Ch_u dujiriro sehe pãhtoro jijari? ¿O ch_uare duhu payoriro sehe pãhtoro jijari? Ch_u dujirirota jica pãhtoro. To ã jipach_uta y_uh_u sehe cahamac_uno yoaro seheta m_usare yoadohoi tai.

²⁸ M_usa y_uh_ure ti ñano yoapach_uta m_usa sehe y_uh_ure duhuerare. ²⁹ Æ jic_u y_u P_uc_u y_uh_ure to pãhtoro sãriro seheta m_usa cãh_ure pãhto sãihtja y_uh_u. ³⁰ Y_uh_u pãhtoro y_u jich_u y_u

ch_uri mesai m_usa cãh_u ch_u, sihninahca. Æ yoana m_usa pãhto dujiare dujinahca. M_usa tói dujina Israe masare doce curuari macainare besenahca m_usa ñaina, noainare —niha Jesu to buheinare.

Pedro Jesure to cohãhtore yahuha Jesu

(Mt 26.31-35; Mr 14.27-31; Jn 13.36-38)

³¹ Æ ni tuhs_u Pedrore Jesu õ sehe ni yahuha:

—Simo Pedro y_uh_ure tãhoga. M_usare jipihtinare y_uh_ure cohãch_u yoa duara watino. Trigo wese pãro to trigore to wã site cohãriro seheta m_usare jipihtinare watino ñano yoa duara “Ñare yoajaro”, nino. Æ yoa duaro, Cohamac_ure sinihre. ³² To ã sinich_u ñ_uc_u y_uh_u sehe Cohamac_ure sini payohi mãh_ure. Y_uh_ure m_u wac_u tua duhuerah_uti cjihtire sini payohi mãh_ure. Æ jic_u mãh_u y_uh_u mehne macariro pari turi jic_u m_u coyeare y_u yainare yoadohoga mãh_u —niha Jesu Pedrore.

³³ To ã nich_u Pedro õ sehe ni yãhtiha:

—Pãhtoro, y_uh_ure ti peresu yoapach_uta, y_uh_ure ti wajã duapach_uta mãh_u mehne macariro jiihtja —nimaha Pedro.

³⁴ Jesu õ sehe ni yãhtiha:

—Pedro mãh_ure niita nija. Micha ñami caraca to duhto pano “Jesure masieraja”, niihca mãh_u painare. Tia taha ã niihca mãh_u —niha Jesu Pedrore.

Jesure ti ñano yoa dãcahto mahanocã dãhsaha

³⁵ Æ ni tuhs_u Jesu to buheinare õ sehe ni yahuha:

—¿Sohõ jiri pja m_usa niñeru wajuru marieina, pjiri wajuru marieina, dahpo suhti marieina m_usare y_u warocach_u paye baro dãhsari m_usare? —ni sinitu ñãha Jesu.

—Ne sãre yaba dãhsaerare —ni yãhtiha tina.

³⁶ —Típjare m_usare dãhsaerapach_uta mip_u sehere niñeru wajurure cãhana tíre naga. Pjiri wajurure cãhana

cũhũ naga. ã jina mũsare ñosari pjĩ mariachũ mũsa suhtire duana tí pjĩne nuchũga. ³⁷ Ahrire mũsare nii nija. Cohamacũ yare ti joari pũi ti niriro seheta yũhũre ã waharo cahmana. Õ sehe niha tí pũi: “ ‘Tiro dutiare yũhdũrucaina mehne macariro jira’, niahca masa”, ni joaa tiha —niha Jesu.

³⁸ —Ñũga pũhtoro. Pũa pjĩ ñosaa pjĩnine cjuaja sã —niha to buheina.

—Tó puro tjica —ni yũhtiha Jesu.

Getsemaní wama tiropũ Jesu Cohamacũre siniha
(Mt 26.36-46; Mr 14.32-42)

³⁹ ã yoa Jesu to ã yoarucuriro se-heta Olivo wama tidũ tũcũpũ wahaha. To ã wahachũ to buheina tiro mehne wahaha. ⁴⁰ Tórpũ sũro tiro tinare ò sehe ni yahuha:

—Cohamacũre siniga ñano mũsa yoaerahto sehe —niha Jesu tinare.

⁴¹ ã ni tuhsũ tiro to sahsero manocã waha namo, na tuhcuca caha sũ, ⁴² Cohamacũre ò sehe ni siniha:

—Mai, yũ ñano yũhdũhtire yoa du-aeracũ yoai tjia. Yũ ã nipachũta yũ cahmaa sehere yoai tjia. Mũhũ sehe masina. Mũ cahmano seheta yoaga yũhũre —ni siniha Jesu Cohamacũre.

⁴³ [To ã sinichũ mũanopũ duji tariro anjo Jesure bajua, yoadohoha tirore.

⁴⁴ Tuhsũ, Jesu ñano yajeripohna ti, tuaro mehne Cohamacũre siniha. ã jia to so witia di yahpari yoaro sehe jia tirore wijaa, yahpũpũ bora caha sũha.]

⁴⁵ Cohamacũre sini batoa wahcãrucũ sũ, tiro to buheina cahapũ wihaha. ã to wihichũ to buheina tuaro cahyaina jia, carĩa niha. ⁴⁶ ã jiro Jesu tinare ò sehe ni yahuha:

—¿Dohseana carĩa nijari mũsa? Wahcãga. Cohamacũre siniga ñano mũsa yoaerahto sehe —niha Jesu tinare.

Jesure ñũ tuhtiina tirore peresu yoaha

(Mt 26.47-56; Mr 14.43-50; Jn 18.2-11)

⁴⁷ To ã ni durucuro watoi masa payũ wihaha. Juda doce buheina mehne macariro cjiro masare mũ tã

tariro jiha. ã jiro tiro Jesu cahai wihi, wahsupu wihmiha tirore. ⁴⁸ To ã wih-michũ Jesu tirore ò sehe ni sinituha:

—Judá, ¿yũhũ masũnore Cohamacũ warocarirore yũhũre ñũ tuhtiinare ñocũ yũhũre wahsupu wihmijari mãhũ? —niha Jesu.

⁴⁹ To ã niri baharo Jesu buheina masa Jesure ti ñahahtire masia, tirore sinituha:

—Pũhtoro, ¿sã ñosaa pjĩni mehne tina mehne cahmachema? —niha tina.

⁵⁰ Ti ã niri baharo cãiro Jesu buheina mehne macariro sehe sacer-dotea bui pũhtoro cahamacũnore to ñosari pjĩ mehne to cahmonore poto bũhũsehei jiri cahmonore cã pahrẽnocaha. ⁵¹ To ã yoachũ ñũno Jesu tirore ò sehe niha:

—ã yoai tjiga —niha.

Ni, cahamacũno cahmono jiriro cjiroi ña payoha. To ã ña payochũta cahmono mũnano seheta jiha tjoa.

⁵² ã yoa tuhsũ sacer-dotea pũhtoare, Cohamacũ wũhũ macaina surara pũhtoare, bũcũna cãhũre tirore ñaha tainare Jesu ò sehe ni sinituha:

—¿Dohse jiro baro mũsa ñosaa pjĩni, yucũ tiri mehne yacarirore ti yoiriro seheta mũsa yũhũre ñahana tajari?

⁵³ Dachoripe Cohamacũ wũhũpũ mũsa mehne yũ jichũ, mũsa yũhũre ne ñahaerare. ã jipachũta mipũre mũsa ya dacho yũhũre mũsa ñano yoahiti dacho jira. Mipũ watĩno to ñano yoahiti dacho cũhũ jira —niha Jesu.

“Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tina Jesure ñaha tuhsũ sacer-dotea bui pũhtoro ya wũhũpũ naaha tina tirore. Ti tórpũ naachũ Pedro yoaropũ tinare ñũ nũnũ tiha.

⁵⁵ Pũhtoro wũhũpũ sũ, tói wũhũ cahai jiri wapai, noari wapa dacho macai pichaca wijãha paina. Ti ã wijãchũ ñũno Pedro pichaca cahai dujiina mehne dujiha. ⁵⁶ To ã dujiri baharo

cācoro cahamacono tirore noano ñu, painare õ sehe ni yahuha:

—Ahriri cūhu tiro mehne jihre — niha ticoro.

⁵⁷ To ã nichu tūhoro Pedro õ sehe ni yūhtiha:

—Numino, tirore ne masieraja yūhu —nimaha tiro.

⁵⁸ Ticoro to ã niri baharocāta pairo Pedroro ñu, õ sehe niha tjoa:

—Mūhu cūhu tina mehne macariro tjira —niha tiro.

—Ne jieraja —nimaha Pedro.

⁵⁹ Cū hora baharo pairo painare õ sehe ni yahuha:

—Potocā tjira. Ahriri Galilea macariro jira. ã jiro potocāta Jesu mehne jihre ahriri cūhu —ni yahuha tiro painare.

⁶⁰ To ã nichu Pedro õ sehe ni yūhtiha:

—Ne, mu nirirore masieraja yūhu — ni yūhtiha Pedro.

To ã ni durucuro watoi caraca duha. ⁶¹ To ã duchuta Jesu wūhu cahai jiriro Pedroro majare ñurocaha. To ã yoachu Pedro sehe Jesu to yahurire wacūha. “Micha ñami caraca to duhto pano, ‘Yūhu Jesure masieraja’, niuhca mūhu. Tia taha ã niuhca mūhu”, Jesu to niri cjirire wacūha Pedro. ⁶² ã wacūno Pedro tōpu jiriro wijaa ta, turo tiirucuha.

Jesure bujūpe, cjāha tina

(Mt 26.67-68; Mr 14.65)

⁶³ ã jia Jesure cohtaina surara tirore bujūpe, cjā mūjaha. ⁶⁴ ã cjā mūja, to caparire dūhte dūcata, tirore õ sehe ni sinituha:

—¿Diro mūhure cjājari? Ñūerapaihta yahuga sāre —ni sinitu, bujūpeha tina.

⁶⁵ ã jia payu ñano ni durucuha tina tirore.

Jesure puhto sinituha

(Mt 26.59-66; Mr 14.55-64; Jn 18.19-24)

⁶⁶ Bohrearo judio masa bucuna, sacerdotea puhto, judio masare buheina cūhu cahmachuha. Ti ã cahmachunoi paina tina cahapu Jesure na taha.

⁶⁷ —Yahuga sāre. ¿Cristota jijari mūhu? —ni sinituha tina Jesure.

Ti ã nichu Jesu õ sehe ni yūhtiha:

—Mūsare yu yahuchu, yūhure tūhosi mūsa. ⁶⁸ Mūsare yu sinituchu yūhure yūhtisi mūsa. ⁶⁹ Mūsa yūhtierapachuta baharo curero jipihtia dachoripe yūhu masūno Cohamacu warocariro Cohamacu tua yūhdūariro to poto būhūsehei dujihtja —niha Jesu.

⁷⁰ To ã nichu tina jipihtina sinituha tjoa pari turi:

—¿ã nicu Cohamacu macūnota jijiari mūhu? —niha tina.

—Tirota jija mūsa nino seheta —ni yūhtiha Jesu tinare.

⁷¹ To ã nichu tūhoa, tina õ sehe ni durucuha ti basi:

—Ahriri Cohamacure pjiro to ñano durucuchu mari basi tūhohi. ã yoa ahriroro yahusāina tōpeina tjijaro. (Tōpeina mehne tirore mari wajā duti masija) —niha tina ti basi.

23

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

¹ ã ni tuhsu tina jipihtina wahcārūca, Jesure Pilato cahapu naaha. ² To cahapu na sūa, Jesure yahusā dūcaha:

—Ahriri mari ya yahpa macainare to ñano yoa dutichu sā tūhohi. Mari bui puhtorore ahriri wapa dutierara. Tuhsu, tiro “Puhtoro jija. Cristo masare yūhdohtiro jija yūhu”, ni durucure to basi —ni yahusāha tina Jesure.

³ Ti ã ni yahusāri baharo Pilato Jesure õ sehe ni sinituha:

—¿Judio masa puhtorota jijari mūhu? —niha tiro Jesure.

—Mu nino seheta tiro tjija —ni yūhtiha Jesu.

⁴ To ã nichu Pilato sacerdotea puhtoare, masa cūhure õ sehe ni yahuha:

—Ahriri yaba buhiri mariahna — niha tiro.

⁵ To ã nipachuta tina tuaro yahusã namoha:

–Tiro to buhea mehne masare cah-machechũ yoara. Galilea yahpai tiro tíre yoa dũcare. ã yoa dũca tuhsũ jip-ihtiro Judea yahpapũ tíre tiro yoare. Mipũ õpũ cãhũre tíre yoaro taro nina –ni yahusãha tina.

Herode Jesure sinituha

⁶ Ti ã ni yahusãchũ tũhoro Pilato sehe õ sehe ni sinituha:

–¿Ahriri Galilea macariro jijari? –niha tiro.

⁷ –Tó macariro tjira –ni yũhtiha paina.

Ti ã ni yũhtichũ tũhoro Pilato sehe Jesu to jiri yahpare masino pũhtoro Herode ya yahpa macariro Jesu to jichũ masiha. Tíre masino Jesure Herode cahai warocaha. Tí pjare Herode Jerusalẽi jia tiha. ⁸Tó panopũ Herode Jesure tũhoa tiha. To ã tũhori baharo yoari pja baharo tirore ñũ duaha. Jesu Cohamacũ tuaa mehne to yoa ñochũ ñũ duamaha tiro. ã jiro tiro Jesure ñũno, wahcheha. ⁹ ã jiro payũ tahari sinituha Jesure. To ã sinitupachuta Jesu ne yũhtieraha tirore. ¹⁰ Sacerdotea pũhtoa, judio masare buheina cãhũ Herode cahai wahcãrũca, tuaro Jesure yahusãha. ¹¹ Ti yahusãri baharo, Herode to surara mehne bũjũpe, Jesure ñano yoaha. ã bũjũpea, noari suhtirore pũhtoro to sãari suhtiro yoaro sehe bajuri suhtirore sãaha tina Jesure. ã bũjũpe tuhsũ, tirore Pilato cahapũ warocaha tjoa. ¹² Tí dachore Herode, Pilato mehne noano ti basi cahma yoaina ji dũcaha. Tó panore ti basi cahma ñũ tuhtiina jisnimaha.

Masa Jesure wajã dutiha

(Mt 27.15-26; Mr 15.6-15; Jn 18.39-19.16)

¹³ ã yoa Pilato sacerdotea pũhtoare, paina pũhtoare, masa cãhũre to pjirocachũ, cahmachuha. ¹⁴ Ti cahmachu pihtichũ ñũno õ sehe niha Pilato tinare:

–Ahriroro yũhũre na tana, “Tiro masare ñano yoa dutira”, nimahre

musa yũhũre. Mipũ musa ñũrocaroi ahriroro noano sinitu pahũohi tjoa. Yũ ã sinituri baharo musa tirore ã yahusãrucuchũ tirore ñaa buhiri ne mariahna, yũ ñũchũ. ¹⁵ Herode cãhũ tirore “Ne, ñaa buhiri mariahna”, nihre. ã nino ahriroro pari turi sãre wa majare tjuhre tjoa. ã jina ahriroro to ñaa buhiri mariachũ tirore musa wajã duti masierara. ¹⁶ ã jicũ tirore yuta dari mehne tjana dutiuhca yũhũ. ã ti tjanari baharo tirore wioihtja –nimaha Pilato masare.

¹⁷ [Cũhmaripe pascua bose numũrine masa yairo cjihtore cãiro peresupũ jirirore Pilato wiobasa mũjaa tiha.] ¹⁸ ã jia Pilato “Jesure wioihtja”, to nichũ tũhoa jipihtina masa õ sehe ni sañurucuha:

–Tirore Jesure wajãga. Sã yairo cjihtore Barrabá sehere sãre wiobasaga –ni sañurucuha masa.

¹⁹ Tí pjare Barrabá wama tiriro Jerusalẽpũ pũhtoare cohã duaina mehne macariro, masũnore wajãriro peresupũ jiha. ã jia tirore masa wio dutia niha. ²⁰ Pilato Jesu sehere wio duamaha. ã jiro tiro masare sinitu ñũha tjoa. ²¹ To ã wio duapachuta tina tirore õ sehe ni sañurucuha tjoa:

–Crusapũ cjã puha wajãga tirore. Wajãga tirore –ni sañurucuha tina.

²² Ti ã nichũ Pilato tia taha waharoi õ sehe nimaha tinare:

–¿Yabare ñano yoari tiro musa ã ni sañurucuchũ? Ne tirore ñaa buhiri mariahna. ã jicũ tirore wajã duti masieraja. Tirore yuta da mehne tjana dutiuhca. Tó purota yoa dutiuhca. ã yoacũ wioihca tirore –niha Pilato.

²³ To ã nipachuta tina tuaro mehne sañurucu namo, Jesure crusapũ wajã dutiha. Ti ã ni sañurucuchũ tũhoro ti cahmariro seheta Pilato yoaha. ²⁴ Tirore ti siniriro seheta Pilato Jesure wajã dutiha. ²⁵ ã dutiro tiro peresupũ jirirore masare cahmachechũ yoariroro, masare wajãrirore masa ti siniriro seheta Pilato Barrabá sehere wioha. Tuhsũ, Pilato Jesure crusapũ wajã dutiha.

Tina Jesure crusap# cjã puha, wajãha

(Mt 27.32-44; Mr 15.21-32; Jn 19.17-27)

²⁶ To ã wajã dutich# tina Jesure wajãa wahaa, naaha. Tí pja ti ã yoaro watoi Simo wama tiroiro Cirene macariro campop# s#riro wihaha. Jerusal#p# to wihich# ñ#ha Jesure naaina tirore piti boca, ñaha, Jesu to w#ari crusare tirore w#ha wahcã dutiha Jesu baharo.

²⁷ Æ yoa masa pay# Jesure ñ# n#n# tiha. Æ jia masa watoi jia numia tirore ti ã yoach# ñ#ha tuaro tiha. ²⁸ Ti ã tiich# t#horo, tí numiare Jesu majare ñ#, ò sehe niha:

—Jerusal# macaa numia, y#h#re ti-iena tjiga. M#sa basi, m#sa pohna m#sa ñ#ano y#hd#htire masina, ti-ibasaga. ²⁹ Paye dachori jich# ñ#abiaro y#hd#nahca m#sa. Tí pjare masa ò sehe niahca: “Pohna mariea numia, pohna tierari numia, p#era numia mip# mari jich# noabiaboa”, niahca masa. ³⁰ Tí pjare t#care ò sehe ni durucuahca masa. “M#h# t#cu sã buip# bora pjaga. Sãre d#catahga”, niahca masa cuia. ³¹ Masa buhiri marierirore y#h#re ò sehe ti yoach#, ñ#aa buhiri cj#aina sehe ñ#abiaro wahahca —niha Jesu.

³² Paina p#aro, dutiare y#hd#r#caina ti jich# tina c#h#re Jesu mehne ti wajãhtinare naaha tina. ³³ Tinare naa, “Dapu cohã”, wama tirop# s#, crusap# Jesure cjã puha òha. P#aro y#hd#r#caina c#h#re paire to pototo buh#sehei, paire to cõ buh#sehei cjã puha òha. ³⁴ [Ti ã yoach# Jesu ò sehe niha:

—Mai, ahrina mip# ti ñ#aa yoarire boga tinare. Tina ti dohse yoarire masierara. Æ jicu ti ñ#aa yoari buhirire boga —niha Jesu.]

Æ yoa Jesu suhtire cahma witia tina docapeha. To suhti cjirire “Noa yaro jirohcari ò”, ni cahma docapeha tina. ³⁵ Tuhs#, masa tói ducuina ti ñ#rucuro watoi judio masa p#htoa Jesure ò sehe ni buj#peha:

—Tiro paina masare yariaborinare yoadohoyumahtiro. Æ jiro tiro Cristo Cohamac# to beseriro jiro, mip# yariaboriro jiro, to basi yoadohojarò —ni buj#peha tina.

³⁶ Surara c#h# tirore buj#peha. Jesu cahai s#ha, tina tirore ñ#aa co vinore wamaha. ³⁷ Tíre waa, ò sehe niha tina:

—M#h# judio masa ti p#htoro jicu m# basi yoadohoga. Æ jii y#hd# witi-ihca m#h# —ni buj#peha tina.

³⁸ Æ yoa tiro bui ti cjã puha òri pj#ne ò sehe ni joaha: “Ahriro judio masa bui p#htoro jiriro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti cjã puha daporiro y#hd#r#cariro sehe ò sehe ni, ñ#ano durucuha Jesure:

—¿M#h# Cristo masare y#hdoriro jierajari? M# basi, sã c#h#re yoadohoga —niha tiro Jesure.

⁴⁰ To ã nich# t#horo pairo y#hd#r#cariro Jesu pototo buh#sehei ti cjã puha daporiro sehe tirore ò sehe niha:

—Mari c#h#re c#no potori buhiri dahrera tina. ¿Dohseac# Cohamac#re ne ñ#o payoerajari m#h#? ⁴¹ Marine ñ#aa buhirire yoaa, quihõno yoaa nina tina. Ñ#are mari yoari buhiri marine buhiri dahrera tina. Ahriro sehe ñ#are yoerare —niha tiro pairo y#hd#r#carirore.

⁴² Æ nino, tiro Jesure ò sehe niha:

—Jesu, m#h# p#htoro jicu, tjua tac#, y#h#re wac#ga —niha tiro Jesure.

⁴³ To ã nich# t#horo, ò sehe niha Jesu:

—M#h#re ahrire nii nija. Michare paraíso wama tirop# m#h# y#h# mehne jiihca —niha Jesu tirore.

Jesu yariaa wahaha

(Mt 27.45-56; Mr 15.33-41; Jn 19.28-30)

⁴⁴ Æ yoa cohari pja jich# s# si duhua wahaha. Æ jiro jipihtiro tí

dihtapure tia hora waro noano nahitiano jiha. ⁴⁵ Nahitiano to jiro watoi, Cohamacu wuhu macari suhtiro, ducataru suhtiro dacho maca waroi bui sehe tuhnu bora ta, puca cahsaro tuhnu roca yoja sua wahaha. ⁴⁶ ã jiro Jesu õ sehe ni tuaro sañurucuha:

—Mai, yu catiare mure wiaja mu ñu wihbohto cjihtore —ni sañurucuha Jesu.

ã ni tuhsu yariaa wahaha.

⁴⁷ To ã yariachu ñuno, surara puhtoro sehe “Cohamacu tuariro jira”, nino: “Ahriro Jesu cjiro potocãta noariro jiri jimana”, niha surara puhtoro.

⁴⁸ ã jia ti wajachu ñua tarina Jesu to yariachu ñua, ti wuhusepu tjuaa wahaha. Tjuaa waha, ti ñaa yoarire cahyaa mehne ti pëbuhui cã õ wahcãha. ⁴⁹ Jipihtina Jesu yaina tiro mehne macaina, Galileapu tiro mehne tari numia cãhu Jesure yoaropu ñurocarucua niha.

Jesu pjacure masa copapu na sãa duhu payoha

(Mt 27.57-61; Mr 15.42-47; Jn 19.38-42)

⁵⁰⁻⁵¹ Tí pjare José wama tiri to jiha. Judea yahpai jiri maca Arimatea wama tiri maca macariro jiha. Tiro noariro, quihõno yoariro jiro, Cohamacu to puhtoro ji ducatore cohtariro jiha. ã jiro tiro judio masa puhto mehne macariro jiparota Jesure ti wajã dutichu cahmaeramaha tiro. ⁵² ã jiro Pilato cahapu su, Jesu pjacure siniha. ⁵³ Sini tuhsu, Jesu pjacure na boro, noari suhtiro mehne to pjacure wahmaha. ã wahma tuhsu, masa copapu tãcai ti sahari copapu na sãa duhu payoha to pjacure. Tí copare ne paina yariainare duhu payoerasiniha mini. ⁵⁴ Tí dacho Sabado dacho macaa cjihtire ti cahnoyuri dacho jiha. Sabado judio masa ti sori numu cjihto mahãnocã dũsaha.

⁵⁵ ã jia Galileapu Jesu mehne tari numia masa copapu José mehne wahaha. Masa copapu su, tí copare ñu,

Jesu pjacure ti duhu payorire ñua. ⁵⁶ Baharo ti wuhusepu tjuaa waha, me sitia mehne wisõa co mehne cahnohã tina. Tuhsu, Sabado jichu Cohamacu to dutiare Moise cjirore to cãri to dutiro seheta tina soha.

24

Jesu masa wijaa

(Mt 28.1-10; Mr 16.1-8; Jn 20.1-10)

¹ Domingo jichu bohrearopu tí numia ti me sitia ti cahnoyumarire Jesu masa copapu na wahcãmaha. ² Tí copapu sua, tí copare bihari tãca pjõo ti duhu cãri tãcare ñua. ³ ã ñua tina tí copapu sãa wahaha. Jesu pjacure bocaeraha tina. ⁴ To pjacure bocaeraa, “¿Dohse wahapju?” ni tuhõtuha tina. Tí ã ni tuhõtu durucu coãno watoipuro mu si sitea suhti tiina tina cahai ducuha. ⁵ Tóti ti ducuchu ñu, numia cuia na tuhcuã caha sua. Tuhsu, muã sehe tí numiare õ sehe ni yahuha:

—¿Dohseana yariariro to jiriro cjirore tirore macajari muã? Mipure tiro catiriro jira. ⁶ Tiro õre mariahu. Masa wijaa tuhsu. ¿Sohõ jiri pjare Galileapu muã mehne jiro musare to niri cjirore wacũjari muã? ⁷ “Yuhure Cohamacu warocarirore paio warõca ñainare. To ã wari baharo yuhure crusapu cã puha wajãahca tina. ã jicu yu yariari baharo tia dacho wahaboroi masa wijaa ihca yuhu”, ¿musare to niri wacũjari muã? —niha muã sehe.

⁸ Tí ã nichu tuhõa, numia sehe Jesu to niri wacũha. ⁹ Tí ã niri baharo tina tjuaa waha, once buheinare paina cãhure tíre yahu pahõõha. ¹⁰ Tí numia sehe María Magdalena, Juana, María Santiago pocoro jiha. Tí numia mehne paye numia cãhu jiha Jesu buheinare yahua numia. ¹¹ Tí ã ni yahupachuta Jesu buheina sehe “Potocã nia nieraca. Mahõõpea nica ahri numia”, ni tuhõtumaha. ã jia tí numiare tuhõ duaeraha.

¹² Tí ã nichu tuhõro, Pedro sehe masa copapu muãroca wahcã, ñuno wahaha. Tí copapu su, tiro muhri caha, ñuroca sõha. Jesure ti wahmari

suhtiro dihtare ñuaha. “¿Dohse wahari na?” ni tūhotu, tiro wuhupū tjuaa wahaha.

Emau wama tiri macapū wahari mahapū Jesu bajuaha
(Mr 16.12-13)

¹³ Tí dachoihta pūaro Jesu buheina mehne macaina Emau wama tiri macapū wahaa niha. Jerusalē once kilómetro yoaro jira Emaupū sahto. ¹⁴ Emaupū wahaa, jipihtia Jerusalēi tí pjare to ã waharire Jesure ti ñano yoarire durucu wahcāa niha. ¹⁵ Ti ã ni durucuro watoi Jesu sehe ti cahapū sū, tina mehne wahaha. ¹⁶ Tirore ñupahta tina tirore “Jesu jira”, ni ñu masieraha.

¹⁷ —¿Dohse ni cahya durucu wahcāna nijari mūsa? —ni sinituha Jesu.

¹⁸ To ã nichū tūhoa tina cahyaro mehne suruca, Cleofa wama tirore sehe Jesure õ sehe ni yūhtiha:

—¿Mipūre Jerusalēi tiniriro jipaihta mūhū dihta ti yoari cjirire masierajari? —ni sinituha tiro.

¹⁹ —¿Dohse wahari Jerusalēi? —niha Jesu.

To ã nichū tina õ sehe ni yūhtiha:

—Jesure Nazare macarirore ti yoarire nina nija. Tiro Cohamacū yare yahu māhtariro jimahre. ã jia to durucurire tūhoa to yoari cāhure ñūa, “Tuariro jira”, ni tūhotuhre masa. Cohamacū cāhū ãta ni tūhotuca. ²⁰ Mari sacerdotea pūhtoā, paina pūhtoā mehne tirore wajā dutia, painare wahre. Ti ã wachū paina sehe tirore crusapū cjā puha wajāhre. ²¹ “Roma macainare cohāhtiro Israe masa pūhtoro cjihto jira”, ni tūhotumahi sã tirore. Micha mehne tia dacho wahara tiro to yariari baharo. ²²⁻²³ Mahainacã numia sã mehne macaa numia sãre cūachū yoahre. Bohrearopū Jesu to masa copapū tí numia sū, to pjacūre bocaerayuhti. To pjacūre bocaeraa, tina tju wihi yahuhre. “Sãre anjoa bajuahre. Jesu catiyuhti”, ni yahuhre numia sehe.

²⁴ Ti ã nichū paina sã mehne macaina tí copapū sū, numia ti niriro seheta

ñūyuhti. Tina cūhū Jesure ñūerayuhti —niha tina Jesure.

²⁵ Ti ã niri baharo Jesu õ sehe ni yahuha tinare:

—Mūsa ne tūho masiera cureina jira. ¿Cohamacū yare yahu māhtaina cjiri ti nirire noano tūhoerari mūsa?

²⁶ Cristore to pūhtoro jihto pano māanopū to mūjahto pano tirore ñano yūhdūro cahmare. ¿Tíre masierasini-jari mūsa? —niha Jesu tinare.

²⁷ ã nino Cohamacū Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu dūcaha. Tuhsū, jipihtina Cohamacū yare yahu māhtaina cjiri Cristore ti joari cāhure yahu pahñonocaha tiro.

²⁸ Tina ti wahari macapū ti sūa cahachū, Jesu sehe tinare yūhdū wahcāno sehe yoaro nimaha. ²⁹ To ã yoapachūta tina tirore waha dutieraha:

—Sã mehne tjuaga. Ñamichahapū jira. Nahinopū nina —niha tina tirore.

ã jiro Jesu tina mehne wuhupū sãa wahaha. ³⁰ Wuhupū sãa sū, tiro tina mehne ti chūri mesapū nuju sū, pãore na, Cohamacūre “Noana”, niha. ã nino tí pãore nuha na, tinare waha. ³¹ To ã yoachū ñūa tina Jesure ñū masiha. Ti ñū masi mūari baharo tiro buti mūa wahaha. ³² To ã buti mūa wahachū ñūa tina ti basi õ sehe ni durucuha:

—Mahai tiro marine to durucuro watoi Cohamacū to joari cjirire to yahuro watoi tuaro mari wacū tūhotua mehne noano wahchea mehne tūhotuhi mari —niha tina ti basi.

³³ ã ni tuhsū tina dóicāta Jerusalēpū majare tjuaa wahaha tjoa. Tórpū sūa, once buheinare paina mehne cahmachuinare bocaha. ³⁴ ã ti sūchū, once buheina õ sehe niha:

—Potocāta mari pūhtoro masa wi-jaayuhti. Simo Pedro tirore ñūyuhti —niha once buheina.

³⁵ Ti ã nichū pūaro Emau macaina mahai Jesure ti ñūrire yahuha:

—Jesu to pãore to nuhachũ sã ñũ masihi tirore —ni yahu pahñoa tina painare.

Jesu to buheinare bajuaha
(Mt 28.16-20; Mr 16.14-18; Jn 20.19-23)

³⁶ Ti ã ni yahuro watoi ti cahai ji tuhsũha Jesu sehe.

—¿Jimajari mũsa? Noano jiga mũsa —niha tiro tinare.

³⁷ To ã nichũ tũhoa tina “Mari yariariro cjirore ñũna nija”, ni tũhotua, tuaro cuiha. ³⁸ Ti ã cuichũ ñũno tiro tinare õ sehe ni yahuha:

—¿Dohseana cuijari mũsa? ¿Dohseana “Ahri potocã jierara”, nijari mũsa?

³⁹ Yũ wamomacarine, yũ dahpori cũhũre ñũga. Mũsa yũhũre ñũna, ñũ masinahca. Yũhũre ñaha ñũga. Ñaha ñũna, masinahca mũsa. Yariariro cjiropũ pjacũ mariahna. Yũhũ sehe pjacũ tija —niha Jesu.

⁴⁰ Æ nino to wamomacari cũhũre, to dahpori cũhũre ñoha tinare. ⁴¹ To ã ñopachũta tina tuaro wahche, cũaa waha, “Ahri potocã jieraca”, ni tũhotusinimaha. Ti ã tũhotuchũ masino Jesu tinare sinitu ñũha:

—¿Õi chũa jijari? —niha tiro.

⁴² To ã nichũ tũhoa wahi doharirore mi cũhũre waha tirore. ⁴³ Tĩre na, ti ñũrocaroi Jesu chũha. ⁴⁴ Chũ tuhsũ, Jesu yahuha tinare:

—Sohõ jiri pja mũsa mehne jicũ mũsare yũ yahuriro seheta mipũ yũhũ ã wahahi. Cohamacũ dutia Moise cjiro marine to cũri cjiro to ã ni joariro seheta yũhũre ã wahahre. Cohamacũ yare yahu mũhtaina cjiro, Salmo joari tjure joaina cũhũ panopũ yũhũre ti ni yahuriro seheta mipũre yũhũre ã wahahre. Æta waharo cahmahre —niha Jesu.

⁴⁵ Æ ni tuhsũ Cohamacũ yare ti yahu joari cjirore to buheinare masichũ yoaha Jesu:

⁴⁶ —Cohamacũ yare ti joari cjiro õ sehe niha: “Cristore ñano yũhdũro cahmana. Æ jiro tia dacho wahaboroi to yariari baharo tiro masa wijaarohca. ⁴⁷ To masa wijaari baharo jipihitia yahparipũ to yaina Cristo yare

yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tũhotumarire ti cohtotahti cjihtire, Cohamacũre ti cahmahti cjihtire, ti ñaa buhiri tiare to cohãhti cjihtire yahuahca to yaina. Æ yahua taa, Jerusalẽpũ yahu dũcaahca”, niha Cohamacũ yare ti joari pũi —niha Jesu.

⁴⁸ Æ ni tuhsũ õ sehe ni yahu namoha:

—Mũsa sehe ahri jipihtiare ñũrina jira. Æ jina painare yahunahca. ⁴⁹ Cohamacũ “Tirore mũsare warocaihtja”, to nirirore yũhũ sehe mũsare warocaihtja. Æ jina Jerusalẽpũ ahri mũano macaa tuua mũsare to wihihtore cohtaga mũsa —niha Jesu to buheinare.

Jesu mũanopũ mũjaa wahaha
(Mr 16.19-20)

⁵⁰ Æ ni tuhsũ Jesu tinare Jerusalẽi jĩinare Betania cahapũ naaha. Tõpũ sũ, Jesu to wamomacari mehne ñũni mũo, “Noano jiga”, niha tinare. ⁵¹ Æ ni tuhsũ, tinare cũ, mũanopũ mũjaa wahaha. ⁵² To mũjari baharo tina tirore ño payo, Jerusalẽpũ tuaro wahchea mehne tjuaa wahaha. ⁵³ Tõi jia, dachoripe tina Cohamacũ wũhũi Cohamacũ mehne durucu, “Noana”, ni ño payoha tina tirore.

San Juan

Cohamacu ya duserore yahuriro masunota ji ducaha

1 Dóiputa ahri yahpa to jihto panoputa Cohamacu ya duserore yahuriro Cristo masare yuhducha yoah tiro dóihta ji tuhsa tiha. Tiro Cohamacu mehne jiha. ã yoa tirota Cohamacuta jinocahno niha. 2 Dóiputa wahmanoputa Cristo Cohamacu mehne jiha. 3 ã yoa wahmanopure ne mariahri cjirire bajuamehneha. Ahri yahpare, muanore, jipihtiare, jipihtina cūhure bajuamehne dutiha Cohamacu tirore. ã jiro ahrire bajuamehne pahñoha tiro. Ahrire mipure mari ñhure, mari ñhura cūhure to bajuamehnerachu ne mariaboa. 4 Cristo catiare wariro jiro nina. Buhriaro marine to noano ñu masichu yoaro seheta tiro to Pucuro muanore macarirore noano masichu yoara. ã yoaro to Pucuro muanore macarirore masichu yoara masare. 5 Ahri yahpa macaina ñaare ti wacu ti goa pjaa nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. ã yoa nahitiano buhriarore to yuhdurucaeraro seheta Cristore ñaa ne yuhdurucaerara.

6-7 Cohamacu João wama tiri sehere warocaha, Cristore buhriaro yoaro sehe jiriore masare yahu mūhta dutiro. To ã warocachu João sehe masare yahuro tare to yahuriore Cristore jipihtina ti wacu tuahti cjihtire. 8 João sehe Cristo jierare. ã jieraro tiro Cristo sehere masare yahu mūhtano tare. 9 Cristo buhriaro yoaro sehe jiro jipihtina masare Cohamacure masichu yoah tiro sehe ahri yahpau tari jire. Potocã tjira ahri. Tiro buhriaro yoaro sehe jiro waro tjira.

10 Cristo ahri yahpai jia timare. Ahri yahpare bajuamehneriro jiro jimarare. To ã jipachuta ahri yahpa macaina sehe tirore ne masierare.

11 To ya yahpai tiro masa bajuari jimarare. To ya yahpai masa bajuariro to jipachuta to ya yahpa macaina sehe ne tirore cahmaerare. 12 Ti ã cahmaerapachuta, tirore cahmaina sehere, tirore wacu tuaina sehere Cohamacu to pohna jichu yoari jire.

13 Tina Cohamacu pohnata jia nina. ã jia masa ti masa bajuariro seheta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

14 ã jiro Cristo masano to ji ducari baharo mari mehneta jire tiro. To ã jichu ñuna masare cahñiro, potocã jiare yahuriro to jichu sã masii. Tiro dihta Cohamacu macano jiro tuariro noariro jire. To ã jiro jichu sã masii. 15 João Cristore yahu mūhtano õ sehe ni sañurucure masare yahuro:

—Siro tara yu õ sehe ni yahuriro: “Tiro yu baharo tariro jira. ã jiparota tiro yu yuhdoro tuariro jira. Tiro yu masa bajuahito panoputa ji tuhsaha. ã jiro tiro yu yuhdoro tuariro jira”, masare yu ni yahuriro ahriro tjira — nire João Cristore masare yahuro.

16 Tiro Cristo sehe noariro tuaro masare cahñiro jiro marine jipihtinare noano yoarucure. 17 Cohamacu dutiare Moise cjiro sehe cūbasa mūhtaa tiha marine. Jesucristo sehe Cohamacu masare to cahñare buhero tare. Cohamacu to potocã durucua cūhure buhero tare tiro. 18 Masa ne Cohamacure ñuerara. Tirore mari ñuerapachuta to macano to tuaro cahñiro cūirota jiro sehe to Pucurore marine masichu yoare.

Paina João masare bautisarirore sinituha

(Mt 3.11-12; Mr 1.7-8; Lc 3.15-17)

19 Sã coyee judio masa puhto Jerusalēi jinaro sacerdotiare, Cohamacu wuhui dahraina cūhure João cahapu warocari jire. “¿Diro baro jijari mūhu?” ni sinitu dutia warocari jire tinare. Ti ã ni sinituchu õ sehe ni

yahure João sehe. ²⁰ Ne yaro marieno yahure. Potota yahure:

—Yuhuh Cristo Cohamacu masare yuhduchuh yoa dutiro to warocariro jieraja —nire tiro.

²¹ To ã nichuh tina sehe tirore pari turi siniture tjoa:

—¿Muhuh Cristo jieracu, Elia sehe jijiari muhuh? —nire tina.

—Jieraja yuhuh —nire tiro.

—¿Sã cohtariro Cohamacu yare yahu muhtariro sehe jijari muhuh? —nire tina.

—Tiro jieraja yuhuh —nire João sehe.

²² To ã nichuh tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari muhuh? ¿Muhuh basi muhuh sehe dohse jiriro baro “Jija yuhuh”, nijari muhuh? —nire tina João sehe.

²³ Ti ã nichuh õ sehe ni yuhutire tiro:

—Masa marienopuh õ sehe ni sañurucuriro jija yuhuh Cohamacu yare yahu muhtariro Isaia cjiro to ni yahuriro seheta: “Mari puhtoro to tahto pano musa ñaa tuhotuare cohtota, cahno muhtaga musa”, ni masare yahu sañurucuriro jija yuhuh —nire João tinare.

²⁴ João sehe sinituina fariseo curua macaina ti warocarina jire. ²⁵ Æ jia tina João sehe ni siniture tjoa:

—¿Muhuh Cristo, Elia, Cohamacu yare yahu muhtariro sã cohtariro jierapacuta dohseacu masare bautisajari muhuh? —nire tina.

²⁶ Ti ã nichuh tuhoro õ sehe ni yuhutire tiro:

—Yuhuh co mehne masare bautisaja. Pairo sehe musa masierariro musa watoi ji tuhsuha. ²⁷ Tiro sehe yuhuh baharo tariro yuhuh yuhdoro tuariro jira. Noa yuhduhariro jira. Tiro yoaro sehe jieraja yuhuh sehe. Æ jicu tirore tuhotucuh, “Wiho jiriro jija yuhuh”, ni tuhotuja yuhuh —nire João tinare.

²⁸ Æ ni durucure tina, Betaniapuh Jordão wama tiri ma pa buhusehe coapuh, João masare to bautisarioropuh.

Jesu Cohamacu to warocariro to oveja yoaro sehe jiriro jira

²⁹ Pa dachoi Jesu João cahai cahacã curero to tachuh João tirore ñuhno õ sehe nire:

—Ñuhga. Ahriro Cohamacu to warocariro to oveja yoaro sehe jiriro jira. Ovejare mari wajãriro seheta masa ahriro cuhure wajãahca. Æ yariaro ahri yahpa macainare ti buhiri tiare cohãnohca tiro. ³⁰ Ahrirota jira yuhuh õ sehe niriro: “Yuhuh baharo tariro yuhuh yuhdoro tuariro jira. Yuhuh masa bujuahto pano tiro ji tuhsuha. Æ jiro tiro yuhuh yuhdoro tuara”, yuhuh niriro ahrirota jira. ³¹ Yuhuh sehe ahrirore noano waro masiera tihi. Æ masierapaihta co mehne bautisai tai nii yuhuh coyeha Israe masa ahrirore ti masihto sehe —nire João.

³² Æ ni tuhsuh João to ñuhri cjirire õ sehe ni yahu namore tjoa:

—Espiritu Santo muhanopuh buja yoaro sehe duji ta, Cristo mehne to tjuachuh ñuhhi. ³³ Cohamacu yuhuhure to yahuerachuh tirore ne masieraboa yuhuh. Wiho mejeta tiro yuhuhure masare co mehne diapuh bautisa duti warocariro Cohamacu sehe õ sehe ni yahu muhta tuhsuhure yuhuhure: “Espiritu Santo duji ta to bui to tjuaracuh sariro tirota jirohca. Tiro sehe Espiritu Santore to yaina mehne Æ jirucuchuh yoarohca”, nire Cohamacu yuhuhure. ³⁴ Mipuh pinihtare to Æ ni yahurirore ñuh tuhsuhi yuhuh. Æ ñuhcu “Ahriro potocãta Cohamacu macuhno jira”, ni yahuja yuhuh musare —ni yahure João sãre.

Jesu buheina to pji muhtaina jira

³⁵⁻³⁶ Pa dachoi João mehne sã puaro to buheina sã ducuchuh, Jesu sã cahai yuhdu wahcãno nire. To Æ yuhdu wahcãchuh João tirore ñuhno, pari turi õ sehe nire sãre:

—Ñuhga. Ahriro Cohamacu to oveja yoaro sehe jiriro jira —nire João.

³⁷ To Æ nichuh sã puaro to buheina sehe tãre tuhona Jesu baharo wahahi.

³⁸ Sã Æ wahachuh ñuhno Jesu sãre majare ñuh, õsehe ni siniture:

—¿Nohorꝑ wahajari mꝑsa? —nire tiro.

To ã nichꝑ sã cãhꝑ ò sehe ni sinitu ñhꝑ tiorore:

—Rabi, ¿nohorꝑ jijari mꝑhꝑ? —nihi sã tiorore. (Rabi sã ya mehne nina “buheriro”, nina nija.)

³⁹ —Yꝑhꝑ mehne tatjiãhna ñhna taga —nire Jesu sãre.

To ã nichꝑ sã sehe to jiroꝑ ñhna wahai. Tí pjare ñamichahapꝑ cuatro hora jire. ã jina tí dachore tiro mehne tjuai sã.

⁴⁰ Sã pꝑaro Joãore tãhoina, Jesure nꝑnꝑ ti wahcãina yꝑ piti Andre mehne jii. Andre sehe Simo bahꝑro jire. ⁴¹ ã jiro tiro dóihta to wahminore Simore maca, boca, tiorore ò sehe ni yahuha:

—Mesiare Cohamacꝑ marine yꝑhdꝑchꝑ yoa dutiro to warocariorore sã bocahi —niha Andre Simore. (Mesa sã ya mehne nina “Cristo”, nina nija.)

⁴² ã ni tuhsꝑ tiro Simore Jesu cahai naahre. To cahai ti sꝑchꝑ ñhno Jesu sehe Simore ò sehe nire:

—Mꝑhꝑ Simo wama tiriro, Jona macꝑno jira. Mipꝑre mꝑhꝑre Cefa ni wama písuihtja —nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cãhꝑre pjihã Jesu

⁴³ Pa dachoi Jesu Galilea yahpꝑꝑ waha duare. ã jiro to wahahto pano tiro Felipere piti boca, ò sehe nire:

—Yꝑhꝑ mehne macariro cjihto taga —nire Jesu.

⁴⁴ Felipe sehe Betsaida macariro jire. Tiro, Andre, Pedro mehne cã maca macaina jire tina. ⁴⁵ ã yoa Felipe Natanaene maca, tiorore bocaro ò sehe ni yahure:

—Cohamacꝑ dutiare Moise cjiro to joari pꝑꝑ to yahuriorore paina Cohamacꝑ yare yahu mꝑhtaina cjiri cãhꝑ ti yahuriorore sã bocahi. Jesu Nazare macariro, José macꝑno tjira —nire tiro Natanaene.

⁴⁶ —Nazareꝑre ne cãiro noariro mariahna —nire Natanae.

—Ñhꝑ taga mꝑhꝑ —nire Felipe.

⁴⁷ ã yoa Jesu cahai to sꝑchꝑ ñhno Jesu sehe ò sehe nire Natanaene:

—Ahriro mipꝑ tariro potocãta noariro judio masꝑno waro jira. Tiorore mahñoa ne mariahna —nire Jesu Natanae sehere.

⁴⁸ To ã nichꝑ tãhoro Natanae sehe tiorore ò sehe ni siniture:

—¿Dohseacꝑ yꝑhꝑre noano masijari mꝑhꝑ? —nire.

—Felipe mꝑhꝑre to pjihito pano, higueracꝑ docai mꝑ jichꝑ ñhhi yꝑhꝑ mꝑhꝑre —nire Jesu.

⁴⁹ To ã nichꝑ Natanae sehe tiorore ò sehe nire tjoa:

—Buheriro, potocãta mꝑhꝑ Cohamacꝑ macꝑno jira. Mꝑhꝑ Israe masa sã Pãhtoro cjihto jira —nire Natanae.

⁵⁰ To ã nichꝑ tãhoro ò sehe ni yãhtire Jesu:

—Higueracꝑ docai mꝑhꝑre yꝑ ñhꝑre masicꝑ yꝑhꝑre “Cohamacꝑ macꝑno jira”, ni wacũ tuara mꝑhꝑ. ¿Títa mꝑhꝑre ã masichꝑ yoajari? Ahri mꝑhꝑre yꝑ ñhꝑri yꝑhꝑoro Cohamacꝑ tuaa mehne yoa ñoihca yꝑhꝑ. Yꝑ ã yoa ñochꝑ ñhꝑhca mꝑhꝑ —nire Jesu Natanaene.

⁵¹ ã ninota ò sehe ni yahu namore:

—Potocãta mꝑhꝑre niita nija. Yꝑhꝑ masꝑno Cohamacꝑ warocariro tjija. Mꝑanopꝑ parĩ mꝑachꝑ Cohamacꝑ to yaina anjoa yꝑ bui ti duji tachꝑ, ti mꝑjachꝑ cãhꝑre ñhꝑhca mꝑhꝑ —nire Jesu tiorore.

2

Caná wama tiri macapꝑ ti wamomaca dãhteropꝑ Jesu wahaha

¹ Tia dacho baharo Canái Galilea yahpai jiri macai wamomaca dãhteri bose nꝑmꝑ jire. ã jiro Jesu pocoro tí wahꝑꝑ jire. ² Jesu mehne sãre to buheina cãhꝑre wamomaca dãhteropꝑ pjirocare tina. ³ Ti bose nꝑmꝑ macaa vino pihtichꝑ Jesu pocoro tiorore ò sehe ni yahure:

—Mipꝑre vino pihtia wahare —nire ticoro Jesure.

⁴ To ã nichꝑ tãhoro Jesu ò sehe nire:

—Iñõ, ¿dohseaco taco tíre yahure yahujari mahu? Masa yahure ti masihto dhasasinina mini —nire Jesu to pocorore.

⁵ To ã niri baharo to pocoro sehe ti cahamacare õ sehe ni dutire:

—Yu macu to dutiriro seheta yoaga —nire ticoro.

⁶ Tí pjarure sã coyera judio masa Cohamacu yare yoaa taa masare ti pjacurire ã cosarucunoca dutia tire. Æ yoa tí wuhui seis situ pari tãa mehne ti yoaa situ pari co posa tia situ pari jire. Tí situ pari Cohamacu yare yoaa taa ti cosaa co posa tia pari cjiri jire. Tí situ parire cincuenta a setenta litro posa mu sure. ⁷ Tói ti jichu ñuno tí wuhu macaina cahamacare õ sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe —nire Jesu.

To ã nichu tina sehe noano wahpo dapo pahñonocare ti parire.

⁸ Tí ã yoari baharo Jesu tinare õ sehe ni dutire tjoa:

—Mipure tí core wa na, wahu macarirore waga —nire.

To ã nichu tãhoa tí core wa na, wuhu macarirore ware.

⁹ Tí ã wachu tiro sehe tí core vino to wahachu yoaa core sihni ñure. Tí core nohoi to tarirore masierare tiro. To ã masierapachuta to cahamaca tí core waina sehe masire. Wuhu macariro ã masieraro wamomaca darterirore pjiroca, ¹⁰ õ sehe ni yahure:

—Paina masa noaa core vinore wa muhtana. Masa ti noano sihni niri baharo ña curea core wara tina. Muhu sehe noaa core wihbo, baharo curero tí core ware sãre —nire wuhu macariro wamomaca darterirore.

¹¹ Canái Galileai jiri macai Jesu core vino to wahachu yoari cjiri coã to bajuamehne ducari jire. Æ yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sãre to buheina cãhure Capernaupũ suho sure. Tópu sana, mahaa dachoricã tjuasinii sã.

Jesu Cohamacu wuhupure suha
(Mt 21.12-13; Mr 11.15-18; Lc 19.45-46)

¹³ Pascua jichu judio masa sã bose numuri cjihti mahanocã dhasatjiãhre. Æ jiro Jesu Jerusalẽpu sure. ¹⁴ Tópu sũro tiro Cohamacu wuhupũ sãa sũro, wachũare, ovejare, bujaare duainare boca sure. Tuhsũ, niñerure cohtotaina ti mesaripũ ti dujichũ tina cãhure boca sure. ¹⁵ Æ boca sũro yuta dari mehne tjanari da yoa, tinare jipihinare sopacapũ tjana nunũ wionocare. Oveja, wachũa cãhure tjana nunũ wionocare tiro. Æ yoa niñeru cohtotaina ti mesarire na majarero ca doca cũnocare. Ti niñeru tũri cãhure doca sitenocare. ¹⁶ Æ yoa tuhsũ bujaare duainare õ sehe nire:

—Musa bujaare na wijaahga. Yu Pucũ ya wuhure pache duari wuhũ yoarena tjiga —nire Jesu tinare.

¹⁷ To ã yoachu ñuna sã to buheina sehe Cohamacu yare ti joari pũi to niri cjirire wacũi: “ ‘Cohamacu, mu wuhure tuaro cahĩja. Æ cahĩcu mu wuhure ñano ti yoachu ñucũ tuaro cahyaja yuhũ’, ni joaa tiha Cohamacu yare ti joari pũi”, ni wacũi sã Jesu buheina.

¹⁸ Jesu to ã yoari baharo sã coyera judio masa pũtoa tirore õ sehe ni siniture:

—¿Dohseacu muhu ahrinare Cohamacu wuhupure jinare cohã wiori? Cohamacu muhure tíre yoa dutiriro to jichu Cohamacu tuaa mehne yoa ñoga muhu sã ñuhti cjihtire —nire tina Jesure.

¹⁹ Tí ã nichu Jesu õ sehe ni yuhtire:

—Ahri wuhure musa cohãchũ tia dacho wahaboroi tuhsũihtja yuhũ —nire Jesu tinare.

²⁰ —Tia dacho mehne ahri wuhure tuhsũsi muhu. Cuarenta y seis cãhmari waro ti yoari wuhũ jira ahri wuhũ —nire tina Jesure.

²¹ To ã nichu tina tirore noano tãhoerare. Jesu “Ahri wuhure” nino, to pjacure nino niri jimare.

²² Æ yoa to yariari baharo, to masa wijaari baharo sã to buheina sehe to

niri cjirire wacūna, Cohamacu yare ti joari pūre Jesu to yahuri cūhure “Tí potocã tjira”, ni wacūi sã.

Jipihtina ti wacūare Jesu masina

²³ Pascua bose numari jichu Jesu Jerusalēpu jire. Tóti to jichu masa payu Cohamacu tuaa mehne to yoa ñochu ñua tirore wacū tuare. ²⁴ Ti ã wacū tuapachuta Jesu masa ti wacūare noano masino, “Yuhure ã wacū tuarucuahca”, ni tūhotueraha. ²⁵ Tiro masa ti tūhotuare noano masire. ã masino masa ti tūhotuare painare ne sinitu ñuerare.

3

Jesu Nicodemore yahuha

¹ Tí macai Nicodemo wama tiri, judio masa pūhtoa mehne macariro jire. Tiro fariseo curua macariro jire. ² Cã ñami tiro Jesu cahai ta, tiro mehne ò sehe ni sūhduri jire:

—Buheriro, mūhu Cohamacu to buhe dutiro to warocariro mū jichu sã masija. Mūhu payu tahari Cohamacu tuaa mehne yoa ñona. Cohamacu mūhure to yoadohoerachu, mūhu sehe to tuaa mehne ne ã yoa ñoaeraboa —niri jire Nicodemo Jesure.

³ To ã nichu tūhoro Jesu sehe ò sehe ni yahuri jire:

—Potocã mūhure niita nija. Pari turi masa bajuariro yoaro sehe wahariro dihta mari pūhtoro Cohamacu mehne ji masina —niha Jesu.

⁴ —Cuenah. ¿Bucuro sehe dohse yoa pari turi masa bajuabocari tiro? To pocoro niji suhtiropu majare sãa, pari turi bajua masieraboca tiro —niri jire Nicodemo.

To ã nichu tūhoro Jesu ò sehe ni yūhtiri jire tjoa:

⁵ —Potocã niita nija mūhure. Co mehne, Espiritu Santo to tuaa mehne pari turi masa bajuariro dihta mari pūhtoro Cohamacu mehne ji masina. ⁶ Numia nijipocosanumia jia, macanacāre masa bajuachu yoara. Espiritu Santo sehe masare Cohamacu pohna jichu yoara. ⁷ “Pari turi masa bajuariro yoaro sehe

wahariro dihta mari pūhtoro Cohamacu mehne ji masina”, yu nichu, tūho wisiecu tjiga. ⁸ Espiritu Santo masare Cohamacu pohna to yoachu wihnono yoaro sehe jira. Wihnono to tariropu tara. To taro coa tachu mari tūhoja. ã tūhopenahta to tarirore, to waharirore ne masieraja. Tó sehta yoara Espiritu Santo masare Cohamacu pohna jichu yoaro —niri jire Jesu Nicodemore.

⁹ —Mū niare noano masieraja —niri jire Nicodemo.

¹⁰ To ã nichu tūhoro ò sehe niri jire Jesu:

—Mūhu judio masare buheriro jipaihta, ¿dohseacu yu niare tūhoerajari?

¹¹ Potocã mūhure niita nija. Sã masirire, sã ñurire sã yahuja. Sã ã yahupachuta ne mūsa sã coyua judio masa ne tūho duaerare. ¹² Ahri yahpa macaa mehne masa ti masa bajuari mehne mūhure piti dahre yu buhe mūhtarire “Potocã tjira”, nierara mūsa. ã nierana piti dahre buhero marieno Cohamacu yare yu yahuchu cūhure “Potocã tjira”, nisi mūsa.

¹³ ‘Ne cāiro mūanopu Cohamacu cahapu wahariro ne pari turi tjua tasi. Yūhu masuno Cohamacu warocariro yūhu dihta mūanopu jiri ahri yahpapu tahi. (ã jicu yūhu dihta Cohamacu yare mūsare yahu masija.) ¹⁴ Panopure masa marienopu Moise cjiro bronze wama tiri comaa mehne ti yoarirore agāre yucucu ti dapodu sohtopu duhu ò dapoha. Yūhu cūhure masuno Cohamacu warocarirore tiro agāre to duhu ò daporiro sehta yūhu cūhure duhu ò dapoahca. ¹⁵ Yūhure ti ã yoari baharo jipihtina yūhure wacū tuaina jipihtia dachoripe Cohamacu mehne ã jirucuahca —niri jire Jesu.

Cohamacu jipihtinare cahina

¹⁶ ã ni tuhsu ò sehe ni namori jire Jesu:

—Cohamacu jipihtina ahri yahpa macainare tuaro cahina. ã jiro yūhure to macunore cāirota jirirore Cohamacu warocare jipihtina yūhure

wacū tuaina pichacapu ti wahaer-
ahto cjihtore. ã jia Cohamacu ya
catia mehne ã catirucuahca tina.
¹⁷ Cohamacu yuhure to macunore
masare buhiri dahre dutiro waro-
caerare ahri yahparure. Masare
pichacapu wahaborinare yuhdachu
yoahrtiro cjihto sehere yuhure waro-
care.

¹⁸ Yuhure Cohamacu macunore
wacū tuainare ne buhiri dahresi
Cohamacu. Yuhure wacū tuaeraina
pinihtare Cohamacu buhiri dahre
duti tuhsure. Masa yuhure Cohamacu
macunore cūirota jirirore ti wacū
tuaerari buhiri buhiri dahrerohca
tinare. ¹⁹ Yuhure Cohamacu macuno
ahri yahparu tacu buhriaro to noano
marine to ñu masichu yoaro seheta
Cohamacu yare noano masichu
yoaja. Yu ã masichu yoapachuta,
yuhure wacū tuaeraina sehere yuhure
cahmaerara. Ti ñaa yoaa sehere
noano cahmana. Ti ã cahmari buhiri
tinare buhiri dahre duti tuhsure.
²⁰ Jipihtina ñaare ã yoarucuina baro
ti ñaa yoaa duhu duaerara. ã jia
buhriaro to bajuro dahrero seheta
ti ñaa yoarure “Bajuro dahreri” nia,
yuhure cahmaerara tina. ²¹ Quihōno
yoaina sehere yuhure, yu buhea cūhure
cahmana. Cohamacu yoadohoro
mehne to yare ti yoaa yu noano
bajuro dahrechū bho tierara tina.
ã jia yuhure buhriaro yoaro sehere
jirirore cahmana –ni yahuri jire
Jesu.

Pari turi João masare bautisariro Jesure yahuha

²² Baharo Jesu sāre to buheinare
Judea yahparu suho wahare. Tópu
suro tó macaina mehne mahaa da-
choricā tjua, tinare bautisare. ²³ João
cūhu masare bautisaro niha Enón
wama tiri macai. Enón Salim wama
tiri maca cahai jire. Tói dia jire. Tói
dia jichu João bautisaro niha masare.
²⁴ Tirore ti peresu yoahito pano Enóni
masare bautisaro niha João.

²⁵ Tí pjare João buheina mehne
macaina mahainacā judio masuno
mehne bautisaa macaare durucua

niha. ²⁶ ã jia tina João cahapu sua,
tirore õ sehere ni yahuha:

–Buheriro, Jordão sie coapu mūhu
mehne jiriro “Tiro tjica”, mu niriro
sehere mipure masare bautisaro nina.
To ã yoachū jipihtina tiro cahapu di-
hta wahara –niha tina João.

²⁷ Ti ã nichu tūhoro João õ sehere ni
yūhtiha:

–Tiro tuariro to jichu Cohamacu
sehere tirore ã jichu yoariro jira.
²⁸ “Cristo jieraja”, yu nichu tūhore
mūsa. ã jierapaihta to pano
to waroca mūhtariro jija yuhu.
²⁹ Cristo mehne masa ti wahachu
ñucu tuaro wahcheja. Õ sehere
jira tí: Wamomaca dūhtericoro to
manūno mehne jiro wahara. Wamo-
maca dūhtehtirore cohtariro sehere
dūhtehtiro to namo tichu ñūno to
durucuchū tūhoro tuaro wahchera.
ã jicu yuhu wamomaca dūhtehtirore
cohtariro to wahcheriro seheta
Cristo mehne masa ti wahachu ñucu
tuaro wahcheja. ³⁰ Cristo sehere
wacū tuaro cahmana masare. Yuhu
sehere wacū tuaeraro cahmana
masare –ni yūhtiha João.

Cohamacu macuno mūanopu tariro jira

³¹ ã ni tuhsuro õ sehere ni namoha
João:

–Mūanopu tariro jipihtina yūhdoro
tuariro jira. Ahri yahparu jiina jina
ahri yahpa macaina jija mari. ã
jina ahri yahpa macaare durucuja
mari. Mūanopu tariro sehere jipihtina
yūhdoro tuariro jira. ³² To ñuri
cjirire, to tūhori cjirire tiro yahura.
To ã yahupachuta to yahure masa
sehere ne tūho duaerara. ³³ Mūanopu
tariro to yahure masa tūho, tūre
cahmaa, “Cohamacu potocā niriro
jira”, nia nina tina. ³⁴ Ahriro
Cristore Cohamacu warocarirore
Espíritu Santo ya tuaare cū pahñona
Cohamacu. ã jiro tiro Cohamacu
ya durucua yahura. ³⁵ Cohamacu
to macunore tuaro cahna. ã jiro
jipihtina bui ti pūhtoro ji dutire to
macunore. Jipihtia puro ji dutire
tirore. ³⁶ Cohamacu macunore

wacũ tuaina sehe Cohamacu catia mehne ã catirucuahca. To macunore cahmaeraina, sehe Cohamacu catia mehne jisi. Æ jiro Cohamacu tinare tuaro buhiri dahrerohca –niha João.

4

Jesu Samaria macaricoro mehne durucuha

¹ Jesu João yuhdoro payu buheinare to cuachu João yuhdoro masare to bautisachu fariseo curua macaina tuhorocaha. ² Ti ã tuhorocapachuta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina ti ã masichu tuhoro Jesu sehe Judea yahpai jiriro Galilea yahpau sãre suho tjuaa wahare.

⁴ Tõpu wahana Samaria yahpare su yuhtu wahcãna tana nihi sã. ⁵ Æ yuhtu wahcãna Samaria yahpai jiri macapu Sica wama tiri macapu suhi. Tí maca cahai panopu macariro Jacobo cjiro to macuno José cjirore to wari yahpa jire. ⁶ Tõi Jacobo cjiro co to naari copa jire. Æ yoa Jesu sehe yoaropu tariro cjiro jiro, tiro wahya yuhtuaro tí copa duhtu cahai nuju sare. Tí pja tõi to so nuju sari pja cohari pja waro jire. ⁷⁻⁸ Sã to buheina sehe macapu chure sã nuchuna wahari baharo cãirota tiro tõi tjua nuju sare. Æ so nuju saro Samaria macaricoro tí copapu co waro to wihichu Jesu ticorore core siniha:

–Core waga yuhure –niha.

⁹ –Muhu judio masuno jira. Yuhu sehe Samaria macaricoro jija. ¿Dohseacu yuhure core sinijari muhu? –niha ticoro Jesure. Judio masa Samaria macainare nu tuhtiina jira. Æ jiro ticoro ã niha.

¹⁰ To ã niri baharo Jesu ticorore õ sehe ni yahuha:

–Muhure Cohamacu to yoadoho duarire masico, muhure core sinirirore masico, muhu yuhu sehere siniboa. Mu ã sinichu paye co sehere waboa yuhu. Tí co sehe catichu yoara –niha Jesu ticorore.

¹¹ To ã nichu tuhoro ticoro õ sehe ni yuhtiha tirore:

–Ne muhare situ mariahna. Wiho mejeta ahri copa cuãri copa jira. ¿Æ jicu ahri catichu yoaa core nohopu wabocari muhu? ¹² Mari nuhu cjiro Jacobo panopu macariro ahri copare marine cãa tiha. Tiro, to pohna, to nuina cuhu ahri core sihnia tiha. “Paye core waboa yuhu” nicu, ¿Jacobo yuhdoro masiriro jijari muhu, ã ni tuhotucu? –niha ticoro.

¹³ To ã nichu Jesu õ sehe ni yuhtiha:

–Jipihtina ahri core sihniina, pari turi ñahma yapioahca. ¹⁴ Ya co sehere sihniina ne pari turi ñahma yapiosi. Æ jia ya core sihniina Cohamacu mehne ã jirucuahca. Ma pohtapu co to ã wijaarucuro seheta ya co ne pihtisi –niha Jesu.

¹⁵ To ã nichu tuhoro numino sehe õ sehe niha:

–Ne pari turi yu ñahma yapioer-ahto sehe tí core waga yuhure. Æ jico pari turi ne õpore co wasi –niha ticoro.

¹⁶ To ã nichu Jesu ticorore õ sehe ni yahuha:

–Tí pja pinihta mu manure pjico wahaga. Pji tuhsu õpu taga tiro mehne –niha Jesu ticorore.

¹⁷⁻¹⁸ –Manu marienicoro jija yuhu –niha ticoro.

–Potocãta nimana muhu. Muhu cinco tahari manu ti tuhsu mare. Tuhsu, mipure muhu mehne jiriro mu manu jierara. Æ yoa “Manu marienicoro jija” nico, potocãta nimana muhu –niha Jesu ticorore.

¹⁹ To ã nichu tuhoro õ sehe niha ticoro:

–Ne, Cohamacu yare yahu muhtariro jira muhu, yu tuhotuchu.

²⁰ Sã nuhusuma cjiri ahdu tãcupu Cohamacure ño payoa tiha. Æ jina masa sehe judio masa “Jerusalẽi Cohamacure ño payoro cahmana masare”, nia tire masa judio masa –niha ticoro.

To ã nichu Jesu õ sehe ni yuhtiha:

²¹ –Numino yuhure tuhosiniga. Baharopu ahdu tãcu, Jerusalẽpu cãhure mari Pucure ño payosi masa. ²² Masa

sehe m̄sa ño payorirore masierara. Masare ȳhd̄uch̄u yoah tiro judio mas̄nota jira. Ñ̄ jina s̄a judio masa sehe s̄a ño payorirore masija. ²³ Mip̄are baharop̄u c̄h̄ure Cohamac̄ure potoc̄ã ño payoina ti noano t̄ahotua mehne tirore ño payoahca. Tó sehe mari ño payoch̄u cahmana Cohamac̄u. ²⁴ Cohamac̄u pjac̄u marieriro to jich̄u masa tirore ñ̄erara. Ñ̄ jia tirore ño payoa, ti noano t̄ahotua mehne tirore noano potoc̄ã ño payoro cahmana masare –niha Jesu.

²⁵ To ã nich̄uta ticoro ò sehe ni ȳhtiha:

–Mesia, “Cristo” ti niriro sehe masare ȳhd̄uch̄u yoah tiro, to tahti cjihtire masija ȳh̄u. Tiro taro, marine jipihtiare buhe pah̄ñonohca –niha ticoro.

²⁶ –Ȳh̄uta jija Cristo –niha Jesu ticorore.

²⁷ To ã ni yahuch̄u waro wihina s̄a to buheina sehe Jesu numino mehne to durucuch̄u ñ̄una, c̄uaa wahai. Ñ̄ c̄apanah̄ta “¿Dohse cahmajari m̄h̄u? ¿Dohse nii nijari m̄h̄u ticorore?” ni sinitu ñ̄erahi. ²⁸ Ñ̄ jiro numino to suture tó duhu daponoca, macap̄u waha, masare yahuro, ò sehe niha:

²⁹ –Ȳu yoari cjirire yahu pah̄ñorirore ñ̄una taga m̄sa. Tiro potoc̄ãta Cristo jiboca pa tehe nino –niha ticoro.

³⁰ To ã nich̄u t̄ahoa tí maca macaina sehe Jesure ñ̄ua taa nire. ³¹ Tí pjare s̄a Jesu buheina sehe tirore tuaro ch̄u dutimai:

–Buheriro, ch̄uga –nimai s̄a.

³² –Soro jia ch̄ure c̄h̄aja ȳh̄u. Tíre m̄sa masierara –nire tiro.

³³ To ã nich̄u t̄ahona s̄a basi ò sehe ni duruc̄u:

–¿Paina tirore ch̄ure wa tuhs̄ari? –nii s̄a basi.

S̄a ã nich̄u Jesu ò sehe ni yahure:

³⁴ –Masa sehe ch̄u ji coara. Ȳh̄ure warocariro to cahmaare yoac̄u ji coaja ȳh̄u sehe to yoa dutiriro seheta yoa pah̄ñoc̄u tac̄u. ³⁵ “Cuatro s̄ari d̄hsara dicha naah̄to”, wese p̄uro to niriro seheta m̄sa sehe

ni t̄ahotuenta tjiga. “Cohamac̄u yare s̄a yahuhto d̄hsasinina”, ni t̄ahotuenta tjiga. Potoc̄ã niita nija m̄sare. Mip̄u pinihtare masare ñ̄uga. Dicha tich̄u m̄sa naari pja to jiroro seheta, mip̄u pinihta masa ȳu buheare ti t̄ahoti pja jiro nina.

³⁶ Toaa dichare naainare ti wapariro seheta ȳu yaina cjihti naainare ȳu yare buheinare ti ã yoari wapa tinare noano yoaihtja ȳh̄u. Tí ã buhech̄u t̄ahoa ȳu buheare t̄ahoina ȳu yaina sehe Cohamac̄u mehne jipihtia dachoripe jirucuahca. Ñ̄ jia tinare buhe m̄htaina, baharo ȳu yaina jich̄u yoaina c̄h̄u c̄ño potori wahcherucuahca. ³⁷ “C̄airo toa m̄htariro jira. Pairo sehe toaa dichare nariro jira”, nia tiha panop̄u. Tí potoc̄ã tjira. Tí ã niriro seheta c̄aina ȳu yare yahu m̄htaina jira. Paina sehe ȳu yare buhea ȳu yaina jich̄u yoaina jira. ³⁸ Wese p̄uro to yaina dahraina toaeraina ti jipach̄uta to toaa dichare tinare naa dutiro warocara. Tó seheta masare buhe m̄htaeraina m̄sa jipach̄uta ȳu yaina cjihti yoa dutic̄u warocaja m̄sare. Paina sehe tinare buhe m̄hta tuhs̄are. Ti buherinap̄ure pari turi buhe namona, ȳu yaina jich̄u yoanahca m̄sa sehe. Ñ̄ jina buhe m̄htaina sehe ti yoadohoro mehne painare ȳu yaina jich̄u yoanahca m̄sa –nire Jesu.

³⁹ Tí pjare Samaria macaricoro “Ȳu yoari cjirire tiro yahu pah̄ñore”, to ã nich̄u t̄ahoa Samaria macaina paȳu Jesure wac̄u tua, tirore cahmaha. ⁴⁰ Ñ̄ jia Samaria macaina Jesu cah̄i s̄ua, “S̄a mehne tjuasiniga”, nire tirore. Tí ã nich̄u s̄a c̄h̄u tiro mehne p̄ua dacho tó tjuasinii. ⁴¹ Paina c̄h̄u paȳu Jesure t̄ahoa cahmare tirore. ⁴² Ò sehe nire masa numinore:

–Wahmanop̄ure m̄u yahurire t̄ahona, Jesure cahmah̄i. Mip̄u pinihtare Jesu to duruc̄uare t̄ahona tirore wac̄u tuana, tirore cahmaja. Ñ̄ jina tiro sehere t̄ahona ahri yahpa macainare pichacap̄u wahaborinare ȳhd̄uch̄u yoariro potoc̄ã to jich̄u

mip_u sã masija —nire masa Samaria macaricorore.

P_uhtoro mac_unore dohatirirore noariro wahach_u yoaha Jesu

⁴³ P_ua dacho baharo Jesu sãre Galilea yahpap_u s_uho wahare. ⁴⁴ Wahmanop_ure ò sehe nia tire tiro: “Cohamac_u yare yahu m_uhtarirore to ya yahpa macaina tirore ño payoerara. ã jia y_uh_ure ño payoerara ò macaina òi y_u b_uc_uariro jich_u”, nia tire Jesu. ⁴⁵ ã jia Galileap_u to s_uch_u tó macaina tirore noano piti bocare. Tó pano Jerusalēi bose n_um_ui Jesu Cohamac_u tuaa mehne to yoach_u ñ_urina jire tina.

⁴⁶ ã yoa Caná_u Galileai jiri macap_u core vino to wahach_u yoari macap_u wahaa wahai sã tiro mehne. Caná cahi jiri macai Capernau wama tiri macai jipihtina bui p_uhtoro docai jiri p_uhtoro mac_uno dohatiro niha. ⁴⁷ Tuhs_u, Jesu Judeap_u jiri Galileap_u to s_uch_u p_uhtoro t_uhoha. Tíre t_uhoro Jesu cahap_u wihire:

—Y_u mac_u yariaro nihre. ã yoa tirore noariro wahach_u yoai taga —ni tuaro mehne pjire tirore.

⁴⁸ To ã nich_u t_uhoro Jesu ò sehe ni y_uhtire:

—Cohamac_u tuaa mehne y_u yoach_u ñ_uerana, ne y_uh_ure wac_u tuaerara m_usa —nire Jesu tirore.

⁴⁹ To ã nich_u p_uhtoro sehe ò sehe nire:

—P_uhtoro, y_u mac_u to yariahto pano taga —nire tiro Jesure.

⁵⁰ —Tjuaahga. M_u mac_u catica —nire Jesu.

To ã nich_u t_uhoro, “To niriro seheta catirohca y_u mac_u” nino, p_uhtoro tjuaa wahare. ⁵¹ ã tjuaarucirirore to cahamaca tirore piti boca, ò sehe ni yahuha:

—M_u mac_u catihre —ni yahuha tina tirore.

⁵² —¿Noho waroi sã jich_u noariro wahari tiro? —ni sinituha tiro to cahamacare.

—Can_ure cohari pja baharocã juaro suruhre tirore —niha tina.

⁵³ Ti ã nich_u t_uhoro ò sehe ni t_uhotuha tiro: “Jesu y_uh_ure to ã ni yahuri pjaihta juaro surua wahari jire”, ni t_uhotuha p_uhtoro sehe. “Potocãta nino niri jira y_uh_ure” nino, tiro jipihtina to coyea mehne Jesure wac_u tuaha.

⁵⁴ Jesu Judea yahpap_u jiri Galilea yahpap_u to s_uri baharo p_uhtoro mac_unore noariro to waharire mari quihõch_u p_ua taha Cohamac_u to tuaa mehne yoa ño tuhs_ure Jesu.

5

Tini masierarirore noariro wahach_u yoaha Jesu

¹ Baharo judio masa Cohamac_ure sã ño payori bose n_um_uri jich_u Jesu Jerusalē_u s_ure tjoa. ² Tói oveja wama tiri sopaca cahi cuhs_uri copa jihre. Sã judio masa ya mehne nia Betesda wama tiri copa jihre. Tí copa cahi cinco tihamahnoera tahti poca jihre. ³ Tí tahti poca pay_u dohatiina coãre. Capari ñ_ueraina, cã buh_usehe dahporo ñaina, pjac_u buhaina tina tí copa cahi jia, [co ñ_uhmi m_ua m_ujanore cohtaa nire. ⁴ Tó_u buharo tí copa macaa core cãa tahari ñ_uhmich_u yoa m_ujare anjo. Tí copa macaa co ñ_uhmiri baharo ña mio m_uhtariro sehe dohse jiare dohatiare c_uariro noariro wahare.] ⁵ ã yoa tó treinta y ocho c_uhmari waro dohatiriro jire. ⁶ Tó to coãch_u ñ_uno to ã yoari pja dohatiriro jich_u masire Jesu tirore. ã masino tirore ò sehe ni siniture:

—¿Pjac_u dohatia marieriro ji duajari m_uh_u? —nire Jesu.

⁷ To ã nich_uta dohatiriro ò sehe ni y_uhtire:

—Tí co to ñ_uhmich_u y_uh_ure co jiri copap_u naboriro mariaha. Tí copap_u y_u ña mio duapach_uta paina sehe y_u pano ã ña mio m_uhtarucura —nire tiro Jesure.

⁸ —Wahcã_ucaga. M_u coãri cahsarore naa, wahaga —nire Jesu tirore.

⁹ To ã nich_uta dohatiriro sehe to coãri cahsarore naa, ducu d_ucare. Tí dacho Sabado judio masa sã sori n_um_u jire. ¹⁰ Tí dachoi Jesu to ã

yoachu ñua judio masa sã puhto sehe dohatiro cjirore õ sehe ni yahuha:

—Michare Sabado dacho mari sori numu jipachuta mu coãri cahsarore naahna muhu. ã yoacu mari dutiare yuhdurucaci nina muhu —niha tina tirore.

11 —Yuhure yu dohatiare cohãriro sehe õ sehe nire yuhure: “Mu coãri cahsarore na, wahaga”, nire tiro yuhure —ni yuhtiha dohatiro cjiro.

12 —¿Tíre muhure ã niriro sehe diro baro jijari tiro? —ni sinituha tina.

13 Tói masa payu ti jichu ñuno Jesu sehe waha tuhsu. ã jiro dohatiro cjiro sehe tirore noariro wahachu yoarirore to wamare masieraha. 14 Baharo Cohamacu wuhui Jesu tirore piti boca, õ sehe ni yahure:

—Tuhosiniga muhu yuhure. Mipure noano pjacu tira muhu. Ñaare yoa namoi tjiga. Pari turi ñaare yoa namocu mu dohatiro yuhdoro wahaihu muhu —nire Jesu tirore.

15 To ã niri baharo dohatiro cjiro sehe sã judio masa puhto tirore sinituina cjiri cahapu saro, õ sehe ni yahuha tinare:

—Jesu wama tiriro yuhure noariro wahachu yoahre —ni yahuha tiro.

16 ã yoa Sabado jichu Jesu dohatirore to dohatiare to cohachu masia judio masa sã puhto sehe tirore ñu tuhtia, yahusãa dua ducare.

17 ã tirore ti yahusãa duachu masino Jesu sehe õ sehe ni yahure tinare:

—Yu Pucu mipure dahrasinina. Yuhu cãhu dahrasinii nija —ni yahure tirore yahusãa duainare.

18 To ã nichu judio masa sã puhto sehe tiro mehne tuaro suaa, tó pano ti niriro yuhdoro tirore wajã duare. Sabado dachore sã sori numure cãirore to noariro yoachu ñua tina suare. ã suaa tiro Cohamacre “Yu Pucu” to nichu tuhoa, tina sehe tó pano ti niriro yuhdoro sua namoha tjoa. “‘Yuhu Pucu’ nino, Jesu to basi ‘Cohamacu mehne cãno potori jija’, ni

wacũca tiro”, ni tuhoture judio masa sã puhto.

Jesu Cohamacu to warocariro jira

19 ã yoa Jesu tinare õ sehe ni yahure:

—Potocã musare niita nija. Yuhu, Cohamacu macuno, yu mu saro yoeraja. Yu Pucu to yoarire ñucu, tíre yoaja. 20 Yu Pucu yuhure, to macunore, cahina. ã jiro to yoarire yuhure ño pahõna. Ahri mipu to tuua mehne yu yoari yuhdoro tiro payere yoa dutirohca yuhure. To ã yoa dutichu to tuua mehne yoa ñoihuca yuhu. ã jina ñu canahca musa. 21 Yu Pucu yariarinare to masoriro seheta yuhu cãhu yu cahmainare masoihtja. 22-23 Ne yu Pucu sehe masa ti ñaa buhirire buhiri dahreriro jierara. Yuhu sehene tíre ti ñaa buhirire buhiri dahretirore cãre yu Pucu. Jipihtina masa tirore ti ño payoriro seheta yuhu cãhure ti ño payohti cjihtire buhiri dahretirore cãre yuhure. Yuhure to macunore ño payoerana yu Pucu cãhure ño payoerara musa. Tiro jira yuhure warocariro —nire Jesu.

24 ã ni tuhsu õ sehe ni yahu namore:

—Potocãta musare nii nija. Yu durucuaru tuhoina yuhure warocarirore wacũ tuaina jipihtia dachoripe manopu ã jirucuahca. ã jicu tinare buhiri dahresi yuhu. ã jia tina pichacapu wahaborina yuhduahca. 25 Potocã musare niita nija. Pichacapu wahahtina yuhure Cohamacu macunore ti tuhohti pja mipu jira. Baharopu cãhure yuhure tina tuhoahca tjoa. ã tuhoa tuho nunina sehe Cohamacu mehne ã jirucuahca. 26 Cohamacu yu Pucu sehe ã jirucuchu yoariro jira. ã jiro yuhure to macunore ã jirucuchu yohtiro ji dutire tiro yuhure. 27 ã jicu yuhu masuno Cohamacu to warocariro yu jichu tiro masare buhiri dahretirore cãre yuhure. 28 Ahrire tuhona, tuho cuaena tjiga musa. Pa dachopure jipihtina yariaina masa coparipu jina yu durucuchu

tũhoahca. ²⁹ Æ tũhoa, noaare yoaina cjiri jipihtia dachoripe Cohamacũ mehne jihtina cjihti masa mũjaahca. Ñaare yoaina cjiri sehe ñaare ti yoari buhiri pichacaru wahaahca –ni yahure Jesu.

³⁰ Æ ni tuhsũ õ sehe ni yahu namore:

–Yũhũ yũ mũ sũro ne yoaeraja. Ne yũ basi yũ cahmano yoa duaeraja. Yũhũre warocariro to dutiriro seheta yoa duaja. Æ jicũ to niriro seheta buhiri dahreja. Tuhsũ yũhũ masare buhiri dahrecũ quihõnota yoaja.

³¹ “Yũhũ tuariro jija”, yũ ni yahuchũ “Mũ yahua ne quihõno jierara”, ni masiboca mũsa.

³² Pairo jira yũhũre yahuriro. Tiro João sehe masare yahure yũhũre. Masare yũhũre to yahuri cjiri quihõno tjira.

Tĩre yũhũ noano masija. ³³ Mũsa paina sehene Joãoũre yũhũre sinitu dutina warocare.

Æ jiro potocãta yahure tiro mũsare. ³⁴ “Cohamacũ macũno jira ahriro”, yũhũre ni yahuhtinare macaeraja.

Æ macaerapacũta João masũno to jipachũta yũhũre “Cohamacũ macũno jira”, to ni yahurire yahui nija.

Mũsa yũhũre wacũ tuahti cjihtire, mũsa pichacaru wahaborina mũsa yũhdũhti cjihtire yũhũre João to yahurire yahui nija.

³⁵ Sihãria mahaa dachoricã to ñũ masichũ yoaro seheta João mũsare buhe mũhtano mahanocã to catiro puro mũsare masichũ yoare.

To ã buhechũ tũhona mahaa dachoricã wahchere mũsa. ³⁶ Yũ jia tiare to ã buhepachũta Cohamacũ sehe yũ jiare noano yahura.

To ã yahuchũ João yũ jiare to yahua yũhũro jira Cohamacũ ya yahua.

Æ jicũ Cohamacũ to tuaa mehne yũhũre to yoa dutiri cjirire mipũ yoai nija.

Ahrire yũ yoachũ ñũna potocãta Cohamacũ to warocariro yũ jiare masina mũsa.

³⁷ Æ yoa yũ Pũcũ yũhũre warocariro to basi “Tiro yũ warocariro jira”, ni yahura mũsare.

To ã ni yahupachũta to durucua ne tũhoerare mũsa. Æ jina mũsa tirore ne masierare.

³⁸ Yũhũre Cohamacũ warocarirore

mũsa ne tũho duaerare. Æ jina mũsa Cohamacũ yare ne cahmaerare.

³⁹ Cohamacũ yare ti joari pũre mũsa buhena, “Mari ahri pũre buhena jipihtia dachoripe Cohamacũ mehne ã jirucunahca”, nina mũsa.

Tĩ pũita yũhũre yahura. ⁴⁰ Tĩ pũ yũhũre to yahupachũta mũsa sehe yũhũre cahmaerara.

Jipihtia dachoripe Cohamacũ mehne mũsa ã jirucuhti cjihtire yũhũre sini duaerara mũsa –ni yahure Jesu.

⁴¹ Æ ni tuhsũ õ sehe ni namore:

–Yũhũre mũsa ño payoerachũ ñũcũ suaeraja yũhũ sehe. ⁴² Mũsa sehe Cohamacũre mũsa cahĩerachũ masija yũhũ.

⁴³ Cohamacũ yũ Pũcũ yũhũre to dutiriro seheta yũ tapachũta mũsa yũhũre cahmaerare.

Pairo sehene Cohamacũ tirore warocaerariro to jipachũta to mũ sũro to tapachũta tiro sehene cahmanahca mũsa.

⁴⁴ Paina masa mũsare ti ño payochũ cahmana mũsa. Cohamacũ mũsa mehne to ji coachũ cahmaerara mũsa.

Tiro dihta Cohamacũ waro jira. Æ cahmaerana yũhũre tũhoerara mũsa. Yũhũre wacũ tuaerara.

⁴⁵ Mũsare yũ Pũcũũre ne yahusãsi yũhũ. Tĩre masiga mũsa. Moise cjiro to joari pũ sehe mũsare yahusãnohca.

“Tĩ pũ macaa dutiare mari yoa pahõna, Cohamacũ cahai wahanahca”, mũsa niri pũ sehe mũsare yahusãnohca.

⁴⁶ Moise cjiro to joari pũi yũhũ sehene yahua. Æ jina tĩ pũre “Potocã tjira” nina, yũ yahua cũhũre “Potocã tjira”, niboa mũsa.

⁴⁷ Moise cjiro to joari pũre “Potocã tjira” nierana, yũ ya durucua cũhũre “Potocã tjira”, nisi mũsa –nire Jesu tinare.

6

Cinco mil bui masare chũa waha Jesu

(Mt 14.13-21; Mr 6.30-44; Lc 9.10-17)

¹ Æ to buheri baharo yoa cureri pja baharo Galilea wama tiri bũcũpariro pa buhũsehe coaru sã to buheinare Jesu sũho pahãa wahare. Tĩ taro pjiri taro pa wama Tiberia wama tire. ² Tõ

pano Galilea yahpai Jesu Cohamacu tuaa mehne yoa ño, dohatiinare ti dohatiare to cohãchũ masa ñua tire. Ñ jia Jesu to pahãchũ ñua, masa payu tirore nunũ ti pahãre. ³ Ñ yoa baharo tí taro duhtũ cahapũ Jesu sãre suho pahã su, tũcupũ muja, tu buipũ sãre suho dujire. ⁴ Tí dachore Pascua wama tiri bose nũmũ cjihto, sã judio masa ya bose nũmũ suhti dacho cjihto mahaa dachoricã duhsare. ⁵⁻⁶ Tópũ dujiro, Jesu payu masa to cahapũ ti tarucuchũ ñure. Ñ ñũno Felipere õ sehe ni sinitu ñure:

—¿Ahrina masa ti chuhti cjihtire nohopũ nuchũnahcari mari? —nire Felipere.

Jesu to basi to yoahtere masiparota Felipere ã sinitu ñure “¿Dohse ni yuhtirohcari?” nino. ⁷ To ã sinitu ñũchũ tuhoro Felipe sehe õ sehe ni yuhtire:

—Ocho sãri posa dahra wapataa niñeru mehne chũare mari nuchũpachũta masare cãinare daacã chũare mari witipachũta ne mũ sũsi —nire Felipe Jesure.

⁸ Ñ yoa paio, sã mehne macariro Andre, Simo Pedro baharo sehe Jesure õ sehe ni yahure:

⁹ —Ahriro wahma wahmũa tariro cinco pão curirire, ã jichũ wahi puarocã cũhũre cjuara. Wiho mejeta masa sehe payubia jira. Ñ jiro ahri mahanocã chũa ne mũ sũsi —nire Andre.

¹⁰ To ã niri baharo:

—Masare duji dutiga mũsa —nire Jesu sã to buheinare.

Tói daacã tja jiro jire. Sã duji dutichũ masa nuju su pihtiare tja bui. Tina mũa dihtare sã quihõchũ cinco mil wahtaroi jire. ¹¹ Tí ã nuju sũchũ ñũno Jesu sehe pãore na, Cohamacure “Noana”, nire. Ñ ni tuhsũrota sãre to buheinare witi dutire. To ã dutichũ sã sehe tói dujiinare witi wahcãi. Tuhsũ, puaro wahi cũhũre witihi tinare. Jip-ihtinare noano ti chũ duaro puro chũare tinare witihi. ¹² Baharo masa sehe yapi yũhdũa wahare. Tí ã yapi yũhdũachũ ñũno Jesu sãre õ sehe ni yahure:

—Tí chũ duharire noano saa cahmachu pahũoga. Ñ yoana ti chũ duhaare ne bosí —nire.

¹³ To ã nichũ tuhona sã sehe cinco pão curiri duhsarire sã saa cahmachuchũ doce puhuse waro wijare. ¹⁴ Ñ jia Jesu tíre to tuaa mehne to yoa ñochũ ñua, masa sehe õ sehe nire:

—Potocãta jira. Ahriro Cohamacu yare yahu muhtariro ahri yahpapũ “Tarohca”, ti niriro mari cohtariro tjira —nire tina.

¹⁵ Ñ jia tina Jesure ti puhtoro jihtiro cjihtore ñaha sũ duamare. Jesu ti ã ni tuhotuare masino pari turi cũirota tũcupũ wahaa wahare.

Jesu co bui ducu wahcãha (Mt 14.22-27; Mr 6.45-52)

¹⁶ Ñamichapũ sã to buheina bucupariropũ buhai. ¹⁷ Tópũre buhu su, dohoriapũ samu, Capernau wama tiri macapũ majare pahãi. Tí pjare sã majare pahãri pjare ñamipũ jire. Jesu sehe sã cahapũ tju wihierasini mini. ¹⁸ Sã ã majare pahãno watoi wihnono tuaro sãre tachũ, pahcõri bujũa pahcõri wahcãre. ¹⁹ Sã cinco kilómetro sũboro waroi sã sũchũ waro Jesu sãre mũ sũre. Co buipũ to tachũ ñũi sã. Ñ sã cahai to tachũ ñũna, sã sehe cũa yũhdũa wahacũrũ. ²⁰ Sã ã cũa yũhdũachũ ñũno tiro sãre õ sehe ni yahure:

—Cuiena tjiga. Yũhũta jija —nire Jesu.

²¹ To ã nichũ tuhona sã wahchea mehne tirore piti boca samu dutihi. To samuri baharocãta wacũenoca sã wahari yahpapũre pahã su tuhsũhi.

Masa sehe Jesure macaha

²² Ñ yoa tí ñamine masa bucupariro pa buhusehe coapũ tjuaina sehe sã yaria busoca, sã pahãhtia cũria to jichũ ñure. Tia mehne sã sahsero sã pahã wahachũ cũhũre ñure tina. Tuhsũ Jesu sã mehne to pahãerachũ ñure tina. Ñ jia pa dachoi tirore tói cohtaa niri jimare tina. ²³ Tí ã cohtaroi watoi, paye buso, Tiberia

wama tiri macap_u taa b_uso Jesu Cohamac_ure “Noana”, to niriro cahacã curerop_u, masare to ch_ua witiro cahacã curerop_u wahã s_uri jire tí b_uso. ²⁴ ã yoa sãre Jesu to s_uho jimarirore to mariach_u ñ_ua, masa tí b_usop_u samu, Capernaup_u sãre n_un_u ti pahã tari jire, Jesure maca taa.

Jesu catich_u yoaa ch_ua yoaro sehe jiriro jira

²⁵ Ti pahã wihiri baharo, Jesure boca wihi, tina masa õ sehe ni sinitu ñ_ure tirore:

—Buheriro, ¿dohse jich_u tari m_uh_u õp_ure? —ni sinitu ñ_ure tina.

²⁶ Ti ã ni sinitu ñ_uch_u, Jesu tinare õ sehe ni yahure:

—Potocã niita nija m_usare. Y_uh_u m_usare Cohamac_u tuaa mehne y_u yoa ñopach_uta y_uh_ure sehere wac_u tuaerara m_usa. Y_uh_ure wac_u tuaerapanahta y_uh_ure macana m_usa. Y_uh_u mehne b_uj_ua ch_u, m_usa yapirina cjiri jina y_uh_ure maca tari jira m_usa. ²⁷ Wiho mejeta ch_ua ne ã jirucuerara. Baharop_u pihtia wahara. ã jina tíre ã macarucuena tjiga m_usa. Paye baro ch_ua soro jia ch_uare macaga m_usa. Tí soro jia ch_uare bocana jipihtia dachoripe Cohamac_u mehne jirucunahca. ã jia tí ch_ua pinihta ne pihtisi. Tí ch_uare y_uh_u mas_uno Cohamac_u warocariro m_usare waihtja. Cohamac_u y_u P_uc_u y_uh_ure tí baro ch_uare wa dutiriro jira. Tirota to warocariro y_u jiare ño tuhs_ure m_usare —nire Jesu.

²⁸ To ã nich_u t_uho tina õ sehe ni sinitu ñ_ure tirore:

—¿Cohamac_u to yoa dutiare yoana tana dohse yoanahcari sã? —ni sinitu ñ_ure tina.

Jesu sehe ti ã nich_u t_uho, õ sehe ni y_uhtire tinare:

²⁹ —Cohamac_u m_usare õ sehe dutira. To warocarirore m_usa noano t_uho, wac_u tuach_u cahmana tiro —ni y_uhtire Jesu.

³⁰ To ã nich_u t_uho tina õ sehe nire tjoa:

—Cohamac_u warocariro jic_u tiro to tuaa mehne yoa ñoga sãre m_uh_ure sã

noano wac_u tuahto cjihtore. ¿Yaba barore yoa ñobocari m_uh_u? ³¹ Mari ñ_uch_us_uma cjirip_u panop_u macaina masa marienop_u maná wama wama tiare ch_ua tiha. Cohamac_u yare ti joari p_up_u õ sehe ni yahura: “Tiro tinare m_uano macaa ch_uare waa tiha ti ch_uhti cjihtire”, ni joaa tiha Cohamac_u yare ti joari p_up_u. ¿To ã yoariro seheta yoaihcarí m_uh_u cãh_u? —nire tina.

³² Ti ã nich_u t_uho õ sehe ni yahure Jesu tinare:

—Potocã m_usare niita nija: Moise cjiro m_uano macaa ch_uare waera tire m_usare. Y_u P_uc_u sehe m_uano macaa ch_uare potocã jia ch_uare m_usare wariro jira. ³³ Cohamac_u to ch_ua m_uanop_u duji ta, jipihtiro yahpa macainare catich_u yoa masina —nire Jesu tinare.

³⁴ —P_uhtoro, dachoripe tí baro ch_uare ã warucuga sãre —nire tina.

³⁵ Ti ã nich_u t_uho, Jesu sehe õ sehe ni yahure tinare tjoa:

—Y_uh_u sehe catich_u yoaa ch_ua yoaro sehe jiriro jija. Mari ya ch_uare mari ch_uri baharocãta dóicãta j_uca baa wahaja mari tjoa. Sihnia cãh_ure mari sihniri baharocãta ñahma yapioa wahaja tjoa. Wiho mejeta diro y_uh_ure cahmariro, y_uh_ure wac_u tuariro, ne j_uca baaerariro yoaro seheta to wahchea sehe tirore ne pihtisi. ³⁶ M_usa sehe y_uh_ure ñ_upanahta y_uh_ure wac_u tuaerasini mini. Tíreta m_usare yahumahi y_uh_u. ³⁷ Jipihtina y_u P_uc_u y_u yaina cjihtire y_uh_ure to c_urina sehe y_uh_ure cahmaahca. ã jii y_uh_ure cahmainare ne cohãsi y_uh_u. ³⁸ M_uanop_u tac_u y_u cahmano yoai tai nierahi. Y_uh_ure warocariro to cahmariro seheta yoai tai nii y_uh_u. ³⁹ Ahrita jira y_uh_ure warocariro to cahmaa waro: Jipihtina y_u yaina cjihti y_uh_ure to warina cjirire y_u boerach_u cahmana y_uh_ure warocariro pihtiri dachoi ti masa m_ujahto cjihtore. ⁴⁰ Jipihtina y_uh_ure Cohamac_u mac_unore ñ_uina, y_uh_ure wac_u tuaina jipihtia dachoripe tiro mehne ti jirucuch_u cahmana y_u P_uc_u.

Ã jic pihtiri dachoi tinare masoihtja
–nire Jesu.

⁴¹ “Yh manop taa cha yoaro
sehe jiriro jija”, to nich thoa judio
masa s phtoa sehe tiro mehne sua,
⁴² ti basi Jesure ñano ni durucure:

–¿Ahriro Jesu José macno jiera-
jari? To pcro, to pocoro chre
mari masija. Tuhs mari yoaro
sehe pjac tirirota jira. ¿Ã jiparota
dohsearo “Manop tahi”, nijari tiro?
–ni suare tina.

⁴³ Ti ã nich thoro Jesu õ sehe ni
yahure tinare:

–Msa yhre ñano ni durucuena
tjiga. ⁴⁴ Y Pc yhre warocariro
sehe masare yh sehere cahmach
yoara. To ã yoaerach masa sehe y
yaina ji masieraboa. Pihtiri dachoi y
yainare masoihca yh. ⁴⁵ Cohamac
yare yahu mhtaina cjiri sehe õ
sehe ni joaa tiha: “Cohamac tinare
buherohca”, ni joaa tiha Cohamac
yare yahu mhtaina cjirip. Jipihtina
y Pc to buheare thoina, tire
yhtiina yhre cahmana. Ã jia y
yaina jira.

⁴⁶ Y Pcre ne ciro masno
ñerare. Yh Cohamac warocariro
dihta y Pcre ñhi. ⁴⁷ Potoc niita
nija msare. Yhre wac tuariro
jipihtia dachoripe y Pc mehne ã
jirucurohca. ⁴⁸ Yh catich yoaa
cha yoaro sehe jiriro jija. ⁴⁹ Msa
ñchsuma cjiri masa marienop
manre cha tiha. Ã tíre chpahta
yariaa wahaa tiha. ⁵⁰ Manop
taa chare y nia chare masno
chro, ne pichacap wahasi. ⁵¹ Yh
manop taa cha catich yoaa cha
yoaro sehe jiriro jija. Ahri chare
chriro jipihtia dachoripe y Pc
mehne ã jirucurohca. Ahri cha
catich yoaa cha yoaro sehe jia y
pjacta jira. Jipihtiri yahpa macaina
Cohamac mehne ti ã jirucuhti
cjihtire y pjacre waihtja. Ã wac
yariaihca –nire Jesu.

⁵² To ã nich thoa s coyera judio
masa sehe tíre õ sehe ni durucure ti
basi:

–¿Ahriro dohse yoa to pjacre
chhti cjihtire warohcari? –nire tina
ti basi.

⁵³ Ti ã nich thoro Jesu õ sehe ni
yahure:

–Potoc niita nija msare. Yh
masno Cohamac warocariro jija.
Y pjacre cherariro, y dire sih-
nierariro Cohamac ya catia mehne
ã jirucusi. ⁵⁴ Y pjacre chriro, y
dire sihniriro y ya catia mehne ã
jirucurohca. Ã jic pihtiri dachoi
tirore masoihtja. ⁵⁵ Y pjac potocta
cha waro yoaro sehe jira. Y di
potocta sihnia waro yoaro sehe jira.
⁵⁶ Y pjacre chriro y dire sihniriro
yh mehne wahchea mehne jiru-
cura. Yh ch tiro mehne wahchea
mehne jirucuja. ⁵⁷ Y Pc yhre
warocariro ã jirucura. Ã jirucuro,
yh chre ã jirucuch yoara. Ã
jia yhre ã jirucurirore masa cha,
Cohamac mehne manop ã jiru-
cuahca tina ch. ⁵⁸ Ahrita jira
manop taa cha. Mari ñchsuma
cjiri man wama tia ti chri cjiri
yoaro sehe jierara ahri cha. Tina
sehe tí chare chpahta yariaa wa-
haa tiha. Ahri cha sehere chriro
manop ã jirucurohca –nire Jesu.

⁵⁹ Capernaup judio masa s
buheri whi Jesu buhero, ãta ni
yahure.

*Jesu buheare thona manop ã
jirucunahca mari*

⁶⁰ Pay Jesure cahmaina to ã ni bu-
heare thoa, õ sehe ni durucure:

–Ahri buhea nucu mijona. Ã jina
mari tho duaera cureja –ni duru-
cure tina ti basi.

⁶¹ Ti ã nich Jesu sehe ti durucuare
masire. Ã masino tiro õ sehe ni sini-
ture tinare:

–¿Ahri buheare thona suajari
msa? ⁶² ¿Yh masno Cohamac
warocariro manop y tjuaa wa-
hach ñna dohse ni thotubocari
msa? ⁶³ Espritu Santo masnore
catich yoara. Masa sehe ti basi
catich yoerara. Espritu Santo
masare to catich yoariro seheta
y buhea sehe msare Cohamac

mehne ã jirucuch_u yoara. ⁶⁴ Cãina m_usa mehne macaina ne yah_ure wac_u tuaerara –nire Jesu.

Wahmanop_ure Jesu tirore wac_u tuaerainare masire. Tirore ñ_u tuhtiinare ñohtiro c_uh_ure masi tuhs_ure. ã tirore wac_u tuaerainare masino “Cãina m_usa mehne macaina yah_ure wac_u tuaerara”, nire Jesu.

⁶⁵ ã ni tuhs_u ò sehe ni namore:

–Õ sehe ni yahumahi m_usare: “Y_u P_uch_u sehe masare yah_u sehere cahmach_u yoara. To ã yoerach_u masa sehe y_u yaina ji masierabo”, m_usare nii nimahi –nire Jesu.

⁶⁶ To ã ni buhech_u t_uhoa pay_u Jesure cahmamarina cjiri tirore cohã, tiro mehne pari turi wahaerare. ⁶⁷ Ti ã yoach_u ñ_uno Jesu sãre doce to buheinare ò sehe ni siniture:

–¿M_usa c_uh_u yah_ure cohãnahcari? –ni siniture sãre.

⁶⁸ To ã nich_u Simo Pedro ò sehe ni yah_utire tirore:

–P_uhtoro, sãre paio buheriro mariahna. M_u ya buheare t_uhona Cohamac_u mehne ã jirucunahca sã. M_u ya buhea dihta tíre yahura sãre. ⁶⁹ ã jina sã m_uh_ure wac_u tuaja. ã yoa m_uh_u noariro, Cohamac_u mac_uno to warocariro m_u jich_u sã masija. ã jina m_uh_ure cohãsi sã –nire Simo Pedro Jesure.

⁷⁰ To ã nich_u t_uhoro Jesu ò sehe ni yahure sãre:

–Y_uh_u sehe m_usare doce besehi. Wiho mejeta cãiro m_usa mehne macariro wat_uno yairo cjihto jira –nire sãre to buheinare.

⁷¹ ã nino Judare Simo Iscariote mac_uno nino niri jire. Juda sehe doce buheina sã mehne macariro Jesure ñ_u tuhtiinare ñohtiro jire.

7

Jesu bahana tirore “Cohamac_u mac_uno jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duach_u masino tiro tí yahpap_u wahaerare. ² Judio masa daa w_uh_usecã

sã yoah_uti n_um_uri b_use n_um_uri mahanocã dahsatjiãhre. ³ ã jia Jesu bahana tirore ò sehe ni yahure:

–Judeap_u wahaga. Tóí m_u yainare Cohamac_u tuaa mehne m_u ñohtiro cjihto wahaga m_uh_u. ⁴ Masare yoa ño duac_u yaeraro cahmana m_uh_ure. Yoa ñono cahmana. Potocãta Cohamac_u tuaa mehne yoariro jic_u tíre masare ñoga –nimare tina.

⁵ To bahana jipahta Jesure “Cohamac_u mac_uno jira”, nierare. ã jia, ã nire tina tirore. ⁶ Ti ã niri baharo Jesu ò sehe ni yahure tinare:

–Masa yah_ure ti noano masihti pja dahsasina mini. M_usa sehe ñ_u duana b_use n_um_uri jich_u waha masina. ⁷ Ahri yahpa macaina m_usare ñ_u tuhtierara. Y_uh_u ti ñaa buhirire y_u yahuch_u tina yah_u sehere ñ_u tuhtira. ⁸ B_use n_um_u jich_u wahaga m_usa sahsero. Y_uh_ure y_u wahahto dahsasina mini. ã jic_u y_uh_u sehe b_use n_um_urine ñ_u wahaerasinija –nire Jesu tinare.

⁹ ã nino tiro Galileai tjuare.

Jesu daa w_uh_usericã ti yoari n_um_uri b_use n_um_uri jich_u wahaha

¹⁰ B_use n_um_urip_u Jesu bahana ti ñ_u wahari baharo Jesu c_uh_u ti baharo wahare. ã waharo masa ti ñ_ueraro watoi wahare. ¹¹ B_use n_um_urihi jiina judio masa sã p_uhtoa tirore macare:

–¿Nohop_u jicari tiro? –ni sinituha tina.

¹² ã jia masa c_uh_u Jesure pay_u yahuwajaha. Paina “Tiro noariro jira”, niha. Paina sehe “Tiro ñariro jira. Masare mah_unoriro jira”, ni yahuwajaha tina.

¹³ ã nipahta judio masa sã p_uhtoare cuia, masa ti ñ_uerarop_u Jesure yahuwajaha.

¹⁴ B_use n_um_uri dacho macai Cohamac_u w_uh_up_u Jesu sãa s_uro, buhere. ¹⁵ To ã buhech_u sã coy_uea judio masa t_uho c_uaa waha, ò sehe nire:

–¿Ahriro buherop_u buhemahnoerario jiparota dohsearo noano masi pah_uñonocajari? –nire tina tirore.

16 Ti ã nichu Jesu õ sehe ni yahure tinare:

—Yu buheri cjiri yu ya durucua jierara. Yuhure warocariro ya durucua sehe jira ahri buhea. 17 Cohamacu cahmaare yoa duaina yu buhea sehere Cohamacu ya durucua ti jichu masiahca. Yu mu suro yu buherachu cahure masiahca tina. 18 Cãiro to mu suro to masia mehne buheriro jiro “Yuhu dihtare ño payoga”, niriro jira tiro. Wiho mejeta yuhure warocariro sehere musa ño payochu cahmaja yuhu sehe. Yu ã nichu tuhona “Potocã durucuriro jira tiro. Ne mahñoerara”, ni masinahca musa.

19 Cohamacu dutiare Moise cjiro sehe cãa tiha musare. To ã cãpachuta musa jipihtina tí dutia sehere ne yuhtierare. ¿Dohseana yuhure wajã duajari musa? —nire Jesu sã coyera judio masare.

20 —Muhu tuho masierariro, watino to cohtotariro jira. Muhure wajã duaina mariahna —ni yuhtire tina Jesure.

Ti ã nichu Jesu õ sehe ni yuhtire:

21 —Sori numu Sabado jichu cã tahata Cohamacu tuua mehne dohatiriro to dohatiare yu cohãchu musa ñu cãaa wahare. 22 Mari ñuchusuma cjiri panopu macaina sehe ti pjacure mahanocã cahsarocãre yihsoina ti yoariro seheta Moise cjiro yihso dutiha. To ã dutichu Sabado mari sori numu jipachuta masunore to pjacure mahanocã cahsarocãre yihsoina musa. 23 Sabado jichu masunore to pjacure mahanocã cahsarocãre yihsoina musa, Moise cjiro dutiri cjirire yoana tana. ¿Musa cahu Sabado dachoi tíre yoapanahta tí dachoi dohatirirore jipihtia to pjacure noariro yu yoachu ñuna dohseana yuhu mehne suari musa? 24 Yu yoarire musa noano masierapanahta, yuhure ñano tuhutuena tjiga. Musa noano masiri baharo yuhure musa tuhutua potocã tjiahca —nire Jesu.

Jesu wahmanopu to tariroro yahuha

25 To ã ni yahuri baharo mahainacã Jerusalẽ macaina tirore õ sehe ni yahuwajare:

—¿Ahriro judio masa puhtoã ti wajã duariro jierajari? 26 ã tirore ti wajã duapachuta jipihtina panoi masare buhero nina tiro. Wiho mejeta tirore wajã duaina jipahta ã ñunocahna. “Tiro potocãta Cristo jira”, ¿ni tuhutubocarí puhtoã sehe? 27 Wiho mejeta ahriro Jesu to tariroro sã masija. Cristo sehe masare yuhduchu yoahitiro to tachu to tariro sehere masimahnoerara. ã jiro masare yuhduchu yoahitiro Cristo waro jierara Jesu —ni yahuwajare tina Jerusalẽ macaina.

28 Ti ã niare masino, Jesu õ sehe ni tuaro sañurucu buhere Cohamacu wuhui:

—Yuhure õ sehe ni tuhutura musa: “Tirore masija. ã jina to tariro cahure masija”, ni tuhutumana musa. Musã ã ni tuhutupanahta yuhure warocarirore ne masierara musa. Yuhure warocariro potocã niriro, potocã yoariro jira. Tirore ne masierara musa. 29 Tirota yuhure warocare. ã jicu tiro cahaputa tahi. ã jicu yuhu sehe tirore masija —nire Jesu judio masare.

30 To ã nichu tuhoa tirore ñaha duamare. Ti ã ñaha duapachuta Jesu to ñano yuhduhti pja dahsasiniere. ã jia tina tirore ñaha masierare. 31 Paina masa sehe payu tirore wacũ tua, õ sehe nire:

—Ahriro Jesu sehe payu tahari Cohamacu to tuua mehne yoa ño tuhsure. Jipihtina paina yuhdoro Cohamacu tuua mehne yoa ñohna tiro. ã yoarota Cristo Cohamacu to warocariro tjira ahriro Jesu —nire Jesure wahma wacũ tua ducaina.

Fariseo curua macaina Jesure peresu yoa dutiha

32 Masa Jesure ti ã ni durucuchu tuhoa sacerdotia puhtoã, fariseo curua macaina mehne Jesure ñaha dutia warocaha surarare.

33 ã jiro Jesu judio masare õ sehe nire:

—Mahaa dachoricã m̄sa mehne jisiniihca. ã jic̄ baharocãta ȳh̄ure warocariro cahap̄ wahaihca. ³⁴ Ȳh̄u j̄ihtop̄ m̄sa waha masierara. ã jina ȳh̄ure macapanah̄ta ne bocasi m̄sa —nire Jesu judio masare.

³⁵ To ã nich̄ t̄h̄oa tina ti basi õ sehe ni durucure:

—¿Ahr̄iro ã nino nohop̄ wahabocari, m̄sa t̄hotuch̄? ¿Griego masa cahai judio masa waha siteina ti jia macari cjirip̄ griego masap̄re buhero wahabocari ahr̄iro? ³⁶ “Ȳh̄u j̄ihtop̄ m̄sa waha masierara. ã jina m̄sa ȳh̄ure macapanah̄ta ne bocasi”, to nich̄ ¿dohse nino baro ahr̄iro ã nijari? —ni durucure judio masa ti basi.

Catic̄h̄a yoaa m̄arine yahuha Jesu

³⁷ Bose nam̄ari pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu õ sehe ni yahure:

—Ñah̄ma yapioina core ti tuaro cahmano seheta j̄ipihtia dachoripe Cohamac̄ mehne m̄sa j̄ihtire tuaro cahmaina ȳh̄ure siniga. M̄sa ã sinich̄ Cohamac̄ yaina m̄sare j̄i dutiit̄ja. ³⁸ Ȳh̄ure wac̄u tuainare õ sehe ni joaa tiha Cohamac̄ yare ti joari t̄jui: “M̄ari pohtarip̄ catic̄h̄a yoaa co to ã wijaarucuro seheta Cohamac̄ yaina mehne catic̄h̄a yoariro ã jirucurohca”, ni joaa tiha Cohamac̄ yare ti joari t̄jui —ni yahure Jesu judio masare.

³⁹ ã catic̄h̄a yoarirore wama payo yahuro “Ȳh̄ure wac̄u tuainare Esp̄ritu Santo s̄aruc̄ s̄u m̄a waharohca”, nino nire Jesu. Tiro m̄anop̄ to m̄jaerasinich̄ Esp̄ritu Santo sehe wihierasiniha.

Judio masa p̄ha curua t̄ju waha

⁴⁰ Jesu to ã nich̄ t̄h̄oa, masa payu õ sehe ni durucure:

—Ahr̄iro potocãta Cohamac̄ yare yahu m̄htar̄iro mari cohtar̄iro jira —nire masa.

⁴¹ Õ sehe nire paina sehe:

—Ahr̄iro Cristo marine ȳhd̄uch̄ yoahrt̄iro jira —nire.

Paina sehe õ sehe nire t̄joa:

—Cristo taro, Galilea yah̄pa macariro jisi tiro. Ahr̄iro Jesu sehe tó macariro t̄jira. ⁴² Cristo Davi c̄jiro panamino j̄i tur̄iar̄iro j̄irohca. ã jiro Davi ya maca c̄jiroi Bel̄ei Cristo masa bajarohca. Õ seheta ni yahura Cohamac̄ yare ti joari p̄ui. Ahr̄iro Jesu sehe Bel̄ei masa bajaraha. ã jiro tiro Cohamac̄ to warocariro Cristo waro jierara —nire tina.

⁴³ ã jia Jesure t̄h̄omarina c̄jiri t̄ju ware ti basi p̄ha curua. ⁴⁴ Mahainacã masa sehe Jesure ñaha duamare. ã ñaha duapahta tirore ñahaerare.

Judio masa p̄h̄toa Jesure ne wac̄u tuaeraha

⁴⁵ ã yoaa surara sacerdot̄ea p̄h̄toa cahap̄ fariseo curua macaina cahap̄ t̄juaa wahaha. Ti t̄ju s̄uch̄ ñha tina surarare sinituha:

—¿Dohseana Jesure ñahaerari m̄sa? —ni sinituha tina sehe.

⁴⁶ —Tiro noaputiario durucur̄iro jihre. Paina tiro yoaro sehe durucuina ne mariahna —ni ȳhtiha surara tinare.

⁴⁷ Ti ã nich̄ fariseo curua macaina sehe õ sehe ni yahuha:

—¿M̄sare to mah̄noch̄ “Potocã nino nica”, niri m̄sa c̄h̄u? ⁴⁸ Mari p̄h̄toa Jesure wac̄u tuaeraina jia ne tirore cahmaerare. Sã c̄h̄u ã jina tirore cahmaeraja. ⁴⁹ Ahr̄ina masa sehe Cohamac̄ dutiare Moise c̄jirore t̄o c̄ir̄ire masierara. ã masieraina jia Jesure wac̄u tuaina jia tirore cahmana. Ti ã cahmari buhiri tinare Cohamac̄ buhiri dahrerohca —niha fariseo curua macaina.

⁵⁰ Fariseo curua macariro Nicodemo Jesure s̄h̄aduro s̄ar̄iro c̄jiro tói jia tina mehne. Ti ã nich̄ t̄h̄oro õ sehe niha tiro c̄h̄u tinare:

⁵¹ —Jesu to ñano yoarire masieraja mari. ã masierana tiro marine to yahuhto pano tirore buhiri dahre masieraja mari. ã masierapanah̄ta tirore buhiri dahrena, mari ya dutiare ȳhd̄urucana nija mari —niha Nicodemo tinare.

⁵² To ã nich̄ t̄h̄oa õ sehe ni ȳhtiha tina:

—¿Muhu cūhu tiro yoaro seheta Galilea macariro tjjari? Cohamacu yare ti joari tjure buhe pahñoga. Ñ buhecu, “Cohamacu yare yahu mūhtaina ne cāiro mariahna Galileare”, ni buhe masiihca muhu. Ñ jiro ñ nimacanocano nina Jesu —ni yūhtia tina Nicodemore.

⁵³ [Ti ñ niri baharo ti ya wuhusepu tjuaa wahaha.

8

Muno mehne ñano yoaricorore judio masa pūhtoa wacūenoca su pja

¹ Jesu tūcupu Olivo wama tidupu wahare. ² Ñ yoa pa dachoi bohrearo jichu Cohamacu wuhupu tiro sure tjoa. To ñ sūchu ñna masa payu tiro cahai cahmachure. Ti ñ cahmachuchū ñno tiro sehe dujitjiāhno tinare buhe dūcare. ³ To ñ buhero watoi sā coyea judio masa buheina, fariseo curua macaina mehne tí wuhupu numinore na tare. Ticoro muno mehne to ñano yoachū waro wacūenoca su pja sūha tina ticorore. Ñ su pja sūha ticorore Cohamacu wuhupu na sāare tina. Na sāa su tuhsu jipihtina panoi ticorore duhu dapo, ⁴ ñ sehe nire:

—Buheriro, ahricoro muno mehne ñano to yoachū waro wacūenoca ticorore su pja sūhi. ⁵ Cohamacu dutiare Moise cjiropu marine to cūri ñ sehe nina: “Muno mehne ñano yoaricorore tāa mehne doca, wajāga”, nia tiha Cohamacu dutia. Muhu waro, ¿dohse ni tūhotujari ahrire? —ni siniture tina Jesure.

⁶ Jesu to ñano nichu tūho duaa nimate tina tirore yahusā duaa. Ti ñ sinitupachūta Jesu sehe puhsa nuju su, yahpupu to wamo pica mehne joare. ⁷ Ñ jiro ñ ti ni siniturucuchū Jesu sehe wahcārūca, tinare ñ sehe ni yahure:

—Musa mehne macariro ñano yoareriro sehe ticorore tāa mehne doca mūhtajaro —nire Jesu.

⁸ Ñ ni tuhsu pari turi tiro puhsa nuju, yahpupu joare tjoa. ⁹ Tíre tūhoa ti ñaa yoarire wacūa, ti wahmisuma sehe wijaa mūhtare. Ti baharo tina

mehne macaina cūhu wijaa pihtia wahare. Ñ ti wijaa pihtiaro baharo numino tói ducuricoro Jesu mehne tjuare. ¹⁰ Ñ jiro Jesu wahcā nuju su, ticorore ñ sehe ni sinitu ñare:

—¿Nohopu wahari tina? ¿Muhure buhiri dahre duamarina mariajari mipure? —nire ticorore.

¹¹ —Mariahna, pūhtoro —ni yūhtire ticoro.

—Yuhu cūhu buhiri dahreraja muhure. Wahaga. Ñ jico ñaare yoa namoeco tjiga —nire Jesu ticorore.]

Buhriaro marine to ñu masichu yoaro seheta Jesu ahri yahpa macainare Cohacure masichu yoara

¹² Pari turi Jesu tí wuhupu jiiinare ñ sehe ni yahure:

—Buhriaro marine to ñu masichu yoaro seheta yuhu ahri yahpa macainare Cohacure masichu yoaja. Yuhure wacū tuariro jipihtia dachoripe Cohamacu mehne ñ jirucurohca. Ñ jiro tiro noaare wacūnohca. Ñ yoa tiro ñaare wacū duasi —ni yahure Jesu.

¹³ To ñ nichu tirore fariseo curua macaina ñ sehe nire:

—Muhu mu basi mu jia tiare ñ ni durucui nina. Ñ jia mu ñ sehe ni, mu mu sūro mu nimacanocachu tí yaba cjihti jierara —nire tina Jesure.

¹⁴ Ti ñ nichu Jesu ñ sehe ni yūhtire:

—Yu tariore masija yuhu. Yu wahato cūhure masija yuhu. Musa sehe ne tíre masierara. Musa ñ sehe nipachūta yu jia tiare musare yu yahuri potocā tjira. ¹⁵ Musa mu sūro musa ñuri dihtare masina musa. Ñ jina noano masierara musa. Ñ masierapanahta yuhure ñano ni durucura musa. Yuhu sehe yu mu sūro masare ne ñ nieraja. ¹⁶ Ñ jicu masa ti jia tiare ñu masicu yu mu sūro ñu masieraja. Yuhu pini yu Pūcu yuhure warocariro mehne ñu masija. Ñ jicu masa ti jia tiare yu ñu masia tí potocā tjira.

¹⁷ Musare dutia ti joari pūi ñ sehe ni yahura: “Pūaro masa cāno potori ti yahuchū ti yahua potocā tjira”, ni yahu joari jira. ¹⁸ Yuhure yahuriro

mehne sã puaro tjija. Yuhũ yũ jia tiare yahuja. Tuhsũ, yũ Pũcũ cũhũ yahura yuhũ sehere. Tirota jira yuhũre warocariro —nire Jesu.

19 —¿Nohopũ jicari mũ Pũcũ? —ni siniture tina.

—Yuhũre mũsa masierara. Yũ Pũcũ cũhũre masierara mũsa. Yuhũre masina, yũ Pũcũ cũhũre masiboa mũsa —ni yũhtire Jesu tinare.

20 Jesu tinare buhero ã ni durucure Cohamacũ wũhũi ti niñeru duhu sãa caa poca cahai. To ñano yũhdũhti pja dũhsasinire. ã jia tina mehne to jipachũta tina tirore ñahaerare.

“Yũ wahahtopũre mũsa sehe waha masisi”, niha Jesu

21 Pari turi Jesu tinare õ sehe ni yahure tjoa:

—Yũ tariropũ wahaihca. Yũ wahari baharo yuhũre macanahca mũsa. ã jina mũsa ñaa buhiri tiina yarianahca. Yũ wahahtopũre mũsa sehe waha masisi —ni yahure Jesu.

22 —“Yũ wahahtopũre mũsa sehe waha masisi”, ¿to nichũ tũhoa ahriro to basi wajã yariarohcari ã nino? —nire sã coyera judio masa ti basi.

23 Ti basi ti ã nichũ masino õ sehe ni yahure Jesu tinare:

—Mũsa sehe ahri yahpa macaina jira. Yuhũ sehe mũano macariro jija. Ahri yahpai bajuarina jira mũsa sehe. Mũanopũ tariro jija yuhũ sehe. 24 Mũsa yũ jia tiare yũ nirire “Potocã jierara” nina, mũsa ñaa buhiri tiina yarianahca mũsa. ã jicũ “Mũsa ñaa buhiri tiina yarianahca mũsa”, nimahi mũsare —nire Jesu tinare.

25 —¿Noa baro jijari mũhũ? —ni siniture tina.

—Wahmanopũre yũ nirucuriro se-heta jija yuhũ. 26 Mũsare yũ yahuhti pjiro dũhsasinina. Tuhsũ, mũsa ñano yoari buhirire mũsare yũ yahuhto cjihto pjiro dũhsasinina mini. ã jicũ yuhũre warocariro to yahuri cjirire ahri yahpa macainare yahuja. To yahuri potocã tjira —nire Jesu tinare.

27 “Yuhũre warocariro”, to nichũ tũhoa “Mari Pũcũ jica”, ni tũhotuerare

tina. 28 Ti ã ni tũhotuerachũ ñano Jesu õ sehe ni yahure tinare:

—Yuhũre masũnore Cohamacũ warocarirore mũsa yucũcũ taño mehne wahcõ daponahca. Mũsa ã yoana, “Tiro Cohamacũ warocariro tjira”, ni masinahca. ã jina yũ mũ sũro yũ yoerariro yũ jia tiare masinahca mũsa. ã jina yũ Pũcũ yuhũre to buheri dihtare yahuriro yũ jia cũhũre masinahca mũsa. 29 Yuhũre warocariro sehe yuhũ mehne jira. To cahmaare jipihtia dachoripe yoarucuja. ã jiro yuhũre tiro ne cohãerara —nire Jesu tinare.

30 To ã nichũ tũhoa, tirore masa payũ wacũ tuare.

Cohamacũ pohnare, ñaare yoaina cũhũre yahuha Jesu

31 ã jia paina judio masa Jesure wacũ tuare. ã jiro Jesu tinare õ sehe ni yahure:

—Yũ dutiare yoa pahñoina jina, potocãta yũ buheina jira mũsa. 32 ã jina potocã masinahca mũsa. Potocã jiare masina, ñaa yoare duhu masinahca. ã jina cahamaca yoaro sehe ji namosi mũsa —nire Jesu tinare.

33 To ã nichũ tũhoa tina õ sehe ni yũhtire:

—Sã sehe panopũ macariro Abrahã cjiro panamana ji turiaina jija. ã jina ne paina ti cahamaca jieraja sã. ã jicũ “Cahamaca yoaro sehe ji namosi” nicũ, ¿dohse jiro baro sãre ã nijari mũhũ? —ni siniture tina Jesure.

34 Ti ã nichũ tũhoro õ sehe nire tiro:

—Potocã mũsare niita nija. Jipihtina ñaare yoaina sehe ti ñaa yoare duhu masierara. ã jia tí ñaa sehe ti pũhtoro yoaro sehe jira. ã jiina jia cahamaca yoaro sehe jira tina. 35 Cahamacũno sehe to pũhtoro ya curua macariro jipihtia dachoripe jirucuerara. ã jiro painare dutiriro jierara. Tí wũhũ macariro sehe to macũno sehe jipihtia dachoripe potocãta tí curua macariro jira tiro. (Yuhũ sehe Cohamacũ macũno jija. ã jicũ dutiriro jija. Mũsa ñaa yoare

duhu dutiiltja.) ³⁶ Ñ jina yuh Co- hamacu macuno ñaare yu duhuchu yoarina jina potocãta ñaare duhurina jira musa. (Ñ jina tí ñaa cahamaca yoaro sehe ji namoerara musa.) ³⁷ Abrahã cjiro panamana ji turiaina musa jichu masija. Ñ jipanahta yu yahua sehere tũho duaerara musa. Ñ jina yuhure wajã duara musa. ³⁸ Yu Puc yuhure to masichu yoari cjirore yahuja musare. Yu ã yahupachuta musa pucu watĩno musare to dutiare yoara musa cãhu – nire Jesu tinare.

³⁹ –Abrahã cjiro panopu macariro sã ñuchu cjiro jia tiha. Ñ jiro watĩno sã pucu jierara –ni yũhtire tina.

Ti ã nichu Jesu õ sehe ni yũhtire:

–Abrahã panamana jina, to yoariro sehetã yoaboa musa. ⁴⁰ Cohamacu yuhure potocã to yahuare musare yu yahupachuta yuhure wajã duara musa. Abrahã cjiro sehe ne ã yoera tiha. ⁴¹ Musa pucu to yoariro sehetã yoara musa – nire Jesu tinare.

To ã nichu tina õ sehe ni yũhtire:

–Wamomaca duhtemahnoeraina pohna jieraja sã. Cãirota jira sã Puch. Tirota jira Cohamacu –nire tina.

⁴² Ti ã nichu Jesu õ sehe ni yũhtire:

–Cohamacu mehne macariro jichu, õpũre tahi. Ñ jina Cohamacu musa Puch to jichu yuhure cahĩboa musa. Yu mu sũro taerahi yuh pinihta. Cohamacu to warocachu tahi õpũre. ⁴³ ¿Dohseana yu durucuare tũhoerajari musa? Yu yahua tũhona bihoerara musa. Ñ jina tũho duaerara musa. ⁴⁴ Musa pucu sehe watĩno jira. Ñ jina watĩno cahmaa sehere yoa duara musa. Ahri yahpa wamanopu to ji ducachupu, mipu cãhure tiro masare wajãrucuriro jira. Tirore potocã durucua mariaha. Ñ jiro tiro potocã ne durucuerara. Tiro wamanopũre mahño mũhta ducariro jia tiha. Ñ jiro tiro ã mahñorucuriro jiro, mahñoare yahura. ⁴⁵ Yuh sehe musare potocã yahuja. Ñ yu yahuchu

yuhure tũhoerara musa. ⁴⁶ “Mũhu ñano yoariro jira”, yuhure ni masierara musa. ¿Potocã musare yu yahupachuta dohseana tũhoerajari musa? ⁴⁷ Cohamacu pohna sehe to durucuare tũhora. To pohna jierana, to durucuare tũho duaerara musa – nire Jesu tinare.

Abrahã cjiro to jihto pano Cristo sehe ji mũhta tuhsuã tiha

⁴⁸ To ã nichu tũhoa judio masa tirore õ sehe nire:

–“Mũhu Samaria macariro jira. Ñ jicu tũho masierariro watĩno to cohtotariro jira mũhu”, sã niri potocã tjira –nire tina Jesure.

⁴⁹ Ti ã nichu tũhoro õ sehe ni yũhtire Jesu:

–Tũho masierariro, watĩno to cohtotariro jieraja yuh. Yu Puchre ño payoja. Musa sehe yuhure ño payoerara. ⁵⁰ Yuhure masa ti ño payohtire macaeraja yuh. Yu Puch sehe masare yuhure ño payo dutira. Tiro pinihta yu jia tiare noano ñu masino, ãta ño payo dutira. Tuhsu, yuhure ti cahmaerari buhiri buhiri dahreriro jirohca tiro. ⁵¹ Potocãta musare nü nija. Yu dutiare yoariro jipihtia dachoripe Cohamacu mehne ã jirucurohca –nire Jesu.

⁵² To ã nichu tũhoa õ sehe nire tina:

–Mipu pinihtare tũho masierariro, watĩno to cohtotariro mu jichu sã noano masija. Abrahã cjiro yariaa wahaha. Cohamacu yare yahu mũhtaina cjiri cãhu yaria pihtia wahaha. Ñ jicu “Yu dutiare yoariro jipihtia dachoripe Cohamacu mehne ã jirucurohca” nicu, ¿dohse nicu ã nijari mũhu? ⁵³ ¿Sã ñuchu cjiro Abrahã yũhoro tuajari mũhu? Tiro cjiro, Cohamacu yare yahu mũhtaina cjiri cãhu yariaa wahaha. ¿Mũhu sehe diro baro jijari mũhu ã ni durucucu? Mũhu ã niboriro jierara –nire tina.

⁵⁴ Ti ã nichu tũhoro Jesu õ sehe ni yahu namore:

–Yuh yu basi “Tuariro jija yuh” nicu, tuariro jieraboca yuh. Yu Puch sehe “Tiro tuariro jira”, nina yuhure. “Sã yairo Cohamacu”, musa

niriro sehe yu Pucuj tjira. ⁵⁵ Musa sehe yu Pucure ne masierara. Yuhu sehe tirore masija. “Tirore masieraja” nicu, musa yoaro seheta mahñoa payuriro jiboa yuhu. Potocãta tirore masija. Å jicu to dutiare yoaja. ⁵⁶ Ahri yahpapu yu tahtore mari ñuchu cjiro Abrahã cjiro masia tiha. Å masino tiro wahchea tiha –nire Jesu.

⁵⁷ To ã nichu tina õ sehe ni yuhtire: –Muhu cincuenta cuhmari cjaerasinica. Abrahã cjiro panopu macariro jira. ¿Mipure tiro cjirore muhu dohsea masiboari? –nire judio masa Jesure.

⁵⁸ –Potocã musare niita nija. Abrahã to jihto pano yuhu sehe ji muhta tuhsua tii –nire Jesu tinare.

⁵⁹ To ã nichu tuhoa tina sehe tãare na, tirore doca duamare. Ti ã doca duapachuta Jesu sehe Cohamacu wuhui jiriro duhti wijaa wahare.

9

Capari ñerarirore ñuchu yoaha Jesu

¹ Å yoa Jesu sã to buheina mehne mahai wahana paire capari ñerarirore boca sui. Tiro wahma masa bajaroputa capari ñerariro jia tiha. ² Sã cãhu tirore ñuna, õ sehe ni sinitu ñahi Jesure:

–¿Buheriro, ahriro dohsearo capari ñerariro masa bajua tiari? ¿Ñaaare yoaa tiari ã waharo? ¿O to pucsuma sehe ñaaare yoaa tiari to ã wahachu? –ni sinitu ñahi sã sehe Jesure.

³ Sã ã nichu tuhoro õ sehe ni yuhtire tiro:

–Ahriro to ñaaare yoari buhiri capari ñerariro wahaerare. To pucsuma cãhu ñaaare ti yoari buhiri capari ñerariro wahaerare. Cohamacu sehe tirore capari ñerachu yoare tirore ñuchu yoaro taro masare to ñohtire. ⁴ Yuhure warocariro to cãrre mipure yoaro cahmana yuhure. Ñamipure mari dahra masieraro seheta baharopu yuhure warocariro to cãrre yoa masieraja yuhu. ⁵ Ahri yahpapu buhriro marine to ñu masichu yoariro seheta jiriro jicu

ahri yahpa macainare Cohamacu yare masichu yoaja yuhu –nire Jesu.

⁶ Å ni tuhsurota yahpapu chahcho puti cãre. To ã chahcho puti cãrre dahra more, capari ñerarirore to caparire wisõre. ⁷ Å wisõno õ sehe nire Jesu:

–Siloé wama tiri copai cuhsari copai mu caparire cosai wahaga –nire Jesu. (Siloé sã ya dusero mehne nia “Warocari copa”, nia nire.)

Jesu to caparire cosa dutiriro sehe waha, cosa, capari ñerarirore tju wihire. ⁸ To tju wihichu tiro cahai jiina tirore ñare. Tó pano niñeru siniriro cjiro to jichu ñarina tirore õ sehe nire ti basi:

–¿Ahriro sohõ jiriro niñeru siniriro cjiro jierajari? –nire tina.

⁹ –Tirota jira wiho –nire paina sehe.

–Tiro jierara. Å jieraparota tiro yoaro sehe bajuriro jira –nire paina.

Ti ã nichu tuhoro capari ñerariro cjiro sehe õ sehe nire:

–Tiro tjija yuhu –nire tinare.

¹⁰ To ã nichu masa tirore õ sehe ni siniture:

–¿Capari ñerariro cjiro jicu dohse waha ñari muhu? –ni siniture tina tirore.

¹¹ –Jesu wama tiriro dihta sohãare dahra more, yu caparire wisõre. Yuhure wisõ tuhsu “Siloé wama tiri copapu mu caparire cosai wahaga”, to nichu cosai suhi yuhu. Yu ã cosari baharo yu capari noano bajure yuhure –ni yahure tiro masare.

¹² –¿Muhure ã yoariro nohopu jicari tiro? –nire tina.

–Buh. Nohoi jiro jica –nire tiro.

Capari ñerariro cjirore fariseo curua macaina sinituha

¹³ Å ni durucu tuhsu tina capari ñerariro cjirore fariseo curua macaina cahapu naahre. ¹⁴ Tí dacho Jesu dihta sohãare dahra more capari ñerarirore noariro to yoari dacho Sabado dacho jire. Tí dacho sã sori numu jire. ¹⁵ Å jia fariseo curua macaina sehe tirore õ sehe ni sinituha tjoa:

—¿Dohse yoa m̄h̄u ñ̄uri? —ni sinituha tina.

—Dihta soh̄ã mehne ȳu caparire wisōhre. Ā jic̄u ȳu caparire ȳu cosari baharo ñ̄u d̄ucahi ȳh̄u —ni yahuha tiro tinare.

¹⁶ —Tiro Sabado dacho mari sori n̄am̄u mari dahra dutierari n̄am̄u dahrahre. Ā jiro tiro Cohamac̄u yairo jierara —niha paina fariseo curua macaina sehe.

Paina sehe ò sehe niha:

—Ñ̄aare yoariro ò sehe noariro wahach̄u yoa masierara. Ā jiro tiro noariro jiboca —niha paina.

Ā jia tina p̄ua curua ti basi tju waha.

¹⁷ Ā jia pari turi tina capari ñ̄erariro cjirore ò sehe ni sinituha tjoa:

—¿M̄h̄ure m̄u caparire noano yoarirore m̄h̄u waro dohse ni t̄hotujari Jesure? —niha tina tirore.

—Tiro potoc̄ãta Cohamac̄u yare yahu m̄htariro jira —niha capari ñ̄erariro cjiro.

¹⁸ Wahmanop̄ure judio masa ò sehe ni t̄hotumaha: “Ahr̄iro capari ñ̄erariro cjiro jierara”, ni t̄hotumaha tina. Ā ni t̄hotua capari ñ̄erariro cjiro p̄cus̄umare p̄jirocaha tina. ¹⁹ P̄jiroca tuhs̄u, to p̄cus̄umare ò sehe ni sinituha fariseo curua macaina p̄htoa:

—¿Ahr̄iro potoc̄ãta m̄sa mac̄u jijari? ¿Dóih̄ta tiro capari ñ̄erariro masa bajuari? ¿Potoc̄ãta capari ñ̄erariro cjiro jiparota dohsearo ñ̄jari mip̄ure? —ni sinituha tina to p̄cus̄umare.

²⁰ —Ahr̄iro sã mac̄ta jira. Ā yoa dóih̄ta capari ñ̄erariro masa bajua tire tiro. ²¹ Tíre masipanahta to ñ̄irire, tirore ñ̄ch̄u yoariro c̄h̄ure masieraja sã. Sã mac̄ure sinituga. B̄c̄uro jira tiro. Tiro to basi yahu masina —niha to p̄cus̄uma.

²² Judio masa sã p̄htoa wahmanop̄ure ò sehe nia tiha:

—“Jesuta Cristo Cohamac̄u warocariro jira”, niinare mari buhea w̄h̄usep̄u sãa dutisi sã —nia tiha judio masa p̄htoa.

Ti ã nich̄u t̄hoa capari ñ̄erariro cjiro p̄cus̄uma sehe judio masa p̄htoare cui niha. ²³ Ā cuia, “B̄c̄uro jira tiro. Tiroreta sinituga”, niha tina judio masa p̄htoare.

²⁴ Baharo judio masa sã p̄htoa pari turi capari ñ̄erariro cjirore p̄jirocaha tjoa. P̄jiroca tuhs̄u, ò sehe niha tirore:

—Cohamac̄u mehne poto yahuga m̄h̄u. Jesure mah̄oriro to ñ̄aa yoariro jich̄u sã masija. Ā jic̄u poto yahuga sãre —niha judio masa capari ñ̄erariro cjirore.

²⁵ Ti ã nich̄u t̄horro ò sehe ni ȳhtiha tiro:

—Jesure to ñ̄aa yoariro to jich̄u masieraja ȳh̄u. C̄n̄ota masija ȳh̄u. Panop̄ure capari ñ̄erariro jia tic̄u ȳh̄u. Mip̄u seh̄ere ñ̄ja ȳh̄u. Tí dihtare masija ȳh̄u —ni ȳhtiha capari ñ̄erariro cjiro tinare.

²⁶ —¿Dohse yoari m̄h̄ure tiro? ¿M̄u capari ñ̄hto c̄jhtore dohse yoari tiro m̄h̄ure? —ni sinituha tina tjoa.

²⁷ —Tíreta m̄sare yahu tuhs̄mahic̄u ȳh̄u. Ȳu ã ni yahupach̄ta m̄sa ne t̄ho duaerare ȳh̄ure. ¿Dohse yoa duana pari turi ȳu yahuch̄u t̄ho duajari m̄sa? ¿M̄sa c̄h̄u to buheina ji duajari? —niha tiro tinare.

²⁸ To ã nich̄u t̄hoa tina tuhtiha tirore:

—M̄h̄u Jesu buheriro jira. Sã sehe Moise cjiro buheina jija. ²⁹ Potoc̄ãta Cohamac̄u Moise cjirore durucua tiha. Jesu to tarirore sã masieraja —niha tina capari ñ̄erariro cjirore.

³⁰ Ti ã nich̄u ò sehe ni ȳhtiha tiro:

—¿Tiro to tarirore m̄sa masierach̄u ȳh̄ure ñ̄ch̄u yoariro jiro Cohamac̄u warocariro jierabocari tiro? ³¹ Cohamac̄u ñ̄aa yoainare ti siniare t̄hoerara. Tí pinihtare mari masija. Tinare t̄hoeraparota Cohamac̄ure ño payorirore, to dutiare yoarirore to siniare t̄hora Cohamac̄u. ³² Wahmanop̄ure ahr̄i yahpa to ji d̄cach̄p̄ure ne coã masa bajarop̄u capari ñ̄erarirore ne c̄iro baro ñ̄ch̄u yoariro mariea tiha.

³³ Ā jiro Jesu Cohamac̄u warocariro

jieraro yuhure ñuchu yoeraboa tiro —niha tiro tinare.

³⁴ —Muhu dóihta ñariro jia tiha. ¿Á jipacuta sãre buhe duajari muhu? —niha judio masa sã puhtoia tirore.

Á ni tuhsuata tina tirore cohã wionocaha.

Jesu yare cahmaeraina capari ñeraina ti ñu masieraro seheta Cohamacu masierara

³⁵ Á yoa capari ñerariro cjirore ti cohã wiorire Jesu tuhore. Á tuhoro capari ñerariro cjirore boca suro, tirore õ sehe ni siniture:

—¿Masunore Cohamacu waro-carirore wacũ tuajari muhu? —nire Jesu.

³⁶ —¿Puhtoro, noa jijari tiro? Tirore masichu wacũ tuaihtja tirore —nire capari ñerariro cjiro Jesure.

³⁷ —Tirore ñu tuhsure muhu. Mipure muhu mehne durucuriro tiro tjija yuhu —nire Jesu capari ñerariro cjirore.

³⁸ —Puhtoro, muhare wacũ tuaja —nire capari ñerariro cjiro.

Á ninota tiro Jesu panoi na tuhcuacaha su, tirore ño payore.

³⁹ To ã ño payochu ñano õ sehe nire Jesu:

—Noaina, ñaina cãhu ti yoarire masichu yoai tai ahri yahpapure tahi. Capari ñeraina ti ñu masieraro seheta tina yoaro sehe jiina yu Pucure masierara. Á masierainare yu Pucure masichu yoai tai tahi yuhu. “Sã noano masija”, ni tuhotumarina noano ti masierarire masichu yoai tai tahi yuhu —nire Jesu.

⁴⁰ To ã nichu tuhoa mahainacã fariseo curua macaina tirore õ sehe nire:

—“Capari ñeraina ti ñu masieraro seheta noano masierara musa cãhu”, ¿nii nijari muhu sãre? —nire fariseo curua macaina Jesure.

⁴¹ Ti ã nichu Jesu õ sehe nire:

—Capari ñeraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri

buhiri tiina jisnina musa mipure —nire Jesu tinare.

10

Ovejare ñu wihboriro quitire yahuha Jesu

¹ Baharo quitu mehne piti dahre buhero taro õ sehe nire Jesu:

—Potocãta nii nija musare. Ovejare wihbori sahrĩno sopacai sãaerariro, sopaca marienopu sãariro sehe yaca bucuro jira. ² Sopacai sãariro sehe ovejare ñu wihboriro jira. ³ Sopacare cohtariro sopacare pjõohna ovejare ñu wihboriro to sãahto sehe. Ovejare ñu wihboriro to durucuchu tuho tara to nuina oveja peri. Tinare pjirocaro, ti wama mehne pisurocarucura tiro.

Á yoaro tinare sahrĩnopu jiinare pji wiorucura sopacapu. ⁴ To yainare jipihtinare pji wio tinare ma tárucura. Oveja sehe to durucuaré masia, to baharo nunu tirucura. ⁵ Pairore ti masierarirore nunu tierara tina. Á jia paina ti durucuaré tuhoa, cui marooca wahara —nire Jesu tinare.

⁶ Ahri quitire to ã yahupachuta to yahuare tuho ñahaerare tina.

Jesu ovejare noano ñu wihboriro yoaro seheta to yainare noano ñu wihbora

⁷ Pari turi Jesu tinare õ sehe ni yahure tjoa:

—Potocãta musare nii nija. Ovejare wihbori sahrĩno sãari sopaca yoaro sehe jija yuhu. ⁸ Jipihtina yu pano tarina quihõno yu durucuaré buheraina, ovejare ñu wihbo mahõina yacaina yoaro sehe jira. Ti ã jipachuta yu yaina sehe oveja yoaro sehe jiina painare ne tuho wahcãerara. ⁹ Yuhu ovejare wihbori sahrĩno sãari sopaca yoaro sehe jija. Tí sopacai sãaina yoaro sehe tjira yuhure wacũ tuaina. Á jicu yuhu tinare pichacapu wahaborinare yuhduchu yoaihtja. Oveja sehe tinare ñu wihboriro mehne ti cahmaare bocaro yoaro seheta yu yuhduchu yoina cãhu yuhu mehne ti cahmaare bocaahca. Yuhu tinare noano ducata, noano ñu wihboihca —nire Jesu.

¹⁰ Æ ni tuhsu õ sehe ni namore:

—M̄sare mahñoare buheina, ovejare ñu wihbo mahñoina sehe ovejare yacaina yoaro sehe jira. Yaca taa, wajãa taa, dojomehnea taa tara tina. Wiho mejeta yahu sehe yu yainare, oveja yoaro sehe jinare, tuaro waro ti wahchea mehne ã catirucuchu yoai tahi. ¹¹ Ovejare noano ñu wihboriro yoaro sehe jija yahu. Ovejare noano ñu wihboriro tinare noano ducata, to yariahtore ne cuierara. Tó yoaro se-heta yahu cãhu yainare noano ducata, yariahca, tinare ne soro wahaerahto sehe. ¹² Oveja puro cahamacano sehe potocã ovejare ñu wihboriro jierara. Æ jia oveja to yaina jierara. Æ jiro yairo ovejare to churo tachu ñano to cahamacano sehe ovejare cohã cãnoca, murocaa wahara. To ã cohã cãri baharo, yairo ovejare to ñahachu ñua oveja peri muroca site wahcãa wahara. ¹³ To cahamacano sehe to wapataa dihtare cahmana. Æ jiro tiro ovejare noano ñu wihbo ji coerara — nire Jesu.

¹⁴ Æ ni tuhsu õ sehe ni namore:

—Ovejare noano ñu wihboriro yoaro sehe jija yahu. Æ jicu yu yainare masija yahu. Æ jia yu yaina sehe yuhare masina. ¹⁵ Tó seheta yu Pucu cãhu yuhare masina. Æ jicu yahu cãhu yu Pucure masija. Oveja yoaro sehe jiina yu yaina Cohamacu mehne ti ã jirucuhti cjihtire yariahca yahu. ¹⁶ Paina oveja pa sahrino macaina yoaro sehe jiina paina masa cãhu yu yaina jahca. Tina cãhure naaihca. Æ jia yu durucuchu tãho wahcãahca tina cãhu. Æ jia yu yaina jipihtina cã curuata jahca. Æ jicu yahu dihta yu yainare ñu wihboihca — nire Jesu.

¹⁷ Æ ni tuhsu õ sehe ni namore:

—Yu yaina Cohamacu mehne ti ã jirucuhti cjihtire yariahca. Yu yari-ari baharo masa mujaihca. Yu ã yoahitiro jichu yu Pucu yuhare cahina. ¹⁸ Yu wajã dutierachu yuhare wajã masieraboa tina. Yu cahmano seheta yuhare wajãahca. Æ jicu yu yaina Cohamacu mehne ti ã jirucuhti cjihtire

yariahca. Yaria masija yahu. Æ yoa masa m̄ja masija. Yu Pucu yuhare tíreta yoa dutire — nire Jesu.

¹⁹ To ã nichu tãho judio masa pua curua tju ware. Paina soro tãhotu, paina cãhu soro tãhoture:

²⁰ —Tiro watino to cohtotariro jira. Æ jiro tãho masierariro jira. ¿Dohseana tirore pari turi tãhojari m̄sa? —nire paina payu judio masa.

²¹ Paina sehe õ sehe nire:

—Watino to cohtotariro jiro ã ni durucueraboa. Capari ñuerarirore ñuchu yoa masierara watino to cohtotariro. Æ jiriro jiro tiro watino to cohtotariro jierara —nire paina judio masa.

Judio masa Jesure cahmaeraha

²² Pa dachoi sã coyera judio masa Jerusalẽi bose numari yoa nire pari turi. Cohamacu wãhure panopu tirore ti wari cjirire ti wacũhti dachori jire. Tí pjare puhoro jire. ²³ Tí dachoi Salomo wama tiri tahtiapu Cohamacu wãhu jiri tahtiapu Jesu ñu tinino nire. ²⁴ Tí tahtiapu to jichu ñua sã coyera judio masa tiro cahapu cahmachu, tirore õ sehe ni siniture:

—Yoaputiari pja sãre noano yahueraca m̄hu. Poto sãre noano yahu bahrañoga m̄hu. ¿Cristo Cohamacu to warocariro tjijari m̄hu? —nire tina Jesure.

²⁵ Ti ã nichu tãhoro õ sehe ni yuhitire Jesu:

—M̄sare yahu tuhsu majacu yahu. Yu ã yahupachuta yuhare tãho du-aerare m̄sa. Yu Pucu yuhare to dutiriro seheta to tuua mehne yoa ñoja. Æ yoacu yu Cristo jiareta m̄sare ñoi nija. ²⁶ Yu ã ñopachuta yuhare tãho duaerara m̄sa. M̄sa sehe yu yaina jierara. Æ jina paio yaina oveja yoaro sehe jiina jina, yahu sehere tãhoerara m̄sa. ²⁷ Ovejare ñu wihborirore to yaina ti tãhoro seheta yahu cãhure yu yaina tãhoro. Æ jicu yu yainare masija yahu. Æ jia tina yahu mehne wahara. ²⁸ Æ jicu jipihtia dachoripe Cohamacu mehne ã catirucuchu yoaja tinare. Æ jia tina sehe

pichacapu ne wahasi. Ā jia yu yainare yu ñu wihbochu paina sehe ne cãirore yuhure ma masierara tinare. ²⁹ Ā yoa yu Pucu yu yainare yuhure wariro jipihitina yuhdoro tuariro jira. Ā jiro yu Pucu sehe yu yainare to ñu wihbochu, ne cãiro tiro cãhure ma masierara tinare. ³⁰ Yuhu yu Pucu mehne cãirota jija –nire Jesu judio masare.

³¹ To ã nichu tuhõa judio masa sehe tirore ti doca wajãhti tãare pari turi namare tjoa. ³² Ti ã yoachu ñuno Jesu õ sehe ni siniture tinare:

–Yu Pucu ya tuaa mehne payu tahari yoa ñomahi musare. ¿Di baro sehere yu yoari buhiri yuhure tãa mehne doca wajã duajari masa? –ni siniture Jesu.

³³ To ã nichu tuhõa õ sehe nire tina: –Cohamacu tuaa mehne mu yoa ñori buhiri mähure tãa mehne doca wajã duaeraja sã. Cohamacure mu ñano durucuri buhiri mähure tãa mehne doca wajã duaja sã. Masuno jipaihta “Cohamacu jija yuhu”, mu nia buhiri mehne mähure tãa mehne doca wajã duaja sã –ni yuhtire tina.

³⁴ Ti ã ni yuhtichu tuhõro Jesu tinare õ sehe ni yahure:

–Musa cãhure “Cohamana”, ni pisura Cohamacu. Āta ni joaa tiha to dutiare ti joari pui. ³⁵ Cohamacu yare ti joari pu quihõno to jichu mari masija. “Mahõoa jira”, tí pũre ni masieraja mari. Ā jiro to yare masiinare potocãta tiro “Cohamana”, ni pisura. ³⁶ Cohamacu yuhure besetjiãhno, ahri yahpapure warocare. Ā jicu yuhu “Cohamacu macuno jija”, yu niri buhiri “Cohamacure ñano durucuro nina Jesu”, nina masa yuhure. ¿Dohseana yuhure ã nijari masa? ³⁷ Yu Pucu to cahmariro sehetã to tuaa mehne yu yoa ñoerachu pinihtare yu buherire “Potocã tjira”, nieraboca masa. ³⁸ Yu Pucu to tuaa mehne yu yoa ñopachuta yuhu sehere tuhõ duaeraboca masa. Ā tuhõ duaerapanahta to tuaa mehne yu yoa ñochu ñana yu yoarire “Potocã tjira”, niga masa. Musa ã nina, yu Pucu mehne sã cãno potori sã jichu masinahca

masa. Ā jina yuhu yu Pucu mehne cãno potori yu jichu masinahca masa. Ā jina tuhõ ñahanahca masa –nire Jesu tinare.

³⁹ To ã nichu tina pari turi tirore ñaha duamare. Ti ã ñaha duachu ñuno tiro duhti wijaa wahare.

⁴⁰ Ā wijaariroputa João masare to bautisa muhtarropu Jordão sie seheru pari turi wahare tjoa. Tõpu sũro tjuanocare tiro. ⁴¹ Ā jia masa payu tirore ñua sare. Õ sehe nire tina ti basi:

–João sehe Cohamacu tuaa mehne yoa ñoerare. Ā to yoa ñoerapachuta jipihitia Jesure to yahuri cjiri sehe potocãta jira –nire masa ti basi.

⁴² Ā jia tõpũre masa payu wacũ tua dũcare Jesure.

11

Lázaro wama tiriro yariaa wahaha

¹ Ā yoa cãiro Lázaro wama tiriro to wahmiosãnumia María, Marta cãhu mehne Betania wama tiri macai jia tire. Tiro cã namu dohatia wahari jire. ² Tiro wahmiono María sehe baharo Jesu to dahporire me sitia wisõ, to pjoari mehne tirore pahã cohãhticoro jiri jire. ³ Ā yoa to dohatia wahachu ñua, to wahmiosãnumia sehe painare Jesure yahu dutirocari jire:

–Puhtoro, mu cahĩro dohatiro nina –ni yahu dutirocari jire Lázaro wahmiosãnumia.

⁴ Tí quitire tuhõro õ sehe nire Jesu:

–Mipũre Lázaro to dohatia to yariãhti cjihiti jierara. Cohamacu tuaare masare ñohti cjihitire mipũre tiro dohatira. Ā jia yuhu to macuno tuariro yu jia cãhure ñuahca masa –nire Jesu.

⁵ Jesu Martare, to bahõro cãhure, Lázaro cãhure tuaro cahĩa tire. ⁶ Ā nino Lázaro dohatiriro to jichu tuhõparõta tõi Jesu sehe puã dacho tjuasinire. ⁷ Puã dacho baharo Jesu õ sehe nire sãre to buheinare:

–Pari turi Judea yahpapu tjuaa wahajihna tjoa –nire sãre.

⁸ –Buheriro, canũpũcãta judio masa tõi macaina mähure tãa mehne

doca wajã duamare. ¿Dohseacu tópu pari turi tjuaa waha duajari mahu? —nihi sã to buheina.

⁹ Sã ã nichu tãhoro, tirore ti wajã masierasininore yahuro, piti dahre buhero sãre õ sehe nire:

—Pjïro tãhotuena tjiga. Cã dachore doce horari waro jira. Sũ dacho macariro to jisnichu, noano ñuja mari. ã jina dachore tinina ne puha tu mha boraeraja mari. ¹⁰ Wiho mejeta nahitianoi tiniina sehe puha tu mha boraah wahara. Sũ dacho macariro mariachu noano ñuerara tina —nire Jesu. (ã nino õ sehe nino niri jimare: “Mipure yu Pucu yare yu yahu pahñohto dũhsasinina. ã jia yuhure wajã masierasinina”, nino niri jimare.)

¹¹ ã nino sãre õ sehe ni yahu namore tjoa:

—Mari mehne macariro Lázaro, carño nica. To ã caripachuta yuhu tirore wahcõi wahaihtja —nire sãre.

¹² —Puhtoro, Lázaro carñiro jiro, yuhdurohca —nimahi sã.

¹³ Sã ã nipachuta Jesu “Carño nica” nino, “Yariaa wahaca”, nino niri jimare. To ã nichu tãhona “Lázaro soro nica”, ni tãhotumai sã sehe. ¹⁴ Sã ã ni tãhotuchu masino Jesu potu yahure sãre:

—Lázaro yariaa wahaca. ¹⁵ Yu marieno to yariachu, noa nina. ã jina musa yuhure wacũ tua namonahca. MUSA yu jia tiare masi namo, mUSA yuhure wacũ tua namohti cjihti jiahca ahri. ã yoana basata. Mari ñuna wahajihna to cahapu —nire Jesu.

¹⁶ Toma sũhũduariro wama tiriõ õ sehe nire sãre:

—Mari cãhu Jesu mehne wahajihna. Tirore wajãa, mari cãhure wajãjaro —nire Toma.

Jesu ã jirucuchu yoiro masare masoriro jira

¹⁷ ã yoa sã tópure sã suna cahachu waro tó macaina õ sehe ni yahure Jesure:

—Pititia dachori wahara Lázaro cjirore masa copapu ti siõ sãari baharo —ni yahuha tirore.

¹⁸ Betania wama tiri maca sehe Jerusalẽ cahacãi tia kilómetro yoaro jire. ¹⁹ ã jia Lázaro to yariari baharo, payu Jerualẽ macaina sã coyca judio masa Martare, María cãhure ñahacaha tiia taa tari jire. ²⁰ Tópure sã suna cahachu tãhoro, Marta sehe sãre piti bocaro wihire. Wiho mejeta to bahoro María sehe to ya wuhupu tjuari jire. ²¹ Marta sehe Jesure piti boca wihi, õ sehe nire tirore:

—Puhtoro, yu bahu to variahto pano mu õi jichu, tiro variaeraboa. ²² Mipu cãhure Cohamacure mu sini payochu, tiro mu sinino seheta yoarohca —nire Marta Jesure.

²³ —Mu bahu masa wijaaarohca —nire Jesu ticorore.

²⁴ —ãja. Ahri yahpa to pihtiri dachoi yariarina cjiri ti masa wijaahti dachoi to masa wijaahtore masija yuhu —nire ticoro sehe.

²⁵ To ã nichu Jesu õ sehe ni yahure tjoa:

—Yuhu masa wijaaachu yoiro jija. Yuhu ã jirucuchu yoiro jija. Yuhure wacũ tuariro yariaparota ã catirucurohca. ²⁶ ã jia jipihtina Cohamacu mehne ã catirucuina, yuhure wacũ tuaina pichacapu ne wahasi. ¿Ahrire masijari mahu? —nire Jesu ticorore.

²⁷ —Puhtoro, masija yuhu. Cristo Cohamacu macuno, masare yuhduchu yoiro “Ahri yahpapu tarohca”, ti niriro mu jichu masija yuhu —nire Marta Jesure.

*Lázaro to masa copa cahai Jesu ti-
iha*

²⁸ Marta ã ni tuhsu to bahoro Mariare pjïro wahare:

—Marine buheriro mari ya macai taro nina. Mũhure pjihre —ni yaroca yahuri jire Mariare.

²⁹ To ã nichu tãhoro María ño duaro wahcãruca, sã cahapu tari jire Jesure ñuno taro. ³⁰ Ti ya macapu sũerasinihi sã. Marta sãre to piti bocaroihta jisinihi sã. ³¹ Judio masa tí wuhui Mariare ñahacaha tiia niha. ã jia ticoro to wahachu ñuna, tina ticorore nunu ti tari jire. “To wahmino cjirore ti siõ sãari copapu

tiiro waharo nina ticoro”, ni tūhoturi jimare tina. Æ ni tūhotua ticorore nūnū ti tari jire.

³² Æ yoa María sā cahapū wihiro, Jesure ñū, to dahpori cahai na tuhcuca caha sūre.

—Pūhtoro, yū bahū to yariahto pano mū ōi jichū tiro yariaeraboā —nire ticoro Jesure.

³³ Æ jiro ticoro judio masa ticoro mehne tarina cāhū ti tiichū ñūno Jesu sehe tuaro cahya ñāno yajeripohna tire.

³⁴ —¿Lázaro cjirore nohopū siō sāari mūsa? —ni siniture Jesu.

—Ñūi taga —ni pji wahcāre tina.

³⁵ Ti ā nichū tūhoro Jesu tiia wahare.

³⁶ —Lázaro cjirore Jesu tuaro cahīri jira —nire judio masa ti basi.

³⁷ Wiho mejeta paina tina mehne macaina sehe ō sehe nire:

—Capari ñūerarirore ñūchū yoariro jira ahriro Jesu. ¿Æ jiro Lázaro cāhūre to yariaborore yūhdūchū yoaeraboari ahriro? —nire tina ti basi.

Lázaro masa wijaaha

³⁸ Æ jiro pari turi Jesu tuaro cahya namore. Æ jina sā jipihtina to masa copapū sūhi. Tí copa tācapū ti sahari copa jire. Tí copapū to pjacū cjirore siō sāa, tāca pjiria mehne tju biha cūri jire tina.

³⁹ —Tācare na pjōohga —nire Jesu.

To ā nichū tūhoro Marta yariariro cjiro wahmiono ō sehe nire:

—Pūhtoro mipū pititia dachori waha tuhsūra to yariari baharo. Æ jiro to pjacū cjiro űrībiahca —nire Jesure.

⁴⁰ —“Yūhūre wacū tuaco Cohamacū tuaare ñūcohca”, mūhūre nimahi —nire Jesu Martare.

⁴¹ To ā ñiri baharo tina tācare na pjōohre. Æ ti na pjōori baharo Jesu sehe mūanopū ñū, Cohamacūre ō sehe nire:

—Mai, yūhūre mūhū tūho tuhsūhre. Tíre mū yoachū masicū wahcheja mūhūre. ⁴² Æ yoa yūhūre mūhū

dachoripe ā tūhorucura. Tíre masija. Æ masipaihta yūhū mū warocariro yū jiare ōre ducuina ti masihti cjihtire mūhūre ā nii nija. Tíre “Potocā tjira”, ti nihti cjihti cāhūre ā nii nija —nire Jesu to Pūcūrore.

⁴³ Æ ni tuhsū Jesu tuaro sañurucure:

—Lázaro, wijaa tagá —ni sañurucure tiro.

⁴⁴ To ā nichū yariariro cjiro to wamomacarine to dahpori cāhūre suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapū wijaa tare jūna.

—Ti wahmari cjirore pjāga —nire Jesu.

Judio masa pūhtoa sehe Jesure ñāha duamaha

(Mt 26.1-5; Mr 14.1-2; Lc 22.1-2)

⁴⁵ To ā masochū ñūa, payū judio masa Mariāre ñūa tarina mehne macaina Jesure wacū tuare. ⁴⁶ Wiho mejeta paina sehe, tina mehne macaina sehe fariseo curua macaina cahapū waha, sū, Jesu to yoarire yahuri jire tinare. ⁴⁷⁻⁴⁸ Æ jia sacerdotēa pūhtoa, fariseo curua macaina pūhtoa cāhū cahmachu, ti basi ō sehe ni durucuha:

—Jesu payū tahari Cohamacū tuaa mehne yoa ño mūjana. To ā yoa ñoare mari tirore ā ñūnoca mari dūcataerachū, jipihtina masa tirore wacū tua, tiro mehne waha pihtiaboca. Æ yoa tiro Jesure ti pūhtoro cjihto ti sōchū ñūa, Roma macaina pūhtoa sehe “Marine cohāa nina”, ni sua, ñāno yoaahca marine. Tuhsū, Cohamacū wūhūre cohā duti warocaahca ti yaina surarare. Mari ya dihta cāhūre maahca tina. ¿Æ jina dohse yoanahcari mipūre? —ni durucuha tina ti basi.

⁴⁹ Ti ā nipachūta paio Caifa wama tirore, tí cūhmare sacerdotēa bui pūhtoro jirore tinare ō sehe ni yahuha:

—Mūsa sehe ne masierara. ⁵⁰ Judio masa jipihtina mari ya cjihtire cāiro masūno to yariachū noana. To yariaerachū mari jipihtina judio

masare cohã pahñonocaboa. Tíre m̄sa masierara —niha Caifa tinare.

⁵¹ Æ nino to m̄ s̄ro ã nino nieraha. Sacerdotea bui p̄htoro to jich̄ judio masa ya cjihtire Jesu to yariahtore Cohamac̄ sehe Caifare ã ni yahu dutiha. ⁵² Jesu yariaro judio masa dihtare ȳhd̄ch̄ yoaro taro nierare. Æ yariaro jipihtina Cohamac̄ pohna ahri yahpap̄ ji siteina c̄h̄ c̄ curuata ti jihti cjihtire yariahtiro jire Jesu.

⁵³ Æ jia tí dachoihta tina “¿Jesure dohse yoa wajãnahcari mari?” ni durucua, tirore wajã taa nimaha.

⁵⁴ Tirore ti ã wajã duach̄ masino Jesu paȳ judio masa watoi pari turi tinino wahaerare. Æ jiro masa marieno cahacãi Efraï wama tiri macap̄ sãre s̄ho wahare. Sãre tí macai s̄ho tjuasinire Jesu.

⁵⁵ Tí pjare pascua bose n̄m̄ri sã judio masa sã bose n̄m̄ri cjihto mahanocã d̄hsatjiãhre. Æ jia bose n̄m̄ri panocã masa paȳ paye macari macaina Jerusal̄p̄ cahmachure. Pascua macaare ti ch̄hto pano Cohamac̄ yare yoaa taa ti ñaa buhiri cosaa taa nire. ⁵⁶ Tí pjare tina Jesure macaa niri jire. Æ jia Cohamac̄ w̄h̄p̄ jiina õ sehe ni durucuha:

—¿Bose n̄m̄rine ñ̄no taerabocari Jesu, m̄sa t̄hotuch̄? —ni durucuha tina ti basi.

⁵⁷ Æ jia sacerdotea p̄htoa, fariseo curua macaina c̄h̄ õ sehe ni yahu dutiha masare:

—Jesu to jirore m̄sa masina, yahuga sãre. Tirore ñahana tana nija —niha p̄htoa masare.

12

María Jesu dahporire me sitia mehne pio payore

(Mt 26.6-13; Mr 14.3-9)

¹ Jesu sã to buheina mehne Betaniap̄ sã s̄ri baharo pascua dachori seis dachori waro d̄hsasinire. Lázaro Jesu to masoriro cjiro tí maca macariro jire. ² Sã s̄ri baharo Jesu c̄h̄ ya ch̄ cjihtire yoare paina. Æ yoa Lázaro, Jesu, sã mehne mesai

nuju s̄hi. Sã ã nuju s̄ri baharo Marta ch̄are payore sãre. ³ Tuhs̄, María me sitia sere nardo wama tid̄ macaa sere c̄ kilo dacho macai na ta, Jesu dahporire pio payore. Pio payo tuhs̄ to pjoari mehne tju cosare. To ã pio payori baharo tí w̄h̄ noano me siti sahsea wahare. ⁴ Sã mehne macariro, Jesure ñ̄ tuhtinire ñohtiro Juda Iscariote sehe õ sehe nire:

⁵ —¿Dohse yoaro ahricoro ã yoa sitejari? Tíre ticoro duaboa. Æ duaro tres cientos dachori posa dahrari wapa wapataboa. Æ jiro ticoro tí niñerure pjac̄oinare waboa —nire tiro.

⁶ Juda sehe pjac̄oinare yoadoho duaerare. Tiro sã niñerure wihbobasariro jiparota yacariro jire. Tuhs̄, tiro sã niñerure cãa tahari na m̄jare. Æ jiro “Tí niñerure naihtja” nino, ã nire Maríare tiro.

⁷ To ã nich̄ t̄horo õ sehe nire Jesu: —Æ niec̄ tjiga ticorore. To me sitiare ȳh̄re to d̄harire ȳh̄re pio payore, ȳh̄re masa copap̄ ti siõ sãahto pano ȳ pjac̄ure cahnoyuro. Pjac̄oina sehe m̄sa mehne ã jirucuahca. Æ jina tinare wa masina m̄sa. ⁸ Ȳh̄ sehe ahri yahpap̄re m̄sa mehne ã jirucusi —nire Jesu.

Sacerdotea p̄htoa Lázaro wajã duaha

⁹ Æ yoa Jesu Betaniap̄ to jich̄ t̄hoa sã coyee judio masa paȳ tirore ñ̄a tare. Tiro dihtare ñ̄a taa nierare. Lázaro yariariro cjirore Jesu to masorirore tiro c̄h̄re ñ̄a taa nire. ¹⁰ Ti ñ̄a s̄rire masia sacerdotea p̄htoa Lázaro c̄h̄re wajã duare. ¹¹ Lázaro yariariro cjiro Jesu to masoriro jich̄ ñ̄a paȳ masa Jesure wac̄ tuare. To ã masoch̄ ñ̄a paȳ judio masa ti sacerdotea ya buhea sehere duhunocari jire. Æ ti duhuch̄ ñ̄a sacerdotea p̄htoa sehe sua ȳhd̄ Lázaro wajã duare.

Jerusal̄p̄ s̄ha Jesu
(Mt 21.1-11; Mr 11.1-11; Lc 19.28-40)

¹² Pascua bose n̄m̄rine ti yoach̄ paȳ masa Jerusal̄p̄ ñ̄a wahari

jire. Pa dachoi Jerusalēpu Jesu to tahto cjihtore masa tūhori jire. ¹³ Ā jia pja pū sahnarine na wahcā, tirore piti bocaa wahare. Ā piti bocaa ō sehe ni sañurucure tina:

—Ahrirore wahche payojihna. Ahriro Cohamacu to warocariro noano yūhdūjaro. Ahriro Israe yahpa macaina mari pūhtoro tjira —ni sañurucure tina.

¹⁴ Jesu burrocā to bocariro bui pisare. “Ō sehetā yoarohca”, ni joaā tiha Cohamacu yare ti joari tjui:

¹⁵ “Jerusalē wama tiri maca macaina, cuiena tjiga mūsa.

Ñūga. Mūsa pūhtoro burrocā bui pisa tara”, ni yahuha Cohamacu yare ti joari tjui.

¹⁶ “To ā ni joari Jesure nino nica” ni, sā to buheina noano masierasinihi. Ā masierasinihanahca mūanopu Jesu to mūjari baharo sā ti joari cjihtore wacū boca tūho ñaha masihi. Ō sehe ni tūhotuhi: “Cohamacu yare ti joari tju sehe Jesure yahuro nimaha. Ā jia Cohamacu yare ti joari tju to niriro sehetā yoare masa Jesure”, ni tūhotu, sā masihi.

¹⁷ Lázarore ti siō sārī copapu jirirore Jesu to pisuchū tirore to masochū ñūrina cjihtore yahure masare.

¹⁸ Ā jia Lázarore Jesu masorire ti tūhori baharo masa payu Jesure ñūa tare. ¹⁹ Ti ā tachū ñūa fariseo curua macaina ti basi ō sehe niri jire:

—Jipihtina Jesu yaina dihta wahaa nina mipure. Ā jina mari dohse yoa masieraja tinare —niri jire fariseo curua macaina ti basi.

Mahainacā griego masa Jesure macā taha

²⁰ Ā yoa bose nūmūri Cohamacure ño payoa taina mehne macaina mahainacā griego masa jire. ²¹ Ā jia tina Felipe cahapu wihiri jire. Felipe sehe Betsaida wama tiri maca Galilea yahpai jiri maca macariro jire. Ā jia tiro cahapu wihirina ō sehe niri jire tirore:

—Jesure ñū duaja sā —niri jire tina.

²² Ti ā nichū tūhoro Felipe Andrepure tíre yahuro wahari jire. Ā

jia tina pūaro Jesure yahure. ²³ Ti ā yahuri baharo Jesu tinare ō sehe ni yahure:

—Yūhū masūno Cohamacu warocariro jia. Yūhūre jipihtina ti ño payohti pja mipure jirota nina. Mipure yū yariahti pja jirota nina. ²⁴ Potocāta mū sare yahui nija. Toari yapare yahpapu mari yaerachu, tí yapare mari toaerachu cū yapata tjuarohca. Ā jiro tí yapare mari yari baharo dicha tirohca. (Tó sehetā yū yariari baharo yūhūre masa copapu ti siō sārī baharo payu masare Cohamacu mehne ā jirucuhtina jichū yoaihca yūhū.) ²⁵ Ahri yahpai mūsa jiare pjíro tūhotuboca mūsa. Ā tūhotuna Cohamacure wacūerana, pichacapu wahanahca mūsa. Ahri yahpai mūsa jiare ā tūhotunocahna, Cohamacu mehne ā jirucunahca. ²⁶ Yū yare yoa duana, yū buheare noano tūhoga mūsa. Mūsa ā yoana mūsa cūhū yū jiptopure jinahca. Yū yare yoarirore yū Pūcu sehe wahchea mehne ñūnohca —nire Jesu.

Jesu to yariahtore yahuha

²⁷ Ā ni tuhsū ō sehe ni namore:

—Mipure yūhū ñāno yajeripohna tija. ¿Yū Pūcure dohse niicari yūhū? “Mai, yū ñāno yūhdūhtore yoai tjia yūhūre”, ¿nibocari yūhū? Tíre nieraja yūhū. Ñāno yūhdūhtiro cjihtota ahri yahpapure tahi. Ā yoa yū ñāno yūhdūhti pja mipure jiro nina —ni yahure Jesu sārē to buheinare.

²⁸ Ā yoa ō sehe nire to Pūcurore:

—Mai, mū tuariro jiare mipure ñoga masare —nire Jesu to Pūcurore.

To ā nichū mūanopu durucuro coa tare:

—Tuariro yū jiare masare ño tuhsūhi. Mipure ā jicū pari turi ñoihca masare —nino coa tare.

²⁹ To ā nino coa tachū tūhoa tó ducuina masa payu ō sehe nire:

—Wūpo jica ā coa taro —nire masa.

—Anjo Jesure yahuro nire —nire paina masa.

³⁰ Ō sehe nire Jesu sehe:

—Mūanopu yūhūre tūho dutiro ā nino coa taerare. Mūsa sehere tūho

du tiro ã nino coa tare. ³¹ Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti puhtorore watĩnore cohãnohca Cohamacu. ³² Æ jicu yũhũre crusapu ti wahcõ dapochnu payu masare yũhũ mehne macaina ti wahachu yoaihca yũhũ –nire Jesu.

³³ Æ nino “Crusapu to yariahtore”, yahuro nire Jesu masare. ³⁴ To ã nichu tũhoa masa sehe tirore õ sehe nire:

–Cohamacu yare ti joari tjui õ sehe nina: “Cristo jipihcia dachoripe jirohca”, ni joaa tiha. ¿To ã ni joachu mũhũre masunore Cohamacu warocarirore dohse jiro baro mũhũre crusapu wahcõ dapoahcari masa? ¿Masuno Cohamacu warocariro noa jijari tiro? –ni siniture tina.

³⁵ Ti ã nichu õ sehe ni yũhtire Jesu:

–Buhriaro to ñu masichu yoaro seheta jicu masare Cohamacu yare noano masichu yoaja yũhũ. Baharo curerocã mũsa mehne jisi yũhũ. Mũsare yu buhechu mipure tũhoga ñaare mũsa yoerahti cijhtire Cohamacu mehne mũsa ã jirucuhti cijhtire. Yu buheare tũhoeraina nahitianoĩ tiniina yoaro seheta ti wahahtore masierara. ³⁶ Yũhũ buhriaro yoaro sehe jiriro tjija. Æ jicu mũsare buhecu Cohamacu yare noano masichu yoaja mũsare. Mipure yu wahahto pano yũhũre wacũ tuaga. Æ wacũ tuana yu yaina jinahca mũsa –nire Jesu.

Æ ni yahu tuhsu duhti wahcãa wahare.

Judio masa Jesure cahmaeraha

³⁷ Payu tahari Cohamacu tuaa mehne tinare Jesu to yoa ñopachuta judio masa payu tirore ne tũho duaerare. ³⁸ Cohamacu yare ti joari tjui Isaia cjiro to joariro seheta ã yoaa nire tina. Õ sehe ni joaa tiha Isaia cjiro:

“Cohamacu, mu buheare sã yahuchu masa tũho duaerare. Mu tuaare tinare mu yoa ñopachuta, tíre ‘Potocã jierara’, nire tina”, ni joaa tiha Isaia cjiro.

³⁹ Ti ã tũho duaerachu ñuno Cohamacu tinare masierachu yoare. Tí cũhũre Isaia cjiro õ sehe ni joaa tiha tjua:

⁴⁰ “Capari ñueraina yoaro sehe jina jichu yoaa tiha Cohamacu tinare.

Æ yoa to yare masierachu yoaa tiha tinare.

Æ jia to tuaare ñupahta tina ti ñurire tũho ñahaerara.

Æ jia to buheare tũhopahta tíre tũho ñahaerara tina.

Cohamacu ya buheare masia, ti ñaa yoari buhirire cohã dutiboa.

Æ jiro tinare yũhdũchu yoaboa tiro”, ni joaa tiha Isaia cjiro Cohamacu yare ti joari tjui. ⁴¹ Æ ni joaro Isaia cjiro Cristo tuaare masino to niriro seheta Cristore yahu joaa tiha tjua.

⁴² Paina Jesure ti cahmaerapachuta judio masa, sã puhtoa mehne macaina cũhũ payu Jesure wacũ tuua, tirore cahmare. Æ cahmapahta tina fariseo curua macainare cuia painare “Jesu mehne sãahi”, ni yahu duaerare. Tíre ti yahuchu tũhoa Jesure ti cahmari buhiri judio masa sã buheri wũhũpu tinare sãa dutieraboa fariseo curua macaina sehe. ⁴³ Cohamacure wahchechu yoa duapahta tí yũhdoro fariseo curua macaina sehene wahchechu yoa duare Jesure cahma dũcaina. Æ jia tina “Jesu yaina wahahi”, ni painare yahu duaerare.

Jesu yahuare ti tũho duaerari buhiri masa buhiri tiahca

⁴⁴ Æ yoa Jesu tuaro sañurucu, õ sehe ni yahure:

–Yũhũre wacũ tuariro, yũhũ dihtare wacũ tuaerara. Yũhũre warocariro cũhũre wacũ tuara tiro. ⁴⁵ Tuhsu, yũhũre masiina yũhũre warocariro cũhũre masina.

⁴⁶ Buhriaro to ñu masichu yoaro seheta ahri yahpapu Cohamacu yare masichu yoai tai nihi yũhũ. Æ jicu Cohamacu yare masare masichu yoaja. Nahitianoĩ wahariro yoaro sehe jiriro ñaare yoarucura. Yũhũre wacũ tuariro tiro yoaro sehe yoasi. Yũhũre

wacũ tuariro quihõno tuhoroŋca. ⁴⁷ Paina yu yahuare tuhopahta yu niriro seheta yoerara. Ti ã yoerapachuta yu yahuare ti yoerari buhirire buhiri dahresi yuŋu sehe tinare. Ahri yahpapure buhiri dahrei tai nierahi yuŋu. Ahri yahpa macainare pichacapu wahaborinare yuhduchu yoahiro cjihto tai nihi yuŋu. ⁴⁸ Yuŋu cahmaerainare, yu yahua cãhure cahmaerainare buhiri dahrea jahca. Tina yu yahuare ti tuhoerari buhiri ahri yahpa pihtiri dachoi buhiri tiahca. ⁴⁹ Yuŋu yu mu sãro yahueraja. Yu Puču yuhure warocariro sehe yuhure yahu dutire. Æ jia yu yahua sehe to ya durucua jira. ⁵⁰ To ya durucua “Quihõno jira” nina, Cohamacu mehne ã jirucunahca musa. Æ jicu yu Puču to yahu dutiriro seheta yahuja musare –nire Jesu.

13

Jesu to buheina dahporire cosa

¹ Æ yoa pascua bose numuri panocã ahri yahpare to cohã wahcãhto cjihtore to Pučuro cahapu to wahahto cjihtore masire Jesu. Tuhsu, ahri yahpa macainare to yainare tiro taro cahire tina mehne to jiro puro. Æ cahrucura to yainare.

² Ti ñamine Jesu sã to buheina mehne sã chuchu Juda Iscariotere Simo macunore Jesure ñu tuhtiinare ño duti tuhsuri jire watino sehe. ³ Tuhsu, to Pučuro Cohamacu Jesure jipihtina bui to puhtoro sõire masire Jesu. Æ yoa Cohamacu cahapu to tari cjirire, baharo manopu to mujahti cãhure masire. ⁴ Æ masino wahcãruca, to suhtiro bui macanore tjuwe na, tóre cã tuhsu, suhtiro cahsaro mehne to pjaro yuji dũhtere. ⁵ Dũhte tuhsu, waparoi core pio sã, sã to buheinare sã dahporire cosa dũcare. Sãre cosa tuhsu to dũhteri cahsaro mehne pahã cohãre sã dahporire.

⁶ Paina buheinare cosa wahcã, Simo Pedropure sũre. To dahporire

to cosahto pano Pedro sehe tirore õ sehe nire:

–Puhtoro, çyu dahporire cosai tai nijari muhu? –nire Jesure Pedro.

⁷ –Michapucacã muhure yu yoahire masierara muhu. Æ masierapacuta baharo masiuhca muhu –nire Jesu.

⁸ –Yu dahporire ne cosasi muhu –nire Pedro.

–Muhure yu cosaerachu yu yairo jisi muhu –nire Jesu.

⁹ –Puhtoro, yu dahpori dihtare cosai tjiga. Yu dahporire, yu wamomacarine, yu dapu cãhure cosaga –nire Pedro.

¹⁰ To ã nichu Jesu piti dahre buhero õ sehe nire:

–Cãiro masuno cuhsuro to pjacure noano tju cosa pahõna. Æ jiro pari turi tirore tju cosaro cahmaerara. To dahpori dihtare cosaro cahmana. Jipihtina musa ñaa yoari buhirire cosarina cjiri musa jipachuta cãiro musa mehne macariro to ñaa yoari buhirire cosamahnoerariro jira –nire Jesu.

¹¹ Jesu tirore ñu tuhtiinare ñohtirore masire. Æ masino “Cãiro musa mehne macariro to ñaa yoari buhirire cosamahnoerariro jira”, nire.

¹² Sã dahporire cosa tuhsu, to suhtirore sã tuhsu, nuju sũre to dujiriroihta.

–çMichapucacã musare yu yoarire tuho ñahajari musa? ¹³ Musa yuhure “Buheriro”, ni pisuna, “Puhtoro”, ni pisuna potocãta nina nica yuhure. Musare buheriro, musa puhtoro potocãta jija yuhu. ¹⁴ Æ jina yuhu musare buheriro, musa puhtoro jipaihta musa dahporire cosariro yu jichu ñuna musa cãhu musa mehne macaina dahporire cosaga.

¹⁵ Michapucacã musare cosacu, baharo musa yoahiti cjihtire musare ñoi nija. Musa mehne macainare musa yoadohohtire ñoi nija. Musare yu yoariro seheta musa cãhu yoaga.

¹⁶ Potocã musare niita nija. Musa yu cahamaca yoaro sehe jiina yu

bui jierara. M̄sare buhe duti yu warocarina jira m̄sa. Ā jina yu bui jierara m̄sa. Ā jic̄ta “Yu yoariro seheta yoaga”, nihi m̄sare. ¹⁷ Ahr̄ire masina, yu dutiare yoana, wahcheina jinahca m̄sa.

¹⁸ M̄sare jipihtinare ā nieraja. Yu beserinare masija yuh̄u. Cohamac̄u to yare ti joari tjui to ni joariro seheta ā waharohca. “Yuh̄u mehne ch̄rirota yuh̄ure wajā duare”, ni joaa tiha Cohamac̄u yare ti joari tjui. ¹⁹ To ā yoah̄to pano ahr̄ire yahuyui nija m̄sare. Yuh̄ure to ā yoari baharo “Jesuta Cristo Cohamac̄u warocarirota jira”, m̄sa nihti c̄jhtire ahr̄ire m̄sare yahuyui nija yuh̄u. ²⁰ Potocā m̄sare niita nija. Yu warocainare cahmariro yuh̄u c̄h̄ure cahmana tiro. Tuhs̄u, yuh̄ure cahmariro yuh̄ure warocariro c̄h̄ure cahmana tiro —nire Jesu s̄are to buheinare.

Juda Jesure ñ̄u tuhtiinare to ñ̄ohtore yahuha Jesu

(Mt 26.20-25; Mr 14.17-21; Lc 22.21-23)

²¹ Ā ni yahu tuhs̄u Jesu tuaro cahyare. Ā cahyaro ō sehe ni yahure tiro s̄are:

—Potocāta m̄sare nii nija. C̄airo m̄sa mehne macariro yuh̄ure ñ̄u tuhtiinare yuh̄ure ñ̄onohca —nire Jesu.

²² To ā nich̄u t̄hona Jesure ñ̄ohtirore masierana, s̄a basi cahma ñ̄uroca ōi. ²³ C̄airo Jesu to buheina mehne macariro yuh̄u, Jesu to cah̄iro sehe to pari wahpa dujihi. ²⁴ Yu ā dujich̄u ñ̄ano Simo Pedro yuh̄ure to wamomaca mehne yoa ñ̄o, siniture:

—¿Jesure ñ̄ohtirore diro sehere nino nibocari Jesu? Yahuga s̄are —ni to wamomaca mehne yoa ñ̄o, sinitu ñ̄ure Pedro.

²⁵ To ā nich̄u yuh̄u sehe Jesu cahac̄ai dujiriro jic̄u sinitu ñ̄ahi tirore:

—P̄h̄toro, ¿dirore nii nijari m̄h̄u? —ni sinitu ñ̄ahi yuh̄u.

²⁶ —Ahri p̄ore dahra waha na, soha yu wahtiro sehe tirota jira yuh̄ure ñ̄ohtiro —nire Jesu.

Ā ni tuhs̄u ti p̄o to dahra waha narirore soha tuhs̄u tíre Judare Simo Iscariote mac̄nore ware. ²⁷ Ā yoa p̄ore to ñ̄ahari baharo wat̄ino sehe Judare ñ̄ano yoa dutiri jire. Ā jiro Jesu tirore ō sehe nire:

—M̄u yoah̄to c̄jhtore c̄jero yoa bahrañoga m̄h̄u —nire Jesu Judare.

²⁸ To ā nich̄u t̄hona s̄a mesap̄u dujiina, Jesu Judare to nirire noano t̄ho ñ̄ahaerahi. ²⁹ C̄aina ō sehe ni t̄hotumahi: “Judá s̄a niñerure wihboriro jira. Ā jiro bose n̄m̄i s̄a ch̄hti c̄jhtire nuch̄u dutiro warocare Jesu Judare. O p̄ac̄oinare niñerure wa dutiro niboca Jesu”, ni t̄hotumahi s̄a c̄aina. ³⁰ Ā yoa Juda tí p̄ore ñ̄aha tuhs̄u, wijaa wahare. To wijaari p̄a ñ̄ami jire.

Wahma dutiare yahuha Jesu

³¹ To ā wijaari baharo ō sehe nire Jesu:

—Mip̄u pinihtare yuh̄u mas̄no Cohamac̄u warocariro yu tuariro yu jia tiare ñ̄onohca Cohamac̄u masare. Ā jic̄u Cohamac̄u to tuariro to jiare ñ̄oihca yuh̄u sehe. ³² Ā jiro Cohamac̄u to tuaare yu ñ̄och̄u tiro sehe yu ya tuaa c̄h̄ure mip̄u pinihtare ñ̄ono taro nina. ³³ Yu poh̄na yu cah̄ina, yuh̄ure t̄hoga. Mahaa dachoricā m̄sa mehne jisinihca. Yu wahari baharo yuh̄ure macanahca m̄sa. Ā jic̄u mari coyea judio masare yu niriro seheta m̄sa c̄h̄ure nija. “Yu wahahtore m̄sa sehe waha masierara”, tinaro yu niriro seheta m̄sa c̄h̄ure ā ni yahuja. ³⁴ Wahma dutiare m̄sare yahuihtja. M̄sa mehne macainare cah̄iga m̄sa. M̄sare yu cah̄iro seheta, m̄sa mehne macainare cah̄iga. ³⁵ Ā jina m̄sa mehne macainare m̄sa cah̄ich̄u ñ̄u yu yaina m̄sa jiare masiahca paina —nire Jesu s̄are.

“Jesure masieraja”, Pedro to nihto c̄jhtore yahuha Jesu

(Mt 26.31-35; Mr 14.27-31; Lc 22.31-34)

³⁶ To ā nich̄u Simo Pedro Jesure ō sehe ni sinitu ñ̄are:

—Puh̄toro, ¿nohopu wahaihcari muh̄u? —nire Pedro.

—Yu wahahtopure mipure yuh̄u mehne waha masierara muh̄u. Mipure waha masierapaihta baharo yu cahai wahacuhca —nire Jesu Pedrore.

³⁷ —Puh̄toro, ¿dohseacu mipure muh̄u mehne waha masierabocari yuh̄u? Yuh̄ure ti wajã duapachuta muh̄ure ne duhusi yuh̄u —nire Pedro Jesure.

³⁸ —¿Ã tjjari? ¿Muh̄ure ti wajã duapachuta, muh̄u yuh̄ure duhueraihcari? Potocãta muh̄ure nii nija. Caraca to duhto pano “Jesure masieraja”, niuhca muh̄u painare. Tia taha ã niuhca muh̄u —nire Jesu Pedrore.

14

Jesu Cohamacu cahapu wahari maha yoaro sehe jira

¹ Baharo Jesu sãre õ sehe ni yahure:

—Ne cahya pjíro tuh̄otuena tjiga. Cohamacure wacũ tuaga. ã jina yuh̄u cãhure wacũ tuaga. “Cohamacu mehne yuh̄dunahca”, ni tuh̄otuga tirore. Yuh̄u cãhure ãta ni tuh̄otuga musa. ² Yu Puc̄u to jiropure payu wuh̄use jira. Musa jihto cjihtore cahnoyui wahai nija. Tí potocã tjira. ã jicu musare tíre yahuja. ³ ã jicu musa jihto cjihtore cahno tuhsu, õp̄ta pari turi majare tjua taihtja yuh̄u. ã jina tói yu jiroita musa cãh̄u jinahca tjoa. ⁴ Mipure yu sũhtopure wahari mahare masi tuhsura musa —nire Jesu sãre to buheinare.

⁵ —Puh̄toro, mu sũhtore masieraja sã. ¿Ã jina dohse yoa mu wahari mahare masinahcari sã? —ni sinitu ñure Toma Jesure.

⁶ To ã ni sinituchu tuh̄oro Jesu sehe õ sehe ni yũhtire:

—Yuh̄u Cohamacu cahapu wahari maha yoaro sehe jiro jija. Cohamacu cahapu wahachu yoariro, potocã yahuriro, ã catirucuchu yoariro jinocaita nija yuh̄u. ã jia yu yaina dihta yu Puc̄u cahapu wahaahca. ⁷ Panoru yuh̄ure masina, yu Puc̄u cãhure masiboa musa. Mipure tirore

ñure musa. ã jina tirore masi tuhsura musa —nire Jesu sãre.

⁸ To ã nichu Felipe sehe õ sehe nire: —Puh̄toro, mari Puc̄ure ñoga sãre. Tó purota ñu duaja sã —nire tiro.

⁹ To ã nichu Jesu õ sehe ni yahure:

—Felipe, ¿yoari pja yuh̄u mehne jipaihta, muh̄u masierasinihari yuh̄ure? Yuh̄ure ñuriro yu Puc̄u cãhure ñu tuhsure. ã jicu “Mari Puc̄ure ñoga sãre” nicu, ¿dohseacu ã nijari muh̄u yuh̄ure? ¹⁰ Yuh̄u yu Puc̄u mehne puaro jipanahta cãirota jija. ¿Tíre “Potocã jierara”, niimeje nijari muh̄u? Musare yahucu yu mu sũro yahui nieraja. Yu Puc̄ure yahubasai nija. ã jiro tiro yuh̄u mehne jiro to tuaa mehne yoa ñona. ¹¹ Yuh̄u yu Puc̄u mehne puaro jipanahta cãirota jija. Tíre “Potocã tjira”, ni wacũga musa. Tíre “Potocã tjira” nierana, Cohamacu tuaa mehne yu yoa ñoare wacũna, yu Puc̄u mehne yu cãirota jiare “Potocã tjira”, ni wacũga musa. ¹² Potocãta musare nii nija. Yuh̄ure wacũ tuariro yu yoariro seheta yoarohca. ã yoa tiro yu yuh̄doro yoarohca. Yu Puc̄u cahapu tjuaai tai nija mipure. ã jiro yuh̄ure wacũ tuariro yu yuh̄doro Cohamacu tuaa mehne yoa ñonohca. ¹³ ã jicu yuh̄ure wacũ tuaina ti sinino purota yoaihca. ã yoacu yu Puc̄u to tuariro jiare ñoihca. ¹⁴ Yuh̄ure wacũ tuaina musa jichu musa sinino purota yoaihtja —nire Jesu.

“Espíritu Santore musare warocaihtja”, ni yahuha Jesu

¹⁵ ã ni tuhsu õ sehe ni namore:

—Yuh̄ure musa cah̄ina, yu dutiare noano yoanahca. ¹⁶ Yu Puc̄ure sinibasaihtja. Yu ã sinibasachu yu Puc̄u sehe paiore musare yoadohotirore musare warocarohca. ã jiro tiro musare yoadohotiro sehe jipihtia dachoripe musa mehne ã jirucurohca. ¹⁷ Tiro potocãta yahuriro Espiritu Santo tjira. Ahri yahpa macaina yuh̄ure cahmaeraina sehe tirore masierara. ã jia tirore c̄jua masierara. Tirota musa mehne

ã jirucurohca. Ñ jina tirore masina m̄usa.

18 'M̄usare cohãsi ȳh̄u. M̄usa mehne j̄ihtiro c̄j̄ihto t̄jua taihca ȳh̄u t̄jua. 19 Wiho mejeta mahanocã d̄hsara ȳh̄u wahahto c̄j̄ihto. Ȳh̄u wahari baharo ahri yahpa macaina ȳh̄ure wacũ tuaeraina ȳh̄ure pari turi ñ̄usi. M̄usa sehe ȳh̄ure ñ̄unahca. Ȳh̄u catiriro jich̄u m̄usa c̄h̄u j̄ip̄ihta dachoripe Cohamac̄u mehne catirucunahca. 20 Tí dachoi ȳh̄u t̄jua tahti dachoi ȳh̄u ȳh̄u P̄uc̄u mehne c̄ãirota sã jich̄u masinahca m̄usa. Ñ jina ȳh̄u mehne macaina m̄usa jich̄u m̄usa mehne macariro ȳh̄u jich̄u c̄h̄ure masinahca m̄usa. 21 Ȳh̄u dutiare yoariro ȳh̄ure cah̄irot̄a jira. Ñ jiro ȳh̄ure cah̄irot̄a ȳh̄u P̄uc̄u sehe cah̄irot̄a. Ñ jic̄u ȳh̄u c̄h̄u ȳh̄u dutiare yoarirore cah̄ihca. Ñ yoa ȳh̄u jia tiare noano masich̄u yoaihca tirore –nire Jesu sãre to buheinare.

22 Sã mehne macariro paio Juda wama tiriro jire. Juda Iscariote Jesure ñ̄u tuhtiinare ñ̄ohtiro jierare tiro. Pairo Juda jire. Ñ jiro tiro Jesure ñ̄o sehe ni siniture:

–P̄uhtoro, ¿dohse yoaijari m̄h̄u tinare ñ̄o nic̄u? ¿Ahri yahpa macainare m̄h̄ure masich̄u yoerac̄u, dohse yoac̄u sã dihtare m̄h̄ure masich̄u yoaihcari m̄h̄u? –ni siniture Juda.

23 To ñ̄o nich̄u t̄h̄oro Jesu tirore ñ̄o sehe ni yahure:

–Ȳh̄ure cah̄ina, ȳh̄u dutiare noano yoaa nina. Ti ñ̄o yoach̄u ȳh̄u P̄uc̄u sehe tinare cah̄irot̄a. Ñ jina tina mehne jina tanahca sã. 24 Ȳh̄ure cah̄ierariro ȳh̄u dutiare yoerara. Tuhs̄u, ȳh̄u yahua m̄usa t̄h̄ori c̄j̄iri sehe ȳh̄u ya yahua jierara. Ȳh̄ure warocariro ya yahua sehe jira. Tiro ȳh̄u P̄uc̄u t̄jira.

25 'M̄usa mehne jisinic̄u ahrire m̄usare yahusini nija. 26 Baharo ȳh̄u sinibasach̄u ȳh̄u P̄uc̄u Esp̄iritu Santore warocarohca m̄usare. Tiro Esp̄iritu Santo sehe m̄usare yoadohohtiro jiro, m̄usare buhe pah̄onohca tiro. Ñ yoa m̄usare ȳh̄u yahuri c̄j̄irire m̄usare wacũch̄u yoarohca tiro.

27 'M̄usare noano jich̄u yoaihca ȳh̄u. Ȳh̄u ȳh̄u noano jiro se-heta noano jich̄u yoaihca m̄usare. Ahri yahpa macaina ti mah̄noperiro se-heta yoasi ȳh̄u m̄usare. Ȳh̄u pinihta potocãta noano jich̄u yoaihca m̄usare. Cahya p̄j̄iro wacũena t̄jiga m̄usa. Ñ jina cuiena t̄jiga m̄usa. 28 “Ȳh̄u wahaihca. Ñ jic̄u m̄usa mehne j̄ihtiro c̄j̄ihto t̄jua taiht̄a t̄jua”, m̄usare ȳh̄u ñ̄o ni yahuch̄u t̄h̄o tuhs̄ure m̄usa. Tíre t̄h̄ona, wahcheboa m̄usa. Ȳh̄ure m̄usa potocã cah̄irina jina, wahcheboa m̄usa. Ȳh̄u P̄uc̄u sehe ȳh̄u ȳh̄uro tuara. Ñ jina tiro cahap̄u ȳh̄u wahahto c̄j̄ihtore m̄usa masiri baharo ȳh̄ure cah̄ina, wahcheboa m̄usa. 29 Ȳh̄ure m̄usa wacũ tuahti c̄j̄ihtire ȳh̄u wahahtore yahuyui nija m̄usare.

30 'Ahri yahpa macaina p̄uhtoro wat̄ino sehe tara mip̄are. To ñ̄o tach̄u ȳh̄u m̄usa mehne ȳh̄u durucu batohti p̄j̄a mahanocã d̄hsara. Tiro sehe ȳh̄ure ȳh̄ud̄ur̄uca masierara. 31 Wiho mejeta ȳh̄ure ȳh̄u P̄uc̄u to dutiriro se-heta yoaja ȳh̄u. Ñta yoaja ȳh̄u ȳh̄u P̄uc̄u ȳh̄u cah̄iare ahri yahpa macaina ti masihti c̄j̄ihtire. Wahc̄ar̄ucaga. Basa wahana –nire Jesu sãre to buheinare.

15

Jesu sec̄u yoaro sehe jiriro jira

1 Baharo piti dahre buhero sãre ñ̄o sehe nire Jesu:

–Ȳh̄u potocãta sec̄u yoaro sehe jiriro jija. Ȳh̄u P̄uc̄u sehe sec̄ure ñ̄u wihboriro yoaro sehe jiriro jira. 2 Ȳh̄u yaina sec̄u d̄p̄ari yoaro sehe jina ȳh̄u mehne macainata jira. Dicha mariea d̄p̄arire sec̄ure ñ̄u wihboriro to paha coh̄ariro se-heta ȳh̄u P̄uc̄u to cahmaare yoerainare coh̄ana. Dicha tia d̄p̄arire sec̄ure ñ̄u wihboriro to cahnoriro se-heta ȳh̄u P̄uc̄u to cahmaare yoainare yoadohorohca tiro “Ȳh̄u cahmaare yoa namojaro”, nino. 3 Ȳh̄u yahua t̄h̄ona, “Potocã t̄jira”, nire m̄usa. Ñ jiro ȳh̄u P̄uc̄u m̄usa ñ̄a yoari buhirire coh̄a tuhs̄ure.

⁴ Yuhu mehne macaina jiga musa. Æ jii musa mehne jiihca. Secu dypuri secu mehne wahã sœra dypuri jia, tí dypuri sehe dicha mariahna. Tó seheta yuhu mehne macaina jierana yu Pucu cahmaare yoa masierara musa.

⁵ Yuhu secu yoaro sehe jiro jija. Musa sehe tu dypuri yoaro sehe jiina jira. Yuhu mehne macariro mehne yu jichu dicha tia dypuri yoaro sehe tiro yu Pucu cahmaare yoara. Yuhu mehne macaina jierana yu Pucu cahmaare yoa masierara musa. ⁶ Æaa dypurire to cohãboriro seheta yuhu mehne macaina jierainare yu Pucu cohãnohca. Tí dypuri ñaia wahachu secure ñu wihboriro tí dypurire na cahmachu pichacaru jã cohãnohca. Æta yoarohca Cohamacu yuhu mehne macaina jierainare.

⁷ Yuhu mehne macaina jina, yu buheare boeraboca musa. Æ boerana, musa cahmano purota siniga. Æ jicu musa sinino purota yoabasaitja. ⁸ Yu Pucu cahmaare yoaina musa jichu ñua “Jesu yaina jira ahrina”, ni masiahca masa. Æ jia musare ñua yu Pucure ño payoahca. ⁹ Yu Pucu yuhure to cahãriro seheta musare yuhu cãhu cahã tihí. Yu cahãina jirucuga musa. ¹⁰ Yu cahãina jirucuna yu dutiare yoara. Yu Pucu to dutiare yoaja yuhu. Æ yoacu to cahãriro jirucuja yuhu. Tó seheta musa cãhu yu dutiare yoana yu cahãina jirucunahca musa.

¹¹ Ahrire musare yahuhí yuhu mehne musa noano wahchehto cjihtore. Æ jina tuaro wahchenahca musa. ¹² Õ sehe dutija musare: Musare yu cahãriro seheta musa mehne macaina cãhure cahãga. ¹³ Cãiro masuno tiro mehne macariro yaro jiborirore yariaro tiro mehne macarirore tuaro cahãna, paina tí cahãriro yuhdoro. ¹⁴ Æ jina yu dutiare yoana yuhu mehne macaina jira musa. ¹⁵ Potocãta yuhu mehne macaina waro jira musa. Musa Æ jiina jichu jipihtia yu yoarire yahuja musare. Cahamacuno to pahtoro

yoarire masierara tiro. Æ jicu “Yu cahamaca wiho jiina jira musa”, musare nieraja. Yu Pucu yuhure to yahurire musare yahu pahãohi. Æ yahucu “Yuhu mehne macaina jira musa”, musare nija mipure. ¹⁶ Musa sehe yuhure ne beserare. Yuhu sehe musare besei yu Pucu cahmaare musa yoahina cjihtire. Musa Æ yoachu musa yoaa ne wiho waro jisi. Æ jia musa yoaa Æ jirucuahca. Musa Æ yoachu yuhure musa wacũ tuachu yu Pucure musa sinino purota tiro musare warohca. ¹⁷ Ahrire musare dutija yuhu: Musa mehne macainare cahãga musa —ni yahure Jesu.

Jesure to yaina cãhure ahrí yahpa macaina ñu tuhtira

¹⁸ Æ yoa tiro õ sehe ni yahu namore: —Ahrí yahpa macaina musare tí ñu tuhtichu ñua ahrire wacũga musa: Musare tí ñu tuhtihto pano yuhu sehene ñu tuhti ducare tina. ¹⁹ Cohamacure cahmaeraina musa jisnichu, tina mehne macainare tí cahãriro seheta musa cãhure cahãboa tina. Ahrí yahpa macaina musa jisnichu musare besei. Æ jina mipure ahrí yahpa macaina waro jierara musa. Musa Æ jierachu ñua ahrí yahpa macaina musare ñu tuhtira. ²⁰ “Yu yaina jina musa yu bui jierara”, musare yu niri cjihtire wacũga musa. Æ yu docai jiina jina yu ñano yuhdãriro seheta ñano yuhdãnahca musa cãhu. Yuhure ñano yoarinata musa cãhure ñano yoahca. Yu buhechu yuhtirinata musa buhechu cãhure yuhtiahca tina. ²¹ Ahrí yahpa macaina yuhure warocarirore masierara. Æ jia yuhure wacũ tuaina musa jichu ñua tina ñano yoahca musa cãhure.

²² Tinare yu buhei taerachu yuhure tí cahmaerari buhiri buhiri mariaboa. Mipure tinare yu buheri baharo “Æaa buhiri mariahna sãre”, ni masierara tina. ²³ Yuhure ñu tuhtiriro yu Pucu cãhure ñu tuhtira. ²⁴ Cohamacu to tuaa mehne paina tí ne yoarerare yoa ñohi. Æ yoa tinare

tíre yu yoa ñoerachu tinare ñaa buhiri mariaboa. Cohamacu tuaa mehne yu yoa ñoare ti ñuri baharo yuhure yu Pucú cãhure ñu tuhtira tina. ²⁵ Ñ tuhtia Cohamacu yare ti joari tjui dóiputa to ni joariro seheta yoaa nire tina. Õ sehe ni joaa tiha: “Tinare yu ñano yoerapachuta yuhure ñu tuhtire tina”, ni joaa tiha dóiputa Cohamacu yare ti joari tjui.

²⁶ Yu baharopu musare yoadohotiro, yu Pucú mehne jiriro musare yu warocahotiro Espiritu Santo tjira. Tiro potocãta yahuriro jira. Ñ jiro tiro taro yu jia tiare yahurohca musare. ²⁷ Masare yu buhe ducachuputa musa cãhu dachoripe yuhu mehne ã jirucure. Ñ jina musa cãhu yu jia tiare yahunahca painare –ni yahure Jesu.

16

¹ Ñ ni tuhsu sãre õ sehe ni yahu namore:

–Baharo yu buheare yuhu cãhure musa cohãerahti cjihtire ahrire jipihitiare yahui musare. ² Judio masa mari buhea wãhusepu musa sãa duachu sãa dutisi musare yu yaina musa jiri buhiri. Ñ jia pa tehepu musare wajãa, “Cohamacu cahmaare yoana nija”, ni tãhotuahca paina. ³ Yu Pucure, yuhu cãhure tina masierara. Ñ masieraa musare ñano yoahca tina. ⁴ Ñ jina musare ñano ti yoachu ñana, “Ti õ sehe yoahito panota Jesu yahu tuhsure sãre”, ni wacũnahca musa. Musã ã ni wacũhti cjihtire mipure ahrire yahu mãhtai nija musare –ni yahure Jesu.

Espiritu Santo to yoahitire yahuha Jesu

Ñ ni tuhsu õ sehe ni yahu namore Jesu:

–Wahmanopure musa mehne jicu ahrire musare yahuerahi. ⁵ Mipu sehere yuhure warocariro cahapu wahaihca wahi tai nija. “¿Nohopu wahaihcari mahu?” yuhure ni, ne cãiro barota sinitu ñerara musa. ⁶ Ñ sinitu ñerapanahta yu wahahtore musare yu yahu mãjachu musa ñano

yajeripohna tira. ⁷ Musare potocãta yahui nija. Yu wahari baharo musare noanocanohca. Yu manopu waherachu musare yoadohotiro sehe taeraboa. Wahacu musare tirore warocahotja yuhu. ⁸ Yu ã warocachu tiro tarohca. Ñ wihiro ahri yahpa macaina ñaa yoaina ti ñaa buhiri tiare tinare masichu yoarohca tiro. Noano jia tia cãhure buherohca tiro masare. Tuhsu, Cohamacu masare to buhiri dahrehto cãhure masichu yoarohca masare yoadohotiro sehe. ⁹ Yuhure wacũ tuaeraina jira ahri yahpa macaina. Ñ jiro yoadohotiro sehe masa ñaa yoaina ti ñaa buhiri tiare tinare masichu yoarohca. ¹⁰ Yu Pucú cahapu wahaihca. Yu ã wahari baharo musa yuhure ne ñusini. Ñ jiro noano jia tia cãhure masichu yoarohca yoadohotiro sehe. ¹¹ Ahri yahpa macaina puhoro watĩnore Cohamacu buhiri dahre duti tuhsure. Ñ jiro Cohamacu masare, watĩno mehne macainare to buhiri dahrehti cãhure masichu yoarohca yoadohotiro sehe.

¹² Pjuro jira musare yu yahuhti cjihti. Wiho mejeta musa sehe yu yahu pahñochu, tãho ñaha pahñoeraboa. ¹³ Ñ jiro potocã jiare yahuriro Espiritu Santo sehe musare quihõno jiare yahu pahõno tarohca. Tiro to musuro musare yahusi. Yu Pucú tirore to yahu dutirire tiro yahurohca musare. Ñ yoa “Baharopu õ sehe waharohca”, ni yahuyurohca tiro sehe musare. ¹⁴ Ñ yoa yu yare musare tiro yahurohca. Ñ yahuro yuhure ño payochu yoarohca musare. ¹⁵ Jipihitia yu Pucú ya yu ya cãhu jira. Ñ jicu “Espiritu Santo sehe yu yare yahurohca musare”, nihi musare –ni yahure Jesu.

“Cahyaina jipanahta baharo wahchenahca musa”, ni yahuha Jesu

¹⁶ Ñ ni tuhsu õ sehe ni yahu namore:

–Mahanocã baharo yuhure ñusi musa. Ñ jina baharocãta musa yuhure

ñanahca tjoa —nire Jesu sãre to buheinare.

¹⁷ To ã nichu tãhona, sã sehe mahainacã õ sehe ni durucui sã basi:

—“Mahanocã baharo yũhure ñusi mũa. ã jina baharocãta mũa yũhure ñanahca tjoa” nino, ¿dohse nino ã niri marine? ã yoa “Yũ Pũcu cahapu wahaiha” nino, ¿dohse jiro baro marine ã niri tiro? ¹⁸ “Mahanocã” nino, ¿dohse nino ã niri tiro? To yahurire noano tuho ñahaeraja mari —ni durucui sã basi.

¹⁹ Sã ã ni durucuchũ Jesu tirore sã sinitu duarire masino, sãre õ sehe ni yahure:

—“Mahanocã baharo yũhure ñusi mũa. ã jina baharocãta yũhure ñanahca tjoa”, ¿yu niri cjirire sinitu duajari mũa? ¿Tĩre yũ nirire tuho ñahaerajari mũa? ²⁰ Potocãta mũsare nii nija. Yũ yariachũ ñuna mũa tiinahca. Tuhsũ, tuaro cahyanahca. ã jia yũhure ño payoeraina sehe wahcheahca. Mũa sehe cahyaina cjiri jipanahta, baharo wahchenahca mũa. ²¹ Õ sehe jira tí: Numino niji wahcõno, to ñano yũhdũhto pano jira. ã jiro ticoro tuaro cahyara. ã cahyaparo to pohna tiri baharo ticorore purĩre wacũerara ticoro. Wihãrirocã ahri yahpapũ to masa bajuachu ticoro wahchera. ã jiro ticorore purĩre wacũerara ticoro. ²² Tó seheta mũa mipũre cahyanahca. Baharo mũsare ñaihca tjoa. Yũhure ã ñuna mũa tuaro wahchenahca. Mũa ã wahchechũ paina mũsare cahyachũ yoa masisi.

²³ Tĩ dachoi yũhure mũa ñuri dachoi yũhure sinitu ñusi mũa. Masi tuhsũrinapu jinahca. Potocãta mũsare nii nija. Yũhure mũa wacũ tuachũ ñano yũ Pũcũre mũa siniare tiro mũsare warohca. ²⁴ Yũhure wacũ tuaina jina, Cohamacũre sini masina mũa. Ahri dacho panoi tirore ã sinierasinire mũa. Yũhure wacũ tuatjãhna Cohamacũre siniga. Mũa ã sinichũ mũa sinirire mũsare warohca, mũa wahche pahũohti cjihtire —nire Jesu sãre.

Ñainare Jesu yũhdũrucaha

²⁵ ã ni tuhsũ õ sehe ni namore:

—Quiti mehne mũsare yahua tihĩ. ã yahupaihta baharo mũsare quiti mehne yahusi yũhũ. ã yahueracu yũ Pũcu sehere noano poto yahuihtja mũsare. ²⁶ Tĩ dachore mũa ya cjihtire yũ Pũcũre sini payosi yũhũ. Yũhure wacũ tuana, mũa basi tirore sininahca. ²⁷ Mũa yũhure cahĩna. ã jina yũ Pũcu cahapu yũ tariro jichũ “Potocã tjira”, nina mũa. ã nina mũa jichũ ñuno, yũhure cahĩna mũa jichũ ñuno yũ Pũcu sehe mũsare cahĩna. To ã cahĩchũ tirore mũa sininahca. ²⁸ Yũ Pũcu cahai jiro jicũ ahri yahpapũre tai yũhũ. ã jicũ mipũre ahri yahpapũ jiro jisinicũ yũ Pũcu cahapu wahaiha —nire Jesu.

²⁹ To ã nichũ sã to buheina õ sehe nii:

—Mipũ pinihta quiti marieno durucui noano poto yahui nina mũhũ sãre. ³⁰ Mũhũ noano masi pahũoriro mũ jichũ mipũ pinihtare sã masija. ã jia paina mũhũre buhe masierara. Tĩre mipũre sã noano masija. Sã noano masiina jina, Cohamacũ cahapu tariro mũ jichũ “Potocã tjira”, nija sã —nii sã Jesure.

³¹ Sã ã nichũ Jesu õ sehe ni yũhtire sãre:

—¿Mipũre “Potocã tjira”, nijari mũa jũna? ³² Baharo curero jipihina mũa wahũsepũ waha siteina jina, yũhure cohãnahca mũa. Mũa ã cohãpachũta yũ Pũcu sehe yũhũ mehne jira. ã jicũ yũhũ cãirota jieraja. ³³ Ahrire mũsare yahu mũhtahi, yũhure mũa wacũ tuaa mehne mũa noano jihto sehe. Cohamacũre cahmaeraina cahapu mũa jichũ ñano yoahca mũsare tina. Tĩ ã yoapachũta wahchega mũa. Ahri yahpa macaina ñaa buhiri tiinare, ti puhtoro watĩno cãhũre yũhdũrucariro jija yũhũ. ã jina yũhure wacũ tuana wahchega mũa —nire Jesu sãre to buheinare.

17

Jesu to buheina ya cjihtire Cohamacure sini payoha

¹ Ñ ni yahu tuhsu Jesu manopu ñuroca mo, Cohamacure õ sehe ni durucure:

—Mai, mipure mu yahu quihõriro seheta yuhure ñano ti yoahiti pja mu surota nina. Yuhure mu macure masare ño payochu yoaga. Mu ã yoachu muhure masare ño payochu yoaihca yuhu cõhu. ² Jipihitina bui pãtoro yuhure cõre muhu. Ñ jicu yuhure mu warinare muhu mehne ã jirucuchu yoaihca yuhu. Tuhsu, muhure masare ño payochu yoaihca yuhu. ³ Muhu dihta Cohamacu waro jira. Yuhu Jesucristo mu warocariro jija. Ñ jia jipihitina muhure masiina, yuhu cõhure masiina manopu mari mehne ã jirucuahca —nire Jesu.

⁴ Ñ ninota õ sehe ni namore Cohamacure:

—Ahri yahpãre mu yoa dutiri cjihtire yoa pahõja yuhu. Ñ yoacu muhure masare ño payochu yoaja yuhu. ⁵ Ahri yahpa to jihto pano muhu mehne yu jichu jipihitina yuhure ti ño payo mãhtariro seheta mipure yuhure ti ño payochu yoaga tjoa.

⁶ 'Ahri yahpai jijnare yuhure mu warinare muhure masichu yoahi. Mu warina mu yaina jira. Ñ jicu tinare ware muhu yuhure. Ñ jia mu dutiare yoare tina. ⁷⁻⁸ Yuhure mu yahurire tinare buhehi. Yu ã buhechu tãhoa yu buheare cahmare tina. Ñ jia potocãta mu cahai tariro yu jichu masina tina. Tuhsu, mu warocariro yu jichu "Potocã tjira", ni tãhotura tina. Ñ yoa jipihitia yu ya mu ya ti jichu masina tina.

⁹ 'Ti ya cjihtire muhure sini payoi nija. Paina ya cjihti sehere sini payoi nieraja yuhu. Yuhure mu warina mu yaina jira. Ñ jicu ti ya cjihtire sini payoi nija muhure. ¹⁰ Tina jipihitina mu yaina jira. Ñ jia mu yaina sehe yu yaina jira. Yuhure wacũ tuaa yu tuariro jiare masichu yoara tina masare.

¹¹ 'Mipure ahri yahpãre tjuasi yuhu. Mu cahapu wahai tai nija. Yu ã wahapachãta mipure yuhure mu warina ahri yahpare tjuaahca. Mai, muhu noariro jira. Yuhure mu warinare mu tuaa mehne ñu wihbobasaga. Mu ã ñu wihbochu mari cãirota mari jiro seheta tina cõhu cã curuata jahca. ¹² Tina mehne jicu mu tuaa mehne tinare noano ñu wihbohi. Cãiro pinihta pichacapu waharohca mu yare ti joari tjui to yahuriro seheta.

¹³ 'Mipure mu cahai wahai tai nija. Ñ jicu ahri yahpai ahri jipihitiare yu yainare yahuja yuhu mehne ti noano wahchehto cjihtore. ¹⁴ Mu yare yahui tinare. Tina yu yoaro seheta ahri yahpai ji dojahtina jierara. Ñ jia ahri yahpa macaina sehe tinare ñu tuhtira. ¹⁵ "Ahri yahpai jijnare, yu yainare naaga", nieraja. Ñ nierapaihta tinare noano ñu wihboga "Watĩno ñaare yoa dutiri", tinare nicu. ¹⁶ Ahri yahpa macariro jieraja. Tina cõhu yu yoaro seheta ahri yahpai ji dojahtina jierara. ¹⁷ Yu yainare mu buhea mehne noaina wahachu yoaga tinare. Mu yahua sehe potocã tjira. ¹⁸ Ahri yahpãre yuhure mu warocariro seheta yuhu sehe yu yaina cõhure mu yare buhe duticu warocahi. ¹⁹ Mu cahmaare yoahitiro cjihtore yariahtiro jicu yu pjacure waja. Ñ waja yuhu yu yaina cõhu mu cahmaare potocã ti noano yoahiti cjihtire.

²⁰⁻²¹ "Yu yaina mipure jiina dihtare yoadohoga", ni sini payoeraja yuhu. Yu yaina painare yu yare ti buheri baharo paina cõhu yuhure wacũ tuaahca. Tina cõhure yoadohoga, yu yaina jipihitina cã curuai ti jihto cjihto sehe. Yuhu muhu mehne mari pãaro jipanahta cãiro tjija. Mari cãirota mari jiro seheta tina cõhu mari mehne cã curuaihta jijaro. Cã curuaita jijaro mu warocariro yu jiare jipihitina masa "Potocã tjira" ti nihto sehe. ²² Yuhure mu masichu yoariro seheta yu yainare

y_u jia tiare masich_u yoai. Tinare y_u ã masich_u yoach_u cãirota mari jiriro seheta tina cãh_u cã curuaita jiahca. ²³ Y_uh_u tina mehne jija. Tuhs_u, m_uh_u y_uh_u mehne jira. Mari ã jiina jich_u y_u yaina potocãta cã curuaita noano jiahca. Cã curuaita ti jich_u ñ_u m_u warocariro y_u jiare ahri yahpa macaina masiahca. Tuhs_u, y_uh_ure m_u cahĩriro seheta y_u yaina cãh_ure m_u cahĩare masiahca masa.

²⁴ 'Mai, ahri yahpa to ji d_ucahto pano y_uh_ure cahĩa tire m_uh_u. Æ cahĩc_u y_u masi pahĩriro, si siteriro y_u jich_u ñore m_uh_u. Æ jic_u y_uh_ure m_u warina y_uh_u mehne ti jich_u cahmaja masi pahĩriro, si siteriro y_u jich_u ti masiht_u cjihtire. ²⁵ Mai, m_uh_u noariro jira. Ahri yahpa macaina ñaina m_uh_ure masierara. Y_uh_u sehe m_uh_ure masija. Æ jia m_u warocariro y_u jich_u masina y_u yaina. ²⁶ M_uh_ure tinare masich_u yoaihtja y_uh_ure m_u cahĩriro seheta painare ti cahĩht_u cjihtire. Æ jic_u y_u yaina mehne jiihca –nire Jesu Cohamac_ure.

18

Jesure peresu yoaha

(Mt 26.47-56; Mr 14.43-50; Lc 22.47-53)

¹ To ã niri baharo Jesu sã cãh_u to buheina Cedrõ wama tiri mare pahã, olivo wama tia yuc_uri ti toari wesep_u s_ui. ² Pay_u tahari tí wesei, tí yuc_u do-cai sã Jesu mehne cahmachua tii. Æ jiro Juda Jesure ñ_u tuhtiinare ñohtiro tí wesere masire. ³ Æ masino p_ua curua surarare m_u tã tare tí wesep_u Jesure ñono taro. Cã curua surara waro jire. Pa curua surara Cohamac_u w_uh_ure cohtaina jire. Tina sacer-dotea p_uh_utoa, fariseo curua macaina ti warocaina jire surara, Cohamac_u w_uh_ure cohtaina mehne. Æ taa sihãa pocare, sihãa yuc_uri cãh_ure sihã tare. Ti wamoa cãh_ure c_uare tina. ⁴ Tí wesep_u ti wihiri baharo Jesu to ñano wahahtore masino, tinare piti boca, õ sehe ni siniture:

–¿Noare macana nijari m_usa? – nire Jesu.

⁵ –Jesu Nazare macarirore macaja sã –ni y_uhtire tina.

–Tiro tjija y_uh_u –nire Jesu.

Juda sehe, Jesure ñaha dutiro ñoriro tina mehne jire. ⁶ Æ jia “Tiro tjija y_uh_u”, Jesu to nich_uta tina sehe c_uaa waha, yahpap_u du siti m_ua bora caha sure. ⁷ Ti ã wahach_u ñ_uno tinare pari turi õ sehe ni siniture Jesu:

–¿Noare macana nijari m_usa? – nire.

–Jesu Nazare macarirore macana nija sã –ni y_uhtire tina tjoa.

⁸ –“Tiro tjija”, ni tuhs_umahic_u y_uh_u m_usare. Æ jina y_uh_ure ñahana, ahrinare y_uh_u mehne macainare peresu yoaena tjiga m_usa –nire Jesu.

⁹ Æ sãre cahĩno ne cãirore butich_u yoaerare. Æ yoaro tó pano Cohamac_ure to niriro seheta yoaro nire tiro. “Y_uh_ure m_u warinare ne cãirore boerah_u”, to niriro seheta yoaro nire Jesu. ¹⁰ Æ yoa Simo Pedro ñosari pjĩne c_uaro, tí pjĩne t_uã we naroca, sacer-dotea bui p_uhtoro cahamac_uno Malco wama tiriro cahmonore c_uã pahr_unocare. To poto b_uh_usehe macari cahmonore c_uã pahr_unocare. ¹¹ Æ to c_uã pahr_uch_u ñ_uno Jesu tirore õ sehe nire:

–M_u ñosari pjĩne wihboga. Y_u P_uc_u y_uh_ure to ñano y_uhd_u dutiriro seheta ñano y_uhd_uhtja y_uh_u –nire Jesu Ped-rore.

Sacerdotea bui p_uhtoro cahap_u Jesure naaha tina

(Mt 26.57-58; Mr 14.53-54; Lc 22.54)

¹² To ã ni tuhs_uch_uta surara, ti p_uhtoro mehne, Cohamac_u w_uh_ure cohtaina surara cãh_u Jesure ñaha, tirore d_uhtere. ¹³ D_uhte tuhs_u Ana cahap_u naa m_uhtare tina. Ana sehe Caifa marech_uno jire. Caifa sehe tí c_uhmare sacer-dotea bui p_uhtoro jire. ¹⁴ “Judio masa ya cjihtire cãiro mas_uno yariach_u noana”, niriro cjiro jire Caifa sehe.

“Jesure masieraja”, niha Pedro
(Mt 26.69-70; Mr 14.66-68; Lc 22.55-57)

¹⁵ Ñã jina yũhũ Simo Pedro mehne Jesure yoa cureropũ ñũ nũnũ tii. Yũhũ sehe sacerdotia bui pũhtoro to ñũ masiro jicũ Jesu baharo pũhtoro wũhũi jiri sahrĩnopũ sãa waha. ¹⁶ Yũ ã sãachũ Pedro sehe sahrĩno sopacai tjuarũcũ sũre. Ñã jicũ majare wijaa ta, sopacare cohtaricorore sinitu ñũi “Ahrĩro Pedro sãa ta masijari”, nicũ. Yũ ã sinitu tuhsũchũ ticoro Pedroro sãa ta dutire. To sãa ta dutiri baharo yũhũ Pedroro na sãa waha. ¹⁷ Yũ ã na sãachũ ñũno sopacare cohtaricoro sehe Pedroro õ sehe ni siniture:

—¿Jesu buheina mehne macariro jierajari mũhũ? —nire ticoro Pedroro.

—Jieraja yũhũ —ni yũhtire Pedro sehe.

¹⁸ Sã sũhto pano tó macaina cahamaca, surara mehne ti sohmahti pichacare wijã tuhsũri jire. Yũsũa nire. Ñã jia tina tí pichaca dũhtũ cahai ducua, sohmaa nire. Ti ã sohmachũ ñũno, Pedro cũhũ waha, sohmare.

Sacerdotia bui pũhtoro Jesure sinituha

(Mt 26.59-66; Mr 14.55-64; Lc 22.66-71)

¹⁹ Ñã yoa sacerdotia bui pũhtoro Jesu buherire, sãre to buheina cũhũre sinitu ñũri jire Jesure. ²⁰ To ã sinituchũ Jesu sehe õ sehe ni yũhtiri jire tirore:

—Jipihtinare buhecũ ti panoi ducuhi. Ñã buhecũ judio masa mari buhea wũhũsei Cohamacũ wũhũ cũhũre ã buherucuhi. Mũsa ñũeno buherahi yũhũ. ²¹ ¿Dohseacũ yũhũre sinitujari mũhũ? Sinitu duacũ yũ buheinare sinitu ñũga. Yũ buherire tina masina —ni yũhtiri jire Jesu.

²² To ã nichũ tũhoro tói ducuriro surara sehe to wamomaca mehne Jesure cjãri jire.

—Ñã nii tjiga sacerdotia bui pũhtoro —niri jire surara sehe Jesure.

²³ To ã nichũta Jesu õ sehe niri jire:

—Ñãno yũ ni durucurire yahuga yũhũre. ¿Potocãta mũsare yũ yahupachũta, dohseacũ yũhũre cjãjari mũhũ? —niri jire Jesu surarare.

²⁴ Baharo Ana Jesure paina ti dũhterirore Caifa sacerdotia bui pũhtoro cahapũ warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

²⁵ Ñã yoa Simo Pedro pichaca dũhtũ cahai ducuro, sohmano nire. Ñã to sohmarucuchũ ñũa, tó macaina tirore õ sehe ni siniture:

—¿Mũhũ cũhũ Jesu buheina mehne macariro jierajari mũhũ? —nire tina Pedroro.

—Jieraja yũhũ —ni yũhtire Pedro.

²⁶ Tuhsũ, sacerdotia bui pũhtoro cahamaca mehne macariro, Pedro to cahmono cjã pahrẽiro coyero sehe Pedroro õ sehe ni siniture:

—¿Jesure ti ñahari wesei yũ jichũ mũhũ cũhũ tiro mehne jierapahte? —ni siniture tiro Pedroro.

²⁷ —Yũhũ tiro mehne jierahi —nire Pedro. To ã nichũta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

²⁸ Ñamiwacũnu jichũ Caifa ya wũhũpũ jirina Jesure naa wijaa, tí maca macaina pũhtoro Pilato ya wũhũpũ naa wahare tina. Ñã wahapahta to ya wũhũpũ sãaerare. Pascua dachori jichũ tina tí bese nũmũri macaare chũhtina jia õ sehe nire: “Judio masũno jierara Pilato. To ã jiriro jichũ to ya wũhũre sãana, mari dutiare yũhdũrcana niboca. Ñã jina mari sãachũ marine bese nũmũri macaa chũare chũ dutierahca”, nire tina. Ñã nia pũhtoro Pilato ya wũhũre sãaerare Jesure naahrina sehe. ²⁹ Ti ã sãa taerachũ ñũno Pilato tina cahapũ, wũhũ sopacapũ sũrũcũ sũro, tinare õ sehe ni siniture:

—¿Yaba buhirire ahrĩrore yahusã duajari mũsa? —nire Pilato tinare.

³⁰—Ahriri to noariri jichu mahure sā waeraboa. Ñariri jira tiro —ni yahure tina.

³¹ Ti ã nichu Pilato õ sehe nire:

—Musa sehe tirore naahga. Ñ jina musa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sare masunore wajã dutierara —nire tina Pilatore.

³² Ñ nia Jesure judio masa ti wajã duarire masichu yoaa nire. Jesu sehe crusapu to variahtore tó pano to yahuriri seheta ã waharo nire.

³³ Ti ã ni durucuri baharo Pilato sehe wuhuru majare sāa, Jesure pjirocari jire. Pjiroca tuhsu, tirore õ sehe ni sinituri jire:

—¿Judio masa ti puhtoro tjijari mahu? —ni sinituri jire Pilato.

³⁴ —¿Musa mura surota ã sinitui nijari mahu yahure? ¿O paina sehe yahure ti yahusari baharo tere sinitu ñajari mahu? —niri jire Jesu Pilatore.

³⁵ —Judio masuno jieraja yuhu. Mura ya yahpa macaina, sacerdotia puhtoa cahu mahure ware sare. ¿Yabare ñano yoari mahu ti ã buhiri dahre duachu? —niri jire Pilato.

³⁶ —Ahri yahpa macariri puhtoro jieraja yuhu. Ahri yahpa macariri puhtoro yu jichu yu buheina yahure yoadohoboa. Judio masare yahure ñaha dutieraboa. Yu puhtoro jia ahri yahpa macaa jierara —niri jire Jesu Pilatore.

³⁷ —¿Ñ jicu puhtoro jijari mahu ã nicu? —niri jire Pilato.

—Musa nino seheta puhtoro tjija. Masa ti puhtoro jihtiro cjihto masa bajuai yuhu. Ñ jicu ahri yahpuru tai ti puhtoro jicu tacu, potocã jiare yahucu tacu. Jipihtina potocã jiare tuho duaina, yu yahure tuhora —niri jire Jesu.

³⁸ —¿Yaba baro jijari potocã jia? Potocã jiare masihto basioerara —niri jire Pilato.

Judio masa Jesure wajã dutiha
(Mt 27.15-31; Mr 15.6-20; Lc 23.13-25)

Ñ ni tuhsu Pilato judio masa cahai majare tjua waha, tinare õ sehe ni yahure:

—Ahriri Jesure yaba buhiri mariahna. ³⁹ Cuhmaripe pascua jichu cãiro peresui jirore musa wio dutirucura. ¿Ñ jicu ahriri Jesureta musa puhtoro cjihto musare wiobasabocari yuhu? —nire Pilato judio masare.

⁴⁰ To ã nichu tuhoa judio masa õ sehe ni sañurucure:

—Tirore wioi tjiga. Barrabã sehere sare wiobasaga —ni sañurucure judio masa Pilatore.

Barraba sehe yaca bucuro jire.

19

¹ Ti ã ni sañurucuri baharo Pilato Jesure tjana dutiri jire. To ã dutichu to musa sehe tirore tjanari jire. ² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sāa, payu tahari tiro cahacã saruca, õ sehe ni bujuperi jire tina:

³ —Noano tagã. Judio masa puhtoro noano tagã —ni bujupere, Jesu wuhduahi cã majari jire.

⁴ Ñ yoa pari turi Pilato judio masa cahapu waha, tinare õ sehe ni yahure:

—Tuhoga musa. Ahrirore ñaa buhiri mariahna. Ñ jicu tere musa masihti cjihtire musa cahai tirore na tai tai nihi —nire tiro.

⁵ To ã ni tuhsuchuta Jesu pota soro pisariri, puhtoa ya suhti barore sãariri, wuhui jirore wijaa tare. To ã wijaa tachu Pilato tinare õ sehe nire:

—Ñuga. Ahriri tjira tiro —nire Pilato.

⁶ To ã ni tuhsuchu tuhoa, sacerdotia puhtoa, Cohamacu wuhu cohtaina surara cahu Jesure ñua, sañurucure:

—Crusapu cã puha wajãga tirore. Crusapu cã puha wajãga tirore —ni sañurucure tina.

—Tirore ne ñaa buhiri mariahna. Ñ jina musa basita tirore naaga. Ñ jina musata tirore crusapu cã puha wajãga —nire Pilato tinare.

⁷ —Tiro to basi “Cohamacu macuno jija”, nia tere. Tere to ã nichu sā dutia

sehe tirore wajã dutira —nire tina Pilatore.

⁸ Ti ã nichu tuho ro tó pano to cuiriro yãhgoro cuia wahare Pilato sehe. ⁹ Æ jiro pari turi to wãhãpũre majare sãa, Jesure õ sehe ni sinituri jire tjoa:

—¿Noho macariro jijari mũhu? —niri jire Pilato Jesure.

To ã ni sinitupachãta Jesu tirore yãhtierari jire.

¹⁰ To ã yãhtierachu ñãno Pilato tirore õ sehe ni sinitu namori jire:

—¿Yũhũre yãhtierajari mũhu? Yũhu mũhũre peresui jirirore wio masija. Æ yoa mũhũre crusapũ cjã puha wajã duti masija yũhu. ¿Tĩre masierajari mũhu? —niri jire Pilato Jesure.

¹¹ —Cohamacũ mũhũre to dutierachu yãhũre ñãno yoape dutieraboa mũhu. Yũhũre ñũ tuhtinare ñoriro sehe mũ yãhgoro ñãno buhiri tira —niri jire Jesu Pilatore.

¹² To ã nichu tuho ro Pilato sehe tirore wio duari jimare. To ã wio duapachãta pari turi judio masa õ sehe ni sañurucure:

—Jesu “Pũhtoro jija” nino, mari jipihtina bui pũhtoro jirirore Roma macarirore ñũ tuhtiriro jira tiro. Æ jicu tirore wiocũ mũhu cãhu mari bui pũhtoro jirirore ñũ tuhtiriro jiihca —ni sañurucure judio masa Pilatore.

¹³ Ti ã nichu tuho ro Jesure wãhũ jirirore na wijaa ta, buhiri dahre dutiro taro to dujiri pahtai nuju sũre Pilato sehe. Tó to buhiri dahre dutiri wapa, tãa mehne ti yoari wapa judio masa sã ya mehne Gabatã wama tire.

¹⁴ Tí dacho pascua dacho bose nũmũ sã chũhti cjihtire sã cahnoridacho jire. Tí pjare cohari pja waro jire. Nuju sũ tuhsũ Pilato masare õ sehe ni yahure:

—Ahriro tjira mũsa pũhtoro —nire tiro.

¹⁵ To ã nichu tuho ro judio masa õ sehe ni sañurucure:

—Yariajaro tiro. Yariajaro tiro. Crusapũ cjã puha wajãga tirore —ni sañurucure tina.

—¿Mũsa pũhtoro to jipachãta tirore crusapũ cjã puha wajã dutijari mũsa? —nire Pilato.

To ã nichu tuho ro õ sehe ni yãhtire sacerdotea pũhtoa:

—Mari jipihtina bui pũhtoro Roma macarirota sã pũhtoro jira. Pairo pũhtoro sãre mariahna —ni yãhtire sacerdotea pũhtoa.

¹⁶ Ti ã ni durucuri baharo Pilato Jesure crusapũ cjã puha wajã dutiro, tirore ware tinare, tirore wajãhtinare.

Jesure cjã puha wajãha tina
(Mt 27.32-44; Mr 15.21-32; Lc 23.26-43)

¹⁷ Æ jia tina Jesure naa wijaare. Ti naa wijaachu Jesu sehe to crusare to basi wãa naa, dapu cohã wama tiropũ sũre. Sã judio masa ya mehne dapu cohã Gólgota wama tire. ¹⁸ Tópu sũa tina Jesure cjã puha õre. Tuhsũ, paina pũarore cãiro to poto bũhũsehei, pairo to cõ bũhũsehei cjã puha dapore tina. Æ jiro Jesu ti dacho macai jire. ¹⁹ Ti cjã puha tuhsũchu, Pilato taboa pjĩne joa, Jesure ti cjã puha õri crusai cjã puha õ dutire tí pjĩne. Æ sehe ni joare tiro: “Ahriro Jesu Nazare macariro, judio masa bui pũhtoro jira”, ni joare Pilato tí pjĩne. ²⁰ Tí pjĩne joaro judio masa ya dũsero mehne, Roma macaina ya dũsero mehne, griego masa ya dũsero mehne joare tiro. Æ yoa Jesure crusapũ ti cjã puha daporiro maca cahacã jire. Tó cahacã jiina payũ judio masa Pilato joarire ñũ, buhere. ²¹ Æ buhe tuhsũ judio masa sã sacerdotea pũhtoa õ sehe nire Pilatore:

—“Ahriro judio masa pũhtoro jira”, ni joai tjiga. Sã pũhtoro jierara ahriro. Æ jicu õ sehe ni joa cahnoga mũhu. “Ahriro ‘Judio masa pũhtoro jija’, ni cãirota to basita ã ni tuhoturiro jira”, ni joa cahnoga —nire sacerdotea pũhtoa.

²² —Yũ joa mũhtariro seheta jirohca —nire Pilato tinare.

²³ Jesure ti cjã puhari baharo pititiaro surara sehe Jesu suhtire ti

basi witire. Ti ã witi duapachuta cã suhtirota yoari suhtiro dohori marieni suhtiro jire. Tí suhtiro suhari suhtiro jire. ²⁴ Tí suhtiro to ã jichu õ sehe nire tina ti basi:

–Ahri suhtirore tãhrëna tjijihna. Ahri suhtirore nahtiro cjihtore masi duana, docapejihna mari –nire tina ti basi.

Ã docapea, Cohamacu yare ti joari tjuí ti ni joariro seheta yoaa nire tina. “Yu suhtire tina ti basi witire. Ã jia yu suhtire nahtiro cjihtore masi duaa, docapere tina”, ni joaa tiha Cohamacu yare ti joari tjuí. To ã ni joariro seheta ã yoaa nire tina.

²⁵ Surara ti ã yoachu Jesu pocoro, Jesu muno, María Cleofa namono, María Magdalena mehne Jesu crusa cahacã ñurucure tina. ²⁶ Ã jiro to pocoro yuhu to cahíriro cãhu to cahacã ã ducuchu ñuno to pocorore õ sehe ni yahure Jesu:

–Mipare ahriro mu macu cjihto jira –nire Jesu to pocorore.

²⁷ Ã ni tuhsu, yuhure õ sehe ni yahure tiro:

–Mipare ahricoro mu poco cjihto jira –nire Jesu yuhure.

To ã niri baharo Jesu pocorore yu ya wãhupu ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To ã ni yahuri baharo õ sehe ni tãhotu masiri jire Jesu: “Jipihtia Cohamacu yuhure dahra dutiro to cãrire yoa pahñohi”, ni tãhotu masiri jire Jesu. Ã masino Cohamacu yare ti joari tjuí to ni yahuriro seheta õ sehe nire Jesu:

–Ñahma yapioca yuhure –nire Jesu.

²⁹ Ã yoa tói vino suëa core posa tiri situ dujire. Ã jiro tói jirihiro wihmi nari sahtere suëa co mehne ti sohari sahtere yucucu hisopo wama tidu sohtoai duhte õre. Duhte õ tuhsu, Jesu duseroi siõ mo, siõ õre. ³⁰ Tí core Jesu wihmi tuhsu õ sehe nire:

–Tó puro tjica –ninota to dapure muhriruca, yoja su, yariaa wahare.

Surara Jesu patipahma batoí ñosaha ñosadu mehne

³¹ Tí dacho pascua bose numu pano jire. Tí bose numu macaare sã chuhti cjihtire sã cãhori numu jire. Ã jia pa dacho Sabado jichu tí bose numu jichu crugaripu ti wajãrinare cã du-aerare judio masa. Tí dacho Cohamacu ti ño payori dacho bose numu jire. Ã jia tí dachoi ti cã puharina cjihtore crugaripu ti jichu cahmaerare tina. Ã jia ti cã puharina cjihtore ti ñuchua cohãrine cã nuha dutia taa judio masa siniha Pilatore, ti yaria murocahto cjihto sehe. Ti ã yoari baharo ti pjacuri cjihtore na boro baharã taa nire. ³² Ti ã dutichu surara sehe crugaru sã, cãiro yacariro cjiro ñuchua cohãrine cã nuhare. Pairo cãhure ãta yoare tina. ³³ Ã jia Jesu ñuchua cohãrine cã nuha tamaa, to yariariro jichu ñua, cã nuhaerare.

³⁴ Ã cã nuhaeraa cãiro surara to patipahma batoí ñosadu mehne ñosare. To ã ñosachu dóihta to di, co mehne wijaare. ³⁵ To ã wahachu ñui yuhu. Yuhu ahri tjure joariro musare potocã yahuja. Potocã yu yahua jichu masija yuhu. Musare yahuja musa cãhu Jesure musa wacũ tuahto sehe. ³⁶ Cohamacu yare ti joari tju to niriro seheta ã wahare: “To cohãrine ne cã cohãre cã nuhaerare”, to ni joariro seheta Jesu ñuchua cohãrine ne cã cohãre cã nuhaerare. ³⁷ Ã yoa pa tju Cohamacu yare ti joari tjuí õ sehe nina: “Tirore ti ñosariro cjirore ñuahca tina”, ni joaa tiha Cohamacu yare ti joari tjuí.

Jesu pjacure masa copapu cãha

(Mt 27.57-61; Mr 15.42-47; Lc 23.50-56)

³⁸ To yariari baharo José Arimatea macariro Jesu pjacu cjirore na bororo taro, Pilatore siniri jire. José sehe paina judio masare cuuro, Jesure wacũ tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To ã na dutichu José crusa cahai su,

Jesu pjacu cjirore naa wahari jire. ³⁹ Nicodemo cūhu me sitiare yucucu di pohca, mirra wama tia me sitia yucucu pohca mehne dahra moreare na tari jire. Jesu pjacu cjirore masa copapu ti siō sāahto pano ti cahnōhti jiri jire tí me sitia. Ti na tari cjiri treinta kilo nūcari jire. Nicodemo sohō jiri pja Jesu mehne to coā durucuri pja űamipū Jesu cahai sūriro jiri jire. ⁴⁰ Ā jia tina pūaro Jesu pjacu cjirore naa, judio masa sā yariainare sā yoarucuriro seheta to pjacu cjirore me sitia mehne suhtiro cahsaro mehne wahmari jire. ⁴¹ Crusapu Jesure ti wajāno cahai wese jire. Tí wesepū masa copa tācapū wahma ti sahari copa jire. Tí copai ne yariariro cjirore siō sāaerasinire. ⁴² Pascua dacho bose nūmūi judio masa sā bose nūmūi sā chūhti cjihtire sā cahnori dacho jire. To ā jiri dacho jichū tí copa cahacāi to crusa jichū, tói siō sāari jire tina Jesu pjacu cjirore.

20

Jesu masa wijaaha

(Mt 28.1-10; Mr 16.1-8; Lc 24.1-12)

¹ Domingo űami curero jichū, bohreahto panocā María Magdalena Jesu masa copapu sūri jire. Tópū sūro tí copare ti tju bihari tācare ti pjoō cūria tācare űari jire ticoro. ² Ā űaricoro jiro sā cahapu mūrocaa tare ticoro. Simo Pedro mehne yūhu sā pūaro jii. Wihi, ō sehe ni yahure sāre ticoro:

—Mari pūhtoro pjacu cjirore naanocari jihre. Ā jina tiro cjirore ti cūrire mari masieraja —nire ticoro sāre.

³ To ā nichū tūhona, Pedro mehne masa copapu űūna wahai sā. ⁴ Ā űūna wahana sā pūaro mūroca wahcāi. Ā mūrocana, yūhu Pedrore mūroca yūhdu wahcācu masa copapu sū mūhtai. ⁵ Tópū sūcu muhri caha űuroca sōi tí copapūre. Muhri caha űuroca sōcu tirore ti wahmari suhtiro cjiro dihtare űūi. Ā jii tí copare sāaerahi. ⁶ Yū ā űūri baharopū Simo Pedro yū baharo wihire. Wihi,

masa copapu sāa, to pjacu cjirore ti wahmari suhtiro cjirore űūre tiro. ⁷ Jesu dapure ti wahmari cahsaro cūhūre űūre tjoa. Tí cahsaro soro coāno to turēri cahsaro jire. ⁸ Ā jicu yūhu cūhu masa copapu sū mūhtariro tí copapu sāai. Jesure to ā mariachu űūcu “Potocāta Jesu masa wijaari jira”, ni tūhotui yūhu. ⁹ Tí copapu sā wahahto pano Cohamacū yare ti joari tjui Cristo to yariahtore yahurire, to masa wijaahore yahuri cūhūre sā noano tūho űahaerasinimai. Tí copare yū űūri baharo, “Potocāta Jesu masa wijaari jira”, ni tūhotui yūhu. ¹⁰ Ā űū tuhsūna sā wūhūsepū tjuaa wahai.

Jesu María Magdalenare bajuaha (Mr 16.9-11)

¹¹ Ā yoa masa copapu María majare tju ta tí copa sopacapū wihi, ducuro, tiiro niri jire. Ā tiiparota ticoro muhri caha űūroca sōri jire masa copapūre. ¹² Ā űūroca sōno pūaro anjoare, yehsea suhti tiinare Jesu cjiro to coāriro cjiropū ti dujichū űūri jire ticoro. Cāiro to dapu coāriro cjiroi dujiri jire. Pairo to dahpori coāriro cjiroi dujiri jire. ¹³ Tinare to űūchū tina sehe ticorore ō sehe ni sinituri jire:

—Numino, ¿dohse jiro baro tiico nijari mūhū? —niri jire tina.

—Yū pūhtoro pjacu cjirore naanocari jihre. Ā jico to pjacu cjirore ti cūrire masieraja yūhu —niri jire ticoro.

¹⁴ Ā ni tuhsū, majarerūcu samahno Jesure tói ducurire űūri jire ticoro. Ā űūparota Jesure űū masierari jire ticoro.

¹⁵ —Numino, ¿dohse jiro baro tiico nijari mūhū? ¿Noare macaco nijari? —niri jire Jesu ticorore.

“Ahriro ahri wesere űū wihboriro jira”, ni tūhotumari jire ticoro Jesure. Ā ni tūhoturo, ō sehe niri jire ticoro:

—Mūhūta to pjacu cjirore naariro jicu to pjacūre mū cūrirore yahuga yūhūre. Mū yahuri baharo to pjacu cjirore naaco wahacohtja —niri jire ticoro tirore.

16 To ã niri baharo Jesu õ sehe niri jire:

—María —niri jire.

To ã ni pisuchũ tũhoro majare ñũroca, ticoro hebreo ya mehne sã judio masa ya mehne õ sehe niri jire:

—Raboni —niri jire ticoro Jesure. (Raboni nino “Buheriro”, nino nina.)

17 —Yũ Pũcũ cahapũ mũjaerasinija yũhũ. Yũ ã mũjaerasinichũ yũhũre ñahaeco tjiga. Tuhsũ, paina yũ yaina cahapũ wahaga. Ti cahapũ sũco õ sehe ni yahuga tinare: “Yũ Pũcũ cahapũ wahai tai nija. Mũsa Pũcũ cãhũ jira tiro. Yũ yairo Cohamacũ cahapũ wahai tai nija. Mũsa yairo Cohamacũ cãhũ jira tiro’, nihre Jesu”, ni yahuga tinare —niri jire Jesu Mariãre.

18 To ã niri baharo Mariã Magdalena sã Jesu buheina cahapũ wihi, yahure sãre:

—Mari pũhtoro ñũhi yũhũ —ni, Jesu ticoro to yahu dutirire yahure sãre ticoro.

Jesu to buheinare bajuaha

(Mt 28.16-20; Mr 16.14-18; Lc 24.36-49)

19 Tí dacho domingo ñamichahai sã Jesu buheina sã coyera judio masare cuina, wũhũpũ biha sãa, dujii sã. Sã ã dujichũ Jesu sã watoi bajuaruũcũ sũro, sãre õ sehe nire:

—¿Jimajari mũsa? Noano jiga mũsa —nire.

20 Æ ni tuhsũ, to wamomacarine, to patipahma bato cãhũre sãre ñore. Æ jina sã tirore sã pũhtoro ñũna, wahchei. 21 Pari turi Jesu sãre õ sehe nire:

—Noano jiga mũsa. Yũ Pũcũ yũhũre to warocariro seheta, mũsa cãhũre yũ ya buheare buhehtinare warocaja —nire Jesu sãre.

22 Æ ni tuhsũ tiro sãre puti sãare. Æ puti sãano Espĩritu Santo sãre to sãaruũcũ sũ mũa wahahtore ñono nire sãre. Ño tuhsũ õ sehe nire:

—Mĩpũ Espĩritu Santore ñahaga mũsa, mũsa mehne jĩhtirore. 23 Paina ti ñaa yoirire mũsa bochũ, ãta jahca. Æ jia paina ti ñaa yoirire mũsa

boerachũ tí bori jisi —nire Jesu sãre to buheinare.

Jesure masa wijaarore Toma ñũha

24 Jesu sã watoi to bajuachũ Toma sũhdũariro ti ni pisuriro sã mehne mariahe.

25 To ã mariachũ sã mehne macaina tirore yahumare:

—Mari pũhtoro sã ñũhi —ni yahu-mai sã Tomare.

Sã ã ni yahupachũta õ sehe nire Toma:

—To wamomacarine ti cã puhaa coparire ñũeracũ tí coparire yũ wamo pica mehne be ñũeracũ, “Potocãta masa wijaari jira”, nisi yũhũ. Æ yoa to patipahma batoi jiri copare yũ wamomaca mehne siõ sõeracũ, “Potocãta masa wijaari jira”, nisi yũhũ tirore —nire Toma.

26 Ocho dachori baharo pari turi sã to buheina sã wũhũpũ jii. Tí pjare Toma sã mehne jire jũna. Tí wũhũ bihari wũhũ jire. Bihari wũhũ to jipachũta Jesu wũhũpũ sãa taro, sã watoi bajuaruũcũ sũro õ sehe nire:

—¿Jimajari mũsa? Noano jiga —nire.

27 Æ ni tuhsũ, tiro Tomare õ sehe ni yahure:

—Ñũga yũ wamomacarine. Æ yoa mũ wamo pica mehne yũ wamomacarine ti cã puhaa coparire be ñũga. Tuhsũ, mũ wamomaca mehne yũ patipahma batoi jiri copare siõ sõ ñũga. “Potocã jierara”, nii tjiga. “Potocã tjira”, niga mũhũ, —nire Jesu Tomare.

28 To ã niri baharo Toma õ sehe ni yũhtire:

—Mũhũ yũ pũhtoro jira. Mũhũ yũ yairo Cohamacũ jira —nire Toma Jesure jũna.

29 —Yũhũre mũ ñũri baharo yũhũre wacũ tuara mũhũ. Paina sehe yũhũre ñũerapahta yũhũre wacũ tuaahca. Æ jia tina mũ yũhũdoro wahcheahca —nire Jesu Tomare.

Jesure masa ti masihtĩ cjĩhtire ahri tjure joaha Joã

30 Æ yoa payũ paye cãhũre Cohamacũ to tuaa mehne yoa ñore Jesu

sã mehne jiro. Tíre to yoarire ahri tjuí joa pahñoerati yuhũ. ³¹ ã joa pahñoerapahita ahri tjuí yũ yahuare joahi “Jesuta Cristo Cohamacũ to warocariro jira. Tiro potocãta Cohamacũ macũno jira”, mũsa ni masihtí cjihtire. ã jina mũsa tirore wacũ tuaina Cohamacũ mehne mũsa ã jirucuhti cjihtire joahi ahri tjure.

21

Jesu siete to buheinare bajuaha

¹ Baharo Tiberia wama tiri bucuþariro duhtũ cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. ² Simo Pedro, Toma suhdũariro ti niriro, Natanae Galilea yahpai jiri maca Caná wama tiri maca macariro, Zebedeo pohna sã þũaro, paina þũaro buheina sã õþeinata cahmachui.

³ Sã ã cahmachuri baharo Simo Pedro sãre õ sehe nire:

–Wahi wajãí wahai nija –nire tiro.

–Sã cãhũ mũhũ mehne wahanahaja –nii sã tirore.

ã ni tuhsũ buhaa wahai. ã jina dohoria mehne wahai. Wiho mejeta tí ñamine sã noano maca bohreapanahta ne cãiro wahi wajãerahi.

⁴ Bohrea parí cahachũ Jesu padũroi to ducuchũ tirore ñũmai sã. ã ñũpanahta tirore “Jesu jira”, ni ñũ masierahi sã. ⁵ ã jiro sãre tiro õ sehe ni siniture:

–¿Ne, wahi wajãri mũsa? –nire Jesu.

–Ne wajãeraputiati sã –ni yuhtii sã.

⁶ –Dohoria poto buhusehe sehe doca ñoga. Tie sehe doca ñona wahi wajãnahca mũsa –nire sãre.

To ã nichũ tuhona sã to niriroihita doca ñoi. Sã doca ño tuhsũchũ payũ wahi sãare. Payũ wahi sãachũ wañũnore dohoriapũ waja sãana bihoerahi sã. ⁷ ã jicu yuhũ Jesu cahĩriro Pedore õ sehe ni yahui:

–Mari þuhtorota jira siro padũroi ducuriro –nii Pedore.

Yũ ã nichũ tuhoro Jesuta to jichũ masino, Simo Pedro to suhtirore sãare. Wahi wajãno taro to suhtirore tjuweriro jisinare. To suhtirore sãa

tuhsũ, diapũ pjuroca ñojare. ⁸ Sã paina buheina dohoriái jina, cien metro yoaro diapũre pahsai sã. ã jina wañũnore wahi payũ sãadure dohoria mehne waja nujai sã. ⁹ Duhtũ cahai wahã suna pichaca niti dihta si coãri pichaca bui Jesu to þuhõ cũrirore wahire ñũi sã. Þão cãhũre ñũi sã.

¹⁰ Sã ã ñũchũ ñũno Jesu sãre õ sehe nire:

–Michapucacã mũsa wajãrinare mahainacã na tahga –nire sãre.

¹¹ To ã nichũ Simo Pedro sehe Jesu mehne jiriro dohoriapũ samu, wañũnore, bujũina wahi ciento cincuenta y tres wahi sãadure waja majare. Payũ wahi sãapahta wañũnore tuhũrẽrare.

¹² –Chũsinina taga –nire Jesu sãre.

“¿Noa baro jijari mũhũ?” ni sinitu ñũerahi sã tirore. Sã þuhtoro to jichũ masii sã. ¹³ ã yoa Jesu pichaca cahapũ sũro, þãore na, sãre witire. Wahi cãhũre witire.

¹⁴ ã jiro Jesu to masa wijaari baharo padũroi bajuaro tia taha sãre to buheinare bajuaro nire.

Jesu Simo Pedro mehne suhũduha

¹⁵ Sã chũri baharo Jesu Simo Pedore õ sehe ni siniture:

–Simo Jona macũno, ¿ahrinare mũ cahĩriro yuhdoro yuhũre cahĩjari mũhũ? –nire Simo Pedore.

–Þuhtoro, mũhũre cahĩja yuhũ. Mũhũre yũ cahĩchũ masina mũhũ –ni yuhtire Simo Pedro.

–ã jicu ovejacãre ti nuriro seheta yũ yainare buhega mũhũ –nire Jesu.

¹⁶ ã ni tuhsũ pari turi tiro Simo Pedore õ sehe ni siniture:

–Simo Jona macũno, ¿yuhũre cahĩjari mũhũ? –nire Jesu.

–Þuhtoro, mũhũre cahĩja yuhũ. Mũhũre yũ cahĩchũ masina mũhũ –ni yuhtire Simo Pedro.

–Ovejare ñũ wihboriro ovejare to noano ñũ wihboriro seheta, yũ yainare noano buhe ñũ wihboga –nire Jesu Pedore.

¹⁷ ã ni tuhsũ pari turi tiro Simo Pedore õ sehe ni siniture:

—Simo Jona macuno, ¿potocãta yuhare cahĩjari mahu? —nire Jesu tjoa.

Tia taha ã ni to sinituchu tãhoro Simo Pedro tuaro cahyare.

—Puhtoro, mahu masi pahõona. Mũhure yu cahĩchu masina mahu —ni yũhtire Simo Pedro.

—Ovejare ti nuriro seheta yu yainare buhega mahu. ¹⁸ Potocã mũhure niita nija. Mũhu wahmano jicu mu suhtire sãa, mu cahmariropu tinia tiri jire mahu. ã jiricu mu jipachuta baharo mu bucuero jichu, mu wamomacarine mu siõrocachu paio mũhure suhtire sãanohca. Tuhsu, mu waha duaeraropu mũhure naanohca —nire Jesu Simo Pedore.

¹⁹ ã nino Simo Pedore dohse waha to variahtore yahuro nire. ã jiro Simo Pedro yariaro Cohamacure “Noariro, masi pahõoriro jira”, masa ti nichu to yoahore yahuro nire Jesu. ã Pedro mehne sũhũdu tuhsuro õ sehe ni namore Jesu tirore:

—Quihõno yu buheriro seheta yoaga mahu —nire Jesu Pedore.

Jesu to cahĩro buheriro ahri tjure joariro jira

²⁰ To ã nichuta Pedro sehe majare ñuroca, yuhare Joãore Jesu to cahĩro buherirore tinare yu nũnu tichu ñũno Pedro Jesure siniture. Yuhu sehe to ñũriro tó pano õ sehe niriro jii: “Puhtoro, ¿mũhure ñu tuhtiinare ñohtiro sehe diro baro jicari tiro?” ni, Jesure sinitu ñũriro jii yuhu. Tí pjare Jesu to pari wahpa chu dujii yuhu sehe. ²¹ ã jiro yuhare ñũno Pedro Jesure õ sehe ni siniture:

—Puhtoro, ¿ahriro sehe dohse waharohcari? —ni siniture.

²² —Tíre mũhure yahueraja. Ahri yahpapu yu tjua tahto pano ahrirore jirucuchu yu yoachu tíre masierara mahu. ã jicu mũhure yahueraja. Quihõno yu buheriro seheta yoaga mahu —nire Jesu Pedore.

²³ Tíre to yahurire jipihtina Jesu yaina ti basi yahu sitemare. Tíre yahu sitea õ sehe nimare tina sehe: “Jesu

to cahĩro buheriro yariasi”, ni yahu sitemare yuhare Jesu yaina ti basi. Ti ã nipachuta “Tiro yariasi”, nino nierari jimare Jesu. “Ahri yahpapu yu tjua tahto pano ahrirore jirucuchu yu yoachu tíre masierara mahu. ã jicu mũhure yahueraja”, nire Jesu Pedore.

²⁴ Jesu buheriro ahriro yahuriro, ahri tjure joariro jija yuhu. ã jina ahri yu yahua quihõno jichu masija mari.

²⁵ Payu paye cũhure Jesu yoare. To yoarire mari joa pahõochu tí tjuri joaa tjuri payubia wahaboa. ã jia tí tjurire mari wihbochu mu sũeraboa ahri yahpa. Wahpaa yũhũu wahaboa, yu tũhotuchu. Tó puro tjira.

Hechos

“Espíritu Santo tarohca”, niha ahri tjure joariro

1-2 Teofilo, ahri quitire mähure joarocai nija. Pano yu joa mähitari püre Jesu to yoaare, to buheare mähure yahu tuhsui. Pu mähanopu to mähjarire yahu batoai. To mähjahto pano Jesu Espiritu Santo mehne dutiha to bese cürinare. 3 Ä yoa Jesu crusapu to yariari baharo payu tahari pjacu tiriro bajua mähjaha to cürinare, tina “Potocäta tiro catira”, ti ni masihto sehe. Cuarenta dachori waro tiro bajua mähjaha tinare. Ä bajuaro tiro to basi to catiriro jiare ñono niha tinare. Ä bajuaro puhtoro Cohamacu to saho jiare yahuha tinare.

4 Jesu to cürina mehne jisninino tinare õ sehe ni yahuha:

—Jerusalëita jisniga mipure. “Espiritu Santore müsare warocaihtja”, yu Pucu to nirirore cohtasiniga. Türe to nirire müsare yahui yuhu. 5 João müsare bautisaro co mehne yoamare. Yuhu sehe tí yuhdoro yoaihtja müsare. Maha dachoricä baharo yuhu sehe Espiritu Santore müsare mehne jirucuchu yoaihtja müsare —niha Jesu.

Jesu mähanopu mähjaa wahaha

6 Ä yoa tina tücu Olivo wama tidapu Jesu mehne cahmachuina sehe õ sehe ni sinitu ñuha tirore:

—Puhtoro, ¿mipure säre Israe yahpare pari turi cü, mari coyea warore puhto söihcari mähü? —ni sinitu ñuha to yaina.

7 Ti ä nichu tuhoro Jesu õ sehe niha:

—Musa puhto sähti pjare yahu quihõriro, ä wahachu yoariro yu Pucu dihta jira. Musa sehere türe ne masihto basioerara. 8 Wiho mejeta müsare Espiritu Santo to wihichu Cohamacu ya masiare cjuanahca müsä. Tí masiare müsä cjuana Jerusalë macainare, jipihtina Judea

yahpa macainare, Samaria yahpa macainare, ä yoa jipihtina ahri dacho mu suro macainare noaa buheare buhenahca müsä. Yu yariarire, yu masa mähjarire tinare buhenahca müsä —ni yahuha Jesu tinare.

9 To ä ni tuhsuri baharota, Cohamacu Jesure mähanopu mähachu yoaha juna. Tina tirore ti ñu nu nu mähochata me curua watopu säa, buti mähjaa wahaha. 10 To ä buti mähjari baharota tina Jesu to mähjarirore ti ñu mähono watoi puaro anjoa yehsea suhti tiina Jesu to cürina watoi bajuaru cu saha. 11 Ä bajuaru cu sa, tinare õ sehe niha:

—Musa Galilea macaina, ¿dohse jiro baro ñu mähorucuna nijari müsä? Ahriro Jesu, müsä mehne jirore cjirota, Cohamacu mähanopu to mähachu yoarirota, mipure to mähachu müsä ñuriro seheta, pari turi duji tarohca tjoa —ni yahuha anjoa tinare.

Jesu to cürina Juda cjirore cohtotahtirore beseha

12 Ä yoa Jesu yaina tücu Olivo wama tidapu jiina duji taa, Jerusalëpu tju saha. Tu tücu cü kilómetro bui curero yoaro jira Jerusalë dachtu cahapure.

13 Tju sa, tina mähanopu ti jiri tah-tiapu mähjaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macano jiha. Simo sehe cananista wama tiri curua macariro jimaha. Juda sehe Santiago macano jiha. 14 Payu tahari ahriina jipihtina, to cürina, ä jichu numia, María Jesu pocoro, ä yoa Jesu bahana mehne cühu noano cahmachu, Cohamacure ä sinirucua tiha.

15 Ä yoa tí dachorire masa payu cahmachuha. Ciento y veinte jä jiboa. Ä jiro Pedro sehe tiro mehne macaina Cristo yaina watoi ducu, õ sehe ni yahuha tinare:

16 —Yu coyea, Cohamacu panopu to niriro seheta ä waharo nihre. Türe Espiritu Santo Davi cjirore yahu dutiha Juda cjirore. Juda cjiro

Jesure ñahahtinare ñoriro jihre. ¹⁷ Ñ yoahtiro jiparota mari mehne Jesu yare yoariro jimahre. Ñ jiro sã mehne macarirota jimahre –niha Pedro.

¹⁸ Juda cjiro sehe Jesure ño dutia ti waparire to wiari baharo to basita wajã yariaha. Ñ yoaro boraa waha, to tũ misida tãhnũa waha, yariaa wahaha. To wiari cjiri mehne paina mahanocã yahpare nuchũha.

¹⁹ Jipihtina Jerusalẽ macaina masi pihtinocari jire Juda cjiro to ñano yoarire. Ñ masia ti ya dũsero mehne to niñeru mehne ti nuchũri yahpa cjirore Acældama wamoari jire. Acældama nia, “Di yahpa”, nia nina.

²⁰ Baharo õ sehe ni namoha Pedro:

–Panopũ to joariro seheta ã wahahre Juda cjiro. Salmo to joari tjui õ sehe ni joaa tiha:

“Tiro to jiri wũhũ masa marieni wũhũ tjuarohca.

Ne noa jisi tí wũhũre”,

ni joaa tiha. Ñ cãhũre õ sehe ni joaa tiha:

“Pairo to dahraa cjirire cohtotariro jirohca”,

ni joaa tiha Salmopũ.

²¹⁻²² Ñ jina mari cãiro besejihna. João masare bautisariro cjiro masare to buhero watoi cãina Jesu yaina mari mehne wahare. Tina mehne macarirore cãiro bese nano cahmana mari mehne macariro cjihto. Jesu mehne mari jichũ mari mehne ã jirucurirore besero cahmana. Ñ mari beseri baharo Jesu to masa mũjarire mari mehne buherohca –ni yahuha Pedro to coyeare Cristo yainare.

²³ To ã nichũ tũhoa pũarore bese dapoha tina. Cãiro José Justo wama tirirore beseha. Tiro Barsaba ti ni pisuriro jiha. Bese tuhsũ, pairore Matia wama tirirore beseha. ²⁴⁻²⁵ Tinare bese dapu tuhsũ, tina Cohamacũre õ sehe ni siniha:

–Mũhũ sã pũhoro jipihtina masa ti tũhotuare masina. Ahrina pũaro sã beseina jira. Juda cjirore cohtotarirore diro mũ cahmarirore beseha. Jesure cohãtjiãhno Juda cjiro

sehe pichacapũ wahaha. Tiroro cohtotariro Jesu to cũriro jirohca. Ñ jiro sã mehne noaa buheare buherohca –ni siniha tina Cohamacũre.

²⁶ Ñ niata tãa mehne doca mũjaha besea taa. Matia yaro to noano quihõno wijachũ, tiro sehe Jesu to cũrina once cũrina mehne macariro tjuaha.

2

Espíritu Santo Jesu yaina mehne ji dũcaha

¹ Ñ yoa Pentecoste wama tiri dacho jichũ tina jipihtina cũ wũhũ cahmachuha. ² Tí pjareta wihnono to tuaro taro seheta mũanopũ bisiro coa taha. To ã bisiro coa tachũ tũhoha jipihtina tí wũhũpũ jiina. ³ Ñ yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuha. ⁴ Ñ yoa Espiritu Santo tinapũre sãarũcũ sũa wahaha. Tinapũre to sãarũcũ sũa wahachũ, paina ya durucuaire to durucuchũ yoaa mehne tina sehe paina ya durucuaire noano durucuha.

⁵ Tí dachorire Jerusalẽpũ payũ judio masa, cũ curua macaina masa jipahta, paró paye yahpari macaina jiha. Cohamacũre ño payoia jiha.

⁶ Ñ yoa mũanopũ coa tachũ tũhoa tina Jesu buheina cahapũ payũ cahmachu wahcãha. Cahmachuina masape ya durucuaire Jesu buheina ti durucu pahũochũ tũhoa, tina tũho cũaa wahaha.

⁷⁻⁸ –Cuenah. ¿Dohse yoaa ahrina Galilea macaina jipahta mari ya durucuaire noano durucujari? Tina mari ya yahpapũ taina yoaro seheta durucua nina –niha tina sehe.

⁹⁻¹⁰ –Jipihtina mari durucuaire mipũre durucua nina: Ñpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia

yahpai Cirene cahap_u jiina, Romap_u taina jija mari. Cãina judio masa waro jija mari. Paina judio masa dojoina jija mari. ¹¹ Creta macaina cãh_u, Arabia macaina cãh_u jira mari mehne. Mari pay_u paró macaina soro durucua tiina mari jipanata ahrina sehe mari masape curuari macaina durucua ti durucuch_u tãhoja mari. Tina mari ya durucua mehne Cohamac_u tuaa mehne to yoirire yahua nina –ni durucuha masa ti basi.

¹² ã niata tina cãaa waha, ti ñh_uri cãh_ure ti tãhori cãh_ure noano tãho ñahaeraha.

–¿Ahrina dohse jiro baro paina ya mehne Cohamac_u yare ã noano durucujari, m_usa tãhotuch_u? –ni cahma sinitu ñaha tina ti basi.

¹³ Wiho mejeta paina Jesu yaina ti durucuch_u tãhoina mehne macaina sehe tinare õ sehe ni b_uj_upeha:

–¿Dohse ahrina sihbiori sihni cahaa nijari? –ni b_uj_upeha paina tinare Jesu yainare.

Pedro masare yahuha

¹⁴ ã jiro Pedro once Jesu to cãrina mehne wahcãr_uc_u s_u, tuaro durucutjiãhno masare õ sehe ni yahuha:

–M_usa Judea yahpa macaina, jipih_utina Jerusalẽp_u jiina, ahrire masiga m_usa. Y_u yahuch_u tãhoga m_usa.

¹⁵ M_usa tãhotua quihõno jierara. Nueve hora jira mip_uta. Mari ch_u sihnini hora jierasinica. ã jia ahrina cahaina jierara. ¹⁶ Ahrina Cohamac_u panop_u to niriro seheta yoaa nina. Tí pjar_ure Joere Cohamac_u yare yahu m_uhtariro cjirore, ahrire yahu dutia tiha Cohamac_u sehe:

¹⁷ “Sohtori tia dachori jich_u õ sehe jirohca: ‘Y_u yairo Espíriture masare jipihtinare warocaihtja.

ã jia m_usa pohnap_u y_u yare yahuahca.

ã yoa m_usa mehne macaina wahma yapia bajuamehneare ñahca.

ã jia m_usa mehne macaina b_uc_una cahãnop_u cahãahca.

¹⁸ ã jic_u y_u cahamacare, m_uare, n_umia cãh_ure y_u yairo Espíriture warocaihtja.

ã jia tina y_u yare yahuahca.

¹⁹ Tuhs_u, y_u tuaa mehne bajuamehneare yoa ñoihca m_uanop_u.

Yahpap_u cãh_ure y_u bajuamehneare ñoihca: Dire, pichacare, mene ñoihca.

²⁰ Tuhs_u, sã dacho macariro nahitianore cohtotarohca.

Ñami macariro di yoaro sehe sohãriro cohtotarohca.

Õ sehe waharohca Cristo m_usa p_uhtoro to tahti dacho, y_u niri dacho panoi.

Tí dachoi ñ_u cãaa wahaahca masa.

ã jiro wiho jiri dacho jisi.

Tí dacho noari dacho jirohca.

²¹ ã jiro õ sehe jirohca.

Jipihtina masa Cristore ti ñaa buhirire cohã duti siniinare tiro tinare pichacap_u wahaborinare y_uhdorohca’, nina Cohamac_u”,

ni joaha Joe.

²² ‘M_usa Israe masa y_u yahuch_u tãhoga: Jesu Nazare macariro sehe Cohamac_u to warocariro jihre. Jesure to warocarire masa ti masihtosehe Jesu to P_uc_uro ya tuaa mehne yoa ñohre m_usare. M_usa tíre masina. ²³ Jesure wajã dutina judio masa jierainare wahre m_usa. Cohamac_u panop_u to cahmariro seheta, “ã waharohca”, to niriro seheta ã yoahre. ã jina m_usa Jesure crusap_u wajã dutihre Cohamac_u dutiare c_uerainare. ²⁴ M_usa ã yoapach_uta Cohamac_u sehe Jesure yariariro cjirore masohre. Pari turi ne yariasi tiro. Tiro yaria dojoaerara.

ã catirucuhtiro jira. ²⁵ Õ sehe nia tiha Davi cjiro panop_u macariro Cristo to ni durucuboriro seheta:

“Y_u p_uhtoro y_uh_u mehne jira m_uh_u.

Jipihtia dachoripe Cohamac_u y_u p_uhtoro y_u cahai m_u jich_u ñ_u tihi y_u cuierahto sehe.

²⁶⁻²⁷ M_uh_u Cohamac_u y_uh_ure yariaina ti jirop_ure ne cohãsi.

Yuhure mu cahĩrĩrore ñanopu cohãsi muhu.

Yuhu mu cahamacu no muhure ño payoriro jija.

Yu pjacure baa dutisi muhu.

Ã jicu tuaro wahcheja.

Wahchea mehne durucuja.

Ã jicu muhure Cohamacure noano wacũ tuariro jicu ñaa buhiri marieriro jicu cuiro marieno noano jinocaja.

²⁸ Yuhure pari turi catichu yoaihca muhu.

Yuhu mehne mu jichu tuaro wahcheja”,

ni joaa tiha Davi cjiro Cristo to ni durucuboriro sehetu.

²⁹ ‘Coyea, õ sehe noano yahuihtja musare Davi cjirore mari coyeiro, panopu macarirore. Tiro yariaa wahaha. Ã jiro tiro to masa copa mipure jisina. (Ã jiro “Yu pjacure baa dutisi muhu”, ni joaro to basi wama payo yahuro nieraha.) ³⁰⁻³¹ Panopu Cohamacu Davi cjirore õ sehe niha: “Potocã nii nija. Mu panamana ji turiaina mehne macariro mu yoaro sehetu ahri yahpa macaina bui puhtoro jirohca”, nia tiha Cohamacu Davi cjirore. Davi Cohamacu yare yahu muhtariro cjiro jiha. Ã jiro Cristore Cohamacu to puhto sõhtore masino, Cristo to masa mujahtore yahu muhta tuhsuha Davi sehe. Õ sehe niha: “Tiro yariaina ti jiropure ji dojoasi. To pjacu tõi baasi”, nia tiha Davi cjiro. ³² Ahriro Jesureta Cohamacu masohre. Sã jipihtina tirore ñuhi. ³³ Mipure Cohamacu potu buhusehepu jira dutiriro jiro. Tõ panopu to Pucuro “Espĩritu Santore mu yainare warocaihtja”, to ni cũriro sehetu wari jire Jesure. Ã jiro Jesu sehe ahriinare Espĩritu Santore warocari jira. Ã jina mipure Espĩritu to yoare musa ñu, tuhona nina. ³⁴ Davi cjiro sehe Jesu to mujariro sehetu manopu mujaeraa tiha. Ã jiro tiro to basi õ sehe nia tiha:

“Cohamacu õ sehe nire yu puhtoro: ‘Yu potu buhusehei dujiga muhu.

³⁵ Muhure ñu tuhtiinare muhure cũihtja mu cahamaca yoaro sehe jihtinare’, nire Cohamacu yu puhtoro”,

nia tiha Davi cjiro.

³⁶ ‘Ã jina jipihtina Israe masa ahriro noano masiga musa: Ahriro Jesure musa crusapu wajãriro cjirore musa puhtoro sõhre Cohamacu sehe. Tirore musare yuhdohtirore Cristore cũre Cohamacu –ni yahuha masare Pedro.

³⁷ To ã nichu tuhoa tuaro cahya, pjĩro tuhotua, masa sehe Pedro cũhure õ sehe ni sinitu ñuha:

–¿Sã coyea, dohse yoanahcari sã? –ni sinitu ñuha tina.

³⁸ Ti ã ni sinitu ñuchu õ sehe ni yuhtiha Pedro:

–Musa ñaa yoari buhirire cahyaga. Musa ñaa tuhotumari cjirore tuhotu cohtota, “Ã tjiri jira” ni, Cohamacureta maca, tuhoga. Ã yoa Jesu yaina jina, bautisarina jiga musa jipihtina. Jesure musa wacũ tuachu ñano, musa ñaa yoari buhirire borohca Cohamacu. Tõ sehe musa yoachu Espĩritu Santore warohca musare. ³⁹ Musare, musa pohnare, musa panamana ji turiainare, yoaro macainare, ã yoa jipihtina Cohamacu mari puhtoro to beserinare, “Potocãta yuhdoihtja musare”, ni cũha Cohamacu –niha Pedro.

⁴⁰ Tuhsu, tuaro mehne õ sehe ni yahu quihõha tinare:

–Ahri yahpa macaina, Cohamacure ji coerainare buhiri dahrerohca Cohamacu. Wiho mejeta musa sehe, tina watoi jiina, Cohamacu yahurire, “Ã tjira”, ni bahrañoga musa yuhduhto sehe –yahu quihõha Pedro masare.

⁴¹ To ã nichu tuhoa tina payu to yahuare noano tuhoha. Ã jiro tinare tiro bautisa dutiha. Tĩ dachore Cohamacu yaina mehne macaina tres mil masa waha namoha. ⁴² Ã yoa tina masa Cristo to cũrina mehne dachoripe cahmachu, tĩ buheare tuho

nũũ, tíre yũhti mũjaa tiha. Tina pãore nuha, cahma witi, Cohamacũre sini, Cristo to cũrina mehne noano jinocaa tiha.

Jesu yaina wahma ji dũcaina ti jia tiare yahuha

⁴³ ã yoa Cohamacũ to tuua mehne yoa ño mũjaha to cũrina. Ti ã yoachũ ñũa masa jipihtina ñũ cũaa wahaa tiha. ⁴⁴ Jipihtina Jesure wacũ tuaina cahmachu, noano jinocaa tiha. ã jia ti yare cahma witi tiha. ⁴⁵ Ti yare dua, jipihtinare paye baro maerainare cãina ti cahmaare waa tiha tina. ⁴⁶ ã jia dachoripe tina Cohamacũ wũhũ wijaaroi cahmachua tiha. ã yoa cãa wũhũse, ti ya wũhũsepũ cũhũre nohopeina cahmachu, pãore nuha, wahchea mehne tina cãnoi chũa tiha. ⁴⁷ Ti ã cahmachuno watoi “Cohamacũ noariro jira”, ni ño payoa tiha. Paina masa tinare ji coa yũhdũa tiha. ã yoaro dachoripe Cohamacũ painare to yaina to yũhdohtina wahachũ yoaa tiha.

3

Tini masierarirore noariro wahachũ yoaha Cohamacũ

¹ Cũ nũmũ ñamichapũ tres jichũ Cohamacũ mehne durucuri pja jichũ Pedro, João mehne Cohamacũ wũhũpũ wahaa niha. ² Dachoripe tí wũhũre tí sahrĩ sãari sahrĩno tãa mehne ti yoari sahrĩno macari sopaca cahai paina cũiro masũnore na ta duhu dapoa tiha. Tí sopaca noari sopaca wama tiha. Tiro masũno sehe wahma masa bajuaropũta dojori wahiro jiro tini masierariro jiha. ã jiro tiro tí sopaca cahai niñerure sini dujia tiha tí sopacai sãainare. ³ ã yoa Pedro, João mehne tí sopacare tí sãa cahachũ tini masierariro sehe tinare ñũ, niñerure siniha. ⁴ ã jia tina pũaropũta tirore ñũ, Pedro sehe õ sehe niha:

—Sãre ñũga mũhũ —niha Pedro tirore.

⁵ To ã nichũ tũhoro “Ahrina mahancã yũhũre niñerure waahca”, ni

tũhoturo ñũroca õ tũhoha tinare. ⁶ To ã ni tũhotupachũta Pedro tirore õ sehe ni yahuha:

—Niñerure cjueraaja yũhũ. Cjueraapaihta, ahrire yoaihtja mũhũre. Jesucristo Nazare macariro to tuua mehne wahcãrũca, tiniga mũhũ —niha Pedro tini masierarirore.

⁷ ã ninota to wamomacare potu bũhũsehe macari wamomacare ñaha, tirore waja wahcõ dapoha. To ã yoachũta tini masierarirore to ñũchũa tuua wahaha. ⁸ To ã wahachũta tiro wahcãrũca purũcu sũ, tini dũcaha. ã tini dũcaro tiro waha, pu tini “Cohamacũ noariro jira”, to ni wahcheriro mehne tina mehne Cohamacũ wũhũ macari sahrĩno puhichapũ sãa wahaha. ⁹ To ã tinichũ “Cohamacũ noariro jira”, to nichũ masa jipihtina tirore ñũha. ¹⁰ ã jia masa tirore ñũ masiha. Tiro Cohamacũ wũhũ macari sahrĩno tãa mehne to yoari sahrĩno macari sopaca noari sopaca cahai niñerure to sini dujirire masiha masa. ã jia tiro to tinichũ ñũa, ñũ cũaa wahaha.

Cohamacũ wũhũi Pedro masare buheha

¹¹ ã yoa tini masierariro cjiro Pedro cũhũre to siõ suha mũjano watoi, masa jipihtina ñũ cũaa waha, noari wapapũ Salomo wama tiri wapapũ mũroca wahcã, cahmachuha. ¹² Ti ã cahmachurũcu sũchũ ñũno, Pedro sehe õ sehe ni yahuha tinare:

—Mũsa Israe masa, ¿dohseana ahrirore ñũ cũajari? ¿Dohseana sãre mũsa ñũ nũnũjari? Sã sehe sã ya tuua mehne noaina sã jia tia mehne sã mũsũro ahrirore tinichũ yoaerahi sã. Jesu sehe tíre yoahre. ¹³ Abrahã, Isaa, Jacobo mari ñũchũsuma, panopũ macaina ti yairo Cohamacũ sehe to cahamacũno Jesure Jipihtina Bui Jiro cũhre. Wiho mejeta mũsa sehe tó sehe jirirore tirore ñũ tuhtiinare wahre. Baharo pũhoro Pilato tirore to wio duapachũta, mũsa sehe tirore to wiochũ cahmaerare. ¹⁴ Pilato tirore wio duamahre. Wiho mejeta mũsa Jesure ñaa buhiri marierirore, quihõno yoarirore cahmaerana,

pairore masa wajāriro sehere wio dutihre m̄sa. ¹⁵ ã yoana Jesure marine catich̄u yoarirore wajāch̄u yoare m̄sa sã coyea judio masa. To yariach̄u Cohamac̄u tirore masohre. Tíre sã ñ̄hi. ¹⁶ ã jina Jesu pjiriro to jia tiare wacū tuaina jija. Tirore sã ã wacū tuach̄u ñ̄no ahrirore m̄sa mip̄u ñ̄rirore m̄sa ñ̄ masirirore Jesu sehe to tuaa mehne tinich̄u yoahre.

¹⁷ 'Ȳu coyea, m̄sa p̄htoa mehne Jesure noano masierapanahta tirore wajāch̄u yoare m̄sa. Tíre masija ȳh̄u. ¹⁸ Wiho mejeta panop̄u macaina Cohamac̄u yare yahu m̄htaina cjiri Cohamac̄u tinare to yahu dutiriro seheta, yahua tiha tina. “Cristo ñ̄ano ȳhd̄u, yariarohca”, ni yahua tiha tina. Ti ã ni yahuriro seheta ã wahahre mip̄ure. ¹⁹ ã jina m̄sa ñ̄aare yoari buhirire cahyaga. M̄sa t̄hotumari cjirire t̄hotu cohtota, ñ̄aare m̄sa goa pjarire duhu, Cohamac̄ureta majarer̄uca, to ya sehere quihōno t̄hoga. M̄sa tirore majarer̄uca, quihōno t̄hoch̄u ñ̄no, Cohamac̄u m̄sa ñ̄aare yoari buhirire borohca. ã boro, m̄sare wahchehti dachorire cū, m̄sare noano yajeri s̄ach̄u yoarohca tiro. ²⁰ ã yoa tiro m̄sa p̄hthora cjihtore to beseriro Cristore m̄sare warocarohca tjoa. Tiro Cristo sehe Jesuta jira. ²¹ Cohamac̄u cahap̄u jisininohca Jesu, p̄ Cohamac̄u ahri yahpap̄u jipihtiare wahma to cohtota pah̄noch̄up̄u. To ã cohtota pah̄nohtore Cohamac̄u yare yahu m̄htaina cjiri, to yaina waro panop̄u yahu quihō tuhs̄a tiha. ²² Moise cjiro tíre yahuro ò sehe ni m̄htaha: “C̄airo mari mehne macarirore mari coyeiroreta Cohamac̄u yare yahu m̄htahtiro cjihtore Cohamac̄u mari p̄hthora warocarohca m̄sare. Ȳh̄ure to warocarirō seheta warocarohca tiro c̄h̄ure. ã jina m̄sare to yahuch̄u t̄hona, ‘Jai’, ni ȳhti pihtinocaga m̄sa. ²³ Ò sehe jirohca. Jipihtina tirore ȳhtieraina to coh̄htina jiahca. Cohamac̄u yaina mehne macaina jisi

tina”, ni m̄htaa tiha Moise cjiro.

²⁴ Jipihtina Cohamac̄u yare yahu m̄htainape Samue, ã yoa to baharo jiina c̄h̄u mip̄u jia dachori cjihtire yahu m̄htaa tiha. ²⁵ Mari ñ̄ch̄us̄uma cjirire, Cohamac̄u yare yahu m̄htaina cjiri c̄h̄ure panop̄u macainare yahua tiha Cohamac̄u. Mari c̄h̄ure ã ni yahuro nia tiha. Abrah̄are to niriro seheta mari c̄h̄ure ni yahuro nia tiha. Ò sehe ni yahua tiha Cohamac̄u Abrah̄are: “Jipihtiro ahri yahpa macainare noano yoaihtja. Ò sehe tíre yoaihtja: M̄u coyeiro baharo jiriro sehe masare noano yoabasarohca ȳh̄ure”, nia tiha Cohamac̄u Abrah̄are. ²⁶ Cohamac̄u to mac̄nore masa wijach̄u yoaro mari cahap̄u waroca m̄htare mari ñ̄a yoare duhuch̄u yoah tiro noano yoare —niha Pedro tinare.

4

Pedro, João mehne p̄htoa mehne suh̄uduha

¹⁻³ Pedro, João c̄h̄u masa mehne ti durucuro watoi sacerdotia, Cohamac̄u w̄h̄ure cohtaina surara p̄hthora, saduceo curua macaina c̄h̄u tinare t̄hoha. Ò sehe ni buheha Pedro João mehne masare:

—Jesu to yariari baharo masa m̄jaa wahahre. To ã masa m̄jarire ñ̄na mari c̄h̄u baharo to yaina mari masa m̄jahtore masija mari —ni yahua Pedro c̄h̄u.

Ti ã nich̄u t̄hoa p̄htoa sehe tina mehne suaha. ã suaa nahi cahach̄u ñ̄a tina Pedrore, João c̄h̄ure ñ̄aha, peresu yoaha. ⁴ ã tinare peresu ti yoapach̄uta paȳu ti yahure t̄hoina sehe “Potoc̄ata jira”, ni t̄hotuha. ã jia Jesu yaina paȳu waha, tí dachoi wahma to yaina ji d̄caina, ã yoa tó panop̄u Jesure wacū tua tuhs̄urina mehne m̄a sahs̄erore mari quihōch̄u, cinco mil masa s̄ro cahai jiha.

⁵ ã yoa pa dachoi tí maca macaina p̄htoa, b̄c̄na, ã yoa judio masa buheina c̄h̄u Jerusal̄ep̄u

cahmachuha. ⁶ Ti ã cahmachunoi sacerdotea bui puhtoro, Ana wama tiriho cãhu tói jiha. ã yoa to coyea cãhu jiha. Caifa, João, Alejandro, paina mehne Ana coyea cãhu jiha. To coyea to dahraare dahraina jiha tina cãhu. ⁷ ã jia tina Pedro cãhure ti cahmarocachu, surara sehe puhtoa watopu tinare naa wihi dapoha. Ti ã na wihi dapochu, tina puhtoa õ sehe ni sinitu ñuha Pedro cãhure:

—¿Noa ya tuaa mehne musa tirore noariro yoari? ¿Noa jijari musare tíre yoa dutiriro? —ni sinitu ñuha tina.

⁸ Ti ã nichu tãhoro Espíritu Santo to yoa dutiriro seheta to tuaa mehne yahuha Pedro tinare:

⁹ —Musa puhtoa, ¿musa bucuña, sã dohse yoa ahriro tini masierarirore sã tinichu yoarire masi duana, sãre sinitu ñuna nijari musa? ¹⁰ Tí pja pini ahrire masiga musa jipihtina, Israe masa. Jesucristo Nazare macariro, musa crusapu wajãriro, Cohamacu to masoriro tiro sehe ahriro tini masierarirore noariro wahachu yoahre. ã jina ahrirore mipure musa ñurocaroi to tinichu ñuna musa. Õ sehe nina Cohamacu yare ti joari pui Jesu cijhtore yahuro: ¹¹ “Ahriro tãca yoaro sehe jiriho jira. Tãcare wãhu dahreina wiho jiriare ti cohãriro seheta musa judio masa tirore cohãhre. Musa ã yoapachuta mipure wãhu dahreina wãhure yoaa ti cã mãhtari tãcare ti cãriro seheta Cohamacu tirore puhtoro sõhre. Tiro Cristo mariachu Cohamacu yaina wahaeraboa masa. (To ã wiho jiriho jierapachuta musa mari puhtoa mehne tirore cahmaerare. Musa ã cahmaerapachuta Cohamacu sehe tirore mari puhtoro sõhre)”, ni joaha panopu. ¹² Ne, pairo masare pichacapu wahaborinare yãhdoriro ne mariaha. Ahri yahpapure Jesu dihta masare yãhdoriro jira. Ne paina tiro yoaro sehe jiina mariaha —ni yahuha Pedro tinare.

¹³ To ã ni yahuri baharo Pedro, João mehne buhemahnoeraina jipahta cuiro marieno ti buhechu ñua,

puhtoa, bucuña, judio masa buheina mehne ñu cuãa wahaha. ã jia Jesu yoaro sehe ti buhechu ñua, õ sehe masiha tina: “Potocã Jesu mehne macaina tjira ahriro”, ni masiha tina. ¹⁴ ã yoa tini masierariro cjiro Pedro cãhu mehne jiha. Tiro to noariro jichu ñuha puhtoa, bucuña, judio masa buheina mehne. ã jia tina Pedro cãhure “Ñano yoaa nina”, ni yahusã masieraha. ¹⁵ ã yahusã masieraa puhtoa ti cahmachuri tahtiapu jiiinare Pedro cãhure wijaa dutiha. ¹⁶ Ti wijaari baharo puhtoa sehe ti basi õ sehe ni sãhãduha:

—¿Ahrinare dohse yoanahcari mari? —ni durucuha tina ti basi.

Õ sehe ni durucu namoha:

—Pedro, João Cohamacu tuaa mehne tini masierarirore tinichu yoari jire. ã jia Jerusalẽ macaina jipihtina ti ã yoarire masica. ã jina mari sehe “ã yoaerare tina” ni masieraja mari. ¹⁷ ã jina Jesu to buheri cjirore painare buhe dutiena tjijihna tinare, “Paina tí buheare cahmari”, nina —ni durucuha tina ti basi.

¹⁸ ã ni durucu tuhsua Pedro cãhure pjiroca, õ sehe niha:

—Jesu to buheri cjirore ne buhena tjiga painare. Tíre ne durucu namoena tjiga —ni yahumaha tinare.

¹⁹ Ti ã ni yahuchu tãhoa tina Pedro João mehne õ sehe ni yãhtiha tinare:

—Musa õ sehe ni dutichu musare yãhtina, Cohamacu sehere yãhdurucana niboca sã. ¿Diro ya sehere sã yoachu quihõno jijari Cohamacu to ñurocarore? ¿Musa ya sehere sã yoachu quihõno jijari? ¿Cohamacu ya sehere sã yoachu quihõno jierajari, musa tãhotuchu? ²⁰ Sã sehere sã ñurire, sã tãhorire sãre yahto basioerara —ni yãhtiha Pedro, João mehne.

²¹ Ti ã nichu tãhoa puhtoa sehe pari turi dutimaha tjoa tinare:

—Jesu to buherire musa buheri buhiri ñano yãhdunahca musa —niri jimare puhtoa tinare.

“João, Pedro mehne ñano yoaa nina”, ni masierari jire tina. ã jia

masa sehe tini masierariro to noariro wahachu ñua, “Cohamacu potocata noariro jira”, niha masa. Ti ã nichu tãhoa puhtoã sehe Pedro cãhare ti dohse yoa buhiri dahreboare bo-caeraa, tinare wioha. ²² Tini masierariro, noariro ti yoariro cuarenta cãmari bui cãmariro jiha.

Jesu yaina ti cuierahto cjihtore siniha Cohamacure

²³ Æ yoa, Pedro João mehne ti wiori baharo tina mehne macaina cahapusa, sacerdotea puhtoã, bucuna jipihtia tinare ti niri cjirore yahuha. ²⁴ Ti ã ni yahuchu tãhoa tina jipihtina cãno potori Cohamacure siniha:

–Sã puhtoro mũhu mũanore, yahpare, mári cãhare yoariro jipihtina catinare bajuamehneriro jira mũhu. ²⁵ Mũ Espiritu Santo sã ñuchu cjirore Davire mũ cahamacunore ahrire yahu dutia tiha mũ niriro seheta:

“¿Dohse yoa Israe masa jieraina suajari?

¿Dohse yoa Cohamacure ti yuhdurucachitire wiho waro durucujari tina?

²⁶ Payu yahpari macaina puhtoã cahmachu, mari puhtoro Cohamacure, to puhtoro sãriro Cristo cãhare ñu tuhti, ñano yoa duara tinare”,

ni yahua tiha Davi cjiro mũ ni dutirotiro seheta.

²⁷ Æ tjira. Ahri macai Herode, Poncio Pilato, judio masa jieraina, ã yoa judio masa cãhu cahmachuhre, mũ beserirore Jesure noariro mũ cahamacunore wajãa taa. ²⁸ Tí pja mũ cahmariro seheta “Æ waharohca”, mũ niriro seheta yoahre tina. Mũ masia mehne ã ni yahuha mũhu. ²⁹ Æ jicu mipure sã puhtoro, tina sãre purĩno mehne mũ jia tiare ti yahu namo dutierachu wacũ payoga mũhu. Sãre mũ cahamacare cuiro marieno mũ buheare yahuchu yoaga sãre. ³⁰ Mũhu mũ tuã mehne dohatiinare noaina yoaga. Æ jicu mũ buheare cuiro marieno yahu dutiga sãre. Æ yoa Jesu noariro mũ cahamacuno to tuã mehne yoa ño masichu yoaga sãre. Æ

jicu dohatiinare noaina sã waha dutichu to tuã mehne yoadohoga sãre –ni siniha tina Cohamacure.

³¹ Ti ã ni siniri baharo, ti cahmachuri wũhu ñuhmi mũaa wahaha. To ã ñuhmichuta Espiritu Santo to tuã mehne wacũ tua namoina wahachu yoaha tinare. Tinare ã wahachu Espiritu Santo to dutirotiro seheta yoaa, cuiro marieno Cohamacu yare yahu namoha tjoa tina.

Jesu yaina ti yare tju waa tiha

³²⁻³³ Æ jia Cohamacu to tuã mehne tina Jesu to cãrina õ sehe ni yahua tiha masare: “Jesu yariariro to masarire sã ñuhi”, ni yahua tiha tina masare. Æ jiro tinare jipihtinare Cohamacu noano yoadohorucua tiha. Æ yoa Jesure wacũ tuaina payu jia, tina cãno potori tãhotuina jia tiha. Æ jia tina ti yare ti cãaare “Yu ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha. ³⁴ Æ jia tina mehne macaina pjacũoina mariea tiha. Tina mehne macaina yahpari cãina, wũhuse cãina ti yare duãa tiha. ³⁵ Æ duãa ti wapa narire tina na ta, Jesu to cãrinare waa tiha. Æ jia tina sehe tíre tina mehne macainare tju waa tiha. Jipihtina cãaerainare tju waa tiha. ³⁶ Tí pjare cãiro tina mehne macariro José wama tirirotiro jiha. Jesu to cãrina Josére Bernabé ni wama pisuha. To wama Bernabé “Masare wahchechu yoariro jira”, nia nina. Tiro Leví ya curua macariro Chipre nũco macariro jiha. ³⁷ Æ jiro tiro yahpare cãmariro jiro tíre duaha. Æ duaro to wapa narire Jesu to cãrinare waha tiro painare witi dutiro.

5

Anania to namono Safira mehne mahñoha

¹ Paina cãhu Bernabé yoaro sehe yoaa timaha. Tina Anania wama tirirotiro, to namono Safira wama tirirotiro jiha. Ti ya yahpare duaha tiro. ² Æ duaparota tiro to wapatarire to basi naha. To namono cãhu to ã

yoarire masiha. Æ jiro ti wapataa ti dũharire na ta, Jesu to cũrinare waha Anania sehe. Æ waro “Wa pahñoi nija”, nimaha tiro. ³To ã yoachũ ñũno Pedro tirore õ sehe ni yahuha:

–Anania, watĩno mũhũre mahñõ dutiri jire Espĩritu Santore. Æ jicũ mũ ya yahpare dua, mũ wapatarire mũ basi nari jire mũhũ. ⁴Mũ duahto pano mũ ya yahpa jihre. Æ jiro mũ duari baharo mũ ya wapataa jihre. ¿Æ yoacũ dohse jiro barõ ã mahñõri mũhũ? Mũhũ sã dihtare mahñõerare. Cohamacũ cũhũre mahñõhre mũhũ – niha Pedro tirore.

⁵To ã nichũ tũhorota, Anania sehe doca caha sũ, yariaa wahaha. Æ jia jipihtina tiro to ã wahachũ masia, turo cuiha. ⁶To yariari baharo wahma yapia ta, to pjacũre suhtiro cahsaro mehne wahma, sopacapũ na wijaa, masa copapũ cohãnocaha tirore.

⁷Æ yoa tia hora baharo Anania mũnano namono, to yariarire masieraro Pedro cahapũ sãaha. ⁸Æ jiro Pedro ticorore õ sehe niha:

–¿Mũsa ya yahpare duatjiãhna noho puro wapatarĩ mũsa? –niha tiro.

Æ jiro ticoro to manũno mũnano to niriro purota, “Tõ purota wapatahi sã”, ni yũhtimaha ticoro.

⁹To ã ni yũhtichũ tũhoro Pedro õ sehe ni yahuha ticorore:

–¿Dohse yoana mũsa cãno potori Cohamacũ Espĩriture mahñõ duajari? “¿Potocãta marine buhiri dahrebocari?” nina. Tũhoga mipũre. Mũ manũ cjirore yarina tara. Mũhũ cũhũre mũ pjacũre naa taa nina – niha Pedro.

¹⁰To ã ni yahuchũta ticoro doca caha sũ, yariaa wahaha. Æ jia wahma yapia tí wũhũre sãa wihi, ticoro pjacũre na wijaa wahaha. Na wijaa, to manũno mũnano pari wahpa ticoro pjacũre masa copapũ cohãha. ¹¹Æ jia Jesu yaina jipihtina paina tíre tũhoa cui yũhdũa wahaha.

Jesu to cũrina Cohamacũ tuaa mehne yoa ñoha

¹²Æ yoa masa watõi Jesu to cũrina payũ tahari Cohamacũ tuaa mehne yoa ñoa tiha. Æ yoa tina Salomo wama tiri tahtiapũ tihamahnoeni tahtiapũ cahmachua tiha. ¹³Æ jia paina Jesu yaina jieraina sehe cui curea, tina cahapũ wahaera tiha. Æ cuipahta tinare Jesu yaina warore “Noaina jira ahrina”, nia tiha masa. ¹⁴Æ jia mũa, numia payũ Jesure wacũ tua dũcaa tiha. ¹⁵Æ jia tina dohatiinare na ta, coma yosaa mehne pjũpaha duhu cũa tiha mahapũ tinare. Æ yoa Pedro tinare to ña payochũ cahmaha tinare na taina sehe dohatiina ti noaina wahachũ cahmaa. Tinare to ña payoerachũ Pedro ti bui masũrũca cũchũ cahmaha tina. Tĩ dihtare cahmaa tiha ti noaina wahahto sehe. ¹⁶Æ jia Jerusalẽ cahai jia macari macaina cũhũ dohatiinare, watĩa ti sãaina cũhũre na taa tiha. Tĩ ã na tachũ tina jipihtina ti pjacũri noaina wahaha.

Jesu to cũrinare paina ñano yoa tiha

¹⁷Tĩ ã yoachũ ñũa sacerdotea bui pũhtoro, tiro mehne macaina mehne Pedro cũhũre ñũ tuhtiha. Sacerdotea pũhtoro mehne macaina saduceo curua macaina jiha. ¹⁸Æ ñũ tuhtia tina sua yũhdũa Jesu to cũrinare ñaha, peresu yoaha. ¹⁹Æ jiro ñamipũ Cohamacũ yairo anjo pjõoha tinare peresui dujiinare. Æ yoa tinare wijaa ta dutiro õ sehe ni yahuha anjo:

²⁰–Cohamacũ wũhũpũ wahaga. Tĩ wũhũpũ jina Cohamacũ to masorire ahri noaa buheare yahuga masare – niha anjo tinare.

²¹To ã nichũ tũhoa, ñamiwacũnu jichũ Cohamacũ wũhũpũ sãa, masare buhea tiha tina. Tĩ dachõhta sacerdotea pũhtoro, tiro mehne macaina, Israe masa pũhtoa mehne cahmachu, Jesu to cũrinare peresupũ jiinare na ta dutimaha surara pũhtoare. ²²Wiho mejeta surara pũhtoa peresu ti yoari wũhũpũ waha, ñũmaha. Tinare bo-caeraha. Bocaeraa tjuaa wahaha. Tju sũ õ sehe ni yahuha ti pũhtoare:

23 –Peresup_u jia pahmari bihaa pahmari jihre. ã jia tí pahmari चाहै ti peresu yoarinare cohtaina ti ducuch_u ñ_uhi sã. Wiho mejeta pjõo sãa, sã ñ_uch_u, ti peresu yoarina mari-ahre –ni yahuha tina.

24 Ti ã nich_u tãhoa, surara Cohamac_u wãh_ure cohtaina pãhtoro, sacerdotea pãhtoa mehne tíre tãho, cãaa waha, “¿Dohse waha sohtori tiahc_u tina ã yoaa?” ni tãhotuha tina.

25 ã jiro tina cahap_u paio s_u, tinare õ sehe ni yahuha:

–M_usa peresu yoarina Cohamac_u wãh_up_u jihre. Ñ_una waha wiho. Tí wãh_up_u masare buhea nihre tina –ni yahuha.

26 To ã nich_u tãhoro, surara pãhtoro, to surara mehne waha, Jesu to cãrinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuia cjãeraha tinare. “Ahrinare mari cjãch_u paina masa sehe tãa mehne docaahca marine”, ni tãhotuha tina surara sehe. 27 ã jia tinare na ta, pãhtoa panoi duhu dapoha tina. Ti ã na wihi dapoch_u sacerdotea pãhtoro tinare õ sehe ni tuhtiha:

28 –M_usare sã tuaro dutimahi. “Jesu yare buhena tjiga”, nimahi sã m_usare. Sã ã nipach_uta m_usa sehe jipihtina Jerusalẽ macainare buhehre m_usa. Jesu to yariari buhiri, sãre buhiri tich_u yoa duana nica m_usa –niha pãhtoro sehe.

29 To ã nich_u tãhoro Pedro sehe paina Jesu to cãrina mehne õ sehe ni yãhtiha:

–Cohamac_u to dutiri sehere yoa mãhtanahtja. ã jina baharo Cohamac_u cahmach_u masa ti dutiare yoanahtja. 30 Cohamac_u, mari coyea panop_u macaina pãhtoro, Jesure masori jire. Tirota jira m_usa crusap_u cjã puha wajã dutiriro. 31 Jesure “Noariro jira” ni, to poto buh_usehei duji dutihre Jesure Cohamac_u sehe. ã jiro Jesu masa pãhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari

buhirire cohã duara Jesu. 32 ã jina sã sehe Jesu to yoarire ñ_urina jina tíre yahuja sã. Espíritu Santo tíre ñ_uriro jiro yahura tiro cãh_u. Tirore Espíritu Santore Cohamac_u waroc-ahre. Jipihtina Cohamac_u dutiare yoainare tiro Espíritu Santore wahre –ni yahuha tinare.

33 To ã nich_u tãhoa pãhtoa sehe sua yãhd_uaha. ã suaa, tina Jesu to cãrinare wajã duamaha. 34 Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pãhtoa mehne macariro, dutiare buheriro to jich_u, masa tirore ño payoa tiha. Tiro Jesu to cãrinare mahanocã cohta dutiro pa sehép_u tinare naa wahcã dutiha surarare. 35 Ti ã naari baharo tiro õ sehe ni yahuha masare:

–M_usa Israe masa, ahrinare m_usa yoah_utire noano tãhotuga “M_usap_u wajãri”, nina. 36 Wacũga Teuda cjirore. Tiro to basi “Masare yãhd_ur_ucariro jija yãh_u”, nire masare. To ã yoach_u ñ_ua, masa pay_u cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. ã jia tina cjiri mip_ure mariahna.

37 Baharo masare ti quihõri pja jich_u Galilea macariro Juda wama tiriro cjiro masare to buhech_u tiro mehne masa pay_u tjuare. Tiro cãh_u yariaa wahari jire. ã yoa to yaina jipihtina waha sitea wahari jire.

38 ã nic_u m_usare mip_u ahrire nii nija. ã ñ_unocahga ahrinare Jesu yare yahuinare. ã yoa ahri buhea, ahri na ti ya buhea Cohamac_u ya buhea jieraa, pihtia wahaahca Teuda cãh_u ti ya buhea ti pihtiriro seheta.

39 Wiho mejeta ahri Cohamac_u ya buhea jia, ne pihtisi. Ahri buhea Cohamac_u ya jich_u ne ahrire butich_u yoa masierara m_usa. M_usa ahrire butich_u yoa duana Cohamac_u mehne cahmachena niboca m_usa –niha Gamalie tinare.

40 To ã ni yahuch_u tãhoa, “Potocã

tjira”, ni tūhotuha masa. Ā jia tina Jesu to cūrinare pjiroca, ti wihichū ñūa, tinare tjanaha. “Jesu yare buhe namoena tjiga mūsa”, ni tuhsū, tinare waha dutiha. ⁴¹ Ti ā waha dutichū tūhoa tina pūhtoa cahapū jirina cjiri waha wahaha. Jesu yare ti yoari buhiri ñano yūhdūa tuaro wahcheha Jesu to cūrina. ⁴² Ā jia dachoripe Cohamacū wūhū cahai jia waparihi, ti ya wūhūsei Cristo yare buhea, yahua tiha tina.

6

Siete yoadohinare beseha Jesu yaina

¹ Tí dachoripe Jesu yaina payū waha. Wiho mejeta ti ā waharo wato, cū curua macaina judio masa jipahta, pa sehēpū masa bajuaina griego ya durucuina jiha. Ā jia tina tóita masa bajuaina hebreo ya durucuinare ō sehe ni tūhotu, nureha: “Dachoripe masare yoadohoare ti witichū, mari griego ya durucuina wapewahya numia sehere daacā waro wara”, ni tūhotu, nure cohtaha. ² Ti ā nurechū masia, Jesu cūrina, doce jiina sehe jipihitina Jesu yainare ti cahapū pjiroca, ō sehe ni yahua tinare:

—Sā Cohamacū yare buheina jija. Tíre duhu, masare yoadohoare witi-borina sā jirucuchū tó wahaerara. ³ Mūsa sā coyea, siete mūare, paina noaina ti niinare Espíritu Santo to dutirire yoainare, noano tūho masinare macaga. Tinare ahri dahraare cūga mūsa. ⁴ Wiho mejeta sā sehe dachoripe Cohamacūre sini mūja, Cohamacū yare painare buhenahca —ni yahua tina Jesu to cūrina.

⁵ Ti ā nichū tūhoa, “Jai. Āta yoajihna”, niha tina jipihitina Jesu yaina. Baharo Estebāre Cristore wacū tuarirore, Espíritu Santo to dutiare yoarirore beseha tina. Ā jichū Felipere, Prócorore, Nicanore, Timore, Parmenare, Nicola cūhūre Jesu yainare yoadohohtinare beseha tina. Nicola sehe Antioquía macariro, judio masūno jierariro, judio masa ya buheare cahmano, tina mehne

sāariro jiha. ⁶ Tinare bese tuhsū, ti beserinare Jesu cūrina cahai na wihaha tina. Ti ā na wihichū ñūa, tina Jesu cūrina sehe tinare Cohamacūre sini payo tuhsū, ti dapu poca bui ti wamomacarine duhu payoha.

⁷ Ā yoa Jesu yaina painapūre Cohamacū yare yahu site pahūoa waha. Ā jia Jerusalēpū jiina paina Jesu yaina payū waha namoha. Sacerdotea cūhū payū Jesu yaina wahaha.

Paina Estebāre ñahaha

⁸ Ā yoa cūiro masare yoadohoare witi cohtariro Estebā sehe Cohamacū to noano yoariro ji, Cohamacū tuaare cjūariro jiha. Ā jiro tiro Cohamacū tuaa mehne yoa ño mūjaha masa ti ñūrocaroi. ⁹ Wiho mejeta judio masa buheri wūhū macaina tirore ñū tuhti, to yahuchū, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. Ā jia Cirene macaina, Alejandría macaina, Cilicia macaina, ā jichū Asia macaina cūhū jiha tina. ¹⁰ Tirore soro ni cohtapahta, Espíritu Santo to masia mehne Estebā to durucu mihnichū, tina to buheare ti dohse soro ni yūhtiboare wacū bocaeraha. ¹¹ Ti soro ni yūhtiboare wacū bocaeraa, tina painare mahūo dutia, wapaha tinare. Ti ā mahūo dutichū ō sehe ni yahusāmaha tina:

—Ahriro Cohamacūre, ā jichū Moise cjirore Cohamacū to cūri dutia cūhūre to ñano durucuchū sā tūhohi —ni yahusāmaha tina mahūoina Estebāre.

¹² Ti ā nichū tūhoa masa, judio masa buheina, būcūna cūhū tiro mehne suaha. Ā jia tina Estebāre ñaha, ti pūhtoa cahapū naaha tirore. ¹³⁻¹⁴ Ā yoa tina painare mahūo dutiha:

—Ahriro dachoripe Cohamacū wūhūre, to dutia cūhūre ñano durucuriro jira. Tūhohi sā tirore to ō sehe nichū: “Jesu Nazare macariro Cohamacū wūhūre cohā, ā yoa Moise dutiri cjiri, marine to yahu cūri

cjirire cohtotarohca”, nihre Estebã sã tũhochũ –ni mahño yahusãmaha tina.

¹⁵ ã jia jipihtina tói dujiina Estebãre noano ñũroca õ, to wũhdũare ñũha tina. Anjo yoaro sehe bajuha to wũhdũa.

7

Estebã Jesu yare yahuha

¹ ã yoa sacerdotea bui pũhtoro õ sehe ni sinitu ñũha Estebãre:

–¿Ahrina ti nia potocã tjijari? –ni sinitu ñũha tiro Estebãre.

² To ã nichũ tũhoro, Estebã sehe tinare õ sehe ni yũhtiha:

–Coyea, bũcũna sã pũcũsuma tũhoga. Abrahã mari ñũchũ cjiro panopũ macariro Mesopotamiapũ to jisnichũ, Harãpũ to jihto pano, Cohamacũ tuariro si siteriro sehe tirore Abrahãre bajuaa tiha. ³ ã bajuaro, Cohamacũ õ sehe ni yahua tiha tirore: “Mũ ya yahpare, ã jichũ mũ coyea poto cũhũre duhunoca, wahaga. Pa yahpa, yũ mũhũre ñohti yahpapũre wahaga”, nia tiha Cohamacũ Abrahãre. ⁴ To ã nichũ tũhoro Abrahã cũhũ Caldea yahpai jiina wijaa, Harãpũ sũ, jisinia tiha. Abrahã pũcũro to yariari baharo, tiro cũhũ tí macai wijaa, ahri yahpa, mipũ mũsa jiri yahpapũ Cohamacũ yoadohoro mehne taa tiha. ⁵ Cohamacũ Abrahãre õpũ sũho na taparota, tirore dói “Ahri yahpa pũro jiga”, ni cũerasinia tiha. Ne mahanocã ahri yahpare, “Pũ tiga mũhũ”, ni dutierasinia tiha tiro. Wiho mejeta Abrahã pohna marieriro to jipachũta, Cohamacũ sehe tirore õ sehe ni yahu mũhtaa tiha. “Mũhũre ã jichũ mũ panamana, pa tjuru macainapũ cũhũre ahri yahpare waihtja”, nia tiha Cohamacũ Abrahãre. ⁶ ã ninota õ sehe ni yahu namoa tiha Cohamacũ. “Mũ panamana pa tjuru macaina pa yahpapũ waha, tópũ paina cahapũ jia, ti cahamaca jiahca tina. Tuhsũ, cuatro cientos cũhmari waro tó macaina ñano yoapeahca mũ panamanare. ⁷ ã jicũ tó macainare ti ã yoari buhiri buhiri dahreihitja yũhũ.

Yũ ã yoari baharo mũ panamana ji turiaina ahri yahpapũ wihi, yũhũre ño payohtina jiahca tina”, nia tiha Cohamacũ Abrahãre. ⁸ To ã ni yahu cũare ti noano wacũrucuhto sehe, õ sehe yoa turia wahcã dutiha tirore. Mũno pjacũre mahanocã cahsarocãre yihso na dutia tiha tirore. ã jiro ocho dachori to macũno Isaare to pohna tiri baharo, mahanocã cahsarocãre yihso naa tiha tiro Isaa pjacũre. Baharo Isaa Jacobore pohna ti, to pjacũ cũhũre mahanocã cahsarocãre yihso naa tiha. Baharo Jacobo cũhũ doce to pohnare ã dihta yoaa tiha ti pjacũrire. Tina doce mũsa sehe tópe curuari, mari masa curuari dahpoto macaina cjihti jia tiha.

⁹ ã yoa baharo, tina Jacobo pohna, mari ñũchũsuma cjiri, ti bahũro Josere pahsu tia, paina ti cahamacũno cjihtore duanocaa tiha Egiptopũ wahainare. Ti ã yoapachũta, Cohamacũ Josere yoadohoa tiha. ¹⁰ Jipihti tí to ñano yũhdũare Cohamacũ tirore noano yũhdũchũ yoaa tiha. Cohamacũ tirore noano tũho masichũ yoaa tiha. ã yoa faraõ Egipto macaina pũhtoro sehene Josere ñũ ji coachũ yoaa tiha. ã jiro faraõ sehe Josere pũhto sõa tiha, tiro mehne masare dutihtiro cjihtore. Tirore faraõ ya wũhũ cũhũre pũhtoro cũa tiha.

¹¹ ã yoa tí pjapũre Egiptopũ, Canapũ cũhũre paró ne coro taeraa, yahpa sehe wũaa sãa wahaa tiha. To ã wũa sãa wahachũ, masa ti toamari cũhũ ñai pihtia wahaa tiha. ã jia mari ñũchũsuma cjiri ñano yũhdũa, ti chũboare ne bocaeraa tiha. ¹² Wiho mejeta Egiptopũ “Trigo jiyuhca”, ti nichũ tũhoro, Jacobo sehe to pohnare, mari ñũchũsuma cjirire tópũ coã warocaa tiha. ¹³ Baharo pari turi to warocarina cjiri Egiptopũ ti sũchũ tjoa, José to wahmisũmare “Mũsa bahũta jia yũhũ”, ni yahu, tinare masichũ yoaa tiha. Tí pja pũhtoro faraõ sehe José coyeare coã ñũno nia tiha. ¹⁴ Baharo José to wahmisũmare, ti pũcũro Jacobore, ã jichũ jipihtina

ti coyea cūhure cahmarocaa tiha. To coyea setenta y cinco masa jia tiha. ¹⁵ To macuno to pjirocachū tūhoro Jacobo cjiro wahaa tiha Egiptopū to macuno cahapū. To macuno cahapū jiro, tiro yariaa wahaa tiha. Ā yoa to pohna, mari nūchusuma cjiri cūhū tórpū yaria pihtia wahaa tiha. ¹⁶ Tina ti yariari baharo, ti coyea ti pjacūri cjirire Siquē wama tiropū naa tiha. Tórpū na sū, tāa coparipū Abrahā Hamor pohmare niñeru mehne to nuchūri yahpapū tina ti pjacūri cjirire cūa tiha.

¹⁷ Ā yoa Cohamacū Abrahāre “Canaa yahpare waittja mūhure”, to ni cūriro cjiro mū sūro cahachū, Abrahā panamana, Israe masa, Egiptoī jisinia payū wahaa tiha. ¹⁸ Ti ā payū wahari baharo, paio faraō, Egipto masa pūhtoro José cjirore masierariro sāa tiha. ¹⁹ Tiro mari coyeare mahño, ñano yoa, ti pohmare mūa pohmare wajā dua, cohānoca dutia tiha tinacāre. Wahma bajuainacāre cohā dutia tiha “Tinacā yariajaro”, nino. ²⁰ To ā yoaro watoi Moise cjihto sehe masa bajuaa tiha. Tirocā noariro, Cohamacū to noano ñū jicoariro jia tiha. Tia sū waro to pūcusuma tirocāre noano ñū wihboa tiha. ²¹ Ā jiro Moiserere nūo namo masieraa, diarpū tirocāre pūhūroi comape mehne ti bihari pūhūroi poho būroha. Ti ā yoachū faraō macono tirocāre ñū boca, na maja, to macunore yoaro seheta cjuaa tiha tirocāre. ²² Ā jia tina Egipto macaina, noano masiina ya jipihtiare Moiserere buhe būcūoa tiha. Baharo, ne cuiro marieno durucuriro, pūhtoa jia tia cūhure mihni yūhdūrucū sūriro wahaa tiha Moise.

²³ Ā yoa tiro cuarenta cūhmari cjuaro to coyea Israe masare ñū duaro ti cahapū ñūno wahaa tiha. ²⁴ Tórpū ñūno sūro, Egipto macariro cūiro Moise coyeirore to ñano yoachū ñūa tiha. Tiro to ñano yoaborirore dūcata duaro, Egipto macariro sehere wajā cohānocaa tiha. ²⁵ Ā wajā cohāno, Moise ō

sehe ni tūhotua timaha. “Yū coyea ti coyeirore yū yoadohochū ñūa ‘Cohamacū marine noano yūhdūchū yoa dutiro warocare ahrirore’, ni tūhotuahca yū coyea”, ni tūhotua timaha Moise. Wiho mejeta tina sehe ne ā ni tūhotueraa tiha. ²⁶ Pa dachoi Moise to coyeare pūaro ti basi cahmacheinare boca sūa tiha. Ā boca sūro, tinare yahu duaro tinare ō sehe ni yahua timaha: “¿Mūsa basi jipanahta cahmachejari mūsa?” ni yahua timaha Moise tinare. ²⁷ To ā ni yahuchū tūhoro, cūiro to coyeirore ñano yoariro sehe Moiserere tjurocaa tiha. “Mūhū sā pūhtoro jierara. Sāre yahuboriro jierara mūhū. ²⁸ ¿Canūre Egipto macarirore mū wajāriro seheta yūhū cūhure wajā duacū nijari mūhū?” nia tiha tiro Moiserere. ²⁹ To ā nichū Moise tūho cūaa waha, mūrocaa duhti wahcā, Madiā yahpapū wahaa wahaa tiha. Tórpūre pa sehe macariro jiparota, numino boca, pūaro pohna tia tiha.

³⁰ Ā yoa Moise cuarenta cūhmari waro tói to jiri baharo, Sinaí wama tidū tūcū cahai masa marienopū to jichū anjo tirore bajuaa tiha. Anjo sehe mahadūcā jūri picha pohnai bajuaa tiha. ³¹ Tū yucūcūcārpū to jūrucuchū ñūno, Moise ñū cūaa wahaa tiha. Tí pichacare cahacā noano to ñū wahcāchū waroi Cohamacū to durucuchū tūhoa tiha. ³² “Cohamacū jija yūhū. Mū ñūchusuma cjiri, Abrahā cjiro, Isaa cjiro, Jacobo cjiro ti ño payoriro jija”, nia tiha Cohamacū Moiserere. To ā nichū tūhoro Moise sehe tetere, ne ñū wahcōeraa tiha. ³³ Cohamacū ō sehe ni durucu namoa tiha tirore. “Yūhū ñaa marieriro yū ōi jiro wato, mū ducuri yahpa sehe wiho jiri yahpa jierara. Ā jicū mū dahpo suhtire tjuwe cūga. ³⁴ Ā yoa yū yaina masa Egiptopū ti ñano yūhdūchū ñūja. Ti tiichū tūhoja. Ā jicū ōrpūre wihija yūhū, tinare yūhdū witichū yoai tai. Ti ā wahachū, ñūcū wahaga mūhū cūhū. Egiptopū mūhure warocaihtja. Tinare na wioi wahaga”, nia tiha Cohamacū Moiserere.

³⁵ 'Tó panopu tina sehe mari coyea, Israe masa Moisere cahmaeraa tiha. "Muhu sā puhtoro jierara. Muhu sāre yoadohoboriro jierara", ni tuhtia tiha tina tirore. Wiho mejeta baharo, Cohamacu ti ā niriro cjirore Egip-topu warocaa tiha, mari coyea Israe masare yuhdu witichu yoah tiro, ā jichu ti puhtoro jihtiro cjihtore. Ā yoa anjo, tirore judapu bajariro sehe to ā yoah tirore. ³⁶ Moise jia tiha mari coyea, Israe masare Egip-topu jiiinare na wioriro. Tinare na wioro, Egip-topu Cohamacu tuua mehne tiro sehe yoa ño ducaa tiha tópu jiiinare. Pjiri ma sohāri mapu āta yoa ñoa tiha tjoa. Baharopu masa marienopu cūhure cuarenta cūhmari waro Cohamacu tuua mehne yoa ño mujaa tiha tiro to masare. ³⁷ Ā yoa Moise cjiro jia tiha mari coyea, Israe masare ō sehe ni yahuriro: "Cohamacu cūiro musa coyeiro, to yare yahu mūhtahtiro, yu yoaro sehe jirirore warocarohca musare", nia tiha Moise tinare. ³⁸ Moise masa marienopu mari coyea Israe masa mehne jia tiha. Tuhsu, Sinaí wama tidu tūcupu ti cahmachuchu tirore yahuriro anjo mehne jia tiha. Ā yoa mari ñuchusuma panopu macaina cjiri mehne jia tiha tiro. Cohamacu to dutiare cūriro jia tiha Moise.

³⁹⁻⁴⁰ 'Ā jia tí dutiare tūcui Moisere to cūno watoi mari ñuchusuma cjiri Egip-topu tjua duua Moisere yuhdurucua tiha. Tina tirore cahmaeraa tiha. Ā cahmaeraa tina Moise cjiro wahminore Aarō wama tirore cjirore ō sehe nia tiha: "Paina cohomanare yoaga mari yaina cjihti. Tina mari wahahti mahare marine sūho naahca. ¿Wiho mejeta marine Egip-topu jiiinare na tariro Moise dohse wahari tiro? Masieraja sā", nia tiha tina. ⁴¹ Ā jia tí dachorire tina wachu masure uru mehne yoaa tiha. Ā yoa tuhsu, tina wahiquinare wajā, ti yoariro cjiro cahai na ta, ño payoa tiha tirore. Ā jia tina ti yoariro cjirore wachure ñu, wahche,

bose numu yoaa tiha. ⁴² Wachure ti ño payochu ñuno, Cohamacu tinare cohā wahcāa wahaa timaha. "Yuhure cohā, muanopu bajuaa, sū dacho macariro, sū ñami macariro, ā yoa ñahpichoha poca cūhure ño payowahnojarō", nino cohā wahcāa wahaa timaha. Cohamacu yare yahu mūhtaina cjiri ā ni joaa tiha:

"Musa Israe masa, yuhure nu ñano yoare.

Masa marienopu cuarenta cūhmari waro jina wahiquinare musa wajāinare musa wajā, jū wa mūopanahta, yuhure musa ño payoboriro sehetā yoamare musa.

Wiho mejeta yuhu sehere musa ño payoerare.

⁴³ Ā jina musa Molo wama tiri masure ño payoina jina, tí masure ño payori wuhure cūare musa.

Ā yoa paio cohamacu ñahpichohaca Refā wama tiria to masure musa yoariare musa cūare tjoa.

Tí masurine musa yoarire musa ño payore.

Musa ā yoari buhiri musare Babilonia sie sehēpu cohārocāihtja yuhu",

ni yahu joaa tiha Cohamacu yare yahu mūhtaina cjiri.

⁴⁴ 'Ā jia masa marienopu Cohamacu masa mehne to jiri wuhure wahiquina cahsari mehne ti yoari wuhure cūaa tiha mari ñuchusuma cjiri panopu macaina. Tí wuhu Cohamacu masa mehne to durucuri wuhu jia tiha. Tí wuhuru Cohamacu dutia to joaa pjīni tāa pjīni jia tiha. Tí wuhure Cohamacu Moisere to ñoriro sehetā, "Ō sehe yoaga", to ni yoa dutiro sehetā yoaa, tí wuhure cūaa tiha tina. ⁴⁵ Ā yoa ti panamanapu cūhu cūa turia nūnu tia tiha tí wuhure, wahiquina cahsari mehne ti yoari wuhure. Baharo mari ñuchusuma cjiri Josué mehne Cohamacu mari coyea Israe masare to cūhti yahpapure, ahri yahpapure pu tia taha. Ti pu tia tachu ahri yahpai ji mūhtaina cjirire Cohamacu

cohānoca tiha. Tí pjare Cohamacure ti ño payori wuhure na taa, cjuaa tiha tina ahri yahpamu, mipure mari jiri yahpamu. Pm Davi cjiro to jiri tjurupmu cjuaa batoa tiha tí wuhure. ⁴⁶ Tiro Davi cjiro sehe Cohamacure wahchechmu yoariro jia tiha. Cohamacu ya wuhmu cjihtore pa wuhmu tiro yoa duaro, sinia timaha Cohamacure. ⁴⁷ To ã sinipachuta Salomopmu Cohamacu ya wuhmu sehere yoaa tiha. ⁴⁸ To ã yoapachuta Cohamacu Jipihtina Bui Jiriro sehe masa ti yoari wuhupure jierara. Õ sehe nia tiha Cohamacu yare yahu mhtariro cjiro:

⁴⁹ “Mmano yu dujiro jira.

Tói dujicu dutija yuhmu.

Ã jiro yahpa sehe yu dahporire duhu payoro yoaro sehe jira.

Yuhmu tua yuhduariro jija.

Yu ya wuhmu cjihtore yoa masierara musa.

Cohamacu yu jichu yu jihti wuhure musa yoa masierara.

⁵⁰ Yu basi ahri yahpare jipihtiro yoahi yuhmu’, ni durucua tiha Cohamacu”,

ni joaa tiha Cohamacu yare yahu mhtariro cjiro.

⁵¹ Mmusa Cohamacu yare tuhopenahtawato, tirore yuhti duaerara. Cohamacure masieraina yoaro sehe tuhutuina baro jira musa. Espiritu Santore yuhduarica yuhduara musa. Mmusa ñuchusuma cjiri ti yoariro cjiro seheta yoara musa cūhu. ⁵² Mmusa ñuchusuma cjiri jipihtina Cohamacu yare yahu mhtaina cjirire ñano yoaa tiha. Tina Cohamacu yare yahu mhtaina cjiri “Baharo cāiro ñaa buhiri Marieriro tarohca”, ti ni yahu quihō mhtachmu tūhoa, musa ñuchusuma cjiri sehe tinare wajāa tiha. Æ yoa mipu cūhure tiro “Ñaa buhiri Marieriro”, tó panopmu ti niyuriro sehe õpumu to wihichmu, “Muhmu mehne macaina jija”, ni ji mahño, tirore wajāhre. ⁵³ Cohamacu dutiare anjoa sehe yahu turia timaha musare. Ti ã yahu turiachmu musa tí dutiare cjamaha. Wiho mejeta

tí dutiare yuhduarica musa —niha Estebã.

Tina Estebãre tãa poca mehne doca wajāha

⁵⁴ To ã nichmu tūhoa tina sehe tuaro suaha. Æ tuaro suaa, cuaina wahaha. ⁵⁵ Ti ã suapachuta Estebã sehe Espiritu Santo mehne wacū tuariro to tuaa mehne manopmu ñuroca mmo, Cohamacu si siteare ñuha. Æ yoaro Cohamacu poto buhusehei Jesu to ducuchmu cūhure ñuha tiro. ⁵⁶ Æ ñuroca mmono, õ sehe niha:

—Ñu mmooga musa. Manopmu mahanocã to tjuwe mūachmu, Jesu Cohamacu to warocariro Cohamacu poto buhusehei to ducuchmu ñuja yuhmu —niha Estebã tinare.

⁵⁷ To ã nichmu tūhoata tina tuaro sañurucu, ti cahmo coparire bihanoca, cāno potori tiro cahapmu muroca wahcã, tirore ñahaha. ⁵⁸ Ñaha tuhsu, tirore na wahcã, tí maca duhtu cahapmu cohāha tirore. Æ jia tãa poca mehne doca wajāha tirore. Ti ã wajāhto pano tirore yahusārina tirore tãa poca mehne docahtina ti bui sãa suhtire tjuwe na, wahmunore Saulo wama tirirore ti suhtire cjuabasa dutiha. ⁵⁹ Estebãre ti tãa docaro wato, sinino sehe õ sehe niha tiro:

—Jesu, yu puhtoro yu catiare naga —niha tiro.

⁶⁰ Ni tuhsu, tiro na tuhcuca caha su, õ sehe ni tuaro sañurucuha:

—Puhtoro Jesu, ahriina mipu yuhure ti wajāri buhiri tinare buhiri dahrei tjia —ni sañurucuha Estebã.

Æ ni sañurucu batoarota, yariaa wahaha tiro.

8

Saulo Jesu yainare ñano yoaha

¹ Estebã to ã yariachmu ñano, “Noana”, niha Saulo sehe.

Tí dachoreta Jesu yainare Jerusalē macainare ñano yoa dūcacha Saulo mehne macaina sehe. Ti ã yoa dūcachmu Jesu yaina Judea yahpamu, Samaria yahpamu yoaropmu duhti site wahcãa wahaha. Ti puhtoa, Jesu to cūrina dihta wahaeraha. ² Æ yoa

paina Cohamacure ño payoina Estebã pjacu cjirore tâca copapu, duhu sãa, tiro cjirore tuaro tii payoha tiro cjirore tina. ³Wiho mejeta Saulo sehe Jesu yainare ñabiaro yoaa timaha. Tiro ti wuhusepu sãa, mware, numiare ñaha wahcã, peresupu biha dapoa tiha.

Samariai Jesu yare buheha Felipe

⁴ ã yoa yoropu waha siteina cjiri nohoi ti waharoi Jesu yare buheha tiha. ⁵ Cãiro tina mehne macariro Felipe cũ maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. ⁶ To ã buhechu, tó macaina sehe tirore tũho cahmachu, Cohamacu to tuaa mehne to yoa ñochu ñuha tina. ã jia tina jipihtina cãno potori to yahuare noano tũho nunua tiha. ⁷ Payu masa watã sãanohrina tiro cahai ti wihichu ñuno, watã sehere tiro wijaa dutia tiha masapu jirinare. To wijaa dutichu, tina watã sehe tuaro sañurucu, wijaa wahaha. Tuhsu payu pjacu bũhainare, pari yuri tiniina cũhure pjacu noaina wahachu yoaa tiha.

⁸ To ã yoa ñochu ñua tí maca macaina payu masa wahchea tiha.

⁹ Tí pjare Simo wama tiriro tí maca macariro yairo jiha. ã jiro yaya ti yoirire yoa ñoa tiha Samaria macainare. To ã yoa ñochu ñua, tó macaina ñu cãaa waha, tirore cua pisaro ñuina jiha.

–Yuhu masi pahñoriro jija –nimaha Simo sehe tinare.

¹⁰ To ã yoachu ñua masa sehe õ sehe nia timaha:

–Ahriri Cohamacu ya tuaare cjariro jira. Cohamacu yoaro sehe tuariro jira –nia timaha tirore masa, pũtoa mehne. Tina jipihtina noano tũho nunua tirore.

¹¹ Tiro yaya ti yoaa mehne yoari pja yoa ñoa tiha tinare. To ã yoa ñochu ñua tina cãaa wahaha. ã cãaa waha, tina tirore ño payoa tiha.

¹² Wiho mejeta ti ã ño payopachuta Felipe sehe pũtoro Cohamacu to

sũho jiare, Jesucristo yare noaa buheare yahuha. To ã yahuchu tina tirore noano tũhoha. Ti ã noano tũhochu ñuno mware, numia cũhure bautisaha Felipe. ¹³ ã jiro Simo cũhu Felipere noano tũhoa tiha. ã jiro tiro cũhure bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cãaa wahaa tiha.

¹⁴ ã yoa Samaria yahpa macaina Cohamacu yare ti tuaro cahmachu tũhoa Jerusalẽpu jiina tũhorocaa tiha tinare. ã ti cahmachu tũhoa Pedrore, João cũhure warocaa tiha Samaria yahpau. ¹⁵ Tõpu sua Pedro cũhu Cohamacure siniha: “Ahrina Samaria yahpa macaina mũhure ño payoinare mu Espiritu Santo sãajaro”, ni sini payoha tina Cohamacure. ¹⁶ Tina Samaria yahpa macaina Jesucristo yaina jia to bautisarina jiha. Tí dhtare masiha tina. ã jiro Espiritu Santo tinare sãaerasiniha. ¹⁷ ã jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare sãari jire.

¹⁸ ã yoa Pedro cũhu ti wamomacari mehne ti duhu payochu ñuha Simo. Espiritu Santo tinare to sãachu cũhure ñuha tiro. ã ñariro jiro, tí tuaare cahmano niñeru mehne wapa duamaha.

¹⁹ Õ sehe nimaha Simo:

–Yuhu cũhure waga ahri tuaare. Yuhu cũhu yu wamomacari mehne masa dapupoca bui duhu payoi tai nija Espiritu Santo tinare to sãahto sehe. ã jicu ahri yu yoahti wapare wapa duaja –nimaha Simo tinare.

²⁰ To ã nichu tũhoru Pedro õ sehe niha:

–Mũhu niñeru mehne Cohamacu ya tuaare mu nuchu duari buhiri mu niñeru mehneta pichacapu wahaga mũhu. Cohamacu mu tũhotuare masina. Mũhu ñariro jisinina. ²¹ ã jicu ahrire sã yoaare yoa masierara mũhu. Ahri mu yoaa baro jierara. ²²⁻²³ Paina ti cãaare ñucu suariro jira mũhu. ã jicu ñaa yoaare ne duhu

masierara muh. Ā jicu ahrire mu ñaa yoarire cahyaga muh. Cohamacure mu ñaa tūhotuare to bohto sehe siniga muh. Mu ā yoachū ñūno tiro mu ñaa buhirire boboca, pa tehe nino – ni yahuha Pedro tirore.

²⁴ To ā nichū tūhoro Simo ō sehe ni yūhtiha tirore:

–Yūhure sini payoga mūsa Cohamacure mu niriro sehe yū wahaer-ahto sehe. Tí buhiri pichacapū waha duaeraja yūhū –niha Simo tirore.

²⁵ Baharo Pedro João mehne Cohamacū yare yahuha: “Jesu to masa mūjachū ñūhi sã”, ni payū Samaria yahpai jia macari macainare noaa buheare buheha. Tinare Cohamacū yare buhe tuhsū, Jerusalēpū tjuaa waha.

Felipe Etiopía yahpa macarioro buheha

²⁶ Ā yoa Cohamacū yairo anjo Felipere ō sehe ni yahuha:

–Mipūre sur sehēpū wahaga. Jerusalē cahai jiri mahapū Gazapū wahari mahapū, masa marienopū jiri mahapū wahaga –ni yahuha anjo Felipere.

²⁷ To ā nichū tūhoro tiro sehe tí mahapū waha tiha. Baharo tí mahapū cūiro masūno piti bocaro taro niha. To piti bocahtiro jiha Etiopía yahpa macariro pūhtoro. Tiro numiare cahmaerariro eunuco masūno jiha. Ā jiro Candace wama tiri-coro Etiopía macaricoro pūhtorocoro yare niñerure jipihtiare ñū wihboriro jiha. Wiho jiriro jieraha. Tiro Jerusalēpū Cohamacūre ño payoro waha tuhsūha. ²⁸ To ya macapū tunuria mehne tjua taro tiapū waha-parota buhero niha. Cohamacū yare yahu mūhtariro Isaia cjiro to joari pūre buhero niha. ²⁹ Ā jiro Espiritu sehe Felipere ō sehe ni yahua tiha:

–Siro tunuriapū wahariro cahapū wahaga –niha Espiritu tirore.

³⁰ To ā nichū tūhoro Felipe sehe tunuria cahapū mūroca wahcā, Isaia cjiro to joarire Etiopía macariro to buhechū tūhoha. Ā tūhoro Felipe ō sehe ni sinituha tirore:

–¿Mu buheare tūho ñahajari muhū? –niha tiro.

³¹ To ā nichū tūhoro Etiopía macariro ō sehe ni yūhtiha:

–Pairo yūhure yahu yūhdoriro mariachū noano masieraja yūhū. Ōi yūhure yahu dujii taga yū pari wahpa –ni yūhtiha tiro Felipere.

–Jai –ni nuju sūha to cahai.

³² Ā yoa Cohamacū yare Etiopía macariro to buheri pū ō sehe niha:

“Ovejare ti ñaha wajāriro seheta tiro cūhure ñaha wajāhca masa.

Ā jiro ovejacā to pjoare ti sachū to sañurucueraro seheta tiro masūno cūhū dihta marieriro jirohca.

³³ Tirore tina bujūpeahca.

Ā jia tiro to ñano yoaerapachūta tina sehe ñano yoaahca tirore.

Tiro ahri yahpapū to jichū tina tirore wajāhca.

Ā jiro tiro pohna marieriro yariaa waharohca”,

ni joaha tí pūpūre.

³⁴ Tí pū to ā ni yahuchū ñūno, Etiopía macariro ō sehe ni sinituha:

–Yahuga yūhure. ¿Ō sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿Ō pairore yahuro nicari? –ni sinituha Etiopía macariro.

³⁵ To ā ni sinitu ñūchū tūhoro Felipe sehe tí pūre ñū, Jesu yare yahuha Etiopía macarioro. ³⁶ Ā yoa tina tia mehne waha, mácapū sūha.

–Ñūga, ōi máca jira. Ahri mácapū yūhure bautisaga –niha Etiopía macariro.

³⁷ [–Jesure mū noano wacū tuachū ñūcū mūhure bautisaihtja –niha Felipe tirore.

–Jesure wacū tuaja yūhū. Tiro Cristo Cohamacū macūno jira. Tíre noano masija yūhū –niha Etiopía macariro.]

³⁸ Ā ninota tiro tunuria uturioro yūsuŋo dutiha. Tia to yūsu caha sūri baharo wijaaha tina. Wijaa, tí mácapū sū, ñūmurūcū sūha tina. Tói ñūmurūcū sū, Felipe sehe tirore bautisaha. ³⁹ Bautisa tuhsū ti maja sūhūcū

sachu Cohamacu to Espiritu Felipere naa wahaha. To ã wahari baharo Etiopía macariro noano wahcheriro to ya yahpamu tjuaa wahaha. To ã yoari bato tichu ne pari turi Felipere ñeraha. ⁴⁰ ã yoa tuhsu Azotopu sãha Felipe sehe. Tuhsu, payu macarine noaa buheare buheha masare. Pu Cesarepu buhe batoa tiha.

9

Saulo Jesucristore ñano tirore wacũ tua dũcaha
(Hch 22.6-16; 26.12-18)

¹ Wiho mejeta tí pjare Saulo Jesu yainare ã ñu tuhtirucusinino, “Tinare wajãihtja” nino, tiro sacerdotea puhtoro cahamu wahaha. ² Tõpu sũro tiro joaa pũrine õ sehe ni siniha sacerdotea puhtorore:

—Joaa pũrine waga yũhure yu tuahti pũri cjihtire. Tí pũripu mu wama mu joa payochu, yũhũ sehe tí pũri mehne, mu dutiro mehne Damascopu wahaihtja. Tõpu su, judio masa mari buhea wũhũsepu Jesu yaina mua, numia cũhure boca sũcu, tinare ñaha dũhte, õpu Jerusalẽpu na majare tjuaa taihtja —ni siniha Saulo sacerdotea puhtoare.

³ Ti pũrine na tuhsu, tiro waha, Damasco cahai to sũro cahachu waro mũanopu wacũenoca si siteroca boroha tirore. ⁴ Wacũenoca to ã si siteroca borochũta tiro yahpamu bora caha sũro, õ sehe ni durucuchũ tuhoha:

—Saulo, Saulo, ¿dohseacu mũhu yũhure ñano yoajari? Mũhu yũhũ mehne suacu yũhure yũhtieracu, mu basita ñano yũhdũra —nino coa taha.

⁵ —Puhtoro, ¿diro baro jijari mũhu? —ni sinitu ñaha Saulo sehe.

—Yũhũta jija Jesu, mu ñano yoarucuriro —niha Jesu Saulore. ⁶ [To ã nichu õ sehe ni sinituha Saulo:

—Puhtoro, ¿dohse yu yoachu cahmajari mũhu? —niha Saulo.]

—Wahcãrucaga mũhu. Macapu wahaga. Tí macapu mu sachu tó macariro mu yoahtere yahurohca mũhure —niha Jesu Saulore.

⁷ To ã nichu Saulo mehne macaina sehe to durucua dihtare tuhoha. Wiho mejeta Jesu sehene ñeraha. To ã wahachu ñua, cuia, tina durucu masieraha. ⁸ ã jiro Saulo yahpamu coãriro wahcãrucu, to ñuchu to capari bajueraha. ã jia tina to wamomacare ñaha, Damascopu tuã wahcãa wahaha tirore. ⁹ Tõpu sũro, tiro tia dacho waro ne ñuera, chũera, ne sihniera tiha.

¹⁰ ã yoa cãiro Jesu to buheriro Anania wama tiroro Damascoi jiha. ã jiro Jesu bajua tiha Ananiare. ã bajuaro õ sehe ni pisuha tirore:

—Anania, ¿jimajari mũhu? —niha Jesu.

—Jimajã —ni yũhtiha Anania tirore.

¹¹ To ã nichu Jesu sehe õ sehe ni yahuha tirore:

—Potori Maha wama tiri mahamu wahaga. ã wahacu Juda ya wũhũpu cãiro Tarso macariro Saulo wama tirore macaga. Tiro Cohamacure sinino nica. ¹² Tiro cahãnopure tirore mu yoahtere ño tuhsuhi yũhu. Õ sehe jiare ñhure tiro: Mũhu mu wamomacarine tiro bui duhu payo, to capari noaa wahachu ñhure tiro to cahãnopure —niha Jesu Ananiare.

¹³ To ã nichu tuhoro Anania sehe õ sehe ni yũhtiha:

—Puhtoro, tiro mu yainare, noainare Jerusalẽ macainare nu ñano yoa mũjayuhti. Payu masa yũhure ã ni yahure. ¹⁴ ã yoa õ cũhure tiro jipihtina mũhure cahmainare peresu yoaro taro niyuhti. Sacerdotea puhtoa tirore ã yoa dutiyuhti —ni yũhtiha Anania Jesure.

¹⁵ To ã nichu Jesu sehe õ sehe ni yahuha tirore:

—Tiro Saulo sehe yu beseriro jira. Tiro yu ya buheare judio masa jierainare, ti puhtoare, ã jichu Israe masa cũhure buherohca. ã jicu wahaga mũhu. ¹⁶ Payu tahari yu yare yoaro tiro ñano yũhdũrohca. Tíre tirore masichu yoaihtja —niha Jesu Ananiare.

¹⁷ To ã niri baharo Anania sehe waha, su, Saulo to jiri wũhũpu sãaha.

Sãa sꝛ, to wamomacarine Saulo bui duhu payo, õ sehe ni yahuha tirore:

–Coyeiro Saulo, mꝛ capari mꝛ ñũhto sehe, Espíritu Santo mꝛhũ mehne to jihto sehe, to dutiriro seheta mꝛ yoahto sehe, mari pũhtoro Jesu sehe mahapꝛ mꝛhũre bajuariro yũhũre warocahre –ni yahuha Anania Saulore.

¹⁸ To ã nichũta to caparire wahi nũtũri yoaro sehe bajua to caparipꝛ wahãa pahna borachꝛ ñũha Saulo. To ã ñũ tuhsũri baharo to wahcãrũcũ sũchꝛ paio sehe tirore bautisaha. ¹⁹ Tirore to bautisa tuhsũchꝛ, tiro sehe chꝛ, tuariro wahaha.

Saulo Damascoi Jesu yare buhe dũcaha

Ã yoa Saulo mahaa dachoricã Damasco macaina Jesu yaina mehne jiha.

²⁰ Dói tí dachorita tiro judio masa buhea wũhũsepꝛ sꝛ, Jesu Cohamacũ macano to jiare yahu dũcaha masare.

²¹ To ã yahuchꝛ ñũa jipihtina tirore tũhoina cũaa wahaha.

–Cho, ahriro Jerusalẽpũre Cohamacũ yainare Jesure cahmainare ñano yoariro cjiro jira. Ã yoa tirota jimana õ macaina Jesure cahmaina cãhũre ñaha, dũhte, sacerdotea pũhtoare wiaboriro. Ã yoa duaro õpũre tari jimahre tiro –niha masa tirore tũhoina.

²² Wiho mejeta Saulo sehe cui tũhoturo marieno buhe mihni wahcãa tiha. “Ahriro Jesu potocãta Cristo, marine yũhdohtiro jira”, to ni yahu mihnichꝛ, tó macaina judio masa ti ni yũhti yũhdũrũcaborirore bocaeraha.

²³ Ã jia payũ dachori baharo judio masa tirore wajã duaa, ti basi durucua tiha. ²⁴ Wiho mejeta Saulo tirore ti wajã duachꝛ masiha to basi. Tina tí macare sahrĩno tãa mehne ti yoari sahrĩno macaa sopacarire dachopũre ñamipꝛ cãhũre cohtaa tiha tirore wajã duaa. ²⁵ Ti ã wajã duachꝛ ñũa ñamipꝛ Saulo buheina tirore pũhũro pjiri pũhi na sãa, tí maca macari sahrĩno baharo bũhũsehei duhu boroha tirore. Tó sehe ti yoachũ yũhdũha tiro.

Saulo Jerusalẽi jiha

²⁶ Ã yoa Saulo Jerusalẽpũ sũro, tópꝛ Jesu yaina mehne tiro ji duamaha. Wiho mejeta tina tirore “Jesu buheriro jierara ahriro” nia, tirore cui niha. ²⁷ Ti ã cuipachũta Bernabé sehe tirore ña wahcãha Jesu to cũrina cahapꝛ. Ã jiro Saulo mahai Jesure to ñũrire, Jesu Saulore to durucurire, ã jichꝛ Damascopꝛ cuiro marieno Jesu yare to buhe dũcarire yahuha Bernabé sehe. ²⁸ To ã ni yahuri baharo Saulo sehe tina mehne sãano, Jerusalẽpũ tina mehne jia tiha. ²⁹ Tiro cuiro marieno judio masare Jesu yare yahu yũhdũrũcaro niha. Tina judio masa griego masa yare durucuina jiha. Ã yoa Saulo to ã yahu yũhdũrũcachꝛ, tina tirore wajã duamaha. ³⁰ Ti ã wajã duachꝛ ñũa, Saulo mehne macaina Jesu yaina sehe tirore Cesareapꝛ na duhti wahcãa wahaha. Tópꝛ tirore sũho jirucuma Tarsopꝛ warocaha tirore.

³¹ Ã yoa jipihtiropꝛ, Judea yahpapꝛ, Galilea yahpapꝛ, Samaria yahpapꝛ cãhũre Cohamacũ yaina noano jia tiha. Tí pjare ne masa ñano yoaera tiha tinare. Ã jia noano buheha tina. Tina Cohamacũ yare buhe, tirore masi namo, noano yũhtia tiha. Ã yoa Cohamacũre cua pisaro ñũa tiha. Espíritu Santo tinare to yoadohochũ tina sehe payũ wahaa tiha.

Pedro Eneare noariro wahachũ yoaha

³² Ã yoa Pedro jipihtia macaripꝛ waharo, Jesu yaina Lida macaina cahapꝛ cãhũre sũha tiro. ³³ Tópꝛ sũro Enea wama tirirore boca sũha. Enea pjacũ bũhariro jiro, ocho cãhmari waro ti pũpaha cũriro coãa tiha. ³⁴ Ã jiro Pedro sehe tirore õ sehe niha:

–Enea, Jesucristo mũhũre noariro wahachũ yoara. Wahcãrũcaga. Mũ pũpaha coãri cahsarore cahnoga –niha Pedro tirore.

To ã nichũta tiro wahcãrũcaha. ³⁵ Ã jia jipihtina Lida macaina, Sarón macaina tirore ñũa, tina ti ñaa yoaaare duhu, Jesure wacũ tuaa tiha.

Dorca wama tircorore masoha Pedro Jesu to tuua mehne

³⁶ ã yoa Jope wama tiri macai Jesure ño payoricoro Tabita wama tircoro jiha. To wama Tabita griego ya dusero mehne Dorca jira. Ticoro noaare yoaro payu waa tiha pjacuoinare. ³⁷ ã jiro tí pjare ticoro dohati wahcõ, yariaa wahaa tiha. To yariachu ñua, tina ticorore noano cosa, muanò macari tahtiapu cúa tiha ticorore. ³⁸ Lida wama tiri maca Jope cahai jire. To ã jichu Jesu buheina Jope macaina Pedro Lidapu to jichu tuhorocaa tiha. ã tuhorocaa, puaro warocaha Pedro cahapu. Tiro cahapu sua Pedore õ sehe ni yahuha tina:

—Soaro mehne sã jiropu wahaga — ni yahuha tina.

³⁹ Ti ã nichu tuhoro tina mehne wahaa wahaha tiro. Tõpu tirore ti na suri baharo muanò macari tahtiapu na mujaa wahaha tirore. ã jia jipihtina wapewahya tiro cahai suruca, tiia tiha. Tabita tina mehne jisininopu payu suhtire yoaa tiha. ã jia tina to yoari suhti cjirire ñoha Pedore. ⁴⁰ Wiho mejeta Pedro tinare tí tahtiapu jinare wijaa dutiha. Ti wijaari baharo tiro na tuhcuca caha su, Cohamacure ticorore sini payoha. ã jiro to pjacu cjirore majare ñu:

—Tabita wahcãga —niha tiro.

To ã nichuta ticoro sehe ñu wahcõ, Pedore ñu, wahcã nuju sua. ⁴¹ To wahcã nuju suchu ñu, tiro to wamacare ñaha, tã wahcõ dapoha ticorore. ã jiro tiro tó macainare Jesu yainare, wapewahyare pjiroca, ticorore catircorore wiaha tinare. ⁴² To ã yoari baharo jipihtina Jope macaina tìre masia, payu masa Jesure wacũ tua ducaa tiha. ⁴³ Baharo Jopepu Simo wahiquina cahsarire cahnoriro mehne payu dachori Pedro tiro mehne jia tiha.

10

Pedro Corneliore Jesu yare yahu ducaha

¹ Ti pjare Cesarepu cãiro Cornelio wama tiriro jiha. Tiro cien surara

puhtoro jiha. Tina surara sehe ti ya curua Italiano wama tiha. ² Cornelio to ya wuhu macaina mehne judio masa jieraina jipahta, Cohamacure ño payoina, cua pisaro ñuina jiha. Tiro judio masa pjacuoinare yoadohoro payu waha. ã yoa dachoripe tiro Cohamacure siniha. ³ Cã namu ñamichahapu tres jichu Cohamacu yairo anjo tirore bajuaha. ã bajuaro Cornelio cahapu sãaha.

—Cornelio —niha anjo tirore.

⁴ To ã nichu tuhoro Cornelio tirore ñu, cuiro õ sehe niha:

—Puhtoro, ¿yabare cahmajari mahu? —niha tiro.

—Masa pjacuoinare mu warire, Cohamacure mu sinirire Cohamacu noano ñuno nina. ⁵ ã jicu Jopepu mu muare warocaga. Tõpu Simo Pedro wama tiriro jira. Tirore na ta dutiga mu muare. ⁶ Tiro paio Simo wahiquina cahsari cahnoriro cahai, pjiri ma duhtu cahai jiri wahu jira — niha anjo Corneliore.

⁷ Anjo ã ni tuhsu, wijaa wahaha. To wijaari baharo Cornelio puaro tirore dahra cohtainare, ã yoa cãiro to surara mehne macarirore pjiroca. Surara sehe Cohamacure ño payoriro jiro, dachoripe Corneliore yoadohoa tiha. ⁸ ã jiro Cornelio tinare anjo to yahuri cjirire yahu pahño, Jopepu warocaha tinare.

⁹ ã yoa pa dachoi Jopepu ti waharo watoi cohari pja jichu Pedro sehe wuhu buipu Cohamacure sinino wahaha. ¹⁰ To mija suri baharocã tirore juca purichu chu duaha. Wiho mejeta paina to chure ti dahrero watoi, tiro sehe õ sehe bajuachu ñaha. ¹¹ Muanore parĩ muachu, pjiri cahsaro pititia sohtoirire dahreri cahsaro to duji tachu ñaha. ¹² Tí cahsaro puhichapure payu wahiquina bua tiniina, chihchõina, waina peri cãhu jiha. ¹³ Tìre to ñuri baharo, Pedro durucuro coa tachu tuhoha:

—Pedro, wahcãrucaga. Ahrinare wajã chuga —nino coa taha tirore.

¹⁴ To ã nipachuta Pedro õ sehe niha:

—Puhutoro, ne tina barore chueraja yuhũ. Ñainare, Cohamacũ to chu dutierainare ne chuera tihĩ yuhũ —niha Pedro.

¹⁵ To ã niri baharo Pedro pari turi durucuro coa tachũ tũhoha:

—Cohamacũ “Noaina jira”, to nirinare “Ñaina jira”, nii tjia mũhũ tinare —nino coa taha Pednore.

¹⁶ Ñ yoa tia taha ti ã ni durucuri baharo tí cahsaro mũanopũ mũjaa wahaha tjoa. ¹⁷ To ã mũjaa wahari baharo, Pedro tuaro wacũ “¿Dohse ni duaro nijari ã bajuaro?” ni tũhotuha tiro to basi. To ã ni tũhoturo watoi Cornelio mũa to warocaina sehe Simo ya wũhũpũ sũha. “¿Simo ya wũhũ nohopũ jijari?” ni, ti sinituri baharo to ya wũhũpũ sũha tina. ¹⁸ Sũ, tina sinitu ñũ bahrañoha. “¿Simo Pedro wama tiriro ahri wũhũĩ jijari?” ni sinitu ñũha tina. ¹⁹ Ñ jiro Pedro to tũhoturo watoi Espĩritu Santo tirore õ sehe ni yahuha:

—Ñũga. Tiaro mũa mũhũre macaa nina. ²⁰ Wahcãrũcaga. Dujiaga. Tina mehne wahaga. Jiape ni tũhotuecũta wahaga noano mehne. Yũhũ sehe tinare õpũre warocahi —niha Espĩritu Santo Pednore.

²¹ To ã nichũ tũhoro Pedro ti cahapũ dujia wahaha.

—Ñũga. Õi jija yũhũ mũsa maca tariro. ¿Dohse yoana tana niri mũsa yũ cahai? —niha Pedro tinare.

²² To ã nichũta tina sehe õ sehe niha:

—Cornelio cien surara pũhutoro, noaare yoariro, Cohamacũre cua pisaro ñũriro, jipihtina judio masa “Noariro”, ti niriro mũhũre pji ta dutiro warocahre sãre. Cohamacũ yairo anjo Cornelio mũhũre pji dutiyuhti. Õ sehe niyuhti: “Pednore mũ wũhũpũ na ta dutiga mũ mũare. Ñ yoa tiro mũhũre to yahuchũ, noano tũhoga tirore”, ni pji dutiyuhti anjo Cornelio —ni yahuha Cornelio Pednore to pji dutirina sehe.

²³ Ti ã nichũ Pedro sehe tinare sã ta duti, chũa wa, to jiri wũhũpũ carĩ dutiha tinare. Pa dachoi Pedro wahcã,

tina mehne wahaa wahaha. Ñ yoa paina Cristo yaina Jope macaina Pednore piti ti wahcãha.

²⁴ Pa dachoi tina Cesareapũ sũha. Ti sũhto panocã Cornelio sehe to coyeare, tiro mehne macaina cũhũre pji cahmachu, Pednore cohtaa niha.

²⁵ Ñ jiro Pedro Cornelio ya wũhũ cahapũ to tachũ ñũno Cornelio sehe tirore piti boca wijaa, to dahpori cahai caha sũha. ²⁶ Wiho mejeta Pedro tirore na wahcõ õ sehe niha:

—Ducuga mũhũ. Yũhũ cũhũ mũ yoaro seheta jiriro jija —niha Pedro tirore.

²⁷ To ã ni tuhsũri baharo Cornelio tirore na sãa wahaha to ya wũhũpũ. Tõpũ sãa sũro masa peri tí wũhũpũ cahmachu tirore cohtainare ñũha Pedro. ²⁸ Tinare ñũno õ sehe ni yahuha tinare:

—Judio masũno jipaihta pa curua macaina mũsa mehne jicũ, mũsa wũhũsepũ sãacũ, judio masa sã dutiare yũhdũrũcai nija yũhũ. Tĩre noano masina mũsa. Wiho mejeta pa curua macainare “Ñaina jira”, yũhũre ni dutierare Cohamacũ. Tĩre ni yahuhre yũhũre tiro. ²⁹ To ã nichũ tũhocũ õpũre mũsa cahapũre tahi. Mũsa yũhũre pjirocachũ “Ne wahaeraja”, nierahi. ¿Dohse jiro baro yũ õpũ tachũ cahmarĩ mũsa? —niha Pedro tinare.

³⁰ To ã nichũ tũhoro Cornelio sehe õ sehe niha:

—Pĩtia dachori wahara, Cohamacũ yairo anjo yũhũre to bajuari baharo. Tĩ dachore tres jichũ, ahri hora waroihta Cohamacũre yũ sinino watoi anjo minoa suhti tiriro yũ cahai ducuhre. ³¹ Ñ ducuro tiro yũhũre õ sehe nihre: “Cornelio, mũhũ Cohamacũre mũ sinichũ tiro tũhohre. Ñ yoa pjacũoinare ti cahmaare mũ wachũ noano masino, Cohamacũ mũhũre yoadohorohca. ³² Ñ jicũ Jopepũ mũ mũare warocaga, Simore, Pedro wama tirirore mũ cahapũ ti na tahto sehe. Tiro paio Simo wahiquina cahsari cahnoriro ya wũhũĩ, pjiro ma dũhtũ cahai jiri wũhũĩ jira tiro. Mũ cahapũ wihiro mũhũre

yahurohca”, ni yahuhre yuhure tiro. ³³To ã nichu tuhocu dóicãta yu mure mure na ta duticu warocahi yuhu. Æ jicu noano yoacu tari jira mure sã cahapure. Æ jina sã jipihtina õre Cohamacu to ñurocaroi jina nija sã. Jipihtiare Cohamacu mure to yahu dutirore tuho duana, cohtahi sã – niha Cornelio Pedrore.

Pedro Jesu yare yahuha

³⁴To ã nichu tuhoru, Pedro õ sehe ni yahuha:

–Mipu masija. Potocã tjira. Cohamacu cõno potori noano yoara marine. ³⁵Æ jiro jipihitia macari macaina Cohamacure cua pisaro ti ñichu, noaare ti yoachu Cohamacu sehe tinare ñu wahchera. ³⁶Cohamacu sã judio masa cahai Jesucristore noaa buheare yahuhtirore warocare. Masa Cohamacu mehne noano ji masica Jesu to yaria masa mujano mehne. Tí buheare musa masina. Jesucristo sehe jipihtina masa puhtoro jira. ³⁷João bautisariro masare, “Musa ñaa yoari buhiri tiare masiga”, ni yahu, to bautisari baharo, Galileapu noaa buheare Jesu sehe yahu ducare. Baharo Judea yahpau cõhure tí buheare yahu pahõore. ³⁸Ahriro Jesu Nazare macarirore Cohamacu sehe to tuare Espiritu Santo mehne to yoa masihtire ware Jesure. Æ jiro Jesu noano yoaro wahare. Æ waharo watia sãanohrinare, ñano yuhduinare jipihinare noaina wahachu yoare. Cohamacu Jesu mehne jiri jire. ³⁹Judea yahpai, Jerusalẽ cõhure jipihitia to yoarire sã ñahi. Baharo tina crusapu cã puha wajãhre tirore. ⁴⁰Wiho mejeta tia dacho wahaboroi Cohamacu tirore masori jire. Maso, Jesure sãre bajuachu yoari jire Cohamacu. ⁴¹Tí pjare Jesure jipihtina ñerare. Sã dihtare bajuahre tiro. Cohamacu to cahmainare, Jesure ñu, painapure yahuhtinare panopu sãre beseha. Sã sehe Jesu to masari baharo tiro mehne chu, sihnihi. ⁴²Æ jiro tiro sãre õ sehe ni dutihre.

“Masare õ sehe ni yahuga. Yuhu Jesu jipihtina catiinare, yariaina cjiri cõhure ti ñaa yoari buhiri tiare yahuhtiro buhiri dahrehtiro yu jichu yoare yuhure Cohamacu. Æ jina tíre masare yahuga”, ni dutihre Jesu sãre. ⁴³Dohse jiina baro Jesure ti wacu tuachu ñno Cohamacu ti ñaa yoari buhiri tiare borohca. Tíre jipihtina Cohamacu yare yahu maitaina cjiri panopu macaina yahuyuha –ni yahuha Pedro.

Judio masa jierainapu cõhure Espiritu Santo sãarucu sua wahaha

⁴⁴Tí jipihitare to ã ni yahuro watoi, jipihtina tíre tuhoinapure Espiritu Santo sãarucu sua wahaha. ⁴⁵⁻⁴⁶Tinapure to sãarucu sua wahachu, tuho mahnoeraa duseri mehne wahchea mehne durucu ducaha tina. Tí duseri mehne Cohamacure “Turariro, noariro jira mure”, nia niha. Tí ã nichu tuhoha Pedro mehne tarina judio masa, Jesu yaina. Æ tuhoa Espiritu Santo judio masa jierainapu cõhure to sãarucu su yoadohochu ñua, judio masa sehe cuaa wahaha. Æ jiro Pedro õ sehe ni yahuha judio masare:

⁴⁷–Mari yoaro seheta Espiritu Santore cõhure ahrina cõhu. Æ jina tina bautisa duaa ti sinichu, tinare, ducataena tjijihna –niha Pedro tinare.

⁴⁸Æ ni tuhsu judio masa jierainare Jesu yaina ti jiare ñohto sehe bautisa dutiha Pedro. Tí ã yoari baharo “Sã mehne mahaa dachoricã tjuasiniga”, niha tina Pedro cõhure.

11

Pedro Jerusalẽ macainare Jesu yainare yahuha

¹Æ yoa judio masa jieraina cõhu Cohamacu yare ti noano cahmachu Jesu to cõrina sehe ti coyea Judeapu jiina mehne tuhorocaha. ²Æ jia Pedro Jerusalẽpu to tju sachu ñua judio masa Jesu yaina mahainacã tirore õ sehe ni tuhtiha:

³–¿Judio masa jierainare dohse jiro baro ñu sari mure? ¿Dohse jiro baro

tina mehne churi mũhũ? –ni tuhtiha Pedroro tina.

⁴ Ti ã nichũ tũhoro Pedro to yoari cjirire yahu pahũoha tinare. Õ sehe ni yahuha:

⁵ –Yũhũ Joperũ jicũ Cohamacũre sinii nihi. ã jiro yũhũre õ sehe bajuahre. Pjiri cahsaro pititia sohtoarire dũhteri cahsaro mũanopũ yũ cahai to duji tachũ ñũhi.

⁶ ã jicũ tí cahsarore noano ñũhi “¿Yaba baro tí cahsaropũre jijari?” nicũ. ã jicũ ñũhi tí cahsaropũre jĩinare: Tí cahsaro puhichapũre payũ wahiquina, bũa tiniina, chihchõina, wũina peri cãhũ jire.

⁷ ã jicũ yũhũre to durucuchũ tũhohi. “Pedro, wahcãrucaga. Wajã chũga ahrinare”, nino coa tahre yũhũre.

⁸ To ã nichũ tũhocũ õ sehe nihi yũhũ: “Pũhtoro, ne tina barore chũeraja yũhũ. Ñainare, Cohamacũ to chũ dutierainare ne chũera tihĩ yũhũ”, nihi yũhũ.

⁹ Wiho mejeta mũanopũ pari turi yũhũre durucuro coa tahre tjoa. “Cohamacũ ‘Noaina jira’ to niinare, ‘Ñaina jira’, nii tjia mũhũ”, nino coa tahre yũhũre.

¹⁰ ã jiro tia taha sã ã ni durucuri baharo tí cahsaro mũanopũ mũjahre tjoa.

¹¹ Yũ ã ñũno watoi tiaro mũa sã jiri wũhũpũ sũri jihre. Tina Cesarea macariro to warocarina jiri jihre.

¹² ã jiro Espĩritu Santo sehe yũhũre tina mehne waha dutiro, “ ‘Tina ñaina jira’, nii tjia tinare”, ni yahuhre yũhũre tiro. ã jia ahrina seis mehne yũ coyea Jesu yaina mehne Cesarea macariro ya wũhũpũ sãahi sã.

¹³ ã jiro tiro sãre õ sehe ni yahuhre: “Anjo yũ wũhũi ducuchũ ñũhi yũhũ. Õ sehe ni yahuhre yũhũre: ‘Joperũ Simore Pedro wama tirirore na ta dutiga.

¹⁴ Tiro mũhũre mũ coyea mehne mũsare jipihtinare pichacapũ wahaborina mũsa yũhdũhtore yahurohca’, nihre anjo yũhũre”, ni yahuhre Cesarea macariro yũhũre.

¹⁵ ã yoa yũ durucuro watoi Espĩritu Santo sehe tinapũre sãarũcũ sũahre, marine to yoa mũhtariro seheta.

¹⁶ ã jicũ Jesu to yahurire wacũhi yũhũ. Õ

sehe ni yahuhre tiro: “João mũsare bautisaro, copũ yoamahre. Yũhũ sehe tí yũhdoro yoaihtja mũsare. Baharo Espĩritu Santore mũsa mehne jirucuchũ yoaihtja mũsare”, ni yahuha.

¹⁷ ã jiro Jesucristo mari pũhtoro mari wacũ tuachũ ñũno Cohamacũ to Espĩritu Santore wahre marine. ã jiro Cohamacũ marine to Espĩritu Santore to wariro seheta judio masa jieraina cãhũre tiro wahre. Cohamacũ to ã yoachũ ñũcũ tirore yũhdũrucã masieraja yũhũ –niha Pedro tinare, judio masare Jesu yainare.

¹⁸ To ã nichũ tũhoa, tina tirore ne ni namoeraha. ã ni namoeraa, Cohamacũre wahche payo, tina õ sehe niha:

–Tí pja pini judio masa jieraina cãhũre Cohamacũ cahĩri jira. Ti ñaa yoari buhiri tiare masi, Cohamacũre cahma, tina cãhũ Cohamacũ mehne ã catirucuahca –niha tina.

Antioquĩai paina Jesu yaina jiha

¹⁹ ã yoa Estebãre ti wajãri baharo masa Jesu yainare ñũno yoaha. Ti ã yoachũ ñũa Jesu yaina duhti sitea wahaha. ã jia tina Feniciapũ, Chiprepũ, Antioquĩapũ cãhũre waha site, tũpũre judio masa dihtare Cohamacũ yare yahua timaha tina.

²⁰ Wiho mejeta paina Jesu yaina mehne macaina Chipre macaina, Cirene macaina, Antioquĩapũ sũ, judio masa jierainare Jesu yare buheha Cohamacũ tinare to yũhdohto sehe.

²¹ Ti ã buhechũ, Cohamacũ tinare yoadohoha. ã jia masa payũ Cohamacũre cahma dũca, mari pũhtoro Jesure wacũ tuaha.

²² ã yoa “Antioquĩa macainapũ Jesure cahmacã”, ni tũhorocaã Jerusalẽ macaina Jesu yaina. Ti ã tũhorocari baharo Jerusalẽ macaina Bernabẽ wama tirirore Antioquĩapũ warocaha.

²³ Tũpũ sũro, Cohamacũ yoadohoa mehne judio masa jieraina to yaina ti wahachũ ñũno, tuaro wahcheha. Tuaro wahche, tiro tũ macainare õ sehe ni yahuha:

—Jesure ã wacũ tuarucuga. To yare ne duhuena tjiga —ni yahuha tiro jipihitina tinare.

²⁴ Bernabé noariro jiro, Espiritu Santo dutiare yoariro Jesure noano wacũ tuaha tiro. ã jia to buheri baharo Jesure wacũ tuaina payu waha namoha tjoa.

²⁵ Baharo tiro Tarso wama tiri macapu Saulore macano wahaha. ²⁶ Tõpu tirore boca suha. To boca suri baharo Antioquiapu na majare tjuaaha Saulore. Tõpu ti suri baharo cã cãhma waro tina Cohamacu yaina mehne cahmachu, payu masare buheha tina. ã jia Antioquiapu Cristo yaina Cristiano wama ti ducaha.

²⁷ Tí pjare Cohamacu yare yahu mũhtaina Jerusalõpu jiina cjiri waha, Antioquiapu suha. ²⁸ ã ti suri baharo tina mehne macariro Agabo wama tiri Jesu yaina watoi ducuro, Espiritu Santo to tuaa mehne yahuha tinare. “Jipihitiro yahpapare tuaro jucaro waharohca”, ni yahuyuha tiro. Tí pjare chuã marieni pja jichu jipihitina bui puhtoro Claudio jiha. ²⁹ ã jia Cristo buheina, jipihitina ti cãaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. ³⁰ Ti ã niri baharo Bernabé Saulo mehne tí niñerure na wahcãbasaha. Tõpu sua Judea yahpa macainare Jesu yaina puhtoare waha tí niñerure pja cõoinare tju wa dutia.

12

Pedrore peresu yoaha

¹ Tí pjare puhtoro Herode cãinare Jesu yainare ñano yoa ducaha. ² Tiro João wahminore Santiago sehere yoari pji mehne to wajã dutichu paio sehe tirore wajãha. ³ Santiagore to wajãchu judio masa wahcheha. Ti wahcheare Herode masino, “ã dihta cahmana tina”, nino Pedro cãhare peresu yoaha. Tí dachorire bucãerari pãore ti chuhti bõse namari pascua jiha.

⁴ ã jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mũjaa tiha. ãta yoaha tina diez y seis surara. Herode sehe pascua baharo Pedrore peresupu jiriore masa panoi duhu dapo duamaha tirore wajã dutiro taro. ⁵ ã jiro Pedro peresupu jiha. Tõpu to jichu Jesu yaina sehe Cohamacu tuaro sini payorucua niha tirore.

Cohamacu peresupu jiriore Pedrore wioha

⁶ ã yoa ñamine Pedro puaro surara mehne comaa dari mehne ti duhteriro jiha. ã ti duhteriro jiro, ti watoi carõno niha. ã yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro. ⁷ Wacũenoca Cohamacu yairo anjo Pedro cahai to ducuchu to peresu jiri tahtia buhria pihtia wahaha. ã jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga —niha tiro Pedrore.

To ã nichuta to wamomacarine ti duhtea dari comaa dari parõ site boraa wahaha. ⁸ ã yoa anjo tirore õ sehe ni yahuha:

—Tuã dihoga mu tuã dihori dare. Mu dahpo suhti cãhare sãaga —niha tiro.

To ã nichu Pedro sehe to niriro sehetã yoaha.

—Mu bui macari suhtirore sãa, yuhu mehne wahaga —niha anjo.

⁹ To ã nichu tí tahtiapu jiriore wijaa, anjo baharo wahaa wahaha tiro. ã wahaparota õ sehe ni tuhotumaha tiro. “¿Ahri potocã jieracari? ¿Cahãi nicari yuhu?” ni tuhotumaha tiro. ¹⁰ ã yoa tina to jiri tahtia sopacai ducuína surarare yuhdu wahcã, paina yoawacũno ducuína cãhare yuhdu wahcã, pjiri sopacapu suha. Tí sopa pahma, comaa pahma macapu wahari mahare ducatarã pahma jiha.

Tí sopa pahma to m_u s_uro parĩch_u tina wijaa wahaha. Wijaa waha, tina mahap_u mahano wahach_uta, anjo sehe buti m_ua wahaha. ã jiro Pedro c_uirota tjuaha. ¹¹ ã tirore anjo to wahari baharo to yoirire Pedro masiha. Õ sehe ni t_uhotuha tiro. “Potocã tjira. Anjo Cohamac_u to warocariro peresup_u jirirore y_uh_ure wioro wihihre. Mip_u tíre masija to ã yoirire. Judio masa sehe y_uh_ure ti ñano yoaborire Cohamac_u sehe tinare yoa dutierare. ã jiro y_uh_ure, Herode to peresu yoirirore wiohre”, ni t_uhotuha Pedro.

¹² To ã ni t_uhoturi baharo María João pocoro ya w_uh_up_u s_uha Pedro. João sehe pa wama Marco wama tira. Tí w_uh_up_u masa pay_u cahmachu, Cohamac_ure sinia niha. ¹³ Tí w_uh_up_u s_uro, Pedro sopa pahmare dotaha. C_ucoro ti cahamacono Rode wama t_uricoro to dotach_u t_uhoru, ñano s_uha ticoro. ¹⁴ ã yoaro Pedro ticorore to pisuch_u t_uhoru to durucuaru t_uho masi, tuaro wahche, sopa pahmare p_uõoboricoro p_uõoeraha. Pedro tói to ducuch_uta ticoro majarer_uca m_uroca s_ua wahaha painare yahuro waharo.

—Pedro sopacap_u wihihre —ni yahuro s_uaha.

¹⁵ To ã nich_u t_uhoa, tí w_uh_ui jiina sehe:

—ã ninocaco nica m_uh_u —niha tina ticorore.

—Potocã tjira. Potocã nicota nija —niha ticoro.

To ã nich_u t_uhoa:

—Tiro jieraca. To yairo anjo wihiro nica —nimaha tina sehe.

¹⁶ Ti ã nino watoi Pedro sopa pahmare ãta dotarucuro niha. To ã yoach_u t_uhoa, tina sopacare p_uõo, tirore ñ_u, c_uaa wahaha. ¹⁷ ã jiro tiro Pedro to wamomaca mehne “Dihta mariaha” ni, Cohamac_u peresup_u tirore to wiorire yahuha tinare:

—Ahrire yahuga m_usa p_uhtoro Santiagore, paina Jesu yaina c_uh_ure —niha tiro.

ã ni yahu tuhs_u tiro pa sehep_u y_uhd_u wahcãa wahaha.

¹⁸ ã yoa bohrea bora tach_u surara Pedro to dohse yoa wijaarire ne masieraha. ã masieraa c_uaa wahaha. ¹⁹ ã jiro Herode Pedrore maca dutimaha. ã dutiro tiro surarare peresu cohtainare to sinituri baharo tinare wajã dutiha Herode sehe. ã jiro Herode Judeap_u jiriro waha, Cesareap_u jiro wahaha.

Herode yariaa wahaha

²⁰ ã yoa Tiro wama tiri maca macaina mehne, Sidõ macaina mehne Herode sehe suaha. To ã suach_u ñ_ua tí macari macaina sehe Herode tina mehne to suarire cahnoa waha, tiro mehne durucua wahaha. ã jia to docai jiriro p_uhtorore Blasto wama tirirore piti tiha. ã jia tina Blasto to yoadohoro mehne Herode cahap_u s_uha. Tiro cahap_u s_ua, õ sehe niha:

—Mari noano jijihna. Mari basi ñ_u tuhtiena tjijihna —ni siniha tina Herodere.

Tina ya yahpa macaina Herode ya yahpai ch_uare boca tiha. ã jia Herode tinare ñ_u tuhtich_u cahmaeraha tina. ²¹ ã yoa Herode to quihõri dachoi, p_uhtoro to s_ua suhti noa suhtire s_ua tiha tiro. ã s_uano tiro to dujiroi dujitjiãhno, masare durucu ñ_ua tiha. ²² To ã durucu ñoch_u t_uhoa masa sehe õ sehe ni sañurucua:

—Ahriro durucuriro mas_uno jierara. Cohamac_u jira —ni sañurucu payomaha tina Herodere.

²³ Ti ã nich_uta Cohamac_u yairo anjo Herodere dohatich_u yoaha. Cohamac_ure ño payoeraro, “Cohamac_u jieraja y_uh_u”, ne nieraha Herode. To ã nierari buhiri anjo tirore dohatich_u yoaha. To ã dohatich_u tirore dachoa ch_u wajãnocaha.

²⁴ ã yoa Jesu yaina pay_u masare Jesu ya buheare buhea tiha.

²⁵ ã jia Bernabé, Saulo mehne buhe tuhs_u, Jerusalẽp_u tjuaa wahaha. ã jia João Marco wama tirirore tina na wahcãa tina mehne.

13

Jesu yaina Bernabére Saulo cãhure Cohamacu yare buhe dutia warocaha

¹ Tí pjare Antioquíapɯ Cohamacu yaina mehne macaina Cohamacu durucuare yahu turiaina jiha. ã yoa Cohamacu to joa na dutiri cjirire, Jesu yaina ti yoaa tiare yahuina cãhɯ jiha. Bernabé, Simo Negro wama tiro, Lucio Cirene macariro, Menahem, Saulo mehne tina jiha. Menahem sehe pãhtoro Herode cjiro mehne tina pãaro cãno potori bucuaina jimaha. ² Cũ numɯ tina Jesu yaina chu duhu, Cohamacu yare ti buhero watoi Espíritu Santo õ sehe ni yahuha tinare:

—Bernabére, Saulo mehne cãga yɯ cahmano sehe yoahtinare. Tíre yoahtinare bese cũi nija tinare —niha Espíritu Santo.

³ To ã nichɯ tina sehe chu duhu namo, Cohamacure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

Chiprepɯ Jesu to cãrina buheha

⁴ ã jia tina Espíritu Santo to warocaina jia, Seleuciapɯ sɯ, tí macare dohoriapɯ samu, Chipre wama tiri nɯcopɯ pahãha tina. ⁵ ã pahãa, Salamina wama tiri pitamahapɯ wahã sɯha. Tí macai judio masa buhea wuhɯsepɯ, Cohamacu yare yahu dɯcaha tina. ã yoa João Marco cãhɯ tina mehne jiro, tinare yoadohoha. ⁶ Tuhsɯ, tina tí nɯco sohtoai maja, tí nɯco topai jiri macapɯ Pafu wama tiri macapɯ sɯa, yairore boca sɯha tina. Tiro judio masɯno, Barjesu wama tiro jiha. Barjesu griego ya mehne nia Elima ti ni pisuriro jiha. “Cohamacu yare yahu mãhtariro jija yɯhɯ” ni, masare mãhõoperucuriro jiha tiro. ⁷ ã yoa tiro Sergio Paulo wama tiro mehne macariro jiha. Sergio Paulo sehe tí nɯco macaina pãhtoro masi pahõoriro jiha. ã jiro Cohamacu yare tãho duaro tinare Bernabé, Paulo mehne pjirocaha

tiro. ⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochɯ cahmasãaeraha yairo sehe. ã jiro Sergio Paulore Cohamacu yare cohã dutiro nimaha. ⁹⁻¹⁰ To ã dutipachɯta Saulo, Paulo ti niriro Espíritu Santo dutiare yoariro jiro yairore noano ñɯ diho cũi tirore õ sehe ni yahuha:

—Mɯhɯ mãhõoa payɯriro, ñariro, watĩno to dutiare yoariro, noaare ñɯ yabiriro jira mɯhɯ. ¿Dohseacɯ Cohamacu yare “Ñaa jira. Mãhõoa jira”, ã nirucujari mɯhɯ? ¹¹ Mɯhɯ ã yoariro jicɯ Cohamacu mãhure to pihachɯ capari bajuerariro jiihca mɯhɯ. ã jicɯ mahaa dachoricã mãhɯ ahri dachore ñɯsinisi —niha Paulo.

To ã nichɯta tiro yairo sehe me yoaro sehe jiare ñɯ mãhtano, baharo nahitiano dihtare ñɯha. ã jiro tirore tãhtirore macaha tiro. ¹² To ã wahachɯ ñɯno, Sergio Paulo sehe Jesu yare “Potocã tjira”, ni masiha. Mari pãhtoro yare tiro tãho, cãaa waha, Jesure wacũ tua dɯcaha.

Paulo Bernabé mehne Antioquíai Pisidia yahpai jiri macai jiha

¹³ ã yoa Paulo cãhɯ Pafopɯ jiina dohoria mehne pahã turia waha namo, Pergepɯ sɯha. Perge Panfilia yahpapɯ jira. Tópɯ sɯ, João Marco tinare cohã wahcã, Jerusalẽpɯ majare tjuaa wahaha. ¹⁴ To ã wahapachɯta tina sehe Pergepɯ jiina waha namo, Antioquíapɯ sɯha. Antioquíai Pisidia yahpapɯ jira. Tópɯ sɯa, Sabado dacho jichɯ tina judio masa buheri wuhɯpɯ sãa sɯ, tópɯ dujiha. ¹⁵ Tí wɯhɯ macaina pãhtoa Cohamacu dutiare, Moise cjiro masare to cãrire, ã yoa Cohamacu yare yahu mãhtaina cjiri ti joari cjirire ti buhe ñori baharo tina pjirocaha Paulo cãhure:

—Coyea, ¿masare wahchecɯ yoahiti cjihti mãsa yahu duaa jijari? Tíre yahu duana, yahuga michapucacã —niha tí wɯhɯ macaina pãhtoa.

¹⁶ Tí ã nichɯ tãhoro, Paulo wahcãrɯcɯ sɯ, “Durucuena tjiga”,

nino to wamomaca mehne cjä tuha. Ti dihta mariachũ ñũ, tiro õ sehe niha:

–Israe masa, ã yoa m̄sa Israe masa jieraina, Cohamacũre ño payoina, tũhoga m̄sa. ¹⁷ Mari ñũchũsuma cjiri Cohamacũre ño payoa tiha. Tina cjirire Cohamacũ besea tiha. ã jia mari ñũchũsuma cjiri yoari pja Egiptopũ jia tiha paina jipahta. Tópũ ti jichũ Cohamacũ noano yoaa tiha tinare. ã jia payũ masaputia tiha tina. Õ sehe yoaa tiha tinare. Tinare Egiptopũ jĩnare to tuaa mehne wioa tiha Cohamacũ. ¹⁸ To ã wiori baharo tina cuarenta cũhmari waro masa marienopũ tinia tiha. Tópũ tirore ti yũhdũrucachũ Cohamacũ ãta tũhotunocaa tiha. ¹⁹ Tuhsũ, Canaa wama tiri yahpapurẽ siete curuari macainare cohã tuhsũ, Cohamacũ tí yahpare waa tiha Israe masa sehere. ²⁰ Israe masa Egiptoi ti ji dũcachũ, pũ Cohamacũ ahri yahpare to wachũpũ cuatrocientos cincuenta cũhmari waro yũhdũa tiha. Baharo Israe masare dutihtinare cũa tiha Cohamacũ tinare. Pũ, Cohamacũ to cũrina Samue to jichũpũ ji batoa tiha. Samue sehe Cohamacũ yare yahu mũhtariro cjiro jia tiha.

²¹ Baharo Israe masa sehe ti pũhtoro cjihtore macaa tiha. ã jia Cohamacũre sinia tiha. Ti ã sinichũ ñũno Cohamacũ Saulo cjirore cũa tiha tinare. Saulo cjiro Cis macũno jiro, Benjami ya curua macariro jia tiha. ã yoa cuarenta cũhmari waro ti pũhtoro jĩhtiro cjihtore cũa tiha Cohamacũ tiro cjirore. ²² Cohamacũ Saulo cjirore to cohãri baharo Davi cjirore cũa tiha tiro. Õ sehe nia tiha Cohamacũ Davi cjirore: “Davi Jesé macũnore bocahi yũhũ. Tiro mehne wahcheja yũhũ. Tiro yũ cahmaare yoarohca”, nia tiha Cohamacũ. ²³ Ahriro Davi cjiro to panamino ji turiariro jira Jesu. Cohamacũ Jesure cũri jire Israe masare yũhdohtiro cjihto. “Masare noano yoaihca”, niha Cohamacũ. To niriro seheta yoare tiro. ²⁴ To ã yoahito pano Jesu to tahto pano João cjiro õ sehe ni buheri

jire: “M̄sa ñaa tũhotumari cjirire tũhotu cohtota, Cohamacũre macaga. ã yoana bautisarina jiga”, ni buheri jire João cjiro jipihtina Israe masare. ²⁵ João cjiro to buhe batoahito pano, to yariahto pano õ sehe ni yahua tiri jire: “¿Diro baro jijari yũhũ, m̄sa tũhotuchũ? Cristo jieraja yũhũ. Pairo jija. ã jipachũta tũhoga yũhũre. Yũ baharo yũ yũhgoro tuariro tarohca. Tiro noa yũhdũariro jira. Tiro yoaro sehe jieraja yũhũ”, ni yahua João cjiro masare.

²⁶ Coyea, Abrahã panamana, jipihtina Cohamacũre cua pisaro ñũina marine ahri to yũhdohtore yahua buheare warocari jire Cohamacũ. ²⁷ Jerusalẽ macaina ti pũhtoa mehne Sabado dachori jichũ Cohamacũ yare yahu mũhtaina cjiri ti joarire buhepahta noano tũho ñahaerari jire. ã tũho ñahaera, Jesu tinare yũhdohtiro to jichũ cũhũre masierari jire. Tina ã masierapahta Jesure wajã dutiha. ã yoaa Cohamacũ yare yahu mũhtaina cjiri ti joariro seheta yoaa niha. ²⁸ Tirore ti wajãhto pano tina Jesure yahusãmaha. Wiho mejeta to ñaa yoerapachũta tina Pilatore Jesure wajã dutia taa, siniha. ²⁹ ã yoaa, panopũ ti joariro seheta Jesure yoa tuhsũ, tirore crusapũ jirirore na boro, masa copapũ tâcai ti sahari copapũ na sãa, duhu payoha tirore. ³⁰ Tirore ti ã wajãpachũta tiro to yariari baharo Cohamacũ masori jire tirore. ³¹ ã jia Galileapũ taina Jerusalẽpũ tiro mehne sũina payũ dachori tirore yaria masa bajarirore ñũa tiri jire. ã jia mipũre tirore ti ñũrĩre masare yahuhre tina.

³²⁻³³ ã jina noaa buheare yahuja sã mũsare. Cohamacũ mari ñũchũsuma cjirire “Masare noano yoaihca”, panopũ to niriro seheta mipũre marine tinare ji nũnũ ti turĩainare yoahre. Tĩre to yahuri cjirire õ sehe yoahre tiro. Cohamacũ Jesure masori jire. ã jina Jesure to masorire yahuja mũsare. Salmo capítulo dosre panopũ to joariro seheta ã wahari jire: “

‘Muhu yu macu jira. Michare muhare yuhu mu Pucu jiare masichu yoahi’, nina Cohamacu to macunore”, ni joaa tiha panopu. ³⁴ Æ jiro Cohamacu Jesure to masohtire pari turi to yariaerahtore yahuyuro ð sehe ni yahu joaa tiha Salmo joariro. “ ‘Davire yu pja ñuriro seheta tirore yu niriro seheta potocãta noano yoaihtja musa cãhure’, nire Cohamacu”, ni joaa tiha. ³⁵ Tuhsu, pa Salmo cãhure ð seheta ni yahua tiha: “Cohamacu mu yairo ñaa buhiri marieriro to pjacure baa dutierara muhu”, ni joaa tiha. ³⁶ Æ jiro Davi Cohamacu to cahmariro seheta to jisniri pja macainare yoadohoha. Baharo tiro yariaa wahaha. To yariari baharo to pucsumare ti yoariro seheta masa coparu sið sãaha tiro cãhure. Æ jiro tiro baa wahaha. ³⁷ To ã baapachuta ahriro, Cohamacu to masoriro sehe ne baaerare. ³⁸ Æ jina musa yu coyera ahrire masiga: Jesu to yariaro mehne Cohamacu mari ñaa yoari buhiri tiare to cohãhtore musare yahuja sã. ³⁹ Æ jiro Jesure wacũ tuainare Cohamacu ti ñaa ñano yoaa, buhiri tiare bonocanohca. Wiho mejeta Moise cjiro to cũri dutiare musa yoari mehne musa ñaa yoari buhiri tiare ne cohãsi Cohamacu. ⁴⁰ Æ jina noano yoaga. Musa noano yoerachu Cohamacu yare yahu muhtaina cjiri ti joariro seheta musare wahaboca. ð sehe ni joaa tiha:

⁴¹ “Tuhoga musa.

Cayoa payuina, yuhure ñu tuhtiina jira musa.

Yu ð sehe yoachu cuiga musa.

Æ jina pichacaru wahaga.

Musa jia dachorire musare yoa ñoihtja.

Yu ã yoa ñochu ñupanahta ‘Potocã tjira’, nisi musa.

Pairu tãre musare to noano yahu-pachuta ‘Potocã tjira’, nisi musa”,

ni joaa tiha Cohamacu yare yahu muhtariro cjiro –ni yahuha Paulo tinare.

⁴² To ã ni yahuri baharo judio masa buheri wuhuru ti wijaari baharo, masa sehe tinare ð sehe ni siniha:

–Pa somanaru Sabado jichu sãre ahrire buhega tjoa –ni siniha tina Paulore.

⁴³ Æ yoa tí wuhuru jirina wijaa, judio masa payu, judio masa jieraina cãhu Paulo cãhu mehne wahaha. Judio masa jieraina sehe judio masa yare Cohamacu warore ti ño payoa tiare buheina jiha. Ti ã wahachu Paulo, Bernabé mehne noano yahuha tinare: “Cohamacu musare cahãna. Æ jina tirore ño payoina, wacũ tuaina ã jirucuga musa”, ni buheha tina.

⁴⁴ Æ yoa pa somanare Sabado jichu jipihitina Jesu yare tuho duaina cahmachuha. ⁴⁵ Wiho mejeta judio masa sehe payu masare Jesu yare tuho duainare ñua pahsu tia wahaha. Æ pahsu tia tina soro ni durucu, Paulore ñano quitu dojomehneha. “Musare to buhea potocã jierara”, niha tina. ⁴⁶ Ti ã nichu tuhoa, Paulo, Bernabé mehne tinare quitu dojomehnerinare cuiro marieno ð sehe ni yahuha:

–Cohamacu to dutiriro seheta musare buhe muhtamahi sã. Wiho mejeta musa sehe tãre cahmaera tuhsuhre. Cohamacu catia mehne ã catirucua cãhure cahmaera tuhsuhre musa. Æ jina sã sehe judio masa jieraina sehere buhe ducanahca.

⁴⁷ To joa dutiri cjiri mehne ð seheta dutiha Cohamacu sãre:

“Musa judio masa jierainare buhena tinare yu yare noano masichu yoanahca musa.

Æ jicu ahri yahpa mu saro macainare musa buhechu, noano yuhure wacũ tuaina sehere pichacaru wahaborinare yuhdoihca yuhu”,

ni yahu dutiha sãre Cohamacu –ni yahuha Paulo, Bernabé mehne.

⁴⁸ Ti ã nichu tuhoa judio masa jieraina sehe wahcheha. “Cohamacu ya sehe noaa jira”, niha tina. Tõpeina Cohamacu to cahmaina, to catia mehne ã catirucua to wa duarina

Jesure wacū tua dūcaha. ⁴⁹ ã jia mari pūhtoro Cristo yare tí yahpapure yahu site pahñoa. ⁵⁰ Ti ã yahu site pahñoche ñua judio masa ji coaeraha. ã jia tina Paulo cūhure ñano durucuha. Tópe Cohamacure ño payoa numia, masa ti cua pisaro ñua numia jiha. ã jia judio masa Paulo cūhure ñano durucuha. Ti ã ni durucuch tūhoá tí numia Paulo mehne, Bernabé mehne cūhure suaha. ã yoa tí maca macaina pūhtoa cūh tina mehne suaha. ã suaa tó macaina ñano yoaha Paulo cūhure. Ti ã yoari baharo Paulo cūhure ti ya yahpai jīinare cohā wioha. ⁵¹ Ti ã yoach ñua Paulo, Bernabé mehne ti dahpori macaa dihta pohcarire cĵā site boro cūha tí maca macaina ti ñaa yoari buhiri tiare ñoa. ã yoa tuhsu tina Iconiop wahaa wahaha. ⁵² ã yoa tina Jesu yaina pjīro wahchea, Espíritu Santo dutiare yoaina jiha.

14

Paulo, Bernabé mehne Iconioi jiha

¹ ã yoa Iconiop su, Paulo Bernabé mehne judio masa buheri wūhupū sāa, Jesu yare noano durucu mihnia mehne yahuha. ã jia payu masa Jesure wacū tua dūcaha, judio masa cūh, judio masa jieraina cūh. ² Wiho mejeta judio masa Jesure cahmaeraina cūh tina mehne jiha. Tina judio masa jierainare Jesu yaina mehne ti suach yoaha tjoa. Ti ã yoach judio masa jieraina ñano tūhotuha Jesu yainare. ³ Ti ã tūhotuch ñua Paulo, Bernabé mehne tópe yoari pĵa jia, cuiro marieno mari pūhtoro Jesu yare noano buheha. Cohamacu masare to cahĵare buheha. ã buhea Cohamacu to tuaa mehne yoa ñoha tina, “Ahri buhea potocā tjira”, nia. ⁴ Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūh tjuaha. Tina pūa curua tjuaha. ⁵ ã jia judio masa jieraina, judio masa ti pūhtoa mehne

Jesu to cūrinare ñano yoa duama, tãa mehne doca wajã duamaha tinare. ⁶ Ti ã yoa duarire masia, Paulo Bernabé mehne Licaonia yahpapu duhti wahcāa wahaha. Tí yahpai jia macaripu Listra, ã yoa Derbepu suha. ⁷ Tópe sua, noaa buheare buheha tjoa tí macari macainare, tó cahai jīina cūhure.

Listrai Paulore tãa mehne docaha

⁸ ã yoa Listrai tini masierariro jiha. Tiro wahma masa bajuaroputa tini masierariro jiro ne tinieraa tiha. ⁹⁻¹⁰ ã jiro tiro Paulo to buhech tūhoá. To tūhoro watoi Paulo sehe tiro dihtare ñua.

—Ahrīro Jesure wacū tuara. ã jiro tiro noariro waha duara —ni tūhotuha.

ã ni tūhoturo tuaro mehne durucutĵiāhno õ sehe niha Paulo tirore:

—Wahcārucaga —niha Paulo tirore.

To ã nich tūhorota tini masierariro sehe pu surucu su, wahaa wahaha. ¹¹ Paulo to ã yoach ñua masa ti ya mehne, Licaonia ya mehne õ sehe ni sañurucuha:

—Ahrina cohamana, mūa yoaro sehe bajuina mūanop jīina mari cahap duji tari jira —ni sañurucuha tina.

¹² ã jia tina cohamanare ti ni pisua wamari mehne tinare ni wama pisuha. Tina Bernabére “Zeus”, ni pisuha. ã yoa Paulo buhe mūhtariro to jich ñua, “Hermes”, ni pisuha tina tirore. ¹³ ã jiro Zeusre ño payoina ya wūh tí maca dūhtu cahai jiha. ã jiro Zeus yaina ti sacerdote sehe wachūare cohorī mehne macap sāa tari sopaca cahap na taha. Zeusre ño payo duaro to wachūare jū mūono, Paulore, Bernabére wa duamaha tiro, to masa mehne. ¹⁴ Ti ã yoach ñua Paulo, Bernabé mehne ti basi ti ya suhtire tūhrērocā ti cahyaare masare ñoa. Tūhrēroca tuhsu masa watoi mūroca, õ sehe ni sañurucu wahcāha tina:

¹⁵ —Mūsa õ sehe yoarena tjiga. Sā cūh mūsa yoaro sehetā masa jija. Õ sehe mūsa yoaa ne yaba cĵihti jierara.

Ã jina musare buhena tahi musa õ sehe yoaare duhu dutina tana. Ahri cohamana musa niare, musa yoaa, wiho jia masuri jira. Tí masurine cohãga. Ã jina Cohamacure catiriro sehere ño payoga. Cohamacu sehe manore, yahpare, pjiri mare, jipih-tiare yoariro jira. ¹⁶ Panopure tiro jipih-tia macari macaina ti yoarire ã ñnocaha. ¹⁷ Wiho mejeta tiro to jia tiare ñona masare. Tiro masare noaare yoa, coro tachu yoa, dichare wa, masare chure ã warucura. To ã wachu masa wahchera. Tó seheta tiro to jia tiare ñona masare –niha Paulo, Bernabé mehne.

¹⁸ Wiho mejeta ti ã nichu tuhopahta masa wachure wajã jũ mo tinare ño payo duamaha. Tó sehe ti ño payo duachu ñua tinare ã yoa dutieraha Paulo cãhu. Ti ã yoaare duhu duaerapahta duhuha tó macaina sehe.

¹⁹ Ã yoa paina judio masa Antioquia macaina, Iconio macaina cãhu Listrapũ suha. Tóru sua, Paulore ñano durucuha tjoa judio masa. Ti ã ni durucuchũ tuhõa masa tiro mehne suaha. Å suaa tãa mehne docaha tirore. Tãa mehne tirore doca tuhsũ “Ahriro yariaa wahara” nia, tí maca dũhtũ cahapũ tirore waja su cũnoca, wahaa wahaha. ²⁰ Ti ã yoari baharo Jesu yaina Paulore ñua wahaha. Tiro cahai ti cahmachurũcu suchu waro Paulo wahcãrũca, tina mehne macapũ wahaa wahaha. Å yoa pa dachoi tiro Bernabé mehne Derberũ wahaha.

²¹ Tóru su, tina noaa buheare tó macainare ti yahuri baharo, payu masa Jesure wacũ tuaina ji dũcaha. Å yoa baharo tina ti sua macaripe Litra, Iconio, Antioquiapũ majare tjuaa wahaha. ²² Tí macaripũ sua tí macari macainare Jesu yainare noaa buheare yahua, tinare noano yajeripohna tichũ yoaha. Å Jesure wacũ tuarucu dutia õ sehe ni yahuha tinare:

–Cohamacu to jiropure mari suhto pano, tuaro marine ñano yũhdũro cahmana –ni yahuha.

²³ Å jia macaripe macainare Jesu yainare ti puhtoã cjihtire cũha Paulo Bernabé mehne. Cũ tuhsũ, ti chu duhuri baharo Cohamacure õ sehe ni sini payoha:

–Puhtoro, ahrina mu yainare ñu wihboga –ni sini payoha tina Cohamacure ti wacũ tuarirore.

Paulo Bernabé mehne Antioquiapũ ti ji mũhtari macapũ tjuaa wahaha

²⁴ Ti ã yoari baharo tina Pisidia yahpapũ jirina cjiri wahaa wahaha Panfilia yahpapũ. ²⁵ Tóru su, Pergepure tina buhe tuhsũ Atalia wama tiri macapũ wahaa wahaha. ²⁶ Tí macapũ su, Antioquiapũ tjuaa, dohoria mehne pahãa wahaha. Tí macaihta panopũ ti jisnichũ Jesu yaina Cohamacu yare buhe dutia Paulo cãhure warocaha. Å warocaa:

–Cohamacu mũ cahãa mehne ahrinare ñu wihboga –ni warocaha tina.

Å tju sua tinare ti buhe dutirire buhe tuhsũha Paulo, Bernabé mehne. ²⁷ Antioquiapũ ti tju suri baharo Jesu yaina mehne cahmachu, Cohamacu to tuua mehne ti yoarire yahu pahõoha tina. Judio masa jieraina cãhu Cohamacu yaina ti waharire yahuha tina. ²⁸ Å jia Paulo cãhu tópure Jesu yaina mehne yoari pja jiha.

15

Jerusalẽpũ Jesu yaina cahmachuha

¹ Å yoa Judea yahpa macaina mahainacã Antioquiapũ sua, Jesu yainare õ sehe ni buhe dũcaha tina:

–Cohamacu to dutiare Moise cjirore cũno õ sehe ni cũha. Jipih-tina ti pjacure mahari cahsarocãre ti yihsohtore yahu cũha Moise cjirore. Musa tíre yoerachũ Cohamacu musare yũhdosi –ni buheha tina tó macainare.

² Ti ã ni buhechu tuhõa Judea yahpa macaina sehe cahma sayoha Paulo cãhure Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cãhure Jerusalẽpũ warocaha. Judea

yahpa macaina ti buherire Jesu to cūrinare Jesu yaina p̄h̄toa c̄h̄ure sinitu ñ̄a dutia warocaha Paulo c̄h̄ure.

³ ã jia Jesu yaina tinare ti warocach̄u waha, Fenicia yahpare s̄u, ȳhd̄u wahc̄ã, Samaria yahpap̄u s̄u. Tí macarip̄u s̄u, judio masa jieraina Cohamac̄u yare ti cahma d̄ucarire yahuha tina tó macainare. Ti ã yahuch̄u t̄hoa tó macaina Jesu yaina tuaro wahcheha.

⁴ ã yoa tina Jerusalēp̄u ti s̄uch̄u ñ̄a tó macaina Jesu yaina, Jesu to cūrina, to yaina p̄h̄toa mehne wahchea mehne noano piti boca ha tinare. Ti ã piti bocach̄u Paulo, Bernabé mehne Cohamac̄u to tuaa mehne ti yoarire yahuha tina Jerusalē macainare. ⁵ Wiho mejeta tórp̄u fariseo curua macaina Jesu yaina mahainac̄ã jiha. ã jia tina tórp̄u wahc̄ãr̄uca, ò sehe ni yahuha:

–Tinare judio masa jierainare ti pjac̄ure mahari cahsaroc̄ãre yihsoro cahmana. “Cohamac̄u Moise cjirore to dutirire yoaga m̄sa c̄h̄u”, nino cahmana tinare –niha tina fariseo curua macaina c̄h̄u.

⁶ Ti ã nich̄u t̄hoa Jesu to cūrina, to yaina p̄h̄toa mehne ti ã nirire cahnoa taa, cahmachuha. ⁷ ã cahmachua tina paȳu ti durucuri baharo Pedro wahc̄ãr̄uca, ò sehe ni yahuha tinare:

–Coyea, panop̄u ȳh̄ure m̄sa mehne jirirore Cohamac̄u ò sehe yoa dutiro ȳh̄ure c̄ure. Tiro ȳh̄ure noaa buheare judio masa jierainare yahu dutiro c̄ure. Tinare Jesure wac̄u tua dutiro ȳh̄ure tinare buhe dutire. ⁸ Cohamac̄u masa ti t̄hotuare masina. ã jiro tiro judio masa jierainare to yaina to yoarire ñ̄ono taro tiro Esp̄iritu Santore ware tinare, marine to yoariro seheta. ⁹ ã waro tiro marine tina c̄h̄ure c̄no potori noano yoare. Tina tirore ti wac̄u tuach̄u ti ñ̄aa buhirire bore tiro. ¹⁰ Mari sehe Cohamac̄u Moise cjirore to c̄uri dutiare c̄no pjaeraja. Mari ñ̄uch̄us̄ma cjirore c̄h̄u c̄no pjaeraha.

¿ã mari c̄no pjaerapach̄uta dohse yoana Jesu yainare judio masa jierainare tíre yoa duti duajari m̄sa?

ã yoa dutina Cohamac̄u tinare to yoarire “Quih̄õno wahaerara”, nina nica m̄sa. ¹¹ Wiho mejeta ò sehe s̄ã t̄hotuja. Mip̄ure judio masa jieraina yoaro seheta mari c̄h̄ure mari p̄h̄toro Jesu cah̄ã mehne Cohamac̄u ȳhd̄orohca. Dutiare mari yoaa mehne marine ȳhd̄osi –niha Pedro tinare.

¹² To ã nich̄u t̄hoa jipihtina dihta mariea wahaha. Ti ã dihta mariach̄u Paulo, Bernabé mehne judio masa jieraina watoí Cohamac̄u tuaa mehne ti yoa ñ̄orire yahuha tinare. ¹³ ã ti yahu tuhs̄ari baharo Santiago ò sehe ni yahuha:

–Coyea, t̄hoga ȳh̄ure. ¹⁴ Cohamac̄u judio masa jierainare to yaina cjihtire to coã yoarire yahu tuhs̄h̄re Pedro. ¹⁵ Panop̄u macaina Cohamac̄u yare yahu m̄htaina cjirore ti yahuriro seheta ã wahahre judio masa jierainare. Ò sehe ni Cohamac̄u yare joaa tiha tina:

¹⁶ “Panop̄u Davi cjirore ya curua macaina ti p̄h̄toa jirore cjirore pihtia wahare.

Baharo tjua taihca ȳh̄u.

ã jic̄u pari turi to ya curua macarirore p̄h̄toro s̄ihca.

¹⁷ Ȳu ã yoari baharo jipihtina paina judio masa jieraina ȳh̄ure p̄h̄toro tiahca tina.

‘Ȳu yaina jiga’, ȳu ni pjirocarina sehe ȳh̄ure cahmaahca.

¹⁸ ãta nina mari p̄h̄toro.

Panop̄u tiro ahrire masare yahua tiri jire”,

ni joaa tiha Cohamac̄u yare yahu m̄htaina cjirore.

¹⁹ ã jic̄u ò sehe ni t̄hotuja ȳh̄u. Judio masa jierainare Cohamac̄u yare wahma cahma d̄ucainare paȳu yoa dutiena tjijihna mari. ²⁰ Wiho mejeta tinare joa, warocajihna mari. Ò sehe ni joarocajihna: “Ñ̄aa ch̄ure, ‘Cohamac̄u jira’, ti nia mas̄rine ti waa ch̄ure ch̄ena tjiga. Tuhs̄u,

numia mehne ñano yoaena tjiga. Numia cūhū mūa mehne ñano yoaena tjiga. ã yoa wamūa ti ñaha wajāinare wahiquinare chūena tjiga. Dire sihniena tjiga”, ni yahu joarocajihna. ²¹ Yoari pja judio masa buhea wuhūsepū Sabado jichū Cohamacū Moise cjirore to cūri dutiare buhea tire masa. ã yoa jipihtia macaripū Moise cjiro to yahuare buhea tire. (ã jina yū niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

²² Tí pjare Jesu to cūrina, Jesu yaina pūhtoā, jipihtina Jesu yaina mehne pūaro tina mehne macainare beseha ti warocahtinare. Antioquíapū Paulo, Bernabé mehne ti wahachū wāhahtinare tinare bese warocaha. ã jia tina Judare, Sila mehne warocaha. Juda sehe Barsaba pūaro wama wama tiha. Ti coyēa Jesu yaina tinare ño payoha. ²³ Tinare ti beseri baharo Jesu yaina joarocari pūre warocaha tina mehne. Ō sehe ni joaha tina:

“Jesu to cūrina, to yaina pūhtoā, mūsa coyēa Jesu yaina mehne sã noa dutija mū sare. Jipihtina judio masa jierainare Antioquíapū, Siriapū, Ciliciapū jīinare mū sare Jesu yainare noa dutija sã. ²⁴ Sã mehne macaina mūsa cahapū sūa, mū sare payū dutiare yoa dutiyuhti. ã yoa mū sare cariboyuhti. Tina Cohamacū dutiare Moise cjirore to cūri cjiropūre, mahari cahsarocāre yihsoa cūhūre yoa dutiyuhti. Wiho mejeta sã sehe tinare tíre buhe dutina warocaerahi. ²⁵⁻²⁶ ã jina sã jipihtina cāno potori mūsa cahapū warocahtinare sã besehi. Mari cahīinare Paulo, Bernabé mehne Cristo Jesu mari pūhtoro yare cuirō marieno ti buhechū payū tahari paina tinare wajāmoñoha. Ti ã wajāmoñochū mahanocā mehne yūhdūha tina. Tina mehne sã beserinare mipūre warocaja. ²⁷ ã jina Judare, Sila mehne mūsa cahapū warocaja. Sã joarocarire tina sehe mū sare yahuahca. ²⁸ Espíritu Santo

to wacūno seheta sã cūhū tūhotuja. Ō sehe jira tí: Paye dutiapūre cūeraja mū sare. Ahri dutia dihtare cūnahca mū sare: ²⁹ Ñaa chūare, ‘Cohamacū jira’, ti nia masūrine ño payo ti duhu payoa chūare chūena tjiga. Dire sihniena tjiga. Wamūare ti ñaha wajāinare wahiquinare chūena tjiga. ã jina numia mehne ñano yoaena tjiga. Numia cūhū mūa mehne ñano yoaena tjiga. Ahri yū yoa dutierare yoaerana noaare yoana nica mūsa. Tó puro tjira mū sare sã yahu duaā”, ni joarocaha Jesu yaina Jerusalēpū jīina.

³⁰ Tí pūre joa tuhsū, waha Antioquíapū wahainare. Ti wari baharo waha, Antioquíapū sūha. Ti tópu sūri baharo payū masare cahmachu duti, ti joari pūre wiaha tinare. ³¹ Tí pūre ti buheri baharo tina yajeri sã, noano wahcheha. ³² ã jia Juda, Sila mehne Cohamacū yare yahu māhtaina jia, yoari pja Jesu yainare Cohamacū yare yahuha. Ti ã yahuchū tūhoā, Jesu yaina sehe wahche, noano tūhotuha. ³³ ã jia Juda, Sila mehne tópu mahaa dachoricā ti jiri baharo Jerusalēpū ti tjuāa wahachū tó macainare ti coha sitichū, “Noano wahaga mūsa”, niha Antioquíā macaina. ã jia Juda cūhūre warocarinare noa dutirocaha. Ti ã niri baharo Juda sehe tjuāa wahaha. ³⁴ [Wiho mejeta Sila sehe tóputa tjuānocaha Antioquíapūta.] ³⁵ ã jia Paulo Bernabé cūhū mahaa dachoricā tjuasiniha tí macai tjoa. Tóti tina paina payū mehne Jesu yare buheha.

Pari turi Paulo noa buheare buhe tinino wahaha

³⁶ ã yoa mahaa dachoricā baharo Paulo ō sehe ni yahuha Bernabére:

—Jipihtinare mari buhe dūcarinare “¿Dohse jijari tina?” ni, ñūna wahajihna tjoa —niha Paulo cūhū ti basi.

³⁷ ã ni tuhsū, Bernabé sehe João Marcōre tina mehne naa duamaha. ³⁸ To ã naa duapachūta tó pano tiro tina mehne Panfiliapū sūro

tina mehne tjuaeraha. Ti yoare cãno pjaeraro tjuaa wahaha. ã jiro Paulo pari turi tirore naa duaeraha. ³⁹ To naa duaerachũ ñũno Bernabé Paulo mehne pũaro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nũcopũ Marcopũ na pahãa wahaha. ⁴⁰ Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamacũ musare noano ñũ wihbojaro”, niha. Ti ã niri baharo Paulo Sila mehne wahaa wahaha. ⁴¹ ã wahaa, Siria yahpapũ, Cilicia yahpapũ cãhare sũa, tórpũ Jesu yainare noano yajeripohna ti, Jesure wacũ tua namochũ yoaha tinare.

16

Timoteo Paulo mehne wahaha

¹ Ti ã yoari baharo Paulo cũhũ Derbepũ, Listrapũ sũa, Timoteore boca sũha. Timoteo Jesu yairo jiro, judio masono macũno jiha tiro. To pocoro cũhũ Jesu yacorota jiha. To pũcũro sehe griego masũno jiha. ² ã jia Litra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaaha. Wiho mejeta tí yahpa macaina judio masa sehe Timoteo pũcũro griego masũno to jichũ masiha. ã jiro Paulo judio masare “Suari” nino, Timoteo pjacũre mahari cahsarocã yihso naha. Judio masa ti dutia ti niriro seheta yoaha. ⁴ To ã yoari baharo tina ti sũa macari macainare ti joarocari pũ macaare yahuha. Tí pũ Jesu to cũrina, to yaina pũhtoa mehne Jerusalēpũ jiina ti joarocari pũ jiha. ã jia tí dutiare noano yahu turiaha tó macainare Jesu yainare. ⁵ Ti ã yahuchũ tũhoa Jesu yaina sehe Jesure wacũ tua namoha. ã yoare Jesure wahma wacũ tua dũcaina dachoripe payũ waha namoha.

Paulo cahãnopũ Macedonia macarirore ñũha

⁶⁻⁷ ã yoare Asia yahpapũ sehere noa buheare buhe dutieraha Espiritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtũ cahai sũha. Tórpũ sũ, Bitinia yahpa sehe waha duamaha tina. Wiho mejeta Espiritu Santo sehe tinare tórpũre waha dutieraha. ⁸ To ã niri baharo tina sehe Misia yahpare yũhdũa, Tróadepũ buhtũ wihire. ⁹ Tórpũ ti buhtũ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchũ ñũri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihi, sã yare cahno tuhsũ, Macedoniapũ wahaa wahai sã. “Cohamacũ tí yahpapũre noa buheare buhe dutiro nina marine”, ni tũhotui sã.

Paulo, Sila mehne Filipopũ jiha

¹¹ ã jina sã Tróadepũ jiina dohoria mehne Somatracia wama tiri nũcopũ pahã sui sã. ã yoare pa dachoi Neapolipũ pahãa wahai sã. ¹² Tí macare yũhdũana, Filipopũ Roma macaina ya macapũ sui sã. Tí maca Macedonia yahpai jiri maca jire. Wiho jiri maca jierare. Tórpũre mahaa dachoricã sã jii. ¹³ Tórpũ jina Sabado jichũ sã tí maca dũhtũ cahapũ, dia dũhtũ cahapũ sui. Tóti Cohamacũ mehne ti durucuro jire. Tóti dujina tóti cahmachua numia mehne sũhũdui sã. ¹⁴ Cũcoro sãre tũhoricoro Tiatira wama tiri maca macaricoro Lidia wama tircoro jire. Ticoro noa suhti wapa tia suhtire duaricoro, Cohamacũre ño payoricoro jire. ã jiro Paulo to yahuare noano tũhochũ yoare Cohamacũ ticorore. ¹⁵ To quihõno tũhochũ ñũno ticorore to wũhũ macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mũhũ cũhũ”, nina mũsa yũhũre. ã jina ya wũhũ sãa taşinia mũsa. Yũhũ mehne tjuasinia —nire ticoro sãre.

To ã nichu tũhona to wũhũi tjuasinii sã.

16 Pa dacho Cohamacu mehne ti durucuropu sã wahachu watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mũsare”, ni yahuyuricoro jire. Æ yahuro pjĩro wapatabasare to pũhtoare. 17 Æ jiro Paulo mehne sã wahachu, sãre nũnu ti, saũurucure ticoro:

—Ahrina Cohamacu Jipihtina Bui Jiriro to yoadohoina jira. Cohamacu marine to noano yũhdohtire yahura tina —ni saũurucure ticoro.

18 Payu dachori ã ni cariborucure Paulore. To ã ni saũurucuchu Paulo majare ñu, õ sehe nire watĩnore:

—Jesucristo tuua mehne dutija mũhũre. Ticorore wijaahga. Waharisa mũhu —nire Paulo.

To ã nichuta watĩno sehe wahaa wahare.

19 To ã wahari baharo ticoro pũhtoa sehe niũeru to wapataeraricoro to wahachu ñu, tina Paulore, Sila cãhũre ñahare. Ñaha tuhsu, tinare naahre tí maca dacho macapu jiina pũhtoa cahapu. 20 Æ naa wahcã, buhiri tiare cahnoina cahapu tinare cũre tina.

—Ahrina judio masa mari ya macare cariboa nina. 21 Tina mari dutiare cohã dutia, paye buheare buhea nina. Mari ya dutiare yũhdũrucachũ yoa duaa nina. Mari Roma macaina jina ahrina ti yahua sehere yoa masieraja mari. Æ jina ti buheare mari cahmaeraja —nire ticoro pũhtoa buhiri tiare cahnoinare.

22 Ti ã nichu tũhoa masa payu Paulo cãhũ mehne sua yũhdũu wahare. Æ jia buhiri tiare cahnoina sehe Paulo cãhũ suhtire ti tũhrẽ cohãri baharo, yucari wasõri mehne tjana dutire tinare. 23 Tuaru tjana tuhsu peresu yoare tinare. Ti ã peresu yoari baharo peresure cohtarirore noano ñu wihbo dutiha tina. 24 Ti ã dutiri baharo tinare cohtariro sehe tí wũhu puhicha macari tahtiapu tinare cũ,

taboa pahtari mehne ti dahporire biha dapoha.

25 Ñami dacho macai Paulo, Sila mehne Cohamacure sini, tirore basa payoha. Ti ã basachu tũhoha paina peresupu jiina. 26 Ti ã ni basachuta tí wũhu tuaro ñuhmiha. To ã ñuhmichũ cũno potori jipihtia sopa pahmari parĩ mũu, peresupu jĩnare ti dũhtea dari comaa dari nuhnu site boraa wahaha. 27 To ã wahachu tí wũhũre cohtariro sehe wahcã wihi, “Peresu jiina duhti tuhsari jire”, ni tũhotumaha. Æ ni tũhoturo to ñosari pjĩne naroca, to basi ñosamaha. 28 To ã yoachu ñũno Paulo tirore tuaro saũurucu õ sehe niha:

—Mũ basi ñano yoai tjiga. Jipihtina õre jija sã —niha tiro tinare cohtarirore.

29 To ã nichu tũhoro tinare cohtariro sehe sihã buhria duti, tina cahapu mũroca wahcã Paulo, Sila ti dahpori cahapu tetere, caha sũha tiro. 30 Tuhsu, tiro tinare tí tahtiapu jĩnare na wijaa, sinituha tinare:

—¿Dohse yoaicari yũhu Cohamacu yairo ji duacu, to yũhdohtiro ji duacu? —ni sinituha tiro.

31 —Jesucristore wacũ tuaga mũhu. Mũ coyea cãhu tirore wacũ tuajaro. Mũsa ã yoachu mũsare pichacapu wahaborinare Cohamacu yũhdorohca —ni yahuha tina.

32-33 Ti ã niri hora ñami dacho maca baharocã jiha. Ti ã niri baharo tinare cohtariro to ya wũhũpu naaha tinare. To ya wũhũpu na sũ ti camine cosaha tiro. To ã cosa tuhsari baharo to coyea mehne Cohamacu yare buheha Paulo cãhũ. Ti buheri baharo bautisaha tinare. 34 Ti bautisa tuhsari baharo tinare cohtariro cjiro Paulo cãhũre chũare payoha. Æ jia tiro to coyea mehne noaa buheare ti tũhori baharo tuaro wahcheha, Cohamacure masi dũcaa.

35 Bohrea parĩ cahachu ñu pũhtoa sehe surarare peresupu warocaha Paulo cãhũre wio dutia. 36 Ti ã wio dutiri baharo tí wũhũre cohtariro Paulo cãhũre yahuha:

—Pũhtoa mũsare wio dutire. Ǻ jina cuienata wijaahga —niha tiro Paulo cǻhũre.

³⁷ Ti ǻ wio duapachũta Paulo ǻ sehe ni yahuha surarare:

—Sǻ ñano yoaerahi. Ǻ jina sǻ ne buhiri cjũaeraja. Wiho warota tina pũhtoa sehe masa ti ñũrocaroi yucũri wasõri mehne tjanahre sǻre, Roma macaina sǻ jipachũta. Tjana tuhsũ peresu yoahre sǻre. Ǻ jia mipũ masa ti ñũeraroi wio duara sǻre, sǻre ñano ti yoarire “Bũoro yũhdũri”, nia. Pũhtoa ti basita ta, wioa tajaro sǻre —niha Paulo surarare.

³⁸ To ǻ nichũ tũhoa surara sehe pũhtoare yahua wahaha. Ti ǻ ni yahuri baharo Paulo, Sila mehne Roma macaina ti jichũ masia pũhtoa sehe cui niha. ³⁹ Ǻ jia tina Paulo cǻhũ cahai sũ, ǻ sehe niha:

—Ñano yoahiti sǻ mũsare. Ne parituri ǻ yoasi —niha pũhtoa Paulo cǻhũre.

Ǻ ni tuhsũ pũhtoa tinare peresupũ jĩinare wio, tinare pa sehẽpũ waha dutiha. ⁴⁰ Ti ǻ niri baharo Paulo, Sila mehne peresupũ jĩina wijaa, Lidia wama tiricoro ya wũhũpũ wahaha. Tĩ wũhũpũ ti sũri baharo Jesu yainare piti bocaha. Ǻ jia tina Jesu yainare noano buhea, noano yajeripohna tichũ yoaha tinare. Ti ǻ yoari baharo Paulo, Sila mehne waha wahaha.

17

Tesalónica macaina suaha Jesu yaina mehne

¹ Ǻ yoa tina Anfipolipũ sũ, yũhdũa, Apoloniapũ sũ, yũhdũa, Tesalónicapũ sũha tina. Tói judio masa buheri wũhũ jiha. ² Somanaripe to yoariro seheta Paulo buheri wũhũpũ waha tiha. Tórpũ sũ, tia somana waro sabado dachoripe tiro panorpũ macaa ti joari cjirire Cohamacũ yare masare buhe, tíre tina mehne sũhũdua tiha Paulo. ³ Ǻ yoaro tiro Cohamacũ yare ǻ sehe ni yahuha:

—Judio masa, mũsa pũhtoro mũsa cohtariro Cristo tari jire ñano

yũhdũhtiro. Cohamacũ to ni cũriro cjiro seheta tiro yariaa wahaha masa mũjano taro. Ǻ jiro ahriro Jesu, yũ yahuriro, tiro Cristo warota jira marine yũhdohtiro. Tirota jira mũsa cohtariro. ǻ seheta nina Cohamacũ yare ti joari pũ —ni yahuha Paulo.

⁴ To ǻ nichũ tũhoa, cǻina tói jina “Potocǻ tjira”, niha. Ǻ jia tina Paulo cǻhũ mehne wahaha. Ǻ jia paina cǻhũ griego masa payũ Cohamacũre ño payoina sehe Paulore quihõno tũhoa, ǻ yoa tina mehne macaa numia cǻhũ payũ pũhtoa numia masa ti cua pisaro ñũa numia cǻhũ tirore quihõno tũhoa Jesu yaina tjuaha. Ǻ jia tina cǻhũ Paulo cǻhũ mehne wahaha. ⁵ Wiho mejeta judio masa sehe ti ǻ wahachũ ñũa, pahsu tiha. Ǻ jia tina ñaina dahraerainare payũ pji cahmachu ǻ sehe ni dutiha: “Ahrina ñano yoa nina”, ni sañurucu dutiha tinare. Ǻ sañurucu jipihtina tí maca macainare suachũ yoaha Paulo cǻhũ mehne. Ǻ jia judio masa Jasõ ya wũhũpũ sǻa, Paulo cǻhũre macamaha, tinare masapũre waa taa. ⁶ Wiho mejeta tinare boceraha. Ǻ jia Jasõre, paina Jesu yaina cǻhũre ñaha, waja wijaa wahaha tinare. Pũhtoa cahapũ na sũ ǻ sehe ni yahusǻha tina:

—Paulo cǻhũ masare jipihtiorũre caribobiara. Ǻ jia mipũre tina mari ya macare wihi tuhsũhre. ⁷ Ǻ jiro ahriro Jasõ tinare to ya wũhũpũ sǻa ta dutihre. Tina jipihtina mari bui pũhtoro Roma macariro to dutiare yũhdũrũcara. “Pairo mũsa pũhtoro jira. Jesu tirota jira” nia, mari pũhtoro dutiare yũhdũrũcara tina —ni yahusǻha judio masa sehe pũhtoare.

⁸ Ti ǻ ni yahusǻchũ tũhoa, jipihtina masa, pũhtoa cǻhũ sua, tuaro sañurucuha. ⁹ Wiho mejeta pũhtoa Jasõre, tiro mehne macaina cǻhũre, niñerure wapa duti, wioha.

Paulo Sila mehne Bereapũ sũha

10 Tí pjata ñamipɩ Paulo cãhure Jesu yaina nɔo warocaha Bereapɩ. Tóɩɩ sɩa tina judio masa buheri wãhɩpɩ sãa wahaha. 11 Berea macaina sehe Tesalónica macaina yãhdoro Jesu yare noano tãhoina jiha. ã jia tina Jesu yare ti tãhori baharo “¿Potocã tjiari?” ni masi duaa, dachoripe Cohamacɩ yare ti joari pũre ã buherucua tiha tina. 12 ã jia tina payɩ Jesure wacũ tua dɩcaha. Griego masa cãhɩ, mɩa, pãhtoa numia mehne Jesure wacũ tuaina jiha. 13 Wiho mejeta Paulo Bereapɩ Cohamacɩ yare to buhechɩ cãhure tãhorocaa Tesalónica macaina judio masa tóɩɩ sɩa. Tóɩɩ sɩa, Berea macainare quti dojomehnea, Paulo cãhɩ mehne suachɩ yoaha tina. 14 Ti ã yoachɩ ñɩa Jesu yaina Paulore soaro mehne pjiri ma dɩhtɩ cahapɩ warocaha. Wiho mejeta Sila, Timoteo mehne Bereapɩ tjuaha. 15 Paina sehe Paulore Atenapɩ na wahcã soha. Tirore so tuhsɩ majare tjuaa wahaha Bereapɩ tjoa.

—Soaro mehne waha, piti tina wahaga Paulore —ni yahuha Silare, Timoteo cãhure.

ã ni yahu dutiha Paulo tinare.

Paulo Atenai jiha

16 ã jiro Paulo Atenapɩ cohtaro niha Sila, Timoteo cãhure. Tinare cohtaro Atena macaina ti “Cohamana jira”, ti nia masurine payɩ ti cjãachɩ ñɩno Paulo tuaro cahyaha tina mehne. 17 ã cahyaro, judio masa buheri wãhɩpɩ judio masa mehne, ã yoa judio masa jieraina mehne cãhure durucuha tiro. Judio masa jieraina sehe Cohamacɩ ño payoina jiha. ã yoa Paulo tí maca dacho macai dachoripe tiro cahapɩ ã tini majare sãaina mehne durucuha. 18 Paina Epicureo yare buheina, Estoico yare buheina cãhɩ Paulo mehne durucuha:

—¿Ahriro durucua pihtierariro dohse ni durucuro nijari tiro? —niha tina.

Paulo Jesu yare, to masa mɩjarire to yahuchɩ tãhoa ã sehe ni

tãhotumaha masa: “Tiro paina cohamanare yahuro nica”, ni tãhotumaha tina. 19 Ti tãhori baharo tina Areópago wama tiroɩ Paulore naaha.

—Ahri buhea, wahma buheare mɩ mipɩ yahurire masi duaja sã. 20 Mɩ buhea soro sehe jira. ã jina sã tíre masi duaja —niha tina Paulore.

21 Jipihtina Atena macaina, ã yoa paye yahpari macaina cãhɩ Atenapɩ jiina dachoripe wahma buheare durucurucu duaha. ã jia Paulo to yahuare tãho duaha tina.

22 ã jiro Paulo Areópago wama tiroi wahcãruca ã sehe ni yahuha:

—Atena macaina, payɩ mɩsa cohamanare mɩsa tuaro ño payoina mɩsa jichɩ masija yãhɩ. 23 Ahri maca mɩsa ya macare cohamanare mɩsa ño payoa altarire ñɩ tinihi yãhɩ. ã ñɩ tinicɩ yãhɩ cã altarpɩ, cohamanare ño payona mɩsa waare mɩsa cũnoi ahrire buhehi. “Cohamacɩ, mari masimahnoerariro ya altar jira”, ni joari jire mɩsa tíre mɩsa cũnoi. Mɩsa tirore masierapanahita tirore ño payori jire mɩsa. Tiroreta mɩsa masierarirore yahu potoi nija yãhɩ mɩsare.

24 Cohamacɩ jipihtiri yahpare, jipihitiare bajuamehneriro jira. Tiro mɩanore, yahparɩre pãhoro jiro, tiro masa ti yoa wãhɩsei jierara. 25 ã jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pjacɩoriro jierara.

26 Tiro cãiro mɩanore yoa dɩcaha. Tiro mehneta jipihtia yahpari macaina cijhtire masare yoaha. ã masare yoaro jipihitiro yahparɩre marine cãha tiro. “Õ puro yoari pja õpɩre jahca”, nino quihõ cãha marine. 27 “Tina yãhure maca, bocaboca”, ni tãhotuha Cohamacɩ. Wiho mejeta Cohamacɩ yoaropɩ jierara. Mari mehneta jira. Õ sehe ni joaa tiha paina: 28 “Marine jichɩ yoara tiro. Mari masapere catiina, ñuhmiina jichɩ yoara tiro”, ni joaa tiha. Mɩsa mehne macaina panopɩ

macaina basaare noano joaina quiti yahuina cjiri ti joariro seheta nii nija. “Mari cãhũ Cohamacũ pohna jija”, ni joaa tiha tina. ²⁹ ã jina mari to pohna jina õ sehe ni tãhotuena tjiga m̄sa. Masurine, uru, plata, tãa mehne m̄sa m̄ sũro m̄sa yoari masurine “Cohamana jira”, ni tãhotuena tjiga m̄sa. ³⁰ Panopũ masa ti masieraina jisinchũ ti ñaare yoapachũta Cohamacũ ã ñnocasiniha. Wiho mejeta mipũre jipihitiri yahpa macainare ti ñaa yoari buhiri tiare masi, cahya dutira Cohamacũ. ³¹ Baharo Cohamacũ to quihõri dachoi jipihitiri yahpa macainare potocã beserohca noaina, ñainare. Tiro to bese duti to cũriro Jesu sehe beserohca. Jesure yariarirore masoha tiro. ã masono “Ahriro yũ cũriro jira” ni, ñono niha Cohamacũ masare –ni yahuha Paulo Atena macainare.

³² To ã nichũ masa m̄jarire to durucuchũ tãhoa paina tirore bujũpeha. Wiho mejeta paina sehe õ sehe niha:

–Pari turi ahrire m̄ yahuchũ sã tãho duaja –niha tina Paulore.

³³ Ti ã niri baharo Paulo wahaa wahaha. ³⁴ To ã wahachũ, cãina tiro mehne waha, Jesure wacũ tua dũcaha. Dionisio Areópago macariro pũhtoa mehne macariro Jesure wacũ tua dũcaha. ã yoa Damari wama tiricoro cãhũ, paina mehne Jesure ãta wacũ tua dũcaha.

18

Paulo Corinto wama tiri macaijija

¹ ã yoa, Paulo Atenapũ jiri waha, Corinto wama tiri macapũ sũha. ² Tõpũ sũro, judio masũno Aquila wama tiriore boca sũha tiro. Jipihitina bui pũhoro Claudio wama tiro judio masare Romapũ jĩnare to cohãchũ Aquila sehe to namono Priscila mehne waha, Corintopũ sũha. Aquila sehe Ponto wama tiri yahpai masa bajariro jija. ã jia tina Corintoi ti jichũ, Paulo tina cahapũ sũha. ³ Aquila cãhũ suhti wũhũsere yoaina jija. Paulo cãhũ

suhti wũhũsere yoarirota jija. ã jiro tiro tina mehne dahra, tõi tjuaha. ⁴ ã jiro Paulo sabado jichũ somanaripe judio masa ti buheri wũhũpũ judio masare, judio masa jieraina cãhũre Cohamacũ yare yahuha. To ã ni yahuchũ tãhoa, “Potocã tjira”, niha tina cãina.

⁵ ã yoa Sila, Timoteo mehne Macedoniapũ jĩina, Paulo cahapũ sũha. Tõpũ ti sũri baharo Paulo sehe jipihitia dachoripe judio masare noano buhea tiha.

–Jesu, Cristo masare yũhdohtiro mari cohtariro jira –ni yahuha tiha.

⁶ To ã ni buhepachũta, judio masa sehe tirore tãho duaeraha. ã jia tina ñano ni quiti dojomehneha tirore. Ti ã yoachũ Paulo tinare to tuhtiboriro seheta, to suhti macaa mene cjã site-roca cũha.

–M̄sa ya buhiri pichacapũ wahanahca. Cohamacũ to dutiro se-heta m̄sare buhemahi yũhũ. Wiho mejeta m̄sa yũhũre tãho duaerare. Mipũre judio masa jieraina sehere buhei wahaihtja –niha Paulo judio masare.

⁷ To ã niri baharo tiro tõpũ jiri waha, Ticio Justo wama tiro ya wũhũpũ sũha. Justo Cohamacũre ño payoriro jija. To ya wũhũ sehe judio masa buheri wũhũ cahai jija.

⁸ ã jia Crispo wama tiro buheri wũhũ pũhoro, to namono, ti pohna cãhũ Jesure wacũ tuaina jija. ã yoa paina Corinto macaina payũ Cohamacũ yare tãhoa, Jesure wacũ tuaha. Ti ã wacũ tuaina jichũ tinare bautisaha. ⁹⁻¹⁰ Cã ñami Cohamacũ cahãnopũ õ sehe ni yahuha Paulore:

–M̄hũ mehne jija. Ahri maca macaina yũ yaina masa payũ jira. ã jia paina masa m̄hũre ñano yoa masierara. ã jicũ cuiecũ tjiga m̄hũ. Wiho mejeta yũ yare tuaro yahu namoga m̄hũ. Yahu duhucũ tjiga –ni yahuha Cohamacũ Paulore.

¹¹ ã yoa cã cũhma noano, pa cũhma dacho maca waroi Paulo Corintopũ jĩ, tõi macainare Cohamacũ yare buhea tiha.

¹² To ã buhero watoi Galiõ wama tiri Acaya yahpa macaina pãhtoro to jichu, judio masa jipihtina cãno potori Paulore yahusãa taa, tireore buhiri tiare cahnoina cahapu naaha tina.

¹³ –Ahriri Paulo masare Cohamacu ño payo dutiro ahri yahpa macaa dutia sehere cohã dutiro nina –ni yahusãha judio masa buhiri tiare cahnoinare.

¹⁴ Ti ã ni yahusãchu tuhoro Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

–Ahriri sã Roma macaina ya dutiare yãhdurucariro to jichu, musare yãhtiboa yãhu. ¹⁵ Wiho mejeta musa judio masa ya dutia sehere ahriri yãhdurucariro to jichu musa basi ahrire cahnoga. Ahrire masieraja yãhu musa mehne –ni yahuha tiro judio masare.

¹⁶ ã ninota tinare judio masa Paulore yahusãmarina cjirire to ya tahtiapu jïinare cohã wioha tiro.

¹⁷ To ã cohã wiori baharo jipihtina tí wãhuï jiina Sostenere judio masa buheri wãhu pãhtoro Jesu yairore ñaha, buhiri tiare cahnoina cahapu cãha tireore. Ti ã cãchũ ñũno Galiõ ã ñũnocaha.

Paulo Antioquíapũ tjuaa wahaha

¹⁸ ã yoa Paulo Corintoi yoari pja jiri cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahpapu pahãa taa niha. Ti pahãto pano Cencrea wama tiri macapu sũ, tãpu jisinino Paulo Cohamacu “Õ sehe mũhũre yoabasãhtja”, to nirire yoa tuhsuriropu jiha. ã jiro tã sehe yoaina judio masa ti yoarucuriro sehetã to pjoarire wãha pahãno dutiha. ¹⁹ Tãre to yoari baharo tina Efeso wama tiri macapu pahã sũ, Priscilare, Aquila cãhũre cũ, judio masa ti buheri wãhũpu wahaha Paulo. Tã wãhũpu sũ, Cohamacu yare yahuha. ã yahuro judio masa mehne sãhũduha. ²⁰ To ã sãhũduri baharo tireore tina mehne tjua dutimaha.

–Tjuaeraja musa mehne. ²¹ Wiho mejeta Cohamacu cahmachu, pari turi tjuaa taihtja –niha tinare Paulo.

ã ni tuhsu, Efesopu jiri cjiro pahãa wahaha tiro.

²² Pahãa, Cesareapu pahã sũ, yãhdũ wahcã, Jerusalẽpu sãha. Tãpu sũ, tã macaina Jesu yainare “¿Ne jimajari musa?” ni, tinare ñũ yãhdũ Antioquíapũ sãha. ²³ Tã mahaa dachoricã jiha. Tã jiri cjiro yãhdũha. Galacia yahpai jia macaripu, Frigia yahpai jia macaripu pari turi sũ, tã macari macainare Jesu yainare buhero, Jesure wacũ tua namo wahchechu yoaha tiro.

Apolo wama tiri Efeso buheha

²⁴ Tã pjare, judio masũno Apolo wama tiri, Alejandrã macariro Efesopu sãha. Tiro noano yahu mihniro jiha. ã jiro tiro Cohamacu to joari cjirire noano masiha. ²⁵ Pãro tireore Cohamacu yare yahu tuhsũ tãha. ã jiro tiro João masare bautisariro to buheha dihtare masiha. ã jiparota tiro tuaro wahcheha mehne Cohamacu yare noano buheha. ²⁶ ã jiro judio masa ti buheri wãhũpu tiro cuiro marieno tinare buhe dũcaha. To ã buhechu ti tuhori baharo Priscila, Aquila mehne tireore tina mehne naaha. Cohamacu yare to quihõno yahu pahãoerachu ñũ quihõno yahu pahãoha tina tireore. ²⁷⁻²⁸ ã jia tiro Apolo sehe Acaya yahpapu to waha duachu Jesu yaina tireore “Noano wahaga”, ni joa pũrine waha tireore. Tã pũri Acayapu jina Jesu yainare Apolare noano piti boca dutia pũri jiha. ã jiro Apolo tãpu sũro, tã macainare noano yoadohoha. Tã macaina Cohamacu cãhã mehne Jesure wacũ tuaina jiha. Judio masare tã macai jïinare õ sehe ni yahuha:

–Cohamacu to warocariro musa cohtariro jira Jesu. Cristo waro jira tiro –ni yahuha Apolo judio masare paina masa ti ñũrocaroi.

Cohamacu yare ti joari cjiri mehne to noano quihõno yahuchu tãhoa tina “Potocã jierara”, ni masieraha.

19

Paulo Efesopu wahaha

¹ Corintopu Apolo to jiro watoi, Paulo sehe tãyucupu maja yãhdã, Efesopu sãha. Tõpu sãro cãina Jesu yainare boca. ² Tinare boca sãro tiro tinare õ sehe ni sinitu ñãha:

—¿Musa Jesure wacũ tuari baharo musa sehe Espiritu Santore cãa ducari? —ni sinitu ñãha Paulo.

To ã nichu tãhoa tirore õ sehe ni yahuha tina:

—“Espiritu Santo jira”, ni yahuerare sãre —ni yahuha tina.

³ Ti ã ni yahuri baharo Paulo tinare õ sehe ni sinitu ñãha tjoa:

—¿Noa ya buheare musa tãhori baharo bautisari musare? —niha tiro tjoa.

—João ya buheare sã tãhori baharo bautisahre sãre —ni yahuha tina.

⁴ Ti ã nichu tãhoro õ sehe niha Paulo:

—Masa ti ñaa yoarire cahya, tíre ti duhuchu ñãno bautisaha João. ã jiro to bautisari cjiri sehe ti ñaa yoarire ti duhurire masare ti ñohti cjihti jira. Wiho mejeta paye baro cãhãre yahu namoha João. “Yu baharo tariro sehere wacũ tuaga musa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti tãhori baharo, Jesu wama mehne to tuaa mehne bautisaha tinare. ⁶ ã to bautisachu, Paulo tina cãina bui to wamomaca to duhu payochu, Espiritu Santo sehe wihiha tinapãre. To ã wihiri baharo tina sehe tãhomahnoera duseri mehne durucu, Cohamacu yare yahuha. ⁷ Tina jipihtina doce maa jia jiboa.

⁸ Baharo Paulo judio masa ti buheri wãhãpu sãa, tia sũ waro cuiro marieno pãhoro Cohamacu to sũho jiare yahu, durucuha tina mehne. Tirore ti ã tãhori baharo “Ahri potocã jira”, niha tina. ⁹ Wiho mejeta paina

sehe tãho duaeraha. ã jia tina masa ti tãhoro noa buheare ñãno ni ñoha. Ti ã nichu tãhoro Paulo sehe Jesu yainare pji wijaa, pa sehepu wahaha. Waha, Tirano wama tirore to buheri wãhãpu dachoripe masare Cohamacu yare yahuha Paulo. ¹⁰ Pã cãhma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari pãhoro Jesu yare tãhoha. ¹¹ ã yoa Cohamacu tuaa mehne Paulo masare ñã cã yãhdãchu yoa barore yoa ñoha. ¹² Masa sehe suhti cahsari Paulo to pjacãre pihaa cahsari cjirire, ã yoa tirore pihaa suhti cãhãre naa, dohatiinare pihoha masa. Tí suhtire dohatiinare ti pihochu noa wahaha. ã jichu watã tinapãre jirina cjiri wijaa wahaha, tí suhtire ti pihori baharo.

¹³ Wiho mejeta paina judio masa, ã tinirucuina, watãre cohãina jiha. ã yoa pãhoro Jesu wama pisuro mehne watãre cohã duamaha. ã jia watãre õ sehe ni dutimaha tina:

—Paulo to yahuro Jesu to wama mehne dutija musare. Wijaahga. Ahriro mehne pari turi jiena tjiga —nimaha tina watãre warocaa.

¹⁴ Esceva wama tirore siete to pohna sehe ãta yoamaha. Esceva sehe judio masãno sacerdotia pãhoro jiha. ¹⁵ To pohna watãnore tí wijaa dutiri baharo, watãno sehe õ sehe niha tinare:

—Jesure masija. Paulo cãhãre masija. ã masipacãta musa sehere masieraja —niha watãno tinare.

¹⁶ To ã nichuta watãno to cohtotariro sehe tuaro mehne tinare ñãha maa wahaha. Tinare ñãha, ñãabiario yoa, yãhdãrucanocaha. To ã yochu Esceva pohna sehe suhti marieina, cami tiina mãroca wijaa wahaha tina tí wãhãre. ¹⁷ Ti ã yoiro baharo jipihtina Efeso macaina, judio masa, judio masa jieraina mehne tíre tãhoa, cui yãhdãaha tina. ã jia pãhoro Jesu yare bãjãpero marieno durucuha masa sehe.

18 Æ yoa masa payu Jesure wacũ tuaina ti ñano yoari buhirire yahu yũhdũa taha. 19 Tina mehne macaina payu yaya puti siteina jiha. Æ jia tina ti joaa tjurire yaya ti yoaare yahua tjurire tópu na ta, masa ti ñurocaroi tí tjurire jũ cohãnocaha tina. Tí tjuri ti wapa tirire tina ti quihõchũ, jipihtia tjuri cincuenta mil tũri plata mehne ti yoa tũri posa waro wapa timaha tí tjuri. 20 Æ jia Cohamacũ yare cahmaina payu wahaha. Cohamacũ tuaa mehne to yaina wahaha.

21 Ti Æ wahari baharo Paulo õ sehe ni tũhotuha: “Macedonia yahpapu su mũhta, tí yahpare yũhdũa Acaya yahpare suihtja. Tí yahpare yu sũri baharo Jerusalẽpu wahaihtja. Tí macare yu sũri baharo Romapu wahaihtja”, ni tũhotuha Paulo. 22 Pũaro tirore yoadohoinare to pano waroca mũhtaha Macedonia yahpapu. Timoteo, Erasto cãhu jiha tina. Æ jiro Paulo sehe cãirota tjua nũnũ tisiniha Asia yahpapu.

Efesoi masa sua, sañurucuha

23 Tí pjare Efesoi Jesu yare paina cahmaeraa, Paulo cãhũre payu masa tuhti, sañurucuha. 24 Cãiro platare dahrariro Demetrio wama tirirop plata mehne cohamacu Artemisa wama tiricoro ya wũhu masũri yoariro jiha. Æ jiro tiro paina plata dahraina mehne tí masũrine dua, pjĩro wapataha tina. 25 Æ jiro Demetrio paina plata dahrainare pji cahmachu õ sehe ni yahuha tinare:

–Tũhoga mũsa. Ahri dahraa mehne pjĩro mari wapatarire masina mũsa. 26 Ahriro Paulo to yoarire to buheri cãhũre masina mũsa. Õ sehe ni buhera tiro: “Cohamana masũri masa ti yoari catiina jierara”, ni yahua tire tiro. To Æ nichũ tũhoa payu Efeso macaina, jipihtiroi paina Asia yahpa macaina cãhu tí buheare “Potocã tjira”, nia tire.

27 Æ nia mari dahraare masa ñano durucuhto cua yũhdũara. Æ yoa masa mari cohamacu Artemisa ya wũhũre “Wiho jiri wũhu jira”, ni cohãboca. Ti

ã cohãchũ ticoro jipihtina Asia yahpa macaina, jipihtiri yahpa macaina ti ño payoricoro to jipachũta to tuaa butiarohca. Æ jia masa baharopu jiina ticorore masieraboca –niha Demetrio tinare.

28 To Æ nichũ tũhoa tina sehe tuaro sua, sañurucuha:

–Artemisa Efeso macaina mari yacoro cohamacu tuaricoro jira –ni sañurucuha tina.

29 Æ jia Efeso macaina jipihtina sañurucu yũhdũa, tũho masia pihtia wahaha. Æ wahaa, Gayore, Aristarco cãhũre ñaha, masa ti cahmachunopu tinare waja wahcãha. Gayo, Aristarco mehne Macedonia macaina jia, Paulo mehne tiniina jia tiha. 30 Æ jia Paulore masa cahai to waha duachũ, Jesu yaina sehe tirore waha dutieraha. 31 Æ jia paina tí yahpa macaina pũtoa, Paulo mehne macaina jia, ti cahamacare yahu dutiha Paulore:

–Masa ti cahmachunopu wahai tjiga –ni yahu dutiha pũtoa Paulore.

32 Æ jia tõi cahmachuina mehne macaina sehe payu “¿Dohseana tana mari cahmachuna nijari?” ni masieraha. Æ jia tina sañurucu namoha. Ahrie sehẽpu jiina soro ni, sañurucuha. Paina cãhu soro ni sañurucuha. 33 Æ jia judio masa sehe Alejandro wama tiriore masare yahu dutimaha. Æ jiro Alejandro “Dihta mariaha”, nino to wamomaca mehne cjãtuha. “Ahrina sãre judio masare tuhtia nina”, ni tũhoturo judio masare dũcata duaro, durucumaha. 34 Wiho mejeta tiro judio masũno to jichũ ñũa masa jipihtina cãno potori pũa hora waro sañurucuha:

–Artemisa, Efeso macaina mari yacoro cohamacu tuaricoro jira –ni sañurucuha tina.

35 Ti Æ ni sañurucuchũ ñũno, Efeso macaina pũtoare yoadohoriro masare, “Dihta mariaha”, ni yahuha tinare.

–Mũsa Efeso macaina tũhoga. Efeso macaina tuaricoro cohamacu Artemisa ya wũhũ cohtaina mari

jichu jipihtia yahpari macaina masina. Ñ jia manopu bora tari masure ñu wihboina mari jichu cãhure masina masa. ³⁶ Ñ jia paina “Ahri potocã jierara”, ni masierara. Ñ jina suaena tjiga musa. Noano tuhutuga musa. ³⁷ Ahrina musa ñaha taina mari cohamacore ñano ni durucuerare. Ñ yoa tina cohamana wuhusepũre sãa, yacaerare. Ñ jina noano yoaga musa. ³⁸ Ñ jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. ³⁹ Pari turi cahmachuna noano mehne cahmachuga. Musa yoariro sehe yoarena tjiga. ⁴⁰ Michare musa sua, sañurucurire mari pũhtoa tũhoa, “Marine cohãa nica”, ni tuhutuahca tina. Ñ jina musa ni sañurucurire tinare noano poto yahu masieraja mari –niha pũhtoare yoadohoriro masare.

⁴¹ Ñ ni yahu tuhsu, “Tó puro tjira. Wahaga”, niha tiro masare.

20

Macedonia yahpapu cãhure, Grecia yahpapu cãhure Paulo sũha

¹ Ti ñ wahari baharo, Paulo sehe Jesu yainare pji cahmachu yahu quihõha. Yahu quihõ tuhsu, tinare wahchechu yoa, tinare coha sitiha. Coha siti tuhsu, Macedonia yahpapu wahaa wahaha. ² Tõpu su buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahpapu sũha tiro. ³ Tói tiro tia sũ waro jiha. Tói jirucuma, Siria yahpapu pahãa waha duamaha. Wiho mejeta judio masa cohtamaha tirore ñaha duaa. Ñ jiro Paulo pa mahapu, Macedoniapu wahari mahapu mananopũta majare tjuaa wahaha tjoa.

⁴ Ñ waharo Asiapũta sũha. Tói Berea macariro Sõpatro wama tiriuro Pirro macũno Paulore piti ti wahcãha. Ñ yoa Tesalõnica macaina Aristarco, Segundo cãhu tirore piti ti wahcãha. Tuhsu, Derbe macariro Gayo wama

tiriuro Timoteo cãhu tiro mehne wahaha. Asia macaina Tiquico, Trõfimo cãhu Asiapu tirore piti ti wahcãha. ⁵ Tiro mehne macaina to pano waha, Trõade wama tiri macapu tirore cohtari jire. ⁶ Ti ñ cohtachu bucuaerari pãore ti chuã bose numari baharo sã sehe Filipoi jiina dohoria mehne waha, cinco dachori pahã, Trõadepu sã tinare mu sui. Siete dachori waro jii tõpũre.

Trõadepu Paulo tinino wahaha

⁷ Domingo jichu Jesu yaina cahmachu pãore duhu payore Santa Cena yoaa taa. Ti ñ yoahito pano Paulo tinare buhere. Ñ yoaro Paulo pa dachoi wahahtiro jiro yoari pja tiro buhere. Ñami dacho macapu buhe duhuro taro nimare. ⁸ Ñ jina manano macari tahtiai payu poca sihãa poca jiri tahtiai cahmachui sã. ⁹ Paulore to tuhoro watoi, cãiro wahmũno Eutico wama tiriuro mahari sopaca cahai mũja pja dujire. Duji, Paulo tinare yoari pja to buhe namochu wahmũnore wũjo tare. Wũjo ta, tiro carĩ muã, tia casario buipũ dujiriuro majare boraa wahare. Boraa waha, yaria yũhdũa wahare. To yariari baharo tina tirore yariariro cjiropũre na wahcõ dapore. ¹⁰ Ti ñ yoachũ ñũno Paulo dujia, wahmũnore cjã suhsure. To ñ yoari baharo Jesu yainare õ sehe ni yahure tiro:

–Yajeripohna ñaena tjiga. Yariara ahriro. Catira –nire Paulo sehe.

¹¹⁻¹² To ñ nichu wahmũno yariariro cjiro masaa wahare. To ñ masachu ñũa tina wahche yũhdũare. Ñ wahchea manano macari tahtiapũ mũja, pãore duhu payore Santa Cena yoaa taa. Ti ñ yoari baharo yoari pja Paulo tinare buhe namore tjoa. Pu bohreahto panocãpu tinare buhe duhure. To buhe tuhsuchũ wahaa wahai sã.

Paulo Trõadepu jiriuro waha, Miletopu sũha

¹³ Paulo pano dohoria mehne Asõpu sã sehe su mũhtai. Paulo sehe

mahapu waha duare. Paulo to niriro seheta Asõpu tirore sã piti bocai. ¹⁴ Tirore sã piti bocachu, sã mehne tiro samure dohoriapu. Tia mehne waha, Mitilenepu sã sui. ¹⁵ Tõpuru su yuhduu pa dachoi Quío wama tiri nũcore yuhduu sã. Pa dachoi Samopu sui sã. Pa numu sehene Miletõpu sui sã. ¹⁶ Paulo Pentecoste dacho waroi Jerusalẽpu su duare. Å jiro Asia yahpapu yoari pja ji duaerare. Å jiro Efesore poto yuhduu, Miletõpu wahã sui sã.

Paulo Efeso macainare Jesu yainare puhtoare yahuha

¹⁷ Å jiro Paulo Miletõpu jiro, Efeso macainare Jesu yaina puhtoare pjirocare tiro. ¹⁸ Å to pjirocari baharo tina Paulo cahapu wihire. Ti wihichu ñũno tinare Paulo õ sehe ni yahure:

—Asiapu coã wihichu mũsa mehne yu yoarire masina mũsa. ¹⁹ Mũsa mehne jicu ne soro nino marieno Jesu, mari puhtoro yare yoaa tii yuhũ. Å yoacu mũsare pja ñũ. “Mũsare yuhduuacaja”, nierahi yuhũ. Judio masa yuhũre ñũno ti yoapachuta Cohamacu yare yoaa tii yuhũ. ²⁰ Mũsa noano wahahtore cahmacu mũsare buhe pahõnocai yuhũ. Masa ti ñũrocaroi, ã yoa mũsa wuhũsepu cãhũre buhei yuhũ. ²¹ Å yoa judio masare, judio masa jieraina cãhũre cãno potori buhei yuhũ. “Mũsa ñaa yoari buhiri tiare masi, Cohamacu mehne tjuaahga. Å yoa Jesu mari puhtoro wacũ tuaga”, ni yahui yuhũ. ²² Å yoa mipũre Espĩritu Santo to dutiriro seheta Jerusalẽpu wahai nija. Yuhũ tõpu wahacu yu dohse wahahtore masieraja yuhũ. ²³ Espĩritu Santo to yahuri dihtare masija. Õ sehe nihre Espĩritu Santo yuhũre: “Nohoi mu suã macariperu muhũ ñũno yuhduihca. Å jia muhũre peresu yoaaahca”, nihre Espĩritu Santo yuhũre. ²⁴ To ã nipachuta noaa buheare, Cohamacu masare to cahã buheare yahuhtiro cjihto jija. Jesu mari puhtoro to yoa dutirire yoa

pahõno duaja. Ahrire yoariro jicu, yu yariahtore cuieraja yuhũ.

²⁵ Mũsa mehne jicu puhtoro Cohamacu to suho jiare yahua tii yuhũ mũsare. Mipũre ne mũsare pari turi ñũsi yuhũ. Ahrire masija yuhũ. ²⁶⁻²⁷ Å masicu michare ahrire yahuja mũsare. Jipihtia Cohamacu yare yahui yuhũ mũsare. Å jiro jipihtina mũsa mehne macaina Cohamacu yare cahmaeraina ti jichu ya buhiri jierara. ²⁸⁻²⁹ Mũsa basi noano yoaga. Å jina Jesu yainare Espĩritu Santo mũsare to ñũ wihbo dutiinare ñũ wihboga. Ovejare ñũ wihboina ovejare ti ñũ wihboro seheta Jesu yaina cãhũre ñũ wihboga mũsa. Cohamacu macũno to yariaro to di cohãno mehne Cohamacu tinare to yaina cjihti yoare. Yu õre wahari baharo paina ñaina sehe yairo ovejare to chu cohãno seheta Jesu yare mũsa yoaborire dojomehneahca. Å jina Jesu yainare noano ñũ wihboga. ³⁰ Baharõpũre paina mũsa mehne macaina sehe Jesu yainare mahõno, paye buheare tuho dutiahca. Ti ã dutichu tina tuhohto cua yuhduuara. ³¹ Å jina noano yoaga mũsa. Tia cãhma waro dachoripe, ñaminipe pja ñũa mehne buhei yuhũ mũsa jipihtinare. Tĩre noano wacũga mũsa. ³² Mipũre yu wahari baharo, Cohamacu mũsare ñũ wihborohca. Masare to cahã buheare mũsa basi cahma buhena, noano jinahca mũsa. Cohamacu to buhea mehne mũsare wacũ tua namochu yoarohca. Baharõpũre to yainare “Noano yoaitja”, to niriro seheta mũsa cãhũre noano yoarohca. ³³ Mũsa niñerure, mũsa suhti cãhũre “Yuhũre waga”, nierahi mũsare. ³⁴ Yu basi dahra wapatai yu ya cjihtire. Å yoa yu cahmaare, yuhũ mehne macaina ti cahmaa cãhũre yu dahraa wapatai mehne nahi. Yu ã yoarire masina mũsa. ³⁵ Mari õ sehe tuaro dahrana paye baro cãuerainare yoadohoro cahmana marine. Ahrire mũsare yoa ñoi yuhũ. Jesu mari puhtoro to niri cjiirire wacũga mũsa. “To wachu ñahariro

yahdoro wariro sehe wahchera”, niri jire Jesu to basi —ni yahure Paulo Jesu yainare.

³⁶ Æ ni batoa Paulo tina mehne na tuhcuca caha su, Cohamacure sinire. ³⁷ To Æ sini batoachu tina jipihtina Paulore cjã suhsu, wahsupu wihmi, tiihre. ³⁸ “Musare pari turi ñusi yahu”, pano to nichu tuhõa tuaro cahyare tina. Æ jia tirore tju nãnu ti buhare pu pitamaharu. Tõpu sãre ñu nãnu tire sã wahachu.

21

Paulo Jerusalẽpu pari turi wahaha

¹ Jesu yainare “Wahana nija” ni, dohoria mehne Cos wama tiri nãcopu potõ waha, pahã sui sã. Pa dachõpu Roda wama tiri nãcopu pahã su, yahduã, Pátara wama tiri macapõ sui sã. ² Pátarai jina, Feniciapu wahatiare, dohoriare bocai sã. Æ jina tia mehne wahi sã. ³ Æ wahana Chipre wama tiri nãcore potõ ñu yahduai sã. Cõ buhusehe sehe jire tí nãco. Tí nãcore yahduã, Siria wama tiri yahpõpu sui sã. Æ jina dohoria macaa pachere dohoria macariro Tiro wama tiri macai to dure mochõ, tõi pahsasini. ⁴ Tõi Jesu yainare ñuna, siete dachori warõ tjuasini sã tí macai. Æ jia tõi macaina Jesu yainare Espõritu Santo to yahuriro seheta tina Paulore Jerusalẽpu waha dutieramare. ⁵ Ti Æ nipachõta tí macare siete dachori sã jiri baharo, wahi sã. Sã wahahto panocã jipihtina Jesu yaina, ti namosãnumia mehne, ti pohna mehne, tí maca duhtõ cahai sãre ñu tjuaa wahare. Æ jina jipihtina sã padõroi su, na tuhcuca caha su Cohamacure sinii. ⁶ Sã Æ siniri baharo, “Wahana nija” ni, tinare cjã suhsu batoa, wahi sã. Sã wahachu ñu nãnu ti, tina sehe majare majaa wahare ti ya wãhusepu.

⁷ Tiro wama tiri macai jiina wahana Tolemaidapu wahã sui sã. Tõihta pjiri mare waha batoai sã. Tí macai su, Jesu yainare “Coyea, ¿jimajari?” ni, cõ dacho sã tina mehne

jisinii. ⁸ Æ yoa pa dachõ tjoa Cesarea wama tiri macapõ sui sã. Tõpu su, noaa buheare yahuriro Felipe wama tiroiro ya wãhõpu sui. Æ jina tiro mehne tjuai sã. Felipe Jesu yaina ti siete beseina mehne macariro jire. ⁹ Tuhsu, tiro pititiarõ numia puõcõro jire. Tí numia sehe Cohamacu yare yahua numia jire. Nuhmia jire. ¹⁰ Tõpu sã mahaa dachoricã sã jiri baharo, Agabo wama tiroiro Cohamacu yare yahu turiarõ Judeapu jiro sãre ñuno wihire. ¹¹ Æ wihiro tiro Paulo ya dare tuã dihõri dare na, to basi to dahporire, to wamomacarine duhte cayõ õ sehe ni yahure:

—Õ sehe nire Espõritu Santo: “Ahri dare cjõariõ Jerusalẽpu to sachõ, judio masa ãta duhteahca tirore. Duhte tuhsu, judio masa jierainare waahca tina tirore”, nire Espõritu Santo —ni yahure Agabo.

¹² To Æ nichu tuhõna, sã Cesarea macaina mehne Paulore tuaro cahõ sã. Tirore Jerusalẽpu waha dutieramai. ¹³ Sã Æ nichu Paulo sehe õ sehe ni yãhtire:

—¿Dohse ni tiina nijari musa? Yãhu sehẽre cahyachu yoaca musa. Tina yãhure peresu ti yoachu noanõhca. Yãhu Jerusalẽpu Jesu mari puhtõro yare yu yoari buhiri yu yariachu noanõhca —nire Paulo sãre.

¹⁴ “Wahaeraja”, to nichu tuhõ duana nimai sã. To “Wahaihtja” to nichu, Æ tuhõtonõcahi sã. Õ sehe nii:

—Mari puhtõro to cahmano seheta yoajaro —nii sã.

¹⁵ Tíre suhõdu batoa, sã yare cahno, wahaa wahi sã Jerusalẽpu wahana.

¹⁶ Tõpu sã wahachu mahainacã Cesarea macaina Jesu yaina sehe sã mehne wahare. Æ yoa tina mehne macariro Chipre macariro Mnasõ wama tiroiro ya wãhõpu sui sã. Tiro yoari pja Jesu buheriro jire. Æ jiro to ya wãhu sã carõhti wãhu jire. Tí wãhu sã carõni baharo, Jerusalẽpu sui sã.

Paulo Santiagore ñuno wahaha

¹⁷ Jerusalẽpu sã sachõ, tõi macaina Jesu yaina sehe “¿Wihimajari?” ni,

wahchea mehne piti bocare säre. ¹⁸ Pa namai Paulo sã mehne Santiagore ñano sure. Sã tópu sachu tói jipihtina Jesu yaina puhtoa jire. ¹⁹ Tói ti jichu ñano Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamacu to yoadohoa mehne to yoarire yahu pahñore. ²⁰ To ã ni yahuchu tãhoa, “Cohamacu noariro, tuariro jira”, ni ño payore tina sehe. Æ ni tuhsu tina Paulore õ sehe ni yahure:

—Coyeiro, mipure payu judio masa Jesure wacũ tuaina jira. Tíre masina muhu. Æ jia tina õ sehe ni tãhotura: “Cohamacu to dutiare, Moise cjiropu marine to cãrire marine yoa pahñono cahmana”, nia nina. ²¹ Õ sehe ni namona tina. “Pa sehepu jiiinare judio masa jieraina watoĩ jiiinare judio masare Cohamacu Moise cjirore to cãri cjiire cohã dutiha Paulo”, ni-mare õ macaina judio masa mũhure. “Paulo judio masa pohnare mahari cahsarocãre yihso na dutierara”, ni-mare mũhure tina. “Judio masa ti yoa tiare Paulo duhu dutira”, ni ahri cãhure ni yahuwajara mũhure. ²² Æ jia mũ õre wiwichu tãhoa tina cahmachuahca mũhure tuhtia taa. Æ jicũ õ sehe yoaro cahmana mũhure. ²³ Mũhure sã dutiro seheta yoaga. Mipure õre pititiaro mũ Cohamacure wacũina “Õ sehe yoanahtja”, niina jira. ²⁴ Tina mehne wahaga. Æ jia Cohamacu Moise cjirore to dutiro seheta ti basi Cohamacu yare yoaa taa ti dutiare yãhdũrũcaare cosaa nina. Mũhũ cãhũ ãta yoaga. Æ yoacu ti ã yoahiti wapare wapaga mũhũ sehe. Mũ ã wapari baharo ti pjoarire wãha duti masina tina. Mũ ã yoachũ ñãa masa mũhure ti nia mahñori jichũ masiahca jipihtina. Cohamacu Moise cjirore to cãri dutiare yoariro mũ jichũ masiahca tina. ²⁵ Wiho mejeta judio masa jieraina Jesu yaina sehere sã joari pũre waroca tuhsũ. Õ sehe ni, joai sã. “‘Cohamacu jira’, ti nia masurine ño payo ti duhu payoa

chũare, dire, wamũa ti ñaha wajãinare wahiquinare chũena tjiga mũsa. Æ jina numia mehne ñano yoaena tjiga. Numia cãhũ mũa mehne ñano yoaena tjiga”, ni yahu joahi sã joari pũpũre — nire tina Paulore.

Cohamacu wũhũpu judio masa Paulore ñahaha

²⁶ Ti ã ni durucuri baharo pa dacho Paulo sehe pititiaro mũa mehne ti basi Cohamacu yare yoaa taa ti dutiare yãhdũrũcaare cosaa taa, Cohamacu wũhũpu sãa wahaha. Tí wũhũpu sãa sũro, tinare yahuha Paulo: “Õpe dachori dũhsara mũsa cosahto”, ni yahuha tiro pititiarore. Æ jia ti cosa batoari dachoi tina cãina Cohamacure wahiquinare ti wahti dacho jire.

²⁷ Æ yoa ti cosa pahñoboriro mahnocã dũhsachũ waro Cohamacu wũhũpu Paulo to jichũ Asia yahpa macaina judio masa sehe ñãha tirore. Æ ñãa Paulore quti dojomehne, tí wũhũpu jiiina jipihtinare tiro mehne suachũ yoaha tina. Æ suaa judio masa Paulore ñaha, ²⁸ õ sehe ni sañurucuha: —Mũsa sã coyea Israe masa sãre yoadohona taga. Ahriro jira marine dojomehneriro. Ahriro Cohamacu Moise cjirore to cãri dutiare ahri wũhũ cãhũre “Wiho jia jira”, ni buhe sito tara jipihtinare. Æ yoa tiro Cohamacu wũhũpũre judio masa jieraina cãhũre na sãare. Æ yoaro ahri wũhũre ñãa marieni wũhũre tiro dojomehnere —ni sañurucuha judio masa Asia yahpa macaina tó macainare.

²⁹ Tó pano Jerusalẽi Paulo Trófimo wama tiriõ mehne to jichũ judio masa ñãa tiha. Trófimo sehe Efeso macariro judio masũno jierariro jire. To ã jichũ masia õ sehe ni tãhotuha tina: “Paulo Trófimõ Cohamacu wũhũre na sãano nica”, ni tãhotumaha judio masa.

³⁰ Masare ã ni yahu ti sañurucuri baharo tí maca macaina payu tuaro suaha. Payu mũroca ta, Cohamacu wũhũ jiriõre Paulore ñaha waja wijaa wahaha. Æ wijaa tuhsũ, tí wũhũ

sopacarire bihaha tina. ³¹ Æ yoaa tina tirore wajãa taa nimaha. Ti ã yoachũ ñũa paina sehe “Jipihtina Jerusalẽ macaina sua, sañurucua nire”, ni yahua wahaha surara pũhtoro. ³² Ti ã nichũ tũhoro surara pũhtoro sehe to surarare, ti dutiina cũhũre cahmachuroca, tina mehne Paulore wajã duaina cahapũ mũroca wahcã, sũha. Surara ti sũchũ ñũa Paulore cjãmaina cjã duhunocaha. ³³ Æ jiro surara pũhtoro Paulo cahapũ sũ, tirore ñaha, pũa da comaa dari mehne tirore dũhte dutiha. Ti dũhte tuhsũchũ ñũ, surara pũhtoro Paulore cjãmainare sinitu ñũha:

—¿Diro baro jijari ahriro? ¿Yaba buhiri tirore ã yoari mũsa? —ni sinitu ñũha tiro tinare.

³⁴ To ã sinituchũ tũhoa masa sehe “Õ sehe yoare tiro” ni, paina cũhũ soro ni sañurucu, yahuha surara pũhtoro. Æ ni ti sañurucuchũ surara pũhtoro noano tũhoeraha. Æ jiro tiro surara ya wũhũpũ Paulore naa dutiha. ³⁵ Tĩ wũhũpũ sũ, Paulo mũjari escadai to mũjano cahachũ masa sehe tirore cjã duaa nimaha. Ti ã yoachũ surara sehe tirore na wũa, na mũjaa wahaha. ³⁶ Masa tinare payũ nũnũ ti, sañu nũnũ tihaa:

—Tirore wajãnocahga —ni sañurucuha tina Paulore.

Paulo “Ne masare ñano yoaeraja yũhũ”, ni yahuha

³⁷ Æ yoa Paulore tí wũhũpũ ti peresu yoahito pano, Paulo sehe surara pũhtoro õ sehe ni siniha:

—Yũhũ mũhũ mehne sũhũdu duaja —ni siniha Paulo.

—¿Mũhũ griego masa yare durucu-jari? ³⁸ ¿Sohõ jiriro, Egipto macariro jierajari mũhũ? Tiro masare ti pũhtoare cohã dutiro, cuatro mil pũhtoare cohã duaina sehere masa marienopũ naari jire. ¿Tiro jiera-jari mũhũ? —niha surara pũhtoro Paulore.

³⁹ To ã nichũ tũhoro Paulo õ sehe ni yũhtihã:

—Tiro jieraja yũhũ. Judio masũno jija. Tarsoi Cilicia yahpai jiri macai

masa bajuai yũhũ. Wiho jiri maca macariro jieraja yũhũ. Yũhũ ahriha masa mehne durucu duaja yũhũ — niha Paulo tirore.

⁴⁰ To ã nichũ tũhoro surara pũhtoro sehe tirore durucu dutiha masa mehne. Æ jiro Paulo mũjari escadai ducuro to wamomacari mehne “Dihta mariahga”, niha masare. To ã yoachũ ñũa, dihta mariea pihtia wahaha. Ti dihta marieachũ ñũ, Paulo judio masa ya mehne yahuha tinare.

22

¹ —Yũ coyeyã, yũ yoarire yahuihtja mũsare. Yũ yahuchũ tũhoga mũsa — niha Paulo.

² To ã nichũ Paulo judio masa ya mehne to durucuchũ tũhoa masa sehe dihta marieina tjuaha. Æ jiro Paulo tinare õ sehe ni yahuha:

³ —Yũhũ judio masũnota jija. Tarso wama tiri macai, Cilicia yahpai jiri macai masa bajuai yũhũ. Wiho mejeta ahri maca Jerusalẽihtã bũcũai yũhũ. Tuhsũ, yũhũre Gamalie wama tiriro buhea tire. Æ jicũ yũhũ mari ñũchũsũma cjiri dutiare noano buhei. Mipũre Cohamacũre mũsa yoaro seheta yũhũ cũhũ ño payoa timai. ⁴ Æ jicũ Jesu yainare ñano yoaa ticũrũ yũhũ. Cãina tinare wajãa ticũrũ yũhũ. Mũare, numia cũhũre ñaha, peresu yoaa tii yũhũ. ⁵ Sacerdotea bui pũhtoro, judio masa bũcũna mehne yũ tuahti pũri cjihtire Jesu yainare ñaha dutia pũrine yũhũre joabasare. Mari coyeyã Damasco macainare tí pũrine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalẽpũ tinare na ta duamai buhiri dahrei tai. Õ sehe yũ nichũ sacerdotea bui pũhtoro, judio masa bũcũna cũhũ noano masina —ni yahuha Paulo.

Paulo Jesu yairo to waha dũcarire yahuha

(Hch 9.1-19; 26.12-18)

⁶ Æ ni tuhsũ õ sehe ni yahu namoha:

—Æ yoa cohari pja jichũ, Damas-copũ yũ sũi cahachũ waro mũanopũ

wacũenoca si siteroca boroa tire yũhure. ⁷ To ã si siteroca borochuta yũhũ yahpapũ bora caha suaĩ yũhũ. Yũ bora caha suri baharo durucuro coa tare yũhure. “Saulo, Saulo ¿dohseacu yũhure ñano yoajari?” ni durucuro coa tare yũhure. ⁸ “Pũhtoro, ¿diro baro jijari mũhũ?” ni sinitui yũhũ. “Yũhũ Jesu Nazare macariro, mũ ñano yoariro jija yũhũ”, ni yũhtire yũhure tiro. ⁹ Yũ ã wahachũ yũhũ mehne macaina buhriarore ñũre. Wiho mejeta yũhũ mehne to durucuchũ tũhoerare tina. ¹⁰ “Pũhtoro, ¿dohse yoaihcarĩ yũhũ?” ni sinitui Jesure. “Wahcãrũcaga. Damascope wahaga. Tói mũ wahachũ, mũhũre jipihtia yũ yoa dutihtire paio yahurohca mũhũre”, nire tiro yũhure. ¹¹ Tuaro to minoa siterocachũ, yũ capari wapoahare yũhure. ã jia, yũhũ mehne macaina yũ wamomacare ñaha, Damascope tũã wahcãre yũhure.

¹² Tói Anania wama tiro, Cohamacũre ño payoriro, marine Cohamacũ dutiare yoa pahñoriro jire. Tó macaina judio masa jipihtina ti ño payoriro jire. ¹³ ã jiro tiro yũ cahai wihi tarũca yũhure yahure. “Coyeiro Saulo, ñũga pari turi tjoa”, nire tiro. To ã niri baharo pari turi ñũĩ yũhũ. ã ñũ dũcacũ tirore ñũĩ yũhũ. ¹⁴ Yũ ã ñũchũ tiro Anania yũhure yahure: “Cohamacũ to cahmaare noano masihtirore panopũ bese tuhsũyuhti mũhũre. ã jiro ‘Yũ macũ noarirore ñũ, tũhorohca’, ni yahuyuhti mũhũre Cohamacũ panopũ. Tiro jira mari ñũchũsuma mũna ti ño payoriro. ¹⁵ ã jicũ mũhũ mũ ñũrĩre, mũ tũhorire yahuihca mũhũ jipihtinare. ¹⁶ ã jina mipũre yoari pja jiena tjijihna. Wahcãrũcaga. ã jicũ bautisariro jiga. Jesure mũ sinichũ mũ ñaare yoari buhirire cohãnohca”, nire yũhure tiro —niha Paulo.

Paulo judio masa jierainare to buherire yahuha

¹⁷ ã ni tuhsũ Paulo õ sehe ni yahu namoha:

—ã yoa tuhsũ yũhũ Jerusalẽpũ tjua ta, Cohamacũ wũhũpũ Cohamacũre sinii suaĩ. ¹⁸ Yũ tói jichũ Jesu yũhũre bajua tire. ã bajuaro yũhũre yahure. “Jerusalẽ macaina yũ yare mũ yahuchũ tũho duaerara. ã jicũ cjero pa sehẽpũ wahaga”, nire Jesu yũhũre. ¹⁹ To ã nichũ tũhocũ yahui tirore: “Pũhtoro, mũ yainare judio masa buhea wũhũsei jiinare yũ ñaha, cãri cãrĩre masina Jerusalẽ macaina. ²⁰ ã jicũ mũhũre yahurore Estebã sehẽre ti wajãchũ ñũcũ ‘Noano yoa wajãna’, nimai. Tirore ti wajãchũ ti suhtire cãabasai yũhũ. Tĩ cãhũre masina ahri maca macaina. ã jia yũ yahuchũ tũhoboca yũhũre”, ni yahui yũhũ Jesure. ²¹ Yũ ã nichũ tũhoro Jesu yũhũre õ sehe ni yahure: “Yoaropũ judio masa jierainare buhehtirore warocaihtja mũhũre. ã jicũ wahaga mũhũ”, nire yũhure yũ pũhtoro —niha Paulo masare.

Surara pũhtoro Paulo mehne durucua

²² To yahu mũhtari dihtare noano tũhomaha masa. Wiho mejeta judio masa jieraina cahai Jesu Paulore to warocahtire to yahuchũ tũhoa tina sañurucu dũcaha tjoa:

—Ahrĩro mipũ pinihtare yariawahnojaro —ni sañurucuha tina.

²³ ã jia tina sañurucu namo, sua mehne ti suhtire wahba siterũca, dihta mehne docaha. ²⁴ Surara pũhtoro surara ya wũhũpũ Paulore na sãa dutiha to surarare. ã jiro surara pũhtoro “¿Dohse yoa Paulo mehne sua ã ñaca sañurucua nijari masa?” ni sinitu duamaha. Paulore tĩre sinituro taro, yuta dari mehne tjana dutimaha tirore. ²⁵ Wiho mejeta tirore ti dũhteri baharo, tiro cahai jirore surara pũhtoro õ sehe ni yahuha Paulo:

—Yũhũ Roma macariro jija. ã jina “Ñano yoariro jira ahrĩro”, yũhũre ni yahusã masierara mũsa. ã yahusã masierana yuta dari mehne yũhũre tjana masierara mũsa —niha Paulo tirore.

²⁶To ã nichu tuhoru surara puhtoro, to bui puhtorore õ sehe ni yahuro wahaha:

—Ahriri Roma macariro jira. ã jicu noano yoaga tirore —ni yahuha tiro to puhtorore.

²⁷To ã niri baharo surara bui puhtoro sehe Paulore sinituro wahaha:

—¿Potocãta mahu Roma macariro jiri? Yahuga yuhure tãre —niha tiro.

—Tiro tjija yuhu —ni yuhtiha Paulo.

²⁸To ã nichu tuhoru surara bui puhtoro sehe tirore õ sehe ni yahuha:

—Yuhu Roma macariro ji duacu niñeru pjãro wapã —niha tiro.

—Yuhu Roma yahpa macari macaru masa bajuai. ã jicu Roma macariro jija —niha Paulo.

²⁹To ã nichu tuhoa tirore tjanaborina wahaa wahaha.

ã jiro Paulo Roma macariro to jiri jichu masino, tirore comaa dari mehne ti duhteri cjirire wacũno, cui niha surara puhtoro sehe.

Paulo judio masa puhtorore yahuha

³⁰ã yoa surara puhtoro judio masa Paulore ti yahusãrire noano masi duaha. ã masi duaro pa dachopu comaa darire tirore to pjã dutiri baharo, sacerdotea puhtoare, judio masa bucuna mehne cahmachu dutiha surara puhtoro. To ã cahmachu dutiri baharo tiro tãru Paulore na wahcã, ti pano duhu dapoha tirore.

23

¹ã jiro Paulo judio masa bucunare ñu piti boca, õ sehe ni yahuha:

—Coyea, Cohamacu to ñurocaroi jipihtia dachoripe noano yorucuja yuhu —niha Paulo.

²To ã nichu tuhoru jipihtina sacerdotea bui puhtoro jiri Anania sehe Paulo duserore cjã dutiha. ³To cahai ducunare cjã dutiha. Tirore ti cjãri baharo Paulo Ananiare tuhtiha:

—Masa ti ñurocaro dihtare noano yoriro jira mahu. Masa ti baharo buhuisehei ñano yoa cohtariro jira mahu. “Cohamacu dutiare

yuhducau nina”, yuhure nipaihta yuhure cjã dutira mahu. ã cjã duticu mahu sehe dutiare yuhducau nica —niha Paulo tirore.

⁴To ã nichu tuhoa Paulo cahai ducuna õ sehe niha tirore:

—Cohamacu to beseriro sacerdotea bui puhtorore ñano durucui tjiga mahu —niha tina Paulore.

⁵Ti ã nichu tuhoru Paulo õ sehe ni namoha tjoa:

—Coyea, tiro to sacerdotea bui puhtoro to jiare masierahi yuhu. ã jii ã nimacanocati yuhu. Cohamacu yare ti joari cjiri õ sehe ni yahura tirore: “Mu ya maca macaina puhtorore ñano ni, durucui tjiga”, ni joaa tiha —niha Paulo tinare pjãno.

⁶ã yoa tão puã curua macaina jiha. Cã curua saduceo curua macaina jiha. Pa curua sehe fariseo curua macaina jiha. Puã curua ti jichu masino, Paulo judio masa bucunare tuaro sañurucu õ sehe ni yahuha:

—Coyea, yuhu fariseo curua macariro jija. Fariseo curua macariro macuno tjija yuhu cãhu. “Yariaina masa mujaahca”, yu ã niri buhiri yuhure ñano yoa duara msa —niha Paulo.

⁷To ã nichu tuhoa fariseo curua macaina, saduceo curua macaina ti basi cahma tuhtiha. ã jia ti basi puã curua tju waha. ⁸Saduceo curua macaina õ sehe niina jiha: “Yariaina masa mujasi. Espiritua, anjo cãhu ne mariaha”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa mujaahca” to nichu tina ti basi cahma tuhtiha. ⁹ã cahma tuhtia, tuaro sañurucuha. ã yoa fariseo curua mehne macaina judio masa buheina wahcãruca, tuhti, õ sehe ni yahuha:

—Ahriri Paulo ñano yoerare. ã jiro espõritu o anjo, potocã tiro mehne durucuriro jiboca. [ã jina ahriroro buhiri dahrena, Cohamacu ñu tuhtiina jiboca mari. ã yoaina jiena tjiga msa] —niha tina.

10 Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara pãhtoro sehe. ã jiro Paulore, masa watoi ducurirore na wio, to ya wãhãpã na ta dutiro warocaha to surarare.

11 Pa ñamihî pãhtoro Jesu Paulo cahai ducuro, õ sehe ni yahuha tirore:

—Wacũ tuaga. Mipãre õre Jerusalêi yã ya buheare yahure mãhã. Tó se-heta Romãpã cãhãre yahui wahaihca mãhã —niha pãhtoro Jesu Paulore.

Judio masa Paulore wajã duamaha

12-13 Pa dacho bohrearoi judio masa cahmachu, ti basi õ sehe ni cahma durucuha:

—Õ sehe yoajihna. Paulore wajãjihna. Cohamacure õ sehe ni yahu cãjihna. Ne mari sihnisi. Ne chãsi, pã tirore mari wajãri baharopã. Tirore mari wajãerachã, mari sehere Cohamacã buhiri dahrejaro —niha tina ti basi.

Tina cuarenta bui curero judio masa jiha. 14 Ti ã niri baharo tina sacerdotea pãhtoare, bũcãna cãhãre yahua wahaha:

—Paulore sã wajãhto pano chãare sã chãeraja. “Tirore sã wajãerachã Cohamacã sã sehere buhiri dahrejaro”, nihi sã. 15 ã jina mãsa, bũcãna mehne õ sehe ni pjirocaga. “Paulore pari turi sinitu duaja”, niga surara bui pãhtoro. Mãsa ã niri baharo surara bui pãhtoro na ta dutiga Paulore. Wiho mejeta Paulo to õre to wihiro cahachã waro tirore wajãnahca sã —niha tina sacerdotea pãhtoare.

16 Wiho mejeta Paulo pjacamacãno ti ã ni durucuchã tãhoha. Ti ã nichã tãhoro waha, surara ya wãhãpã Paulore yahuro sãaha. 17 To ã yahuri baharo Paulo sehe cãiro surarare pjiroca, õ sehe ni yahuha tirore:

—Ahriro wahmãnore pãhtoro cahãpã naahga. Ahriro mã pãhtoro yahu duaro nina —niha Paulo.

18 To ã nichã tãhoro surara sehe Paulo pjacamacãnore to pãhtoro cahãpã na sã, õ sehe ni yahuha:

—Peresupã jiro Paulo sehe yãhãre pjiroca, ahriro wahmãnore mã cahãpã naa dutihre. Ahriro mãhãre yahuro taro nihre —niha surara to pãhtoro.

19 To ã nichã tãhoro pãhtoro sehe wahmãno to wamomacare ñaha tãã wahcã, masa marienopã tirore sinitu ñãha:

—¿Dohse nii tai niri mãhã yãhãre? —niha tiro Paulo pjacamacãnore.

20 To ã sinituchã tãhoro õ sehe ni yahuha:

—Judio masa cãno potori, “Õ sehe yoajihna” ni, ñamichacãpã judio masa bũcãna cahãpã mãhãre Paulore naa dutiahca. “Bũcãna Paulore pari turi sinitu duara”, ni mahãoahca. 21 Wiho mejeta cuarenta bui curero mãã tirore wajã duaina bũcãna caha duara. Tina tirore ti wajãhto pano chãare chãsi. ã yoa sihnisi. “Tirore mari wajãerachã, Cohamacã mari sehere buhiri dahrejaro”, nire tina ti basi. ã jia mipã mãhãre Paulore na ta dutia tina sehe duhti cohta tuhsãhãre, Paulore wajãa taa. ã jicã ti yahua wihihã tinare yãhtii tjiga mãhã —ni yahuha wahmãno surara pãhtoro.

22 To ã nichã tãhoro surara pãhtoro õ sehe niha:

—Yãhãre mã yahurire painare yahui tjiga —ni yahuha wahmãnore.

ã ni tuhsã wahmãnore “Wahaga”, niha tiro.

Paulore pãhtoro Feli wama tiriho cahãpã warocaha

23 ã ni tuhsã, surara pãhtoro pãaro to surarare pji wahcã, tinare õ sehe ni dutiha:

—Dos cientos surarare, setenta cawaloa bui pisinare, dos cientos doca yucã cããina mehne ti yare cahno dutina wahaga. Micha ñami nueve jichã Cesareapã wahanahca mãsa. 24 Paulore cawaloare to pisahtinare cahnobasaga. Cesareapã pãhtoro Feli cahãpã, noano ñã nããã soga tirore —niha surara pãhtoro.

25 ã ni tuhsã papera joaro, õ sehe ni joaha tiro:

26 “Yuh Claudio Lisia mahure tuariro puhtoro Felire noa dutija. 27 Judio masa ahriro Paulore ñaha, wajāmare. Ā jicu tiro Roma macariro to jichu masicu, yu surara mehne tirore yoadohoi suhi. 28 Ā jicu tirore ti yahusārire masi duacu judio masa bucuna cahai nahi tirore. 29 Ā jicu tiro judio masa ya dutia dihtare to yuhdurucachu mari ya dutiare to yuhdurucaerachu ñucu, tirore peresupu cū duaerahi. Yaba buhiri yariaro mariahna tirore. 30 Ā jiro judio masa tirore wajā dua, ti bucua cahachu tuhoro pairo yahure yuhure. To ā yahuri baharo Paulore mipure mu cahapu warocai nija. Ā jicu tirore yahusārinare to ñaa yoarire mahure yahu duti tuhsuhi yuh”, ni joaha surara puhtoro.

31 Ā yoa surara ti puhtoro to dutiro sehetā yoaha. Tí ñamine Antipatri wama tiri macapu Paulore na suha. 32 Pa dachoi paina surara cawaloa bui pisaeraina tí macai tjua taha ti ya macapu. Paina surara cawaloa bui pisaina dihta tirore na yuhdu wahcāha. 33 Pu Cesareapu na suha Paulore. Ā jia surara puhtoro to warocari pūre puhtoro Felire waha. Ā jia Paulore na suha puhtoro cahapu. 34 Ti ā wari baharo puhtoro tí pūre to ñari baharo tiro painare sinitu ñaha:

—¿Di yahpa macariro jijari ahriro Paulo? —ni sinitu ñaha tiro.

—Cilicia yahpa macariro jira —ni yahuha tirore.

35 Tinare sinitu tuhsu, Feli Paulore ō sehe ni yahuha:

—Mahure yahusārina ōre ti wiwichu mu yahuchu tūhoihtja —niha Feli Paulore.

To ā niri baharo Herode ya wuhapu tirore cūha. Ā jiro to mūare tirore cohta dutiha puhtoro.

24

Paulo “Ñano yoerahi yuh”, ni yahuha Felire

¹ Cinco dachori baharo, Anania sacerdotea bui puhtoro, paina judio

masa bucuna, dutiare mihniro Tértulo wama tiriro mehne Cesareapu suha. Ā jia tina Paulore yahusā dua, puhtoro Feli cahapu suha. ² Ā jiro Paulore tōpūre ti na suri baharo Tértulo tirore yahusā dūcaha. Ā yahusā dūcaro ō sehe ni yahusāha Felire:

—Muh noano masiro, sā puhtoro mu noano dutichu sā ahri yahpa macaina noano jinocaja sā cahmacheño marieno. Mu dutia mehne noaa sehere cohtotaro nina ahri yahpa. ³ Ā jina sā noano jinocahna wahcheja. Ā jina muh mehne noano wahcheja. ⁴ Mipure mahānocā mahure cariboihtja yuh. Mahānocā muh mehne suhūdu duaja. Sāre tūhorocasinia muh. ⁵ Ahriro sāre caribobiara. Jipihtia yahpari macainare judio masare ti sua sañurucuchu yoara ahriro. Ā jiro masa ti basi cahma tuhtichu yoara ahriro. Ā jiro nazareno wama tiri curua puhtoro jira. ⁶ Ā jina Cohamacu wuhure ñano to yoa duachu ñūna sā ñahahi ahrirore. [Sā ñahari baharo sā ya dutiare to yuhdurucariro jichu tirore buhiri dahre duamahi sā. ⁷ Wiho mejeta surara puhtoro Lisia wama tiriro tirore sāre tuaro mehne manocahre. ⁸ Baharo tirore yahusārinare mu cahapu waha dutihre Lisia. To ā nichu tūhona tahi sā.] Muh pinihta ahrirore sinituchu, jipihtiare to ya buhirire masicūhca muh —niha Tértulo Felire.

⁹ To ā niri baharo paina judio masa “Tértulo to niriro sehetā potocā tjira”, niha tina cūhu. ¹⁰ Ti ā ni yahusāri baharo puhtoro Feli Paulore yahu dutiha. Ō sehe ni yahuha Paulo:

—Payu cūhmari ahri yahpa macainare mu dutirire masija yuh. Ā jicu yu yoarire mahure yahucu wahcheja. ¹¹ Doce dachorita wahara Jerusalēpu Cohamacure yu ño payori baharo. Muh ahri potocā ti jichu masi duacu painare sinitu ñūga. ¹² Judio masa yuhure Cohamacu wuhupure boca ti ñahachu masare ñano ni sañurucui nierahi. Ā yoa

masare sua sañurucuchu yoai nierahi. Ñ yoacu judio masa buhea wuhusere, ti ya maca cūhure ne ti nino sehe ñano yoaerahi. ¹³ Ñ jia yuhure yahusārina sehe ti yahusāri cjirire “Ō sehe yoare ahriro”, ni yahu masierara mūhure. ¹⁴ Mipū yū yoarire yahuihtja mūhure. Dóih̄ta sã ñuchusuma ti ño payorirore Cohamacure ño payoja yūhū cūhū. Ñ jicu to yare yoaja Jesu ya noaa buhea ti nino seheta. Ahrina “Jesu ya mahñopea jira”, ni durucura ahriina judio masa. Wiho mejeta Cohamacu dutia, Moise cjiropare to cūri cjirire tí cūhure ño payoja yūhū. Cohamacu yare yahu mūhtaina cjiri ti joari cūhure ño payoja yūhū. ¹⁵ Ahrina paina judio masa ti tūhoturo seheta Cohamacu jipihtina masare yariainare noaina, ñaina mehne ti masa mūjachū yoarohca. Yūhū cūhū āta ni tūhotuja. ¹⁶ Ñ jicu buhiri mariaja yūhū. Cohamacu yūhure tíre masina. Ñ yoa masa cūhū tíre masina. Ñ jii potocāta yahuja yūhū mūhure. Ñ jicu noano tūhotunocaja.

¹⁷⁻¹⁸ Paye cūhmarine pa sehēpū tiniriro jicu Jerusalēne tju wihi, yū coyeare judio masa pjacōinare niñerure wai tai nihi. Tju wihi Cohamacure ño payoi tai to ya wūhūpū samahi. Ñ jicu Cohamacu to cosa dutiriro seheta yū basi yū yūhdūrucarire yū cosari baharo wahiquirore wa duamahi tirore ño payoi tai. Tópū yū jichū ahriina judio masa yūhure bocahre. Ti bocachū paina yūhū mehne mariahare. Sua, sañurucuina mariahare. ¹⁹ Wiho mejeta paina judio masa Asia yahpa macaina tói jihre. Tina yū ñano yoachū ñarina jia yahusāa tajaro. ²⁰ Ahrina ōpū jiina sehe judio masa bñcūna mehne yū jichū ñaina yū ñano yoarire masia, tina cūhū yahusājaro. ²¹ Cānocā pinihtare yūhure tina yahusā masina: Pano tina mehne jicu ō sehe ni tuaro sañurucuhi yūhū: “Yariaina masa mūjaahca”, yū niri buhiri, buhiri dahrera mūsa”, nihi tinare —ni yahuha Paulo Felire.

²² To ñ ni yahuri baharo Feli ō sehe ni yahuha Paulore:

—Mipū tó puro tjira. Surara pūhtoro Lisia to wihiri baharo mūhure yū yoah̄tore masiihca yūhū —niha Feli Paulore.

Feli sehe Jesu yaina ti yoarire noano masi pahñoriro jiha.

²³ Ñ ni tuhsū, Paulore cohtariro surarare Feli noano ñū nūnū dutiha “Peresupū jiriro duhtiri”, nino. Wiho mejeta mahanocā ware to tinihtore. Paulo mehne macainare tirore peresupū jirirore yoadoho dutiro ñ dutiha Feli.

²⁴ Mahaa dachoricā baharo Feli to namono Drusila wama tiricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacū tuaare Paulo sehe yahuha tinare. ²⁵ Ñ yahuro quihōno yoaare, ñaare yoa duaparota yoaeraare, pihtiri dacho jichū Cohamacu masare to buhiri dahrehtore yahuha Paulo. To ñ ni yahuchū tūhoro Feli cuiro, Paulore ō sehe ni yahuha:

—Mipūre waharisa. Baharo yūhure dahraa mariachū mūhure pjihtja tjoa —niha Paulore.

²⁶ Ñ nino Paulo to niñeru wachū cahmamaha Feli. Ñ jiro tiro niñerure cahmano, payū tahari Paulore pji, tiro mehne durucua timaha Feli. ²⁷ Pūa cūhma baharo Porcio Festo wama tiriro pūhtoro Felire cohtariro jiha. Wiho mejeta Feli sehe judio masare tiro mehne wahchechū yoa duaha. Ñ jiro pūhtoro Feli to pūhtoro wijaah̄to pano, tiro Paulore peresui ji dutisiniha.

25

Paulo Festore to yoarire yahuha

¹ Ñ yoa Festo tí yahpapū tia dacho to jiri baharo, Cesareapū jiriro waha, Jerusalēpū sūha. ² Tói to jichū sacerdotēa pūhtoa, judio masa pūhtoa mehne Paulore ti yahusāire yahuha Festore. ³ Paulo to mahapū wahachū tirore bñcūa caha, wajā duaa nimaha

tina. Æ jia tina Festore tuaro sinimaha:

–Paulore Jerusalēpɥ warocaga –ni sinimaha tina Festore.

⁴ Ti ã nichɥ tɥhoro, Festo õ sehe ni yahuha tinare:

–Mipɥre Paulo Cesareapɥ peresu jira. Yɥɥ tóɥ wahaɥ tai nija. ⁵ Paulo to ñano yoariro jichɥ, mɥsa pɥhtoa Cesareapɥ yɥɥ mehne waha, tirore yahusãga –niha Festo.

⁶ Æ jiro Festo ocho o diez dachori tina mehne to jiri baharo Cesareapɥ tjuaa wahaha. Pa dachoi tiro buhiri tiare cahnorɥ wɥhɥi dujiro, Paulore na ta dutiha. ⁷ Æ jia Paulo Festo cahapɥ to wihichɥ, judio masa Jerusalēpɥ tarina sehe Paulo cahai ducu, tirore tuaro mehne yahusã dɥcaha. Æ yahusãpahta “Ahrirɥ to ñano yoachɥ ñɥhi”, ni yahu masieraha. ⁸ Ti ã ni yahusãri baharo Paulo to yoarire yahuha:

–Judio masa ti dutiare, Cohamacɥ wɥhɥ macaa dutiare, Roma pɥhtoro to dutiare yɥhdɥɥcaerahi –niha Paulo.

⁹ Festo sehe judio masare wahchechɥ yoa duaro, Paulore õ sehe ni sinituha:

–¿Jerusalēpɥ waha duajari mɥhɥ? Mɥ yoarire yɥhɥre tóɥ yahuihca mɥhɥ –niha Festo Paulore.

¹⁰ To ã nichɥ tɥhoro Paulo õ sehe ni yahuha:

–Jipihtina bui pɥhtoro César to ya wɥhɥi buhiri tiare cahnorɥ wɥhɥi jija mipɥre. Ahri wɥhɥ baroi yɥ yoarire tɥhoga. Judio masare yɥ ñano yoaerarire noano masina mɥhɥ. ¹¹ Dutiare yɥhdɥɥcariro yɥ jichɥ, yɥhɥre wajãchɥ noaboa. Wiho mejeta ahri na ti yahusãri sehe mahñoa ti jichɥ yɥhɥre yahusãrinare yɥhɥre wiho waro wia masierara mɥhɥ. Yɥ yoarire jipihtina bui pɥhtoro César yahu duaja. Tiro sehe yɥ buhiri tiare to cahnochɥ cahmaja –niha Paulo.

¹² To ã nichɥ tɥhoro Festo sehe noano masi yahuinare sinitu tuhsɥ, õ sehe ni yahuha Paulore:

–Mɥhɥ jipihtina bui pɥhtoro mɥ yoarire mɥ yahu duachɥ, tiro cahapɥ warocanahtja sã mɥhɥre –niha Festo Paulore.

Paulo pɥhtoro Agripare to yoarire yahuha

¹³ Baharopɥ pɥhtoro Agripa, Berenice wama tiricoro mehne Cesareapɥ Festore ñɥa sɥha.

–¿Ne, wihimari mɥhɥ cãhɥ? –niha tina Festore piti bocasinia.

¹⁴ Tói payɥ dachori ti jiri baharo Festo õ sehe ni yahuha Agripare Paulore:

–Õre Feli to peresu yoariro jira.

¹⁵ Æ jia Jerusalēpɥ yɥ wahachɥ judio masa ti sacerdotea pɥhtoa, ti bɥcɥna mehne ahrirore yahusãhre. “To ya buhirire wajãga tirore”, ni sinihre tina yɥhɥre. ¹⁶ Ti ã nichɥ tɥhocɥ yɥhɥ tinare õ sehe ni yahuihca: “Roma macaina sehe peresu ti yoainare masare waerara. Æ jicɥ tirore waeraja mɥsare. Sã ñaharirore tirore yahusãrinare to ñɥhto pano tirore buhiri dahre masieraja sã. To basi to yoarire to yahuerasinichɥ tirore buhiri dahre masieraja sã”, nihi tinare. ¹⁷ Æ jicɥ tina õre ti wihichɥ ñɥcɥ yoari pja yoaerahi yɥhɥ. Wiho mejeta pa dachoi buhiri tiare cahnorɥ wɥhɥi dujicɥ, ti yahusãrinare pjirocaci. ¹⁸ Æ jia tí wɥhɥi to wihichɥ ñɥa tirore ñɥ tuhtiina wahcãɥcare. Ti ã wahcãɥcachɥ ñɥcɥ “Ñabiaro ni yahusãhca”, ni tɥhotumahɥ yɥhɥ tinare. Tirore yahusã duapahta yahusã masierare tina. ¹⁹ Wiho mejeta ahrirore Cohamacɥ yare to yahuri buhiri judio masa tirore tuhtihre. Jesu wama tiro yariariro cjiro to masa mɥjarire to yahuri buhiri yahusãhre ahrirore. Ahri dihtare yahusãhre. ²⁰ Ahrire masieracɥ tirore noano sinitu ñɥhi. “¿Jerusalēpɥ waha duajari yɥhɥ mehne? Tóɥ yahuga mɥ yoarire yɥhɥre”, nimahi tirore. ²¹ Wiho mejeta tiro waha duaerare. “Yɥ yoarire jipihtina bui pɥhtoro César yahu duaja”, nire tiro yɥhɥre. To ã niri baharo

õihita tirore cohta dutihi jipihtina bui pũhtoro cahai tirore yũ warocahto pano –niha Festo Agripare.

²² –Yũ basi tũho duaja tirore –niha Agripa Festore.

–Ñamichacapũ tirore tũhoga mũhũ –ni yũhtiha Festo.

²³ Pa dachoi Agripa, Berenice mehne ti buhiri tiare cahnoru wũhũpũ sũ, “Pũhtoa jija sã”, nia cua pisaro yoa ñoha tina, surara pũhtoa, tí maca macaina pũhtoa mehne. Tó sehe yoa sãa tiha tí wũhũpũ sãa. Ti sãa sũri baharo Paulore pjirocaha Festo.

²⁴ ã jiro Festo õ sehe ni yahuha:

–Pũhtoro Agripa, mũsa jipihtina ahri wũhũre cahmachuina tũhoga. Ore ahriro payũ judio masa ti yahusãriro jira. Jerusalẽpũ, Cesareapũ cũhũre tina tirore yahusãhre. “Tirore wajãga”, ã nirucua nina tina.

²⁵ Ti ã nipachũta õ sehe tũhotuja yũhũ. Ahriro ne ñano yoariro jierara. ¿Yaba buhiri wajãbocari mari tirore? ã jicũ jipihtina bui pũhtoro César Augustore ahriro to yoarire to yahu duachũ jipihtina bui pũhtoro cahapũ warocaihtja tirore.

²⁶⁻²⁷ ã jicũ ahriro to yoarire noano masierasiniya yũhũ. ã masierasinicũ mari pũhtoro yahu joa masieraja. ã jicũ mũsare to yahuchũ tũho dutii nija mipũre. Pũhtoro Agripa mipũ pinihtare ahriro jira mũ sinitu ñũhtiro. Mũ sinitu ñũ tuhsũchũ mari masiri baharo ahrirore ti yahusãrire noano yahu joaihtja. Ahriro to ñano yoarire yũ masierapachũta mari pũhtoro cahapũ tirore yũ warocachũ noerara. ã jicũ mipũre ti yahusãrire noano masi duai nija –niha Festo tinare.

26

Paulo Agripare to yoarire yahuha

¹ To ã niri baharo Agripa Paulore õ sehe ni yahuha:

–Mũ basita yahuga –niha tiro Paulore.

To ã niri baharo Paulo sehe, “Dihta mariaha”, nino to wamomacarine wahcãruca, to yoarire yahuha:

² –Pũhtoro Agripa, yũhũre judio masa ti yahusãrire, yũ yoarire mũhũre yahucũ, mipũre noano yajeripohna tija. ³ Mũhũ judio masa sã yoa tiare, sã buhea cũhũre mũ noano masichũ pinine wahcheja yũhũ. ã jicũ mũhũ yũhũre noano tũhoga –ni dũcaha Paulo.

Paulo Jesu yairo to jihto pano to jia tirire yahuha

⁴ ã ni tuhsũro õ sehe ni namoha tiro:

–Wahmũno yũ jia tia cjirire jipihtina judio masa masina. Jipihtia dachoripe yũ masa bajuari baharo yũ ya dihtapũre, Jerusalẽpũ cũhũre yũ jiri cjirire masina tina. ⁵ Fariseo curua macaina paina yũhdoro sã dutiare yũhdũruca dutieraina jira. Wahmanopũre fariseo curua macariro jimai. ã jicũ fariseo curua macaina ti dutiare, ti yoa barore yoa pahũoriro yũ jichũ tina masina. Tina mũhũre yahu duaa, tíre yahu masina tina. ⁶ Ahri buhirita yũhũre yahusã mũjana. Sã ñũchũsũma cjirire “Yariainare masoihtja”, Cohamacũ to ni cũrire “Potocã tjira”, yũ niri buhiri ahriro yũhũre yahusã mũjana.

⁷ Yũ coyea judio masa jipihtina doce curuari macaina Cohamacũ masare to masohtore wahche cohtarucura. ã yoa Cohamacũre ño payorucura. ã cohtarucuina jia sã yoaro seheta yoara tina. Pũhtoro Agripa, ã cũno potori yoaina sã jipachũta tina sehe to masohtore yũ cohtari buhiri yũhũre yahusã mũjana judio masa. ⁸ ¿Dohse yoana Cohamacũ to masorire sã yahuchũ tũho duaerajari mũsa judio masa? –ni yahuha Paulo.

Paulo Jesu yainare to ñano yoari cjirire yahuha

⁹ ã ni tuhsũ õ sehe ni yahu namoha: –Jesure Nazare macarirore ñũerasinicũ, ñaa dihtare yoa duamai to yainare. ¹⁰ ã jicũ Jerusalẽpũ ã yoa timai yũhũ. Sacerdotea pũhtoa

yuhare ti dutiri baharo payu Jesu yainare peresu yoaa tii. ã jicu puhto tinare ti wajã dutichu, wajã dutii yuhu cãhu. ¹¹ Payu tahari jipihtia judio masa buhea wuhusei Jesu yainare ñano yoa dutia tii. ã yoacu Jesu yaina Jesure ti cohãchu yoa duai nimai. Tina mehne tuaro suai yuhu. ã jicu paina masa ya macaripu cãhure tinare ñano yoai sãa tihî yuhu –ni yahuha Paulo.

Paulo Jesu yairo to waharire yahuha

¹² ã ni tuhsu õ sehe ni yahu namoha:

–Damasocu Jesu yainare ñano yoa duacu sãmai. Tinare ñano yu yoa duachu ñua sacerdotea puhto yuhare waha dutire. ¹³ Õ sehe jire puhtoro Agripa: Cohari pja jichu waroi mahai yu wahachu mãano macaa si sitea, sã dacho macariro yuhdoro, yuhare yuhu mehne wahaina cãhure si sitere. ¹⁴ Sã jipihtina yahpapu bora caha su, judio masa ya mehne yuhare to durucuchu tãhoi. “Saulo, Saulo, ¿dohseacu mahu yuhare ñano yoajari? Mahu yuhu mehne suacu yuhare yuhtieracu, mu basi ñano yuhdura”, nire yuhare. ¹⁵ “Puhtoro, ¿diro baro jijari mahu?” ni sinitui. “Yuhu Jesu, mu ñano yoariro jija. ¹⁶ Wahcãrucaga mahu. Mähure yu cahamacu no cjihto yoai tai mipu bajuaja yuhu. Michare yuhare mu ñurire, baharo mähure yu ñohti cãhure painare yahuihca mahu. ¹⁷ Judio masare judio masa jieraina cãhure mähure buhe duticu, warocaihtja. Ti cahai mu jichu, mähure ti ñu tuhtichu mähure yoadohoihtja. ¹⁸ Yu yare tinare masichu yoaga mahu. ã jicu nahitianopu tiniina yoaro sehe jinare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watĩnore cahmaerachu yoaga mahu. ã yoacu Cohamacu ya sehere yuhtichu yoaga mahu tinare. Mu ã yoachu tina yuhare wacũ tuaahca. Ti ã wacũ tuachu ñucũ ti ñaa yoari buhirire boihca. ã jia tina Cohamacu to beserina mehne

macaina jiahca. To wahtire cjuhtina jiahca tina”, nire Jesu yuhare –ni yahuha Paulo.

Paulo to yoarire to dahraare yahuha

¹⁹ ã ni tuhsu õ sehe ni yahu namoha:

–Puhtoro Agripa, mãano macaa yu tãhoare yuhdurucaerahi. ²⁰ Damasoi buhe mãhtai. Baharo Jerusalẽi buhei tjoa. Baharo Judea yahpai, judio masa jieraina cahapu cãhure masare “Ñaano yoaeraja sã”, ni ti tãhotumari cjirire tãhotu cohtota duti, Cohamacu yare cahma dutii. “Noaare masa yoachu ñua ‘Noaina jija sã’ ni, masa tãhotumari cjirire masa tãhotu cohtotarire paina masiahca” nicu, tinare noaare yoa duticu buhei. ²¹ Cohamacu ya wuhui yu jichu yu ã ni yahuri buhiri judio masa yuhare ñaha, wajã duamare. ²² Wiho mejeta dachoripe Cohamacu to yoadohoro mehne ã buherucuja. ã jicu mipure masa jipihtina puhtoare wiho jiina cãhure to yare yahui nija. Panopu macaina Cohamacu yare yahu mãhtaina cjiri, Moise cjiro mehne ti yahu mãhtariro se-heta yahuja yuhu cãhu. Õ sehe ni yahu mãhtaa tiha tina: ²³ “Cristo Cohamacu warocariro sehe ñano yuhdãrohca. ã jiro yariaro masa maja mãhtariro waharohca tiro. ã jiro masare to yuhdohtore judio masare, judio masa jieraina cãhure masichu yoarohca”, ni yahu mãhta joaa tiha panopu macaina cjiri. Yuhu cãhu ti yoaro sehta yahuja –ni yahuha Paulo Agripare.

Paulo Agripare Jesu yairo cjihto yoa duamaha

²⁴ To ã ni yahuri baharo Festo tirore tuaro sañurucu õ sehe ni durucuha:

–Paulo, mahu tãho masierariro jira. Mahu payu buhecũ tãho masierariro wahara –ni sañurucuha tiro Paulore.

²⁵ To ã nichu tãhoro Paulo õ sehe ni yuhtiha Festore:

—Pũhtoro tũho masierariro jieraja yũhũ. Yũ yahua potocã tjira. ã jicũ yũhũ ahrire cua pisaro mehne nija. ²⁶ Pũhtoro Agripa sehe, ahri yũ yahurire noano masina. ã jicũ yũhũ tirore cuiro marieno yahuja. Ahri yahuare jipihtina masa masina. ã jicũ jipihtia ahrire yũ nirire pũhtoro Agripa to masichũ masija yũhũ —niha Paulo Festore.

ã ni tuhsũ õ sehe niha Agripare:

²⁷ —Pũhtoro Agripa, Cohamacũ yare yahu mũhtaina cjiri ti yahuri cjirire tũhora mũhũ. Ti yahuare mũ tũhochũ masija yũhũ —niha Paulo Agripare.

²⁸ —¿Ahrire yũhũre yahucũ mahanocã mũ yahua mehne Jesu yairo yũ wahachũ yoa duai nijari mũhũ? —niha Agripa Paulore.

To ã nichũ Paulo õ sehe ni yũhtiha:

²⁹ —Mahanocã durucucũ o yoari pja durucucũ mũsa, jipihtinare “Yũ jiro seheta Jesu yaina jijaro”, ni sini payoja Cohamacũre. Wiho mejeta yũ yoaro sehe peresupũ mũsa jichũ cahmaeraja yũhũ —niha Paulo Agripare.

³⁰⁻³¹ To ã niri baharo Agripa, Festo, Berenice jipihtina paina mehne wahcãrũca, wijaa, ti basi õ sehe ni durucuha:

—Ahriro to yoari buhiri ne peresu yoa masieraja mari. ¿ã jina mari yaba buhiri tirore wajãbocari? —ni durucuha tina ti basi.

³² —Ahriro “Jipihtina bui pũhtorore Césare yũ yoarire yahu duaja”, to nierachũ mari wioboa tirore peresupũ jirirore —niha Agripa Festore.

27

Paulo tirore ti yahusãrire Romapũ yahuro wahaha

¹ Paulore Italiapũ dohoria mehne warocaa taa, tirore paina mehne ti peresu yoarina mehne Julio wama tirirore cũre tina. Julio cien surara pũhtoro jiro, to ya curua “César yaina surara”, wama tire. ² ã jina Adramitio wama tiro macaria dohoriai samui sã. Tia Asiapũ wahahtia

jire. Samu tuhsũ, tia mehne waha. Aristarco Tesalónica wama tiri maca macariro sã mehne wahare. Tesalónica Macedonia yahpai jira.

³ Pa dachoi sã Sidõpũ sui. Tõpũ sũro Julio Paulore noano yoare. ã yoaro Paulore tó mehne macaina cahapũ ñũno waha dutire. ã jiro Paulo mehne macaina tirore to cahmaare ti wachũ “Noanohca”, nire Julio.

⁴ Dohoria mehne sã pahãchũ tuaro wihnono sãre pa sehepũ wãroca pjohõre. ã jina Chipre wama tiri nũco dũcataroi poto bũhũsehei waha sã.

⁵ Pũ Ciliciare yũhdũa, Panfilia cãhũre yũhdũa, Mira wama tiri macapũ Licia yahpai jiri macapũ wahã sui.

⁶ Tõpũ sũna, Alejandriapũ tariare, Italiapũ wahahtiare dohoriare bocai. ã jiro sãre tiapũ surara pũhtoro naare.

⁷ Payũ dachori pjiro dero waha, “Nu wapũoca” ni, waha, Gnido wama tiri maca potoi sui sã. Tõpũ sũ yũhdũa, wihnono tuaro wã, sã waha duaroi sãre wãrocaerare. ã jina sã cõ bũhũsehepũ majare paa waha.

ã jina Creta wama tiri nũco to dũcatari pahre sehe sã pahãa waha, Salmo wama tiri ñoacare yũhdũai sã.

⁸ Tõpũ yũhdũa, tí nũco dũhtũ cahai waha, “Nu wapũoca” ni, waha, Noari Pitamaha wama tiropũ wahã sui. Pitamaha Lasea wama tiri maca cahapũ jira.

⁹ Tõpũ yoari pja sã jiri baharo, sã wahahto sehe cuabiare. ã jiro ti chũ duhuri dacho bose nũmũ yũhdũari baharo, Paulo tinare õ sehe ni yahure:

¹⁰ —Tũhoga mũsa. Chũ duhuri dacho bose nũmũ baharo mari wahachũ marine minihto cuabiara. Ahria dohoria, dohoria macaa, mũsa pache cũhũ mari mehne macaina cũhũ mari butiboca wahana —nire Paulo.

¹¹ Wiho mejeta surara pũhtoro dohoria pũrore tũhoro, oturiro cũhũre tũhoro, Paulo to yahua sehere tũho duaerare waha duaro.

¹² Ti pahsari pitamaha noari pitamaha puhuro jichũ ti pahsari pitamaha jierare. To ã jiri pitamaha jichũ dohoria macaina payũ waha dua, Fenicepũ yoja duamare. Fenice Creta

wama tiri nꝛco macari pitamaha jiro, wihnono to tariropꝛ sũ mꝛja taro seherꝛ cõ bꝛhꝛseherꝛ, poto bꝛhꝛseherꝛ cũhꝛre ñꝛroca, wihnono tachꝛ noano dꝛcatari maca jire. To ã jiri pitamaha jichꝛ masia tina tóꝛꝛ cũ puhiro ji duamare.

Pjiri mapꝛ wihnono, coro pjíro taha

¹³ Æ yoa sur sehe pjiroca wihnono ta dꝛcare. “Michare noari dacho mari wahahti dacho jira”, ni tũhotumaha tina. Æ ni tũhotua tina comaa tañore tũã wahcõ, Creta nꝛco dũhtꝛ caha cahi yojai sã. ¹⁴ Wiho mejeta baharo curero wihnono noreste wama tiri wihnono tuaro wãre. ¹⁵ Æ jiro dohoriare wihnono tuaro wahã wihire. Wihnono to wãꝛcarore waha masierana, majare paha, wihnono mehne wahi sã. ¹⁶ Cauda wama tiri nꝛcocã cahapꝛ sur seherꝛ waha, tí nꝛcocã sãre mahanocã dꝛcatate. “Marine nu wapꝛoro wahara”, nina tóre pjiria dohoria macaria mahariacã bꝛsocare noano waja payo dũhte sã. ¹⁷ Tiare dohoriai sã waja payo dũhteri baharo pjiria dohoriapꝛ pjiri da mehne tina wahma ñaha payore. Sirte wama tiri padꝛe “Dohoria doca wahã sũri”, nia cui nire tina. Æ jia tina co turre ti duhu miori baharo dohoria dihtare wihnono wãrocare. ¹⁸ Wihnono, coro mehne tuaro tare. Pa dacho cũhꝛre wihnono mꝛnanota tjoa to tachꝛ ñũa tina ti pachere diapꝛ dureroca ño tuhsꝛ pahã wahi sã. ¹⁹ Pa dacho dohoria macaare diapꝛ cohãre tina ti basi. ²⁰ Payꝛ dachori ñichua dachori jichꝛ, sũ dacho macariro ñahpichoha poca cũhꝛ ne bajuerare. Æ jiro tuaro wihnono tare. Æ jina “Minia wahaja mari. Æ jina yariaa wahanahca”, ni tũhotumai sã.

²¹ Æ jia tina yoari pja ti chꝛ duhuri baharo Paulo ti pano ducu, õ sehe ni yahure tinare:

—Pano mꝛsare yꝛ yahuchꝛ tũhoerare mꝛsa. “Cretapꝛ jiina mari wahachꝛ cua nica”, yꝛ nichꝛ tũhoerare mꝛsa. Yũhꝛre tũhona, ahria macaa jipihtiare boeraboa

mꝛsa. ²² Wiho mejeta mipꝛ mꝛsare yahuja. Cuiena tjiga. Jipihtina mari yũhdꝛnahca. Ahria dohoria dihta marine wahtiabasarohca. ²³ Micha ñamine Cohamacꝛ yairo anjo yũhꝛre bajuahre. Cohamacꝛ yairo jija yũhꝛ. Æ jicꝛ tirore dahra cohtariro jija yũhꝛ. Anjo sehe yꝛ cahi taro, õ sehe ni yahure: ²⁴ “Paulo, cuiecꝛ tjiga. Jipihtina bui pũhtoroꝛe mꝛ yoari cjirire mũhꝛre yahuro cahmana. Cohamacꝛ noariro jira. Æ jiro tirore mꝛ siniriro seheta mipꝛre mũhꝛ mehne macaina cũhꝛre yoadohorohca”, nihre yũhꝛre anjo. ²⁵ Æ jina cuiena tjiga mꝛsa. Anjo yũhꝛre to niriro seheta waharohca. Cohamacꝛre wacũ tuaja yũhꝛ. Æ jicꝛ to yahuro seheta “Potocã tjira”, ni tũhotuja yũhꝛ. ²⁶ Wiho mejeta marine nꝛcopꝛ wihnono wãroca, cohãnohca —ni yahure Paulo tinare.

²⁷ Cũ ñami pꝛa somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina mꝛa sehe “Dũhtꝛ cahapꝛ jija mari”, ni tũhoture tina. ²⁸ Æ ni tũhotua nꝛcari taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa. Tí pjare veintisiete metro waro cũãre. ²⁹ Æ jia tãare “Doca wahã sũri”, nia dohoria oturopꝛ pititia tañori comaa tañorine yuta dari mehne dũhte, duhuroca miore diapꝛ. Æ jia “Cjero bohreajaro” ni, tuaro sinire tina. ³⁰ Dohoria macaina mꝛa sehe duhtimare. Tina mahariacãre dohoria macariare diapꝛ waja boro, dohoria queno comaa tañorine ti boroboriro seheta yoare tina mahariacãre “Marine ñũri”, nia. ³¹ Wiho mejeta Paulo surara pũhtoroꝛe, to surara mehne yahure:

—Ahria mꝛa mahariacã bꝛsocai ti wahachꝛ mꝛsa yarianahca —nire Paulo.

³² To ã nichꝛ tũhoa surara sehe mahariacãre dũhte darire yihso ta, tiare cohãre.

³³ Bohreahto panocã Paulo tinare tuaro chꝛ dutire.

—Pua somana waro ne chuerare musa. ³⁴ Ā jina mipure chuna taga. Tuaro musare chu dutija. Musa cati duana chuga. Jipihtina musa yuhdunahca —nire Paulo tinare.

³⁵ To ā niri baharo Paulo pāore na, jipihtina ti pano Cohamacure “Noana” ni, duhu payo, tīre chu ducare tiro. ³⁶ To ā chuchū ñha tina cuiro marieina waha, jipihtina tina cūhū chūre. ³⁷ Sā jipihtina doscientos setenta y seis masa dohoriapū jii sā. ³⁸ Tina jipihtina yapia waha “Ahria dohoria nūcū nica” ni, payū trigo chūare diapū cohāre.

Dohoria paduropū doca pja sūha

³⁹ Bohreachū dohoria macaina mūa nūcore ñha, “Ō sehe wama tiri nūco jira ahri nūco”, ni ñū masierare. Wiho mejeta tina pari tucūi paduro jichū ñha, “Mari tī tucūpū wahana, tōpūre doca pja sūboca paduroi”, nire tina. ⁴⁰ Ā nia, comaa tañorine duhtea darire yihso taroca mioha. Oturi pji duhtea dari cūhūre yihso tanocare tina. Ti ā yoari baharo dohoria queno macari suhtirore wahcō dapore poto wihnono wārocachū cahmaa. ⁴¹ Wiho mejeta dohoria queno sehe pa paduropū caha sū, nūja masierare. Ā jiro oturore tuaro pahcōri cĵā wahcōchū tia oturo wahtia wahare. ⁴² To ā wahachū ñha ō sehe nire surara:

—Ahria minichū mari peresu yoaina duhtū cahapū ba wahā sū duhtinocaahca. Ā jina tinare wajā pahñonocajihna —nire surara.

⁴³ Wiho mejeta surara puhtoro sehe Paulore wajā duaeraro, jipihtina peresu jiinare wajā dutierare. Ā jiro jipihtina ba masiinare surara puhtoro poto duhtū cahapū ba wahā sū dutire. ⁴⁴ Ā jia paina dohoria macaa pĵini wahti sitea pĵini mehne bora ñoja, tī pĵini bui pisa ba nūjare. Sā tō sehe yoana sā jipihtina duhtū cahai wahā sūi.

¹ Ā yoa tī nūcopū sā jipihtina maja surucū suna tī nūco wamare masii. Malta wama tiri nūco jire. ² Tī nūco macaina masa sāre noano yoare. Ā jina sā coro waari baharo yūshūa yuhduare sāre. Ā jia tō macaina sehe pichaca wijā tuhsū, sāre sohma dutire. ³ Paulo pichare na ta, na tiāre. To na tiāri baharo tī picha puhichapū sāraro agā tuaro sichū tuhoturo wijaa taro, Paulo wamomacai bahca wāha sūre yahawero marieno. ⁴ To bahca wahā sūchū ñha tī nūco macaina ti basi ō sehe ni durucure:

—Ahriro masa wajāriro jiboca. Ā yoaro tuaricoro buhiri dahrerico mūano macaricoro tirore buhiri dahrero, cati dutierara. Tiro pĵiri mapū minino yuhdū tuhsūri jimare. Mipure ticoro sehe tirore cati dutierara —nimare tina ti basi.

⁵ Wiho mejeta Paulo agāre pichacapū wajā siterocare. Tirore agā purierare. ⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachū ñha, to purierachū ñha, soro tuhoture tina. “Ahriro cohamaana mehne macariro jiboca”, nimare tina.

⁷ Ti ba wahā sūriro cahacāi Publio wama tiroro ya weseri jire. Tiro tī nūco macariro puhtoro jire. Ā jina tiro sāre to noano yoachū, tia dacho waro to ya wūhūi jii sā. ⁸ Publio pūcūro yojaro ti, juaro tiroro jire. Ā jiro tiro camai coāre. Ā jiro Paulo dohatiroro ya tahtiapū sāa, Cohamacure sini, to wamomacarine tiro bui duhu payo, noariro wahachū yoare tirore. ⁹ To noariro wahachū ñha jipihtina paina tī nūco macaina dohatiinare Paulo cahapū na tare. Ti ā na tachū ñūno Paulo noaina wahachū yoare tina cūhūre. ¹⁰ Baharo tina payū sāre wapa marieno ware. Sā wahato panocā jipihtia sā cahmaare, sā wahana sā chūhtire dohoriapū dure sāare tina.

11 Tia sũ tí n̄cop̄ sã jiri baharo do-
 horia mehne wahai sã. Tia dohoria
 quenoĩ p̄aro cohamana Cástor, Pólux
 wama tiina ti mas̄ ducure. Alejan-
 dríap̄ taria jire tia. Puhĩro puro tí
 n̄cop̄ tia dohoria pahsare. 12 Waha,
 Siracusa wama tiri macap̄ s̄na, tia
 dacho waro tí macare jii sã. 13 Tí
 macare wijaa, waha, Regio wama tiri
 macap̄ sã s̄i. Pa dachoi surp̄ wi-
 hnono ta, sãre wãrocare. P̄a dacho
 baharo Puteoli wama tiri macap̄ s̄i.
 14 Tóp̄ Jesu yaina mahainacã sãre piti
 bocare.

—Cũ somana waro sã mehne tjuaga
 —nire tina sãre.

Ti ã nich̄ t̄hona cã somana waro
 tina mehne tjuasinii. Baharo mahai
 maja, Romap̄ s̄i sã. 15 Tó macaina
 Jesu yaina sehe Romap̄ sã s̄htire
 t̄hoa, Apio wama tirop̄ pache
 duarop̄ sãre piti bocare. Paina Jesu
 yaina Tia W̄h̄ wama tirop̄ sãre
 piti bocare. Ti ã piti bocach̄ ñ̄no
 Paulo wahchea mehne Cohamac̄re
 “Noana” ni, noano yajeri sãa wahare.
 16 Romap̄ sã s̄ri baharo ti peresu
 ti yoarinare tó macarĩrore peresu
 cohtaina p̄htorore yahure. Wiho
 mejeta Paulo sehere cãirota cũre tó
 macaina p̄htoa. ã jiro tirore cãirota
 surara cohtare.

Paulo Romai buheha

17 Tia dacho baharo Paulo judio
 masa p̄htoa mehne cahmachuno
 taro, tinare pjire. Ti cahmachuri ba-
 haro tiro tinare õ sehe ni yahure:

—Coyea, mari coyeare soro yoaer-
 ahi ȳh̄. ã yoa mari ñ̄ch̄s̄ma
 cjiri ti yoaa tirire, marine ti buheri
 cãh̄re ȳhd̄r̄s̄aerahi ȳh̄. ã
 ȳ ȳhd̄r̄s̄aerapach̄ta Jerusal̄p̄
 ȳh̄re ñ̄ahare judio masa. Ti ñ̄hari
 baharo Roma macainare ȳh̄re
 peresu yoa dutihre tina. 18 Ti ã
 yoach̄ Roma macaina ȳh̄re sinitu,
 ȳ ñ̄ano yoararĩro ȳ jich̄ ȳh̄re
 “Buhiri tiriro jira”, ni masierare.
 “¿Ne yaba buhiri wajãbocari mari
 tirore?” nihre ȳh̄re tina. ã jia
 ȳh̄re sinituina sehe ȳh̄re wio
 duamahre. 19 Wiho mejeta judio

masa sehe ȳh̄re wioch̄ cahmaer-
 are. Ȳ coyeare judio masare ȳh̄re
 ti yoarire yahusã duaeraja. Wiho
 mejeta ȳh̄re ti wio duaerach̄
 ñ̄ch̄, “Jipihtina bui p̄htoro Césare
 ȳ yoarire poto yahu duaja ȳh̄”,
 ni sinihi. 20 ã jic̄ m̄sare ahrire
 yahu duac̄ pjih̄. Cristo marine
 ȳh̄dohtiro judio masa mari co-
 htariro to yare ȳ yahuri buhiri ȳh̄
 peresup̄ jija. ã jic̄ tíre m̄sare yahui
 tai pjih̄ —nire Paulo judio masa
 p̄htoare.

21 To ã nich̄ t̄hoa tina sehe tirore
 õ sehe ni yahure:

—Judea yahpa macaina Judio masa
 m̄h̄re quiti yahua p̄rine sãre ne
 warocaerare. ã yoa tóp̄ tarina
 cãh̄ mari coyea sãre m̄ ã waharire
 yahuera tire. Tina “Tiro ñ̄ano yoariro
 jira” ni, m̄h̄re yahuera tire. 22 Wiho
 mejeta Jesu yare m̄ yahuri curua
 macainare jipihtirore masa ñ̄ano ti
 durucuch̄ sã masija. ã masina m̄
 buheare m̄ yahuch̄ t̄ho duaja sã —
 nire tina tirore.

23 ã ni tuhs̄, “Pa dachop̄ jijih̄na”,
 nire tina. Pa dachop̄ Paulo mehne
 cahmachu m̄htaina ȳhd̄oro masa
 paȳ to jirore wihire. ñ̄ami curerocã
 p̄htoro Cohamac̄ to s̄ho jiare noaa
 buheare tiro buhe d̄ca, p̄, ñ̄amip̄
 Moise cjirore Cohamac̄ to c̄ri du-
 tiare, ã yoa Cohamac̄ yare yahu
 m̄htaina cjiri ti joari cjiri cãh̄re
 buhere. ã buhero, tinare Jesure
 “Tiro tjica mari cohtariro”, ni masich̄
 yoa duaro nimare Paulo. 24 Cãina to
 buherire noano mehne t̄hore. Wiho
 mejeta paina sehe t̄ho duaerare.
 25 ã jia tina ti basi p̄a curua tju wa,
 wahaa taa nire. Ti wahahto pano
 Paulo Isaia cjiro to durucuri cjirire
 tinare yahure. Õ sehe nire tinare:

—Isaia Cohamac̄ yare yahu
 m̄htariro cjiro to yahuri potocãta
 jira. Mari ñ̄ch̄s̄ma cjirire yahuro
 taro Esp̄ritu Santo Isaia cjirore õ sehe
 ni yahu joa dutiha:

26-27 “Ahrire ahrinare yahui wahaga:
 ‘Dapu b̄tiina jira m̄sa.

Y_u yare t_uho duaerara m_usa.
 Cahmo copari susueraina yoaro se-
 heta t_uho duaerara m_usa.
 ã jina y_u yare t_uhopanahta t_uho
 ñahasi m_usa.
 M_usa ã jieraina jina, noano t_uho
 ñahaboa m_usa.
 ã jina y_uh_ure cahmaboa m_usa.
 ã jic_u m_usare pichacap_u waha-
 borinare y_uhdoboa y_uh_u, niha
 Cohamac_u Isaia cjiro to joari
 tjup_u”

–nire Paulo tinare. ²⁸ ã ni tuhs_u,
 Paulo õ sehe ni yahu namore:

–Ahrire masiga m_usa. Co-
 hamac_u ya buheare masare to noano
 y_uhdoare judio masa jierainare
 buhenahca sã. Tina sehe t_uhoahca
 –nire Paulo judio masare.

²⁹ [To ã nich_u t_uhoa judio masa tíre
 ti basi tuaro cahma sayo, wijaare.]

³⁰ P_ua c_uhma waro Paulo to ã
 waparucuri w_uh_up_u jire. Tóí jiro, jip-
 ihtina to w_uh_up_u wihiinare wahchea
 mehne piti bocare tiro. ³¹ ã jiro tiro
 cuiro marieno p_uh_utoro Cohamac_u
 to s_uho jiare, p_uh_utoro Jesucristo ya
 cãh_ure buhea tire. To ã buhech_u ne
 paina tirore “Buhei tjiga”, nierare.

Romanos

Paulo Roma macainare Jesu yainare joarocaha

¹ Yuhũ Paulo musare Roma macainare joarocaja. Yuhũ jija Jesucristo cahamacano. Tiro yuhũre beseri jire. To ya noaa buheare buhe duti warocahtiro cjihtore yuhũre cũri jire tiro.

² Tí buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu mũhtaina cjiri panopũ macainare to yahuhtire to ya pũi joa dutiha.

³ Tí buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro.

⁴ Jesucristo mari pũhtoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirore masa wijaachũ yoari jire. Æ yaro Jesucristo potocãta Cohamacũ macũno to jiare ñori jire Cohamacũ masare. ⁵ Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire. ⁶ Æ jiro musa cũhũre Jesucristo yaina cjihtire beseha tiro.

⁷ Musare, Cohamacũ to cahĩinare, Roma macainare, to yaina cjihti yoare musare tiro. Musare jipihtinare ahri pũre joarocaja. Æ jicũ Cohamacũ mari Pũcũ, mari pũhtoro Jesucristo mehne musare noa dutija. Tina ti yoadohoa mehne noano jiga musa.

Paulo Romapũre ñũno waha duaro nimaha

⁸ Ahrire yahu mũhtaihtja musare: Jipihtia macari macaina Jesucristore musa wacũ tuarire masa yahuhre yuhũre. Ti ã ni yahuchũ tũhocũ “Noana”, nija Cohamacũre. Jesucristo to yoadohoro mehne ã nija tirore. Cohamacũre sini payocũ musa ya cjihti cũhũre ã sini payorucuja.

⁹ Tiro yuhũre to dutichũ to macũno ya buheare noaa buheare tuaro buhecũ

to cahamacũnota jija yuhũ. Æ jiro musa ya cjihtire Cohamacũre yũ ã sini payorucuchũ tiro masina. ¹⁰ Æ sini payocũ Cohamacũ cahmachũ mipũ pinihtare musa cahapũ yũ ñũi wahahto cjihto cũhũre sinija. Yoari pja musare ñũ duacũ yũ wahahtore cohtai yoanocamaja yuhũ. ¹¹ Espĩritu Santo yuhũre to buheri cjirire musare buhe turia duaja Jesure musa wacũ tua namohto cjihto sehe. Æ jicũ musare tuaro ñũ duaja yuhũ. ¹² Jesure wacũ tuaja mari. Æ jicũ musare ñũ duaja Jesure mari wacũ tuaa mehne pũ buhũseheri mari cahma wahchechũ yoahito cjihto sehe.

¹³ Yũ coyea, ahrire musa masichũ cahmaja. Noaa buheare yũ buheri baharo paye macari macaina musa coyea judio masa jieraina cũhũ Jesure wacũ tuare. Æ jicũ payũ tahari musa cahapũ waha duamahi tina, Jesure ti wacũ tuariro seheta musa mehne macaina cũhũ ti wacũ tuahto cjihto sehe. Æ waha duapaihta waha masiera tihĩ yuhũ. ¹⁴ Jipihtinare noaa buheare buhero jiro nina yuhũre. Buheinare, buhemahnoeraina cũhũre, masiinare, masieraina cũhũre buhehtiro cjihto jii nija yuhũ. ¹⁵ Æ jiriro jicũ musare Roma macainare noaa buheare tuaro buhe duaja.

Noa buheare masa tũhoa Jesure wacũ tua dũcara

¹⁶ Noaa buheare tũhoa Jesure wacũ tua dũcara masa. Æ jiro jipihtinare Jesure wacũ tuainare Cohamacũ to tuaa mehne pichacapũ waha borinare yũhdora. Ti ã yũhdũchũ masicũ ahri buheare noaa buheare bũo tiro marieno yahuja. Ahri buheare judio masa tũho mũhtari jire. Ti baharo, judio masa jieraina cũhũ tũho turiari jire. ¹⁷ Ahri buhea õ sehe ni yahura: Jesure wacũ tuainare “Ñaa buhiri marieina, noaina jira”, ni ñũna Cohamacũ. Tirore wacũ tuaina dihtare ã ni ñũna Cohamacũ. Ahri panopũ ti ni joariro seheta jira: “Noaina jira”, to ni ñũina Cohamacũre

wacũ tuaina dihta jira. Æ wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacũ manopũ jirirore masa ti yahdurucarire, ti ñaa yoari cãhũre ñũno, ti ã yoari buhiri tina mehne suara. Tó sehe jiina barore to buhiri dahrehtore masichũ yoara tiro. Masa ti ñaa yoaa mehne painare noaa buheare tũhoerachũ yoara tina sehe. ¹⁹ Cohamacũ to basi to jia tiare masichũ yoaha. To ã yoachũ Cohamacũre masichũ mijoerara masare. ²⁰ Cohamacũre mari ñũerapachũta mũano macariro to jia tiare, tuariro to jia cãhũre to basi masichũ yoara tiro. Ahri yahpare to bajuamehneri baharo jipihtia to bajuamehnerire ñũa “Cohamacũ to yoari cjiri jira ahri” nia, Cohamacũ to jia tiare masina masa. Æ jia masa Cohamacũre masipahta ã ñaare yoarucua, buhiri tira. “Mũhũre masierahi. Æ jicũ ñaare yoahi”, ni masisi Cohamacũre. ²¹ Æ jia Cohamacũ to jia tiare masipahta tina tirore ño payoerara. Æ jia tiro tinare to noano yoapachũta tina sehe “Noana”, nierara tirore. Æ tũho masieraina jia, wiho jia macaare, ñaa dihtare tũhoturucuina baro jira tina. ²² “Tũho masiina jija”, nipahta tũho masieraina wahara tina. ²³ Æ wahaa Cohamacũre ã jirucurirore tina ño payoerara. Æ ño payoeraa, ti ño payoboriro sehere cohtota, wiho jia masũri sehere “Cohamacũ jira”, ti nia masũri sehere ño payora. Wiho jia masũri sehere yariahtina masa masũrine, ã yoa minichahca masũrine, chihchõina masũrine, wahiquina masũri cãhũre “Cohamacũ jira”, ni ño payora tina.

²⁴ Ti ã yoachũ ñũno “Ti mũ sũro ñaare goa pja, yoawahnojarõ”, nino Cohamacũ cohãnocare tinare. To ã cohãri baharo tina ñabiaro, pjĩro bũoro wahachũ yoare cahma yoarucura ti basi. ²⁵ Æ jia Cohamacũ ya

sehere cahmaeraa, mahõoa sehere noano tũhora tina. Cohamacũ ya sehere mahõoa yoaro sehe jichũ yoara tina. Potocãta Cohamacũ warore jipihtiare bajuamehnerirore jipihtia dahchoripe noano ño payoro cahmana. Wiho mejeta tina sehe tirore ño payoerara. Æ tirore ño payoeraa, Cohamacũ to bajuamehneri cjiri, wiho jia sehere ño payora tina.

²⁶ Ti ã ño payochũ ñũno “Ti mũ sũro goa pja, yoawahnojarõ”, nino Cohamacũ cohãnocare tinare. Æ jia tina numia mũa mehne manũ tiboina cohtota, ti basi numia dihta ñano yoara ti pjacũri mehne. ²⁷ Ti yoaro seheta jiina mũa cãhũ numia mehne namo tiboina jipahta, tíre cohtota, mũa ti basita ti pjacũri mehne ñabiaro yoara. Æ yoaa, ti basita ti ñano yoari buhiri ti pjacũri sehe ñano yahdũra.

²⁸ Æ Cohamacũre ti cahmaerari buhiri Cohamacũ tinare cohãre. To ã cohãchũ tina sehe ñano wacũrucu, ñano yoarucura. ²⁹ Æ jia tina tuaro ñano yoarucura. Numia mehne ñano yoarucuina, mũa mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cjũachũ ñũa goa pjaina, masare wajãina, cahma sayoina, mahõoina, masare ñũ tuhtiina, ñaa quitĩ dahreina, ³⁰ paina ti yoaerapachũta ñano ni yahuwajaina, Cohamacũre ñũ tuhtiina, painare purĩno yũhtiina, “Sã sehe masi yahdurucũ sũja”, ni tũhotuina, painare ã ni yahuina, paye ñaare yoa dũcaina, ti rũcũsũmare yũhtieraina, ³¹ tũho masieraina, ti nino seheta yoeraina, masare ne cahĩeraina, ti basi cahma susini duhueraina, ne pja ñũeraina jira tina.

³² Æ ñano yoarucuinare Cohamacũ pichacapũ cohãnohca. To ã cohãhtire masipahta tina tí ñaare ã yoarucura. Æ jia paina tinare ñũ cũ ti yoaro seheta ñano ti yoachũ ñũa, “Mari yoaro seheta ñano yoara”, ni wahchera tina.

Masare buhiri dahre dutiro tíre quihõno yoarohca Cohamacu

¹ “Tina ñabiaina jira”, ni yahuwajaena tjiga painare. MUSA cãhũ ti yoaro seheta yoara. “Ñaaare yoaeraja sã. ã jina buhiri maeraja”, ni masierara MUSA. MUSA yahu wajaina yoaro seheta ñaaare yoana, MUSA cãhũ MUSA basita buhiri dahre dutina nica. ² Tó sehe yoainare Cohamacu to buhiri dahrechũ potocãta quihõno to buhiri dahrechũ masija mari. ³ Painare “Buhiri tiaha”, ni yahu waja ti yoaro seheta MUSA yoachũ, MUSA cãhũre buhiri dahrerohca. ã jina “Sãre buhiri dahresi”, ni tãhotuboca MUSA. Jierara. MUSA cãhũre buhiri dahrerohca tiro. ⁴ MUSA ñano yoapachũta Cohamacu MUSA pja ñũno, dói waro buhiri dahrerara. ã jina “Cohamacu yũhũ mehne suasi”, ni tãhotuboca MUSA. Jierara. Cohamacu MUSA pja ñũno, dói waro buhiri dahrerara MUSA ñaa buhiri tiare cahyachũ ñũ duaro, tirore MUSA yũhtichũ cahmano. ⁵ ã buhiri dahre duaeraparota, MUSA Cohamacure yũhti duaerachũ, MUSA ñaa buhiri tiare MUSA cahyaerachũ, buhiri dahrerohca MUSA. Tó pano MUSA to buhiri dahreboriro yũhgoro tí to buhiri dahrehti dacho waropũre ñano, tuaro waro MUSA buhiri dahrerohca Cohamacu. Quihõno buhiri dahrerohca. ⁶ Cãinare ti yoa wapataro seheta yoarohca Cohamacu. ⁷ Cãina noaare yoarucuina jira. Tina Cohamacure noano wahchechũ yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchũ yoarohca Cohamacu. ⁸ Wiho mejeta paina sehe tina yoaro sehe jierara. Tina ti MUSA sũro jia ti, ñaaare goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. ⁹ Jipihtina ñano yoaina ñano yũhdũahca. Judio masare ãta waha mãhtanohca. Tuhsũ, judio masa jieraina cãhũre ãta waharohca.

¹⁰ Jipihtina noaare yoaina sehere Cohamacu “Noana”, ninohca. ã jia masa tinare ño payoahca. ã jiro tinare noano jichũ yoarohca Cohamacu. Judio masare ãta waha mãhtanohca. Tuhsũ, judio masa jieraina cãhũre ãta waharohca.

¹¹ Cohamacu judio masare, ã jichũ judio masa jieraina cãhũre jipihtinare cãno sehe ñũna. Mari yoarire ñũno, quihõno besera jipihtinare, ñaina, noaina cãhũre. ¹² Paina Cohamacu Moise cjirore to dutia cjirore masieraina sehe buhiri tiare ti yoachũ, to dutiare ti masierapachũta tinare buhiri dahrerohca Cohamacu. ã yoa tí dutiare masiina cãhũre buhiri tiare ti yoachũ, tí dutiare ti yũhdũrcari buhiri buhiri dahrerohca Cohamacu. ¹³ Cohamacu dutiare tãhopahta yũhtierainare “Buhiri marieina, noaina jira ahрина”, ni ñũerara Cohamacu. To dutiare yoaina sehere “Noaina jira”, ni ñũna tinare Cohamacu. ¹⁴ Judio masa jieraina Cohamacu Moise cjirore to cũri dutia maerapahta, ti MUSA sũro noaare yoaa, Cohamacu dutiare yoaa nina. ã yoaa Moise cjirore to dutiare joari pũre cãaerapahta tina ti MUSA sũro to dutiare masina. ¹⁵ ã jia to dutiare ti tãhotuapũ potocãta cãara tina. ã cãaa ñaaare yoaa dóicãta ti ñaa yoarire masina tina. ã jiro ñaaare yoariro “¿Dohse jiro baro ñaaare yoari yũhũ?” ni tãhotura tiro. ã jiro noaare to basi to yoari cãhũre masina tiro. ¹⁶ ã jiro Cohamacu Jesucristore to warocahti dachoi masa ti yoarire ti yahu duaerarire Jesucristo masi pahõno, tiro tinare beserohca noaina, ñaina cãhũre. Tó sehe yoarohca tiro noaa buhea to nino seheta. Ahrita jira masare yũ buhea.

Cohamacu Moise cjirore to dutirire yahuha Paulo

¹⁷ MUSA sehe judio masa jina, Cohamacu Moise cjirore to dutiare ño payoaina jina, “Cohamacu to yaina jija”, ni tãhotumana MUSA. ¹⁸ ã jina

Cohamacu dutiare masiina jina, to cahmaare masina musa. ã masiina jina, “Noaare sã yoahore bese masija sã”, ni tãhotumana musa. ¹⁹ ã ni tãhotuna õ sehe ni tãhotu namona musa: “Painare ne masierainare noano masichu yoaja sã. Tinare sã buherachu ne Cohamacure masieraboa tina. ã jia ñaare duhueraboa”, ni tãhotumana musa. ²⁰ ã jina “Tãho masierainare noaare yoa dutiina, macanacã cãhure buheina jija sã”, ni tãhotumana musa. ã jina “Cohamacu dutiare cãana, potocã jiare masi pahõoja sã”, ni tãhotumana musa. ²¹ ¿ã jina painare buheina jipanahta, dohse yoana musa sehe musa buheriro sehe yoajerari? ¿Painare yaca dutieraina jipanahta dohseana musa sehe yacajari? ²² ¿Pairo namono mehne ñano yoa dutieraina jipanahta dohseana musa sehe pairo namono mehne ñano yoajari? “Cohamacu jira”, ti nia masurine ñu yabiina jira musa. ¿ã ñu yabiina jipanahta dohseana ti masurine ti ño payoa wãhusepu sãa yacajari musa? ²³ “Cohamacu Moise cjirore to dutiare cãaja sã”, niina jipanahta to dutiare yãhdãrucara musa. ã yãhdãrucana Cohamacure ño payoerachu yoana nica musa painare. ²⁴ ãta nina Cohamacu yare ti joari pui: “Cohamacu dutiare musa yãhdãrucari buhiri judio masa jieraina sehere Cohamacure ti ñano durucuchu yoara musa judio masa”, ni joaa tiha Cohamacu yare ti joari pui.

²⁵ “Cohamacu yaina jija”, ni tãhotura cãina judio masa mahanocã cahsarocãre yihsoina. Cohamacu yare ti yoachu judio masa ti jichu noa nina. To yare ti yoerachu judio masa ti jia tia yaba cjihti jierara. Yihsoina ti jia tia cãhu yaba cjihti jierara. ²⁶ ã jiro judio masa jieraina mahanocã cahsarocãre yihsoeraina ti jipachuta, Cohamacu dutiare ti yoachu ñano “Yu yaina masata jira”, ni ñuna Cohamacu tinare. Judio masa sehere

to ã ni ñaboriro sehetã judio masa jieraina sehere ã ni ñuna. ²⁷ Payu judio masa Cohamacu Moise cjirore to dutiare cãapahta tíre yoerara tina. ã jia paina judio masa jieraina sehe mahanocã cahsarocãre yihsoeraina jipahta to dutiare yoara. ã yoaina jia judio masa ti ñano yoarire masichu yoaa nina. ²⁸ Mipure judio masuno waro to jiare yahuihtja musare. To pjacure mahanocã cahsarocãre yihsoeriro jiparota Cohamacure ño payoeraro potocãta judio masuno waro jierara. ²⁹ Cohamacu yairo Espiriture cãariro tirore yãhtiriro tiro tjira judio masuno waro. ã yoa to pjacure mahanocã cahsarocãre to yihso cohãiro sehetã to ñaa yoare duhura tiro. To mu sãro dutiare yoariro jieraparota Espiritu Santo to yoadohoa mehne to ñaa yoare duhura. Tó sehe yoarirore “Noariro jira”, ni ñuna Cohamacu sehe. Masa sehe tirore ti ã nierapachuta, ã nina Cohamacu sehe.

3

¹ ¿Yu ã nichu judio masa ti jia tia wiho waro jijari, musa tãhotuchu? Ne wiho waro jia nierara. ¿Cohamacu judio masare to dutiriro sehetã ti pjacurire mahanocã cahsarocãre ti yihso cohãa wiho waro jijari, musa tãhotuchu? Ne wiho waro jia nierara. ² Judio masa ti jia tia wiho waro jierara. Cohamacu yare ti joari pũre judio masare cã mãhtaha. ã jia judio masa ti jichu noa nina tinare. ³ ã jia cãina judio masa Cohamacure ti tãhoerapachuta to niri cjiri potocãta jira. ã jiro to ni cãiro sehetã yoarohca tiro. ⁴ ãta jira. Jipihtina masa mahõoina ti jipachuta Cohamacu sehe ne mahõoerara. Panopu to yare yahu mãhtariro cjiro to ni joariro sehetã ne mahõoerara Cohamacu. Õ sehe ni joaa tiha:

“Potocã niriro jira mãhu Cohamacu. Mãhure ã jia masa ‘Cohamacu quihõno yoerara’, ni masierara mãhure”,

ni joaa tiha panopu.

⁵ Õ sehe ni tūhotuboca masa: “Mari ñaare yoana Cohamacu noaare to yoariro jichu masichu yoaja. ã jiro ñaare mari yoachu noa nina. ¿To ã noaa jipachuta dohsearo tiro mari ñaare yoari buhiri buhiri dahremacanocajari?” ni tūhotuboca masa. Masa ti tūhotuboriro seheta ã nii nija. ⁶ Tó jierara ti ã ni tūhotuchu. Mari ñaa yoari sehe noaa jichu Cohamacu mari ñaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñoerara. ã jina masa ti mahñoichu ñuna Cohamacu sehe ne mahñoerariro to jichu noano ñu masija mari. ã jia masa mahñoa, Cohamacu to mahñoerariro to jiare ñoa niboca tina. ãta ni tūhotumana cāina. ã ni tūhotua õ sehe ni tūhotu namomana tina: “Sã mahñoa mehne Cohamacu to mahñoerariro jiare ñona nija. ã ñona noano yoana nija. ã jia sã mahñoa noa nina. ¿Sã mahñoa noaa nichu dohse jiro baro sã mahñori buhiri sãre buhiri dahremacanocabocari Cohamacu?” ni tūhotumana cāina masa. ⁸ ã jia õ sehe ni mahñoa cāina sãre: “ Ñano yoana Cohamacu to noariro jichu ñona nica. ã jina ñano yoajihna’, nihre Paulo cāhu”, ni mahño yahusāna sãre cāina. Ti ã niri buhiri tinare Cohamacu buhiri dahrerohca. ãta yoaro cahmana tinare.

Jipihtina buhiri tiina jija mari

⁹ ¿ã yoa dohse ni tūhotujari musa? ¿Mari judio masa paina yūhdoro noaina jijari mari? Jieraja mari. Judio masa, judio masa jieraina cāhu ñaa buhiri tia cūaina dihta jija mari. ã jina jipihtina buhiri tiina jija mari. ãta jira. Jipihtinare yu buheriro seheta jira. ¹⁰ Panopu to ni joariro seheta jira ahri: Õ sehe ni joaa tiha: “Ne cāiro masu noariro mariahna, Cohamacu to ñuchu.

¹¹ Jipihtina masa tūho ñahaeraina dihta jira.

Tuhsu, jipihtina masa ne Cohamacu macaeraina jia, tirore wacū payoerara.

¹² Tina Cohamacu yare cohāa jipihtina ñaare yoaina wahare.

Ne cāiro noaare yoariro pinihta mariahna.

¹³ Ti duseri masa copari ti pjōo dapori yoaro sehe jira.

Ti durucuchu, masa copari urīa wijaaro sehe mahñoa dihta ti duserire wijaara.

ã durucua agã duseroi to ñima purīa wijaaro seheta purīno ti durucua wijaara ti duserire.

¹⁴ Tina painare ñano durucuina, purīno durucuina jira.

¹⁵ ã jia sua ñaina dóicāta masare wajāina jira.

¹⁶ Nohoi ti waharoi tina masare ñano yoa, ñano yūhduchu yoara tinare.

¹⁷ Tó sehe jia paina masa mehne tina noano jierara.

¹⁸ ã yoa Cohamacu ne ño payoerara”, ni joaa tiha panopu.

¹⁹⁻²⁰ Cohamacu jipihtiare to joa na dutiri cjirire sãre judio masare cūha. ã jiro tó sehe to ni joariro cjiro mari cūhure dutisinina. “Buhiri mariahna sãre”, ni masieraja mari. ã jina mari jipihtiro macaina judio masa, ã jichu judio masa jieraina cāhu to buhiri dahrehtina mari jia tiare masija mari. ã jina buhiri tiina mari jiare masina, “Noaina jija sã”, ni masieraja Cohamacu. Cohamacu to yoa dutia sehere ne mari yoeraja. ã jiro to dutia sehe buhiri tiina mari jia tiare masichu yoara marine. ã masina, õ sehe ni masieraja mari: “Cohamacu dutiare yoa pahñohi. ã jiro Cohamacu marine ‘Noaina jira’, ni ñuna”, ne ni masieraja mari jipihtiro macaina.

Cohamacu noano mari wacū tuana to yaina wahaja mari

²¹ Wiho mejeta mipu Moise cjirore to dutiri cjirire yoa pahñoa marieno masare ti ñaa buhirire

to cohãrire masichu yoara marine Cohamacu. Moise cjiro to joari cjiri mehne, Cohamacu yare yahu muhtaina cjiri ti joari cjiri mehne yahu cu muhta tuhsuha ahrire. ²² Jipihtina Jesucristore wacu tuainare, tirore tuhoinare “Noaina jira”, ni ñuna Cohamacu. Tô sehe cãno potori ñuna tiro jipihtina dohse jiina Jesucristore wacu tuainare. ²³ Mari jipihtina ñaare yoaina buhiri tiina dihta jija. Æ jina Cohamacu to cahmano sehe mari jiboriro dahsa yuhduara. ²⁴ Mari ã jiina jipachuta Cohamacu marine pja ñuna. Æ jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñuna Cohamacu marine. ²⁵ Panopu macaina cjiri buhiri tiina ti jipachuta Cohamacu dóicãta buhiri dahreraha tinare. Æ buhiri dahreraro ti buhiri tiare wiho waro ã tuhhotunocano nieraha. Baharo tiro Jesucristore warocari jire mari ñaa buhiri variahtiro cjihtore, to di mehne mari ñaa yoarire wapabasahtiro cjihtore. Jesucristore mari wacu tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. ²⁶ Æ yoa mipu cãhure quihõno yoariro to jia tiare masa ti masichu cahmana tiro. Quihõno yoariro jira tiro. Æ jiro Jesure warocari jire masa ti ñaa buhiri variahtiro cjihtore. Æ jiro Jesure wacu tuainare, “Buhiri marieina, noaina jira”, ni ñuno, quihõno yoaro nica.

²⁷ ¿Mipure “Noaina jija mari”, ni masicari mari musa tuhotechu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cãhure ni masieraja mari. Mari ã ni masierapachuta Jesure mari wacu tuachu “Noaina jira”, ni ñunohca marine Cohamacu. ²⁸ Ô sehe masija mari: Jesure mari wacu tuachu ñuno marine ñu jicoara Cohamacu. Æ jiro ma-

rine “Buhiri marieina, noaina jira”, ni ñuna tiro. To dutiare mari yoari wapa ã ni ñerara. Tirore mari wacu tuachu ã ni ñuna.

²⁹ Tuhsu, Cohamacu judio masa puhtoro dihta jierara. Judio masa jieraina puhtoro cãhu jira tiro. ³⁰ Æ jiro Cohamacu cãirota jiro jiro, jipihtina bui puhtoro jira. Æ jiro jiro judio masare, ã jichu judio masa jieraina cãhure Jesure ti wacu tuachu, tinare cãno potori “Buhiri marieina, noaina jira”, ni ñunohca Cohamacu. ³¹ ¿Æ jina Jesure wacu tuana Cohamacu Moise cjirore to dutiare cohãna nibocari mari? Cohãeraja mari tíre. Jesure wacu tuaina jina, Cohamacu dutiare yoa pahõna nija mari.

4

Abrahã Cohamacure to wacu tuarire yahuha Paulo

¹ Mari ñuchu cjiro panopu macariro Abrahã cjirore Cohamacu õ sehe yoaha: ² Abrahã cjiro noaare to yoapachuta “Noariro jira”, ni ñeraha Cohamacu tirore. Æ jiro noaare yoaparota ñariro jisino “Yuhu pini noariro jija”, ni masieraha Abrahã, Cohamacu to ñuchu. ³ Cohamacu yare ti joari pu õ sehe nina: “Abrahã Cohamacu to nirire to quihõno tãho ñaha, tirore to wacu tuachu ñuno Cohamacu tirore ‘Potocãta noariro jira’, ni ñuha”, ni yahura Cohamacu yare ti joari pui. ⁴ Puhtoro dahrainare waparo, wiho waro to pja ñua mehne waparo nierara. Ti dahrari wapa tinare waparo nina. ⁵ Wiho mejeta Cohamacure wacu tuainare dahrainare ti waparo sehe yoerara Cohamacu. Cohamacure wacu tuarirore “Noariro jira”, ni ñuna Cohamacu. To ã ni ñuchu tí noaa to yoari wapa jierara. Cohamacu sehe tirore cahmaeraina cjirire tirore ti cahmachu ñuno buhiri marieina, noaina wahachu yoara. Æ jiro masuno Cohamacure to wacu tuachu ñuno “Noariro jira”, ni ñuna Cohamacu tirore. ⁶ Æta niha

panopm macariro Davi cjiro. Masuno noaare to yoapachuta Cohamacu tirore “Noariro jira”, ni ñeraca. Tirore to wacũ tuachm ñuno pini Cohamacu tirore “Noariro jira”, ni ñuna. Cohamacu to ã ni ñuriro wahcheare yahuha Davi cjiro. O sehe niha:

⁷ “Cohamacu ti ñaa yoirire to cohãchm masiina sehe tuaro wahchera.

⁸ ‘Noaina jira. Musa buhiri tiare wacũsi ymh’, to nichm tũhoina tuaro wahchera”,

niha Davi cjiro.

⁹ ¿Judio masa ti pjacmre mahanocã cahsarocãre yihsorina dihtare ti ñaa yoirire boari Cohamacu? Jierara. Judio masa jieraina yihsoeraina cãmure ti ñaa yoirire bora tiro. Pari turi Abrahãre wacũga musa. Tiro Cohamacure to wacũ tuachm ñuno “Noariro jira”, ni ñuha Cohamacu.

¹⁰ ¿Dohse jichm ã yoari Abrahã, musa tũhotuchm? To pjacmre mahanocã cahsarocãre to yihsohto panoputa tirore “Noariro jira”, ni ñuha Cohamacu. ã jiro yihsoho, to ñaa yoirire cohã tuhsãriropm yihsoha.

¹¹ ã jiro dóihta Cohamacure wacũ tua mũhtaha Abrahã. To ã wacũ tuachm ñuno “Noariro jira”, ni ñuha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacmre mahanocã cahsarocãre yihso dutiha. ã jiro Abrahã to yihsohto pano Cohamacu sehe “Noariro jira”, ni ñm tuhsaha tirore. Tiro to yihsohto pano to ã ni ñuriro seheta jipihina Cohamacure wacũ tuainare judio masa jieraina yihsoerainare “Noaina jira”, ni ñuna Cohamacu. To ã ni ñuna ti jichm Abrahã ti ñuchmno cjiro waro yoaro sehe wahara. ¹² Tí yoaro seheta masa, yihsoina Cohamacure ti wacũ tuachm ti ñuchmno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro seheta wacũ tuaina judio masa Abrahã panamana ji turiaina jira.

Cohamacu Abrahãre to ni cũrre “Potocã tjira”, niha Abrahã

¹³ Panopm õ sehe niha Cohamacu Abrahãre: “Ahri yahpare mãmure, mãm panamana ji turiainapm cãmure waihtja”, ni yahu cũha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehene ã niha Cohamacu tirore, “Noariro jira”, tirore to ni ñuri baharo. ¹⁴ “Cohamacu Moise cjirore to cũri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri yahpa jipihitirore na duara. Wacũ tuaro marieno ti nachm mari sehe Cohamacure mari wacũ tuara yaba cjihti jieraboa. ã jiro Cohamacu marine to ni cũri cjiro yaba cjihti jieraboa. ¹⁵ Moise cjirore to cũri dutia sehene yoerara masa. ã jiro to dutiare ti yũhdũrcari buhiri masare buhiri dahrerohca Cohamacu. Wiho mejeta to dutia mariachm to dutiare yũhdũrcaro cãm mariaboa.

¹⁶ ã yoa Cohamacure wacũ tuaina dihta to wahtore naahca. Abrahã cjiro Cohamacure wacũ tuaha. ã jiro jipihina tiro yoaro sehe Cohamacure wacũ tuaina ti ñuchmno waro yoaro sehe tjuara Abrahã cjiro. ã jiro “Ahrire musare waihtja”, Cohamacu nino jipihinare tirore wacũ tuaina pinihtare nino niha. ã jia Cohamacu Moise cjirore to dutiri cjirore yoaina Cohamacure wacũ tuaina Cohamacu to wahtore naahca. Tina dihta nasi. Jipihina Abrahã cjiro yoaro sehe Cohamacure wacũ tuaina cãm tinare to wahtore naahca. ¹⁷ Tíre Abrahã cjirore to niriro seheta joaa tiha panopmre: “ ‘Paym macari macaina ti ñuchmno cjihto cũhi mãmure’, ni cũa tiha Cohamacu Abrahã cjirore”, ni joaa tiha panopm. ã jiro tiro Cohamacure wacũ tuara tiha. ã to wacũ tuachm mari ñuchmno cjiro yoaa tiha Cohamacu tiro cjirore. Cohamacu sehe yariainare masoriro, jipihinare, jipihia cãmure bajuamehneriro jira.

¹⁸ “Paym yahpari macaina mãm panamana ji turiaina jahca”, Cohamacu to ã ni cũchm Abrahã cjiro sehe pohna

marieriro jiparota, “Potocāta jira”, ni tūhotua tiha. Ā ni tūhoturo pay_u yahpari macaina mari ñ_uch_u cjiro yoaro sehe wahaha tiro Cohamac_u tire to ni cūriro sehetā.

¹⁹ Ā jiro cien cūhmari cjuariro jiparota “Bucuro waro jija”, ni tūhotuparota, Sara to namono ne pohna marienicoro to jipachata “Pohna ti masieraja sã”, ni tūhotueraa tiha Abrahā cjiro. Ā jiro Cohamac_u to ni cūriro “Potocāta jira”, nia tiha Abrahā cjiro. ²⁰ “To niriro sehetā yoeraboca”, ne ni tūhotueraa tiha Abrahā cjiro. Ā jiro tiro Cohamac_u to ni cūriro noano tūhoa tiha. To ā niare tūhotjiāhno “Cohamac_u tuariro jira”, ni ño payoro nia tiha. Ā jiro Cohamac_ure wacū tua namoa tiha tiro. ²¹ “Cohamac_u to niriro sehetā noano bihorohca”, ni tūhotu noano masia tiha Abrahā cjiro. ²² To ā masich_u Cohamac_ure to wacū tuach_u Cohamac_u sehe “Noariro jira”, ni ñ_ua tiha Abrahā cjirore. Āta ni joaa tiha Cohamac_u yare ti joari pūi.

²³ Ā yoa Abrahā cjiro dihtare ā ni joaeraa tiha. ²⁴ Tíre mari masihti cjihtire mari cūh_ure ā ni joaa tiha. Ā jiro Cohamac_ure mari wacū tuach_u “Noaina jira”, ni ñ_unohca mari cūh_ure Cohamac_u. Tiro pini mari pūhtoro Jesu to yariach_u masori jire tire. ²⁵ Jesu sehe mari ñ_uaa buhiri yariari jire. To yariari baharo masa wijaari jire tiro Cohamac_u marine “Noaina jira”, to ni ñ_uhto cjihtore.

5

“Noaina jira”, Cohamac_u to ni ñ_uch_u ò sehe waharohca marine

¹ Jesucristore mari wacū tuach_u ñ_uno “Buhiri marieina, noina jira”, ni ñ_una marine Cohamac_u. To ā ni ñ_uch_u Cohamac_u mehne macaina marine jich_u yoara mari pūhtoro Jesucristo. ² Ā jina mari tire wacū tuach_u ñ_uno Cohamac_u marine cahīno, pichacap_u wahaborinare yūhdore tiro mehne mari jihto sehe. Cohamac_u pinihta noa yūhd_uariro

jira. Ā jiro tiro yoaro sehetā jiina wahach_u yoarohca marine tiro. To ā yoah_uti cjihtire noano masi, wahcheja. ³ Ā yoa ñ_uno yūhd_una cūh_u wahcheja mari. Ñ_uno yūhd_una, tíre cūno pja masija mari. Ā cūno pjana, ñ_uno yūhd_upanahta noano Cohamac_ure wacū tuaina waha namoja mari. Ā jina Cohamac_u yare duhueraja mari. ⁴ Mari ā yoach_u ñ_uno “Noana”, ni ñ_unohca Cohamac_u marine. Ā jina marine to yūhd_uohtore noano masi, wacū cohtana nija mari. ⁵ Ne wiho waro wacū cohtana nieraja. Cohamac_u marine to Espíritu Santore warocare mari mehne jihtirore. Ā jiro Espíritu Santo sehe mari mehne jiro Cohamac_u marine to ā cahīrucuare masich_u yoara. To ā masich_u yoach_u marine to yūhd_uohtore noano waro jiro nina. Potocāta yūhd_unahca mari.

⁶ Tó pano mari ñ_uaa yoarire mari basi mari yūhd_u masierach_u ñ_uno, to quihōriro m_u sūch_u, Cohamac_ure cahmaeraina mari jipachata, Cristo sehe mari ñ_uaa buhirire yariabasaha. ⁷ Cūiro mas_uno noariro jiparota yariahtiro to jich_u paio sehe to yariaborirore cohtota, to yariabasa duach_u mijo yūhd_uara. Noaa dihtare yoariro yaro jiborirore paio yariabasaboca pa tehe nino. ⁸ Wiho mejeta Cohamac_u sehe ò sehe yoara. Buhiri tiina mari jisipachata mari yaro jiborirore Cristo yariaha. To ā yoach_u Cohamac_u marine to tuaro cahīare masija mari. ⁹ Mari yaro jiborirore to ñ_uno di wijaa, yariach_u Cohamac_u sehe marine “Buhiri marieina, noaina jira”, ni ñ_una. To ā ni ñ_uri baharo mip_u pinihtare marine pichacap_u wahaborinare yūhd_uorohca Jesu. Marine to yaina wahach_u to yoari baharo marine buhiri dahresi pichacap_u Cohamac_u. ¹⁰ Cohamac_ure ñ_u tuhtiina mari jipachata, to mac_uno sehe yariaro, mari ñ_uaa buhiri tiare cohāno, Cohamac_ure mari ñ_u tuhtirire duhuch_u yoare. To ā yoaro mehne Cohamac_u mari buhiri tiare bora. Tuhs_u

marine to yaina wahachu yoara. Mipure pinihtare tí yuhdo curero yoarohca marine. To yaina mari jichu Jesu to masa mujari mehne marine pichacaru wahaborinare noano yuhdorohca tiro. ¹¹ Á jina baharoru mari yuhduhtore masina wahcheja mari. Mipure ahri cãhure wahcheja. Mari puhtoro Jesucristo mari ñaa yoari buhirire to yariari baharo Cohamacu yaina jija mari. Á jina wahcheja.

Adãore, Cristore yahuha Paulo Roma macainare

¹² Adão cjiro Cohamacure to yuhdurucari baharo ahri yahpare ñaa buhiri tia ji ducaha. Ñaa buhiri tia ji ducaro mehne masa yaria ducaha. Jipihtina mari ñaa buhiri tiare yoaja. Á jina jipihtina ñaina mari jiri buhiri yariaja. ¹³ Cohamacu to dutiare Moise cjirore to cũhto pano potocãta ahri yahpa macaina ñaa buhiri tiare yoaa tiha. Ti á yoapachuta to dutia mariachu to dutiare ti yuhdurucari buhiri buhiri dahre masieraha. ¹⁴ To á buhiri dahre masierapachuta Adão cjiro cãhu to baharo jiina cãhu tí dutia mariasinipachuta yariaa tiha. Moise cjiro to jihito pano tí dutia mariasini-pachuta masa yariaa tiha. Paina ñano yoaa Adão cjiro ñano to yoariro sehe waro yoaera timaha. Á jipahta tina cãhu yariaa tiha. Á jiro Adão cjiro ñaaare to yoa ducariro seheta yoari pja baharoru ahri yahparu tariro noaare yoa ducari jire.

¹⁵ Adão cjiro to yuhdurucari Cohamacu masare to pja ñaa yoaro sehe jierara. Cohamacu to pja ñaa sehe noa yuhduara. Adão cjiro cãirota jiparota ñaaare to yoa ducari buhiri payu masa yariaa tiha. Cohamacu sehe marine pja ñano, Jesucristore warocari jire. To á warocachu tiro cãirota jiriro pichacaru wahaborinare masare payu yuhdora. ¹⁶ Á jiro Cohamacu masare to pja ñaa Adão cjiro to yuhdurucari yoaro seheta jierara. Adão cjiro sehe

cãirota jiriro ñaaare to yoari buhiri jipihtina masa ñaa buhiri tiina jira. Á ti buhiri tiina jipachuta masa pjiro ti ñaaare yoapachuta mipure masare pja ñano Cohamacu ti ñaaare bora. Á boro “Noaina jira”, ni ñana tiro tinare. ¹⁷ Adão cjiro cãirota jiriro ñaaare to yoa ducachu jipihtina masa yariarucura. Tí potocã tjira. To á jipachuta ahri sehene wahchenahca mari. Mipure Cohamacu masare pja ñano Jesucristo cãirota jiriro to yariaro mehne ti ñaaare boro, tinare “Noaina jira”, ni ñana. Á jia jipihtina to á ni ñaina manoru Cristo mehne puhtoa jahca.

¹⁸ Adão cjiro cãirota to jipachuta to yuhdurucari buhiri jipihtinaru buhiri tiina waha ducaha. Á jia Cohamacu to buhiri dahrehtinaru tjuaha tina. Tó yoaro seheta Jesu cãhu cãirota jiparota noano yoaro jipihtina ti buhiri tiare cohã masina. Ti buhiri tiare to cohãchu, “Buhiri marieina, noaina jira”, ni ñana tinare Cohamacu. Á jia to ya catiare cjuaa, á catirucuahca tina.

¹⁹ Adão cjiro cãirota Cohamacure yuhdurucaha. To á yuhdurucachu, payu masa ñaa buhiri tiina wahaha. Tó yoaro seheta Jesu cãhu cãirota Cohamacure yuhtiha. Á yuhtiro, payu masa ti buhiri tiare cohã masina tiro. To á cohãchu “Ñaaare ti yoari buhiri tia mariena, noaina jira”, ni ñana Cohamacu tinare.

²⁰ Cohamacu to dutiare Moise cjirore cãa tiha tí mehne jipihtina masa ti ñaa buhiri tiare ti noano masihtu cjihtore. Á jia masa ti ñaa buhiri tiare masia tí yuhdoro Cohamacu tinare tuaro to cahã tia cãhure masiahca. Tiro marine cahã yuhduara. ²¹ Buhiri tiina ti jiri buhiri masa yariahtina jira. Ti yariari baharo, pichacaru wahaahca. Wiho mejeta Cohamacu masare cahã yuhduara. Á tuaro cahãno, mari puhtoro Jesucristo masare to yariabasaro mehne masare “Buhiri marieina, noaina jira”, ni ñana. To

ã ni ñuina sehe to ya catia mehne ã catirucuahca.

6

Yariaina cjiri ti ñaare yoaeraro seheta Cristo yaina cãhũ ñaare yoarucuerara

¹ ¿Dohse yoanahcari mari mipũre, mũsa tũhotuchũ? Cãina õ sehe niboca: Ñaare mari yoachũ ñũno Cohamacũ mari ñaa buhirire borohca. ¿Cohamacũ marire to cahĩ namochũ ñũ duana ñaare yoa namobocari mari?

² Jierara. Ñaare yoaena tjijihna mari. Yariaina cjiri ñaare ti yoaeraro seheta Cristo yaina jina mari cãhũ ñaare yoarucu masieraja mari. ³ Jesu yaina mari jia tiare masa ti ñũ masihtõ cjih-tore copũ bautisare marine paina. ã jina mari pũhtoro Jesucristo to yariachũ, mari cãhũ tiro mehne yariaina seheta wahahi. ¿Tĩre masierajari mũsa? ⁴ ã bautisarina wahana Cristo pjacũre masa copapũ ti siõ sãa payo cohãriro seheta pano mari ñaa yoirire duhuja. ã jina Cohamacũ to tuaa mehne Cristo to masa mũjariro seheta mari cãhũ to tuaa mehne mari jia tia cãhũre, mari tũhotua cãhũre cohtotaja. ã cohtotana to yare wahma yoarucaina wahaja mari.

⁵ Cristo yaina jina, tiro mari pũhtoro mehne yariaina seheta jina, to masa mũjariro seheta mari cãhũ masa mũjanahca. Tĩ potocãta jira.

⁶ Cristo yaina ji dũcana crusapũ tiro mehne yariaina seheta wahai pari turi mari ñaare yoarucuerahto sehe. ã waharina jina ñaare yoarucuina ji namo duasi mari. Tĩre mari masija.

⁷ Yariariro cjiropũre ñaare goa pjaa mariahna. ã jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. ⁸ Cristo mehne yariaina yoaro sehe jina, to masa mũjariro seheta mari cãhũ masa mũjanahca. “Tĩ potocã tjira”, ni tũhotuja mari. ã jina tíre mari masa mũjahtire wacũ cohtaja mari. ⁹ Cristo to yaria masa mũjari baharo ne pari

turi yariasi. ã catirucuriro jira tiro. Tĩre mari masija. ¹⁰ ã jiro Cristo cũ tahata yariaro, masa ti ñaa yoari buhirire cohãno taro yariaha. To masa mũjari baharo Cohamacũ to cahmano seheta yoarucutiro jira tiro. ¹¹ Tiro yoaro seheta mũsa cãhũ õ sehe ni tũhotuga: “Yariaina cjiri ti yoaeraro seheta mari cãhũ ñaare yoa duaeraja. Jesu yaina jina Cohamacũ to cahmano seheta yoahina cjihtita jina nija mari cãhũ”, ni tũhotuga mũsa.

¹² ã jina mũsa yariahtina jina ñaare yoarucuina jiena tjiga. ã jina mũsa ñaa yoare goa pjapanahca tíre ã tũhotunocahga. ¹³ Ñaare yoaina jiena tjiga. Mũsare pichacapũ wahaborinare Jesu to yũhdorina jira mũsa. To ã yoarina jina Cohamacũ cahmaa dihtare yoaina jiga mũsa. ã jina noare yoaina jiga mũsa.

¹⁴ Mipũre Cohamacũ Moise cjirore to dutia mehne marine dutierara. Cohamacũ marine cahĩno tiro sehe marine dutira. ã jina to yoadohoro mehne ñaare yoa duasi mari.

Mũsa ñaare yoarucuchũ tí ñaa mũsa pũhtoro yoaro sehe jira

¹⁵ ¿Yũ ã nichũ dohse ni tũhotujari mũsa? ¿Cohamacũ sehere yũhtihtina jina Moise cjirore to dutiare yũhtihtina jierana, ñaare yoarucubocari mari? Jierara. ¹⁶ ¿Ahrire masierajari mũsa? Mũsa noano yũhtiro mũsa pũhtoro jira. ã jina to cahamaca jira mũsa. Mũsa ã yũhti mũsa pũhtoro tiriro seheta ñaare yoarucuina mũsa jichũ tí ñaa yoaa mũsa pũhtoro yoaro sehe jira. ã jina ñaare duhu masierara mũsa. ã jiina jina pichacapũ wahahtina jira mũsa. Cohamacũre noano ño payoina jina pinihta, to cahamaca jira mũsa. ã jina to yaina noaina jira mũsa. ¿Tĩre masierajari mũsa?

¹⁷ Panopũ ñaare yoarucuina mũsa jichũ tí ñaa yoaa mũsa pũhtoro yoaro sehe jimare. Mipũ sehere noaa buheare tũhona Jesure wacũ tuana Cohamacũre noano ño payoina

wahare m̄sa. M̄sa ã wahach̄u ñ̄na Cohamac̄u “Noana”, nija. ¹⁸ ã wahana mip̄re ñ̄aa ti dutiriro cjiro seheta yoaerara m̄sa. ã jina Cohamac̄u cahamaca jina noaa sehene yoara m̄sa. ¹⁹ Cahamaca ti p̄htoare ti noano ñ̄o payoare masi pah̄õna m̄sa. ã jic̄u tí m̄sa masiri mehne tí mehne piti dahre buhehi m̄sare ahri buheare noano masieraina m̄sa jich̄u ñ̄uch̄u. Panop̄u ñ̄aare yoarucuina jimare m̄sa. M̄sa ã yoarucuriro seheta mip̄u sehene noaare yoarucuina jiga m̄sa. ã jina Cohamac̄u cahmaa dihtare yoanahca m̄sa.

²⁰ Panop̄u ñ̄aa dihtare yoaina jina, noaa sehene yoera tire m̄sa. ²¹ ¿Tí p̄jap̄re ñ̄aa dihtare yoana dohse jirore wapatarí m̄sa? Tí m̄sa ñ̄aa yoarire wac̄una mip̄re b̄uo tica m̄sa. Tí ñ̄aare m̄sa yoari buhiri pichacap̄u wahaboa m̄sa. ã jina ñ̄aare yoana ne wapataerara. ²² Mip̄u sehene m̄sa ñ̄aa yoarire duhuna Cohamac̄u cahamaca wahare m̄sa. ã jina Cohamac̄u cahmaa dihtare yoaina jinahca. ã jina jipihtia dachoripe Cohamac̄u mehne jirucunahca. ²³ Ñ̄aare mari yoari buhiri pichacap̄u wahahtina jija jipihtina mari. Mari ã jipach̄uta mari p̄htoro Jesucristore mari wac̄u tuach̄u ñ̄uno, jipihtia dachoripe tiro mehne marine jirucuch̄u yoarohca. Mari ã jirucuhtore ã wanocanohca.

7

Cohamac̄u Moise cjirore to dutiare yahu namoha Paulo tjoa

¹ Ȳu coyea, Cohamac̄u Moise cjirore to dutirire noano masina m̄sa. Mas̄no to catisinich̄u tí dutiare ȳhd̄ur̄uca dutierara. To yariari baharo pinihtare tí dutiare yoaro mariahna. Tí c̄uh̄re masina m̄sa. ² Õ sehe jira: Numinore to man̄no to catiro puro tiro mehne dihta ji dutira Cohamac̄u Moise cjirore to dutiri sehe. To ã dutipach̄uta to man̄no to yariari baharo ticoro sehe paire man̄u ti masina. Ticoro

tí dutia mehne ji namoerara. ³ ã jiro to man̄no to jipach̄uta ticoro paire man̄u tiro, ñ̄ano yoaricoro jira. Wiho mejeta to man̄no to yariari baharop̄u paire man̄u tiro, Cohamac̄u dutiare ȳhd̄ur̄ucaerara ticoro ã yoaricoro. ã yoaro ñ̄ano yoaricoro jierara ticoro.

⁴ M̄sa c̄uh̄u ȳu coyea Jesu yaina wahana, Jesu to yariach̄u, m̄sa c̄uh̄u tiro mehne yariaina seheta wahare. ã jina yariaina cjirire dutia tí marieno seheta Moise cjirore to dutia to c̄uri cjiri m̄sa c̄uh̄re mari-ahna. Tí dutia m̄sare dutierara. To man̄no to yariari baharo, paire man̄u tiricoro yoaro seheta m̄sa c̄uh̄u panop̄u m̄sare dutimarire duhu, Cristo mehne jira, ticoro paio mehne to jiro seheta. ã jina mip̄re to yaina jira m̄sa. Tiro sehe to yariari baharo masa m̄jari jire Cohamac̄u cahmaare mari yoahito cjihtore. ⁵ Panop̄u ñ̄aare mari m̄suro yoaa timai. ã jina Cohamac̄u Moise cjirore to dutirire mari masiri baharo tí dutiare ȳhd̄ur̄uca dua-mai. Tí dutia mariach̄u ȳhd̄ur̄uca duaeraboa. ã jina tí dutiare mari masiri baharo ñ̄aare tuaro yoamai mari. ã mari ñ̄aare yoana mari pichacap̄u wahahtinata jia timai. ⁶ ã wahaborina jipanahta Cristo yaina jina mip̄re tí dutia mehne jieraja mari. ã jiro Esp̄ritu Santo mari mehne jiro marine noaa sehene cohtotach̄u yoara. To ã yoach̄u panop̄u macaa dutia m̄na dutia to joari cjiri tí mehne jieraja mari mip̄re.

To ñ̄aa yoari cjirire yahuha Paulo

⁷ ¿ã jina Cohamac̄u Moise cjirore to dutirire dohse nibocari mari? ¿Tí to dutia ñ̄aa jicari, m̄sa t̄hotuch̄u? Jierara. Tí ȳh̄re to dutiri mehne ñ̄aare masii. ã jic̄u to dutia mariach̄u ñ̄aare masieraboa ȳh̄u. To dutia õ sehe jira. “Paina yap̄re tuaro cahmaena tjiga”, niha to dutia. Ti ã nierach̄u paina yap̄re tuaro ti cahmari

ti ñaa jichu masieraboa yuhu. ⁸ Ñ jicu tí dutiare yu masiri baharo paina yapure tuaro cahmaa tii yuhu. Tí dutiare masierasinicu paina yapure tuaro yu cahmari ti ñaa jichu masieraboa yuhu. ⁹ To dutiare yu noano masihto pano ã tuhhotunocai. To dutiare yu masiri baharo pinihta tuaro ñaare yoa duamai. Ñ jicu pichacapu yu wahahtore masia tii. ¹⁰ Ñ jia Cohamacu dutiare yuhduhucaceraa masa tiro mehne noano jirucuboa. Ñ jia tí dutia sehe noano jirucuchu yoabori dutia jipahta yu yuhduhucari buhiri yuhure pichacapu waha dutimare. ¹¹ Ñ jicu ñaare yoacu Cohamacu Moise cjirore to dutiare yuhduhucaceraa duamai. Ñaare goa pjariro jicu noaare masierahi. Tí ñaa yuhure dojomehnere. Ñ jicu noano masierahi. Ñ masieracu Cohamacu dutiare yuhduhucaceraa. Ñ jicu to dutiare yu masiri baharo yu ñaa buhirire pichacapu yu wahaborirore masii. To dutia mehne ã masii.

¹² Ñ jia Moise cjirore Cohamacu to cūri dutia noaata jira. Ñ jia quihōno jiata nina tí dutia. ¹³ ¿Ñ jipahta marine tí noaa dutia sehe pichacapu wahachu yoajari? Jierara. Tóru wahachu yoarera. Mari ñaa yoaa sehe marine pichacapu wahachu yoara. To dutiare mari masiri baharo tí dutiare yuhduhucana ñaare yoana masija mari. Ñ jina mari ñaina mari jiare masina mari pichacapu wahahto cūhure masija mari. Ñ jina to dutiare masina mari yuhduhucaceraa ti ñaa yuhduhucana jichu masija mari.

¹⁴ Cohamacu to dutiare Moise cjirore cūha. Tí to cūha noaa ti jichu masija mari. Wiho mejeta yuhu sehe paina yoaro seheta ñariro jija. Ñ jicuta ñaare yoarucuca yuhu. ¹⁵ ¿Dohse waharo nijari yuhure? Ne noano masieraja yu yoaare. Yu yoa duaa sehere ne yoaera, yu tuaro yoa duaeraa sehere yoaja yuhu. ¹⁶ Ñaare yoa duaerapaihta ñaare yoaja yuhu. Tíre yoacu Cohamacu dutia noaa dutia ti jichu masija yuhu. ¹⁷ Ñ jicu

mipure yuhu waro tí ñaare yoaeramaja. Wiho mejeta yu tuhhotuapu jia ñaa tí sehe yuhure ñaare yoachu yoara. ¹⁸ Noaare tuaro yoa duapaihta ne bihoeraja. Ahri yahpa macariro jicu yu tuhhotuapu ñaa dihta jira. Ne noaa mariaputiara. Ñ jicu noaare tuaro yoa duapaihta ne bihoeraja. Ñaa sehe yuhure dojomehne mujana. ¹⁹ Noaa yu yoa duaa sehere yoarera yuhu. Ñaare yu yoa duaeraa sehere yoaja. ²⁰ Yu yoa duaeraa yoacu mipure yuhu waro tíre yoaeramaja. Yu tuhhotuapu jia ñaa tí sehe yuhure ñaare yoachu yoara.

²¹ Ñ jiro yuhure ò sehe wahara: Noaare yu yoa duapachuta yu tuhhotuapu ñaa jira. Ñ jicu noaa sehere ne yoa masieraca. ²² Cohamacu Moise cjirore to dutirire yu tuhhotua mehne tuaro cahma, quihōno yoa duamaja. ²³ Ñ jicu yuhu ahrire yu basi masija: Yu tuhhotua mehne noaare Cohamacu dutiare yoa duaja. Ñ yoa duapaihta yu basi ñaare tuaro yoa duaca. Yu mu saro ñaare duhu masieraja yuhu.

²⁴ Ñ ñaare duhu masieracu pjacuoriro jija yuhu. Ñaare yoacu pichacapu wahaihcaca yuhu. Cuenah. ¿Yuhure pichacapu waha dutia ñaare noa yuhure yuhdobasabocari? ²⁵ Jesucristore yu wacū tuachu tiro sehe ñaa yu yoari buhirire yuhdobasarohca. To ã yoachu Cohamacu “Noana”, nija yuhu. Ñ jicu mipure yuhu yu basi yu tuhhotua mehne Cohamacu dutiare quihōno yoa duamaja. Ñ yoa duariro jipacuta yu pjacu mehne yu mu saro ñaare duhu masieraja.

8

Espíritu Santore cjuaina ti jia tiare yahuha Paulo

¹ Mipure Jesucristo yainare ti buhiri tiboro mariaha. ² Ñ jiro Jesucristo yairo yu jichu Espíritu Santo ã catirucuchu yoariro ñaare yuhduhucachu yoara yuhure. Ñaare

yuhare yuhdurucachu yoaro yuhare pichacapu wahaborirore yuhdore tiro. ³ Cohamacu Moise cjirore to dutiare mari mu suro ne yoa pahñosi. Æ yoa pahñoerana yuhdurucaina jija mari. Æ jina tí dutia yoaa mehne ne yuhdusi mari. Mari Æ jiina jipachuta õ sehe Cohamacu marine yuhdorohca. To macunore mari yoaro seheta pjacu tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. Æ jiro mari tuhotuapu jia ñaare tiro duhuchu yoari jire. ⁴ Æta yoare Cohamacu dutiare to tuaa mehne mari bihohto cjihtore. To dutiare bihoina jina mari mu suro jieraja. Espiritu Santo to yoadohoa mehne to dutiro seheta yoaja mari.

⁵ Ñaare yoa duaina, tí dihtare goa pjara. Espiritu Santo to dutiro seheta yoarucuina sehe tí to dutia dihtare wacũ nunu, yoa duara tina. ⁶ Ñaa dihtare goa pjaa, wacũ nunuina pichacapu wahaahca. Espiritu Santo to cahmano seheta tuaro yoa duaina sehe jipihtia dachoripe Cohamacu mehne Æ catirucuahca. Æ jia tina Cohamacu mehne noano jinocaahca. ⁷ Ñaa dihtare goa pja, wacũ nunuina Cohamacure ñu tuhtira. Tina Cohamacu dutiare ne yuhtierara. To dutiare yuhti duaerara. Yuhtia cãhu bihoeraboa tina. ⁸ Æ jia ti mu suro yoaina Cohamacure wahchehu yoa masierara.

⁹ Wiho mejeta musa sehe musa tuhotuapu jia ñaare yoerara. Espiritu Santo musa mehne to jichu to cahmano seheta yoara musa. Æ jia Espiritu Santore cjaeraina sehe Cristo yaina jierara. ¹⁰ Musa sehe to yaina jira. Musa ñaa buhirita musa pjacuri yariara. Æ musa pjacuri yariahtina jipanahta Cristo musa mehne to jichu tiro mehne to ya catia mehne Æ catirucunahca musa. Cohamacu musare “Buhiri marieina, noaina jira”, to ni ñuchu musa tiro mehne Æ jirucunahca. ¹¹ Cohamacuta Jesure masori jire. Æ masoriro jiro

Espiritu Santo mari mehne to jirucuchu mari yariari baharo Cohamacu mari cãhare masonohca. Æ masono wahmaa pjacuri wahachu yoarohca marine. Jesure to masoriro seheta masonohca mari cãhare.

¹² Yu coyea, to Æ yoachu ñuna ñaa mari goa pjarire yoaena tjijihna. ¹³ Mari ñaare yoaina jina, pichacapu wahahtinata jinocanata nija. Espiritu Santo to yoadohoa mehne ñaa yoare duhuna, jipihtia dachoripe Cohamacu mehne jirucunahca.

¹⁴ Jipihtina Espiritu Santore yuhtiina Cohamacu pohna jira. ¹⁵ Espiritu Santo mari mehne to jiducachuta Cohamacu pohna jiducai. Wiho mejeta tiro marine dutipe, dahrachu yoahitiro jierara. Æ jina panopu mari cuiroro sehe mipu sehene mari cuieraja. To pohna jina, Espiritu Santo to yoadohoa mehne mipure “Yu Pucu”, nija mari Cohamacure. ¹⁶ Æ jiro Espiritu Santo mari wacũapu marine õ sehe ni masichu yoara: “Potocãta Cohamacu pohna jija mari”, ni masichu yoara. ¹⁷ Æ jina to pohna jina, Cohamacu jipihtiare to pohna “Waihtja”, to nirire mari sehe cjanahca. Jesucristo cãhu cju, mari cãhu cjanahca tíre. Cristo yare mari yoari buhiri ñano yuhduna jina mari tiro mehne manopu noano wahchea mehne jinocanahca. Æ jina Cohamacu to pohna to “Waihtja”, to nirire cjanahca mari Cristo mehne.

¹⁸ Mipure ahri yahpai ñano yuhdusiniya mari. Baharopure mari manopu noano jinocanahca. Æ jina mipure ñano yuhduna, pjíro cahya tuhoutuena tjijihna. Ahri mari ñano yuhdu wiho waro jira. Baharo noano jinocanahca Cohamacu mehne. Æ jina tuaro wahchenahca. Ahri pini wiho waro jierara. ¹⁹ Cã numu Cohamacu to pohna cohtotarohca. Buhiri marieina, yariaehtina, noaina waro jichu yoarohca marine. Mari Æ wahachu jipihtia Cohamacu to bajuamehneri cjiro

cūh_u wahma dihta cohtota pihtia wahaahca. ²⁰ Jipihtiropure to bajuamehneri noaa ti jiborire dojomehneha mas_uno ñano yoa ducaro. Ti m_u s_uro ā wahaeraha. Mas_uno Cohamac_ure to y_uhd_ur_ucaro mehne to bajuamehneri ā wahaha. Ā jiro Cohamac_u to bajuamehneri cjirire āta ñano ji dutisiniha. Baharo to bajuamehneri cjirire noaa wahach_u yoarohca tjoa tiro. ²¹ Ā jiro Cohamac_u to bajuamehneri cjirire baa pihtiborire noaa wahach_u yoarohca tjoa. Cohamac_u poh_unare noaina to wahach_u yoariro seheta, tinare noano to y_uhd_uroiro seheta noaa wahach_u yoarohca Cohamac_u to bajuamehneri cjirire cūh_ure. ²² Jipihtia Cohamac_u to bajuamehneri cjiri ñano ti ji d_ucari baharo ñano y_uhd_utiha. Numino niji wahcōno to ñano y_uhd_uro seheta to bajuamehneri cūh_u dachoripe ñano y_uhd_urucura. Tíre mari masija. ²³ Ā yoa mari cūh_u to bajuamehneri cjiri yoaro seheta ñano y_uhd_uja. To yaina mari wahach_u, Cohamac_u to yairo Espíritu Santore dóihta ware marine. Ā jina “Waihtja”, to niriro seheta sohtori tirohca”, ni masija mari. Ā jina noaa sehere marine to cohtotahtore tuaro waro cohtaja. Ā yoa to pohna mari tiro mehne mari noano jihto cūh_ure tuaro cohtaja mari. Tuhs_u, wahma pjac_ure marine to wahto cūh_ure tuaro cohtaja. ²⁴ Mari ā cohtaina jich_u, tirota marine pichacap_u wahaborinare y_uhdore. Tiro cahap_u jirina jina tiro cahap_ure mari wahtore cohtaeraboa mari. Marine to y_uhd_uo tuhs_uri baharo tíre cohta namoeraboa. ²⁵ Ā jina to wahtire ñ_uerapanahca Cohamac_u marine to y_uhd_uohtore cohtana, noano mehne ā cohtarucuja.

²⁶ Ā yoa Cohamac_ure wacū tu-
aera cureina to cah_umaare noano
masieraina jija mari Ā jina tirore
quihōno siniina cūh_u jieraja mari.
Wiho mejeta mari ā jiina jipach_uta,
Espíritu Santo sehe marine yoado-

hora. Marine tuaro pja ñano mari
ya cjihtire durucuro marieno to
t_uhotua mehne tiro Cohamac_ure
tuaro sini payobasara. ²⁷ Cohamac_u
to cahmano seheta mari Jesu yaina
ya cjihtire sini payobasara tiro
Espíritu Santo. To ā sini payobasach_u
Cohamac_u mari t_uhotuare masi
pahñoriro jiro, Espíritu Santo to sini
payobasaare masina.

*Cristo to tuaa mehne ñaa yoaare
y_uhd_ur_ucanahca mari*

²⁸ Ahrire y_u yahuhtire masija
mari: Jipihtina Jesure cahīina mari
jich_u to cahmaare yoah_utinare besere
marine tiro. Ā jiina mari jich_u ñ_uno
Cohamac_u ā yoadohorucura marine.
Ā jina mari ñano y_uhd_upanahca
ñano y_uhd_urucu dojoaeraja. Ā jina
Cohamac_u yoadohoro mehne noano
jinahca mari. ²⁹ Cohamac_u marine
to yaina cjihtire dói_uputa masi, bese
tuhs_uha. Ā besero to mac_uno Jesu to
yoaro seheta jihtina cjihtire marine
cūh_u, pay_u masa to mac_uno_ure mari
wahmi tihto cjihtore. ³⁰ Panop_u
to yaina to ji dutirina mari jich_u,
to pohna mari jihtina cjihti cūh_ure
beseha marine. Ā jiro marine to
beserinare tiro “Buhiri marieina,
noaina jira”, ni ñ_ure. Marine to
ā niinare tiro yoaro sehe jihtina
cjihtire tiro mehne m_uanop_u noano
jich_u yoarohca Cohamac_u.

³¹ Tíre masina ō sehe t_uhotuja mari:
Cohamac_u marine to cahīinare ne
paina ñ_u tuhtia bihosi. ³² Cohamac_u
mari ya buhirire yariahtirore to
mac_uno_ure warocaha. “Y_u mac_ure
cahīja. Ā jic_u tirore warocaeraja”,
nieraha tiro. Marine ā tuaro yoado-
horiro jiro, jipihtia marine d_uhsarire
wa pahñonohca. ³³ Cohamac_u to
beseina mari jich_u, tiro marine “Ñaa
buhiri marieina, noaina jira”, ni
ñ_ure. Mari ā jiina jich_u paina marine
“Ñaina jira”, ne ni yahusā masierara.
³⁴ Cristo mari ya buhirire yaria masa
m_ujaha. Mip_ure Cohamac_u pot_u
b_uh_usehe sehei jira p_uhtoro jiro. Ā
jiro tiro mari ya cjihtire potocāta

sini payoro nina Cohamacure. Æ jia paina sehe marine ne buhiri dahre duti masierara Cohamacure. ³⁵ Cristo marine to tuaro cahĩchũ paina tirore “Cahĩ tjia”, ne ni masierara. Cahĩ duhusi tiro. Mari ñano yũhdũpachũta, mari cuipachũta, paina marine ti ñano yoapachũta, mari jũca baa-pachũta, suhti marieina mari jipachũta, nu cuaroi mari jipachũta, marine ti wajãpachũta Cristo marine ã cahĩrucurohca. ³⁶ Cohamacũ yare ti joari pũi mari ñano yũhdũhtore yahuro, õ sehe nina:

“Mũ yaina sã jichũ masa ñũ jicoaeraa, ti wajãhtina ã jirucunata nija. Oveja ti wajãhtina ti jiro sehetã sã cãhũre ã wahara”, ni joaa tiha Cohamacũ yare ti joari pũi.

³⁷ Æ jina mari ñano yũhdũpanahta Cristo marine cahĩriro to yoadohoro mehne tí jipihtiare yũhdũ witinahca. Æ yũhdũna to yare ne duhusi mari. ³⁸⁻³⁹ Jesucristo yaina mari jichũ ñũno Cohamacũ sehe marine tuaro cahĩna. Æ jiro tiro marine ne cahĩ duhusi. Mari yariachũ cãhũre, mari catichũ cãhũre, mipũre, baharopũ cãhũre, tiro marine cahĩ duhusi. Æ yoa anjoa, watĩa pũhtoã, ahri yahpa macaina pũhtoã, mũano macaina, ahri yahpa macaina cãhũ marine Cohamacure “Mũ yainare cahĩ tjia”, nia bihosi tina. Cohamacũ to bajuamehneri cjiropũre tirore marine ne cahĩ duhuchũ yoaã mariahna. Marine ne tiro cahĩ duhusi.

9

Israe masa Cohamacũ to beserina jira

¹⁻² Yũ coyeyã Israe masare wacũcũ tuaro cahyaja. Cristore cahmaerara tina. Æ jicũ ñano cahya yajeripohna tija yũhũ. Tí yũ ã ni yahua potocãta jira. Yũhũ Cristo yairo tjija. Æ jicũ mũsare “Cahyaja”, yũ nia sehe potocãta jira. Mũsare ã nicũ mahñoi nieraja. Espĩritu Santo yũ ã mahñoechũ masino, yũhũre “Quihõno mũ cahyarire yahure

mũhũ” ni, yũhũre masichũ yoare. ³ Israe masa yũ coyeyã yũ ya yahpa macaina pichacapũ wahaahca. Cohamacure tinare yũhdo duti duacũ õ sehe ni duamaca yũhũ sehe: “Ti ya buhirire yũhũ sehe pichacapũ wahaihtja. Æ jiro ti yaro jiborirore yũhũ sehere buhiri dahrejaro Cristo”, ni duamaca yũhũ. ⁴ Tina yũ coyeyã Israe cjiro panamana ji turiaina jira. Tinare to pohna cjihtire cũha Cohamacũ. Tuhsũ, to si sitea mehne ti watoi jia tiha. Tinare jipihtinare to noano wahachũ yoaã cãhũre yahu cũ mũhtaa tiha. Tuhsũ, Moise cjirore to dutiri cãhũre dóipũta tinare Israe masareta cũ mũhtaa tiha. Tirore ti ño payohti macaa cãhũre tinareta cũ mũhtaa tiha. Tuhsũ, masare to yũhdohto cãhũre yahu cũã tiha tinare Cohamacũ. ⁵ Sã ya curuari waro doce curuari waro jira. Sã ñũchũsuma ji mũhtarina cjiropũ ti panamana jia tiha. Ti panamana ji turiainapũ jija sã Israe masa. Æ jiro mari yoaro sehe pjacũ tiriõ taro, sã coyeyã Israe masũno waro jire Cristo. Tiro Cohamacũta jira. Æ jiro tiro jipihtina bui pũhtoro jira. Jipihtia dachoripe tirore noano ño payojihna mari. Æ ño payorucujihna.

⁶ Paina Israe cjiro panamana ji turiaina jipahta Cohamacũ yaina waro jierara. Æ jina tina to yaina ti jierachũ ñũna õ sehe ni tũhotuboca mũsa: “ ‘Israe masare yũ yaina jichũ yoaihtja’, niparota cãinare Cohamacũ to niriro sehetã yoaerara”, ni tũhotuboca mũsa. Æ ni tũhotuena tjiga. ⁷ Õ sehe jira: Paina Abrahã panamana ji turiaina ti jipachũta “Abrahã panamana ji turiaina waro jira”, ni ñũerara Cohamacũ tinare. Æ jiro õ sehe nia tiha Cohamacũ: “Mũ macũ Isaa panamana ji turiaina tina pinihta potocãta mũ panamana ji turiaina waro jiahca”, ni yahu cũã tiha Cohamacũ Abrahãre. ⁸ To ã ni yahu cũchũ ahrire masinahca mari: Abrahã cjiro panamana jipihtina waro Cohamacũ pohna jieraca. Co-

hamacũ to ni cũrire noano tuhoina tireore wacũ tuaina sehe tinata jica Cohamacũ pohna. ã jia tinata jira Abrahã cjiro panamana ji turiaina waro.

⁹ Õ sehe niha Cohamacũ Abrahã cjirore: “Pa cũhma ahri pja baroihta yũ tjuatachũ mũ namo Sara wihãrirocãre cjuarohca mũ macũre”, nia tiha Cohamacũ Abrahã cjirore. ã nino Cohamacũ Abrahã cjiro macũno to masa bajuahtore yahu cũyuro nia tiha.

¹⁰ Baharo Isaa cjiro namono Rebeca wama tiricoro puaro pohna tia tiha. Ti puũuro Isaa sã ñũchũ cjiro jia tiha. ¹¹⁻¹² ã jia ti pohna ti masa bajuerasinipachũta, noaare, ñaa cũhũre ti yoaerasinipachũta Cohamacũ ti pocoro cjihtore õ sehe nia tiha: “To bahũro sehe to wahminore dutirohca. ã jiro to puhtoro jirohca”, nia tiha ticorore. Cohamacũ to cahmano seheta besera tiro. ã jiri jiro cãirocãre besero ticorore ãta ni yahua tiha. ã jiro masa ti yoare ñũeraparota to cahmano seheta tiro to yaina cjihtire besera. ¹³ ãta ni joaa tiha to yare ti joari pũi: “ ‘Jacobosehere cahũa tihi. Esaũ sehere cahũera tihi’, niha Cohamacũ”, ni joaa tiha panopũ.

¹⁴ ¿Tĩre wacũna dohse ni tuhotubocarimari? ¿Ti yoahũre ñũeraparota cãirore ã besero Cohamacũ quihõno yoaro nierabocari, mũsa tuhotuchũ? Jierara. ¹⁵ Õ sehe nia tiha Cohamacũ Moise cjirore: “Diro yũ pja ñũ duarirore pja ñũihtja”, nia tiha tiro Moise cjirore. ã jiro cãirore ã besero quihõno yoaro niha Cohamacũ. ¹⁶ ã jina mari mũ sũro mari cahmano sehe Cohamacũre marine pja ñũchũ yoeraja mari. Tuhsũ, ne mari noaare mari yoari wapa cũhũre marine pja ñũerara tiro. To mũ sũro to pja ñũ duaina sehere pja ñũna. ¹⁷ Egipto macaina puhtoro faraõ cũhũre to cahmano seheta yoaa tiha tiro. Õ sehe nia tiha Cohamacũ faraõre: “Egipto macaina puhtoro cjihtore cũi nii mũhũre yũ tuare

jipihtinare yũ ñohto cjihtore. Tuhsũ, jipihtia yahpari macaina yũhũre ti masihto cjihtore puhtoro sõi nii yũhũ mũhũre”, nia tiha Cohamacũ faraõre. Tõ seheta nina Cohamacũ yare ti joari pũi. ¹⁸ ã jiro to pja ñũ duainare to mũ sũro pja ñũna tiro. Tuhsũ, paina sehere to mũ sũro yũhtierachũ yoara tiro. To cahmano seheta yoara tiro.

¹⁹ To ã yoariro jichũ ñũna yũhũ sehere õ sehe niboca mũsa: “Cohamacũ marine to cahmano seheta to yoachũ mari sehe tireore yũhdũrucana bihosi. ¿Mari ã yũhdũrucana bihoerapachũta dohse jiro baro marine buhiri dahre duajari tiro?” ni susini sinituboca mũsa yũhũre. ²⁰ Tĩre õ sehe ni yũhtija mũsare: ¿Masa wiho jiina jipanahta Cohamacũre tuhtijari mũsa? Dihi biato dahrerirore “¿Dohseacũ yũhũre õ sehe jiri biato yoari mũhũ?” tí biato to ni sinituboriro seheta nina nica mũsa Cohamacũre. Tõ sehe ni masierara mũsa. ²¹ Dihi biato dahreriro dihi mehne to yoa duaro seheta yoara. ã yoaro cãria dihica mehne noaare cũhti biatore yoa masina tiro. Tia dihica mehnetã wiho jiare cũhti biato cũhũre yoa masina tiro. Tiro yoaro seheta Cohamacũ cũhũ to yoa duaro seheta yoara.

²² ã jiro Cohamacũ pichacapũ to cohãhtinare ti ñaa yoarire to ñũ yabiare, to tuaa cũhũre ñono taro, tinare dõi buhiri dahre duamaha. ã dõi buhiri dahre duaparota, yoari pja ti ñaa yoare ã ñũnocasiniha. ã jiro tinare buhiri dahrerasiniha. ²³ ãta yoaha Cohamacũ noabiariro to jiare, to tuaa cũhũre mari masihto cjihtore. Panopũ marine to pja ñũina cjihtire tiro beseri jire jipihtia to tuaare to noaa cũhũre mari cjuahũto cjihto sehe. ²⁴ ã jina mari sehe to beserina jinata nija. ã jia to beserina sehe cãina judio masa dihta jierara. Cãina judio masa jieraina cũhũ jira to beserina. ²⁵ ãta nina judio masa jierinare Cohamacũ yare Osea cjiro to joariro seheta:

“Pano yũ yaina jieraina cjiri cũhũre baharopũ tinare ‘Yũ yaina jira’,

niihtja.

Ã yoa pano yu cahĩeraina cjiri cãhure baharopu tinare ‘Yu cahĩina jira musa’, nihtja”, nia tiha Cohamacu.

26 “Yu yaina jierara musa’, Cohamacu to nia yahpari macaina tina Cohamacu catiro pohnata jiahca”,

ni joaa tiha Osea cjiro panopure.

27 Tuhsu, panopu macariro Isaia cjiro cãhu Israe masare õ sehe ni yahua tiha: “Pjiri ma macaa padu yaparicãre mari quihõna bihoeraja. Israe masa tí yaparicã peri payu ti jiro sehe jiina ti jipachuta mahainacã Cohamacu yãhdorohca tinare. 28 Cohamacu ahri yahpa macainare payu masare to nino sehetã cjero mehne potocãta buhiri dahre bahrañonohca”, nia tiha Isaia cjiro. 29 Ã yoa pari turita Isaia cjiro õ sehe ni joaa tiha tjoa:

“Mari puhtoro jipihtina bui puhtoro mahainacã mari mehne macainare yãhdoeraro, marine judio masare jipihtinare butichu yoaboa tiro.

Sodoma macainare, Gomorra macaina cãhure to butichu yoariro sehetã mari cãhure butichu yoaboa tiro”,

ni joaa tiha Isaia cjiro yu coyea Israe masare.

Judio masa noaa buheare cahmaeraha

30 Ã tjira. Ã jina ahrire masi namoga musa: Judio masa jieraina Cohamacure macaerapahta tirore bocare. Jesucristore ti wacũ tuachu ñũno, “Buhiri marieina, noaina jira”, ni ñũre tinare Cohamacu. 31 Wiho mejeta judio masa sehe “Cohamacu dutiare mari yoachu tiro marine yãhdorohca”, nia Cohamacu Moise cjirore to dutiare yoapahta, bihoerare. Ti ã bihoerachu ñũno, Cohamacu “Noaina jira”, ni ñũerare tinare. Ã jia noaina ji duapahta bihoerare.

32 Õ sehe yoaa, tina bihoerare: Tina Cohamacure wacũ tuaro marieno ti mu sãro Moise cjirore to dutirire yoa

duamare, to yaina ji duaa. Mari piti dahre buhechu Cristo tãca yoaro sehe jirore jira. Ti mu sãro yoainare Cristo puha tu borachu yoari tãca yoaro sehe jirore jira. Muroca wahcãriro sehe tãcapu puha tu, bora su caharo to wacũ wahcãnopure ne sũerara. (Puha tu borariro yoaro sehetã tina Cristore tãca yoaro sehe jirore cahmaeraina Cohamacu cahapu ne susi.) 33 Ãta ni joaa tiha Cohamacu yare ti joari pũ: “Jerusalẽ wama tiri macai puha tu borachu yoari tãca yoaro sehe jirore cũja.

Mari piti dahre buhechu õ sehe jira: Muroca wahcãriro tãcapu doca wahã su bora su caharo to wacũ wahcãnore sũerara.

Tãca yoaro sehe jirore cahmaeraina sehe tiare puha tu bora, ti wacũ wahcãnopure ti sũeraro sehetã Cohamacu cahapu susi.

Wiho mejeta tirore wacũ tuaina sehe tiro mehne ã wahcherucuahca”,

ni joaa tiha.

10

1 Yu coyea, Israe masare pichacapu wahaborinare Cohamacu to yãhdohtore, tuaro yu yajeripohna mehne cahmasãamaja yũhu. Ã jicu Cohamacu tinare to yãhdohto cjihtore sini payoja yũhu. 2 Potocãta tina Cohamacu cahmaare tuaro yoa duamana. Ã yoa duapahta to cahmaa warore masierara. 3 Tuhsu, tinare Cohamacu to noaina wahachu yoaborire tina tuho ñahaerare. A tuho ñahaeraa, ti mu sãro noare yoa duapahta bihoerare. Ti ã yoachu tinare Cohamacu to wacũ tua dutiro sehetã ti yoerachu ñũno, tiro sehe tinare “Noaina jira”, ni ñũerare. 4 Wiho mejeta Cristore wacũ tuaina sehere “Noaina jira”, ni ñũna Cohamacu. Ã jina dutia yoaa mehne yãhdueraja mari. Cristo mehne yãhduja.

5 Moise cjiro panopu macariro õ sehe ni joaa tiha: “Cohamacu to dutirire ne cãno dũsaro marieno mari yoa pahũochu Cohamacu yãhdorohca

marine”, ni joaa tiha tiro. ⁶⁻⁷ To ã ni joapachuta mipure masa Cristore ti wacũ tuachũ ñũno Cohamacũ tinare “Noaina jira”, ni ñũna. Tí buhea noaina tí wahachũ yoari buhea õ sehe ni yahura: Cristo to basi ahri yahpachũ wihi tuhsuri jire. Tuhsũ, masa mũa tuhsuri jire. ã jina õ sehe ni tũhotuena tjiga mũa: “¿Diro sehe mũanopũ Cristore na tabasaro wahabocari marine to yũhdohto sehe? ¿Diro sehe yariaina cahapũ Cristore masobasa na tabocari? Tirore na taboriro mariahna”, ni tũhotuena tjiga mũa. ⁸ Õ sehe ni yahura Cohamacũ yare ti joari pũ: “Cohamacũ ya buheare mari macachũ to buhea õi jira. To buheare masi tuhsura mũa. ã yoa to buheareta durucua tire mũa”, ni joaa tiha. Tí buheare Cristore wacũ tuaa buheare masare yahuja sã. ⁹ Tí buhea õ sehe ni yahura: “Jesu mari pũhoro jira”, ni mari yahuchũ, “Cohamacũ Jesure yariariro cjirore potocãta masore”, ni mari wacũ tuachũ, Cohamacũ marine pichacapũ wahaborinare yũhdorohca. ¹⁰ Jesure mari wacũ tuachũ Cohamacũ sehe marine “Noaina jira”, ni ñũnohca. Jesure mari wacũ tuaare painare mari yahuchũ tiro marine pichacapũ wahaborinare yũhdorohca.

¹¹ Õ sehe nina Cohamacũ yare ti joari pũ: “Cohamacũre wacũ tuaina tirore ti wacũ tuaa mehne ne cahyasi”, niha Cohamacũ yare ti joari pũ. ¹² Judio masare, judio masa jieraina cãhũre Cohamacũ cãno potorita yoadohora. Mari pũhoro jipihtina bui pũhoro jira tiro. ã jiro tirore to yoadohoare siniinare jipihtinare noano waro yoadohorohca tiro tinare. ¹³ Õ sehe ni joaa tiha panopũre: “ ‘Yũ buhiri tiare cohãbasa, yũhũre yũhdoga’, ni mari pũhoro masa ti sinichũ tinare pichacapũ wahaborinare mari pũhoro yũhdorohca”, ni joaa tiha Cohamacũ yare. ¹⁴ Wiho mejeta masa sehe Cristore wacũ tuaeraa, tirore ã ni sini masierara tina. Tuhsũ, to buhea cãhũre tũhoeraa, tirore

wacũ tua masierara. ã yoa to buheare yahuriro mariachũ cãhũre tíre tina masisi. ¹⁵ Tuhsũ, to buheare yahuhtinare Cohamacũ sehe to waro-caerachũ to buheare yahu masierara. ã ni joaa tiha Cohamacũ yare ti joari pũ: “Noa buheare yahuhtina ti tachũ noano wahcheja mari”, ni joaa tiha panopũre.

¹⁶ Tí ã ni joari jipachuta masa payũ noaa buheare tũho duaerara. ãta ni joaa tiha Isaia cjiro: “Yũ pũhoro, tinare mari yahurire tina ne tũho duaerare”, ni yahua tiha Isaia cjiro Cohamacũre. ¹⁷ ã jia masa noaa buheare tũhoa Cristore wacũ tuare. Ti tũhoa sehe noaa buhea sehe Cristo ya buhea waro jira.

¹⁸ ã jicũ ahrire õ sehe ni sinitu ñũ duaja mũsare: ¿Israe masa Cohamacũ yare tũhoerari, mũa tũhotuchũ? Potocãta tina tũhoa waro tũhomare. ãta nina Cohamacũ yare ti joari pũ cãhũ: “Cohamacũ noa putiariro to jia tiare yahuina jipihtiro pũ yahu sitea wahare.

ã jia jipihtiro macainapũ to yare tũho sahseare”, ni joaa tiha panopũre. ¹⁹ Pari turi mũsare õ sehe ni sinitu ñũ duaja tjoo: ¿Israe masa tũhopahta noano masierari tina, mũa tũhotuchũ? Masia timaha tina. Ahrire yahu namocũ Moise cjiro to nirire yahu mũhtaihtja. Õ sehe ni joaa tiha tiro:

“Õ sehe ni yahura Cohamacũ Israe masare: ‘Tũho masieraina, ñaina jira’, ni mũa ñũina sehere yũ yaina cjihti wahachũ yoihtja.

Yũ ã yoachũ mũa sehe tina mehne sua, tinare ñũ tuhtinahca.

ã yoachũ mũa suachũ yoihtja yũhũ’, ni yahure Cohamacũ Israe masare Israe masa jierainare to yaina jichũ yoaro taro”,

ni joaa tiha Moise cjiro. ²⁰ Tuhsũ, Isaia cjiro cãhũ cuiro marieno õ sehe nia tiha:

“Ō sehe nina Cohamacu: ‘Yuhure macaeraina sehe yuhure bocahre.

Ā jicu yuhure cahmaerainare tinare yuhure masichu yoahi yuhu’, nire Cohamacu”,

ni joaa tiha Isaia cjiro judio masa jierainare. ²¹ Tuhsu, Israe masa sehere ō sehe ni joaa tiha Isaia cjiro: “Ō sehe nina Cohamacu: ‘Tina yuhure yuhdurucaina, yuhure cahmaeraina jira. Ā jicu tinare ti ñaare cahya duticu “Yu yaina wahaga”, ã nirucumai tinare. Wiho mejeta tina sehe yuhure ne yuhti duaerare’, nire Cohamacu”, ni joaa tiha Isaia cjiro.

11

Mahainacã Israe masare pichacapu wahaborinare yuhdorohca Cohamacu

¹ Ā jiro Israe masare Cohamacu to beseina cjirore cohãno niri tiro, msa tuhutuchu? Jierara. Tinare cohæerare tiro. Yuhu cãhu Israe masano, Abrahã panamino ji turiariropu jija. Benjami ya curua macariro jija yuhu. ² Panopure Israe masare to ya curua macaina cjihtire Cohamacu besea tiha. To ã beserinare cohæerare. Cohamacu yare ti joari pui Elia cjiro ya quitire yahura. Ā Elia cjiro Cohamacure sinino, Israe masare to yahusãrire masierajari msa? Ō sehe ni yahusãha tiro: ³ “Yu puhtoro Cohamacu, tina Israe masa mu yare yahu muhtainare wajãre. Tuhsu, tinata paina muhure ño payoa taa, wahiquinare wajã jũ msoa tuhuri cãhure cohãre. Ā jicu yuhu dihta mu yairo duhsaja mipure. Yu ã jichu tãhoa yuhu cãhure wajã duara tjoa, mipure”, niha Elia cjiro Cohamacure. ⁴ To ã nichu tuhoro Cohamacu sehe ō sehe ni yuhtiha Elia cjirore: “Siete mil waro msa yu yaina jira mipure. Tinare wihboi yuhu. Tina yu yaina sehe Baal wama tiri masure ne ño payoera tire tina. Ā jicu cuii tjiga muhu”, nia tiha Cohamacu Elia cjirore panopure. ⁵ Tí pjare Elia cjiro to jia tiri pjarure to

yaina masare to beseriro sehetã mipu cãhure mahainacã Israe masare to yaina cjihtire besere Cohamacu. Cohamacu tinare cahmano tinare pja ñno besere. ⁶ Noaare ti yoari wapa tinare besero nierare. Tinare ã cahmano, pja ñno besere. “Noaare msa yoari wapa msare besehtja” nino, tiro tinare potocãta pja ñno nieraboa.

⁷ Ā yoa ō sehe jira: Israe masa Cohamacu tinare “Noaina jira”, to ni ñuchu yoa duapahta tina cãno pjaerare. Wiho mejeta Cohamacu to basi to beserina sehe noaina to yaina wahare. Tirore cãno pjaeraina sehe to yare tãho duaerare. ⁸ Āta nia tiha Cohamacu yare ti joari pui:

“Cohamacu tirore cahmaerainare to yare tãho ñahaerachu yoare.

Ā jiro potocã jiare ti tuhupachuta tinare ne noano tãho ñahaerachu yoare Cohamacu.

Āta jirucura tina mipu cãhure”, ni joaa tiha panopure. ⁹ Ā yoa panopu macariro Davi cjiro Israe masa Cohamacure ti cahmaerari buhiri ō sehe nia tiha Cohamacure:

“Tina Israe masa ti bose numuri, ti wahchea numuri ti yuhdoro wato, yurica ñahñoriro to ñano yuhdoro sehetã tina cãhure ñano yuhduchu yoaga.

Tó sehe yoainare tinare ñano buhiri dahrega muhu.

¹⁰ Tuhsu, mu yahuare tinare ne tãho ñahaerachu yoaga muhu.

Ā buhiri tirucuina ji, ã cahyarucuina jijaro tina”,

nia tiha Davi cjiro Cohamacure.

Judio masa jierainare pichacapu wahaborinare yuhdorohca Cohamacu

¹¹ Ā judio masa Cristore ti cahmaerachu ñno, Cohamacu tinare cohãno warota nibocari, msa tuhutuchu? Cohãsi tinare. Ā cohæeraparota tina Cristore ti cahmaerachu mipure judio masa jieraina sehere Cohamacu yuhdorohca. Mipure tinare to yaina jichu yoare Cohamacu. To ã yoachu ñna cãina judio masa sehe tina mehne

sua sayo, Cohamacu yainata ji du-aahca. ¹² Judio masa ti yuhdurucachu ti noano yoerachu paina sehere ahri yahpa macainare cainare Cohamacu yuhdore. To ã yuhdochu tina sehere noano wahare. To ã yoariro yuhdoro, baharo judio masa sehe Cristore ti noano wacũ tua durucachu pinihtare ahri yahpa macainare jipihtiropare noaputiaro waharohca.

¹³ Mipure musare judio masa jierainare yahui tai nija. Cristo cũre yuhure judio masa jierainare buhehtiro cjihtore. ã jia yu dahraa sehe wiho jia jierara. ¹⁴ To cũriro seheta yuhure musare buheja, yu coyea judio masa sehere musare ti ñu cũchu yoa duacu. Cohamacu yuhdorina musa jichu ñua tina cãhu Cristore cahmaa, to yuhdoina wahaboca. ¹⁵ Judio masare cohãbo curero, judio masa jieraina sehere noaa buheare Cohamacu yahu dutire. Tí buheare ti tuhori baharo Jesure ti wacũ tuari baharo cãina judio masa jieraina, jipihitiro ahri dacho macaina Cohamacu yaina wahare. ã jiro judio masare to cohãbo curechu noano wahare paye yahpari macaina sehere. To ã yoariro yuhdoro judio masa to cohãbo cureina cjirire pari turi to yaina cjihti to yoachu pinihtare jipihtinapare ahri yahpa macainare noaputiaro waharohca. To yaina cjihti pari turi ti wahachu, jipihtinapu to yaina yariaina cjiri sehe pari turi ti masaboro seheta jirohca.

¹⁶ Õ sehe jira: Trigo yubu mehne wahma pãoca ti yoaria Cohamacu yaria cjihto Cohamacure ti wachu, tiare ti yoa duhari yubu cãhu to yariata jira. Tuhsu, yucucu nuhcori cãhu Cohamacu ya nuhcori cjihti jia, tu dupuri cãhu Cohamacu yata jira. Õ sehe mari ni piti dahre buhechu Abrahã sã ñuchu cjiro Cohamacu yairo to jiro sehetã to panamana ji turiainapu cãhu Cohamacu yaina jahca Cristore wacũ tuaina jia. Yoa duhari yubu cãhu to yariata jica. Tuhsu yucucu nuhcori cãhu Cohamacu ya nuhcori cjihti jia, tu

dupuri cãhu Cohamacu yata jica. Õ sehe mari ni piti dahre buhechu, Abrahã sã ñuchu cjiro Cohamacu yairo to jiro sehetã to panamana ji turiainapu cãhu Cohamacu yaina jira, Cristore wacũ tuaina jia.

¹⁷ Ti ã jihtina jipachuta cainare ti coyea sehere judio masare Cohamacu cohãre. Olivo wama tidu dupurire cãa dupurire to dute cohãboro sehetã cãina judio masa sehere Cohamacu cohãre. ã yucucu dupurire cohãno to cohãri dupuri jiro cjiroi paye dupurire nucu macadu olivocu dupurire cohtota duhu õhre. Tó yoaro sehetã Cohamacu musare judio masa jierainare Abrahã panamana ji turiaina cohtotare musare, musa cãhure yuhdoro taro. ¹⁸ Musare to ã cũchu “Judio masa yuhdoro noaina jija sã”, ni tuhutuena tjiga. Ahrire yu yahuhtire wacũga musa: Judio masa sehere bese muhtaha Cohamacu. ã besero ti coyeiro cjihtore cãha Cristore, musare yuhdoro taro. ã jina “Judio masa yuhdoro noaina jija”, ni tuhutuena tjiga musa.

¹⁹ Musã judio masa jieraina sehe õ sehe niboca: “Cãa ñaa dupurire to cohãboro sehetã Cohamacu cãina judio masare cohãre. Paye dupurire cohtota to õno sehetã to yaina marine cũno taro ã cohãre tinare”, niboca musã judio masare yuhduruca duana. ²⁰ Tí musã nia potocãta jira. To ã jipachuta tina Jesure ti wacũ tuaerari buhiri Cohamacu cohãre tinare. ã jiro musã cãhure Jesure musã wacũ tuaerachu to yaina cjihti musare cãeraboa. ã jina “Judio masa yuhdoro noaina jija sã”, niena tjiga musã. ã nieranata “Cohamacu cua pisariro jira”, ni tuhutuga musã. ²¹ Olivocu ji muhtaa dupuri waro yoaro sehe judio masa sehe Cohamacu yaina ji muhtaha. To cohtotaa dupurire to õboro sehetã Cohamacu to yaina musã sehere cohtota cãha. Wiho mejeta to yaina ji muhtaina judio masa tirore ti wacũ tuaerachu, cãinare cohãre. Tinare to cohãriro sehetã musã

cāhare cohānohca, tirore mūsa wacū tuaerachū. ²² Cohamacū mūsare noano yoariro to jichū masiga mūsa. Tuhsū, cua pisaro mehne buhiri dahreriro to jichū cāhare masiga mūsa. Tirore ño payoerainare tiro buhiri dahrerohca. ã jiro tirore mūsa ño payoerachū olivocū dūpūri warore to cohāriro cjiro seheta mūsa cāhare cohānohca Cohamacū. ²³ ã yoa judio masa to cohābo curerina cjiri Cristore ti wacū tua dūcachū ñūno, olivocū dūpūri warore pari turi to duhu ōno seheta Cohamacū to yaina cjihti yoarohca tinare. Cohamacū to ã yoa masihti cjihtireta tuaare cjūara tiro. ã jiro tiro tinare cāinare to yaina cjihti yoarohca. ²⁴ Mūsa judio masa jieraina jina, nūcū macadū olivocū dūpūri yoaro sehe jira mūsa. ã jiina mūsa jipachū olivocū toadūi nūcū macaa dūpūrire to na ta ōboro seheta, Cohamacū mūsare to yaina cjihti yoahre. To ã yoachū, ne mijoerare tirore. Judio masa Cohamacū to bese mūhtarina jira. Olivocū toadū dūpūri waro yoaro sehe jira tina. ã jiro ti jidū waro cjiropūre pari turi to duhu ōboro seheta to yaina cjihti pari turi judio masare to yoachū, ne mijoerara tirore.

Baharo judio masare pichacapū wahaborinare yūhdorohca Cohamacū

²⁵ Yū coyea, ahrire masa ti masieraaare mūsare yahuihtja. “Mipūre sã dihtare besere Cohamacū. Cohamacū sã masi yūhdūrcachū sūchū ñūno, tiro sãre besere”, mūsa ni tūhotuerahto sehe ahrire yahuihtja mūsare. Ō sehe jira: Mipūre payū judio masa Cohamacūre tūho duasi. Wiho mejeta payū judio masa jierainare Cohamacū to quihōriro puro to yaina to yoari baharo judio masa cāhū tirore cahma dūcaahca. ²⁶ Ti ã cahmachū judio masa payū warore pichacapū wahaborinare Cohamacū yūhdorohca. Cohamacū yare ti joari pūi āta ni yahu joaa tiha:

“ Jerusalē wama tiri macai judio masa ya macai tinare yūhdohtiro tarohca.

Jacobo panamana ji turiainare ti ñaa yoari buhirire tiro cohānohca.

²⁷ Tinare yūhdocū panopū tinare yū ni cūriro seheta yoai nija’, nire Cohamacū”,

ni joaa tiha Cohamacū yare ti joari pūi.

²⁸ Mipūre tina judio masa Cristo yare ño payoeraina Cohamacūre ñū tuhtira. Ti ã yoachū mipūre mūsa sehe judio masa jieraina Cristore wacū tua dūcare. Judio masa sehere Cohamacū bese mūhtari jire. Judio masa ñūchūsuma cjiri to bese-rina ti jichū mipū jiina judio masa cāhare tiro cahīna. ²⁹ Cohamacū to ni cūriro seheta tinare to beseriro seheta quihōno yoarohca tiro. To nirire ne bosiro tiro. ³⁰ Panopūre mūsa cāhū Cohamacūre yūhdūrcari jire. Mipūre judio masa Cohamacūre ti yūhdūrcachū ñūno tiro mūsa sehere pja ñūno yūhdore. ³¹ Mipūre judio masa tirore yūhdūrcare. Ti ã yoapachūta Cohamacū mūsare to pja ñūriro seheta tina cāhare baharopūre pja ñūnohca. ³² Ō sehe jira: Jipihtina masare “Yūhūre yūhdūrcaina jira”, nina Cohamacū. ã jiro jipihtina tirore yūhdūrcaina ti jichū ñūno jipihtinare pja ñū masina tiro.

³³ Cohamacū tua yūhdūrcū sūriro jira. Noano masi pahñoriro jira tiro. ã jiro to tūhotuare, to yoarire marine noano masihto basioerara. ³⁴ Ō sehe ni joaa tiha Cohamacū yare: “Cohamacū mari pūhtoro to tūhotuare ne masa noano masierara. ã jia masa tirore ‘Ō sehe yoaga’, ni masierara. ³⁵ ã jia masa Cohamacūre paye barore ti wari baharo “Tiro marine wapamona’, ni masierara masa”, ni joaa tiha panopūre. ³⁶ Cohamacū jipihtiare yoaa tiha. Tuhsū, to tuaa mehne jipihtiare jisinichū yoara tiro. ã jia jipihtia to ya jira. To ã jiriro jichū jipihtia dachoripe tirore ño payojihna mari. Āta yoarucujihna.

12

Cohamacū cahmaare marine

yoarucu dutiha Paulo

¹ Cohamacu marine tuaro pja ñare. To ã pja ñariro to jichu ñana, yu coyea, musa sehe oveja noarirore ti jã wa m̄oriro seheta Cohamacure ti ño payoriro seheta musa cãhu tirore ño payorucuga, to yare musa noano yoarucuhto sehe. Musa ã yoachu, tiro wahcherohca. Æta yoaro cahmana marine, Cohamacure quihõno ño payona tana. Æ jicu musare tíre tuaro yoa dutija. ² Ahri yahpa macaina ñaare yoaina yoaro sehe yoarena tjiga musa. Æ yoa musa t̄hotuap̄re Cohamacu noaa t̄hotua sehere to cohtota, cũchu, yuhtiga musa. Æ yuhtina, noaa sehere t̄ho cohtotarina jinahca musa. Æ yoana noaare, Cohamacu cahmaare, ñaa mariare, potocã jiare masinahca musa.

³ Cohamacu yuh̄re to yare yoa masichu yoariro buhe dutiro beseri jire yuh̄re. Æ jicu jipihtina musare õ sehe ni t̄hotu dutieraja yuh̄. “Noabiaina ji yuh̄ucaja sã”, ni t̄hotuena tjiga. Æ t̄hotunocahga. Jesure musa wacũ tuari baharo, Cohamacu musa cãinare noaare yoa masihtire to cũchu, “To yoadohoro mehne ahri noaare yoaja”, ni t̄hotuina jiga musa.

⁴ Õ sehe ni yahu namoihtja yuh̄ musare. Mari wamomacari, mari dahpori, mari capari jipihtiro mari p̄jacu jia payu jira. Mari p̄jacu jia cã p̄jacu jiparota soro jia dahraa c̄uara. ⁵ Tí jiro seheta soro sehe jia dahraare cũna Cohamacu marine. Æ jina payu masa jipanahta Cristore wacũ tuaina jina, to p̄jacu cã p̄jacu yoaro seheta cã curuata jija mari.

⁶ Cohamacu marine to yoadohoro purota to tuaa mehne yoa dutira. Æ yoaro marine cãinare soro jia mari yoah̄tire cũna tiro. To ã yoachu marine to c̄urire mari sehe noano yoajihna. Æ jia Jesu yaina õ sehe yoajaro. Cãinare Cohamacu to yare yahuhtinare cũna. Æ jia tina Cristore ti wacũ tuaro puro to yare noano yahujaro. ⁷ Cãinare Cohamacu

musare yoadohohtinare cũna. Æ jia tina musare noano mehne yoadohojaro. Cãinare Cohamacu musare buhehtinare cũna. Æ jia tina musare noano buhejaro. ⁸ Æ yoa paina cãhu musare s̄ho wahchechu yoah̄tina jia, musare noano s̄ho wahchechu yoajaro. Tuhsu, paye barore wahtina jia, ti wahtire noano mehne yajeripohna ti, wajaro. Æ yoa paina cãhu musare s̄ho ji m̄htahtina jia, noano mehne s̄ho jijaro. Æ yoa p̄jacuoinare yoadohohtina jia, wahchea mehne yoadohojaro.

Jesu yaina jina õ sehe yoaina jiga

⁹ “Sã basi cahma cah̄ja”, ni mah̄õno marieno musa basi cahma cah̄ga. Æ yoana ñaare ñu yabiina jiga musa. Tuhsu, noaa sehere ã cahmarucuga. ¹⁰ Tuhsu musa bahana warore musa cah̄no seheta Jesu yainare musa mehne macainare cah̄ga. Æ yoana musa basi noano cahma ño payoga musa.

¹¹ Cohamacu cahmaare yoana, ne caparo marieno yoaga. Æ yoana mari p̄h̄toro to dutiro seheta noano wahchea mehne yoaga.

¹² Cohamacu musare pichacapu wahaborinare to yuh̄dorinapu jira musa. Æ jiro musa wahahto noaputiaro jira. Tíre masina wahchega musa. Æ yoa ñano yuh̄duna, cãno p̄jaga “Cristo yare duhuri”, nina. Tuhsu, Cohamacure ã sinirucuga.

¹³ Paye baro Jesu yainare duhsachu waga tinare. Æ yoa musa ya wuh̄sep̄u cũh̄re masa ti s̄chu noano yajeripohna tiro mehne tinare piti bocaga.

¹⁴ Musare ñano yoainare “Noano wahajaro tinare”, ni sini payoga. Tinare ã sini payona, “Tina ñano yuh̄d̄wahnojaro”, niena tjiga.

¹⁵ Æ yoa paina wahcheina mehne jina, musa cãhu tina mehne wahchega. Tuhsu paina ñano cahyaro mehne tiina mehne jina, musa cãhu cahya, tiidohoga tinare.

16 M_{usa} mehne maçaina mehne noano jiga m_{usa}. Æ jina “Paina y_{hdoro} noaina jija”, ni tuhotuena tjiga. Õ sehe ni tuhotuga: “Wiho jiina jija”, ni tuhotuga. Æ jina “Masi y_{hdurucaina} jija sã”, ni tuhotuena tjiga.

17 Paina m_{sare} ti ñano yoapach_{ta}, tinare ñano yoa cahmaena tjiga. Noaa sehere yoaga, noaina m_{usa} jia tiare jipihtina masa ti masiht_i cjihtire. 18 M_{usa} bihoro puro jipihtina mehne noano jinocahga m_{usa}. 19 M_{usa} y_u cah_{ina}, y_u coy_{ea} paina m_{sare} ti ñano yoapach_{ta} tina yoaro sehe ñano yoa cahmaena tjiga. Cohamac_u sehe m_{sare} ti ñano yoari buhiri buhiri dahrejaro tinare. Cohamac_u yare ti joari p_{ui} ãta ni joaa tiha: “Y_u sehe m_{sare} ti ñano yoari buhiri buhiri dahreriro jija. Æ jic_u potocãta buhiri dahreih_{tja}’, nina mari p_uhtoro”, ni joaa tiha panop_ure. 20 Æ jina õ sehe yoaga m_{usa}: M_{sare} ñ_u tuhtiriro to j_uca baach_u ñ_una nuga tirore. To ñahma yapioch_u cãh_ure ñ_una tirore sihõga. M_{usa} ã yoach_u ñ_uno m_{sare} to ñano yoari buhiri b_uo tirohca. 21 Æ jina paina m_{sare} ti ñano yoapach_{ta} m_{usa} sehe tinare ñano yoa cahmaena tjiga. Tinare noaa sehere yoaga m_{usa}. Æ yoana ñaa sehere cahmaerana nica m_{usa}.

13

1 Jipihtina m_{usa} bui p_uhtoa cjihtire Cohamac_u dihta bese c_una. Ne cãiro p_uhtoro Cohamac_u to bese c_uerariro mariahna. To ã c_urina ti jich_u ñ_una jipihtina m_{usa} tinare noano y_uhtiga. 2 Mari p_uhtoare noano y_uhtierana Cohamac_u to bese c_urinare y_uhdurucana nija mari. Æ y_uhdurucainare Cohamac_u sehe buhiri dahrerohca. 3 Noainare cuich_u yoah_{tina} jierara p_uhtoa. Ñaare yoaina sehere cuich_u yoah_{tina} jira tina. Noaare yoaga m_{usa} p_uhtoare m_{usa} cuierahto cjihto sehe. Æ yoana cuis_i m_{usa}. Noaare m_{usa} yoach_u p_uhtoro sehe “Noaare yoare m_{usa}”, m_{sare} ni ñ_unohca. 4 M_{usa} p_uhtoa

Cohamac_u to c_uno sehet_a m_{sare} yoadohohtinata jira m_{usa} noano jinocahto cjihto sehe. Wiho mejeta m_{usa} ñaare yoana pini tinare cuiga. Tina m_{sare} buhiri dahrehtina cjihtita jira. Jipihtina ñaare yoinare buhiri dahre dutiro Cohamac_u tinare besere. 5 Ti ã buhiri dahrehtina ti jich_u ñaare yoana m_{usa} p_uhtoare cuiga. Æ jina ño payoa mehne “Noaare yoaro cahmana y_uh_ure”, ni tuhoturo mehne noano y_uhtijihna. 6 M_{usa} p_uhtoa ti dahrahti cjihtire Cohamac_u c_ure. Æ jina ti dahraare ti yoach_u ñ_una m_{usa} p_uhtoare wapa nabasainare wapara m_{usa}.

7 Jipihtinare m_{usa} p_uhtoare noano y_uhtiga. Tuhs_u, p_uhtoare wapa nabasaina cãh_ure wapaga m_{usa}. Æ yoa p_uhtoa sehe payere ti wapa dutich_u cãh_ure wapaga. Æ jina jipihtina p_uhtoare noano ño payoga. 8 Tuhs_u, paina masare wapamoena tjiga. Tinare cah_{ino} cahmana. To cahai j_iinare cah_iro Cohamac_u dutiare yoa pah_{no} tuhs_uriro jira. Æ jina m_{usa} cahai j_iina cãh_ure cah_iga. 9 Õ sehe nina Cohamac_u dutia: “Pairo namonore w_uana tiena tjiga. Numia cãh_u pacoro man_uno_{re} w_uana tiena tjiga. Masare wajãena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cãh_u jira. Ti ã jipach_{ta} cãno dutiare m_{sare} yahui tai nija. Tí dutia cãno dutia to jipach_{ta} tí dutiare yoana Cohamac_u dutiare yoa pah_{no}na nija mari. Tí dutia õ sehe nina: “M_u basi m_u cah_{ino} sehet_a m_u cahai j_iina cãh_ure cah_iga”, nina. Tí dutiare yoana Cohamac_u dutiare yoa pah_{no}ina jina nina. 10 M_{usa} cahai j_iinare cah_{ina}, tinare ñano yoasi. Æ jina tinare cah_{ina}, Cohamac_u dutiare yoa pah_{no}inata jira m_{usa}.

11 Æ jina car_ina yoaro sehe jiena tjiga m_{usa}. Noano wac_u masiga. Jesure noano wac_u cohtaga. Jesu marine to tjua ta naahto mahanocã d_uhsatjiãna. Tirore mari coã wac_u tua d_ucach_u Jesu marine to y_uhdoro tahto mahanocã d_uhsamare. Mip_u

pinihtare cahacã waro jira to tahto. Ahri yu nirire masina musa. ¹² Mipure ñaina ya dacho jira. To tahto mahanocã dahsara. Tíre masina, buhiri tichu yoare, nahitiano yoaro sehe jiare duhu pahñojihna mari. ã jina Cohamacu cahmaa sehere yoajihna mari. ã Cohamacu yare yoana, ñaare duhu pahñonahca mari. Ahri dachore payu ñaa baro jichu, ñami yoaro sehe jira. Wiho mejeta Cristo to tachu, ñami yoaro sehe jiro pihtia waha, pa dacho, buhria muja taro yoaro sehe waharohca. Surara coma suhtiro to sãa ducataro seheta Cohamacu ñaare to ducataare noano cjuã pahñojihna mari. ã tíre cjuãna ñaare duhu, Cohamacu cahmaa sehere mari yoajihna. ¹³ ã jina Jesu to tahtore wacũ cohtaina jina, noaa sehere yoajihna. Bose numurine yoana ñano yoarena tjijihna. Tuhsu, cahaena tjijihna. ã jina numia mehne ñano yoaina, paina mehne ñano yoaina, cahma sayoina jiena tjijihna. Musa numia cãhu muã mehne ñano yoarena tjiga. ¹⁴ Wiho mejeta Jesucristore puhtoro tina, tirore yuhtiga musa. ã yuhtina to jiro seheta jiga musa. ã jina ñaare musa goa pjaã sehere yoarena tjiga.

14

Musa coyeare Jesu yainare “Ñano yoaa nina”, ni yahuwajaena tjiga

¹ Jesure wacũ tuarirore to noano wacũ tuaro dahsasinchu ñuna tirore ji coaro mehne cahmaga. To ã jiriro jichu ñuna “Ne masierara muhu” ni, tiro mehne cahmasayoena tjiga. ² “Jipihtiare chu masija yahu”, ni tuhotura paina. Paina sehe Jesu yare noano masierasinia wahiquinare chueraina, toaa dichã dihtare chura. ³ Jipihtiare chuina sehe toaa dichã dihtare chuinare ñu tuhtiea tjijaro. ã yoa toaa dichã dihtare chuina cãhu jipihtiare chuinare “Ñano yoaa nina”, ni cahma yahuwajaea tjijaro. Jipihtiare chuina sehe Jesure wacũ tuaina ti jichu Cohamacu tinare to

yaina yoa tuhsure. To yaina ti jichu ñuna wahiquinare chueraina sehe tinare yahuwajaea tjijaro. ⁴ Jesure wacũ tuaina Cohamacure dahra cohtaina dihta jira. Ti ã jichu ñuna musa tinare yahuwaja masierara. Jesure wacũ tuaina to cahmano sehe ti quihõno yoerachu ñuno tiro dihta ti puhtoro jiro, tíre yahu poto masina. To cahmaare quihõno ti yoachu cãhure tíre yahu masina tiro. ã jiro tiro sehe to yainare “Ñano yoare muhu”, ni yahuhtiro jirohca. ã jiro tirore dahra cohtainare noaa dihtare yoarucu masichu yoariro jira Cohamacu.

⁵ Cãina cãa dachori cua pisaro mehne Cohamacure ti ño payohti dachori cjihtire cjuãra. Paina sehe, “Dohse jiri dachore Cohamacure ño payochu, noana”, ni tuhotu, ño payoina jira. Tina cãno potori ã yoeraina jipahta jipihtina õ sehe ni tuhotujaro: “Jesu to cahmano seheta noano yoana nija”, ni tuhotu masijaro. ⁶ Cãiro cãa dachori cua pisaro mehne Cohamacure ti ño payoa dachorihi Cohamacure ño payoro, tiro cãhu quihõno ño payoro nina. Tuhsu jipihtiare churiro churota, Cohamacure “Noana”, ni wahche payora tiro. ã jiro tiro cãhu Cohamacure ño payorota nina. ã yoa paio sehe cãa chure chuerara, Cohamacure ño payoro. Tiro cãhu Cohamacure “Noana”, ni wahche payora.

⁷ Tuhsu, mari cahmaa dihtare yoaina ne ji masieraja mari. Cristo jira mari puhtoro. ã jiro mari catichu mari yariachu cãhure mari puhtorota jira. ⁸ Mipure mari catisinino puro Cristo yare yoahina jija mari. To yaina jija. Mari yariari baharopu cãhure to yainata jinahca. ã jiro mari catichu mari yariachu cãhure Cristo mari puhtoro jira. ⁹ ãta jira. Cristo yaria masa mujaha catiinare, ã jichu yariaina cãhure ti puhtoro jiro taro.

¹⁰ ¿Dohseana tana musa coyeirore Jesu yairore “Ñano yoaro nina”, ni

yahuwaja duajari m̄usa? ¿Dohseana tana m̄usa coyeirote t̄u diho c̄u duajari m̄usa? Mari jipihina Cristo panoi mari ducuch̄u tiro sehe mari yoarire masi pah̄ñonoriro jiro, marine beserohca noainare, ñainare. To ã besehtiro to jich̄u m̄usa coyeirote “Ñariro jira”, ni yahuwajaena tjiga. ¹¹ Cohamac̄u yare ti joari p̄ui õ sehe ni joaa tiha:

“Õ sehe nire mari p̄htoro: ‘Ȳh̄u catiriro jija.

Ã jic̄u õ sehe ni quih̄no warota yahuja m̄usare.

Jipihina ȳu panoi na tuhcuca caha s̄uahca.

Ã na tuhcuca caha s̄u, “Noariro, tuariro jira m̄uh̄u” ni, ȳh̄ure ño payoahca’, nire mari p̄htoro”, ni joaa tiha. ¹² Ã jiro jipihina mari yoarire Cohamac̄u siniturohca marine. “¿Dohse yoana ã yoari?” ni siniturohca. To ã sinituch̄u ȳhtiro jica marine.

M̄usa coyeirote ñano yoach̄u yoaena tjiga m̄usa

¹³ Ã jina mari mehne macainare “Ñaina jira m̄usa”, ni cahma yahuwajaena tjijihna. Ã yoana mari coyeirote Jesu yairore dojomehnena tjijihna “Jesure wac̄u tua duhuri”, nina. ¹⁴ Ȳh̄u Jesucristo yairo jic̄u, ahri ȳu nihtire noano masija ȳh̄u. Ȳh̄u sehe jipihina ch̄uare ȳu ch̄uch̄u ȳu ch̄uri buhiri, buhiri mariahna. Wiho mejeta paio sehe “Ahri ch̄uare ch̄uc̄u buhiri tii nica ȳh̄u”, ni t̄hoturiro sehe ch̄uro, potoc̄ata buhiri tiriro jira. ¹⁵ Tí potoc̄a tjira. Paina ti sio, ch̄uera barore m̄usa ch̄uch̄u ñ̄no, m̄usa coyeiro ñ̄u c̄u ch̄uro, “Cue, ñano yoai nica ȳh̄u”, ni p̄jiro t̄hotuboca tiro. Tirore ã ñ̄u c̄u ch̄uch̄u yoana, tirore cah̄na nieraca m̄usa. To sio, ch̄uera barore m̄usa ch̄uch̄u, tiro c̄uh̄u ñ̄u c̄u ch̄uboca. Ã ch̄uro “Ñano yoai nija”, ni t̄hoturo Cristore duhuboca. M̄usa coyeiro yaro jiboriro c̄uh̄ure yariari jire Cristo. Ã jina “Cristore duhuri”, nina tirore ñ̄u c̄u ch̄uch̄u yoaena tjiga.

¹⁶ Ã jia “Ahri s̄a yoari noa nica”, m̄usa ni t̄hotuch̄u paina m̄usare yahuwajaboca. Ti ã yahuwajach̄u ñ̄na m̄usa ã yoarire yoa namoena tjiga, “Yahuwaja namori”, nina. ¹⁷ Cohamac̄u sehe mari p̄htoro jira. To ã jich̄u mari ch̄u, mari sihnia c̄uh̄u ã jinocaa nina. Wiho warota jira. Ã jia mari p̄htoro to dutiare, noaa c̄uh̄ure mari yoach̄u tí waro jia nina. Paina mehne mari noano jinocach̄u c̄uh̄ure noaa waro jia nina. Tuhs̄u, Espiritu Santo yoadohoa mehne mari wahchech̄u noaa waro jia nina. ¹⁸ Tó seheta Cristo yare yoarirore ñ̄na Cohamac̄u, masa c̄uh̄u “Noano yoare m̄uh̄u”, niahca.

¹⁹ Tó seheta yoajihna mari pinihta noano mari jinocahto cjih̄tore, mari basi mari cahma yoadohohto cjih̄tore. Ã yoana Jesure wac̄u tua namonahca. ²⁰ Pairo Jesu yairo to ch̄u dutierari cjirire m̄usa ch̄uch̄u ñ̄no tiro sehe ñ̄u ji coeraro Cohamac̄u yare coh̄aboca. Ã jina tíre ch̄uena tjiga. Potoc̄ata jipihina ch̄u noaa ch̄uata jira. Tí ã jipach̄ata paye barore mari ch̄uch̄u paio “Ñaa ch̄u jica ahri”, niriro jiparota ñ̄u c̄u ch̄uboca. Ã ch̄uro ñ̄no yoaro nica tiro. Ã jina marine to ñ̄u c̄u ch̄uch̄u, mari c̄uh̄u ñ̄no yoana nija. ²¹ Wahiquina dihire m̄usa ch̄uch̄u ñ̄no, vinore m̄usa sihnic̄u ñ̄no, paio Jesu yairo “Tíre ch̄uc̄u ñ̄no yoai nica ȳh̄u”, ni t̄hoturiro jiparota tiro c̄uh̄u ñ̄u c̄u, ch̄u sihni-boca. Ã ni t̄hoturiro pinihta ch̄u sihnino ñ̄no yoaro nina. Ã jina tiro to ñ̄no yoaerahto sehe Jesure to wac̄u tua duhuerah̄to sehe wahiquina dihire, vino c̄uh̄ure m̄usa sehe m̄usa duhuch̄u noa nina. ²² “Jipihitiare ch̄u masija”, ni t̄hotuna, tíre Cohamac̄u dihtare yahuga. Ñaare yoeariro, “Noano yoai nica ȳh̄u”, ni t̄hoturiro wahcheriro jira. ²³ Pairo sehe “Ahri ch̄uare ch̄uc̄u ñ̄no yoai niboca ȳh̄u”, ni t̄hoturiro jiparota tí ch̄uare ch̄uro, buhiri tiriro jira tiro. “Ahr̄ire ch̄uc̄u potoc̄ata noare yoai nija”, ni t̄hotuerara tiro. Ã ni

tuhotueraro tíre churo, to churi buhiri buhiri tira tiro. “Noaare yoai nija”, ni tuhotueraro tíre yoaro, buhiri tira tiro.

15

Mari cahai jiinare noano yoajihna

¹ Mari Cohamacure noano wacū tuaina sehe wacū tuaera cureinare yoadohojihna. ã yoana mari ya cjihti dihtare yoaena tjijihna. ² ã jina mari cahai jiinare Jesu yainare noano yoajihna ti noano jinocahto cjihtore, Cohamacure ti noano wacū tua namohto cjihtore. ³ Cristo sehe to ya dihtare yoaeraha. ãta nina Cohamacu yare ti joari pūi. Õ sehe ni joaa tiha: “Cristo õ sehe nire Cohamacure: ‘Muhu sehere ñano durucuborina yuhu sehere ñano durucure’, nire Cristo Cohamacure”, ni joaa tiha panopure. ã ñano ti durucuriro jiro Cristo to Pucuro ya sehere yoaro niha. ⁴ Panopu Cohamacu yare ti joari pūi tina joaa tiha mari noano buhehto cjihtore. ã jina tí pūre buhena wahcheja. ã buhena mari ñano yuhduna cāno pjana, noano mari yuhdhtore cohtanahca. ⁵ Cohamacu musare tuachu yoariro wahchechu yoariro musare jipihtinare cāno potori noano jichu yoajaro, Cristo to cahmano seheta. ⁶ ãta yoajaro tiro musa jipihtina cāno potori Cohamacure mari puhtoro Jesucristo Pucurore “Noariro, tuariro jira”, ni musa ño payohto cjihtore.

Judio masa jierainare noaa buheare yahu ducaha

⁷ Cristo marine to yoariro seheta musa mehne macainare noano cahma piti bocaga. Musa ã yoachu ñna “Potocāta Cohamacu noariro jira”, ni ñnahca masa sehe. ⁸ Musare ahrire niita nija: Judio masare yoadohohtiro cjihto taha Cristo. Cohamacu tirore warocaró judio masa sã ñuchusuma cjiripure to ni yahuriro cjiro seheta yoaro niha. Tíre to yoari cjirire masare masichu yoahitiro cjihto taha Cristo. ⁹ Masare

Cristo to yoadohochu Cohamacu pja ñano nire tinare. To ã pja ñuchu judio masa jieraina cāhu Cohamacure “Noariro, tuariro jira” ni, ño payora mipure. Tina cūhure to yaina jichu yoaro taha Cristo. Cohamacu yare ti joari pūi ãta ni joaa tiha:

“Cristo õ sehe niha Cohamacure: ‘Judio masa jieraina cahai muhure “Cohamacu noariro, tuariro jira”, ni ño payoihtja.

ã jichu tina cahai basacu mu ya cjihtire basaihtja’, niha Cristo Cohamacure”,

ni joaa tiha panopure. ¹⁰ Tuhsu, õ sehe ni joaa tiha tjoa:

“Cohamacu to beserina judio masa mehne cahma wahchega musa cāhu judio masa jieraina”,

ni joaa tiha panopure. ¹¹ Tuhsu, õ sehe ni joaa tiha tjoa:

“Judio masa jieraina jipihtina Cohamacure ño payojaro.

ã jia jipihtiro macaina tirore ‘Noariro, tuariro jira’, ni ño payojaro”,

ni joaa tiha. ¹² ã yoa Isaia cjiro cāhu õ sehe ni joaa tiha:

“Jesé panamino ji turiariro tarohca.

ã taro judio masa jieraina bui puhtoro jirohca tiro.

ã jia tina sehe tirore wacū tuaa, tinare pichacapu waha-borinare to yuhdohtore masi-ahca tina”,

ni joaa tiha panopure.

¹³ Cohamacu marine baharopu to yuhdohtore wacū cohtachu yoariro noano musare wahchechu yoajaro. Tuhsu, musare Jesure wacū tuainare noano jinocachu yoajaro tiro. Musare to ã yoachu musare to yuhdohtore Espiritu Santo to tuaa mehne wahchea mehne wacū cohta namochu yoajaro.

¹⁴ Ahrire musare yu yahuhtire noano masija. Musa sehe noaina jira. Tuhsu, Jesu yare noano masina musa. ã masina musa basi noano cahma yahu, buhe masina musa.

¹⁵ Musu ã masiina musa jipachuta cāa tahari ahri pūpūre musare cuiro

marieno noano yahu pahño joahi tíre m̄sa boerahto sehe. Cohamac̄u ȳh̄ure cahño m̄sare buhe dutiro cūre ȳh̄ure. Ā jic̄u to cūriro seheta yoaja, m̄sa tíre boerahto sehe. ¹⁶ Ȳh̄ure to ā cūch̄u, sacerdote to yoaro sehe yoaja ȳh̄u. Ā yoac̄u, Jesucristo yare noaa buheare judio masa jierainare buheja ȳh̄u. Ȳu ā buhech̄u t̄h̄oa, tina Jesure wacū tuara. Tina Jesure wacū tuainare ȳh̄u sehe sacerdote wahiquinare wajā j̄h̄ m̄ho Cohamac̄ure ȳu waboriro seheta, tinare “M̄u yaina jira”, nija Cohamac̄ure. Ȳu ā niinare Esp̄ritu Santo sehe tinare Cohamac̄u yaina cjihti jich̄u yoara. Ti ā jiina jich̄u ñ̄no, Cohamac̄u sehe ji coaro mehne tinare ñahanohca.

¹⁷ Cohamac̄u to buhe duti cūriro jic̄u Jesucristo to yoadohoa mehne ȳu yoari cjiire wahchea mehne yahuja m̄sare. ¹⁸⁻¹⁹ Tuhs̄u, ahri pinihtare m̄sare pototi yahu duahi. Ȳu yahua ȳu m̄u s̄ro ȳu yahua ne jierara. Paina judio masa jierainare Cristo to yoadohoa mehne tinare ȳu buhech̄u t̄h̄oa, ȳu yoarire ñ̄u, ā jia Jesu tuaa mehne ȳu yoa ñ̄ore ñ̄u, Esp̄ritu Santo to tuaa mehne tina Cristore wacū tuare. Jerusal̄p̄u wahma ȳu buhe d̄car̄i baharo jipihtia macariper̄u buhe wahc̄ahi. P̄u Ilirico yahp̄u c̄h̄ure Cristo ya buhea noaa buheare buhei s̄u.

²⁰ Cristo yare masieraina dihtare noaa buheare tuaro buhe duahi, ȳh̄u mehne macaina ti buheri-
nap̄ure buhe duaerac̄u. ²¹ Āta ni joaa tiha Cohamac̄u yare ti joari p̄i:
“Panop̄u tirore ne t̄hoeraina cjiri
tirore masiahca.

Ā yoa tirore ne t̄hoeraina cjiri to
yare noano t̄hoahca”,
ni joaa tiha Cohamac̄u yare ti joari
p̄i.

Paulo Romap̄u to wahahtore yahuha

²² Ā jic̄u jipihtiro macainare buheriro jic̄u paȳu tahari m̄sa cahai waha duapaihta waha masiera

tihi. ²³ Mip̄u pinihtare ahri yah-
parip̄ure ȳu dahraa pihtia wahahre. Ā jic̄u paȳu cahmari m̄sa cahap̄u waha duariro jic̄u m̄sa cahap̄u wahaihtja. ²⁴ Espāñap̄u wahac̄u,

m̄sare t̄oi ñ̄u ȳhd̄uaitja. Ā yoac̄u m̄sa mehne wahcheihtja. Tuhs̄u, m̄sa mehne mahanoc̄a ȳu jiri baharo ȳh̄ure m̄sa yoadohoa mehne Espāñap̄u ȳhd̄u wahc̄aihtja.

²⁵ Mip̄ure Jerusal̄p̄u wahasinii tai nija. T̄o macainare Jesu yainare ȳu coyeare niñerure naasinii wahai nija. ²⁶ Macedonia yahpa macaina,

Acaya yahpa macaina c̄h̄u noano mehne Jesu yainare Jerusal̄p̄u j̄in-
inare p̄jac̄oinare niñerure waroc-
ahre tinare yoadohoa. Ā jic̄u tinare tíre wai wahai nija. ²⁷ Tí niñerure waa, noano mehne wahre tina. Ti ā yoach̄u noa nina, ȳu t̄hotuch̄u.

Tinare judio masa jierainare judio masa sehe Cohamac̄u yare buhe m̄htare. Ā jia tinare to ȳhd̄ohto c̄h̄ure buhe m̄htare judio masa. Ti ā buhech̄u ñ̄uc̄u Macedonia macaina Acaya macaina mehne judio masare ti yoadohoch̄u noa nina ȳh̄ure. Tinare ti buheri wapa yoaro sehe jira tí, ȳu t̄hotuch̄u. ²⁸ Ā jic̄u Jerusal̄ macainare tí niñerure wa tuhs̄uc̄u Espāñap̄u wahaihtja. T̄op̄u wahac̄u m̄sare ñ̄u ȳhd̄uaitja. ²⁹ Ā yoa m̄sa cahap̄u ȳu wahach̄u Cristo yare m̄sare ȳu buhech̄u tiro m̄sare noano yajeripohna tich̄u yoarohca.

³⁰ Ȳu coyea, mari p̄htoro Jesucristore wacū tuara m̄sa. Ā yoa Esp̄ritu Santo to tuaa mehne painare cahña m̄sa. Ā jiina jina ȳh̄u c̄h̄ure tuaro sini payoga Cohamac̄ure. ³¹ Ō sehe ni sini payoga: Judea yahpa macaina Jesure ñ̄o payoeraina ȳh̄ure ti ñ̄ano yoa duach̄u Cohamac̄u ȳh̄ure to ñ̄u wihbohto sehe sini payoga. Tuhs̄u, Jerusal̄ macaina Jesu yainare niñerure ȳu wabasach̄u tina tíre wahchea mehne ti ñahahto sehe sini payoga. ³² M̄sa ā sinich̄u Cohamac̄u cahmach̄u wahchea mehne m̄sa cahap̄u wahaihtja. Ā jic̄u m̄sa

mehne jic_u wahchea mehne soitja. ³³ Cohamac_u marine noano jinocach_u yoariro m_usa mehne jirucujaro.

16

Paulo noa dutiha

¹ Mari coyeacoro Febe wama tircoro m_usa cahap_u waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. ² ã jiro payure yoadohoricoro y_uh_u c_uh_ure yoadohoricoro jihre ticoro. Tuhs_u, mari p_uhtoro Jesu yacoro jira. ã jina ticorore noano mehne m_usa mehne ji dutiga. Tó seheta yoaro cahmana marine Jesu yainare. ã yoana ticorore paye baro to maerach_u ñ_una ticorore waga m_usa.

³ Aquila, to namono Priscila c_uh_u noajaro. Jesucristo yare y_u buhech_u tina c_uh_u y_uh_u mehne dahrare. ⁴ Tinare mahano wajãmoñore paina y_uh_ure ti wajã duach_u ti yoadohori buhiri. ã jic_u tina mehne wahcheja y_uh_u. Tuhs_u, judio masa jieraina Jesu yaina jipihtina tina c_uh_u tina mehne wahchera. ⁵ Aquila ya w_uh_ui cahmachuina c_uh_u Jesu yaina noajaro. Y_u cah_uriro Epeneto c_uh_u noajaro. Tiro Asia yahpa macariro tói jiro Cristore wac_u tua m_uhtariro jire. ⁶ María c_uh_u noajaro. Ticoro m_usa mehne tuaro dahrahe. ⁷ Y_u coyea Andrónico, Junia c_uh_u noajaro. Peresui y_u jich_u tinata y_uh_ure piti tiina jihre. ã jia y_u pano Cristore wac_u tua m_uhtare tina sehe. Paina Jesu to c_urina sehe tinare “Potocãta noaina jira”, ni durucura.

⁸ Ampliato c_uh_u y_u cah_uriro Jesu yairo jira. Tiro noajaro. ⁹ Urbano c_uh_u noajaro. Tiro c_uh_u mari mehne Cristo yare dahrahe. ã yoa y_u cah_uriro Estaqui noajaro. ¹⁰ Apele c_uh_u noajaro. Tiro potocãta noano Jesure wac_u tuara. To yoarire ñ_una tíre masija mari. Tuhs_u, Aristóbulo ya w_uh_u macaina jipihtina to namono to pohna c_uh_u noajaro. ¹¹ Y_u coyeiro

Herodiõ noajaro. ã yoa Narciso ya w_uh_u macaina Jesu yaina noa pihtinocajaro. ¹² ã yoa Trifena, Trifosa c_uh_u noajaro. Tí numia mari p_uhtoro Jesu ya dahraare yoara. Mari cah_uricoro Pérside c_uh_u noajaro. Ticoro mari p_uhtoro yare tuaro yoara. ¹³ Rufo mari p_uhtoro Jesure noano wac_u tuariro, to yare noano yoariro noajaro. To pocoro c_uh_u noajaro. Ticoro y_u poco yoaro sehe jiricoro jira. ¹⁴ Asíncrito, Flegonte, Herme, Patroba, Herma, paina Jesu yaina tina mehne macaina c_uh_u noajaro. ¹⁵ Tuhs_u, Filólogo, Julia, Nereo, to bahoro c_uh_u, Olimpa, paina tina mehne macaina c_uh_u Jesu yaina noajaro.

¹⁶ ã yoa m_usa mehne macainare piti bocana, noano mehne piti bocaga. Jipihtina Jesu yaina jipihtiro macaina m_usare noa dutira.

¹⁷ Y_u coyea, m_usa mehne macaina c_uina m_usare cahma ñ_u tuhti, cahma tju wach_u yoaina jira. ã jia m_usare Jesu ya buheare dojomehnena. ã jina tó sehe yoainare ñ_una noano yoanohb_u, “Dojomehneri”, nina. ã yoainare piti tiena tjiga. ¹⁸ Tó sehe yoaina mari p_uhtoro Jesucristo yare yoerara. Ñaare ti goa pjaa dihtare yoara. Tuhs_u, noano t_uho ji coaro dero mahño buhera noano masierainare. Tí ã mahñoch_u tinare noano t_uhora. ã jina ã yoainare piti tiena tjiga m_usa. ¹⁹ M_usa sehe Jesure noano y_uhtiina jira. Tíre jipihtina masina. ã noano y_uhtiina m_usa jich_u wahcheja y_uh_u. ã jic_u noano m_usa yoahtore m_usa masich_u cahmaja y_uh_u. ã yoa ne ñaare yoeraina m_usa jich_u c_uh_ure cahmaja y_uh_u. ²⁰ ã jiro Cohamac_u marine noano jinocach_u yoariro mahanocã baharo watño Satanare y_uhd_uncach_u yoarohca m_usare. ã yoa mari p_uhtoro Jesucristo m_usare noano wahach_u yoajaro.

²¹ Timoteo y_u piti m_usare noa dutira. Y_u coyea judio masa c_uh_u, Lucio, Jasõ, Sosípatro m_usare noa dutira.

22 Yuhũ Tercio ahri pũre Paulore joabasariro jija. Yuhũ Jesu yairo jicu mũsare Jesu yainare noa dutija.

23 Gayo ya wuhũi jinocai nija yuhũ Paulo. To ya wuhũi Jesu yaina cah-machuna. Tiro cũhũ mũsare noa dutira. A yoa Erasto ahri maca macaina pũhtoare niñerure ñũ wihbobasariro mũsare noa dutira. Mari coyeiro Jesu yairo Cuarto cũhũ mũsare noa dutira.

24 [Yũ coyea mari pũhtoro Jesucristo mũsare jipihtinare to cahĩa mehne noano yoajaro. Āta yoajaro.]

Paulo Cohamacũre ño payoro joa batoara

25-27 Mari pũhtoro Jesucristo ya buhea mehne noaa buhea mehne Cohamacũ mũsare tirore wacũ tua namochũ yoa masina. Panopũre tí buhea noaa buhea ne masare yahuerari buhea jimaha. Mipũre Cohamacũ yare yahu mũhtaina cjiri ti joari cjiri mehne tí buheare yahua jira. Yuhũ cũhũ tíreta buheja. Tí buheare Cohamacũ ã jirucuriro to yahu site dutiro seheta jipihtiro macainapũ mipũre masina. Tí buheare tirota yahu dutiha masa tirore yũhti, ti wacũ tuahto cjihto sehe. Ā jina tirore “Potocãta noariro, tuariro jira mũhũ”, ni wahche payojihna. Tiro cũirota Cohamacũ dihta noano masi pahñoriro jira. Jesucristo to yoadohoa mehne Cohamacũre ã ño payorucujihna mari. Āta yoarucujihna.

1 Corintios

Paulo Cohamacu yainare Corinto macainare joarocaha

1-2 Yuhu Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjihtore beseri jire yuhure tiro. Sostene wama tiro mehne musare Cohamacu yainare Corinto macainare joarocaja sã. Ahriro cūhu mari coyeiro Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. ã yoa jipihtina paina mari puhtoro Jesucristore siniina jia, tina cūhu Cohamacu yainata jira. Ti ã jichu Jesucristo sehe mari jipihtina puhtoro jira. ã jina musare jipihtinare joarocaja sã. 3 ã yoa Cohamacu mari Pucu mehne, mari puhtoro Jesucristo mehne musare noa dutija. Cohamacu to yoadohoa mehne noano jiga musa.

Jesucristo sehe musare noano yoabasaha Cohamacure

4 Jesucristo yaina musa jiri baharo tiro sehe musare noano yoabasari jire Cohamacure. To ã yoabasachu ñucu, Cohamacure “Noana”, nirucuja yuhu dachoripe. 5 Cristo yaina musa jichu ñno Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. ã jiro tiro to yare noano masichu yoari jire musare. 6 Cristo yare musare sã buheriro seheta ã yoari jire musare, Cristo yaina musa wahachu. 7 ã yoa Cohamacu musare noano yoadoho pahñocanohca. Mari puhtoro Jesucristo ahri yahpau to tjua tahtore musa cohtaro watoi Cohamacu musare ã yoadohorucurohca. 8 Cohamacu musare yoadohorohca to yare musa ne duhuerahito sehe. To ã yoachu musa sehe dachoripe, ahri dacho pihichuru cūhure ñaa buhiri marieina jirucunahca, Cohamacu to ñucu.

ã jina Jesucristo mari puhtoro to tjua tachupure ñaa buhiri marieina jinahca musa. 9 Tíre Cohamacu to niriro seheta tiro yoara. Tiro to macano mari puhtoro Jesucristo yaina cjihtire marine beseri jire. To ã beserinare Jesu yaina jichu yoare marine.

Jesu yaina Corinto macaina cahmachua cahma sayoha ti basi

10 Yu coyea, mari puhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. ã yoa musa basi cahma tju wa dapu jiena tjiga. Cū curuaihta jiga musa. ã jina jiape ni durucuena tjiga musa basi. ã yoana musa yoahito cjihtore tuhotuna, cāno potoriga yoaga musa. 11 Yu coyea, musa basi cahma sayona niyuhca musa. ã ni yahure cāina Cloé ya wuhu macaina yuhure.

12 Cāina musa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca cāina musa. ã yoa paina “Apolo ya curua macaina jija sã”, niyuhca tina cūhu. Paina sehe tjoa “Pedro ya curua macaina jija sã”, niyuhca tina cūhu. Paina sehe tjoa “Cristo ya curua macaina jija sã”, niyuhca tina cūhu. 13 Musa ã nipachuta Cristo yaina cū curuaihta jija mari. Mari basi cahma tju wa dapu masieraja mari. Cū curuaihta jija mari. Yuhu Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. ã jicu wiho jiriro jija. ã yoa musare pairo bautisaro, Cristo yaina musa jichu musare bautisari jire. Yu yaina musa jichu sehere musare bautisaerari jire. (ã jina yuhu sehere ñu wahāena tjiga musa.)

14 Musare, musa mehne macaina cūhure bautisaerahi yuhu. Crispore, Gayo cūhure tina dihtare bautisahi. Paina sehere bautisaerariro yu jichu noana, yu tuhotuchu. 15 Payu masare bautisariro yu jichu “Paul yaina sã jichu bautisare sãre”, ni ñu wahāboa

musa yuhure. Æ jicu tíre musa yoachu cahmaeraja. ¹⁶ Estéfana ya wuhu macaina cãhure bautisahi yuhu. Tópeinata bautisahi yuhu. Yuh bautisarinare painare wacũeraja yuhu. ¹⁷ Cristo yuhure warocaró, masare bautisahitirore cũerare yuhure tiro. Noaa buheare buhehtiro sehere yuhure cũre. Cristo crusapuh to yariarire mari buhechuh tí buhea marine noaina wahachuh yoara. To Æ yoapachuta noaa buheare yuh mhu sũro yuh buhechuh yuhuh sehere ñuh wahãboa musa. Musa Æ ñuh wahãna noaa buhea sehere ño payoeraboa musa. Tuhsuh noaina wahaeraboa. Æ jicu Jesu ya buheare buhesuh yuh mhu sũro yuh masia mehne buheraja yuhuh.

Cohamacuh to tuaa cãhure to masia cãhure cjũariro jira Cristo

¹⁸ Pichacapuh butihtina sehe Cristo crusapuh to yariarire mari yahuri buheare “Tũho masieraina ya buhea jira tí”, nimana butihtina sehe. Mari sehe Cristo to yũhdũchuh yoahntina cjihti jina õ sehe nija: “Crusapuh to yariarire mari yahuri buhea tí waro jia nina. Tí buhea Cohamacuh to tuaare yahura marine”, nija mari. ¹⁹ Cohamacuh sehe to yare ti joari pũi õ sehe nina: “Ahri yahpa macainare ‘Noano masiina jira’, ti niinare ti masia yaba cjihti jierachuh yoaihca yuhuh”, nia tiha Cohamacuh to yare ti joari pũi.

²⁰ Æ jia ahri yahpa macaina noano masiina ti masia yaba cjihti jierara. Sã coyea judio masare buheina cãhuh ti masia yaba cjihti jierara. Mipure ahri yahpa macaare durucu sayo mihniina cãhuh ti masia yaba cjihti jierara. Ahri yahpa macaina noano masiina ti jipachuta quihõno masieraina ti jirire masichuh yoare Cohamacuh. ²¹ Cohamacuh pinihta noano masiro jira. To Æ jichuh ahri yahpa macaina ti ya masia mehne Cohamacuh ne masierara tina. Cohamacuh to masi dutieraro seheta Æ wahare tinare. Cohamacuh cahmaeraina sehe õ sehe nina noaa

buhea warore: “Tũho masieraina ya buhea jira”, nimana. Æ jia noaa buheare “Tũho masieraa buhea”, ti nia buheare tũhoa Cristore masi dũcara masa. Tí Æ masi dũcachuh Cristore ti wacũ tuachuh ñũno tinare pichacapuh wahaborinare yũhdũchuh yoara Cohamacuh.

²² Judio masa Cohamacuh to tuaa mehne to yoa ñorire ñuh duaa nina. Æ yoa griego masa judio masa jieraina sehe noano ti masihti cjihtire macaa nina. ²³ Mari sehe Cristo crusapuh to yariarire yahuri buheare buheja mari. Tí buheare judio masa sehe ñuh yabira. Æ yoa tí buheare judio masa jieraina sehe “Tũho masieraina ya buhea jira”, ni tũhotura. ²⁴ Tí Æ ni tũhotupachuta Cohamacuh to yaina cjihti to beserina sehe tí buheare õ sehe nina. “Cristo ya buhea Cohamacuh to tuaare, to noano masiare masichuh yoara marine”, nina tina ahri buheare. Tina judio masa, judio masa jieraina jipahta, Æ nina Jesu yaina. ²⁵ Cohamacuh masi pahñoriro jira. “Tiro tũho masierariro jira”, masa ti ni tũhotupachuta ahri yahpa macaina yũhgoro noano masi pahñoriro jira tiro. Tuhsuh Cohamacuhre “Tuaerariro jira”, masa ti ni tũhotupachuta ti bui tua yũhdũchuh sũriro jira tiro.

²⁶ Yuh coyea, Cohamacuh musare to yaina yoachuh musa payuh wiho jiina musa jirire wacũga musa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacuh. Tuhsuh puhtoã cãhure mahainacã Jesu yaina cjihtire beseri jire tiro. Æ yoa puhtoã pohna cãhure pache puh pohna cãhure mahainacã Jesu yaina cjihtire beseri jire tiro. ²⁷ “Tũho masieraina jira”, ti niinare Cohamacuh beseri jire “Noano masiina jira”, ti niina ti buoro wahahto cjihto sehe. Tuhsuh “Yaba cjihti jierara”, ti niinare Cohamacuh beseri jire, “Wiho jiina jierara”, ti niina ti buoro wahahto cjihto sehe. ²⁸ Masa ti ñuh yabiinare “Yaba cjihti jierara”, nina masa. Tí Æ nirinare Cohamacuh

to yaina cjihtire beseri jire tinare. Æ besero “Pũtoa waro jira”, ti niinare wiho jiina ti jiare masichũ yoari jire Cohamacũ tinare. ²⁹ To ã yoachũ ñaa ahri yahpa macaina ne cãiro “Tuariro, noano masiro jija”, ne ni yũhdũrũca masierara, Cohamacũ to ñũchũ.

³⁰ Cohamacũ sehe marine Jesu yaina jichũ yoare. To yaina jina marine to yũhdũchũ yoari baharo jipihtia dachoripe Cohamacũ mehne jirucunahca mari. Jesucristo sehe Cohamacũ yare noano masichũ yoara marine. Tuhsũ mari ñaa buhirire cohãna. Æ yoaro mari ñaa yoari buhirire cosaro, marine “Noaina jira”, to ni ñũchũ yoara Cristo Cohamacũre. Æ yoaro marine pichacapũ wahaborinare yũhdũchũ yoara. ³¹ To ã yoachũ Cohamacũ yare ti joari pũi to ni joariro seheta ã wahara: “Yũ mũ sũro masi pahñoriro jija’, niriro tíre nieno tjijaro. Õ sehe nijaro: ‘Mari pũtoro Cristo sehe marine yũhdũchũ yoariro jira’, nijaro tiro”, nina Cohamacũ yare ti joari pũi.

2

Cristo crusapũ to yariarire sã yahuri buhea jira ahri

¹ Yũ coyea, mũsa cahapũ sũcũ “Noano masi pahñoja”, mũsare ni buherahi. Cohamacũ yare mũsare buhecũ, tó sehe ni buhecũ nierahi. ² “Õ sehe ni buheihtja”, nicũ mũsa mehne jicũ Jesucristo ya dihtare crusapũ to yariari dihtare wacũcũ, tí buheare buhei yũhũ. ³ Tuhsũ, mũsa mehne jicũ wiho jiriro yoaro sehe jii yũhũ. Æ jicũ Cohamacũ yare quihõno buhe duariro jicũ cuiriro teterreriro yoaro sehe jii yũhũ. ⁴ Æ jicũ Cohamacũ yare buhecũ, “Masi pahñoja”, ni buherahi. Mijoa durucua mehne yũ mũ sũro buherahi. To yare yũ buhechũ Espiritu Santo to tuaa mehne yũ buhechũ ñare mũsa. ⁵ Õ seheta ni buhei yũhũ mũsare masa ti mũ sũro ti buhea sehere mũsa cahmaerahto sehe. Cohamacũ

sehere mũsa wacũ tuahtore ã ni buhei yũhũ.

Espiritu Santo sehe Cohamacũ to jia tiare buhera marine

⁶ Æ jina Cohamacũ ya buheare mũsare Jesure noano masiinare yahuja sã. Masa ti mũ sũro ti buhea yoaro sehe jierara ahri mũsare sã buhea. Ti pũtoa ya buhea cãhũ jierara. Tina sehe pihtia wahaahca. ⁷ Paina ti masierari cjiire Cohamacũ ya durucua cjiire yahuja sã sehe. Panopũre ahri buheare Cohamacũ yaina cjiri noano masi pahñorari jire. Ahri yahpa to jihto pano ahri buhea ti niriro seheta “Æta wahajaro”, ni tuhsũa tiri jire Cohamacũ. Marine pichacapũ wahaborinare to yũhdũchũ yoahto cjihtore, tiro mehne mari jirucuhto cjihtore, tiro yoaro seheta mari wahahto cjihto cãhũre. “Æta wahajaro”, nia tiri jire tiro. ⁸ To ã nichũ Cohamacũre cahmaeraina pũtoa ne to buheare tũho duaeraa, masierari jire. Tíre noano masia, mari pũtorore Cohamacũ macũno warore crusapũ cã puha wajãeraboa tina. ⁹ Cohamacũ yare ti joari tjui ã sehe nina:

“Jipihtina Cohamacũre cahĩina ya cjihtire Cohamacũ noano cahnobasa tuhsũha.

Noa yũhdũara tí to cahnobasari.

Tí to cahnobasarire mari ne ñũerana, tũhoerahi.

Æ jina ‘Õ sehe yoarohca Cohamacũ’ ni, dohse masiyu pahñohto basioerara marine”,

nina Cohamacũ yare ti joari pũi. ¹⁰ To ã nipachũta Espiritu Santo Cohamacũ yare masichũ yoare marine. Jipihtia Cohamacũ yare Espiritu Santo masi pahñona. Æ masino tiro marine tíre masichũ yoara.

¹¹ Ne paina sehe masũno to masiare masierara. Wiho mejeta masũno sehe to basi to wacũapũ to tũhotuare masina. Tó seheta paina Cohamacũ to masiare ne masierara. Cohamacũ to Espiritu Santo dihta to masiare masina, masũno to basi to tũhotuare to masino seheta. ¹² Æ yo

mari sehe Jesu yaina jina masa ti m̄suro ti buheare c̄juaeraja. Cohamac̄u to Esp̄iritu ware marine masich̄u yoaro taro. Tiro marine to noano yoahore masich̄u yoara Esp̄iritu Santo sehe. ¹³ Cohamac̄u yare m̄sare buhena, masa ya masia mehne s̄a m̄suro buheraja s̄a. Esp̄iritu Santo to buhea sehere m̄sare buheja. ã buhena Esp̄iritu Santore c̄juainare Cohamac̄u yare noano buheja s̄a.

¹⁴ Esp̄iritu Santore c̄juaeraina sehe Esp̄iritu Santo yare ne cahmaerara. “To ya wiho warota jira”, nimana tina. Esp̄iritu Santo to yoadohoro marieno ne to yare masihto basioerara masare. ã jia tina to yare ne masierara. ¹⁵ Esp̄iritu Santore c̄juaina sehe Cohamac̄u yare noano masina. ã jia jipihtiare noano bese masina. Paina sehe tinare “Noaina jira. Naina jira”, ni bese masierara Esp̄iritu Santore c̄juainare. ¹⁶ Õ sehe nina Cohamac̄u yare ti joari p̄i: “Mari p̄horo Cristo to t̄hotuare masiina ne mariahna. ã yoa tirore masa ne ‘Õ sehe yoaga’, ni masierara”, nina to yare ti joari p̄i. Mari sehe Cristo yaina jina, Cristo yoaro seheta masija mari.

3

Jesu yaina c̄no p̄ori Cohamac̄u dahra cohtaina jira

¹⁻² Ȳu coyea, m̄sare buhec̄u Esp̄iritu Santore noano ȳhtiinare ȳ buheriro seheta buhe masierahi m̄sa sehere. Cristo yaina jipanahta, wih̄ainac̄a ti wahiquiro dihirore ti ch̄u masierariro seheta Cohamac̄u yare noano masierare m̄sa. Mip̄u c̄h̄ure noano masierasiniyuhca m̄sa. ã jina wih̄ainac̄a p̄chore ti p̄no seheta mijoera curea buhea dihtare t̄hoyuhca m̄sa. ã jic̄u t̄o sehe jia buhea dihtare buhei m̄sare. Cristo yaina jipanahta wih̄ainac̄a ti ch̄u masierariro seheta Cristo yare noano masierayuhca m̄sa. ³ M̄sa sehe m̄sa mehne macainare ti noano wahach̄u ñ̄na ñ̄ tuhtina,

cahmachena, m̄sa basi c̄a curuari t̄ju war̄c̄u s̄na, Esp̄iritu Santore c̄juaeraina yoaro sehe yoana niyuhca m̄sa. ã yoana ahri yahpa macaina Cristore cahmaeraina yoaro sehe yoayuhca m̄sa. ⁴ Õ sehe niyuhca m̄sa: “Paulo mehne macaina jija s̄a”, niyuhca c̄ina m̄sa. ã jia paina m̄sa mehne macaina sehe “Apolo mehne macaina jija s̄a”, niyuhca. M̄sa ã ni durucuna Esp̄iritu Santore c̄juaeraina yoaro sehe ni durucuna nica m̄sa.

⁵ ¿Ȳh̄u Paulo, Apolo mehne dohse yoahina c̄ihti j̄jari s̄a, m̄sa t̄hotuch̄u? Õ sehe yoahina jina nija s̄a: Cohamac̄u to dutiriro seheta tirore dahra cohtaina wiho j̄ina jija s̄a. ã jina m̄sare s̄a buhech̄u t̄hona Jesucristore wac̄u tua d̄care m̄sa. ⁶ Noaa buheare buheina wesep̄u dahraina yoaro sehe jira mari piti dahre buhech̄u. Wese p̄ro to toa m̄htariro seheta ȳh̄u c̄h̄u m̄sare buhe m̄htahi. Tuhs̄u, paio wesere to cure n̄n̄u tiriro seheta Apolo sehe ȳ baharo m̄sare buhe namo n̄n̄u tire. S̄a ã buhepach̄uta wese macaa toaare b̄c̄ua namoch̄u to yoariro seheta Cohamac̄u sehe m̄sare to yare masi namoch̄u yoahre. ⁷ ã jic̄u ȳh̄u buhe m̄htariro jipaihta wiho jiriro jija. ã jiro Apolo ȳ baharo buhe n̄n̄u tiriro c̄h̄u wiho jirirota jira. Cohamac̄u pinihta toaare to b̄c̄ua namoch̄u yoariro seheta to yainare tirore masi namoch̄u yoara. ã jiro Cohamac̄u sehe wiho jiriro jierara. ⁸ Toa m̄htariro, baharo cure n̄n̄u tiriro c̄no p̄ori dahra cohtaina wiho j̄inata jimana tina. ã jia ti dahrariro purota wapataratina. T̄o seheta jija s̄a, Apolo mehne. ⁹ ã jina s̄a Cohamac̄u yare dahra cohtaina jija. ã yoa Apolo ȳ piti jira. S̄a ã jich̄u m̄sa sehe Cohamac̄u ya wese yoaro seheta jira. M̄sa ã jich̄u Cohamac̄u wese macaa toaare to b̄c̄ua namoch̄u yoariro seheta m̄sare to yare masi namoch̄u yoarohca tiro.

Ã yoa Cohamacu musare to yainare noari curua yoaro nina. Ã jina tãa mehne ti yoari wuhu yoaro sehe jira musa to ya curua macaina mari piti dahre buhechu. ¹⁰ Musa ã jichu Cohamacu yuhure to dutiriro seheta yuhu sehe wuhu dahre mihiriro tãare to cū mūhtariro seheta Jesu-cristo yare musare buhe mūhtai. Ã jiro tí tãa bui paio to yoa namo mūjariro seheta paio yu baharo buhe namo nūnu tiro nina. Ã buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. ¹¹ Wuhure ti dahre dūca ti cū mūhtari tãa yoaro sehe Cristo jira. Ã jina tí tãare sã noano cū mūhtariro seheta Cristo yare buhe tuhsu. Pairo ya buhea sehere mari buhechu tó wahaerara. ¹²⁻¹⁵ Uru mehne, plata mehne, wapa bujua tãa mehne mari yoari wuhure mari jū ñuchu jūerara. Tó seheta Jesucristo yare mari noano yoari baharo pihtiri dacho jichu Cohamacu mari yoarire to jū ñano seheta yoarohca mari yoarire masino taro. Tó sehe to yoachū noari wuhu to jūerariro seheta mari yoarire ti noaa jichu masinohca. Ã yoaro mari noano yoarina mari jichu masichu yoarohca tiro. Noaare mari yoari wapa noano yoarohca marine. Yucuri mehne, tja mehne, ñaia pūri mehne mari yoari wuhure mari jū ñuchu jūa waharohca. Tó seheta Jesucristo yare mari noano yoareri baharo pihtiri dacho jichu, Cohamacu mari yoarire jū ñano sehe yoarohca mari yoarire masino taro. Tó sehe to yoachū ñari wuhu to jūa wahariro seheta mari yoarire ñaa ti jichu tiro masinohca. Ã yoaro mari noano yoaraina mari jichu marine masichu yoarohca tiro. Noano yoaraina mari jichu ñano noaare mari yoamari wapare noano yoasi. Tó sehe jūinare Cohamacu yuhdūchu yoarohca. To ã yuhdūchu yoapachūta tó sehe noano yoaraina mahānocā cohōbo cure yuhdūhca.

¹⁶ Musa sehe Jesu yaina Cohamacu ya wuhu yoaro sehe jira. Musa ã jichu ñano tí wuhu to jiboro seheta Espiritu Santo sehe musa mehne jira. ¿Tíre masierajari musa? ¹⁷ Cohamacu ya wuhu ñaa marieni wuhu jira. Ã jina musa cūhu tí wuhu yoaro sehe jina to yaina warota jira. Ã jiro to yainare cūiro to dojomehnechu Cohamacu pichacapū cohānohca tiro sehere.

¹⁸ Mahñoare tūhotuena tjiga musa. “Mipū macaina ya masiare noano masija”, ni tūhoturiro musa mehne macariro jiro Jesu ya sehere noano masijaro. To ã masichu ñaa paina tirore “Tūho masierariro jira”, ni-ahca. Ã jiro Jesu yare masino, potocāta noano masiriro waharohca. ¹⁹ Masa ti mū sūro ti basi ti masiare “Wiho warota jira”, ni tūhotura Cohamacu. Āta nina Cohamacu yare ti joari pūi: “Ti mū sūro masiina ti masia yaba cjihti jierara Cohamacu to ñuchū. Ã jiro ti yoa duaare dūcatara tinare”, nina Cohamacu yare ti joari pūi. ²⁰ Ã yoa pa pūpū ō sehe nina: “Masa ti mū sūro masi pahñoina ti tūhotua yaba cjihti ti jierachū masina mari pūhtoro Cohamacu sehe”, nina Cohamacu yare ti joari pūi. ²¹⁻²² Ā jina “Sã mū sūro yoahi”, ni masieraja mari masa jina. Ã jina yuhū Paulo, Apolo, Pedro mehne sã jipihtina Cohamacu musare to yoadoho dutiina jina, musare dahra cohtaina jija sã. Jipihtia musa ya jira. Cohamacu to bajuamehnerire, catia cūhure ware musare. Tuhsu, pichacapū wahaerachū yoarohca musare. Mipū jiare baharopū jihti cūhure musare warohca. Ā jia jipihtia musa ya jira. ²³ Ā yoa musa sehe Cristo yaina jira. Cristo sehe Cohamacu yairo jira.

4

Cristo to yare buhe duti to cūrina ti dahraare yahuha Paulo

¹ Ō sehe ni tūhotuga musa yuhure Apolo cūhure: “Tina sehe Cristore dahra cohtaina jira. Ā jia masa

ti masierari cjiire Cohamacu yare buheina jira”, ni tūhotuga mūsa sāre. ² Dahra cohtaina ti pūhtoro to dutiro seheta yoa cohtara. ³ Wiho mejeta yūhure mūsa yahuwajapachuta ā tūhotunocaja yūhū. Paina pūhtoa yūhure ti yahuwajachu cūhure ā tūhotunocaja yūhū. Yū yoaare űna “Ahri noaa jira. Ahri űaa jira”, ni masierara mūsa. Yūhū cūhū masūnota jija. Ā jicu yū yoaare noano masi pahűoeraja yūhū cūhū. ⁴ “Cristo yare yū yūhdurucari yūhure mari-ahna”, ni tūhotumaja yūhū. Yū ō sehe ni tūhotupachuta buhiri tia jisiboca yūhure. Mari pūhtoro Cristo dihta yū yoaare űno, noano masina. ⁵ Ā jina mari pūhtoro to tjua tahto pano masare űano ni yahuwajaena tjiga mūsa. Tiro tjua taro masa ti yoarire, panopū paina ti masierari cjiire Cristo masichū yoarohca. Ā jiro mari yoa duarire, mari tūhotuare tiro masichū yoarohca. Ā yoaro to yare yoainare Cohamacu “Noano yoare mūsa”, ninohca.

⁶ Yū coyea, yūhū Apolo mehne sā buheri cjiire yahuhū yūhū mū sare buhecū tacū, sāre mūsa űū cūhto sehe. Ā yahuhū yūhū Cohamacu to yare ti joari pūi to niriro seheta quihōno mūsa yoarucuhto sehe. Ā yoana mūsa mehne macainare cūno potori űo payoga. Cūiroreta űo payoena tjiga. ⁷ Mūsa sehe paina yūhdoro noaina jierara. Masi yūhdurucaina jierara mūsa. Cohamacu mū sare to wari cjiri dihtare cjuara mūsa. Ā cjuana mū sare to yahuri cjiri dihtare masina mūsa. Ķmūsa mū sūro cjuaina, mūsa mū sūro masiina jierapanahta, dohse yoana “Masi pahűoina jija”, nijari mūsa? Ā nina “Sā mū sūro masija sā”, niborina seheta yoara mūsa.

⁸ Mūsa sehe “Cohamacu yare masi pahűoja sā. Sāre yaba waro dūhsaerara”, nimana mūsa. Tuhsū, mūsa cahai sā jierachū mūsa ō sehe ni tūhotumana: “Pūhtoa yoaro sehe masiina jija sā”, ni tūhotumana mūsa. Potocāta Cohamacure masi pahűoina

pūhtoa yoaro sehe masiina mūsa jichū mū sare noabiaboa. Mūsa ā jichū mūsa mehne sā cūhū pūhtoa yoaro sehe masiina jiboa.

⁹ Ō sehe ni tūhotuja yūhū pinihta: Sāre Jesu to yare buhe dutiro cūno, masape doca macari curua cūre sāre. Paina ti wajāhtina yoaro sehe űna masa sāre. Ahri yahpa macaina masa, anjoa cūhū wapanaűoina yoaro sehe űna sāre. ¹⁰ Cristo yare sā buhechū űna “Tūho masieraina jira”, ni űna masa sāre. Ā jia Cristo yare sā yoachū űna, sāre űū tuhtira. Mūsa sehere űna, “Noano masiina jira”, ni tūhotumana masa. “Cohamacure wacū tuaeraina jira”, ni tūhotumana masa sāre. Mūsa sehere űna, “Noano wacū tuaina jira”, ni tūhotumana tina. Mūsa sehere masa űo payora. Sā sehere tina ne űo payoerara. ¹¹ Sā sehe mipūre űano yūhdūina, jūca baaina, űahma yapi-oina, űano suhti maeraina, wūhūse maeraina jija. Tuhsū, paina sāre űo payoeraa, sāre űano yoara. ¹² Ā yoa sā tuaro dahraja. Tuhsū, paina sāre űano ni ti durucupachuta sā sehe tinare “Noano jiga”, nija sā. Ā yoana paina sāre űano ti yoapachuta ā tūhotunocaja sā. ¹³ “űano yoaina jira”, sāre ti nipachuta sā sehe noano mehne tinare yoaja. Panopū, mipū cūhure űaa wete tiina yoaro sehe masape curuari doca macari curua yoaro sehe űna masa sāre.

¹⁴⁻¹⁵ Mū sare noaa buheare buhe mūhtacu mūsa pūcu yoaro seheta wahai yūhū. Payū mū sare Cristo yare buheina ti jipachuta mū sare buhe mūhtariro cūirota jija yūhū. Ā jiro jicu mū sare buo tichū yoi tai ahrire joai nieraja yūhū. Yū pohna warore, yū cahīinare yū dutiboriro seheta mū sare noano mehne duticu tacū ahrire joaja yūhū. ¹⁶ Ā jicu ahrire mū sare tuaro mehne dutii tai nija yūhū. Yūhure űū cūga mūsa.

¹⁷ Ahrire yoa duticu tacū mūsa cahai Timoteore warocahi. Tiro yū cahīiro mari pūhtoro Jesu yairo jira. Ā jiro Cristo yare yoarucura tiro.

Cristo yare mari yoahdire jipihtina Jesu yaina cahap̄ buhei yuh̄. Timoteo tíre m̄sare wac̄rucuch̄ yoarohca. ã jic̄u Cristo yare yu yoariro seheta m̄sa ñ̄ c̄ũhto sehe Timoteore warocahi yuh̄. ¹⁸ Timoteore yu warocach̄ c̄aina m̄sa mehne macaina p̄h̄toa ji duaina õ sehe nimana: “Paulo marine cuiro, mari cahap̄ tasi”, ni t̄hotumana tina. ¹⁹ Cohamac̄u cahmach̄u m̄sa cahap̄u michapucac̄ata s̄ihca. ã s̄uc̄u p̄h̄toa ji duainare m̄sa mehne macainare ti durucua quih̄õno jich̄u masihtja yuh̄. ã yoa Cohamac̄u tuaare potoc̄ata ti c̄h̄ach̄u c̄h̄ure masihtja yuh̄. ²⁰ “Cohamac̄u s̄a p̄h̄toro jira”, mari ni yahupach̄uta to yare mari yoerach̄u tí mari ã nimari cjiri yaba cjihti jierara. Cohamac̄u to tuaa mehne to cahmano sehe yoa masija. Tí pinihta wiho waro jierara. ²¹ ¿M̄sa cahap̄u m̄sare buhiri dahrehtiro m̄sare tuhtih̄tiro yu wahach̄u cahmajari m̄sa yuh̄ure? ¿O m̄sare cah̄īro m̄sare wahchehtiro yu wahach̄u cahmajari m̄sa yuh̄ure? ¿Dohse jiriro yu wahach̄u cahmajari m̄sa?

5

Corinto macaina ti w̄ana tirire yahuha Paulo

¹ Potoc̄ata õ sehe quití tira s̄are paina: C̄airo m̄sa mehne macariro to p̄c̄uro namonore w̄ana tiyuhca. ãta ni yahura masa s̄are. Paina Cohamac̄ure cahmaeraina jipahta tina sehe tó sehe yoaina jierara. ² M̄sa mehne macariro to ã yoapach̄uta m̄sa sehe “Quih̄õno yoana nija s̄a”, ni t̄hotumana. ¿Dohse yoana to ñ̄aa yoarire masipanahta cahyaerajari m̄sa? ã jina ã ñ̄ano yoarirore m̄sa mehne Jesu yaina mehne jirirore cohã wioboa m̄sa. ³ Yuh̄u m̄sa mehne jierapaihta yu wac̄up̄u m̄sa mehnet̄a jija yuh̄. ã jic̄u m̄sa mehne jic̄u yu niboriro seheta ñ̄ano yoarirore to ã ñ̄ano yoari buhiri buhiri dahre duti tuhs̄aja

yuh̄. ⁴ Jesu to dutiro mehnet̄a ã yoa dutija. ã jina m̄sa cahmachuna yu wac̄ua mehner̄u m̄sa mehne yu jich̄u to p̄c̄uro namono mehne ñ̄ano yoarirore cohã wiona, mari p̄h̄toro Jesu to tuaa mehne õ sehe niga ñ̄ano yoarirore: ⁵ “Wat̄ino to cahmano seheta m̄h̄ure yoawahnojar̄o”, niga tirore. ãta niga tirore ñ̄aare to goa pjari cjirire to duhuhto sehe. M̄sa ã cohãch̄u tiro ñ̄ano yuh̄d̄urohca. Mari p̄h̄toro Jesu to tjua tari dachoi ñ̄ano yoariro cjiro Jesu mehne to noano yuh̄d̄uhto sehe mip̄ure tirore ã niga.

⁶ “Quih̄õno yoana nija s̄a”, ni panahta ñ̄ano yoana nica m̄sa. ñ̄ano yoarirore m̄sa ã ñ̄anocahna, tí ñ̄aare m̄sa jipihtina piha pihtia wahanahca. P̄ao b̄uc̄uro trigore to noano s̄aar̄uc̄u s̄uriro seheta tí ñ̄aa m̄sare piha, noano s̄aar̄uc̄u s̄ua waharohca. ¿Tíre masierajari m̄sa? ⁷ Yu coyea judio masa pascua jich̄u ovejare wajã, jã m̄uo, Cohamac̄ure ñ̄o payora. Tó seheta oveja to yariariro seheta Cristo mari ñ̄aa buhirire yariari jire. To ã waharire masina, m̄sa sehe ñ̄ano yoarirore m̄sa mehne macarirore cohã wioga tí ñ̄aa m̄sare to pihaerahto sehe. M̄sa ñ̄aa yoari buhirire cohã tuhs̄ure Cristo. ã jina ñ̄ano yoarirore cohã wioga “Tí ñ̄aare pihari”, nina. ⁸ P̄ao b̄uc̄uro trigore to s̄aar̄uc̄u s̄uriro seheta panop̄u ñ̄aare ñ̄u c̄ũ yoa pihtiina jimai mari. ã jina pascua bose num̄rihi p̄ao b̄uc̄uro marieno p̄aore ti ch̄uriro seheta mari c̄uh̄u ñ̄aare goa pjaro marieno ñ̄ano yoaro marieno jijihna. Panop̄u mari ñ̄aare mari yoaa tiriro sehe yoaena tjijihna. ã yoana potoc̄a noano t̄hotua mehne, noano yoaina jijihna.

⁹ M̄sare yu joarocari p̄p̄ure Jesu yairo jiparota ã w̄ana tirucurirore ne piti ti dutieramahi. ¹⁰ ã nic̄u numia mehne ñ̄ano yoainare, m̄sa mehne ñ̄ano yoaa numiare, paina yare goa pjainare, yacainare, “Cohamac̄u jira”, ti nia mas̄urine ñ̄o payoinare Jesu yaina ti jierach̄u “Tina

mehne jiena tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtiropu jira tina sehe. ¹¹ Ñ jicu musare joarocacu õ sehe yoa dutimahi: Musa mehne macariro “Jesu yairo”, ti niriro to jipachuta numino mehne ñano yoariro, paye barore goa pjariro, “Cohamacu jira”, ti nia masurine ño payoriro, ñano quti dahrerucuriro, cahariro, yacariro to jichu tirore piti tiena tjiga. Ñ jina tó sehe yoariro mehne pinihtare chüena tjiga. ¹² Jesu yaina jierainare ti ñaa yoari buhirire ne buhiri dahre dutiriro jieraja yuhü. Tó sehe buhiri dahre dutiriro jira Cohamacu sehe. Yu ã nipachuta musa mehne cahmachuina Jesu yaina musa basi musa yoarire ñüna masino cahmana musa sehere. Ñ tühotunocaeraro cahmana. Ñ jina musa sehe tina ti ñano yoachü ñüna buhiri dahrega tinare. ¹³ Jesu yaina jieraina sehere Cohamacu sehe buhiri dahrerohca. Ñ jina musa sehe musa mehne macarirore ñano yoarirore cohã wioga.

6

Jesu yainare ti basi ti yahusaãrire yahuha Paulo

¹ ¿Musa basi cahma ñü tuhti yahusã duana dohse jiro baro Jesu yaina jieraina cahapu musa coyeare Jesu yainare yahusãna wahajari? Jesu yainare musa mehne macainare yahusã duana paina Jesu yaina sehere tíre yahuro cahmana musare. Ñ jia Jesu yainapu besejaro. ² Pihtiri dacho jichu mari Jesu yaina sehe masa jipihtina ti yoarire ñüna “Ahri ñaa jira. Ahri noaa jira”, besenahca mari tinare. ¿Tíre masierajari musa? Ñ jina pihtiri dacho jichu masa jipihinare besehtina jina, mipu cühure bese masija mari. Ñ jina mipure wiho jiacã buhiri cühure bese masija mari. ³ Anjoa ti yoarire ñüna tina cühure besenahca mari. ¿Tíre masierajari musa? Mari ã besehtina jina potocãta

tí yuhdoro mipu cühure Jesu yaina ti yoarire ñüna bese masija mari. ⁴ ¿Ñ jina dohse yoana musa mehne macainare yahusã duana mari mehne jieraina cahapu Jesu yainare yahusãna wahajari musa? ⁵ Ahrire nii nija musa quihõno yoarerare musa cahyahto cjihtore. ¿Musa mehne macainare musa cahma sayochu musare yahuhtiro musa mehne macariro noano masiriro mariajari? Jira. ⁶ To ã jipachuta musa mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

⁷ Masare beseina puhtoare musa mehne macainare yahusãna Jesu yaina jipanahta quihõno yoerara musa. Pairo musa mehne macariro musare ñano to yoachü ã ñünocaboa musa. Jesure cahmaerainare musa yahusãhto pano musa coyeirore musa ã ñünocachu noabiaboa. Jesu yairo musare to yacachu tirore musa yahusãhto pano tiro to yacarire musa ã ñünocachu noabiaboa. ⁸ Ñ yoaborina jipanahta paina musa mehne macaina Jesu yaina ti jipachuta tinare ñano yoaina, yacaina jira musa.

⁹⁻¹⁰ Tó sehe yoaina puhtoro Cohamacu to sühö jiropure müanopure waha masierara. ¿Tíre masierajari musa? Mahñõare tühotuena tjiga musa: Wüana tiina, “Cohamacu jira”, ti nia masurine ño payoina, numia mehne ñano yoaina, müa mehne ñano yoaa numia, müa sahsero ti pjacuri mehne ñano yoaina, numia sahsero ti pjacuri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti cjuare maina baro ne Puhtoro Cohamacu to sühö jiropure müanopure waha masierara. ¹¹ Panopure musa cühü tó sehe yoaina tjimahre. Ñ yoamarina musa jipachuta mipure musa ñano yoari buhirire cosa tuhsari jire Jesucristo sehe. Ñ to cosarina musa jichu to yaina cjihtire yoare Cohamacu musare. Ñ yoaro “Noaina jira”, ni

ñuna musare tiro. Āta yoare musare mari puhtoro Jesucristo, Espiritu Santo cūhu ti tuaa mehne.

Mari pjacuri Cristo ya pjacuri jia nina

¹² “Yu cahmano sehe yoa masija yuhū”, niyuhca cāina mūsa. Tí potocā to jipachuta tíre yoacu noano jieraboca yuhū. Yu cahmano sehe yoa masija. Ā yoa masipaihta cāa tahari ā yoariro jicu tíre duhu masieraboca yuhū. Ā jicu tíre pari turi yoasi yuhū, “Tíre duhu masieraboca”, nicū. ¹³ Ō sehe nina mūsa: “Jipihtia chūa mari pjaro macaa cjihti jira. Tuhsū mari pjaro chūa posa tihti pjaro jira”, nina mūsa. Tí potocā tjira. Ā jiparota baharo Cohamacū sehe mari chūare mari pjaro cūhūre ti pihtia wahachū yoarohca. Ā jia mari chūa wiho warota jia nina. Chūa mari pjaro macaa cjihti jira. Ā jiparota mari pjacuri numino mehne ñano yoahiti pjacuri jierara. Mari pjacuri sehe mari puhtoro Cristo ya pjacuri cjihti jia nina. Ā jiro mari puhtoro sehe mari pjacurire noano yoahitiro cjihto jira. ¹⁴ Cohamacū to tuaa mehne mari puhtoro Cristore masori jire. Ā to yoariro seheta mari cūhūre masonohca tiro.

¹⁵ Ā jina mūsa pjacuri Cristo ya pjacuri ti jichū masierajari mūsa? Ā ti ā jichū Cristo ya pjacū mehne ñano yoaricoro mehne mari ñano yoachū noajari, mūsa tuhotuchū? Noaerara. ¹⁶ Ñano yoaricorore ñahariro to pjacū sehe ticoro ya pjacū mehne jiro, cū pjacū yoaro seheta jira. Ā tíre masierajari mūsa? Āta ni joaa tiri jire Cohamacū yare ti joari tjui: “Tina puaro jipahta cū pjacū yoaro sehe wahara”, ni joaa tiri jire. ¹⁷ Mari puhtoro to yaina mehne jira. Ā jiro Jesu yairo Jesu mehne puaro jipahta cāno potori tuhotuina cūirota ti jiboro seheta jira.

¹⁸ Ā jina numia mehne ñano yoaaare, mūa mehne ñano yoaaare goa pjaena tjiga. Tíre mūsa yabiro seheta tíre yoaena tjiga. Paye ñaare mari

yoana mari pjacūre dojomehneraja. Numino mehne ñano yoariro sehe to pjacūre ñano dojomehnena. ¹⁹ Espiritu Santore marine ware Cohamacū. Ā jiro mari mehne jiro nina Espiritu Santo sehe. Ā tíre masierajari mūsa? Ā jia mūsa pjacuri mūsa catia cūhu mūsa ya cjihti waro jierara. Cohamacū yaina cjihti waro jira mūsa. ²⁰ Mūsa ñaa buhirire buhiri dahre tuhsūre Cristore. Ā jina to yaina cjihti waro jira mūsa. To yaina jina mūsa pjacuri mehne Cohamacū to cahmano sehe yoaga. Ā yoana Cohamacūre ño payona nina mūsa.

7

Namo tiare yahuha Paulo

¹ Mipūre yuhūre mūsa sinitu mūsa joarocari cjirire yuhū cūhu yuhiti cahmai tai nija: Masūno namo tierachū cūhūre, noanocahna, yū tuhotuchū. ² Tí ā jipachuta mūa sehe namo tijaro paina numia mehne ti ñano yoaer-ahto sehe. Ā jia numia cūhu manū tijaro paina mūa mehne ti ñano yoaer-ahto sehe. ³⁻⁴ Manū tiricoro to pjacū to ya pjacū dihta jierara. To manūno ya pjacū cūhu jira. To manūno cūhu to pjacū to ya pjacū dihta jierara. To namono ya pjacū cūhu jira. Ā jina mūsa mūa sehe mūsa namosānumiare noano cūaga. Ā yoa mūsa numia cūhu mūsa manūsumare “Yu pjacūre pihaecū tjiga”, niena tjiga. ⁵ Wiho mejeta Cohamacūre puaro mūsa sini duana “Mahaa dachoricā mari basi jiena tjijihna. Cohamacūre sinijihna”, cāno potori ā nina, mūsa basi wahā duhu masina mūsa. Mūsa ā duhuri baharo mūsa jiriro seheta jirucuga tjoa, Satana ñano musare to yoa dutierahto sehe. “Paina mehne ñano yoaboca” nina, mūsa basi piti ti duhuena tjiga. Mūsa jiriro seheta jirucuga tjoa.

⁶ Ahrire musare mipū yū niri cjirire yahucū musare dutia waro mehne nieraja. Ā yahuta nija mūsa yoah-tore mūsa masihto sehe. ⁷ Jipihtina mūsa yū yoaro seheta namo tieraina

musa jichu noaboa yuhure. ã ji dupanahata mari jipihtina cãno potori jieraja. Cãinare marine namo ti dutira Cohamacu. Cãinare namo ti dutierara.

⁸ ã yoa namo marieinare, manu marieinare, wapewahya cãhure õ sehe nija: Namu marieina, manu marieina ji masina, ãta jinocahga musa yu yoaro sehetu. ⁹ ã ji masierana tuaro ñaare goa pjana, potota namo tiga. ã yoa numia cãhu manu tiga. Ñaare musa goa pjachu noeraputiara musare. Musu ã goa pjana musa namo tichu pinihta noa nina. ã yoa musa manu tichu cãhure noana.

¹⁰ Musu namo tiinare, manu tia numiare õ sehe dutija. Yu ã nipachuta ya dutia waro jierara ahri. Mari puhtoro Cristo ahrire dutira: Musu numia sehe musa manusumare cohãena tjiga. ¹¹ Musu manusumare cohãna, manu mariea numia sehe tjuaga. ã tju aerana pari turi tjoa musa manusuma mehne noano jiga tjoa. ã yoa musa cãhu musa musa namosãnumiare cohãena tjiga.

¹² ã yoa musa cãhure painare õ sehe nija yuhu. Mari puhtoro to dutia jierara ahri. Yuhu sehe õ sehe nija musare: Cãina musa mehne macaina Jesu yaina sehe Jesure cahmaeraa numiare namo tiina jira. ã jina musa namosãnumia musa mehne ti tjua duachu tí numiare cohãena tjiga musa. ¹³ ã yoa cãina musa mehne macaa numia Jesu yaina numia Jesure cahmaerainare manu tia numia jira. ã jina musa manusuma musa mehne ti tjua duachu tinare cohãena tjiga. ¹⁴ Musu manusuma Jesure cahmaeraina jipahta Jesu yaina numiare ti namo tichu, Cohamacu noaina yoaro sehe ñuna tinare. ã yoa musa musa sehe Jesu yaina musa jichu musa namosãnumia Jesure cahmaera numia jiboca. Ti ã jipachuta musa mehne tí numia manu tichu Cohamacu noaa numia yoaro sehe ñuna tí numia cãhure. To ã ñerachu musa pohna Jesure

cahmaeraina pohna yoaro sehe ñuaboa Cohamacu. Wiho mejeta ti pohna cãhure noaina yoaro sehe ñuna Cohamacu. ¹⁵ ã yoa musa musa sehere musa namosãnumia Jesure cahmaeraa numia musare cohã duaa, ãta yoajaro. Musu manusuma cãhu ã cohã duaa, ãta yoajaro. Noano mari jichu cahmana Cohamacu. ã jiro tí numia musare ti cohã duachu “Tí numia mehne jisniga”, ni dutierara Cohamacu. ¹⁶ Ti namosãnumia Jesu yaina numia sehe noano ti yoachu ñuaboharu ti manusuma sehe Jesure cahmaboca. ã ti cahmachu Cohamacu tinare pichacaru wahaborinare yuhduchu yoarohca. ã yoa ti manusuma Jesu yaina sehe noano ti yoachu ñuaboharu ti namosãnumia Jesure cahmaboca. Ti ã cahmachu Cohamacu tí numiare pichacaru wahabori numiare yuhduchu yoarohca. ã Jesure cahmaborina ti jipachuta potota Jesure ti cahmahtore masiyuhto basioerara musare.

¹⁷ ã jina jipihtina musa mari puhtoro Cristo musare to ji dutiriro sehetu yoaga. ã yoana Cohamacu musare to cãri cjirire yoaga musa. Tíre jipihtina Jesu yainare ã yoa dutirucuja yuhu. ¹⁸ Jesu yaina musa jihto pano circuncisiõre yoarina cjiri jina, ãta jirucuga. Tuhsu, Jesu yaina musa jihto pano circuncisiõre yoeraina cjiri jina mipu cãhure ãta jirucuga. ¹⁹ Mipure circuncisiõre yoarina musa jichu yaba cjihti jierara. Tíre yoeraina musa jichu cãhure yaba cjihti jierara. Wiho mejeta Cohamacu dutiare mari yoachu tí pini wiho waro jierara. ²⁰ ã yoana Cohamacu Jesu yaina musare to cãri pja musa jiriro sehetu tjuaga. ²¹ Jesu yairo mu ji dcahto pano masunore dahra cohtariro mu jichu noanohca. ãta tjuasiniga. Mu puhtoro muhure to wio duachu sehere wijaga muhu. Mu wijachu noanohca muhure. ²² Mari puhtoro Jesu yairo cãiro jiro masunore dahra

cohtariro jiparota Jesu to yuhduchu yoariro jira. Āta pairo mari puhtoro Jesu yairo jiro, masunore dahra cohtariro jieraparota Jesure dahra cohtariro jira tiro cūh. ²³ Mari űaa buhirire buhiri ti tuhsari jire Cristo. Ā jina tiro dihtare “Yuh puhtoro waro jira”, ni tuhotuga mūsa. Paina mū sare tíre ti ā ni tuhotu dutierach tinare tuhoena tjiga. ²⁴ Ā jina yuh coyey, Jesu yaina cjihti Cohamacu mū sare to cūri pja mūsa jiriro seheta tjuaga. Ā tjuana Cohamacu mehne macaina jiga.

²⁵ Mipure namo marieinare, manū maria numia cūhure yahu duaja mū sare. Mari puhtoro ahrire “Ō sehe niga”, nierare yuhure. Yuhure to pja űuchū yuhure to yoadohochū to cahmano seheta yoarucuriro jija yuh. Ā jiriro jicū ahrire noano yahuihtja mū sare. ²⁶ Mipure mūsa űano yuhduhna nica. Ā jiomahchū mūsa namo marieina cūhū manū maria numia cūhū mūsa tjuachū noanohca, yuh tuhotuchū. ²⁷ Namō tiina, manū tia numia mūsa jina āta tjuaga. Ā yoa namo marieina, manū maria numia mūsa jina āta tjuaga. ²⁸ Namō tina űano yoaerara mūsa. Ā yoa mūsa nuhmia manū tina űano yoaerara mūsa cūh. Wiho mejeta namo tiina, manū tia numia mū sare waruro tjuarohca ahri yahpahi masa ti űano yuhduro seheta mūsa űano yuhduchu. Ā jicū mū sare “Ā warū tiri” nicū, “Namō marieina, manū maria numia tjuaga”, nihi yuh.

²⁹ Yuh coyey, ahrire mū sare yahui nija. Cristo ahri yahpapū to tjua tahto mahanocā dūhsara. Ā jia mipure namo marieina Cohamacu to cahmano sehe ti noano yoa masino seheta noano yoaro cahmana namo tiina cūhure. Ā yoa manū tia numia cūhure āta Cohamacu to cahmano sehe noano yoaro cahmana. ³⁰⁻³¹ Ahri yahpa to mipū jiro seheta baharocāta pihtia waharohca. Ā pihtihiti yahpa to jichū mipure mari

űahacaha tiia, mari wahchea, mari cūaa pihtia wahaahca. Ā jia tí wiho waro jira. Cohamacu yare yoa sehe wiho waro jierara. Ā jia ahri yahpa macaare cūaina, cūaeraina yoaro sehe jijaro. Ahri yahpa macaare pjíro tuhotuea tjijaro. Ahri yahpa to mipū jiro seheta baharocāta pihtia waharohca.

³² Mūsa űano yuhduerachū cahmaja yuh. Pjíro mūsa tuhotuerachū cūhure cahmaja. Namō marieriro Jesu yairo jiro Jesu yare wacūrucura. Ā wacūrucuro Jesu cahmaare tuaro yoa duara. ³³ Namō tiriro sehe to namono cahmaa sehere tuaro yoa duara. Ā jiro ahri yahpa macaare pjíro tuhotura. ³⁴ Ā jiro tiro puaro macaare yoa duara. Jesu cahmaa cūhure, to namono cahmaa cūhure tiro yoa duara. Ā yoa bucoro manū marienico ro jiro, ticoro mari puhtoro Jesu cahmaare tuaro yoa duara. Nuhmino cūhū āta yoa duara. Ā yoa duaro to pjacū mehne, to wacūa mehne cūhure ticoro tuaro Cohamacu yacoro ji duara. Manū tiricoro sehe ahri yahpa maca sehere to manūno cahmaa sehere tuaro yoa duara. Ā jiro ahri yahpa macaare pjíro tuhotura.

³⁵ Ahrire mū sare nii nija mū sare yoadohocū tacū. Warūoa dutiare mū sare cū duaeraja. Ā cū duaerapaita noano mūsa yoachū cahmaja. Jesu mari puhtoro yare mūsa tuaro yoa duachū cahmaja yuh.

³⁶ Mūsa mehne macariro to suhūduricoro to bucoro curero to wahachū űano namo tijaro tiro ticorore. “Āta yoaro cahmana ticorore”, ni tuhoturo to niriro seheta yoajaro tiro ticorore. Ticorore namo ti masina. Ā yoaro tiro űano yoaerara. ³⁷ Pairo sehe to suhūduricorore namo ti duaeraro, to cahmano seheta yoajaro tiro ticorore. “Ticorore namo tieraja yuh”, ni tuhoturo to cahmano seheta yoa duaro, tó seheta yoajaro. Ā yoariro noano yoara. ³⁸ Ā yoa to suhūduricorore namo

tiroo cãhũ noano yoara. Tuhsũ, to sũhduricorore mipũre namo tierariro sehe paio yũhdoro noano yoaro nina.

³⁹ Manũ tiricorore to manũnore cohã dutierara Cohamacũ. To ã cohã dutierapachũta to manũno to yariari baharo ticoro paio mehne to cahmariro mehne manũ ti masina. Ticoro to manũ tirirore Jesu yairo jiro cahmana tirore. ⁴⁰ Ticoro manũ marienicoro tjuaro, manũ tiricoro yũhdoro noano wahchericoro jirohca ticoro. Æta ni tũhotuja yũhũ sehe. Cohamacũ to Espĩritu Santore cjuariro jija. (Yũ ã jiriro jichũ masina ahri yũ yahurire masiga mũsa.)

8

“Cohamacũ jira”, ti nia masũrine ño payo ti duhu payoa chũare yahuha Paulo

¹ Mipũre “Cohamacũ jira”, ti nia masũrine ño payo ti duhu payoa chũare yahu duaja. Jipihtina mũsa tí barore “Masija”, ni tũhotura mũsa. Æ ni tũhotuna “Painare masi yũhdũrucaja”, ni tũhotumana cãina. Æ ni tũhotua painare yoadohoerara tina. Painare cahã tinare yoadohora. Æ yoa masia yũhdoro painare cahã sehe wiho waro jierara. ² “Masi pahũnocaja”, ti mũ sũro niina jia, Cohamacũ noaare to masi dutiare masierasina tina. ³ Wiho mejeta Cohamacũre ti cahĩchũ tinare masina tiro. (Æ jia to yaina jira tina.)

⁴ Æ yoa “Cohamacũ jira”, ti nia masũrine ño payo ti duhu payoa chũare ahrireta yahuihtja: Tí masũri ne yaba cjihti jierara. Potocãta tí masũri yajeripohna mariahna. Cohamacũ sehe cãirota jira. Paina cohamana mariahna. Ahrire mari masija. ⁵⁻⁶ “Payũ cohamana jira. Tina mari pũhtoa jira”, ni tũhotumana masa. Æ yoa mũanopũ, ahri yahpapũ cãhũre “Cohamana”, ti niina jipachũta mari sehere cãirota jira Cohamacũ. Tiro mari Pũcũ jipihtiare bajuamehneriro jira. Æ yoaro to yaina cjihti yoari jire tiro marine. Æ

jiro mari pũhtoro Jesucristo cãirota jira. Tiro jipihtiare mari Pũcũre yoabasariro jira. To yaina cjihtire yoari jire tiro marine. Æ jina tiro mehne ã jirucunahca mari.

⁷ Yũ niriro sehe ã jipachũta paina Jesu yaina tíre masierara. Panopũ tina “Cohamacũ jira”, ti nia masũrine “Catiina jira”, ni tũhoturucumaha. Tí pjpũre ã yoarina jia mipũ cãhũre tí masũrine ño payo ti duhu payoa chũare “Cohamana ya chũa jira”, ni tũhotumana. Æ yoa tí chũare chũa, “Mari ñano yoana nija cohamana ya chũare chũa”, ni tũhotumana. Tíre ti yoarire noano masieraa, ã ni tũhotumana. Æ jia tina ñano yoa nina, ti tũhotuchũ. ⁸ Tí chũare mari chũchũ mari chũerachũ cãhũre Cohamacũ marine “Noaina jira”, ni ñũerara. Æ yoa tí chũare mari chũchũ wiho warota jinocahno nina tí chũa. Mari tíre chũa ñano yoaeraja. Tí chũare mari chũerachũ cãhũre wiho warota jinocahno nina. Ti duhu payoa chũare mari chũerana paina yũhdoro noaina jieraja mari cãhũ. ⁹⁻¹⁰ Wiho mejeta noano yoaga mũsa. Tí chũare chũrina cjiri mũsa jichũ paina mũsare, “Masija” niinare, ñũ cũ chũboca. Æ ñũ cũ chũa ti yoarire noano masieraa, “Ñano yoana nija mari”, ni tũhotuahca tina cãhũ. Ti ã ni tũhotuchũ tina sehere ñano yoachũ yoana nica mũsa. Æ jina noano yoaga mũsa. ¹¹ “Mari tí chũare mari chũchũ noano hca marine”, mũsa ni tũhotuina jina paina noano masieraina cjirire ñano yoachũ yoaboca mũsa, mũsare ti ñũ cũchũ. Tina ya cjihti cãhũre yariari jire Cristo. Æ yoana Cristo yainare mũsa coyeare ñano yoachũ yoana niboca mũsa. ¹² Noano masierainare Cristo yainare mũsa ñano yoachũ yoana, Cristo cãhũre ñano yoana nica mũsa. ¹³ Æ jicũ tí masũrine ño payo ti duhu payoa chũare yũhũ chũcũ Cristo yainare ñano yoachũ yoai niboca yũhũ. Cristo yaina ti ñano yoachũ cahmaeraja. Æ jicũ “Yũhũ tinare ñano

yoachu yoari” nicu, tí chũare ne pari turi chusi yahũ.

9

Paulo Jesu to cũriro to jia tiare yahuha

¹ Jesu to yare buhe dutiro to cũriro jija. Ā jicu paina to cũrina ti yoaro seheta yoa masija yahũ cãhũ. Mari puhtoro Jesure ñũriro tjija yahũ cãhũ. Ā jina Jesu yare yu buhechu mũsa sehe tíre noano tuhorina jina to yaina wahare mũsa. Ā to yaina waharina jina Jesu to cũriro yu jichũ masi tuhsũra mũsa. ² Paina yahũre yahuwajaa “Tiro Jesu to cũriro jierara”, niboca. Ti ā nipachũta mũsare yu buheri baharo Jesu yaina wahana, “Jesu to cũriro jira” ni, yahũre masi tuhsũra mũsa. Ā jina paina ti yahuwajapachũta mũsa sehe to cũriro yu jia tiare masina.

³ Yahũre yahuwajainare õ seheta ni yuhtiihtja: ⁴ Mũsare yu buheri baharo yu chũhtire yu sihnihti cãhũre yahũre waboa mũsa yu buheri wapa. ⁵ Ā jicu namo tiriro jicu yu namo Jesu yacoro to jichũ ticoro mehne tini masiboa yahũ. Paina Jesu to cũrina, Jesu bahana, Pedro cãhũ ti namosãnumia mehne ti tiniriro seheta yahũ cãhũ tini masiboa. ⁶ Yahũ Bernabé mehne mũsare noaa buheare sã buhepachũta sãre ne paye barocã waerare mũsa. Ā jina sã basita sã chũhti cjihtire dahra wapatai sã. ¿Sã dihtare wapataro marieno buhero cahmajari, mũsa tuhotuchũ? ⁷ Ahrina yu yahuhtina sehe ti dahrari wapa wapataro. Cãiro surara to dahrachũ to puhtoa tirore wapara. To basi wapaerara. Chũare toariro cãhũ to toari dicha tichũ tíreta chũ masina. Ā yoa ovejare ñũ wihboriro to nuina pẽchore sihni masina tiro. ⁸ “Ti dahrari wapare waparo cahamana”, nicu masa ti dutia dihtare mũsare yahueraja. Cohamacũ to dutiapũ to niri cjiri cãhũre mũsare yahui nija. ⁹ Moise cjirore to cũri dutiare to yare ti joari pũi õ sehe

ni yahura: “Wachu trigo yaparire to dahpori mehne suhtiwerirore to chu duachũ to dũserore dũcataena tjiga”, nia tiri jire Cohamacũ dutia. ¹⁰ Ā dutiro wachũare nino nierari jire. Ā dutiro marine nino niri jire marine buhero taro. Wesere saharo cãhũ tí dichare narina cãhũ ti dahrari baharo dicha tiri pja jichũ ti wapatahtore cohtara tina. (Ā jina dahrainare ti dahrari wapare waro cahmana marine.)

¹¹ Mũsare Cohamacũ yare noaa buheare buhei sã. ¿Sã ā buhechu mũsa sehe sãre chũare waeraro cahmajari, mũsa tuhotuchũ? Waro cahmana. Mũsa wachũ noaboa sãre. ¹² Ā waerarina jipanahta paina chũare mũsare ti sinichũ mũsa tina sehene wara. Tina mũsare ti chũare sinichũ sã sehe tina yuhtoro mũsare chũare siniborina jimaja.

Ā wa dutiborina jipanahta sã sehe “Sãre waga”, ne nierahi. “Cristo ya buheare mũsapũ cahmaeraboca” nina, sãre chũa mariapachũta mũsare ne sinierahi. ¹³ Cohamacũ wuhũ dahraina tí wuhũihta ti chũare nana. Ā yoa Cohamacũre ti ño payori mesai cohtaina wahiquirore ti jãrirore mahanocã na chũra tina cãhũ. ¿Tíre masierari mũsa? ¹⁴ Tó seheta ti yoariro seheta noaa buheare buheinare ti buheri wapare ti chũhtire tinare waro cahmana mũsare. Āta yoa dutire mari puhtoro Jesu. ¹⁵ Ā jicu mũsare siniboriro jipaihta yahũ ne paye barore sinierahi mũsare. Ā jicu ahrire mipũre joacu paye barore wapa cahmai tai joai nieraja. Mũsare ne wapa cahma duaeraja. Yariahtiro jipaihta ne wapa cahmasi yahũ mũsare. Wapa marieno buhecu ji coa yuhtũaja. Ā jicu mũsare yu buheri wapa ne wapata chusi.

¹⁶ Noaa buheare buhe dutiro yahũre cũre Cohamacũ. Tíre buheri masũno jinocaihta nija yahũ. Noaa buheare buheracu pjacũroiro jiboa yahũ. Ā jicu tí buheare buhecu “Painare masi yuhtũũcaja”, ni-

boriro jieraja yuhũ. ¹⁷ Noaa buheare yũ mũ sũro buhecũ yũ buheri wapa wapaa naboaa yuhũ. Cohamacũ yuhũare to yare buhe dutiro cũre yuhũare. ã jicũ yũ mũ sũro buheraja. ¹⁸ ¿To yare ã buhecũ yaba barore wapatajari yuhũ? Õ sehe jira yũ wapataa: Noaa buheare buhecũ mũsare ne paye barore sinieracũ wapa marieno tí buheare buheja mũsare. Yũ ã nirire masicũ wahcheja. Yũ wahcheata jira yũ wapataa.

¹⁹ Ne masare dahra cohtariro jierapaihta jipihtinare dahra cohtariro yoaro sehe jija yuhũ payũ paina masa Jesu yaina ti wahahto sehe. ²⁰ ã jicũ yũ coyea judio masa mehne jicũ, ti yoaro seheta yoaja yuhũ Jesu yaina ti wahahto sehe. Cohamacũ to dutia cjirire Moise cjirore to cũri cjirire ño payoriro jierapaihta, tí dutia dihtare ño payoina mehne jicũ tí dutiare ño payoriro baro yoaro seheta jija yuhũ. ãta yoaja yuhũ tina Jesu yaina ti wahahto sehe. ²¹ ã jicũ Cristo yairo jicũ Cohamacũ dutiare Moise cjirore to cũri cjirire yuhũdũrũca duaeraja. Tí dutiare yuhũdũrũca duaerapaihta tí dutia marieina mehne jicũ tí dutia marieriro yoaro seheta jija. ãta yoaja yuhũ tina cũhũ Jesu yaina ti wahahto sehe. ²² Jesure noano masieraina mehne jicũ ti yoaro seheta jija. “Masi pahñoriro jija”, nieraja yuhũ. ãta yoaja yuhũ tina cũhũ Jesu yaina ti wahahto sehe. ã jicũ jipihtina masa ti jiriro seheta jija yuhũ cãina tina Jesu yaina to yuhũdũchũ yoaina ti wahahto sehe. ²³ Ahrire yoaja noaa buheare jipihtina ti tũhohto cjihtore. Yũ ã yoachũ ñũno Jesu to buheriro seheta tiro yuhũ cũhũre noano yoara. (ã jicũ masa ti jia tiro seheta jija.)

²⁴ Õ seheta jira mari piti dahre buhechũ. Mũrocapedina mũrocaa tina jipihtina mũrocara. Ti ã mũroca pihĩpachũta mũroca yuhũdũrũcariro sũ mũhtana. ã sũ mũhtariro wapataa. ã jina ti mũrocariro seheta mũsa cũhũ Cohamacũ cahmaare yoaga mũsa wa-

patahto sehe. ²⁵ Jipihtina mũrocaina ti pjacũre dojomehneare duhunoca noano mũrocapora ti mũroca tuahto sehe. Tuhsũ, ti noano mũrocahto cjihtore quihũno chũa, quihũno carĩa, noano yoara tina. ãta yoara tina mũroca sũ, ti wapatahto sehe. ã jia ti ã yoa wapataa pũri mehne ti yoari soro jira. Tí soro ñaco baaerara. Mari sehe Cohamacũ yare noano buheja to yare mari wapatahto sehe. Tí wapataa pinihta ne baaerara. ²⁶ ã jicũ yuhũ pa sehe mũrocariro yoaro sehe yoeraja. Potori da mũrocariro yoaro sehe yoaja yuhũ. Tuhsũ, cahmacheperiro pa sehe dota moñoroca mũjariro yoaro sehe yoeraja. ã yoa duaeracũ Cristo yare quihũno yoa duaja. ²⁷ ã jicũ mũrocapedina, cahmachepeina cũhũ ti pjacũre ti buheriro seheta ti noano quihũno ti yoariro seheta yuhũ cũhũ yũ pjacũ mehne noaa dihtare yoapoja. ã yoeracũ painare buheriro jipaihta yaba cjihti jieraboa yuhũ sehe.

10

“Cohamacũ jira”, ti nia masũrine ño payo dutieraha Paulo

¹ ã yoa yũ coyea, ahrire masiga mũsa. Sã Israe masa ñũchũsũma cjiro panopũ macaina jipihtina Cohamacũ to me curuare ñũ nũnũ ti wahcãa, wahaa tiri jire. ã wahaa sohãri mare co watoi jiri mahai wũa cahari mahai pahã tinia wahari jire. ² ã wahaa tina jipihtina me curua mehne sohãri ma macaa co meñne bautisarina yoaro sehe wahari jire. Bautisarina wahana Cristo yaina mari jiare ñona nija. Tó seheta tina sohãri mare bautisarina yoaro sehe wahaa, Moise cjiro yaina ti jiare ñoa nia tiri jire. ³ ã yoa tina jipihtina mũano macaa chũare chũa tiri jire Cohamacũ to waare. ⁴ ã chũa tina jipihtina Cohamacũ to waa co cũhũre sihnia tiri jire. Tí pjapũre tí core Cohamacũ to cũri tãcai wijaa core sihnia tiri jire tina. Tia tãca yoaro sehe jiriro, tinare co wariro Cristo jiri

jire. ⁵ Tina ã waharina ti jipachuta paina tina mehne macaina ñano ti yoachũ ñũno Cohamacũ sehe payũ tina mehne macainare ñũ ji coaerari jire. ã jiro tinare masa marienopũ variachũ yoari jire Cohamacũ. ã yoaro masa marienopũ ti pjacũre cohã sitea wahari jire.

⁶ ãta yoari jire Cohamacũ tinare marine buhero taro. ã jiro tinare ñũ cũ ñaare mari goa pjaerahto cjihtore Cohamacũ ã yoari jire tinare. ⁷ ã jina “Cohamacũ jira”, ti nia masũrine ti ño payoriro seheta yoarena tjiga mũsa sehe. Tí masũrine ti ño payorire Cohamacũ yare ti joari pũi yahuro õ sehe nina: “Tina chũ duji sihni tuhsũ, wahcãrũcũ sũ, bose nũmũ yoa dũcari jire wachũ masũre ño payoa taa”, ni joaa tiri jire panopũre. ⁸ Baharo paina sehe Israe masa numia mehne ñano yoari jire. Ti yoariro seheta yoeraro cahmana marine. Tina ti ñano yoari baharo cã dachoihta tina veintitrés mil masa yariaa wahari jire. ⁹ Ti ã wahari baharo pari turi paina Israe masa sehe Cohamacũre tina mehne suachũ yoari jire. “Marine buhiri dahresi”, nia ñaa warore yoari jire. ã yoaa tirore suachũ yoari jire. Ti ã yoari buhiri Cohamacũ agãa mehne bahca wajãri jire tinare tjoa. ã jina tina yoaro sehe Cristore yoarena tjiga mũsa “Marine buhiri dahresi”, nina. ¹⁰ Pa tehe tjoa paina ñaa quiti dahre ti tuhtichũ anjo masare wajãriro tinare wajãri jire. ã jina tina yoaro sehe yoarena tjiga.

¹¹ ã wajã dutiri jire tinare Cohamacũ marine buhero taro. Mari sehe pihtiri dacho panocã jiina jija. Mari ã jiina jichũ panopũ macaina ti ã waharire Cohamacũ joa dutiri jire marine noano buhero taro. ¹² ã jina “Noaina jija sã, Cohamacũ to ñũchũ”, ni tũhotuina jina, noano yoaga mũsa “Ñaare yoari”, nina. ¹³ Mari jipihitina cãiro dũhsaro marieno cãa tahari ñaare wacũja. ã wacũna ti ñaare yoa duaja. Mari ã yoa dua-pachuta Cohamacũ marine yoadoho-

rucuriro jira. ã jiro tí ñaa wacũare mũsa bo masierachũ tiro sehe mũsare yoadohorohca. ã jiro tí ñaare mũsa yoa duachũ ñũno Cohamacũ tí ñaare mũsare yoa duaerachũ yoarohca. To ã yoachũ tí ñaare yoa duasi mũsa.

¹⁴ ã jina yũ cahĩina yahũre tũhoga. “Cohamacũ jira”, ti nia masũrine ne ño payoena tjiga. ¹⁵ Mũsa noano masiina jichũ mũsare yahuja. ã jina yũ nihti cjihtire quihõno ti jichũ masiga mũsa basi. ¹⁶ Cristore ti ñahari ñamine vinore to sihnihto pano Cohamacũre “Noana”, niri jire. To niriro seheta mari cãhũ tí core sihnina Cohamacũre “Noana” nina, mari ya buhiri Cristo to yariarire masichũ yoana nija. To di wijaarire masichũ yoana nija. Tuhsũ, to yaina mari jia tia cãhũre masichũ yoana nija mari. ã yoa pãore mari Cristo yaina nuha, chũna, mari ya cjihtire to pjacũ crusapũ to yariarire masichũ yoana nija. Tuhsũ, to yaina mari jia tia cãhũre masichũ yoana nija. ¹⁷ ã jina payũ masa jipanahta cã curi pão curire chũna jipihtina mari Cristo yaina cã curuata jija.

¹⁸ Israe masa ti yoarire wacũga mũsa: Tina wahiquirore wajãa, jũ mũo waa, Cohamacũre ño payora. ã ti wari baharo cã curuaihta ti wariro cjirore chũra. ã chũa Cohamacũre ti ño payoare masichũ yoara tina. ¹⁹ Cohamacũre ti waa chũare yahucũ “ ‘Cohamana jira’, ti nia masũrine ti waa chũa sehe tí waro jira”, nii nieraja. Tí chũa pinihta wiho waro jia nina. Tí masũri cãhũ wiho waro jia nina. ²⁰ Tí chũa ti yaba cjihti jierapachuta tí chũare chũeraro cahmana. Õ sehe jira tí. Cohamacũre cahmaeraina wahiquirore wajã, jũ mũoa, Cohamacũre ño payoa nierara. ã yoaa watĩa sehere ño payora tina. Ti ã ño payoina jichũ tina mehne chũna watĩno yaina yoaro sehe yoana nica mũsa cãhũ. Mũsa ã yoachũ pinihtare ne cahmaeraja. ²¹ Santa Cenare mari yoari dachoi mari pũhtoro Jesure wacũna tana

sihniija. Mari ã sihniina jina, watia sehere ño payo masieraja mari. Æ yoa Jesure wacuna tana paore chaja. Mari ã chaina jina, watia sehere ño payo masieraja mari. ²² ¿Jesure musa mehne suachu yoa duajari musa, parore musa ño payona? ¿Tiro yuhdoro tuaina jijari musa? Jierara. (Æ jina noano yoaga musa.)

Cohamacu to cahmaa dihtare yoaga

²³ Õ sehe nina caina: “Sã cahmano sehetã yoa masija sã”, nina. Musã yoari cjiri ñaa ti jierapachata tãre yoana painare yoadohoeraboca musa. Tuhsu, tãre yoana Jesure wacũ tua namochu yoeraboca musa painare. ²⁴ Musã cahmaa dihtare yoana tjiga. Painã sehere noano yoadohoga musa.

²⁵⁻²⁶ Chua duaropare chure nuchuna “¿Ahri chua masurine ti duhu payoa chua jijari?” ni sinitu ñena tjiga. “Ñaaare yoari” nina, sinitu ñiboca musa. Æ ni sinitu ñena tjiga. Ahri yahpa, ahri yahpai jia cãhu Cohamacu ya jira. Æ jina tã chure “¿Ñaa chua jijari?” niena tjiga.

²⁷ Jesure cahmaerariro musare chu dutiro to pjirocachu waha duana wahaga. Æ wahana musare to duhu payoare chuga. “¿Ahri chua masurine ti duhu payoa chua jijari?” ni sinitu ñena tjiga. ²⁸ Æ jina paio Jesu yairo “Ahri chua masurine ti duhu payoa chua jira”, musare to ni yahuchu tã chua pinihtare chena tjiga. Musare ã ni yahuriro “Ñaa chure chura ah-rina”, musare to ni tahotuerahito sehe chena tjiga musa. Musã cãhu ã ni tahoturi nina tã chure chena tjiga.

²⁹ Æ chu dutieracu musa ya cjihtire ã nierahi. Musare ahrire yahuriro ya cjihti sehere tã chure chu dutieraja. Tiropu musare “Ñaa chure chura ah-rina”, niboca. “Æ niri” nina, tã chure chena tjiga.

“Chena tjiga”, yu nichu õ sehe ni sinitu yãhtiboca musa yãhure: “¿Dohse jiro baro paire ‘Soro

tãhoturi’ nina, chãerabocari sã? ³⁰ ¿Cohamacure ‘Noana’, sã niri baharo sã chuchu dohsearo tãre sã churi buhiri paio sãre yahuwajabocari?” ni sinitu yãhtiboca musa yãhure. ³¹ Ahri jipihtiare yahucu õ sehe ni nija musare: Dachoripe Cohamacu to dutiriro sehetã wahchea mehne chu, sihniija, Cohamacure masa ti ño payohto sehe. Æ jina jipihtiare noano yoarucuga Cohamacure masa ti ño payohto sehe. ³² Ne judio masare, judio masa jierainare, Cohamacu yaina cãhure ñano yoachu yoana tjiga musa tinare. ³³ Õ sehetã yoaja yãhu sehe. Masa jipihtinare yoadoho duaja. Æ yoacu ya cjihti waro sehere pjiro tahotueraja. Yu ñano yãhdachu noanohca. Payu masa sehere yoadohoja tinare pichacapu wahaborinare Cohamacu to yãhdachu yohto sehe.

11

¹ Æ jina Cristore yu ñu cãrãre yu yoachu musã cãhu yãhure ñu cãga.

Corinto macaina ti cahmachunoi numia ti yoahore yahuha

² Musare yu buhe turiari cjirire yu yoari cãhure wacũ pahñoyuhca musa. Æ wacuna musare yu yoa dutiriro sehetã yoayuhca musa. Æ yoana noano yoara musa. ³ Æ yoana musa jipachata ahri cãhure musa masichu cahmaja: Jipihtina muã ti pãhtoro, Cristo jira. Tuhsu, to namono pãhtoro to manano jira. Æ jichu, Cristo pãhtoro to Pãchuro jira. ⁴ Cohamacure siniriro to dapure mohariro sinino, to pãhtoro Cristore ño payoeraro sehetã yoaro nina. Cohamacu yare yahuriro cãhu to dapure mohano ãta yoaro nina tiro cãhu. ⁵ Tuhsu, to dapure mohaeraricoro Cohamacure sinino, to mananore ño payoeraro sehetã yoaro nina. Cohamacu yare yahuricoro cãhu to dapure mohaeraro ãta yoaro nina ticoro cãhu. Æ yoaro to pjoarire wãha pahñoricoro yoaro sehetã yoara ticoro. ⁶ To dapure moha duaeraro ticoro to pjoarire saa pahño dutijaro. To ã

yoari baharo to dapure buo tiro, ticoro mohajaro to dapure. ⁷ M_{usa} sehe Cohamac_u noariro, tuariro to jia tiare ñona tina sehe. ã jia ti dapupure mohaeraro cahmana tinare. Numia sehe m_{usa} ti puhtoia jia tiare ñona. ã jia tina numia sehe ti dapupure mohajaro. ⁸ Cohamac_u m_{unore} yoaro, numino ya pjacu macano mehne m_{unore} yoaerari jire. Numino sehere yoaro, m_{uno} ya pjacu macano mehne ticorore yoari jire. ⁹ Tuhs_u, m_{unore} yoaro, numino yairo cjihtore yoaerari jire. Numino sehere yoaro m_{uno} yacoro cjihtore yoari jire Cohamac_u ticorore. ¹⁰ ã jia numia ti dapupure mohajaro anjoa cãh_u m_{usa} ti puhtoia ti jirire ti masihto sehe. ¹¹⁻¹² Cohamac_u numinore yoaro, m_{uno} pjacu macano mehne yoari jire. ãta mip_{ure} m_{uno} masa bajuaro, numino pjacu masa bajuara. Tuhs_u, jipihtinare Cohamac_u sehe yoari jire. ã jiro m_{uno} to ji muhtaerach_u numino mariaboa. ã yoa numino to mariach_u m_{uno} cãh_u mariaboa.

¹³ ¿M_{usa} basi dohse tuhotujari? ¿Numino to dapu mohaeraricoro, Cohamac_{ure} to sinich_u noajari, m_{usa} tuhotuch_u? Noaeraputiara. ¹⁴ Tuhs_u, m_{uno} pjoa nahmo m_{uriro} to jich_u ñaa nica. Jipihtina masa ti m_u saro tíre masina. ¹⁵ ã yoa numino to pjoa nahmo to dapure mohari cahsaro yoaro sehe jira. Ticoro pjoa nahmo m_{uricoro} jiro noaricoro bajura ticoro. Tí cãh_{ure} jipihtina masina. ¹⁶ M_{usa} mehne macariro ahrire y_u yahurire to tuho duaerach_u, õ sehe ni yahuihtja tirore: “Y_u ni yahuriro seheta mari yoaa tia jira. Paina Jesu yaina cãh_u ãta yoarucura tina cãh_u. Sã ã yoarina jich_u ñuc_u y_u ni yahuriro seheta yoaga m_{uh_u} cãh_u”, ni yahuihtja y_u yahurire tuho duaerarirore.

Santa Cenare ti ch_{uro} watoi dojomehneha Corinto macaina

¹⁷ Mip_{ure} m_{usare} ahrire yahui tai, “Noano yoaina jira”, nieraja y_{uh_u}

m_{usare}. M_{usa} cahmachuna noano yoaerara. Nano yoara m_{usa}. ¹⁸ Õ sehe ni yahu muhtaihtja m_{usare}: M_{usa} cahmachunop_u cahma sayona m_{usa} basi cãa curuari tju wayuhca m_{usa}. Paina tíre y_{uh_{ure}} ti yahuch_u “Potocã tjica”, ni tuhotu cureja y_{uh_u}. ¹⁹ ãta yoayuhca m_{usa}. M_{usa} ã tju warina m_{usa} jich_u ñ_{h_u}na baharo Jesu yaina waro jiina sehere masinahca mari. ²⁰ M_{usa} basi ã ñ_{h_u} tuhtiina jina m_{usa} cãnoi cahmachu ch_uch_u tó wahaerara. Potocãta Santa Cena waro yoana nierayuhca. ²¹ M_{usa} cahmachuna cãina m_{usa} sahsero ch_u m_{uh_u}cona, paina sehere j_uca baach_u yoana niyuhca m_{usa}. Tuhs_u, sihni muhtaina sehe cahaa wahayuhca. ²² ¿M_{usare} m_{usa} w_{uh_u}se mariajari? M_{usa} w_{uh_u}seputa ch_u, sihniga. Mip_{ure} Cohamac_u yaina ti cahmachunore dojomehneha niyuhca m_{usa} to yaba cjihti jieraboro seheta. Tuhs_u, paina Jesu yaina pjac_uoinare ch_una maeraina sehere m_{usa} sehe buoro y_{uh_u}ch_u yoayuhca. ¿Dohse ni yahuihcari y_{uh_u} m_{usare}? “Noano yoana nina m_{usa}”, nieraja y_{uh_u}.

Santa Cenare yoaa taa, ti ch_{urire} yahuha Paulo

(Mt 26.26-29; Mr 14.22-25; Lc 22.14-20)

²³ Mari puhtoro Jesu to ch_u ba-toarire yahure y_{uh_{ure}}. ã to yahuri baharo y_{uh_u} sehe m_{usare} tíre yahu turiahi. Tí õ sehe jira: Tirore ñ_{h_u} tuhtiinare Juda to ñohti ñamihi mari puhtoro Jesucristo pãore na, Cohamac_{ure} “Noana”, niyuhti. ²⁴ To ã niri baharo tí pãore nuha, to buheinare witiyuhti. ã witiro õ sehe niyuhti: “Ahrire ch_{uga}. Ahri y_u pjacu jira. M_{usa} yaro jiborirore yariaihca. Y_{uh_{ure}} m_{usa} wacũhti cjihtire ahrire ch_{uga}”, niyuhti Jesu mari puhtoro. ²⁵ ã ti ch_{uri} baharo tiro sihniri wahware na wahcãno õ sehe niyuhti: “M_{usa} ñaa yoari buhirire cohãc_u tac_u yariaihca. ã yoac_u y_u dire cohãihca. Cohamac_u ‘M_{usare} y_{uh_u}ch_u yoaihtja’, to niriro m_u s_uch_u y_u yariaro mehne to niriro

sohtori tiarohca. Ahri wahwai posa tiare sihnina, yu di cohārire wacūnahca. Ahrire sihnina, yuhure mūsa wacūhti cjihtire sihniga”, niyuhti Jesu. ²⁶ ã yoa Santa Cena macaa pāore mūsa chūna, sihniare sihnina, Jesu mari puhtoro mari ya buhirire to yariarire ñona nina mūsa. ã ñorucunahca mūsa pu ahri yahpapu to tjua tachupu.

“Santa Cenare chu sihnina õ sehe yoaga”, ni yahuha Paulo

²⁷ Santa Cenare chu, sihnina, Jesure ño payoro marieno yoana, cua pisaro yoerana, to pjacure to di cohāri cāhure bujupero sehe yoana nija mari. ã yoana Jesure bujupena nija mari. Tó sehe yoaina buhiri tiina jira. ²⁸ ã jina mari yoare, mari jia tiare noano wacūjihna. ã wacūna Santa Cenare chu, sihni masija mari. ²⁹ Mari puhtoro mari ya cjihtire to pjacu to yariarire wacūno marieno Santa Cenare chu, sihnina mari buhiri tinahca. ³⁰ Õ sehe dihta yoayuhca payu mūsa mehne macaina. ã yoaa tina cāina tuaeraina, dohatiina wahayuhti. Tuhsu, paina ti ã yoari buhiri yariaa wahayuhti. ³¹ Wiho mejeta Santa Cenare mari chu, sihnina, mari yoare, mari jia tiare noano wacūna, mari ñaa yoare duhuna tí buhirire buhiri tisi mari. ³² Mari puhtoro sehe marine tuhtira, tí buhirire marine buhiri ti dutieraro. Paina ñaina Jesure ño payoeraina buhiri tihtina dihta jira. Tina yoaro sehe marine buhiri tichu cahmasāerara mari puhtoro.

³³ ã jina yu coyea, Santa Cenare chūna tana cahmachuna, cohtasiniga mūsa coyeare. ³⁴ Tuhsu, mūsa mehne macaina jūca baa, ti ya wuhusepu chūsinijaro. ã yoana Santa Cenare chūna tana cahmachuna, cua pisaro yoeraina ya buhiri buhiri tisi mūsa. Paye barore yahu duamahi mū sare. Baharo yu basi sūipu mū sare yahuihtja tíre.

12

Cohamacu yare mari yoah-tore cūno marine yoa masichu yoara Espiritu Santo

¹ Yu coyea, ahrire yahu duaja mū sare. Cohamacu yare mari yoah-tore cūno marine jipihtinare yoa masichu yoara Espiritu Santo. ã jicu tíre mūsa noano masichu cahmaja.

² Jesu yaina jierasinina soro jia buheare tuho nuñina jina, mūsa sehe “Cohamacu jira”, ti nia masurine, durucuera masurine ño payosini-mare. Tíre masina mūsa. ³ ã jiina mūsa jirina cjiri jichu mipure õ sehe ni yahuihtja mū sare: “Jesu ñano wahajaro”, niina Cohamacu yairo Espiritu to tuaa mehne ã nia nierara. Espiritu Santo warore cjuerara tina. Tuhsu, “Jesu mari puhtoro jira”, niina Espiritu Santo to tuaa mehne ã niina jira tina.

⁴ Cohamacu yare yoa masia payu jira. Ti ã jipachata marine yoa masichu yoariro sehe cūirota jira. Tiro Espiritu Santo jira. ⁵ ã yoa Cohamacu yare yoah-tina payu jina, to yare soro sehe mari yoah-ti cāhu payu jira. Tí ã jipachata mari puhtoro Jesu sehe cūirota jira. ⁶ ã yoa Cohamacu yare yoaa cāhu payu jira. Ti ã jipachata Cohamacu marine yoa masichu yoariro sehe cūirota jira. ⁷ Marine Jesu yainare Espiritu Santo yoadohoro Cohamacu tuaare ñono nina. Õ sehetā yoadohora tiro Jesu yainare jipihtinare mari noano yoadohohto sehe. ⁸ Cāinare noano masi, yahuchū yoara Espiritu Santo. Tuhsu, painare Cohamacu yare noano buhe masichu yoara tiro Espiritu Santo pinihta. ⁹ ã yoa painare Cohamacu noano wacū tuachū yoara tiro. ã yoaro painare Cohamacu tuaare wara tiro. Tí tuaa mehne tina sehe dohatiinare noaina wahachū yoara. Espiritu Santo cūirota jiro tí tuaare wara. ¹⁰ Tuhsu, tiro painare Cohamacu tuaa mehne yoa masichu yoara tiro. ã yoaro painare Cohamacu yare noano yahu

masichu yoara tiro tinare. Æ yoaro paina Jesu yainare buheare noano bese masichu yoara tiro. Æ masia watino ya buhea ti jichu masina tina. Espiritu Santo waro ya buhea cãhare ti jichu masina tina. Tuhsu, painare tuhohomahnoeraa duserire ti durucu masichu yoara tiro. Æ yoa tuhohomahnoeraa duserire durucuina ti nino seheta yahu yãhdo masichu yoara tiro painare. ¹¹ Espiritu Santo cãirota jiro to cahmano seheta marine cãinare ahri jipihtiare yu yahuriro seheta yoa masichu yoara. Cãinare soro yoa masichu yoara. Paina cãhare soro yoa masichu yoara.

Cristo yaina jina cã curuata jija mari

¹² Æ sehe jira ahri mehne mari piti dahre yahuchu: Mari pjacu cã pjacu to jipachuta wamomacari, capari, dahpori, cahmori tí pinihta payu jira mari pjacu jia. Æta jija mari Cristo yaina cãhu. Cristo yaina to pjacu yoaro sehe cã curuata jira. ¹³ Æ jina Cristo yaina jina, to pjacu yoaro sehe cã curuata jija mari. Judio masa, judio masa jieraina, dahra cohtaina, dahra cohtaina jieraina, payu curuari jipanahta cãirota jiro to pjacu yoaro sehe cã curuata jija mari. Espiritu Santo cãirota jiro to tuaa mehne bautisarina jija mari. Æ jina cãiroreta Espiritu Santore cãaja mari, Cristo ya curua macaina jina.

¹⁴ Mari pjacu cã pjacu to jipachuta wamomacari, capari, dahpori, cahmori tí mari pjacu jia payu jira. ¹⁵ Mu dahporo durucuri dahporo jiro, Æ sehe niboã mãhare soro ni duaro: “Wamomaca jieraja yãhu. Æ jicu pjacu macariro jieraja yãhu”, niboã. Mu dahporo ã niparota pjacu macano jirota nina. ¹⁶ Mu cahmono durucuri cahmono jiro Æ sehe niboã mãhare soro ni duaro: “Capariaca jieraja yãhu. Æ jicu pjacu macariro jieraja yãhu”, niboã. Mu cahmono ã niparota pjacu macano jirota nina. ¹⁷ ¿Mari pjacu capariaca dihta jichu

dohse tuhobocari mari? Basioeraboa. ¿Æ jina mari pjacu cahmono dihta jichu dohse wijã tuhobocari mari? Basioeraboa. ¹⁸ Tô sehe jierara mari pjacu. Æ sehe jira. Mari pjacu jiare Cohamacu to cahmano seheta cãri jire mari pjacu. ¹⁹ ¿Mari pjacu jia mariachu dohse wahaboari mari pjacu? ²⁰ Mari pjacu Æ seheta jira: Cã pjacu to jipachuta mari pjacu jia payu jira.

²¹ “Mu yoadohochu cahmaeraja”, mu capariaca ni masierara mu wamomacare. Æ jichu, mu dapu mu dahporire “Mu yoadohochu cahmaeraja”, ni masierara. ²² Paye mari pjacu jiare “Wiho jia curea jira”, mari nia sehere pototi cahmaja mari paye mari pjacu jia yãhoro. ²³ Paye mari pjacu jiare “Soro jira”, mari ni tuhupanahta tíre mari pjacu jiare noano yoaja. Tuhsu, paye mari pjacu jiare mari buo tiare suhti mehne nuoja mari. ²⁴ Paye mari pjacu jiare nueraja mari. Tí pinine ñona, buo tieraja. Æ sehe ji dutiri jire Cohamacu mari pjacu. Mari ñoeraare mari pjacu jiare mari noano ño payoa mehne cãaja. Æta yoa dutiri jire Cohamacu. ²⁵ Æ jia mari pjacu jia ti basi cahma yoadohora, cã pjacu to noano jihto sehe. ²⁶ Æ jia mari capari ñano yãhduchu paye mari pjacu jia cãhu ñano yãhdãra. Tuhsu, mari capari noaa wahachu mari pjacu jia cãhu wahcheina masa yoaro seheta noano tuhutura.

²⁷ Æ jicu Æ sehe nii nija musare: Musa sehe Cristo to pjacu yoaro sehe cã curuata jira. Æ jina jipihtina musa to pjacu jia yoaro sehe to yaina jira. ²⁸ Æ jiro Jesu yainare mari yoadohohti cãhtire cãri jire Cohamacu marine. Æ sehe cãri jire tiro marine. Cãinare marine buhe dutiro to cã mãhtainare cãri jire tiro. Painare to yare yahuhtinare cãri jire. Painare masare buhehtinare, painare Cohamacu tuaa mehne yoahhtinare, painare dohatiinare ti yãhduchu yoahhtinare,

painare masare yoadohohtinare, painare masa p̄ahtoa jhtinare, painare t̄uhomahnoeraa d̄userire durucuhtinare c̄uri jire Cohamac̄u marine. ²⁹ ã to c̄uch̄u jipihtina c̄ano potori to c̄urina jieraja mari. Paina Cohamac̄u yare yahuhtina jierara. Paina Cohamac̄u buhe dutiro to c̄urina jierara. Tuhs̄u, paina masare buheina jierara. Paina Cohamac̄u tuaa mehne yoaina jierara. ³⁰ Tuhs̄u, paina dohatiinare ȳhd̄uch̄u yoaina jierara. Paina sehe t̄uhomahnoeraa d̄userire durucuina jierara. Tuhs̄u, paina t̄uhomahnoeraa d̄useri durucuaire yahu ȳhd̄oina jierara. ã jiro c̄ainare mari yoah̄t̄ire c̄uri jire tiro. ³¹ Wiho mejeta Cohamac̄u yare yoa masi duana noa ȳhd̄ua sehere tuaro cahmaga m̄usa. Jipihtia ahri yu niri ȳhd̄oro m̄usa cahmahti c̄jht̄ire mip̄ure yahuiht̄ja m̄usare ȳh̄u.

13

Painare noano ti cah̄it̄ire yahuha Paulo

¹ Masa ya d̄userire durucu masipanahta, anjoa ya d̄userire durucu masipanahta, painare cah̄ierana yaba c̄jhti jieraja mari. Mari durucua c̄h̄u yaba c̄jhti jierara. Painare cah̄ierana mari durucuna, wiho waro durucuna nija. ² Cohamac̄u yare noano yahu masipanahta, masa ti masierari c̄jirire Cohamac̄u yare ti buheri c̄jiri c̄h̄ure masi pah̄nopanahta, painare cah̄ierana yaba c̄jhti jieraja mari. “Ahd̄u t̄uc̄u pa seh̄ep̄u wahajaro”, mari nich̄u, “Potoc̄ata mari siniriro seheta Cohamac̄u yoarohca”, ni mari t̄uhotuch̄u ãta yoarohca. Cohamac̄ure ã ni t̄uhotuina jipanahta painare cah̄ierana, yaba c̄jhti jieraja mari. ³ Jipihtia mari yare p̄jac̄uoinare wapanahahta painare mari cah̄ierach̄u tí mari wari yaba c̄jhti jierara. Tuhs̄u, Cohamac̄u yare yoana tana mari p̄jac̄ure mari j̄u dutipach̄uta, painare mari cah̄ierach̄u marine yaba c̄jhti jierara.

⁴ Suaeraja painare cah̄ina. Tinare cah̄ina noano yoaja tinare. Tuhs̄u, painare cah̄ina tinare pah̄su tieraja. Mari cah̄iriro mehne jina “M̄u ȳhd̄oro jiriro jija”, niina jieraja mari. Painare cah̄ina “M̄usare masi ȳhd̄ur̄uc̄aja”, ni t̄uhotueraja mari tinare. ⁵ ã yoa painare cah̄ina tinare ño payoro mehne yoaja mari. Painare cah̄ina “S̄ã cah̄mano sehe yoaja. M̄usa cah̄mano sehe yoaeraja”, nieraja mari. Tuhs̄u, tinare cah̄ina suaeraja mari tina mehne. Painare cah̄ina marine ñano ti yoach̄u c̄h̄ure tina mehne ã suarucueraja mari. ⁶ Painare cah̄ina ñaare ti yoach̄u ñ̄na wahcheraja mari. Noaa sehere quih̄ono ti yoach̄u ñ̄na tuaro wahcheja. ⁷ Painare cah̄ina ti ya buhiri ñano ȳhd̄upanahta tinare ã cah̄irucuja mari. Painare cah̄ina paina sehe tinare ti yahuwajach̄u t̄uhopanahta tíre t̄uh̄o duaeraja mari. Painare cah̄ina “Tina ñaare yoasi”, ni t̄uhotuja mari tinare. Painare cah̄ina ñano ȳhd̄upanahta tinare cah̄i duhusi mari.

⁸ Painare cah̄ma cah̄ia ne pihtisi. Cohamac̄u yare masa mari yahua sehe baharo pihtia wahaahca. T̄uhomahnoeraa d̄userire durucua c̄h̄u baharo pihtia wahaahca. Cohamac̄u yare masa ti buheri c̄jiri c̄h̄u baharo pihtia wahaahca. Painare cah̄ma cah̄ia sehe ne pihtisi. ⁹ Mip̄ure Cohamac̄u yare mari masi pah̄ño masieraja. ã jina to yare yahuna mari yahu pah̄ño masieraja. Mari masi pah̄ñohto d̄ah̄sasina mini. ¹⁰ ã jina Cristo ñaa marieriro to tjua tari baharo mari masi pah̄ñonahca. “Masieraja”, ni namosi.

¹¹ Mari masi pah̄ñohto õ sehe jira: Nijinoc̄a jic̄u nijinoc̄a yoaro sehe durucumai ȳh̄u. Nijinoc̄a to yoaro sehe t̄uhoturucumai. B̄uc̄aro wahaip̄u nijinoc̄a to yoariro seheta duhunocai. (Tó seheta mari mip̄ure “Masi pah̄ñoeraja”, nipanahta baharop̄ure masi pah̄ñonahca.) ¹² Ñóno to noano mas̄u bajueraro seheta mip̄ure noano masi pah̄ñoerasinija

mari. Baharo pairore noano mari ñu masino seheta mari masi pahñonahca. Mipure mari masi pahñohto marine duhsasinina mini. Cohamacu marine to noano masi pahñoriro seheta baharo mari cãhu noano masi pahñonahca. ¹³ ã yoana tiarore mari yoa masija mipure. Cohamacure wacũ tua masija. ã yoa marine to yãhdũchũ yoahore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri puaro yãhdoro yoana nija. Wacũ tuaa, to yãhdũchũ yoahore cohtaa yãhdoro jira cahma cahĩna sehe.

14

Tãhomahnoeraa duseri durucuarẽ yahuha Paulo

¹ ã jina painare cahma cahĩina jiga m̃sa. ã yoa Cohamacu yare m̃sa noano yoa masihtore cahmaga m̃sa. Cohamacu yare m̃sa yahuhti pinihtare tuaro cahmaga m̃sa. ² Tãhomahnoerari duserore durucuriro Cohamacu mehne dihta durucura. ã ni durucuro masa mehne durucuro nierara tiro. To ã ni durucuchũ tãhoa masa sehe ne tãho ñahaerara tiore. Masa ti masierare Espĩritu Santo to tuaa mehne durucuro nina tiro. ³ Cohamacu yare yahuriro sehe masa sehere yahura. ã yahuro tiro masare yoadohoro nina. Tinare buhero nina tiro. Tuhsũ, ti ñano yãhdũchũ tiro tinare wahchechũ yoara. ⁴ Tãhomahnoerari duserore durucuriro cãirota buhera. Painare buherara. Cohamacu yare yahuriro sehe painare Jesu yainare buhero, yoadohora tiro.

⁵ Tãhomahnoeraa duserire jipihina m̃sa durucuchũ noaboa, yã tãhotuchũ. Wiho mejeta Cohamacu yare m̃sa yahuchũ pinihtare tuaro cahmaja. Cohamacu yare yahuriro pinihta tãhomahnoerari duserore durucuriro yãhdoro painare yoadohora. ã jipachata tãhomahnoerari duserore durucuriro to durucuarẽ

pairo to yahu yãhdochũ tí sehe pototi painare yoadohora. To durucuarẽ yahu yãhdoriro jiro tiro sehe painare Jesu yainare buhero nina. ⁶ Tãhomahnoerari duserore m̃sa mehne durucuchũ pairo m̃sare to yahu yãhdoerachũ m̃sare yoadohoeraboca yũhũ. ã jicũ Cohamacu yũhũre to yahurire yahuchũ, to yare yã masiare yahuchũ, payere to yare yahuchũ m̃sare yoadohoi nija. Tĩre m̃sa tãhohto sehe m̃sare buhecũ m̃sare noano yoadohoi nija yũhũ.

⁷ Tãhomahnoerari duserore durucuriro to durucua ti putipea ti buaputẽa yoaro sehe jira. Carisure putina, arpare buaputẽna tíre mari quihõno yoerachũ tí basaare painare masihto basioerara. ⁸ ã yoa cornetare putiriro surara jiro ti cahma wajãhto panore quihõno to putierachũ paina surara sehe ti cahma wajãhtore masisi. ã jia ti cahma wajãhto pano ti wajãhtire wamoare cahnyueraina jiahca tina. ⁹ Tó seheta m̃sa cãhũre tãhomahnoerari duserore m̃sa durucuchũ tãhoa, yahu yãhdoriro mariachũ paina tíre ne masisi. Ti ã masierachũ m̃sa durucua yaba cijhti jierara. ¹⁰ Ahri yahpai payũ duseri durucua jica. ã jia tí duserire durucuina ti basi ti ã durucuarẽ noano tãhora. ¹¹ To ya duserore yã tãhoerachũ ñano tíre durucuriro sehe “Pa dihta macariro jira”, ni tãhoturohca yũhũre. ã jicũ yũhũ cãhũ ãta ni tãhotuihca tiore. ¹² ãta jire m̃sa cãhũ tãhomahnoerari duserore durucuna. Espĩritu Santo to tuaa mehne tuaro yoa duamana m̃sa. To tuaa mehne ã yoa duana paina Jesu yainare m̃sa buhehti sehere tinare m̃sa yoadohohti sehere tuaro cahmaga m̃sa.

¹³ ã jiro tãhomahnoerari duserore durucuriro to durucuarẽ to noano yahu yãhdohto cijhtore Cohamacure sinijaro tiro. ¹⁴ Tãhomahnoerari dusero mehne Cohamacure sinicũ Espĩritu Santo mehne sinii nija. ã sinicũ yã tãhotuare masi namochũ

yoaeraja. ¹⁵ Ahrire masina, õ sehe yoanahca mari: Espíritu Santo to tuaa mehne t̃homahnoerari d̃sero mehne Cohamac̃re sininahca. Tuhs̃, pa tehe noano masi t̃hotu paina ti noano t̃hohto sehe ti ya durucua mehne Cohamac̃re sinina, tí c̃h̃re sininahca tjoa. Espíritu Santo to tuaa mehne t̃homahnoerari d̃sero mehne Cohamac̃ yare basanahca. Tuhs̃, pa tehe noano masi t̃hotu paina ti noano t̃hohto sehe ti ya durucua mehne Cohamac̃ yare basana, tí c̃h̃re basanahca tjoa. ¹⁶ Mari ã yoaerach̃ t̃homahnoera d̃seri mehne Espíritu Santo tuaa mehne Cohamac̃re “Noariro, tuariro jira”, mari nipach̃ta paina ne t̃hoerara. ã t̃hoeraa “Tóih̃ta jira”, ni masierara. ¹⁷ T̃homahnoera d̃seri mehne Cohamac̃re “Noana”, ni masija mari. Mari ã nia noaa jipach̃ta tíre yahu ỹhdoerana painare buheraja mari. ã jina tinare yoadoheraja mari. ¹⁸ Jipihtina m̃sa ỹhgoro ỹh̃ sehe t̃homahnoeraa d̃serire durucuja. ã jic̃ Cohamac̃ ỹh̃re ã durucu masich̃ to yoach̃ tirore “Noana”, nija ỹh̃. ¹⁹ ã durucuriro ỹ jipach̃ta Jesu yaina cahmachuina watoi ỹ jich̃, t̃homahnoerari d̃sero mehne paỹ d̃serire ỹ nipach̃ta yaba cjihti jierara. Tí ỹhgoro masa ti noano t̃hohto sehe mahaa d̃seric̃ã ỹ yahupach̃ta noa nina, ỹ t̃hotuch̃.

²⁰ Ỹ coyega, macanac̃ã t̃ho masieraina ti jiro sehe jiena tjiga m̃sa. Wahma masa bajuaina ñaa yoare ti masieraro seheta jiga m̃sa c̃h̃. Tuhs̃, buc̃na t̃ho masiina ti jiro sehe jiga m̃sa. ²¹ Cohamac̃ yare ti joari p̃i õ sehe nina: “T̃homahnoeraa d̃serire durucuinare ahrina masare ỹ yare yahu dutihtja. ã yoa pa dihta macaina ya durucua mehne ỹ yare yahu dutihtja ahrina masare. Tinare ti ã yahupach̃ta ahrina ỹ yahua t̃hosi’, nina Cohamac̃ mari p̃h̃toro”, nina Cohamac̃ yare ti

joari p̃i. ²² T̃homahnoeraa d̃serire durucua Jesu yainare Cohamac̃ tuaare masich̃ yoah̃ti cjihti jierara. Tí durucua Jesure cahmaeraina sehere Cohamac̃ tuaare masich̃ yoah̃ti cjihti jira. ã yoa Cohamac̃ yare yahua Jesure cahmaerainare Cohamac̃ tuaare masich̃ yoah̃ti cjihti jierara. Cohamac̃ yare yahua Jesu yaina sehere Cohamac̃ tuaare masich̃ yoah̃ti cjihti jira. ²³ ã yoa jipihtina m̃sa Jesu yaina cahmachuch̃ t̃homahnoeraa d̃serire m̃sa durucuch̃ tíre masieraina, paina Jesure cahmaeraina c̃h̃ s̃ã ta t̃hoboca. ã t̃hoa “Tina t̃ho masieraina jira”, niboca m̃sare tina. ²⁴ Jipihtina m̃sa Cohamac̃ yare m̃sa yahuch̃ pinihta tíre masierariro, Jesure cahmaerariro s̃ã ta t̃horo, to ñaa yoari buhirire masiboca tiro. ã masino to ñaa yoarire cahyaboca tiro. ²⁵ ã jiro potoc̃ã to jia tiare to t̃hotua c̃h̃re masiboca tiro. ã yoaro Cohamac̃ panoi na tuh̃cua caha s̃ro, tirore ño payorohca. Tuhs̃, “Cohamac̃ potoc̃ãta m̃sa mehne jira”, ninohca tiro m̃sare.

M̃sa cahmachuna noano yoaga dojomehnenno marieno

²⁶ ã jic̃ ỹ coyega, m̃sare ahrire nii nija: M̃sa Jesu yaina cahmachuna c̃aina m̃sa mehne macaina Cohamac̃ yare basa duara. ã yoa paina m̃sa buhe duara. Tuhs̃, paina m̃sa Cohamac̃ m̃sare to buheri cjihtire yahu duara. Paina m̃sa t̃homahnoerari d̃serore durucu duara. Tuhs̃, paina m̃sa tí d̃seri durucua yahu ỹhdo duara. Tí jipihtiare ã yoana m̃sare t̃hoina ti noano masihto sehe tíre yoaga. ²⁷ ã jina t̃homahnoerari d̃serore m̃sa durucuna p̃aro, tiaro tópeinata durucuga m̃sa. ã yoana c̃ainata durucuga. M̃sa ã durucuch̃, c̃airo m̃sa mehne macariro m̃sa durucua painare yahu ỹhdojaro. ²⁸ M̃sa durucua yahu ỹhgoriro mariach̃ m̃sa cahmachuna jipihtina m̃sa t̃homahnoeraa d̃serire

durucu duaina durucuena tjiga. Æ jina masa marienoi Cohamacu mehne durucuga musa. ²⁹ Æ yoa Cohamacu yare yahu duana p̄h̄aro, tiaro tópeinata yahuga musa. Musa ã yahuchu paina musare t̄h̄oina musa yahurire Cohamacu ya to jichu noano masijaro. Cohamacu ya to jierachu c̄h̄ure noano masijaro. ³⁰ Æ yoa Espíritu Santo Cohamacu yare paire tói dujirirore to yahu d̄ucach̄u tiro c̄h̄u Jesu yainare yahu duara. Æ jiro Cohamacu yare yahu m̄h̄tariro sehe dihta mariajaro. ³¹ Æ jina jipihtina musa Cohamacu yare yahuna, c̄ainata yahuga musa jipihtina paina ti noano t̄h̄ohto sehe, ti noano wahchehto sehe. ³² Æ jina Cohamacu yare yahuina jina, noano t̄h̄o masi, noano t̄h̄otu dapo, durucuina jiga. ³³ Cohamacu to yaina ti cahmachunop̄u ti cahma wisiach̄u cahmaerara tiro. Dojomehnenno marieno ti noano jichu cahmana tiro.

Jipihtirop̄u Jesu yaina cahmachua, ò sehe yoara tina: ³⁴ Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacu to joari p̄u to niriro seheta numiare m̄are noano ȳhtia numia jiro cahmana. Æ jia cahmachunoi numia durucuea t̄jijaro. ³⁵ Jesu yaina ti cahmachunoi numia ti durucuch̄u ñaa nina. Æ jiro paye barore masi duaro numino to ya w̄h̄up̄ata to man̄nore sinitujaro.

³⁶ Ahri ȳu yahuhtire noano masiga musa. Cohamacu durucuare yahu d̄ucaina jierara musa. Tuhs̄u, to yare t̄horina musa dihta jierara. Paina c̄h̄u to ya buheare c̄h̄ara. ³⁷ Musa mehne macariro “Ȳh̄u Cohamacu yare yahuriro jija”, ni t̄hoturiro jiro ahri musare ȳu joari cjiri Cohamacu to dutia jichu masijaro tiro. Tuhs̄u, paio “Espíritu Santo to tuua mehne yoa masija”, ni t̄hoturiro jiro tiro c̄h̄u ahri ȳu joari cjiri Cohamacu to dutia jichu masijaro tiro. ³⁸ Tíre to masi duaerach̄u ȳu joari cjirire “Potocã jierara”, to nichu tirore

duhunocahga. T̄hoena tjiga tirore.

³⁹ Æ jina ȳu coyeya, Cohamacu yare yahuina musa jihtore tuaro cahmaga musa. Tuhs̄u, musa mehne macaina musa cahmachunoi t̄homahnoeraa d̄userire ti durucu duach̄u ã durucu dutiga tinare. ⁴⁰ Æ cahmachuna noano, cahma dojomehnenno marieno yoaga musa.

15

Cristo to masa m̄jarine yahuha Paulo

¹ Mip̄ure ȳu coyeya, noaa buheare musare ȳu yahurire musare wac̄uch̄u yoa duaja. Tí buheare noano cahmare musa. Æ cahmana tí buheare ã ȳhtirucure musa. ² Musa ã cahmachu tíre musa ã ȳhtirucuch̄u Cristo musare pichacap̄u waha-borinare ȳhd̄uch̄u yoa tuhs̄ure. Musa ã t̄h̄ori baharo Cristo yare musa duhunocach̄u tí musa t̄h̄ori cjiri yaba c̄jhti jierara.

³ Ò sehe ni yahu m̄htaihtja musare. Ahri wiho waro jierara. Musare buhec̄u ȳh̄ure Cristo to yahuri cjirire musare ò sehe ni yahui: Cohamacu yare ti joariro seheta mari ñaa buhirire Cristo yariari jire. ⁴ Æ yoa Cohamacu yare ti joariro seheta Cristo to yariari baharo paina to pjac̄u cjirire copap̄ure ti duhu payori baharo tia dacho jiboroi tiro masa wijaari jire. ⁵ Tiro to ã masa wijaari baharo Pedrore bajuari jire. To ã bajuari baharo to buheinare bajuari jire tjoa. ⁶ To ã bajuari baharo c̄u tahata quiniento bui jinare to yainare tiro bajuari jire tjoa. C̄aina tirore ñ̄rina cjiri mip̄ure yariarina cjiri jira. Ti ã jipach̄ata payu tina mehne macaina cjiri mip̄ure jisina. ⁷ Baharo Cristo Santiagore bajuari jire tjoa. Æ to bajuari baharo jipihtina to buhe duti to c̄rinare bajuari jire tjoa.

⁸ Jipihtina painare to bajuari baharo ȳh̄u c̄h̄ure bajuare tjoa. Wih̄arirocã to quih̄ori dachoi masa bajuerarirocã to masa bajua n̄n̄u tiriro seheta ȳh̄u c̄h̄u Jesure wac̄u

tua nunu tiroiro jija. Yu ã jiriho jichu ti baharopu bajuare Jesu yuhu cãhure tjoa. Yuhureta tiro bajua batoare juna. ⁹ Panopure Jesu yainare ñano yoamai. Æ yoariho cjiro jicu paina Jesu to cãrina jipihtina ti docapu waro jija yuhu. Æ jicu mipu cãhure Jesu buhe duti to cãboriro jieramaja yuhu, yu tuhutuchu. ¹⁰ Æ jipaihta Cohamacu yuhure to cahichu mipure Jesu to cãriro jija yuhu. Æ jicu tiro yuhure to cahichu mipure to cahmaare yoa pahñoja. Æ jicu yuhure to cahichu to yairo ã jinocai nieraja. Jipihtina paina to cãrina yuhdoro yuhu sehe tuaro buhei. Æ buhecu yu mu suro buherahi. Cohamacu yuhure cahno yuhure yoadohore. ¹¹ Yuhu sehe ahri buheare yu buhechu tuhorina jiboca musa. O paina sehere tuhorina jiboca musa. Æ jipachuta yuhu, yuhu mehne macaina cãhu cãno potori ahri buheare buheja sã jipihtina Jesu to cãrina. Æ sã buhechu tuhona musa sehe ahri buheare noano tuhore.

Yariarina cjiri ti masa mjarine yahuha Paulo

¹² Cristo to yariari baharo to masa mjarine sã buhepachuta “Yariarina cjiri ne masa mjaerara”, nina musa mehne macaina cãina. ¿Dohse jiro baro ã nijari tina tíre? ¹³ Æ jiro yariarina cjiri ti masa mjaerachu Cristo cãhu ne masa mjaeraboa. ¹⁴ Æ yoa Cristo to masa mjaerachu noaa buheare sã yahuri cjiri ne yaba cjihti jieraboa. To masa mjaerachu tirore musa wacũ tuaa cãhu yaba cjihti jieraboa. ¹⁵ Masa mjarano mariachu sã sehe Cohamacu yare mahõna nibo. Yariarina cjiri ti masa mjaerachu Cohamacu sehe Cristore masa mjachu yoeraboa. To ã yoerachu “Cohamacu Cristore masa mjachu yoari jire”, sã nina mahõina jiboa sã. ¹⁶ Yariarina cjirire Cohamacu masoeraro, Cristo cãhure tiro masoeraboa. ¹⁷ Æ jiro Cristo to masa mjaerachu tirore musa wacũ tuaa yaba cjihti jieraboa. Æ

yoa musa ñaa yoari buhiri buhiri tiina jisiniboa musa. ¹⁸ Masa mjarano mariachu Cristo yaina cjiri yaria mahtaina cjiri pichacapu waha tuhsuboa. ¹⁹ Cristore mari wacũ tuari baharo mari yariana masa mja masierana jipihtina paina masa yuhdoro pjacõina jiboa mari sehe.

²⁰ Potocãta Cohamacu Cristore masa mjachu yoari jire. Cristo to masa mjarari baharo mari cãhu yarianapu masa mjahtina tjija. Tiro ã masa mjarano, marine suho masa mja mahtariho jira. ²¹ Õ sehetã jira ahri: Adão mehne masa yaria ducãha. Tó sehe Jesu mehne yariarina cjiri masa mjaahca. ²² Adão yaina ji nunu tiinapu mari jipihtina yarianahca. Tó sehetã Cristo yaina mari jichu mari yariari baharo marine masa mjachu yoarohca Cohamacu. ²³ Cãa curuari Cohamacu to quihõriro mu suchu masa mjaahca. Cristo marine suho ji mahtariho masa mja mahtari jire. Baharo tiro ahri yahpapu to tjua tachu mari to yaina cãhu masa mjanahca. ²⁴ Tí pjata pihtiri dacho jirohca. Æ jiro jipihtina ñaina puhtoare, dutiinare, tuainare cohãno Cristo yuhdurucaroahca. To ã yoari baharo jipihtina bui to puhtoro to jirire Cristo wiarohca Cohamacu to Pucuro. ²⁵ To wiahto pano to Pucuro Cristore ñu tuhtiinare to yuhduruca pahñohto pano Cristo pinihta jipihtina bui puhtoro jirohca. Æ jirirota jiro cahmare tirore. ²⁶ Tirore ñu tuhtiinare to yuhdurucari baharo, yariaro cãhure cohã batoarohca tiro. Yariaro pihtia waharohca. Pari turi yariasi masa. ²⁷ Jipihtina bui dutihtiro cjihtore cãri jire Cohamacu Cristore. Jipihtia puho cãhure cãri jire tirore. Æta nina Cohamacu yare ti joari pui. Cohamacu sehe tirore cãriro jira. Æ jiro “Jipihtina bui dutihtiro cjihtore cãri jire tirore” nino, “Cohamacu bui dutiro jira tiro”, nino nierari jire to yare ti joari pui. ²⁸ Jipihtina bui dutiro Cristo Cohamacu macano to jichu Cohamacu tirore cãriro sehe to

macano bui dutiro jirohca. Æ jiro Cohamacu sehe jipihtina bui puhtoro waro jira. Jipihtia puro cãhu jira.

²⁹ ¿Masa mujano mariapachuta dohse yoa paina masa yariarina cjiri ya cjihtire ti bautisarina jijari? Yariarina cjiri masa mjaerachu ti ya cjihtire paina bautisarina ti jichu ti yaba cjihti jieraboa.

³⁰ Sã sehere sã buheri buhiri dachoripe paina sãre ti ñano yoa duachu cua nina sã cãhure. Sãre ã cuapachuta masa mujano to jichu masina ã buherucuja sã. ³¹ Yu coyea, mari puhtoro Jesucristo yaina musa jichu tirore wacũ tua namoina musa wahachu yhu sehe tuaro wahche tuhotuja musare. Tí potocãta jira. Æ yoa, “Dohse jiri numai yãhure variahto cua nina”, yu nichu ti cãhu potocãta jira. ³² Efeso macaina suaina noaa buheare yu buheri buhiri yãhure tuhti, cãhre. Masa mujano mariachu Jesu yairo yu jierachu, yu ã ñano yãhdari yaba cjihti jieraboa. Wiho waro ñano yãhdai nibo yhu. Yariarina cjiri ti masa mjaerachu õ sehe nibo mari: “Baharo curero yarianahca. Dohse wahasi mari. Æ jina chu sihnijihna. Mari mu saro yoajihna”, nibo mari.

³³ Mahñoare tuhotuena tjiga musa. “Ñainare piti tina, noaa musa yoaa tiare duhunahca musa”, nina masa. Tí potocãta jira. ³⁴ Noaare tuhotuina jiga musa. Tuhsu, noaare yoaina jiga tjoa. Æ yoa ñaare yoa namoena tjiga tjoa. Cãina musa mehne macaina sehe ne Cohamacure masierara. Musa buo tihto sehe musare ã nija.

Yariarina cjiri masa mujaina ti pjacuri cjihtire yahu namoha Paulo

³⁵ Æ yoa musa mehne macariro õ sehe ni sinituboca yãhure: “¿Dohse yoa yariarina cjiri masa mjaahcari? ¿Dohse jia pjacuri masa mjaahcari?” ni sinituboca. ³⁶ Æ sinituriro tuho masierariro seheta bisiro coa tara. Toari yapare mari toari baharo tí yapa baro cahachu waro dura. Tó sehe wahaeraro ne dusi. Tíre masina

musa. ³⁷ Busu yucpore toeraja mari. Pja yapari dihtare toaja mari. Tí yapari trigo yapari jia ji, o paye yapari baro jia jiboca. ³⁸ Tí yaparire mari toari baharo Cohamacu to cahmariro seheta tí yaparire busu mujachu yoara. Æ yoaro mostaza yaparire mostaza yucu wahachu yoara tiro. Trigo yaparire trigo yucu wahachu yoara. Æta du dutira Cohamacu. ³⁹ Jipihtina pjacuri cãno potori bajuerara. Masa pjacuri sehe cãno sehe jira. Wahiquina pjacuri cãhu soro sehe bajura. Minichahca pjacuri cãhu soro sehe bajura. Wahi cãhu soro sehe pjacuri tira.

⁴⁰ Æ yoa musano macaa poca cãhu soro sehe bajura. Tuhsu, ahri yahpa macaina cãhu pjacu tira. Æ yoa musano macaina pjacuri soro sehe bajura. Æ jia ahri yahpa macaa musano macaa yoaro sehe jierara. ⁴¹ Õ seheta jira. Sũ dacho macariro si sitera. Æ yoa ñami macariro cãhu soro jira. Potota buhriara. Tuhsu, ñahpichoha poca cãhu soro sehe bajua si sitea cãhara. Ñahpichoha poca peri cãhure mari ñachu cãa poca pjiroca sia poca bajura. Æ yoa paye poca tuaro sia poca bajura. ⁴² Tó seheta jira yariarina cjiri ti masa mujachu. Masano to pjacure mari yari baharo to pjacubaa waharohca. Baharo pa pjacu soro jiri pjacu jipihtia dachoripe catihti pjacu masa mujanohca. ⁴³ Tó pjacure mari yachu yariariro cjiro pjacuo nina. Cohamacu tirore to masochu to pjacu noa yãhdari pjacu jira. Tuhsu, to pjacu mari yari pjacu wiho jiri pjacu jira. Cohamacu tirore to masochu pinihtare to pjacu wiho jiri pjacu jieraro, tua yãhdara. ⁴⁴ Ahri yahpa macari pjacure mari yachu tiro yariariro cjiro to masa mujachu to pjacu musano macari pjacu jirohca. Ahri yahpa macari pjacure mari cãhana, musano macari pjacu cãhure cãhanahca, masa mujana.

⁴⁵ Õ sehe ni yahura Cohamacu yare ti joari pũ: “Ahri yahpai ji mhtariro Adão wama tiroro catiriro wahaa

tiha”, ni joaa tiha. To ã jipachuta Adão yoaro sehe jiri bato tiri Cristo sehe catiare waro tari jire. ⁴⁶ Ahri yahpa macari pjacu ji mæhtari pjacu jira. Baharopu mæano macari pjacu jirohca. ⁴⁷ Õ seheta jira: Ji mæhtariro Adão sehe ahri yahpa macariro dihta mehne to yoari pjacure pjacu tiri jire. To baharo tariro, Cristo sehe mæanopu tari jire. ⁴⁸ Dihta mehne ti yoari pjacu ti mæhtariro to jiriro seheta jipihtina paina dihta mehne to yoari pjacu tiina jija mari. ã yoa mæanopu tariro yoaro seheta to yaina jipihtina to yoaro sehe pjacu tiina jinahca mari. ⁴⁹ Dihta mehne to yoari pjacu tiriro Adão yoaro sehe bajuja mari. Baharo mæano macariro Cristo yoaro sehe bajunahca mari.

⁵⁰ Yu coyea, musare ahrire yahu duaja: Ahri yahpa macari pjacu di mehne, dihi mehne jiri pjacu puhtoro Cohamacu to saho jiropure mæanopure ne wahasi. Mari pjacuri bahti pjacuri jira. ã jia mæanopu jipihtia dachoripe mari jhtopure ahri pjacuri wahasi. ⁵¹ Panopure masa ti masierari cjirore mipure musare yahu duaja: Mari mehne macaina caina yariasi. ã jina dóicãta, mari pjacurire cohtotaina jinahca. ⁵² Corneta to puti batoari dachoi ãta waharohca marine. Dóicãta, mari capari wihmitjiã mari nu puorocarosehe õ sehe waharohca. Corneta to bisiri baharo yariarina cjirore Cohamacu masonohca jipihtia dachoripe mari jhtina cjihtire. Tuhsu, mari pjacurire cohtotaina jinahca mari cãhu. ⁵³ Mari pjacurire to cohtotachu tó pano mari bahti pjacuri ti jipachuta mari cohtotari baharo ne baasi. ã yoa mari pjacuri ti cohtotachu tó pano mari yarihti pjacuri ti jipachuta ne yariasi. ⁵⁴ Mari bahti pjacuri ne baerhti pjacurire cohtotarohca. ã yoa mari yarihti pjacuri ã jirucuhti pjacurire cohtotarohca. Marine to ã cohtotachu panopu to joariro seheta ã waharohca: “Ñaina mari jiri buhiri

tiare Cristo to cohã pahñori baharo, Cohamacu yariarore cohãnocari jire. ⁵⁵ Ne pari turi mari yariasi. ã jina yariaro mehne pari turi ñano yuhdusi mari”, ni joaa tiri jire panopure. ⁵⁶ Mari ñaa buhiri jichu pinihta yariaropu ñano yuhdunahca. ã yoa Cohamacu dutia Moise cjirore to cûri cjirore mari masiri baharo, buhiri tija mari. ã jiro marine pichacapu waha dutira Cohamacu dutia. ⁵⁷ To ã dutipachuta mari puhtoro Jesucristo sehe marine pichacapu wahaerachu yoara. To ã yoariro jichu masina Cohamacu mehne wahche “Noana”, nija mari.

⁵⁸ ã jina yu coyea, yu cahina, Cristore wacû tua duhuena tjiga. ã yoana paina musare noaa buheare ti cohã dutichu, ne cohãena tjiga tíre. ã yoa dachoripe mari puhtoro Jesucristo to yoa dutirire noano yoarucuga musa. Mari puhtoro Jesucristo yare mari yoachu, ahri wiho waro jierara. Ahrire masina to yoa dutirire noano yoarucuga musa.

16

Painare Jesu yainare Corinto macaina niñeru ti wahtire yahuha Paulo

¹ Mipure painare Jesu yainare musa niñeru wahtire yahu duaja musare. Galacia yahpa macainare Jesu yainare yu dutiriro seheta musa cãhu yoaga. ² Somanaripe domingo jichu jipihtina musa Jesu yainare wahti cjihti niñerure mahanocã waga. Mahanocã cãana mahanocã waga. ã yoa pji curero cãana pji curero waga. Somanaripe musa ã yoachu musa cahapu yu suchu musa warocahti cjihti niñeru ji tuhsurohca. ³ Musa wahtire, musa warocahtina cãhure yahuri pûre joaihtja. ã jicu musa cahapu sucu tí pûre Jerusalëpu wahahtinare musa beserinare waihtja. ã wa tuhsucu Jesu yainare musa warocari niñerure nahtina cjihtire tinare warocaihtja Jerusalëpu. ⁴ Tí macapure yu yoahti jichu yuhcãhu

wahaihca. Yũ ã wahachũ yũhũ mehneta tina wahaahca.

To tinihto cjihtore yahuha Paulo

⁵ Macedonia yahpa macainare masa boca yũhdũihca yũhũ tinare. Yũhdu wahcã, mũsa cahai Corintopũ sũihca. ⁶ Tópũ sũcũ mũsa mehne mahaa dachoricã jiboca yũhũ pa tehe nicũ. Yoa cureri pja puhuro puro mũsa mehne jiboca yũhũ. ã jina pa seherũ yũ wahachũ mũsa cãhũ yũhũre yoadohoroca masina. ⁷ Mahaa nũmũricã ji duaeraja yũhũ mũsa mehne. ã jicũ Cohamacũ cahmachũ yoa cureri pja mũsa mehne jiihtja yũhũ. ⁸ ã ji duapaihta Pentecoste bose nũmũri jichũpũ Efesoi jisiniihca yũhũ. ⁹ Õi Efesoi mipũre mari pũhtoro Jesu yare tũho duaina payũ jira. Ti ã tũho duachũ tinare yahuja. Yũ ã yahuchũ yũhũre ñũ yabiina payũ jira.

¹⁰ Timoteo yũ yoaro seheta mari pũhtoro yare yoara. To ã yoariro jichũ mũsa cahapũ to sũchũ noano mehne tirore piti boca, tiro mehne noano wahchea mehne jiga mũsa. ¹¹ ã yoana tirore ñũ yabiro marieno noano mehne piti bocaga mũsa. Tuhsũ, to coha sitichũ noano mehne tirore yoadohorocaga yũ cahapũ to tjua tachũ. Tiro paina Jesu yaina mehne ti tahtore cohtana nija sã. ã jina noano mehne yoadohorocaga tinare.

¹² Apolo mari coyero Jesu yairo mũsare to ñũno wahachũ tuaro cahmamahi. ã jicũ tirore waha dutimahi paina Jesu yaina mehne to wahahto cjihtore. Yũ ã waha dutipachũta mipũre tiro waha duaerare. ã jiro baharo tirore yoaa mariachũ mũsa cahapũ waharohca tiro.

Paulo noa duti batoaha

¹³ Noano wacũ masiga mũsa. Cristore wacũ tua duhuena tjiga mũsa. Ne cuieraina jirucuga mũsa. ã yoa Cohamacũ tuua mehne wacũ tuaina jirucuga mũsa. ¹⁴ Dohse jiare mũsa yoana, painare cahã mehne tíre yoaga mũsa.

¹⁵ Mipũre yũ coyera mũsare ahrire yahu duaja: Estéfana ya wũhũ macaina Acaya yahpa macaina noaa buheare tũho mũhtaina, ti ya yahpai Cristore wacũ tua mũhtaina jire tina sehe. Tuhsũ, painare mari coyere Jesu yainare noano yoadohorucure tina. Tíre mũsa masina. ¹⁶ Tina yoaro sehe jiiinare, paina Cristo yare yoadohoinare mũsa noano yũhtichũ cahmaja yũhũ. ¹⁷ Estéfana, Fortunato, Acaico cãhũ yũ cahapũ wihi tuhsũhre. Õi ti jichũ pjíro mehne wahcheja yũhũ. Mũsa mariachũ mũsare tuaro wacũi nimahi yũhũ. ã jicũ tina ti wihichũ wahcheja yũhũ. ¹⁸ Tina mehne jicũ noano yajeripohna tiroro wahahi yũhũ mũsa cãhũ tina mehne mũsa wahcheriro seheta. Tinare noano ño payoa mehne tũhoga mũsa. ã yoa paina tina yoaro sehe jiiina cãhũre ño payoa mehne tũhoga.

¹⁹ Asia yahpa macaina Jesu yaina mũsare noa dutira. ã yoa Aquila, Priscila, ti ya wũhũi cahmachuina mehne Cristo to cahã mehne mũsare pjíro noa dutira. ²⁰ Õ macaina Jesu yaina jipihtina mũsare noa dutira. Mũsa mehne macainare noano mehne piti bocasinia.

²¹ Yũhũ, Paulo yũ basi ahri dihtare joaja. Mũsare noa dutija.

²² Mari pũhtoro Jesucristore paio to cahĩerachũ, Cohamacũ tirore buhiri dahrejaro. Mari pũhtoro cjero tjua tajaro.

²³ Yũ coyera mari pũhtoro Jesucristo mũsare jipihtinare to cahã mehne noano yoajaro. ²⁴ Yũhũ Jesucristo yairo jicũ, to yaina mũsa cãhũ mũsa jichũ mũsare tuaro cahãja.

2 Corintios

Õ sehe ni joarocaha Paulo Corinto macainare

¹ Yũhũ Paulo Jesucristo buhe dutiro to cũriro jija. Cohamacũ to cahmariro seheta cũre yũhũre Jesu. Yũhũ, mari coyeiro Jesu yairo Timoteo mehne mũsare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare mũsa cũhũre joarocaja. ² ã jina Cohamacũ mari Pũcũ, mari pũhtoro Jesucristo mehne mũsare noa dutija. Cohamacũ to cahĩa mehne to yoadohoa mehne noano jiga mũsa.

Paulo to ñano yũhdũrĩre õ sehe ni yahuha

³ Mari pũhtoro Jesucristo Pũcũro Cohamacũ marine pja ñũna. ã jiro tiro marine ã yoadohorucura. “Noa yũhdũarĩro jira tiro”, nijihna mari. ⁴ Mari ñano yũhdũchũ ñũno jipihtinare marine to yainare yoadohora tiro painare mari yoadohoto sehe. Cohamacũ marine to yoadohoa mehne mari cũhũ paina cũhũre yoadohonahca. ⁵ Cristo yaina mari jiri buhiri mari ñano yũhdũchũ tiro tuaro yoadohorohca marine. ⁶ Sã sehe mũsare yoadohona ñano yũhdũja. Cristo mehne mũsa yũhdũhto sehe mũsare sã yahuri buhiri ñano yũhdũja. ã yoa Cristo sãre to yoadohochũ sã sehe mũsa cũhũre yoadoho masija. ã jina sã ñano yũhdũrĩro seheta mũsa cũhũ ñano yũhdũna, noano mehne cãno pjanahca mũsa. ⁷ Noano mehne mũsa cãno pjahtore sã masija. Sã ñano yũhdũrĩro seheta ñano yũhdũre mũsa cũhũ. ã jina Cohamacũ to yoadohoa mehne wahche, sã cãno pjarĩro seheta mũsa cũhũ wahchena, cãno pjanahca.

⁸ Sã coyea, mipũre ahri yũ yahuhtire mũsa noano masichũ sã cahmaja. Asia yahpai ñabiaro yũhdũi sã. Õ sehe ni tũhotumai sã: “Ne bihosi

mari. Ne cãno pjasi. ã jina mari yari-anahca”, ni tũhotumai sã. ⁹ “Marine wajãnocahca”, ni tũhotumai sã. ã ñano yũhdũna Cohamacũ dihtare tuaro sã wacũ tua namoi. Sãre ti ñano yoachũ cahmaha Cohamacũ tirore sã wacũ tua namohto sehe. Tiro sehe yariainare masoriro jira. ã tirore wacũ tuana sã mũ sũro sã cãno pjaerarire masija. Cohamacũ sehe marine yoadohora. ¹⁰⁻¹¹ Sãre cuabiaro jipachũta to yoadohoro mehne sã yũhdũi. Baharopũ cũhũre pari turi sãre yũhdorohca. Sãre Cohamacũre mũsa sini payochũ tiro sãre yoadohorohca. Sãre to yoadohohtore masija sã. ã jina sãre to yoadohochũ ñũna, tirore “Noana”, ninahca mũsa. Payũ mũsa sini payorire to yũhtichũ ñũna wahche, “Noana”, ninahca mũsa Cohamacũre. Payũ paina cũhũ ãta niahca.

Paulo Corintopũ to waha duamarire yahuha

¹² Mũsa mehne sã jĩre wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Mũsa pinihtare noano piti ti buhei. Õ sehe yoana sã mũ sũro sã masia mehne yoaerahi. Cohamacũ cahĩa mehne to tuua mehne ã yoahi. ¹³⁻¹⁴ ã yoana noano yahu joarocahi mũsare, noano mũsa masihto sehe. Mipũ sãre mũsa masi pahũohto dũhsasinina mini. Sã jia tiare mũsa noano masichũ tuaro cahmaja sã. ã sãre noano masina, mari pũhtoro Jesu to tjua tachũ sã mehne wahchenahca mũsa. Mũsa mehne sã wahcheriro seheta mũsa cũhũ sã mehne wahchenahca.

¹⁵⁻¹⁶ Õ sehe nicũ Macedonia yahpapũ waha duamaja yũhũ. ã wahacũ mũsare ñũ yũhdũ wahcã duamaja yũhũ. ã jicũ tũpũre sũricũ tjua tacũ pari turi mũsa mehne mahaa nũmũricã jiboca yũhũ. ã jina pũta taha mũsa mehne yũ jichũ ñũna pjĩro yũhũ mehne mũsa wahcheboca. Baharo mũsa cahapũ jiricũ Judea yahpapũ yũ wahachũ ñũna yũhũre yoad-

ohoboca m̄sa. ¹⁷ “Wahaihtja”, ȳ nich̄ t̄horina jina m̄sa cahap̄ ȳ s̄erach̄ ñ̄na “Paulo mah̄õno niri jira”, ¿ni t̄hotujari m̄sa? “Wahaihtja”, nic̄ ȳ m̄ s̄ro ã nic̄ nieraja ȳh̄. “To niriro seheta yoaerara”, ¿ȳh̄re ni t̄hotujari m̄sa? ¹⁸ Õ sehe ni mah̄õnoro jieramaja ȳh̄. ã jic̄ “Yoaihtja”, nic̄ ȳ niriro seheta yoaja ȳh̄. Tíre masina Cohamac̄. ¹⁹ Ȳh̄, Sila, Timoteo mehne Jesucristo Cohamac̄ mac̄no yare m̄sare yahui s̄. Cristo sehe “Yoaihtja” nino, quih̄õno yoariro jiro nina. Cohamac̄ to niriro seheta Cristo yoara. ²⁰ Jipihtiare Cohamac̄ to yahurire Cristo yoa pah̄õha. To ã yoariro jich̄ ñ̄na Jesu yoadohoro mehne to yare s̄ painare “ã tjira”, ni yahuja Cohamac̄re ti ño payohto sehe. ²¹ Cristo yaina marine jirucuch̄ yoariro Cohamac̄ta jira. ã jiro to yare yahuhtinare s̄re besere tiro. ²² ã yoa to yaina mari jiare ñ̄no tíre marine masich̄ yoara tiro. ã yoaro, Esp̄ritu Santore mari mehne ji dutire tiro. Mari mehne jiro tirota marine Cohamac̄ to ȳh̄dohtore masich̄ yoara.

²³ Mip̄re poto yahuihtja m̄sare. Poto ȳ yahuerach̄ Cohamac̄ sehe m̄sare poto yahujaro. Tirota ȳ t̄hotuare masina. M̄sare tuhti duaerac̄ m̄sa cahap̄ wahaerahi. “M̄sare cahyach̄ yoari”, nic̄ m̄sa cahap̄re Corintop̄ wahaerahi. ²⁴ ã jina “M̄sare wac̄ tua dutiina jija s̄”, nina nieraja. Cristore noano wac̄ tua tuhs̄re m̄sa. ã jina “Õ sehe Cristore wac̄ tuaro cahmana m̄sare”, nina nieraja s̄. M̄sare yoadoho duaja s̄ m̄sa noano wahchehto sehe.

2

¹ ã jic̄ õ sehe ni t̄hotuhi: “Pari turi tinare cahyach̄ yoa duaeraja. ã jic̄ mip̄re wahaeraja”, ni t̄hotuhi. ² M̄sare cahyach̄ yoa duaeraja. M̄sa cahyach̄ ñ̄nc̄ ȳh̄ sehe m̄sare wahcheraboa. ã jina ȳh̄re wahchech̄ yoahina

jieraboa m̄sa sehe. ³ ã jic̄ m̄sa cahap̄ wahaerahi. Wiho mejeta m̄sare wiho joaroca bahrañ̄ohi. M̄sa ȳh̄re wahchech̄ yoahina jipanahta ȳh̄re cahyach̄ yoaboa m̄sa, m̄sa cahap̄ ȳ s̄ch̄. M̄sa mehne ȳ wahchech̄, m̄sa c̄h̄ wahchenahca. Tíre masija ȳh̄. ã jic̄ mip̄re m̄sa mehne cahya duaerac̄ wahaerahi m̄sa cahap̄. ⁴ Pj̄iro t̄hotuc̄, ñ̄ano yajeripohna tic̄, tuaro yahco mehne m̄sare joarocapac̄ta m̄sare cahyach̄ yoa duaerahi. M̄sare tuaro ȳ cah̄ire m̄sare masich̄ yoa duac̄ m̄sare joarocahi.

Tina mehne macariro to ñ̄ano yoarire bo dutiha Paulo Jesu yainare

⁵ C̄airo m̄sa mehne macariro ȳh̄re cahyach̄ yoariro jire. Wiho mejeta m̄sare to tuaro cahyach̄ yoariro seheta ȳh̄ sehere pj̄iro cahyach̄ yoaerare tiro. ã ñ̄ano yoariro c̄aina m̄sa sehere tua curero cahyach̄ yoayuhti. “Tua curero”, nija ȳh̄do curero yahu duaerac̄. ⁶ Paȳ m̄sa mehne macaina tirore buhiri dahre tuhs̄yuhti. Tó purota buhiri dahre duhuro cahmana tirore. ⁷ Tirore m̄sa buhiri dahre-rucuch̄ tuaro cahyaboca tiro. ã jiro Cristo yare duhuboca. ã jina to ñ̄aa yoarire boga m̄sa. Tirore yoadohoga to wahchehto sehe. ⁸ Tuhs̄, tirore noano yoaga m̄sa tirore m̄sa cah̄ire to masihto sehe. M̄sa ã yoach̄ tuaro cahmaja ȳh̄. ⁹ Tó pano m̄sare joarocac̄ “¿Potoc̄ata ȳh̄re ȳhtiahcari?” nic̄ ã ni yahu joarocahi m̄sare. Ȳh̄re m̄sa ȳhtich̄ ñ̄nc̄ duac̄ m̄sare ã ni joarocahi. ¹⁰ Mip̄re to ñ̄aa yoarire m̄sa boch̄ ñ̄nc̄ ȳh̄ c̄h̄ tíre boihtja. Ȳh̄re ñ̄ano yoarari jire tiro. M̄sa sehere ñ̄ano yoayuhti. To ã jiriro jipach̄ta to ñ̄aa yoarire boja ȳh̄ c̄h̄. M̄sare noano yoadoho duac̄ Cristo to ñ̄arocaroi to ñ̄aa yoarire boja. ¹¹ Tíre boja Satana marine to ȳh̄d̄caerahto sehe. Tiro marine ñ̄aare yoach̄ cahmana. Tíre noano

masija mari. Æ jina Jesu yaina ti ñaa yoarire wacũrucueraja mari, “Tinapũ Satana yare cahmari”, nina.

Tróade wama tiri macai jiro Titore bocaeraro pjíro cahya tũhotuha Paulo

¹² Æ yoa Tróade wama tiri macapũ sui Cristo yare buhe duacu. Tópũ yũ jichũ payũ masa noaa buheare tũho duaina jire. Mari pũhoro to yoadohoa mehne to yare yũ buhehtina payũ masa jire. ¹³ Æ jipachũta mari coyeirore Titore bocaeracu pjíro cahya tũhotui. Æ jicũ tó macainare coha siti tuhsũcu Macedonia yahpapũ wahai.

Cristo to yoadohoa mehne ñaare yorarucueraja mari

¹⁴ Æ yoa Cohamacũ Satanare to yũhdũrucari baharo mari cũhũre tirore yũhdũrucachũ yoara, Cristo mehne ñaa yoaare marine duhuchũ yoaro. Surara mahapũ pari pohna wahaga ti yũhdũrucarire ti yoa ñono seheta mari cũhũ Cohamacũ mehne Satanare mari yũhdũrucarire yoa ñona nija Cohamacũ mehne. Æ jina “Noana”, nija tirore. Æ jina Cohamacũ marine to dutichũ masina jipihtiropũ Cristore masare masichũ yoaja mari. Æ tirore masia tina noano wahchera me sitiare ti wahcheriro seheta. ¹⁵ Cristo yaina jina, Cohamacũ sehere wahchẽchũ yoaja mari, me sitiare mari wahcheriro seheta. Æ jia Cristo yaina mari jia tiare ñũ masina paina Cohamacũ to yũhdohtina. Paina ti ñaa buhiri pichacapũ wahahtina cũhũ Cristo yaina mari jia tiare ñũ masina. ¹⁶ Cristo yaina mari jichũ ñũ, ti ñaa buhiri pichacapũ wahahtina sehe pichacapũ ti wahahtore masina. Cohamacũ to yũhdohtina sehe marine Jesu yainare ñũ jipihtia dachoripe tiro mehne ti jiltore masina. Æ jia Cristo ya wiho jia buhea jierara. Æ jiro ahrire Cristo yare to mũ sũro buhe sohtori tiriro ne mariaha. ¹⁷ Payũ paina Cohamacũ yare buhe mana niñerure wapata duaa. Sã sehe tina yoaro sehe yoeraja. Mahũono

marieno Cristo to tuua mehne to yare buheja sã. Cohamacũ sãre to cũchũ to ñũrocaroi noano buheja sã.

3

¹ ¿Pari turi sã jia tiare mũsare yahuna nijari sã, mũsa tũhotuchũ? Paina mũsare ti buhehto pano ti jia tiare masi duana ti joari pũre cahma mũhtare mũsa. Sãre masi tuhsũra mũsa. ¿Sãre masipanahta tí pũ barore cahmajari mũsa? ¿O paina cahapũ sã buhena wahana tí pũ barore sãre nano cahmajari, mũsa tũhotuchũ? ² Tí pũ barore cahmaeraja sã. Mũsa sehere jipihtina paina ñũ mũsare sã noano buherire masiaha. Mũsare sã buhechũ Cristo yaina ji dũcare mũsa. ³ Æ jina tí pũ baro yoaro sehe jira mũsa sehe. Cristo painare to joarocari pũ yoaro sehe jira mũsa. Tí pũre tiro to joarocaboro seheta, Espĩritu Santo tuua mehne mũsa jia tiare noano cohtotachũ yoari jire Cristo, painare to tuaare ñono taro. Potota tinta mehne to joarocari pũ yoaro sehe jierara mũsa. Cohamacũ catiriro waro to Espĩritu Santo mehne mũsare cohtotachũ yoaro, joarocari pũ painare to joaroca ñono seheta, mũsa sehe Cristo yaina wahana, to yare mũsare sã quihũno buherire noano ñona painare. ⁴ Ahrire jipihtiare michapucacã yũ ni joarire tũhotuja sã Cohamacũre noano wacũ tuana. Cristo to yoadohoa mehne ã wacũ tuarucuja sã. ⁵ “Sã mũ sũro ahri dahraare yoaja sã”, ni masieraja sã. Cohamacũ to yoadohoa mehne bihoja sã.

⁶ Mipũre to yahuaire noaa buheare Cohamacũ sehe noano sãre buhe masichũ yoara. Ahri buhea panopũ to dutia to joari cjiri yoaro sehe jierara. Noaa buhea sehere buheja sã. Panopũ to dutirire mari mũ sũro ne bihoeraja. Æ mari bihoerari buhiri pichacapũ wahaboa mari. Noaa buhea sehere tũhona Espĩritu Santo to yoadohoa mehne Cristore wacũ tuaja. Æ wacũ tuana jipihtia dachoripe Cohamacũ mehne jirucunahca mari.

7 Cohamacu to dutiare cūno tãa p̄j̄n̄ip̄ joa õ tuhsu, Moise cjirore cūri jire. To ã cūri baharo to si sitea bajuari jire. Moise cjiro w̄hd̄ua si siteri jire. Minoa ȳhd̄uari jire. Baharo tí si sitea pihtia wahari jire. Baharo to si sitea to pihtia wahahto to jipach̄uta wahmanore to w̄hd̄uare masa ne ñuroca õa bihoerari jire. Tí dutiare masa ti yoa pah̄noerari buhiri pichacap̄u wahahtina jia tiri jire. ã jia tí dutia masare pichacap̄u waha dutipahta, tuaro si sitea mehne ji d̄ucari jire tí dutia. 8 Tí dutia ȳhd̄oro noaa buhea sehe noa ȳhd̄uara. Ahri buheare painare mari buhech̄u ti noano t̄h̄och̄u Esp̄iritu Santo tina mehne jirohca. ã jia panop̄u macaa dutia ȳhd̄oro Cristo ya sehe noa ȳhd̄uara. 9 Cohamacu dutia panop̄u macaa masare pichacap̄u waha dutiri jire. ã dutipahta Cohamacu tuaa mehne to si sitea mehne ji d̄ucari jire. Tí ȳhd̄oro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuch̄u. 10 Panop̄u Cohamacu to dutiri cjiri sehe wiho jia dutia yoaro sehe t̄juanocahna mip̄ure noaa buhea mehne mari ñ̄u piti bocach̄u. Noaa buhea sehe noa ȳhd̄uara. 11 Panop̄ure to dutia yoa cureri p̄ja si sitea jirucuma, pihtia wahahta. Tí dutia ȳhd̄oro noaa buhea sehe noa ȳhd̄uara. Tí buheare noano t̄h̄ona, Cohamacu mehne ã jirucunahca.

12-13 Mari ã jirucuh̄tore masina, cuiro marieno noaa buheare noano yahu pah̄nocaja sã. Moise cjiro sehe sã yoaro sehe yoaerari jire. “Cohamacu to si sitea pihtiro nina”, Israe masa ni ñ̄uri”, nino to w̄hd̄uare d̄ucatarari jire Moise cjiro. Sã sehe tiro yoaro sehe yoaeraja. Cuiro marieno, d̄ucataro marieno to yare noaa buheare buheja sã. 14 Tí p̄jap̄u macaina Israe masa sehe ne masiera tiri jire. Mip̄u c̄uh̄ure Cohamacu yare panop̄u to joaa p̄r̄ine tina buhea, ne masierara. Moise cjiro to w̄hd̄uare to d̄ucatach̄u Cohamacu

to si siteare ti ñuroca õerariro seheta tina noaa buheare noano masierara. Cristore cahmaeraa, masisi tina. Tirore noano wacū tuaa, tí p̄ja pinihta to yare masiahca. 15 Mip̄u c̄uh̄ure Israe masa Cohamacu dutia Moise cjirore to cūrire buhea, tinare d̄ucataro seheta noaa buheare ti t̄h̄oborore d̄ucataro. 16 Mari sehe mari p̄h̄torore mari cahmach̄u tirota marine masich̄u yoara. Moise cjiro to w̄hd̄ua d̄ucatarore to nanocaboriro seheta mari p̄h̄toro marine to yare noano masich̄u yoara. 17 “Mari p̄h̄toro” nic̄u, Esp̄iritu Santore nii nija. Cohamacu to Esp̄iritu Santo mari mehne to jich̄u pichacap̄u wahaborinare to ȳhd̄oina jija. ã jina “Panop̄u macaa dutia mehne mari ȳhd̄unahca”, nieraja mari. ã jina tí dutiare duhuna, Esp̄iritu Santo to cahmano seheta yoaja mari. 18 ã jina Jesu yaina jina, Cohamacu yahure masija mari. Ti w̄hd̄ua pocare d̄ucataro marieina yoaro seheta Cristo to tuaare ñona nija mari. ã jiro mari p̄h̄toro Esp̄iritu Santo marine noaa sehere cohtotach̄u yoaro nina. To ã yoach̄u Cristo noa ȳhd̄uariro to jiro seheta wahana nija mari.

4

1 ã yoa Cohamacu sãre p̄ja ñ̄no, noaa buheare yahuhtinare cūre sãre. To ã cūrina sã jiare masina, to yare buhena pomerana, buj̄ua witi t̄h̄otueraja. 2 To yare buhena mah̄ño cure buheraja. Tuhsu, sã tíre cohto-taeraja. Soro curero buhena buoro ȳhd̄uboa. ã jina tó sehe yoaare cahmaeraja sã. Cohamacu to ñurocaroi jija sã. ã jina noaa buheare noano quih̄õno buheja sã. Sã ã buhech̄u ñ̄ua tíre noano masina sãre t̄h̄oina. 3 Sã ya buheare noaa buheare buheja sã. Sã tíre buhepach̄uta paina ne noano t̄h̄oerara tíre tinare d̄ucataro seheta. ã t̄h̄oeraina pichacap̄u wahahtina jira. 4 Satana ñ̄ariro ahri yahpa macaina bui p̄h̄toro tinare masierach̄u yoara. Capari ñ̄eraina ti ñ̄u masieraro seheta masierach̄u

yoara tinare. Noaa buheare Cristo tua yuhdurucu suriro ya buheare ti masierachu yoara tiro. Cristo sehe Cohamacu to jia tiare marine masichu yoara. Tiro Cristo Cohamacu waro jira. ⁵ Sã buhena “Sã sehere ño payoga”, ni buheraja. Õ sehe ni buheja sã: “Jesucristo sehe jira mari puhtoro”, ni buheja sã. Sã sehe Jesure yuhtiina jina, musare dahra cohtaina yoaro sehe jina, to yare musare buheja sã. ⁶ Panopu õ sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichu yoariro. Buhriarocaró marine to noano bajuchu yoaro seheta, tiro to tuaare marine masichu yoara. Cristo Cohamacu tuaare, to jia tia cãhure marine masichu yoara.

Cristo to tuaa mehne mari jija

⁷ Æ masiina jina, to tuaare, noa buhea cãhure painare masichu yoaja. Æ yoaina jipanahta wiho jiina jija sã. Dihi biato dóihta to wahtiro yoaro seheta sã cãhu wiho jiina jija. Æ jipanahta Cohamacu to tuaare, noa buhea cãhure painare buheja sã. Sã ã buhechu ñna, wiho jiina sã jichu ñna, sãre tuhoina õ sehe ni, masiahca. “Ti mu suró ahri buheare masierara. Cohamacu sehe tua yuhdururo tinare masichu yoara”, ni masiahca paina sãre. ⁸ Jipihtina paina sãre ñano yoapahta Cohamacu sãre to yoadohochu tina sãre yuhdurucaerara. Æ jina “Ñano yuhduna nija”, ni tuhótupanahta, Cohamacu yare ne duhueraja. ⁹ Sãre ti ñano yoarucupachuta Cohamacu sãre ã yoadohorucura. Sãre ti cjãroca cã mujapachuta to yoadohoa mehne yarieraja sã. ¹⁰ Ti wajãhtina jinocanata nija sã, Cristo ahri yahpai to ñano yuhdururo seheta. Æ ti wajãhtina jinata nija sã Cristo catiare wariro to jiare masa ti masihto sehe. Sã ã ñano yuhduchu ñna tíre masiahca masa. ¹¹ Æ yoa dachoripe sãre paina nu wajãhto cuara Cristo yaina sã jiri buhiri. Õ seheta ñano

yuhduja sã Cristo to catiare wariro to jiare paina ti masihto sehe. Sã pjacuri baharo yariaa wahaahca. Sã ã wahahtina jipanahta Cristore catiare warirore masichu yoaja sã painare. ¹² Æ jia musare sã buheri buhiri sã sehere paina nu wajãhto cuara. Sã buheare musa tuhori baharo jipihtia dachoripe Cohamacu mehne jirucuhtina jira musa.

¹³ Cohamacu yare ti joari pui õ sehe nina: “Cohamacure wacũ tuacu, to yare yahuhi”, ni joaa tiha panopu macariro. Sã cãhu tó seheta yoaja. Cohamacure wacũ tuana, to yare yahuja. ¹⁴ Æ buheja sã ahri yu nihtire noano masina: Cristo to yariari baharo Cohamacu tirore masori jire. Æ jiro Cristo yaina mari jichu ñno tiro mari cãhure masonohca. To ã masori baharo to cahapu naanohca marine. ¹⁵ Æ jina musare yoadohona, ñano yuhduja sã. Æ jina Cristo yaina musa payu wahana, payu musa Cohamacure wahchea mehne ño payonahca. Tirore “Noana”, ninahca.

¹⁶ Musa ã wahachu ñna, sã ñano yuhdurupanahta cahyaeraja. Æ jina Cristo yare buhe duhueraja. Dachoripe wahyarucuna nija sã. Sã ã wahyarucupanahta dachoripe wahcheina jirucuja sã. ¹⁷ Mipure ñano yuhdurupanahta ñano yuhdu dojoeraja. Tí mari ñano yuhdu pihtia wahaahca. Æ jina marine mahanocã ñano yuhduro cahmana. Æ mari ñano yuhdurina cjiri jina, baharopure pjíro wahchea mehne jirucunahca Cohamacu mehne. Æ jina mari ñano yuhduri yuhdoro pjíro wahchea mehne jirucunahca. ¹⁸ Mari ñuri cjiri baa pihtia wahaahca. Mari ñuerari sehe ã jirucuahca. Æ jina mari ñueraare Cohamacu yare ã wacũrucuja mari. Æ wacũrucuna baharopu mari noano jihtore wahcheja.

5

¹ Wãhure to cohãboriro seheta baharo mari pjacuri sehe butia wahaahca. Æ jiro wahma wãhure

to yoaboro seheta Cohamacu wahmaa pjacurire yoarohca. ã yoaro tí pjacurire marine warohca. Tí pjacuri masa ti yoaa pjacuri jierara. ã jina muanopu ã jirucunahca tí pjacuri mehne. Tíre mari masija. ² ã jina tí pjacurire muano macaa pjacurire tuaro cahmana, mari ã cohtarucuna nija. ³ Tí pjacurire tuaro cahmaja, mari yariari baharo suhti marieina mari jiboro seheta pjacuri marieina ji duaerana. ⁴ Mipure ahri pjacurire cohã duaerapanahta wahmaa pjacuri sehere tuaro cohtaja mari. Mipure mari pjacurire cohã duaerapanahta jipihtia dachoripe Cohamacu mehne mari jihtore tuaro cahmaja mari. ã jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne ã jirucu duaja mari. ⁵ Mari ã jirucuhtore cahnore Cohamacu sehe. ã cahnono Espiritu Santore ware marine. ã jiro Espiritu Santo mari mehne jiro, marine Cohamacu to yoahore “Potocã tjira” nino, marine masichu yoara tiro.

⁶ ã jina Cohamacure wacũ tuarucuja mari. Cuiro marieno jija mari. Ahri mari ji muhtari pjacuri jina, mari puhtoro mehne jierasinja. ⁷ Muano macaare Cohamacu cãhure mari nuerapanahta “Tí potocãta jira”, ni tuhotuja mari. ã jina tirore wacũ tuaja mari. ⁸ ã jina mari cuieraja. Mari pjacurire ahri yahpai cohãna mari puhtoro mehne muanopu jirucunahca mari. ã yoa mari yariachu noa nina marine. ⁹⁻¹⁰ ã jina Cristore wahchechu yoa duaja mari. Ahri yahpa macari pjacuri mehne jisinina tirore wahchechu yoa duaja. Muanopu cãhure tirore wahchechu yoa duaja.

Jipihtina Cristo cahapu mari wahachu nuño tiro mari yoarire nuño marine beserohca. Nuño mari yoarire masinohca tiro. ã masino wapa marieno to waborire marine wasi tiro. Noaare mari yoari cãhure

masinohca. ã masino wahchero marine noano yoarohca. To ã masiro jichu nuña tirore wahchechu yoa duaja mari.

Cohamacu marine to nu tuhtichu nuño Cristo marine yahura

¹¹ ã jina cua pisaro mehne Cristore nu payoro cahmana marine. Ahrire masina, Cristo yare masichu yoaja sã masare. Tinare cuisãana, tirore wacũ tuachu yoa duaja sã tinare. Noano mehne sã tíre sã buherire Cohamacu noano masina. Sã ã buherire musa cãhure noano musa masichu cahmaja yuhu. ¹² Pari turi noaina sã jia tiare musare yahuna nieraja. “Painare yuhduhcaja”, niinare musa yahuhto sehe noano mehne sã buherire yahuna nija sã musare. Tina sehe ti tuhotuapu nuña jipahta masa ti nuocararo dihta noaina yoaro sehe yoa nuõmana. ã jina sã mehne musa wahchehto sehe ahri jipihtiare musare yahu joana nija. “Paulo cãhu sãre noano mehne buhere”, sãre painare musa ni ducatahto sehe ahri jipihtiare musare yahu joana nija. ¹³ ¿sã õ sehe ni yahuna tuho masieraina jijari sã, musa tuhotuchu? Masa sãre nuña, tuho masieraina yoaro sehe nuña sãre. Cohamacu yare sã yoachu nuña ã ni nuõboca sãre. Ti ã nuõborina jipanahta ã jiina jieraja sã musare yoadoho namona tana. ¹⁴ Cristo marine to cahichu nuña musare ã yoadohoja. To ã cahichu nuña to yare ã yahurucuja sã. Cãirota Cristo jipihtina mari nuã buhirire yariari jire. To ã yariari baharo mari sehe jipihtina mari nuã buhirire yariarina yoaro sehe jina, nuãare yoa namo duaeraja. ¹⁵ Jipihtina mari nuã buhiri yariari jire tiro Cohamacu ya dihtare mari yoahore sehe. Mari mu sãro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mujari jire. ¹⁶ ã jina mipure sã mu sãro masare “Noaina jira. Nuña jira”, ni nueraja sã. Panopu sã mu sãro yoaa timai. ã jina Cristore masierahi. ¹⁷ ã jina Cristo yaina

wahana wahma masa bajuaina yoaro sehe wahaja mari. Panopure mari mu saro mari tshotumarire, mari yoamarire duhunocaja mari. Mipure wahma masa bajuaina yoaro sehe jina, noaa sehere cohtotana, Cohamacu ya dihtare yoa duaja mari.

¹⁸ Cohamacu sehe marine noaa sehere cohtotachu yoare. Cohamacure nu tuhtiina mari jichu nuno Cristo sehe mari naa buhiri tiare cohare. A cohano mari nu tuhtirire duhuchu yoare tiro. A yoachu yoare Cohamacu Cristore. A yoaro sare to yare buhe dutiro cure. A buhena, painare Cohamacu mehne ti nu tuhtirire duhuchu yoaja sa chu. ¹⁹ O sehe masare yahu dutire Cohamacu sare: “Cristore mari wacu tuachu nuno mari naa buhirire buhiri dahrerara Cohamacu marine. A yoaro marine nu tuhtiriro cjiro jiparota tiro marine to yaina jichu yoara”, ni yahu dutire Cohamacu sare. ²⁰ A jina Cristo yare buhehtina to curina jija sa. Cohamacu musare to yahuboriro sehetu sa sehe o sehe ni musare yahuja: Cristore yahubasana nija. A jina musare bosaja. Cohamacure musa nu tuhtiare to purota duhuga. ²¹ Cristo naare to yoaerapachuta Cohamacu sehe tirore mari naa buhirire yaria dutiri jire. A yoaro mari naa buhirire buhiri dahreru jire Cohamacu tirore. A jiro Cristo yaina mari wahachu Cohamacu yoaro sehe noaina jichu yoare tiro marine.

6

¹ Cohamacu yare buhedohoina jija sa. A jina ahrire tuaro musare yoa dutija sa. Cohamacu yare noaa buheare musa tshoriro sehetu yoaga musa. Musu tshoriro sehe musa yoaerachu ti musa tshori yaba cjihti jierara. ² O sehe nina Cohamacu:

“Yu quihori pjare, musare yu noano yohti pjare musa siniare tsho, yuhtihí.

A yocu musare yu yuhdohti dachore musare yoadohohi”,

nina tiro. Tuhoga musa. Mipure Cohamacu musare to noano yohti pja jira. Mipure Cohamacu musare to yuhdohti dacho jira.

³ Ne mahanoca painare nano yoaeraja sa. Painare ne nano ni durucueraja, “Noaa buheare musare sa buheare cahmaerari”, nina. ⁴ A jina Cohamacure dahra cohtaina sa jiare musare masichu yoa duaja. O sehe jija sa: Nano yuhduna, paina ti nano yoarina jina chu a tshotunocaja. Sare ti nano yoaerapachuta suaro marieno jija. ⁵ O sehetu nano yuhdui sa: Masa sare cjachu, peresu ti yoachu, payu masa sare waja dua ti sahurucuchu, nano yuhdui sa. Sa tuaro dahra wahyana, wajo puripachuta carterana, juca baana nano yuhdui. ⁶ Numiare a nunocai. A jina ne nano yoaerahi. A yoa Cohamacu yare noano masi buhei musare. Tuhsu, ne suaerahi sa. A yoa noano niji siaro mehne yoai sa musare. A yoana Cohamacure dahra cohtaina sa jiare masichu yoana nii sa musare. Espiritu Santo to yoadohoa mehne Cohamacure dahra cohtaina sa jiare masichu yoana nii musare. Potoca musare sa cahichu nu, tirore dahra cohtaina sa jiare masina musa. ⁷ A jina noaa buheare musare quihono sa buhechu nu, Cohamacu tuua mehne sa yoachu nu tirore dahra cohtaina sa jiare masina musa. Noaa sehe jipihitia sa yoari cjiri sa wamoa yoaro sehe jira noano sa ducatahto sehe. Ti noaare yoana watinore sa ducatahana nija. A yoana ti noaare sa yoari mehne tirore sa yuhdurucaja. ⁸ Paina sare no payora. Paina sehe sare no payoerara. Paina noano ni durucura sare. Quihono sa buhepachuta “Mahnoina jira”, ni yahusana paina sehe sare. ⁹ Paina sare nu masiina jipahta sare nu masieraina yoaro sehe yoara. Sare ti waja duapachuta catisinija sa. Nuga sare. Potoca tjira. Sare buhiri dahre ti cjachu, yarierasinija sa. ¹⁰ Sa caa tahari

cahyaina jipanahta, ã wahcheru-cuja. Pjacuoina jipanahta painare noaa buheare buhena tinare pjíro pachere sã waboro seheta yoana nija tinare. Paye baro cjuæeraina jipanahta, potocãta Cohamacu yare cjuæ pahñonocaja sã.

¹¹ Ne Corinto macaina yu coyea musare noano mehne yahu pahño joahi sã musare. Musare tuaro cahina, ã yahuhi musare. ¹² Sã sehe musare cahí duhueraja. Musa sehe sãre cahiera curera. ¹³ Æ yoa pohna ticu yu pohnare yu yahuboro seheta musare yahuihtja: Musare sã tuhoturiro seheta musa cūhu ãta noano tuhutuga sãre. Æ jina sãre cahíga musa cūhu.

Cristore cahmaerainare piti ti du-tieraha Paulo

¹⁴ Æ yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cãno potori jierara musa. Noaare yoariro ñaare yoariro mehne noano ji masierara. Cohamacure cahmaina Cohamacure cahmaeraina mehne noano cahma piti ti masierara, buhriaro nahitiano mehne to ji masieraro seheta. ¹⁵ Æ jia Cristo watino mehne cãno potori tuhoturera. Æ yoa Cristo yairo, Cristore cahmaerariro mehne noano cahma piti ti masierara. ¹⁶ Cohamacu wuhui “Cohamacu jira”, ti nia masurine mari cjuachu ñaa nina. To ya wuhui tí masurine mari cūchu tó wahaerara. Tó seheta Cristo yaina Cristore cahmaeraina mehne mari piti tirucuchū cūhure ñaa nina. Tina pua curua cãno mehne ji masierara. Cohamacu catiriro to wuhū yoaro seheta jija mari. To wuhui to jiro seheta mari mehne jira tiro. Õ seheta nina Cohamacu:

“Tina mehne jiihtja yuhū.

Ti watoi ã jirucuihtja.

Yuhū Cohamacu ti puhtoro jiihtja.

Æ jia tina sehe yu yaina masa jahca”, nina tiro.

¹⁷ Æ yoa õ sehe ni namona tiro mari puhtoro:

“Ñaina mehne tjuaena tjiga.

Tinare piti tiena tjiga.

Cristore cahmaeraina ti ñaa yoare ñū cūena tjiga.

Musa ã yuhure yuhlichū ñūcu, yuhū sehe musare piti tihtja.

¹⁸ Æ jicu musa Puacu jiihtja.

Musa sehe yu pohna jinahca”, nina Cohamacu mari puhtoro tua yuhduariro.

7

¹ Yu coyea, yu cahina, ahri jip-
ihtiare Cohamacu to ã ni yahuchū
tuhona jipihtiare ñaa yoare duhu-
jina mari. Ñaa wacūa cūhure duhu-
jihna mari. Cohamacure noano ño
payoa mehne ñaa buhiri tia marieno
jijihna mari.

*Paulo wahchea mehne yahuha
Corinto macainare*

² Noano mehne jiga musa sã
mehne. Ne mahanocã mehne ñano
yoaerahi sã musare. Æ yoa tuhsū,
musare buhena, ne musare do-
jomehnerahi. Ne cūiro musa mehne
macarirore mahñoa mehne wapa
cahmaerahi. ³ Æ nicu musare tuhtii
nieraja. Musare yahu tuhsūhi. Sã
yajeripohnari mehne tuaro cahija
sã musare. Catisinina musare ã
cahīrucunahca. Mari yariari baharopu
cūhure musare ã cahīrucunahca. ⁴ Yu
niriro seheta musa yoarire, musa
yohti cūhure masija yuhū. Æ jicu
musare wacūrocacu wahcheja. Sã
ñano yuhduro watoi musa sehe
yuhure pjíro wahchechū yoara.

⁵ Æ yoa Macedonia yahpapu sã
sari baharo tópu jina, ne soerahi sã.
Tópu ñano yuhduhi sã. Paina sã
mehne cahma sayo yuhduacahre.
Æ jina “Cristo yare duhuri”, nina
Cristo yaina sehere cuisāhi sã. ⁶ Sã
ã ñano yuhdupachuta Cohamacu sãre
wahchechū yoahre. Tiro cahyainare
wahchechū yoariro jira. Æ jiro
Tito sã cahapu to wihiro mehne
sãre wahchechū yoahre Cohamacu.
⁷ Tito to wihichū ñūna wahchehi.
Tirore musa wahchechū yoarire
sãre to yahuchū wahchehi. Ahri

cãhure wahchehi. Músare to quiti yahuchũ cãhure tuaro wahchehi sã. Yũhure mûsa ñũ duarire yahuhre sãre. Yũhure mûsa cahya mûsa pjíro tũhoturi cãhure yahuhre tiro. To ã ni yahuchũ tũhocũ pjíro wahchehi yũhũ.

⁸ Tó pano yũ joarocari pũ mehne músare cahyachũ yoamahi. ã yoaricũ jipaihta cahyaeraja yũhũ sehe. Tí pũre mûsa buheri baharo cahyayuhti mûsa. Tuhsũ, mahanocãta cahya duhyuhti mûsa. ã jicũ wahma joaroca mũhtacũ cahyapaihta mipũre cahyaeraja.

⁹ Mipũ pinihtare wahcheja yũhũ. Mûsa cahyachũ tũhocũ wahcheraja. Wiho mejeta ã cahyana, mûsa ñaare tũhotumarire cohtotayuhti mûsa. ã mûsa cahyachũ ñũno, Cohamacũ sehe to cahmano seheta mûsa ñaare tũhotumarire cohtotachũ yoari jira. ã jina músare cahyachũ yoana, ñano yoa dojomehnena nierahi sã músare. ¹⁰ ã jina Cohamacũ to cahmano seheta cahyana, mari ñaare tũhotumarire cahyanahca. Cohamacũ to cahmano seheta cohtotahanca. Tó sehe mari cahyachũ ñũno marine pichacapũ wahaborinare yũhdora Cohamacũ. Mari ã cahyachũ noa nina marine. Cristore cahmaeraina sehe ti ñaare tũhotumarire cahyaerapahta, ã cahyamacanocaa, pichacapũ wahahtina jisina.

¹¹ Mûsa sehe Cohamacũ to cahmano seheta cahyayuhti. Mûsa ã cahyana õ sehe yoayuhti mûsa: Mipũre ñaare yoainare ã ñũnocerayuhti mûsa. Tinare duhu dutiyuhti mûsa. ã jina ti ñaa yoare cuiyuhti mûsa “Tina yoaro sehe sã yoari”, nina. ã yoana yũhure ñũ duayuhti mûsa. Tuhsũ, ñaare yoarirore buhiri dahre duayuhti mûsa. Tí jipihtiare mûsa yoana mipũre quihõno yoaina mûsa jirire masichũ yoahre mûsa sãre.

¹² Panopũ ñano yoarirore músare yahu joarocapaihta tirore yoadohocũ tacũ ã ni yahu joarocaerahi. To ñano yoa payoriro cãhure yoadohocũ tacũ ã ni joarocaerahi. Mûsa sehere yoadohocũ tacũ tí pũre joarocahi. Sãre

noano ño payora mûsa Cohamacũ to ñũrocaroi. Tíre mûsa ño payorire noano mûsa masihto sehe tí pũre joarocahi músare. Cohamacũ tíre músare masichũ cahmare. ¹³ ã jina Tito mûsa yoarire to quiti yahuchũ tũhona tuaro wahchehi sã.

Tito cãhũ tuaro wahchere. Tirore mûsa noano mehne mûsa piti bocachũ tũhona, mûsa mehne to wahcherire tũhona sã cãhũ noano wahchehi. ¹⁴ Wahmanopũ mûsa cahapũ to wahahto pano mûsa mehne yũ wahcherire, noaina mûsa jirire yahuhire tirore. Yũ ã yahuchũ yũ niriro seheta noano yoayuhti mûsa tirore. ã jicũ tirore yũ nirire bũo tieraja. Músare quihõno ã yahurucuja sã. Tó seheta Tito cãhure quihõno sã yahuhire músare to ñũriro seheta. ¹⁵ Mûsa cahapũ to sũchũ ño payoa mehne tirore piti bocayuhti mûsa. Mûsa ã piti bocachũ, noano yũhtiina, yũhdurũcaro marieina mûsa jichũ ñũyuhti tiro. ã jiro músare cahĩ namono nina tiro. ¹⁶ Mipũre noano yũhtiina, Cohamacũ to cahmano seheta mûsa noano yoa pahõina mûsa jichũ noano masija yũhũ. ã masicũ tuaro wahcheja.

8

Cristo yaina jina, painare ã wanocano cahmana marine

¹ Sã coyea, ahri yũ yahuhire músare masichũ cahmaja sã. Cristo yaina Macedonia yahpa macaina Cohamacũ cahĩa mehne to pja ñũa mehne ti yoarire músare yahuhitja.

² Tina ñano yũhdũpahta, niñeru maeraina jipahta niñerure cahĩno marieno ã wanocahre pjacũoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjũaare ã wanocahre. ³ Músare niita nija. Tina ti cjũaro puro wahre. Jierara. Bui curero wahre. Sã sinibasaerapachũta pjacũoinare wahre tina.

⁴ Cohamacũ yainare pjacũoinare tuaro yoadoho dua, “Macedonia macainare tuaro wa duaja sã”, nire

tina sãre. ⁵“Õ puro waahca”, tinare sã ni tuhoturiro bui curero wahre tina. Õ sehe yoahre tina: Wahmanore niñerure ti wahto pano mari puhtoro Cristo to cahmano seheta yoa pahñori jihre tina. ã yoa tuhsu, Cohamacu to cahmano seheta sã cãhure ño payoa mehne yuhtiri jihre. ã yoaina jia tina niñerure wahre. ⁶ Ti ã wa tuhsuchu ñuna Titore sã sehe õ sehe nihi: “Corinto macainare mu buhe ducariro seheta noano mehne pjacuinare ti wahtore buhe pahñoga”, nihi sã tirore. MUSA cãhu painare pja ñuna, mUSA yoadohohto sehe ã nihi tirore. ⁷ MUSA sehe jipihtiare noano yoaina ji tuhsura: Cristore potocãta noano wacũ tuara mUSA. ã jina to yare noano yahura mUSA. ã yoa Cohamacu yare noano masina mUSA. ã masina, Cohamacu to cahmano seheta tuaro yoa duara mUSA. ã yoa sãre cahña mUSA. Õ seheta noano yoaina ji tuhsura mUSA. MUSA ã noaina jipachuta mahanocã duhsasinina mini musare. Pjacuina pinihtare mUSA pja ñuchu cahmaja sã. ã jina jiape nino marieno tinare noano mehne mUSA pjíro wachu cahmaja sã.

⁸ ã nicu musare dutii waro nieraja. ã ni yahuita nija musare. Paina pjacuinare ti tuaro yoadohorire musare yahui nija. “¿Potocãta pja ñuna jijari mUSA?” ni masi duai nija. ⁹ Mari puhtoro Jesucristo sehe marine to pja ñurire masina mUSA. Tí to pja ñuri potocã tjira. Tiro manopu pjíro cjariro jiparota ahri yahparu taro pjacuriro wahari jire. ã yoaro mari yaro jiborirore yariaro pjacuriro wahari jire. Õ sehe wahari jire tiro mari sehe to yare pjíro mari cjahto sehe, tiro mehne mari ã jirucuhto sehe.

¹⁰ Musare ã yahuita nija noare mUSA masihtu sehe. Õ sehe ni tuhotuja yuhu sehe pja cuoinare mUSA wahtire: Cũ cãhma wahara pja cuoinare mUSA wahtire mUSA wihbori baharo. Tí yuhdoro noano

yoayuhti mUSA. Paina ti wa duahto pano mUSA sehe pjacuinare wa dua muhtayuhti. ¹¹ ã jina mUSA wa dua muhtariro seheta mipure noano waga tinare. ã yoana pjíro cjuaina jina, pjíro waga. Mahanocã cjuaina jina, mahanocã waga. ¹² Tuaro mUSA wa duachu tíre mUSA warire Cohamacu wahcherohca. ã jina noho mUSA wa duaro puro waga. MUSA wariro purota mUSA wachu wahcherohca Cohamacu. “Pjacuinare wa yuhdoga”, musare nino nierara tiro.

¹³ “Pjacuinare waga”, nicu tinare pjíro cju duticu nieraja. ã jicu mUSA sehere pjacuinare jichu yoa duaeraja.

Musare cãno potori cju duticu ã nii nija. ¹⁴ Mipure mUSA sehe pjíro cjuara. ã cjuana paye baro maerainare wa masina mUSA. Baharo musare paye baro maerachu tina cãhu wa masina musare. MUSA ã cahma wana cãno potori cjuannahca jipihitina Cristo yaina. ¹⁵ Õ sehe nina Cohamacu yare ti joari pui: “Pjíro nariro cãhu paina bui curero cjuare. Mahanocã nariro cãhure ne mahanocã duhsaerare”, nina Cohamacu yare ti joari pui.

Tito tó mehne macaina mehne Corintopu wahaha

¹⁶ ã yoa musare yu yoadohoriro seheta Tito cãhu musare yoadoho duara. Cohamacu sehe musare to yoadoho duachu yoahre tirore. To ã yoachu ñucu “Noana”, nija Cohamacure. ¹⁷ Titore mUSA cahapu sã waha dutichu tiro noano mehne yuhtihre. Tirore sã waha dutihtu panoputa to basita mUSA cahapu tuaro waha dua tuhsuriro jire.

¹⁸ Tirore paio Jesu yairo mehne piti dahrerocahi sã tirore. Tito pitire jipihitina paina Jesu yaina noano ño payora. Noaa buheare to noano yahuriro jichu ñua tirore noano ño payora. ¹⁹ ã jia Jesu yaina tirore cahmahre sã mehne to tinino wahahto sehe. Tí niñerure pjacuinare cahapu sã naachu sã mehne wahahtirore cahmahre tirore. ã jia tí

niñerure sã wabasachũ ñũa “Marire yoadohoriro jira”, niahca masa Cohamacũre. Sã ã wabasana tinare tuaro mari yoadoho duarire masichũ yoanahca tinare. ²⁰ ã jina ahri niñerure, pjíro Jesu yaina ti warire naabasana, noano ñũ wihbonahca ti warocarire, “Sãre yahusãri”, nina. ²¹ Mari puhtoro to ñũrocaroi quihõno, noano yoa duaja sã. Masa ti ñũrocaro cãhare quihõno yoa duaja.

²² ã yoana tana paireore mari coyeirore warocanahca Tito cãhũ mehne. Sã piti dahrerocarirore payũ tahari painare to noano yoadohochũ ñũhi sã. ã jiro mipũre mũsa sehe painare mũsa yoadoho duachũ ñũno tiro tó pano to yoiriro yũdoro noano mũsare yoadoho duara. ²³ Tito sehere mũsare yahuihtja. Tiro yũ piti jira. Mũsare yũ yoadohochũ tiro yũhũ mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. ²⁴ ã jina cahã mehne noano mehne tinare piti bocaga mũsa. Mũsa ã yoachũ ñũa paina Jesu yaina sehe mũsa cahãre masiahca. “Noano piti bocaahca Corinto macaina”, ni yahu tuhsũhi painare. Mũsa ã noano piti bocachũ ñũa tí sã yahuri cjiri quihõno ti jichũ masiahca paina Jesu yaina.

9

Jesu yainare pjacũoinare ti wahtore yahuha Paulo

¹ ã yoana Cohamacũ yainare mũsa yoadohohtore mũsa wahtore masi tuhsũra mũsa. ² Painare mũsa yoadoho duaare masija yũhũ. ã masichũ Macedonia yahpa macainare õ sehe ni yahui: “Corinto macaina, ti ya yahpa Acaya yahpa macaina cãhũ Jesu yaina sehe painare yoadoho dua tuhsũhre. Cã cãhma yũhdũra ti yoadoho duariro”, ni yahu tuhsũhi tinare mũsare. Mũsa ã yoadoho duachũ tuhoa payũ tina cãhũ pjacũoinare yoadoho duahre. ³ Mũsare ã ni

yahuriro jicũ mipũre ahriinare mari coyeare mũsa cahapũ warocai tai nija, Macedonia yahpa macainare yũ yahuriro seheta mũsa yoahito sehe. ã jicũ pjacũoinare mũsa wahtore mũsa cahmachu mũsa cjũayuhto sehe ahriinare warocai nija. ⁴ Tinare warocacũ Macedonia yahpa macaina mehne mũsa cahapũ sũcũ, mũsa wahtire mũsa cjũaerachũ ñũcũ bũo tisãboa yũhũ mũsare. “Pjacũoinare waahca”, mũsare yũ ni tuhoturi baharo mũsa waerachũ ñũcũ bũo tisãboa yũhũ. Mũsa cãhũ bũoro yũhdũboa. ⁵ ã jicũ mũsa cahapũre yũ sũhto pano tinare mari coyeare waroca mũhtai nija. “Pjacũoinare wanahca”, pano mũsa nirire mũsa cjũayuhto sehe tinare waroca mũhtai nija. Mũsa wahtire mũsa cahmachuchũ tina sehe mũsare yahu quihõahca. Mũsa wahtire mũsa cjũayu tuhsũchũ wahchea mehne mũsa wa duarire masiahca jipihtina. Mũsare sã wa dutiri jisi tí. Mũsa mũ sũro mũsa wari jiahca.

⁶ ã jina ahriire wacũga mũsa: Mahaa yaparicã toariro mahaa pocacã nanohca. Payũ yapari toariro payũ poca nanohca. (Tó sehe jira pjacũoinare mari wachũ. Mahanocã mari wachũ, Cohamacũ mahanocã warohca marine. Pjíro mari wachũ, pjíro marine warohca.) ⁷ ã jina cãina mũsa “Õ puro wahahtja”, ni waga. Niñerure cahãno marieno waga. “Marine wa dutire”, nino marieno waga. Wahchea mehne wainare cahãna Cohamacũ. ⁸ Tiro sehe mũsa cahmano yũdoro mũsare warohca. ã jina jipihtia mũsa cahmarire dũhsaro marieno cjũa pahõonahca. ã jia painare mũsa wachũ cãhare noano mũ sũahca mũsa cjũaa. ⁹ Õ sehe nina Cohamacũ yare ti joari pũi:

“Pjacũoinare pjíro wara Cohamacũ. Noano mehne masare ã yoarucura tiro”,

nina to yare ti joari pũi. ¹⁰ ã jiro toaa dicha tiri baharo toariro to toahiti capare wara Cohamacũ.

Baharo to toarire dicha tichu yoara to chuhtire. Pjacuoinare musa pjíro wachu toarirore to wariro seheta musa cūhare pjíro warohca Cohamacu. Tó sehe dihta musare warohca pjacuoinare musa wa namohto sehe. ¹¹ ã tjira. Pjíro warohca musare painare pjíro musa ã warucuhto sehe. ã jia musa warocari niñerure pjacuoinare sã wachu payu tina sehe Cohamacure wahchea mehne “Noana”, niahca. ¹² ã yoana pjacuoinare Cohamacu yainare wana, tinare yoadohora musa. ã yoadohona wahchea mehne Cohamacure “Noana”, ti nichu yoanahca musa. ¹³ ã painare musa yoadohochu ñna, Cohamacure ño payoa mehne durucuahca masa. Tinare paina cūhare pjíro musa wachu ñna Cohamacure “Noa yuhduariro jira”, niahca masa. O seheta niahca Cristo ya buhea noaa buhea ti niriro seheta musa yoachu ñna tinare musa wachu ñna. ¹⁴ ã jia Cohamacu musare tinare to wa dutichu musa sehe tinare musa pja ñachu tina sehe musare cahña mehne sini payoahca Cohamacure. ¹⁵ Cohamacu marine noa yuhduaro yoara. To ã yoarire masina “Noa yuhduaro yoara”, nijihna mari tirore.

10

Jesu buhe duti to cūriro to jiare yahuha Paulo

¹ Mipure yahu Paulo, musare yahuihtja. Cãina musa mehne macaina õ sehe nina yuhure: “Mari mehne jiro painare yuhduarca duaerariro, wiho jiriro yoaro sehe jira. ã jiparota pa sheperu jiro marine cuiro marieno tuhtirocara”, nina musa cãina yuhure. Cristo sehe ne suaerariro, masare noano yoariro jira. Tiro yoaro seheta yuhu cūhu ji duaaja. ² ã jicu musare ahrire tuaro mehne yahuihtja: Musa caharu yu sūchu noano yoaga musa “Paulo sãre tuhtiri”, nina. Cãina yuhure õ sehe nina: “Tiro to mu sūro, Cohamacu to dutiro marieno

yoara”, nina yuhure cãina. Tó sehe niina pinihtare tuhtiboca yuhu. ³ Sã cūhu ahri yahpa macainata jina nija. ã jipanahta ahri yahpa macaina ti mu sūro ti yoaro sehe yoaeraja sã, Cohamacu dutiare yoana. ⁴ Surara cahma wajã ti yuhduarucariro seheta sã sehe ñaare yuhduarca duaaja. Tí ñaare yoa duaeraja. Sã ã yoachu sã wamoa ahri yahpa macaina ti wamoa yoaro sehe jierara. Surara ti wamoa ti cūaro seheta sã sehe Cohamacu to tuaare cūaja. Tí tuaa mehne Cohamacure cahma dutierainare cohãja sã. Masa ti mu sūro ti masiare ti yaba cjihti jierachu masichu yoaja sã tí tuaa mehne. ⁵ Tuhsu, jipihtina yuhduarca duainare, ti mu sūro tuhotuinare, Cohamacure masi dutieraina sehere duhuchu yoaja sã. ã yoa tí tuaa mehne Cohamacure cahmaerainare Cristore noano yuhtiina ti jichu yoaja sã. Cristo to cahmano seheta tinare tuhotuchu yoaja sã. ⁶ ã yoa, paina musa mehne macaina Cristore ti yuhduarucachu ñna tinare buhiri dahrenahca sã. Musa sehe musa noano yuhtiri baharo Cristore yuhduarcainare ã buhiri dahrehtinata jinahca sã.

⁷ Yu pjacu dihtare masina musa. Yu jia tia sehere ne masierara musa. “Cristo yaina jija”, niina jina, õ sehe masiga musa: Sã cūhu musa yoaro sehe Cristo yaina tjija. ⁸ “Mari puhtoro ya buheare noaa buheare buhe dutiro, cūre sãre”, nicu payu tahari musare ã ni yahupaihta buo tieraja yuhu. Sãre ã buhe dutiro musare yoadohohtinare cūre sãre. Musare dojomehnehtinare cūno nierare sãre. ⁹ Õ seheta poto ni yahuja musare “Cuiru”, nicu. Ahri yu joarocari pūre ñna musa ñu cūachu cahmaeraja. ¹⁰ Cãina musa mehne macaina õ sehe nina: “Paulo joarocaró tuhtiriro yoaro seheta joaroca mujana marine. ã jiriro jiparota mari mehne jiro ne ã jica nierariro jira. Pjacuoriro yoaro sehe jira. ã jia, marine to durucua yaba

cjihti jierara”, nina cãina. ¹¹ Tó sehe niinare õ sehe ni yahuihtja: “Õ sehetã yoanahca”, sã ni joarocariro sehetã tó sehetã yoanahca sã, mûsa cahai jina.

¹² Cãina mûsa mehne macaina “Noano masi pahñoina jija”, ni durucura ti basi. Cuenah, noacaro masina jijari tina ã ni durucua. Sã sehe ti yoaro sehe ne ã ni durucusi. Ti basi cahma ñã piti boca “Mari sehe noa yûhdurucaina jija”, nina tina ti basi. Tûho masieraina jira tina. ¹³ Sã sehe tina yoaro sehe yoasi. Cohamacû sãre buhe dutiro to cûri dihtare yahuja sã sehe mûsare. Paina ya dahraare “Yoahi”, nina nieraja. Tiro mûsare buhe dutiro sãre cûre. ¹⁴ Õ sehe nina, mahñoa nieraja sã. Noaa buheare Cristo yare mûsare buhe mûhtana sãhi sã. ã jina Cohamacû sãre buhe dutiro to cûri dihtare buhena nija mûsare. ¹⁵ ã jina paina ya dahraare “Sã sehe tíre yoahi”, ne nieraja sã. Wiho mejeta Cristore mûsa wacû tua namochû cahmaja sã. ã cahmana mûsare buhe namo duaja sã. ã buhena Cohamacû to dutiriro purota buhe duaja mûsare. ¹⁶ ã yoa mûsa ya yahpa yûhdurorû noaa buheare yahuna wahanahca. ã wahana paina ti buheri baharo sãna, “Sã buhehi”, nisi sã.

¹⁷ Mari yoaare “Sãta yoaja”, nieraro cahmana. Mari puhtoro Jesu to yoaa sehere ñãna wahchero cahmana. Tí sehere painare yahuro cahmana. ¹⁸ Masa ti basi “Sã sehe yoahi”, ti nichû ji coaerara Cohamacû. Mari puhtoro Cristo “Ahrina noano yoare”, to niina sehere ji coara Cohamacû.

11

“Jesu to cûrina jija sã”, ni mahñoinare yahuha Paulo

¹ Yû jia tiare yahucû tûho masierariro yoaro sehe yahui nija. ã yahuriro yû jipachûta yûhure tûhosiniga mûsa mipure. ² Cohamacû mûsare to cahño sehetã tuaro cahña yûhû cãhû mûsare. Cristo yare

mûsare yû buhechû tûhona tirore wacû tua ducare mûsa. ã jicû ahrire nija mûsare: Manû tihticoro to manûno cjihto dihtare to cahño sehetã, Cristo sehere tuaro cahña painare mûsa cahñiro yûhdoro. Tó sehe yoaina ñaa buhiri tia marieina mûsa jichû mûsare Cristore wa duaja to yaina cjihtire. Tó sehe jiiinare, “Tinare mûhure waihtja”, nihi Cristore. ³ Paina ñaina mûsare mahñoa, soro jia buheare cahmachû yoaboca mûsare. Agã Evare mahñoa to masia mehne ticorore Cohamacûre to yûhdurucachû yoari jire panopure. To ã yoariro sehetã mipure ñaina mûsare mahñoa, Cristore mûsare noano ño payoerachû yoaboca. ã jicû mûsare cuisãja. ⁴ Tina “Õ sehe jiriro jira Jesu”, ti mû saro soro ni ti mahño buhepachûta tûhoyuhca mûsa. Mûsare sã buheriro sehe jierapachûta mûsare mahño buheinare tûhoyuhca mûsa. Tuhsû, “Õ sehe jiriro jira Espíritu Santo”, ti mû saro soro ni ti mahño buhepachûta tûhoyuhca mûsa. Mûsare sã buheriro Espíritu Santo waro jira. Tiro sehere quihõno ti yahuerapachûta mûsare mahño buheinare tûhoyuhca mûsa. Tina soro jia buheare ti mahño buhechû noaa buheare ti buherapachûta tíre tûhoyuhca mûsa. ⁵ Mûsa mehne macaina “Jesu to cûrina jija”, nimarina yûhure masi yûhdurucæerara. Tinare docarucæeraja yûhû. ⁶ Noano yahu mihñiriro jieraboca yûhû. Noano yahu mihñierapaihta Cohamacû yare noano masija. Yû ã masiare payû tahari mûsare noano masichû yoahi.

⁷ Noaa buheare Cohamacû yare mûsare buhecû ne wapa cahmaerahi. Mûsare yoadoho duacû wapa cahmaerahi. Wiho jiriro yoaro sehe jii yûhû. ¿Yû ã wapa cahmaerachû noaerajari, mûsa tûhotuchû? ⁸ Mûsare yû buhechû paye macari macaina Jesu yaina yûhure niñerure ware. Ti ã wachû tí niñerure ñahai sinino marieno mûsare buhei tai.

Musa sehe yuhure musa waborirore tina sehe yuhure ware. ⁹ Musa mehne jicɥ paye baro yuhure dɥhsapachɥta musare niñerure ne sinierahi. Mari coyea Macedonia yahpa macaina Jesu yaina jipihtia yɥ cahmarire na wihire yuhure. Panopɥre musare ne cariboerahi yuhɥ. Baharopɥ cɥhure musare ne caribosi. ¹⁰ Cristo potocãta to yahuriro seheta yuhɥ cɥhɥ mipure musare potocãta yahui nija. Jipihtiro Acaya yahpai jiinare ahri musare yɥ sinierari cjirire ã yahurucuihtja. ¹¹ ¿Musare yɥ sinierari cjirire painare yɥ ã yahurucuchɥ tɥhona, dohse ni tɥhotujari musa? “Paulo ã ni yahuro sãre cahñeraro nina”, ¿ni tɥhotujari musa? Jierara. Musare cahñja. Musare yɥ cahñare Cohamacɥ masina.

¹² Wapa cahmano marieno musare yɥ buhe dɥcariro seheta sohtori ti-ihhtja. Yɥ buheri wapa yɥ wapa nachɥ ñɥa tina “Jesu to cūrina jija”, ni mahñoina õ sehe niboca: “Paulo noaa buheare buhero, wapa nana. ã jina sã cɥhɥ to yoaro seheta yoaja”, niboca tina “Paulo yoaro sehe yoaja sã”, ni duaa. “ã niri” nicɥ, wapa cahmano marieno buheihtja musare. ¹³ Tina potocãta Jesu to cūrina waro jierara. Tinare ne cūrare tiro. “Jesu to cūrina jija”, ni mahñoa, sã yoaro seheta jimana. ¹⁴ Ti ã mahñoina jichɥ masi tuhsɥja yuhɥ. Satana cɥhɥ noariro yoaro sehe cohtota mɥjana. Tiro anjo si siteriro yoaro sehe ji duaro cohtotamana. ¹⁵ To ã yoariro jichɥ masicɥ Satana yaina “Jesu to cūrina jija”, ni mahñoina Cohamacɥre yoadohoina yoaro sehe ti mahñoina jichɥ ñɥcɥ, mahñoina ti jiare masi tuhsɥja yuhɥ. ã mahñoina ti jichɥ ñɥno, pihtiri dacho jichɥ jipihtia ti ñano yoari buhirire buhiri dahrerohca Cohamacɥ tinare.

To ñano yuhdɥrere yahuha Paulo

¹⁶ Pari turi ahrire musare yahuihtja. Ne “Tɥho masierariro jira”, yuhure niena tjiga. Yɥ ã ni dutierapachɥta yuhure musa ã ni tɥhotuchɥ

noanohca yuhure. “Tɥho masierariro jira”, yuhure ni tɥhotupanahta tɥhosiniga musa yuhure. Mahanocã yɥ jia tiare yɥ yahuchɥ tɥhoga musa. ¹⁷ Musare ã yahucɥ tɥho masierariro yoaro sehe yoai nija. Mari pɥhtoro Jesu yuhure “Mɥ basi mɥ jia tiare yahuga”, nierare yuhure. ¹⁸ To ã nierapachɥta ahrire yahuihtja musare. Ti mɥ sɥro “Noaina jija”, niina payɥ paina ti jichɥ ñɥcɥ yuhɥ cɥhɥ yɥ jia tiare musare yahuihtja. ¹⁹ Musa sehe tɥho masierainare tɥhona wahchea mehne ñɥyuhca musa tinare. Noacaro masiina jijari musa sehe ã tɥhona. ²⁰ Musare cahamaca ti dahrechɥ, musare ti wapa cahmachɥ, musa yare ti machɥ, ã ñɥnocahna musa. ã yoa musare ti doca dahrechɥ, musa wahsupurire ti cjãchɥ, ã tɥhotunocahna musa. ²¹ Noacaro yoajari musare tina. Cue, masare yuhdɥrɥcaina jijari tina. Sã sehe tina yoaro sehe yuhdɥrɥcaina jieraja.

ã jina tina yoaro sehe yoaeraja. Tina yoaro sehe jierapaihta tina “õ sehe jiina jija”, ti nichɥ tɥhocɥ yuhɥ cɥhɥ ãta ni yahuboca. Pari turi tɥho masierariro yoaro sehe yoacɥ, õ sehe ni yahuihtja musare tjoa. ²² Tina “Hebreo masa jija”, nina painare yuhdɥrɥca duaa. Hebreo masɥnota jimaja yuhɥ cɥhɥ. “Israe masa Cohamacɥ to beserina jija”, nina tina tjoa. Ti yoaro seheta to beserirota jimaja yuhɥ cɥhɥ. “Abrahã cjiro panamana ji turiaina jija”, nina tina tjoa painare yuhdɥrɥca duaa. Ti yoaro seheta Abrahã panaminota jimaja yuhɥ cɥhɥ. ²³ “Cristo cahamaca jija”, nina tina tjoa. Yuhɥ cɥhɥ Cristo cahamacɥnota jija. Tina yuhdoro Cristo yare noano yoaja yuhɥ. Cuenah, ã nicɥ tɥho masierariro yoaro sehe durucui nija. Tina yuhdoro tuaro mehne dahrai yuhɥ Cristo yare yoacɥ. Payɥ tahari tina yuhdoro Cristo yairo yɥ jiri buhiri peresu yoare paina yuhure. Tina yuhdoro payɥ tahari tjanare yuhure masa. Tina yuhdoro Cristo yairo yɥ

jiri buhiri payu tahari masa yuhure wajã duamare. Ti ã wajã duachu mahanocã yuhdui yuhu ti wajãboriro. ²⁴ Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare. ²⁵ Tia taha paina yuhure ñahare. Ñã ñahaa tina pinihta yuhure ñano yucari mehne cjãre. Pa tehe yuhure paina tãa mehne docare. Tia taha dohoria mehne tãcapu doca wahã su, minii. Ñã jicu cã dacho, cã ñami pjiri ma dacho macapure ba pahsai. ²⁶ Payu tahari macaripure buhe tinii sui. Yu ã buhe tinichu cua yuhduare yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cãhu yuhure ñano yoahto cua nire. Macaripu, masa marienopu, pjiri mapu cãhure yuhure nu yariahto cua nire. “Muhu mehne macaina jija”, ni mahñoina cãhu yuhure ñano yoahto cua nire. ²⁷ Cristo yare yoacu tuaro dahraa tii. Ñã dahracu ñano wahyaa tii. Payu tahari yuhure wujo ñano puripachata ã dahrarucua tii. Ñano juca baa tii. Ñã yoa ñahma yapioro jia tire yuhure. Payu tahari chua bocaeraa tii. Yu suhti sãaboa cãhu ne mariea tire yuhure. Ñã yoa yuhure yusua yuhduu tire.

²⁸ Ñã sehe ñano yuhdupaihta dachoripe jipihtina paina Cristo yainare, musa cãhure pjiro wacũ tuhoutuja. ²⁹ Ñã jicu cãiro Cristo yairo to ã jinocariro to jichu ñucu cahyaja. Paina Cristo yairore ñano yoa dutiboca. Ti ã yoachu ñucu Cristo yairore cuisãacu, tina ñaina mehne suaja. ³⁰ Yahu duaerapaihta yu jia tiare yahui tacu, yu mu sũro wiho jiro yu jia tiare musare wahchea mehne yahuja. ³¹ Cohamacu mari puhtoro Jesu puũro dachoripe mari ño payohtiro tirota musare yu mahñoerachu masina. Ahrire musare quihõno yahuihtja. ³² Damasco wama tiri macapu yu jichu ñuno, cãiro puhtoro yuhure ñaha duamare. Jipihtina masa bui puhtoro Areta

wama tiroto docai jiro puhtoro pinihta yuhure ñaha duamare. Ñã ñaha duaro tí maca macari sahrĩno, tãa mehne ti yoari sahrĩno macaa sopacaripe surarare cohta dutiri jire. ³³ Ti ã cohtaro watoihata yuhu mehne macaina pjiri puharopu yuhure duhu sãa, tí sahrĩno macari sopacacãpu yuhure duhu borore. Tí sahrĩno baharo buhusehepu yuhure duhu borore. Ti ã duhu borori baharo duhti wahcãa wahai.

12

Cristo Paulore to ñorire yahuha Paulo

¹ Yu jia tiare wahchea mehne yu yahuchu yaba cjihti jierara. To ã jipachata yu jia tiare yahu namoihtja musare. Mari puhtoro Jesu yuhure to ñorire to masichu yoarire yahuihtja musare. ² Ñã sehe ño ducare tiro yuhure: Catorce cãhmari waro wahara yuhure Cristo yairore manopu to naa mujari baharo. Manopu ñahpichoha buipu yuhure naa mujare. Yu tuhoutuia dihtare to naachu masieraja yuhu. O yu pjacu cãhure to naachu ne masieraja. Cohamacu dihta tíre masina. ³⁻⁴ Ñã jiro paraíso wama tiropu naa mujare yuhure. Yu tuhoutuia dihtare to naachu masieraja yuhu. O yu pjacu cãhure to naachu masieraja. Cohamacu dihta tíre masina. To ã naa mujachu sacu tãpore to yahuare tuhói. Tí yu tuhore masa ne masierara. Tí to yahurire marine yahu dutierara. ⁵ Tó sehe yuhure to ñorine musare yahucu, “Yuhu cãirota painare yuhdurucariro jija”, niboia yuhu. Ñã nieraja yuhu. Yu mu sũro masierariro yu jiare ñano yuhduriro, wiho jiro yu jiare wahchecu musare yahuihtja. Tí dihtare wahchecu musare yahuihtja. ⁶ “Painare yuhdurucaja”, musare ni yu yahu duachu yu niri cjiri potocã tji-boia. Tó sehe ni yahucu tuhó masierariro jieraboa yuhu. Wiho mejeta “Ñã sehe painare yuhdurucaja”, ni yahusi yuhu musare, “Cua pisaro choro yuhure ñari”, nicu. Yuhure ñã

masina ño payora m̄sa. M̄sa ã ño payopach̄ta tí ȳhgoro ȳh̄re m̄sa ño payoch̄ cahmaeraja. Ȳm yoarire ñ̄na, ȳm nirire t̄hona quih̄ño m̄sa ño payoriro ȳhgoro ȳh̄re m̄sa ño payoch̄ cahmas̄aeraja m̄sare.

⁷ Cristo noa ȳh̄d̄are m̄anore ȳh̄re to ñoch̄m̄ ñ̄r̄iro jic̄m̄, “Painare ȳh̄d̄ur̄caja”, niboca ȳh̄m̄ sehe. Æ ȳm nierah̄to sehe Satana ȳm p̄jac̄re to duti dahrech̄m̄ ñ̄ano “Noanoh̄ca”, niri jire Cohamac̄m̄. Ȳh̄re duti dahrer̄i jire Satana ȳh̄re ñ̄ano wahach̄m̄ yoaro. Ahri dohatiro potaca s̄ãano to pur̄ño sehet̄a ȳh̄re pur̄ña. ⁸ Õ ȳm dohatirore ȳh̄re ȳh̄do dutic̄m̄ sinia timai Cristore mari p̄h̄torore. Tia taha sinia timai. ⁹ Õ sehe ni ȳh̄tia tire ȳh̄re tiro: “Õ m̄ dohatiro pinihtare m̄h̄re ȳh̄d̄uch̄m̄ yoasi ȳh̄m̄. Æ m̄h̄re ȳh̄doerap̄aihta m̄h̄re cah̄ja. Ȳm cah̄ia mehne noano jiih̄ca m̄h̄m̄. Dohatic̄m̄ ñ̄ano ȳh̄d̄ur̄iro, wiho jiriro jic̄m̄ ȳm tuaare noano masich̄m̄ yoaih̄ca m̄h̄m̄. Tuaina ȳh̄goro m̄h̄m̄ sehe ȳm tuaare masare masich̄m̄ yoaih̄ca”, ni ȳh̄tia tire tiro ȳh̄re. To ã nich̄m̄ t̄hoc̄m̄ ñ̄ano ȳh̄d̄ur̄iro, wiho jiriro ȳm jiri c̄jirire masic̄m̄ wahcheja. Æ jic̄m̄ ñ̄ano ȳh̄d̄ur̄iro, wiho jiriro ȳm jiare m̄sare wahchea mehne yahuih̄ca. Õ sehet̄a ni yahuih̄ca Cristo to tuaa mehne ȳm noano jiare m̄sa noano ñ̄m masiht̄o sehe. ¹⁰ Æ jic̄m̄ Cristo yairo ȳm jiri buhiri ȳh̄re pur̄ich̄m̄ wahcheja. Paina ñ̄ano ȳh̄re ti ni durucuch̄m̄, ñ̄abiaro ȳh̄d̄uc̄m̄ wahcheja. Ȳh̄re ti ñ̄ano yoarucuch̄m̄, ñ̄ano ȳh̄d̄uc̄m̄ Cristo tuaa mehne c̄ño p̄jaja tirore wac̄u tuac̄m̄. Æ jic̄m̄ wahcheja.

Corinto macainare Cristo yainare p̄j̄ro cahya t̄hotuha Paulo

¹¹ Ȳm jia tiare yahuc̄m̄ t̄ho masierariro yoaro sehe yoahi ȳh̄m̄. Ȳm ã yahupach̄ta tí m̄sa ya buhiri jira. M̄sa sehe ȳm jia tiare painare noano yahuboa. Ȳh̄m̄ ȳm m̄ s̄uro jic̄m̄ yaba c̄jihti jieraboa ȳh̄m̄. Æ jiboriro jip̄aihta “Jesu to c̄rina, masi pah̄oina

jija”, ni mah̄ñoinare docar̄caeraja ȳh̄m̄. ¹² Potoc̄ta ñ̄ano ȳh̄d̄ur̄iro jip̄aihta Cohamac̄m̄ tuaa mehne yoa ñ̄omai m̄sare. Æ ñoch̄m̄ Jesu to c̄r̄iro ȳm jiare ñoi nimai m̄sare. ¹³ Õ sehet̄a yoamai. Paye macari macainare Jesu yainare m̄sa c̄h̄re c̄ño potori yoaa timai ȳh̄m̄. Wiho mejeta m̄sa dihtare cariboerahi. M̄sa dihtare paye barore sinierahi. ¿Ȳm ã sinierach̄m̄ ñ̄aa nijari, m̄sa t̄hotuch̄m̄? Tí ñ̄aa jich̄m̄ tí ñ̄aare boga m̄sa ȳh̄re.

¹⁴ P̄ua taha m̄sa cahap̄m̄ ȳm s̄uri baharo pari turi waha duaja t̄joa. Tópm̄ s̄uc̄m̄ m̄sare caribosi ȳh̄m̄. Paye barore sinisi ȳh̄m̄ m̄sare. M̄sa yare cahmaeraja. Cristo ya sehere m̄sa ȳh̄tiina jich̄m̄ cahmas̄aja ȳh̄m̄. Masa poh̄na sehe ti p̄c̄s̄um̄are ti cahmaare waerara. Ti p̄c̄s̄uma sehe ti poh̄na cahmaa sehere wara. (Tó sehet̄a m̄sa ȳm poh̄na yoaro sehe jiina ȳm cahmaa sehere wasi m̄sa.) ¹⁵ Æ jic̄m̄ ȳh̄m̄ pinihta ȳm c̄h̄aa sehere wa duaja m̄sare yoadohoc̄m̄ tac̄m̄. M̄sa cahamac̄m̄no yoaro sehe ji duaja m̄sare yoadohoc̄m̄ tac̄m̄. M̄sa sehere ȳm ã tuaro cah̄pach̄ta ȳh̄re m̄sa sehe p̄jiroca cah̄na, ȳm t̄hotuch̄m̄.

¹⁶ Æ jic̄m̄ m̄sa mehne jic̄m̄ m̄sare cariboerahi. ¿Potoc̄ t̄jjarita, m̄sa t̄hotuch̄m̄? Wiho mejeta c̄ina m̄sa mehne macaina ò sehe niboca: “Paulo paye baro marine na duaro mah̄ñore marine”, niboca. ¹⁷ ¿M̄sa ã niriro sehet̄a yoariro jic̄m̄, dohse tíre yoari ȳh̄m̄, m̄sa ñ̄uch̄m̄? ¿M̄sa cahap̄m̄ ȳm warocarina yaba barore ȳh̄re mah̄ño mabasari tina m̄sare, m̄sa ñ̄uch̄m̄? Mah̄ño maerari jire tina. ¹⁸ Soh̄o jiri p̄jap̄m̄ m̄sa cahap̄m̄ Titore waha duti tuhs̄hi tirore. Æ jic̄m̄ pairore Cristo yairore tiro mehne piti dahre warocahi. ¿Tito paye barore m̄sare mah̄ño mari, m̄sa ñ̄uch̄m̄? Mah̄ño maerari jire. Tiro ȳm yoaro sehet̄a Cohamac̄m̄ to cahmano sehet̄a yoariro jira. ¿Á jiro ȳm yoaro sehe yoaerari tiro, m̄sa ñ̄uch̄m̄? Ȳm yoaro sehet̄a yoari jire.

¹⁹ “Ñ̄ano yoaeraja s̄ã”, ni d̄catana

nieraja sã. Cristo yaina jija. ã jina Cohamacu to ñurocaroi musare yahuna nija. Yu coyea, yu cahina, musare yahui musa sehere yoadoho duana. Musare yahuna, sã sehere musare cahmachu yoana nierahi. ²⁰ Tõru yu sũchu yu cahmano sehe yoaina jieraboca musa. ã jicu musare tuaro cuisãaja. ã yoa musa cahmano sehe yoariro jieraboca yũhu cũhu, tõru sũcu. Soro musa yoachu ñucu yahuihca musare. Tõru yu sũchu musa sehe cahma sayoina, painare pahsu tiina, ñaco suaeraina, musa mu sũro painare yũdũrũca duaina, painare ñano durucuina, ñaa quiti dahreina, “Painare yũdũrũcaja” niina, musa cahmachunore dojomehneina jiboca musa. ã jina musa jirore dojomehnena niboca musa. “Tĩre yoari” nicu, cuisãaja yũhu musare. ²¹ Tõru yu sũchu musare yũhũre buo tisãachũ yoaboca Cohamacu. Jipihtinare panoru ñano yoainare, ti ñaare cahyaerainare ñucu tuaro cahyaihca yũhu. Numia mehne ñano yoainare, mu mehne ñano yoa numiare, wũana tiinare, ñaare goa pjainare ñucu cahyaihca yũhu.

13

Paulo yahu batoaha

¹ Mipũre musa caharu wahacu tia taha sũihca tõpũre. Pũa taha tõpũre su tuhsũi. Õ sehe nina Cohamacu yare ti joari pũi: “Cũirore mari buhiri dahrehto pano tiaro tirore yahusãno cahmana. Tiaro mariachũ pũaro tirore yahusãno cahmana. Ti ã yahusãri baharo buhiri dahre masija mari”, nina Cohamacu yare ti joari pũi. ² Panopũre ñano yoaina cjiri musa jichũ musare, jipihtina paina cũhũre ahire cuaro mehne yahui. Cũ taha musa cahai pari turi sũcu musare ahire yahui. Mipũre musa mehne jieracu pari turi musare ahire yahurocaihtja tjoa: Mipũre musa cahapũre sũcu, panoru ñano yoainare paina cũhũre potocãta buhiri dahrehtja yũhu. ³ Yu ã yoachu

ñuna, Cristo to cũriro yu jia tiare to tuaa mehne yu buherire masinahca musa, musa masi duariro sehetã. Cristo sehe musare dutiriro tua yũdũrũcu sũriro jira. ã jiro to tuaare ñona musare. ⁴ Mari yoaro sehe pjacu tiro, to tuaare ñoeraro tiro wiho jiriro yoaro sehe crusaru yariari jire. ã yariaparota Cohamacu to tuaa mehne catiriro jira tiro mipũre. Tiro crusaru jiro wiho jiriro to jiriro sehetã sã cũhu wiho jiina jija. ã jipanahta Cohamacu tuaa mehne jinahca musare yoadohona tana.

⁵ ã yoa musa sehe cãina musa basi õ sehe ni tũhotuga: “¿Potocãta Cristore wacũ tuajari yũhu?” ni tũhotuga musa cãina. “¿Potocãta Cristo to cahmano sehetã jijari yũhu?” ni tũhotuga musa cãina. Musã ã jierana to yaina waro jierara musa. To yaina waro musa jichũ Cristo musa mehne jiro nina. ¿Tĩre masierajari musa? ⁶ Sã sehe “Jesu yaina, to yare yahu duti to cũrina jija”, ni mahũoina jieraja. To yaina, to cũrina waro jija sã. Tĩre musa masichũ cahmaja yũhu. ⁷ ã jicu musa ñano yoerahto sehe Cohacũre sini payoja musare. ãta sini payoja sã noaare, Cristo yare musa yoahũ sehe. Musã ã yoachu ñuna sã õ sehe niboca: “Corinto macainare buhena, quihõno buhei sã”, niboca sã painare sãre ño payo dutina. ã ño payo dutieraja sã. Tĩ yaba cjihti jierara. ã jina Cohacũre sini payona, musa ya cjihtire sini payona nija. Paina sãre “Mahũoina jira”, ti nipachũta noaare, Cristo yare quihõno musa yoachu pinihtare cahma yũdũaja sã. ⁸ Õ sehe dihta musa noaare yoachu cahmasãja sã. Cristo yare, potocã jiare soro ni yahu masieraja sã. ⁹ “Cristo cahmaare yoerara musa”, ni musare yahusã masierana, wiho jiina yoaro sehe jiboca sã, musa ñuchũ. Noanohca. Noaare, Cristo yare yoana musa sehe wiho jiina jierara. Musã ã jichũ ñuna wiho jiina yoaro sehe sã jipanahta wahcheja. ã jina Cristore wacũ tuaina, noano yũhtiina

musa wahahtore Cohamacure sini payona nija sã musare. ¹⁰ Æ jicũ musa mehne jieracũ musare ahri tjure joarocayui nija. Musa cahapũ sũcũ, ñano yoaina musa jichũ ñũcũ musare buhiri dahrehtja. Cristo yũhũre to dutiro sehta musare buhiri dahrehtja. Yũ ã buhiri dahrehtja sehta ahri tjure musare joarocayui nija. Cristo yũhũre to dutiro sehta musare yoadohotirota jija. Musare dojomehnehtiro jieraja.

¹¹ Mirũre yũ coyẽa, ahrire yahu batoihtja musare. Noano wahcheina jirucuga musa. Cristore wacũ tua namoga. Æ yoana noaina, tirore yũhtiina jiga. Musa mehne macaina mehne cãno mehne jiga. Musa basi noano mehne jiga. Musa ã jichũ ñũno musa mehne Cohamacũ jirohca. Tiro marine cahma cahĩchũ yoariro, marine noano mehne jichũ yoariro jira. ¹² Æ yoana musa mehne macainare noano mehne piti bocasiniga. ¹³ Jipihtina õ macaina Cohamacũ yaina musare noa dutira.

¹⁴ Mari puhtoro Jesucristo musare to cahã mehne, Cohamacũ cãhũ musare to cahã mehne Espĩritu Santo musa mehne jirucuriro to yoadohoa mehne noano jiga musa.

Gálatas

Galacia wama tiri yahpa macainare Jesu yainare joarocaha Paulo

¹ Yuhũ Paulo, Cristo yare buhe dutiro to cūriro jija. Masa ti cūriro jieraja yuhũ. Ā yoa masa sehe yuhũre Cristo buhe dutiro to cūhtore yuhũre yahuerare. Cohamacũ Jesu Pũcũro sehe Jesure yariaritore masoriro yuhũre cūre to yare buhehtirore. Jesucristo cāhũ yuhũre cūre. Ti ā cūriro jicũ ahrire joarocaja m̄sare. ² Yuhũ m̄sare Jesu yainare Galacia yahpa macainare noa dutija. Yuhũ mehne macaina Jesu yaina cāhũ m̄sare noa dutira. ³ Cohamacũ mari Pũcũ, mari pũhtoro Jesucristo mehne m̄sare noa dutija. Cohamacũ to yoadohoa mehne noano jiga m̄sa. ⁴ Tiro Jesucristo sehe mari ñaare yoari buhirire yariari jire. Mipũre masa ti ñaare yoari dacho jira. Ā jiro ahri dacho baroihta tiro yariari jire Cohamacũ mari Pũcũ to cahmariro seheta marine yũhdũchũ yoaro taro. Ā to yũhdũchũ yoachũ ñaare mipũre ti yoariro seheta yoa duasi mari. ⁵ Ā yoa jipihtia dachoripe tirore mari Pũcũre ño payojihna. Āta yoajihna.

Cohamacũ masare to yũhdũchũ yoahiti buhea cānota jira. Paye buheapũ mariahna

⁶ Cristo m̄sare cahĩno to yaina cjihtire m̄sare cūre. Ā jicũ m̄sare cūriro yare cohāna, soro jia buhea sehere dói m̄sa cahmachũ ñũ c̄naa wahaja yuhũ. ⁷ Paye buhea noaa buhea yoaro sehe jia buhea waro jierara. Ti ā jierapachũta cāina m̄sa cahai jiina m̄sare cariboa, soro jia buheare buhea, noaa buheare ni dojomehne duara. ⁸ Ā yoa m̄sare sã buhe m̄htari cjiire mari cohāchũ soro jia buhea sehere mari buhechũ Cohamacũ marine buhiri dahrejaro. Tuhsũ, anjo m̄mano macariro ā to buhechũ tiro cāhũre buhiri dahrejaro Cohamacũ. ⁹ Pano sã niriro seheta

mipũre pari turi nihtja tjoa: Cāiro m̄sare sã buherire cohāno, soro jia buheare to buhechũ Cohamacũ tirore buhiri dahrejaro.

¹⁰ Ā ñicũ “Tiro dihta noano buheriro jira”, yuhũre ni dutii nieraja. Cohamacũ sehe yuhũre “Noano buhere m̄hũ”, to nichũ cahmaja. Masare wahchechũ yoacũ tacũ soro jia buheare buheboa yuhũ. Ā buhecũ ne Cristo cahamacũno jieraboa yuhũ.

Paulo Cristo to buhe duti to cūriro to jidũcarire yahuha

¹¹ Yũ coyea, ahrire m̄sa masichũ cahmaja yuhũ: Noaa buheare yũ buheri cjiire masa ya buhea jierara. ¹² Tí buhea masũnore yũ tũhori jierara. Ā jia paina masa yuhũre tí buheare yahuerare. Jesucristo sehe yuhũre tí buheare masichũ yoare.

¹³ Panopũre yũ coyea judio masa ti yoaa tiriro sehe yũ yoariro jichũ masina m̄sa. Ō sehe yoaa tii yuhũ: Jesu yainare tuaro ñano yoacũ tinare noano wajã pahñonoca duamai. ¹⁴ Sã ñũchũsũma ti buherire tuabiaro yoa duacũ yũ coyea yũ cāno potori bũcũarina yũhdoro yoa m̄htariro jia timai yuhũ. ¹⁵ Yũ ā jiriro jipachũta yũ masa bajuahito pano Cohamacũ yuhũre bese tuhsũri jire. Ā jiro yuhũre cahĩno tiro to yairo cjihto, to cahamacũno cjihto cūre yuhũre. ¹⁶ Ā yoa to cahmano seheta to macũnore yuhũre masichũ yoare to yare noaa buheare judio masa jierainare yũ buhehti cjihtire. To ā yoachũ “¿Dohse ni buhero cahmacari yuhũre?” ni masare sinitu ñũerahi yuhũ. ¹⁷ Ā yoa Cristo to cūrina yũ pano jirina cahapũre Jerusalẽpũre sinitu ñũi wahaerahi. Arabia yahrapũ wahai yuhũ. Ā jicũ Damascopũ majare wihii tjoa.

¹⁸ Tia cũhma baharo Pedrore ñũcũ wahai yuhũ Jerusalẽpũ. Tõpũre p̄na somana waro jii. ¹⁹ Ā yoacũ painare Cristo to cūrinare ñũerahi. Santiago dihtare mari pũhtoro bahũrore ñũi. ²⁰ Ō sehe ni joarocacũ Cohamacũ mehne ne mahñore joaeraja.

21 Baharo Siria yahpapu, Cilicia yahpapu cūhure wahai. 22 Tópure yu sūchu tí pjare Judea yahpapu jiina Jesu yaina yūhure ne űu masierasinare. 23 Ā jia ahri dihtare yūhure masi dūcare tina: “Panopure marine űano yoariro mipure noaa buheare to cohā duari buheare buhero nina”, ni masi dūcare tina. 24 Yūhure ā masia Cohamacure “Noa yūhdūariro jira”, nire tina.

2

Paina Cristo to cūrina Paulore piti bocca dóihta cahmana

1 Catorce cūhmari baharo pari turi Jerusalēpu wahacu Bernabé mehne wahai. Tito cūhu wahare yūhu mehne. 2 Cohamacu yūhure to waha dutichu tópure wahai. Jerusalēi jicu Jesu yaina puhto ti sahsero ti cahmachuchu űūcu noaa buheare judio masa jierainare yu buherire yahui tinare. “Judio masa jierainare noaa buheare yu buhechu noajari, mūsa tūhotuchu?” nicu, ā ni yahui tinare. Ā ni yahui tinare panopu yu buherire mipure yu buheri cūhure ti noano masihto cjihtore, tíre “Noana”, ti nihto cjihtore. Ti ā nierachu yu buheri cjiri yaba cjihti jieraboa. 3 Yūhu mehne macariro Tito judio masūno jierariro jiro, circuncisiōre yoerariro jira. To ā yoamahnoerariro to jipachuta Jesu yaina puhto “Mūhu cūhu circuncisiōre yoaga”, nierare tirore. 4 Ti ā nierapachuta cāina “Jesu yaina jija”, ni mahñoina wacūenoca sā mehne sāa, tirore circuncisiōre ti yoachu cahmamare tina. Jesu yaina mari jina “Panopu macaare ti dutiro sehe yoana tí mehne yūhdūsi”, ni tūhotuja mari. Mari ā ni tūhotuina jichu mari yoare űu duaa tina sehe sā mehne mahño sāare. Ā yoaa sā űuchūsuma ya dutiare yoa duti duaa, tí dutiare űo payorucuina jichu yoa duamare sāre tina. 5 Ti ā yoa duapachuta noaa buheare quihōno mūsa noano masihto cjihtore ne mahanocā mehne tūho duaerahi sā tinare.

6 Ā yoa Jesu yaina puhto noaa buheare yu buherire ti tūhori baharo “Ō sehe ni yahu namoga judio masa jierainare”, ni yahu quihōerare tina yūhure. Jesu yaina puhtoare wiho jiina yoaro seheta tūhotuja tinare. Cohamacu sehe jipihtinare cāno potori tūhotura. Ā jicu āta tūhotuja yūhu cūhu. Tina sehe yu buheriro sohtoare buhedoho masierare. 7 Ā jia judio masa jierainare yu buhehtire Cohamacu yūhure to cūrire tūhoa, “Tóihata jira”, nire tina. Judio masare buheare Cohamacu Pedrore to cūriro seheta tó seheta yūhu cūhure cūre judio masa jierainare yu buhehtiro cjihtore. 8 Judio masare Pedrore buhe dutirota yūhu cūhure tirota buhe dutire judio masa jierainare.

9 Ā jia Santiago, Pedro, João mehne “Jesu yaina puhto”, ti niina noaa buheare buherire Cohamacu yūhure to cūrire tūhoa “Tóihata jira”, nire tina. Ā niata yūhure Bernabé mehne noano wahchea mehne wamomaca űahare sāre piti tia. Ā jina judio masa jierainare buheina jija sā. Santiago cūhu sehe judio masare buheina jira. “Āta wahajaro”, nii sā sā basi. 10 Ā nipahta tina judio masare pjacūoinare yoadoho dutire sāre. Pjacūoinare yoadohohtiro jiita nija yūhu.

Antioquíai Paulo Pedrore tuhtiha

11 Ā yoa Pedrore Antioquíapu to sūri baharo quihōno to yoerari buhiri tuhtii tirore. 12 Ō sehe yoare tiro: Santiago to warocaina Antioquíapu ti sūhto panocā, Pedro sehe judio masa jieraina mehne chūro nire. Santiago warocaina judio masa jierainare “Circuncisiōre yoaga” niina, judio masa panopu macaina ya dutiare yoa dutiina jire. To ā chūro watoi tina sūre. Ā chūriro jiparota tina to cahapu ti sūchu űūno, tinare cuiro, Pedro judio masa jierainare duhunoca, pari turi tina mehne chūro wahaerare. “Mipure wihiina yūhure tuhtiri” nino, judio masa jieraina mehne chu namoerare. 13 To

ã mahño cureriro seheta to yoachũ ñũa, paina judio masa cãhũ tirore ñũ cũ, tina cãhũ tó seheta yoare. ã jiro Bernabé masa noariro jiparota tina yoaro seheta yoare tiro cãhũ. ¹⁴ ã jicũ judio masa jierainare ti duhuri buhiri noaa buhea ti niriro seheta tina ti yoerachũ ñũcũ, jipihtina Jesu yaina panoi Pedrore yahui: “Judio masa ya dutiare yoa dutiina ti ñũrocaroi judio masa jieraina mehne mũ chũ duaerachũ ñũa õ sehe ni tũhotuboca tina judio masa jieraina: “Jesu yaina dihta jina judio masa yoaro sehe yoajihna mari cãhũ”, ni tũhotuboca. ã ni tũhotuchũ yoara mũhũ tinare. ¿Dohseacũ tinare judio masare ñũ cũchũ yoa duajari mũhũ ã piti ti duhucũ? Judio masũno jipaihta judio masa jieraina yoaro sehe yoamare mũhũ. ã yoacũ judio masa yoaro sehe yoerare mũhũ. ¿ã yoariro cjiro jipaihta dohseacũ judio masa jierainare judio masare ñũ cũchũ yoa duajari mũhũ?” nii tirore.

Judio masare paina masa yoaro seheta Jesure wacũ tua dutiha Cohamacũ

¹⁵ Sã sehe judio masa masa ba-juana, paina ñano yoaina judio masa jieraina yoaro sehe jieraja sã. ¹⁶ ã jiina sã jipachũta Cohamacũ dutiare Moise cjirore to cũrire yoarina sã jichũ “Noaina jira”, ni ñũeraboa Cohamacũ sãre. Tíre mari masija. ã yoa Jesucristore mari wacũ tuachũ Cohamacũ marine “Noaina jira”, ni ñũnohca. Tíre masina, sã cãhũ Jesucristore wacũ tuaja tirore sã wacũ tuari mehne sãre “Noaina jira”, Cohamacũ to ni ñũhto cjihtore. To dutia cjirire sã yoarina jichũ “Noaina jira”, ni ñũeraboa Cohamacũ sãre. Ne tí dutia yoaa mehne noaina jierara masa, Cohamacũ to ñũchũ.

¹⁷ Wiho mejeta Cristore mari wacũ tuaa mehne noaina Cohamacũ yaina mari waha duachũ, ñaina mari jiare masichũ yoarohca Cristo. ¿Cristo mari ñaare marine masichũ yoaro ñaina marine jichũ yoajari tiro, mũsa

tũhotuchũ? Ne mahanocã mehne yoerara. ¹⁸ Sã dutia yoaa mehne yũhdũ duamarina cjiri jipanahta tí buheare cohã. ã cohãpanahta pari turi tí buheare yoana tí dutiare sã yoa pahñoerari buhiri potocãta buhiri tinahca sã. ¹⁹ Cohamacũ dutiare Moise cjirore to cũrire cũno pjaeraja mari. ã jia, tí dutia marine duti namoerara. Cohamacũ to tuaa mehne to yaina jija mari. Cristo mehne crusai yariaina yoaro sehe jija mari. ²⁰ ã jina yariariro to mũ sũro to yoerariro seheta mari mũ sũro yoeraja mari. Cristo ya tuaa mehne yoaja. ã yoa mipũre Cohamacũ macũnore wacũ tuaa mehne jirucuja mari. Tiro Cohamacũ macũno marine cahĩre. ã jiro mari ya buhirire yariare. ²¹ To dutia yoaa mehne noaina Cohamacũ yaina mari wahachũ Cristo to yariari sehe ne yaba cjihti jieraboa. Cohamacũ marine to cahĩre, Cristo to yariarire wiho jia yoaro sehe jichũ yoa duaeraja yũhũ sehe. ã jicũ “Dutia mehne yũhdũihca”, ne nieraja yũhũ.

3

Cohamacũ dutia Moise cjirore to cũrire, wacũ tuaa cãhũre yahuha Paulo

¹ Yũ coyee, mũsa Galacia macaina tũho masieraina ji wama tira mũsa. Jesucristo crusai to yariari buheare jipihtina ti ñũrocaroi mũsare yahui. ¿ã jina mipũre to yare mũsa yũhdũrũcahtore paina mũsare ti dojomehnechũ dohse yoana tinare yũhtiri mũsa? ² Ahrireta yahu duaja mũsare: Dutiare mũsa yoaa mehne Espĩritu Santore cjuerara mũsa. Noaa buhea sehere tũhona Cristore mũsa wacũ tuaa mehne Espĩritu Santore cjuara mũsa. ³ Espĩritu Santo mehne mũsa Cristo yaina ji dũcana mipũre mũsa mũ sũro mũsa yoaa mehne Cohamacũ cahapũ mũsa waha duachũ ña nina. Tũho masieraina jira mũsa, ã yoana. ⁴ ¿Noaa buheare mũsa yoari buhiri payũ tahari mũsa ñano yũhdũna wiho warota ñano yũhdũnocana niri mũsa, ã wahana?

Wiho waro jierara m̄sa ã wahari.
 5 ¿Dohse m̄sa yoari wapa Espíritu Santore m̄sare wari Cohamac̄u, m̄sa t̄hotuch̄u? To dutiare m̄sa yoari wapa waerare tiro. To buheare noano m̄sa t̄hoch̄u ñ̄no tirore m̄sa wac̄u tuari baharop̄u Espíritu Santore ware tiro. ¿Cohamac̄u m̄sa watoi to tuaa mehne yoa ñ̄no dohse jiro baro ã yoa ñ̄ojari tiro, m̄sa t̄hotuch̄u? To dutiare m̄sa yoari wapa ã yoa ñ̄oerare tiro. To buheare noano m̄sa t̄hoch̄u ñ̄no tirore m̄sa wac̄u tuari baharop̄u ã yoa ñ̄ore tiro.

6 Abrahã cjiro Cohamac̄ure wac̄u tuaa tiri jire. To ã yoach̄u tirore Cohamac̄u “Noariro jira”, ni ñ̄na tiha.

7 Æ jina ahri ȳu nihtire masiga m̄sa: Cohamac̄ure wac̄u tuainata potocãta Abrahã cjiro panamana ji turiaina waro pa turu macaina yoaro sehe jira. 8 Panop̄u Cohamac̄u yare ti joari p̄ui õ sehe ni yahua tiha: Judio masa jieraina Cohamac̄ure ti wac̄u tuach̄u ñ̄no “Noaina jira”, ni ñ̄na Cohamac̄u. To ã ni ñ̄htore Cohamac̄u pano masiyuro, tiro noaa buheare Abrahãre pano yahu m̄hta tuhs̄a tiha. “M̄hu mehne ahri yahpa macainare jipihtinare noano yoaihtja”, nia tiha Cohamac̄u Abrahãre.

9 Æ jiro Abrahã cjiro Cohamac̄ure noano t̄ho wac̄u tuaa tiha. To ã wac̄u tuach̄u ñ̄no Cohamac̄u tirore noano yoaa tiha. Æ yoa paina masa Cohamac̄ure ti wac̄u tuach̄u, tina c̄h̄ure noano yorohca Cohamac̄u, Abrahã cjirore to yoariro seheta.

10 “Moise cjirore to c̄uri dutia mehne Cohamac̄u yaina wahanahca”, ni t̄hotuina buhiri tiina jira. To joari p̄ui ãta nina: “Cohamac̄u dutiare to ya t̄jui ti joarire yoa pah̄oeraina buhiri tiina jira tina jipihtina”, ni joaa tiha. 11 Cohamac̄u yare ti joari p̄ui õ sehe nina: “Cohamac̄ure wac̄u tuainare ‘Noaina jira’, ni ñ̄na Cohamac̄u. Æ wac̄u tuaa jipihtia dachoripe Cohamac̄u mehne ã jirucuahca”, nina Cohamac̄u yare ti joari p̄ui. To ã nich̄u ahri ȳu nihtire mari noano masija: To dutiare ti yoaa

mehne masa noaina wahaerara, Cohamac̄u to ñ̄ch̄u. 12 Dutia yoaa mehne Cohamac̄u cahap̄u waha duaina Cohamac̄ure wac̄u tuaerara. Õ sehe nina Cohamac̄u yare ti joari p̄ui: “Dutiarre yoaa mehne noaina waha duainare tí dutiarre yoa pah̄ono cahmana tinare, d̄hsaro marieno”, nina Cohamac̄u yare ti joari p̄ui. Wiho mejeta to dutiarre yoa pah̄oeraina jira masa. Æ jia Cohamac̄u ñ̄rocaroi noaina waha masierara.

13 Æ jia tí dutia marine buhiri tich̄u yoara. Mari ã buhiri tich̄u ñ̄no Cristo sehe to basi mari yaro jiborirore buhiri tiriro waharo, mari buhiri tiborirore tiro sehe cohãbasare marine. Cristo to buhiri tihtore yahuro õ seheta ni joaa tiha panop̄ure: “Jipihtina yuc̄c̄ap̄u ti duhu õina buhiri tiina jira”, ni joaa tiha panop̄ure. 14 To ã ni yahu joariro seheta ã yoari jire Cristore.

Cohamac̄u Abrahã cjirore “Ahri yahpa macainare noano yoaihtja”, to niriro seheta yoaro niri jire masare. Æ yoari jire Cristo mehne. Tiro yariari jire Cohamac̄u judio masa jierainare noano to yoah̄to cjihtore. Æ yoaro Jesucristo mehne Cohamac̄u Abrahãre to niriro seheta tuhs̄ari jire. Æ yoari jire tiro tirore mari wac̄u tuari baharo Espíritu Santore mari c̄h̄ahto cjihtore.

To buherire qiti mehne yahu namoha Paulo

15 Ȳu coyee, masa ya qiti mehne tí ȳu nirire yahuihtja m̄sare: C̄iuro paio mehne “Õ sehe yoajihna mari”, ni c̄no mehne ti joa c̄pach̄ata paio tí p̄ure soro ni dojomehne joa namo masierara. Æ yoa tuhs̄u, tí p̄ure “Quih̄no jierara”, ni masierara tiro. 16 Tí p̄ure c̄no potori ti joa c̄iuro seheta “M̄sare noano yoaihtja”, Cohamac̄u nino, Abrahãre to panamino ji turiariro c̄h̄ure ni yahu c̄no nia tiha. Æ ni yahu c̄no paina to panamana ji turianap̄ure ni yahu c̄no niera tiha. C̄iuroreta

to panamino ji turiariro dihtare ni yahu cūno nia tiha Cohamacu. Tiro Abrahã panamino Cristo jira. ¹⁷ Mipure noano yahuihtja musare: Abrahã cūhure Cohamacu “Musare noano yoaihtja”, to ni cūri baharo cuatrocientos treinta cūhmari yūhduri baharo to dutiare Moise cjirore cūa tiha. ã cūno Abrahã cūhure Cohamacu “Musare noano yoaihtja”, to yahu cūri cjirore boro taro niera tiha. ¹⁸ Cohamacu marine yūhduchū yoaro, dutiare mari yoaa mehne marine yūhduchū yoaerara. Dutiare yoaa mehne mari yūhduchū Cohamacu “Musare noano yoaihtja”, to ni yahu cūri sehe yaba cjihti jierabo. Wiho mejeta to dutia mariasinichūpū Abrahãre ã ni cū mūhtaa tiha.

¹⁹ ¿ã jiro dohse jiro baro to dutiare cūri Cohamacu? To dutiare cūha tí dutiare mari yūhdurūcarire mari noano masihto sehe. ã jiro panopure Cohamacu “Mū panami mehne masare noano yoaihtja”, Abrahãre to niriro to wihito pano Cohamacu to dutiare cūaa timaha masa. Cohamacu to dutiare to cūchū to anjoa sehe tíre duti turiaa tiha. ã yoa Moise cjirore ti cūchū, tiro sehe masare cū turiaa tiha tjoa. ²⁰ To dutiare Moise cjiro to cū turiachū Cohamacu to basita masare cūera tiha. ã cūeraparota Cohamacu “Mūhure noano yoaihtja”, Abrahã sehere ni yahu cūno, to basita ã ni yahu cūa tiha.

²¹ Cohamacu Moise cjirore to dutiare cūno, tó pano Abrahãre to ni yahu cūrire “Yū niriro sehe yoasi yūhū”, nino niera tiha tiro. Abrahãre to niriro seheta yoaro taro nia tiha. To dutia yoaa mehne Cohamacu yaina wahana tí pja pinihta dutiare mari yoaa mehne noaina wahabo mari. ²² Wiho mejeta Cohamacu to yare ti joari pū sehe jipihtina ñaa buhiri tiina, ñaare duhu masieraina ti jirire yahua tiha. ã ni yahua tiha Cohamacu “Musare noano yoaihtja”, pano to niriro seheta to yoahito cjihtore. ã yoaro Jesucristore wacū tuainare noano yoara tiro pano to

niriro seheta.

²³ Jesucristo ya buheare mari tūhohto pano, tirore mari wacū tuahto pano Cohamacu Moise cjirore to cūri dutia dihtare masimahi mari. ã masimarina jina ñaa buhiri tiina, peresupū jiina yoaro sehe tí ñaare duhu masieraina jina, dutia dihtare masiina jimahi mari. ²⁴ ã jia Cristo to wihito pano Cohamacu dutia sehe marine yahure dahra cohtariro to pūhtoro pohnare to yahuriro seheta. ã yahure marine baharo Cristore mari wacū tuaa mehne Cohamacu “Noaina jira”, marine to ni ñūhto cjihtore. ²⁵ Mipū pinihtare Cristore mari wacū tuari pja jira. To ã jichū dahra cohtariro yoaro sehe to dutia sehe marine yahu namoerara. Marine dutirucu namoerara. ²⁶ ã jina Cristo Jesure wacū tuaina jina Cohamacu pohna jira mūsa. ²⁷ Jipihtina mūsa co mehne bautisarina jira Cristo yaina mūsa jiare ñona tana. ã yoana to yaina jina, Cristo yoaro sehe jiina wahana nina mūsa. ²⁸ Mipure pūa curua jierara mūsa. Judio masa jieraina, judio masa mehne pūa curua jierara mūsa. Dahra cohtaina, dahra cohtaina jieraina mehne pūa curua jierara mūsa. Mūa, numia mehne pūa curua jierara mūsa. Jipihtina mūsa Cristo yaina jina, cū curuata jira mūsa. ²⁹ Cristo yaina jina, Abrahã Cohamacure to wacū tuariro seheta yoaina jina, Abrahã panamana waro jira mūsa. Mūsa ã jiina jichū Cohamacu Abrahãre “Musare noano yoaihtja”, to ni yahu cūriro seheta mūsa cūhure noano yoarohca tiro. Cristo yaina mūsa jichū ñūno musare noano yoarohca.

4

¹ Õ sehe jira ahri quiti mehne yū yahu namochū: To pūcūro baharo to yare nahtiro wahma būcūariro jiropū jipihtia to ya jipachūta dahra cohtariro yoaro seheta ne paye baro maerariro yoaro seheta jira tiro. ² ã jia tiro wahma būcūariro to jichū tirore ñū wihboina to yare

ñu wihbora. Æ yoa to pucuro to quihõri pja mu suchupu to pucuro yare cjarohca to macuno. ³ Õ seheta wahma bucariro yoaro seheta jimai mari cõhu. Æ jiina mari jisinchu dahra cohtainare ti dutiro sehta Moise cjirore to cõri dutia, mari ñuchusuma panopu macaina ti cõri dutia cõhu marine dutisinimare. ⁴ Mari Æ jiina jipachuta to quihõri pja mu suchu Cohamacu to macunore warocari jire. Æ to warocachu to macuno cõcoro numino mehne masa bajuari jire. Æ jiro tiro judio masuno masa bajuaro Cohamacu dutia Moise cjirore to cõri cjirore yoarucuriro jiri jimare. ⁵ Mari cõhure tí dutiata dutisiniri jimare. Æ jiro marine yuhduchu yoachtiro cjihtore warocari jire Cohamacu to macunore, to pohna waro mari wahahto cjihtore.

⁶ Æ jiro to pohna musa jichu ñuno, Cohamacu macuno to yairo Espiritu Santore musa mehne jihtirore warocari jire Cohamacu. To yairo Espiritu sehe Cohacure “Mai”, niriro jira. ⁷ Æ jina musa Cohamacu to yoadohoa mehne dahra cohtaina jierara musa mipure. To pohna jira musa. Æ jina to pohna jina, Cohamacu to wahtire cjanahca musa.

Paulo Galacia macainare Jesu yainare cuisãha

⁸ Panopu Cohacure musa masierasiniina jina “Cohamacu jira”, musa nia masurine ño payona tí masurine dahra cohtaina jiri jimare musa. Musa Æ ño payoina potocãta cohama waro jierari jire. ⁹ Æ jirina cjirore jipanahta mipure Cohamacu warore masina musa. Jierara. Tiro pinihta musa sehere masina. ¿To Æ masipachuta dohse yoana ahri yahpa macaina ya buhea sehere cahmajari musa tjoa? Ti ya buhea mehne noano yuhdu duapanahta ne yuhduci musa. Æ yoa baharo Cohamacu jipihtia dachoripe musare to wahtire cjuasi musa. Æ yoana tí buhea mehne yuhdu duana, pari turi ti ya dutiare dahra

cohtaina yoaro sehe wahana nica musa. ¹⁰ Cãa dachorire, cãa sũrine, cãa puhibucure, cãa cõhmarine bose numurine dahre dutira musa. “Mari Æ yoa mehne dutia mehne yuhduahca”, ni tãhotumana musa. ¹¹ Musa Æ ni tãhotuchu musare tuaro yu buheri cjirore yaba cjihti jieraboca, yu tãhotuchu.

¹² Yu coyea ahrire tuaro dutiitja musare: Cristore yu tãhoturiro seheta musa cõhu tirore tãhotuga. Panopu dutia yoa mehne yuhdu duaina jierari jimare musa judio masa jieraina jina. Mipu sehere yuhdu cõhu musa yoaro seheta wahai dutia yoa mehne yuhdu duaeracu. Æ jina Cristore yu tãhoturiro seheta musa cõhu Æta tirore tãhotuga. Musa mehne yu jichu ne ñano yoerare musa yuhure. ¹³ Ahrire masina musa. Tõpu dohatiriro jicu, pa seheru waha masieracu noaa buheare musare buhe ducã. ¹⁴ Yu Æ dohatiriro jipachuta, yuhure pumeborina musa jipanahta, yuhure yabierare musa. Æ jina yuhure “Waharisa”, nierare musa. Æ jina Cohamacu yairo anjore, Jesucristo cõhure musa piti bocaboriro seheta yuhure noano piti bocare musa. ¹⁵ ¿Mipure dohse wahari yuhdu mehne musa wahchea? Musare ahrire niitja: Cõno pjana musa caparire orewe na yuhure waboa musa. ¹⁶ ¿Yuhdu mehne macaina jipanahta mipure quihõno musare yu yahuchu ñu tuhtijari musa yuhure?

¹⁷ Sohõ jiina soro ni buheina musare tuaro cahmasãana. Ti tãhotua soro jira. Noaa jierara. Tina musare yuhure yuhduacachu cahmana, tina sehere musa cahmahto sehe. ¹⁸ Noano mehne musa noano wahahto sehe musare ti cahmasãachu noa niboã. Æ yoa tõpore yu mariachu cõhure ti Æ cahmasãachu noa niboã. ¹⁹ Yu pohna, niji wahcõricoro to ñano yuhduro seheta musare ñano wacũ tãhotuja yuhdu. Pu Cristo yoaro sehe musa jichupu musare wacũ duhuihca. ²⁰ Michapucacã musa mehne jicu tuhtiro marieno wahchea mehne musa mehne yu sãhduchu noaboa

yuhare. Musare pjíro tūhotui nija yuhū.

Agar Sara mehne ti jiri cjiire yahuha Paulo

²¹ Tūhoga mūsa yuhare. Cohamacū to dutiare yoaa mehne yūhdū duaina jipanahta to dutia sehere noano masierara mūsa. ²² Ō sehe nia tiha Cohamacū yare ti joari pūi: Abrahā pūaro pūcūro jia tiha. Tirore dahra cohtaricoro Agar wama tiricoro mehne cūiro pohna tia tiha. Ā yoa to namono poto Sara wama tiricoro mehne cūiro pohna tia tiha. ²³ Wiho mejeta tirore dahra cohtaricoro macūno masa mari yoaro seheta masa bajuaa tiha tiro. To namono poto macūno sehe Cohamacū “Cūirocā pohna tinahca mūsa”, to niriro seheta masa bajuaa tiha tiro sehe. ²⁴ Ahri quitī marine noano piti dahre yahura: Cohamacū pūa taha masare “Mū sare yoadohoihtja”, to nia yoaro seheta jira ahri numia pūaro numia. Cūcoro Sinaí wama tidūpū to dutiare wari yoaro sehe jira. Ticoro Agar jira. Ticoro mehne mari piti dahre buhechū judio masa cūhū dutiare yoarucua mehneta yūhdū duaina ticoro yoaro sehe jira. Tina dahra cohtaina yoaro sehe jira. ²⁵ Ticoro Sinaí wama tidū Arabiapū jidū yoaro sehe jiricoro jira. Mipūre Jerusalē macaina judio masa dutia yoaa mehne yūhdū duaina dutiare dahra cohtaina yoaro sehe jira. Ā jia mari piti dahre buhechū tina ticoro yoaro sehe jira dahra cohtaricoro to jia tiro sehe. Tina Cohamacū pohna jierara. ²⁶ Pacoro sehe Abrahā namono poto mūanopū jiri maca Jerusalē wama tiri maca yoaro sehe jira, mari piti dahre buhechū. Ticoro dahra cohtaricoro jieraro, to macūno cūhū dahra cohtariro jierari jire. (Ā yoa Jesucristore wacū tuaina mari jina, Sara macūno yoaro sehe jia. Mari cūhū Cohamacū Moise cjirore to cūri dutia mehne yūhdū duaina jieraina jina, dahra cohtaina yoaro sehe jieraja.) ²⁷ Cohamacū yare ti

joari pūi ō sehe ni joaa tiha Cohamacū pohna warore, Sara yoaro sehe jiricorore yahuro:

“Pohna marienicoro, wahchega.

Ā yoa wahchea mehne sañurucuga, niji wahcōno purīnore masieraricoro jico.

Mūhū sehe manū tiricoro yūhdoro payū pohna ticohca.

Ā jico wahchega”,

ni joaa tiha panopūre to pohna tihto pano Sara yoaro sehe jiricorore yahuro.

²⁸ Yū coyea, Cohamacū to niriro seheta Isaa masa bajuaa tiha. Mari cūhū tiro yoaro sehe Cohamacū to niriro seheta to pohna jia mari.

²⁹ Wiho mejeta tí pjpūre masa yoaro sehe masa bajuariro ñano yoaa tiha pairore Espíritu Santo to niriro seheta masa bajuarirore. Mipū cūhūre āta jira to jiriro seheta. ³⁰ Wiho mejeta ō sehe nina Cohamacū yare ti joari pūi: “Dahra cohtaricoro macūno to pūcūro yare cūa masierara. To namono poto macūno sehe to pūcūro yare cūa masina. Ā yoa ticorore dahra cohtaricoro cjirore to macūno mehneta cohānocahga”, ni joaa tiha.

³¹ Yū coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jia mari.

5

Jesucristo yare noano tūho ñahana, tíre duhuena tjiga

¹ Dutia yoaa mehne yūhdū duaina tí dutiare dahra cohtaina ti dutipeina yoaro sehe jira. Cristo yaina wahanana ti dutipeina mari jiare wijaana, Cristo mehne yūhdūja mari. Ā to yūhdūchū yoarina jina, to yare ā yoarucuga, “Tí dutia yoaa mehne yūhdūnahca”, ni tūhoturo marieno.

² Mipūre yūhū Paulo ahrire yahuihtja mū sare: “Circuncisiōre mari yoari mehne yūhdūnahca”, mūsa ni tūhotuna, Cristo mū sare to yoadohore yaba cjihti jierachū yoana nina mūsa. ³ Jipihtina circuncisiōre

musa yoari mehne yuhdu duainare pari turi õ sehe ni yahuihtja yuhh: Circuncisiõre musa yoari mehne yuhdu duana, paye Cohamacu dutiare yoa pahñoerana, yuhdu si musa. ⁴ Dutia yoaa mehne yuhdu duaina jina Cristo sehere cohãre musa. ã yoaina jina, Cohamacu musare to cahĩre, musare to yuhduchu yoa duarire cahmaerara musa. ⁵ Wiho mejeta mari sehe Espĩritu Santo to tuua mehne Cohamacure wacũ tuaja. Mari ã wacũ tuachu “Noaina, ñaa buhiri marieina jira”, ni ñana Cohamacu marine. To ã ni ñachu marine to yuhduchu yoahtore masija mari. ⁶ Cristo Jesu yaina jina circuncisiõre mari yoachu ne yaba cjihti jierara. Circuncisiõre mari yoerachu cãhure ne yaba cjihti jierara. Wiho mejeta Cristo pinire wacũ tuana painare cahĩnahca mari. Tĩ wacũ tuua sehe wiho waro jia nierara. Tĩ waro jia nina.

⁷ Musa Cristore noano wacũ tuasinimare. ¿Diina baro noaa buheare yuhduruca dutiari musare? ⁸ Ti ya buhea Cohamacu musare to pohnare cũriro to ya buhea jierara. ⁹ Ahri yu nihtire wacũga musa: Mahanocã pão bucuro trigo yubure noano sahserucu sura. (To ã sahserucu suriõro seheta yu coyea judio masa ya buhea sehere musa cahmarucuchu ñaa payu masa musa mehne macaina cãhu tí buheare cahmaboca tina cãhu.) ¹⁰ Mari puhtoro Cristore wacũ tuaja mari. ã jicu ahri yu nihtire masija yuhh. Cristo to yoadohoa mehne paye buheare baharopure cahmasi musa. Tĩre masija yuhh. Musare dojomehne cohtaina dohse jiina jica. Tinare Cohamacupu buhiri dahrerohca.

¹¹ Yu coyea, “Dutia yoaa mehne yuhdu nahca”, ti nia buheare yu buheriro jichu judio masa yuhure ñano yoaeraboa. Cristo crusai to yariari buheare yu buheri buhiri tina ñano yoara yuhure. Cristo ya buhea mehne judio masa ya buheare yu buhe morechu yuhure ñano yoaeraboa tina. ¹² Musare dojomehne

cohtaina musare mahanocã musa pjacu macari cahsarocãre yihso dutiina ti basi dihta yihsojaro.

¹³ Yu coyea, “Dutia mehne yuhdu nahca”, ni tuhotu dutierara Cohamacu musare. Wiho mejeta “Dutia mehne yuhdu nahca”, ni tuhotuina jierapanahca “To dutiare yuhdurucajihna”, ni wacũena tjiga. ã yoa musa mehne macainare cahma cahĩna, tinare dahra cohtaina yoaro seheta yoadohoga tinare. ¹⁴ Cũnota dutiare noano yoana, Cohamacu dutiare yoa pahõona nija mari. Õ sehe jira tí dutia: “Mu basi mu cahĩno seheta mu cahai jiina cãhure cahĩga”, ni dutia tiha. ¹⁵ ã jina wahiquina suaina yoaro sehe musa basi cahma sayoena tjiga. Tuhsu, cahmachena tjiga. Musa mehne macaina jipihtinare “Dojomehneri”, nina noano yoaga musa.

Masa ñaare ti goa pjaare, Espĩritu Santo to cahmaa cãhure yahuha Paulo

¹⁶ Espĩritu Santo to cahmariro seheta jirucuga musa. ã jina musa ñaare musa goa pjaare yoana tjiga. ¹⁷ Ñaare musa goa pjachu tíre musa yoachu, Espĩritu Santo ñu yabira. To ã ñu yabichu tí ñaare duhunahca musa. ã jina ñaare musa goa pjana, tíre yoana, Espĩritu Santore ñu tuhtira musa. ã ñu tuhtina to cahmano sehe yoaerara musa. ã jina musa goa pjaare musa yoa duaro seheta yoa masierara musa. ¹⁸ ã yoa Espĩritu Santo to cahmaare yoaina jina “Dutia mehne mari yuhdu nahca”, ni tuhotuerara musa.

¹⁹ Masa ñaare ti yoaare mari noano masi tuhsuja. Õ sehe jira tí: Numino mehne ñano yoaa, muno mehne ñano yoaa, wãana tia, tó sehe jia ñaare buo tiro marieno yoaa, ²⁰⁻²¹ “Cohamacu jira” ti nia masurine ño payoa, puti sitea, paye yaya ti yoaa, ñu tuhtia, cahma sayoa, doaa, suaa, to basi dihta cjuua duaa, ñu tuhti cahma tju waa, cã curua macaina pa curuare ñu tuhtia, paina yare tuaro cahmaa,

cahaa, cahaa bose numurine dahrea, tó sehe jia jira ñaare yoaa. Panopu musare cuaro mehne yu niriro seheta mipu cūhare nihtja: Tí barore yoaina pūhtoro Cohamacu to sūho jiropure manopure ne sūsi.

22-23 Espíritu Santo sehe marine ò sehe yoaina jichu yoara: Masare cahina, wahcheina, cuiro marieina, so suaeraina, painare noano yoaina, noaina, duhuro marieno Cohamacu cahmaare yoaina, painare yūhdurūca duaeraina, noano mehne yoaina, ti ñaa goa pjaare yoeraina jichu yoara marine tiro. Tó sehe yoainare “Ñ yoaena tjiga”, ne cāiro nierara. 24 Cristo Jesu yaina jina mari ñaa goa pjaare yoa namoeraja. 25 Espíritu Santo marine Cohamacu mehne ã jirucuchū yoarohca. Ñ jina to cahmano seheta yoarucuina jijihna mari.

26 “Painare masi yūhdurūcaja sã”, ni tūhotuina jiena tjijihna mari. Ñ jina mari mehne suachū yoaena tjijihna painare. Ñ yoana mari mehne macaina noano ti wahachū ñūna tinare sua tūhotuena tjijihna.

6

Musa mehne macainare yoadohoga

1 Yu coyea, cāiro musa mehne macariro to ñaare yoachū ñūna, Cristore noano wacū tuaina jina niji siaroca dero tirore yoadohoga noaare pari turi to yoahto cjihto sehe. Ñ yoana musa cūhu “Ñaare goa pjarī”, nina noano yoaga. 2 Musa mehne macaina ti ñano yūhdūchū cūhare yoadohoga tinare. Musa ã yoana Cristo to dutiro seheta yoana nina musa.

3 Cāiro wiho jiriro jiparota “Painare yūhdurūcaja”, ni tūhoturo, to basi mahña dihtare tūhoturiro jira. 4 Cāina musa sahsero musa yoarire “Ahri noaa jira. Ahri ñaa jira”, ni masiga. Ñ masina musa yoari noaa jichū musa basi wahchenahca. Ñ jina “Painare yūhdurūcaja”, nisi musa. Ñ

nierana painare musa yūhdurūcari mehne wahchesi musa. 5 Ñ jiro Jesu yairo to mu sūro Cohamacu yare yoara. Pairo masūno tirore tíre yoadoho masierara.

6 Ñ jina noaa buheare buherirore paye baro musa cūaare tirore waga musa to yahuare tūhoina.

7 Toari masūno ñaa yaparire toaro ñaa dichare cūarohca. Noaa yaparire toaro noaa dichare cūarohca. (Tó seheta mari cūhu ñaare yoana ñaare cūanahca. Ñ jiro mari ñari buhiri buhiri dahrerohca. Noaare yoana noaare cūanahca. Ñ jina noano jinahca.) Ñ jina “Sã ñaare yoachū Cohamacu sãre buhiri dahresi”, ni tūhotuena tjiga. Ñaare yoaina Cohamacure bujūpeina jira. Cohamacure bujūpeinare buhiri dahrerohca tiro. 8 Mari ñaare goa pjana, tíre yoana, tí mehneta yarianahca. Ñ jina pichacapū wahanahca. Espíritu Santo sehe to cahmaare mari yoachū tiro marine jipihia dachoripe manopu jirucuchū yoarohca. 9 Ñ jina noaare yoana tíre pumena tjijihna mari. Cohamacu to quihōri pja jichū noaare cūanahca mari pumerana. 10 Ñ jina jipihtinare mari ñūnape noano yoajihna mari. Mari coyea Jesu yaina pinihtare paina yūhdoro noano yoajihna.

Paulo yahu batoaro, noa duti batoaha

Paulo yahu batoaro, noa duti batoaha

11 Būjūa letrari mehne yu wamomaca waro mehne musare yu joarocarire ñūga musa. 12 Musare circuncisiōre yoa dutiina masa tinare ño payochū cahmana. Cristo crusai to yariari buheare mari buheri buhiri masa ñano yoara marine. Ti ã yoachū ñūa ahrina musare circuncisiōre yoa dutira “Judio masa ya buhea sehere yoaja”, nia. Ñ ti yoa dutichū judio masa tinare ñano yoeraboca. Ñ jia circuncisiōre yoa dutira. 13 Musare circuncisiōre yoa dutiina sehe Cohamacu to dutiri cjirire yoa pahñerara. Ñ jia

circuncisiõre m̄sare ti yoa dutiri baharo m̄sa yuhtichu ñua, judio masa tinare m̄sare dutinare ño payoboca. Ti ã ño payohti cjihtire m̄sare circuncisiõre yoa dutira tina. ¹⁴ Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare ã ni yahu duaeraja. Æ crusai to yariachu ahri yahpa macaa ñaare wafino yuhure yoa dutiro bihoerara. Æ yariaro tí ñaare yuhure cahmaerachu yoare tiro. ¹⁵ To ã yoachu Cristo Jesu yaina mari jichu circuncisiõre mari yoachu ne yaba cjihti jierara. Circuncisiõre mari yoerachu c̄hure ne yaba cjihti jierara marine. Wiho mejeta pari turi masa bajuaina yoaro sehe, Cohamacu cahmano seheta yoaina, marine to cohtotachu pinihta wiho waro jierara. ¹⁶ Jipihtina ahri yu buherire yoaina, Cohamacu yaina waro jina, cuiro marieno noano jiga m̄sa. Æ jina Cohamacu to pja ñua mehne jiga m̄sa.

¹⁷ Mari puhtoro Jesure dahra cohtariro yu jiri buhiri yu pjacure cami tija yuhu. Yu ã jiriro jichu mipure paina yuhure cariboea tjjaro.

¹⁸ Yu coyea mari puhtoro Jesucristo m̄sare jipihtinare to cahia mehne noano yoajaro. Æta yoajaro.

Efesios

Efeso macainare joarocaha Paulo

¹ Yuh Paulo musare Efeso macainare joarocaja. Yuh Jesucristo yare buhe dutiro to cūriro jija. Cohamacu to cahmano seheta Jesu yuhare to yare buhehtirore cūre. Ā jich musare Cohamacu yainare Jesucristore ā wacū tuarucuinare joarocaja yuh. ² Ā joarocacu yuh musare noa dutija. Cohamacu mari Puch, ā yoa mari puhtoro Jesucristo cūh musare noano yoa, noano jichu yoajaro.

Cristo yaina mari jichu ñno Cohamacu noano yoara marine

³ Cohamacu, mari puhtoro Jesucristo Puchro marine noano yoarucura Cristo yaina mari jichu ñno. Jiphtia to ya mūano macaa noaa mehne tiro marine noano yoarucura. Espiritu Santo mehne marine ā noano yoarucura. To ā yoariro jichu ñna noano ño payoa mehne tirore noano wahche payojhna. ⁴ Ō sehe yoaa tiri jire tiro marine to yainare: Ahri yahpare to bajuamehnehto pano mipure to yaina jhtinare beseyu tuhsua tiri jire tiro marine. Ā besea tiri jire marine ñaa buhiri marieina mari jhto sehe. Ā yoana ñaa buhiri marieina jija mari, Cohamacu to ñuch. Ā jiro marine “Ñaa buhiri tiina jira”, nisi tiro. ⁵ Panopu ō sehe nia tiri jire tiro marine: “Yuh macu Cristo tinare to yoabasari mehne tina yu pohna jahca”, ni cūa tiri jire marine panopu. To ji coariro seheta to cahmariro seheta ā wahachu yoaa tiri jire tiro marine. ⁶ Wiho jiina mari jipachuta marine to ā noano yoachu ñna ño payoa mehne tirore noano durucujhna. To macu to cahñiro yaina mari jichu ñno noano marine yoara tiro. Ā jina tirore noano durucujhna. ⁷⁻⁸ Cristota jira marine pichacapu wahaborinare yuhduchu yoariro. Cristo mari ñaa buhirire yariabasaro, to

dire cohā, mari ñaa yoari buhirire cohāri jire. Mari ñaa yoari buhirire to cohāchu ñno, Cohamacu sehe mari ñaa buhirire bonocahna. Marine ñaa dihtare yoaborinare ā cahmano marine noaputiaro yoari jire Cohamacu. Ā yoa marine to ā yoainare noano waro tūho masiina wahachu yoari jire. ⁹⁻¹⁰ Tūho masiina wahachu yoa, baharopu to yoahore marine masichu yoare. Panopu painare tīre masichu yoerari jire tiro. Ō sehe jira baharopu to yoahore: Tiro to cahmariro seheta to tūhoturiro seheta jiphtinare cū curuata Cristo yaina jichu yoarohca. Ā jiro jiphtiare to ya jichu yoarohca. To quihōri pja mū sūchu mūano macainare, ahri yahpa macaina cūhure, cū curuata to yaina jichu yoarohca tiro. Ā yoa mūano macaare, ahri yahpa macaa cūhure to ya jichu yoarohca. Ā jiro Cristo sehe jiphtina bui puhtoro jirohca. Ā yoa jiphtia puero jirohca. Ā jhtiro ji dutia tiha Cohamacu tirore.

¹¹ Ā yoaro Cristo yaina mari jhtore masino panopu Cohamacu marine bese tuhsua tiha to yaina mari jhtinare. Ahri jiphtiare to yoarire, baharopu to yoahore cūhure, “Ā waharohca”, ni cūyua tiha tiro to tūhoturiro seheta, to cahmariro seheta yoaro taro. Ā yoaa tiha tiro to yare sã yoahore cjhore. ¹² Sã sehe judio masa Cristore cahma mūhtaina jina sãre to yuhduchu yoahore cohta mūhtaina jija. Cohamacu sãre besea tiha to yare sã yoahore cjhore. Cohamacu yare sã ā yoachu ñna, paina tirore ño payo, “Tuariro jira”, ti nihto sehe Cohamacu sãre besea tiha. ¹³ Mūsa cūh quihōno durucuaeta noaa buheare tūhore. Tī buhea “Cohamacu cahapu mūsa waha duachu, ō sehe jira”, ni yahura marine. Tīre tūhona tirore wacū tua, noano tūhona to yaina wahare mūsa. To yainare ō sehe niri jire Cristo: “Musare Espiritu Santore warocaihtja”, ni yahu cūri jire. ¹⁴ Ā jiro tirore mūsa wacū tua, noano tūhochu

ñano to yairo Espíritu Santore ware m̄sare. ã jiro Espíritu Santo mari mehne jiro Cohamac̄u yaina mari jia tiare masich̄u yoara tiro sehe. ã yoa Espíritu Santo parore masich̄u yoara. Cohamac̄u mari ñaa buhirire bore marine ȳhd̄uch̄u yoaro. ã jiro baharo to cahap̄u naanohca marine to yainare. Marine to naahto pano Espíritu Santo sehe Cohamac̄u cahap̄u mari s̄uri baharo to yare mari cj̄ahtore masich̄u yoara marine. Cohamac̄u marine ã yoara tirore ño payoa mehne “Noariro jira”, mari nihto cjihtore.

Paulo Cohamac̄ure sini payoha Jesu yainare

15-16 Cristore wac̄u tuaina m̄sa jich̄u t̄horocac̄u Cohamac̄ure ã sini payorucuja m̄sare. Mari p̄htoro Jesucristore m̄sa wac̄u tuarire, jipihtina to yainare m̄sa cah̄ire t̄horocac̄u Cohamac̄ure “Noana”, nija. 17 Õ sehta tirore sini payoja m̄sare: Cohamac̄u m̄ano macariro mari p̄htoro Jesucristo P̄c̄uro, noa ȳhd̄uaro to yare m̄sa noano masihto sehe sini payoja. ã yoaro tirore m̄sa noano masihto sehe sini payoja m̄sare. 18 ã jic̄u paye ȳ nihti c̄h̄ure m̄sa noano masihto sehe m̄sare sini payoja Cohamac̄ure. Tiro m̄sare ȳhd̄uch̄u yoaro, to yaina cjihtire yoare. To ã yoach̄u noa ȳhd̄uara marine. Tíre m̄sa masihto sehe sini payoja m̄sare Cohamac̄ure. ã yoa marine to wahtire noa ȳhd̄u t̄i waro ti jich̄u c̄h̄ure m̄sa masiyuhto sehe sini payoja m̄sare Cohamac̄ure. 19 Õ sehe c̄h̄ure m̄sa masihto sehe sini payoja m̄sare Cohamac̄ure. Cohamac̄ure wac̄u tuaina mari jich̄u ñano to tuaa mehne marine yoadohora tiro. Tiro sehe paina bui tua ȳhd̄uaro jira. Tí c̄h̄ure m̄sa masihto sehe sini payoja Cohamac̄ure. 20 Tí to masia mehne, to tuaa mehne tiro Cristo yariarirore masori jire. ã maso tuhs̄uro, m̄anop̄u to potō b̄h̄usehei Cristore dujich̄u yoari jire

Cohamac̄u, jipihtinare dutihtiro to jihto sehe. 21 Tói dujiro jipihtina m̄ano macaina p̄htoa bui, ã yoa jipihtina ahri yahpa macaina dutiina bui jiro jira Cristo. Mip̄ure jipihtina ahri dacho macaina bui p̄htoro jira. Baharop̄u jipihtina pa tjuru macaina c̄h̄ure ti bui p̄htoro jihtiro cjihtota jira tiro. 22 ã yoa jipihtina bui c̄uri jire Cohamac̄u Cristore. ã yoaro jipihtiare p̄u tich̄u yoari jire tirore. ã jiro Cristo yaina c̄u curua jiina bui p̄htoro s̄ori jire tirore. Ti dapu jira tiro sehe. 23 Cristo yaina c̄u curuata jina, to pjac̄u yoaro sehe jija mari. Cristo jipihtirōp̄u ã jirucura. ã jina mari to yaina mehne to jirucuch̄u, to jiro sehta wahana nija. ã wahana to jia tiare ñona nija.

2

Cohamac̄u marine cah̄no, p̄ja ñano ȳhd̄uch̄u yoaha marine

1 Cohamac̄u ȳhd̄ur̄ucaina, ñaa buhiri tiina yariaina cjiri yoaro sehe jiri jimare m̄sa, Cohamac̄u to ñuch̄u. 2 Panop̄ure ahri yahpa macaina Cohamac̄ure ȳhd̄ur̄ucaina yoaro sehe yoarucuri jimare m̄sa c̄h̄u. ã yoana wat̄ino to dutiro sehta yoarucuri jimare m̄sa. Tiro wat̄ino ahri yahpai dutiro Cohamac̄ure ȳhd̄ur̄ucaina p̄htoro jira. Wat̄ia p̄htoro c̄h̄u jira tiro. 3 Panop̄ure jipihtina mari ã dihta yoarina jimai. Mari ñaa dihtare goa pjamai. Mari m̄u s̄uro, mari t̄hotu, mari cahmano sehta yoamai. ã yoaina jina jipihtina paina yoaro sehta, mari c̄h̄u ñaa buhiri tiina jirucumai. Mari ã jiina jiri buhiri, Cohamac̄u to buhiri dahreborina jimai. 4 Mari ã jiina jipach̄ata, Cohamac̄u marine tuaro p̄ja ñano, noano cah̄iri jire marine. 5 ã cah̄i ȳhd̄uro, Cohamac̄ure ȳhd̄ur̄ucaina, yariaina yoaro sehta mari jipach̄ata Cristo mehne marine catich̄u yoari jire. 6 ã jiro Cristo yaina mari wahach̄u, Cohamac̄u Cristo mehne marine maso, ã yoa m̄anop̄u Cristo mehne dujihtinare marine s̄o dapori

jire, tiro mehne dutihtina cjihti mari jihto sehe. Cristo yaina jina, âta wahaina baro jija mari, Cohamacu to ñuchu. ⁷ Õ sehetâ noano yoara tiro marine to pja ñurire, to tuaro cahîrîre baharopu jhtinare masichu yoaro taro. Cristo yaina mari jichu ñuno â yuhduchu yoara tiro marine. ⁸ Cristore wacû tua, mari noano tuhochu ñuno Cohamacu marine pichacapu wahaborinare yuhduchu yoara. Marine pja ñuno, marine cahîno marine yuhduchu yoara. Mari mu suro mari noano yoaa mehne Cohamacu cahapu waha masieraja mari. Cohamacu sehe marine yuhduchu yoara. ã jiro tiro mehne mari â jirucuhtore cûna marine. ⁹ To â cûchu mari mu suro noaare mari yoari wapa jierara tí.

“ Sã mu suro yuhduhi, niboca”, nino õ sehe dutiri jire tiro: Mari mu suro yuhdu dutierara marine. ¹⁰ Cristo yaina jichu yoare marine Cohamacu sehe noaa dihtare yoahina mari jihto sehe. Panopu noaare mari yoahire cû tuhsuâ tiri jire tiro marine.

Cristore cjuana mari noano jija

¹¹ ã jina panopu mûsa jia tirire mipu cûhure wacûga mûsa. Cristo yaina jierasina judio masa jieraina jina mûsa coyêa yoaro sehe yoarina jiri jimare mûsa. Circuncisiõre yoeraina jire mûsa mipu mûsa jiro sehetâ. Mûsa â yoeraina jichu ñuna sã judio masa sehe circuncisiõ yoaina sehe mûsare õ sehe nia tii. “Circuncisiõre yoeraina jia, Cohamacu yaina jierara”, nia tii mûsare. Circuncisiõre yoaina muâ pjacurire mahanocã cahsarocãre yihso narina jira. ¹² Panopu Cristo yaina jierari jimare mûsa. Sã judio masa sehe Cohamacu to beseina jia tii. Sã â jichu “Mûsare yuhduchu yoaihtja”, ni cûa tiha Cohamacu sãre. Mûsa sehe to â ni cûrina jierari jimare. ã yoa Cohamacu to beserinare ñu tuhtiina jisniri jimare mûsa. Mûsa ñaa buhirire pichacapu wahahtina jiri jimare mûsa. Cohamacu maeraina jina

pichacapu butiborina jia tiri jimare mûsa. ¹³ Mipu sehere Cristo Jesu yaina jira mûsa. Panopu Cohamacure ñu tuhtiina jipanahta, mipure to yaina jira mûsa. Cristo mûsa ñaa buhiri crusapu to di cohâri mehne Cohamacu yaina jichu yoare mûsare. ¹⁴ Sã judio masare cahma ñu tuhtiina mûsa jichu ñuno Cristo marine “Mûsa basi cahma ñu tuhtiena tjiga”, ni yahure. Masare noano yahuro jira tiro. Sã judio masa, judio masa jieraina mehne puâ curua mari jichu ñuno, tiro cû curuata yoare marine. Ducatari sahrînore ti tju site cohãno yoaro sehe mari cahma ñu tuhtirire duhuchu yoare tiro. ¹⁵⁻¹⁶ Õ sehe tîre yoare tiro: Mari ñaa buhirire crusapu yariaro marine pichacapu wahaborinare yuhduchu yoare. ã yuhduchu yoaro to yaina jichu yoare marine. ã yoaro puâ curua mari jimarire cû curuata wahma curua jichu yoare marine. ã yoaro panopu mari cahma ñu tuhtiina mari jimarire marine cûnoi noano jichu yoare. ã yoaro judio masa sã dutia cjirire cohâre tiro. Tí dutia marine puâ curua ji dutiri jimare. Mipure cû curuata jija mari. Cristo Cohamacu yaina jichu yoare marine.

¹⁷ ã yoa Cristo noaa buheare marine yahuro tari jire. Mûsa judio masa jieraina Cohamacu yare cjueraina jiri jimare. Mûsa â jichu ñuno mûsare yahuro tari jire tiro. Sã judio masa sehe Cohamacu yare cjuai. Sã cûhure yahuro tari jire. ã yahuro taro jipihtina marine cû curuata noano mehne ji dutiro tari jire tiro. ¹⁸ Mipure jipihtina mari judio masa, judio masa jieraina cãhu Cohamacu mari Pucu mehne noano ji masija mari. Espiritu Santo to yoadohoa mehne mari Pucu mehne noano ji masija mari. Cristo sehe marine ã noano jichu yoari jire. ¹⁹ ã jina mipure pa dihta macaina yoaro sehe jierara mûsa. Mipure Cohamacu yainare ñu tuhtiina jierara mûsa. Cohamacu yaina mehne macaina jira

musa. To ya curua macaina jira musa.
²⁰ Cohamacu ya durucuare yahu turaiaina, sã cãhu to yare buhe dutiro to cãrina jina to ya durucuare musare yahu ducãi sã, wahma wãhure Cohamacu ya wãhure ti dahre ducãriro seheta. Tí wãhã ti cã mãhtari tãca yoaro sehe jiroro Cristo sehe marine yãhdũchũ yoariro mariachũ mari ne yãhdũeraboa. ²¹ ã jiro to tuaa mehne marine to yainare cã curuata jichũ yoare tiro, Cohamacu wãhure ñaa marieni wãhure ti dahreboriro seheta. To ã yoachũ to tuaa mehne noaina wahaja mari, Cohamacu to ñũchũ. Mari ã jichũ ñũno, tirota mari mehne jirucura. ²² ã jina Cristo yaina jina jipihtina paina to yaina mehne cã curua wahare musa cãhu. Musa ã wahachũ Cohamacu to Espiritu Santo musa mehne jiro nina, Cohamacu ya wãhã ti jiboro seheta.

3

Judio masa jierainare noaa buheare yahuriro jiha Paulo

¹ ã to ya curua macaina musa jichũ ñũcũ yãhu Paulo musare sini payoja Cohamacure. Cristo Jesu yare musare jipihtina judio masa jierainare yã yahuri buhiri peresupũ jija yãhu. ² Cohamacu wiho jiina mari jipachũta, marine cahĩno, noaa buheare musare judio masa jierainare yãhure yahu dutiro cãre. Tíre masi tuhsure musa. ³ Panopũ masare to yahuerari cjirire Cohamacu baharopũre yãhure masichũ yoare. Ahrire mahanocã yahu musare joaroca tuhsũhi. ⁴ Yã ã joarocarire buhena Cristo to yare yãhure to masichũ yoarire masinahca musa. ⁵ Tí to yahuri cjirire panopũ macainare tiro yahuera tiha. Mipũ sehere sãre Jesu to cãrinare Cohamacu yare yahu mãhtaina cãhure sã jipihtina tirore dahra cohtainare to yahuri cjirire masichũ yoare Cohamacu. To yairo Espiritu Santo sehe sãre masichũ yoabasare Cohamacure. ⁶ Õ sehe jira to yahuri cjiri: Sã judio

masa dihtare Cohamacu yãhdũchũ yoarera. Judio masa jieraina cãhure yãhdũchũ yoarohca tiro. ã jina sã judio masa, musa judio masa jieraina mehne Cristo yaina jina, cã pjacu yoaro sehe cã curuata jija mari. ã jina mari jipihtina Cristo Jesu yaina jina cãno potori Cohamacu “Musare yãhdũchũ yoaihtja”, ni to yãhdũchũ yoaina jija mari.

⁷ Cohamacu yãhure pja ñũno, yãhure cahĩno ahri noaa buheare yahuhtirore yãhure cãre. To tuaa mehne ã cãre yãhure tiro. ⁸ Jipihtina Jesu yaina ti doca macãriro waro jija yãhu. Yã ã jipachũta judio masa jierainare noaa buheare yahuhtirore cãre Cohamacu yãhure. Tí buhea Cristo noa yãhdũariro to jiare, noa yãhdũa to cãare to wahtire yahura marine. ⁹ Yãhure ã cãno Cohamacu “Õ sehe yãhdũchũ yoaihtja masare”, nino to yãhdũchũ yoahore noano yahu pahũohtirore cãre yãhure tiro. ã jiro panopũ macainare tí buheare ne yahu pahũoerasinia tiha Cohamacu. Jipihtiare bajuamehneriro jira tiro. ¹⁰ Mipũre noaa buheare yahu dutiro cãre marine to yainare tiro to noano masi pahũoare masichũ yoaro taro. Masi pahũoriro to jia tiare mãano macaina pãhtoare masichũ yoa duari jire. ã yoaro taro noaa buheare buhe dutire marine Jesu yainare. ¹¹ Ahri yahpa to jihto panopũta “Masare pichacapũ wahaborinare yãhdũchũ yoaihtja”, nia tiha Cohamacu. ã niriro jiro mipũre mari pãhtoro Cristo Jesu yaria to masa mãjano mehne to niriro seheta marine yãhdũchũ yoara Cohamacu. ¹² To ã yãhdũchũ yoachũ mipũre Cristore wacũ tuana to yaina wahaja mari. To yaina jina wacũ tuaa mehne, cuiro marieno Cohamacu mehne durucu masija mari. ¹³ Noaa buheare musare yã buheri buhiri mipũre peresupũ jicũ yã ñãno yãhdũchũ ñãna cahyaena tjiga. Noaa buheare yã yahuchũ tuhona Cohamacu yaina wahare musa. Yã ã yoari buhiri peresui jija. ã

jic_u m_usare y_u yoadohori buhiri ñano y_uhd_ui nija. M_usa noano y_uhd_uhto sehe ã wahaja y_uh_u. Tíre masina wahchega m_usa. Tíre tuaro wahche dutija m_usare.

Cristo masare tuaro cahña

¹⁴ ã jic_u ahri jipihtia Cohamac_u mari P_uc_u to yoarire wac_uc_u tiro pano na tuhcuca caha s_uc_u sini payoja m_usare. ¹⁵ Tiro jipihtia curuari macaina m_uanop_u jiina, ahri yahpai jiina c_uh_u ti P_uc_uro jira. Jipihtinare bajuamehneriro jira tiro. ¹⁶ Tirore õ sehe ni sini payoja m_usare: Tiro masi pahñoriro jira. Tua y_uhd_uariro jira. ã jic_u to tuaa mehne m_usare noano to wac_u tuach_u yoah_uto sehe sini payoja. Espíritu Santo to yoadohoa mehne ã y_uarohca. ¹⁷ ã sini payoc_u Cristore m_usa wac_u tua namohto sehe tiro m_usa mehne to noano jihto sehe sini payoja m_usare. ã jic_u painare noano cahña m_usa jihto sehe sini payoja m_usare. ¹⁸⁻¹⁹ Jipihtina paina Cohamac_u yaina c_uh_u m_usa mehne Cristo masare to tuaro cahñare m_usa masihto sehe sini payoja. Tiro jipihtina masare cahñi y_uhd_uariro jira. To ã cahñi y_uhd_uarire noano masi pahñohto basioerara. ã jipach_uta to ã cahñiro to jia tiare m_usa noano masihto sehe sini payoja m_usare. ã yoa to cahñare m_usa masich_u cahmaja Cohamac_u m_usa mehne to noano jihto sehe. Noa y_uhd_uariro, ñaa marieriro to jiro seheta m_usa wahahto sehe to cahñare m_usa masich_u cahmaja. ã jic_u to cahñare m_usa masihto sehe sini payoja m_usare Cohamac_ure.

²⁰⁻²¹ ã yoa Cohamac_ure pjíro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jich_u yoa masina. Mari siniri y_uhdoro yoa masina tiro. Mari cahmaare mari t_uhoturi y_uhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamac_ure ño payojihna. ãta yoajihna.

4

Cristo yaina jina cã curuata jija mari

¹ ã jic_u y_uh_u, mari p_uhtoro Cristo to cahmaare y_u yoarí buhiri p_uresup_u jiro jic_u, m_usare õ sehe ni tuaro dutija: Cohamac_u to yaina cjihtire m_usare besea tiri jire. ã to beserina jina to cahmano seheta yoaina jiga m_usa. ² “Sã pinihta masi y_uhd_uur_ucaina jija”, ni t_uhotuina jiena tjiga. Painare noano mehne yoaga suaro marieno. M_usa mehne macaina m_usare ti ñano yoapach_uta tinare cahña mehne noano yoaga. ³ ã jina Espíritu Santo to yoadohoa mehne noano mehne cãno mehne jirucuga m_usa. ã yoana cahmachea marieno jinahca m_usa. ⁴ Cã pjac_u yoaro seheta cã curuaihta jija mari. ã yoa Espíritu Santo cãirota jira. Cohamac_u to yaina cjihti m_usare besea tiha m_usare y_uhd_uch_u yoaro taro. ã jina to y_uhd_uch_u yoah_utore cohtasinina m_usa. Cãnota jira m_usa cohtaro. ⁵ Mari p_uhtoro Cristo cãirota jira. To yahua, mari wac_u tuaa c_uh_u cãnota jira. To yainare bautisarire yahua c_uh_u cãnota jira. ⁶ ã jiro Cohamac_u cãirota jira. Tiro jipihtina P_uc_uro jira. ã jiro jipihtina mari p_uhtoro jira. Jipihtinare marine to cahmano seheta yoach_u yoa masina tiro. Jipihtina mari mehne jira. ã yoa jipihtirop_u jira tiro.

⁷ Cã curua mari jipach_uta jipihtina marine cãinare mari yoa masihtire cãre marine Cristo. Tiro to cãiro sehet_u yoa masija mari. Tiro marine ã cãno paye barore to ã wanocaboriro seheta yoaro nire tiro. ⁸ ãta nina Cohamac_u yare ti joari p_up_u: “Cohamac_ure ñ_u tuhtiinare to y_uhd_uur_ucari baharo tiro tinare naa m_ujaa wahare.

ã naa m_ujano tiro pay_u ã wanocare ahri yahpa macaina sehere”, ni joaa tiha panop_ure.

⁹ “Tiro m_ujaa wahare”, to nich_u wahmanore m_uanop_u jiro ahri yahpap_ure to tari c_uh_ure mari masija.

Ahri yahpapure to duji tarire mari masija. ¹⁰ ã jiro õpurre duji tariro tirota jira mujaa wahariro. Jipihtiro bui mujaa wahari jire tiro, jipihtiropu jiro taro. ¹¹ Tiro jira “Ahri yahpa macainare payu ã wanocariro”, ti niriro. Masare to ã wanocano seheta tiro payu ti yoa masihtire cûri jire masare. Õ sehe cûri jire tiro: Cãinare Cristo to yare yahu duti to warocahtinare cûri jire. Painare Cohamacu ya durucuare yahu turihtinare cûri jire. Noaa buheare buhe tinihtinare painare cûri jire. Cristo yaina cahmachuinare ñu wihboina cjihtire, noano buhehtina cjihtire cûri jire painare. ¹² Tó sehe yoa, dahrahtina cjihtire cûri jire marine painare to yainare mari yoadohohto sehe Cohamacure mari masi noano namohto sehe. ã cûri jire marine to yainare tirore mari wacû tua namohto sehe. ¹³ ã jina mari jipihtina noano mehne cûno mehne jinahca. ãta jiro cahmana marine Cristore wacû tuaina jina. ã jina mari jipihtina Cohamacu macanore noano masinahca. ã yoana Cristo tuariro, noano masiriro to jiriro seheta mari cûhu noano masiina, Cohamacure noano wacû tuaina wahanahca.

¹⁴ Mari ã wahana macanacã yoaro sehe jisi mari. Macanacã noano tuho masierasina. Paina ti buhechu “Ahri potocã jira”, ni ti mahño mihnia mehne ti mahñochu tinacã yoaro sehe jiina soro jia buheare cahmana. ã yoa paina ti soro buhechu tí buhea sehere cahmana tjoa. Pjiri ma macaa pahcõri ti ã cohtotarucuro seheta tó sehe ã cohtotarucuina jira tinacã yoaro sehe jiina. Tina yoaro sehe jisi mari. ¹⁵ Õ seheta yoanahca mari: Mari mehne macainare cahma cahina, potocã noaa buheare cahma yahunahca mari basi. ã yoana macanacã bucua tuho masiina ti wahariro seheta mari cûhu tuaina, Cohamacu yare noano masiina wahanahca. Cristo to jiro sehe wahanahca. Tiro jira

mari dapu. ¹⁶ To yaina jina to pjacu yoaro sehe cû curuaihta jija mari. ã jina mari capari, mari cahmori, mari dahpori cû pjacui ti noano jiro seheta mari cûhu payu jipanahta cûno potori noano jija. Mari ã cûno potori mari jihto sehe Cristo yoadohora. ã jina mari wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahina, tinare noano yoadohona, tuaina Cristore wacû tua namoina wahanahca mari.

Cristo yaina wahana mari ñaa yoare duhu, noaa sehere cohtotaja mari

¹⁷ ã yoa mari puhtoro Cristo to dutiro mehne õ sehe nihtja musare: Cohamacure cahmaeraina waro yoaro sehe yoana tjiga musa. Tina ti tuhotua sehe ñaa dihta jira. ã jia ti tuhotua yaba cjihti jierara. ¹⁸ ã jia nahitiano ti ñu masieraro seheta tina Cohamacu yare ne masieraputiarara. To yare ne tuhoeraputiarara. Tuho duaerara tina. ã jia Cohamacu to noano ji dutiriro seheta jierara tina. ¹⁹ ã jia tina ñaare yoaa ne buo tieraputiarara. ã yoa ne cahyaerara. Ñaare ti goa pjaa dihtare yoarucura. Jipihtia ti ñaare yoare duhu duaerara. ²⁰ Musa sehe ã yoerare, Jesure masi ducana. ²¹ Potocã to yare tuhoina musa jichu, Jesu yare noano masiina musa jichu musa sehere tina yoaro sehe yoa dutierara tiro. ²² ã jina ñano wete tia suhtire musa tjuwe cohãno seheta panopu musa yoari cjirire duhunocahga. Tí pjare ñaare yoarucuina musa jichu tí ñaa sehe musare dojomehnenno niri jimare. “Ñaare yoana, noano wahchenahca”, ni tuhotuina jipanahta ne potocã wahcherare musa. ²³ ã yoa musa tuhotuare noaa sehere Cohamacu to cahmano seheta cohtotaro cahmana musare. ²⁴ ã jina noaa sehere cohtotaina jiga musa. Tó sehe jiina Cohamacu yoaro seheta jira. Musa ã

jiina jina, noaare yoarucunahca. ã yoana ñaare ñu yabinahca.

²⁵ ã jina mahño namoena tjiga musa. Musa mehne macainare quihõno yahuga, mahño no marieno. Mari cũ pjacu yoaro sehe cũ curua macainata jina nija. ã jina musa mehne macainare mahñoena tjiga.

²⁶ Paina mehne suana, ñaano yoaena tjiga. ã jina suana, cũ dacho waro noano suarucuena tjiga.

²⁷ Yoari pja suana, watño to cahmano sehe yoana nica. ã yoaena tjiga watño musare “Dojomehneri”, nina.

²⁸ Musa mehne macaina Jesu yaina musa jihto pano yacaina jirina cjiri pari turi yacaena tjiga. ã yoana mipu sehere noano dahraga musa wapataa mehne pjacuinare musa yoadohoto sehe.

²⁹ Ne ñano durucuena tjiga “Painare dojomehneri”, nina. Noaare durucuna painare yoadohora Cohamacu cahmaare musa masi namohto sehe. ã jina noaa dihtare durucuga. ³⁰ Ñaare yoana Espiritu Santore cahyachu yoana nica musa. ã yoaena tjiga. Mipure pihtiri dacho pano Cristo marine to naahto pano Cohamacu to Espiritu Santo marine ñu wihbora ñaare mari yoaerahto sehe. ã jiro Cohamacu yaina mari jiare masichu yoara tiro marine. ã jina tirore cahyachu yoaena tjiga.

³¹ ã jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano qiti dahre namoena tjiga. Ne painare ñano ni tãhotu namoena tjiga. ³² ã yoa musa mehne macainare noano mehne noano yoaga. Cristo yaina musa jichu ñano musa ñaa buhirire bonocahre Cohamacu. Tó sehetã musa cũhu paina musare ti ñano yoachu ñana ti ñaa yoarire bonocahga.

5

“Cohamacu pohñare õ sehe jiro cahmana”, ni yahuha Paulo

¹ ã yoa Cohamacu pohña to cahña jina Cohamacu to jiro sehe jiga musa.

² ã jina painare ã cahñrucuga. Cristo marine cahño, mari ñaa buhiri yariari jire. ã yariaro Cohamacure ji coachu yoari jire tiro. ã jina marine to cahñiro sehetã musa cũhu painare cahña.

³ ã jina Cohamacu yaina jina ne numia mehne ñano yoaena tjiga. Numia cũhu maa mehne ñano yoaena tjiga. Paye ñaare tó sehe jia ñaare yoaena tjiga. Paye barore cahma yuhdurucaina tjiga. Ne ã yoeraro cahmana musare, Cohamacu yaina jina. ⁴ ã yoana buoro durucueraro cahmana musare. Tãho masieraina yoaro sehe durucueraro cahmana musare. ã jina ñano ni bujuperaro cahmana musare. Ahri sehere yoaro cahmana musare. Cohamacu mehne durucuga musa. ã durucuna tirore “Noano yoahre mahu sãre”, nino cahmana. ⁵ Paye barore goa pjana, tíre tuaro cahmana, “Cohamacu jira”, ti nia masurine ti ño payoro sehetã yoana nija mari tíre. ã yoa numia mehne ñano yoaina, ñaa dihtare tãhotuina, paye barore goa pjana Cohamacu Cristo mehne puhtoro ti saho jiropu ne wahasi tina. Tíre noano masija mari. ⁶ Õ sehe yoaina ti yoari buhiri buhiri dahrerohca Cohamacu tirore yuhdurucainare. ã jina paina musare “Ahri ñaa jierara”, ti ni mahñochu tãhoena tjiga. ⁷ ã jina tó sehe yoa yuhdurucainare ne piti tiena tjiga.

⁸ Cristo yaina musa jihto pano ã jirina cjirita jire musa cũhu nahitãnoi jiina yoaro sehetã. Mipu sehere to yaina jina buhriaroi jiina ti ñu masino sehetã, Cohamacure noano masina musa. Cohamacu yaina noaare yoara. ã jina tó sehetã yoaga musa cũhu. ⁹ ã jina Cristo yaina jina buhriaroi jiina yoaro sehetã noaare, Cohamacu cahmaare, mahño no marieno yoarucunahca musa. ¹⁰ Noaare mari yoachu ñano mari puhtoro Cristo

wahchera. Tó sehe jiare, mari puhtorore wahchechu yoaa sehere masi wahcãga m̄sa. ã masina tíre yoaga. ¹¹ Cristore cahmaeraina nahitianoi jiina yoaro seheta ñaa ti yoaa, ñaa waro jira. ã jina tina yoaro seheta m̄sa sehe yoaena tjiga. Noaa buheare Cristo yare yahuga tinare. ã yoa ti ñaa yoaare tinare masichu yoaga buhriaroi mari ñu masino seheta. ¹² Masa ti ñuenoi tina ñano yoa cohtara. Ti ã yoarire durucuna mari buo tiboaa. ã yoaa ñaputiaro yoara tina. ¹³ ã jina tinare noaa buheare mari yahuna ñaputiina ti jia tiare masichu yoana nija mari tinare buhriaroi mari ñu masino seheta. ¹⁴ Tó seheta noaa buheare tinare yahuna, ñaina ti jia tiare masi pahñochu yoana nija tinare. ã jia õ sehe ni yahura paina:

“Ne, carĩina ti tuhoeraro seheta yuhare tuho duaeraina, tuhoga m̄sa carĩina ti wahcãno seheta.

ã yoana yariaina tuhoeraina ti jiro seheta Cohamacu yare tuhoeraina ji namoena tjiga.

M̄sa ã yoachu ñuno, Cristo buhriararo yoaro sehe jiriro m̄sare noano masichu yorohca”,

ni yahura.

¹⁵ ã jina dachoripe noano yoaga m̄sa. Tuho masieraina yoaro sehe jiena tjiga. Tuho masiina jiga. ¹⁶ Mip̄u macaina masa ñabiaro yorucura. ã jina m̄sa sehe noaare, Cristo yare m̄sa yoa masino seheta ã yorucuga m̄sa. ¹⁷ ã yoana tuho masieraina jiena tjiga. Cohamacu to cahmaa sehere noano masiga. ã masina tíre yoaga. ¹⁸ ã yoa cahaena tjiga. Cahainare ñano wahahto cua yuhduara. ã jina pahmoa core pjíro cahmaena tjiga. Espíritu Santo sehere pjíro cahmaga m̄sa mehne to noano jihto sehe. Tirore noano yuhtiina jiga. ¹⁹ M̄sa basi Cohamacure ño payoa basaare cahma durucuga. ã yoa Salmore Cohamacu yare basaare, paye tirore ño payoa basaa cãhure

tirore basa payoga m̄sa. Noano wacũ ño payoa mehne basa payoga. ã yoana mari puhtoro Cristore wahche payoga. ²⁰ Cohamacu mari P̄ucu jipihtiare m̄sare to warire, to yoarĩ cãhure wahchena, “Noana”, ã nirucuga m̄sa tirore. Mari puhtoro Jesucristo yaina jina mari P̄ucure “Noana”, ã nirucuga m̄sa.

“M̄sa cãhu wuhu macaina Jesu yaina jina, õ sehe yoaga”, ni yahuha Paulo

²¹ ã yoa m̄sa mehne macainare noano ño payoa mehne cahma yuhtiina jiga Cristore noano ño payoia jina.

²² M̄sa namosãnumiare yahuihtja mip̄ure. Mari puhtoro Cristore mari yuhtiriro seheta m̄sa man̄sumare noano mehne yuhtia numia jiga.

²³ Jesucristo marine yuhduchu yoare to pjacu yoaro sehe jiina to ya curua macaina mari jihto sehe. ã yoa mari to ya curua macaina mari puhtoro to jiro seheta m̄sa man̄suma m̄sa namosãnumia bui puhtoa jira. ²⁴ Cristo yaina jina tirore ã yuhtirucuja mari. Tó seheta m̄sa man̄ tia numia m̄sa man̄sumare noano yuhtirucua numia jiga.

²⁵ M̄sa man̄sumare yahuihtja tjoa mip̄ure. Cristo marine to yaina jichu yoaro taro, marine cahĩno, mari yaro jiborirore yariari jire. ã jina marine to cahĩriro seheta m̄sa cãhu m̄sa namosãnumiare noano cahĩrucuga. ²⁶ Cristo ya buheare tuhona Cohamacu yaina wahahi mari. ã jina to ya buheare “Quihõno jira”, ni mari tuhoturi baharo, mari ñaa buhirire cosawere tí buhea mehne. Co mehne marine ti bautisachu cãhure mari ñaa buhirire Cristo to cosawerire ñona nija mari. ²⁷ ã cosawere tiro marine to yaina cjihti yoaro taro. To ã cosawechu ne ñaa buhiri marieina jinahca, Cohamacu to ñuchu. ²⁸ M̄sa namosãnumiare cahĩna, m̄sa basi m̄sa pjacurire m̄sa cahĩno seheta tí numiare cahĩga. Mari namore cahĩna jina mari pjacure cahĩna jija. ²⁹⁻³⁰ Ne mari

pjacurire ñano wahachu cahmaeraja. Mari chure chuna noano yoana nija mari pjacurire. Cristo yaina jina to pjacu yoaro sehe to ya curua macaina jija mari. Ñ jiro marine noano yoara tiro. Cristo marine to noano yoariro seheta mari cãhu mari pjacure noano yoaja. (Ñ jina mari namosãnumia cãhure ãta noano yoaro cahmana marine.) ³¹ Ñta nina Cohamacu yare ti joari pũi: “Ñ yoa mũno to pũcũsumare wijaaro to namono mehne jirohca. Ñ jia tina pũaro jipahta cãiro yoaro sehe jiahca”, ni joaa tiri jire panopũre. ³² Ahri to joari cjirire paina noano tãhoerari jire. Tĩre õ sehe ni yahuihtja mũsare. Õ sehe ni yahuro nica: “Cristo to yaina mehne cã pjacu yoaro seheta cã curuata jira”, ni yahuro nica. ³³ Ñ jicu mũsare õ sehe ni yahu namoihtja tjoa: Mũsa pjacurire mũsa cahĩno seheta mũsa namosãnumiare cahĩga. Ñ yoa mũsa manũsumare noano ño payoga mũsa.

6

¹ Mipũre mũsa pohnare yahuihtja. Mari pũhoro Cristo yaina jina mũsa pũcũsumare noano yũhtiina jiga. Mũsa ã yoana, quihõno yoana nina. ²⁻³ Õ sehe nia tiri jire Cohamacu dutia: “Mũsa pũcũsumare noano ño payoga”, ni dutia tiri jire tiro. Ahri dutia mehne Cohamacu yahu namoa tiri jire. Õ sehe nia tiri jire: “Mũsa pũcũsumare ño payona, ahri yahparũ yoari pja wahchea mehne jinahca mũsa”, ni yahua tiri jire. Ñ ni yahuro ahri dutiare mari yũhtichu mari noano wahahtore coã cũno nia tiri jire. Ñ jina to niriro seheta mũsa pũcũsumare ño payoga.

⁴ Mipũre ti pũcũsumare yahuihtja: Mũsa pohnare ã tuhtirucuena tjiga, “Suachu yoari”, nina. Mari pũhoro Cristo to cahĩa mehne to yoadohoa mehne tinare noano bũcũoga. Ñ yoa quihõno ti yoaerachu ñũna tinare noano yahuga.

⁵ Mipũre dahra cohtainare yahuihtja: Cua pisaro mehne, ño payoa mehne ahri yahpa macainare mũsa pũhtoare, mũsare dahra dutiinare noano yũhtiina jiga. Mahõno marieno noano yũhtiina jiga. Cristore mũsa yũhtiro seheta tinare yũhtiga mũsa.

⁶ Ti ñũrocaro dihtare yũhtiina jiena tjiga. Tõ sehe yoaina masa dihtare tinare ñũ jicoachu cahmana. Mũsa sehe Cristore dahra cohtaina mũsa jiro seheta mũsa pũhtoa cãhure ã yũhtirucuga. Cohamacu to cahmano seheta noano wahchea mehne yũhtiina jiga. ⁷ Ñ jina Cristore yũhtiina mũsa jiro seheta wahchea mehne yũhtiga mũsa pũhtoa cãhure. Masa dihtare yũhtiina jierara mũsa. ⁸ Ñ yoana ahrire wacũga mũsa: Mari jipihtina noaare mari yoachu ñũno mari pũhoro Cristo noano yoarohca marine. Dahra cohtainare, dahra cohtaina jieraina cãhure noano yoarohca.

⁹ Mipũre pũhtoare dahra dutiinare yahuihtja: Mũsare dahra cohtainare noano yoaga. Tinare noano yũ yoa dutiriro seheta yoaga mũsa cãhu tinare. Tinare noano mehne dutiga, tuhtiro marieno. Mũano macariro Cohamacu potocãta ti pũhoro jira. Mũsa yairo pũhoro jira tiro cãhu. Ñ jina jipihtina mũsa tirore dahra cohtaina dihta jira. Ñ jiro tiro cãno potori ñũna mũsare jipihtinare. Ñ jina mũsare dahra cohtainare noano mehne dutiga, tuhtiro marieno.

Cristo yaina watĩnore ti dũcataare yahuha Paulo

¹⁰ Ahrire yahu batoihtja mũsare: Cristore noano wacũ tuaina jiga mũsa. Mari pũhoro Cristo mũsa mehne jira. Ñ jina tua yũhdũriro to jia mehne wacũ tuaina jiga. ¹¹ Watĩno marine mahõno, ñano yoa dutira marine. Cohamacu marine dũcataa ñaare mari yoaerahto sehe. Marine to dũcataa surara to dũcatari suhtiro, comaa suhtiro yoaro sehe jira. Ñ jina tí suhtirore mũsa sãano seheta

Cohamacu to ducataare noano cjuu pahñoga. ¹² Jesu yaina mari jichu, marine ñu tuhtiina masa waro jierara. Mũano macaina ñaina, tuaina, tina sehe jira marine ñu tuhtiina. Watia ahri yahpa macaina puhto jira. ã jia tina cãhu jira marine Jesu yainare ñu tuhtiina. ¹³ ã jina mipure ducataru suhtirore musa sãano seheta Cohamacu musare to ducatahto sehe to yare noano cjuu pahñoga. ã yoana watino musare to ñano yoa dutichu, musare to ñano yoa duachu, tirore ducatanahca. ã yoa tirore yuhdurucanahca. ¹⁴ ã yoana tuaina jiga. Cohamacu musare to ducatahto cjihtore õ sehe yoaga musa: Surara to comaa suhtirore to tuã dihori dare sari dare noano tuã diho to ducatariro seheta, Cohamacu yare potoca yahuare noano wacũga musa, watino musa ducatahto sehe. ã yoa, surara to comaa suhtiro mehe to yajeripohnare to ducatariro seheta Cristo to yoadohoa mehne quihõno yoaina jiga musa, watino musa noano ducatahto sehe. ¹⁵ Surara to dahpo suhti mehne to dahporire to noano ducatariro seheta noaa buheare noano masiga musa, watino musa ducatahto sehe. Tí buhea marine noano jichu yoara. ¹⁶ Surara to ducataru tu mehne to ducatariro seheta Cristore noano wacũ tuarucuga musa, watino musa ducatahto sehe. Buea yucu mehne musare to buaboro seheta watino musare ñano yoachu yoa duara. ã jina Cristore noano wacũ tuana, watino ducatanahca musa. ¹⁷ Surara to comaa chapea mehne to dapure to ducatariro seheta musare pichacaru waborinare Cristo to yuhduchu yoarina jiga musa, watino musa ducatahto sehe. Surara to ñosari pji mehne to ducatariro seheta Cohamacu ya buheare noano masiga musa, noano musa ducatahto sehe. ã jina painare noano yahuga to yare. Tí Cohamacu ya buheare Espiritu Santo marine yahura. ¹⁸ ã watino musa ducataha Cohamacure dachoripe ã sinirucuga.

Espiritu Santo to yoadohoa mehne ã sinirucuga. ã yoana noano wacũ masiga. ã sinina, pumena tjiga. Jipihina Cohamacu yainare ã sini payorucuga. ¹⁹ ã yoana yuhu cãhure sini payoga Cohamacure. Õ sehe ni sini payoga: Noaa buheare, panopu ti masierari cjirire noano yu yahuhito sehe sini payoga yuhure. ã jina cuiro marieno yu yahuhito sehe sini payoga yuhure. ²⁰ Cristo to yare yahu dutiro yuhure warocare. Yu ã yahuri buhiri peresupu jia mipure. Õi jipacuta cuiro marieno to yare yu yahuhito sehe sini payoga yuhure. To yare yahuhitiro jiita nija yuhu.

Paulo noa duti batoaha

²¹ Mipure Tiquico musa caharu sũro yu jia tiare musare yahu pahñonohca. Tiro mari coyero mari cahiro jira. ã jiro mari puhtoro Cristore dahra cohtaruro ã jirucura. ²² Sã jia tiare musare yahu dutichu tirore warocai nija musa noano wahchehto sehe.

²³ Cohamacu mari Pucu mari puhtoro Jesucristo cãhu musare Jesu yainare tirore wacũ tuainare noano jichu yoajaro. ã jiro musare noano cahma cahichu yoajaro. ²⁴ Jipihina mari puhtoro Jesucristore cohtaro marieno cahrucuinare musare noano jichu yoajaro.

Filipenses

Peresupm jiri ahri tjure joarocaha Paulo

¹ Yhm Paulo, Timoteo mehne Jesucristore dahra cohtaina jija sã. ã jina jipihtinare msare Jesucristo to noaina wahachm yoainare Filipo macainare joarocaja sã. Mmsa pũtoa cũhure, msare yoadohoina cũhure joarocaja. ² Cohamacm mari Pmcm, mari pũthoro Jesucristo mehne msare noa dutija. Cohamacm to yoadohoa mehne noano jiga mmsa.

Paulo Jesu yainare Cohamacure sini payoha

³⁻⁶ Cohamacm msare noaa sehere cohtotachm yoaro nina. ã jiro msare to ã yoa dũcariro seheta sohtori dahrerohca tiro. ã jina Jesucristo ahri yahpãmre to wihichãmre ñaa marieina jinahca mmsa. Wahmanopãmre Jesu yaina mmsa jiri baharo, mipm cũhure yoadohora mmsa ymhure noaa buheare ym buhechm. Mmsa ã yoaina jichũta Cohamacure “Noana”, nija yhm. Msare wacũcm õ sehe dihta nija yhm. Msare Cohamacure sini payocm, wahchea mehne sini payoja. ⁷ Msare ym ã tũhotuchm noa nina. Noaa buheare “Potocã tjira”, pũthoate ym ni tua ymhũrucachm mmsa ymhure yoadohore. Tĩ buheare potocã ti jiare tinare ym yahuchm yoadohore mmsa. Peresui ym jichm cũhure mmsa ymhure yoadohore. Cohamacm marine noano yoaro, to yare cũre marine. Mmsa ymhure yoadohore. ã jina to cũrire mari cãno potori yoana nija. ã jicm ym yajeripohna mehne tuaro wacũja yhm msare. ⁸ Jesucristo to cahĩa mehne tuaro msare wacũja yhm. Ym ã wacũchm Cohamacm tĩre masina. ⁹ Msare õ sehe ni sini payoja yhm Cohamacure: Cohamacm yare noano masia mehne, tũho masi pahĩoa mehne painare mmsa cahĩ namohto cjihtore sini payoja yhm msare

Cohamacure. ¹⁰ Noa ymhũare mmsa masichm cũhure sini payoja msare. Mmsa ã masina Cristo ahri yahpãm to tjua tachm noaare yoaina, ñaa buhiri marieina jinahca mmsa. ¹¹ ã jina jina noaare, Cohamacm cahmaare yoanahca mmsa. Msare ã yoachm yoarohca Jesucristo sehe. Cohamacm noabiariro tuariro to jiare ñono taro, jipihtina tirore ti ño payohto cjihtore to cahmaare msare yoachm yoarohca.

Paulo Cristo yairo to jia tiare yahuha

¹² Ym coyea, ahrire mmsa noano masichm cahmaja yhm. Mipãmre peresui jiri ym jiro watoi noaa buhea sehe ã mũ tãrucuro nina. Paina masa tí buheare cahmaina waha namoa nina. ¹³ ã yoa Cristo yairo ym jiri buhiri peresui ym jirire masi pihtira pũthoro ya whm macaina surara. Jipihtina paina cũhũ õi jina tĩre masina. ¹⁴ ã jia peresui ym jichm ñũa, paym mari coyea Jesu yaina mari pũthoro Jesure wacũ tua namoa nina. ã wacũ tuaa, cuiro marieno noaa buheare painare buhera tina.

¹⁵ Cãina Cristo yare buheraborina jipahta ymhure ñm tuhtia, Cristo yare buhera paina tina sehere ñm wahãchm cahmaa. Paina sehe noano mehne Cristo yare buhera. ¹⁶ Noaa buheare ym ni tua dũcatahti cjihtire Cohamacm ymhure to cũrire noano masina ahрина sehe. ã masia tina cahĩa mehne Cristo yare buhera. ¹⁷ Paina sehe ymhure ñm tuhtia, masa tina sehere ti ñm wahãchm cahmaa, Cristo yare buhera. ã yoaa peresui ym jichm tina ymhure ñano ymhũchm yoa duara. ¹⁸ Noanohca. Cristo yareta buhea nina. Tina Cristore potocã cahĩerahta Cristo yareta buhera. Paina sehe noano mehne buhera. Jipihtina tina to yare ti buhechm wahcheja. ã jicm wahche namoihca yhm.

¹⁹ Cohamacure mmsa sini payori mehne Jesucristo Espĩritu to yoadohoa mehne Cohamacm to wioriro jiihca yhm peresupm jiri. Tĩre

masija. Æ jic_u ã wahcherucuihca y_uh_u. ²⁰ Õ seheta yoaihca y_uh_u. Dachoripe y_u yoariro seheta mip_u cãh_ure cuiro marieno Cristo yare buheja masa tirore noano ti ño payohto sehe. Õ seheta yoa duaja y_u yoarire y_u buheri cãh_ure y_u b_uoro y_uhd_uerahto sehe. Catisinic_u waro ò seheta yoa duaja. Tina y_uh_ure ti wajã duapach_uta ò seheta yoa duaja. ²¹ Catisinic_u Cristo yare yoasinihca. Yariac_up_u pinihta tí y_uhdoro noano tjuaihca y_uh_u. ²² Æ nipac_uta catisinic_u Cristo yare y_u yoa namohto sehe cati namosini duaja. Æ nipaihta variaa cãh_ure cahmaja. ¿Di baro sehere y_uh_u cahmabocari? Masieraja y_uh_u. ²³ Y_u ò sehe ni durucuch_u mijo nina y_uh_ure. Cristo mehne tuaro ji duaja. Æ jic_u mip_ure tiro cahap_u waha duaja. Catia y_uhdoro ahri sehe noa y_uhd_ug_ucara. ²⁴ To ã jipach_uta m_usare y_u yoadohohto cjihto sehe catisinino cahmana y_uh_ure. ²⁵ Tíre masic_u òi m_usa mehne y_u jisinihtore masija y_uh_u. Æ jisinihca m_usa Cristore wac_u tua namohto cjihtore tí wac_u tuaa mehne m_usa wahchehto cjihtore. ²⁶ Ahri yahpai jisinic_u m_usa cahap_u pari turi y_u wahach_u m_usa wahchenahca. Cristo Jesu y_uh_ure to yoadohoch_u masina, “Tuariro jira tiro”, ni ño payonahca m_usa tirore.

²⁷ Mip_ure ahri dihtare yahuihtja m_usare. Cristo ya buhea ti niriro seheta jirucuga m_usa. Wac_u tuaina jiga. Æ yoa cahma tju waro marieno noaa buheare ni tuaga. Õ seheta y_u mariach_u cãh_ure y_u jich_u cãh_ure m_usa yoach_u cahmaja. Æ jiina m_usa jich_u tãhoroca duaja y_uh_u. ²⁸ M_usare ñ_u tuhtiinare cuiena tjiga. M_usa ã cuierach_u ñ_u Cohamac_u yaina m_usa jich_u masiahca tina. Æ masia tina pichacap_u ti wahahto cãh_ure masiahca. Cohamac_u m_usare to y_uhd_uch_u yoah_uto cãh_ure masiahca. Õ seheta masich_u yoara Cohamac_u masare. ²⁹ Cristore m_usa wac_u tuahtore Cohamac_u cãh_u m_usare. Ahri cãh_ure cãh_u tiro. Cristo yare m_usa yoari

buhiri m_usa ñano y_uhd_uhto cjihto cãh_ure cãh_u Cohamac_u. ³⁰ Õ sehe jira tí. Cristo yaina m_usa jiri buhiri paina m_usare ñano yoara. M_usare ti yoariro seheta y_uh_u cãh_ure ñano yoara tina. M_usa mehne y_u jich_u y_uh_ure ti ã yoach_u ñ_ure m_usa. Mip_u cãh_ure y_uh_ure ti ã yoach_u tãhorocayuhti m_usa. Æ jina mari cãno potori ñano y_uhd_uja.

2

Cristo wiho jiro to sãari baharo, jipihtina bui pãhtoro cjihto wahaha

¹⁻² Cristo m_usare noano yajeripohna tich_u to yoach_u Cristo to cahã mehne m_usa wahchena, y_uh_ure noano wahchech_u yoaga m_usa. Æ yoa Espíritu Santo jipihtina m_usa mehne to jich_u painare cahãina, pja ñ_uina jina, y_uh_ure noano wahchech_u yoaga m_usa. Ahri y_u nihtire m_usa yoach_u wahcheihca: Cãno potori noano yajeripohna tiga m_usa. Tuhs_u, cãno potori tãhotuina ji, m_usa basi cahma cahãga. Æ yoa cãno mehne noano jiga. ³ M_usa ya dihtare tãhotuina, painare y_uhd_ug_uca duaina jiena tjiga. Æ tãhotunocaina jiga m_usa. Æ jina painare noano ño payo, ò sehe ni tãhotuga: “Tina sehe y_u y_uhdoro noaina jira”, ni tãhotuga. ⁴ Cãiro painare yoadoho duaeraboca. To ya cjihti dihtare tãhoturiro jiboca. Tiro yoaro sehe yoaena tjiga. Paina cãh_ure yoadohoga.

⁵ Cristo Jesu painare y_uhd_ug_uca duaerariro to jiro seheta m_usa cãh_u painare y_uhd_ug_uca duaeraina jiga. ⁶ Tiro sehe Cohamac_u waro jiparota “Cohamac_u mehne cãno potori y_u jiare ne wijaasi y_uh_u”, ni tãhotuerari jire tiro. ⁷ Æ ni tãhotueraro tiro Cohamac_u mehne cãno potori to jiare wijaa, õp_u taro, mas_unota masa bajuaro, tiro dahra cohtariro yoaro sehe ji d_ucari jire. ⁸ Æ jiro tiro mas_uno cãno potori pjac_u tiriro jiro, wiho jiro waro sãari jire. Æ sãano “Crusap_u wajãga tirore”, ti nich_u tiro

yahducaerari jire. Crusaputa yari-
ah tiro jiparota tiro yahducaerari
jire. ⁹ ã jiro Cohamacu jipihtina ti ño
payohtirore cūri jire Jesure. ã jiro jip-
ihtina bui puhtoro sōri jire Cohamacu
tirore, ¹⁰ jipihtina mūano macaina,
ahri yahpa macaina, yariaina cjiri
yahpa puhichapu jiina cūhu Jesu wa-
mare tuhoina ti na tuhcuca caha su ti
ño payohto sehe. ¹¹ ã puhtoro sōri jire
tirore Cohamacu jipihtina “Jesucristo
mari puhtoro jira”, ti nihtiro cjihtore.
ã nia Cohamacure mari Pucure ño
payoa nina.

*Cristo yaina buhriaro yoaro sehe
jia, noaare masare yahu, masichu
yoara*

¹² ã jina yu cahina yu coyea
Jesu yaina mūsa mehne yu jichu
mūsa yuhtirucuro sehetā, mipu
yu yoaropu jichu cūhure pano mūsa
yuhtiro yuhdoro yuhtiga yuhure.
ã jina pichacapu wahaborina to
yuhduchu yoarina jina, Cristo yoaro
sehe wahana tana, Cristo to yoad-
ohoro mehne ñaa marieina jiga. ã
jina ño payoa mehne papero marieno
Cohamacu yare yoaga. ¹³ Cohamacu
noaa sehere mūsa cahmachu yoaro
nina to cahmano sehetā mūsa yoah-
to sehe. ã jiro tīre mūsa yoah-
to yoadohoro nina Cohamacu. (To ã
yoachu tí yu niriro sehetā Cohamacu
yare yoaga mūsa.)

¹⁴ Jipihtiare yoana nureno
marieno, mūsa basi jiape ni durucuro
marieno yoaga. ¹⁵ Cohamacu pohna
jira mūsa. ã jina nureno marieno
jipihtiare yoaga mūsa ñaa buhiri
marieina, ñaare yoaeraina mūsa jihto
cjihto sehe. ã yoaga mūsa masa
mahñoina, ñaina watoi dojomeh-
neno marieno mūsa jihto cjihto sehe.
Tina ñaina watoi jina buhriaro to ñu
masichu yoaro sehetā noaa buheare
buhena masichu yoara mūsa ahri
yahpa macainare. ¹⁶ Tí buheare
mūsa tūho ñahari baharo Cohamacu
mehne ã jirucuhina wahare mūsa.
Tí buheare ahri yahpa macainare
mūsa ã buhechu ñucu mūsa mehne

wahcheihca. ã jicu mūsa yu
buherire “Wiho waro buherari jica
yuhu”, niuhca yuhu. ã jicu Cristo ahri
yahpau to tjua tachu mūsa mehne
wahcheihca. ã jicu buoro yuhdusi
yuhu. ¹⁷⁻¹⁸ Cristore mūsa wacū tuachu
Cohamacu mūsa ñu jicoarohca. To
ã ñu jicoachu masichu mūsa yu
yare yu buheri buhiri yuhure ti wajā
duapachuta wahcheihtja. ã jina mari
jipihtina cūno potori wahchenahca.
Tó sehetā mūsa cūhure cahyaro
marieno wahchero cahmana yuhu
mehne, yu yariari baharo.

*Timoteore, Epafrodito cūhure
yahuha Paulo*

¹⁹ Mari puhtoro Jesu to cahmachu
soaro mehne Timoteore mūsa ca-
hapu waroca duaja yuhu mūsa jia
tiare masichu tachu. ã masiiputa
wahcheihca. ²⁰ Tiro Timoteo yu
yoaro sehetā mūsa noano jihto cjiht-
ore potocāta pjīro tuhutura mūsa.
Pairo to yoaro sehe jiro mariahna
yuhu mehne. ²¹ Paina sehe jipihtina
ti cahmaa dihtare yoa duaa, Cristo
Jesu to cahmaa sehere yoa duaerara.
²² Timoteo sehe noano yoariro to
jiare masina mūsa. Yu macu yoaro se-
hetā tiro yuhu mehne noaa buheare
yahua tihre. ²³ ã jicu puhto yuhure ti
dohse yoah-ore masichu, Timoteore
mūsa cahapu waroca duaja. ²⁴ ã
yoacu mari puhtoro Jesu to yoadohoa
mehne soaro mehne yuhu cūhu mūsa
cahapu wahaihtja.

²⁵⁻²⁶ Yuhure yoadoho dutina mūsa
Epafrodite warocari jire yu ca-
hapu. Tiro yu coyeiro Jesu yairo yuhu
mehne dahrariro, yu piti, Cohamacu
yare buhe tuariro jira. Tiro mūsa
tuaru wacūroca. ã jiro to dohatirire
mūsa tuhochu masino tīro sehe
pjīro cahya tuhohure. ã pjīro to
tuhotuchu ñucu “Tirore mūsa cahapu
waroca tjuro cahmana yuhure”, ni
tuhotuja yuhu mipure. ²⁷ Potocāta tiro
tuaru dohatihre. Mahano yariabiho
yuhdure. To ã tuaro dohatipachuta
Cohamacu tirore pja ñuno, yuhduchu

yoahre. Tiro to yariachu yuhu sehe pano yu cahyariro yuhdoro tuaro cahyaboa. Æ jiro Cohamacu yuhu cãhure pja ñuhre tiore yuhduchu yoaro. ²⁸ Æ jicu mipu pinihtare soaro mehne tiore musa cahapu waroca duaja pari turi musa tiore ñu, musa yajeri sãahto sehe. Musa ã wahchechu ñucu yuhu cãhu wahcheihtja. ²⁹ Æ jina tiore Epafroditore mari puhtoro yairore mari coyeirore noano wahchea mehne piti bocaga. Æ yoana painare tiro yoaro sehe jiinare ño payoa mehne ñuga. ³⁰ Tiro Cristo yare yoadohomahno mahano variabiho yuhdure. Musa sehe yuhure yoadoho masierachu tiro sehe yuhure yoadohomahre. Æ yoaro yariamahre tiro.

3

Noano yoaa warore yahuha Paulo

¹ Mipu pinihtare ahrire yahu batoihtja. Mari puhtoro yaina musa jina wahchega. Ahri buheare pano yu yahurire pari turi musare yahu joarocacu ji coaja yuhu. Æ jicu musare ahrire yahucu yoadohoi nija musare. ² Noano yoaga musa. Ñaare yoarucuina, dieya yoaro sehe jiina ñaina circuncisiõre yoa dutia, musa pjacurire yihso duara. Noano yoaga musa ã yoa dutiina sehe “Soro ni buheri”, nina. ³ Tina circuncisiõre yoapahta Cohamacu dutiare noano yoarera. Mari sehe potocãta Cohamacu dutiare noano yoaina jija mari. Espiritu Santo to yoadohoa mehne Cohamacure ño payoja mari. Æ jina Jesu yaina mari jiare wahchea mehne painare mari yahuja. “Sã mu sũro Cohamacu dutiare bihoja”, ne ni tãhotueraja. ⁴ Æ ni tãhotuerariro jipaihta “Tinare doca dahrenocaja”, ti yoaro sehe niriro jicu ã tjilboa yuhu cãhu. Pairo “Tinare doca dahrenocaja”, ni yuhduruca duara. Yuhu sehe tiro yuhdoro ã niboja yuhu. ⁵ Õ sehe yoariro jimai yuhu: Ocho dachori yu masa bajuari baharo circuncisiõre

yoari jire yuhure. Israe masuno jicu Benjami ya curua macariro jija yuhu. Yu pucũsuma hebreo masa ti jichu potocãta hebreo masuno warota masa bajuai. Cohamacu dutiare quihõno pahõno duacu fariseo curua mehne sãamai yuhu. ⁶ “Cohamacu ya jipucu”, nicu noano yoamai. Æ yoacu Jesu yaina sehere ñano yoaa timai yuhu. Potocãta Cohamacu dutiare yoacu tũre yuhdurucaro marieno yoa pahõoi. ⁷ Panopure “Tĩ noaa jipucu”, ni tãhotumai. “Tĩ yu ã ni tãhoturi cjiri panopu yu jia tiri yaba cjihti jierari jira”, ni tãhotuja mipure. Õ seheta ni tãhotu ducai yuhu Cristore wacũ tuacu tacu. ⁸ Cristo Jesu yu puhtorore yu masichu pinihta noa yuhdurara. Æ jicu paye sehere masa “Noaa jira”, ti nirire “Tĩ jipihtia yaba cjihti jierari jira”, ni tãhotuja yuhu. Tĩ jipihtiare duhunocai Cristo ya sehere yoai tai. Æ jicu tũre yu duhurire “Wiho jia waro jiri jira”, ni tãhotui Cristore noano masicu tacu tiro mehne macariro jicu tacu. ⁹ Æ jiro yu mu sũro noano yu yoari wapa “Noariro jira”, ni ñuerara Cohamacu yuhure. Æ jiro Cohamacu dutia Moise cjirore to cũrũre yu yoari wapa cãhure “Noariro jira”, ni ñuerara. Cristore yu wacũ tuari baharo “Noariro jira”, ni ñuna tiro yuhure. Cohamacu sehe marine buhiri marieina jichu yoara, tiore mari wacũ tuachu. ¹⁰ Æ jicu pano yu ni tãhotu mũhtamari cjirire duhunocaja Cristore noano masicu tacu. Cohamacu tuaa mehne Cristo masa mũjari jire. Tĩ tuaa mehne ji duaja. Æ yoa tí tuaa mehne noare yoa duaja. Cristo crusapu yariari jire mari ñaa yoari buhirire cohãno taro. Æ jicu to yare yu yoari buhiri tiro yoaro seheta ñano yuhdu duaja yuhu cãhu. ¹¹ Æ jicu Cristo to masa mũjariro seheta masa mũjahtiro jiihca yuhu cãhu. Cristo yuhure to ã masa mũjachu yoahore wacũ cohtaja yuhu.

¹² Ahri jipihtiare ã nicu, “Cristo yare yoa pahõnocaja yuhu”, ni

tuhotueraja. Yũ ã ni tuhotuerapachuta Cristo sehe to yairo yoa tuhsure yũhare. ã jicu to yare tiro cãhare noano masi namo duacu tuaro mehne to yare yoaja yũhũ. ã yoahitiro cjihtore besere tiro yũhare. ¹³ Yũ coyea, “Cristo yare noano yoa pahñonocaja”, ni tuhotueraja. ã tuhotuerapaihta ahri pinihtare yoaja: Pano yũ yoari cjirire ã ñanocaja. Tíre pjíro tuhotueraja. ã yoacu Cristo yare noano yoa pahñonoca duacu, tíre tuaro yoaja mipure. ¹⁴ Murocaperiro to wapata duariro seheta Cristo yare tuaro yoaja yũhũ yũ wapatahtore yũ ñahahto sehe. Cristo yairo yũ jichũ ñano Cohamacũ tí yũ wapatahtore yũhare waro taro manopũ pjirocara yũhare to catia mehne yũ catirucuhto sehe.

¹⁵ Õ sehe yũ tuhoturiro seheta tuhotuga mũa cãhũ Cristore noano masiina jina. Wiho mejeta, ahri mũaare yũ yahurire mũa tuho duaerachũ, soro mũa tuhotechũ Cohamacũ mũaare noano masichũ yoarohca. ¹⁶ ã jina to yare mari masirire noano yoa sohtori tijihna.

¹⁷ Yũ coyea, mũa jipihtina yũhare ñũ cũga. ã jina paina sã yoaro sehe yoainare noano ñũga mũa tinare mũa ñũ cũhto sehe. ¹⁸ Payũ tahari painare yahui yũhũ mũaare. Mipũ cãhare tuaro cahyacũ tinareta yahuja mũaare. Payũ tina Cristo crusai to yariari buheare ñũ yabiina jira. ¹⁹ Tina pichacapũ wahahtina jira. Ti ñaa goa pja sehere tuaro cahmana tina. Tuhsũ, ti bũo tiboare yoaa, tíre “Noaa jira”, nina tina. Ahri yahpa macaa dihtare noano tuhutura tina. ²⁰ Mari sehere mari ya maca manopũ jira. ã jiro tóputa marine yũhdũchũ yoahitiro, mari pũhtoro Jesucristo tarohca. ã jina to tah-tore cohtana nija mari. ²¹ Tiro taro mari pjacũre wiho jia pjacũre soro sehe jia pjacũri dihta cohtotarohca tiro. ã yoaro to ya pjacũ yoaro sehe noa yũhdũari pjacũre si siteri pjacũre

warohca marine to tuaa mehne. Jipih-tina bui pũhtoro sãari jire tiro tí to tuaa mehne. ã jiro jipihtia pũro jira tiro tí tuaa mehne.

4

Dachoripe mari pũhtoro mehne wahchega

¹ ã jina yũ coyea, yũ cahĩina, tuaro yũ wacũina, yũhare wahchechũ yoaina, pano mũa wacũ tuariro seheta mipure mũaare yũ yahu joariro seheta mari pũhtoro Jesure tuaro wacũ tuana, to yare ne duhuena tjiga mũa.

² Ahrire yahuihtja mũaare Evodiare, Síntique cãhare: Jesu yaina numia jira mũa. ã jina cahma sayoro marieno noano mehne jirucuga mũa. ³ Mũhũ sehe potocãta yũ piti warota jira. Mũhũ cãhare yahuihtja: Tí numia yũhũ mehne, Clemente mehne, paina yũ piti tiina mehne dahrare noaa buheare sã buhechũ. Cohamacũ tina jipihtina wamare joa õha to ya tjui. Jipihtia dachoripe catiare to warina wamare to joa õri tjui joa õha. ã jicu tí numiare “Cũno mehne noano jiga”, ni yahuga mũhũ.

⁴ Dachoripe mari pũhtoro mehne wahchega. Pari turita yahuihtja tjoa: Wahchega. ⁵ Noano yoaga jipihtinare masa yoaro seheta. Mari pũhtoro Cristo to tahto mahanocã dũhsara.

⁶ Ne cahya pjíro tuhoutuena tjiga. Cohamacũre noano yahu pahñoga. ã yoana tirore siniga. ã sinina, “Noana”, niga tirore. ⁷ Mũa ã yoachũ noano jichũ yoarohca mũaare Cohamacũ. To ã yoachũ noa yũhdũara. Ahri mari noano jia noa yũhdũara. Masa jina, marine to ã noano jichũ yoarire noano tuho ñaha masieraja mari. Cristo Jesu yaina mari jichũ marine noano jichũ yoaro, Cohamacũ marine noano yajeripohna tichũ yoarohca. ã yoaro cahya tuhotuerachũ yoarohca marine.

Noaare tuhotuga

⁸ Ahrire yahu batoi tai nija mũaare, yũ coyea. Quihõno jiare, masa ti ño

payoare, noano yoaare, ñaa mariare, ji coaare, masa “Noaa jira”, ti niare tãhotuga m̄sa. Noa yũhd̄na ti jich̄n tĩreta tãhotuga. Masa noaare ñ̄na ti wahchea sehere m̄sa c̄h̄n wahche tãhotuga.

⁹ M̄sare yũ buheriro seheta ã yoarucuga m̄sa. ã yoana, yũh̄re ñ̄n c̄ḡa m̄sa. M̄sa ã yoach̄n Cohamac̄n m̄sare noano jich̄n yoariro m̄sa mehne jirohca.

Filipo macaina Paulore ti wari cjirire yahuha tiro

¹⁰ M̄p̄n pinihta yoari pja baharo m̄sa pari turi yũh̄re wac̄na m̄sa yoadohoare wahcheja. ã wahchec̄n mari p̄htoro Cristore “Noana”, nija. “Yũh̄re boaa wahare m̄sa”, nieraja yũh̄n. P̄n̄p̄re yũh̄re yoadoho duapanahta yoadoho masierare m̄sa. ¹¹ Yũh̄re m̄sa yoadohore yahuc̄n yũh̄re d̄hsarire m̄sare yahui tai nieraja. M̄sare paye barore cahmac̄n ã nii nieraja. Yũ cj̄aa mehne ji masija yũh̄n. ¹² Paye baro cj̄aerac̄n c̄h̄n noano ji masija yũh̄n. ã yoa p̄j̄ro cj̄ac̄n c̄h̄n noano ji masija. Dachoripe j̄ca baac̄n c̄h̄n jipoaja. Ȳp̄iriro jic̄n c̄h̄n jipoaja. P̄j̄ro cj̄ac̄n c̄h̄n jipoaja. Yũh̄re paye baro mariach̄n c̄h̄re jipoaja. ¹³ Cristo yũh̄re tuach̄n yoariro mehne jipihtiare Cohamac̄n to cahmaare yoa masi pah̄ñoja yũh̄n. ¹⁴ Yũ ã jipoariro yũ jipach̄ta yũ ñ̄ano yũhd̄uch̄n m̄sa yoadohona yũh̄re noano yoare m̄sa.

¹⁵ Noaa buheare yũ buhe d̄ucach̄n Macedonia yahpai jiriro cjiro yũ wahach̄n m̄sa dihta yũh̄re yoadohore. Tĩre masina m̄sa. ¹⁶ ã yoa Tesalónicai yũ jisinic̄n ñ̄na yũh̄re yoadohona c̄a tahari warocari jire m̄sa. ¹⁷ Paye barore sinic̄n ã nic̄n nieraja. Painare m̄sa yoadohoch̄n Cohamac̄n m̄sare noano yorohca. M̄sa ã yoadohori wapa Cohamac̄n m̄sare to noano yoach̄n cahmaja yũh̄n. ¹⁸ M̄p̄re yũh̄re noano wa pah̄ñohre m̄sa. Yũ cahmari yũhdoro wahre m̄sa yũh̄re. Yũh̄re Epafrodito

mehne m̄sa warocari baharo paye baro ne d̄hsaerara yũh̄re. Cohamac̄n w̄h̄p̄n inciensore j̄ m̄o Cohamac̄re ti noano ji coach̄n yoariro seheta yũh̄re m̄sa wari c̄h̄n Cohamac̄re noano ji coach̄n yoara. ¹⁹ Cristo yaina jira m̄sa. ã jiro jipihtiare m̄sare d̄hsarire warohca Cohamac̄n m̄sare, noa yũhd̄na to cj̄aare. ²⁰ Jipihtia dachoripe mari P̄c̄re Cohamac̄re ño payojihna. ãta yoajihna.

Paulo noa dutiha

²¹ Jipihtina Cohamac̄n yaina, t̄p̄n jiina, Jesucristo yaina noajaro. Mari coyea c̄h̄n Jesu yaina yũh̄n mehne macaina m̄sare noa dutira. ²² Jipihtina Cohamac̄n yaina, ò macaina, Jesu yaina noa dutira. Roma macaina bui p̄htoro ya w̄h̄n macaina pinihta tuaro noa dutira.

²³ Mari p̄htoro Jesucristo m̄sare to cah̄a mehne noano yoajaro.

Colosenses

Colosa macainare joarocaha Paulo cãhũ

¹⁻² Yũhũ Paulo mari coyeyiro Timoteo mehne m̄sare Colosa macainare joarocaja sã. Yũhũ Jesucristo to yare buhe dutiro to cũriro jija. Cohamacũ to cahmano seheta Jesu yũhũre to yare buhehtirore cũre. ã jina m̄sare sã coyea Cristore wacũ tuarucuinare joarocaja. ã jina Cohamacũ mari Pũcũ mehne m̄sare noa dutija. ã jina tiro mehne noano jiga m̄sa.

Jesu yainare Paulo sini payoha Cohamacũre

³ M̄sa ya cjihtire Cohamacũre sini payona “Noana”, ã nirucuja sã. Tiro sehe mari pũhtoro Jesucristo Pũcũro jira. ⁴⁻⁵ Tirore “Noana”, nirucuja sã m̄sa jia tiare tũhorocana. To ya buhea potocã jia buheare m̄sa tũhoriro seheta jipihtia dachoripe m̄nanopũ m̄sare jichũ yoarohca Cristo sehe. To ã yoahrtiro jichũ tíre m̄sa ã cohtarucu wama tira. ã jina Cristo Jesure wacũ tua wama tira m̄sa. Tuhsũ, to yainare cahĩ wama tira m̄sa. M̄sa ã jiina jichũ Cohamacũ mehne wahche tirore “Noana”, nija sã. ⁶ Jipihtiropũre Jesu yaina potocã jia buheare noaa buheare tí yahuchũ tũhoa masa Cohamacũ yare cahmaa, noaa sehere cohtota namoa nina. M̄sa cãhũ noaa buheare Cohamacũ m̄sare to cahĩare quihõno m̄sa tũho dũcari baharo tina yoaro sehe Cohamacũ yare cahmana, noaa sehere cohtota wama tira m̄sa. ⁷ Ahrieta m̄sa cãhũre Epafra noaa buheare yahuri jire. Tiro sã tuaro cahĩriro sã mehne Cristore dahra cohtariro, Cristo yare ne duhuerariro jira. M̄sare sã buhe masierachũ tiro sehe sãre cohtotariro jiro, m̄sare buheri jire. ⁸ Tiro jira m̄sa jia tiare sãre yahuriro. Espĩritu Santo to yoadohoa mehne Jesu yainare m̄sa cahĩire yahure sãre.

⁹ ã jina m̄sare tũhorocana m̄sare sã tũhorocari dachoihta dóihta ã sini payorucuja sã Cohamacũre. Cohamacũ to cahmaare m̄sa masi pahõohto sehe tirore sini payoja sã. Espĩritu Santo yoadohoro mehne Cohamacũ yare noano masiina m̄sa jihto sehe sini payoja sã. ¹⁰ Õ seheta sini payoja sã mari pũhtoro Cristo to cahmano seheta noano m̄sa yoahiti cjihtire. M̄sa ã yoachũ ñũno tiro wahcherohca. ã jina jipihtia noaare m̄sa yoahito sehe sini payoja. Cohamacũre m̄sa masi namohto sehe sini payoja. ¹¹ Ahri yũ yahuhiti cãhũre sini payoja sã. Cohamacũ ya tuaa noa yũhdũara. Cohamacũ tí tuaa mehne m̄sa tuahtore m̄sare sini payoja. Õ seheta sini payoja m̄sa ñano yũhdũpanahta wahchea mehne m̄sa cãno pjahto sehe. ¹² Cohamacũ to yaina cjihtire marine jichũ yoari jire. ã yoaro to waare cjuahitina cãhũre yoari jire marine tiro. To jiropũ buhriaropũ mari cjuahitire warohca tiro. To ã yoachũ ñũna tirore m̄sa “Noana”, nihto cjihtore sini payoja sã m̄sare. ¹³ Tirota marine pichacapũ wahaborinare yũhdũchũ yoari jire. Tó panore ñaare yoa duhu masieramai mari. Ñariro sehe nahitianoi jiroro marine dutiriro jisiniri jimare. Cohamacũ sehe to macũno to cahĩrirore pũhtoro sõno m̄nanopũ marine jichũ yoari jire. ã jina to macũno mehne jinahca. ¹⁴ To macũno mehne marine yũhdora Cohamacũ. To macũno to yariaro mehne mari ñaa yoari buhirire bori jire Cohamacũ.

Masa Cohamacũ mehne ti cahma ti pũ bũhũseheri tí ñũ tuhtichũ ñũno Cristo bosaha

¹⁵ Jesu Pũcũrore ñũmahnoerara. To macũno sehe to Pũcũro to dohse jia tiare ñona masare. Tiro to macũno jipihtina pano jipihtia pano ji tuhsuri jire. ã jiro jipihtia pũro, jipihtina bui pũhtoro jira tiro. ¹⁶ Cohamacũ to dutichũ to macũno sehe to Pũcũro mehne jipihtinare, jipihtiare ba-juamehneri jire. M̄nanopũ jiare ahri

yahpapu jia cãhure bajuamehneri jire. Mari ñurire mari ñuerari cãhure bajuamehneri jire. Mũano macaina ñmahnoerainare pũhtoare, dutinane, jipihtinare bajuamehneri jire. Å jia jipihtina to yaina cjihti jimari jire. Jipihtia cãhu to ya cjihti jimari jire. ¹⁷ Jipihtina pano jipihtia pano Cristo ji tuhsuri jire. Å yoa to tuua mehne jipihtia cãhu jipihtina cãhu mipure jia nina. ¹⁸ Mari to yaina jipihtina to pjacu yoaro seheta to ya curua macaina jija. Å jiro tiro mari dapu mari pũhtoro jira. Tiro yariaro masa mũa mahtariro jira jipihtina bui pũhtoro, jipihtia pũro jiro taro. ¹⁹ Cristo to Pũcuro mehne cãno potori to jiro seheta jira. To ã jichũta cahmana Cohamacũ sehe. ²⁰ Jipihtina to Pũcurore cahma ñũ tuhtia tiri jire. Å ti cahma ñũ tuhtichũ ñũno Cristo tinare “Ñũ tuhtiena tjiga”, ni yahuri jire. Mũano macainare ahri yahpa macaina cãhure to Pũcurore “Ñũ tuhtiena tjiga”, ni yahuri jire Cristo. Å yoa mũano macaa ahri yahpa macaa cãhu noano ti jichũ cahmari jire tiro. Å mari ñũ tuhtirire duhuchũ yoa duari jire tiro crusapu yariaro to di cohãno. To Pũcuro to cahmariro seheta ã yoari jire Cristo.

²¹ Mũsa cãhure ãta yoari jire tiro. To Pũcurore ñũ tuhtiina tiro mehne jieraina jimari jire mũsa cãhu. Naare yoari jimare mũsa. ²² Å jimarina mũsa jipachũta tiro to yariaro mehne to Pũcurore mũsare ñũ tuhtierachũ yoari jire tiro. Å yoari jire tiro noaina ñaa buhiri marieina mũsare to yoahito cjihtore. Mũsa ã jichũ tiro mũsare tó sehe jiinapure to Pũcurore warohca. ²³ Åta warohca tiro mũsa tirore wacũ tuarucuchũ. Åta yoarohca tiro noaa buheare mũsa tũhorire mũsa boerachũ tí buheare mũsa ã yũhtirucuchũ. Tí buheare noaa buheare jipihtina ahri yahpapure jiina tũhori jire. Å jicu yũhu cãhu Paulo Cristore dahra cohtariro jicu, tí buheareta yahuriro jija.

Jesuyainare tina mehne macainare

yoadohohtinare cũha Paulo

²⁴ Cristo mari ñano yoari buhirire ñano yũhduri jire. Å jicu yũhu cãhu mũsare yũ buheri buhiri ñano yũhdũcu wahcheja. Å ñano yũhdũcu Cristo marine to cũrire yoa sohtori tii nija. Å jicu wahcheja. Cristo yare mari yoari buhiri mari ñano yũhdũ namohto dũhsasinina mini. Å jicu tirore mũsa wacũ tuahtore ñano yũhdũcu, wahcheja yũhu. To pjacu yoaro sehe jiina to ya curua macaina jira mũsa. ²⁵ Jesu yainare yoadohohtirore cũre Cohamacũ yũhure. Mũsa ya cjihtire yoahitirore yũhure cũre tiro. To yare jipihtiropure yahu pahũohtirore cũre yũhure. ²⁶ Tí to yare panopure payũ tjururi macainare yahu pahũoera tiri jire Cohamacũ. Mipure ahri tjuru macainare to yainare tíre noano yahu pahũonocare jũna. ²⁷ “Judio masa jieraina ya cjihtire yũ ya buhea noa yũhdũara”, ni to yainare tíre yahuri jire. Pano to yahuerari cjiire yahuri jire. Ō sehe jira to ya: Cristo to yaina mehne jira. To ã jichũ to yaina mũanopũ Cohamacũ cahapu noa yũhdũaropũ jahca. Tí jira panopũ ti masierari cjiiri Cohamacũ ya.

²⁸ Cristoreta yahuja. Jipihtinare cuisãana tinare buheja sã. Noano masia mehne buheja sã noano Cristore masare masichũ yoana tana. Å buheja sã to yare noano yoina ñaa buhiri marieina tinare jichũ yoana tana. ²⁹ Ahri jira yũ dahraa. Cohamacũ to ya tuua mehne yũhure to wari tuua mehne tuaro dahraja yũhu, to yare buhecũ.

2

¹ Ahrire mũsa masichũ cahmaja yũhu. Mũsa ya cjihtire, Laodicea macaina ya cjihtire, jipihtina paina ya cjihti cãhure tuaro dahraja yũhu. Jipihtina mũsa yũhure ñueraina ya cjihti cãhure tuaro dahracũ mũsare tuaro yoadohoja yũhu. ² Ō seheta mũsare yoadohoja yũhu mũsa noano yajeripohna tihto cjihtore. Mũsa

mehne macainare m̄sa cahma cahĩhto cjihto c̄h̄ure ā m̄sare yoad-ohoja ȳh̄u. Cohamac̄u ya panop̄u to yahuerari cjiri Cristore masich̄u yoaa jira. To yare m̄sa masich̄u noa ȳhd̄uara. Cristore m̄sa noano masihtō cjihtore, tiro mehne m̄sa noano jihto cjihto c̄h̄ure tuaro yoadohoja m̄sare. ³ Paina ti masierari cjirire, noa ȳhd̄uare Cohamac̄u to masiare Cristo dihta noano masich̄u yoara marine. ⁴ Ahrire nija m̄sare “Paina m̄sare t̄ho wisiach̄u yoaa durucua mehne mah̄ori”, nich̄. ⁵ Ȳh̄u m̄sa watoi jierapac̄ta ȳh̄ wac̄ũno mehne m̄sa watoi jiriro yoaro seheta t̄hotuja. Ā jic̄u Cristore m̄sa noano wac̄ũ tuarucurire, quih̄õno m̄sa yoari c̄h̄ure masic̄u wahcheja ȳh̄u.

⁶ Ā jina Cristore m̄sa wac̄ũ tua d̄ucariro seheta āta tirore wac̄ũ tuaa mehne dachoripe noano jirucuga. ⁷ Tirore noano masiina jiga m̄sa. Ā yoa dachoripe tirore masi namoga pano m̄sare paina ti buheriro seheta. Ā yoa Cristore wahche, “Noana”, nirucuina jiga m̄sa.

Cristo yaina jina noaa sehene cahmaja mari

⁸⁻¹⁰ Noano yoaga m̄sa. Masa ti m̄s s̄uro ti mah̄õ buheare t̄hoena tjiga m̄sa. Tina panop̄u macaina ti m̄s s̄uro ti niare buhera. Ti ā nia yaba cjihti jierara. Ahri yahpa macaina ti m̄s s̄uro ti t̄hotuare buhe, Cristo ya sehene buherara. Cristo Cohamac̄u to jiro seheta jiriro jiro, ahri yahpap̄u pjac̄u tiro, Cohamac̄u warota jirota nina. To yaina jina Cohamac̄u mehne noano jija mari. Tirota jira jipihtina anjoa p̄h̄toa bui paina bajueraina bui p̄h̄toro jiriro. T̄re masina mah̄õare buheinare t̄hoena tjiga. ¹¹ Circuncisiõre ti yoariro seheta mahanoc̄a pjac̄u cahsaroc̄are ti yihso coh̄ariro seheta Cristo ñaa buhiri tiina m̄sa jia tiare coh̄a, duhuch̄u yoari jire. Ahri circuncisiõ masa ti pjac̄urire mahanoc̄a cahsaroc̄are ti coh̄ari jierara. Ahri circuncisiõ yoaro sehe yoaro, Cohamac̄u sehe ñaa buhiri tiina

mari jia tiare coh̄ana Cristore mari wac̄ũ tuach̄u ñ̄no. ¹² To yaina jina bautisarina wahari jire m̄sa. To bautisarina wahana õ sehe ñ̄ona niri jire m̄sa: Panop̄u macaa m̄sa ñ̄aa yoarire m̄sa duhurire ñ̄ona niri jire m̄sa. Tí m̄sa ñ̄aa yoari buhirire m̄sa ya c̄ũboro seheta t̄re duhuri jire m̄sa. Cristo masa m̄jano noanop̄u wahari jire. To ā waharo seheta Cohamac̄ure wac̄ũ tuana “Tiro tuariro jira”, niina jina noaa sehene cohtotari jire m̄sa. Tiro Cohamac̄u sehe Cristore masoriro jira. To bautisarina wahana noaa sehene m̄sa cohtotarire ñ̄ona nina m̄sa. ¹³ Panop̄ure ñ̄aa buhiri c̄j̄uarina m̄sa jiri buhiri pichac̄ap̄u wahaborina jimari jire m̄sa. Ā wahaborina jimari jire m̄sa Cohamac̄u yaina jierasina. To dutiare c̄j̄uaeraina jimari jire m̄sa. Mip̄ure Cohamac̄u marine tiro mehne ā jirucuhtinare yoari jire. Cristo to yariaro mehne ā yoari jire tiro marine. Ā yoaro jipihtina mari ñ̄aa yoari buhirire bonocari jire tiro. ¹⁴ Cohamac̄u to dutiare ti joari cjirire ȳhd̄ur̄ucaina mari jipach̄ta Cristore mari wac̄ũ tuach̄u ñ̄no tiro marine buhiri ti dutiare. Cristo crusap̄u to yariaro mehne Cohamac̄u sehe mari ñ̄aa buhirire coh̄anocahna panop̄u to dutiare, marine buhiri ti dutiare to coh̄anocaboriro seheta. Crusap̄u yariaro tí tañop̄u panop̄u macaa dutiare ti joari p̄ure to c̄j̄a puha õboro seheta tí dutiare coh̄anocahna. ¹⁵ Masa ti ñ̄urocaroi wat̄ia p̄h̄toare Cohamac̄u ȳhd̄ur̄ucari jire. Wiho jiina, tuaeraina t̄juanocari jire tina sehe. Ā yoaro tinare b̄uro wahach̄u yoari jire, surara ti ȳhd̄ur̄ucainare masare ti naa ñ̄o ti b̄uro wahach̄u yoaro seheta. Crusap̄u yariaro Cristo wat̄iare ȳhd̄ur̄ucari jire.

M̄sano macaare Cohamac̄u yare cahmaga

¹⁶ Ā yoa paina m̄sa ch̄ure m̄sa sihnia c̄h̄ure ñ̄aa m̄sare “Buhiri tiina jira”, ni ñ̄aboca. Ti ā ni ñ̄uch̄u ā ñ̄anocahga tinare. S̄uripe jia

dachorire, somanaripe jia dachorire, bose namari musa yahdoerachu ñua musare “Buhiri tiina jira”, ni ñu boca tina. Ti ã ni ñuchu ã ñunocahga tinare. ¹⁷ Panopu tí chua dutiare, bose namarine yahdo dutiare, paye dutia cãhare cãri jire Cohamacu marine buhero taro. Tí dutia mehne baharopu to dohse yoahore Cohamacu yoa ñono niri jire. Cristo to jia tia cjihtire yoa ño curero niri jire masare. “Tiro õ sehe waharohca”, nino ã yoa ñono niri jire. ã yoa ñohti cjihti jiri jimare tí dutia. ¹⁸ Õ sehe nimana tí dutiare yoa dutiina. “Soro jiare bajuachu ñuhi sã” nia, tina Cohamacure ti ño payoboro sehe anjoare ño payomana. ã jiina jia “Masi pahñonocaja sã”, ni tãhotumana tina masa tí mu sãro ti tãhoturiro seheta. ã jia tina painare yahdurãcaeraina, noaina yoaro sehe yoa ñomana musare. ã yoa “Quihõno yoaerara musa”, ni yahusãna musare. Ti ã ni yahusãchu, tinare ã ñunocahga. ¹⁹ Tó sehe yoapahta musare yahusãina Cristo to dutiro sehe yoaa nierara. Cristo sehe to yaina dapu ti puhtoro jira. To yaina sehe to pjacu yoaro sehe jiina to ya curua macaina jira. Mari cohãri dohsaa mari wa dari cãhu mari pjacure cã pjacu jichu yoara. Tó seheta Cristo sehe to yainare cãnoi noano mehne jichu yoara. ã yoa marine yoadohora Cohamacu cahmaare mari noano yoahito sehe.

²⁰ ã yoa Cristo yaina jina tiro mehne variarina yoaro sehe jira musa, Cohamacu to ñuchu. ã jina ñaare musa yoarire duhurina jira musa. ã jina ahri yahpa macaa ñaa buheare, masa ti mu sãro ti buheare cahmaeraborina jira musa. ¿ã jiborina jipanahta dohse yoana masa ti mu sãro ti dutiare yuhtijari musa? ²¹ Õ sehe ni dutira ti mu sãro dutiina: Ahri barore chãena tjiga. Ahri barore ne chu ñuena tjiga. Ahri barore pihaena tjiga. Tó sehe ni dutira tina. ²² Mari paye barore

chuchu dói pihtia wahara. Tó sehe jia barore pihtia barore tãhotua nina ã dutiina. Ti ã dutichu ahri yahpa macaa dutia dihta jira tí dutia. Masa ti mu sãro ti buhea dihta jira ahri buhea. ã jia yaba cjihti jierara. ²³ Tí dutiare yoaina Cohamacure ño payoina yoaro sehe jimana. ã yoa painare yahdurãcaeraina yoaro sehe yoa ñomana. Ti pjacurire ñano yoaa Cohamacure ño payoina seheta yoa ñomana tina. Ti ã yoachu ti ya dutia sehe masi pahñoina ya dutia yoaro sehe jimana. ã jierara. Tí dutiare yoapahta ti ñaare goa pjaare duhuerara. ã jia tí dutia sehe yaba cjihti jierara.

3

¹ ã yoa Cristo yaina jira musa. ã jina Cohamacu tuua mehne Cristo to masa mujariro seheta tí tuua mehne pano musa ñaa yoarire duhu, noaa sehere cohtotare musa. ã cohtotaina jina muano macaare Cristo yare cahmaga musa. Tópure manopu Cohamacu poto bahusehei dujira tiro. ² Muano macaa Cohamacu yare noano tãhotuga musa. Ahri yahpa macaare ne wacũ nanuena tjiga musa. ³ Cristo yaina jina tiro mehne variaborina seheta musa wahana ahri yahpa macaare pjiro tãhotuena tjiga. ã jiro Cristo mehne musa jirucuhtore cahno tuhsuri jire Cohamacu. ⁴ ã yoa Cristo manopu marine ã jirucuhtinare yoariro si sitea mehne to tachu tiro mehne wahanahca mari. ã wahana tiro mehne manopu Cohamacu yare cãanahca.

Cristo yaina jierasinina ñaare yoa-mai mari

⁵ ã yoa ahri yahpa macaa ñaa musa yoare duhunocahga musa: Numino mehne ñano yoare, muño mehne ñano yoare, ñaa yahduaro yoare, paio namonore goa pjaare, pacoro manunore goa pjaare, ñaa goa pjaare duhunocahga musa. Paye barore tuaro cahmaina jiena

tjiga. Paye barore cjona, tíre tuaro cahmana “Cohamacu jira”, ti nia masurine ti ño payoro seheta yoana nija mari tíre. ⁶ Tí ñaare yoaina Cohamacure yuhdurucaina jira. Ti ã yoa yuhdurucachu ñuno tinare buhiri dahrerohca. ⁷ Panopure musa sehe tí ñaare yoarina jina tina mehne macaina jiri jimare musa. ⁸ Wiho mejeta mipure ahri ñaare duhu pihtinocahga musa: Suaare, sua yuhduare, painare ñano ni tuhutuare, painare ñano quiti dahreare, ñano durucure tí jipihtiare duhunocahga. ⁹⁻¹⁰ Musa sehe Jesu yaina wahana tí ñaa yoaare duhu tuhsuri jire. ã jina musa tuhutuare cohtotaina jira musa. Musare noaa sehere cahmachu yoaro nina Cohamacu to yoaro sehe musa jihto sehe. Õ seheta yoara tiro noano tirore musa masi namohto sehe. ã jiina jina musa mehne macainare mahñoena tjiga. ¹¹ Cristo yaina jina judio masa, judio masa jieraina cūhu cāno potoriga jira musa, Cohamacu to ñuchū. Circunciōre yoaina, yoaeraina cūhu Cristo yaina jia cāno potoriga jira, Cohamacu to ñuchū. Pa yahpa macaina, masieraina, musa ya yahpa macaina cūhu Cristo yaina jia cāno potoriga jira, Cohamacu to ñuchū. Dahra cohtaina, dahra cohtaina jieraina cūhu Cristo yaina jia cāno potoriga jira, Cohamacu to ñuchū. Jesu jipihtina to yaina mehne jira. Wiho jiriro jierara tiro, to yaina ti ñuchū.

¹² ã yoa Cohamacu to beserina, noaina, to cahīina jina ò sehe jiga musa: Painare pja ñuina, painare noano yoaina, painare yuhduruca duaeraina, painare niji siaro dero yoaina, musare ti ñano yoapachuta ã tuhutonocaina jiga musa. ¹³ Musa mehne macaina mehne suana, dóihta musa basi musa suarire pjāga. Mari puhtoro musa ñaa yoari buhirire bohre. ã to boriro seheta musa cūhu musa mehne macaina musare ti ñaa yoarire boga. ¹⁴ Ahri dutia mehne ò sehe ni dutija musare: Painare cahīga. Musa ã yoana noano jipihtina

mehne cūno mehne jinahca. ¹⁵ Cristo marine noano jichū yoara jiape ni durucueraina mari jihto sehe. To ã yoachū noano jiga musa, musa basi. Õ seheta jihtina cjihtire to yaina cjihtire bese cūri jire Cohamacu musare. ã jina to pjacu yoaro seheta cū curuata jira musa. ã yoa Cohamacure “Noana”, ni wahcheina jiga musa Cohamacu mehne.

¹⁶ Cristo ya buheare noano wacūrucuga musa. Noano masi buhega to yare. Cua pisaro mehne tíre yahuga. ã yoa tuhsū, Salmore, Cohamacu yare basaare, paye tirore ño payoa basaare tirore basa payoga. Noano wacū ño payoa mehne basa payoga. ã basana to yare noano wacūga musa. ã yoana Cohamacure “Noana”, ni wahcheina jiga musa Cohamacu mehne. ¹⁷ Jipihtia dohse jia musa yoaare noano yajeripohna ti yoaga mari puhtoro Jesu to wahchehto sehe. Cristore ño payora musa. ã yoa tirore ño payoa mehne noaa dihtare durucuga. ã yoana Cristo to yoadohoa mehne Cohamacu mari Pucure “Noana”, ni wahche payo siniga tirore.

Jesu yainare noano mehne ti jihti dutia ò sehe jira

¹⁸ Musa manū tia numia, musa manūsumare noano yuhtiga musa. ãta yoaro cahmana mari puhtoro Cristo ya numia jina. ¹⁹ Musa namo tiina sehe, musa namosānumiare cahīga. ã yoa tí numiare ne tuh-tiena tjiga. ²⁰ Musa ti pohna cūhu, musa pucūsumare yuhdurucaeraina jiga. Musa ã yoachū ñuno mari puhtoro noano ji coara. ²¹ Musa ti pucūsuma cūhu musa pohinare suachu yoena tjiga “Cahyachū yoari”, nina. ²² Musa tinare dahra cohtaina, musa puhtoare ahri yahpa macainare noano yuhtirucuga. Ti ñurocaro dihtare yuhtiina jiena tjiga. Ti mariachu cūhure yuhtiina jiga. Mari puhtoro Cristore cua pisaro musa ñuro sehta noano mehne yuhtiga

musa puhto cãhure. ²³ Potocãta Cristo yaina jina noano yuhtira musa tirore. ã jina musa puhtoare ahri yahpa macainare yuhtina, tina dihtare yuhtina nierara. Cristo cãhure musa yuhtiboro sehe yuhtinata nina musa. ã yoana musa puhto ti dutiro seheta tuaro mehne dahraga, Cristo ya dutia ti jiboriro seheta. ²⁴ Musa ã yoachu Cristo musare noano yoarohca. “Musare waihtja”, to niare musare warohca mari puhtoro. Tíre masina musa. Mari puhtoro Cristore dahra cohtaina jira musa. ã jiro tiro sehe musa puhtoro waro jira. ²⁵ Ñaare yoainare buhiri dahrerohca mari puhtoro. ã yoainare cãiro dũsaro marieno cãno potori buhiri dahrerohca tiro.

4

¹ Musa puhto sehe, musare dahra cohtainare potocãta noano yoaga tinare. Musa cãhu puhtoro cjuara. Musa puhtoro musa cjuariro sehe muano macariro jira.

² Dachoripe Cohamacure siniga musa. Noano wacũ tuhotu siniga. ã yoana “Noana”, niga Cohamacure. ³ Sã ya cjihti cãhure sini payoga tjoa. Cristo yare paina pano ti masierari cjirore buhena nija sã. Tinare sã noano masichu yoahito sehe sini payoga Cohamacure. Cristo yare yu buheri buhiri yuhu mipure peresupu jija. ⁴ ã jichu musa ã sini payochu cahmaja to yare yu noano yahuhto cjihti sehe. Cristo to dutiriro seheta yu yahuhto cjihti sehe sini payoga.

⁵ Jesu yaina jieraina mehne jina noano yoaga musa. Cristo yare yahuga tinare. Tina mehne musa jiro puro ãta noano yoaga. ⁶ Paina mehne sãhduna noano ji coaro mehne sãhduga. Noaa dihtare durucuga. Paina musare ti sinituchu noano masi yuhtiga tinare.

Noa duti batoaha Paulo

⁷ Tíquico mari coyeiro Jesu yairo jira. Tiro mari cahãriro, Cristo yare buhero, sã mehne dahrariro jira. ã

jiro Cristo yare ne duhuerara tiro. Tiro yu jia tiare musare yahurohca. ⁸ Musa cahapu tirore warocai nija yuhu sã jia tiare musa masihto sehe, musare wahchechu yoahitiro cjihtore. ⁹ Onésimo mari coyeiro mari cahãriro mehne piti dahre warocai nija. Tiro cãhu Cristo yare ne duhuerara. Musa mehne macariro jira. Tina puaro sã õre dohse sã yuhdũrire yahuahca musare.

¹⁰ Aristarco peresupu jiriro yuhu mehne macariro musare noa dutira. Marco cãhu noa dutira. Tiro Bernabé taũno jira. Tirore yahuroca tuhsu musare. Musa cahapu to sũchu ñuna noano mehne tirore piti bocaga. ¹¹ Jesu “Justo” ti ni pisuriro cãhu noa dutira musare. Ahrina tiarota yuhu mehne dahraina judio masa waro jira. Judio masa waro tina dihta Cohamacu yare yuhu mehne buhera. Õ sehe buheja sã Cohamacu yaina masa ti wahahto sehe, Cohamacu ti puhtoro to jihti sehe. Tina yuhure noano yoadohoina jira. ¹² Epafra musa mehne jiriro cjiro musare noa dutira. Tiro Cristore dahra cohtariro jira. Cohamacure sinino, musa ya cjihtire tuaro sini payorucura tiro. Cohamacure noano wacũ tuarucuhtina, to cahmano sehe yoahitina musa jihti sehe ã sini payorucura tiro Cohamacure. ¹³ Tiro musa ya cjihtire tuaro sini payore musare pjíro tuhoturo. Laodicea macaina ya cjihtire, Hierapoli macaina ya cjihti cãhure tiro tuaro sini payore. To ã yoariro jichu ñucũ musare yahurocai nija. ¹⁴ Duhturu Luca mari cahãriro musare noa dutira. Dema cãhu noa dutira.

¹⁵ Noajaro mari coyea Jesu yaina Laodicea macaina. Ninfa cãhu noajaro. Jesu yaina ticoro ya wuhũ cahmachuina cãhu noajaro. ¹⁶ Ahri pũre yu joarocari pũre musa mehne macainare musa buhe tuhsuri baharo Laodicea macaina cãhure warocaga. ã yoa tinare Laodicea macainare yu joarocari pũre musa cãhu buhega. ¹⁷ ã yoa õ sehe niga Arquipore: “Mari puhtoro Jesu yairo

m̄ jich̄ to yare buhehtiro c̄re
m̄h̄re. To ã c̄ch̄ noano buhe
sohtori t̄ga m̄h̄”, n̄ga tirore.

¹⁸ Ȳh̄ Paulo, ȳ wamomaca
mehne ahrire joaja. M̄sare noa du-
tija ȳh̄. Peresui ȳ j̄are wac̄, sini
payoga m̄sa Cohamac̄re. Noano
j̄ga m̄sa. Cohamac̄ to cah̄a mehne
m̄sare noano yoajaro. ãta yoajaro.

1 Tesalonicenses

Paulo cãhũ joarocaha Jesu yainare Tesalónica macainare

¹ Yũhũ Paulo, Silvano, Timoteo sã tiaro ahri pũ mehne m̄sare noa dutija. M̄sa sehe Tesalónica macaina mari P̄cũ Cohamacũ yaina jira. Mari p̄htoro Jesucristo yaina cãhũ jira m̄sa. ã jina Cohamacũ mari P̄cũ, mari p̄htoro Jesucristo ti cahĩa mehne m̄sare noa dutija. Cohamacũ yoadohoa mehne noano jiga m̄sa.

Jesu yaina Tesalónica macaina sehe Jesure noano wacũ tuaha

² Cohamacũre sinina, jipihtina Jesure m̄sa wacũ tuaare wacũna “Noabiara sãre”, nirucuja sã m̄sare. Cohamacũre sinina, m̄sa ya cjihtire ã sini payorucuna nija sã. ³ M̄sa sehe Jesucristore noano wacũ tuayuhca. ã wacũ tuana, Jesu yare yoayuhca m̄sa. Jesucristore, paina cãhũre cahĩyuhca m̄sa. ã cahĩna, Jesu yare tuaro yoana niyuhca m̄sa. Jesucristore mari p̄htorore wacũ tuarucuyuhca m̄sa. ã wacũ tuarucuna m̄sare to yãhdohtore masina, tíre cohtana niyuhca m̄sa. ã yoa tirore wacũ tua duhuerayuhca m̄sa ñano yãhdũpanahta. Cohamacũ mari P̄cũre sinina, tíre m̄sa ã yoarire wacũja sã. ⁴⁻⁵ Sã coyea, Cohamacũ to cahĩna jira m̄sa. M̄sare to beserire masija sã. Sohõ jiri pja m̄sare noaa buheare buhena ã yahunocana nierahi m̄sare. Espíritu Santo to tuaa mehne noaa buheare buhena nii m̄sare. ã buhena tí buhea quihõno jichũ noano masii sã. ã jina m̄sa watoi sã jina, sã yoarire masina m̄sa. M̄sare yoadohona ã yoi sã. M̄sare buheina jina Cohamacũ to beserina m̄sa jichũ masija sã.

⁶ Sohõ jiri pjarũre m̄sa ñano yãhdũina jina, noaa buheare cahmare m̄sa. M̄sa ã cahmachũ, Espíritu Santo sehe m̄sare noano wahchechũ yoare. To ã yoachũ m̄sa

sehe sãre ñũ cũ, sã yoariro seheta yoare. ã yoana Jesu cãhũre ñũ cũre m̄sa. ⁷ ã jia Jesu yaina Macedonia yahpa macaina, Acaya yahpa macaina cãhũ Jesu yare m̄sa yoarire masire. ã masia tina cãhũ m̄sare ñũ cũ, m̄sa yoariro seheta yoara. ⁸ Macedonia yahpa macaina Acaya yahpa macaina cãhũ mari p̄htoro yare m̄sa buhechũ tãhorocare. Cohamacũre m̄sa wacũ tuarire tãhorina sehe tina dihta jierare. Jipihtiro macaina m̄sa wacũ tuarire tãhoyuhti. ã jia sã tinare yahuera-pachũta tíre masi tuhsure tina. ⁹ ã jia m̄sa cahai sã tinirire, sãre m̄sa noano piti bocarire yahure tina jipihtiro macainare. ã yoa Cohamacũ sehere wacũ tuana, “Cohamacũ jira”, m̄sa nia masũrine m̄sa cohãnocarire, Cohamacũ ya sehere m̄sa yoarire yahure tina jipihtiro macainare. Tiro Cohamacũ sehe catiro, Cohamacũ waro jira. ¹⁰ ã yoa “Cohamacũ macũnore m̄anopũ tahtirore Tesalónica macaina cohtaa nina”, ni yahura masa m̄sare. To macũnore yariariro cjirore Cohamacũ masori jire. To ã masochũ to macũno Jesu sehe marine ñabiaro to buhiri dahreborinare yãhdori jire.

2

Tesalónica wama tiri macapũ to dahrarire yahuha Paulo

¹ M̄sa cahai jina sã ã jinocana niera tii. M̄sare noano yoadohoina jia tii sã. Tíre noano masina m̄sa, sã coyea. ² ã yoa Filipoi jina ñano sã yãhdũire, sãre ñano ti yoarire potocãta masina m̄sa. Sãre ti ã yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã m̄sa cãhũre. Sãre masa payũ ti ñũ tuhtipachũta noaa buheare buhei sã m̄sare. ³ M̄sare buhena noano sã masirire buhei sã m̄sare. ã buhena m̄sare dojomehne duana nierahi. ã yoa mahõerahi. ⁴ Cohamacũ to cahmano seheta buheja sã. Noa buheare buhehtina

cjihtire Cohamacu besere sãre. To ã beserina sã jichu to ya buheare sã buhechu noa nina, Cohamacu to ñuchu. ã jina õ seheta buheja sã. Masa ti tuho ji cohtire buhena nieraja sã. Cohamacu sehe sãre to ñu ji coahito cjihtore to yare buheja sã. Tiro sehe mari tuhotuare, dohse mari yoa duaare noano masina. ⁵ Noa buheare buhena tuho ji coaa duseri mehne buhena nierahi. Ahrire masina musa. ã yoa sã buhena, musare paye barore wapa cahmana nierahi sã. Ahrire Cohamacu masina. Potocã nii nija. ⁶ ã buhena masa sãre ti ñu wahãhti cjihtire yoana nierahi sã. Musare paina cãhure sãre ñu wahã dutina tana nierahi. ⁷ ã ñu wahã dutierapanahta Cristo to cãrina jija. ã jina musare wapa cahmaboa sã. ã yoa puhtoia yoaro sehe musare dutina jiboa sã. Wiho mejeta numino wihãrirocãre to noano bucãoriro seheta noano niji siaroca dero yoi sã musare. ⁸ ã jina musare noano cahmana, Cohamacu yare noaa buheare buhei sã musare. ã yoana tí dihtare yoaerai musare. Musare noano yoadohoi sã catisinina waro. Sã cahãina musa jichu musare ã yoadohoi sã. ⁹ ã musare cahãina tuaro yoadohoi sã musare. Tíre wacãna musa, sã coyea. Cohamacu yare noaa buheare buhena musa cãhure sini cariboerai musare. ã jina dachoru, ñamiru cãhure dahrai sã.

¹⁰ Noano, musare ñano papero marieno, mahõono marieno musare Jesu yainare sã yoarire masina musa. Cohamacu cãhu tíre masina. ¹¹ ã jina ti pucãro to pohnare to noano yahu to wahchechu yoariro seheta musa cãhure yahuna wahchechu yoi musare. Tíre masina musa. ¹² Puhtoro Cohamacu to sãho jiropu, noa yãhduaropu musare pjirocare. ã jina to yaina musa jichu Cohamacu to cahmariro seheta musare ji dutii sã.

¹³ Cohamacu yare musare sã yahuri cjirire musa tuhona, õ sehe ni tuhoture musa: “Masa ti mu sãro

ti buhea jierara. Cohamacu ya buheata jira”, ni tuhoture musa. Tíre musa tuhotuchu masina wahcheja sã. ã jina Cohamacure sinina “Noana”, nirucuja sã tirore. Tóihita jira. Musare sã buhea Cohamacu durucua potocã jiata nina. ã jiro Cohamacu musa Jesure wacã tuaina jichu to ya buhea mehne musare noaa sehere cohtotachu yoaro nina. ¹⁴ Jesucristore wacã tuainare Judea yahpa macainare ti yoariro seheta musa cãhure yoare paina. Judea yahpa macainare Jesu yaina sehere judio masa ñano yãhduchu yoare. Musã cãhure musa ya dihta macaina ãta ñano yãhduchu yoare. ¹⁵⁻¹⁶ Judio masa sehe Cohamacu yare yahu mahtaina cjirire panopu macainare wajãa tiri jire. ã jia mari puhtoro Jesu cãhure wajãri jire tina. Tuhsu, tina sãre cohãre. Cohamacure tina cahyachu yoahre. ã yoaina jia, payu masare ñu tuhtira tina. Judio masa jierainare Cohamacu yare sã yahu duamai tina cãhure pichacapu wahaborinare “Cohamacu yãhdojaro”, nina. Sã ã yahu duapachuta judio masa sehe sãre ne Cohamacu yare painare yahu dutierare. ã yahu dutieraa pjiro buhiri ti namoa nina tina. Mipure tinare tuaro Cohamacu buhiri dahrerohca juna.

Paulo Tesalónica macaina cahapu pari turi tini duamaha

¹⁷ Sã coyea, mipure mahanocã musa mehne jierana musare wacãna nija. ã jina musare tuaro ñu duana, musa cahai waha duamai. ¹⁸⁻¹⁹ Cãa tahari yãhu Paulo musare ñui waha duamai. Yu ã waha duapachuta Satana sehe sã wahaborirore ducatare. ã jina wahaerahi sã. Sãre wahchechu yoaina musa jichu musare ñu duamai. Mari puhtoro Jesu ahri yahpapu to tjua tachu musa sehe sãre wahchechu yoanahca. ã jina wahchea mehne musa mehne Jesu panoi ducunahca. ²⁰ ãta jira. Musare ñuno Jesu sehe “Noano buheri jira musa”, ninohca sãre. ã jina noano wahcheja sã.

3

1-2 Æ yoa m̄sare yoari pja ñ̄erana m̄sare tuaro t̄ho duana tíre wac̄na, Timoteore m̄sa cahap̄ warocai. Tiro mari coyeiro Jesu yairo Cohamac̄re dahra cohtariro jiro, sã mehne noaa buheare buheriro jira. Æ jina tirore warocai Jesu-cristore noano m̄sa wac̄ tuah̄ti c̄jhtire, m̄sa wahchehti c̄jhti c̄h̄re. Tirore warocana sã sahs̄ero Atena wama tiri macai t̄jai. 3 M̄sa ñ̄ano ȳhd̄panahta Jesu yare m̄sa coh̄erahto c̄jhtore warocai sã Timoteore. Jesu yaina jina ñ̄ano ȳhd̄nahca mari. Tíre masina m̄sa. 4 M̄sa mehne tó panop̄re jis̄inina mari ñ̄ano ȳhd̄uhtoreta yahu tuhs̄i m̄sare. Æ jina sã niriro seheta mari ñ̄ano ȳhd̄i. Tíre m̄sa noano masina. 5 Æ jic̄ m̄sare yoari pja ñ̄erac̄ m̄sare tuaro t̄ho duai. Æ jic̄ Jesure m̄sa wac̄ tuarire masii tai Timoteore warocai ȳh̄. “Wat̄ino m̄sare ñ̄ano yoa dutiri” nic̄, “M̄sare sã buheri c̄jirire m̄sap̄ duhuri” nic̄, tirore warocai ȳh̄. 6 Æ yoa mip̄re Timoteo m̄sa cahap̄ jiriro sã cahap̄ t̄ju wihihre. Æ t̄ju wihiro noaa quitire sãre yahure tiro. Jesure m̄sa noano wac̄ tuaare, painare m̄sa cah̄a c̄h̄re tiro yahure sãre. Æ ni tuhs̄i sãre m̄sa noano wac̄r̄re, m̄sare sã ñ̄u duariro seheta m̄sa c̄h̄ tuaro sãre m̄sa ñ̄u duarire yahure sãre tiro. 7 Æ jina sã coyea, mip̄re sã ñ̄ano ȳhd̄panahta m̄sa Jesure noano wac̄ tuach̄ t̄hona sã wahcheja. 8 Jesure m̄sa noano wac̄ tuarire to yare m̄sa coh̄erarire t̄hona noano yajeri sãaja sã. 9 M̄sare ã ni t̄hotuna, Cohamac̄ to ñ̄rocaroi sã tuaro wahcheja. Æ wahchena Cohamac̄re “Noana”, nija sã. 10 Dach̄o c̄h̄re, ñ̄amip̄ c̄h̄re Cohamac̄re sinija sã m̄sare sã ñ̄uhti c̄jhtire. Jesu yare m̄sa noano masi pah̄och̄ yoa duaja sã noano m̄sa tirore wac̄ tua namohto sehe.

11 Cohamac̄ mari P̄c̄ to basi, mari p̄htoro Jesu c̄h̄ sãre ti yoad-

ohoch̄ cahmaja sã m̄sa cahap̄ sã wahahto sehe. 12 Æ yoa mari p̄htoro Jesu jipihtina m̄sa mehne macainare, jipihtina paina c̄h̄re cah̄i namoch̄ yoajaro m̄sare. M̄sare sã cah̄iro seheta tuaro cah̄i namoch̄ yoajaro m̄sare. 13 M̄sare noano to yoadohoch̄, buhiri marieina, ñ̄aa marieina jinahca m̄sa, Cohamac̄ mari P̄c̄ to ñ̄ch̄. Mari p̄htoro Jesu jipihtina to yaina buhiri marieina mehne ahri yahpap̄ t̄ja taro ã jiina jich̄ yoajaro m̄sare.

4

“Cohamac̄re ji coach̄ yoa duana ò sehe yoaga”, ni yahuha Paulo

1 Mip̄re Jesu mari p̄htoro to dutiro mehne m̄sare ò sehe ni yahu batoaja: “Cohamac̄re ji coach̄ yoa duana ò sehe yoaga”, ni buhei sã m̄sare. Sã ã buheri baharo sã buheriro seheta yoayuhti m̄sa. M̄sa ã yoariro seheta yoa namoga. Tíre tuaro yoa dutija m̄sare.

2 Jesu mari p̄htoro to buhe dutiro mehne m̄sare sã buherire noano masina m̄sa. 3 Ahrire m̄sare yahu namoihtja: M̄sa ò sehe jich̄ cahmana Cohamac̄: Ñ̄aare yoeraina, Cohamac̄ yare yoina jiga. Æ jina numia mehne ñ̄ano yoaena tjiga. M̄sa c̄h̄ numia m̄a mehne ñ̄ano yoaena tjiga. 4 Ñ̄ano yoapero marieno, ñ̄o payoro mehne m̄sa namos̄anumiare c̄uaga. Cohamac̄ m̄sa tíre masich̄ cahmana. 5 Cohamac̄re cahmaeraina Cohamac̄re masieraina ñ̄aare goa p̄jaa, numia mehne ñ̄ano ti yoariro seheta yoaena tjiga m̄sa c̄h̄. 6 M̄sa ã yoach̄ cahmaerara Cohamac̄ to yairore m̄sa coyeirore m̄sa ñ̄ano yoerahto sehe. M̄sa ã ñ̄ano yoana m̄sa coyeirore ȳhd̄r̄cana nica. Mari p̄htoro Cohamac̄ ti ñ̄aare ti yoach̄ ñ̄ano buhiri dahrehtiro jinocanota nina. Æ jina tíre yahu tuhs̄i m̄sare “Tí buhirire buhiri tiri”, nina. 7 Ñ̄aare yoah̄tina c̄jhtire beserari jire marine Cohamac̄.

Ñaare yoaeraina cjihtire beseri jire marine. ⁸ Ñ jina jipihtina m̄sa ahri sã buherire yãhdurucana, masa ya buhea sehere yãhdurucana nierara m̄sa. Cohamac̄u ya sehere yãhdurucana nina. Tiro m̄sare Esp̄ritu Santore wariro jira.

⁹⁻¹⁰ M̄sa coyeare Jesu yainare m̄sa cahĩhtire Cohamac̄u m̄sare buhe tuhs̄ri jire. To ã buhech̄u potocãta Jesu yainare Macedonia macainare jipihtinare noano cahĩna m̄sa. M̄sa ã cahĩch̄u ñ̄na “M̄sa coyeare cahĩga”, ni buheraja m̄sare. Tinare cahĩ tuhs̄ra m̄sa. Ñ ni buhe namoerapanahta ahri sehere m̄sare dutija. Mip̄re painare m̄sa cahĩno seheta cahĩ namoga m̄sa. ¹¹ Ñ yoa m̄sa basi cahma ñ̄n tuhtiro marieno jiga m̄sa. Painare soro ni durucuena tjiga. Ñ ñ̄nocahga tinare. Ñ jina m̄sa ya dahraa sehere noano dahraga. Panop̄ta m̄sare ã yoa dutii. ¹² Ñta yoaga m̄sa, paina m̄sare ti ñ̄o payohto sehe, paina yare m̄sa cariboerahto sehe.

Ahri yahpap̄re Jesu to tjua tahtore yahuha Paulo

¹³ Coyea, mip̄re yariarina cjiirire yahuihtja m̄sare: Jesure cahmaeraina Cohamac̄u cahap̄u wahasi. Ñ jia tina mehne macaina ti yariach̄u ñ̄na tuaro cahyara. Yariarina cjiri ti wahahtore quihõno noano m̄sa masich̄u cahmaja sã, paina ti cahyariro seheta m̄sa cahyaerahto sehe. ¹⁴ Jesu to yariari baharo masa m̄jari jire. “Ti potocãta jira”, nija mari. Ñ niina jina ahri cãh̄re “Potocãta jira”, nija mari. Cohamac̄u sehe to yaina cjiirire yariarina cjiirire masa m̄jach̄u yoaro, baharop̄u Jesu mehne na tarohca. Tí cãh̄re “Potocãta jira”, nija mari.

¹⁵ Jesu to tjua tach̄u to yaina yariarina cjiri catiina pano masa m̄ja m̄htaahca. Mari p̄htoro Cohamac̄u ya yahua tjira ahri. ¹⁶ Ñ sehe jirohca Jesu to tjua tach̄u: Mari p̄htoro to basi tuaro sañurucu m̄htanohca. Ñ

jira to anjoa p̄htoro tuaro pisurohca. Ñ to pisuch̄u Cohamac̄u to corneta bisiro coa tarohca. Ti ã yoach̄u Jesu yaina yariarina cjiri masa m̄ja m̄htaahca. ¹⁷ Baharo catiinare, yariarina cjiri mehne Cohamac̄u m̄anop̄u me yehsea cururip̄u m̄jach̄u yoarohca. To ã yoach̄u mari p̄htoro Jesure piti bocanahca mari. Ñ piti bocana jipihtia dachoripe mari p̄htoro Jesu mehne jirucunahca mari. ¹⁸ Ahri ȳu yahurire m̄sa mehne macainare yahuga. Ñ ni yahuna wahchenahca m̄sa jipihtina.

5

¹ Ȳu coyea, Jesu to tjua tahti dachore “Ahri dachoi tjua tarohca” ni, m̄sare yahu joarocaró cahmaerara. ² Mip̄re m̄sa masino seheta to tjua tahti dachore marine masihto basioerara. Yacariro ñ̄amip̄u wacũenoca to yacaro taro seheta ahri yahpap̄re mari p̄htoro wacũenoca tjua tarohca. Ahrire m̄sa basita noano masina. ³ “Mip̄re mari noano jinocaja. Cuaró mariaha marine”, masa ti ni wacũch̄u dóicãta ñ̄no waharohca tinare. To ã wahach̄u tina duhti masisi. Niji wahcõricoro wacũenoca to purĩno tuhoturo seheta wacũenoca ã waharohca masare. ⁴ Ȳu coyea, m̄sa sehere ã wahasi. Yacariro w̄h̄u p̄rore to c̄oriro seheta m̄sa sehere ã wahasi. Jesu taro m̄sare c̄osi. Nahitianoi jiina ti ñ̄n masieraro seheta paina Jesure ne masierara. M̄sa sehe tina yoaro sehe jierara. ⁵ M̄sa jipihtina Jesu yaina jira. Ñ jina buhriaroi ti ñ̄n masino seheta Jesu to tahtore masina m̄sa. Paina nahitianoi jiina seheta tirore masieraina yoaro sehe jieraja mari. ⁶ Ñ jina carĩna yoaro sehe Cohamac̄u tuho n̄n̄eraina jiena tjijihna mari. Paina ãta yoara. Tina yoaro sehe yoarena tjijihna mari. Carĩeraina yoaro sehe quihõno yoaina, noano wacũ masiina jijihna mari. ⁷ Carĩna ñ̄amip̄u carĩna. Ñ jia cahaina ñ̄amip̄u cahara. ⁸ Mari sehe

buhriaroi jiina yoaro sehe Jesure masiina jina, noano wacũ masiina jijihna. ã yoa surara comaa suhtiro mehne to cutirore to sãa ducatariro seheta Cohamacure wacũ tuaga musa, watĩnore to ducatahto sehe. ã yoana Cohamacure, paina cãhure cahĩga. Musa ã yoachuta Cohamacu musare ñu wihborohca. ã jina musare pichacapu wahaborinare Jesu to yũdohtore “Potocã tjira”, niga musa. Musa ã niina jichu surara to dapure comaa chapea mehne to pisa ducatariro seheta watĩno musare to ñano yoa duachu Cohamacu tirore ducatarohca. 9 To buhiri dahrehtinare marine beserari jire Cohamacu. Jesucristo mari puhtoro pichacapu wahaborinare to yũdohtina cjihtire marine beseri jire tiro. 10 Jesu mari ya cjihtireta yariari jire tiro mehne mari jihto sehe. Catiina, yariaina cãhu tiro mehnetã jahca. ã jina jipihtina tiro mehne jinahca mari to yaina jina. 11 ã jina musa mehne macainare mipu musa wahchechu yoariro seheta musa basita wahchechu yoaga tjoa. ã yoana musa basita Cohamacure wacũ tua namochu yoaga musa mehne macainare.

Jesu yainare Paulo yahu batoaha

12 Musare buheinare, Cohamacu dutiare musare yahuhtinare mari puhtoro buhe dutiro taro beseri jire. To ã ni beserinare noano ño payoga musa. Musa ã ño payochu cahmacu tuaro dutija musare. 13 Ti dahraare ti yoachu tinare cahĩa mehne noano ño payoga. ã yoa musa mehne macaina mehne cahmacheno marieno jiga.

14 Musare sã coyeare, ahrire tuaro dutija: Dahra duaerainare dahra dutiga musa. Cahyainare wahchechu yoaga musa. Jesure wacũ tuaera cureinare yoadohoga. Tina jipihtina mehne noano suaro marieno ji coaro jiga musa.

15 Cãiro musare to ñano yoachu ñuna tirore ñano yoa cahmaena tjiga.

ã jina musa mehne macainare, jipihtina paina cãhure noano yoaga.

16 ã yoana dachoripe ã wahcherucuga musa. 17 ã jina Cohamacure ã sinirucuga dachoripe. 18 Musa ñano yũdũpanahta Cohamacure wahche, “Noana”, niga. Musa noano yũdũri pja cãhure “Noana”, niga tirore. ã nina Cohamacu to cahmano seheta yoana nica musa. Cristo Jesu yaina musa jichu ñano musa ã nichu cahmana tiro.

19 Espĩritu Santore yuhti duaeraina jiena tjiga. 20 Espĩritu Santo to masia mehne paina sehe musare buhera. Ti ã buhechu tí buheare cahmaeraina jiena tjiga. 21 Paina musare soro ti ni buhechu tí Cohamacu ya jierachu masiga musa. ã jina Cohamacu ya buhea ti jichu cãhure masiga musa. ã masina noaa buhea dihtare cahmaga. 22 ã yoana jipihtia ñaare cahmaena tjiga musa.

23 Cohamacu marine noano jichu yoariro jira. Tiro to basi musare to yainare noaina ñaa marieina jichu yoa namojaro musare. Musa pjacuri cãhure musa catia cãhure noano ñu wihbojaro. Mari puhtoro Jesucristo ahri yahpapure to tjua tahto pano musare Cohamacu noano ñu wihbojaro ñaare musa yoerahto sehe. To ã yoachu Cristo to tachu ñaa marieina jinahca musa. 24 ãta jichu yoarohca Cohamacu. Tiro musare beseriro to niriro seheta yoara.

Paulo cãhu noa dutirocaha

25 Sã ya cjihtire Cohamacure sini payoga musa, sã coyea.

26 Musa mehne macainare noano mehne piti bocasiniga.

27 Jipihtina Jesu yainare ahri tjure buhega musa. Jesu mari puhtoro to dutia mehne ahrire musare dutija yũhu.

28 Jesucristo mari puhtoro to cahĩa mehne musare noano yoajaro.

2 Tesalonicenses

*Paulo cãhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo cãhũ ahrire m̃sare joarocaja tjoa. M̃sa sehe Tesalónica macaina mari Pũcũ Cohamacũ yaina jira. Mari p̃htoro Jesucristo yaina cãhũ jira m̃sa. ² ã jina Cohamacũ mari Pũcũ, mari p̃htoro Jesucristo mehne m̃sare noa dutija. Cohamacũ yoadohoa mehne noano jiga m̃sa.

*Ahri yahpapũre Cristo tjua taro
buhiri dahrerohca*

³ Cohamacũre sinina Jesure m̃sa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre m̃sa noano wacũ tua namona niyuhca. ã yoana dachoripe m̃sa mehne macainare cahĩ namona niyuhca m̃sa. ã jichũ Cohamacũre “Noabiara sãre”, sã nichũ noa nina. ⁴ Paina m̃sare ñano ti yoapachũta Jesure wacũ tuarucuyuhca m̃sa mipũ cãhũre. ã yoa tirore wacũ duhuerayuhca. M̃sa ã yoachũ ñũna tíre m̃sa yoirire paina Cohamacũ yainare wahchea mehne yahuja sã. ⁵ ã wacũ tuarucuna Cohamacũ mari p̃htoro yaina m̃sa jiri buhiri ñano yũhdũna niyuhca m̃sa. ã jiro p̃htoro Cohamacũ to sũho jiropũre waha dutira m̃sare. To ã dutichũ to quihõno yoiriro jichũ masija mari.

⁶ ã yoa Cohamacũ quihõno yoiriro jira. ã jiro m̃sare ñano yũhdũchũ yoaina sehere ñano yũhdũchũ yorohca tiro. ⁷ ã yoro m̃sa ñano yũhdũrina cjiri jichũ tiro m̃sare noano jichũ yorohca. Sã cãhũre noano jichũ yorohca. Mari p̃htoro Jesu to yaina anjoa tuaina mehne, picha pohna mehne m̃anopũ bajaro noano jichũ yorohca marine, ñano yũhdũrina cjirire. ⁸ ã yoa Cohamacũre masierainare, mari p̃htoro Jesu to buheare noa buheare yũhdũrcarinare Cohamacũ

buhiri dahrerohca. ⁹ Cohamacũ tinare õ sehe buhiri dahrerohca: Pichacapũ tina ñano yũhdũrucuahca. ã jia tina tuariro mari p̃htoro Jesu cahai ne ji masierara. ã jia tua yũhdũariro to jiare ñũsi tina. ¹⁰ ãta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne ti ño payohto cjihtore. M̃sare sã buherire m̃sa noano tãhore. (ã jina m̃sa cãhũ tiro mehne jinahca.)

¹¹ ã jina Cohamacũre ã sini payorucuja sã m̃sa ya cjihtire. Õ sehe ni Cohamacũre sini payoja sã: To cahmano seheta yoahinare m̃sare to cũriro seheta m̃sa jihtina cjihtire sini payorucuja sã m̃sare. M̃sa noaina ji duanata niyuhca. ã jina Cohamacũ to tuua mehne noaina m̃sa ji duariro seheta m̃sa jhti cjihtire sini payorucuja sã. M̃sa Cohamacũre wacũ tuayuhca. ã wacũ tuana to yare yoayuhca m̃sa. Tíre m̃sa noano yoa namohti cjihtire Cohamacũre sini payorucuja sã m̃sare. ¹² ã yoana mari p̃htoro Jesucristo painare ño payochũ yoanahca m̃sa. M̃sa ã yoachũ Jesucristo yaina m̃sa jichũ ñũna paina ño payoahca m̃sare. Cohamacũ to cahĩa mehne, mari p̃htoro Jesucristo cãhũ to cahĩa mehne ã waharohca.

2

Ñano yoarucurirore yahuha Paulo

¹ Mipũre mari p̃htoro Jesucristo ahri yahpapũre to tjua tahtore, tirore mari cahmachu mari piti bocahtore yahu namo duaja yũhũ. Õ seheta tuaro yahu duaja m̃sare, sã coyca: ² Paina m̃sare õ sehe niboca: “Mari p̃htoro to tjua tahti dacho, pihtiri dacho jiropũ nina”, niboca m̃sare. Ti ã nichũ tãhona, tãho cãaena tjiga. ã yoa tãho wisiena tjiga. “Cohamacũ yũhũre ãta niri jire”, niboca m̃sare paio. Pairo cãhũ m̃sare buhero ãta niboca. Pairo cãhũ ãta ni joarocaboca, “Yũhũ Paulo tjija”, ni mahõ

joarocaró. ³ Paina musare ti ã mahñoche tuhoena tjiga musa. Tí dachoi ahri yahpa to pihtihto panocã payu masa Cohamacure duhuahca. ã jiro tí dachoi ñano yoarucuriro pichacapu wahahtiro bajuarohca jipihtina ti ñahtiro cjihtore. ⁴ Tiro Cohamacu warore, paina bajueraina masa ti ño payoina cãhure jipihtina masare ño payo dutisi ñano yoarucuriro. Tiro õ sehe ni tuhoturohca. “Ahrina jipihtina bui puhtoro jija yuhũ”, ni tuhoturohca. ã jiro Cohamacu wuhũ dujiro “Yuhũ sehe Cohamacu jija”, ninohca.

⁵ Musa mehne jisinicu tíreta yahui. ¿Tíre wacũerajari musa? ⁶ Mipure pairo sehe ñano yoarucurirore ne ji dutierasinina. ã yoa tirore ji dutierarirore masina musa. Tiro sehe to dutichu to quihõri dacho jichu ñano yoarucuriro bajuarohca. ⁷ Mipure masa ti ñuenoi tiro yoaro seheta paina ñaare yoa tuhsara. Tí ã yoapachuta ñaare yoa dutierariro to wahahto pano tiro ñano yoarucuriro sehe jisi. ⁸ To wahari baharo pinihtare ñano yoarucurirota bajuarohca. Baharo mari puhtoro Jesucristo tirore yuhdurucarohca. Ahri yahpamu to si sitea mehne tjua taro, to dusero mehne putirocaro, tirore wajã boarohca. ⁹ Ñano yoarucuriro sehe watino tuaa mehne taro, payu bajuamehnerire, mahñoa bajuamehnerire yoa ñonohca. ¹⁰ Payu ñaa to yoa ñoa mehne to ã mahñoche pichacapu wahahtina sehe tirore tuhoahca. Tina sehe noaa buheare cahmaerare. Tí ã cahmaerachu Cohamacu tinare pichacapu wahahtinare yuhdosi. Tina pinihta ñano yoarucuriro mahñoriro to yoarire “Potocã tjira”, niahca. ¹¹ ã jiro noaa buheare ti cahmaerari buhiri Cohamacu tinare wisiomehnenohca. ã wisiaa mahñoare cahmaahca tina. ¹² ã jiro jipihtina noaa buheare tuho duaerainare, ñaa dihtare yoa ji coainare tirota buhiri dahrerohca.

“Cohamacu musare beseha to yaina jichu yoaro taro”, ni yahuha

Paulo

¹³ Musa sã coyea, mari puhtoro Jesu to cahina jira musa. Dóiputa wahmanopureta musare pichacapu wahaborinare to yuhdohtina cjihtire Cohamacu beseri jire musare. Musare beseri jire Espiritu Santo to tuaa mehne to yaina ñaa marieina musare jichu yoaro taro. ã jiro noaa buheare “Potocã tjira”, nihtina musa jichu ñano musare beseri jire. To ã beserina musa jichu ñana Cohamacure wahche, “Noana”, nirucuja sã. ¹⁴ Noa buheare musare sã buhechu Cohamacu musare beseri jire mari puhtoro Jesucristo to masa mujariro seheta musa cãhu musa masa mujahito cjihtore.

¹⁵ ã jina yu coyea, noano wacũ tuaina jiga musa. ã jina sã durucua mehne sã joarocaa pũri mehne musare sã buherire noano wacũga musa. ã yoa tí buheare yuhdurucuaena tjiga. ¹⁶ Mari puhtoro Jesucristo to basi, Cohamacu mari Pucu cãhu marine cahia, jipihtia dachoripe marine wahchechu yoare. Marine cahia marine pichacapu wahaborinare yuhdoahca. ã jina Cohamacu to yuhdohtore noano masina wahcheja mari. ¹⁷ Jesucristo, mari Pucu mehne musare noano yoajaro pjíro musa wahchehto sehe. ã yoa jipihtia noaare musa yoahito sehe, musa noano durucuhto sehe Cohamacure musare sini payoja.

3

“Sã ya cjihtire Cohamacure sini payoga”, ni joaha Paulo cãhu

¹ Mipure sã coyea, sã ya cjihtire Cohamacure sini payoga mari puhtoro Jesu to buhea payu masare sã buhehto sehe. To buheare musa noano cahmariro seheta paina cãhu tí buheare ño payoa mehne ti cahmahto sehe sini payoga musa Cohamacure. ² Cãinata Jesure wacũ tuara. Paina sehe to yare tuho duaeraa, Jesure wacũ tuaerara. ã jina ñaina masa sãre ti ñano yoa duachu Cohamacure sini payoga musa sãre to yoadohohto

sehe. ³ Mari puhtoro Jesu to niriro seheta yoariro jira. ã jiro musare tirore wacũ tuachũ yoarohca. ã yoa tuhsũ, watĩno musare to ñano yoa dutichũ tiro musare yoadohorohca. ⁴ Cohamacũ musare to yoadohorire masija sã. ã jina musare sã dutiriro seheta musa yoachũ cãhũre masija sã. ã yoa ãta yoarucunahca musa. Tĩ cãhũre masija sã. ⁵ Cohamacũ musare to cahĩare musare masichũ yoajaro. ã jina Cristo yoaro sehe ñano yuhdupanahta cũno pjaina jichũ yoajaro musare mari puhtoro.

Marine tuaro dahraro cahmana

⁶ Jesucristo mari puhtoro to dutiro mehne õ sehe ni dutija musare: Jesu yainare dahra duaerainare, musare sã buheriro seheta yoerainare, tinare piti tiena tjiga. ã ñnocahga tinare. ⁷ Sohõ jiri pja musa mehne sã jichũ tuaro sã dahrachũ ñũre musa. ã jina sã yoariro seheta musa cãhũre dahraro cahmana. Tĩre noano masina musa. ⁸ ã jina musa chũare wapa marieno chũerahi sã. ã yoa dachopũre, ñamipũ cãhũre tuaro dahrai sã “Musa chũare sã siniri”, nina. ⁹ Sã buheri wapa musare wapa cahmaboa sã. ã wapa cahmaborina jipanahta wapa cahmaerana tuaro dahrai sã, musa sehe sãre musa ñũ cũhto sehe. ¹⁰ Musa mehne jina, õ sehe ni buhei musare: “Dahraeraina chũea tjijaro”, ni buhei sã musare. ¹¹ Cãina musa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. ¹² Mari puhtoro Jesucristo to dutiro mehne ã dahra duaerainare õ sehe nija: Noano wahchea mehne dahrajarõ tina ti noano jihto sehe, ti ya chũare ti chũhto sehe.

¹³ Sã coyera, musa sehe noare yoarucuna pumena tjiga. ¹⁴ Cãina tó macaina ahrire sã joarocarire yuhdurucaboca. Tĩ ã yoachũ ti yoarire noano ñũga. ã ñũna tinare piti tiena tjiga ti buoro wahahto sehe. ¹⁵ ã piti ti duhupanahta tinare ñũ tuhtiena

tjiga. Tina musa coyera, Jesu yaina tjira. Tĩ ã jichũ ti yuhdurucarire yahuga tinare tĩre ti yoerahto sehe.

Paulo tinare noa duti batoaha

¹⁶ Mari puhtoro Jesu marine noano jichũ yoariro mehne dachoripe noano jirucuga musa. ã jicũ “Mari puhtoro musa jipihtina mehne jirucujaro”, nicũ musare noa dutija.

¹⁷ Yũhũ Paulo, yũ wamomaca mehnetã mipũre yũ basita joa batoai nija: ã joacũ musare noa dutija. Jipihtia yũ joarocaa pũrine õ sehe dihta yũ wamomaca mehne joa batoaja yũhũ. Yũ õ sehe dihta yũ joa batoachũ ñũna yũ joarocari pũ to jichũ masinahca musa. ¹⁸ Mari puhtoro Jesucristo to cahĩa mehne noano yoajaro musare jipihtinare.

1 Timoteo

Paulo Timoteore joarocaha

¹⁻² Yuhũ Paulo ahrire mũhũre Timoteore joarocaja. Cohamacũ marine pichacapũ wahaborinare yũhdoriro jira. Jesucristo yare buhe dutiro to cũriro jija yuhũ. To Pũcũro, to Macũno Jesu mehne ti dutiriro seheta ti cũriro jija yuhũ. Jesuta marine yũhdora. Ā jina marine to yũhdohtore masina, tíre cohtaja mari. Mũhũre Timoteore Jesu yare buhei. Yũ Ā ni buhechũ tũhocũ Jesure wacũ tua dũcare mũhũ. Ā jicũ mũhũ potocãta yũ macũ yoaro sehe jicũta nina. Cohamacũ mari Pũcũ mehne, mari pũhtoro Jesucristo mehne mũhũre noa dutija. Ā yoa mũhũre cahĩa, pja ñũa ti yoadohoa mehne noano jiga mũhũ.

Paulo mahñoa buheare buhe dutieraha

³ Sohõ jiri pjare Macedonia yahrapũ wahacũ mũhũre Efesoi cũ yũhdũ wahcãi. Tóí cãina ti ya buheare mahñoa buheare buheina jire. Tí buheare mũ buhe dutierahtiro cjihtore cũi yuhũ mũhũre. ⁴ Tina ti mũ sũro Ā buhemacanocahna. Ā yoa ti coyea panopũ macaina cjiri ti mũ sũro ti buherire Ā buherucura. Tí buhea mehne paina mehne cahma sayorucura. Cohamacũ marine to dutirire noano yoachũ yoerara tina Ā buhea. Cohamacũ ya sehene yoana tirore wacũ tuaja. Ā jicũ ti mũ sũro ti buherire buhe dutierahtiro cjihtore cũi mũhũre.

⁵ Ā cũi mũhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire Ā cũi mũhũre. ⁶ Cãina ahri noaa buheare cohã tuhsũ paye buhea sehene cahmana tjoa. Ā ti cahmachũ, tí buhea sehene ti cahma sayochũ tó wahaerara. Tí buheare ti cahma sayoa yaba cjihti jierara. ⁷ Tina Cohamacũ

dutiare buheina ji duamana. Ā buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

⁸ Cohamacũ dutiare Moise cjiro marine to cũri cjirore quihõno mari buhechũ noaa dutia jira. Tíre mari noano masija. ⁹⁻¹⁰ Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehene ti buhehti cjihti jira. Pũhtoare cohã duainare, dutiare yũhdũrucainare, ñaa dihtare yoainare, ñano buhiri tinare, Cohamacũre ño payoerainare, Cohamacũ yare cahmaerainare, ti pũcũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnare paina cũhũre duhti yacainare, mahñoinare, painare mahñoa mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. Ā yoa paina jipihtinare noaa buheare yũhdũrucainare buhehti cjihti jira Cohamacũ to dutia. ¹¹ Tí buhea noaa buhea sehe noariro Cohamacũ to ya buheata jira. Tí buhea sehene yũhũre Cohamacũ buhe dutire.

Cohamacũ Paulore to pja ñũare yahuha tiro

¹² Ā yũ buhechũ Jesucristo mari pũhtoro yũhũre tuaare waro yũhũre yoadohora. “Paulo noano buherohca yũ yare”, ni tũhoture Jesu yũhũre. Ā jiro yũhũre besero tirore yoadohotiro cjihtore cũre yũhũre. To Ā yoachũ “Noana”, nija yuhũ tirore. ¹³ Tó panopũre Cristore yũ ñano durucupachũta, to yainare ñano yũ yoapachũta, tiro yũhũre beseri jire. Tirore masierasinicũ tirore ñano yoacũ “Ñano yoai nica yuhũ”, ni tũhotueracũrũ. Yũ Ā masierasinicũ ñano tiro pja ñũare yũhũre. ¹⁴ Ā

pja ñano, Cohamacu mari puhtoro yuhare tuaro cahño, noano yoare yuhare. Ñ yoa Cristo Jesure wacũ tuachu yoare yuhare tiro. Ñ yoaro painare cahñchu yoare yuhare Cohamacu.

¹⁵ Yuhu sehe paina yuhdoro ñaa yuhduariro jimai. Ñaina mari jipachuta Jesucristo ahri yahpapu tari jire ñainare pichacapu wahaborinare yuhdohtiro cjihto. Tí potocã tjira. To ã jiro jichu jipihtina tíre masijaro. ¹⁶ Ñaa yuhduariro yu jipachuta tiro yuhare pja ñare. Ñ pja ñano Jesucristo suaro marieno yuhare to noano yoarire masichu yoaro nire painare baharo tirore wacũ tuahtinare masichu yoaro taro. Ñ wacũ tuahtina manopu ã jirucuahca. ¹⁷ Cohamacu jipihtia dachoripe masa bui puhtoro jira. Tiro ne yariaerara. Mari mehne to jipachuta tirore ñeraja mari. Tiro dihta Cohamacu waro jira. “Potocãta noariro, tuariro jira tiro”, nijihna tirore. Jipihtia dachoripe tirore ño payojihna. Ñta yoajihna.

¹⁸ Timoteo, yu macu yoaro sehe jira mahu. Ñ jicu mipure ahrire mahare dutija: Mari coyea Jesu yaina Cohamacu yare yahu mahtaina baharo ma yoahrire ti ni mahtariro seheta mahare dutija. Cristo yare noano yahurucuga. Ñ yoa ñano yuhdupaihta tirore wacũ tua duhui tjiga mahu. Tuhsu, to yare quihõno buherainare poto yahuga duhuro marieno. ¹⁹ Jesure ã wacũ tuarucuga. Ñaa buhiri marieriro jiga. Noaa dihtare yoaga. Cãina tíre yoaeraa Jesu yare cohãna. Ñ cohãna tirore wacũ tua duhure. ²⁰ Ñta yoare Himeneo, Alejandro mehne. “Watño to cahmano seheta yoawahnojaru musare”, ni cũi tinare, ñano Cohamacu ti durucu namoerahto sehe.

2

Cohamacu sine payoare yahuha Paulo

¹ Mipure õ sehe ni dutija musare. Ahri wiho waro jierara: Jipihtina ya cjihtire Cohamacu sine payoga. Ñ sine payona “Noana. Wahcheja”, niga Cohamacu. ² Puhtoa, paina masa bui dutiina cãhu ti ya cjihti cãhure Cohamacu sine payoga, cahmacheno marieno Cohamacu ño payoina mari noano jihto cjihtore. Ñ sine payona mari Cohamacu cahmaare, quihõno yoaina noano ji masija. ³⁻⁴ Tó sehe paina ya cjihtire mari sine payochu noa nina. Tíre mari yoachu ñano Cohamacu marine yuhdohtiro sehe marine noano ñu jicoara. Jipihtina pichacapu wahaborinare to yuhdoina jichu cahmana Cohamacu. Ñ yoa noaa buheare ti masichu cahmana tiro. Ñ jiro paina ya cjihtire mari sine payochu wahchera tiro. ⁵ Cãirota jira Cohamacu. Ñ yoa Cohamacu mari ñu tuhtichu Cohamacu cãhu marine to ñu tuhtichu bosariro cãirota jira. Tiro masunota jiro, Jesucristota jira. ⁶ Wapamonore waparo seheta jipihtina ti ñaa yoari buhirire yariari jire tiro. Cohamacu to quihõri pjai tíre masare masichu yoari jire. ⁷ Tíre yahuhtiro cjihtore, Jesu to cũihtiro cjihtore tiro yuhare beseri jire. Judio masa jierainare Jesure wacũ tuaare, noaa buheare buhehtiro cjihtore beseri jire yuhare. Potocãta musare yahui nija yuhu. Mahñoeraja.

⁸ Cohamacu yare noano yoaina jipihtiro macaina sehe Cohamacu ti sinichu cahmaja. Ñ yoa tina suaro marieno, cahma sayoro marieno tiro mehne ti durucuchu cahmaja. ⁹ Ñ yoa, numia sehene carera numia yoaro seheta ti suhti tiina jichu cahmaja. Ñ jia soro bajua pjoari ti pjoarire yoaea tjijaro. Uru dari busaa darire perla yapari dari cãhure busaea tjijaro tí numia painare “Goa pjachu yoari”, nia. Ñ yoa wapa bujua suhtire sãaea tjijaro tina Jesu ya numia. Painare goa pjachu yoaa numia jiea tjijaro. ¹⁰ Ñ yoa tí numia noaa sehene yoajaro. Ñta yoaro

cahmana “Cohamacu ya numia jija”, nia numiare. ¹¹ Dihta marieno ño payoa mehne buheare tuhojaro ti numia. ¹²⁻¹⁴ Ñ jia numia mure buhea tjijaro. Ñ yoa mure dutiea tjijaro. Ti numia sehe dihta mariea numia jijaro. Adãore Cohamacu bajuamehne murtari jire. To baharo Evare bajuamehneri jire. Ñ yoa watino to mahnoch tuhoriro Adão jierari jire. To mahnoch tuhoricoro sehe Eva jiri jire. Ñ to mahnoch tuhoro, Cohamacu yuducaricoro wahari jire ticoro. Ñ jia numia sehe mure dutiea tjijaro. ¹⁵ Numino ji murtaricoro to yuducapachuta numia ti pohna tichu ñano tinare Cohamacu yoadohorohca. Ti numia pohna tia numia sehe Cohamacu ti wacu tuarucuchu tiro yoadohorohca tinare. Ñ yoa masare, Cohamacu cãhure ti cahrucuchu, noaa numia ti jirucuchu, quihõno yoaa numia ti jichu Cohamacu tinare yoadohorohca.

3

Jesu yaina puhto ti yohtire yahuha Paulo

¹ Masa Jesu yaina puhto ji duaa, noaare yoa duaa nica tina. Ti potocãta jira. ² Jesu yaina puhtoare besecu õ sehe jinare besega: Buhiri marieinare besega “Paina tinare ñano ni yahusãri”, nicu. Ñ yoa cãa numiata namo tiinare, noano tuho masiinare, quihõno yoainare, paina ti ño payoina, masare wahchea mehne ti wure sãa ta dutiinare, painare noano buhe mihniinare besega mure. ³ Ñ besecu cahaerainare, cahmacherainare, masare noano yoainare, cahma sayoerainare, niñerure cahierainare besega mure. ⁴ Ñ yoa mure beseina ti ya wure macainare noano yahuina, ti pohpare noano ño payoa mehne yuhtichu yoaina, noano yahuina jijaro. ⁵ Tinare yuhtichu yoa masieraa, noano yahu masieraa, Jesu yaina cãhure noano yahu, yuhtichu yoa

masieraboca tina. ⁶ Jesu yaina puhto ji duaina Jesu yaina wahma sãaina jia, tina puhto ji masierara. Wahma sãainare Jesu yaina puhto mure cãhu tina “Noa yuducainajija”, ni tuhotuboca. Ti ñ ni tuhotuchu Cohamacu tinare buhiri dahre dutirohca watinore to yoariro sehetu. Watino cãhu ãta ni tuhotua timaha Cohamacu yuducaca duaro. ⁷ Ñ yoa puhto ji duaina Jesu yaina jieraina ti ño payoina jiro cahmana tinare. Noano yoaina ti jichu ñu paina ño payoahca tinare. Ñ jia masa tinare ñano quiti dahresi. Ñ jiro watino tinare dojomehne masisi.

Jesu yainare yoadohoina ti yohtire yahuha Paulo

⁸ Ñ yoa Jesu yainare yoadohohtina sehere besecu õ sehe jinare besega: Tina masa ti ño payoinare, noano potocãta durucuinare, cahaerainare, niñerure cahierainare, mahnoa mehne wapata duaerainare, ⁹ Cohamacu to yahuri buhea to nino sehetu yoainare, ñaa buhiri marieinare besega mure. ¹⁰ Tinare mure besehto pano Jesu yainare yoadohoina ji duainare ti yoarire ñuga mure. Tinare mure ñu baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina. ¹¹ Ñ yoa ti namosãnumia õ sehe ti jichu cahmaja mari. Masa ti ño payoa numia, masa noaa numia, ñano quiti dahrera numia, tuho masia numia, jipihtiare noaare yoarucua numia ti jichu cahmaja mari. ¹² Jesu yainare yoadohohtinare besecu cãa numiata namo tiinare, ti pohpare paina ti wure macaina cãhure noano yuhtichu yoainare besega. ¹³ Ñ jia mure beseina Jesu yainare ti yoadohochu paina tinare noano ñu ji coahca. Ñ jia tina yoadohoina sehe noaa buheare, Jesucristore ti wacu tuaa cãhure cuiro marieno buheahca tina.

Cohamacu ya buheare yahuha Paulo

¹⁴⁻¹⁵ Mipure mure cahpu waha duai nimaja. Ñ waha duapaihta

mipure wahaerasinicu ahri pui yahu, mure joarocai nija. Jesu yaina cahmachuina watoi musa dohse yoahore mure yahu joarocai nija, “Michapucaca yuh wahaerasiniboca”, nicu. Jesu yaina Cohamacu catiriro yaina jira. To yaina potocã jia buheare Cohamacu ya buheare cpara. ã cpara, tíre buherucura. ¹⁶ Ahri potocã tjira. Marine Cohamacu to buheri cjiri, panopu mari noano masierari cjiri noa yuhdu buhea jira. Ahri buhea õ sehe jira: Tiro Cristo mari pjacu seheta pjacu tiri masa bajuari jire. Noariro, ñaa marieriro to jichu ñore Espiritu Santo sehe. Anjoa cãhu tioro ñari jire. ã yoa buhe duti to cãrina paye yahpari macainare to yare buhei sã. ã jia ahri yahpai masa payu tioro wacũ tuare. Baharo manopu Cohamacu naahre tioro. Tí jira noa buhea.

4

Noa buheare cohãrina cjirire yahuha Paulo Timoteore

¹ Espiritu Santo ahri noano yahura: Pihtiri dacho panocã cãina masa Jesu ya buheare cohãhca. ã cohã mahnoa buheare watia ya buhea sehere tãho nãhca tina. ² Tí buheare mahnorucuina yahuahca masare. Tina mahnorucuina sehe “Ñaa buhiri mariahna sãre”, ni tãhotuina jira. ã jia tina ti ñaa yoare ne tãhotuerara. ³ Õ sehe ni buheahca tina: “Namo tiena tjiga. Ahri chare chena tjiga”, ni buheahca tina. Tí ã chu dutierapachuta Cohamacu chare bajuamehnenno mari chuti cjihtire noare cãri jire tiro. Mari Cristore wacũ tuaina jichu noa buheare mari masiina jichu, mari ya cjihtire tí chare bajuamehnea tiri jire tiro. Tí chare cãana tioro “Noana”, mari nichu cahmana tiro. ⁴ Jipihcia Cohamacu to bajuamehneri cjiri noa jira. ã jina to bajuamehneri

chare nana, Cohamacu “Noana” nina, tíre marine cohãeraro cahmana. Tíre marine chu ji coaro cahmana. ã jicu paina ti chu dutierachu tãhocu tjiga tinare. ⁵ To bajuamehnea noa ti jichu yahu tuhsu tiri jire Cohamacu. ã jia tioro “Noana”, mari ni wahcheri baharo tí chu to yoari chu noa waro jia nina.

Jesucristore dahra cohtarirore noarirore yahuha Paulo Timoteore

⁶ Ahri yu yahurire Jesu yainare mari coyeare buhecuh Jesucristore dahra cohtariro noariro jira mahu. ã buhecuh noa buheare, quihõno mu tãhori cjirire mure ti yahuriro seheta noano mu masirire yahuriro jiihca mahu. ⁷ ã jicu ti mu sãro ti buherire, Cohamacu ya jieraare tãhoi tjiga. Cohamacu cahma sehere yoaporiro jiga mahu. ⁸ Mu mãrocachu noa curera. Mu mãrocaporiro yuhdoro Cohamacu cahmaare mu yoapochu noa yuhduara mure. Cohamacu cahmaare yoapochu mipure noano jiihca mahu. Mu yariari baharopu cãhure masa mãjacu noano jiihca mahu. ⁹ Tí potocãta jira. Jipihcina tíre yu nirire masiinare “Potocãta jira”, nino cahmana tinare. ¹⁰ Jipihcina tíre ti nihti cjihtire Cohamacu cahmaare ti yoahci cjihtire mari tuaro dahraja. ã jina ñano yuhduja mari, paina marine ñano ti yoachu. Cohamacu catiriro, jipihcinare pichacapu wahaborinare yuhdoriro jira. Tioro wacũ tuaina pinihtare tiro yuhdorohca. ã jina to yuhdohto cjihtore masina, cohtaja mari.

¹¹ Ahri jipihcia yu nirire dutiga Jesu yainare. ã yoa tíre buhega mahu. ¹² Wahmno mu jichu ña paina Jesu yaina mure yuhduca duaboca. Tí ã yoerahto sehe õ sehe yoa ñoga tinare. Masare cahga. ã yoa Jesure wacũ tuarucu, buhiri marieriro jiga. Wahmno jipihcia mu ã yoachu ña mure yuhduca tina. ã jia mu durucurire tãho,

m̄u yoarire ñ̄u m̄uh̄ure ñ̄u c̄ūahca. ¹³ Ǣ jic̄u m̄u cahap̄u ȳu s̄uhto pano Jesu yainare Cohamac̄u yare ti joari p̄ũre buhe tuhs̄u, m̄usa cahmachupe tahari tinare Ǣ yahurucuga. ¹⁴ Jesu yaina mehne macaina p̄uhto Cohamac̄u yare yahu tuhs̄u m̄u bui ti wamomacarine duhu payore. Ti Ǣ duhu payoch̄u Cohamac̄u ya c̄jhtire m̄u yoa masihto sehe c̄ũre m̄uh̄ure Cohamac̄u. To Ǣ c̄ũrire boec̄u tjiga. Ǣ yoa tíre Ǣ yoarucuga.

¹⁵ Ahri dutiare tuaro cahmaga. Ǣ cahmac̄u ahri dutiare Ǣ yoarucuga m̄uh̄u. M̄u Ǣ yoiari baharo noaare m̄u yoa namoch̄u jipih̄tina ñ̄uh̄ca. ¹⁶ M̄uh̄u sehe noano yoaga, “Soro yoiari”, nic̄u. Ǣ yoa noano buhega m̄uh̄u, “Soro buheri”, nic̄u. Ǣ jic̄u m̄u basita pichac̄ap̄u wahaboriro ȳh̄doriro jiihca. Ǣ jia m̄uh̄ure t̄horina c̄ũh̄u pichac̄ap̄u wahaborina ȳh̄d̄urina jiahca.

5

“Paina Jesu yainare ð sehe yoaga m̄uh̄u”, niha Paulo Timoteore

¹ Ne b̄uc̄urore tuhtiec̄u tjiga. M̄u p̄uc̄ure m̄u noano yoiario seheta b̄uc̄uro c̄ũh̄ure noano mehne yahuga. Ǣ yoa m̄u bahanare m̄u noano yoiario seheta wahma yapia c̄ũh̄ure noano ñ̄o payoro mehne tinare yahuga. ² Ǣ yoac̄u m̄u pocore m̄u noano yoiario seheta b̄uc̄u numia c̄ũh̄ure noano ñ̄o payoa mehne yahuga. M̄u bahana numiare m̄u noano ñ̄o payoriro seheta nuhmia c̄ũh̄ure ñ̄ano goa p̄jaro marieno, noano ñ̄o payoa mehne yahuga tina numiare.

³ Ǣ jic̄u wapewahyaa numiare potoc̄ãta p̄jac̄uoa numiare ñ̄o payoa mehne yoadohoga tí numiare. ⁴ Wapewahyoro pohna tiricoro to jich̄u, o panamana tiricoro to jich̄u c̄ũh̄ure tina sehe ticorore yoadohojaro. Ǣ yoadohoa Cohamac̄u masare ti coyeare to yoa dutirire yoaa nina tina. Ǣ yoaa tina ticorore

ti wapamonore wapaa nica ticoro to b̄uc̄uro wapa. Ti Ǣ yoach̄u ñ̄u Cohamac̄u noano wahchera. ⁵ P̄jac̄uricoro, wapewahyoro coyea marienicoro jiro, Cohamac̄u ticorore to yoadohohto c̄jhtore cohtara ticoro. Ǣ jiro ñ̄aminipe, dachoripe ticoro Cohamac̄u mehne Ǣ durucurucura. ⁶ Pacoro sehe wapewahyoro Ǣ yoamacanocaricoro carericoro jiro, ticoro catiricoro jiparota pichac̄ap̄u butihticoro ji tuhs̄ura. ⁷ Ahri jipih̄tia ȳu yahurire Jesu yaina c̄ũh̄ure yoa dutiga m̄uh̄u, noaa dihtare ti yoah̄ti c̄jhtire. Ti Ǣ yoach̄u ñ̄u paina tinare “Ñ̄ano yoaa nina”, ni masierara. ⁸ C̄ũiro to coyeare ñ̄u wihboeraro, to pohna, ti pocoro c̄ũh̄ure noano ñ̄u wihboeraro “Jesu yairo jija”, ni masierara. Ǣ jiro Jesure cahmaeraina ȳh̄doro ñ̄a ȳh̄d̄uraro jira tiro.

⁹ Wapewahyaa numiare yoadohonahca m̄usa. Õ sehe besega m̄usa yoadohohti numiare. Ti wamare joa ðhti p̄ũi joai tai ð sehe besega tí numiare: Sesenta c̄uh̄mari s̄eraricorore to wamare joa ði tjiga. Tuhs̄u, tó pano p̄uaro c̄jrore man̄u tiricoro wape wahyoro to wamare joa ði tjiga. C̄ũirota man̄u tiricoro wapewahyoro wamare joa ðga. ¹⁰ Tí numiare, “Noaare yoaa numia jira”, masa ti nia numiare, ti poh̄nare noano b̄uc̄uoa numiare besega. Ǣ yoa tuhs̄u, ti w̄h̄usei painare noano s̄ã ta dutia numiare, dahra cohtaina yoaro sehe Jesu yainare yoadohoa numiare, ñ̄ano ȳh̄d̄uinare yoadohoa numiare, noaa dihtare yoaa numiare besega. Tí numiare m̄usa yoadohohti numiare bese tuhs̄uc̄u, ti wamare joa ðga m̄uh̄u.

¹¹ Wiho mejeta wapewahya numia nuhmia curero ti jich̄u tí numia sehere besei tjiga. Ǣ jic̄u tí p̄ũi ti wamare joa ði tjiga. Baharo tina m̄uare goa p̄ja, Cristore cohã, pari turi man̄u tiboca. ¹² Tina Cristore “Pari turi man̄u tisi sã. M̄u yainare yoadohonah̄tja”, niri numia jipahta ba-

haropure ti niriro seheta yoaeraboca tí numia. Ti ã yoaerari buhiri buhiri tiahca. ¹³ Tí numia õ sehe yoaa numia jira: Dahraera numia jipora. ã jia paina ya wuhusepewaharucu, ñaa quiti dahre, tí numiare mari sinituerapachata ti m̄ s̄ro mari jia tiare ã yahurucura. Tuhs̄, ti yahu dutierari cjirire yahura tí numia. ¹⁴ ã jic̄ ti õ sehe yoach̄ cahmaja yuh̄: Wapewahya numia nuhmia curero jia numia man̄ tijaro. ã man̄ tia, pohna tijaro. Ti ya wuh̄ macainare noano ñ̄ wihbojaro. Mari ya numia wapewahyaa numia ti ã yoach̄ marine ñ̄ tuhtiina marine “Ñaaare yoaa nina”, ni tuhti masierara. ¹⁵ Mip̄ pinihtare cãa numia wapewahya numia Cristo yare duhu, wat̄no cahmaa sehere yoa tuhs̄ra. ã jic̄ ã ni yahuja m̄h̄re.

¹⁶ Jesu yaina ti coyeacoro wapewahyoro to jich̄ tina to coyea ticorore yoadohojaro. Paina Jesu yaina sehe ticorore yoadohoea tji-jaro. ã jia tina paina Jesu yaina ticorore coyea cj̄aricorore yoadohoeeraa, paye numia wapewahya numia coyea mariea numia sehere yoadoho masina.

¹⁷ Jesu yaina p̄h̄toa m̄sare ti noano buhech̄ ti dahraare ti noano yoach̄ ñ̄na ji coaro mehne ñ̄ga tinare. ã yoa noano wapaga tinare. Cãina tina mehne macaina Cohamac̄ yare yahuina, m̄sare buheina c̄h̄ jira. Tina pinihtare paina ȳhdoro ji coaro mehne ñ̄ga. ¹⁸ Cohamac̄ yare ti joari p̄i õ sehe nina, dahrarire ti wapahtore yahuro: “Wach̄ trigo yaparire to dahpori mehne suhti werirore to ch̄ duach̄ to d̄serore d̄cataena tjiga”, ni joaa tiri jire. ã yoa pa p̄i õ sehe nina: “Dahrarire to dahrari wapare waro cahmana”, nina Cohamac̄ yare ti joari p̄i. (To ã nich̄ t̄hona Jesu yaina p̄h̄toare ji coaro mehne ñ̄, noano wapaga tinare.)

¹⁹ Jesu yaina p̄h̄torore to ñ̄ano yoach̄ ñ̄no c̄irota paina Jesu yaina cahmachuinare yahusã masierara.

P̄h̄toro to ñ̄aaare yahusãhtina tiaro jia, tirore yahusã masina. Tiaro mari-ach̄ p̄aro yahusã masina. ²⁰ ã yoa ñ̄aaare yoarucurire jipihtina m̄sa watoi to jich̄ tirore tuhtiga, cuia, paina ñ̄aaare ti yoaerahto cjihtore. ²¹ ã jic̄ Cohamac̄, Jesucristo, to beserina anjoa c̄h̄ ti ñ̄rocaroi ahrire dutija m̄h̄re: Mip̄ m̄h̄re ȳ dutiri cjirire yoa pah̄noga. ã yoariro jic̄ jipihtinare Jesu yainare cãno potori yoaga. Pairore soro, pairore soro yoai tjiga. ²² Painare Cohamac̄ dahraare m̄ c̄hti cjihtire ti bui m̄ wamomacarine m̄ duhu payohtopano soaro marieno noano t̄hotu pah̄no, tinare besega. Tina ñ̄aina jiboca. ã j̄inare Cohamac̄ dahraare c̄i tjiga. ã c̄c̄ m̄h̄ c̄h̄ m̄ besaina ti ñ̄aaare yoaro seheta yoai nica. Tó sehe yoai tjiga. ã yoa ñ̄aa mari-eriro jiga m̄h̄.

²³ S̄roca p̄jaro cariro jira m̄h̄. Mip̄re co dihtare sihnimana m̄h̄. ã jic̄ mahanocã vino c̄h̄re sihniga m̄h̄. Co jira tí.

²⁴ Cãina ti ñ̄aaare yoach̄ mari ñ̄ja. ã jina Cohamac̄ tinare to buhiri dahrehtore masija mari. Paina sehere ti ñ̄aa yoarire mari masieraja. Ti ñ̄aa yoarire baharo masinahca. ²⁵ Tó seheta cãina noaare ti yoach̄ tíre mari masija. Paye ti noaa ti yoaerare mari masierapanahca baharo masinahca mari. Tíre n̄ohto basierara.

6

¹ Dahra cohtaina Jesu yaina sehe ti p̄h̄toare noano ñ̄o payojaro. Ti ã ñ̄o payoch̄ ñ̄a paina Cohamac̄re, mari buhea c̄h̄re ne ni dojomehne masierara. ² Ti p̄h̄toa Jesu yaina ti jich̄ ñ̄a tinare dahra cohtaina sehe Jesu yaina jia, tinare ñ̄poa ñ̄o payoeraboca. ã yoarero cahmana. Ti p̄h̄toa Jesu yaina ti jich̄ pinihtare tinare dahra cohtaina noano ñ̄o payojaro tinare. ã ñ̄o payoa dahra cohtaina sehe Jesu yainare, ti cah̄inare ti coyeare yoadohoa nina.

Ti p̄htoare Jesu yainare dahra cohtaina jia, Jesure cahmaerainare ti ño payoriro ȳhgoro Jesu yaina sehere ño payojaro p̄htoa ti cahina ti jich̄. Ahri ȳ yahurire buhega. Ā jic̄ ahrire dutiga.

Cohamac̄re ño payoa c̄h̄re noano jia c̄h̄re yahuha Paulo

³ Soro jia buheare buheriro mari p̄htoro Jesucristo ya buheare noaa buheare “Potocã tjira”, ni t̄ho duaerara. Ā t̄ho duaeraro, mari ya buheare Cohamac̄re ño payoa buheare cahmaerara. ⁴ Ā jiro tiro “Masi pahñoriro jija”, niparota tíre ne masierara. Ā masieraro, t̄ho masierariro yoaro seheta tuaro cahma sayo duara tiro. Ā yoa Cohamac̄re yare ã nimacanoca sayorucuriro tjira. Masa tiro yoaro sehe jiina cahma sayoa, paina ti noano wahach̄ ñ̄ tuhtia, cahma ñ̄ duaeraa, noano mehne jierara. Tuhs̄, painare ñano quití dahre, masierapahta masare ñano ni t̄hotura tina. ⁵ Tina ñaa dihtare t̄hotuina, potocã jiare ne masieraina ã cahma sayorucuina jira. Ā yoa “Cohamac̄re yare buhena niñerure wapatanahca mari”, ni t̄hotura tina. ⁶ Mari ya mahanocã mari cj̄aa mehne wahchena, Cohamac̄re ño payona, to cahmano seheta yoana, potocãta noano jina nija. ⁷ Ahri yahpap̄re masa bajuana ne paye barore na taerahi mari. Ā yoa mari yariari baharo wahana ne paye barore naa masieraja mari. ⁸ Ā jina mari ch̄are mari suhti c̄h̄re cj̄ana payere cahma namoena tjijihna. Mari cj̄aro purota wahchejihna mari. ⁹ Pache p̄a ji duainare wat̄no ñaare to yoa dutich̄ tina sehe jiape ñaare yoarucuina jiboca. Ā yoaa tina payu tahari t̄ho masieraina seheta paye barore tuaro cahmaa, ñaa yoare duhueraa, ti basita ñano ȳhd̄ra. Ā duhueraa pichacap̄ wahaahca tina. ¹⁰ Niñerure tuaro cahmaa, jiape ñaare yoa d̄cara masa. Cãina niñerure

cahã, tuaro cahmaa, Jesure wac̄ tua duhua, payu tahari ñano ȳhd̄ra tina.

Cohamac̄re yare yoana ñaare duhuga

¹¹ M̄h̄ pini Cohamac̄re yairota jira. Ā jic̄ ahri ñaare yoai tjiga. Noaa sehere cahmaga. Cohamac̄re yare yoaga. Ā yoac̄ Jesure wac̄ tuaga. Painare cahiga. Ñano ȳhd̄paihta c̄no pjaga. Ā yoa painare noano dero yoaga. ¹² Surara cahmachero tuaro to yoariro seheta, m̄h̄ c̄h̄ Cohamac̄re wac̄ tuac̄ to yare tuaro yoaga. M̄anop̄ ã jirucuh̄tiro c̄j̄htore Cohamac̄re beseri jire m̄h̄re. Ā jic̄ Cohamac̄re m̄ wac̄ tuaare payu masare noano yahuhre m̄h̄. Ā jic̄ ñano ȳhd̄paihta tirore wac̄ tua duhui tjiga. M̄anop̄ ã jirucuh̄tiro jiga. ¹³ Cohamac̄re jipih̄tinare, jipih̄tiare jich̄ yoariro jira. Jesucristo sehe Poncio Pilatore Cohamac̄re yare noano yahuriro jira. Ā jic̄ tina Cohamac̄re, Jesucristo c̄h̄ ti ñ̄rocaroi ahrire m̄h̄re yoa dutih̄tja: ¹⁴ M̄h̄re Cohamac̄re to dutirire yoa pahñonocahga. Jesucristo to tjua tahto pano masa m̄h̄re ñaare ti ne yahusãerahto c̄j̄htore to dutirireta yoarucuga. ¹⁵ To quih̄roih̄ta Cohamac̄re Cristore tjua tach̄ yoarohca. Cohamac̄re noariro, tiro dihta masare dutiriro jira. Ā jiro jipih̄tina paina p̄htoa ti bui p̄htoro jiriro jira tiro. ¹⁶ Tiro dihta ne yariaerariro jira. To si sitea mehne jiriro jira. To si sitea cahap̄ waha masierara masa. Ā yoa tirore masa ne ñ̄erare. Mip̄ c̄h̄re tirore ñ̄erara. Tiro sehere ño payojihna. Ā jina “Jipih̄tia dachoripe tuariro jira tiro”, nijihna tirore. Āta yoajihna.

¹⁷ Ahri yahpa macaina pache p̄are õ sehe ni dutiga m̄h̄: “Painare ȳhd̄racaja”, ni ti basi t̄hotuea tjijaro tina. Ti pache ti cj̄aa pihtia wahaahca. Ā jia ti cj̄aa dihtare wahchea tjijaro. Cohamac̄re sehere tuaro wahchejaro. Jipih̄tia pototi

mari cahmaare wariro jira tiro. Tiro sehere wacũ tuajaro tina pache pua.

¹⁸ ã jia tina noaa sehere yoajaro pjíro noaare yoaina ti jihto sehe. ã yoa ti cjaare waina jijaro. ¹⁹ Ti ã yoachũ m̃anop̃m̃ Cohamacũ cahai ti ya jia-hca. Ti ya tópm̃ jia, ne butisi. ã jia tópm̃ ã jirucuahca tina.

Paulo Timoteore duti batoaha

²⁰ Timoteo, m̃h̃ure Cohamacũ to cũrire to buhe dutirire noano yoanohb̃m̃. Voi ninohb̃m̃ m̃h̃m̃. Cãina masa Cohamacũre cahmaeraina yoaro sehetã mah̃noare, tãho masieraina ya buheare durucurucura. ã durucua “Noano masiina ya buhea jira”, nimana tina. ã ti ni durucua tãho ññni tjiga. ²¹ Cãina tí durucua tãho ññina Cristo yare coh̃nocare. Cohamacũ to cah̃a mehne m̃sare noano yoajaro.

2 Timoteo

Paulo Timoteore pari turi joarocaha

¹ Yuhũ Paulo, ahrire mũhũre Timoteore joarocaja tjoa. “Jipihitina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuhtiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. ² Mũhũ Timoteo yũ cahĩro jira. Mũhũre Jesu yare yũ buhechũ tũhocũ tĩrore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Pũcũ, mari pũhtoro Jesucristo mehne mũhũre noa dutija. ã yoa mũhũre pja ñũa, cahĩa tina ti yoadohoa mehne noano jiga mũhũ.

Masare Cristo yare ti yahurire yahuha Paulo

³ Ñamipũ dachopũ cũhũre Cohamacũ mehne durucucũ mũ ya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cũhũ “Buhiri tija”, ni tũhoturo marieno mipũre to yare yoaja. ⁴ Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. ⁵ ã jicũ Jesure potocãta mũ wacũ tuarire wacũja yũhũ. Mũ ñũchocoro Loida, mũ poco Eunice cũhũ Jesure wacũ tua mũhtare mũ pano. ã yoa mipũre mũhũ cũhũ tĩrore mũ wacũ tuachũ noano masija yũhũ.

⁶ ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahiti cjihtire tuaare ware mũhũre. Tĩ tuaa mehne yoa namoga mũhũ. ⁷ Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã

yoaro tuaina, masare cahĩina, tũho masiina marine jichũ yoara tiro. ⁸ ã jicũ mari pũhtoro ya cjihtire painare yahucũ, bũo tiecũ tjiga mũhũ. Yũhũ to yare yũ yoari buhiri peresui jiro jija. Peresui yũ jichũ yũhũre bũo tisãai tjiga mũhũ. Wiho mejeta noaa buheare mũ buheri buhiri ñano yũhdũcũ “Noanohca”, niga mũhũ cũhũ. Mũ ã ñano yũhdũchũ Cohamacũ mũhũre yoadohorohca. ⁹ Cohamacũ sehe marine pichacapũ wahaborinare yũhdũchũ yoare. ã yoa noaina to yaina jihitina cjihtire tiro besea tiri jire marine. Mari noano yoari mehne besera tiri jire marine Cohamacũ. To mũ sũro to cahmariro seheta yoaro ahri yahpare to bajuamehnehto pano marine cahĩno, tiro marine besea tiri jire. Marine ã cahĩno marine yũhdũchũ yoahitirore Jesucristore warocari jire Cohamacũ. ¹⁰ Mipũre Jesucristore marine yũhdũchũ yoahitirore warocaro, marine potocãta to cahĩare noano masichũ yoaro niri jire Cohamacũ. Jesu marine to yainare pichacapũ wahaerachũ yoare. ã yoaro “Yũhũre wacũ tuana Cohamacũ mehne ã jirucunahca” nino, buhriaro marine to ñũ masichũ yoaro seheta noaa buheare marine masichũ yoaro tari jire tiro.

¹¹ Tĩ buhea noaa buheare yahuhtiro cjihtore to cũhtiro cjihtore besea tiri jire yũhũre. ¹² ã to beseriro jicũ mipũre ñano yũhdũja yũhũ. Õ sehe ñano yũhdũpacũta yũhũ bũo tieraja. Yũ wacũ tuarirore Jesure masija yũhũ. Tuariro jira tiro. ã jiro yũhũre to yare buhe duti cũno noano yoadohorohca yũhũre. ã yoa ahri yahpapũ to tjua tahto pano, “Mũhũre yũhdũchũ yoahitja”, to niriro seheta sohtori tiarohca yũhũre. Yũhũre yũhdũchũ yoarohca tiro. Tĩre noano masija.

¹³ Mũhũre noano yũ yahurire yoa pahũoga. Cristo Jesu yaina jina tĩrore noano wacũ tuaja mari. ã yoa painare noano cahĩja. ã jicũ tĩrore

ã wacũ tuarucuga mũhũ. Tuhsũ, painare noano cahĩrucuga. ¹⁴ Espĩritu Santo mari mehne jiriro to yoadohoro mehne noaa buheare noano yoaga. Quihõno buhega. Soro ni buhecũ tjiga.

¹⁵ Jipihtina Asia yahpa macaina Jesu yaina yũhũre yoadoho duaeraa cohã wahcãa wahare. Tina mehne macaina pũaro Figelo, Hermógenes ãta yoare tina cãhũ. Ti ã cohã wahcãire masi tuhsũra mũhũ. ¹⁶⁻¹⁷ Ti ã cohãpachũta Onesĩforo sehe payũ tahari yũhũre yoadohoro noano yajeri sãachũ yoare. ã yoaro peresui yũ jichũ tiro yũhũre bũo tisãaerare. ã jiro Romai yũ jichũ ã macarucuri jire yũhũre. ã macarucuro yũhũre bocare. ã jiro tirore, jipihtina to ya wũhũ macaina cãhũre pja ñũnohca Jesu mari pũhtoro. To ã yoahito sehe tirore sini payoja. ¹⁸ ã yoa ahri yahpapũ Jesu mari pũhtoro to tjua tahti dachoi tirore pja ñũnohca. To ã yoahito sehe tirore sini payoja. Efesoĩ payũ tahari yũhũre to yoadohorire noano masina mũhũ.

2

Ñano yũhdũparota Jesu yairore cãno pjarõ cahmana

¹ Mũhũ sehe yũ macũ yoaro sehe jiriro, Jesucristo marine noano yoariro to yoadohoro mehne tirore wacũ tuarucuga. ² ã yoacũ payũ masare yũ buherire mũ tahorire paina cãhũre buhega mũhũ. Tina mũ buheina Cohamacũ yare yoarucuina jijaro. ã jia painare buhe turiaina jijaro.

³ Surara ñano yũhdũparota to cãno pjariro seheta mũhũ cãhũ Jesu yairo jicũ ñano yũhdũcũ cãno pjaga mũhũ.

⁴ Surara to pũhtoro dutia sehere yoara tirore wahchechũ yoaro taro. ã yoaro tiro surara jieraina yoaro sehe wiho jiare yoerara tiro. (Mũhũ cãhũ tó seheta Cohamacũ dutia dihtare yoaga.) ⁵ Mũrocaperiro mũroca dutina ti dutiare quihõno yoeraro to mũroca yũhdũri wapare

na masierara. (ã jicũ mũrocaperiro ti dutiare quihõno to yoariro seheta Cohamacũ dutiare quihõno yoa pahõnga mũhũ.) ⁶ ã yoa wese dahrariro wapũ tiro mehne noano dahrariro sehe tí wese maca dichare noano na mũhta, noano wapatarã. (ã jicũ mũhũ cãhũ tiro yoaro sehe Cohamacũ yare mũ noano yoachũ tiro mũhũre noano yoarohca.) ⁷ Jipihtiare noano masichũ yoarohca Jesu mari pũhtoro mũhũre. ã jicũ mipũre mũhũre yũ nirire noano wacũ tahotuga.

⁸ ã jicũ Jesucristore wacũga. Tiro pũhtoro Davi cjiro panopũ macariro to panamino ji turiariro jia tiri jire. ã jiro yariaro masa mũjari jire tiro. Noaa buheare buhecũ to ã waharireta buhei nija. ⁹ To yare buhecũ ñano yũhdũja yũhũ. ã jicũ tíre yũ buheri buhiri ñaare yoariro yoaro sehe peresupũ jija yũhũ. Yũ ã jipachũta Cohamacũ ya durucuare buhe duhuchũ yoa masierara masa. ¹⁰ ã yoa Cohamacũ to beserinare buhecũ payũ tahari ñano yũhdũja yũhũ, tina cãhũ Jesucristo yaina ti jihti cjihtire. To yaina jia tina pichacapũ wahaborina sehe to yũhdũchũ yoahitina jiahca. ã jia tina Cohamacũ mehne ã jirucuahca.

¹¹ Ahri yũ yahuhti potocã tjira: Cristo crusapũ to yariariro seheta wahana, yariaina ti yoare ti duhuriro seheta mari ñaa yoarire mari duhuna, Cristo mari mehne macariro ã jirucurohca.

¹² ã yoa to yare mari yoari buhiri ñano yũhdũpanahta cãno pjana pũhtoro to sũho jiropũre tiro mehne pũhtoata jinahca mari cãhũ.

“Cristore sã masieraja”, mari nichũ, tiro cãhũ marine ãta ninohca.

¹³ Tirore mari yũhdũrucachũ ñũno to niriro seheta marine yoarohca.

To niriro seheta yoariro jira tiro. Ne mahõerara tiro.

Cohamacu to ñu ji coainare, to yare buheinare yahuha Paulo Timoteore

¹⁴ Ahrire mahu mehne macainare wacuchu yoaga. Ti mu suro durucu ti yuhdurucaa yaba cjihti jierara. Ña jia tinare tuhoinare ñano yoachu yoaa, tinare dojomehnena. Ña jicu mari puhtoro to ñurocaroi o sehe ni yahuga tinare. “Ña ni durucuena tjiga musa”, niga tinare. ¹⁵ Mahu sehe Cohamacu yare noano buhega. Ña yoa Cohamacu yare tuaro yoaga. Mu ña yoachu ñano “Noano yoare mahu”, ninohca Cohamacu mahure. Ña jicu mu buherire to ñuchu buo tisi mahu. Ña jicu to buheare noano masiga mahu. Tíre quihõno buhega. ¹⁶ Ti mu suro durucu yuhdurucaina ñaare ña yoarucu, Cohamacu yare yoerara. Ña jicu ti ña ni durucuare ña ñuocahga. Tinare tuhoi tjiga mahu. ¹⁷ Tina ti durucua sehe camino to ñano baa mujano yoaro sehe jira. Camino to ñano baa mujano seheta ti durucua cahu paina Jesu yainare ñaina wahachu yoahca. Ña durucuina mehne macaina Himeneo, Fileto cahu jira. ¹⁸ Tina “Jesu yaina masa muja tuhsure”, ni buhea, noaa buheare duhunocahre tina. Ña soro buhea caina Jesu yainare tirore wacu tua duhuchu yoahre tina. ¹⁹ Ti ña ñano buhepachata Cohamacu ya buhea sehe ne cohtotaerara. O sehe nina to buhea: “Mari puhtoro Jesu to yainare masina”, nina. Ña yoa o casure nina: “Jipihtina, ‘Jesu yaina jija’, niina ñaare duhunocajaro”, ni yahura Cohamacu ya buhea.

²⁰ Mari piti dahre buhechu masa pja wahwari yoaro sehe jira. Pjiri wahu uru, plata mehne ti yoaa wahwari jira. Tuhsu, ti wahu paye wahwari yucucu mehne, dihi mehne ti yoaa wahwari jira. Uru, plata mehne ti yoaa wahwari noare ti posahti jira. Paye wahwari wiho jiare ti posahti jira. ²¹ Ña yoa ñaare yoerariro uru wahwa noari wahwa yoaro sehe jirohca. Ña jiro tiro sehe Jesu ya dihtare yoarucuriro jirohca. Wahu

puero noari wahwa mehne noare to yoariro seheta, ñaare yoerariro Jesu ya cjihtire noare yoarohca.

²² Wahmano jira mahu. Ña jicu wahma yapia ñaare goa pja ti yoariro seheta yoai tjiga mahu. Ña jicu noare yoaga. Jesure wacu tuarucuga. Tuhsu, tirore, masa casure cahiga. Ña yoa mahu mehne macaina Jesu yaina mehne jicu cahmacheno marieno noano jiga mahu. Tina Cohamacure yuhtiina tirore sinirucuina cahu ña yoajaro. ²³ Ña jicu tuhuro marieno ti durucu yuhdurucare mahu cahu tuho ñuñi tjiga. Tuhsu, mahu cahu durucu yuhdurucai tjiga. Ña durucu yuhdurucaa masa ti basi cahma suara. ²⁴ Cohamacure dahra cohtarirore durucu yuhdurucareraro cahmana. Ña yoa jipihtinare noano yoariro, buhe mihniro, dóicãta suaerariro tirore jiro cahmana. ²⁵ Ña jiro paina tiro mehne ti durucu yuhdurucachu tiro tinare yahuro noano mehne suaro marieno yuhtiro cahmana tirore. To ña yuhtichu ña Cohamacu to yoadohoa mehne tina sehe ti ña yoare cahyaboca. Ña jia noaa buheare masi ducaboca. ²⁶ Tinare watino sehe peresu yoaro sehe jinare cuamare to cahmaare yoahina cjihtire. Ña jia quihõno ti tuhuro baharo noaa buheare masia, watinore cohãnocahca.

3

Pihtiri dacho cjihtore yahuha Paulo Timoteore

¹ Pihtiri dacho panocãre ñano yuhduhca masa. Tíre noano masiga mahu. ² Tí pjare masa painare wacu payoeraina, niherure cahma yuhdurucaina, “Painare yuhdurucaja”, ni ti basi tuhutuina, tíre painare ña ni yahurucuina, Cohamacure ñano durucuina, ti pucsumare yuhdurucaina, ti wapachata “Noana”, nieraina, Cohamacure ño payoeraina jahca. ³⁻⁴ Ña jia masare caheraina, paina mehne sua, tíre bo duaeraina, ñaa quititi

dahreina, ti m_u s_uro ñano yoarucuína, masare ã c_jãrucuína, noare ñ_u yabiina, tina mehne macainare ñano yoaina, t_uhotua marieina, “Masi pah_ñoína jija”, ni t_uhotuína jiahca masa. Tina ñaare ti goa pjaare yoa ji coaina jia Cohamac_u sehere cahmaeraina jiahca. ⁵ ã jia tina masa ti ñ_urocaroi Cohamac_ure ño payopahta “Cohamac_u wiho jiriho jira”, ni t_uhotumana tina. ã niinare piti tii tjiga m_uh_u.

⁶ Tina mehne macaina t_uho masieraa numia ya w_uh_usei sãa, tí numiare mah_ñoare buhera. Tí numia sehe ã ñaare yoarucua numia, tuaro ñaare yoa duara. ⁷ Tí numia wiho jia buheare ã buherucua numia jia, soro jia buheare t_uhoa numia jia, Cohamac_u ya buhea sehere ne masierara. ⁸ Panop_u Jane, Jambre yaya jirina Moise cjirore ti ñ_u tuhtiriho sehetá pihtiri dacho panocã jiina masa noaa buhea sehere ñ_u yabiahca. Tina ñaa dihtare t_uhotuína jiahca. ã jia Jesure wac_u tuaina waro jierara. ⁹ Tó sehe yoaina mah_ñoa bihosi. Baharo ti mah_ñoare t_uho masieraina ti jia c_uh_ure jipihtina masiahca. Jane, Jambre mehne ti mah_ñoare panop_u masa ti masiriho sehetá ãta masiahca pihtiri dacho panocã jiina ti mah_ñoare.

Paulo Timoteore duti batoaha

¹⁰ Y_u buheare, y_u yoaa tiare, y_u jia tiare, Jesure y_u wac_u tuaare masina m_uh_u. Y_u ã jiriho jich_u, suaro marieno yoariho y_u jich_u, masare cah_iriho y_u jich_u, ñano y_uhd_upaihta y_u cãno pjach_u masina m_uh_u. ¹¹ ã yoa y_uh_ure ti ñano yoaaare, y_u ñano y_uhd_uare masina m_uh_u. Antioquíai, Iconioi, Listrai y_uh_ure ñabiario ti yoari c_uh_ure masina m_uh_u. Y_u ã wahach_u ñano mari p_uhtoro Jesu sehe y_uh_ure yoadohore. ¹² Jipihtina Jesucristo yaina ti ji duach_u Cohamac_u to dutiriho sehetá ti yoarucu duach_u paina tinare ñano yoaaahca. Tí potocã tjira. ¹³ Ñaina sehe mah_ño buheina c_uh_u ñabiaina wahaahca. Painare

mah_ñoa, ti basi c_uh_u mah_ñoare t_uhoa, ãta ñabiaina wahaahca.

¹⁴ M_uh_u sehe m_uh_ure y_u buherire, noano m_u t_uhorire ã wac_urucuga. ã jic_u y_u buheriro sehetá yoaga. M_uh_ure buherinare masina m_uh_u. ¹⁵ M_uh_u wih_uriho jic_up_uta Cohamac_u yare ti joari p_ure masi d_ucari jire. To yare ti joari p_ui ò sehe ni yahura m_uh_ure: “Jesucristore wac_u tuaina dihtare pichacap_u wahaborinare y_uhd_uch_u yoara Cohamac_u”, ni yahura m_uh_ure. ¹⁶ Cohamac_u yare ti joari p_ui jipihtiare Cohamac_u sehe joa dutia tiri jire. ã jina tí p_ure buhena mari masi namoja. Tí p_ure buhena Cohamac_u dutiare mari yoah_ure masija. ã buhena mari ñaa yoarire “Ahri ñaa jica”, ni t_uhotuja mari. ã jiro tí p_u marine noaa sehere cohtota dutira. ã jiro dachoripe mari noare yoarucuhti cjihtire yahura tí p_u. ¹⁷ Cohamac_u yairo to ya p_ure buhero, masi pah_ñonohca. ã masino jipihtia noare yoa masinohca tiro.

4

¹ Jesucristo jipihtina bui p_uhtoro, tjua tahtiro, catinare, yariaina c_uh_ure buhiri dahre dutihtiro to ñ_urocaroi m_uh_ure ò sehe ni yahuihtja. Cohamac_u c_uh_u to ñ_urocaroi ò sehe ni yahuihtja m_uh_ure. ² Dachoripe masa ti t_uho duach_u ti t_uho duaerach_u c_uh_ure Cohamac_u yare yahuga. ã yahuc_u masa ti ñaa yoari buhirire masich_u yoaga tinare. ã yoa ti ñaa yoarire “Yoa namoena tjiga”, ni yahuga tinare. Noaa sehere yoa dutiga. ã buhec_u ne suaerariro, pumerariro jiga m_uh_u. ã jic_u ne painare buhe duhui tjiga. ³⁻⁴ Baharo, pa tehep_ure masa noaa buheare t_uho duasi. ã t_uho duaeraa ti cahmano sehetá yoaa, ti t_uho ji coaa dihtare buheinare cahmaahca tina. ã jia mah_ñoa buheare pay_u buheinare c_uh_uahca. Tina ã yoaa noaa buhea sehere cohã, ã ti buhemacanocarire t_uho n_un_uahca. ã jic_u noaa buheare buhe duhui tjiga m_uh_u. ⁵ M_uh_u c_uh_u

ã jicũ dachoripe tũho masiriro jiga. Ñano yũhdũpaihta cãno pjaga. Ñano yoa noaa buheare ã buherucuga. Cohamacũ mũhũre to yoa dutirire yoa pahũnocahga mũhũ.

6 Yũhũ Cohamacũ yare yũ yoari buhiri yũ yariahto mahanocã dũhsara. Ñ jicũ mahaa dachoricã catisiniihca. Ñ jicũ mipũre mũhũre dutija. 7 Yũ yariahto panocã ahrire yahuihtja: Jesu noaa buheare yũhũre buhe dutiro to cũrire noano buhe sohtori tihi. To dutiare noano yoa pahũnocahi. Ñ jicũ ñano yũhdũpaihta tirore ne wacũ tua duhuerahi. 8 Mipũre Cohamacũ yare yũ yoari wapare mũanopũ wihboro nica. Ñ jiro mari pũhtoro buhiri dahre dutiro quihõno yahuriro to tjua tahti dachoi to yare yũ yoari wapare warohca yũhũre pũhtoro to pisari soro uru mehne ti yoari sorore yũhũre to waboriro seheta. Paina cũhũre to tjua tahtore cohtainare tirore cahĩinare to yare ti yoari wapare warohca Jesu.

Paulo yahu namoha Timoteore

9 Yũ cahapũ cjero ñũi taga mũhũ. 10 Dema ahri yahpa macaa jipihtiare tuaro cahmano yũhũre yoadoho du-aeraro yũhũre cohã wahcãa wahahre Tesalõnicapũ. Crescente cãhũ Galacia yahpapũ wahahre. Ñ yoa Tito Dalmaciapũ wahahre. 11 Luca dihta yũhũ mehne jira. Marco yũhũre noano yoadohohtiro jira Cristo yare yũ buhechũ. Ñ jicũ tirore na tahga mũhũ. 12 Ñ yoa Tíquicore Efesopũ warocahi. 13 Õpũ tacũ, yũ bui sãari suhtirore, Troai Carpo ya wũhũi yũ cũri suhtirore na tahga. Ñ yoa sohõ jia tjuri joaa tjuri cũhũre na tahga. Sohõ jia cahsari joaa cahsari pinihtare tuaro cahmaja yũhũ. Ñ jicũ tí cahsari cũhũre na tahga.

14 Alejandro comaare dahrariro yũhũre ñabiaro yoare. Ñ jiro to ã yoari buhiri Cohamacũ tirore buhiri dahrerohca. 15 Tiro Alejandro mari buheare tuaro ñũ yabire. Ñ jicũ tiro

mũhũre “Ñano yoari” nicũ, tirore ñũcũ noano wacũ masiga.

16 Masare beserirore peresu yoa dutirirore yũ yoarire, yũ buheri cũhũre tirore yũ coã yahuchũ ne cũiro baro Jesu yairo yũhũre yoadohoerare. Jipihtina yũhũre yoadohoeraa cohã wahcãa wahahre. Ti ã cohãpachũta yũhũre ti cohãri buhiri Cohamacũ buhiri dahrero tjijaro.

17 Yũ ã wahapachũta Cohamacũ yũhũre yoadohohre. Ñ jiro to buheare yũ noano yahuhti cjihtire to tuaare wahre yũhũre, jipihtina judio masa jieraina tí buheare ti tũhohti cjihtire. Ñ jiro yũhũre ñano ti yoa duapachũta yũhũre ti wajãborirore yũhdũchũ yoare mari pũhtoro suaina yayare yũhũre to yũhdũchũ yoboriro seheta. 18 Jipihtina yũhũre ñano yoainare yũhdũrcaro, yũhũre yoadohorohca mari pũhtoro. Ñ jiro mũanopũ pũhtoro to sũho jiropũ yũhũre ji dutiro yũhũre yũhdũchũ yoarohca tiro. Ñ jina “Tiro noa yũhdũariro, tua yũhdũariro jira”, nijihna mari jipihtia dachoripe. Ñta nijihna.

Paulo noa dutiha Timoteo cahai jinarẽ

19 Prisca, Aquila, Onesíforo ya wũhũ macaina cũhũ noajaro. 20 Erasto Corintoj tjuahre. Trófimo Miletoj dohtia wahahre. Ñ jicũ tirore tõi cũhi yũhũ. 21 Puhiro pano cjero taga mũhũ. Eubulo, Pudente, Lino, Claudia cũhũ, jipihtina paina Jesu yaina mehne mũhũre noa dutira.

22 Mari pũhtoro Jesucristo mũhũ mehne jirohca. Ñ jiro Cohamacũ to cahĩa mehne mũsare jipihtinare noano yoajaro.

Tito

Paulo Titore joarocaha

¹ Yuh Paulo Cohamacure dahra cohtariro, Jesucristo yare buhe dutiro to cūriro jija. Cohamacu to beserina Jesure ti wacū tuhti cjihtire noaa buheare ti masihti cjihtire Jesu buhe dutiro yuhure cūre. Tí buhea Cohamacu to dutiro seheta mari yohtire yahura. ² Ā jicu jipihtia dachoripe Cohamacu yaina manopu ti jirucuhto cūhure buheja tinare. Cohamacu ne mahñoa marieriro ahri yahpare to bajuamehnehto pano õ sehe ni cūa tiri jire marine: “Manopu ā jirucunahca”, ni cūa tiri jire marine. ³ Ā jiro to quihõri pjai Cohamacu to ni cūrire yahu dutire masare. Tó seheta yuhure ni yahu dutire tiro. Marine pichacapu wahaborinare yuhdoriro jira tiro. ⁴ Mūhure Titore Jesu yare buhei. Yu ā buhechu tuhocu Jesure wacū tua ducare mūhu. Ā jicu mūhu potocāta yu macu yoaro sehe jicuta nina. Mūhure ahrire joarocai nija. Cohamacu mari Pucu mehne, Jesucristo marine yuhdoriro mehne mūhure noa dutija. Mūhure pja ña, cahā ti yoadohoa mehne noano jiga mūhu.

Creta wama tiri nūcoi Tito to yohtire yahu quihõha Paulo

⁵ Creta wama tiri nūcoi mūhure yu cūchu Jesu yaina ti buhehto cjihto dūhsasinire tí pjare. Ā jicu tí yohtire yahuhtiro cjihtore cūi yuh mūhure. Ā yoa macaripe macaina Jesu yaina puhto cjihtire bese duticu cūi mūhure. ⁶⁻⁸ Tina puhto Cohamacure dahra cohtaina jira. Ā jicu tinare besecu noinare besega soro yoerainare. Ā besecu, cāa numiata namo tiinare, “Painare yuhducāja”, ni tuhoturainare, suaerainare, cahaerainare, cahmacherainare, paina yare mahñoa mehne tuaro na duaerainare besega. Ā besecu ti wūhūse sāa sūinare noano ñu wihboinare, noaa

sehene noano ji coinare, tuho masiinare, noaare yoarucuinare, ñaa marieinare, ñaare yoerainare, caparo marieno dahrainare besega. Ā yoa mu besehtina pohnare õ sehe jiina jiro cahmana: Jesure wacū tuaina, noano yoarucaina, jipihtinare noano yuhtiina jiro cahmana puhto pohnare. ⁹⁻¹⁰ Ā yoa noaa buheare quihõno mari buherucuriro seheta ne duhueraina jijaro puhto mu besehtina. Ā jia tina noaa buheare yahuina jahca paina tí buhea mehne ti wahchehto sehe. Ā yoaa noaa buheare ñu yabiinare buhea, ti ya mahñoa ti jichu masichu yoahca tina. Ā jicu noano besega Jesu yaina bui puhto jihtinare.

Payu ti puhtoare yuhducaina, noano tuhutu durucueraina, mahñoina jira mipure. Ā yoaina judio masa pinihta ñabiaro yoaa nina. Ti ya buhea ti potocā jierachu tinare masichu yoaro cahmana. ¹¹ Tina judio masa sehe niñerure wapata duaa mahño buhera. Ā yoeraro cahmana tinare. Ā buhea cāa wūhūse macainare jipihtinare Cohamacu ya sehene cohāchu yoaa nica tinare. Ti ā yoachu tinare ā yoa dutieraro cahmana.

¹² Ti yare panopu yahuriro tina mehne macariro jiparota õ sehe ni yahuri jire: “Creta nūco macaina ā mahñorucuina jira. Tina nūcu macaina wahiquina yoaro sehe suaina jira. Ā yoa ā churucuina jia ne dahra duaeraa, capa bujūina jira”, niri jire tiro to ya nūco macainare.

¹³ To ā nia potocā tjira. Ti ā jichu ñucu tinare tuaro tuhtiga Jesu ya buhea sehene noano ti masihto cjihtore.

¹⁴ Ā jicu judio masa panopu macaina ti mu sūro ti nimacanocari cjirire, Jesu yare potocā jiare cahmaeraina ti dutia cūhure Creto macaina ti tuho nūnūerahto cjihtore tuhtiga tinare.

¹⁵ Buhiri marieina noa dihtare tuhutura. Ñaare yoarucaina, Jesure wacū tuaeraina sehe ñaa dihtare tuhutura. Tina ti tuhutura sehe ñaa

yǎhdũara. ǎ jia noa sehere bese masierara.

¹⁶ Tina “Cohamacũre masija sã” ni-
pahta, ñaare yoara. ǎ yoaina ti jichũ
ñũna Cohamacũre masieraina ti jichũ
masija mari. ǎ jia tina ñaa yǎhdũaina,
Cohamacũ yare yǎhdũũcaina jira.
Ne noaare yoa masierara.

2

Noa buheare quihõno yahu dutiha Paulo Titore

¹ Mũhũ sehe buhecũ noaa buhea
ti nino sehetã noano buhega.
² Bũcũnare õ sehe ni yahuga: Cua
pisaina, masa ti ño payoina, tũho
masiina, Jesure noano wacũ tuaina,
Jesure, masa cũhũre cahĩina, ñano
yǎhdũpahta cãno pjaina jijaro tina.
³ Bũcũ numia cũhũre ãta ni yahuga:
Cua pisaa numia, Cohamacũre ño
payoa numia, ñaa quiti dahrera
numia, cahaera numia jijaro tí
numia cũhũ. ǎ jia numia jia, noaare
buhejaro paye numiare. ⁴⁻⁵ Paye nu-
miare õ sehe ni buhejaro bũcũ numia:
Ti manũsumare, ti pohna cũhũre ti
cahĩhtore, tũho masia numia, paina
mũa mehne ñano yoaeraa numia,
cã wũhũ macaina jiina noano ñũ
wihboa numia, masa noaa numia, ti
manũsumare noano yũhtia numia ti
jihhtore buhejaro tí numia Cohamacũ
ya buheare paina ti dojomehnerahto
sehe.

⁶ ǎ yoa wahma yapia cũhũre õ sehe
ni yahuga: Tũho masiina jijaro tina.
⁷ Mũhũ sehe noaa dihtare yoarucuga
mũhũre ti ñũ cũhto sehe. Buhecũ
ne mahõono marieno buhega. ǎ
buhecũ cua pisaro mehne buhega
mũhũ. ⁸ ǎ buhecũ noano tũho
masino mehne noano buhega ne
paina “Ahrĩro ñano yoaro nina” ni,
mũhũre ti yahusãerahto sehe. Mũ
ã buhechũ ñũa marine ñũ tuhtiina
jipahta marine wiho warota yahusã
masierara. Marine wiho waro ã
yahusãmacanoca bũoro wahaahca
tina.

⁹ ǎ yoa dahra cohtainare õ sehe ni
yahuga: Ti pũhtoare noano yũhtiina

jijaro. ǎ jia ti pũhtoare noano
wahchechũ yoajaro. ǎ dihta yoajaro.
ǎ jia ti pũhtoare purĩno yũhtiea
tjijaro. ¹⁰ ǎ yoa ti pũhtoa yare yacaea
tjijaro. Tuhsũ, noaina, ti pũhtoa
dutiare quihõno yoarucuina jijaro. ǎ
noano yũhtiina ti jichũ ñũa Cohamacũ
marine yǎhdoriro to buheare tũho ji
coaahca paina.

¹¹ Masare to cahĩare Cohamacũ
masare ño tuhsũre. ǎ cahĩno jipihtina
pichacapũ wahaborinare Cohamacũ
tuaro yũhdo duara. ¹²⁻¹³ Masare ã
cahĩno Cohamacũ marine õ sehe ni
buhera: Cohamacũre ñũ yabiare, ñaa
goa pjaare duhunoca dutira marine.
Cohamacũ tuariro, Jesucristo marine
yǎhdoriro to si siteare mari ñũhti da-
chore, noari dachore mari cohtana
nija. ǎ jiro mari cohtari dacho panoi
tũho masiina, noaare yoarucuina,
Cohamacũ cahmaare yoarucuina,
marine ji dutira Cohamacũ. ¹⁴ Tiro
Jesucristo mari ya cjihhtireta yariari
jire jipihtia mari ñaa yoaare duhuchũ
yoaro taro marine to yaina wahachũ
yoaro taro. Mari ñaa yoari cjirire
to ã cohãchũ mari ñaa yoari buhiri
marieina jinahca. ǎ jina tuaro
noaare yoa duaina jinahca.

¹⁵ Ahri jipihtiare tí nũco macainare
Jesu yainare buhega mũhũ. Ti
pũhtoro jinocaita nina mũhũ. ǎ
jicũ tinare yahuga. Ti ñaare yoachũ
ñũcũ yahuga tinare. Jipihtina paina
mũhũre ño payoa mehne yũhtijaro.

3

Jesu yaina ti yoahti cjihhtire yahuha Paulo

¹ ǎ sehe ni yahuga tó macaina Jesu
yainare: Ti pũhtoare paina tinare
dutiina cũhũre noano yũhtiina jijaro.
Jipihtia noaare yoahtina jijaro. ² ǎ
yoa painare ne ñano quiti dahrea tjijaro.
ǎ jia masa noaina, jipihtinare
ñõ payoina jijaro.

³ Panopũre mari cũhũ tũho
masieraina, yǎhdũũcaina, mahõoare
tũho nũnũina, ñaare yoa ji coaina, tíre
goa pja duhu masieraina, dachoripe

ñaaare yoarucuina, paina ti cjaare cjoina jia timai mari cãhũ. ã yoa marine paina ñũ tuhtire. Mari cãhũ tinare ñũ tuhtimai. ⁴⁻⁵ ã jirina cjiri mari jipachũta Cohamacũ marine pichacapũ wahaborinare yũhdũchũ yoare. ã yũhdũchũ yoaro to noariro jiare, masare to cahã cãhũre marine ñono nire tiro. Noano mari yoari mehne yũhdũchũ yoerare marine. Marine pja ñũno mari ñaa yoari buhirire cosaro, Espiritu Santo mehne marine yũhdũchũ yoare. ã yoaro marine to pohna wahachũ yoare. ã to yoachũ Espiritu Santo sehe noaina mari jihtina cjihtire cohtotachũ yoare marine. ⁶ Jesucristo marine yũhdũchũ yoariro to yaria masa mũjaa mehne Cohamacũ to yairo Espiritu Santore ware marine pjĩro to tuaa mehne marine yũhdũchũ yoahitiro cjihto. ⁷ Marine cahĩno, marine noano yoa duare. ã yoa duaro tiro to yairo Espiritu Santore marine ware ñaa buhiri marieina mari jihto cjihtore, mũanopũ mari ã jirucuhto cjihtore. Mari ã jirucuhtore masina, tíre cohtana nija.

⁸ Tí yũ niri potocãta jira. ã jicũ tíre yũ ni joariro sehetã masare buhecũ tí dutiare yoa pahũno dutiga mũhũ. ã jicũ Cohamacũre wacũ tuainare tíre buhega noaare ti noano yoahito cjihtore. Ahri yũ ni buheri noaa buhea jira. ã jia jipihtina masa ahri buheare ti tũho nũnũchũ wiho waro jierara. ⁹ Paina ti durucua sehe yaba cjihti jierara. ã jia masierapahta ti ni yũhdũrũcaare mũ tũho nũnũchũ yaba cjihti jierara. ã jia ti coyea panopũ macaina ti jia tiare ti ni yũhdũrũcaare, Cohamacũ Moise cjirore to dutirire ti ni yũhdũrũcaare tí jipihtiare noano mũ tũho nũnũchũ yaba cjihti jierara. ã jicũ tíre tũho nũnũi tjiga.

¹⁰ Mũsa mehne macariro ã ni yũhdũrũcariro mũsare cahma tju wachũ to yoachũ ñũcũ “Yoai tjiga”, niga tirore. Pũa taha tíre tirore mũ yoa dutierari baharo to yũhtierachũ

ñũcũ tirore piti tiecũ tjiga. ¹¹ Tó sehe yoariro ñaa dihtare goa pjarucuriro jira. To ã jichũ ñũna to ñariro to jichũ masija mari.

Paulo duti batoaha

¹² Nicopolipũ puhĩro puro jii tai nija. ã jicũ Artemare o Tíquicore mũ cahapũ yũ waroca mũhtachũ yũ warocahtiro tóprẽ to sũchũ, Nicopolipũ yũhũre piti bocaga mũhũ tiro mehne. ¹³ ã yoa dutiare noano mihnrĩrore Zena wama tirĩrore, Apolo cãhũre noano yoadohoga tí wahahto cjihtore. ã yoacũ ti cahmaare jipihtiro tinare waga “Paye baro dũhsari”, nicũ. ¹⁴ ã jia Jesu yaina mari mehne macaina noaare yoapojaro paye barore dũhsainare ti yoadohohto sehe noaare yoarucuina tí jihto sehe.

Paulo noa dutirocaha Jesu yainare

¹⁵ Jipihtina yũhũ mehne macaina mũhũre noa dutira. Tói jiina Jesu yaina sãre cahĩina noajaro. Cohamacũ to cahã mehne mũsare jipihtinare noano yoajaro.

Filemón

Paulo Filemo wama tirirore joarocaha

¹ Yuhũ Paulo, Jesucristo yairo yu jiri buhiri peresupũ jija. Yuhũ, mari coyeiro Jesu yairo Timoteo mehne mũhũre Filemore joarocaja sã. Mũhũ sã cahĩriro Cristo yare sã mehne dahradohoriro jira mũhũ. ² ã jina Jesu yaina mũ ya wuhũ cahmachuina cãhũre joarocaja sã. Mari coyeacoro Jesu yacoro Apia cãhũre joarocaja sã. Arquipo cãhũre joarocaja sã. Arquipo sehe sã yoaro sehe Cristo yare yahuriro jira. ³ ã jina Cohamacũ mari Pũcũ, mari puhtoro Jesucristo mehne mũsare noa dutija. Cohamacũ to macũno mehne ti cahĩa mehne, ti yoadohoa mehne noano jiga mũsa.

Filemo painare to cahĩare, Cristore to wacũ tuaare yahuha Paulo

⁴⁻⁵ Yu coyeiro Jesu yairo Filemo, Cohamacũre mũhũre sini payocũ mũhũre wacũcũ “Noana”, nija tirore. Cristore mũ cahĩchũ, tirore mũ wacũ tuachũ, paina Cohamacũ yainare mũ cahĩchũ tãhorocahi yuhũ. ã jicũ Cohamacũre “Noana”, ni wahcheja. ⁶ Cristore mari wacũ tuana cãno potori to yaina jina nija mari. ã wacũ tuaina jina, Cristore mari noano cahĩna, pjĩro noaare cjuanahca mari. Tĩre mũsa noano masihtõ sehe sini payoja Cohamacũre. ⁷ Coyeiro, mipũre painare mũ cahĩchũ tãhocũ wahcheja yuhũ. Jipihtina Cohamacũ yainare noano wahchechũ yoayuhti mũhũ. Mũ ã yoachũ tãhocũ wahcheja yuhũ.

Paulo Onésimo ya cjihtire sini payoha Filemore

⁸⁻¹⁰ ã jicũ mipũre Onésimore mũhũre dahra cohtarirõre mũ yoahĩre mũhũre sini payo duaja. Peresupũ yuhũ mehne to jichũ Cristo yare yahuhi yuhũ tirore. Tĩre tãhoro Cristore cahmahre tiro. ã yoaro tiro

Cohamacũ yairo wahahre. ã waharo yu macũ yoaro sehe jiriro jira. ã jicũ yuhũ Paulo bucũro jicũ Cristo yare yu buheri buhiri peresui jicũ mũhũre yahurocaĩhtja Onesimore mũ yoahĩre. Cristo buhe dutiro to cũriro jija yuhũ. ã jiriro jicũ tirore mũ yoahĩre dutiboa yuhũ. ã jiriro jipaihta mũhũre dutisi yuhũ. Cahĩa mehne mũhũre yahurocaĩhtja tó purota.

¹¹ Cristo yairo to jihto pano Onésimo mũhũre dahra cohtariro jiro yaba cjihti jierasiniri jire. Mũhũre noano yoadoho masierasiniri jire. Mipũ pinihtare tiro mũhũre, yuhũ cãhũre noano yoadoho masiriro jirohca. Mipũre Cristo yairo jiro wiho jiriro waro jierara. ¹² ã jicũ mipũre tirore mũhũre waroca tjuĩ nija. ã jicũ tirore noano piti bocaga mũhũ. Tirore tuaro cahĩja. ¹³ Noaa buheare yu buheri buhiri peresupũ yu jiro watoi tirore yuhũre yoadoho dutiboa yuhũ tirore warocaeracũ. Yuhũ mehne tjuã dutiboa yuhũ. Mũhũ sehe yuhũre mũ yoadoho masierachũ tiro sehe yuhũre yoadohoriro tjuaboa, tirore warocaeracũ. ¹⁴ Yuhũre yoadohoboriro to jipachũta tirore mũhũre waroca tjuja. Mũhũ sehe tirore “Paulo mehne tjuasiniga”, mũ nichũ masicũ yuhũ mehne tirore tjuã dutiboa yuhũ. Yuhũ sehe “Yuhũ mehne cũga tirore”, ni duaeraja mũhũre. ã jicũ tirore waroca tjuĩ nija. ¹⁵ Tiro Onésimo mahaa numũricã mũhũre to duhti wahcãri baharo pari turi mũhũ mehne jira. Cohamacũ to cahmariro seheta mũhũre duhti wahcãri jire tiro Cohamacũ yairo to wahahto sehe, yu tãhotuchũ. ã jiro pari turi mũhũ mehne jiro ã jirucurohca mũhũ mehne. ¹⁶ ã jiro tiro mipũre dahra cohtariro jierara. Dahra cohtariro bui curero jiriro jira tiro, yu ñũchũ. Mipũre tiro mũ coyeiro Jesu yairo jira. ã jicũ tirore tuaro cahĩja. Mũhũ sehe yu yuhũdoro tirore cahĩhca. Mũ ã cahĩriro jiro dahra cohtariro jisiparota mipũre dahra

cohtariro to jiriro sehe jierara tiro. Tiro m̄a coyeiro Jesucristo yairo jira.

¹⁷ ã jic̄a ȳh̄are m̄a piti bocaboriro seheta Onésimo c̄h̄are noano piti bocaga. M̄h̄a mehne macariro ȳa jich̄a t̄hotuc̄a tiro c̄h̄are noano piti bocaga m̄h̄a. ¹⁸ ã jic̄a m̄h̄are soro to yoariro jich̄a m̄h̄are to wapamoriro jich̄a ȳh̄a sehe tíre wapaihtja. ¹⁹ Ȳh̄a Paulo ȳa basi ahrire m̄h̄are yahu joaihtja: Ȳh̄a sehe wapaihtja m̄h̄are. M̄h̄are ȳa buheri baharo Cristo yairo wahac̄a jipih-tia dachoripe Cohamac̄a mehne jirucuh-tiro jira m̄h̄a. M̄h̄are ȳa ã buheri baharo m̄h̄a c̄h̄a ȳh̄are p̄j̄iro wapamoriro jiboca. M̄a ã jipach̄ata m̄h̄are wapaihtja to wapamonore. ²⁰ Ȳa coyeiro ȳa cah̄i-ro mari p̄h̄toro Cristo yairo jira m̄h̄a. Cristo yairo jic̄a ȳa coyeiro jira m̄h̄a. ã jiriro jic̄a ȳh̄are noano wahchech̄a yoaga. (ã jiriro jic̄a Onesimore noano piti bocaga.)

²¹ Ahri ȳa yahurire noano yoaihca m̄h̄a. Ȳa yahuri ȳahdoro yoaihca m̄h̄a. Tíre masic̄a m̄h̄are joarocai nija. ²² Ahri c̄h̄are yahuihtja m̄h̄are. M̄sa cahar̄a ȳa wahahto sehe Cohamac̄are sini payoyuhti m̄sa ȳh̄are. M̄sa ã sini payorire tiro ȳhtiboca. “Jai” to nich̄a cahmaja ȳh̄a. ã jic̄a m̄sa cahar̄a ȳa s̄hti tahtiare cahnoyuga m̄h̄a.

Paulo noa duti batoaha Filemore

²³ Epafra m̄h̄are noa dutira. Tiro sehe Cristo yare to yoari buhiri ȳh̄a mehne peresup̄a jiriro jira. ²⁴ ã jia Marco, Aristarco, Dema, Luca mehne m̄h̄are noa dutira. Cristo yare ȳa buhech̄a tina sehe ȳh̄a mehne buheina jira.

²⁵ Mari p̄h̄toro Jesucristo to cah̄ia mehne m̄sare noano yoajaro.

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu mahtaina cjirire yahu dutiro, a yahua tiri jire tiro mari coyeare. ² Mipure pihtiri dacho panocai jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, manano cahure yoariro jira. To Pucuro sehe pihtiri dacho panocai jipihtiare cjahtirore cūa tiri jire tirore. ³ Ā jiro to macuno sehe to Pucuro si siteare cjariro jiro, cāno potori to Pucuro yoaro seheta jiro, to Pucuro to jia tiare marine ñona. Ā yoa to macuno to tuaa mehne to dutichu ahri yahpa, manano cahu ā jirucura. Ā yoa mari ñano yoari buhirire to cosari baharo manopu to Pucuro tua yuhdariro poto buhusehei dujiri jire tiro, to puhtoro jiare ñono.

Cohamacu macuno anjoa bui jira

⁴ Tiro Cohamacu macuno wama tira. Tí wamare cūri jire Cohamacu tirore. Ā wama tiro paina bui puhtoro jira. Ā jiro tiro anjoa yuhdoro tua yuhdaricariro jira. ⁵ To yaina anjoa sehere Cohamacu ne ō sehe ni yahuerari jire: “Yu macu jira manhu. Michare yu macu mu jiare masichu yoaihca”, niri jire Cohamacu to macunore. Anjoa sehere ne ō sehe ni yahuerari jire. Tinare ahri cahure ne yahuerari jire: “To pucuro jija yuhu. Ā yoa tiro yu macu jira”, niri jire Cohamacu to macunore. Anjoa sehere ne ō sehe ni yahuerari jire. (Ā jiro to macuno tina yuhdoro tua yuhdaricariro jira.) ⁶ Pa tehe to macunore wahma masa bajuarirore

ahri yahpai cūno ō sehe niri jire Cohamacu tirore:

“Jipihtina yu yaina anjoa na tuhcuca caha su, ño payoahca tina yu macure”,

niri jire tiro. ⁷ Ā yoa to yaina anjoa sehere yahuro taro ō sehe niri jire tiro:

“Yu yaina anjoare wihnono yoaro sehe pjacu tichu yoaja yuhu.

Tina yuhure dahra cohtaina jira.

Tinare pichaca yoaro sehe pjacu tichu yoaja yuhu”,

ni yahuri jire Cohamacu. ⁸ Tinare ā niparota to macuno sehere ō sehe niri jire:

“Manhu Cohamacu jipihtina bui puhtoro ā jirucuihca.

Quihōno dutiuhca manhu mu yainare.

⁹ Mahñono marieno yoare, noano yoare tuaro cahmana manhu.

Ā jicu ñaa yoare ñu yabira manhu.

Mu ā jiriro jichu ñucu yuhu mu Pucu jipihtina paina yuhdoro manure wahchechu yoahi”,

niri jire Cohamacu to macunore.

¹⁰ Ahri cahure niri jire tiro to macunore “Puhtoro”, ni pisuro:

“Puhtoro, wahmanopure ahri yahpare, manano cahure ba juamehnere manhu mu basi.

¹¹ Tí jipihtia cohtota pihtia wahaahca.

Manhu sehe ne cohtotasi.

Ā jirucuihca manhu.

Tí jipihtia suhtiro to baa boraro seheta pihtia wahaahca.

¹² Tí jipihtia manore ahri yahpa cahure cohtotachu yoaihca manhu.

Manano suhtirore mu cohaboro seheta tí jipihtiare cohtotachu yoaihca manhu.

Suhtirore tjuwe na mu cohtotaro seheta tí jipihtia cohtotaahca.

Manhu sehe ne cohtotasi.

Ā jirucuihca manhu”,

niri jire Cohamacu to macunore.

¹³ Ne anjoa sehere ahrire yahuerari jire Cohamacu:

“Yu poto buhusehei dujiga manhu.

Puhtoro jira manhu.

Ã jicũ mũhũre ñũ tuhtiinare doca dahre, yũhdũrũcabasaihtja.

Tina bui pũhoro jiihca mũhũ”, niri jire Cohamacũ to macũnore. ¹⁴ Jipihtina anjoa sehe Cohamacũre dahra cohtaina jira. Ã jiro Cohamacũ warocara tinare to yaina anjoare Cristo to yũhdũchũ yoahťinare yoad-oho dutiro.

2

Cohamacũ yare noaa buheare marine ã tũhotunocano cahmaerara

¹ Ã yoa Cohamacũ macũno waro marine yahuriro to jichũ masina to yahure mari tũhorire noano wacũno cahmana marine, “Tĩre bori”, nina. ² Anjoa masare Cohamacũ dutia cjirire ti yahu cũ turiariro seheta tí dutiare yũhdũrũca dutierari jire. Ã jia masa sehe anjoa ti yahurire ti yũhdũrũcachũ ñũno Cohamacũ tinare quihũno buhiri dahreri jire. ³ Anjoa ti yahurire mari yũhtiri yũhdoro Cristo sehene yũhtiro cahmana. Tiro mari pũhoro marine to yũhdũchũ yoahťore yahu mũhtari jire. Ã jia tirore tũhorina sehe to yahurire marine yahu turiare marine noano masichũ yoaa taa. Ã jiro tí buheare marine to yũhdũchũ yoahťi buheare mari ã tũhotunocachũ Cohamacũ tuaro marine buhiri dahrerohca. Tĩre duhti masieraja mari. ⁴ Tĩ buheare tũho mũhtaina painare ti buhero watoi Cohamacũ sehe tí buhea quihũnota ti jichũ ñono nire. To tuaa mehne ñono nire. Ã yoa payũ tahari to tuaa mehne yoa ñono, tí buheare quihũno ti jichũ ñono nire. Ã yoaro to yainare ti yoahťire to cahmano seheta cũri jire to buhea quihũno ti jiare ti masihti. Espĩritu Santo sehe jira marine ã yoa masichũ yoariro.

Jesucristo mari yoaro seheta pjacũ tĩro masa bajuaha

⁵ Pihtiri dacho baharoi jiina Cohamacũ cahai jiina michapucacã yũ yahurina cjiri bui pũhota jisi anjoa

sehe. Tina anjoare pũhota sũsi Cohamacũ. ⁶ Wiho mejeta cãiro Cohamacũre to durucurire õ sehe ni joari jire panopũ:

“Masa wiho jiina ti jipachũta tinare wacũna mũhũ. Masare noano yoara mũhũ.

⁷ Mahaa nũmũricã anjoa docai masare cũri jire mũhũ.

Ã cũpacũta mipũre tinare tuaare wacũ pũhota sũri jire mũhũ.

⁸ Mũ ã sũchũ ahri yahpa macaa bui jipihtia bui jira masa”,

niri jire panopũ macariro Cohamacũre. Ã cũno ahri yahpa macaina wahiquina jipihtina bui, jipihtia bui cũri jire Cohamacũ. Masare to ã pũhota sũpachũta jipihtina ahri yahpa macaina, ahri yahpa macaa bui jierasínica masa.

⁹ Ã tina bui jierasínipanahta, Jesu sehene masija mari. Mahaa nũmũricã anjoa docai Cohamacũ to macũno cãhũre cũri jire, mari yaro jiborirore yariahtirore. Cohamacũ marine cahĩno Jesure mari yariaborirore to yariachũ cahmari jire. Ã jiro to ã yariachũ ñũno tirore tuaare waro, pũhoro sũri jire tirore.

¹⁰ Cohamacũ jipihtiare bajuamehneriro jira. Ã yoa jipihtia to ya dihta jira. Ã jiro Jesure to yaria dutichũ, tiro sehe mari ñaa yoari buhirire cohãri jire. Ã cohãri jire tiro masa payũ to yaina jihtinare mũanopũ naano taro. Jesu to ñano yũhdũchũ masare yũhdũchũ yoahťiro Cohamacũ to waha dutiro seheta yoaro niri jire tirore. To ã yoachũ pinihta noa nina. Ã jiro Jesu sehe marine yũhdũchũ yoariro waro, mari pũhoro jira. ¹¹ Jipihtina masare ti ñaa yoari buhirire Jesu, to cosawerina mehne pũcũ tira Cohamacũre. Ã jiro mari Pũcũ cãirota jira. Mari Pũcũ to jichũ Jesu marine to yainare to cosawerinare “Yũ coyea jira”, ni pisuro ne bũo tierara. To ã ni pisurire mũsare yahuihtja. ¹² Õ sehe nino niri jire tiro:

“Cohamacu, mu jia tiare yahuihtja yu coyeapure.

Jipihtina yu yaina panoi mure ño payocu ‘Tuariro jira’, ni yahuihtja yu tinare”,

niri jire tiro to Purore. ¹³ Ahri cãhure niri jire tiro:

“Cohamacure wacũ tuaihca yu”, niri jire tiro. Ahri cãhure niri jire tiro:

“Õi jija yu.

Cohamacu pohna mehne õi jija.

Yuhure to cãrina yu coyea mehne õi jija’, niri jire tiro to yainare ‘Yu coyea’”,

ni pisuro.

¹⁴ “Cohamacu pohna”, to niina pjacu tiina mari jichu ñano, Jesu sehe mari ya pjacu yoaro sehe jiriro tari jire. ã jiriro tari jire tiro crusapu yariaro taro, watĩno butichu yoaro taro. Tiro watĩno sehe yariachu yoariro jira. ¹⁵ ã yoa watĩno butichu yoaro, marine yuhduchu yoare. Mari sehe dachoripe mari yariahtore cuimai. ã cuiina jina pichacapu wahaborina jimai mari. ã jiina mari jichu ñano tiro marine yuhduchu yoare. ¹⁶ ã yuhduchu yoaro anjoa sehere yoadohoro taerari jire tiro. Abrahã panamanare Cohamacu yainare mari sehere yoadohoro tari jire. ¹⁷ ã taro tiro mari coyeiro warota tari jire. Cãno potori mari yoaro sehe pjacu tiriro tari jire. ã taro mari yuhduhtire mari ñaa yoari buhirire Cohamacure cohã dutiro taro niri jire. ã yoaro mari sacerdotea puhtoa bui puhtoro to yoariro sehe yoaro taro niri jire. Mari yoaro sehe jiro marine noano pja ñana. ã yoa marine noano yoadohora. ã jiro tiro mari sacerdotea puhtoa ti bui puhtoro jiro nina Cohamacure dahra cohtariro jiro. ¹⁸ Tiro ñano yuhduri jire. ã jiro watĩno tirore ñano yoa dutimari jire. Yoerari jire tiro. ã ñaare yoerari jiro, tiro sehe mari cãhure ñaare yoerachu yoa masina. Watĩno to ñaare to yoa dutichu ñano

marine ñaare yoerachu yoa masina Jesu.

3

Jesu Moise cjiro bui jiriro jira

¹ Jesu to ã jiriro jichu ñana tirore noano wacũga masa. Yu coyea Jesu yaina, Cohamacu to beseina jira masa. Tiro Jesu sehe Cohamacu to warocariro jiro mari sacerdotea puhtoa ti bui puhtoro jira. To buheare noaa buheare mari quihõno tãho, buheja. Tiro sehe Cohamacu warocariro, mari sacerdotea bui puhtoro to jia tiare noano wacũga masa. ² Cohamacu tirore marine to yuhduchu yoahore to cũchu tiro sehe to cãriro sehta yoari jire. Ne yuhdurucaerari jire. Moise cjiro cãhu Cohamacu yaina Israe masare yoadohoro ne yuhdurucaerari jire. ãta yoari jire Jesu cãhu. ³ Moise cjirore ti ño payoriro yuhdoro Jesu sehere ño payoro cahmana marine. Õ sehe jira tí mari piti dahre buhechu: Wuhure mari ño payoriro yuhdoro wuhu dahreriro sehere ño payoro cahmana marine. ã jiro Jesu sehe wuhu dahreriro yoaro sehe jiriro to jichu Moise cjirore mari ño payoriro yuhdoro tiro sehere ño payoro cahmana marine. ⁴⁻⁶ Õ sehe jira ti: Mari Cristo yaina Cohamacu ya curua macaina jija. Cristo sehe wuhure to cãboriro sehta marine to ya curua macaina cjihtire cũno nina. Masa sehe wuhuse yoaina jira. Cohamacu sehe jipihtiare yoariro jira. Moise cjiro sehe Cohamacu ya curua macainare yoadohorucuriro jiro, baharopu Cohamacu to yahuhtore yahua tiri jire masare. Cristo sehe Cohamacu macano jiro, Cohamacu yare yoarucuriro jiro, Cohamacu ya curua macaina bui puhtoro jira. To ã jiriro jichu ñana Moise cjirore mari ño payoriro yuhdoro Cristo sehere ño payoro cahmana marine. ã jina mari sehe Cristore wacũ tua duhuerana, marine to yuhduchu yoahore ã

wahcherucuna to ya curua macaina jija mari.

Cohamacu to yainare tiro mehne ti noano sochu cahmana

⁷ Ña jina Cristore mari wacũ tua duhueratore õ sehe yoaro cahmana marine. Õ sehe nina Espiritu Santo:

“Michare yahu Cohamacu musare yu yahuchu, yuhti duaeraina jiena tjiga.

⁸ Noano yuhtiga musa yuhure.

Panopu Israe masa masa marienopu jia, ata yuhducarucure yuhure.

Ña jina tina yoaro sehe yoarena tjiga musa yuhure.

⁹ Torpare cuarenta cuhmari waro tinare yu tuaa mehne yoa ñomai.

Yu ña yoa ñopachuta tina sehe õ sehe ni tũhotua timare: ‘¿Ñare mari yoachu ñano Cohamacu marine buhiri dahrebocari?’ ni tũhotua timare.

Ña ni tũhotua ñano yoa ñua tire.

¹⁰ Ti ña yoachu ñucu tina mehne suai.

Ña suacu õ sehe nii: ‘Tina yu durucure tũho duaeraa, soro jia buheare ña wacũmacarucua nina.

Ya sehere ne yuhti duaerara’, nii tinare.

¹¹ Ña jicu tina mehne suacu õ sehe ni yahui: ‘Tina yuhu mehne macaina ne jisi.

Ña jia wapu tiro marieno jisi tina’, ni yahuri jire Cohamacu”, niri jire Espiritu Santo sehe.

¹² Ña jina yu coyea, noano yoaga musa, “Cohamacure cohãri”, nina. Musa ñare tũhotuna, Cohamacure catirirore wacũ tuaerana, tirore cohãboca musa. Ne cũiro musa mehne macariro ña yoaero tjiaro. ¹³ Ña jina ahri sehere yoaro cahmana musare: Musa mehne macainare dachoripe Cohamacu yare musa basi cahma durucuga “Ñare yoari”, nina. Ñare yoana, “Tí mehne wahcheja” nina, mahñoare tũhotuna nija mari. Ña ni tũhotuena tjiga. Ñare yoarucuna

Cohamacu ya sehere ji coaeraja mari. Ña yoana ñare duhu duaeraja. “Ña yoari” nina, musa mehne macainare Cohamacu yare musa basi cahma durucuga. Cristo to tahto pano dachoripe tire ña cahma durucurucuga. ¹⁴ Wahmanore Cristore mari wacũ tua ducariro sehta tó sehta mari wacũ tuarucuna, mari catiro puro to yare duhuerana, tiro mehne macaina jija.

¹⁵ Õ sehe nina Cohamacu yare ti joari pũi:

“Michare yuhu Cohamacu musare yu dutichu noano yuhtiga musa yuhure.

Panopu macaina Israe masa yu yahupachuta ño payo duaeraa, yuhure yuhti duaerare.

Ña jina tina yoaro sehe yoarena tjiga musa, niri jire Cohamacu”,

ni joaa tiri jire panopure. ¹⁶ Ña yoa Cohamacu to yahurire tũhomarina jipahta tina tirore yuhtierari jire. Tina jipihtina Egiptopu jiina Moise to na wiorina jipahta tirore ne yuhtierari jire.

¹⁷ Ña jia ña ñano yoarucua, cuarenta cuhmari waro Cohamacure suachu yoa mujaa tiri jire. Ti ña yoari buhiri masa marienopu yariari jire tina. ¹⁸ Tirore ti ña yuhti duaerachu ñano õ sehe cua pisaro mehne niri jire tiro: “Tina yuhu mehne macaina ne jisi. Ña jia wapu tiro marieno ne jisi tina”, niri jire tiro. ¹⁹ To ña nichu tũhona ahri sehere masinahca mari: Tina Cohamacure ti wacũ tuaerari buhiri tiro mehne macaina ji masierari jire. Ña jia tiro mehne noano so masierari jire.

4

¹ Ña jiro panopu macainare tiro mehne ti noano sohtore cahmano, tinare “Yuhu mehne wapu tiro marieno sonahca”, ni cũri jire Cohamacu. Mari cũhure ata ni cũri jire tiro. Ña jina cuaro mehne Cohamacure yuhducaena tjijihna mari, “Cohamacu yare yoa moñori”, nina. Ña yoa moñona tiro mehne noano sosi mari. ² Panopu macaina

cjiri Cohamacu yare ti tũhoriro seheta mari cãhu noaa buheare tũhohi. Tina tũho mãhtaina cjiri sehe tũhoa, “Cohamacu ya waro jira”, ni tũhotuerari jire. ã jia ti tũhori cjiri yaba cjihti jierari jire. ³ Mari sehe tirore wacũ tuana Cohamacu mehne macaina jija. ã jina tiro mehne noano jinocahna, tiro mehne sonahca. Wapũ tiro marieno jinahca. Cohamacu to niriro seheta jira tí. Õ sehe niri jire tiro tirore yũhtieraina cjirire:

“Tina mehne suacu cuaro mehne ã sehe ni yahui: ‘Tina yũhu mehne macaina ne jisi.

ã jia wapũ tiro marieno ne jisi’, ni yahui”,

niri jire Cohamacu yare ti joari pũi. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro. ⁴ Ahrire mari masija. Seis dachori ahri yahpare to yoari baharo to dahra duhurire yahuro ã sehe niri jire Cohamacu ya durucua ti joari pũi:

“Seis dachori baharo jipihtiare to dahraare pahũono, Cohamacu dahra duhuri jire”,

niri jire to yare ti joari pũi. ⁵ ã yoa pari turi Cohamacu yare ti joari pũi ã sehe ni yahura tiro mehne noano jierainare:

“Tina yũhu mehne macaina ne jisi.

ã jia wapũ tiro marieno ne jisi, niri jire Cohamacu”,

nina to yare ti joari pũi. ⁶ Noaa buheare tũho mãhtaina tirore ti yũhdũrcari buhiri tiro mehne macaina jisi tina. ã jia tiro mehne wapũ tiro marieno jisi tina. Paina sehe tiro mehne macaina jiahca. ã jia tiro mehne wapũ tiro marieno soina jiahca. ⁷ ã jiro masare to yũhdũchũ yoahiti dachori paye dachorire cũri jire pari turi Cohamacu. Tí dachorita mipũre jira. Payũ cũhmari baharo Israe masa cjiri Cohamacure ti tũho mãhtari baharo tí dachorire yahuri jire Davi cjiro sehe. Cohamacu

tirore to yahu dutichũ yahuri jire tiro. Cohamacu ya durucua ti joarire mãsare yũ yahua dachorire ã sehe ni joari jire Davi cjiro:

“Ahri dachorire yũhu Cohamacu mãsare yũ yahuchũ yũhdũrcaro marieno noano yũhtiga mãsa yũhũre”,

ni joari jire panopũre. ⁸ Tí pjarũre Josué cjiro Israe masare Cohamacu to wari yahpai na sũri jire. “Yũhu mehne wapũ tiro marieno soina jiahca” nino, tí yahpai ti sohtore nino nierari jire Cohamacu. Tí yahpai so dutiro, paye dachori to yũhdũchũ yoahiti dachorire cũeraboa tiro. ⁹ Wiho mejeta seis dachori baharo ahri yahpare to yoari baharo Cohamacu to dahra duhuriro seheta mari to yaina cãhu tiro mehne wapũ tiro marieno mari sohto jirohca. Tiro mehne mari noano jihto jirohca. ¹⁰ Cohamacu sehe to dahrarire duhunocasiniri jire. Tó seheta tiro mehne soina cãhu mari wapũ tirire duhunocanahca. ¹¹ ã jina mari to yaina noano yoajihna. Cohamacu yare noano yũhtijihna tiro mehne mari noano sohto sehe. Panopũ macaina mari coyera cjiri ti yũhdũrcari baharo Cohamacu mehne macaina ji masierari jire tina. Tina yoaro sehe yoarena tjijihna mari.

¹² Cohamacu ya durucua marine catichũ yoara. Noaa sehere marine cohtotachũ yoara. ã jia to ya durucua wiho jia jierara. ã yoa ñosari pjĩ rũ bũhũseheri siori pjĩ mehne dihirore ti yĩhso ñũ ti masiriro seheta to ya durucua cãhu mari jia tiare noano masichũ yoara. To durucua mari tũhochũ, tíre mari buhechũ mari jia tiare, mari tũhotua cãhũre noano masi pahũochũ yoara marine. ¹³ Ne Cohamacure mari jia tiare mari dohse yoarire nũo masieraja mari. Jipihtiare to bajuamehnerire, to bajuamehnerina cãhũre ñũna tiro. ã jina mari yoarire tirore yahu yũhdũro cahmana marine.

Jesu tuariro mari sacerdotea

p̄h̄toa bui p̄h̄toro jira

¹⁴Jesu Cohamac̄ mac̄no to P̄uc̄ro cahap̄ tjuariro jira. Tiro tuariro mari sacerdotea p̄h̄toa bui p̄h̄toro jira. ã jiro marine Cohamac̄re sini payora. To ã jiro jich̄ ñ̄na mari sehe to yare noano ȳhtijihna. Tirore noano wac̄ tuarucujihna. ¹⁵Tiro mari sacerdotea p̄h̄toa bui p̄h̄toro mari ñ̄no ȳhd̄ch̄ ñ̄no noano p̄a ñ̄riro jira. Mari ñ̄aa goa p̄aare masina tiro. Wat̄no jipihtiare ñ̄aare marine to yoa dutiro sehetā tiro c̄h̄re ñ̄aare yoa dutimari jire. To ã yoa dutipach̄ta tiro ñ̄aare yoaerari jire. ã ñ̄aare to yoa dutimariro jiro, marine p̄a ñ̄no tiro yoadoho masina marine. ¹⁶ã jina cuiro marieno Cohamac̄re sinijihna. Tiro marine cah̄na. ã jiro tirore mari sinich̄ tiro sehe p̄a ñ̄no, marine yoadohorohca. Wat̄no marine to ñ̄aare yoa dutich̄, mari ñ̄no ȳhd̄ch̄ c̄h̄re tiro marine yoadohorohca.

5

¹Sacerdotea p̄h̄toa bui p̄h̄torore besero, mas̄nore besera Cohamac̄. ã to beseriro jiro sacerdotea p̄h̄toa bui p̄h̄toro sehe tiro mehne macainare yoadohoro taro, Cohamac̄re dahra cohtariro jira. ã jiro ti ñ̄aare ti yoari buhiri Cohamac̄re sinibasara tiro mehne macainare. Wahiquirore waj̄ j̄ m̄ono, Cohamac̄re sinibasara. ²Sacerdotea p̄h̄toa bui p̄h̄toro paina masa yoaro sehe noano masi pah̄noerariro jira. ã masi pah̄noerariro jiro paina masierainare yoadoho masina. ã jiro noano yoaeraina c̄h̄re noano yoadoho masina. ³ã jia sacerdotea noano yoa pah̄noeraina jia ñ̄aa buhiri tiina jira tina c̄h̄. ã jia ti basi ti ñ̄aare ti yoari buhiri wahiquirore waj̄ j̄ m̄o, Cohamac̄re sinina. Paina masare yoadohoa taa, ti ñ̄aa buhiri ti sinibasariro sehetā ti basi ti ñ̄aa buhiri c̄h̄re sinina Cohamac̄re.

⁴To basi to m̄ s̄uro sacerdotea p̄h̄toa bui p̄h̄toro s̄aerara. Cohamac̄ sehe tirore besero, sacerdotea p̄h̄toa bui p̄h̄toro s̄ona. Panop̄ macariro Aar̄o cjirore to c̄riro sehetā paina sacerdotea p̄h̄toa bui p̄h̄toro c̄h̄re c̄na tiro. ⁵T̄o sehetā Cristo c̄h̄ to basi to m̄ s̄uro sacerdotea p̄h̄toa bui p̄h̄toro s̄aerari jire. Cohamac̄ sehe tirore p̄h̄to s̄ono, ò sehe niri jire:

“Ȳ mac̄ jira m̄h̄.

Michare ȳ mac̄ m̄ jiare masich̄ yoaihca”,

niri jire Cohamac̄. ⁶Pa tehe ò sehe niri jire Cohamac̄ Cristore:

“Jipihtia dachoripe sacerdote jirucuihca m̄h̄.

Melquisede to jiro sehetā sacerdote jirucuihca m̄h̄”,

niri jire to mac̄nore. ⁷Cristo ahri yahpai jiro sañurucua mehne, yahco mehne Cohamac̄re tuaro siniri jire tiro “Ȳh̄re masoga”, nino. Cohamac̄ sehe tirore yariarore maso masiriro jira. To ã sinich̄ Cohamac̄ t̄h̄ori jire tirore. Cohamac̄ cah̄maa dihtare to yoach̄ ñ̄no Cohamac̄ sehe to sinirire t̄h̄oro, tirore ȳhtiri jire. ⁸Cristo Cohamac̄ mac̄no jiparota ñ̄no ȳhd̄ri jire tiro. ã ñ̄no ȳhd̄ro ȳhtiri jire Cohamac̄re. ã ȳhtiro noano ȳhtiare masiri jire. ⁹ã ñ̄no ȳhd̄ro, crusap̄ yariaro jipihtina tirore ȳhtihtinare ȳhd̄ch̄ yoah̄tiro wahari jire. ¹⁰ã jiro Cohamac̄ sehe tirore sacerdotea p̄h̄toa bui p̄h̄toro c̄ri jire. ã jiro Melquisede sacerdotea p̄h̄toro to jiro sehetā jira Cristo.

Cristo yaina tirore wac̄ tua duhuch̄ cua nina

¹¹Paȳ ò sehe jiare m̄sare yahu namo duaja s̄a. S̄a ã yahu namo duapach̄ta m̄sa sehe dapu butiina jira. ã jina m̄sare s̄a yahuch̄ mijo nina s̄are. ¹²Yoari p̄a Cristo yaina jimana m̄sa. ã jina mip̄re painare buheinap̄ ji tuhs̄boa m̄sa. M̄sa ã jinar̄ jiborina jipach̄ta paina m̄sa sehere buheahca t̄joa. Cohamac̄

yare mijoera curea buhea dihtare tũhora m̄sa. Wihãinacã pẽcho dihtare ti sihni masino seheta m̄sa cãhũ mijoera curea dihtare noano tũhora. Wahma buhe dũcaina yoaro sehe jira m̄sa. ¹³ Pẽcho sihniina wihãinacã jisina. Tina yoaro seheta m̄sa cãhũ jira mijo cureare tũhoerana. “Ahri ñaa jira. Ahri noaa jira”, ni bese masierara m̄sa. ¹⁴ Chũare chũina sehe bũcãna jira. Tina yoaro sehe jiina noano tũho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² ã jina Cohamacũ yare noano masiina, noano yũhtiina jijihna. Cristo yare wahmanore mari buhe dũcana õ sehe masi dũcai: Mari m̄sũ sũro mari yoaa yaba cjihti jierara. Mari noano yoaa mehne yũhdũsi mari. Cohamacũre wacũ tuaro cahmana marine. Ahrire wahmanopũre buhe dũcare marine. ã jia bautisaare, wamomacarire marine ti duhu payoare, yariaina ti masa m̄jaare, ahri dacho to pihtiri baharo Cohamacũ to buhiri dahrehtore, to buhiri dahrehtina ti ñano yũhdũrucuhto cãhũre ahri cãhũre wahmanopũre marine buhe dũcare. Õ sehe jia buheare masi tuhsũ, paye sehene noano buhe namojihna tjoa. ³ ã jina Cohamacũ to cahmachũ ãta yoanahca mari.

⁴ Mari ã yoerana Cohamacũ yare duhuboca mari. Cohamacũ yare masiina jipahta tíre duhuinare ne pari turi pano ti ñaa tũhotumarire cohtotachũ yoa masierara. Tó sehe jiina Cohamacũ tinare to noano yoah-tore masia, Espíritu Santo to yoaa tiare mahanocã masimare. ⁵ ã yoa Cohamacũ ya durucuaire tũhoa noaa durucua ti jichũ masimare. Tuhsũ, pihtiri dacho baharopũ Cohamacũ to tuua mehne mari ã jirucuh-tore, masare to buhiri dahrehto cãhũre tina masimare. ⁶ ã jinaapũre Cristo yare duhurinare pari turi ti ñaa

tũhotumarire tinare cohtotachũ yoa masierara. Tó sehe yoaina Cohamacũ macũnore pari turi crusapũ ti cãã puharo seheta tirore yoaa nina. Ti ã yoachũ ñũa paina masa Cristore bujũpera. Ti ã yoachũ tinare ti ñaa tũhotumarire tinare cohtotachũ yoa masierara. ⁷ Õ sehe jira tí mari piti dahre buhechũ: Noari yahpare pjíro coro tachũ tí toaa noano du, dicha tira. ã jiro tí wese pũro dichare cãhũra to chũhtire. Tí yahpa Cohamacũ noano to yoari yahpa jira. (Tó seheta noano yoara tiro to yaina cãhũre.) ⁸ Wiho mejeta agã pota mehne, tja mehne tí yahpa díaro yaba cjihti jierara. ã jiri yahpa Cohamacũ to jã cohãhti yahpa jira. ã jiro tí yahpare jãnocanohca. (Tó seheta yoara tiro tirore duhuinare.)

Cristore ã ño payorucuinare yũhdũchũ yoara Cohamacũ

⁹ Yũ cahĩina, m̄sare ã ni yahupaihta m̄sa sehene “Cristore duhuina jira”, nii nieraja. M̄sa sehe Cristo to yũhdũchũ yoaina jira. ã jina noaare yoana nica m̄sa. Tíre masija yũhũ. ¹⁰ Noano mari yoari wapa quihõno marine noano yoariro jira Cohamacũ. ã jiro to yare m̄sa tuaro dahrari wapare bosu tiro. Tirore cahĩina noano yoadohore m̄sa tirore. Paina Cristo yaina cãhũre yoadohore m̄sa. ã yoa tinare yoadohosinina nica m̄sa. ã yoaina m̄sa jichũ ñũno bosu tiro. ¹¹ M̄sa catisinino puro painare m̄sa cahĩrucuchũ, m̄sa yoadohorucuchũ cãhũre cahmaja sã, baharopũ Cohamacũ yare m̄sa duhuri nina. M̄sa ã noano yoachũ ñũno noano yoarohca Cohamacũ m̄sare. ¹² ã jina m̄sa capa bujũina m̄sa jichũ cahmaeraja sã. Paina Cristo yaina ñano yũhdũpahta to yare ne duhuerara. Ti ã yoachũ ñũno Cohamacũ “M̄sare waihtja”, to nirire tinare wa pahñonohca. ã jina m̄sa cãhũ tina yoaro seheta yoarucuga.

¹³⁻¹⁴ Panopũ Cohamacũ Abrahã cjirore õ sehe ni cãã tiri jire: “Yũ

wama mehne ahrire potocã nii nija m̄h̄ure. M̄h̄ure noano yoaihtja. ã yoac̄u m̄ panamana ji turianap̄ure paȳu masa jich̄u yoaihtja”, ni yahu c̄ua tiri jire Cohamac̄u Abrahã cjirore. ã ni yahu c̄uno to ya wama mehne ã ni yahuro niri jire. Pairo tiro bui jiriro ne mariach̄u to ya wama mehne to basita ã ni yahua tiri jire. ¹⁵ “M̄h̄ure noano yoaihtja”, Cohamac̄u to ni c̄uire Abrahã cjiro sehere noano to cohtach̄u ñ̄no to niriro seheta tirore noano yoaa tiri jire. ¹⁶ “Cohamac̄u mehne potocã nina nija”, masa sehe nia, tina ti bui jiriro wama mehne ã ni yahua nina. “Cohamac̄u mehne potocã nii nija”, c̄airo to nich̄u t̄horo tiro paio mehne cahma sayoriro “Potocã tjira”, ninohca. ã jia cahma sayo duhuahca tina. ¹⁷ Cohamac̄u Abrahãre “M̄h̄ure noano yoaihtja”, ni c̄uno to ya wama mehne ã ni yahua tiri jire. To ã ni yahurire t̄hona “Potocã tjira tí. ã yoa to niri ne cohtotasi” ni, masija mari. Tíre mari masihto sehe to ni c̄uri mehne “Ȳu wama mehne potocã nii nija”, ni yahua tiri jire Cohamac̄u. ¹⁸ ã jiro p̄aro to ni durucuri mehne potocãta to nirire masich̄u yoari jire Cohamac̄u marine: To ni c̄uri c̄uh̄u “Ȳu wama mehne potocã nii nija”, to ni yahuri c̄uh̄u tí p̄aro mehne to ni durucurire yahua tiri jire tiro. To ni c̄uri c̄uh̄u, “Ȳu wama mehne potocã nii nija”, to ni yahuri c̄uh̄u ne cohtotaerara. Cohamac̄u ne mahñoerara. To ã jiriro jich̄u masina, marine to yoadohohtore macana, tirore noano wac̄u tuana, wahchea mehne marine to ȳhd̄uch̄u yoahore cohtanahca mari. ¹⁹⁻²⁰ ã to ȳhd̄uch̄u yoahore cohtana, wac̄u tuaina jija mari. ã jina cuieraja. Sacerdotea p̄h̄toa bui p̄h̄toro Cohamac̄u to jiri tahtia warop̄u sãano, d̄catari suhtirore ȳhd̄u sãahna. ã sãano masa ya cjihtire sini payobasara Cohamac̄ure. To ã yoariro seheta Jesu c̄uh̄u baharo mari wahahto seheta

m̄anop̄u Cohamac̄u cahap̄u waharo, mari ya cjihtire sini payobasara Cohamac̄ure. Tóp̄u mari wahahto pano tiro sehe wahari jire. ã jiro jipihtia dachoripe sacerdotea p̄h̄toa bui p̄h̄toro jira tiro. Melquisede sacerdoti to jiriro seheta sacerdoti p̄h̄toro jirucura tiro c̄uh̄u.

7

Melquisede sacerdoti to jiriro seheta Jesu sacerdoti jira

¹ Melquisede cjiro sehe Salẽ wama tiri maca macaina bui p̄h̄toro jia tiri jire. Sacerdoti jiro Cohamac̄u tuarirore, m̄ano macarirore sini payobasariro jia tiri jire. ã jiro paina p̄h̄toare Abrahã cjiro cahma wajã ȳhd̄ar̄uca tuhs̄u, to tjua tach̄u waro Melquisede cjiro to ya macai jiriro Abrahã cjirore piti bocaro s̄ua tiri jire. ã piti bocaro tirore sini payobasaa tiri jire Cohamac̄ure: “Noano yoaga ahrirore”, ni sini payobasaa tiri jire Cohamac̄ure Abrahã cjirore. ² To ã piti bocahto pano Abrahã cjiro sehe tirore ñ̄u tuhtiinare wajã tuhs̄u to wajãrina cjiro p̄h̄toa yare naa tiri jire. To ã nari cjirore mahanocã waa tiri jire Melquisede cjirore. Cohamac̄u to dutiriro purocãta mahanocã waa tiri jire Melquisede cjirore. Melquisede cjiro to wama sehe “Bui p̄h̄toro noano yoariro jira”, nino nina. Tiro cjiro Salẽ wama tiri maca macaina p̄h̄toro to jich̄u to wama õ sehe nino nina: “Bui p̄h̄toro noano jich̄u yoariro”, nino nina. “Salẽ” nino, “Noano jia”, nino nina. ³ Ne Melquisede cjiro p̄c̄us̄umare, to pano ji m̄htainare to coyeare ti yahu joa õri mariahna. To masa bajarire, to yariari c̄ah̄ure yahu joa õri mariahna. ã jiro ã jirucuriro yoaro sehe jira tiro cjiro. To ã jiriro jich̄u Cohamac̄u tiro mehne marine piti dahre buhera. Cohamac̄u to mac̄uno to sacerdoti to jirire marine buhera. Melquisede cjiro sacerdoti ã jirucuriro yoaro sehe jira. Tiro

yoaro seheta Cristo cãhũ sacerdotẽ
ã jirucuriro jira.

⁴ ã jiro Melquisede ne wiho jiriro
jiera tiri jire. Abrahã mari ñũchũ
cjiro pũhoro waro jiparota ma-
hanocã to tjua narire tiro sehere
waa tiri jire. Mahanocã waa tiri jire
Melquisedere. ⁵ ã jia Cohamacũ dutia
Moise cjirore to cũri dutia jipihtina
paina Israe masare tó purota wapa
dutira. ã dutiro Leví panamana ji
turiainare ti coyea waparire ñaha
duti, cũa tiri jire. Leví panamana
sacerdotea wahaa tiri jire. ã jia Israe
masa Abrahã panamana ji turiaina ji-
pahta ti sacerdotearẽ wapaa tiri jire.
⁶ Melquisede sehe Leví panamino ji
turiariro jieraparota wapa naa tiri
jire Abrahãre. Cohamacũ “Mũhũre
noano yoaihtja”, to ni cũriro jiparota
Abrahã sehe Melquisedere wapaa
tiri jire. ã jiro Melquisede sehe Co-
hamacũre Abrahãre sini payobasaro
noano yoa dutia tiri jire. ⁷ Noano
yoa dutiriro Melquisede cjiro sehe to
noano yoa dutiriro bui Abrahã bui
jira. Tíre mari noano masija. ⁸ Mari
mehne macaina sacerdotea marine
mahanocã wapa naina mari yoaro
seheta masa jira. ã jia yariahtinata
jira tina cãhũ. Ahriro Melquisede
sehe Abrahãre mahanocã wapa
nariro cjiro ã catirucuriro yoaro sehe
jira, mari piti dahre buhechũ. To
yariarore yahueraro, ãta nino nia
tiri jire Cohamacũ yare ti joari pũ.
⁹ Mipũ macaina Leví panamana ji
turiaina sacerdotea jia, mahanocã
wapa nana. ã jiina ti jipachũta
Abrahã Melquisedere mahanocã
waparo jipihtina Leví panamana ji
turiaina ya cjihti cãhũre wabasaro
sehe yoaro nia tiri jire. ã jia tina cãhũ
Melquisedere mahanocã wapaina
yoaro sehe jira. ¹⁰ Melquisedere
Abrahã to wapari pjare Leví sehe
masa bajuerasinia tiri jire. ã masa
bajuerasiniparota to ñũchũno cjiro
Abrahã pjacũpũ to jiboriro seheta
Leví sehe ji tuhsũro nia tiri jire.

ã jiro Melquisede Abrahãre to piti
bocachũ Leví cãhũ to ñũchũno cjiro
mehne jiro sehe jiro nia tiri jire. ã jia
Leví, to panamana ji turiaina mehne
Melquisedere mahanocã wapaina
yoaro sehe jia, tina to docai jia nia
tiri jire.

¹¹ To dutiare cũno Cohamacũ Levíre
to coyea cãhũre sacerdotea ji dutia
tiri jire. ã jia to dutia ti niriro seheta
tina sacerdotea wahiquinare wajã jũ
mũo, sinibasaa tiri jire Cohamacũre
masa ya cjihtire. Ti ã yoari mehne
mari yũhdũna, paio sacerdotere
soro sehe jiriro sacerdotere cahma
namoeraboa mari. ã jina paio
sacerdotere cahmaja mari mipũre,
Melquisede yoaro sehe jirirore. Leví
ya curua macariro Aarõ cjiro yoaro
sehe jiina sacerdotearẽ mipũre mari
cahmaeraja. ¹² ã jina sacerdotere
mari cohtotana, marine dutia cãhũre
cohtotaro cahmana marine. (Sac-
erdotea ti yoadohoa mehne mari
yũhdũeraro seheta tí dutia mehne
mari yũhdũeraja. ã yoana tí dutiare
cohtota pahũono cahmana marine.)
¹³ Aarõ, Leví cãhũ ti ya curua macaina
dihtare sacerdotea sãa duti mũhtaa
tiri jimare Cohamacũ to dutiare
cũno. To ã dutipachũta mipũre mari
pũhoro sacerdotẽ to sõriro pa curua
macariro jira. Tí curua macariro ne
sacerdotẽ jierasini. ¹⁴ Tiro Cristo
Juda ya curua macariro masa bajuari
jire. Tíre mari noano masija. Moise
cjiro sehe sacerdotea sõno, Juda ya
curua macainare ne cãiro sacerdotẽ
sõera tiri jire.

¹⁵ Ahrire masina, õ sehe mari
noano masija: Mipũre wahma to
sõriro sacerdotẽ Cristo Melquisede
yoaro sehe jiriro jira. ¹⁶ Panopũ
macaa dutia ti niriro seheta Leví ya
curua macaina dihta sacerdotea sãari
jire. Mipũre to sõriro sacerdotẽ ti
yoaro sehe jiriro sacerdotẽ sãerari
jire. Tiro Cohamacũ tuua mehne
jipihtia dachoripe jiriro jira. ã jiro tí
tuua mehne sacerdotẽ sãari jire tiro.
¹⁷ Õ sehe nina Cohamacũ yare ti joari
pũ:

“Jipihtia dachoripe sacerdote jirucuihca m̄h̄h̄.

Melquisede sacerdote to jiro sehta sacerdote jirucuihca m̄h̄h̄, nia tiri jire Cohamac̄ to mac̄n̄ore”,

ni joaa tiri jire panop̄h̄. ¹⁸ To dutia to cū m̄htari dutiare masa ti bihoerach̄ yaba cjihti jierari jire. Ā jiro tí dutiare duti namoerari jire Cohamac̄. ¹⁹ Moise cjirore to cūri dutia mehne ne ȳhd̄erara masa. Ā jiro mip̄h̄ sehere Cohamac̄ marine to ȳhd̄uch̄ yoahtore marine cūre. To ã yoach̄ mip̄h̄ tiro cahap̄ waha masija mari. Ā yoa tiro mehne durucu masija.

²⁰ Ā yoa Cristore sacerdote s̄no, “Ȳh̄ wama mehne potocā nii nija”, nino tirore s̄ri jire to P̄uc̄uro. Paina sacerdoteare tirore to yoiriro sehe wama payo s̄erari jire. ²¹ Cristo sehe Cohamac̄ tuaro to yahuri mehne sacerdote s̄ari jire. Ō sehe nia tiri jire to P̄uc̄uro Cristore:

“Ȳh̄h̄ m̄h̄ p̄htoro ȳh̄ wama mehne m̄h̄h̄re potocā yahuihtja.

Ahrire ne duhu cūno marieno yahuja m̄h̄h̄re.

Jipihtia dachoripe sacerdote jirucuihca m̄h̄h̄”,

ni cūa tiri jire Cohamac̄ to mac̄n̄ore. ²² Ā “Ȳh̄ wama mehne potocā nii nija”, to nino mehne cūno, wahma buheare noaa buheare marine cūno, marine to ȳhd̄uch̄ yoahtire cūno nia tiri jire. Panop̄h̄ macaa dutia ȳhd̄oro mari noano jihtore cūno nia tiri jire. Ā cūno Cohamac̄ “M̄sare ȳhd̄uch̄ yoaihtja”,

to niriro sehta yoaro taro, Jesure warocari jire marine ȳhd̄uch̄ yoahtiro cjihtore. ²³ Ji m̄htaina sacerdotea ti yariach̄ ñ̄h̄a paina cohtota s̄ana tjoa. Ā jia tina payu sacerdotea wahara. ²⁴ Jesu sehe ã jirucura. Ā jia tirore cohtotaina mariahna sacerdotea. ²⁵ Ā jiro tiro ã jirucuro, Cohamac̄re ã sini payobasarucura to yaina ya cjihtire. Ā yoa Cohamac̄ mehne ti ã jirucuhto

sehe masare ȳhd̄uch̄ yoa masina tiro. Jipihtina tirore wacū tuaina Cohamac̄ cahap̄ wahaahca. Ā jiro Jesu jira pototi tinare ȳhd̄uch̄ yoiriro.

²⁶ Ā jiro Jesu jira mari sacerdotea p̄htoa bui p̄htoro. Tiro pinihtare tuaro cahmaja mari. Ne ñ̄aa buhiri marieriro jira tiro. Masa yoaro sehe ne ñ̄aare yoerare. Ā jiro Cohamac̄ tirore ñ̄aina cahai jirore naahno, m̄hanop̄h̄ cū, jipihtina paina bui p̄htoro s̄ri jire. ²⁷ Paina sacerdotea yoaro sehe jierara tiro. Tina sehe dachoripe wahiquire wajã, jã m̄soa, Cohamac̄re sinia tihre. Ti basi tí ñ̄aa yoari buhirire sini m̄htaa tihre. Baharo paina masa ti ñ̄aa buhiri cūh̄re sinibasaa tihre tina. Ā jia payu tahari tina Cohamac̄re sinia tihre. Jesu sehe sacerdote jiro, cū tahata to yariaa mehne siniri jire Cohamac̄re masa ti ñ̄aa buhirire cohãno taro. Ā yariaro to basi to pjac̄re to catia cūh̄re Cohamac̄re to waboriro sehta yoaro niri jire. ²⁸ Cohamac̄ dutia Moise cjirore to cūri cjiri sacerdotea p̄htoare s̄a dutira. Ā s̄apahta ñ̄aa marieina jierara ã sacerdotea s̄a. Tí dutia baharo jia buhea mehne Cohamac̄ “Ȳh̄ wama mehne potocā nii nija”, to nino mehne to yahuri buhea mehne to mac̄no sacerdotea p̄htoro s̄ari jire. Tiro sehe ñ̄aa marieriro ã jirucura.

8

Cohamac̄ “M̄sare ȳhd̄uch̄ yoaihtja”, ni cūha tjoa Moise cjirore to cūrire cohtotaro. Tíre yahubasariro jira Jesu

¹ Tí jipihtiare yahuna, ahri pinihtare m̄sare yahuna nija: M̄sare s̄a yahuriro sacerdotea p̄htoa bui p̄htoro tiro pini mari yairo waro jira. M̄hanop̄h̄ Cohamac̄ tua ȳhd̄ariro to p̄htoro dujiro cahai to potu buh̄sehei dujira Cristo mari sacerdotea p̄htoro. ² Ā jiro ahri yahpa macari w̄h̄h̄i, masa ti yoari w̄h̄h̄i sacerdotea dahraare yoerara

tiro. Muanopu jiri wuhupure mari puhtoro to yoari wuhupure sacerdotea dahraare yoara tiro. Tí wuhu pinihta Cohamacu waro ya wuhu jira.

³ Jipihtina ahri yahpa macaina sacerdotea puhtoa wahiquinare wajã jũ mhoa, wara, Cohamacure ño payoa. Āta yoa dutia tiri jire tinare. Mari yairo sacerdote cãhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. Ā jiro Cristo mari ñaa buhiri yariaro wahchechu yoari jire Cohamacure sacerdotea puhtoa Cohamacure waa ti wahcheriro seheta. ⁴ Mari judio masa mari dutia ti niriro seheta ahri yahpapu sacerdotea masa ti ñaa buhirire wara Cohamacure sinia. Ahri yahpapu sacerdotea ji tuhsura. Ā jiro Jesu sehe mari yairo sacerdote ahri yahpapu jisninino, sacerdote jieraboa tiro sehe. ⁵ Ahri yahpa macaina sacerdotea ti dahraare ahri yahpa macari wuhuihta dahrara. Tí wuhui Cohamacure ti ño payorire ñana mmano macari wuhupure tirore mari ño payohtore masi cureja. “Tí wuhu yoaro sehe jira”, nino nia tiri jire Cohamacu tãcui Moise cjiroro to wuhure dahre dutiro. To ã dahrehto panocã Cohamacu õ sehe nia tiri jire tirore: “Tãcui mähure yu ñoriro seheta tí wuhu to jiriro seheta yu ya wuhure quihõno dahrega”, nia tiri jire Cohamacu tirore. ⁶ Mipure sehere Jesu sacerdote jiro to dahraa paina sacerdotea ya dahraa yuhdoro jira. Wiho waro jierara. Cohamacu marine “Músare yuhduchu yoaihtja”, to ni yahuri cjiri panopu macaa dutia Moise cjiroro to cãri dutia yuhdoro jira. Marine to yahuri cjiri tí dutia yuhdoro marine noano jichu yoahca. Ā jiro marine Cohamacure yuhduchu yoabasariro jiro, Cristo sehe paina sacerdotea yuhdoro jira.

⁷ Wahmanopure to dutiri cjiri mehne mari yuhdueraja. Tí dutia mehne mari yuhduchu, paye buheare cãeraboa Cohamacu. ⁸ Wiho mejeta tí dutiare ti yoa pahño masierarire

yahuro õ sehe nia tiri jire to yainare Israe masare:

“Õ sehe nina mari puhtoro: ‘Noano tuhoga.

Baharopu paye buheare “Õ sehe yoadohoihtja músare”, ni yahuihtja yu yainare Israe masare, Juda ya curua macaina cãhure.

⁹ Tí buhea ti ñuchusuma cjirire yu yahu cãri cjiri yoaro sehe ne jisi.

Yu basi tinare Egipto yahpai jinare na wiocu tinare yahumai.

Yu ã ni yahurire yuhduerare tina.

Ti ã yoachu ñucu tinare ã ñunocahi.

¹⁰ Ā jicu baharopu Israe masare õ sehe ni yahuihtja: Yu dutiare tinare wacũchu yoaihtja.

Ā jia yu dutiare yuhtiahca.

Ā jicu yuhu Cohamacu ti puhtoro, tinare ñu wihboriro jiihtja.

Tina sehe yu yaina masa jiahca.

¹¹ Ā jia tí pjare tina mehne macainare ne tina õ sehe cahma nisi: “Mari puhtorore Cohamacure masiga musa”, ne ni cahma buhesi.

Tina jipihtina yuhure masi tuhsuahca. Wihãinacã, bucuna cãhu yuhure masina dihta jiahca.

¹² Ā jicu ti ñaa yoari buhirire boihca yuhu.

Tinare buhiri dahresi yuhu.

Ti ñaa yoari buhirire pari turi wacũsi yuhu’, nia tiri jire mari puhtoro”,

nina Cohamacu yare ti joari pũ.

¹³ Mipure marine wahma buheare cãno, panopu macaa dutiare duhuro nire. Ā yoa muna dutia cjirire mahanocã to duhuri baharo tí dutia cjiri cohtotaa wahara.

9

Ahri yahpa macari tahtiare mmano macari tahtia cãhure Cohamacure ño payori tahtiare yahuha

¹ Wahmanore Cohamacu to dutiare Moise cjiroro cãno masa tirore dohse ti ño payohto cãhure cãa tiri jire. Ā yoa Cohamacure ti ño payohti wuhu

cãhure yoa dutiro cãa tiri jire. ² Tí wãhũ wahiquina cahsari wãhũ jia tiri jire. Pãa tahtia cããa tiri jire. Pji-wacũri tahtia ti sãa sũ mãhtari tahtia Cohamacũ ya tahtia wama tia tiri jire. Tí tahtiai ti sihã buhriadu jia tiri jire. ã jiro mesa cãhũ jia tiri jire. Tí mesa bui Cohamacũre ti wari pão pisaa tiri jire. ³ Pa tahtia suhti cahsari mehne ti dũcatari tahtia jia tiri jire. Tí tahtia Cohamacũ to jiri tahtia waro wama tia tiri jire. ⁴ Tí tahtiai uru mehne ti yoari altar, inciensore ti jũ mãori altar jia tiri jire. ã yoa uru noaa mehne ti duhu õri caro tói coãa tiri jire. Tí caro puhichapũ uru wahwa maná wama tia chãa posa tiri wahwa jia tiri jire. ã jiro tí caro puhichapũ Aarõ to tjuadu cjiro pũri tidũ jia tiri jire. ã yoa pãa pjĩ tãa pjĩni Cohamacũ to dutiare to joa õa pjĩni cãhũ tí caro puhichapũ sãa tiri jire. ⁵ Tí caro bui pãaro anjoa masũ jia tiri jire. Tí masũ Cohamacũ to si siteare, tí tahtiai to jiare ñoa nia tiri jire. Tí caro mohano bui ti wãa dũpũri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea pãhtoro. Tó purota yahuihtja ahri wãhũ macaare mipũre.

⁶ ã yoa tí wãhũre ti noano cahnoru baharo sacerdotea dachoripe ti sãa sũ mãhtari tahtiai sãa sũ, ti dahraare yoa tia tiri jire. ⁷ Sacerdotea pãhtoa bui pãhtoro dihta pa tahtiapũ sãa tiri jire. Cũhmaripe cã tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamacũre ño payoa tiri jire. Di marieno ne sãaera tiri jire. To basi wacũenoca to yoari buhirire, to ñaa buhirire, jipihtina paina Israe masa wacũenoca tí yoari buhirire, ti ñaa buhirire dire na sãa tiri jire tiro Cohamacũre sini payoro taro. ⁸ Jipihtia ahri mehne Espiritu Santo õ sehe ni marine buhero nina: Tí wãhũi Moise cjirore to cũri wãhũi mari ño payosinina, to cũri dutiare yoahina jisina, wiho

jiina Cohamacũre ño payona wa-haeraboa mari. Sacerdotea pãhtoa bui pãhtoro dihta Cohamacũ to jiri tahtia waropũ sãa masina. ã jina wiho jiina ti ño payoa wahaeraro sehetã ãta jiboa mari cãhũ Moise cjirore to cũri dutiare cãasinina. ⁹ Ahri jipihtiare Cohamacũre ño payori wãhũpũ jiare marine cũno, marine mipũ macainare buhero niri jire Cohamacũ. Wahiquinare wajã jũ mãoa, masa Cohamacũre ti ño payori mehne ne Cohamacũ cahapũ wahasi. Ti ã yoari mehne ti ñaa yoari buhirire cosawerara. ¹⁰ ã wahiquinare waa, ti chãa, ti sihnia, ti pjacũ cosaa, ti õ sehe yoa mehne Cohamacũre ño payoa timari jire. Ahri ti ã yoari wiho warota jira mipũre. ã yoa tí dutia Moise cjirore to cũri dutia marine noaina wahachũ yoerari jire. Tí dutiare yoapanahã mãnanota jirucunocaja mari. Mari tãhotuare cohtotaeraja mari. ã jia wahma buheare Cohamacũ to cũri baharo mãna dutia sehe yaba cjihti jierara.

¹¹ Cristo sehe mari sacerdotea pãhtoro jiro ta tuhsãri jire. ã jiro marine noaare cũ tuhsãri jire. Cohamacũre ño payori wãhũ mãanopũ sacerdotea pãhtoro to dahrari wãhũ paina sacerdotea ti dahraa wãhũse yãhdoro noari wãhũ jira. Mãano macari wãhũ jira. Tí wãhũ ahri yahpa macari wãhũ jierara. ã yoa masa ti yoari wãhũ jierara.

¹² Cristo mãanopũ Cohamacũ to jiro waropũ cã tahata sãari jire mari ñaare yoari buhirire Cohamacũre waro sehe yoaro taro. Tópũ mãanopũ õpũ to jiri tahtia waro yoaro sehe jira mari piti dahre buhechũ. ã yoaro cabritoã dire, wachãacã dire na sãa, waerari jire tiro. Tiro sehe to ya di warore Cohamacũre to waro sehe yoaro niri jire yariaro. Jipihtia dachoripe Cohamacũ mehne mari jirucuhtõ sehe to dire cohãri jire. Mari ñaa buhirire yariari jire. ¹³ “Yariainare pihana mãsa pjacũ wete tiina jira”, ni cãa tiri

jire Cohamacu Moise cjirore. Tó sehe jia ñaare wete tiare cosawea tiri jire cabritoa dire ti wari mehne. Wachua dire ti wari mehne, wachuacãre ti jãri nitine ti wari mehne tó sehe jia ñaare cosawea tiri jire. ¹⁴ Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí yãdoro Cristo sehe to dire to cohãno mehne mari ñaare yoarire noano cosawe pahñonocahna. Tiro ñaa mari-eriro jiro, crusapu yariaro to basita to pjacu to catia mehne Cohamacure waro sehe yoari jire. Espiritu Santo ã jirucuriro to yoadohoa mehne ã yoari jire tiro. ã yoa mari ñaa yoari buhirire Cristo to cosawechu ñano mari ñaa buhirire Cohamacu bonocahno, mari ñaa yoarire duhuchu yoara. Tí ñaa buhirire cjuasinina pichacapu wahahtina jimai mari. To cosawerina jina, Cohamacu catiriro yare yoaina jija mari.

¹⁵ ã jiro “Ó sehe musare yãhdũchu yoaihtja”, masare Cohamacu to ni yahu cũchu Cristo sehe to yahuaire yahubasariro jira. ã yahubasara tiro Cohamacu to beserinare yãhdũchu yoaro taro. To ã yãhdũchu yoachu jipihtia dachoripe tiro mehne jirucunahca mari to yaina. ã jina mari to yainare Cohamacu to wahtire cjuannahca mari. Moise cjirore to cãri dutia dihta jichu masa ti ñaa buhiri jisinia tiri jire. ã yoa crusapu yariaro tí pjata ti ñaa yoari buhirire yãhdũchu yoari jire tiro to yainare. ¹⁶⁻¹⁷ Masano baharo to coyeare to wahtire joa õyura papera pũ. To wahtire yahuro taro joa õyura. Tí pũre joa õyuriro to yariaerasinichu tí pũ yaba cjihti jierara. To coyea to cjuarire na masierasinina. Wiho mejeta, to yariachu ñua tí pũ to ni joariro seheta to yare naahca tina. ¹⁸ To yariahto pano tí pũ to yaba cjihti jieraro seheta yariaro marieno di wijaro marieno Cohamacu Moise cjirore to cãri dutia cãhu ne yaba cjihti jieraboa. ã jiro wahiquiro dire sacerdote to wajã siteri baharo to dutiare quihõnota yoaro nia tiri jire.

¹⁹ ã yoaro õ sehe yoa muhtaa tiri jire Moise cjiro: Cohamacu to cãri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dũpu mehne oveja pjoari sohãa mehne ti ñimiori pjoarire torãa tiri jire. Tí dũpu mehne dire sohoro, Cohamacu dutiare to joari tju bui wajã site payoa tiri jire. Jipihtina masa bui cãhure wajã site payoa tiri jire. ²⁰ ã yoaro õ sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocã jichu masija mari. Ahri dire ñana to niriro seheta marine to yoahure masija mari. Tí dutiri cjirore yãhti dutiri jire tiro marine”, nia tiri jire Moise cjiro. ²¹ ã yoaro masare to yoariro seheta Cohamacure ti ño payori wãhu wahiquina cahsari wãhure, jipihtia tí wãhu jia cãhure wajã sitea tiri jire. ²² ã tjira. To dutia ti niriro seheta payu ñaare di cohãno mehne cosawero cahmana. Mahanocã duhsaa ñaare paye baro mehne ti cosawechu noana. ã jiro Cohamacu mari ñaa yoari buhirire ne bosu to di cohãerachu.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacure ti ño payori wãhu, tí wãhu jia cãhu muano macari wãhu jia yoaro seheta jiri jire mari piti dahre buhechu. Muano macari wãhu sehe potocãta Cohamacu ya wãhu waro jira. ã jia ahri yahpa macari wãhure, tí wãhu jia cãhure wahiquina dire to wajã siteri mehne cosawero cahmari jire. Tí yãdoro muanopu wahahtinare ti ñaa buhiri cjuainare cosawero cahmana. ã jiro wahiquina yãdoro jirore ya di to cohãno mehne tinare ti ñaa yoari buhirire cosawero cahmana. ²⁴ ã yoa Cohamacure ti ño payori wãhu masa ti yoari wãhu jira. Muano macari wãhu yoaro seheta jira tí wãhu cãhu, mari piti dahre buhechu. ã jiro Cristo sacerdote jiro marine sini payobasaro taro

ahri yahpa macari wãhure sãaerari jire. Potota muanopu wahari jire tiro Cohamacu panoi marine sini payobasaro taro. ²⁵ Mari judio masa mari sacerdotea puhto bui puhtoro cãhmaripe Cohamacu to jiri tahtia waropu sãa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sãaerari jire. ²⁶ Payu tahari yariariro jiro, ahri yahpa to jiro puro payu tahari variaboa tiro. Payu tahari tiro mari ñaa buhirire yariarucuriro jiboa. Wiho mejeta pihtiri dacho panocã mipure marine jipihtinare yuhduchu yoaro taro cã tahata bajuari jire tiro ahri yahpai. Ña bajuari jire to yariaa mehne mari ñaa buhirire cohãno taro. ²⁷ Jipihtina masa cã tahata yariaahca. Ti ã yariari baharo masa noainare, ñaina cãhure beserohca Cohamacu. ²⁸ Cã tahata mari yariaro seheta Cristo cãhu cã tahata yariari jire payu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsuriporu jirohca. Ña jiro pari turi mari ñaa yoari buhirire cohãno taro nisi. Ña taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cãri cjiri noaa buhea yoaro seheta jipahta, cãno potori jierara. Tí dutia ti yoa dutiriro seheta cãhmaripe wahiquinare wajã, jũ mũo, Cohamacure ño payorucura. Ti ã yoaa mehne masa ti ñaa yoari buhirire cohãerara. ² Tí mehne ti ñaa yoari buhirire cohãa, cã tahata Cohamacure ti ño payori baharo “Mipure ñaa buhiri mariaha sãre”, ni tuhotuboa masa. Ña jia pari turi wahiquinare wajã jũ mũo Cohamacure ño payoeraboa. Ti ã yoiri duhunocaboa. ³ Cãhmaripe wahiquinare wajã jũ mũo, Cohamacure ti ño payochu tí tinare ti ñaa yoari buhirire wacũchu yoara.

Tó purocãta yoadoho duara tí tinare.

⁴ Wachua di mehne mari ño payori mehne, cabritoa di mehne mari ño payori mehne ne mari ñaa yoari buhirire cohãerara.

⁵ Tí potocãta jira. Ti ã jichu ñuño Cristo ahri yahpapure to tahto pano õ sehe nia tiri jire Cohamacure:

“Wahiquinare jũ mũo ti wachu, trigo pohcare ti wachu cãhure mũhu ñuñu ñu ji coaerara mũhu.

Ña jichu yu pjacure yoare mũhu yu ya pjacu cjihtore.

⁶ Ñaa yoari buhirire ti cohãhtore wahiquinare wajã ti jũ mũochu ñuñu ñu ji coaerara mũhu.

⁷ Mũ ã ñu ji coaerachu ñuñu õ sehe nihi mũhure:

“Õi jija. Mũ cahmano seheta yahpapu yoai wahaihtja.

Ña yuhure ni yahura mũ ya tjupu’, nihi yuhũ”,

nia tiri jire Cristo to Pucurore.

⁸ “Wahiquinare jũ mũo ti wachu ñuñu, trigo pohcare ti wachu cãhure ñuñu ñu ji coaerara mũhu”, ni yahu mahtaa tiri jire tiro. Wahmanopure to dutia wahiquinare, trigo pohca cãhure ti waa mehne ti ño payo dutipachuta ã nia tiri jire tiro.

⁹ Ña ni tuhsu õ sehe ni namoa tiri jire: “Õi jija. Mũ cahmano seheta yahpapu yoai wahaihtja”, nia tiri jire.

To ã nichu õ sehe masija mari. Panopu wahiquinare wajã jũ mũoa mehne ti ño payori cjirore duhuchu yoaro paye buhea sehere cãno niri jire Cohamacu.

Ña cãno mipure Cristo to yariaro mehne masare yuhduchu yoarohca Cohamacu. ¹⁰ Jesucristo to pjacure waro, yariaro, jipihtina mari to yainare mari ñaa buhirire cohãri jire. Cã tahata to pjacure wari jire mari ñaa yoari buhirire cohãno taro. Ña yoaro Cohamacu to cahmano seheta yoaro niri jire.

¹¹ Jipihtina mari judio masa mari yaina sacerdotea dachoripe Cohamacure ño payori wãhu dahrarucura. Ña dahrarucua dachoripe mananota wahiquinare wajã, jũ mũo,

Cohamacure sinirucura. Ti ã waja jũ mupachuta tí mari ñano yoari buhirire ne cohãerara. ¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsu wahaa wahari jire to Pucuro cahapu to poto buhusehei dujiro waharo. Puhuro jiro tópu dujira. ¹³ Tópu dujiro cohtaro nina. Tíre ñu tuhtiinare Cohamacu sehe to yuhdurucabasahtore cohtaro nina Cristo. ¹⁴ Æ jiro cã tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchu yoara tiro. ¹⁵ Tí potocã tjira. Æta ni yahura Espíritu Santo marine. Õ sehe ni yahura tiro:

¹⁶ “Õ sehe nina Cohamacu: ‘Baharopure õ sehe ni yahuihtja Israe masare, “Yu dutiare ti wacũapu cũihtja”, ni yahuihtja”,

nina tiro. ¹⁷ Õ sehe ni namona Cohamacu:

“Ti ñaa yoari buhirire yu dutiare ti yuhdurucari cãhure pari turi wacũ namosi yuhu”, nina tiro”,

ni yahura Espíritu Santo. ¹⁸ Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

Cohamacu cahai sãna cuiro marieno tiro mehne mari durucuboriro seheta tiro mehne durucu masija mipure

¹⁹ Æ jina yu coyea Cristo to yariaro mehne to di cohãno mehne mipure mari cãhu cuiro marieno Cohamacu to jiri tahtia waropu sãana, tiro mehne durucu masija. Æ yoana tirore sini masija. ²⁰ Mari catirucuhuto cjihtore Cohamacu marine ã coã yoaro niri jire. Cristo sehe mari ñaa yoari buhirire yariaro to di cohãri mehne Cohamacu mehne durucu masija mari. Sacerdotea puhuro bui puhuro tí tahtiapu to sãariro seheta Cristo sehe Cohamacu cahapu sari jire mari ñaa yoari buhirire bo dutiro waharo. Tí tahtia macari suhtirore ducatarí suhtirore to tuhre cohãboro seheta Cristo to

pujacure cohãri jire Cohamacu mehne mari jirucuhuto sehe. ²¹ Æ jiro Cohamacu ya wuhui dahrariro mari Yairo Sacerdote tua yuhdurariro jira tiro. ²² Æ jina Cohamacure sinijihna mahñono marieno. Tíre noano wacũ tuua mehne, cuiro marieno tirore sinijihna. Cristo mari ñaa yoari buhirire to cosaweinapu jija. Æ jina “Buhiri tiina jija mari”, ni tuhutuina jieraja mari. Æ yoa wete mariea co mehne mari cosawero seheta Cristo to cosaweinapu jija. Æ jiina jina Cohamacure sinijihna. ²³ “Mũsare yuhdurucu yoaihtja”, to niriro seheta yoarohca. Æ jina tiro marine to yuhdurucu yoahuro noano masija mari. Tíre masina, ne boena tjijihna. Cohamacure ã wacũ tuarucujihna. ²⁴ Mari mehne macainare cahina, tinare yoadohojihna mari jipihtina mari cahma cahí yoadohohto sehe. ²⁵ Æ jina noano cahmachurucujihna Cohamacu yare yoana tana. Paina sehe ti cahmachumarirore duhua nina. Tina yoaro sehe yoaena tjijihna. Mari mehne macainare wahchechu yoajihna. Ahri yahpapure mari puhuro to tahto mahapocã dũsara. Tíre masina tuaro wahchechu yoajihna mari mehne macainare Jesu yainare.

²⁶ Potocã jia buheare noaa buheare mari masipanahta ñaa mari pari turi ã yoarucuchu mari ñaa yoari buhirire cosawe namohto basioerara. ²⁷ Æ jiro tó sehe yoainare cua nina. Jipihtina tirore ñu tuhtiinare buhiri dahrero, tuaro jãnoi cohãnohca Cohamacu tinare. Æ jia to buhiri dahrehtore cuiina dihta jimana tirore duhuina. ²⁸ Cohamacu dutia Moise cjirore to cãri cjirore yuhdurucainare buhiri dahrea, mari coyea judio masa wajãna tinare. Ne pja ñano marieno wajãna tinare. Tiaro ti yahusãchu tuhoro beseriro ti yuhdurucarire masino tinare buhiri dahre dutira. Tiaro mariachu puaro ti yahusãchu tinare buhiri dahre dutira. To ã dutichu tinare wajãna. ²⁹ Tí yuhdoro Cohamacu macunore ñu

yabiina to buhiri dahrehtina jiahca. Cohamacu Cristo to di cohãno mehne mari ñaa yoari buhirire cohãna. To ã cohãhtore yahuri jire tiro marine. Æ jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrire to di cãhure “Wiho waro jira”, nia nina. Æ niina, to buhiri dahrehtina waro jia niahca. Æ niina Espiritu Santore ñano ni durucuina jira. Tiro tinare cahãriro jira. Ti ã ñano durucuchu ñano tuaro buhiri dahrerohca Cohamacu tinare. ³⁰ Ahrire mari noano masija. Cohamacu to basita õ sehe nia tiri jire: “Yuhu jija buhiri dahrehtiro. Ti ñaare yoari buhiri buhiri dahrehtja yuhu”, nia tiri jire tiro. Õ sehe ni namoa tiri jire: “Yuhu ñano yoainare yu yainare buhiri dahrehtja”, nia tiri jire tiro. ³¹ Cohamacu catiriro marine to buhiri dahrechua yuhduara.

³² Panopu musa jirire wacũga musa. Tí pjare Cohamacu yare wahma masi ducana payu tahari ñano yuhdupanahta to yare duhuerare musa. ³³ Cãa tahari masa ti ñurocaroi paina musare ñano ni, ñano yoapere musare. Paina Jesu yainare ti ñano yoachu ñana, tinare pja ñu, tinare piti tìre. ³⁴ Ti peresu yoainare pja ñure musa. Tuhsu, musa yare ti mapachuta wahchea mehne, “Noanohca”, nire musa. Ahri yahpa macaa yuhdoro noaare cjuara musa muanopu. Tí noaa ã jirucuahca. Tíre masina, musa cjuare ti machu cahyaerare musa.

³⁵ Æ jina cuiena tjiga. Cohamacure ã wacũ tuarucuga. Musa ã yoachu ñano tiro noano yoarohca musare.

³⁶ Cohamacu “Musare õ sehe yoado-hoihtja”, to ni cũrire noano cohtaga musa ñano yuhdupanahta. Æ cohtaina jina to cahmaare yoanahca musa. Æ yoana to ni cũrire cjuanahca. ³⁷ Õ sehe nina Cohamacu yare ti joari pũi: “Mahanocã dũhsara Cristo to wihihto.

Æ taro dói wihi bahrañonohca.

³⁸ Yu yaina noaina sehe yuhure wacũ tuarucuahca.

Æ yoaa yaina jirucuahca.

Yuhu mehne ã jirucuahca.

Yu yare cohãina sehere ñu yabija yuhu”,

nia tiri jire to ya durucua ti joari pũi.

³⁹ Mari sehe Cohamacu yare cohãina jieraja mari. Æ jina pichacapu wahatina jieraja mari. Cohamacure wacũ tuaja mari. Æ jina to yuhduchu yoaina jija.

11

Wacũ tuaare yahuha

¹ Õ sehe jira wacũ tuaa: Cohamacure wacũ tuana, marine to noano yoahore noano masija mari. Cohamacu to niriro seheta to yoerasinipachuta to yahuare “Potocã tjira”, ni tuhutuja mari tirore wacũ tuana. Tirore ñuerapanahta, tirore wacũ tuana, “Potocã tjira”, ni tuhutuja mari to yahuare tuhona. ² Panopu macaina Cohamacure ti wacũ tuachu ñano ñu ji coaa tiri jire tiro sehe.

³ Cohamacu to durucua mehne jip-ihtiare bajuamehnea tiri jire. Æ jiro tiro mari ñuerari mehne jipihtia mari mipu ñuare bajuamehnea tiri jire. Tíre mari noano masija Cohamacure wacũ tuana pinihta.

⁴ Cohamacure wacũ tuaro Abe sehe corderore wajã, ju muo, Cohamacure ño payoro “Noana”, nia tiri jire. To wahmino Caí yuhdoro noanore waro, ño payoa tiri jire tiro Cohamacure. Æ jiro Cohamacu to warire wahchea tiri jire. Æ wahchero “Noariro jira”, ni ñu tiri jire tiro Abere. Æ Cohamacure to wacũ tuachu ñana mari tirore ñu cũja. To yariari baharo jipachuta to wacũ tuarire ñu cũja mari.

⁵ Enoco Cohamacure to wacũ tuachu ñano wahchea tiri jire Cohamacu. Æ wahchero tirore to cahapu na muo tiri jire. Æta nina Cohamacu yare ti joari pũi. To na muori baharo ne masa tirore bocaera tiri jire. To na muoriro jiro ne yariaera tiri jire. ⁶ Cohamacure wacũ tuaerana, tirore wahchecu yo masieraja mari. Cohamacure wacũ

tuaerana, tirore ño payo masieraja mari. “Potocãta tiro Cohamacu warota jira. Æ jiro tirore mari ño payochu marine noano yoara tiro”, mari ni tãhotuerana tirore sini masieraja mari.

⁷ Noé Cohamacure wacũ tuaro, tirore to yahurire noano yãhtia tiri jire. Baharopu ti ñano wahahtore to yahuchu tãhoro noano yãhtia tiri jire tiro. Æ yãhtiro, pjiria dohoriare yoaa tiri jire. Æ yoaa tia dohoria mehne tiro to coyea mehne dia mininore yãhdua tiri jire. Æ wacũ tuariro jiro ahri yahpa macaina ñaina ti wacũ tuaerarire ti pichacapu ti wahahto cãhure ñono nia tiri jire. Æ jiro to wacũ tuachu ñuno “Noariro jira”, ni ñua tiri jire Cohamacu tirore.

⁸ Abrahã cjiro cãhu Cohamacure wacũ tuaro tirore yãhtia tiri jire. Pa dihtapure tirore to wahti dihtapure Cohamacu to waha dutichu tãhoro Abrahã yãhtia tiri jire. To ya dihtai jiro wijaah waharo, to masierari dihtapu sua tiri jire. ⁹ “Ahri dihtare mahure waihtja”, Cohamacu to nichu tãhoro tirore wacũ tuaro tí dihtaihta tjuaa tiri jire tiro. Tó jiro pa dihta macariro jiparota tóihã tjuanocaa tiri jire. Tirore, to macuno Isaa cãhure to panamino Jacobo cãhure tina cañare “Ahri dihtare musare waihtja”, ni yahua tiri jire Cohamacu sehe. Æ jia tina tí dihtai jia, wahiquina cahsari wãhusei jia tiri jire munano jieraina jia. ¹⁰ Tó jisinia tiri jire Abrahã Cohamacu mehne to jihtore cohtaro. Pa macapu Cohamacu to jiri macapu munanopu to wahahtore cohtaro nia tiri jire tiro. Tí macare dahrea tiri jire Cohamacu. Æ jiro tí maca ne pihtisi.

¹¹ Cohamacure wacũ tuaro Abrahã cjiro bucuro waro jiparota, to namono Sara mehne pohna tia tiri jire. To namono pohna marienicoro to jipachuta, “To niriro sehta yoarohca”, Cohamacure nino, tirore wacũ tuaro pohna tia tiri jire Abrahã. ¹² Æ jiro Abrahã bucuro waro jiparota pohna

tia tiri jire. Æ jia to panamana ji turianapu payu wahanocari jire. Ñahpichoha perire, padu pohcaricã cãhure mari quihõna bihoeraro se-heta to panamana ji turiana cãhure quihõna bihoeraja mari.

¹³ Jipihtina ahrina yu yahuina cjiropu Cohamacure wacũ tua tuhsuinapu yariaa tiri jire. Cohamacu tinare “Musare waihtja”, to ni quihõ cãhure sãerapahta yariaa tiri jire. Tíre ñahaerapahta Cohamacu to niriro sehta yoari pja baharopu ti cãhãhtire masia tiri jire. Æ masia wahchea tiri jire. Æ jia õ sehe nia tiri jire tina: “Ahri yahpai tiniina jia. Pa yahpa macaina jia”, nia tiri jire tina. ¹⁴ Tó sehe niina pa yahpare ti ya yahpa cjihtore cohtaa nina. Tíre mari noano masija. ¹⁵ “Pa yahpa macaina jira”, nicu panopu ti cohãri yahpare nicu nieraja. Pa yahpapu ti ji mãhtari yahpapu waha duaa, wahaboa. ¹⁶ Noa yãhduari yahpa sehere cahmaa nia tiri jire. Tí yahpa munanopu jira. Tí ã cahmachu ñuno “Cohamacu sã pãhtoro jira”, ti nichu tãhoro buo tierara Cohamacu. Tí ya maca cjihtore dahrebasa tuhsua tiri jire tiro.

¹⁷⁻¹⁸ Cohamacu Abrahãre to macunore Isaare wajã jũ mũo dutia tiri jire. Tirore ñu duaro ã dutia tiri jire, “¿Potocãta yãhure wacũ tuajari?” nino. Cohamacure wacũ tuaro to niriro sehta yoaa tiri jimare Abrahã. “Mu macu Isaa mehne mu panamana ji turianare payu cãhãihca mahũ”, Cohamacu to niriro jipachuta to macunore wajãno taro nia tiri jimare Cohamacure ño payoro taro. ¹⁹ “Yu macu Isaare yu wajãchu Cohamacu tirore masonohca”, ni tãhoturo tirore wajãno taro nia tiri jimare. Æ niriro jiparota Cohamacu tirore ducata, wajã dutiera tiri jire. To pucuro to ã wajãboriro jiro, masariro yoaro sehe jia tiri jire Isaa, Abrahã to ñuchu. Æ jiro Abrahã tirore catirirore pari turi cãhã tiri jire.

²⁰ Isaa Cohamacure wacũ tuaro,

to pohnare Jacobore, Esaú cãhure “Baharopu Cohamacu musare pjíro noano yorohca”, nia tiri jire. ²¹ Cohamacure wacũ tuaro Jacobo to variahto panocã José pohnare, muare “Cohamacu musare pjíro noano yorohca”, nia tiri jire Jacobo. Na tuhcuca caha su, to tjuadu mehne tjua ñaha caha su, Cohamacure ño payoro, “Cohamacu musare noano yorohca”, ni cãa tiri jire. ²² Cohamacure wacũ tuaro José to variahto panocã Israe masa Egiptoii jiina ti wijaahtore yahuyua tiri jire. ã ti wijaahtore masiyuro to yariari baharo to pjacu cjirore naa dutia tiri jire to pohnare.

²³ Cohamacure wacũ tuaa, Moisecãre tia sã waro nuo cjuaa tiri jire to pucsuma, to masa bajuari baharo. Noarirocã to jichu ñua tirocãre nuoa tiri jire. Tí yahpa macaina bui pãhtoro ti pohnare to wajã dutirore yãhdurucanocaa tiri jire tina. Tirore cuiera tiri jire. ²⁴ Moise cjirore bñchoricoro Egipto yahpa macaina bui pãhtoro macono jia tiri jire. ã to bñchoriro jiro Cohamacure wacũ tuaro “Ticoro macano”, tirore ti ni pisuchu cahmaera tiri jire Moise. ²⁵ Cohamacure yãhdurucariiro jiro tirore bñchoricoro caharu mahaa numricã noano jiboa. ã jiboriro jiparota tí yãhdoro tiro Cohamacu yaina mehne ñano yãhdu dua tiri jire. ²⁶ ã ñano yãhduro Cristore ti bujupẽhto seheta ti bujuperiro jia tiri jire. Baharopu to noano yoari wapa Cohamacu tirore to noano yoahore masino ñano yãhdu dua tiri jire Cristo to ñano yãhdũhto seheta. Jipihtina Egipto macaina ti noaare ti cjuaro yãhdoro tiro Cohamacu sehere tuaro cahmaa tiri jire. Ñano yãhdurparota, Cohamacure cahmaa tiri jire. ²⁷ Cohamacure wacũ tuaro, Egipto macaina bui pãhtoro tiro mehne to suachu cuieraa tiri jire Moise. ã cuieraro tí yahpai jiriho tí yahpare cohã wahcãa wahaa tiri jire. ã waharo Cohamacure bajuerarirore

to ñaboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

²⁸ Cohamacure wacũ tuaro Moise cjiro Israe masare Cohamacu to yãhdũchu yoahore masia tiri jire. ã masino Cohamacu to dutiriro seheta Israe masa ti sopacarire ãa pjĩine di mehne wajã site dutia tiri jire tiro. Tí ã yoachu ñano anjo masare wajãriro ti masa wahmisumare wajãboriro Israe masa ti wahmisumare wajãera tiri jire. ²⁹ Cohamacure wacũ tuaa, Israe masa “Sohãri ma”, ti niri mapu co watoi jiri wahsai co marieni wahsai wahaa wahaa tiri jire. Tí ã wahachu ñua Egipto macaina cãhu tinare ñu cũ, nuhu ti wahcãmaa, mini yariaa wahaa tiri jire.

³⁰ Cohamacure wacũ tuaa Israe masa Jericó wama tiri maca macari sahrĩno tãa mehne ti yoari sahrĩno sã butiri sahrĩno baharo bñhusehei soroa majarea tiri jire. Siete dachori waro tí macare soroa tinia tiri jire. Tõpe dachori ti soroa tiniri baharo tí sahrĩno sehte bora pihtia wahaa tiri jire. ³¹ Cohamacure wacũ tuaro tó pano mu mehne ñano yorucuricoro cjiro Rahab wama tiricoro, tí maca macaricoro Israe masare yoadohoa tiri jire. Tí macare ti cohãhto pano mahainacã Israe masa tõpu sãa ti duhti ñechu ticoro tinare yoadohoa tiri jire. To ã yoadohochu ñua Israe masa wajãera tiri jire ticorore. Tí maca macainare Cohamacure yãhdurucainare wajãpahta ticoro sehere wajãera tiri jire.

³² Painare Cohamacure wacũ tuainare yahu namoboa yãhu. ã yahu duapaihta payure ã Cohamacure wacũ tuainare yahu joa pahño masieraca yãhu. Payu jira tina. Gedeõ, Baraca, Sansõ, Jefe, Davi, Samue, Cohamacu yare yahu mahtaina cãhu ahrina jipihtina yu yahuborina jira. ³³ Cohamacure wacũ tuaina cãina paye yahparipu jia, tí yahpari macainare cahma wajã yãhdurucaa tiri jire. ã yoa paina noano dutiina jia tiri jire. Cohamacu

tinare “Musare yoadohoihtja”, to niriro seheta tinare yoadohoa tiri jire. Tirore ti wacũ tuachũ ñũno ã tinare yoadohoa tiri jire. ã wacũ tuaa, yaya tinare ti chũ duachũ ti duserire bihachũ yoaa tiri jire tina. ³⁴ Tuarõ jãri pichacaru jipahta jãera tiri jire tina Cohamacure wacũ tuaa. Paina tinare ti ñosa wajã duachũ duhti wahcãa wahaa tiri jire Cohamacure wacũ tuaa. Tuaraina jipahta Cohamacure wacũ tuaa, tuaina wahaa tiri jire. Cohamacure wacũ tuaina jia, cahma wajã tuaina jia tiri jire. ã jia paye yahpari macaina surara tinare wajãa taina ne cãno pjaera tiri jire tinare. ³⁵ Cãa numia Cohamacure ti wacũ tuachũ ñũno ti coyeyã ti yariachũ ñũno Cohamacu sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiarõ yoapeina Cohamacure wacũ duhuera tiri jire. “Cohamacure musa wacũ duhuchũ musare wionahca”, nia tiri jimare tinare peresu yoaina Cohamacu yainare. Ti ã nipachuta tinare yuhtiera tiri jire Cohamacu caharu tuarõ waha duaa. ã jia tinare ñabiarõ ti yoapechũ yariaa wahaa tiri jire. ³⁶ Painare Cohamacure wacũ tuainare ñano ni bujape tinare tjana mujaa tiri jire. ã yoa painare dahporire, yachurire duhtenoca peresu yoaa tiri jire. ³⁷ Cohamacure wacũ tuainare ñaina tãa mehne doca wajãa tiri jire. Painare ti pjacurire seroti mehne yihso ta mujaa tiri jire. Painare ñosaa pjĩni mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pjacuoina jia tiri jire. ã jia paina tinare ñano yoapea tiri jire. ³⁸ Tina Cohamacure wacũ tuaina peri yu yahuina noa yuhduaina ti jichũ ahri yahpa macaina ñaina tina mehne jiborina jierara. Ahrina Cohamacure wacũ tuaina wahuse marieina jia, masa marienoru, tãyucaru ji sitotaa tiri jire. ã ji sitotaa, tãyucaru jia copariru, yahpai jia copariru cãhure

carĩ sitotaa tiri jire. ³⁹ Ahrina jipihtina Cohamacure ti wacũ tuachũ ñũno wahchea tiri jire tiro. Ti ã wacũ tuapachuta Cohamacu tinare “Musare yuhduchũ yoihtja”, to niriro mu suerasinia tiri jire. ⁴⁰ To yuhduchũ yoerasinirire yahuro õ sehe ni tuhotua tiri jire Cohamacu. “Ahrina yu yainare baharoru jiina yu yaina mehne cãno potori yuhduchũ yoihtja”, ni tuhotua tiri jire. ã ni tuhoturo to niriro seheta yorohca. To ã yoachũ noa yuhduara to pano yoriro yuhdoro.

12

Jesure ã wacũrucujihna mari

¹ ã jina ahri yu yahurinare payu Cohamacure wacũ tuainare masina, jipihtia ñaa yoare duhunocajihna mari cãhũ. Õ sehe jira mari piti dahre buhechũ: Murocaperirore tirore muroca tuachũ dojomehnea jira paye. To dahpo suhti nucua suhti tirore muroca tuaerachũ yoaboca. Tĩ yoaro seheta Cohamacu cahmaare mari yoa duachũ dojomehnea cãhũ jira. Ahri cãhure duhujihna mari. ã yoana murocapeina soro marieno ti murocaro seheta mari cãhũ Cohamacu to cahmano seheta soro marieno yoajihna. ² ã jina Jesure ã wacũrucujihna mari. Tirota jira marine wacũ tua ducachũ yoriro. ã yoa marine wacũ tua namochũ cãhure yoara tiro. Crusaru yariaro cãno pjari jire. Baharo to wahchehtore masino crusaru yariari jire. ã yariaro buo tiboriro jiparota buo tierari jire tiro. ã yoaro mipure Cohamacu to puhtoro dujiro potõ buhusehei dujitjiãhno tiro dutiriro jira.

³ Ñaina masa tirore ti ñabiarõ yoapachuta cãno pjari jire tiro. Tĩre wacũga musa, musa cãhũ ñano yuhduina, “Cãno pjaerari”, nina. Tĩre wacũga musa “Tirore wacũ tua duhuri”, nina. ⁴ Jesu to ñano yuhduriro sehe ñaare yoera-panahta ñabiarõ warõ yuhduerasinica

musa. Ñaina musare wajãerasinica.
⁵ ¿Cohamacu musare to pohñare to yahurire bonocajari musa? Musa ñano yuhduhtire to yahurire wacũga musa. Õ sehe nia tiri jire tiro:

“Yu macu, muhare yu yahuchu yuhare ã ñanocai tjiga ñano yuhdupaihta.

Muhare yu tuhtichu tuhocu cahyai tjiga.

⁶ Jipihtina yu cahĩinare yahuja.

Ã yoa jipihtina ‘Yu pohña jira musa’, yu ni ñinare yuhduraca duteraja.

Ã jicu ti yuhduracachu ñucu tinare buhiri dahreja”,

nia tiri jire Cohamacu. ⁷ Ñano yuhduna Cohamacu yare duhuena tjiga. Cohamacu musare to pohñare buhero nina. Ti pucsuma ti pohñare ã yahurucura. Ñ yoa tinare buherucura. Tó sehetã yoara Cohamacu cãhu marine to pohñare.

⁸ Cohamacu jipihtina to pohñare ã yahurucura. Ñ jina musare to yahuerachu to pohña waro jierara musa. Pucsuma marieina yoaro sehe jira musa to yahueraina. Ñ jina “Sã Pucu waro jira”, ni masierara musa Cohamacure, musare to yahuerachu. ⁹ Mari pucsuma marine ti yahuchu tuhona tinare ño payoja mari. Mari pucsumare mari ño payoriro yuhdoro ño payoro cahmana mari Pucure Cohamacure to yahuchu. Ñ jina tirore yuhtiro cahmana marine. Ñ yuhtiina jina jipihtia dachoripe tiro mehne jinahca.

¹⁰ Mahaa numericã ahri yahpai mari jisinicu mari pucsuma marine yahua, buhiri dahrera. Ti mu sũro ti masino purocãta marine yahua, buhiri dahrera. Cohamacu sehe marine noano yahura. Ñ jiro to masia mehne marine buhiri dahrera marine noaina bucã dutiro. Ñta yoara tiro marine tiro yoaro sehe noaina mari jihto sehe. ¹¹ Marine to buhiri dahrechũ wahcheraja mari. Wiho mari cahyaja. Ñ cahyapanahca

bucãnahca mari. Ñ jina soro yoaro marieno noano jinahca.

Cohamacu marine to dutiare mari yuhtierachu cã nina marine

¹² Ñ jina wacũ tuaera cureina jipanahta Cohamacure wacũ tuaina jiga. Tirore duhuena tjiga. ¹³ Noano potori mahare musa wahaboro sehetã noano potocã yoaga musa. Musa ã yoachu ñu cã, paina Jesu yaina soro jiare yoasi. Musa noano yoachu ñu cã, noano wacũ tuaera cureina cãhu wacũ tuaina wahaahca.

¹⁴ Jipihtina masa mehne noano jiga, cahmacheno marieno. Ñ yoa ñano yoarucuenta tjiga. Ñaa buhiri marieina dihta mari puhtoro Cristore ñahca.

¹⁵ Noano yoaga musa. Cohamacu musare to yoadohochu tirore noano yuhtiga. Ñaa diaa ti toaare ti dojomehñeno sehetã musa cãhu Cristo yare duhuena tjiga, “Painare dojomehñeri”, nina. ¹⁶ Ne numia mehne ñano yoaina jiena tjiga. Ñ yoa Cohamacu yare cahmaeraina jiena tjiga. Cohamacure cahmaerariro jia tiri jire Esaú cjiro. Tiro masa wahmino jia tiri jimare. Ñ jiro to pucũro to yariari baharo to pucũro yare cjuhtiro jisinia tiri jimare. Cohamacu to pucũrore to ni cãri cãhure cjuhtiro jisinia tiri jimare. Ñ jiro jiro cã dacho cã wapaihta chãre cahmano, tí wapa mehne to baharo sehere to wahmino yoaro taro cohtotã tiri jire. ¹⁷ To ã yoari baharo to dohse waharire masina musa. To pucũro tirore to wahtire tuaro cahmaa tiri jimare Esaú. To ã cahmapachũta to baharo to wahmino to yoari buhiri, baharo to cjuaborire waera tiri jire to pucũro Esaúre. Tíre yahco mehne to sinipachũta tirore waera tiri jire to pucũro.

¹⁸ Cohamacu to dutiare Moise cjirore to cũchu mari coyera Israe masa cjiro Cohamacu mehne jia tiri jire. Tina tiro mehne ti jiro sehetã musa sehe jierare. Õ sehe yoaa tiri

jire tina sehe. Tūcupu Cohamacu mehne jia taa, sua tiri jire. Tu sehe Sinaí wama tidu jira. Turu ti suchu tuaro pichaca jáa tiri jire. ã jiro nahitiano, buiri, tuaro wihnono cāhu jia tiri jire tu tūcui. ¹⁹ Tópu ti suchu corneta bisiro coa taa tiri jire. ã yoa durucua bisiro coa taa tiri jire. To ã durucua bisiro coa tachu tūhoa, masa cāno pjaeraa, “ã durucu namoeno tjijaro”, tuaro ni sinia tiri jire. ²⁰ Cohamacu cuaro mehne õ sehe ni, dutia tiri jire tinare: “Jipihtina ahdu tūcure pihainare tãa mehne doca wajāga tinare. Ahdure pihariro wahiquiro waro to jipachuta tiro cāhure tãa mehne doca wajāga tirore. O ñosadu mehne ñosa wajāga tirore”, nia tiri jire Cohamacu. To ã nichu tūhoa to ã ni dutiare cāno pjaera tiri jire tina. ²¹ Jipihtia tu tūcui jiro to ñurire ñu cuiro, õ sehe nia tiri jire Moise cjiro: “Cuicu teterei nija”, nia tiri jire tiro.

²² Tó seheta Cohamacu mehne ti ji ducariro seheta jierara mūsa sehe. Cohamacu mehne jina wahana, Siõ wama tiduru mūano macaduru mūsa sūboro seheta potota Cohamacu mehne durucure mūsa. Cohamacu catiriro to ya macaru mūsa sūboro seheta potota tiro mehne durucure mūsa. Tí maca pa maca wahma maca Jerusalē mūano macari maca jira. Tópure payu anjoa peri jira. ²³ Tina Cohamacu mehne wahchea taa cahmachuina jira. ã jina mūsa sehe to ya maca macaina jina, tópu Cohamacu pohna ji mūhtaina mehne mūsa cahmachuboriro seheta jira. Tina to pohna wamare to joa õri pūi mūanopu ti wamare to joa õina jira. Tiro Cohamacu sehe jipihtinare besehtiro jira. Tiro mehne macaina jira mūsa sehe. ã jina paina noaina Cohamacu yaina mehne cahmachuina seheta jira mūsa cāhu. Tinareta ñaa marieina jichu yoa tuhsuri jire Cohamacu. ²⁴ ã jina Jesu mehne macaina jira mūsa sehe. Wahmanopu Moise cjirore to duti cūri cjirire cohtotaro “Mū sare

yūhdūchu yoaihtja yūhu”, ni cūa tiri jire Cohamacu marine. To ã ni cūriro seheta yoariro jira Jesu. To dire cohā to yariaro mehne ã marine yūhdūchu yoara. Abe cjiro to di cohāchu ñūno Cohamacu Abere wajārirore buhiri dahrea tiri jire. Jesu sehe to dire cohā to yariaro mehne noano yūhdūja mari. ã jiro Abe to di cohāri wiho warota jia tiri jire. Cristo sehe to di cohāri baharo noa yūhdūaro yoari jire Cohamacu marine. ã jia to di cohāri wiho warota jierara.

²⁵ ã jina noano yoaga mūsa. Cohamacu yare mū sare yahurirore noano yūhtiina jiga. Panopu ahri yahpai jiro Moise cjiro Cohamacu yare to yahuchu tūhoa, payu tíre tūho duaera tiri jire. ã ti tūhoerari buhirire buhiri dahrea tiri jire Cohamacu tinare. Cristo sehe mūanopu jiro Cohamacu yare yahuriro jira. ã jiro panopu macainare to buhiri dahreriro yūhdoro buhiri dahrerohca Cohamacu Cristore cahmaerainare. Cristo sehe mūanopu jiro Cohamacu yare yahuriro jira. ²⁶ Tí pjare Moise cjirore to dutiare to cūri pjare Cohamacu to durucuro mehne yahpa ñuhmichu yoaa tiri jire. Mipu sehene õ sehe ni yahuri jire tiro: “Ahri yahpa to ñuhmichu cū taha yoa namoihtja. Ahri yahpa dihtare ñuhmichu yoasi yūhu. Mūanopu cāhure ñuhmichu yoaihtja”, ni yahuri jire tiro. ²⁷ “Ahri yahpa to ñuhmichu cū taha yoa namoihtja”, nino jipihtiare to bajuamehnerire to cohāhtore masichu yoaro niri jire. Pūhtoro Cohamacu to sūho jiropure cohāhto basioerara. ã jiro to bajuamehneri cjirire to cohāchu pūhtoro to sūho jiro dihta tjuarohca. ²⁸ Pūhtoro to sūho jiropure wahanahca mari. ã jina pūhtoro to sūho jiropure to cohāerachū ñūna, Cohamacure “Noana”, nijihna mari. ã jina tirore ño payoa mehne, cua pisaro mehne to yare yoajihna mari tirore wahchechu yoana tana. ²⁹ Pichaca jāno to cuaro to jiro seheta Cohamacu

cuaro choro buhiri dahreriro jira.

13

Õ sehe Cohamacure wahchechũ yoaga

¹ Mũsa mehne macainare cahĩ duhuena tjiga. ² Masa mũsa masieraina ti jipachũta tinare mũsa wũhũsepũ noano mehne sãa ta dutiga. Paina ã yoaa, masierapahta anjoare ti wũhũsepũ sãa ta dutiri jire. ã jina ti yoaro seheta yoaga mũsa cãhũ.

³ Peresui jiinare pja ñũga. Mũsa sehe tina mehne peresui jiina mũsa jiboro seheta tinare pja ñũga. Paina ti ñano yoaina cãhũre pja ñũga. Tina yoaro sehe mũsa cãhũ mũsa ñano yũhdũboro seheta tinare pja ñũga.

⁴ Wamomaca dũhteina jipihtina mũsa basi noano cahma ño payoga. ã yoa paina mehne ñano yoaena tjiga. Jipihtina numia mehne ñano yoinare, mũa mehne ñano yoaa numia cãhũre buhiri dahrerohca Cohamacũ.

⁵ Niñerure cahĩina ne jiena tjiga. Õ sehe nia tiri jire Cohamacũ: “Mũsare ne cohãsi. ã yoadohorucuihtja mũsare”, nia tiri jire tiro. Noho puro mũsa cãhũa mehne tó purota wahchega. Pjĩro cahma namoena tjiga. ⁶ ã jina cuiro marieno õ sehe ni tũhotunahca mari: “Mari pũhtoro Cohamacũ marine yoadohoriro jira.

Ne cuisu mari.

Masa marine ti ñano yoahore cuisu mari”, ni tũhotunahca mari.

⁷ Cohamacũ yare mũsare yahurinare mũsare dutirinare wacũga mũsa. ã yoa noano ti jia tirire noano ti yoaa tirire wacũga. ã wacũna, Cristore ti wacũ tuariro seheta yoaga mũsa cãhũ.

⁸ Jesucristo ne cohtotaerara. Panopũ, mipũ cãhũre, baharopũ cãhũre to jiro seheta jirucurohca tiro. ⁹ Payũ buheare soro jia buheare tũhoena tjiga mũsa “Noa buheare sãpũ cohãri”, nina. “Ahrire chũga.

Ahrire chũena tjiga”, ni buhera cãina. ã ni ti nia buheare mari yũhtichũ tí marine yoadohoerara. ã jiro tó sehe jia buheare mari yoachũ wiho warota jira. Tí marine wacũ tuaina jichũ yoaerara. Cohamacũ sehe marine pja ñano wacũ tuaina jichũ yoara. ã jina to ya tuua mehne tirore wacũ tuaina jiga mũsa cãhũ.

¹⁰ Cristo mari ñaa buhirire yariari jire mari ñaare cohãno taro. Sacerdotea sehe õ sehe niina jira: “Wahiquina mari wajã jũ mũoina, mari waina mehne yũhdũnahca”, niina jira sacerdotea. ã niina ti ñaa yoari buhirire cohãina ne ji masierara. Cristo to crusai to yariaro mehne yũhdũina ji masierara tina ã ni tũhotuina. ¹¹ Mari judio masa mari sacerdotea pũhtoro Cohamacũ to jiri tahtia waropũ dire na sãano wajã sitea tiri jire, masa ti ñaa yoari buhirire cosawero taro. ã yoa to wajãriro wahiquiro to pjacũre tí maca dũhtũ cahapũ jũ cohãnocahna.

¹² To yoiro seheta Jesu cãhũ maca dũhtũ cahapũ yariari jire, masa ti ñaa buhirire to di cohãno mehne cosawero taro. ¹³ Maca dũhtũ cahapũ to yariachũ ñũa, ti ya buheare to cohãchũ ñũa judio masa pũhtoa tirore ñũ tuhtiri jire. ã jina mari cãhũ tiro mehne macaina jijihna. Mari ã jichũ ñũa, masa mari cãhũre ñũ tuhtiahca. ¹⁴ Ahri yahpapũ mari ji dojoahti maca ne mariahna. ã jina mipũre mari baharopũ jihti macare cohtana nija mari. ¹⁵ ã jina Jesu to yoadohoro mehne Cohamacũ mehne durucuja mari. ã jina tirore noano sinijihna. Sacerdote wahiquirore jũ mũo, Cohamacure to ño payoriro seheta Cohamacure mari dũseri mehne noano durucu ño payojihna mari. “Cohamacũ tuariro jira”, ni ño payorucujihna. Mari ã nichũ tiro wahcherohca. ¹⁶ Mũsa mehne macainare noano yoaga. ã yoa tinare yoadohoga. Tíre boena tjiga. Mũsa ã noano yoana Cohamacure ño payona nica mũsa. ã yoana tirore

wahchech_u yoana nica.

¹⁷ M_usa p_uhtoare noano y_uhtiga. Ti dutiro seheta yoaga. Cohamac_u m_usare ñ_u wihbo, buhe dutiro c_ure tinare. To ã c_urina jia m_usare ã ñ_u wihborucua nina “Cohamac_ure y_uhd_urcari”, nia. ã jina tinare noano y_uhtiga m_usa. M_usa ã y_uhtich_u ñ_ua wahchea mehne m_usare yoado-hoahca tina. M_usa y_uhtierach_u ñ_ua tina cahyaahca. ã y_uhtierana noano jisi m_usa.

¹⁸ Sãre sini payorucuga Cohamac_ure. Dachoripe noaa dihtare yoa duaja sã. ã jina “Ñ_uaare yoana nija”, ni t_uhotueraja sã. ¹⁹ Ahri pinihtare tuaro sini payoga Cohamac_ure y_uh_ure: Soaro mehne m_usa cahap_u y_u wahah_uto_ure tirore sini payoga.

Ahri p_ure joariro noa duti batoaha

²⁰ Cohamac_u mari p_uhtoro Jesure yariarirore masori jire. Marine noano jich_u yoariro jira. Tiro “M_usare y_uhd_uch_u yoaihtja”, ni c_ua tiri jire Cohamac_u marine. To ã ni c_urire yoariro marine y_uhd_uch_u yoariro Jesu sehe jira. Mari ñ_ua buhirire yariari jire tiro. ã jiro tiro tuariro ovejare ñ_u wihboriro yoaro sehe jiro, marine to yainare noano ñ_u wihbora. ²¹ ã jiro Cohamac_u tirore masoriro m_usa c_uh_ure yoadohojaro jipihtia noaare to cahmaare m_usa yoah_uto_u sehe. ã jiro Jesucristo to yoadohoro mehne Cohamac_u to cahmano seheta jipihtinare marine noaa sehere cohtotach_u yoajaro. Jipihtia dachoripe Cristore ño payojihna. ãta yoajihna.

²² Y_u coyea, ahrire tuaro m_usare dutihtja: Ahri p_ui y_u yahurire noano mehne t_uhoga m_usa. Ahri m_usare y_u joarocari p_u pj_uri tju jierara. ã jina ahrire noano t_uhoga. ²³ Ahri c_uh_ure m_usare yahuihtja: Mari coyeirore Timoteore peresu jirirore wioyuhti. Soaro mehne to wihich_u m_usare ñ_ui wahac_u tirore naaihtja. Y_uh_u mehne waharohca.

²⁴ M_usa p_uhtoare, jipihtina painare Cohamac_u yainare t_ui j_uinare noa dutija. Italia macaina Jesu yaina c_uh_u m_usare noa dutira.

²⁵ Cohamac_u to cah_ua mehne m_usare jipihtinare noano yoajaro.

Santiago

Santiago Israe masare macari waharinare joarocaha

¹ Yuhũ, Santiago ahri pũi musare noa duti joarocai nija. Cohamacũre, mari puhtoro Jesucristo cãhũre dahra cohtariro tjija yuhũ. ã jicũ Israe masa ya curuari macainare doce curuari macainare Jesu yainare macari waharinare yũ coyera musare joarocai nija.

Cohamacũ sehe noano masichũ yoara

² Yũ coyera, payũ jiahca musa ñano yuhduhti. ã ñano yuhdũna noano wahchea mehne tuhotuga. ³ ã ñano yuhdũna, potocãta Jesure musa wacũ tuaare ñona ninahca musa. ã jina ñano yuhdũpanahta Jesure musa noano wacũ tuaina jina, tirore wacũ tua namoina wahanahca. ã wahana musa ñano yuhdũare cãno pjanahca. ⁴ ã yoana duhuro marieno ã cãno pjarucuina jiga musa, tuho masiina, Cohamacũ cahmaare noano masiina musa jihto sehe. ã jina duhsaro marieno to yare yoarucuina jinahca musa.

⁵ Cohamacũ duhsaro marieno jipihtinare wara. ã waro tirore siniinare soro nino marieno wara tiro. To ã jiro jichũ masina, musa masihti duhsachũ tuhotuna, tirore siniga. Musã ã sinichũ musare masi namochũ yoarohca tiro. ⁶ ã sinina Cohamacũre noano wacũ tuatjiãhna siniga musa. “Sã sinichũ Cohamacũ waeraboca sãre”, ni tuhotuena tjiga. Tó sehe ni tuhotuina pjiri ma macaa pahcõri yoaro sehe jira. Pahcõri ti sũroca cohtotaro seheta tina cãhũ ti wacũapũre sũroca cohtotara. Cãno potori yoerara tina. ã jia Cohamacũre wacũ tuaerara. ⁷ Tó sehe ni tuhotuinare ti sinipachũta ne mahanocã ti siniare tinare wasi mari puhtoro Cohamacũ. ⁸ Michare ahrire cahmariro jiparota ñamichacapũre

soro tuhotura tjoa. ã yoarirore tó wahaerara.

⁹ Jesu yainare wiho jainare Cohamacũ sehe puhtoa sõnohca. To ã yoahina jia wahchejaro tina. ¹⁰ ã jia Jesu yaina pache puã jia ti ya pache pihtihore masia wahchejaro. Tí pache wiho warota jira, Cohamacũ to ñichũ. Cohori ti dói baa boraa waharo seheta tí pache pihtia wahahca. ã jia tina cãhũ wahchejaro. ¹¹ Sũ mũja taro to tuaro sichũ tja sehe ñaia wahara. ã yoa cohoru cãhũ ñai boraa waha, noaa cohoru ti jia cjiri pihtia wahara. ãta waharohca pache puare ti pachere ti na cahmachuno watoi. Tina ti pache mehneta butia wahaahca.

Ñano yoa dutiare yoerariro wahcheriro jira

¹² Ñano yuhduriro cãno pjaro, ñano yoa dutiare yoeraro wahcheriro jirohca. To ã cãno pjachũ, to ñaare yoerachũ jipihtia dachoripe mũano macaa catiare tirore warohca Cohamacũ. “Tí catiare waihca”, ni cãa tiri jire Cohamacũ jipihtina tirore cahĩinare. ¹³ Musare ti ñano yoa dutichũ “Cohamacũ yuhũre ñano yoa dutiro nina”, ni tuhotuena tjiga. Ñano yoare tuhotuerariro jira Cohamacũ. ã jiro tiro sehe masare ñano yoa dutiro jierara. ¹⁴ Masa tuaro ñaare ti goa pjaata tita tinare ñano yoachũ yoara. ¹⁵ ã jia ñaare goa pjara masa. ã goa pjaã, tí sehere tuhotura. ã tuhotua, tí ñaare yoarucura tina. Ti ã yoarucuri buhiri Cohamacũ tinare pichacapũ cohãnohca.

¹⁶ ã jia yũ coyera yũ cahĩina, “Cohamacũ yuhũre to dutichũ ñano yoahi”, ni tuhotuena tjiga. Potocã jierara tí. ¹⁷ Cohamacũ mũano macariro marine noaa dihtare wara. Tiro pinihta sũ dacho macarirore, ñami macarirore, ñahpichoha poca cãhũre bajuamehneriro jiro, tiro sehe to jiro sehetã ã jirucunocahna. Ne cohtotaerara. ¹⁸ To cahmariro sehetã tiro noaa buhea mehne marine to pohna wahachũ yoare. ã yoare

tiro to pohna ji muhtaina mari jihto sehe.

Potocãta Cohamacure ño payoa õ sehe jira

¹⁹ Yu cahĩina, yu coyea ahrire noano tuhoga musa. Cohamacu yare noano tuhoga musa. Ã tuhona, noano tuhoturo marieno durucuena tjiga. Ã yoa suaena tjiga. ²⁰ Cãiro suariro jiro, Cohamacu to cahmano seheta quihõno yoariro jierara. ²¹ Ã jina jipihia musa ñaa yoarire, musa ñaare goa pjarire duhuga musa. Ã jina Cohamacure noano yuhtiina jina to buheare tuaro cahmaga musa. To ya buheare musa tuaro cahmachu Cohamacu sehe musare pichacapu wahaborinare yuhduchu yorohca.

²² To yare tuhopanahta to nino sehe yoerana mahõare tuhotuna nica musa. “To nino sehe yu yoerachu noanohca”, ni tuhotuna mahõare tuhotuna nica musa. Ã jina to yare tuhona tí sehere yoaga. ²³ Cohamacu yare tuhopanahta, to nino sehe yoerana, to wuhduare ñõno mehne ñariro yoaro seheta jira musa. ²⁴ Tiro to wuhduare to ñari baharo waha, to ñarire boa wahara. ²⁵ Pairo sehe to ñarire to boerariro seheta Cristo to dutirire tuhoro tire yoaro, wahcheriro jirohca. Tí dutia Cristo to cahña mehne masare to yuhduchu yohti buhea jira. Tí buheare ne cohãerariro wahcheriro jirohca. Tiro pinihta to tuhore yoariro jira. Ã yoarirore noano yorohca Cohamacu.

²⁶ Cãiro to ã durucumacancarire duhu masieraro, potocãta Cohamacure ño payoerara. “Cohamacure noano ño payoja”, ni tuhoturiro jiparota mahõare tuhotura tiro. “Cohamacure ño payoja”, niriro to jipachuta to ño payoa ne yaba cjihti jierara. ²⁷ Potocãta Cohamacure mari Pucure mari ño payona, to cahmano seheta ño payona, õ sehe yoaja mari: Pucsuma marieinare, wapewahya numia cãhure ñano ti yuhduchu ñana, tinare

yoadohoja mari. Ã jina ahri yahpa macaina ñaare ti yoaa barore ne yoa duaeraja mari. Ã yoana potocãta Cohamacure ño payoina jija mari.

2

Masare cãno potori noano yoaro cahmana marine

¹ Yu coyea, noa yuhduarirore Jesucristore mari puhtorore tuhona, tirore wacũ tuaina jira musa. Ã wacũ tuaina jina masare cãno potori noano yoaro cahmana musare. ²⁻³ Ã yoa uru sororire, wamomaca sãa sororire cjariro, wapa tia suhtire sãariro musa Jesu yaina cahmachuno cahapu to tachu ñana tirore noano mehne piti bocaboca. “Õi dujiro jira”, niboca musa tirore. Ã nipanahta tí pjata pjacuroro cãhu ñano suhti tiriro musa cahai to tachu ñana tiro sehere noano piti bocaeraboca. “Õi ducuga. O yahpai dujiga”, niboca musa tirore. ⁴ Musã ã yoana masare cãno potori yoerana nica musa. Ã yoana ñaare tuhotuina masare beseina yoaro sehe jina nica musa. “Ahriro sehe noariro jira. Ahriro ñariro jira”, ni besemana musa.

⁵ Yu coyea, yu cahĩina, yuhure tuhoga. Payu pjacuoina sehere Cohamacure noano wacũ tuahtina cjihtire, puhtoro to sãho jiropare jihtina cjihtire besea tiri jire Cohamacu. “Tõpũre wahanahca musa”, ni cãa tiri jire Cohamacu tirore cahĩinare. ⁶ Tinare to ã besepachuta musa sehe pjacuoinare noano yoerare. Pache puã sehe musare ñano yoara. Ã yoaa tina masare beseriro cahapu musare naahna musare yahusãa taa. ⁷ Musã sehe “Cristo yaina”, masa ti niina jira. Payu pache puã sehe Cristore ñano ni durucuina jira. (Ã jiro pjacuoinare musa ño payoriro yuhdoro pache puare musa ño payochu sehere ñaa nina.)

⁸ Cohamacu dutia mehne macaa dutiare paye dutia bui curero jia dutiare õ sehe ni joaa tiri jire: “Mu basi mu cahĩno seheta mu cahai

jiina cūhure cahīga”, nina Cohamacu dutia. Ahri dutiare yoana, noare yoara mūsa. ⁹ Wiho mejeta masare cāno potori yoerana űano yoana nina mūsa. Ā jina Cohamacu dutiare yūhdurucaina jira mūsa. Āta nina Cohamacu yare ti joari pūi. ¹⁰ Cohamacu dutiare yoana jipanahta cūnotare mūsa yoerachū paye dutiare mūsa yoa pahñopachuta yaba cjihti jierara. űaa buhiri tiina jisina mūsa. ¹¹ “Pairo namono mehne űano yoena tjiga” ni, mū sare dutiro Cohamacuta jira. “Masare wajāena tjiga”, niriro tirota jira Cohamacu. Pairo namono mehne űano yoerapanahta masunore wajāna Cohamacu to dutiare yūhdurucaina jira mūsa. ¹² Cristo marine tuaro cahīno, marine dutira marine yūhdūchū yoaro taro. To dutiare mari yoarire, mari yoerari cūhure űuno marine besero tarohca. To ā besehtina jina to dutiare noano yoajihna. Ā yoa to cahmano seheta durucujihna mari. ¹³ Mipure painare mari pja űerachū Cohamacu sehe masare to beseri pja jichū marine pja űusi. Wiho mejeta painare mari pja űuchū Cohamacu sehe pja űuno, marine buhiri dahresi.

Cristore wacū tuaina sehe noare yoara

¹⁴ Yū coyea tūhoga mūsa. “Cristore wacū tuaja yūhū”, cūiro to nipachuta painare to noano yoad-ohoerachū to ā nimari cjiri sehe ne yaba cjihti jierara. Tó sehe ni wacū tuamacanocarirore Cohamacu yūhdūchū yoasi. ¹⁵⁻¹⁶ ¿Jesu yairo, Jesu yacoro űaa suhti dihta ti cjūachū űūna ti chūhti mariachū űūna dohse yoajari mūsa tinare paye baro cjūaina jina? “Noano jiga mūsa. Ā yoana noano suhti tiga. Ā jina noano chūa mehne yapi wahcāga”, nipanahta ti cahmaare mūsa waerachū mūsa ā nimari cjiri ne yaba cjihti jierara. ¹⁷ Ā yoa “Cristore wacū tuaja”, mūsa nipachuta noare mūsa yoerachū Cristore mūsa wacū tuaa ne yaba cjihti jierara.

¹⁸ Mūsa mehne macariro ahri yū buherire tūho duaeraro ō sehe masijaro. Noare yoeraparota “Cristore wacū tuaja”, niboca tiro. Noare yoeraro Cristore to wacū tuaare painare masichū yoa masierara. Noare yoariro pinihta noare to yoaa mehne Cristore to wacū tuaare masichū yoa masina. ¹⁹ “Cohamacu cūirota jira”, ni tūhotura mūsa. Mūsa ā ni tūhotuchū noa nina. Ā jipachuta tó purota Cohamacure yūhtiro marieno tirore mūsa masichū tí yaba cjihti jierara. Watīa cūhū mūsa tūhoturo seheta tūhotura. Ā yoa Cohamacu to jia tiare masina tina. Ā masia, cuia, teterera. ²⁰ Cūiro noano yoeraparota “Cristore wacū tuaja”, ni tūhoturo jiro tūho masierariro jira. Cristore wacū tuamariro painare noano yoeraro potocāta Cristore wacū tuaerara. Ō sehe ni yahuihtja mū sare ahrire: ²¹ Abrahā mari űuchū cjiro to macūno Isaa wama tirore cjirore wajābasaa tiri jimare Cohamacure. Ā yoaro tirore tāa mehne ti yoari tuhu bui duhu payoa tiri jimare. Ā duhu payoro Cohamacu to dutiro seheta to macūno wajāno taro nia tiri jimare Cohamacure űo payoro taro. To ā yoachū űuno potocāta Cohamacure to wacū tuarire masia tiri jire Cohamacu. To ā wacū tuariro to jichū masino, “Potocāta noariro jira”, ni űūa tiri jire Cohamacu tirore. ²² To ā ni űuchū ahrire masina mūsa: Abrahā Cohamacure wacū tuaro tirore yūhtia tiri jire. Ā yūhtiro Cohamacure to wacū tuarire masichū yoaro nia tiri jire. ²³ Ā jiro Cohamacu yare ti joari pūi to niriro seheta ā wahaa tiri jire: “Abrahā Cohamacure wacū tuaa tiri jire. To ā yoachū űuno ‘Noariro jira tiro’, ni űūa tiri jire Cohamacu tirore”, ni joaa tiri jire Cohamacu yare ti joari pūi. To ā ni űuchū masia “Abrahā Cohamacu mehne macariro jira”, nina masa tirore.

²⁴ Ā jina ahri yū yahuitire masina mūsa: “Cohamacure wacū tuaja”

niri,ro, to noano yoaerach_u ñ_uno Cohamac_u sehe tirore “Noariro jira”, ni ñ_uerara. Cohamac_ure wac_u tuariro sehere potoc_uta to noano yoach_u ñ_uno “Noariro jira”, ni ñ_una Cohamac_u tiro sehere. ²⁵ Āta ni ñ_ua tiri jire Cohamac_u Rahab wama tiricorore m_ua mehne ñ_uno yoarucuricoro cjirore. Josué cjiro to warocarinare noano piti boca “Noano s_ua tahga”, nia tiri jire ticoro. Ā yoaro tina ti tjuaa duach_u ticoro sehe pa maha sehere ñ_uoa tiri jire tinare “Tinare ñ_u tuhtiina waj_uari”, nino. To ā yoach_u ñ_uno “Noaricoro jira”, ni ñ_ua tiri jire Cohamac_u ticorore. ²⁶ Ā tjira. Mari pjac_upure catia mariach_u ji masieraja mari. Ā jiro catia marieno mari pjac_u yaba cjihti jierara. Tó seheta “Cohamac_ure wac_u tuaja”, nipanahta painare mari noano yoaerach_u potoc_u jierara mari wac_u tuaa. Ā jiro mari noano yoaa mariach_u mari wac_u tuaa yaba cjihti jierara, catia marieni pjac_u to yaba cjihti jieraro seheta.

3

Mari d_useroi wijaare yahuha

¹ Cohamac_u yare masare buheina to yare ti noano yoaerach_u ñ_uno tina pinihtare masare buheraina y_uh_uoro Cohamac_u buhiri dahrerohca. Tíre masina m_usa, y_u coyey. Ā jina m_usa mehne macaina masare buheina pay_u jiena tjiga. ² Jipihtina pay_u tahari mari ñ_uare yoaja. C_uiro ñ_uare durucuerariro Cohamac_u cahmaare noano yoariro jira tiro. Ā jiro paye ñ_ua c_uh_ure yoaerara. ³ Ō sehe jira ahri mari piti dahre buhech_u: Cawalo to d_useroi comaa pj_ui to ñ_uahmanore ñ_ua dihohti pj_uine mari c_uja, tirore mari majarer_ucach_u yoana tana. Ā yoana tí pj_ui comaa pj_ui mehne tirore to wahahto mari waja majarer_uca dapoja. Tí pj_uica mahari pj_uica to jipach_uta tí pj_ui mehne tirore wahach_u yoaja mari. (Ō seheta mari d_usero mahanoc_u to jipach_uta tí d_usero mehne pj_uiro ñ_uno yoaja mari.)

⁴ Dohoria quti mehne piti dahre yahu namoihtja m_usare: Busoca pjiria to jipach_uta tiare wihnono to tuaro w_urocapach_uta oturiro sehe mahari pj_uica mehne tia nohoi to waha duaroi oturocara. ⁵ Tó seheta jira mari d_useroi wijaa. Mari d_usero mahanoc_u to jipach_uta tí d_usero mehne pj_uiro yoaja mari. Mahari pichacac_u pj_uiro to j_u wahc_uno seheta mari d_usero mehne pj_uiro ñ_uare yoa masija. ⁶ Ā jiro mari d_usero pichaca yoaro sehe jira. Mari d_useroi wijaa jipihtia ñ_uare yoach_u yoara marine. Pichaca to j_u d_ucaro seheta mari d_useroi wijaa mehne mari noano jiborirore ñ_uabiaro yoaja mari. Ñ_uare durucuna wat_uno to dutiro seheta mari yoana nija. ⁷ Jipihtinare n_uc_u macainare wahiquinare, minichahcare, chihch_u wahc_uinare, wahire mari masa sitich_u yoa masija. Mari pay_u tina barore masa sitich_u yoa tuhs_uja. Ā jia tina noano t_uho masina. ⁸ Tinare mari y_uhtich_u yoapach_uta mari d_usero sehe ñ_uare durucuro ne tjueraputiara. Ā jiro nuina ti niji siariro seheta mari d_usero sehe ne niji siaeraputiara. Mari d_useroi wijaa ñ_uabiaa jira. Ā jiro ñ_uima painare to waj_uno seheta marine paina c_uh_ure ñ_uabiaro wahach_u yoara mari d_useroi wijaa. ⁹ Mari d_usero mehne Cohamac_u mari p_uhtoro mehne mari noano durucuja. Ā durucupanahta masa Cohamac_u yoaro sehe j_uinare to bajuamehnerina ti jipach_uta tinare ñ_uabiaro ni durucuja mari. ¹⁰ C_u d_useroihta noaa durucua c_uh_u, ñ_ua durucua c_uh_u wijara. Y_u coyey, ā ni durucueraro cahmana. ¹¹ Máca pohtai m_u wiori copai noaa co, ñ_ua co c_uh_u ne wijaerara. ¹² Y_u coyey, h_uguerac_u olivo pocare dicha tierara. Tuhs_u, sec_u h_uguera pocare dicha tierara. Ā yoa máca pohtai m_u wiori copai moa tia co to wijaach_u moa mariea co wijaerara. (Tó seheta mari d_useroi noaa durucua, ñ_ua durucua mehne wijaach_u yoeraro

cahmana. Æ ni durucuaeraro cahmana.)

Noano masia waro õ sehe jira

¹³ Cãina m̄sa mehne macaina noano masiina jira. Noano masiina m̄sa jia tiare õ sehe yoa ñonahca m̄sa. “Paina ȳhdoro noano masija sã”, niena tjiga. Æ nienata noare yoaga m̄sa. Æ noare yoana potocãta noano masiina jira m̄sa. ¹⁴ Wiho mejeta paio paye barore to c̄hach̄ ñ̄na tíre tuaro cahmaina jina, paina mehne suarucuina jina, painare ȳhd̄r̄ca duaina jina, “Noano masiina jija sã”, niena tjiga m̄sa. M̄sa ã niina jina mahñoina jira m̄sa. ¹⁵ Æ yoaina ti t̄hotua ne Cohamac̄u ya t̄hotua jierara. Ti t̄hotua Cohamac̄ure ȳhd̄r̄caina ti ñano t̄hotua jira. Tí t̄hotua sehe wat̄no ya jira. ¹⁶ Masa ti c̄h̄aare tuaro cahmaina, painare ȳhd̄r̄ca duaina ã cahma sayorucura. Æ yoaina jia jipihtia ñaare yoarucura. ¹⁷ Paina sehe Cohamac̄u yare noano masiina sehe tina pinihta ã yoamacanocaa nierara. Æ yoa tina ne cahma sayoerara. Æ jia masa noaina, painare noano ȳhtiina, pja ñ̄ina, masare yoadohoina, masare c̄no potori yoaina jira tina. Tíre yoaa, mahñono marieno yoara tina. ¹⁸ Æ yoana cahmachea marieno jina, painare “Cahmachea tjiga”, mari ni yahuna, noaina wahach̄u yoana nija mari masare.

4

Ahri yahpa macaa ñaare cahmana, Cohamac̄ure cahmaeraina jira m̄sa

¹ ¿Dohse jiro baro m̄sa cahma sayojari? ¿Æ jina dohse jiro baro cahmachejari m̄sa? Ñaare goa pjana, cahmache duara m̄sa. Noare yoa duapanahta ñaare yoara m̄sa. ² Paye barore m̄sa cahmana. Æ cahmana masare wajãna m̄sa ti yare nana tana. Pairo paye barore to c̄hach̄ ñ̄na tíre m̄sa tuaro cahmana. Æ cahmapanahta tíre na masierara m̄sa. Æ yoa tíre cahma sayorucura

m̄sa. Cohamac̄ure sinierana, m̄sa cahmaare ne bocaerara. ³ Æ yoa sinina, m̄sa ya c̄jhti dihtare sinimana m̄sa, m̄sa cahmano seheta yoarucuna tana. Paina ya c̄jhti sehere sini payoerara m̄sa. Æ jiro m̄sa sinich̄ Cohamac̄u m̄sa siniare waerara. ⁴ Cohamac̄ure cohãina jira m̄sa. Ahri yahpa macaa ñaare cahmana, Cohamac̄ure cahmaeraina jira m̄sa. Ahri yahpa macaa ñaare cahmaina Cohamac̄ure cahmaeraina ji tuhsura. ¿Tíre masierajari m̄sa? ⁵ Õ sehe nia tiri jire Cohamac̄u yare ti joari p̄i: “Cohamac̄u Espíritu Santore mari mehne jhtirore c̄h̄re. Æ jiro Espíritu Santo sehe marine cahño, ñaare mari tuaro cahmapach̄ta cahmasãaerara tiro. To man̄no to namonore to cahñ doaro seheta marine tuaro cahña Espíritu Santo”, ni joaa tiri jire panop̄re. To ã ni joari wiho warota jierara. Potocãta jirota nina. ⁶ Æ yoa Cohamac̄u marine noano yoadohora tirore mari noano ȳhtihto c̄jhtore. Õ sehe nina Cohamac̄u yare ti joari p̄i: “ ‘Ȳh̄ pinihta painare masi ȳhd̄r̄caja’ niriore, Cohamac̄u ñ̄ tuhtira. Pairo sehere ‘Ñariro, wiho jiriro jija’, niriore sehere Cohamac̄u yoadohora”, nina to yare ti joari p̄i. ⁷ Æ jina Cohamac̄ure noano ȳhtiina jiga m̄sa. Æ yoa wat̄nore ȳhtiena tjiga. M̄sa ã ȳhtierach̄ ñ̄no tiro sehe m̄sare duhti wahcã m̄rocaa waharohca. ⁸ Cohamac̄ure noano ȳhtiga m̄sa. M̄sa ã yoach̄u tiro sehe m̄sare yoadohorohca. Ñaina jira m̄sa. Æ jina ñaare yoa namoena tjiga. Ñaa c̄h̄re cahmana, noaa c̄h̄re cahmaina jira m̄sa. Æ jina m̄sa ñaa t̄hotumarire cohtotaga. M̄sa ã yoach̄u ñ̄no Cohamac̄u m̄sa ñaa yoari buhirire cohãnohca. ⁹ M̄sa ñaa yoarire tuaro cahyana, buj̄a witiga. Æ yoana m̄sa ñaare yoari buhirire tiiga. Tíre wahcheina jiena tjiga. Æ jina m̄sa ñaa yoarire ñano yajeripohna tiga. ¹⁰ “Ñariro, wiho jiriro jija ȳh̄”, nina Cohamac̄ure ño payoga. M̄sa ã yoach̄u ñ̄no

tiro sehe ño payoa mehne noano yoarohca m̄sare.

Ti coyeare Jesu yainare ti basi ñano quiti dahre dutieraha

¹¹ Y_u coyea Jesu yaina jina, m̄sa basi ñano quiti dahrena tjiga. M̄sa coyeirore ñano quiti dahrena, tirore buhiri dahre duti duaina jina nica m̄sa. Cristo ya dutia sehe masare buhiri dahrehti dutia ji tuhs̄ra. Ñ jina masare ñano quiti dahrena Cristo ya dutiare õ sehe nina nica m̄sa: “Marine noano dutierara Cristo ya. Ñ jina mari m̄ s̄ro buhiri dahre dutijihna”, nina nica m̄sa masare ñano quiti dahrena. Ñ nina Cristo ya dutiare ñano ni durucuina tjuara m̄sa. Ñ jina tí dutiare yoeraina tjuara. ¹² Masare dutiare wariro, masare beseriro Cohamac̄ta jira. Masare pichac̄p̄ wahaborinare tirota ȳhd̄ch̄ yoa masina. Ñ yoa tirota masare pichac̄p̄ coh̄a masina. Ñ jina mari sehe masare “Ñaina jira”, ni masieraja. Cohamac̄u dihta mari coyeare besehtiro jira.

Ñamichac̄p̄re dohse mari jihtore masieraja mari

¹³ Mip̄re ȳh̄re t̄hoga m̄sa. Õ sehe niina t̄hoga ȳh̄re: “Michare, ñamichac̄re pa mac̄p̄ jina wahanahca. Tórp̄re c̄ c̄hma jina, paye baro dua, nuch̄nahca. Ñ yoana wapatanahca mari”, nina c̄ina m̄sa mehne mac̄ina Cohamac̄re wac̄no marieno. Ñ niina jina, ȳh̄ sehere t̄hoga m̄sa. Tó sehe niinare ahrire yahui tai nija: ¹⁴ Ñamichac̄p̄ dohse m̄sa jihtore masierara m̄sa. Me ti ji, dói pihti m̄ano seheta jira mari jia tia. Me mahanoc̄a jiro, pihtia wahara. Tó seheta mari c̄h̄ mahanoc̄a jina, yarianahca. ¹⁵ Ñ jina õ seheta ni t̄hoturo cahmana m̄sare: “Cohamac̄u to cahmach̄u jinahca mari. Ñ jina õ sehe yoanahca mari”, ni t̄hoturo cahmana m̄sare. ¹⁶ Ñ jipanahta mip̄re “Mari m̄ s̄ro õ sehe yoanahca”, nirucumana m̄sa

Cohamac̄re wac̄no marieno. Tó sehe nirucuna painare ȳhd̄r̄caina jina, ñaare yoara m̄sa. ¹⁷ Ñ jina noaare mari yoahrire masipanahta tíre yoerana ñaare yoana nija mari.

5

Pache p̄are yahuha Santiago

¹ Pache p̄a m̄sa mip̄re t̄hoga ȳh̄re. Baharop̄re m̄sa ñano ȳhd̄nahca. Ñ jina tii sañurucuga m̄sa. ² M̄sa pache ba pihtia wahaahca. Ñ yoa m̄sa suhtire cas̄poca c̄h̄ ch̄ pah̄oahca. ³ Ahri dachorire, pihtiri dacho pano niñerure m̄sa pjíro wihboch̄u ne tí yaba cjihti jierara. M̄sa ã wihboch̄u ñano niñerure m̄sa cah̄ich̄u masina Cohamac̄u. Tí niñeru to wapo wijiboriro seheta tí niñeru pihtia waharohca. Ñ jina niñerure m̄sa cah̄i buhiri ñano ȳhd̄nahca pichac̄p̄ m̄sa j̄ch̄u m̄sa pjac̄re j̄ pjaro seheta. ⁴ M̄sa weserire dahra cohtainare wapaerare m̄sa. Tinare mah̄ore m̄sa. Ñ jiro tinare m̄sa wapaerari niñerure ñano, m̄sa mah̄orire masina Cohamac̄u. M̄sare dahra cohtaina wapa na duaa, sañurucura tina. Tí ã ni sañurucuch̄u mari p̄htoro Cohamac̄u tinare t̄hora. ⁵ Ahri yahpap̄re paȳ pache mehne jia tira m̄sa. Ñ jina m̄sa ji coa dihtare yoaa tira m̄sa. Ñ jina pjiriro wach̄u ti noano nuriro yoaro sehe jira m̄sa. Pjiriro wach̄u pjíro to ch̄ri baharo tirore ti waj̄hti cuhtup̄u na wahc̄ana. Tó seheta m̄sa c̄h̄re pjíro m̄sa cj̄ari baharo m̄sare to buhiri dahrehtop̄u na wahc̄anohca Cohamac̄u. ⁶ Noainare ñano ti yoerapach̄ta peresu yoa waj̄a dutire m̄sa tinare. M̄sa ã yoach̄u tina sehe m̄sare ȳhd̄r̄ca masierare.

Cristo to tjua tahtore noano cohta dutiha marine Santiago

⁷ Ñ jina y_u coyea, mari p̄htoro Cristo ahri yahpap̄re to tjua tahtore noano cohtaga. Wese p̄ro to toaa dicha tihti pjare noano to cohtaro seheta noano cohtaga. Puhiro

to ducachũ. baharopũ coro to ta namochũ cãhũre to toaapũre “Coro ta sãajaro” nino, to wesere to noano duhtore noano cohtara tiro. ⁸ To ã cohtariro seheta mũsa cãhũ noano cohtaga. Mari pũhtoro to tjua tahto mahanocã dũhsara. ã jina Cohamacũre ã wacũ tuarucuna to tahtore ã cohtarucuga mũsa.

⁹ Yũ coyera mũsa basi nurena tjiga Cohamacũ mũsare to buhiri dahrerahto sehe. ã yoa ahrire wacũga mũsa. Buhiri dahrehtiro to tahto mahanocã dũhsara. ¹⁰ Yũ coyera, ñano yũhdũpanahta mari pũhtoro noano cohtaga Cohamacũ yare yahu mũhtaina cjiri ti yoariro seheta. Tina ti cãno pjariro seheta cãno pjaga mũsa cãhũ tinare ñũ cũna. ¹¹ ã yoa ahri yũ yahũhtire wacũga mũsa. Ñano yũhdũpahta Cohamacũre duhueraina wahcheina jira. Panopũ macarirore Job wama tiriro cjirore tũhore mũsa. Tiro ñano yũhdũparota Cohamacũre duhuerari jire. ã jiro to ñano yũhdũari baharo Cohamacũ tirore noano yoari jire. Cohamacũ mari pũhtoro noano pja ñũriro jiro ãta yoari jire tiro. Tĩ jipĩhtiare masina mũsa.

¹² Yũ coyera ahrire noano tũhoga tjoa. Õ sehe ni wama payora masa: “Mũano macariro mehne potocã nina nija”, nina masare tũho dutia. Tuhsũ, “Ahri yahpa mehne potocã nina nija”, nina masa. Paye mehne cãhũre wama payora tina. Tina yoaro sehe ã ni wama payoena tjiga. Ahrire mũsare tuaro dutija. Mũsa painare yahuna, noano potota yahuga tinare. Wama payoro marieno ni yahuga tinare. ã mũsa potocã yahuchũ ñũno Cohamacũ soro mũsa niri buhirire buhiri dahresi.

¹³ Mũsa mehne macariro ñano yũhdũriro jiro, Cohamacũre sinijaro tiro. Pairo wahcheriro jiro Cohamacũre wahchea mehne basajaro. ¹⁴ Mũsa dohatina, Jesu yaina pũhtoare pjirocaga mũsa. Mũsa ã pjirocachũ tina sehe mũsare se mehne wisõahca mari pũhtoro Jesu

wama mehne to tuaa mehne. ã wisõ tuhsũ, mari pũhtoro Cohamacũre mũsare sini payoahca tina. ¹⁵ ã ti sini payochũ “Mari sinino seheta tiro yoarohca”, ti ni tũhotuchũ Cohamacũ mũsare dohatiinare mũsa dohatiare yũhdũchũ yoarohca. ã yoa mũsa ñaa yoari buhiri mũsa dohatiina jichũ ñũa mũsare sini payoahca. Ti ã sini payochũ ñũno mũsa ñaa yoari buhirire borohca Cohamacũ. ¹⁶ ã yoa mũsa mehne macaina mehne mũsa ñaa yoarire cahma pũ buhũseheri yahuga. ã ni tuhsũ, mũsa basi Cohamacũre cahma sini payoga. Mũsa ã sini payochũ mũsa sini payoinare Cohamacũ yũhdũchũ yoarohca. Noaare yoaina mũsa jichũ Cohamacũre tuaro mũsa sini payoriro seheta yoarohca tiro. ã jia mũsa sini payoa tua nica. Wiho jia jierara. ¹⁷ Cohamacũ yare yahu mũhtariro cjiro Elia wama tiriro mari yoaro seheta masũno jia tiri jimare. ã jiro “Coro taero tjiaro” ni, tuaro sinia tiri jire Cohamacũre. To ã ni sinichũ tia cãhma noano pa cãhma dacho macai ahri yahpapũre ne coro taera tiri jire. ¹⁸ Pari turi tjoa Cohamacũre corore to sinichũ coro taa tiri jire. ã jiro pari turi ahri yahpai yucũri bũcũa, dicha tia tiri jire. (ã jia Cohamacũre mari sinia wiho jia jierara.)

¹⁹ Yũ coyera, mũsa mehne macariro Cohamacũ yare duhuriro cjiro Cohamacũ yare pari turi to cahmahto cjihtore tirore yahuna, noano yoana nina mũsa. ²⁰ ã yoa ahrire masiga mũsa: Cohamacũre duhuriro cjirore Cohamacũre pari turi cahmachũ yoana, pichacapũ wahaborirore yũhdũchũ yoana nica mũsa. ã jiro payũ to ñaa yoari buhirire Cohamacũ bo pahñonohca.

1 San Pedro

Jesu yainare macari waharinare joarocaha Pedro

¹ Yuh, Pedro, Jesucristo buhe dutiro to cūrirota jija. Ā jic mūsare yoaro macaa macarip waha siterinare Ponto yahpar, Galacia yahpar, Capadocia yahpar, Asia yahpar, Bitinia yahpar tí yahparip waharinare mūsare jipihinare joarocaja yuh. Mūsare noa duti joarocaja yuh. ² Wahmanopure Cohamacu mari Puc “Ō sehe yoaihtja”, to ni wacūyuriro seheta mūsare besea tiri jire. To ā beseri baharo to yairo Espiritu Santo sehe mūsare Cohamacu yaina cjihtire sōri jire. Ō seheta sōri jire tiro Jesucristore noano yūhtihina masa jihto sehe, to di cohāri mehne masa űaa buhirire cosarina masa jihto sehe. Cohamacu to cahā mehne mūsare noano jich yojaro.

Jesu yaina jina marine muanopu to nahtore cohtana nija mari

³⁻⁵ Cohamacu marine tuaro pja űano, Jesucristo yariaro to masa mūjari mehne marine pichacap wahaborinare yuhdich yoare tiro. Ā marine yuhdich to yoach pari turi mari masa bajuariro seheta Cohamacu to pohnata wahaja mari. Ā wahana tiro mehne mari ā jirucutore noano masija mari. Ā jiro mūsare noano yoaro taro mūsare cohtaro nina. Tiro mehne masa ā jirucuhire cūnohca tiro. Ā jina ā jirucunahca masa. Tōp Cohamacu mūsare to wahto ne baasi. Ahri yahpar mari ya ti wete wahāno seheta, ti űaia waharo seheta Cohamacu mūsare to wahto ne ā wahasi. Ā jia ne pihtisi. Ā jiro tirore masa wacū tuach, Cohamacu to tuaa mehne mūsare űu wihboro, yuhdich yoarohca. Pihtiri dacho jich mūsare to yuhdich yoarire masich yoarohca tiro. Marine to ā pja űuch űna,

Cohamacu mari puhtoro Jesucristo pucurore űo payo, “Noana”, nijihna tirore.

⁶ Ā to yuhdich yoahina jina, mahano ahri yahpai masa jiro puro pay tahari masa űano yuhdipanahta wahchera masa. ⁷ Ā űano yuhdipanahta Cohamacu duhuerana masa tirore noano wacū tuarire masich yoana nica masa. Uru ahri yahpa macaa pini pihtia wahaahca. Uru yuhdoro masa wacū tuaa sehe wiho waro jierara. Ā jia masa uru to jiare masi duaa doha űna. Urure ti doha űno seheta masa wacū tuare Cohamacu űu duaro “űano yuhdūjaro”, niboca mūsare. Masa ā űano yuhdūri baharo potocāta tirore masa noano wacū tuarucuch, Cristo űo payoa mehne mūsare “Noano yoahre masa”, ninohca. Ahri yahpar tjua taro ā ninohca.

⁸⁻⁹ Tirore Jesucristore masa űnerapanahta cahāna masa. Ā yo mipure tirore űnerapanahta tirore wacū tuara. Ā wacū tuana, tuaro wahchera masa. Cohamacu ā mūsare to wahchech yoach pūjro wahchera masa. Tí wahchea noa yuhdūara. Cohamacu mūsare pichacap wahaborinare yuhdich yoarohca masa tirore noano wacū tuach. Ā jina pūjro wahchera masa.

¹⁰ Cohamacu mūsare to ā yuhdich yoahire, mūsare to tuaro cahāre panop macaina Cohamacu yare yahu mūhtaina cjiri tíre masi duaa, buhe, sinitu űna tiri jire. Ā jia tíre yahuyu joaa tiri jire. ¹¹ Cristo to űano yuhdūhtore, to masa mūjahtore, jipihina bui puhtoro to sūho jihtore tina to masa bajuahto panopata yahuyu tuhsa tiri jire. Jesucristo to yairo Espiritu Santo to yoadohoa mehne ā yahuyua tiri jire tina. Ā yahuyua tina Cohamacu yare yahu mūhtaina cjiri ti yahurire noano masi duaa sinitu űna tiri jire tina Cohamacu. Espiritu Santo “Cristo wihirohca”, to nirirore “¿Dohse jich wihirohcari?” ni sinitu űna tiri jire tina. “¿To wihich dohse

waharohcari?” nia, tó cãhure sinitu ñaa tiri jire. ¹² Tí ti yahuyuri cjiri ti basi ti masihti cjihti jiera tiri jire. Tíre tinare masichu yoaa tiri jire Cohamacu. Mari sehe mari masihti cjihti jiri jire Cohamacu yare yahu mũhtaina cjiri ti joari cjiri. Mũanopu tariro Espiritu Santo to yoadohoa mehne mipure noaa buheare musare sã yahuja. Panopu musa masihti cjihtire ti yahuyuri cjiri tita jinocaata nina mipure musare sã yahua. Tí buheare anjoa cãhu tuaro masi duaa tiri jire.

Cohamacu marine ñaa marieina jidutira

¹³ ã jina noano wacũ masitjiãhna jiyuga musa. ã yoana noano tuho masiina jiga. Cristo to tjua tachu Cohamacu musare noano to yoahtore wacũga. ã yoa tíre noano cohtaga. ¹⁴ Panopu Cohamacure masierasina ñaare goa pjaina jimare musa. Mipure tíre yoaena tjiga. ã yoaerana ti pohna ti pũcũsumare noano ti yũhtiriro seheta Cohamacure yũhtiga musa. ¹⁵ ã yoana to yaina cjihtire musare beseriro ñaa marieriro to jiro seheta musa cãhu ñaa marieinata jiga. ã jina noaa dihtare yoaina jiga. ¹⁶ Áta ni joaa tiri jire Cohamacu yare ti joari pũi: “Ñaa marieriro jija yũhu. Yu ã jichu musa cãhu ñaa marieina jiga”, ni joaa tiri jire.

¹⁷ Tiro Cohamacu jipihtina cãinare ti yoarire ñano cãno potori besera tinare. Ñainare, noainare besera. To ã beseriro jichu tirore “Yu Pũcu” ni duana noano yoaga. Ahri yahpai musa jiro puro cua pisaro mehne Cohamacure ño payoro mehne noano jirucuga musa jiape nino marieno. ¹⁸ Musa ñũchũsuma cjiri ti yoari cjiri ne yaba cjihti jierari jire. Musa cãhu ti yoariro sehe yoaina musa jipachuta Cristo musare to yaina cjihti yoare. Wapamoinare ti wapamorire ti boriro seheta tiro sehe musa ñaa yoari buhirire potota bonocare. Tíre noano masina musa. Musare ã yoaro

plata mehne, uru mehne wapa wioerare tiro musare ã yoaro. Plata, uru butia wahaahca. ¹⁹ Tiro sehe oveja noariro, wete marieriro yoaro seheta jiroro Cristo to di mehne to yariari mehne musa ñaa yoari buhirire cohã, musare yũhdũchu yoare. To di mehne marine ã yoaro wiho waro ã yoaro nierare. ²⁰ Panopure ahri yahpare to bajuamehnehto pano Cristo to ã wahahto cjihtore masi tuhsu tiri jire Cohamacu. Mipu sehene pihtiri dacho panocã to jichu, Cristore noano masichu yoare Cohamacu musare. ²¹ Cristo to yoadohoro mehne Cohamacure wacũ tuara musa. Cohamacu sehe Cristore yariarirore masori jire. ã yoaro tirore mũanopu cũno jipihtinare tirore ño payochu yoari jire Cohamacu. To ã yoachu tirore Cohamacure wacũ tuara musa. Musa ã wacũ tuachu tiro noano yoara musare. ã jina musare to yũhdũchu yoahtore noano masi, cohtara musa.

²² Noaa buhea ti niriro seheta yoaina jina, musa ñaa yoari buhirire cohãrina jira musa. ã jiina jina potocãta mari coyeare Jesu yainare cahĩ masina musa. ã jina musa mehne macainare musa yajeripohnari mehne tuaro cahĩga. ²³ ã yoa pari turi wahma masa bajuaina yoaro sehe jiina Cohamacu pohna wahare musa. Mari pũcũsuma ti pohna tirina jina baharo yarianahca. Tí yoaro sehe jierara Cohamacu pohna musa wahachu. Cohamacu to buhea mehne to catichu yoaa buhea mehne to pohna wahare musa. Tí buhea mehne Cohamacu mehne ã jirucunahca mari. ²⁴ Õ sehe nina Cohamacu yare ti joari pũi:

“Jipihtina masa tja yoaro sehe jira.

ã yoa noaa ti cjuaa, tja cohoru yoaro sehe jira.

Tja ñaia wahara. Cohori cãhu buru bora, baa wahara.

Tí yoaro seheta yariara masa cãhu.

²⁵ Mari pũhtoro ya buhea sehe ne pihtisi.

To niriro seheta ã waharohca”,

ni joaa tiri jire. Tí buhea m̄sare ti yahuri cjiri noa buheata jira.

2

¹ ã Cohamac̄ pohna jina jipihtia ñaa yoaare, mahñoare, ti baharo buh̄usehei ñano yoa cohtaare, paina ti c̄j̄aaare cjoare, painare ñaa quitidahreare tíre duhuga m̄sa. ² ã yoa wahma masa bajuaina p̄chore ti tuaro cahmano seheta m̄sa c̄h̄u noa buheare Cohamac̄ yare tuaro cahma namoga. ã cahma namoga m̄sa tirore m̄sa wac̄u tua namohto sehe, to ȳhd̄uch̄u yoaina m̄sa wahahto sehe. ³ ã yoaga m̄sa mari puhtoro m̄sare to noano yoaare masiina jina.

Cristo catich̄u yoariro t̄ca yoaro sehe jiriro jira

⁴ Cristo catich̄u yoariro t̄ca yoaro sehe jiriro jira. W̄h̄u dahreina c̄ria t̄care ti cahmaeraro seheta masa tirore cahmaerare. Cohamac̄ sehe tirore to ñ̄uch̄u to beseriro noa ȳhd̄uaro jira. To ã jiriro jich̄u tirore wac̄u tuaga. ⁵ M̄sa c̄h̄u w̄h̄u macaa t̄a yoaro sehe jira. M̄sa ã jina Cohamac̄ ya w̄h̄u macaa t̄are noano ti c̄riro seheta m̄sa to yaina c̄h̄u noano mehne jinahca m̄sa. ã yoana Cohamac̄ ya w̄h̄u macaina noaina sacerdotea jinahca m̄sa. ã jina sacerdotea wahiquinare waj̄ j̄ m̄oa Cohamac̄re ti wariro seheta Jesucristo to yoadohoa mehne Cohamac̄ yare noano yoanahca m̄sa. M̄sa ã yoach̄u ñ̄u ji coarohca Cohamac̄. ⁶ Õ sehe nina Cohamac̄ yare ti joari p̄i:

“T̄ca w̄h̄u ti c̄u m̄htari t̄ca marieno w̄h̄u yoa d̄ca masierara.

Tó seheta Cristo marieno ȳ yaina waha masierara masa.

ã jiro tiro wiho jiriro jierara.

ã jic̄u tirore Jerusal̄p̄u mip̄u c̄i nija.

Tiro ȳ beseriro noa ȳhd̄uaro jira.

ã jia tirore wac̄u tuaina wahche, ne b̄o tisi”,

ni joaa tiri jire Cohamac̄ yare ti joari p̄i. ⁷ Tirore wac̄u tuaina sehe noa ȳhd̄uaro wahaahca. ã jiro wiho jiriro jierara tiro. Tirore wac̄u tuaraina sehe soro wahaahca. Tinare ò sehe nina Cohamac̄ yare ti joari p̄i:

“Ahr̄i Cristo t̄ca yoaro seheta jira. T̄care w̄h̄u dahreina ti coh̄no seheta masa tirore coh̄ahca.

Ti ã yoapach̄u mip̄u w̄h̄u dahreina w̄h̄u yoa ti c̄u m̄htari t̄care ti c̄no seheta Cohamac̄ tirore puhtoro s̄re”,

ni joaa tiri jire. ⁸ Õ c̄h̄u nina Cohamac̄ yare ti joari p̄i:

“M̄rocariro t̄care d̄ca wah̄ s̄ro to wac̄u wahc̄nore ne s̄erara.

Tó seheta t̄ca yoaro sehe jirirore Cristore cahmaerana, tirore ȳhd̄uacana, Cohamac̄ cahap̄u s̄si mari”,

ni joaa tiri jire panop̄u. Tina Cohamac̄ ya buheare yuhtierare. Cohamac̄ panop̄u “ã waharohca”, to niriro seheta Cristore cahmaerare tina. ã yoah̄tinare c̄u tiri jire Cohamac̄ tinare.

Õ sehe jira Cohamac̄ yaina

⁹ M̄sa sehe Cohamac̄ to beserina jira. Tiro mari puhtoro to yaina sacerdotea tirore dahra cohtaina jira m̄sa. ã jina to ya curua macaina ñaa marieina Cohamac̄ yainata jira m̄sa. ãta jira m̄sa. Cohamac̄ noa ȳhd̄uare to yoarire painare yahuhtina c̄ihti jira m̄sa. M̄sare besea tiri jire nahitianoi jina m̄sa jiboro seheta ñaare yoarucu dutieraro. ã besero noano buhriaroi jiina ti noano ñ̄u masino seheta, Cohamac̄re noano masiina, to yare yoarucuina ji dutira m̄sare.

¹⁰ Panop̄u Cohamac̄ yaina jierari jire m̄sa. Mip̄u pinihtare to yaina jira m̄sa. Panop̄u m̄sare p̄a ñ̄u m̄sare mariasiniri jire. Mip̄u sehere m̄sare Cohamac̄ p̄a ñ̄u.

Cohamac̄ yare yoaina jiga m̄sa

¹¹ Ȳ cah̄ina, ahri yahpai ji dojoah̄tina jierara m̄sa. Cohamac̄

yaina jira m_{usa}. M_{usa} ã jiina jich_u ahrire tuaro yahuja m_{usare}: M_{usa} ñaare goa pjaare ne yoarena tjiga. Tí ñaare yoana, Cohamac_ure ñ_u tuhtiina, ñaina wahana nica m_{usa}. ¹² Cohamac_ure cahmaeraina watoi jina noano yoaina jiga m_{usa}, m_{usare} “Yahusãari”, nina. M_{usa} ã yoaina jich_u tina mip_ure m_{usare} ñano yahusã duapahta, m_{usa} noano yoare masiahca tina. ã masia, tina Cohamac_ure “Noariro, tuariro jira”, niahca. Õ seheta niahca Cristo ahri yahpar_u to tjua tach_u.

¹³ Mari p_uhtoro_{re} y_uhti duana ahri yahpa macaina p_uhtoa c_uh_ure y_uhd_ur_ucaina jiena tjiga m_{usa}. Ahri yahpa macarirore m_{usa} jipihtina bui p_uhtoro jirirore tiro c_uh_ure y_uhtiga.

¹⁴ P_uhtoare y_uhd_ur_ucainare buhiri dahre dutiro, warocara tiro tireore yoadohoinare. ã yoa noano yoainare “Noano yoare m_{usa}”, ni dutiro warocara tiro. To ã warocach_u, tina c_uh_ure y_uhtiga m_{usa}. ¹⁵ M_{usa} noano yoach_u ñ_u tuho masieraina ti m_us_uro m_{usare} q_uiti dahre duapahta q_uiti dahre masierara. M_{usa} ãta yoach_u cahmana Cohamac_u. ã jina m_{usa} p_uhtoare y_uhtiga.

¹⁶ Cohamac_u m_{usa} p_uhtoro jira. Painare dahra cohtaina jierara m_{usa}. ã jipanahta “Sãre dutiriro mariaha. ã jina ñaare yoanahca”, ni t_uhotuena tjiga “Ñaare yoari”, nina. Cohamac_ure dahra cohtaina jira m_{usa}. ã jina tireore noano y_uhtiina jiga m_{usa}. ¹⁷ Jipihtina masare ño payoga. Mari coyea Jesu yainare cah_uga. Cohamac_ure cua pisaro mehne ñ_uga. Ahri yahpa macaina jipihtina ti bui p_uhtoro jiriro c_uh_ure ño payoga.

Cristo ñano y_uhd_uro to cãno pjariro seheta cãno pjaga m_{usa} cãh_u

¹⁸ Dahra cohtaina, cua pisaro mehne m_{usa} p_uhtoare y_uhtiina jiga. Noaina, m_{usare} noano yoaina dihtare y_uhtiina jiena tjiga. M_{usa} mehne suaina c_uh_ure y_uhtiga m_{usa}.

¹⁹ M_{usa} ñano yoerapach_uta m_{usare} ti buhiri dahrech_u Cohamac_u to

cahmano seheta t_ure m_{usa} cãno pjach_u “Noano yoare m_{usa}”, ninohca Cohamac_u m_{usare}. ²⁰ M_{usa} ñano yoari buhiri tina m_{usare} ti buhiri dahrech_u t_ure m_{usa} cãno pjach_u tí yaba cjihti jierara. Tí yaba cjihti jierapach_uta noano m_{usa} yoapach_u ti buhiri dahrech_u t_ure noano mehne m_{usa} cãno pjach_u Cohamac_u “Noano yoare m_{usa}”, ninohca m_{usare}. ²¹ ã ñano y_uhd_uhtinare ji dutire Cohamac_u m_{usare} to yainare. Cristo m_{usa} ya cjihtire ñano y_uhd_ure tireore m_{usa} ñ_u c_uht_o sehe. ²² Tiro ne ñano yoerare. ã yoa ne mah_uoerare. ²³ Tireore ti tuhtich_u, tiro sehe tinare tuhti cahmaerare. Tireore ti ñano yoapach_uta “Cjãihtja m_{usare}”, ne nierare tiro. Tí ã yoapach_uta tinare Cohamac_u to buhiri dahrehtore quih_ono to yoah_utoe masino, “Y_u P_uc_up_u tinare buhiri dahrerohca”, ni t_uhoture tiro. ²⁴ Tiro to basi crusap_u mari ñ_u buhirire yariare. ã waha yariare pari turi mari ñaare yoer_uah_uto sehe, Cohamac_u cahmaa sehene mari yoah_uto sehe. Tiro ñano cami t_ure marine pichacap_u wahaborinare y_uhd_uch_u yoaro taro. ²⁵ Oveja wisia ti butiro seheta mari cãh_u pichacap_u butihtina jimai. Mip_u sehene Cristore ovejare ñ_u wihboriro yoaro sehe jirirore, marine ñ_u wihborirore wac_u tuaja mari. ã wac_u tuana, to yaina wahai mari.

3

Wamomaca d_uhteinare ã sehe yoaro cahmana tinare

¹ ã yoa dahra cohtainare y_u dutiriro seheta m_{usa} namosãnumiare dutihtja. M_{usa} man_us_um_ure y_uhd_ur_ucaena tjiga tina Cohamac_u ya buheare ti cahmahto sehe. Cãina tina to ya buheare cahmaeraina jia, tinare m_{usa} y_uhd_ur_ucaerach_u ñ_u Cohamac_u ya buheare cahmaboca tina. Tí buheare m_{usa} yahuerapach_uta to yare cahmaboca tina. ² ãta cahmaboca tina m_{usa} noano yoare, m_{usa} ño payoa cãh_ure ñ_u. ³ M_{usa} numia, carea numia yoaro sehe

yoaena tjiga. Æ yoa m̄sa pjoarire w̄hawe sapahtaa numia, uru darire b̄saa numia, wapa ti ȳhd̄a suhtire s̄a numia jiena tjiga m̄sa, m̄sare “Goa pjach̄ yoari”, nina. ⁴ Æ yoa m̄sa cua pisaro mehne painare niji siaroca mehne yoaa numia jina, noano s̄h̄dua numia jina, ahrireta ñ̄ ji coach̄ yoaga. Ahrirete m̄sa yoach̄ wiho waro jierara, Cohamac̄ to ñ̄ch̄. ⁵ Õ seheta yoaa tiri jire panop̄ macaa numia Cohamac̄ ya numia cjiri. Tí numia Cohamac̄re wac̄ tuaa numia jia, ti man̄sumare ȳhd̄ur̄caera tiri jire. ⁶ Tó seheta Sara cjiro to man̄no Abrah̄a cjirore noano mehne ȳhtia tiri jire. Æ jiro tirore “P̄htoro”, ni pisua tiri jire. Æ jina m̄sa noano yoaa numia jina, cuiro mariea numia jina, Sara cjiro pohna numia yoaro sehe jira m̄sa c̄h̄.

⁷ To noano yoariro seheta m̄sa c̄h̄ m̄a m̄sa namos̄numiare noano yoaga. Tí numia mari m̄a yoaro sehe tua numia jierara. Æ jina ño payoa mehne noano yoaga tí numiare. Cohamac̄ jipihtia dachoripe tiro mehne mari jihtore marine to wariro seheta tí numia c̄h̄re warohca tiro. Ti Æ jiina jich̄ tí numiare noano yoaga. Cohamac̄re m̄sa siniare m̄sa dojomehnerahto sehe tí numiare noano yoaga.

Noano ti yoapach̄ta paina tinare ti ñano yoaa yahua Pedro

⁸ Ahri mehne yahu batoihtja: M̄sa jipihtina c̄no mehne noano mehne jiga. Æ jina m̄sa mehne macainare noano pja ñ̄ina jiga. M̄sa coyea Jesu yainare p̄ b̄h̄seheri cahma cah̄ga. Æ jina noano yoaga tinare. Æ yoa “Wiho jiina jija”, ni t̄hotuga. ⁹ Paina m̄sare ñano ti yoach̄ tinare ñano yoa cahmaena tjiga. M̄sare ti tuhtich̄ tinare tuhti cahmaena tjiga. M̄sare ti Æ yoapach̄ta noano yoaga tinare. Æ yoana “Noano jiga”, niga tinare. Tíre yoah̄tina c̄jhtireta to yaina c̄re m̄sare Cohamac̄ sehe m̄sare noano yoaro taro.

¹⁰ Æta nina Cohamac̄ yare ti joari p̄i:

“M̄sa noano wahchea mehne ji duana ne ñano ni durucuena tjiga.

Painare mah̄oena tjiga.

¹¹ Ñaa yoaa duhunocahga.

Noaa sehere yoaga.

Cahma m̄sa basi ñ̄ tuhtiro marieno jiga.

M̄sa noano jihtore tuaro cahmaga.

¹² Cohamac̄ cahmaare yoaina mari p̄htoro Æ ñ̄ wihborucuro nina.

Tirore ti siniare Æ t̄horucuro nina.

Ñano yoaina sehere tiro ñ̄ tuhtira”, ni joaa tiri jire.

¹³ Noare m̄sa tuaro yoach̄ paina sehe m̄sare ñano ȳhd̄ch̄ yo

dua bihosi tina. ¹⁴ Noano m̄sa yoapach̄ta m̄sare ñano ȳhd̄ch̄

ti yoach̄ ñano Cohamac̄ m̄sare noano yoarohca. Æ jina painare

cuiena tjiga. Æ yoa pj̄ro t̄hotuena tjiga. ¹⁵ Cristore “S̄a p̄htoro jira” ni,

m̄sa t̄hotuna, ño payoga tirore. Æ yoana Cristore m̄sa wac̄ tuaare,

Cohamac̄ mehne m̄sa jihtore paina ti sinituhto pano tinare m̄sa

ȳhtih̄tore noano masiyuga. Æ ȳhtina niji siaro mehne, noano

ño payoa mehne yahuga tinare. ¹⁶ Noaina jiga. Æ jina “Ñaa yoaja”,

ni t̄hotusi m̄sa. Æ jia Cristo yare noano yoaina m̄sa jich̄ paina

m̄sare ñaa quitu dahrea, b̄oro wahaahca tina. ¹⁷ Ñaa m̄sa yoari

buhiri m̄sa ñano ȳhd̄ch̄ noaerara. Æ yoa Cohamac̄ cahmach̄

noaare m̄sa yoapach̄ta m̄sa ñano ȳhd̄ch̄ noa nina tí pinihta.

¹⁸ Õ seheta ȳhd̄re Cristo. C̄ tahata jipihtina ti ñaa buhirire yari-

are tiro. Noariro jire. Æ jiro ñ̄ina mari jich̄ mari yaro jiborirore ñano

ȳhd̄re tiro. Ñano ȳhd̄re tiro marine Cohamac̄ yaina wahach̄

yoaro taro. To pjac̄ yariaa wahare. Æ yariaparota to catia mehne

masari jire. ¹⁹ Æ masariro jiro tiro ti buhiri dahrehtore cohtina cjiri

presu jiina cjiri yariarina cjirire buheri jire. ²⁰ Tina cohtaina panopu Cohamacure yuhtieraina cjiri jia tiri jire. Tí pjarure Noé cjiro to jiri pjarure, pjiria dohoriare dohoronia tiri jire. Tiare to dohoro watoi Cohamacure yuhtieraina cjirire ti yuhtichu cahmano yoari pja cohtaa tiri jimare Cohamacu. Á yoa mahainacã ochota dia miniore yuhduu tiri jire. ²¹ Minia ti yuhduriro seheta bautisaa mehne yuhdara masa. Mari pjarure mari wete tju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihtu cjihtore Cohamacure “Muhure wacũ tuaja”, mari ni yahua jira ahri bautisaa. Á yoa Jesucristo to masa mujari mehne yuhduja mari. ²² Tiro Jesucristo manopu wahari jire Cohamacu poto buhusehei jiro, tiro mehne dutiro taro. Á jiro tiro anjoa bui, mano macaina puhto bui, dutiina bui ti puhtoro jira.

4

Cristo yaina jina noa sehere cohtaina jinahca

¹ Mari ñano yuhduna ñano yoare duhunocaja mari. Cristo ñano yuhdari jire. Á jina tiro ñano yuhdaro to cuierariro seheta to suaerariro seheta musa cūhu to yoariro seheta yoaga. ² Ō seheta yoaga musa ñaare musa goa pjaare pari turi musa yoerahto sehe, Cohamacu cahmaa sehere musa yoarucuhto sehe. ³ Panopu Cohamacure cahmaeraina ñaare goa pjaare ti yoariro seheta yoarucuri jimare musa cūhu. Bu tiro marieno ñano yoana, ñaare goa pjaare yoana, cahana, cahaa bose namurine yoana, “Cohamacu jira”, musa nia masurine, Cohamacu to ñu yabia masurine ño payona ahri sehereta yoari jimare musa. Á jina tó purota yoa batoaga. ⁴ Á jia tí ñaputiaro yoana mehne musa jisnichu mipure musa tíre yoerachu ñua tina sehe ñu caa wahara. Á yoa musare ñano quiti dojomehna. ⁵ Ti á yoachu

ñano ti ñaa yoarire Cohamacu sehe sinitu ñano, yahu yuhdu dutirohca tinare. Tiro catinare, yariaina cūhure besehtiro buhiri dahrehtiro jira. ⁶ To á besehtiro jichu jipihtina masa sehe mipu yariarina cjirire noa buheare yahure Cristo ti yariahto pano. Ō seheta ni yahure ti pjarure Cohamacu to yaria dutipachuta. Á yahure tiro Cohamacu jipihtia dachoripe to jiro seheta tiro mehne ti jirucuhto cjihtore.

⁷ Pihtiri dacho cjihto mahanocã duhsara. Á jina noano tuho masiina jiga, mipure Cohamacu mehne musa durucuhto noano. ⁸ Painare cahina payu tahari ñaare ti yoapachuta á ñanocaja mari. Á jina musa mehne macainare á cahrucuga. Paye dutia yuhdoro tíreta yoaga. ⁹ Musa mehne macainare ne nureno marieno musa wuhusepu sãa ta dutiga tinare. ¹⁰ Cohamacu musare cainare musa yoa masihtipe cūri jire. To á cūchu, musa yoa masiroro seheta musa mehne macainare tíre noano yoaga. To cūriro seheta painare noano yoadohona, Cohamacu to cūriro seheta noano yoana nica musa. ¹¹ Musa Cohamacu yare noano yahuina jina, Cohamacu to yahubiroro seheta noano yahuga musa cūhu. Masare yoadohoina jina Cohamacu to cūri tuaa mehne painare yoadohoga. Tí jipihtiare yoana Cohamacure masa ti ño payohto sehe á yoarucuga. Jesucristo sehe tíre musa yoachu yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Áta nijaro.

Jesu yaina ti jiri buhiri ti ñano yuhduare yahuha Pedro

¹² Yu cahina, mipure ñaputiaro yuhduna, “Cue, soro jiro wahaca yuhure” ni, wacũ caena tjiga. Musa ñano yuhduchu Cohamacu musa tirore wacũ tua namochu yoa duaro, “Ñano yuhdujaro”, nino nica tiro. ¹³ Cristo to ñano yuhdariro seheta musa cūhu á wahana, wahchega musa. Á wahchena Cristo to si sitea

mehne to tjua tachu musa noano wahchenahca. ¹⁴ Cristo yaina musa jiri buhiri paina musare ti tuhtichu Cohamacu to yairo Espiritu Santo to si siteriro musa mehne jiro nina. ã jina wahchega musa. ¹⁵ ã yoa masare musa wajãri buhiri, musa yacari buhiri, paina ti yoarire ñna tinare musa soro ni dojomehneri buhiri musa ñano yuhduchu ñaa nina. ¹⁶ ã jipachuta Cristo yaina musa jiri buhiri ñano yuhduca, buo tiena tjiga. Ñano yuhdupanahta Cristo yaina musa jiare wahchena, Cohamacure “Noana” ni, ño payoga musa.

¹⁷ Cohamacu to yaina ti yoarire ñno to besehti pja jiro nina mipure. Jipihtina mari to yaina mari yoarire ñno bese muhtanohca “Ahri ñaa jira. Ahri noaa jira”, nino. ¿ã bese muhtano dohse yoarohcari to yaina jieraina sehere? Tirore yuhtieraina sehere tuaro buhiri dahrerohca. ¹⁸ Õ sehe nina Cohamacu yare ti joari pũ: “Noaina yuhduhca. Ti ã yuhduhto mijo curera. To ã mijo curechu Cohamacure cahmaeraina sehe ne yuhduci. Basioerara tinare”, nina Cohamacu yare ti joari pũ. ¹⁹ ã jina Cohamacu to cahmachu musa ñano yuhduina jina, noaare musa yoarire ne duhuena tjiga. ã yoa musare bajamehnerirore musare ne duhuerarirore tirore wacũ tuarucuga musa.

5

Jesu yaina ti yoahore yahuha Pedro

¹ Mipure Jesu yaina cahmachuina puhtoare yahuihtja. Yuhu Jesu yaina puhtoro jija. MUSA cũhu ti puhtoa tjira. Musare yu yoaro sehe puhtoa jinare ahrire yahui tai nija yuhu. Cristo to ñano yuhduhri ñnriro cjiro jicu, manopu Cristo mehne yuhduhtiro jicu ahrire musare yahuihtja: ² Cohamacu yaina oveja yoaro sehe jira. MUSA sehe ovejare ñu wihboina yoaro sehe jira. Tinare Cohamacu musare to cũrinare musa yaina masare noano ñu wihboga. ã yoana Cohamacu to cahmariro

seheta noano yajeripohna tia mehne tinare ñu wihboga. ã tinare ñu wihbona, “Sã ñu wihbori wapa niñerure wapatanahca”, niena tjiga mUSA. Wahchea mehne tinare ñu wihboga. Wahchea mehne tinare ñu wihboga. ³ ã ñu wihbona tinare ñano dutipena tjiga. ã jina noano yoaga mUSA Jesu yaina musare ti ñu cũhto sehe. ⁴ MUSA ã yoana Cristo jipihtinare marine ñu wihboriro to tjua tachu puhtoro to pisari soro noano si siteri sorore musare to waboriro seheta tiro musare noaare to wahtore cjuanahca. Ti mUSA cjuhti ne pihtisi. ã jina tiro mehne yuhduhca mUSA.

⁵ Tinare yu dutiro seheta mUSA wahma yapia cũhu tinare mUSA puhtoare yuhtiina jiga. ã yoa mUSA mehne macainare jipihtinare ño payoa mehne yoadohoga. Õ sehe nina Cohamacu yare ti joari pũ:

“Masare yuhduhca duainare Cohamacu ñu tuhtira. Painare ño payoina sehere ‘Wiho jina jija’, ni tahotuina sehere noano yoara tiro”,

nina to yare ti joari pũ. ⁶ ã jina Cohamacu tuariro musare to dutichu “Wiho jina jija” ni, tirore ño payoga. MUSA ã yoachu to quihõri pja jichu musare paina ño payoahca to dutiro mehne. ⁷ Tiro musare pjiro tahotu ñu wihbora. ã jina ne pjiro tahotuena tjiga mUSA sehe.

⁸ ã yoa wacũ masi jinohbu. Musare ñu tuhtiro watino yairo suariro to maca churo seheta musare ñano yuhduchu yoa duara. ã yoa musare ñano yoa dutira. ⁹ Jipihtiropu ahri yahpapure paina Jesu yainare ñano yuhduchu yoa, ñano yoa dutira watino. Tíre masina, tirore yuhtiena tjiga. ã jina Cristore tuaro wacũ tuaga mUSA. ¹⁰ ã yoa mahanocã mUSA ñano yuhduhri baharo Cohamacu musare yoadohorohca. Musare noaina jichu yorohca. Tirore mUSA wacũ tua namochu, tirore mUSA ne duhuerachu yorohca musare. Tiro

jipihtia dachoripe muanopu Cristo mehne musa jihtore musare cūriro jira. Tiro Cohamacu jira jipihtinare pja ñariro. ¹¹ “Jipihtia dachoripe tiro tuariro jira”, ni ño payojihna tirore. Āta yoarucujihna.

Noa duti batoaha Pedro

¹² Ahri pūcāre mahari pūcāre musare yu waroca duachu Silvano sehe yuhare joabasahre. Tiro Jesu yairo yu coyeiro, Jesu yare ã yoarucuriro jira, yu tūhotuchu. Musare noano yahu duaja. Ā jicu “Ahri buhea potocāta Cohamacu musare to cahña buhea jira”, ni yahucu musare ahri pūre joarocaja. Ā jina ahri buheare ne duhuena tjiga musa.

¹³ Musare to yaina cjihtire to beseriro seheta Jesu yaina Babilonia macaina cūhare besea tiri jire Cohamacu. Tina sehe musare noa dutira. Marco yu macu yoaro sehe jiriro cūhu musare noa dutira. ¹⁴ Musa mehne macainare noano mehne piti bocasiniga.

Jipihtina Jesucristo yaina noano jiga musa.

2 San Pedro

Jesu yainare joarocaha Pedro

¹ Yuhhu Simo Pedro Jesucristo buhe dutiro to cūriota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cūno potorita yuhduchu yoariro jira. Ñ jiro tirore musa wacū tuachu, to yaina wahachu yoare musare. Musa ñ wacū tuachu wiho waro jierara, Cohamacu to ñachu. Ñ to yaina musa wahachu mari cūno potorita to yaina jija. Ñ jicu musare joarocaja.

² Ñ yoa Cohamacu cūhure mari puhtoro Jesu cūhure masi namona ti cahña mehne noano jirucunahca musa. Ñ noano musa jihto sehe musare sini payoja. Ñ nicu musare noa dutija. Cohamacu musare pjro noano yoa namojaro.

Õ sehe jira Cristo yaina

³ Cohamacu ñaa marieriro jiro, to tuaa mehne marine to yaina jihtinare bese cū tuhsua tiri jire. To ñ bese cūchu tuhona, tirore masina to yaina wahaja mari. Ñ wahana Cohamacure masi namona, to tuaa mehne to cahmano seheta noaina jinahca mari. ⁴ Tí to tuaa mehne marine noa yuhduaro yoare. “Õ seheta musare noano yoaihtja”, to niriro seheta marine noa yuhduaro yoara. Marine to ñ yoachu ñña Cohamacu to jiro seheta waha namonahca mari. Ñ jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhduamahre.

⁵ Cristore noano wacū tuaina ji tuhsua musa. Ñ jina õ sehe yoa namoga tjoa: Noaare yoaina jiga musa. Ñ jina Cohamacu cahmaare noano masiina jiga musa. ⁶ Ñano yoa duapanahta Cohamacu cahmaa sehere yoarucuina jiga musa. Ñ yoa Cristo yaina musa jiri buhiri

ñano yuhdupanahta ñ cūno pjarucuga musa. Ñ jina Cohamacure ño payoina, to cahmaare yoaina jiga musa. ⁷ Ñ yoa musa mehne macainare cahma ño payoina, tinare noano yoado-hoina jiga musa. Ñ yoa jipihtina paina cūhure cahña jiga.

⁸ Musa õ sehe yoa namochuta noa yuhduara. Musa ñ yoa namona, noano yoaina jirucunahca. Ñ jina Cristo to cahmaare noano yoarucuina jinahca musa. Wiho waro jiina jisi musa. Ñ yoa Cristore musa wacū tuari wiho waro jisi. Yu niriro seheta musa yoa namochu pinihtare noa yuhduara. ⁹ Musa ñ yoa namoerana Cohamacu yare ne masieraputiara musa. Ñ yoa namoeraina jina capari ñneraina o capari noano ñ bo-caeraina yoaro sehe jina, Cohamacu cahmaare ne masierara musa. Ñ yoa namoerana Cristo musa ñaa yoari buhirire to cohãri cjirire ne wacū payoerara musa. Ñta bonoca duara musa. ¹⁰ Ñ jina, yu coyea, Cohamacu to yaina cjihtire musare to ji dutichu yuhtire musa. Ñ yuhtiina jina, to yare ne wacū duhuerana to cahmaare tuaro yoarucuga. Musa ñ yoarucuna potocãta Cohamacu mehne jinahca musa. Ñ yoa potocãta to beserina jinahca musa. Ñ yoana to yare duhuina jisi musa. ¹¹ Musa ñ to cahmano sehe yoaina jina mari puhtoro marine yuhduchu yoariro Jesucristo to sūho jiropu noano wahanahca musa. Tópu tiro mari puhtoro ñ jirucurohca. Potocã to yaina waro musa jichu ñño “Noano mehne yuhhu mehne jiga musa”, ninohca Jesu musare.

¹² Ñ yoa ahrire musare ñ wacūchu yoarucuihtja. Ahri musare yu yahurire masi tuhsuhre musa. Ñ masina Cohamacu yare musa tuhoriro seheta noano yoana nina musa. Ñ yoaina musa jipachuta ahri musare yu yahurire ñ wacūchu yoarucuihtja musare. ¹³⁻¹⁴ Mahanocã duhsara yu yariahto. Tíre noano

yahure mari puhtoro Jesucristo yuhure. ã jicu catisinicu waro ahri yu yahurire musare ã wacũchu yoarucuihtja. Yu ã yoachu noa nina. ¹⁵ ã jicu ahri yu yahu joari cjirire musare joa cũ pahñoihca yu yariari baharo musa noano masihto sehe. ã jina ahri yu yahurire ã wacũrucunahca musa.

Cristo to tuariro to jia tiare ñuha Pedro cãhu

¹⁶ ã yoa Cristo to tuaa cãhure to tahto cãhure musare yahuna, sã mu sũro yahuna nieraja. Masa ti mu sũro ti masia mehne ti yahua jierara musare sã yahua. Tuariro to jiare sã basita ñhi. ¹⁷ Cristo to tua yuhduariro to jiare sãre ñore Cohamacu mari Pucu. To ã ñochu tiro sehe noano si siteriro jire. To ã si sitechu õ sehe nino coa tare to si sitero watoi: “Ahriro yu macu, yu cahĩriro jira. Tiro mehne tuaro wahcheja”, nino coa tare Cohamacu tua yuhduariro. ¹⁸ Muanopu to ã nino coa tachu tũhoi sã. Tũcu buipũ Cohamacu to jiri tũcuĩ Cristo mehne jii sã.

¹⁹ Tíre ñurina jina, Cohamacu yare yahu muhtaina cjiri panopu macaina ti joari cjiri potocã ti jichu noano masija sã. Ti joari cjirire noano ñu buherucuna noano yoana nina musa. Tí ti joari cjiri Cohamacu yare marine noano masichu yoara. Ahri yahpai ñaare ti yoari yahpai nahitianoĩ mari jiboro seheta buhriaro marine to noano ñu masichu yoaro seheta Cohamacu noano masichu yoara marine. ã jina Cohamacu yare ti joarire ã buherucuga. ã buherucuna Cristo to tjua tachupu buhe duhunahca. ã tjua taro to yare mari masierarire marine noano masi pahñochu yoarohca. ²⁰ Jipihtia ahri yu yahuri yuhdoro ahri sehene noano masiga musa: Cohamacu yare yahu muhtaina cjiri panopu ti joari cjirire mari mu sũro tíre buhena, “Õ sehe nino nica”, ni masieraja. ²¹ Ne masa ti mu sũro Cohamacu yare joera tiri jire. Panopu macaina cjiri Cohamacu

yare ti joachu Espĩritu Santo sehe ti joatore tinare masichu yoaa tiri jire.

2

Cohamacu yare potocã buherainare yahuha Pedro

¹ Panopu mari coyea judio masa mehne macaina “Cohamacu yare yahu muhtaina jija”, ni mahñoina jia tiri jire. Ti yoaro seheta mipu cãhure musa mehne macaina ã ni mahñoina jiahca. Tina potocã ti buheboro seheta mahñoa sehene buheahca. ã buhea Cristo ya sehene dojomehneahca. ã yoa Cristo to yuhduchu yoaborina jipahta tirore “Sã puhtoro jira”, ni tuhotuerara. Tí jipihtiare ti ã yoari buhiri dóihta Cohamacu tinare tuaro buhiri dahrerohca. ² ã mahño ti buhechu tũhoa tina ti ñaare goa pjariro seheta payu masa tinare ñu cũ ñano yoahca. Ti ã ñano yoachu ñua paina masa cãhu noaa buheare ñano quiti dahreahca. ³ ã jia tina mahñoina niñerure wapa cahmaa, mahñoa, ti mu sũro ti yahua buheare buheahca musare. Ti ã buheri buhiri Cohamacu tinare tuaro buhiri dahrerohca yuhduro marieno. Panoputa ã yoainare buhiri dahre duti tuhsua tiri jire tiro.

⁴ Tó seheta panoputa Cohamacu ñaina anjoa cãhure to buhiri dahretore cũ tuhsua tiri jire. Tinare pichacapu nahitianopu peresu yoaa tiri jire. ã yoaro pihtiri dacho baharo tinare buhiri dahrerohca. ⁵ Tó seheta panopu macainare Cohamacu cahmaerainare tiro buhiri dahrea tiri jire. ã yoaro jipihtiro ahri yahpare miono, jipihtina masa ñainare mio wajãa tiri jire. To ã miohto pano Noe cjiro sehe tí pja macaina cjirire noaare yoa dutiro yahua tiri jimare. To ã yoaro watoi Cohamacu ahri yahpare miono, Noene tiro mehne macaina cãhure yuhduchu yoaa tiri jire. Tina jipihtina to yuhduchu yoarina ocho masa jia tiri jire. ⁶ Tó seheta Sodoma wama tiri maca macaina cjirire Gomorra wama tiri maca macaina cjiri cãhure Cohamacu

buhiri dahrea tiri jire. Tí macarine pichaca mehne noano já pahñonocaa tiri jire. ã yoaro baharopu jihinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. ⁷ ã yoaro Lote wama tiriro cjiro sehere yuhduchu yoaa tiri jire. Lote sehe noariro jia tiri jire. ã jiri jiro Sodoma macaina Cohamacu dutiare yuhdurucaina ñabiaro ti yoachu ñuno pomea waha, ñano tãhotua tiri jire. ⁸ Tiro noariro ñaina watoi jiro, dachoripe ñabiaro ti yoachu ñuno, ñano ti durucuchu tãhoro ñano yajeripohna tia tiri jire.

⁹ Tirore to yuhduchu yoachu ñuna ahri yu yahuhtire masija mari. Cohamacu mari pãhtoro tirore cahmainare ti ñano yuhduchu ñuno tinare yoadohorohca. ã jiro ñaina sehere peresu yoaro tinare cjãara pihtiri dacho jichu to buhiri dahrehto sehe. ¹⁰ Ñaare tuaro goa pjainare Cohamacure yuhdurucainare tina pinihtare ñano buhiri dahrerohca tiro. Ahrina musa mehne macaina mahño buheina ñaare yoaa, ne cuierara. ã yoa buo tierara tina. “Painare masi yuhdurucaja”, ni tãhotuina jira tina. ã jiina jia mãano macaina tuainare ne ño payoeraa, cuiro marieno ñano ni bujãpera tinare. ¹¹ Anjoa sehe ne ti yoaro sehe yoaerara. Tina sehe mahño buheina yuhdoro tuaina jira. ã jipahta tina ne bujãpea mehne mãano macaina tuainare ñano yahusãerara Cohamacure, “Painare yuhdurucaja”, nieraina jia.

¹² Wiho mejeta ahrina mahño buheina sehe nucã macaina wahiquina yoaro sehe tãho masieraina jira. Nucãpu boca sua ti wajãhtina yoaro sehe jira tina. Ti cahmano seheta yoara tina. ã jia ti masierainare bujãpe, ñano ni durucu cohtara. ã yoaina jia wahiquina yariahtina ti jiro seheta tina cãhu to buhiri dahrehtina jirucuahca. ¹³ Tinare ti ñano yoari buhiri buhiri dahrerohca Cohamacu. Tina ñaare goa pja

yuhduara. ã yoaa dachopu masa ti ñurocaroi to jipachuta ñano yoarucura. Musa mehne bose numu yoaa, tí bose numu ñaare yoa yuhduara. ã jia musa bose numure ti weteh dahrero seheta tinare musa ñu cãchu tí ñaa pihara musare.

¹⁴ ã yoaa numiare ñua, ñaha duara tina. Tuhsu, ñaare ã yoarucu duara. Cohamacure wacũ tuaera cureinare ñaare yoa dutia, tó sehe jiinare tinare ñu cãchu yoara. ã yoa ti sahsero paye barore, niñeru cãhure mahño ma miñiina jira. Tina Cohamacu to buhiri dahrehtina jira. ¹⁵ Tina Cohamacu yare buheraa, soro jia buhea sehere buhera. ã yoaa Balãa yoaro sehe yoaa nina. Balãa, Beor macuno jia tiri jire. Tiro sehe panopu to ñaa yoari mehne niñerure wapata duaa tiri jimare. ¹⁶ To ã yoachu ñuno Cohamacu tuhtia tiri jire tirore. To burro durucueraricoro jiparota masuno yoaro sehe to pãrore durucu tuhtia tiri jire. To ã tuhtichu tãhoro Balãa tuaro to ñaare yoa duamarire duhunocaa tiri jire. Tãho masierariro to yoa duamarire duhunocaa tiri jire.

¹⁷ Ahrina mahñoina mári pohtaripu co marieno yoaro sehe jira. Co mariea mári pohtari ti yaba cjihti jieraro seheta tina mahñoina ne yaba cjihti jierara. ã yoa me curuari mãano macaa core waboã curuarire wiñnono to wãrocachu ti curuari yaba cjihti jierara. ã ti yaba cjihti jieraro seheta, tina mahñoina cãhu masare yoadohoera, ne yaba cjihti jierara. ã jiro nahitiano warore yoa tuhsu tiri jire Cohamacu tãpu tinare buhiri dahrero taro. ¹⁸ Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina: “Mari cahmano seheta mari yoachu noa nina”, ni buhemana tina. Ti ã ni buhechu masa tãhoa ñaare goa pja, ti ya buheare cahmana. Paina masa Cohamacure potocãta wahma cahma durucaina mahanocãta wahara ti ñaare ti duhuri baharo, quihõno yoaeraina mehne macaina ti jiri baharo. Tinare

mahñoina ti buhech_u tuhoa ñaare cahmana tjoa Cohamac_u yaina jiborina jipahta. ¹⁹ Tinare õ sehe ni buhera mahñoina: “Mari cahmano seheta mari yoach_u noa nina”, ni buhemana tina. Ti ã ni buhepach_uta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierach_u, tí ñaa ti puhtoro yoaro sehe jira. ²⁰ Mari puhtoro Jesucristore marine y_uhd_uch_u yoarirore wahma cahma d_ucaina sehe ahri yahpa macaa ñaare duhunocamare. Ti ã duhuri baharo pari turi ñaare yoaa tjoa, ñabiaro waro tjuara tina. Cristore ti masihto pano ti ji mahtariro y_uhdoro ñabiaro tjuara juna, pari turi ñaare yoaa tjoa. ²¹ Æ ñabiaro tjuaa, Cohamac_u tinare to dutiare y_uhd_urucaa, noaa buhea sehene ti ne masi mahtaerach_u noabiaboa tinare. ²² Æ jia pari turi ñaare yoaa, masape ti ni durucurucuriro seheta yoaa nina tina. Õ sehe ni durucura masa: “Diero toa tuhs_u pari turi to toa c_uri cjirire ch_ura. Æ yoa yesere ti cosari baharo pari turi tiro ñari sahbai cuhs_ura tjoa. (Tó seheta yoara noaa buheare cahmamarina c_uh_u pari turi ñaare cahmaa tjoa)”, ni durucura masa.

3

Cristo ahri yahpap_u to tjua tahtore yahuha Pedro

¹ Y_u cahñina, m_usare c_u p_u joaroca tuhs_ui. Æ jic_u ahri p_ure mip_ure m_usare joarocai nija tjoa. Tuhs_u p_ua taha joarocac_u ahri jipihtiare m_usare wac_uch_u yoa duai nija noaa dihtare m_usa tuhotuhto sehe. ² Panop_u macaina noaina Cohamac_u yare yahu mahtaina cjiri ti yahu joari cjirire wac_uga m_usa. Mari puhtoro marine y_uhd_uch_u yoariro Cristo to dutia c_uh_ure wac_uga. Tí dutiare sã to c_urina m_usare buhei.

³ Ahrire m_usa masich_u tuaro cahmaja. Æ jina wahmanore ahrire wac_u mahtaga: Pihtiri dacho panocã Cohamac_u yare buj_upeina jiahca. Tina ñaare goa pjarucuina jiahca.

Õ sehe ni buj_upeahca: ⁴ “Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji d_ucari baharo mari ñ_uch_us_uma m_una ti yariari baharo jipihtiro soro sehe waharo marieno ã jirucura. Æ jiro ahri yahpare tahtiro m_uanop_ure mariaha”, ni buj_upeina jiahca. ⁵ Æ ni buj_upea ahri sehene ne wac_uerara tina: Panop_ure Cohamac_u to dutiro mehne ahri yahpare, m_uano c_uh_ure bajuamehnea tiri jire. Æ yoa tuhs_u ahri yahpai co dihta jiriro cjirire yahpa jich_u yoaa tiri jire tiro. Æ yoaro co mehne ahri yahpa mip_u to jiro seheta ahri yahpare yoaa tiri jire tiro. ⁶ Æ yoa baharop_u ahri yahpare miono, cohã pahñoa tiri jire ahri yahpa macaare ahri yahpa macaina c_uh_ure. (Æ jiro ahri yahpare c_u tahata soro wahach_u yoa tuhs_ua tiri jire Cohamac_u.) ⁷ Æ soro wahach_u yoaparota mip_ure m_uanore, ahri yahpa c_uh_ure pari turi cohtotach_u yoaerasinire tiro. Tiro to dutiro mehne ahri yahpare m_uano c_uh_ure mip_ure ti jiro seheta jirucu namoch_u yoaro nina. Æ jiro cohtaro nina baharo jipihtirop_ure j_uno taro. Æ cohtaro nina Cohamac_u tirore cahmaerainare buhiri dahrero taro. Æ buhiri dahrero tinare pichacap_u cohãnohca.

⁸ Y_u cahñina ahrire wac_uga m_usa: Mil c_uhmarine “Yoabiari pja jira”, mari ni tuhotupach_uta c_u dachota jira Cohamac_u to ñ_uch_u sehene. ⁹ “Cohamac_u to niriro sehe ne so yoaeraputiara”, nina masa. Æ jierara. Masare noano yoa duaro cohtasinino nina. Ne c_uiro mas_unore pichacap_u cohã duaerara tiro. Æ jiro jipihtina pano ti ñaare tuhotumarire ti duhuch_u, Cohamac_ure ti cahmach_u cahmasinina tiro.

¹⁰ Namip_ure yaca bucuro to wac_uenoca yacaro sãariro seheta Cristo ahri yahpap_ure wac_uenoca tarohca. To tach_u to tuaro bisich_uta m_uano macaa pihtia wahaahca. Jã pihtia wahaahca. Æ yoa ahri yahpa,

ahri yahpa macaa cãhũ jũ pihtia wahaahca. Cohamacũ ahri yahpa macainare buhiri dahrero taro nina.

¹¹ “Ahri jipihtia pihtia wahaahca”, Cohamacũ to nichũ tãhona ñaare duhuina, Cohamacũ cahmaare yoaina jiro cahmana marine. ¹² Mari pãhtoro Cristo ahri yahpapũ to tahtore cohtaina jina, soaro mehne to tachũ yoaga mũsa. Tí dachoi mũano macaa jũ pihtia wahaahca. Jipihtia jũ sipã wahaahca. ¹³ To ã cuaro wahahto to jipachũta mari sehe Cohamacũ to ni cũriro sehetã jipihtiare to cohtotahtire cohtaja mari. Jipihtia ti jũ pihtiari baharo õ sehe jirohca. Mũanopũ cãhũ ahri yahpapũ cãhũ wahma jahca. Æ yoa tí pjarũre noaa dihtare yoahca jipihtina. Ahrireta cohtaja mari.

¹⁴ Æ yoa yũ cahĩina, mari pãhtoro to tahtore cohtaina jina Cohamacũ to ñũrocaroi noano yoaina jiga mũsa ñaa buhiri marieina mũsa jihto sehe. Æ noano yoaina jiga mũsa Cohamacũ mũsa mehne to wahchehto sehe. ¹⁵ Yoa cureri pja to bajuerachũ ñũna ahrire masiga mũsa. Masa tirore cahmaina to yũhdũchũ yoahcina dũhsasinina mini. Æ jiro tinare cohtasinino nina Cohamacũ. Æta ni mũsare joarocari jire mari coyeiro mari cahĩiro Paulo. Cohamacũ to masia mehne tíre joarocari jire tiro.

¹⁶ Æ dihta ni joarocara Paulo to joarocaa taharipe. Cristo to tahtore, ñaare yoeraina mari jihto cãhũre yahuro õ sehe dihta ni joarocari jire tiro. Cãa tahari mijo cureare tiro yahu joarocari jire. Paina ne masieraina, tũho masieraina mahñoa mehne to ã nirire cohtota mũjana. To ã niri jipachũta soro ni cohtota yahura tina. Paye Cohamacũ yare ti joaa pũri cãhũre tó sehetã yoara tina. Ti ã yoachũ ñũno Cohamacũ tinare tuaro buhiri dahrerohca.

¹⁷ Yũ coyea, yũ cahĩina ahri jipihtiare ti ã wahahto pano yahuyui nija mũsare. Æ jina ahrire masina, noano yoaga mũsa. Ñaina mũsare soro ni ti buhechũ ne tũhoena tjiga

tinare, “Cristore wacũ tua duhuri”, nina. ¹⁸ Æ jina mari pãhtoro marine yũhdũchũ yoarirore Cristore noano wacũ tua namoga mũsa. Tirore, marine to cahĩa cãhũre noano masi namoga mũsa. Mipũre, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. Æta nijihna.

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiriro tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tãhona, catirore warore tirore ñhi sã. ã tjira. Tirore ñuna, sã wamomacari mehne tirore dahra ñhi sã. ² Ahriro Cohamacu mehne ã jirucuchu yoariro ahri yahpuru to masa bajuari baharo tirore sã ñhi. ã jina tirore yahuja sã musare. Tiro jipihtia dachoripe to Pucuro mehne jirucuro to jichu, mipure Cohamacu tirore ñore sãre. Tíre yahuja sã musare. ³ Cohamacu mehne macaina jija sã. To macuno mehne macaina cãhu jija sã. ã jina musa cãhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tãhorire musa cãhure sã yahuja. ⁴ Ahrireta sã joaja noano mari wahchehti cjihtire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macuno sãre to yahuri cjiri jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. ⁶ ã jina nahitiano jina yoaro seheta mari ñaa yoaina jipanahta “Cohamacu mehne macaina jija” nina, mari mahõna nija. ã yoa Cohamacu yare quihõno yoeraja. ⁷ ã yoa buhriaropu jina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne

jipihtia mari ñaa yoari buhirire cohãna.

⁸ “Yuhu pini ne ñaa yoeraja”, ni wacũna, mahõoare tãhotuna nija mari. Mari ã ni tãhotuna Cristo yare potocã jiare ne masieraja. ⁹ Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaa borohca. ã boro jipihtia mari ñaa buhirire cosawerohca tiro. To niriro seheta yoariro jira tiro.

¹⁰ “Ñaa yoeraja” nina, “Cohamacu mahõoriro jira”, nina nija mari. Õ seheta niina to buheare cahmaerara.

2

Cristo marine yoadohora

¹ Yu pohna, musa ñaa yoerahto sehe ahrire joai nija. Yu ã ni joapachuta ñaa yoaboca musa. Musa ã yoachu ñano Jesucristo noariro musa ya cjihtire to Pucurore õ sehe ni sini payorohca: “Ahrina ti ñaa yoari buhirire buhiri dahrei tjiga”, ni sini payorohca to Pucurore. ² Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainapu cãhure ti ñaa yoari buhirire cohã masina tiro.

³ Cohamacu to dutiare yoana, tirore potocãta noano masija mari.

⁴ Cũiro Cohamacu dutiare yoera-parota “Yuhu Cohamacure masija” nino, tiro mahõoriro jira. ã jiro Cristo yare potocã jiare ne masierara. ⁵ Pairo sehe Cohamacu dutiare yoariro Cohamacure tuaro cahãriro jira. “¿Cohamacu mehne macaina jijari mari?” ni masi duana, õ sehe mari masinahca: ⁶ “Cohamacu mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jichu ñuna “Cohamacu mehne macariro jija”, ni masija mari.

Wahma dutiare yahu dũcaha

⁷ Yu cahãina, ahri dutia mipure musare yu yahuhto wahma dutia jierara. Ahri dutia musa wahmanopure cãariro cjiro muna dutia tjira. Tí

dutiare m̄usa t̄aho tuhs̄ure. ⁸ Mip̄u sehere m̄usare ȳu yahuhto m̄una dutia jiparota wahma dutia c̄uh̄u jira. Cristo, m̄usa c̄uh̄u t̄i dutiare yoara. Mip̄uta nahitiano to pihti wahc̄ach̄u mari ñ̄u masino seheta mari masierarire masi d̄uca wahc̄ana nija mari. Ā jiro buhriaro mehne mari ñ̄u masino seheta Cristo m̄usare potoc̄a jiare masich̄u yoaro ta tuhs̄ure.

⁹ “Ȳuh̄u buhriarop̄u jiriro yoaro seheta Cohamac̄u dutiare yoariro jija”, c̄airo niparota, painare ñ̄u tuhtiriro jiro, tiro Cohamac̄u dutiare yoarera. ¹⁰ Ā yoa paire cah̄iro pinihta buhriarop̄u jiriro yoaro seheta Cohamac̄u dutiare yoariro jira tiro. Ā jiro ñ̄aare pari turi yoa duaerara. ¹¹ Paire ñ̄u tuhtiriro sehe nahitianop̄u jiriro yoaro seheta jiro nina. Tiro capari ñ̄erariro yoaro seheta jira. To wahahtore ñ̄u masierara tiro.

¹² Ȳu pohna, Cristo to yariaro mehne m̄usa ñ̄aa yoari buhirire coh̄ari jire. Ā jich̄u m̄usare yahu joai nija. ¹³ M̄usa p̄uc̄us̄uma c̄uh̄u, m̄usa Cristore wahmanop̄ure jirirore masina m̄usa. M̄usa ā masina jich̄u m̄usa c̄uh̄ure yahu joai nija. M̄usa wahma yapia ñ̄ariro wat̄inore ȳuh̄d̄ur̄ucare m̄usa. M̄usa ā ȳuh̄d̄ur̄ucaina jich̄u m̄usa c̄uh̄ure yahu joai nija.

¹⁴ Ȳu pohna, Cohamac̄u mari p̄uc̄ure m̄usa masina. M̄usa ā masina jich̄u m̄usare mip̄ure yahu joai nija. M̄usa p̄uc̄us̄uma, m̄usa Cristore wahmanop̄ure jirirore masina m̄usa. M̄usa ā masina jich̄u m̄usare yahu joai nija. M̄usa wahma yapia potoc̄ata m̄usa Cohamac̄ure wac̄u tuaina jira. Ā jina m̄usa Cohamac̄u yare yoara. Ā yoana, m̄usa ñ̄ariro wat̄inore ȳuh̄d̄ur̄ucare. Ā jich̄u m̄usare yahu joai nija.

¹⁵ Ahri yahpare ahri yahpa macaa ñ̄aare cahmaena tjiga. Ahri yahpa macaa ñ̄aare cahmaina jina Cohamac̄u mari p̄uc̄u sehere cahmaerara m̄usa. ¹⁶ Ñ̄aina ti basi ñ̄aare ti goa pjari, ñ̄aare ti ñ̄u duari mari p̄uc̄u Cohamac̄u ya jierara. “Noano

c̄uh̄u pah̄noriro, masi pah̄noriro jija ȳuh̄u. Ne c̄airo mas̄uno ȳuh̄ure ȳuh̄d̄ur̄ucaerara”, masa ti ni t̄ahotua mari p̄uc̄u Cohamac̄u ya jierara. T̄i jipihtia ahri yahpa macaa jira. ¹⁷ Ahri yahpa, ahri yahpa macaa c̄uh̄u masa ti cahmari cjiri pihtia wahaahca. Cohamac̄u cahmaare yoariro sehe jipihtia dachoripe Cohamac̄u mehne jirucurohca.

Cristore ñ̄u tuhtiriro sehere yahuha Joāo

¹⁸ Ȳu pohna, ahri dacho to pihtih̄to mahanoc̄a d̄us̄ara. “Cristore ñ̄u tuhtiriro tarohca” ni, Jesu yaina m̄usare yahu tuhs̄ure. Mip̄ure Cristore ñ̄u tuhtiina paȳu ji tuhs̄ure. Ti ā jich̄u ñ̄una mip̄ure pihtihti dacho cjih̄to mahanoc̄a to d̄us̄ach̄u masija mari. ¹⁹ Ahrina Cristore ñ̄u tuhtiina sehe mari mehne jipahta potoc̄a mari mehne macaina jierare. Ā jia tina marine coh̄anocare. Tina mari mehne macaina jia, mari mehne jiboa. Marine coh̄anocare. Ti ā coh̄ach̄u mari mehne macaina ti jierach̄u masija mari.

²⁰ Cristo Esp̄iritu Santore m̄usa sehere ware. Ā jiro Esp̄iritu Santo m̄usa mehne jira. Ā jina m̄usa jipih̄tina Cristo yare potoc̄a jiare masi tuhs̄ura. ²¹ M̄usare yahuc̄u “Cristo yare masierara m̄usa”, ni t̄ahotueraja ȳuh̄u. M̄usa Cristo yare masiina jich̄u ñ̄uc̄u m̄usare yahuja. Cristo ya ne mah̄noa jierara. T̄i c̄uh̄ure masiina m̄usa jich̄u masija ȳuh̄u.

²² Ahriro jira mah̄noriro: “Jesu Cohamac̄u masare ȳuh̄d̄uch̄u yoa duti to warocariro Cristo waro jierara”, niriro sehe mah̄noriro jira. Potoc̄ata Cristore ñ̄u tuhtiriro jira tiro. Cohamac̄ure, to mac̄no c̄uh̄ure cahmaerariro jira Cristore ñ̄u tuhtiriro. ²³ Ō sehe tjira: Jesure cahmaerariro sehe to p̄uc̄uro c̄uh̄ure cahmaerariro tjira. Jesure cahmariro sehe to p̄uc̄uro c̄uh̄ure cahmariro jira.

²⁴ Wahmanop̄ure Cohamac̄ure m̄usa t̄ahori cjirire noano wac̄uga. T̄ire wac̄una, Jesu mehne macaina jinahca m̄usa. Ā yoa to p̄uc̄uro

mehne macaina jinahca. ²⁵ Tíreta Jesu marine yahure. Õ sehe jira to yahuri cjiri: “Musa jipihtia dachoripe Cohamacu mehne jirucunahca”, ni cûre Jesu marine.

²⁶ Paina musare mahñoa nina. Ti ã mahñoare masicu musare yahu joai nija. ²⁷ ã ti mahñoina musa jipachuta musa sehere Cristo Espíritu Santore wa tuhsure. Espíritu Santo musa mehne jira. Musa mehne jiro musare buheriro jira. ã jiro tiro jipihtiare musare yahura. To yahua potocãta jira. Mahñoare yahuerara tiro. ã jina paio musare buhehtirore cahmaerara musa. Espíritu Santo to niriro seheta yoaga musa mipure. ã yoana musa Cristo yare tuhona, tiro mehne macaina jiga.

²⁸ ã tjira. Yh pohna, Cristo mehne macaina jiga musa. ã jina Cristo to tahti dachore musa cuisí. ã jina tiro to tahti dachore musa buo ti duhtisi. ²⁹ Cristo noaare yoariro to jichu musa masina. Tíre masina ahri cûhure masiga musa. Jipihtina noaare yoaina Cohamacu pohnata jira. Ahri cûhure masiga musa.

3

Musata Cohamacu pohna jira

¹ “Musa yu pohna jira” nino, tuacaro cahí yuhdurucajari Cohamacu marine. To ã cahína jinata to pohna jija mari. Ahri yahpa macaina ñaina Cohamacure masierara. ã jia Cohamacu pohna mari jichu ñua tina mari cûhure masierara. ² Yh cahína, mipure Cohamacu pohna jija mari. ã jipanahta baharo mari jihti cjihtire mari noano masierasinja. ã masierapanahta ahri sehere masija. Cristore mari ñuna, dóihta mari tirore ñu masinahca. ã jina Cristo marine to bajuachu tiro to jiro seheta mari cohtotanahca. ³ Jipihtina ahrire masina Cristo to tahtore cohtaina tirore ñu cûa ñaare yoa duaerara.

⁴ Ñaare yoana to dutiare yuhdurucana nija. ã jia jipihtina ñaare yoaina

Cohamacu dutiare yuhdurucana jira. ⁵ Cristo masare ti ñaa buhirire cohãhtiro cjihto bajuari jire. Tiro ne ñaare yoerara. Tíre masina musa. ⁶ ã jia jipihtina Cristo yaina ñaare yoarucuerara. Pairo sehe ñaare ã yoarucuriro Cristore wacû tuaeraro, ne tirore masierara. ã jiro Cristo yairo jierara. ⁷ Yh pohna, musare mahñoinare ne tuhona tjiga. Jipihtina noaare yoaina Cristo yoaro sehe noaina jira. ⁸ Pairo sehe ñaare ã yoarucuriro watíno yairo jira. Watíno pinihta dóihta ñaare yoariro jia tiri jire. ã jiro watíno to ñaare yoare, to ñaare yoa dutia cûhure duhuchu yoahitiro cjihto Cohamacu macano bajuari jire.

⁹ Cohamacu pohna jina Cohamacu yoaro seheta jiina jija. ã jinata ñaare yoarucueraja. Cohamacu mari Pucu to jichu mari sehe ñaare yoarucu masieraja. ¹⁰ Õ sehe jinare Cohamacu pohnare masinahca: Cohamacu pohna watíno pohna yoaro sehe jierara. Ñaare yoarucuina, painare cahñeraina Cohamacu pohna jierara.

Musa mehne macainare cahíga

¹¹ “Mari mehne macainare cahíjihna”, ni buheare wahmanopure tuho tuhsure musa. ¹² Mari Caí to ñano yoariro seheta yoaena tjijihna. Tiro watíno yairo jiro, to bahurore wajãa tiri jire. ¿Dohse yoaro tirore wajãri, musa tuhutuchu? Tíre yahuihtja musare: Caí to yoari cjiri ñaa jia tiri jire. To bahuro sehe to noaare yoariro jichu ñu tuhtiro to wahmino sehe tirore wajãa tiri jire.

¹³ ã jina yu coyea, ahri yahpa macaina musare ti ñu tuhtichu “¿Dohse jiro baro marine ñu tuhtijari tina?”, ni tuhoutuena tjiga. ¹⁴ Mari pichacapu wahaborina jimai. Mipure manopu ã jirucuhtina cohtotari-napu jina nija mari. Jesu yainare cahína, Cohamacu marine to cohtotachu yoarire masija mari. Masare cahñerariro pichacapu wahahtiro jira. ¹⁵ To coyeirore ñu tuhtiriro

masare wajãiro jira, Cohamacu to ñuchu. Masare wajãina ne muanopu Cohamacu mehne jirucusi. Tíre noano masina musa. ¹⁶ Masare cahãre õ sehe masinahca. Jipihtia dachoripe Cohamacu mehne mari jihto cjihtore Cristo yariaro marine tuaro cahãre. ã yariaro marine to ã cahãrucurire masichu yoaro nire. ã jina Cohamacu to cahmachu mari cãhure Jesu yaina yaro jiborirore yariaro cahmaboca. ¹⁷ Payu cjuariro Jesu yairore pjacurorirore ñuparota tirore pja ñueraro, Cohamacure cahãerara tiro. ¹⁸ Yu pohna, mari cahãa sehe mari dusero dihta wijaero tjiaro. Masare mari cahãina, potocãta tinare yoadohoro cahmana marine.

Cuiro marieno Cohamacu cahai ji masija mari

¹⁹ Tó seheta cahãina mari potocã Cohamacu yaina mari jia tia cãhure masinahca. ã jina Cohamacu cahai ne cuiro marieno mari ji masija. ²⁰ ã jina “Ñaa buhiri jica yãhure”, mari ni tuhotupanahta, Cohamacu cahai cuiro marieno ji masija. Tiro sehe mari yãhdoro tuariro jiro jipihtiare masi pahãoriro jira. ²¹ Yu cahãina, noaare yoana, “Noaa sehere yoana nija”, ni tuhotuna, Cohamacu cahai mari cuiro marieno ji masija. ²² Cohamacu to dutiare, to cahmaa cãhure mari yoachu, tirore mari sinino purota tiro warohca. ²³ Õ sehe dutira tiro marine: “Cohamacu macunore Jesucristore wacũ tuaga. ã yoa Cristo marine to dutiriro seheta musa mehne macainare cahãga musa”, ninota dutira marine.

²⁴ Cohamacu dutiare yoariro Cohamacu mehne macariro jiro nina. To ã jiro jichu, Cohamacu tiro mehne macariro jira. Cohamacu mari mehne macariro to jiare mari masi duachu marine to wariro Espiritu Santo tíre marine masichu yoarohca.

4

Mahãoare ti buhechu, Cohamacu

yare ti buhechu cãhure noano ñu masi dutiha

¹ Yu cahãina, paina “Cohamacu yairo Espiritu cjuaja”, niina ti jipachuta ti buhea mahãoa jira. Paina sehe Espiritu Santo warore cjuaina ne mahãono marieno buhera tina. Payu “Cohamacu yare yahu mãhtaina jija”, nipahta mahãoina jira mipure. Jipihtiropu jira tina. ã jina paina masare ti buhea sehe mahãoa buhea jichu ñu masiga musa. Cohamacu ya ti jichu cãhure ñu masiga musa. ² Cohamacu yairo Espiritu Santore cjuainare musa ñu masi duana, õ sehe masinahca: “Jesucristo ahri yahpapu mari yoaro sehe pjacu tiriyo bajuari jire” ni, buheina Cohamacu yairo Espiritu Santore cjuaina jira tina. ã jina ã ni buheinare ñu masinahca musa. ³ Paina sehe “Jesu ahri yahpapu mari yoaro sehe pjacu tiriyo bajuerari jire” ni, buheina Cohamacu yairo Espiritu Santore cjuainera jira. Ti ya tuhotua Cristore ñu tuhtiriro to tuhoturo seheta jira. “Cristore ñu tuhtiriro tarohca”, ti nirire tuho tuhsure musa. ã yoa to ya buhea ahri yahpapure wihi tuhsure.

⁴ Musa sehe yu pohna, Cohamacu yaina jira musa. ã jina “Cohamacu yare yahu mãhtaina jija sã” ni, mahãoinare yãhduraca tuhsure musa. Musa mehne jiro Espiritu Santo sehe tua yãhduracara. ã jiro ahri yahpa macaina yairo watino yãhdoro tuara. ã jina mahãoinare yãhduracare musa. ã jina ti buheare cahmaerare musa. ⁵ Mahãoina sehe ahri yahpa macaina ñaina jira. ã jia tina ahri yahpa macaa ñaare ti buhechu ahri yahpa macaina ñaina sehe tinare noano tuhora. ⁶ Mari sehe Cohamacu yaina jija. ã jia Cohamacure masiina marine noano tuhora. Paina sehe Cohamacu yaina jieraa, marine ne tuho duaerara. Ti ã tuho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti tuhochu ti ya buhea noaa buhea ti jichu cãhure masija mari.

Cohamacu painare tuaro cahĩrucuro jira

⁷ Y_h cahĩna, Cohamacu marine painare cahĩch_u yoariro jira. To ã yoariro jich_u ñ_una mari mehne macainare cahĩjihna mari. Masare noano cahĩna sehe Cohamacu pohna jira. Æ jia tina Cohamacure noano masina. ⁸ Cohamacu jipihtinare tuaro cahĩrucuro jira. To ã cahĩrucuro to jich_u masare cahĩeraina sehe Cohamacure masierara. ⁹ Cohamacu marine to cahĩare mari masi duana, õ sehe masinahca: Cohamacu sehe to macunore cãirota jirirore marine y_hhd_uch_u yoahtiro cjihtore ahri yahp_ure warocari jire. Æ warocar_u marine to cahĩare marine masich_u yoaro niri jire. ¹⁰ Cahĩa waro õ sehe jira: Cohamacure mari cahĩri cjiri sehe potocã cahĩa waro jierara. Marine Cohamacu to cahĩa sehe potocãta cahĩa waro jira. Æ yoa to macunore mari ñaa buhirire cohãhtiro cjihtore warocar_u marine tuaro cahĩna tiro.

¹¹ Y_h cahĩna, Cohamacu ã tuaro marine to cahĩch_u ñ_una mari cãh_u mari mehne macainare cahĩjihna. ¹² Masa sehe ne Cohamacure ñ_uerare. Tirore ñ_ueraina mari jipach_uta mari mehne macainare mari cahĩch_u, Cohamacu sehe mari mehne ã jirucuro nina. Æ jiro potocãta marine cahĩ namorucuch_u yoara tiro. ¹³ Cohamacu sehe marine to yairo Espĩritu Santore ware. Æ jina Espĩritu Santore cj_uana, Cohamacu mehne mari noano jia tiare, tiro sehe mari mehne to noano jia tia cãh_ure masija mari. ¹⁴ Æ yoa Cohamacu mari P_uc_u to macunore ahri yahpa macainare y_hhd_uch_u yoahtiro cjihtore to warocarire sã ñ_ui. Tĩre ñ_una painap_ure tĩre yahuja sã. ¹⁵ Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. Æ yoa Cohamacu cãh_u tiro mehne macariro jiro nina.

¹⁶ Æ yoa marine Cohamacu to cahĩare masija mari. Cohamacu

jipihtinare tuaro cahĩrucuro jira. Æ jiro cãiro masare cahĩrucuro jiro, Cohamacu mehne macariro jira. Æ jiro Cohamacu cãh_u tiro mehne macariro jira. ¹⁷ Æ jina mari noano cahĩ namorucuja Cohamacure, paina cãh_ure, buhiri dahleri dacho jich_u mari cuiro marieno mari jihto cjihtore. Æ jina cuisu mari ahri yahpai Cristo yoaro sehe jina. ¹⁸ Painare cahĩa mehne ne cuiro mariaha. Cohamacu marine to cahĩare masina mari ñ_uno wahahtore ne cuieraja. Masa cuia tina_ure buhiri dahrehtore cuiina jira. Æ jiro cuiriro sehe Cohamacu cahĩare masierariro jira.

¹⁹ Marine Cohamacu cahĩ mahtari jire. Æ jina mari cãh_u tirore cahĩja. ²⁰ Cãiro “Cohamacure cahĩja”, niriro jiparota pairore ñ_u tuhtiriro jiro, mahñoriro jira tiro. Tiro to ñ_urirore cahĩeraro, Cohamacure cahĩ masierara tiro, tirore ñ_ueraro. ²¹ Æ jiro õi jira marine Cristo to dutia: Cohamacure cahĩro jic_u m_u cahai jiriro cãh_ure cahĩga.

5

Cohamacu pohna ahri yahpa macaa ñaare yoa duaerara

¹ Jipihtina Jesure “Cohamacu masare y_hhd_uch_u yoa duti to warocariro Cristo jira” niina, Cohamacu pohna jira. Paina p_uc_urore cahĩna, to pohna cãh_ure cahĩja mari. ² Tõ sehetã Cohamacure cahĩna, to dutiare noano yoana to pohna cãh_ure mari cahĩna nija. ³ To dutiare noano yoana Cohamacure cahĩna nija. Cohamacu to dutiare mari yoach_u marine war_uerara. Mari jipihtina Cohamacu pohna jina, ahri yahpa macaa ñaare cahmaeraja mari. Æ jia to dutiare mari yoach_u war_uerara. ⁴ Cohamacure wacũ tuana ne ahri yahpa macaa ñaare cahmaeraja. Æ jina tirore mari wacũ tuari baharo ñ_uno yoa duaeraja. ⁵ Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

Cohamacu macunore yahuha João

⁶ Jesucristo ahri yahpapu to tachu tirore João co mehne to bautisarire masina, crusapu to di cohãri cãhure masina, Cohamacu macuno to jiare masija mari. To bautisari dihta Cohamacu macuno to jiare marine masichu yoerara. To di cohãri cãhu marine tíre masichu yoara. Espíritu Santo “Jesucristo Cohamacu macuno jira”, ni yahura marine. Tiro potocã ni yahuriro jira. ⁷ ã jia Jesu Cohamacu macuno to jiare tiaro marine yahura: ⁸ To macuno to jiare Espíritu Santo sehe marine yahura. ã yoa Jesure co mehne to bautisari cãhure masina, Cohamacu macuno to jiare masija mari. ã jina mari ya cjihtire to yariarire to di to cohãrire masina, Cohamacu macuno to jiare masija mari. ã jia tí sehe cãno potori marine masichu yoara Jesu Cohamacu macuno to jiare. ⁹ Masa ti yahua tãhona “Potocã tjira”, nija mari. ã niina jipanahta Cohamacu to macunore to yahuchu masa ti yahua yãhoro tiro sehere noano tãhoro cahmana marine. Cohamacu waro to jichu to macunore to yahua tãhoro cahmana marine. ¹⁰ ã jia jipihtina Cohamacu macunore wacũ tuaina Jesure yahua buheare noano tãhora. “Potocã tjira”, ni tãhotura tina Jesure yahua buheare. Cohamacu to macunore to yahua tãhoerariro “Cohamacu mahñoriro jira”, niriro jira tiro. ¹¹ Cohamacu marine jipihtia dachoripe to catia mehne ã jirucuchu yoarohca. Cohamacu macuno yaina mari jichu ñno ã jirucuchu yoarohca marine. Ahri jira Cohamacu marine to yahua. ¹² Cohamacu macuno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ Mũsa Cohamacu macunore wacũ tuaina Cohamacu catia mehne ã jirucunahca. Tíre mũsa masihti cjihtire mũsare yahu joai nija.

¹⁴ Cohamacu to cahmariro seheta mari tirore dohse jiare mari sinichu tiro marine noano tãho nãnohca. ã mari sinina “Potocãta noano tãhora tiro”, ni masija mari. ¹⁵ Tirore mari sinichu, tiro marine tãhora. To ã tãhorire masina, tirore mari sinino purota to wahtiro jichu cãhure masija mari.

¹⁶ Mũsa coyeiro to ñaare yoachu ñna, tí ñaa Cohamacu pichacapu to waha dutia ñaa jierachu, tirore sini payobasaga Cohamacure. ã jiro Cohamacu tirore yoadohoro to catia mehne ã jirucuchu yoarohca tirore. Cohamacu pichacapu to waha dutieraina dihtare sini payobasaga mũsa. Paye ñaa sehe Cohamacu pichacapu to waha dutia ñaa waro jira. Cãiro tí ñaa warore to yoachu “Tirore sini payobasaga mũsa”, nieraja yũhu. ¹⁷ Jipihtia ñaa yoaa ñaa warota jira, Cohamacu to ñuchu. Ti ã jipachata paye ñaa Cohamacu pichacapu to waha dutia ñaa jierara.

¹⁸ Cohamacu macuno Jesu sehe Cohamacu pohnare noano ñu wihbora. To ã ñu wihbochu watĩno sehe Cohamacu pohnare ne ñano yoa masierara. ã jia Cohamacu pohna sehe ñaare ã yoarucuerara. Ahrire mari masija.

¹⁹ Mari sehe Cohamacu yaina jija. Watĩno sehe ahri yahpa macaina puhtoro jira. Ahri cãhure mari masija.

²⁰ Cohamacu macuno ahri yahpapure taro marine noano masichu yoare tiro. To ã yoachu potocãta Cohamacu waroreta mari noano masija. Ahri cãhure mari masija. Cohamacu macuno Jesucristo yaina jija mari. ã jina potocãta Cohamacu waro mehne macaina jina nija. Ahriro yũ niriro potocãta Cohamacu waro jira. ã yoa ahriro to macuno to catia mehne ã jirucuchu yoariro jira. ²¹ Yũ pohna, “Cohamacu jira”, ti nia masarine ño payoena tjiga.

2 San Juan

Jesucristo yare, potocã cahã cãhure yahuha

¹⁻² Yuhũ bũcũro mũhũre Cohamacũ to besericorore mũ pohna cãhure ahri pũre joarocaja. Jesucristo yare yũhtiina jija mari. Tiro to buhea cãhũ mari mehne jipihtia dachoripe ã jirucuahca. ã jicũ potocãta mũsare cahĩja yuhũ. Yuhũ dihta cahĩcũ nieraja mũsare. Paina Jesu yare masina tina cãhũ potocãta cahĩna mũsare. ³ Cohamacũ mari Pũcũ, Jesucristo to macũno cãhũ potocãta ti cahã mehne marine noano yoahca. ã jia pja ñũa mehne marine noano jichũ yoajaro tina.

⁴ Cohamacũ mari Pũcũ marine to dutiriro seheta cãina mũ pohna to yare yũhtiina ti jichũ masicũ wahcheja yuhũ. ⁵ Yũ cahĩricoro, mipũre mũhũre yũ dutihtõ wahma dutia jierara. Wahmanopũre ahri dutia marine dõipũta ji tuhsũri jire. Õ sehe dutira marine. Mari mehne macainare cahĩjihna. ⁶ To dutiare yoa pahõna mari tirore cahĩja. Wahmanopũre mũsa tũhoriro seheta mipũ cãhũre õ sehe dutira mũsare. Painare ã cahĩrucuina jiga.

Payũ mahõoina jira

⁷ Payũ mahõoina “Potocã Jesucristo ahri yahpapũ mari yoaro sehe pjacũ tiriro masa bajuerari jire”, niina cãhũ ahri yahpa macainare buhea wahare. Tõ sehe niina mahõoriro, Cristore ñũ tuhtiriro yoaro sehe jiina jira. ⁸ Noano yoaga mũsa. Cohamacũ ya wapare mũsa noano yoari wapare boena tjiga. Mũsa ã boerachũ Cohamacũ noa yũhdũaro yoarõhca mũsare.

⁹ Jipihtina Cristo yare yũhdũrucaina, Cristo yare quihõno buheraina Cohamacũ yaina jierara. ã yoa Cristo yare ne cohãeraina Cohamacũ mari Pũcũ, to macũno mehne macaina jira tina. ¹⁰ Cristo ya buheare ne cahmaerariro, paye buheare yahuriro

mũsa cahai to tachũ, tirore mũsa wũhũi sãa ta dutiena tjiga. Tirore piti bocaena tjiga. ¹¹ Paye buheare yahuriro Cristo yare cahmaerariro ñãno yoara. ã jiro tirore piti bocariro sehe ñãno yoarirore yoadõhoro nina.

Yahu joa batoa jira

¹² Payũ mũsare yahu duapaihta tũre joa duaeraja. Mũsare ñũi waha duaja. Mũsare ñũcũ mũsa mehne sũhũduihtja mari noano wahchehti cijhtire.

¹³ Cohamacũ to besericoro mũ baho pohna sehe mũhũre noa dutira.

3 San Juan

João Gayo wama tirirore “Noariro jira”, niha

¹ Yuhũ bũcũro mũhũre Gayore potocã yũ cahĩrĩrore ahri pũre joarocaja.

² Yũ cahĩriro, Cohamacũ mehne macariro mũ jichũ masija yũhũ. Tiro mehne mũ noano jiriro seheta mũ noano yũhdũhti cjihtire, mũ pjacũ dohatiro marieno mũ jihti cjihtire Cohamacũre sini payoja mũhũre.

³ Mahainacã Jesu yaina yũ cahai wihia mũ jia tiare yahuhre yũhũre. “Cristo to cahmano seheta potocãta yoa namono nihre Gayo”, ni yahuhre tina yũhũre. Ti ã ni yahuchũ tũhocũ tuaro wahchehi yũhũ. ⁴ Mũsa Jesu yare yũ buherina cjiri to cahmano seheta mũsa yoachũ tũhocũ tuaro wahcheja.

⁵ Yũ cahĩriro, Jesu yainare yoadohocũ noano yoara mũhũ. Mũ ñũ masieraina ti jipachũta, tinare yoadohocũ noa yũhdũaro yoara mũhũ.

⁶ Tina panopũ mũ ñũ masieraina sehe Jesu yainare õi cahmachuinare sãre õi sehe ni yahuhre: “Gayo Jesu yainare noano cahĩna”, ni yahuhre panopũ mũ ñũ masieraina sehe. Baharo mũ ya macare ti yũhdũ wahcãchũ ñũcũ tinare noano yoadohoga Cohamacũ to wahchehto sehe. ⁷ Tina Jesu yare buhe tinia wahaa, Cohamacũre cahmaeraina ti yoadohochũ cahmaerara. ⁸ ã jina tinare Jesu yare buhe tiniinare yoadohojihna mari. Tinare ã yoadohona nija potocã jiare ti yahuhti cjihtire.

Diotrefe to ñaa yoarire yahuha João

⁹ Tó macainare Jesu yainare mahanoã joarocamahĩ. Yũ ã joarocapachũta Diotrefe to basi ti pũhtoro yoaro sehe ji duaro, yũhũre tũho duaerayuhca. ¹⁰ Mũsa cahai yũ sũri baharo to yoarire mũsare yahu pahũoihtja. Sãre ñano durucuyuhca tiro. Mahũoa payũriro jira tiro. ã yoa paye ñaa cũhũre yoayuhca tiro.

Jesu yainare to yare buhe tiniinare ne tiro to wũhũre sãa ta dutierayuhca. ã yoa paina tó macaina Jesu yaina sehe buhe tiniinare ti sãa ta dutichũ ñũno tiro sehe “Buhe tiniinare sãa ta dutiena tjiga mũsa ya wũhũsepũre”, ni yahusãyuhca tinare. “Mũsa ya wũhũsepũ buhe tiniinare mũsa sã ta dutiri buhiri mari Jesu yaina mari cahmachuri wũhũpũre sãaena tjiga mũsa sehe”, niyuhca Diotrefe tó macainare Jesu yainare.

¹¹ Yũ cahĩriro ñainare ñũ cũi tjiga. Noano yoaina sehene ñũ cũga. Noaare yoaina Cohamacũ yaina jira. Ñaare yoaina Cohamacũre masierara.

Demetrio noaa to yoarire yahuha João

¹² Jipihtina noano durucura Demetrio sehene. ã yoa to yoarire ñũa noano to yoariro jichũ masina masa. Sã cũhũ tirore ãta ni yahuja. Sã yahua sehene potocã jichũ masina mũsa.

Yahu batoaha João

¹³ Mũhũre payũ yahu duamahi. ã yahu duapaihta tíre joaeraja.

¹⁴ Mahanocã baharota mũhũre ñũ duaja. ã jina tópu mari basi sũhdunahca.

¹⁵ Noano jiga mũhũ. Mari mehne macaina õ macaina Jesu yaina cũhũ mũhũre noa dutira. Tó macaina mari mehne macaina jipihtina noajaro.

San Judas

Juda Jesu yainare joarocaha

¹ Yuhũ Juda Santiago bahũro Jesu cristore dahra cohtariro mũsare Jesu yainare ahri pũre joarocaja. Mũsare Cohamacũ mari Pũcũ besea tiri jire. ã jina to cahĩa mehne noano jira mũsa. ã yoa mũsare Jesucristo ñũ wihboro nina. ² Noa dutija mũsare. Cohamacũ mũsare pja ñũno to yoadohoro mehne to cahĩa mehne noano jiga mũsa.

Mahñoina ti buheare yahu dũcaha Juda

(2P 2.1-17)

³ Cohamacũ marine pichacapũ wahaborinare to yũhdũchũ yoaa sehere tuaro joaroca duamahi mũsare, yũ cahĩinare. ã joa duapaihta mũsare mipũre mahñoa buheare cahma sãaeracũ mũsare joarocaja. ã jina Jesucristo ya yahua sehere tuaro yahuga. Ahri yahua sehere tũhona, mari Cohamacũre noano wacũ tuaja. Ahri yahua sehe Jesu to cũrina to yainare ti yahuri cjiri ãta jirucunocahna cohtotaro marieno. ⁴ Mahainacã masa ñaina Cohamacũre cahmaeraina wacũenoca mũsa cahai wihire. Mũsa mehne jia tina õ sehe ni yahumana mũsare: “Cohamacũ yaina mũsa jichũ, tiro cahĩna mũsare. ã jiro numia mehne mũsa ñano yoachũ tiro mũsare ne buhiri dahresi”, ni yahumana tina. ã jia mari pũhtoro cãirota jirirore Jesucristore “Cohamacũ macũno jierara”, ni yahumana tina. Õ sehe ni yahuinare Cohamacũ to buhiri dahrehtore yahua tiri jire panopũre. To yare ti joari pũi ã ni yahua tiri jire.

⁵ Mipũre mũsare payere wacũchũ yoaa duaja. Ahrire mũsa masipachũta pari turi ahrire mũsare wacũchũ yoaa duaja. Cohamacũ judio masare Egiptoi jiinare to naa wiori baharo tina mehne macainare tirore wacũ tuaerainare tiro wajãa tiri jire. ⁶ ã

yoa paina cũhũre wacũga mũsa. Paina anjoa sehe Cohamacũ dutiare yoaa duaera tiri jire. ã jia tinare to ji duti to cũriroro tina ji duaera tiri jire. ã yoa ti jimarirore cohãnocaa tiri jire tina. Ti ã cohãchũ ñũno Cohamacũ nahitianopũ tinare peresu yoaa tiri jire. ã jia tina pihtiri dacho pano comaa dari mehne dũhterina yoaro sehe jirucuahca tina to peresu yoarina. ã jiro pihtiri dacho jichũ tiñare buhiri dahrerohca Cohamacũ. ⁷ ãta yoaa tiri jire paina cũhũ. Tina cũhũre wacũga mũsa. Tina Sodoma wama tiri maca macaina, Gomorra wama tiri maca macaina tí macari cahacãi jia macari macaina cũhũ numia mehne ñano yoaa tiri jire. Soro yoaa cũhũre yoaa, tina mũsa sehe ti basita ti pjacũri mehne ñano yoaa tiri jire. Numia cũhũ ãta yoaa tiri jire. Ti ã yoari buhiri Cohamacũ tinare jũ pahñonocaa tiri jire. Tinare jũno Cohamacũ jipihtina tirore yũhdũrcainare to buhiri dahrehtore masare ñono nia tiri jire. Tinare to buhiri dahreri pichaca ne yatisi.

⁸ Tina Cohamacũ to buhiri dahrerina cjiri yoaro seheta mipũ cũhũre ãta yoarucura mahñoare buheina. Tina tũho masieraina yoaro seheta ti pjacũri mehne ñano yoara. ã yoa Cohamacũ dutiare ne cahmaerara tina. ã yoa mũano macaina si siteinare tina sehe ñano durucu cohtara. ⁹ Noaina anjoa sehe tuaina jipahta ã ni durucuerara. Miguel wama tiriro anjoa pũhtoro sehe Moise pjacũ cjirore cahmano, watĩno mehne cahma sayoa tiri jire. Tua yũhdũariro jiparota tiro “Watĩno yũhdoro yũhũ pinihta tuaja”, ni tũhotuera tiri jire. ã jiro to mũ sũro watĩnore ñano durucuera, tirore tuhtiera tiri jire. ã jiro õ sehe nia tiri jire watĩnore. “Cohamacũpũ mũhũre tuhtijaro”, nia tiri jire Miguel watĩnore. ¹⁰ To ã yoariro jipachũta ahriina mahñoina sehe ti masierainare ñano durucu cohtara. ã yoa wahiquina tũho masieraina ti mũ sũro ti yoaro seheta

tina mahñoina cãhũ yoara. ã yoaina jia, pichacapũ wahaahca.

11 Tinata ñano yũhdũahca. Caĩ cjiro to yoariro sehetã ñano yoara tina cãhũ. ã jia Balãa to yoariro sehetã tina niñerure na duaa, mahñoare buhera. ã yoa Coré to pãhtorore cohã duariro cjiro yoaro sehetã tina cãhũ tó sehetã yoara. ã jia tiro yoaro sehetã tina cãhũ pichacapũ wahaahca. 12 Tina mahñoina sehe m̃sa cahma cahĩti bose num̃arine chũa, ño payoa marieno mehne tina ti cahmano pape, ti sahserota chũare bora painare waro marieno. Wete yoaro sehe tina m̃sa bose num̃arine noaa dachori jiborirore dojomehne cohtara. Me curuari wihnono to wãrocaa curuari, co mariea me curuari ti yaba cjihti jieraro sehetã tina mahñoina ne yaba cjihti jierara. ã yoa dicha tiri pja jichũ dicha tieraa yuc̃ari yoaro sehe jira tina. Tí yuc̃ari p̃ua tahapũ yariaa wahara. Cũ taha dicha tieraa yuc̃ũ, yariaa yuc̃ari yoaro sehe waha tuhs̃ara. Tí yuc̃arire ti duhari baharo pari turi yariaa wahara tjoa. Tí yuc̃ari yoaro sehetã jia yaba cjihti jierara tina mahñoina. 13 ã yoa pjiri ma macaa pahcõri bujãa pahcõri yoaro sehe jira tina. Tí pahcõri ti cjãrũca õchũ, wete tia sahpo wahara. Dohse jiare tina mahñoina ti yoachũ pahcõri macaa sahpo wete tia sahpo ti waharo sehetã mahñoina ti ñaa yoaa jira. ã yoa si m̃ũ wahcãa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro sehetã tina cãhũ quihõno buheraa, ã cohtotarucura. Ti ã yoari buhiri nahitianopũ, ñanopũ ã jirucuahca tina mahñoina.

14-15 Enoco panopũ macariro cjiro Adão panamana seis baharo to panamĩ tiriõ õ sehe nia tiri jire tinare mahñoinare: “Tũhoga yũhũre. Cohamacũ payũ to yaina anjoa noaina mehne jipihtina ñainare ti ñaa buhiri buhiri dahrero tarohca. ã yoaro jipihtina Cohamacũre ñũ tuhtiinare ti ñaa yoari buhirire tinare

buhiri dahrero tarohca Cohamacũ. Cohamacũre ñano ti durucuri buhiri cãhũre tinare buhiri dahrero tarohca”, ni yahuyua tiri jire Enoco.

16 Tina mahñoina painare tuhtiina, nurerucuina ti ñano wacũa dihtare yoara tina. ã yoa “Painare masi yũhdũarũcaja sã”, nirucura tina. ã jia ti cahmano sehe yoa duaa, paina ti cjũaare na duaa, mahño cũ durucura tũho ji coaropũta.

Jesu yainare yahu namoha Juda

17 Mari pãhtoro Jesucristo buhe duti to cũrina ti buherire wacũga m̃sa, yũ cahĩina. 18 Õ sehe ni buhere tina marine. “Ahri yahpa to pihtihto panocã Cohamacũre, m̃sa to yaina cãhũre ñano durucu bujũpeina jiahca. Tina Cohamacũre cahmaeraa, ñaare ti goa pjaare yoaahca”, ni yahure Jesu to cũrina m̃sare. 19 Jesu yainare ti basi ti cahma ñũ tuhtichũ yoara tina mahñoina sehe. ã yoa tina ñaina ti m̃sũro yoaina jia, Espĩritu Santore ne cjũaerara tina. Ti ñaa goa pja dihtare yoara tina.

20 M̃sa sehe yũ cahĩina, Jesucristo ya buheare noano tũho namoga, noano wacũ tuaina m̃sa jihto sehe. Tí buhea sehe ñaa mariea buhea noa yũhdũara. Espĩritu Santo yoadohoa mehne Cohamacũ mehne durucuga m̃sa. 21 Cohamacũ m̃sare tuaro cahĩina. Tĩre masina tirore noano yũhtiina jiga m̃sa. ã yũhtiina jiga, Jesucristo mehne m̃sa ã jirucuhũre m̃sa cohtaro watoĩ. Tiro marine pja ñũno m̃sanopũ ã jirucuchũ yoarohca.

22 Cristo yare “Quihõno jieraboca”, ni tũhotuinare pja ñũga. 23 Painare yoadohoga pichacapũ ti wahaerahto sehe. ã jina painare pja ñũga m̃sa. Tinare yoadohona m̃sa cãhũ ti ñaa yoare ñũ cũena tjiga. Wete tiri suhtirore m̃sa cahmaeraro sehetã, paina ti ñaa yoare cahmaena tjiga m̃sa, “Ti ñaa yoare ñũ cũ yoari”, nina.

Juda Cohamacũre to ño payoa jira

²⁴ Cohamacu mari puhtoro marine ñu wihbo masina ñaare mari yoer-ahto sehe. Ñ jiro tiro si siteriro marine ñaa buhiri marieinare muanopu to cahapu cū masina. Ñ marine tópu to cūchu mari wahchenahca. ²⁵ Tiro Cohamacu cūirota jira. Pairo mari-ahna. Pichacapu wahaborinare marine yuhduchu yoariro jira. Tiro sehe panopu, mipare, jipihtia dachoripe cūhare noa yuhduariro, mari bui puhtoro jiriro, tua yuhduariro, jipihtinare dutiriro jira. To ñ jiriro jichu mari puhtoro Jesucristo to yoad-ohoa mehne tirore ño payoa mehne wahchejihna. Ñta yoajihna.

Apocalipsis

Baharopure ahri dacho to dohse wahahtore marine masichu yoaha Jesucristo

¹ Ahri pui Jesucristo marine to masichu yoarire yahu joarocai nija. Cohamacu sehe tîre yahu dutiro cûri jire tirore, to yainare tirore dahra cohtainare masichu yoa dutiro. Âjiro michapucacâta to dohse wahahtore masichu yoari jire tiro. Mahanocã dahsa mujano nina to ã wahahto. Jesucristore to ã cûchu tiro sehe anjore tîre yuhure Joãore yahu dutiro warocari jire. ² Â jicu yuhu João jipihtiare yu ñurire yahu joarocai nija. Cohamacu ya durucuaré Jesucristo ya buheare yahu joarocai nija.

³ Ahri pui baharopu to dohse wahahtore yahu joai nija. Mahanocã dahsa mujano nina ahri jipihitia ti ã wahahto. Â jia jipihitia ahri pûre buheina, yu yahuaré noano tuhoina yu yahuriro sehe yoaina wahcheina jahca.

Siete curuari macainare Jesu yaina cahmachuinare joarocaha João

⁴ Yuhu, João musare siete curuari macainare Jesu yainare Asia yahpa macainare joarocaja: Cohamacu to cahia mehne musare noa dutija. Â yoa to yoadohoa mehne noano jiga musa. Tiro panoputa ã jirucuriro jia tiri jire. Mipu cahure ã jirucura. Baharopu tarohca. To puhtoro dujiro panoi jiina siete pjacu bajúeraina jira. Tina ti cahia mehne noano jiga musa tjoa. ⁵ Jesucristo to cahia mehne noano jiga musa tjoa. Cohamacu yare mahõno marieno yahuriro jira tiro. Â jiro to yariari baharo to masa mujari baharo ne pari turi yariasi tiro. “Õ sehe masa mjaahca yu yaina”, ni ñu quihõ muhtariro jira tiro. Â jiriro jiro jipihitia ahri yahpa macaina puhtoa ti bui puhtoro jira tiro. Marine cahno

to di cohãri mehne mari ñaare cosawere tiro. ⁶ Â cosawero marine puhtoa sõre tiro. Sacerdotea marine wahachu yoare tjoa. Cohamacu Jesu Pucuro to yare yoahinare marine sacerdotea sõre tiro. Jipihitia dachoripe “Tuariro jira”, ni wahche payorucunahca mari jipihitia tirore. Jipihitia bui puhtoro ã jirucura tiro. Âta jirucujaro.

⁷ Noano wacû masi cohtaga musa. Me curuari watoi duji tarohca Cristo. To ã tachu ñuahca jipihitia. Tirore cã puha wajãrina cjiri cãhu tirore ñuahca. To ã tachu ñua ahri yahpa macaina tirore cahmaeraina jipihitia curuari macaina tuaro cahya, tiaha. Âta yoajaro.

⁸ Õ sehe nina mari puhtoro Cohamacu: “Yuhu jipihtiare bajúamehneriro jija. Â yoa jipihitiare pihtichu yoahitiro jija. Tua yuhdurucariro jija yuhu. Panopu ã jirucua tii. Mipu cahure ã jirucuja. Baharopu taihtja”, nina Cohamacu tua yuhdurucariro.

Cristore si siterirore to ñurire yahuha João

⁹ Yuhu João musa coyero Jesu yairo jija. Â jicu musa yoaro seheta yuhu cãhu Jesu yare yu yoari buhiri ñano yuhdahi. Â yoa musa yoaro seheta yuhure ti ã ñano yoapachata Jesu yoadohoa mehne Jesure cohãerahi. Mari cãno potori puhtoro to sãho jiro macaina cjihti jija. Yu ya dihta macaina ti cohãriro jicu Patmo wama tiri nacopu jiji. Cohamacu yare, Jesucristo to buheri cahure painare yu buheri buhiri tópu ti cohãriro jiji.

¹⁰ Tói yu jichu cã dacho domingo jichu Espiritu Santo yuhure cahãnopu ñono nihre. To ã ñochu yu baharo buhusehei tuaro durucua bisiro coa tahre. Corneta to tuaro bisiro seheta tó seheta bisiro coa tahre to durucua.

¹¹ Õ sehe nino coa tahre yu tuhochu:

—Mipu mu ñuhtire joari pui joa õga. Mu ã joa õri baharo siete curuari macainare Cohamacu yainare warocaga tí pûre. Tina siete curuari

Asia yahpai jia macari macaina jira. Efeso macainare, Esmirna macainare, Pérgamo macainare, Tiatira macainare, Sardis macainare, Filadelfia macainare, Laodicea macainare m̄ ñãhtire joarocaga – nino coa tahre yãhãre.

¹² To ã nich̄ tãhoc̄ majarer̄cãhi yãhãre durucurirore ñãi tai. ã majarer̄cac̄ siete sihãa pocare ti duhu payoa yuc̄re uru mehne ti yoari yuc̄re ñãhi. ¹³ Tí yuc̄ watoi ducurirore mas̄no yoaro sehe bajurirore ñãhi. Tiro yoari suhtiro to dahporip̄ s̄ri suhtirore sãariro jihre. ã jiro uru mehne ti yoari cahsaro mehne to pẽbuhu bui tãã dihoriro jihre. ¹⁴ ã yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. ¹⁵ To dahpori bronca wama tiri comaa siri comaa yoaro sehe si sitehre. Broncere pichaca mehne ti noano jãweri baharo tíre wahtara noano si pa dutia. Ti noano wahtariro yoaro sehe to dahpori noano si sitehre. ã yoa to durucua paȳ payeri yoaro sehe tuaro bisiro coa tahre. ¹⁶ To wamomaca potu bũhũsehei siete ñãhpichoha pocare c̄hãhre. ã yoa to d̄seroi ñosari p̄j̄ p̄ bũhũseheri siori p̄j̄ne cuhcũhre. ã yoa sũ dacho macariro to tuaro minoano seheta to wãhd̄ã tuaro si sitehre.

¹⁷ ã jic̄ tirore ñãc̄ to dahpori cahai doca caha s̄hi yariariro yoaro sehe. Yã ã doca caha s̄ch̄ ñãno tiro to wamomaca potu bũhũsehe mehne yãhãre duhu payo ò sehe nihre:

–Cuii tjiga. Yãhã jipihitiare ba juamehneriro jija. ã yoa jipihitiare pihtich̄ yoahitiro jija. ¹⁸ Catiriro jija yãhã. Yariariro jimai. Mip̄re ñãga. Jipihitia dachoripe ã catirucuriro jija yãhã. ã yoa yariaina ti jiroi pãhtoro jija. Yariaina ti jiro macari sopaca sawire yã c̄hãboriro seheta tóp̄ j̄ inare na wio, pari turi catich̄ yoa masija yãhã. ¹⁹ ã jic̄ mip̄ wahtore ñãc̄, joa õga. Baharop̄

to dohse wahahto cũhãre ñãc̄ joa õga m̄hã. ²⁰ Ahri siete ñãhpichoha pocare yã potu bũhũsehei yã c̄hãa pocare yahuihtja m̄hãre. Siete sihãa pocare ti duhu payoa yuc̄ uru yuc̄ cũhãre yahuihtja. Ò sehe jia yahuare panop̄ masare ne yahuera tii. Ò sehe jira tí: Siete ñãhpichoha poca siete curuari macaina yã yaina cahmachuina pãhtoa jia nina mari piti dahre buhech̄. ã jia siete sihãa pocare ti duhu payoa yuc̄ siete curuari macaina yã yaina jia nina mari piti dahre buhech̄ –nihre yãhãre.

2

Efeso macainare Jesu yainare joa d̄ãca dutiha Joãore

¹ ã ni tuhs̄ ò sehe ni namohre yãhãre joa dutiriro:

–Efeso macaina yã yaina, ti pãhtoro cũhãre ò sehe ni joarocaga m̄hã: “Yã wamomaca potu bũhũsehei siete ñãhpichoha pocare c̄hãariro jija. ã jic̄ siete sihãa dapoa yuc̄ uru mehne ti yoaa yuc̄ watoi tiniriro jija. ã tiniriro jic̄ m̄sare ò sehe ni yahuja: ² Jipihitia m̄sa yoarire masi pah̄õja. Yã ya c̄j̄htire tuaro m̄sa dahrarire, yãhãre m̄sa wacũ tua duhuerari cũhãre noano masija. Ñaare yoainare m̄sa ñã yabich̄ cũhãre masija. ã yoa ‘Jesu buhe dutiro to cũrina jija’, nimarinare quihõno ti buherach̄, quihõno ti yoerach̄ ñãna, mah̄õina ti jich̄ masire m̄sa. ³ Yã yare m̄sa yoari buhiri m̄sa ñãno yãhd̄ãpanahta yãhãre ne duhuerare m̄sa. ⁴ ã noano yoaina jipanahta cũnore tó yoerare m̄sa. Ahri jira tí: Yãhãre m̄sa noano cah̄ m̄htariro seheta mip̄re yoerara m̄sa. ⁵ Yãhãre m̄sa cah̄ m̄htarire wacũga m̄sa tjoa. Mip̄re yãhãre m̄sa cah̄era curerire wacũga. ã yoa Cohamac̄ yare tuaro cahmaga tjoa. ã cahmana, yã yare m̄sa yoa m̄htariro seheta yoaga tjoa. M̄sa ã yoerach̄ sihãiare yã duhu payod̄ m̄sa ya

duhure yu dapodure musare nanocaihtja. (Ã nicu õ sehe ni yahui nija musare. Musa tó macaina yuhure cohãboca. Ã cohãna tó purota pihtinahca musa ñaa yoare duhuerana.)

⁶ Yuhure cahñera cureina jipanahta ahrire noano yoare musa: Nicolaita wama tiina ti ñaa yoarire ñu yabira musa. Yuhu cãhu ti yoarire ñu yabija.

⁷ Cahmori tiina jira musa. Ã jina musa ya curuari macainare yu yainare Espiritu Santo to yahurire tuhoga musa. Õ sehe nina tiro: 'Jipihtinare Jesure wacũ tua duhuerainare Cohamacu masare to cũno paraíso wama tiro macadu dichare chu dutihtja. Tu dicha catichu yoaa jira', nina Espiritu Santo", ni yahu joarocaga Efeso macaina yu yainare, ti puhtoro cãhure.

Esmirna macainare Jesu yainare joaroca dutiha Joãore

⁸ Esmirna macaina yu yainare, ti puhtoro cãhure õ sehe ni joarocaga mahu: "Yuhu jipihtiare bajuamehneriro jija. Ã yoa jipihtiare pihtichu yoahitiro jija. Yariaa wahai. Pari turi catija tjoa. Ã jicu õ sehe ni yahuja musare: ⁹ Musa ñano yuhdũrũre masija. Pjacũoina musa jichu cãhure masija. Ã jipanahta Cohamacu yare noaare pjiro cãhara musa. Paina sehe 'Judio masa jija', nimarina mahñoina jira. Tina musare ti ñano quti dahrerire masija. Tina Satana yaina jira. ¹⁰ Mipure musa ñano yuhdũhtire cuiena tjiga. Tuhoga musa. Watino musare Cohamacure duhu dutiro cãina musa mehne macainare peresu yoa dutirohca. Diez dachori waro ñano yuhdũnahca musa. Ti ña ñano yoachu musare ti ña wajãmoñopachuta yuhure yu ya cãhure cohãena tjiga. Musa ña yuhure cohãerachu ñucũ jipihtia dachoripe Cohamacu caharu musare ña jirucuchu yoaihtja. ¹¹ Cahmori tiina jira musa. Ã jina musa ya curuari macainare yu yainare Espiritu Santo to yahurire tuhoga musa. Õ sehe nina tiro: 'Jipihtinare Jesure wacũ tua

duhueraina pichacaru wahasi. Ti yariari baharo pichacaru wahasi', nina Espiritu Santo", ni joarocaga Esmirna macaina yu yainare, ti puhtoro cãhure.

Pérgamo macainare Jesu yainare joaroca dutiha Joãore

¹² Pérgamo macaina yu yainare, ti puhtoro cãhure õ sehe ni joarocaga mahu: "Yuhu ñosari pjĩ pu bũhũseheri siori pjĩne cãhãriro jija. Musare õ sehe ni yahuihtja: ¹³ Musa yoarire, musa ya maca macaina ti yoari cãhure masija. Tó macaina puhtoro Satana jira. Tó macaina Satanare ño payoina Antipare yu yare noano yahuriro cãhure wajãre. Tirore ti ña wajãchu ñũpanahta yu yare yoarucuna yuhure ne wacũ tua duhuerare musa. ¹⁴ Musa ña wacũ tua duhuerapanahta mahanocã yuhure yuhdũrũcare musa. Cãina musa mehne macaina Balãa ya buheare cahmana. Panopu Balãa puhtoro Balac wama tirirore õ sehe ni buhea tire: 'Israe masare yuhdũrũca duacu "Cohamacu jira", musa nia masurine ño payo musa duhu payoa chũare chu dutiga tinare. Ã yoa numia mehne ñano yoachu yoaga tinare', ni buhea tire Balãa cãhoro. Cãina musa mehne macaina to buheare cahmana. ¹⁵ Ã yoa paina musa mehne macaina Nicolaita wama tiina ya buhea sehẽre duhu duaerara. ¹⁶ Ã jina musa ñaa tuhutumari cãhure tuhutu cohtota, Cohamacu yare tuaro cahmaga tjoa. Musa ña cahmaerachu ñucũ soaro mehne musa caharu wahacu, ña ñano yoaina mehne cahmacheihca yu dũseropu jiri pjĩ ñosari pjĩ mehne. ¹⁷ Cahmori tiina jira musa. Ã jina musa ya curuari macainare yu yainare Espiritu Santo to yahurire tuhoga musa. Õ sehe nina tiro: 'Jipihtinare Jesure wacũ tua duhuerainare maná wama tiri chũare to nuori chũare waihtja. Yehsea tãa cãhure waihtja tinare. Tí tãare wahma wamare yu joa õa tãa jahca. Paina tí wamare ne masisi. Tí tãare naina dihta tí wamare

masiahca', nina Espíritu Santo", ni joarocaga Pérgamo macaina yu yainare, ti puhtoro cãhure.

Tiatira macainare Jesu yainare joaroca dutiha Joãore

¹⁸ Tiatira macaina yu yainare, ti puhtoro cãhure õ sehe ni joarocaga muhũ: "Yuhũ Cohamacũ macũno yu capari picha pohna yoaro sehe sira. ã jia yu dahpori bronce wama tiri comaa ti wahtari comaa yoaro sehe si sitera. Musare õ sehe ni yahuja: ¹⁹ Musa yoarire masija yuhũ. Cohamacũre paina cãhure musa cahĩre, yuhũre musa cohãerare, painare musa yoadohore, ñano yuhũpanahta yuhũre musa duhuerare masija. Wahmanopũ musa yoariro yuhũdoro mipũ sehere noano yoa namona nina musa. Tí cãhure masija yuhũ. ²⁰ Musa ã noano yoaina jipanahta õ sehe yuhũre yuhũdũcãhure musa: Jezabe wama tiricoro 'Cohamacũ yare yahu muhtaricoro jija', ni mahñoricoro musare to ñano buhechũ tuhona ticorore tuhtierare musa. Mahño buhero yu yainare yuhũre dahra cohtainare numia mehne ñano yoachũ yoara. ã jiro 'Cohamacũ jira', ti nia masũrine paina ño payo ti duhu payoa chũare chũ dutira ticoro yu yainare. ²¹ To ñaare to cahyahtore cohtasinimai. Yu ã cohtapachũta muã mehne to ñano yoare duhu duaerare. ²² Yuhũre tuhoga musa. Ticorore dohatichũ yoaihtja. Ticoro mehne ñano yoaina cãhure dohatichũ yoaihtja. ã jia tina pjĩro ñano yuhũmahca. ãta yoaihca tinare ticoro mehne ti ñano yoare ti cahyaerachũ, tíre ti duhuerachũ. ²³ ã yoa ticoro ya buheare cahmainare wajãihtja. Yu ã yoachũ ñũã jipihtina yu yaina yu noano masiriro jichũ masiahca. Masa ti tuhutuare ti goa pjaã cãhure masija. Yu ã masiriro jichũ masiahca tina ticorore yu buhiri dahrechũ ñũã. Jipihtina musa ñaare yoari buhirire buhiri dahreihhtja musare. ã yoa musa noaare yoari

wapa sehere noano yoaihtja musare. ²⁴ Paina musa mehne macaina Tiatira macaina ticoro ya buheare cahmaerare. Musa sehe Satana ya buheare 'Pano to yahuerari cjiri', ti nia buheare cahmaerare musa. ã jicũ musa sehere duti namosi yuhũ. ²⁵ Ahri dihtare yoa duti namoihtja musare: Musa cahapũ yu tahto pano yu buheare musa masirire ne mahanocã duhuena tjiga. ²⁶⁻²⁷ Jipihtina ñaare duhuinare yu yare ã yoarucuinare puhtoa sõihtja. Yu Pũcũ yuhũre to puhto sõiro sehetã musa cãhure puhtoa sõihtja. Jipihtia yahpari macaina bui puhtoa sõihtja musare. ã puhtoa sãana, musa docai jĩnare jipihtia yahpari macainare tuaro dutinahca musa. Dihi biatore mari yucũcũ mehne pohachũ dói to wahtiaro sehetã Cohamacũre yuhũdũcãcainare ãta yoanahca musa. ²⁸ ã jicũ musare yu yare ne duhuerainare bohrea muja tachũ muja tariare waihtja musare. ²⁹ Cahmori tiina jira musa. ã jina musa ya curuari macainare yu yainare Espíritu Santo to yahurire tuhoga musa", ni joarocaga Tiatira macaina yu yainare, ti puhtoro cãhure.

3

Sardis macainare Jesu yainare joaroca dutiha Joãore

¹ Sardis macaina yu yainare, ti puhtoro cãhure õ sehe ni joarocaga muhũ: "Yuhũ siete pjacũ bajuerainare Cohamacũ yainare dutiro jija. ã yoa siete ñahpichoha pocare cjuariro jija. Musare õ sehe ni yahuja: Musa yoarire masija. Õ sehe ni tuhutumana paina musare: 'Tina Cohamacũ yare noano yoa pahñoina jira', ni tuhutumana musare paina. Tí ã ni tuhutupachũta Cohamacũ yare noano yoerara musa. ² ã jina noano yoaga musa 'Ñaare yoari', nina. Cohamacũ yare musa masirire noano wacũga, 'To yare duhuri', nina. Cohamacũ to ñũchũ noano yoa

pahñoerasinire musa. ³ Æ jina yu yare musa tuho muhtarire noano wacũga musa. Æ wacũna yu yare yoaga tjoa. Cohamacu yare pari turi cahmaga tjoa. Yu nino sehe musa yoerachu wacũenoca musare buhiri dahrehtja. Yacariro wacũenoca to yacaro sãariro seheta musare wacũenoca buhiri dahrehtja. ⁴ Cãina musa mehne macaina Sardis macaina ñaare yoarucuina jierara. Wete marieni suhtirore musa sãaboriro seheta ti suhtirore musa wete piho duaeraro seheta ti ñaa yoare piha duaerare musa. Æ noaina jina, yehseri suhtiro sãaina yuhu mehne tininahca musa sehe. Æ yoahina cjihti jira musa. ⁵ Jipihtina yu yare duhueraina ãta yehsea suhti sãaina jiahca. Æ yoa yuhu mehne ã jirucuhtina ti wamare to joa õri pũ tina cãhu ti wamare joa õina jiahca. Ti wamare to joa õrire pahã cohãsi yuhu. Yu Pucu to ñurocaroi, anjoa cãhu ti ñurocaroi yu yaina musa jirire yahuihtja tinare. ⁶ Cahmori tiina jira musa. Æ jina musa ya curuari macainare yu yainare Espiritu Santo to yahurire tuhoga musa”, ni joarocaga Sardis macaina yu yainare, ti puhtoro cãhure.

Filadelfia macainare Jesu yainare joaroca dutiha Joãore

⁷ Filadelfia macaina yu yaina, ti puhtoro cãhure õ sehe ni joarocaga muhu: “Yuhu ñaa marieriro jija. Yu nino seheta yoariro jija. Davi cjiro panoru macariro puhtoro dutiriro waro sawire cjuariro jiro masare to dutiriro seheta tuua mehne dutihtja yuhu cãhu. Tí tuua mehne yu yoa dutichu ne paina tíre ducata masierara. Yu yoa dutierachu ne paina tíre yoa masierara. ⁸ Jipihtiare musa yoare masija yuhu. Wacũ tuaera cureina jipanahta yu buheare noano tuho, tíre ne duhuerare musa. Æ jicu yu yare cũi musare tíre buhe duticu. Æ jia paina ‘Tíre buhena tjiga’, ni ducata masierara musare. ⁹ Æ jicu õ sehe yoaihtja: Paina musa cahai jiina Satana yaina jira. ‘Judío

masa jija’, nipahta judío masa waro jierara. Tinare musa panoi na tuhcu caha su musare ño payochu yoaihtja tinare. Yu ã yoachu ñaa musare yu cahiare masiahca tina. ¹⁰ Musare yu yare yu duhu dutierachu tahona noano yuhtire musa. Musa ã yoachu ñucu ahri yahpa macaina jipihtina ti ñano yuhduhti pja jichu musare ducataihtja musa ñano yuhduerahto sehe. Tí pja jipihtina ti ñano yuhduhti pja jirohca. ¹¹ Mahanocã duhsara ahri yahparu yu tjua tahto. Yu yare musa masirire buena tjiga. Æ yoa yuhure ã yuhtirucuga, musa noano yoari wapare ‘Butiri’, nina. ¹² Æ jicu yu yare ã yoarucuinare yu Pucu ya wuhu macaina cjihtire cũihtja tinare. To ya wuhu macaa botari ti yoari pja ti jirucuro seheta Cohamacu mehne jirucuchu yoaihtja tinare. Æ jia Cohamacu mehne macaina ã jirucuahca. Æ jicu Cohamacu wuhu macaa botaripu yu joa õno seheta tinare ti pjacuripu õ sehe ni joa õihtja: Cohamacu yu Pucu wamare, to ya maca wama cãhure joa õihtja. To ya maca wahma maca Jerusalẽ jirohca. Tí maca manoru Cohamacu caharu tari maca jirohca. Yuhu wahma wama cjaihca. Tí wama cãhure joa õihtja ti pjacuripu. ¹³ Cahmori tiina jira musa. Æ jina musa ya curuari macainare yu yainare Espiritu Santo to yahurire tuhoga musa”, ni joarocaga Filadelfia macaina yu yainare, ti puhtoro cãhure.

Laodicea macainare Jesu yainare joaroca dutiha Joãore

¹⁴ Laodicea macaina yu yainare, ti puhtoro cãhure õ sehe ni joarocaga muhu: “Yuhu Cohamacu jipihtia to yoarire, to yoahiti cãhure yoa sohtori tiri jija. Yuhu potocã yoariro jija. Æ jicu mahõno marieno yu ñurire ã yahurucuriro jija. Jipihtiare yu Pucu to yoarire yoabasariro jija yuhu. ¹⁵ Jipihtia musa dohse yoarire masija yuhu. Yuhure wacũ tuaina jipanahta mahanocã wacũ tuaina jira musa.

Õ sehe jira tí: Co yusuera co sũ mehne pjiroca si putia co yoaro sehe jira m̄sa. Tó sehe jia core mari ji coaeraro seheta yuh̄re wacũ tuaera cureina m̄sa jich̄u yuh̄u c̄h̄u m̄sare ji coaeraja. Yuh̄re m̄sa noano wacũ tuach̄u noaboa yuh̄re. Yuh̄re m̄sa wacũ tuaerach̄u ña niboia yuh̄re. Yuh̄re m̄sa wacũ tuaerari yuh̄doro mahanocã wacũ tuaina m̄sa jich̄u ña yuh̄d̄ara. ¹⁶ M̄sa ã jich̄u ñ̄sc̄u ñ̄u yabi yuh̄d̄aja yuh̄u. Ñaa core yu cho cohãno seheta yuh̄re mahanocã wacũ tuinare ñ̄u yabi yuh̄d̄aja yuh̄u. ¹⁷ ã jina õ sehe ni t̄hotumana m̄sa: ‘Jipihtiare c̄uaja. Ne yaba d̄hsaerara marine’, ni t̄hotumana m̄sa. ã nipanahta p̄jac̄oina yoaro sehe jira m̄sa. ã jina capari ñ̄eraina ti ñ̄u duaare ti masieraro seheta Cohamac̄u yare ne masierara m̄sa. ã jina suhti marieina ti b̄uo tiro seheta Cohamac̄u to ñ̄roc̄aroi m̄sa ñaa yoarire b̄uo tihtina jira m̄sa. ¹⁸ M̄sa ã jiina jich̄u ñ̄sc̄u õ sehe ni yahuihtja m̄sare: Uru warore m̄sa nuch̄aboro seheta noaare yu c̄uare naga m̄sa. M̄sare yuh̄re wacũ tuach̄u yoaihtja. ã jina potocãta Cohamac̄u ya mehne p̄j̄ro c̄uanahca. ã yoa yehseri suhtirore m̄sa nuch̄u m̄sa sãano seheta yu di cohãri mehne yu yariaro mehne m̄sa ñaa yoaare cosawerina jiga. ã yoana noaa suhti sãaina ti b̄uo tieraro seheta m̄sa ñaaare cosawerina jina b̄uo tisi m̄sa c̄h̄u. ã yoa m̄sa caparire m̄sa co tiri baharo noano m̄sare bajuro seheta Cohamac̄u yare noano t̄hoga, m̄sa noano masihto sehe. ¹⁹ Jipihtina yu cah̄inare yahuja. ã jic̄u yu cah̄ina ti jich̄u ñ̄sc̄u, ti t̄hoerach̄u tinare quihõno yoa dutija, tinare yoadohoc̄u tac̄u. ã jina yu ya sehere tuaro cahmaga. ã yoa m̄sa ñaaare t̄hotumari c̄jirire cohtota, tí ñaaare duhuga. ²⁰ T̄hoga yuh̄re. M̄sa wuh̄re bihari wuh̄re yu sar̄uca yu sãa dua yu pisurucuboro seheta, m̄sa mehne macariro ji duai nija. Yu ã ji duach̄u t̄hoina jina

yuh̄re m̄sa mehne ji dutiga. Yu yaina jiga. M̄sa ã ji dutich̄u m̄sa mehne jiihtja. ã jic̄u mari s̄ho ch̄ero seheta m̄sa mehne noano jiihtja. ã jina yuh̄u mehne macaina jinahca m̄sa. ²¹ Wat̄n̄ore yu yuh̄d̄ar̄ucari baharo yu P̄sc̄u p̄htoro to dujiro cahai dujija, yuh̄u c̄h̄u dutic̄u tac̄u. Tó seheta m̄sa c̄h̄u ñaa yoarire m̄sa yuh̄d̄ar̄ucari baharo yu p̄htoro dujiro cahai dujinahca, m̄sa c̄h̄u dutina tana. M̄sare yu cahai dujich̄u yoaihtja. ²² Cahmori tiina jira m̄sa. ã jina m̄sa ya curuari macainare yu yainare Esp̄ritu Santo to yahurire t̄hoga m̄sa”, ni joarocaga Laodicea macaina yu yainare, ti p̄htoro c̄h̄ure –nihre yuh̄re joa dutiriro.

4

M̄sanop̄u Cohamac̄ure na tuhcuca caha su ti ño payoare ñ̄ha Joã

¹ Yuh̄re to ã ni yahuri baharo m̄sanop̄u p̄j̄ari sopacare ñ̄hi. Pari turi corneta to tuaro bisiro seheta tuaro durucua bisiro coa tahre yu t̄hoch̄u. Õ sehe nihre yu t̄hoch̄u:

—Õp̄u m̄ja taga. Ahri yu yahuhti c̄jhti baharop̄ure wahahtore m̄h̄ure ñ̄oihtja. Yu niriro seheta ã waharohca –nino coa tahre m̄sanop̄u.

² To ã ni yahuch̄ata tóp̄u m̄ja s̄sc̄u Esp̄ritu Santo tuaa mehne ñ̄hi nihi. ã jic̄u p̄htoro dujirore m̄sanop̄u ñ̄hi. Tóci c̄uero dujihre. ³ Noano si siteriro dujihre. Diamante wama tia tãa yoaro seheta, rubí wama tia tãa yoaro seheta noano si siteriro dujihre tiro. ã jiro buhini soro esmeralda yoaro sehe si siteri soro dacho macai dujihre tiro. ⁴ ã yoa to dujiro cahai veinticuatro dujiare ñ̄hi. Tí dujia p̄htoa dujia yu ñ̄u m̄htarirore duji soroahre. Tí dujia p̄htoa veinticuatro Jesu yaina p̄htoa dujihre. Yehsea suhti tiina jihre. ã yoa p̄htoa ti pisaa sorori uru sororire pisaina jihre tina. ⁵ Yu ñ̄u m̄htariro dujiroi orocasitahre. ã yoa soro sehe jiro choro bisiro coa

tahre. Wupo cãhu bisiro coa tahre. Tí dujiro panoi siete sihãa poca jihre. Siete sihãa poca mehne to piti dahre buhechũ Cohamacũ yaina siete pjacũ bajueraina jihre. ⁶ ã yoa to dujiro panoi pjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pjacũri panoi ti baharo bũhũsehe cãhũre payũ capari tiina jihre tina. ⁷ Yu ñũ mũhtariro soro bajuriro yairo sohãriro yoaro sehe bajuhre. To baharo jiriro wachũ yoaro sehe bajuhre. Ti baharo jiriro masũno wũhdũa sehe wũhdũa tiriro jihre. Tina tiaro baharo jiriro cja to cãmũadũpũrire saño dujiro yoaro sehe bajuhre. ⁸ Tina seis dũpũri wũa dũpũri tiina jihre. ã jia ti wũa dũpũri pũ bũhũseheripũta payũ capari tia dũpũri jihre. ã yoa dachoripe, ñaminipe ã dururucua nihre. Ne durucu duhuerare. Õ sehe ni durucuhre:

“Noariro, noariro, noariro Cohamacũ mari pũhtoro tua yũhdũariro jira.

Tiro panopũta ã jirucua tiri jire.

Mipũ cãhũre ã jirucura.

Baharopũ tarohca”,

ni durucurucua nihre.

⁹ ã ni durucua tina pititiaro soro bajuina to tuaare durucua nihre pũhtoro dujiroi dujirirore. ã durucua, tirore jipihtia dachoripe jirucurirore wahche payoa “Noana”, nia nihre. ¹⁰ Ti ã yoa payochũ ñũa veinticuatro Jesu yaina pũhtoa sehe pũhtoro dujiroi dujiro panoi na tuhcuca caha sũ, tirore ño payohre. Tiro jipihtia dachoripe jirucuriro jira. ã ño payoa ti pũhtoa pisaa sororire to dujiro panoi doca payohre. ã doca payoa ò sehe nihre tina: ¹¹ “Mũhũ Cohamacũ sã pũhtoro waro jira.

Tuariro, noariro jira mũhũ.

Mũhũ sã ño payoriro jii nina.

Mũhũre ã ño payorucuro cahmana sãre.

Jipihtiare bajuamehneriro jira mũhũ.

Mũ cahmariro seheta tí jipihtiare bajuamehnea tiri jire mũhũ”, nihre tina Cohamacũre, tói dujirirore.

5

Joari pũre turẽri tiare cordero cãhũre yahuha Joã

¹ Baharo tói dujiriro to wamomaca poto bũhũsehei to cũari pũre joari pũre ñũhi. Tí pũ pũ bũhũseheri to joari pũ to turẽri tia jihre. ã yoa siete wihtã ñahaa mehne to wihtã ñahari tia jihre. ² Tí tiare turẽri tiare ñũ tuhsũ, tuariro anjore ñũhi. Tiro tuaro durucua mehne ò sehe ni yahuhre:

—¿Ahri tiare wihtã ñahaare pahrẽboriro ñaa buhiri marieriro diro sehe jijari, mũsa tũhotuchũ? —nihre tiro anjo.

³ ã niparota tí tiare pahrẽhtirore bocaerare. Mũanopũ, ahri yahpapũ, catiina watoi, yaria tuhsũina watoi ne tí tiare ñahaare pahrẽhtiro mariahre. ã jiro tí tiare buhehtiro mariahre. ⁴ ã jicũ pahrẽhtirore, tí pũre ñũhtirore ti bocaerachũ ñũcũ tuaro tihi yũhũ. ⁵ Yu ã tiichũ ñũno cãiro Jesu yaina pũhtoa mehne macariro ò sehe nihre yahũre:

—Tiiecũ tjiga. Tí tiare ñahaare cãiro pahrẽ masina. Tiro Juda ya curua macariro tuariro jira. Tuariro jiro “Yairo sohãriro”, ti ni pisuriro jira. Tiro pũhtoro Davi panamino ji turariro jira. Watĩnore yũhdũarũcariro jira tiro. ã jiro tiro tí tiare siete ñahaare pahrẽ masiriro jira —nihre tiro yahũre.

⁶ To ã nichũ tũhocũ pũhtoro dujiro panoi cordero to ducuchũ ñũhi. Cuatro soro bajuina, Jesu yaina pũhtoa tina watoi ducuhre tiro cordero. Tiro ti wajãriro cjiro sehe bajuhre. Siete sahari tiriro, siete capari tiriro jihre. Tí siete sahari ã yoa siete capari mehne to piti dahre buhechũ Cohamacũ yaina pjacũ bajueraina siete bajueraina yoaro sehe jira. Tina to yaina pjacũ bajueraina jipihtiro

ahri yahpapu Cohamacu to warocarina jihre. ⁷ ã jiro cordero sehe puhtoro dujiro cahapu sũro, tirore to poto buhusehei to cjuari tiare tuãwe nahre. ⁸ To ã tuãwe nachu ñua cuatro soro bajuina, veinticuatro puhtoa cãhu cordero panoi na tuhcuca caha su, tirore ño payohre. Tina puhtoa jipihtina arpa wama tia buaputẽare, uru wahwari cãhure cjuahre. Tĩ wahwari incienso noano wahpaa posa tia wahwari jihre. Tĩ incienso mehne to piti dahre buhechu Cohamacu yaina tirore ti sini payori yoaro sehe jihre. ⁹⁻¹⁰ ã tirore ño payoa õ sehe ni wahmaa basaare tina basa payohre tirore:

“Mũhu ti wajãriro cjiro jira.

ã jicu mu di cohãri mehne sã ñaa yoari buhirire cohãre mũhu Cohamacu yaina sã jihto sehe.

ã jicu jipihtia curuari macainare cãinare, jipihtia duseri durucuinare cãinare, jipihtia yahpari macainare cãinare sã ñaa yoari buhirire mu di cohãri mehne cosawere mũhu Cohamacu yaina sã jihto sehe.

Sãre jipihtinare Cohamacu yaina cjihtire cũre mũhu.

ã jicu sacerdotea cũhre mũhu sãre Cohamacure dahra cohtaina sã jihto sehe.

ã yoacu ahri yahpa macaina bui puhtoa sõhre mũhu sãre.

ã yoariro jicu tĩ tiare wihtã ñahaare pahrẽhtiro jira mũhu”,

ni basa payohre tina corderore.

¹¹ Pari turi ñucu millones anjoa perire ñuhi. Puhtoro dujirore cuatro soro bajuinare, veinticuatro puhtoare anjoa sehe tinare soroa ducu sũhre. Tina anjoa peri tuaro ti sañurucu payochu ñuhi. ¹² Õ sehe ni tuaro sañurucu payohre tina:

“Cordero ti wajãriro mũhu jipihtinare dutihiro, jipihtiare cjuariro, masi pahñoriro, tua yuhduariro jira mũhu.

Masa ti ñaa buhiri ti wajãriro mu jichu ñuna ã ni ño payoja mũhure.

‘Noabiariro jira’, ninahca mũhure.

Mũhure noano durucunahca”, ni sañurucu payohre anjoa peri.

¹³ ã jicu paina cũhure ti sañurucu payoa coa tachu tuhohi. Jipihtina mũano macaina, ahri yahpa macaina, catiina, yariaina cahapu jiina cãhu, pjiri ma macaina, jipihtiropu jiina õ sehe ni durucu payoa coa tahre:

“Cohamacure to dujiropu dujirirore, Cordero cãhure musare puarore noano durucunahca.

Musare wahche payonahca.

‘Noa Yuhduaina, Tua Yuhduaina jira’ nina, jipihtia dachoripe ã nirucunahca musare”,

ni durucu payoa coa tahre.

¹⁴ ã jia tina cuatro soro bajuina ti ã durucu payochu tuhoa “ãta ni durucu payojaro”, nihre. ã jia Jesu yaina puhtoa sehe na tuhcuca caha su Cohamacure, Cordero cũhure ño payohre.

6

Papera tiare to nari tiare wihtã ñaharire pahrẽna Cordero

¹ Baharo papera tiare to nari tiare Cordero wihtã ñaha mũhtanore pahrẽhre. To ã pahrẽchu ñuhi. To ã pahrẽri baharo cũiro soro bajuina mehne macariro, “Ñuna taga”, nihre. ã nino wũpo yoaro sehe bisihre tiro.

² To ã niri baharo ñuhi yahu. Yehseriro cawalore ñuhi. Tiro bui pisariro buedure cjuahre. Tirore puhtoro pisari sorore wahre paio sehe. To ã wari baharo tiro sehe tirore ñu tuhtiinare yuhduarucaro wahahre.

³ Baharo cũ wihtã ñahanore pahrẽ tuhsu Cordero pa wihtã ñahanore pahrẽhre tjoa. To ã pahrẽri baharo paio soro bajuina mehne macariro “Ñuna taga”, to nichu tuhohi tjoa.

⁴ ã jicu paio cawalore sohãrirore ñuhi tjoa. Tiro bui pisarirore tuaare wahre paio sehe. Ahri yahpa macainare cahma wajã dutihtirore cũhre tirore. ã jia jipihtiro macaina

cahma wajãahca ahri yahpapu. ã yoa pjiri pjĩ ñosari pjĩne wahre tirore.

⁵ Baharo puarore pahrẽ tuhsu Cordero parore pahrẽhre tjoa. ã jicu puaro ti durucuri baharo paio soro bajuina mehne macariro “Ñuna taga”, to nichu tuhohi.

To ã niri baharo ñiro cawalore ñahi. Tiro bui pisariro balanza quihõnore cjahre. ⁶ Tirore yu ñuri baharo soro bajuina watoi õ sehe nino coa tahre:

—Cũ dacho dahrari wapa mehne trigore cũ kilota nuchahca masa. Cũ dacho dahrari wapa mehne cebada wama tia yaparire tia kilota nuchahca masa. (Trigo, cebada cũhu pihtia wahaahca. ã jia tí wapa buju niahca.) Wiho mejeta chua dahrea sere, vino cũhre dojochu yoena tjiga —nino coa tahre.

⁷ Baharo tiarore pahrẽ tuhsu Cordero parore pahrẽhre tjoa. To ã pahrẽri baharo paio soro bajuina mehne macariro ji bato tiriro “Ñuna taga”, nihre tjoa.

⁸ To ã nichu tuhocu wapoariro cawalore ñahi. Tiro bui pisariro “Yariachu yoariro” wama tihre. ã yoa to baharo tariro “Yariaina ti jiro” wama tihre. ã jiro tinare tuaare wahre paio sehe. Ahri yahpapure cuarta parte masare wajã dutihre. Cahma wajãa mehne, jaca baa mehne, dohatia mehne, wahiquina nucu macaina suaina mehne tópeina masare ti wajãhtore cũhre tinare.

⁹ Baharo pititiaro wihtã ñahaare pahrẽ tuhsu Cordero paro ñahanore pahrẽhre tjoa. To ã pahrẽchu altar docai Jesu yaina ti wajãrina ti catiri yajeripohnarine ñahi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajãri jire. ¹⁰ Tina sañurucua õ sehe nihre Cohamacure:

—Mahu sã puhtoro, ñaa marieriro, mahõno marieno, mu niriro seheta yoariro jira mahu. ¿Ahri yahpa macainare, sãre wajãrinare dohse

jichu buhiri dahreihcari mahu? —ni sañurucuhre tina.

¹¹ ã jiro tinare yehsea suhti yoaa suhtire wahre. Tinare ã waro õ sehe nihre tinare:

—Sosiniga. Paina musa coyca Jesu yaina musa yoariro seheta mipu cũhre noaa buheare buhesinia nina. Musare ti wajãriro seheta tina cũhre ti wajã pahõhto dõhsasinina. ã jina tinare jipihtinare ti wajãhto pano mahanocã sosiniga musa —nihre tinare.

¹² Baharo cinco wihtã ñahaare pahrẽ tuhsu Cordero paro wihtã ñahanore pahrẽhre tjoa. Tóre to ã pahrẽchata tuaro yahpa ñuhmihre. To ñuhmini baharo sũ dacho macariro ñiro choro wahahre. Ñiro suhtiro yoaro seheta ñiro choro wahahre. ã yoa sũ ñami macariro di yoaro sehe sohãriro wahahre. ¹³ ã yoa ñahpichoha poca yahpapu boraa wahahre. Yucucu dicha yahsaare wihnono to wã bure bororo seheta ñahpichoha poca boraa wahahre. ¹⁴ Ti ã wahari baharo mano butia wahahre. Papera tiare mari turẽchu to bajueraro seheta bajuerare mano. ã yoa jipihtia tãyucu cũhu nucopo cũhu pa sehẽpu surucahre. ¹⁵ To ã wahachu ñaa, ahri yahpa macaina bui puhtoa coparipu tãyucu macaa tãa docapu cũhre duhtihre. Paina puhtoa, surara puhtoa, pache pu, tuaina, jipihtina tinare dahra cohtaina, dahra cohtaina jieraina cũhu tõihta duhtimahre. ¹⁶ ã duhtia tãyucure, tãa cũhre õ sehe nihre:

—Sã bui bora pjaga. Sãre nuoga. Siro puhtoro to dujiroi dujiroro cui yuhduaja. Cordero suaro, sãre ñano buhiri dahrerohca. “ã buhiri dahreri”, nina nuoga sãre. ¹⁷ Jipihtinare tuaro ti buhiri dahrehti dacho ji tuhsura. ã jia ti buhiri dahrehtore ne cũiro duhtiro bihoeraro, cũno pjasi —nihre tina jipihtina.

7

Israe masa pjacurire Cohamacu to wama ña õhtore yahuha João

¹ Baharo pititiaro anjoare ñuhi. Tina jipihtiropu wahahre. Cãiro nortepu waharo tópu tari wihnonore taerachu yoahre. Pairo surpu, pairo sũ mũa taropu, pairo sũ sãanopu wahahre. Nortepu wahariro yoaro se-heta yoahre tina cãhu. ã jiro ahri yahparu, pjiri mapu cãhure ne wihnono taerare. Ne cãdu yucũre wihnono wã ñuhmichu yoerare. ² ã yoa pairo anjore ñuhi tjoa. Sũ mũa taropu taro nihre tiro. Cohamacu catiriro to wama ña õnore na taro nihre tiro. ã na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cãhure Cohamacu to dojomehne dutina jihre. ³ Tinare sañurucuro õ sehe nihre anjo:

—Cohtasiniga. Cohamacu dahra cohtaina ti wãhdũa pocare to wamare õna tana nija. Sã ã õhto pano ahri yahpare, pjiri mare, yucũri cãhure dojomehnesiniena tjiga mũa —nihre tiro paina pititiaro anjoare.

⁴ ã jiro Cohamacu to wama mehne ti wãhdũa pocare ti õhtinare “Õpeina jira”, ni yahuhre yũhure cãiro. Israe masa doce curuari macaina ciento cuarenta y cuatro mil masa ti õhtina jiyuhti. ⁵ Ahrina jiyuhti ti õhtina: Doce mil masa Juda panamana ji turiaina ti õhtina jihre. Paina doce mil masa Rubẽ panamana ji turiaina ti õhtina jihre. Paina doce mil masa Gad panamana ji turiaina ti õhtina jihre. ⁶ Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti õhtina jihre. ⁷ Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti õhtina jihre. ⁸ Paina doce mil masa Zabulõ panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti

õhtina jihre. Tópeinata jipihtina masa ciento cuarenta y cuatro mil to wama mehne ti õhtina jihre.

Payu yehsea suhti tiinare yahuha João marine

⁹ Baharo payu masare ñuhi. Jipih-tia yahpari macainare, jipihtia curuari macainare, jipihtia dũseri durucuinare, jipihtia macari macainare cãinare Cristore cahmaina dihtare tói ducuinare ñuhi. Pũhtoro to dujiro panoi, Cordero panoi ducuhre tina masa. Payu masa jihre. ã jia quihõ bihoina jierare. Yehsea suhti tiina jihre tina. ã yoa pjaa põ pũrine cjũahre. ¹⁰ ã jia tina jipihtina õ sehe ni tuaro sañurucuhre:

“Cohamacu jira sãre yũhdũchu yoariro.

Tiro to dujiroi dujiriro jira.

Cordero cãhu sãre yũhdũchu yoariro jira”,

ni sañurucuhre tina. ¹¹ ã jia jipihtina anjoa, Jesu yaina pũhtoa cãhu, soro bajuina mehne pũhtoro to dujiro cahai ducuhre. ã ducua to dujiro panoi doca caha su, Cohamacu wahche payohre. ¹² Õ sehe ni wahche payohre tina:

“ã tjira.

Cohamacu sã pũhtoro mũhure noano durucuja.

Noa yũhdũariro, masi pahñoriro jira mũhu.

Mũhure ‘Noana’, nija.

Mũhure ño payoja.

Tua yũhdũariro jira mũhu.

Mũ tuaa mehne yoariro jira mũhu.

Tó sehetã jirucuriro jira mũhu jipih-tia dachoripe.

ã tjira”,

ni wahche payohre tina.

¹³ Ti ã nichu tũhoro cãiro Jesu yaina pũhtoa mehne macariro yũhure õ sehe ni sinituhre:

—¿Ahrina yehsea suhti tiinare masijari mũhu? ¿Ti tariore masijari mũhu? —ni sinitu ñũhure yũhure.

¹⁴ To ã nichu tũhocũ:

—Masieraja —ni yũhtihũ.

—¿Noa jijari tina? —ni sinituhi tirore.

Y_u ã nich_u t_uhor_o õ sehe nihre y_uh_ure:

—Ahrina ñabiaro y_uhd_uri dacho jich_u cãno pjaina jira. Ti suhti cosawerina ti jiro seheta Cordero to di cohãno mehne ti ñaa buhirire cosawerina jira. Æ jia noano yehsea suhti tiina jira. ¹⁵ Æ to cosawerina jia Cohamac_u to dujiro panoi tirore ã ño payorucura. Dachoripe, ñaminipe tirore ã ño payorucura, sacerdot_ea Cohamac_u w_uh_ui ti yoariro seheta. Æ jiro tina mehne ã jirucuro, tinare yoadohorohca Cohamac_u “Soro wahari”, nino. ¹⁶ Ne pari turi j_uca baasi tina. Æ jia ñahma yapiosi tina. Ne s_u dacho macariro siro tinare ne j_u pjasi. Tuaro sia tinare ñano y_uhd_uch_u yoasi. ¹⁷ P_uh_utoro dujiro potoi ducuriro Cordero tinare ñ_u wihborohca. Ovejare ñ_u wihboriro yoaro sehe tinare ñ_u wihborohca. Æ ñ_u wihboro mári pohtarip_u catich_u yoaa mári pohtarip_u tinare m_u tã wahcãnohca, ovejare ñ_u wihboriro to m_u tãno seheta. Æ yoaro ã wahcherucuch_u yoarohca tinare. Æ jia ne pari turi tiisi tina —ni yahuhre Jesu yaina p_uh_utoa mehne macariro y_uh_ure.

8

Seis papera ti wihtã ñahaare pahrẽ tuhs_uro parore pahrẽha Cordero

¹ Seis papera ti wihtã ñahaare pahrẽ tuhs_uro parore pahrẽhre tjoa Cordero. To ã pahrẽ tuhs_uch_u cã hora dacho macai tó_pu m_uanop_u noano dihta marieaa wahahre. ² To ã wahari baharo siete anjoare Cohamac_u panoi ducuinare ñ_uhi. Tinare siete cornetarire wahre paio. ³ Pairo anjo uru wahware inciensore posa tihti wahware c_uariro altar cahap_u s_u, ducuhre. Tó_i to ducuch_u pay_u inciensore tirore wahre, jipihtina Cohamac_u yaina tirore ti siniri mehne morehtire. Æ jiro uru altarp_u Cohamac_u to dujiro panoi jiri altarp_u tí inciensore j_u m_uohre Cohamac_ure.

⁴ Æ jia anjo to c_uari wahwa macaa inciensore altarp_u to poho siteri baharo tí incienso macaa me Cohamac_u yaina tirore ti siniri mehne m_ujaa wahahre. ⁵ Æ wahari baharo altar macaa niti mehne tí wahwa wahpa wahach_u, yahpai poho c_unocahre. To ã poho c_unocach_uta w_upo pja, soro sehe jiro bisi m_ua, oroca site m_ua, yahpa ñuhmi m_uahre.

Cornetarire yahuha João

⁶ Baharo siete anjoa cãina ti cornetarire putia taa nihre.

⁷ Cãiro anjo to yariare puti m_uhtahre. To ã putich_u co poca y_us_ua poca pichaca mehne, di mehne morea poca yahpap_u bora s_u cahahre. Ti bora s_u cahach_uta yahpa j_ua wahahre. Õ puro j_uhre: Ahri yahpa dacho maca s_uro caharoi j_ua wahahre. Æ jiro tó puro posata yuc_uri cãh_u j_ua wahahre. Tó puro posata tja cãh_u j_ua wahahre.

⁸ Anjo cãiro to ã puti m_uhtari baharo paio anjo to yaria cornetare putihre tjoa. To ã putich_u pjid_u tãc_u yoaro sehe bajud_u noano j_urucud_u pjiri map_ure waharoca ñojaa wahahre. Æ jiro yahpa to j_uriro puro tó purota pjiri ma di ma dojoa wahahre. ⁹ Æ jia pjiri ma macaina wahi dacho maca mahano s_uboro waroi yariaa wahahre. Tó_pe b_usota dohoa b_uso cãh_u minia wahahre pjiri map_ure.

¹⁰ P_uaro anjoa ti putiri baharo paio anjo cãh_u to yaria cornetare putihre tjoa. To ã putich_u pjiria ñahpichohaca, sihãria yoaro sehe siria yahpap_u bora s_u cahaa wahahre. Ahri yahpa macaa mári dacho macabo cureroi tó_pe mári bui bora s_u cahaa wahahre ñahpichohaca. Tó_pe co wijaa copari bui cãh_ure bora s_u cahaa wahahre. ¹¹ Tó_pe márita s_uẽa mári wahahre. To ã wahach_u pay_u masa tí mári macaa core, tí copari macaa co cãh_ure sihnimaa, yariaa wahahre. Tia ñahpichohaca “Suẽnia”, wama tihre.

¹² Tiaro anjoa ti putiri baharo paio anjo cãh_u to yaria cornetare

putihre tjoa. To ã putichu sũ dacho macariro, ñami macariro cãhu dacho maca suboro waroi dojoa wahahre. Ñahpichoha peri cãhu dacho maca suboro waroi jia poca tópe pocata dojoa wahahre. Tópe poca mũano macaa poca noano buhrierare. Dachopu pititia horari waro sũ dacho macariro ne buhrierare. Ñamine pititia horari waro sũ ñami macariro, ñahpichoha poca cãhu ne buhrierare.

¹³ Baharo ñuroca mũohi tjoa. Mũanopu wũrirore cjare ñuhi. Æ jicu to sañurucuchũ tũhohi. Õ sehe nihre tiro:

—Ñabiara. Ñabiara. Tiaro anjoa mipu putierasiniina ti putiri baharo pinihtare ñabiaro waharohca. To ã wahachu ahri yahpai jiina ñabiaro yũhdũahca —nihre tiro.

9

¹ Baharo pititiaro anjoa ti putiri baharo paio anjo to yaria cornetare putihre tjoa. To ã putichu ñahpichohaca yoaro sehe jiro anjo mũanopu bora tarirore ñuhi. Yu ã ñũno watoi tirore cũãri copa macari sawire wahre. ² Æ jiro tiro tí copare to pjõochũ pichaca me wijaahre. Pjiri pichaca macaa me yoaro seheta pjiro me wijaahre tí copare. Æ wijaaro tí me dóihta sũ dacho macarirore, mũano cãhure butia wahachu yoahre. ³ Æ yoa tí me puhichai jiina poreroa yahpapu tahre. Pichõno soroa ti tuaro purĩno seheta tina cãhu tuaro purĩhre. ⁴ Æ jiro tjare, yucũrire, paye toaare ñano yoa dutierare tinare. Masa dihtare ñano yoa dutihre tinare. Cohamacu to wamare ti wũhdũa pocare õmahnoeraina dihtare ñano yoa dutihre tinare poreroare. ⁵ Æ ñano yoa dutiparota tinare wajã dutierare. Tinare wajã dutieraparota cinco sãri waro tinare ñano purĩchu yoa dutihre. Pichõno soroa tjoaa ti purĩno seheta purĩchu yoaina jihre poreroa cãhu. ⁶ Tinare ti ã purĩchu yoachu masa yariaa waha duaahca. Ti ã yaria duapachata tinare yaria dutisi.

⁷ Poreroa sehe cawaloa yoaro sehe bajuhre. Ti cahma wajãhto pano cawaloare ti suhti sãariro seheta tó seheta bajuina jihre tina poreroa cãhu. Ti dapu pocaĩ puhto ti pisaa sorori uru sorori yoaro sehe bajuhre. Ti wũhdũa poca masa yoaro sehe bajuhre. ⁸ Ti pjoari numia pjoari yoaro sehe jihre. Æ yoa ti piri yaya piri yoaro sehe jihre. ⁹ Pẽ buhu dũcatari cahsaro comaa cahsaro yoaro sehe bajuhre ti cutiro. Æ yoa tina ti wũchu payu cawaloa mũrocaina ti mũrocaro sehe ti wũa dũpũri bisihre. Cawaloa tunua bũsore wajaina ti cahma wajãnopu waha, ti bisiro seheta bisihre poreroa wũa dũpũri. ¹⁰ Æ yoa pichõno soroa ti pichõno tiro seheta, tjoariaca ti cjũaro seheta jihre tina poreroa. Ti pichõri mehne tjoaa, cinco sãri waro masare purĩchu yoahre. ¹¹ Tina puhtoro cjũaina jihre. Cũãri copa pũro jihre ti puhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pihlichu yoariro”, nino nina.)

¹² Poreroa masare ñano ti purĩno yoari baharo ahri ti ñano yũhdũa mũhtariro cjiro pihtia wahahre. Tó baharo pũa taha pari turi ñano yũhdũsiniahca masa.

¹³ Baharo cũ wamomaca pihtiina anjoa ti putiri baharo paio anjo to yaria cornetare putihre tjoa. To ã putichu Cohamacu panoi ducuri altarpũ uru altarpũ durucua bisi wijaro coa tahre. Tí altar macaa sahari pititia saharipu durucua bisi wijaro coa tahre. ¹⁴ Æ durucuro cornetare putiro anjore yahuhre:

—Eufrates wama tiri ma pjiri mapu peresupu jiinare anjoare wioga. Tina pititiaro anjoa jira —nino coa tahre.

¹⁵ Æ nino coa tachũ tũhoro anjo sehe tinare pititiarore wiohre, payu masare wajãhtinare. Ahri horare, ahri dachore, ahri sũre, ahri cãhmare quihõno cohtaa nihre tina pititiaro anjoa. Ti cohtariro mũ sũra. Æ jia wajãa taa nina. Jipihtina dacho maca

doca curero masare wajãahca. ¹⁶ Ñã yoa ti surarare “Õpeina jira”, ti nichu tuhohi. Tina cawaloa bui pisaina jihre. Doscientos millones surara jihre.

¹⁷ Ñã yoa cawaloare tina bui pisaina cãhure ñahi. Tina cawaloa bui pisaina ti pẽ buhure ducataa suhti, comaa suhti, sohãa suhti, yahsaa suhti, ewu sehe bajua suhti jihre. Ñã jia cawaloa ti dapu poca yaya sohãina yoaro sehe bajuhre. Ti duseripu pichaca, me, azufre wama tia me cãhu wijaahre. ¹⁸ Ñã jia cawaloa duseri wijaa masare wajãhre. Jipihtina dacho maca mahano sũboro waroi tãpeina masare wajãhre. Pichaca mehne, me mehne, azufre mehne payu masare wajãhre. ¹⁹ Tina cawaloa ti duseri mehne wajãhre. Ñã yoa ti pichõri mehne wajãhre tjoa. Ti pichõri sohtoapu agãa dapu poca yoaro sehe bajuhre. Ñã jia ti pichõri mehne ñano yoahre tina masare.

²⁰ Payu masa yariaeraina ti wajã duharina sehe ti ñaa yoarire ne duhuerare. Watĩare ño payo duhuerare. “Cohamacu jira”, ti nia masuri cãhure ño payo duhuerare. Tĩ masuri uru mehne, plata mehne, bronce wama tiri comaa mehne, tãa mehne, yucuri mehne ti yoari masuri jihre. Tĩ masuri sehe ñuerare. Tũhoerare. Tinierare. ²¹ Paye ñaa cãhure tina ne cahyaerare. Masare ti wajãrre, numia mehne ti ñano yoarire, ti yacari cãhure ne cahyaerare tina. Ñã jia yaya ti yoaro sehe yoaa, tĩ cãhure ne cahyaerare tina.

10

Mahari tiacãre papera tiacãre na taha anjo

¹ Baharo paio tuariro anjo manopu to duji tachu ñahi. Me curua watoi tahre. Ñã yoa buhini soro to dapu bui pisahre. To wãhdũa sũ dacho macariro yoaro sehe si sitehre. To ñũchua pichaca yoaro sehe bajuhre. ² Ñã yoa mahari tiacã papera tiacãre to pjãri tiacãre cjuhahre

tiro. To dahporo poto buhusehe macari dahporo mehne pjiri mãpu tu cũhre. To dahporo cõ buhusehe macari dahporo sehe macarocai tu cũhre. ³ Ñã ducuro yaya ti sañurucuro sehetã tiro tuaro sañurucuhre. To ñã sañurucuri baharo siete wãpoa yahua coa tamahre. ⁴ Ti ñã yahuchu tuhocu joa ducamahi. Yu ñã joa ducapachuta manopu yũhare õ sehe ni durucuro coa tahre:

—Siete wãpoa ti nirire painare yahui tjiga. Ñã jicu tĩre joa nai tjiga — nino coa tahre yũhare.

⁵ To ñã niri baharo pjiri mapu ducuriro, macarocai ducuriro anjo to wamomaca poto buhusehe siõroca mũohre manopu. ⁶ Ñã siõroca mũono Cohamacu ñã catirucuriro wama mehne wama payohre. Tiro Cohamacu sehe jipihtiare manore, manõ macaare, ahri yahpare, ahri yahpa macaare, pjiri mare, pjiri ma macaare yoariro jira. Ñã wama payoro õ sehe nihre anjo:

—Cohamacu mehne potocã nii nija. Tõ purota cohtanahca. ⁷ Seis anjo cornetarire ti putiri baharo paio anjo to putichu Cohamacu panopu “Õ sehe yoaihtja”, to niriro sehetã ñã yoarohca. Panopu masare tĩre noano yahuera tiri jire. Baharo tirore dahra cohtainare, to yare yahu mũhtaina sehẽre noano yahu pahõoa tiri jire tiro. Tĩ to yahu cũrre mipare yoarohca tiro —nihre anjo.

⁸ To ñã niri baharo manopu yũhare durucuro coa tariro pari turi durucuro coa tahre tjoa. Õ sehe nino coa tahre yũhare:

—Pjiri mãpu ducuriro macarocai ducuriro siro anjo cahapu wahaga. Ñã wahacu papera tiacãre to cjuari tiacãre naga —nino coa tahre yũhare.

⁹ To ñã nino coa tachu tuhocu anjo cahapu wahahi. Tirore papera tiacãre yũ sinichu tuhoro õ sehe ni yũhtihre yũhare:

—Naga. Ñã jicu ahri tia papera tiacãre chuga. Mu wahma chũchu mi yoaro sehe noano bisirohca. Mu

ɸjaropɸ mɸ bɸrori baharo sɸēa waharohca –nihre yɸhɸre.

¹⁰ To ā nichɸ tɸhocɸ tɸ tiacāre anjore yɸ nari baharo chɸhi. Yɸ wahma chɸchɸ mi yoaro sehe bisihre. Yɸ chɸ bɸrori baharo yɸ ɸjaropɸ sɸēa wahahre. ¹¹ Yɸ ā chɸri baharo ō sehe nihre yɸhɸre:

–Pari turi macari macaina, yahpari macaina, ɸayɸ dɸseri durucuina, tina bui ɸɸhto cɸhɸ baharo ti dohse wahahtore, Cohamacɸ tinare to dohse yoahto cɸhɸre yahuyuga mɸhɸ –nihre yɸhɸre.

11

ɸɸaro Cohamacɸ yare yahuhtinare yahu joaha Joāo marine

¹ Baharo yɸhɸre quihōdɸre wahre Cohamacɸ. Tjuadɸ puro yoadɸ jihre tɸ. Tɸre waro ō sehe nihre yɸhɸre:

–Yɸ ya wɸhɸre quihōi wahaga. Tɸ wɸhɸ macari altar cɸhɸre quihōga. Ā yoa tuhsɸ, tɸ wɸhɸi yɸhɸre ño payoinare quihōga. ² Sopaca wija sɸɸɸcari wapare noari wapare quihōi tjiga. Tɸ wapa yɸhɸre cahmaerainare ti cɸri wapa jira. Tina cuarenta y dos sɸri waro Cohamacɸ ya macare tɸ maca macaina cɸhɸre ñano yoahca. Ā jicɸ quihōi tjiga ti ya wapare noari wapare. ³ Ā jicɸ yɸ yare yahuinare ɸɸarore warocaihtja. Mil doscientos sesenta dachori waro yɸ yare yahuahca. Masa ti coyea ti yariari baharo ti sãa suhti barore sãaina jiahca tina yɸ yahu dutiina –ni yahuhre yɸhɸre.

⁴ Ahri yahpa macaina bui ɸɸtoro Cohamacɸ ɸanoi ɸɸadɸ Olivo wama tia yucɸ ducura. ɸɸadɸ sihã payoa yucɸ cɸhɸ tɸ yucɸ cahai ducura. Tɸ yucɸ mehne piti dahre to buhechɸ ahriina ɸɸaro to yare yahuina tɸ yucɸ yoaro sehe jira. ⁵ Ā jia tinare ñɸ tuhtiina tinare ti ñano yoa duachɸ tina sehe ti dɸsero macaa picha pohna mehne jɸ ɸahñoahca tinare ñɸ tuhtinare. Ō sehta tinare ñano yoainare wajāahca tina ɸɸaro Cohamacɸ yare yahuina. ⁶ Ā yoa

tina ɸɸaro ti coro ta dutierachɸ coro tasi. Ā jiro Cohamacɸ yare ti yahuro puro coro tasi. Ā jia mārine di mārī wahachɸ yoahca tina. Ā jia ahri yahpare ñano wahachɸ yoahca. Jipihtia dohse jiare, jipihtina dohse jianare masare ñano wahachɸ yoahca. Ti dohse yoa duaro puro ā ñano wahachɸ yoahca ahri yahpare. ⁷ Ti ā yoa ɸahñochɸ waro cɸāri copapɸ jiro ñariro nɸcɸ macariro wijaarohca. Ā wijaaro Cohamacɸ yare yahuina mehne cahmachenhca. Ā cahmacheno tua yɸhdɸɸcaro tinare wajānohca. ⁸ To ā wajāri baharo ti ɸjacɸri cjiri ɸjiri maca macari mahapɸ coāahca. Yahuina ɸɸtorore ti cjā puha wajāri maca jira tɸ maca. Tɸ maca macaina ñaina jia Sodoma macaina, Egipto macaina yoaro sehta jia, tɸ ɸjare Sodoma, Egipto cɸhɸ wama tirohca tɸ maca mari piti dahre buhechɸ. ⁹ Ā coāa tia nɸmɸ noano coāa, ɸa nɸmɸ dacho macai ti ɸjacɸri tɸ mahai coāahca. Ā jia jipihtia yahpari macaina, jipihtia curuari macaina, jipihtia dɸseri durucuina tópe nɸmɸri waro ti ɸjacɸrire ñɸrucuahca. Ā ñɸrucua tópe nɸmɸri waro ti ɸjacɸrire ya dutisi. ¹⁰ Ti ā yariarina jichɸ ñɸa ahri yahpa macaina wahcheahca. Ā wahchea bose nɸmɸre yoaa, ti basi paye barore ā wanocaahca. Tina ɸɸaro Cohamacɸ yare yahuina masare ñano yɸhdɸchɸ yoarina jiri jire. Ā jia ti ā yariachɸ ñɸa wahche yɸhdɸahca ahri yahpa macaina. ¹¹ Ā jiro tia nɸmɸ baharoi ɸa nɸmɸ dacho macai Cohamacɸ ti ɸjacɸrire masonohca. To ā masochɸ tina pari turi wahcārɸcɸ sɸahca. Ti ā wahcārɸcɸ sɸchɸ ñɸa jipihtina cui yɸhdɸahca tinare. ¹² Baharo tina ɸɸaro mɸanopɸ tuaro durucuro coa tachɸ tɸhoahca. Ō sehe ninohca tinare:

–Ōɸɸ mɸja taga mɸsa –nino coa tarohca.

To ā nichɸ tɸhoa me curua watoj mɸjaa wahaahca. Tɸ yabirina cjiri ti

mujachu ñahca. ¹³ Ti ã mujachuta yahpa tuaro ñuhminohca. To ã ñuhmichu tí maca macaa wuhuse décima parte bora wahaahca. Æ jia yahpa ñuhmino mehne siete mil masa yariaa wahaahca. Paina dñhsaina sehe cña waha, Cohamacure mñano macarirore “Tuariro jira”, ni ño payoahca tirore.

¹⁴ Ahri jipihtia ti ã wahari baharo pña taha masa ñano yuhdu tuhsaina jiahca. Ti ã yuhdari baharocãta pari turi dóihta masa ñano yuhduahca tjoa.

Seis cornetarire ti putiri baharo pairo putiha

¹⁵ Baharo seis cornetarire ti putiri baharo pairo anjo to yariare putihre. To ã putichu mñanopu tuaro durucua coa tahre. Õ sehe nia coa tahre:

“Mipuh Cohamacu Cristo mehne ahri yahpa macaina bui puhtoahca.

Æ jia jipihtina bui puhtoahca ã jirucuahca”,

nia coa tahre. ¹⁶ Æ yoa Cohamacu panoi puhtoahca dujiaru dujiina veinticuatro Jesu yaina puhtoahca Cohamacu panoi caha su, tirore ño payohre. ¹⁷ Æ ño payoa õ sehe nihre:

“Sã puhtoro Cohamacu, tua yuhduariro jira mñahu.

Mñahu panopu ã jirucua tiri jire.

Mipuh cñhare ã jirucura mñahu.

Mñ tuaa mehne masa ti puhtoro mñ jirucachuh ‘Noana’, nija mñhare.

¹⁸ Jipihtina ahri yahpa macaina mñhare cahmaeraina mñahu mehne suamare.

Mipuhre tinare mñ buhiri dahrehti pja jira.

Yariaina cñhare mñ buhiri dahrehti pja jira.

Æ jiro mñ yaina sehere noaare ti yoari wapare mñ wahti pja jira.

Cãina tina mñhare dahra cohtaina mñ yare yahu mñhtaina jira.

Æ yoa tina, paina mñ yaina mehne jipihtina mñhare ño payoia jira.

Æ jicuh puhtoahca, wiho jiina cñhare mñ yaina ti jiri wapa noano yoaihcã mñahu.

Æ jiro ahri yahpa macainare dojomehne cohtainare mñ cohãhti pja jira mipuhre”, ni ño payohre puhtoahca Cohamacure.

¹⁹ Ti ã yoari baharo mñano macari wñhu Cohamacu ya wñhu to pjõori wñhu jihre. Æ jina tí wñhu jiri carore ññhi sã. Tí caro puhicharu Cohamacu masare to dutiare joa õa pjñi tãa pjñi sãahre. Sã ã ñuchuta orocasite mñahu, wñpo pja mñahu, soro jiro bisi mñahu, yahpa ñuhmi mñahu, co poca yñsuã poca mñanopu payu bora tahre.

12

Numinore pinono cñhare yahuha Joã

¹ Baharo ahri yahpa to dohse wahahtore mñanopu ñohre. To ã ñori wiho waro jierara. Õ sehe ññ mñhtahi: Mñanopu numinore ññhi. Ticoro to suhtiro sã dacho macariro yoaro sehe si sitehre. Sã ñami macariro bui ducuhre. Puhtoro to pisari soro barore doce ñahpichoha poca cñari sorore pisaricoro ducuhre. ² Æ ducuro mahãnocã dñhsahre to pohna tihto. Æ jiro ticoro sañurucuhre. ³ Baharo pari turi ññhi mñanopu: Pjiriro pinonore sohãrrore ññhi. Siete dapu poca tiriro jihre. Jipihtia to dapu poca puhtoahca ti pisaa sorori barore pisaa dapupoca jihre. Æ jiro diez sahari tiriro jihre tiro. ⁴ To pichõno mehne ñahpichoha pocare wahba siteroca borohre. Jipihtia ñahpichohare dacho macabo cureroi wahba siteroca borohre. Æ jiro numino pohna tihticoro panoi ducuhre pinono. To macãnocã to bajuachuh chãro taro nimahre. ⁵ Baharocãta cñahu tuhsuhre wihãrirocãre. Jipihtia yahpari macaina ti puhtoro cjihto jihre tirocã. To ã puhtoro tuariro jichuh, masa tirore yuhduarucãa cãno pjasi. To ã masa bajuachuta Cohamacu to dujiro caharu tirocãre naa wahcãa wahahre. ⁶ To ã yoachuh numino sehe masa marienopu duhti wahcãa wahahre. Cohamacu to cahnoyuriropu duhti wahcãhre ticoro. Tôpuhre mil

doscientos sesenta dachori waro Cohamacu ticorore ñu wihborohca.

⁷ Wahmanore manopu cahma wajã ducaa tiri jire. Miguel wama tiri anjo to yaina anjoa cãhu pinono mehne cahmachea tiri jire. Ti ã cahmachehu pinono to yaina anjoa mehne Miguere cahmachea tiri jire. ⁸ ã yoa Miguel cãhu pinonore yuhducaaa tiri jire. ã jiro pinono yaina anjoa cãhure manopu ji namo dutiera tiri jire. ⁹ ã jiro pjiriro pinonore cohãnooca tiri jire Cohamacu. Tiro pinono watĩnota jiro nina. Satana wama tiri jira. Panopu tiro pinono pjacu tiri jia tiri jire. Tiro jipihtiro yahpa macainare mahñoriro jira. Tirore to yaina anjoa mehne manopu jirirore yahpapu cohã boroa tiri jire.

¹⁰ Baharo manopu sañurucuro coa tachu tuhohi:

–Mipure Cohamacu masare yuhduchu yoahre juna. Mipu pinihtare Cohamacu mari puhtoro jiro tahre to tuaare ñono taro. To warocariro Cristo cãhu to puhtoro jiare to tuaare ñohre jipihtinare. Watĩnore manopu jirirore yahpapu cohã borohre. ã cohã bororo to tuaare ñohre Cohamacu. Tiro watĩno sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohacure. ã jiro mari coyeare Jesu yainare yahusãriro jiri jire. ¹¹ Cristo Cordero wama tiri to di cohãri mehne mari coyea Jesu yaina tirore wacũ tuaina ti ñaa yoari buhirire cohãre tiro. ã wacũ tuaina jia watĩnore yuhducaare. ã yoa Cohamacu yare yahua, watĩnore yuhducaare. To yare ti yahuri buhiri paina tinare ti wajã duapachata, tina cuieraa, Cristo yare duhuerare.

¹² ã jina musa manano macaina wahchega. Watĩnore yahpapu to cohã borochu ñuna wahchega. Wiho mejeta ahri yahpa macaina, pjiri ma macaina cãhu pjacuoina wahanahca musa sehe. Ahri yahpapu tirore to cohã borori baharo musa cahapu jira watĩno. Tirore to buhiri dahrehto

mahanocã duhsara. ã jiro sua yuhduara tiro. Musa cahapu saro, pjacuoina musare tjuachu yoarohca tiro —ni sañurucuro coa tachu tuhohi.

¹³ Pinonore yahpapu to cohã borochu ñano, pinono sehe numinore, wihãrirocã pocorore nunu ti wahcãhre. ¹⁴ ã jiro ticorore pjiriro cja to wua dupurire wahre Cohamacu, masa marienopu to wu duhti wahcãhto sehe. Tõpu to sari baharo tia cãhma noano pa cãhma dacho maca waroi ticorore ñu wihbohre Cohamacu. To ã ñu wihbochu pinono ticorore ñano yoa masierare.

¹⁵ Tõi to jichu ñano pinono pjiro core cho cohãhre ticorore muroca burochu yoaro taro. ¹⁶ To ã yoachu yahpa sehe ticorore yoadohohre. Pinono to duseroi wijaa core yahpa sehe wihmi na pahñonocahre. ¹⁷ To ã wahachu ñano pinono sua yuhduahre. ã suaro cãina ticoro panamana ji turina mehne cahmacheno wahahre pinono. Tina sehe Cohamacu dutiare yoaina jia, Jesu ya buheare noaa buheare ne duhueraina jihre. ¹⁸ ã yoa pinono pjiri ma duhtu cahai ducuhre.

13

Puaro nucu macainare yahuha Joã

¹ ã yoa nucu macarirore tí mai jirirore to wahcã wihichu ñuhi. Tiro sehe siete dapu poca, diez sahari tiri jihre. To sahari puhtoa ti pisaa sorori barore pisahre. To dapu pocare to wamare joa õri dapu poca jihre. Tí wama to ñari wama jichu ñu yabira Cohamacu. ² Tiro nucu macariro yairo dohroriro yoaro sehe bajuhre. ã jiro oso yoaro sehe dahpori tiri jihre. Yairo sohãriro pjiriro wuru yoaro sehe dusero tiri jihre. ã yoa pinono sehe to tuaare wahre nucu macarirore. ã waro tirore to puhtoro dujiroi cũno, tiro yoaro sehe payu masare dutichu yoahre pinono nucu macarirore. ³ Cã dapu nucu macariro dapu ti wajãmariro dapu yoaro sehe bajuhre. To ã bajupachata to camino sehe

yatia wahahre. Tí dapu to catichu ñua, cuaa wahahre jipihtina ahri yahpa macaina. Á cuaa, nucu macarirore ño payohre. Á jia tiro mehne macaina wahahre masa. ⁴ Á yoa nucu macarirore pinono to tuaare to wachu ñua masa sehe tirore pinonore na tuhcuca caha su, ño payohre. Á jia nucu macarirore cãhure na tuhcuca caha su, tirore ño payohre. Á ño payoa õ sehe nihre:

—Ne paio m̄ yoa sehe tuariro mariahna. Pairo m̄hure ne yuhduruca masierara —ni ño payohre masa nucu macarirore.

⁵ Á yoa tiro nucu macariro “Tua yuhdurucariro jija”, to nipachuta Cohamacure to ñano durucupachuta ã tuhocunocasinihre Cohamacu sehe. Á jiro cuarenta y dos sãri waro tiro nucu macariro masare dutisinimahre. Tó purota to puhtoro jihtore cãre Cohamacu. ⁶ Á jiro tiro Cohamacure ñano durucuhre. To wamare, to wãhure, m̄anopu to jiro macaina cãhure ñano durucuhre nucu macariro. ⁷ Á yoa Cohamacu yainare cahma wajãno tinare yuhdurucahre. To ã yoa-pachuta ã ñnocasinihre Cohamacu. Cohamacu to ã yoa dutierachu yoaer-boa. Á jiro jipihtina ahri yahpa macaina bui puhtoro sãasinimahre nucu macariro. Jipihtina yahpari macaina bui, macari macaina bui, jipihitia d̄seri durucuina bui puhtoro sãasinimahre tiro. ⁸ Á jia jipihtina ahri yahpa macaina tiro nucu macariro panoi na tuhcuca caha su tirore ño payohre. Ahri yahpare Cohamacu to bajuamehnehto pano to yaina cjihtire ã jirucuhinare ti wamare joa õ tuhsua tiri jire. Tí tju to ã joa õri tju Cordero ti wajãriro ya tju jira. Tí tju ti wamare joa õeraina dihta nucu macarirore ño payohre.

⁹ Cahmori tiina jira m̄sa. Á jina tuhoga. ¹⁰ Jipihtina Cohamacu yaina peresu wahahtina, baharo peresu wahaahca. Jipihtina tina ñosari p̄j̄ mehne ti ñosa wajãhtina, baharo tí p̄j̄ mehne variaahca. Tíre

masina mari Cohamacu yaina ñano yuhdurucupanahta tirore cohãena tjijihna. Á yoa tirore wacũ tuarucujihna.

¹¹ Baharo paio nucu macarirore ñuhi tjoa. Yahpa puhichapu jiro to wijaachu ñuhi. P̄ua saharo oveja sahari yoaro sehe bajua sahari sahari tirore jihre. Á yoa pinono yoaro sehe durucuhre. ¹² Á jiro nucu macariro ji m̄htariro sehe baharo jiro sehere puhtoro sõhre. To ã puhtoro sõriro sehe jipihitia yahpari macainare ji m̄htarirore ño payochu yoahre. Ji m̄htariro nucu macariro ti wajãmariro camino yatiriro jihre. ¹³ Á yoa baharo jiro nucu macariro bajuamehneare yoahre masa ti ñu cuahito sehe. Á yoaro masa ti ñurocaroi pichaca pjiri pichaca m̄anopu bora tachu yoahre. ¹⁴ Á yoa ji m̄htariro to ñurocaroi paio nucu macariro sehe bajuamehnea mehne masare mahñohre “Ahriro m̄sa ño payohtiro jira”, nino. Tiro masare mahñono, ji m̄htariro masare masare yoa dutihre tirore ti ño payohto sehe. Tiro ji m̄htariro ñosari p̄j̄ mehne ti ñosariro jiparota catiriro jihre. Tiro yoaro sehe bajuri masareta yoa dutihre paio nucu macariro masare.

¹⁵ Á yoa baharo jiro nucu macariro sehe ji m̄htariro masare catichu yoahre masare to dutihtu sehe. Á jiro tí masare ño payoerainare wajã dutihre masare masu sehe. ¹⁶ Á yoaro jipihtinare ti wamomacari potu buhusehei ti wuhduca poca cãhure joa õ dutihre nucu macariro baharo jiro. Wiho j̄inare, puhtoare, pache puare, pjacuoinare, dahra cohtainare, dahra cohtaina jierainare, jipihtinare ti wamomacarine ti wuhduca poca cãhure joa õ dutihre. ¹⁷ Tiro ji m̄htariro nucu macariro to wamare, to númerore joa õerainare ne nuchu dutierare. Tuhsu, tinare dua dutierare. ¹⁸ Tíre noano wacũ masiga m̄sa. Tuhó masina jina nucu macariro to númerore noano ñu masiga. Tí número m̄no wama

yoaro sehe jira. Tí número seis cientos sesenta y seis jira.

14

Cohamacu to yuhduchu yoaina cãnota wahma basaare basaha

¹ Baharo Siõ wama tidu tãcu bui ducuritore Corderore ñahi. Tiro mehne ciento cuarenta y cuatro mil masa jihre. Tina to ya wamare to Pucuro ya wama cãhure ti wuhduca pocare ti joa õrina jihre. ² Tinare yu ñachuta manopu durucuro coa tahre. Pjiri poaye to bisiro seheta wupo pjiro to bisiro seheta bisiro coa tahre to durucua. ã yoa arpa wama tiare ti baputẽno seheta bisiro coa tahre to durucua. ³ Tói puhtoro to dujiro cahai pititiaro soro bajuina, Jesu yaina puhtoã cãhu paina jihre. ã jia tina panoi ciento cuarenta y cuatro mil masa ducuhre. Tói ducua cãnota wahma basaare basaa nihre. Tí basaare tina dihta masihre. Ahri yahpai jiina ciento cuarenta y cuatro mil Cristo to yuhduchu yoaina dihta tí basaare masihre. ⁴ Ne tina cã tahacã numino mehne ñano yoerare. ã yoa Corderore ñu cãina jia, to yare ã yoarucuina jihre. ã jiro tinare ñaina mehne jĩnare to yuhduchu yoahinare naahre Cohamacu sehe. ã to yuhduchu yoarina jia, Cohamacu yaina cjihti, Cordero yaina cjihti cãhu ji mahtaina jihre. ⁵ Tina mehne macaina ne cãiro mahñoriro mari-ahna. ã jia Cohamacu to tãhotuchu ñaa buhiri marieina jihre tina.

Tiaro anjoa yahuroca boroha

⁶ Baharo manopu wãrirore anjore ñahi. Tiro ahri yahpa macainare jipihtia curuari macainare, jipihtia duseri durucuinare, jipihtia yahpari macainare noaa buheare yahuhtiro jihre. Tí buhea ne cohtotaeraa, ã jirucura. ⁷ ã jiro anjo sañurucuro õ sehe niroca borohre:

—Cohamacure cui, ño payoga. “Tua yuhduariro, noa yuhduariro jira”, niga tirore. Mipure tiro masare to buhiri dahrehti pja jiro nina. Tiro manore, yahpare, pjiri mare, mári

pohtari cãhure yoariro jira. ã jina tirore na tuhcuã caha su, wahche payoga —ni sañurucuhre anjo.

⁸ To ã niri baharo paio anjo manopu wãriro õ sehe niroca borohre:

—Tinare cohãnocahre. Pjiri maca Babilonia wama tiri maca macainare cohãnocahre Cohamacu. Tina to cohãrina sehe jipihtina painare ñano yoachu yoare. Masa tinare ñu cã ñaare goa pjaa, tíre yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñu cã —ni yahuroca borohre paio anjo.

⁹⁻¹⁰ Tina puaro anjoa ti ã niri baharo paio anjo ti baharo wãriro õ sehe tuaro niroca borohre:

—Jipihtina nucã macaritore ño payoinare, to masure ño payoinare, ti wuhduca pocare, ti wamomacarine to wamare joa õrina cãhure buhiri dahrerohca Cohamacu. Tina mehne suaro, tina pinine tuaro waro buhiri dahrerucurohca Cohamacu. Nucã macaritore ño payoina jipihtina pichacaru wahaahca. Tõpu tuaro purĩnohca tinare pichaca mehne, azufre wama tia mehne ti wijãri pichaca mehne. Noaina anjoa, Cordero cãhu ti ñurocaroi ñano yuhduahca tina. ¹¹ Tí pichaca ã me tirucurohca. Ne yatisi. Tinare ã purĩrucuchã yoara. Jipihtina nucã macaritore na tuhcuã caha su ño payoinare ã purĩrucurohca. Dachoripe, ñaminipe ã purĩrucunocanohca. To masure ño payoina, to wamare ti joarina cãhu tó seheta ñano yuhduahca —niroca borohre anjo.

¹² Ti ã ñano yuhduchu ñuna Cohamacu yaina to dutiare yoaina, Jesure cohãeraina jina, to yare duhuena tjiga. Ñano yuhdupanahta Cohamacu yare cohãena tjiga.

¹³ Baharo manopu yuhure durucuro coa tachã tãhohi. Õ sehe nihre yuhure:

—Ahrire joaga mãhu. Cohamacu yaina tirore cohãeraina jina mipure mãsa yariari baharopu cãhure

wahcheina jira m_{usa} –niroca borohre y_{ahure}.

To ã niri baharo Espíritu Santo sehe ò sehe ni namohre tjoa:

–Ã tjira. Potocã tjira. Tina tuaro ti dahraare duhu, soahca. M_{uanopu} ti wahach_u noano ti yoarire wacūnohca Cohamac_u. ã yoa ti ã yoari wapa tinare noano yorohca. ã jia tina wahcheina jira –ni namohre Espíritu Santo.

Wese macaa toaa dichare mari bese nano seheta Cohamac_u to yainare bese nanohca. Ñaina sehere soro bese daporohca

¹⁴ Baharo me curua yehseri curuare ñ_uhi. Tí curua bui mas_{no} yoaro sehe bajuriro dujihre. Tiro uru soro p_uhtoro to pisari soro barore pisahre. ã yoa yoari pjí siori pjíne cj_uahre tiro. ¹⁵ Baharo paio anjo Cohamac_u w_uh_ui jiriro wijaa tahre. ã wijaa taro tuaro sañurucuhre me curua bui dujirirore:

–M_u yoari pjí mehne wese macaa dichare ahri yahpa macaa dichare d_ute naa pahñoga. Mip_ure to quihōri pja s_ura. Mip_u dicha sehe sohã tuhs_uhre –nihre anjo.

¹⁶ To ã nich_u t_uhoro to yoari pjí mehne ahri yahpa macaa dichare naa d_uchahre me curua bui dujiriro.

¹⁷ Baharo paio anjo c_uh_u m_uano macari w_uh_ui Cohamac_u w_uh_ui jiriro wijaa tahre. Tiro c_uh_u yoari pjí siori pjíne cj_uahre. ¹⁸ ã yoa paio anjo altar cahap_u jiriro wijaa tahre. Tiro sehe altar macari pichacare ñ_u wihboriro jihre. ã wijaa taro yoari pjí siori pjíne cj_uarirore ò sehe ni sañurucuhre:

–M_u yoari pjí mehne ahri yahpai jiri wese, se wese macaa dichare naaga. Se sehe ñi tuhs_uhre –ni sañurucuhre.

¹⁹ To ã nich_u t_uhoro anjo to yoari pjí mehne ahri yahpa macaa se tōhorine yihso nahre. To ã yoari baharo tí tōhorine se tōhorine to t_u tihãhtoi cohãhre. To ã cohãriro seheta Cohamac_u tirore cahmaerainare tuaro suaro, cohãnohca. ²⁰ Tí maca d_uht_u cahai ti t_u tihãhtoi tí se tōhorine t_u

tihãhre. Tóti ti t_u tihãch_u di wijaahre. Di ma yoaro sehe jihre tí di. Tres cientos kilómetros yoari ma, c_u metro noano pa metro dacho macai c_uãri ma jihre.

15

Masa ti ñano y_uhd_uhtore anjoa cū batoaha masare

¹ Baharo m_uanop_u soro jirore ñ_uhi. Tíre ñ_ua masa c_uaa wahaca. Ahri yahpap_ure to dohse wahahtore marine ñohre. ã jiro tí wiho waro jia nierara. Ò sehe ñ_uhi: Siete anjoa jihre. Cohamac_u suaro, siete tahari masare buhiri dahre batoaro taro nihre. ã jia tina siete anjoa sehe buhiri dahre dutiro to cūhtina jihre.

² Anjoare y_u ñ_uri baharo pjiri mare noano co sitiri ma yoaro sehe jiri mare ñ_uhi. Tí ma pichaca mehne jiri ma jihre. ã yoa n_uc_u macarirore to mas_u c_uh_ure y_uhd_urcainare ñ_uhi. Tina to wamare to númerore cj_uaeraina jihre. Tina y_u ñ_uch_u pjiri ma co sitiri ma d_uht_u cahai ducuhre. Tóti ducuina arpa wama tiare b_uap_utēare cj_uahre. Tí b_uap_utēa Cohamac_u to wari jihre. ³ ã jia Cohamac_ure dahra cohtariro Moise cj_uiro ya basaare c_unota basaa nihre tina. Cordero ya basaa c_uh_ure basaa nihre. Ò sehe ni basahre:

“Sã p_uhtoro m_uh_u Cohamac_u tua y_uhd_uariro jira.

M_u yoarire ñ_una ñ_u c_uaa wahaja sã.

M_u yoari noa y_uhd_uara.

M_uh_u jipihtia yahpari macaina bui p_uhtoro jira.

Noano mahñono marieno, quihōno yoarucura m_uh_u.

⁴ Jipihtina m_uh_ure wahche payoahca. Jipihtina m_uh_ure ‘Tuariro jira’, ni-ahca.

M_uh_u dihta ñaa marieriro jira.

Jipihtia yahpari macaina m_u cahap_u s_ua, na tuhcuca caha s_u, m_uh_ure wahche payoahca.

ãta yoaahca tina jipihtina noano m_u yoarire ñ_ua”, ni basaa nihre tina.

⁵ Baharo muanopu ñuroca mucu, Cohamacu wuhure pjõori wuhure ñuhi. Tói Cohamacu to ya tahtia waroi to dutia to joaa pjĩni tãa pjĩni ti wihbori pjĩni jihre. ⁶ Tí wuhure yu ñuchuta siete anjoa tí wuhu puhichapu jirina wijaa tahre. Tina Cohamacu to buhiri dahre dutiro to cũtina jihre. Tinape ti buhiri dahrehtire cjuhre tina siete anjoa. Noaa suhti, wete maria suhti, si sitea suhti tiina jihre. ã jia ti cutiro bui uru cahsaro mehne tuã dihorina jihre. ⁷ Tí wuhuru jirina ti wijaa tachu pititiaro soro bajuina mehne macariro tinare siete anjoare siete uru wahwarire wahre. Tí wahwari Cohamacu suaa to buhiri dahrehti mehne noano wahpaa wahwari jihre tí wahwari. Tiro Cohamacu ã jirucuriro jira. ⁸ To ã wachu Cohamacu wuhu puhichapu to si sitea mehne to tuaa mehne me ti sahsea wahahre. To ã me wuhu wahachu ne masa tí wuhure sãa masierare. Siete anjoare Cohamacu buhiri dahre dutiro to cũriro seheta masare ti buhiri dahre batoari baharo pari turi tí wuhuru sãa masina tjoa. To buhiri dahrehto pano sãa masierare.

16

Cohamacu masare to buhiri dahrehtore yahuha

¹ Baharo Cohamacu wuhui tuaro durucuro coa tahre. Siete anjoare yahuro nihre:

—Siete wahwarihi posa tiare yahpapu pio siteroca borona wahaga. Yahpa macainare Cohamacu to niriro seheta buhiri dahresiniga mipare — ni durucuro coa tahre.

² To ã nino coa tachu tuhoro ji muhtariro anjo to cjuari wahwai posa tiare yahpapu pio siteroca borohre. To ã pio sitechu nucu macariro wamare joa õrina, to masare ño payoina ñano camí tihre. Tí camí tuaro purĩhre tinare.

³ To ã pio siteri baharo paio anjo tjoa to cjuari wahwai posa tiare pio siteroca borohre tjoa pjiri mapu. To ã pio sitechuta tí ma dí ma wahahre.

Yariariro di yoaro sehe jihre tí di. ã wahachu tí ma puhichapu jiina yaria pihtia wahahre.

⁴ Puharo ti ã pio siteri baharo paio anjo tjoa to cjuari wahwai posa tiare pio siteroca borohre tjoa máripu, tí mári pohtaripu cũhure. To ã pio sitechu mári di mári dihta wahahre. ⁵ To ã wahachu ñuno paio anjo márire cohtariro õ sehe nihre:

—Cohamacu muhu ñaa marieriro jira. Mipu cũhure ã jirucuriro jira muhu. Panopu cũhure ã jirucua tíre muhu. ã jicu masa ti ñano yoachu ñucu quihõno tinare buhiri dahrehe muhu. Di márine yoacu noano yoahre muhu. ⁶ Nucu macariro yaina sehe mu yainare wajãa, di cohãchu yoahre. Mu yare yahuina cũhure wajãa, di cohãchu yoahre. Ti ã wajãri buhiri mári di mári wahahre. ã yoa tinare dire mu ã sihnichu yoachu noa nina. Õ seheta mu yoachu cahmahre tina — nihre márine cohtariro anjo.

⁷ To ã niri baharo altarpu durucuro coa tahre:

—ã tjira. Cohamacu sã puhtoro tua yuhduariro jira muhu. Mahõno marieno, quihõno masare bese, buhiri dahrera muhu —ni durucuro coa tahre.

⁸ Tiaro anjoa ti pio siteri baharo paio anjo to cjuari wahwai posa tiare pio siteroca borohre tjoa sũ dacho macariro bui. To ã pio sitechuta sãre masare tuaro sichu yoahre Cohamacu. ⁹ ã jiro sũ dacho macariro masare tuaro sihre. ã jia Cohamacu tinare to buhiri dahre dutichu masia, tirore ñano durucuhre masa. ã ñano yuhdupahta Cohamacure maca duaerare. Cohamacure “Tuariro jira”, ni wahche payo duaerare.

¹⁰ Pititiaro anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa nucu macariro to dujiro bui. Puhtoro dujiro jihre to dujiro. To ã pio siteri baharo nucu macariro to yaina ti jiri yahpapu nahitiano wahahre. ã jia to yaina masa ñano purĩchu bahca dihohe. ¹¹ Tinare

ñano purĩpachuta, ñano cami tipahta, ne ti ñaa yoarire cahyaerare. Ñ yoa tíre duhuerare. Ñ jia Cohamacu tinare to cami dahrechü masia tirore müano macarirore ñano durucuhre.

¹² Cã wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufrates wama tiri ma pjiri mapü. To ã pio sitechuta tí ma sihbi cahaa wahahre. Sũ mąja taro macaina puhto ti yaina masa mehne tí máre ti pahã tahto sehe ã yoahre.

¹³ Baharo tiaro watĩare taharo bucuña yoaro sehe bajuinare ñühi. Cũiro pinono puhichapü jiro to duseropü wijaa tahre. Pairo watĩno nücu macariro duseropü wijaa tahre. Pairo watĩno “Cohamacu yare yahuriro jija”, ni mahñoriro duseropü wijaa tahre. ¹⁴ Tina tiaro watĩa bajuamehneare yoaina jihre. Jipihtiro macaina puhtoare cahmachuchü yoahre tina cahma wajã dutia taa. Ti ã cahma wajãhti dacho Cohamacu tua yuhduariro jipihtinare to dutihti dacho, pihtihti dacho jira. ¹⁵ Õ sehe nihre Jesu: “Ñüga müsa. Yacariro wacüenoca to yacaro taro seheta yühü cühü wacüenoca taihtja. Yu tahtore noano cohtariro wahcheriro jirohca. To yare noano cahnoriro, to suhti säariro jira wahcheriro. Ñ yoariro jiro yu tachü buo tisi tiro suhti marieriro yoaro sehe jieraro”, nihre Jesu. ¹⁶ Baharo tiaro watĩa yahpari macaina bui puhtoare cahmachuchü yoahre tinare. Ti cahmachuno Hebreo ya dusero mehne “Armagedon” wama tihre.

¹⁷ Seis anjoa ti pio siteri baharo paio anjo tjoa to cjuari wahwai posa tiare me curuari cahapü pio siteroca borohre tjoa. To ã pio siteri baharo puhtoro dujiropü Cohamacu wühü jiri dujiropü tuaro durucuro coa tahre:

—Tó puro tjica —nino coa tahre.

¹⁸ To ã nichuta orocasite müa, wupo pja müa, soro jiro bisi müa, cuaro yahpa ñuhmihre. Ahri yahpai masa ti ji ducari baharo ne tó sehe ñaca

yahpa ñuhmiera tihre. Paye ñuhmia yuhdoro cuaro yahpa ñuhmihre. ¹⁹ Ñ to ñuhmichü pjiri macare tia maha yihti müaa wahahre. Ñ jia bujüa macari ahri yahpai jia macari boraa wahahre. Ñ jiro Babilonia wama tiri maca pjiri maca macainare wacühre Cohamacu tinare buhiri dahrero taro. Ti ñaare yoari buhiri tina mehne tuaro suahre. Ñ suaro tinare tuaro buhiri dahrehre. ²⁰ To ã yoachü jipihtia nücopo, täyucu cühü cohõ pihtia wahahre. Ñ jia ne mariahre. ²¹ Ñ yoa bujüa poca co poca yüsüa poca yahparü masa bui bora tahre. Jipihtia poca co poca cuarenta kilos nücu poca jihre. Tina bui ti ã bora tachü Cohamacu masare to tuaro buhiri dahrechü masia ñano durucuhre masa Cohacure.

17

Müa mehne ñano yoarucuricorore ñabiario yoaricorore buhiri dahre dutirohca

¹ Baharo siete wahwarire cjuaina anjoa mehne macariro yu cahapü wihiro õ sehe nihre yühüare:

—Ñühi taga. Payü mári bui dujiricorore müa mehne ñano yoarucuricorore ñabiario yoaricorore Cohamacu to buhiri dahrehtore ñühüca mühü. ² Ahri yahpa macaina puhto ticoro mehne ti ñano yoaboro seheta ticoro yoaro seheta yoare tina. Cohamacu ya sehere cahmaerare. Ahri yahpa macainare to cahachü yoaboro seheta tina mehne to ñano yoaboro seheta ticoro masare ñaare goa pjachü yoare. Ñ yoaro ñaare yoachü yoare masare —ni yahuhre anjo yühüare.

³ To ã niri baharo Espíritu Santo sehe to bajuamehneare yühüare ñohre. Anjo sehe masa marienopü naahre yühüare. Tóí numinore ñühi. Ticoro nücu macariro sohãriro bui pisaricoro jihre. Nücu macariro sehe to pjacüi payü wama ti joa õriro jihre. Tí wama ñaa wama Cohamacu to ñü yabia wama jihre. Ñ yoa siete dapu poca tiri, diez sahari tiriro jihre

nꝛꝛ macariro. ⁴ Tuhsꝛ, numino sehe noano yahsaa suhti pꝛhtoa ti sãa suhti sehe jiare sãaricoro jihre. Sohãa suhti cãhꝛe sãaricoro jihre. Payꝛ urure, wapa tia tãare, perla yapari cãhꝛe õa suhtire sãaricoro jihre ticoro. Uru wahware cꝛmahre ticoro. Tí wahwai posa tia ñaa to yoari jihre. Mꝛa mehne ñano yoaro pꝛjro ñano yoahre ticoro. Tí ñaare ñꝛ yabira Cohamacꝛ. ⁵ To wꝛhdꝛai to wama ti joa õricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pꝛjri maca Babilonia wama tiri maca jira. Jipihtia ñaa yoaare goa pjaare yoa dꝛcaricoro, Cohamacꝛe cahmaerachꝛ yoaricoro jira” ni, to wꝛhdꝛai ti joa õricoro jihre. ⁶ Æ jicꝛ ticoro payꝛ Cohamacꝛ yainare wajãricoro to jichꝛ masihi. Cahaare to wahchero seheta tinare wajãno ti di cohãchꝛ wahchehre ticoro. Jesu yare ti yahuri buhiri ticoro wajãhre tinare. Ticorore ñꝛꝛ, ñꝛ cꝛaa wahahi.

⁷ —¿Dohseacꝛ mꝛhꝛ ñꝛ cꝛaa waharide? —nihre anjo yꝛhꝛe—. Mꝛ masierarire mꝛhꝛe yahuihtja. Numinore mꝛhꝛe yahuihtja. To pisariro cãhꝛe yahuihtja. Tiro nꝛꝛ macariro, siete dapu poca tiriro, diez sahari tiriro jihre. ⁸ Tiro panopꝛ jiriro jire. Mipꝛe mariahna tiro. Baharo tiro cꝛãri copapꝛ jiriro wijaa tarohca. To ã wijaa tari baharo pichacapꝛ waharohca. Ahri yahpa macaina tirore ñꝛ cꝛa, ño payore tirore. Ahri yahpa to jihto pano Cohamacꝛ to yaina cꝛihtire ã jirucuhntinare ti wamare joa õa tiri jire. To joa õeraina jire nꝛꝛ macarirore ño payoina. Tiro sehe panopꝛ jia tiri jire. Mipꝛ sehere mariahna. Baharo pari turi bajuarohca tjoa. Æ jia to bajuachꝛ ñꝛa masa tirore ñꝛ cꝛaa wahaahca.

⁹ Mipꝛe yꝛ yahuitire masi duana, noano tꝛhonahca mꝛsa. Æ yoana noano masiina jiga. Nꝛꝛ macariro dapu poca siete dapu poca siete tãyucꝛ jira, mari piti dahre buhechꝛ. Tí tãyucꝛ bui pisara ticoro mꝛa

mehne ñano yoarucuricoro. Tí dapu poca siete pꝛhtoa yoaro sehe jira, mari piti dahre buhechꝛ. Payꝛ masa bui pꝛhtoa jira. ¹⁰ Cinco pꝛhtoare cohã tuhsꝛe. Pairo tina baharo jiriro pꝛhtoro jira mipꝛe. Pairo sehe baharo pꝛhtoro sãanohca. Æ sãano mahanocã pꝛhtoro jirohca tiro. ¹¹ Æ jiro nꝛꝛ macariro panopꝛ jipꝛ mꝛhtariro, mipꝛ marieriro tina siete pꝛhtoa baharo pꝛhtoro jirohca. Siete pꝛhtoa mehne macariro jira. Baharo pichacapꝛ waharohca.

¹² Nꝛꝛ macariro sahari diez sahari diez pꝛhtoa yoaro sehe jira mari piti dahre buhechꝛ. Payꝛ masa bui pꝛhtoa jira. Tina pꝛhtoa sãaerasinihre. Baharopꝛ pꝛhtoa sãa mahanocã pꝛhtoa jiahca. Yoari pja jipꝛ dutisi tinare. Æ pꝛhtoa jia nꝛꝛ macariro mehne pꝛhtoa jiahca. ¹³ Tina diez pꝛhtoa cãno potori tꝛhotuina jira. Tina nꝛꝛ macarirore ti ya yahpari macaina bui pꝛhtoro sãahca. ¹⁴ Æ jia Cordero mehne cahma wajãahca. Ti ã cahma wajãpachꝛta Cordero to beseina mehne tirore ne cohãeraina mehne tinare yꝛhdꝛꝛcaahca. Tiro jipihtina paina pꝛhtoa bui pꝛhtoro jira. Æ jiro tinare yꝛhdꝛꝛcarohca — ni yahuhre yꝛhꝛe anjo.

¹⁵ Ahrire yꝛhꝛe yahu namohre anjo:

—Mꝛa mehne ñano yoarucuricoro mári bui dujire. Tí mári ahri yoaro sehe jira mari piti dahre buhechꝛ: Yahpari macaina, payꝛ curuari macaina, payꝛ dꝛserire durucuina yoaro sehe jira tí mári. ¹⁶ Nꝛꝛ macariro, diez pꝛhtoa mehne mꝛa mehne ñano yoarucuricoro ñꝛ yabiahca. Tina diez pꝛhtoa nꝛꝛ macariro mehne ticoro yare ma pahño, suhti marienicoro cohãahca ticorore. Æ yoaa to pjacꝛe chꝛahca. Ti ã yoari baharo ticorore jꝛ pahñoahca. ¹⁷ Tina diez pꝛhtoa cãno potori tꝛhotua nꝛꝛ macarirore ti ya yahpari macaina bui pꝛhtoro sãahca. Tinare ã yoachꝛ yoare Cohamacꝛ, to cahmano seheta yoaro taro. Æ

jiro nꝛꝛꝛ macariro sehe pꝛꝛꝛto jirohca. Jipihtia Cohamacꝛꝛ panopꝛꝛ to yahuriro seheta to yoari baharo nꝛꝛꝛ macarirore cohānohca. ¹⁸Ticoro mꝛꝛꝛ ñaricoro mehne ò sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina pꝛꝛꝛto bui jira tí maca macaina –nihre anjo yꝛꝛꝛe.

18

Babilonia wama tiri maca to cohāri maca jira

¹ Baharo paio anjo mꝛꝛꝛꝛ du-jiarirore ñahi. Tiro pꝛꝛꝛto waro jihre. To si sitea jipihtiropꝛꝛ noano buhria sahsea wahahre. ² To ã du-jiri baharo ò sehe ni tuaro sañurucu yahuhre:

–Cohāri jihre. Babilonia wama tiri maca pjiri maca macainare cohāri jihre. Mipꝛꝛe watia, payꝛꝛ ñaina pjacꝛꝛ bajueraina cāhꝛꝛ tí macai jia nina. Ñaina baro wahiquina waina peri cāhꝛꝛ masa ti ñhꝛꝛ yabiina tí macai jia nina. ³ Jipihtia yahpari macaina tí maca macainare ñainare ñhꝛꝛ cūa, tina cāhꝛꝛ ñano yoare. ã yoa yahpari macaina bui pꝛꝛꝛto tí maca macaina numia mehne ñano yoare. Ticoro ã mꝛꝛꝛ mehne ñano yoarucuricoro jiro wapa tiare nuchꝛꝛa tire. Pjiro to ã nuchꝛꝛchꝛꝛ ahri yahpa macaina pache duaina pjiro wapatare –ni yahuhre anjo.

⁴ Baharo pari turi mꝛꝛꝛꝛ durucuro coa tahre. Ò sehe nihre:

–Yꝛꝛ yaina ahricoro mꝛꝛꝛ mehne ñano yoarucuricoro mehne jiena tjiga mꝛꝛꝛ. Ticoro mehne mꝛꝛꝛa jichꝛꝛ mꝛꝛꝛa cāhꝛꝛe buhiri dahrerohca. ã jina to ñano yoare ñhꝛꝛ cūena tjiga. ⁵ To ñano yoari payꝛꝛ jinocahna. To ñano yoarire pari tju mari duhu payo mꝛꝛꝛchꝛꝛ tí tju sehe mꝛꝛꝛꝛ wahã sanocabo. ã jia to ñano yoari payꝛꝛ jinocahna. ã jiro to ñano yoarire wacūna Cohamacꝛꝛ. ã wacūno ticorore buhiri dahre dutirohca. ⁶ Ticoro tuaro to buhiri dahrehticoro jijaro. Masare to ñano yoachꝛꝛ yoariro seheta ticoro cāhꝛꝛe ñano yꝛꝛꝛchꝛꝛ

yoajaro. Masare ã ñano to yoariro seheta tí yꝛꝛꝛdoro ticorore ñano buhiri dahrejaro. ⁷ Ticoro “Noaricoro jija”, ni tꝛꝛhotumare. ã ni tꝛꝛhoturo, wapa bujꝛꝛe pjiro cꝛꝛꝛe ticoro. To wapa bujꝛꝛe pjiro to cꝛꝛꝛo purota ticorore pjiro ñano yꝛꝛꝛchꝛꝛ yoajaro. Tó purota ticorore cahyachꝛꝛ yoajaro. To basi ò sehe ni tꝛꝛhotumana ticoro: “Òi pꝛꝛꝛtoꝛoꝛo yoaro sehe jiricoro du-jija. Wapewahyoro jieraja. ã jico ne ñano yꝛꝛꝛꝛsi yꝛꝛꝛ”, ni tꝛꝛhotumana ticoro. ⁸ ã ni tꝛꝛhoturicoro to jichꝛꝛ wacūenoca ticorore buhiri dahrehto jirohca. Ticoro dohati, yariainare yahco tii, jꝛꝛca barohca. Tuhsꝛꝛ, ticorore jꝛꝛ borohca. Mꝛꝛꝛa pꝛꝛꝛto Cohamacꝛꝛ ticorore buhiri dahre dutiro tu yꝛꝛꝛduariro jira. ã jiro tó seheta yꝛꝛ niriro seheta ticorore buhiri dahre dutirohca –nino coa tahre mꝛꝛꝛꝛ.

⁹ ã jia ticoro yoaro sehe jiri macare Babiloniare Cohamacꝛꝛ to buhiri dahreri baharo ahri yahpa macaina pꝛꝛꝛto tuaro cahya, tiiahca. Tí maca macaina mehne ñano yoaina jire. ã jia tí maca to jꝛꝛchꝛꝛ ñhꝛꝛa tiiahca tina. ¹⁰ To ã jꝛꝛchꝛꝛ ñhꝛꝛa tina pꝛꝛꝛto yoaropꝛꝛ ñꝛꝛocarucuahca, “Mari cāhꝛꝛe buhiri dahreri”, nia. Tó ñꝛꝛocarucua ò sehe niahca:

–Cue, pjacꝛꝛori maca jira, Babilonia. Sí maca pjiri maca tuari maca jimahre. Wacūenoca sí macare buhiri dahrehe –niahca tina.

¹¹ Jipihtiropꝛꝛ macaina pache duaina tí macare ñhꝛꝛa tuaro cahya tiiahca. Tí maca to pihtichꝛꝛ ñhꝛꝛa, tí pachere nuchꝛꝛina mariachꝛꝛ ñhꝛꝛa cahyaahca tina. ã jia tiiahca. ¹² Tí na tarire urure, platatare, wapa bujꝛꝛa tāare, perla wama tia poca cāhꝛꝛe nuchꝛꝛina mariahca. ã yoa paye tí na tari cꝛꝛire suhtí noaa suhtire, yahsaa suhtí pꝛꝛꝛto ti sãa suhtí yoaro sehe jia suhtire, seda wama tia suhtire, sohãa suhtire nuchꝛꝛina mariahca. ã yoa paye tí na tarire yucꝛꝛi me sitia yucꝛꝛire nuchꝛꝛina mariahca. ã yoa paye tí na tarire marfil wama tiro mehne tí yoarire,

wapa bujua yucuri mehne ti yoarire, bronze wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchaina ne mariahca. ¹³ Ñ yoa paye ti na tarire canela wama tiare ti chware coachu yoare, paye ti chware coachu yoare, inciensore, mirra wama tia me sitiare, paye me sitiare nuchaina mariahca. Ñ yoa paye ti na tarire vinore, chua wajaa sere, trigo pohcare noano ti suhaweri pohcare, trigo yaparire, wachware, corderoare, cawaloare, tunua buso cawaloa ti wajaa busore nuchaina mariahca. Dahra cohtainare nuchu tinare chuaina cuhu mariahca. Masa ti jipachuta tinare nuchaina jimahre. Mipure mariahca. Ñ jia cahyaahca pache duaina. ¹⁴ Ñ jia õ sehe niahca tina tí maca macaina cjirire:

—Ade, ñacaró wahajari. Jipihtia musa cahiri cjiri pihtia wahahre. Ñ yoa jipihtia noaa musa chuari cjiri pihtia wahahre. Ñ ti pihtia wahachu tíre pari turi bocasi musa —niahca pache duaina.

¹⁵ Tina tí macare pachere duaa, pjíro wapatamare. Ñ jia tina tí macare yoaropu ñurocarucuahca, “Mari cuhare buhiri dahreri”, nia. Ñ ñurocarucua tí macare tuaro cahya, tiiahca. ¹⁶ Ñ sehe niahca tí macare:

—Cue, pjacuoina jira sí maca pjiri maca noari maca macaina cjiri. Sí maca numino yoaro seheta noare chuahre. Numino sehe noaa suhtire, yahsa suhti puhto ti sãa suhti yoaro sehe jia suhtire, sohãa suhti cuhare sãahre. Ñ yoa uru, wapa bujua tãa, perla wama tia poca õa suhtire sãahre. ¹⁷ Ñ jia wacuenoca sí maca buti pihtia wahahre —niahca tí macare.

Ñ yoa jipihtina dohoa buso mehne tiniina, tí buso puu, ti muu, paina pjiri mapu dahra wapataina cuhu tí macare yoaropu ñurocarucuahca. ¹⁸ Tóí ñurocarucua tí macare to juchu ñna õ sehe ni sañurucuahca:

—Noaa macari sí maca yoaro sehe jia macari ne paye macari mariahna —ni sañurucuahca tina.

¹⁹ Ñ cahyaina jia ti dapu poca bui dihtare orẽ payoahca. Ñ jia tuaro yahco tiia õ sehe niahca:

—Cue, pjacuoina jira sí maca macaina cjiri. Noari maca jimare. Jipihtina dohoa buso chuaina pjiri mapu tiniina sí maca macaa pache mehne noano wapatamahi mari. Ñ yoa dóihta sí maca macaa buti pihtia wahahre —niahca buso macaina.

²⁰ Tí macare to cohachu ñna wahchega musa mano macaina. Cohamacu yaina, Jesu to cürina, to yare yahu muhtaina jipihtina musa wahchega. Tí maca macaina musare ñano yuhduchu yoare. Ti ñ yoari buhiri buhiri dahrehre Cohamacu. Ñ jina wahchega musa.

²¹ Ñ yoa tuariro anjo pjiria tácare arẽni soro puro jiria tácare na wahcõ, pjiri mapu doca ñohre. Ñ doca ñono õ sehe nihre:

—Ahria táca to bora ñojariro seheta pjiri maca Babilonia wama tiri maca tuaro boraro bisirohca. To ñ borari baharo tí macare pari turi ñusi masa. ²² Tí macare butia wahachu yoarohca. Ñ jia tí macai basaare musa basarucuriro sehe ne coa tasi. Arpa wama tiare musa buaputêrucuriro sehe, flauta wama tia pocare, corneta cuhare musa putirucuriro sehe pari turi tí macai coa tasi. Ñ yoa tí maca mariachu pari turi tí macai dahraina dahراس. Ñ yoa táca mehne musa soari cuhare tuhomahnosi. ²³ Ne tí maca to buhria coãriro sehe ne jisi. Ñ yoa wamomaca duhteina musa bose numure musa dahreriro sehe pari turi ne coa tasi. Tí maca macaina pache duaina nuchaina mehne paina yuhdoro chuahre musa. Ñ jina yaya wijõ wijina yoaro sehe yoana jipihtiro macainare mahñohre musa. Musa ñ yoarire ñna cuua, Cohamacu sehere cahmaerare masa —nihre tuariro anjo.

²⁴ Tí maca macaina Cohamacu yare yahu muhtainare paina to yaina

cāhure jipihtiro macainare wajāri jire.

19

¹ Babilonia to dohse wahahtore yu űari baharo muanopu payu masa sañurucua coa tahre yu tūhochu. Ő sehe ni sañurucuhre:

“Aleluya.

Cohamacure noano durucujihna.

Cohamacu marine yūhdūchu yoariro jira.

Tirore noano űo payojihna.

Tua yūhdūariro jira tiro.

² Mahñono marieno quihōno masare buhiri dahrera tiro.

Ñaricorore mūa mehne űano yoarucuricorore űu cūa jipihtiro macaina, ahri yahpa macaina űano yoahre.

Ticoro sehere buhiri dahrehre Cohamacu.

Ā jiro tirore dahra cohtainare ticoro to wajāri buhiri buhiri dahrehre tiro”,

ni sañurucua coa tahre.

³ Pari turi sañurucua coa tahre:

“Aleluya. Cohamacure noano durucujihna. Tí maca űari maca to jūri maca ā me tirucurohca”,

ni sañurucua coa tahre.

⁴ Ā yoa veinticuatro Jesu yaina pūhtoa, pititiaro soro bajuina mehne na tuhcuca caha su, Cohamacure to dujiroi dujirirore wahche payohre. Ő sehe ni wahche payohre tina: “Amén. Aleluya. Ā tjira. Cohamacure noano durucujihna”, nihre tina.

⁵ Baharo pūhtoro dujiropu ō sehe nino coa tahre:

“Mari pūhtoro Cohamacure wahche payoga.

Tirore dahra cohtaina, tirore űo payo-
oina, wiho jiina, pūhtoa cūhu
jipihtina mūsa tirore noano
durucuga”,

nino coa tahre.

*Cordero to wamomaca dūhtehti
nūmū bōse nūmūre yahuha Joāo*

⁶ Baharo payu masa ti durucuchu tūhohi. Pjiri poaye, wūpo mehne to bisiro coa taro seheta durucua coa tahre yu tūhochu:

“Aleluya.

Cohamacure noano durucujihna.

Tiro mari pūhtoro sehe pūhtoro sāa
tuhsure.

Tua yūhdūariro jira tiro.

⁷⁻⁸ Cordero to wamomaca dūhtehti
pja jira mipure.

To wamomaca dūhtehticoro noano ti
cahno tuhsuricoropu jira.

Ticorore noari suhtiro wete marieni
suhtirore wahre.

Tí suhtiro Cohamacu yaina noaare ti
yoari yoaro sehe jira, mari piti
dahre buhechu.

Ā jina ti wamomaca dūhtehti pja to
jichu wahchejihna mari.

Cohamacure “Tua yūhdūariro jira”, ni-
jihna”,

ni durucua coa tahre.

⁹ Tí ā niri baharo anjo ō sehe nihre
yūhure:

—Ahrire joa naga: “Cordero to
wamomaca dūhteri nūmū bōse
nūmūre to pjirocarina wahcheina
jira”, ni joa naga —nihre anjo yūhure.

Ā ninota ō sehe ni namohre:

—Potocā tjira ahri yu yahuri.
Cohamacu ya durucua jira —ni
namohre yūhure.

¹⁰ To ā nichu tūhocata tiro panoi na
tuhcuca caha su, tirore űo payoi tai
nimahi. Yu ā yoai cahachu waro ō
sehe nihre tiro yūhure:

—Tíre yoai tjiga. Mū yoaro se-
heta yūhu cūhu Cohamacure dahra
cohtarirota jija. Mū coyea Jesu yaina
jipihtina to ya buheare duhueraina
yoaro sehe yūhu cūhu Cohamacure
dahra cohtarirota jija. Ā jicu Co-
hamacure na tuhcuca caha su, tiro se-
here űo payoga —nihre anjo yūhure.

Cohamacu yare yahu mūhtaina
cjiri panopu macaina Espíritu Santo
to yoadohoro mehne Jesu ya bu-
heareta yahuyua tiri jire.

*Cawalo yehseriro bui pisarirore
yahuha Joāo*

¹¹ Baharo mūano parī mūa wa-
hachu űuhi. Tóí cawalo yehseriro
jihre. Tiro bui pisariro ō sehe wama
tihre: To niriro seheta yoariro potocā
yoariro wama tihre tiro. Quihōno

masare ñaina, noainare bese, tirore ñu tuhtiina mehne cahma wajãna. ¹² To capari picha pohna yoaro sehe jihre. ã yoa to dapui payu puhtoia pisaa sorori jihre. ã jiro to pjacui wama joa õriro jihre. Tí wamare tiro dihta masihre. Paina masierare. ¹³ To sãari suhtiro yoari suhtiro di wahãri suhtiro jihre. Tiro õ sehe wama tihre: Cohamacu ya duserore yahuriro wama tihre tiro. ¹⁴ ã jia to yaina surara mmano macaina tiro baharo wahare. Yehseina cawaloa bui pisaina noano yehsea suhtire, wete mariea suhtire sãaina jihre. ¹⁵ To duseroi ñosari pjine siori pjine cuhcũhre. Tí pjĩ yahpari macainare to yuhdurucahti pjĩ jihre. ã jiro to tuaa mehne to dutichu ne cãiro tirore yuhdurucaro bihosi. Cohamacu tua yuhdururo payu yahpari macaina mehne sua yuhdura. To ã suachu cawalo bui pisariro tinare tuaro buhiri dahrerohca. ¹⁶ To suhtiroi, to ñuchucu cãhure ahri wamare joa õri jihre: “Jipihtina paina puhtoia bui puhtoro”, ni joa õri jihre.

¹⁷ Baharo sã siori ducurirore anjore ñuhi. Jipihtina mnanopu wainare yuca perire sañurucu mnehre tiro. Õ sehe ni tuaro sañurucu mnehre:

—Cahmachuna taga. Cohamacu to bese namui chuna taga. ¹⁸ Payu yahpari macaina bui puhtoare, surara puhtoare, surara perire, cawaloare, tina bui pisainare, jipihtina paina masare, dahra cohtainare, dahra cohtaina jierainare, paina puhtoare, wiho jĩnare tina jipihtina ti pjacuri cjirire chuna taga —nihre anjo yucaare.

¹⁹ Baharo nucu macarirore, ahri yahpa macaina bui puhtoia ti surara peri cãhure ñuhi. Tina cahmachuhre cawalo bui pisariro mehne to yaina surara peri mehne cahma wajãna taa. ²⁰ Ti ã cahma wajãchu cawalo bui pisariro nucu macarirore peresu yoahre. Pairo “Cohamacu yare yahu muhtariro jija”, ni mahñoriro cãhure peresu yoahre. Tiro mahñoriro sehe nucu macariro to ñurocaroi

bajuamehneare yoariro jihre. To bajuamehnea mehne nucu macariro to wamare wahãinare to masure ño payoinare mahñohre “Ahri Cohamacu ya jira”, nino. Tina puarore to peresu yoari baharo tinare catiinareta pichacapu cohãhre. Tí pichaca pjiri ma puro jiri pichaca pjiri pichaca azufre mehne jãri pichaca jihre. ²¹ ã jiro dũhsainare ti surara peri cjirire ñosari pjĩ mehne to duseroi jiri pjĩ mehne wajãhre cawalo bui pisariro sehe. ã to wajãri baharo yuca periti pjacuri cjirire chu, yapi yuhdura wahahre.

20

Mil cãmari waro Cristo to yaina mehne masare dutirohca

¹ Baharo paio anjo mnanopu to dujia tachu ñuhi. Cãari copa macari sawire, pjiri da, comaa da cãhure cjãhre tiro. ² ã duji wihiro pinonore ñahahre tiro. Tiro pinono panopu pinono sehe pjacu tiriro jiro, watino Satana wama tiriro jihre. Tirore ñahano tirore dũtehre mil cãmari waro peresu yoaro taro. ³ ã dũte tuhsu, cãari copapu cohãhre tirore jipihtia yahpari macainare mil cãmari waro to mahñoerahto sehe. ã cohã tuhsuro tí copare biha, wihtã ñahanocahre. ã jiro mil cãmari baharo pari turi mahaa dachoricã tirore wiosininohca.

⁴ Baharo puhtoia dujiare ñuhi. Tí dujiai dujiina cãhure ñuhi. Tinare masa bui dutihtinare cũhre Cristo. Paina cãhure ñuhi. Tina sehe Jesu yare Cohamacu yare ti yahuri buhiri ti dapu pocare date cohãrina cjiri jihre. Nucu macarirore to masu cãhure ne na tuhcuca caha su ño payoerare. ã yoa ti wuhdura pocare ti wamomacari cãhure to wamare joa õ dutierare tina. ã jia paina tinare ti wajãri baharo masaa wahahre tjoa. Masahre tina mil cãmari waro Cristo mehne puhtoia jia taa.

⁵ Paina Cristo yaina yariaina cjiri sehe masaerasinire. Ti wajãrina ti masari baharo mil cãmari puhtoia

ti jiri baharo paina cūh_u masaa wahaahca. ã jia ti wajārina cjiri Cristo yaina to baharo masa mūhtaina jihre. ⁶To maso mūhtaina sehe tuaro wahcheina jiahca. Ñaa marieina jiahca tina. ã jia pichacap_u wahasi tina. Masa pichacap_u waha, pari turi ti yariaro sehe wahara. ã jia tina to maso mūhtaina pichacap_u wahaerara. Tina yaria masa mūhtaina sacerdotea jiahca, Cohamac_ure, Cristo cūh_ure ño payoa taa. ã jia mil cūhmari wāro Cristo mehne masa bui pūhtoa jiahca.

⁷Mil cūhmari baharo Satanare peresui jirirore wiorohca. ⁸To ã wiori baharo ahri yahpa macainare mahñono waharohca tiro. Gog wama tiinare, Magog wama tiina cūh_ure mahñono waharohca. ã jia tina to mahñoare tūhoa, ti surara perire cahmachuahca cahma wajāa taa. Tina surara peri pay_u jiahca. Pjiri ma macaa pad_u pohcaricā pay_u ti jiro seheta pay_u surara jiahca. ⁹Tina ahri yahpar_ure waha sitea, Cohamac_u yaina ti jiri macare Cohamac_u to cahīri macare soroa wahaahca. Ti ã soroari baharo Cohamac_u tinare mūano macari pichaca mehne jāroca bororohca. ¹⁰ã wahari baharo watīnore tinare mahñorirore pichacap_u cohānohca. Tí pichaca pjiri ma puro jiri pichaca azufre mehne jāri pichaca jira. Tóru n_uc_u macarirore “Cohamac_u yare yahu mūhtariro jija”, ni mahñorirore cohā tuhs_uhre. Tóti ti jich_u dacho, ñamir_u cūh_ure ã ñano purīrucurohca tinare.

Cohamac_u masare buhiri dahre ba-toara

¹¹Baharo pjíro pūhtoro to dujirore noano yehserore ñ_uhi. Tí dujiro bui dujiriro cūh_ure ñ_uhi. Tóti to dujich_u, ahri yahpa macaa cūh_u mūano macaa cūh_u pihtia wahahre. ã pihtia waha pari turi ji namoerare. ¹²ã yoa pūhtoro panoi yariaina cjiri ti ducuch_u ñ_uhi. Tina wiho jiina, pūhtoa cjiri cūh_u jihre. Tóti ti ducuch_u joa ña tjurire pjōohre. Tí tjuri masa

ti yoarire ti joa ña tjuri jihre. ã jiro beseriro tí tjurire ñ_u tuhs_u ti yoarire masihre. Tíre masino yariainare beshre ñaina, noainare. Baharo pa tju cūh_ure pjōohre. Tí tju Cohamac_u mehne ã jirucuhtinare ti wamare joa ñri tju jihre. ¹³Baharo pjiri map_u yaria miniina, diap_u ti cohārina cūh_u wahcā mūjaa wahahre. ã yoa yahpa puhichap_u jiina, yariaina ti jiro p_u jiina cūh_u mūjaa wahahre. Ti ã mūja s_uch_u tóti dujiriro ti yoarire masi pahñono, tinare beshre ñaina, noainare. ¹⁴Baharo yariarore, yariaina ti jiro cūh_ure cohānocahre Cohamac_u pari turi mari yariaerahto sehe. Pichacap_u cohānocahre. Tí pichaca pjiri ma puro jiri pichaca pjiri pichaca jihre. Pichacap_u wahaina sehe pari turi yariaina seheta wahara. ¹⁵ã jiro ã jirucuhtina ti wamare Cohamac_u to joa ñri tjui jipih_utina ti wamare joa ñmahnoeraina sehere pichacap_u cohāhre tiro.

21

Mūano, yahpa cūh_ure wahmaare cohtotarohca Cohamac_u

¹Baharo mūano, ahri yahpa cūh_ure wahmaare to cohtotarire ñ_uhi. Mūanop_u ji mūhtari, yahpar_u ji mūhtari, pjiri map_u ji mūhtari cūh_u pihtia wahahre. Mariahre.

²ã yoa y_uh_u João noari macare, wahma macare Jerusalēne ñ_uhi. Tí maca mūanop_u Cohamac_u cahap_u to duji tach_u ñ_uhi. Wamomaca dūhtehticorore noaa suhti mehne wahma s_uora wamomaca dūhtehtirore wahchech_u yoaro taro. Tó seheta tí macare cahnoyure Cohamac_u, to yainare wahchech_u yoaro taro. ³Tíre y_u ñ_uri baharo pūhtoro dujirop_u to sañurucuro coa tach_u tūhohi:

—Ñuga. Mip_ure masa watoi jiro nina Cohamac_u. Tina mehne jirohca tiro. ã jia to yaina jiahca tina. ã yoa Cohamac_u to basi tina mehne macariro jiro, ti yairo Cohamac_u jirohca. ⁴ã jiro ã wahcherucuch_u yoarohca tiro tinare. ã jia pari turi cahyasi

tina. ã jia ne pari turi yariasi tina. Ne ñano yajeripohna tia, yahco tia, purĩa cãhũ mariahca tinare. Ahri jipihtia panopũ macaa cjiri pihtia wahaahca –ni sañurucuro coa tahre.

⁵ Baharo pũhtoro dujiropũ dujiriro õ sehe nihre:

–Ñũga. Jipihtiare wahma cohtotachũ yoaihca –nihre.

To ã niri baharo yũhũre õ sehe nihre tjoa:

–Ahri yũ niare joa naga. Yũ nia potocã tjira. ã jiro yũ niriro seheta ã waharohca. ã jicũ yũ niare joa naga –nihre yũhũre.

⁶ Baharo õ sehe nihre tjoa yũhũre:

–Tó puro tjica. Yũhũ jipihtiare bajuamehneriro jija. ã yoa jipihtiare pihtichũ yoah tiro jija tjoa. Ñahma yapioina tuaro ti core cahmano seheta yũ cahapũ waha duaina Jesure cahmaahca. ã jia Jesure yũhtiahca. Tiro catichũ yoaa co yoaro sehe jira. Tirore cahmainare wapa cahmano marieno yũhũ mehne ã jirucuchũ yoaihtja tinare. ⁷ Jipihtina yũhũre wacũ tua duhuerainare õ sehe yoaihtja: Ti yairo Cohamacũ jiihtja. ã jia tina sehe yũ pohna jahca. ⁸ Wiho mejeta cuia yũ yare duhuina, yũhũre cahmaeraina, ñabiaare yoaina, masare wajãina, numia mehne ñano yoaina, mũa mehne ñano yoaa numia, yaya, “Cohamacũ jira”, ti nia masurine ño payoina, jipihtina mahñoina pichacapũ wahaahca. Tói pjiri ma puro jiri pichaca pjiri pichaca azufre mehne jãno nina. Tórupũ wahaina pari turi ti yariaro sehe waha nina –nihre yũhũre.

Wahma maca Jerusalêne yahuha

⁹ Baharo cãiro anjo yũ cahapũ wihire. Tiro siete wahwari cjũaina, to buhiri dahre dutiro to cũina anjoa mehne macariro jihre. ã wihiro, õ sehe nihre yũhũre:

–Ñũi taga. Cordero to wamomaca dũhtericore ñoihca mũhũre –nihre anjo yũhũre.

¹⁰ To ã nini baharo Espiritu Santo yũhũre Cohamacũ ya macare ñohre.

Õ sehe bajuro ñohre yũhũre: Mũadu tãcũ buipũ yũhũre na mũjahre. Tórupũ Jerusalêne Cohamacũ ya macare noari macare ñohre yũhũre. Cohamacũ cahapũ mũanopũ jiri maca duji taro nihre ahri yahpapũ. ¹¹ Cohamacũ to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. ã yoa vidro yoaro sehe noano co sitiri maca jihre tí maca. ¹² Pjiri sahrĩno mũari sahrĩno ti sahrĩ sãari maca jihre tí maca. Doce sopacari tihre tí sahrĩno. Tí sopacaripe cohtahre anjoa. Tí maca macaa sopa pahmaripũ Israe masa curuari doce curuaripe ti wama wahãhre. ¹³ Sũ mũja taro sehe tí sahrĩno cjũahre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cãhũre tia sopaca jihre. Jipihtiro doce sopacari waro cjũahre tí sahrĩno. ¹⁴ Tí sahrĩno doce tãa bui pisahre. Tí tãape Cordero to cũrina doce to cũrina sã cãina wama wahãhre.

¹⁵ ã yoa anjo yũhũre yahuriro quihõdũ uru mehne ti yoadũre cjũahre. Tí macare, tí maca macaa sopacarire, sahrĩno cãhũre quihõno taro nihre. ¹⁶ Tí maca to yoaro purota sahre. Mũano cãhũ tó purota mũahre. ã yoa anjo to quihõdũ mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota mũari maca jihre. ¹⁷ ã jiro tí maca macari sahrĩnore quihõhre anjo. Sesenta y cinco metros mũari sahrĩno jihre. Masa mari quihõno seheta quihõno nihre tiro anjo.

¹⁸ Tí sahrĩno diamante wama tia tãa mehne to yoari sahrĩno jihre. ã yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. ¹⁹ Tí sahrĩno docai jia tãare payũ soro jia wapa tia tãa wahãhre. Tí tãa sahrĩnoi pisaa tãa doce tãa jihre. Ji mũhtaria tãcare diamante wama tia tãa wahãhre. To baharo jiria tãcare zafiro wama tia tãa wahãhre. Pũaria

baharo jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre. ²⁰ Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahãbatoahre. ²¹ ã yoa doce sopa pahmari doce perla mehne to yoaa pahmari jihre. Tí pahmaripe cũ yapa perla yapa mehne to yoaa pahmari jihre. ã jiro tí maca macari maha uru mehne to yoari maha jihre. Tí uru wete marieni uru jihre. ã jiro vidro yoaro sehe noano co sitiri maha jihre tí maha.

²² Tí macai Cohamacũ wãhũre ñerahi. Mariahre. Tí macai jipihitirore mari pãhtoro Cohamacũ tua yãhdũarirore, Cordero cãhũre ño payora masa. ã jiro tí maca jipihitiro Cohamacũ wãhũ yoaro sehe jihre. ²³ Tí macai Cohamacũ to si sitea noano buhriahre. Cordero cãhũ sihãria yoaro sehe buhriahre. ã jia sũ dacho macariro cãhũre ñami macariro cãhũre tói ti buhriachũ cahmaerare. ²⁴ ã yoa ahri yahpai ti buhria mehne jiahca jipihitiro macaina. ã jia jipihitia yahpari macaina pãhtoa tí macapũ noa yãhdũa ti cãaare na wihiahca. ²⁵ ã yoa dachore tí maca macaa sopacari pãõori sopacari jiahca. Tópũ ne ñami marianohca. ã jia ti sopacarire ne bihasi. ã susurucuahca. ²⁶ ã yoa jipihitia yahpari macaina noaare ti cãaare tí macapũ naa wihiahca. ²⁷ Ñaa sehere tí macapũ ne naa wihisi. Bũo tichũ yoaina, ñaare yoaina cãhũ tí macapũ ne wahasi. Mahñoina cãhũ wahasi. Cordero to joari tjui ti wama

wahãina dihta tí macapũ wahaahca. Tí tju to yãhdũachũ yoaina ti wamare to joa õri tju jira. Tí tjui ti wama wahãina ã jirucuahca.

22

¹ Baharo noari mare catichũ yoari mare ñohre yãhũre anjo. Tí ma noano co sitiri ma Cohamacũ, Cordero cãhũ ti dujiropũ tari ma jihre. ² ã yoa tí maca macari maha dacho macai buhũahre tí ma. Tí ma pũ buhũseheri dũhtũ cahai catichũ yoaa yucũ ducuhre. Tí yucũ sãripe dicha tihre. Cũ cãhmare doce tahari dicha tihre. ã yoa tí yucũ macaa pũri mehne noano co tiahca jipihitia yahpari macaina. ³ Tí macare ne ñaa marianohca. Tí macai Cohamacũ to dujiro jirohca. Cordero to dujiro cãhũ jirohca tói. ã jia jipihitina masa tói jiina tinare dahra cohtaina tina pano na tuhcuca caha sũ, tinare wahche payoahca. ã jiro tói ñaa marianohca. ⁴ Tina Cohamacũre ñũ piti boca dujiahca. ã yoa ti wãhdũa pocai to wama wahãina jiahca. ⁵ Tópũre ñami marianohca. ã jia sihãa pocare cahmasi tói jiina. Sũ to buhriachũ cãhũre cahmasi. Mari pãhtoro Cohamacũ to buhriaro jirohca. ã jia tí macai jiina pa sehe macaina bui pãhtoa ã jirucuahca.

Jesucristo ahri yahpapũ to tjua tahto mahanocã dũhsara

⁶ Baharo anjo yãhũre õ sehe nihre:

—Jipihitia ahri ti yahuri cjiri potocã tjira. ã jia ti niriro seheta waharohca. Mari pãhtoro Cohamacũ to yare yahu mũhtainare masichũ yoariro jira. Tiro sehe mipũre to yairo anjore warocahre tirore dahra cohtainare masichũ yoaro taro. Baharocã to dohse wahahtore masichũ yoaro taro to yairo anjore warocahre —nihre anjo yãhũre.

⁷ Jesu sehe õ sehe nihre:

—Tũhoga mũsa. Mahanocã dũhsara yũ tjua tahto. Ahri tju macaa yahware yãhdũũcaeraina wahcheina jiahca —nihre Jesu.

8 Yuhu João ahri jipihtiare yu joa narire tuhohi. ã yoa tíre ñuhi. ã jicu yu tuhori baharo, yu ñuri baharo yuhure ñoriro anjo panoi na tuhcuca caha samahi. Tirore ño payoi tai nimahi. 9 Yu ã yoachu ñuno õ sehe nihre yuhure:

—Tíre yoai tjiga. Mu jiro seheta jiriro yuhu cahu Cohamacure dahra cohtarirota jija. Mu coyea Cohamacu yare yahu muhtaina, jipihtina ahri tju macaa dutiare yoaina cahu ti jiro seheta yuhu cahu Cohamacure dahra cohtarirota jija. ã jicu Cohamacu panoi na tuhcuca caha su, tiro sehere ño payoga —nihre anjo yuhure.

10 ã yoa õ sehe ni yahu namohre yuhure:

—Ahri tju baharo to dohse wahtore yahura. To ã wahahto mahanocã duhsara. To ã mahanocã duhsachu ahri tju yahurire nuoi tjiga mahu. 11 Tí pja yu yahuri pjare ñaina sehe ã yoarucuwahnojaro ñaare. Ñaputiina cahu ñabiaro yoarucuwahnojaro. Noaina sehe noano yoarucujaro. ã yoaga ñaa marieina ã ñaa marieina jirucujaro tí pjare —nihre anjo yuhure.

12 Õ sehe nihre Jesu:

—Tuhoga musa. Mahanocã duhsara yu tjua tahto. Musare yu yainare yu wahtore na tai tai nija. ã jicu noaare musa yoari wapa musare noano yoaihtja. 13 Yuhu jipihtiare bajuamehneriro jija. ã yoa jipihtiare pihtichu yoahiro jija tjoa.

14 Jipihtina wete mariea suhtire sãaina ti jiro seheta ti ñaa yoari buhirire cosaweina tí macapu suahca. ã su, tí maca macaa yucu catiare waa yucu dichare chuahca. ã jia wahcheina jiahca tina. 15 Tí macapu sueraina sehe ahri jira: Ñabiaina, yaya, numia mehne ñano yoaina, mua mehne ñano yoaa numia, masare wajãina, “Cohamacu jira”, ti nia masurine ño payoina, mahño ji coaina, mahñoa payuina

cahu jira tí macapu sueraina —nihre Jesu.

16 ã yoa õ sehe ni yahu namohre Jesu:

—Yuhu, Jesu yu yairo anjore warocahi musare yu yainare ahri tju macaare yahui tai. Puhoro Davi panamino ji turiariro jija yuhu. Yuhu bohrea mua tachu mua taria noano si siteria ñahpichoca yoaro sehe jiriro jija —ni yahu namohre Jesu.

17 Espiritu Santo Jesure “Tjua taga”, nina. Jesu yaina to wamomaca duhtehticoro yoaro sehe jiina cahu “Tjua taga”, nina. Jipihtina ti “Tjua taga”, nirire tuhoina cahu “Tjua taga”, nijaro Jesure.

Ñahma yapioina core tuaro ti cahmano seheta Cohamacu cahapu waha duana Jesure tuaro cahmaga. Tiro catichu yoaa co yoaro sehe jira. Tirore cahmainare wapa cahmano marieno ã jirucuchu yoarohca Cohamacu.

18 Yuhu João, jipihtina ahri tju macaare Cohamacu yare tuhoreinare musare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacure yuhdurucaca nina. Ti ã yuhdurucachu ñuno jipihtia ahri tju to buhiri dahrehtore to yahuriro seheta cunohca tina cahu. ã jiro tó seheta tina cahu buhiri dahrerohca. 19 ã yoa ahri tju macaa yuhure yahu duhaina Cohamacure yuhdurucaina jira. Ti ã yuhdurucachu ñuno catichu yoaa yucu dichare tinaru chu dutisi. ã jia ã jirucusi tina. Tuhsu, to ya macapu noari macapu waha dutisi. Tí yucu, tí maca cahu ahri tju ti yahuripu jira.

20 Jipihtia ahri tju macaare yahuriro õ sehe nina:

—ã tjira. Mahanocã duhsara yahpapu yu tjua tahto —nina tiro.

ã tjia. Sã puhoro Jesu tjua taga.

21 Mari puhoro Jesu to cahia mehne jipihtina musa noano jiga.